

C. C. C.

~~105~~ 152

-8

Scriptures

<36631164140014



<36631164140014

Bayer. Staatsbibliothek

Auct. Lat. vet.
Coll.

C L A S S I C I
ROMANORVM SCRIPTORES

VOLVMEN VIII.

C L. C L A V D I A N I

QVAE EXSTANT

RECENSUIT PERPETVAQVE ADNOTATIONE

ILLVSTRAVIT


GEORGIVS LVDOVICVS KOENIG.

TOMVS PRIMVS.

GOTTINGAE

APVD HENRICVM DIETERICH.

1808.



CL.
C L A V D I A N I

QVAE EXSTANT

RECENSUIT PERPETVAQVE ADNOTATIONE

ILLVSTRAVIT

GEORGIUS LVDOVICVS KOENIG

SCHOLAE ERTINENSIS RECTOR.

TOMVS PRIMVS.

GOTTINGAE

APVD HENRICVM DIETERICH.

1808.

1 V A I O V A 2

THESE ARE THE

THESE ARE THE

PROLEGOMENA

IN

CL. CLAVDIANVM.

ANALYSIS OF THE

THEORY OF THE



PROLEGOMENA IN CL. CLAUDIANVM

in quibus de eius vita, carminum generibus eoque, quid in singulis praeslitum sit, de scribendi genere uniuerso, quo usus est, de fatis, quae nacta sunt carmina, iisque viris doctis, qui de illis edendis castigandis et explicandis bene meriti sunt, disputatur.

Fato accidit satis iniquo, vt virorum, quorum scriptis adhuc delectamur, vitam et fortunas plerumque ignoremus, quamquam, quemadmodum in iis, quos vel amore vel veneratione complectimur, omnia, quaecunque ad illos pertineant, non aliena a nobis ducimus scireque desideramus. Quid? quod cognitio temporis, quo vixerit aliquis scriptor, locorum, vbi sit versatus, disciplinae, qua a teneris imbutus, virorum, quorum familiaritate et consuetudine usus, vitae denique omnis priuatae et publicae, necessaria est ad recte de virtutibus eius et vitiis eorumque causis iudicandum. Quorum, si memoriae prodita non sunt, desiderio adfici solemus tanto vehementiore, quanto maior est utilitas, quae ex illorum cognitione capi potuisset.

Nec Claudianus communem fere scriptorum antiquorum sortem effugit; paucis tantum, quae patriam vitamque eius spectant, quaeque ipse scriptis suis passim intexuit, exceptis, reliqua omnia plane ignorantur. Quamquam fuerunt, qui de patria eius controuerham mouerent, constat tamen, non tam ex iphus, quam ex aliorum testimoniis, eum

Alexandriae natum atque educatum fuisse *a*). Quales parentes habuerit, nescimus *b*), a quibus tamen quicumque tandem illi fuerint, liberaliter est institutus. Nam, ut ex carminibus eius adparet, nulla fere res est, quae quidem ad humanitatem pertineat, quam ille scientia non sit complexus, mythorumque antiquitatis imprimis Romanae, diuersarumque rationum philosophicarum cognitio, ubique fere ostentata, declarat, eum et bonis magistris esse usum, et in ea ciuitate diu versatum, ubi literarum studia maxime vigerent.

Quando, quo aetatis anno et quonam fato in Italiam peruenerit, parum liquet, neque magis constat, qua ratione se Stilichonis tutelae commendarit, beneuolentiamque Serenae sibi comparauerit.

a) Hoc liquere aiunt ex XXXIX. 20, ubi Alexandrum M. conditorem patriae, et ex v. 56 sqq. et XLIII., 3, ubi Nilum suum vocat. Quum autem de illo priori carmine, utrum a nostro Claudiano profectum sit, nec ne, in utramque partem probabiliter possit disputari, nihil certi inde colligas. Accedit autem testimonium Sidonii Apollinaris carm. IX. 271 sqq. qui procul dubio Claudianum intelligit: *Non Pelusiaco satus Canopo, Qui ferruginei toros mariti Et Musa canit inferos superna;* et Suidae Κλαυδιανος, ἀλεξανδρεὺς, ἐποποιὸς νεώτερος, γέγονεν ἐπὶ τῶν χρόνων Ἀρκαδίου καὶ Ὀνορίου. Illorum commenta, qui Claudianum vel Florentinum vel Hispanum fecerunt, iamdudum sunt explosa. cf. Fabricii biblioth. lat. ed. Ernest. T. III. p. 192 sq.

b) Claverius suspicatur, patrem eius illum Claudianum fuisse, de quo Eunapius in Maximo pag. 67 extr. ἀδελφούς εἶχε γνησίους, οὓς ἐκάλυεν εἶναι πρότους αὐτὸς ᾧν, Κλαυδιανὸν τε τὸν καταλαβόντα τὴν Ἀλεξανδρείαν κακῇ παιδεύσαντα, καὶ Νυμφιδιανὸν, τὸν ἐν Σμύρνῃ περιφανῶς σοφιστεύσαντα. Etiam si ita se rem habere nullus praestiterim, tamen probabilius hoc mihi videtur, quam quod Geaenus colligi posse putat ex XXXIX. 55, agnatione adtigisse Claudianum Hadrianum Praefectum Praetorio, quum adhuc de inscriptione illius epistolae possit dubitari, neque ex verbis ipsis, etiam si ad illum virum epistola scripta sit, tuto id colligere queas.

Romae illum iam fuisse A. C. 394, inde facile colligitur, quod anno sequenti panegyricum in Probinum et Olybrium consules *c)* recitavit; quo in carmine quum liberalitatem Probi, patris illorum iuvenum, praecipue laudibus efferat, fieri potest, ut ipse quoque illam sit expertus, ab illoque viro Stilichoni traditus. Cuius viri quoniam in illo carmine, ubi de rebus gestis Theodosii M. sermo est, nulla mentio fit, quem alibi *d)* induxit profitemtem, se nihil sine illius opera gessisse, fortasse ante huius Imperatoris mortem, quae accidit A. C. 395, in Stilichonis tutelam non est receptus. Sed belli contra Eugenium poterat spectator esse, saltem ex propinquo, nam illum in castris quoque esse versatum, nullo modo potest probari. Post obitum autem Theodosii M. Mediolanum se contulisse atque in Stilichonis cohorte ab illo inde tempore fuisse videtur, quem virum, tunc principatum obtinentem in expeditionibus forsan secutus est. Ipse enim testatur in illa carminis prolusione, quo consulatus Stilichonis celebratur *e)*, se per quinquennium Roma abfuisse. Quum igitur Stilicho consul fuerit A. C. 400: sequitur, ut ille se Roma Mediolanum contulerit A. C. 395, quo anno, ut supra monuimus, Probinus et Olybrius consules fuerunt et Theodosius M. mortuus est. Honores quoque, quibus ornatus est, ostendunt, quam carus fuerit fautoribus suis. Fuit enim Tribunus et Notarius, ut ostendit tabula marmorea, in domo Pomponii Laeti inuenta, quam infra proponemus. Cuius autem generis Tribunus fuerit, haud facile dixeris; sed castra illum esse secutum, minime potest adfirmari *f)*.

c) cf. XLII. 13 sq.

d) VII. 144 sqq. XV. 190 sqq.

e) XXIII. 23 sq.

f) Saltem non ex XXXIX. 51 sq. ibi enim procul dubio de militia aulica sermo est, atque XVI. 5. nihil aliud dicere

In illud etiam quinquennium incidit iter Claudiani in Aegyptum nulla alia ratione forsan susceptum, quam ut puellam, quam iam ante cognitam amarat, literis Serenae ad parentes illius scriptis adiutus, in matrimonium duceret. Huius rei mentionem ipse facit XL, ubi Serenae matrimonii nomine et illustribus et diuitis gratias agit. Illas nuptias Alexandriae esse celebratas patet ex v. 35, quo tempore iam H. notius Mariam, Stilichonis et Serenae filiam, in matrimonium duxerat, atque, ut equidem coniicio, post bellum contra Gildonem circa finem anni C. 398. Mirum sane videri nequit, homines, tanta potentia indutos, poetae nostri rationibus tantopere consuluisse. Quid enim tyranno ex barbaris orto g), rerumque summam contra ius fasque sibi vindicanti, optatius contingere potuit, quam poeta aliquis insignis, qui res eius vel leuissimas tanta verborum magnificentia posset celebrare, omnibusque, quae minus placerent, hominumque voluntatem offenderent, honestatis, iustitiae et aequitatis speciem rhetoricis artibus induere. Nihil enim est, quemadmodum nostra quoque memoria usu venit, quod multitudini persuaderi nequeat, non tam res quam verba ponderanti, neque quidquam est tam foedum, quod non colore callidae orationis obductum possit nitescere. Natura etiam ita comparatum est, ut deleta omnis libertatis sensu, omnique generosioris animi impetu, in publicis malis homines, quae propullare, quum vires deficiant, non possint, libenter acquiescant, facileque patiantur, ut illis felicitatis species induatur, ne quando leuitatis ab-

videtur poeta, quam semper se in Stilichonis cohorte, itaque inter milites, esse versatum. cf. etiam XXX. 2 sq. et 8.

g) Erat nempe natione Vandalus. Vocatur apud Orosium VII. 38 *Vandalorum imbellis, auarac, perfidac et dolosac gentis genere editus*. cf. Claudian. XXI. 35 sqq.

iectissimae, qua huiusmodi ferenda et toleranda existiment, conscientia crucientur, aliorumque contentui exponantur. Illam igitur Stilichonis benevolentiam Claudianus carminibus sibi conciliauit, in quibus praeconem agit ingenii illius virtutum et rerum gestarum, ita ut adulationi penitus inseruiat, veritati que forsitan parum tribuat. Quae quidem non in eam sententiam disputata accipias, quasi omnia, quae laudibus effert, ingenio eius debeantur, neque quidquam in eius carminibus inuenias, quo uti possis ad historiam illorum temporum accuratius exponendam *h*). Etiam si enim in Honorii et Stilichonis gratiam omnia erant componenda, quae in panegyricis protulit: tamen, siquidem impudentiae et summae vanitatis crimen vel in laudando effugendum est, ne is, quem extollas, risui propinetur, fundo aliquo probabili destituta esse omnino non poterant, quae praedicanda suscepit. Atque hoc non tam valet in virtutibus celebrandis, in corporis pulchritudine et specie laudanda, quamquam etiam in his, quae fidem aliquam dictis facere possint, non omnino debent desiderari, quam in rebus gestis praedicandis, in quibus semper aliquid subesse debet, quod vere gestum inter omnes constet, etiam si id artibus rhetoricis ornatuque poetico faciem externam sit nactum a rei veritate abhorrentem. Res ipsas comminisci ne abiectissimus quidem adulator

h) Carmina XXI, XXII, XXIII, XXIV in consulatum Stilichonis scripta totam eius vitam omnesque res praeclare gestas continent, laudibusque eius solum sunt dicata. Praeterea autem neminem fere, ne Honorium quidem, laudibus celebrat Claudianus, quin Stilichonis memor sit ita, ut omnia illi tribuisse videatur. cf. VII. 144 sqq. VIII. 430, ubi felicitas temporum sub Honorio Stilichonis virtuti et moderationi receptum fertur. Vide praeterea X. 30 sqq. XV, 288 sqq. et 318 sqq. XVII. 161 sqq. Quin illum Theodosio M. praefert XXI. 144.

temere audet, quia vel ipsius magnopere interest, quum maxime blandiatur, ab adsentandi suspicione liberum videri, ne oratio ironiae speciem induat, sed in iis explicandis, augendis, deprimendis, exornandis et amplificandis consilio suo accommodate versari solet. Neque ei idcirco, quum nihil fere sit, de quo in utramque partem disputari nequeat, praesertim si eius, quod vel laudandum vel vituperandum susceperis, ratio pluribus accurate cognita non sit, manifestum vanitatis crimen potest intendi. Quapropter, carmina Claudiani, quamquam ad historiae fidem ea scripsisse existimandus non est, quandoquidem nemo sanus ei, qui vel praedicatoris vel vituperatoris vices tuendas susceperit, iniungere potest, ut sine studio et ira res commemoret: tamen in iis monumentis, ex quibus temporum ratio, qualis sub Theodosio M. eiusque filiis fuerit, possit constitui, vel grauissima sunt existimanda. Nec parua sane est utilitas, quae ex eorum lectione ad historiam illius aevi condendam possit redundare, modo intelligas ornatum poeticum detrahere fucumque oratorium abstergere, ut nuda veritas possit adparere. Quo rite facto nescio sane, cur Zosimo, Zonarae compilatoribus, ieiunisque annalium confarcinatoribus, et patribus ecclesiae ipsis, quibus ea tantum probari solebant, memoratuque digna videbantur, quae ipsorum superstitionibus essent accommodata, plus auctoritatis tribuatur, quam Claudiano. Vberior autem de fide Claudiani disputatio aliena est a nostro proposito, qui id agamus, ut constituatur, quemadmodum ille poetae vices defenderit; de illa autem omnino tacere noluimus propterea, ut non ignorarent iuvenes, poetam nostrum vel hoc nomine non plane esse negligendum. Ceterum carminibus in Stilichonem scriptis id adsecutus est Noster, ut illius auctoritate senatus Romanus ipsi statuam cum titulo in foro ponendam decreuerit, qui honor et

illis temporibus non vulgaris fuisse censendus est i).
Eadem facultate poetica multos praeterea sibi pro-

i) Status ipsa non amplius exstat, sed titulum eius in tabula marmorea, inuenta in domo Pomponii Laeti, fortuna serauit. Laeti fides in dubium vocata est a viro docto in *Giornale de' Letterati d'Italia* T. XII. p. 400. cf. *Mazoch. pag. 8. et Gruteri Inscript. pag. 391. 5.*

CL. CLAUDIANO. V. C. TRI
BUNO. ET. NOTARIO. INTER. CETERAS
VIGENTES. ARTES. PRAEGLORIOSISSIMO
POETARUM. LICET. AD. MEMORIAM. SEM
PITERNAM. CARMINA. AB. EODEM
SCRIPTA. SUFFICIENT. ADTAMEN
TESTIMONII. GRATIA. OB. IUDICII. SUI
FIDEM. DD. NN. ARCADIUS. ET. HONORIUS
FELICISSIMI. AC. DOCTISSIMI
IMPERATORES. SENATU. PETENTE
STATVAM. IN. FORO. DIVI. TRAIANI
ERIGI. COLLOCARIQ. IUSSE RUNT
ΕΙΝ ΕΝΙ ΒΙΡΤΙΑΙΟΙΟ ΝΟΟΝ
ΚΑΙ ΜΟΥΚΑΝ ΟΜΗΡΟΥ
ΚΛΑΤΑΙΑΝΟΝ ΡΩΜΗ ΚΑΙ
ΒΑΚΙΑΕΙC ΕΘΕΚΑΝ.

De hac inscriptione Heinſius in fine praefationis ed. ſec. ita loquitur: *Inſcriptionem antiquam ab Arcadio et Honorio Impp. Augg. Claudiani meritis in foro Traiano olim dedicatam, ibidemque ante annos propemodum ducentos erutam, quae imagini eius aeneae, cuius ipſe meminit in poematis, ſubiecta videtur fuiſſe. — nos coram in Farneſianis aedibus — Romae inſpeximus, rudi atque impolito literarum ductu, tabula marmorea oblonga, nullis admotis diſtinctionibus, nullo ornatu adhibito expreſſam, mutilam adhaec nonnihil adeo quidem, ut duas aut tres prioras literas verſuum trium priorum liqueret intercidiſſe, nec manifeſtum ſatis eſſet, quid pro VIGENTES, aut quod alii praetulerunt, INGENTES. ARTES. legi oporteret: cum eius vocabuli literae priorae truncato marmore peruiſſent, tertiae literae dimidiatae pars inferior etiamnum ſupereſſet, quae C potius literae, quam G veſtigium manifeſte prae ſe ferret: ut perſuaſum habeam, DECENTES ARTES exaratum fuiſſe. Pro DOCTISSIMI IMPERATO-RES, a manu prima illic GLORIOSISSIMI vocabulum ex-*

ceres deuinxit, vt Probinum et Olybrium iuuenes, Mallium Theodorum, Gennadium, quos etiam in epistolis satis familiariter tractat k). De iis, quae post Stilichonis caedem, interfectus autem est A. C. 408, Claudiano acciderint, nihil omnino memoriae est proditum l). Alia quaestio eruditos exercuit,

stiterat, sed erasum postea sic vt primam eius syllabam GLO non penitus aboleuisset sculptor. Haec plus satis operose, vt antiquariorum curiositati satisfaceret. Meminit autem huius rei Claudianus ipse XXV. 7 sq. Ex quo loco quidam perperam collegerunt, poetam Patricium esse factum. Sed recte Gesnerus patricium honorem eum intelligit, qui a patribus i. e. a senatu habitus est. Sic XXIV. 50. patricius, i. e. senatus fauor, opponitur votis plebeiis.

k) XLI, XLII, XLIII.

l) Claudianum Hadriani Praefecti Praetorio, apud quem ante fuisset in gratia, dicacitate sua inimicitias prouocasse, vulgo perhibent ex epistola ad illum scripta v. LIX. Quare id factum sit, non facile ex poetae verbis colligas: *Me dolor incautus, me lubrica duxerit aetas, Me tumor impulerit, me deuus egerit error.* Nonnulli, inter quos etiam Gesnerus est, existimant, Hadrianum exacerbatum fuisse epigrammate LXXIV, in quo illius rapacitas et Mallii defidia perstringitur. Quamquam dicacitas commune Alexandrinorum vitium fuit, cuius etiam a Claudiano specimina passim sunt edita, contendere tamen possum, multa occurrere in illa epistola, quae probare videantur, illius auctorem Nostrum non fuisse. Primum enim adparet, scriptorem Alexandriae vixisse et iuuenili fuisse aetate (v. 7. et 57.) et aliqua re offensus (v. 6.) et munere publico functum; memorantur enim (v. 50.) cingula militiae siue aulicae illa fuerint siue armatae. Verisimile autem non est, Claudianum, antequam in Italiam est profectus, publicum aliquod munus obtinuisse. Neque res illa accidere potuit Stilichone viuo, quum quia poeta noster in illius potentissimi viri tutela erat, tum quia Aegyptus erat prouincia imperii orientalis, cuius munus aliquod is videtur obtinuisse, qui in illa epistola iram deprecari studet, neque post Stilichonis mortem, quo tempore Claudianus *ardore* saltem *iuuenili* impelli non poterat ad procerem aliquem violandum, nisi dicas, factum hoc esse Stilichone adhuc viuo, et Hadria-

utrum Claudianus sacris Christianis initiatus fuerit, nec ne. Probabile quidem videtur, quum Imperatores cum proceribus plurium deorum cultu abdicatione ad puriorem religionem se transtulissent, iamque sacerdotum instinctu veteres ceremonias, quibus ante fuerant addicti, partim circumscribendas partim tollendas curarent, etiam poetam in retinendis ritibus pristinis non fuisse peruiacem, sed lubenti animo ad noua sacra se contulisse, ut gratiam Impe-

num iram suam distulisse in commodum tempus. Deinde inscriptio huius carminis MSS. consensu non probatur, nam in quibusdam legitur: Cl. Claudiani *Satisfactio pro se apud Stilichonem*. Quae quidem, etiam si genuina esse non potest, sed monachi cuiusdam stupori debetur, hoc tamen declarat, neque illam descriptionem, quam Heinsius post Claverium vnice veram esse existimat, antiquam esse et ab auctore profectam, alioquin ab hac librarii aberrare non potuissent. Quid? quod epigr. LXXX, quod inscribitur *de Theodoro et Hadriano*, et in quo illius delidia huiusque arpacitas acerbè perstringitur, librarios induxisse videtur, ut illam epistolam ad Hadrianum, epigrammate offensum, scriptam esse existimarent. Sed et in hoc Hadriani nomen mihi suspectum est; cur enim auctor carminis, quum Malium nomine designasset, Hadrianum nomine, patriam tantum designante et ad omnes Alexandrinos pertinente, significaret? Cur *Pharius* nomen proprium esse non potest. Ieiuna sane illa est opinio, quam Barthius fouit, quamque post illum omnes fere adoptarunt, id ipsum esse epigramma, quo Hadriani ira in Claudianum sit prouacata. Ut enim fuerit crudelissimus, potestatemque habuerit in inimicos suos saeniendi, tamen in amicos et cognatos eius, a quo carmine malo laesus fuerit, ita grassari non potuit, ut alios tormentis necaret, alios in exilium pelleret (v. 24 sq.) neque crudelitatem cum dementia ita coniungere, ut, multatis tam crudeliter infontibus, auctori carminis parceret. Quae quum ita sint, praestat in dubio ea relinquere, quam ea proferre, quae sibi repugnant, omnemque probabilitatem excedere videntur. Vulgarem opinionem amplexus quoque est Gibbonus, Anglus illustris in libro doctissimo *Decline and fall of the Roman Empire*. Vers. Theodisca, quae Lipsiae prodiit T. VII. pag. 314 sqq.

ratoris et sacerdotum, qui iam tum magnos spiritus sumere coeperant, vel hoc nomine iniret. Sed Augustini *m)* et Orosii *n)* testimonia contrarium perhibent, quorum ille poetam nostrum a *Christi nomine alienum*, hic *gentilem peruiacissimum* nominat, atque in his acquiescendum esse censeo. Reliqua argumenta, quae Gesnerus ex carminibus ipsis *o)* ducit, leuissimi sunt momenti, aut potius nihil probant; etenim quid prohibeat, quominus vel sanctissimus poeta veterum loquendi formulis uti possit? Contra Christianae disciplinae adsecram Nostrum fuisse ex carminibus graecis disputare velle *p)*, quae sub eius nomine circumferuntur, nihil aliud est, quam litem lite dissoluere; prius enim est probandum, quod probari nequit, illa ingenio Claudiani debere. Sed satis iam de vita Claudiani disputatum est, videamus nunc, quali fuerit ingenio, quaeque scribendi eius ratio, quibus virtutibus illa inclaruerit, quae vitia notanda videantur.

Tenendum est igitur, Claudianum fuisse Alexandrinum, in ea vrbe natum, in qua etiam illis temporibus literarum studia vigeant, quibus sub Ptolemaeis per omnem terrarum orbem nobilis erat et clara. Ibi scholae geographorum, mathematicorum, astronomorum seu potius astrologorum philosophorumque discendi cupidis erant apertae, qui nisi omnino naturae et ingenii dotibus destituti essent, variis doctrinis et multiplici rerum cognitione animum poterant locupletare. Diu autem iam ante peruersus ille mos apud scholarum magistros reliquosque homines doctos inualuit, ut omnibus studiis a rerum actu et vera vita ad umbram et otium

m) De Ciuit. D. V. 16.

n) VII. 35.

o) III. 336 sqq. XVIII. 210 et 314.

p) XCV. XCVI. et XCVII.

reuocatis, finem scribendi et orandi delectationem solam statuerent, illamque non in grauitate rerum et utilitate, sed in figmentis et exornatione oratoria collocarent. Praeterea vigeat in illa vrbe grammaticorum multitudo, qui operam suam in fabulis subtiliter explicandis ponebant, qui multa veterum lectione erant imbuti, ingeniumque illarum rerum peruestigatione acuerant. Ex his facile potest colligi qualis fuerit poetarum habitus. Ingenia exculta et elegantia non deerant, sed omnes fere inuentio- nis, quae summa poetices est, laude carebant, illaque simplicitate cum sublimitate coniuncta, quam tantopere in antiquioribus admiramur, erant destituti. Oratio eorum et nitida et tersa palaestram et oleum sapiebat, eamque commendare solebant ingenti doctrinae copia, magno mythorum et historiae antiquae studio et numeris versuum maxime exactis, omninoque naturali venustate repudiata artis illecebris placere cupiebant. In hac communi poetarum Alexandrinorum imagine a nobis adumbrata prima quasi lineamenta iam ducta sunt, ex quibus Claudiani ingenium scribendique genus, quod secutus est, cognosci possit, quippe qui similitudinem eius familiae, in qua natus est et educatus, in omnibus suis carminibus prae se ferat.

Adhuc inuenis in Graecorum scriptis versatus, quorum sermone etiam hactenus in carminibus faciendis vsus esse videtur *q*), nescio quo casu et quo anno Romam est delatus. Ibi Alexandrinum illud ingenium inuenit solum, in quo laetius potuit efflorescere. Iam pridem enim sermo latinus, ad rationem poetarum Alexandrinorum temperatus, a pristina simplicitate deflexerat, candoremque suum cum ipsa ciuium libertate amiserat. Non enim amplius patriae amor, frugalitati, grauitati atque constantiae in rebus grauissimis inserviebat, sed publi-

q) cf. XLII. 13 sq.

cus eius vsus in adulando erat positus, deprauato pulchri iudicio accommodatus, atque in rhetorum scholis auditoriisque recitantium troporum figurarumque multitudine, formularum subtilitatibus pronunciandique mollitia oneratus, obscuratus atque eneruatus. Omnia ad aurium voluptatem referebantur, et quo quis magis ostentationem ipsam ostenderet, eo maiori plausu excipiebatur eius oratio. Sed de his vberius alio loco disputauimus r).

Diu iam a rhetoribus erat receptum, vt veterum orationibus, praeclarissimis naturae atque ingenii fetibus, excussis non solum rerum inuentionem sed et compositionem omnemque elocutionem ad certas praeceptiunculas reuocarent, indeque artem efficerent, qua quis instructus orationes non illis quidem, ex quibus regulae erant deductae, pares, sed earum similitudines imitando expressas posset elaborare. In hac arte perficienda et locupletanda quo magis erant occupati, eo procliuior quidem via videbatur munita ad eloquentiae laudem etiam iis, quos aditum ad oratorum coetum natura paene negauerat, sed eo magis ingenia ipsa, quae libero cursu forsan summa adtigissent, praeceptiuncularum angustis circumscripta, dum locorum copia atque vbertate parata, remoto mentis in inueniendo et excogitando labore, vterentur, torpore quodam exarescebant. Idem fere in poetices studiis accidisse perquam est probabile, quum ea partem eloquentiae constituat, aut saltem cognatione arctissime eam adtingat. Quae tamen res suas habebat difficultates non facile superandas. Orationum enim natura ita comparata est, vt partium descriptio in omnibus fere sit eadem, et vt diuersitas, si qua est, a temporum, rerum, personarum et locorum

r) In praefatione ad Persii satiras et in libello *De satira Romana eiusque auctoribus praecipuis*, inscripto.

ratione facile possit repeti et ad certas regulas, easdemque paucas, reuocari. Carminum autem genera non solum infinita sed etiam natura sua tam diuersa sunt, vt, si singula quaedam excipias, compositio eorum ad praecepta deduci nequeat. Longe aliter autem se res habuit in ratione, qua res et sententiae poetarum more possint efferri, seu in dicendi genere et ornatu poetis proprio, quum ipse sermo, quem antiquissimi Romanorum poetae adhibuerant, posterisque adoptandum reliquerant, ex Graeco fonte fluxerit, et propterea imitandi consuetudo, antiquitatis auctoritate commendata, apud Romanos inueterauit. Ad eam igitur partis rhetoricae similitudinem, quae de enunciatione agit, acutiores magis quam ingeniosiores totam sermonis poetici rationem, omnes tropos, figuras, imagines ad certa genera et classes reuocare coeperunt, vt totum adparatum poeticum scientia complecti atque in promptu habere vnusquisque posset ad sententias quascunque poetica veste induendas. Ita se res habebat sub senioribus Imperatoribus, vbi, vt monumenta, quae aetatem ex illo aeuo tulere, satis abunde testantur, ex laceratorum et comminutorum carminum eius aetatis, quam vocant auream, fragmentis satis ridicule interdum comitis, noua carmina componebantur seu potius Musarum ludibria. Ex quibus ea, quae optima sunt, externam tantum carminum speciem induerunt, eorumque auctores id modo consecuti sunt, vt verbis sonantibus numeroque et concinnitate versuum auribus colligerent escas, quarum voluptas tamen mentis fastidio vel minuitur vel tollitur. In omni enim carmine, quod non impetu quodam et ardore mentis seu contemplatione seu cogitatione alicuius rei commotae fufum, sed frigida praeceptorum obseruatione consutum est, nulla viuida vis seu diuina quaedam aura lectores et auditores adflat, vt rebus praesentibus

quasi emoti arteque magica in nouas regiones delati aliam et inusitatam rerum formam sibi videantur adspicere, nouosque et insolitos animi motus sentire, quorum perceptione voluptatibus iucundissimis perfundantur, sed, dum aures vel maxime implentur, animus languet, eumque sudoris veltigia, quem anxia et operosa artis obseruatio exprescit, frigore feriunt. Magis etiam haec locum habent in inuentione et compositione, quae ad certa praecepta reuocari nequibat; quam si respicias, facili negotio poetas, quibus nascentibus Musae adriserint, ab illis possis dignoscere, qui furorem simulatum quibusuis rebus potius, quam fontium diuinorum haustibus debeant, etiamsi id quauis pagina vel verbis conceptis iurent.

Quum omnis poetices ratio apud Romanos in hunc statum esset delata, vt arte magis quam ingenio regeretur, natum est panegyricum genus carminum, non plane hactenus inauditum, sed specie aliqua, quam origini debuit, singulari nouum. Quod si enim naturam illorum carminum solam spectes, huc referri possunt omnia, in quibus laudes deorum vel heroum vel virorum illustrium celebrabantur non lyrica sed epica ratione, vt Callimachi hymni, vt Theocriti carmen ad Hieronem, Hieroclis filium, vltimum Siciliae tyrannum s). Fortasse

s) Idyll. XVI. A deorum, heroum, mortuorum insigni, dum in viuis essent, virtute conspicuorum laudationibus, quae simul cum poesi natae sunt, ad viuos etiam ornandos vel meritorum magnitudo, vel adulandi cupido, vel commodi alicuius expectatio poetas facile deducere potuit. Qui quum mature intellexissent, hominum animos carminibus maxime capi, eaque memoriae mandari, in otio et circulis repeti et filiis a patribus tradi solere: in animum sibi statim induxerunt, se esse immortalitatis arbitros, quam deinde haud paullo post pro quouis lucello habebant venalem. Communis videtur illorum exhortatio fuisse, quo vititur Theocritus l. c. 19 sqq.

etiam in recitationibus poetarum publicis, quae in ludis Apollini et Musis Alexandriae institutis fiebant, laudes Ptolemaeorum canebantur. Idem fere factum est Romae sub Augusto t). Illud autem genus, de quo nunc agimus, ortum videtur ex orationibus panegyricis, quibus primum consules suscepti eo die, quo munus adibant, in senatu solebant Imperatoribus gratias agere u), quod deinde etiam ab aliis et diuersis quidem temporibus esse frequentatum reperimus x). Exemplum oratorum, praemiis et honoribus ob hanc rem ab Imperatoribus ornatorum, secuti sunt poetae, omnemque artem suam ad res gestas illorum celebrandas contulerunt. Et cupide sane ingrediebantur viam, qua sola latranti stomacho possent succurrere; nam omnis laboris fructus, Musarum studiis insumti, iam Iuvenalis tempore plausus erat et fames y). Sed

μουσίων δὲ μάλιστα τῶν ἱερῶν ὑποθήτας,
 ὅφρα καὶ ἐν αἵματι κερυμμένος, ἐσθλὸς ἀκούσῃ,
 μηδ' ἀκλεῆς μύρηαι ἐπὶ ψυχροῦ Ἀχέροντος.

Notissima quoque est Simonidis seu historia seu fabula, Cic. de Orat. II. 86. cf. quae laudat Harles ad Theocrit. l. c. 36. et 44.

t) Hoc discimus ex Sueton. August. 89. *Componi tamen aliquid de se, nisi et serio et a praestantissimis, offende-
 batur; admonebatque praetores, ne paterentur nomen
 suum commissionibus (certaminibus oratoriis et poeticis),
 obsolescere.*

u) Quo ex genere Plinii panegyricus est. cf. Saleii Bassi
 carm. in Pison. 70 sq. Poet. lat. min. ed. Wernsd. T. IV. P. I.
 pag. 250. et Heyne in Commentatione priore, quae inscri-
 bitur Censura XII. Paneg. Veter.

x) Vt diebus Imperatorum natalibus. Paneg. Vet. I. 1. 4;
 et II. 1. 1.

y) Iuvenal. VII. 82 sqq.

*Curritur ad vocem iucundam et carmen amicae
 Thebaidos, laetam facit quum Statius urbem,
 Promisitque diem. tanta dulcedine captos*

quum non amplius nascerentur poetae, sed in rhetorum subselliis et grammaticorum scholis fingerentur, nemini potest mirabile videri, quod in huiusmodi carminum inuentione et dispositione rhetor ieiunus, in enunciatione et ornatu poeta frigidus agnoscat²⁾. Quo tempore hic mos percrebuerit, non facile dixeris; prima huius rei mentio, quod equidem sciam, sit sub imperio Pescennii Nigri et Alexandri Severi ^{a)}. Antiquiora autem exstant duo carmina, quae in hunc censum veniunt, alterum in Messalam, quod Tibullo perperam tribuitur, nec definiri potest, a quo et quo tempore

*Adficit ille animos, tantaque libidine vulgi
Auditur: sed, quum fregit subsellia versu,
Esurit, intactam Paridi nisi vendat Agaven.
Ille et militiae multis largitur honorem,
Semestri vatum digitos circumligat auro.
Quod non dant proceres, dabit histrio. —*

2) Originis, unde illa carmina nata sunt, plura occurrunt vestigia. E. g. exordio rhetorico aspicitur poeta III. 1 sqq. XXI. 1 — 24. a loco communi XVII. Transitu rhetorico utitur XXII. 1 sq. Declamationes frequentes inserit III. 196 sqq. V. 470 sqq. VIII. 104 sqq.

a) Aelius Lampridius in Alexandr. Sev. c. 35. *Oratores et poetas non sibi panegyricos dicentes, quod exemplo Nigri Pescennii stultum dicebat, sed aut orationes recitantes, aut facta veterum, quos ante retuli, libenter audiuit; libentius tamen, si quis ei recitauit Alexandri magni laudes, aut meliorum retro principum, aut magnorum urbis Romae virorum. Memorabilia sunt Pescennii Nigri verba, quae seruauit Ael. Spartianus in eius vita c. 11. Denique quum Imperatori facto quidam panegyricum recitare vellet, dixit ei: Scribe laudes Marii vel Hannibalis, vel alicuius ducis optime vita functi, et dic, quid ille fecerit, ut eum nos imitemur. Nam viuentes laudare irrisio est, maxime Imperatores, a quibus speratur, qui timentur, qui praestare publice possunt, qui possunt necare, qui proscribere; se autem viuum placere velle, mortuum etiam laudari.*

fit scriptum *b)*, alterum ad Pisonem, quod Lucani nomen falso prae se fert, et Saleio Ballo, qui sub Nerone et Imperatoribus sequentibus vixit, a Wernsdorfio adsignatur *c)*. Forma quidem illorum plane eadem est cum eo genere, de quo nunc quaerimus, sed missa sunt ad illos viros, non coram illis in coetu aliquo solenni recitata.

His praemissis accedere possumus ad id, quod nobis proposuimus, atque ostendere, quem locum inter poetas Claudianus obtineat, quod scribendi genus secutus sit, quae fuerint virtutes eius, quae vitia; de his enim omnibus nusquam, quod sciam, accurate disputatum est. Vt recte autem de poeta nostro et de eius facultate poetica iudicemus, necesse est, ut carminibus, quae ad nos peruenerunt, in sua genera descriptis, quemadmodum vnumquodque tractatum sit, quidque in singulis praestitum, dispiciamus. Scripsit autem et recitauit primum carmina panegyrica in *consulatum Proбини atque Olybrii*, in *consulatum Honorii tertium, quartum et sextum*, in *consulatum Fl. Mallii Theodori*, in *consulatum Stilichonis*, cui tria carmina impendit, quae quasi vnum constituunt. His adnumerari potest carmen *Laudes Serenae* continens. Sequitur alterum genus carminum, non tam forma quam materia a priori diuersum, in quo poeta ostendit, quantus in vituperando esset. Sunt autem carmina *vnum et alterum in Rufinum*, *vnum et alterum in Eutropium*. Illud, quod tertio loco ponimus, ab iis, quae praecedunt, disiunctum, complectitur duo carmina, alterum *de bello Gildonico*, alterum *de bello Getico* inscriptum. Quarto genere continentur duo epithalamia, alterum *de nuptiis Honorii et Mariae*, alterum *dictum Palladio et Celerinae* inscriptum. Omnia

b) Eleg. IV. 1. ibi v. Heyne.

c) Poet. lat. min. T. IV. P. I. pag. 39 sq.

illa hoc habent commune, quod ad epicum genus pertinent. Genus autem carminum prorsus peculiare constituunt ea, quae *praefationum* titulos in fronte gerunt, quibusque maioribus carminibus, quibus sunt praefixa, prolusum est, et *Fescennina*, quorum sunt quatuor. Scripsit praeterea Claudianus carmen epicum: *De raptu Proserpinae*, cuius tres libros priores fortuna seruauit; porro aliud eiusdem generis, *Gigantomachia* inscriptum, cuius principium tantum exstat, et fragmentum e carmine Graeco, quo, ut volunt, bellum deorum contra Gigantes erat expositum. Sequuntur epistolae quinque, *Deprecatio ad Hadrianum Praefectum Praetorio*, *ad Srenam*, *ad Olybrium*, *ad Probinum ut scribat*, *ad Gennadium ex Proconsule*. Tum Eidyllia septem, *Phoenix*, *Hystrix*, *Torpedo*, *Nilus*, *Magnes*, *Aponus*, *De piis fratribus et eorum statuis*, quae sunt apud *Catinam*. Tandem quinquaginta epigrammata, hoc enim titulo parua carmina varii argumenti et pretii, etiam Graeca quaedam, comprehenduntur, quorum pleraque Claudiano prorsus indigna sunt. His omnibus adiungi solet fragmentum poetae anonymi, quod *Laudes Herculis* continet.

Primum igitur agemus de carmine panegyrico, videamusque, quomodo poeta in eo adornando versatus sit, ita tamen, ut eum non ad certas leges et formulas, ex notione carminis in hoc genere perfecti, quam mente forsan et cogitatione conceperis, deductas, exigamus. In hoc carmine eius, in cuius honorem scriptum est, genus et natales laudantur, institutio et disciplina puerilis, studia iuventutis, mores, res gestae, dignitatis gradus, per quos ad summos honores adscenderit. Principia solent ex iis duci, quae carminibus occasionem praebuerunt, et illuc etiam fines spectare. Eaedem igitur res argumentum constituunt, quae in orationibus panegyricis, omnisque materia ex locis rhe-

toricis, in scholis ad nauseam vsque decantatis, petita est. Disputatio autem de hoc scripturae genere et caractere, eiusque causis, si, quae ante dicta sunt, memoria tenes, haud est difficilis. Totum est declamatio, quae carminis speciem adsumsit. Atque hoc praecipue inde est factum, quod illa carmina, ex orationibus panegyricis nata, naturam originis suae traxerunt. Sermo enim solutus, numero poetico adhibito, comparationibus et imaginibus crebrius inductis, in poeticum, a quo tunc temporis in orationibus, si numerum excipias, haud multum abhorrebat, mutatus est; libertateque adsumpta, qua in rebus exponendis poetae soli uti possunt, species quidem carminis nata est, cui tamen, si illius naturam spectes, huiusmodi argumentum parum est accommodatum. Etenim carminis ratio haec est, ut diuersa, quae illo contineantur, totum aliquod conficiant in suo genere perfectum atque absolutum, cuius illa partes sint atque membra, quorum nullum salua conspiratione totius possit deesse. Illa autem rerum varietas, quae huiusmodi carmine complectenda est, hoc vno cohaeret, quod ad vnum spectat, seu ad laudes vnius pertinet. Etiam ille, qui laudat, nullum habet in rebus celebrandis liberum delectum, neque quidquam ad consilium suum minus accommodatum sine offensione potest relinquere, praesertim in rerum gestarum inopia, et, etiamsi hoc possit, tamen non semper res vel per se vel ex hominum sensu et consuetudine maxime memorabiles, eae quoque sunt, quae poeticam tractandi rationem facillime admittant. Simul cogetur saepius poeta illius, quem laudat, estimationem cogitandi sentiendique rationem sequi, quam rei naturam et carminis, ita ut iis potissimum utatur, quibus ille maxime superbire soleat. Poeta porro, nisi magnitudine rerum et amplitudine ipse incaluerit, animos eorum, a quibus vel auditur vel

legitur, non potest accendere. Sed quid esse poterat in puero, vix duodecim annos nato, magnopere laudandum, quae virtutes Stilichonis in admirationem sui rapere, quum nihil eorum, quae faceret, ad publicam vtilitatem, nihil non ad sua commoda referret? *d)* Id igitur restabat poetae, vt animi

d) Quanto vberior laudandi materia Horatio contigit in Augusto, qui, quamquam occupatae tyrannidis inuidia apud libertatis amantes flagraret, tamen et illi, qui quidem rerum prudentes essent, perspicere poterant, in tanta morum et disciplinae corruptela quietae libertatis fructum nullum esse posse, nec ciuitatis oppressore e medio tollendo quidquam aliud profici, quam vt reliquis, in subsidiis quasi ad quamcunque occasionem captandam latitantibus et promptis, aditus ad simile aliquid audendum multo cum sanguine pararetur. Quod in illo rerum statu maxime optabile erat, vt iugum cervicibus impositum, quantum eius fieri posset, leue videretur, vt, quod boni in votis habebant, cuiusque gratia mutatae reipublicae formam aequiore animo ferebant, discordiae intestinae, seditiones, bellaque ciuilia remouerentur, vt sua cuique tuta essent, nullus ab hostibus externis timor impenderet, nomenque populi Romani apud barbaros in honore et gloria esset, vt vitiis leges resisterent, virtutisque suus honos constaret, hoc Augustus seu praestitit seu praestare adnitus est, atque in illis rebus celebrandis Horatius reliquique illius aetatis poetae multi sunt. cf. Vellei. Patercul. II. 89. In Honorio contra Claudiano omnia defuere, quae quidem per se dignitatis satis haberent; multa igitur erant in laudem detorquenda, multa ad fingenda, multa praeter omnem fidem augenda, et ne sic quidem, omni arte in subsidium vocata, species orta est quaedam maiestatis plena, quam efficiendam poeta sibi proposuerat, sed potius imago distorta magnitudinis ingentis, a puero, et corpore et animo maxime infirmo, satis ridicule discrepans. In alijs, in quibus inopia rerum Claudianus forsan non laborabat, in Mallo et Stilichone, peruersa illa ratio ab oratoribus adoptata, qua omnis vita, quasi per annos digesta, exposita est, omnem veram vim poeticam exclusit, et virtutibus etiam singulorum locorum offecit. Quid frigidius esse potest rerum distributione, quam fecit in Stilichone ornando, vt

motus, quibus ipse carebat, arte simularet. Non potest autem fieri, ut omnis artis ostentatio eos sensus excitet, quos animi adfectus veri eliciunt, ad quos loquendi ratio ea, quae optima et fidelissima mentis interpret est, sponte se accommodare solet. Ceterum laudandi consuetudine semel inducta, certamineque poetis, praesertim famelicis, iniecto, quum alter alteri in captanda Imperatorum et procerum beneuolentia cedere nollet, accidit, ut in rebus citra omnem veritatis verecundiam augendis et amplificandis probabilitatis modum prorsus excederent. Quae quum legimus, mirari licet, quanto stolidae arrogantiae callo frons illorum fuerit obducta, quorum aures huiusmodi recitationibus paterent e). Sed omnis exaggeratio, quae primum

primum bellicas eius virtutes laudaret, secundo pacis, tertio consulatus initia; quid pro poeta languidius, quam transitus, quibus lectores et auditores partitionum admonerit, quas initio fecerit. Felicius versatus est Statius in Domitiani consulatu (Silv. IV. 1.) a Claudiano non discrepans in sequenti, quod coena imperiali corruptus sibi et Mulis extorsisse videtur, nec in tertio, quo via Domitiana describitur.

e) Adulandi principium iam pridem ab Horatio, Virgilio, Ovidio reliquisque antiquioribus poetis factum magis magisque semper auctum est a recentioribus. Exempla apud Claudianum obuia sunt, cuius ratio maxime solemnis est, eum, quem vult extollere, cum antiquitatis heroibus ita comparare, ut ostendat, eorum laudes longe inferiores illius fuisse. III. 262 sqq. 278 sqq. XXI. 97 sqq. et passim. Sed cf. Sidon. Apoll. V. 151 sqq. Quum semel more esset receptum, Imperatores viros deorum cultu prosequi, etiam id, quod deorum praesentiam arguere creditum est, ad illos transferebatur. I. 135 sqq. VII. 123 sqq. Nec sane pro consuetudine modum excessisse dicendus est Noster, quum dicit, stellas inuitare Theodosium, incertas, quibus esse sodalis dignetur. VII. 170 sqq. nec, quum idem et frater *deorum proceres* vocantur XV. 215. Verum ex nostro sensu male inducit eundem sic loquentem: *si non cupidis essem*

animos pungit, consuetudine vim suam amittere, atque in inanem loquendi formulam solet abire, ita ut semper noua impudentia opus sit, ad veterem audaciam superandam. Atque, si semel a naturae veritate in laudando discessum est, non potest consisti nisi eo, vbi verborum et rerum discrepantia eademum facta est, ut vel fungis et stipitibus risum excutiat. Inde quoque narratio nascatur necesse est, non quae simplicitate, proprietate et venustate sensim in animos se insinuat, eosque molli quidem sed tamen efficaci imperio, quocunque velit, flectit, verum quae inani verborum pompa sententiarumque strepitu aures tantum implet seu potius obtundit, et doctrinae multiformis ostentatione ornatu-

praereptus ab astris. Illud autem risum potest mouere, quod de Honorio, puero nouenni, quem pater Augustum declarauerat, dicit, prudentiam aetatem adeo praecurrisse, ut omnes essent questi, imperium ei sero esse datum. VII. 85 sqq. Impudentiam sapit illa laus, quae Honorio et Stilichoni tribuitur, quum satis aliunde notum sit, quam aegre fines contra barbaros defenderentur. XVIII. 377 sqq. Hoc quoque non est omittendum, quod, quum virtus bellica maxime virum ornet, ea autem puerulo, qui nondum hostem ex propinquo viderit, non posset tribui, bello exorto semper causa Claudiano in promptu est, qua dicat impeditum fuisse Honorium, belli scilicet alias cupidissimum, quominus ipse in castra proficisceretur VII. 73 sqq. XV. 370 sqq. 347 sqq. Magis Stilichonis et Arcadii rerum administratio laudari non poterat, quam iis verbis, quibus utitur Iustitia XVII. 171 sqq. Etiam hoc adtendas velim, quantopere vbique Claudianus, etiamsi tecte, Honorium, Arcadio praeferat. Ex VII. 85 sqq. paene colligas, Honorio curam rerum a patre proficiscente fuisse demandatam, quum de Arcadio sileatur, et v. 178 stella Theodosii oriens *adspicit* Arcadium, occidentem *remoratur visus* Honorius. Forsan *cliens* XVIII. 297. Arcadius est, opponitur illi Honorius v. 377 sqq. Haec omnia nostrae saltem aetati, quam lucri spes et timor in illis rebus solertiores reddidit, quam veteres umquam fuere, mira videri nequeunt.

que vndique conquisito onerata riget. Vt actione aliqua inducta colorem epicum carmina trahant, ad fastidium, quod in perpetuis declamationibus et descriptionibus auditores capere possit, leniendum, Claudianus ratione utitur non semper felici, interdum ieiuna, in qua magnae imprimis Romae deae partes sunt, interdum plures terrae in personas mutatae et fluuii in scenam prodeunt, non vt agant, sed vt orationes, in quibus, quidquid figurarum et flosculorum scholae rhetoricae colligerint, consumtum esse videtur, cum artis ostentatione tamquam in auditorio aliquo recitent *f*). In tanta saepe rerum, quae vera laude dignae essent, inopia, est sane, quod mireris, qua ratione poeta paruis et interdum futilibus verborum et sententiarum pompa dignitatis speciem conciliarit, et quaedam, non

f) I. 73 sqq. Roma dea inducitur, quae Probino et Olybrio fratribus consulatum impetret a Theodosio M., qui modo Eugenium ad Alpium radices superauerat. In fine v. 209 sqq. Tiberinus ex antro suo excitatur, vt laudes fratrum canat, fluminibusque suae ditionis diem festum indicat. XVII. 113 sqq. eodem ministerio, quo Roma supra, Iustitia fungitur, coeloque relicto ad Mallium tendit, ne cursu honorum peracto in otio consenescat, sed rem publicam rursus capeſſat. Non praetereundae sunt etiam Vraniae partes in eodem carmine v. 270 sqq. sorores aliam ad alium deum mittentis, vt ea subministrantur, quae ad ludos consulares necessaria sunt. XXVIII. 147 sqq. Eridanus fugienti Alarico insultat a Naiadum vna ad spectaculum fracti hostis excitatus. Iterum Romae deae mandatur v. 356 sqq. vt Honorium ex Ravenna in suam urbem innitet. Non vnus numinis ministerio poeta contentus est XXII; ibi Hispania, Gallia, Britannia, Africa, Oenotria Romae deam adeuntes inducuntur, vt Stilichonem ad consulatum suscipiendum adhortetur. Versus finem 424 sqq. Sol ad temporis antrum proficiscitur aureum annum Stilichoni electurus. XXIV. 237 sqq. Diana nymphas in omnes terrarum partes dimittit, ad feras capiendas, quae consularibus ludis inserviant. cet.

admodum honorifica, virtutis et sapientiae splendore dicendo induerit, et easdem saepe res quanta varietate exposuerit. Cuius rei exempla in promptu erunt carminibus in tertium et quartum Honorii consulatum inter se comparatis *g*, et quam studiose laudis et ostentationis materiam vndique collegerit, specimen luculentum carmen in sextum eiusdem consulatum suppeditabit. Ceterum ad rectum de toto hoc carminum genere iudicium ferendum hoc in vniuersum tenendum est. Omnis laudandi ratio, quae quidem non solum ei, qui laudatur, sed etiam aliis, qui legunt vel audiunt, placeat, non magis ab imaginandi vi et Musarum dotibus, quam a sensu quodam exquisito et iudicio

g) Iam in carmine VII. omnem laudandi materiam consummissee videtur, sed in VIII. easdem plane res profert ita, ut variando nouitatis gratiam illis conferuet. In utroque orditur a pompa consulari (VII. 1–6. VIII. 1–17.). In illo tantum indicatur, Honorium esse porphyrogenetum; in hoc genus eius celebratur, et res aui patrisque, cui seruari ab interitu imperii decus adsignatur, cuiusque clementia in victos extollitur, debitis laudibus ornantur. (VII. 7–14. VIII. 18–120.). In utroque celebrantur natales Honorii. Porro compares VII. 15–21 cum VIII. 121–155; rursus VII. 52–58 cum VIII. 24–40, et VII. 83 sq. cum VIII. 169–202. Pugnam cum Eugenio in priori (VII. 89–100.) ornatus iam extulerat, quam ut eam in posteriori potuisset retractare. Pari ratione ea, quae in illo (VII. 22–50.) summo splendore exornauerat, in hoc plane omisit. In illo institutionis quidem Honorii mentio fit, in hoc deae ipsae cum puero ludunt VIII. 160–164. Comparari etiam possunt VII. 51–62 et VIII. 214–395. Consilio poetae vehementer accommodata est conuersio repentina ad Theodosium in stellam mutatum VIII. 428 sqq. ut adspiciat quam pulchros fructus illa praeceptio tulerit. Longae enim admonitionis, quamquam dissimulatae, fastidium laudibus tantum poterat mitigari, simulque occasionem inde sumfit illius laudes cum laudibus Stilichonis coniungendi. Sed longum est, singula prosequi, quae utramque paginam faciunt.

poetae subacto pendet, vt intelligat, quo quis maxime ex sui ipsius et vulgi opinione ornetur, et quid alii, quum audiant, vel inuiti probent seu rei veritate adducti, seu verborum et sententiarum lenociniis inuidiam mitigantibus. Oportet enim carmen, quo laudes alicuius celebrantur, vt statua in honorem posita summaque arte expolita, omnium oculos cum voluptate non solum in se conuertere, verum etiam iucunde detinere, quo frequentiores enim lectores inuenerit, eo maius et perennius erit laudis monumentum. Nihil igitur in eo debet desiderari, quod in carmine politissima arte perfecto requiri solet, vt lector operis praestantia commotus summa voluptate perfruatur, itaque dulcedine captus teneatur, vt nullus in illo inuidiae sensus oriri, nec ipse ad historiae veritatisque calculos possit confugere. Quod vt fieri possit, genuinus et sincerus animi sensus in eo spiret necesse est, quem artis ostentandae et ornatus laboriose quaesiti suspicio non minus refrigerat, quam commodi alicuius aut accepti aut expectati. Subesse etiam debet vel vera et iusta laudandi materia, vel saltem ea, quae aliqua ex parte speciose possit commendari, et vel leuiter tractata naturali fulgore exsplendescere. Errant quoque, qui arbitrentur, praecepta in hanc rem posse a rhetoribus peti, quum oratio, vt semel audiatur, componenda sit, carmen repetitae lectioni vel auditioni scribendum. Neque quidquam magis Claudiano fraudi fuisse vnusquisque fatebitur, quam forma ipsa carminum a poetices natura vtique aliena, vnde natum est aliquid, quod mixtas virtutes habet et rhetorices et poeseos, locumque obtinet inter orationem atque carmen, cuius ratio hybrida eo tempore tantum poterat placere, quo sensus pulchri exquisitus et peruersae magnificentiae studio et exaggerandi audaciae cessit. Probabile quoque est, Claudianum non animi voluntate et iudicio hanc

formam elegisse, sed consuetudine et more semel recepto ad illam esse delatum. Inter omnes poetas, qui laudandi partes susceperunt, primum sane locum obtinet Horatius, neque fere quisquam est, qui maiore cum dignitate illam prouinciam sustinuerit. Sed rationes, quibus vsus est ingenio limatissimo et iudicii sensusque subtilitate ex consuetudine viro- rum elegantissimorum contracta dignissimis *h)*, haud

h) Ad exquisitam laudandi rationem, qua Horatius vti- tur, referendum sane est, primum, quod, dum alia re oc- cupatus videatur, nec opinato quidem, sed tamen naturali rerum serie ad Augusti laudes ducitur; alterum, quod in Augusti laudibus a re aliqua splendida eiusque auspiciis consilio aut virtuti adsignanda statim deflectit ad id, quod specie quidem ab argumento alienum est, tamen, si paullo accuratius adtendas, vel maxime pertinet ad magnitudi- nem et amplitudinem rei gestae illustrandam et commen- dandam. Quae res minus animaduersa in causa fuit, vt interpretes passim et antiquiores et recentiores contra omnem artis rationem duplex argumentum eiusdem carmi- nis statuerint, aut congeriem phantasmatum, vt illi qui- dem existimabant, confusam lyrica mentis perturbatione excusarint. Huius rei exemplum est od. I. 12. cuius vim multi perperam acceperunt. Percitus Musarum oestro ante oculos obuersari videt subito illos deorum atque hominum, quos populus Romanus semper praecipuos habuit atque coluit. Animus eius sancto hoc concilio quasi adtonitus in omnes partes versatur, ipseque modo huius modo illius mentionem facit non seruato aut dignitatis aut temporis ordine, donec v. 51. ad Augustum veniat, atque in eius laudibus subsistat. Vel ipsam Catonis Uticensis (v. 35.) men- tionem ad Augusti laudem pertinere, quis non videt? Summi enim viri et libertatis amantissimi commemoratio palam et impune facta ostendit liberalem Imperatoris ani- mum, qui tantum vindex reipublicae videri cupiebat, non euerfor, quique imperium a populo sibi obtrusum vel in- vitus sustinere simulabat. Specie quidem Augustus sub Iove deprimitur, sed quum secundum ab illo locum obti- nere dicatur, supra omnes reliquos mortales extollitur. De hoc carmine aliter statnere videtur Wielandus noster, quem v. in not. ad Horat. Epist. T. II. p. 23. Alterius rei

scio an lyrico generi sint propriae, atque temporibus et institutis, quibus Claudiano indulgendum fuit, alienissimae. Quotus enim quisque tunc illa blandimenta, ad quae percipienda et teretes aures et sensus omni humanitate expoliti requirebantur, poterat intelligere, quotusquisque sibi persuadere, saepius in vna sententia, in vnico, prope dixerim, verbo, maiorem laudandi vim inesse, quam in oratione panegyrica vel verbosissima i). Etiam si igitur

exemplum luculentissimum est od. III. c. in quo carmine exponendo sententiarum nexum plerique non viderunt. Augustus Parthos, quum signa Crasso erepta recepisset, subegisse a poeta fingitur. Illa victoria ignominiam non solum cladis Romanorum sed etiam pacis deinde cum Parthis factae, vt captiui recuperarentur, qui iam matrimonia cum barbaris inire coacti erant, plane absterfit. Illa pax ignominiosa a senatu erat facta aut comprobata, quamquam Regulus vel morte sua cauere studuerat, ne quando bellum cum hostibus tam ignominiose populus Romanus finiret. Quaeritur iam, quae sit illa pax cum Parthis facta, quo tempore et a quo? Hoc equidem nescio. Sed res Romanorum contra Parthos post Crassum sub Cassio, Bibulo et iis, qui postea exercitui praefuerunt, gestae omnino parum cognitae sunt, et diuerse a diuersis narrantur. Et, si pacem negas, possunt induciae locum habuisse ad recuperandos captiuos factae. Admissis iis, quae coniectauimus, quaeque Horatius significare videtur, quum historicis argumentis refelli nequeant, omnia expeditum nanciscuntur explicatum, nec facilem et naturalem sententiarum nexum requires. Augustus Parthos deuicit, pacisque seu induciarum turpitudinem sustulit, qua senatus captiuos recuperare non erubuit, qui, vt vitam seruarent, non solum arma abiecerant, verum etiam Romae immemores matrimonia cum barbaris contraxerant, quamquam Regulus vel morte sua cauere studuerat, ne huiusmodi pacem facerent Romani cum Carthaginiensibus, etiam si captiui peregrina connubia ad vitam seruandam non inierant. Forsan de illa re rectius possemus statuere, si Appiani Parthica ad nostram aetatem peruenissent.

i) Num quis et breuius et elegantius Veneris pulchritudinem laudauit, quam Lucianus (Antholog. Gr. T. III.

tur Claudianus, si eum ad illa, quae ars desiderat, reuoces, minus probari possit, tamen excusatio illi est parata, si morem et consuetudinem, cui erat litandum, auresque obtusas et corruptum aetatis eius iudicium, quibus erat placendum, apud animum reputes. Progrediamur ad illud carminum genus, quod secundo loco posuimus.

Huius generis ratio eadem est cum priori, materia diuersa. In illo laudandi, in hoc vituperandi partes sustinet, atque, si vtrumque compares, inuenias illum plus valuisse in hoc quam in illo. Scilicet in hostibus Honorii et Stilichonis laedendis, quidquid in eum finem vtile putaret, eo poterat impune vti, quum sciret, ne monstra quidem inferna quemquam esse offensura, nam malos genios esse, eosque se rebus humanis immiscere mortalesque in fraudem agere, vel Christianae fidei doctoribus tunc erat persuasum. Etiam fingendi et comminiscendi quaeque libera erat potestas. In priori genere, ad meram ostentationem comparato, nulla erat orationis varietas, omnia vel in summa rerum tenuitate splendida erant et magnifica; in altero lasciuia interdum grauitati admista est, et dignitas subinde in petulantiam abit, indeque sermo modo cothurno incedit, modo soccis inambulat. In hoc Furiarum et Bellonae instinctu et auxilio pleraque fiunt; in illo magnopere erat cauendum, ne deorum interuentu et ope gloriae eius, quem laudaret, detraheretur. Ceterum in vituperando eandem viam ingreditur, quam in laudando; totam

pag. 21. ed. Jacobs) illo epigrammate, quo imaginem Veneris ipsi dedicatam prosecutus est

σοὶ μορφῆς ἀνέθηκε τῆς περικαλλέος ἄγαλμα

Κύπρι, τῆς μορφῆς φέρτερον οὐδὲν ἔχων.

Dignus sane auctor, qui deae pulcherrimae osculo fuisset exceptus. Et quanta vis est in illo verbo egregii apud Horat. od. III. 25. 4.

inimici vitam percurrit, omniaque ad odium, invidiam, infamiam excitandam idonea occupat, et carpendo, ridendo, calumniando vel vera vel ficta omni verborum turpitudine exagitat. Magis etiam ingenio indulget in inueniendo, epicaque ratione frequentius vtitur, quam in prioribus, vt ostendunt carmina in Rufinum, quorum prioris prima pars, omisso principio, quod declamatoris est sermone poetico vtentis, Claudiano satis feliciter cessit. Aleto felicitatis, qua homines sub Theodosii M. imperio fruebantur, inuidia corripitur. Quam felicitatem vt conturbet, conuocat monstrorum infernorum concilium. Sententiae dicuntur. Megaera censet, sufficere Rufinum Constantinopolini mittendum. Ipsa se accingit operi, illumque, cuius pueritiam ipsa finxerat, lucri cupidine et spe potentiae futurae concitat. Bene hominis astutia et calliditas exaggeratur, ne mireris Theodosium istius insidiis succubuisse. Hactenus bene; sed statim ad ingenium et consuetudinem poeta redit, declamationemque interponit frigidam, de cupiditate habendi, quam longa scelerum recensio excipit ab illo improbo commissorum, in qua satis prudenter pleraque tantum significat poeta, ad quaedam adludit, ne inuidiam faciat manibus Theodosii, quod nebuloni tantum indulserit. Quamquam autem poeta, si, quae composuit, ad artem referas, in hoc genere magis probatur: displicere debet, si consideres vel leuitatem eius in laudando vel in vituperando cupiditatem. Sed patriae vitiis inquinatus, Romamque profectus, Stilichonem patronum nactus est, prudentem quidem et callidum, sed et genere et moribus barbarum, cuius voluntati erat inseruiendum. Inde quoque factum est, vt in spectaculis et immanibus et abominandis cum voluptate immorari videatur, dummodo Stilichonis vindictae satisfaciat. Quis enim ab humanitatis

sensu non plane alienus illam Rufini dilacerationem *k*), tamquam in tabula picta propositam, sine horrore et oculis irretortis potest adspicere! Valot tamen ad poetam ex parte excusandum, quod illorum hominum, quibus scribebat, oculi et animi consuetudinis callo erant obducti, nihilque gratius iis esse poterat, quam iram suam vlciscendique cupidinem expletam videre. Propterea quoque miser ille in frustula dissectus et dissipatus Rufinus nondum dimittitur, sed ad inferos deductus poenae traditur sempiternae *l*). Quid in vituperando possit efficere, videtur expertus esse in carmine XVIII et XX, in quibus Eutropium spadonem, grauissimum Stilichonis aduersarium, euersum et in exilium actum, in patroni sui gratiam non solum aequalibus sed etiam posteris abominandum reddere tentauit, nomenque illius aeterna infamia adspargendum. Ille Eutropius, quod hactenus inauditum fuerat, et spado et consul, largam sane materiam maledicendi praebere potuit, etiamsi res eius gestae non magnopere fuissent culpandae, atque illam rem quasi cardinem constituit, in quo vtrumque carmen verteretur. Hac indignitate veluti vehementer percussus omnia monstra et portenta, quae semper grauissima sunt habita maximeque dira, principio recenset, quorum tamen nullum tam foedum et immane fuerit, quam consul spado. Omni deinde verborum pondere vtens eos, quorum est monstra procurare, deorumque iram auertere, compellat, vt explorent, quae tanta calamitas turpissimo illo omine portendatur, quoue piaculo possit depelli *m*). Cum fortuna exposculet, quod, si omnino voluerit seruum facere consulem, non probum et

k) V. 407 seqq.

l) V. 466 seqq.

m) XVIII. 1 – 23.

frugl, sed abiectissimum, sed infinitorum dominorum elegerit, qui non amplius vendi, ne dono quidem cuiquam obtrudi potuisset. Verba et sententiae, quibus haec expressit, huiusmodi sunt, vt vehementius et contumeliosius nihil possit excogitari. Potuisses exspectare, iam satisfactum esse maledicendi officio, quod adsentandi studium poetae imposuerat, verum illa omnia exordii tantum vices sustinent, statimque cognoscimus, poetam in animo habere, nihil praetermittere, quod memoriam istius hominis aliqua ratione possit diffamare. Incipit enim a prima pueritia, eaque etiam, quae fortunae fuerant, suaeque natura miserationem potius quam inuidiam mouere solent, summa inhumanitate vel potius crudelitate in ludibrium istius adhibet, dumque ea vel mente recolit vel effingit, velut laetissimo spectaculo frui videtur. Ex his rebus saeculi mores cognoscas, quibus talia placere potuerint. In sequentibus, vbi vitam spadonis vsque ad aetatem eius exoletam prosequitur, talem verborum, sententiarum, et similitudinum delectum habet, vt ex altera parte ingenium mire ris, ex altera doleas, donum illud naturae in re tam turpi esse consumptum. Imaginem enim miseri hominis videmus omnibus numeris absolutam, vt ad foeditatem et obscoenitatem nihil possit addi. Quaecunque mala senectus decrepita et neglecta adferat, in istam aucta etiam et amplificata congesta sunt. Sed piget istis rebus diutius immorari, in quibus, quantum arti tribuit poeta, tantum ab humanitate discessit, et quae dicta sunt, possunt sufficere ad ostendendum, quibus lineamentis et coloribus vsus sit in aduersariis describendis, qua in re non dubitat, omnem probabilitatis legem migrare, dummodo curet, ne turpitudine aliqua vulgari insignes conspiciantur.

Progrediamur ad tertium genus, quo bellum Gildonicum et Geticum continetur. **V**n quo quum persona vel laudanda vel vituperanda non sit proposita, sed res gesta exponenda, iure potuisses expectare, rationem epicam potissimum fuisse adhibitam. Verum multum falleris, nam in duobus illis carminibus actionis est parum, nimiumque declamationis *n*) **D**ii quidem et homines complures in scenam prodeunt, sed plerumque vt pueri, qui orationes memoriae mandatas ante magistri cathedram recitant. **H**oc praecipue locum habet in carmine XV, quia illa pars, quae narrationem expeditionis continebat, fato intercidit. **M**irari quoque hoc possis, quod in carmine XXVI Claudianus illud ad Pollentiam proelium, quod prae ceteris debuisset verbis exornare, leuiter tantum adtigit. **F**orsan consultius existimauit, paucis in illa re describenda defungi, quae accurate exposita gloriam Stilichonis vel minuisset vel obscurasset. **H**uius rei suspicionem ipsum quoque poetae studium mouet in laudando Stilichonis consilio (v. 90 seqq.), quo pulsum Alaricum, quem, si adulatori fides est, vel viuum capere vel penitus delere potuisset, saluum et incolumem ex Italia decedere passus est. **H**uius-

n) Roma dea fame propter retentas a Gildone naues frumentarias paene confecta in Olympe ad deos frequentes orationem habet v. 28—127. Qua finita Africa prodit, calamitatesque suas exponit v. 139—200. Iupiter verbis paucioribus defungitur v. 204—207. Theodosius auus et pater ille ad Arcadium hic ad Honorium mittuntur. Illius oratio continuatur a v. 236—344; huius a v. 330—347. Honorius narrat somnium Stilichoni a v. 354—378. Stilicho respondet a v. 380—414. Exercitum collectum Honorius ad virtutem exhortatur a v. 427—466. Milites alacritatem exprimunt suam a v. 488—504. In hoc carmine poeta doctrinam suam in antiquis fabulis, historia Romana et locorum descriptione explicat, iisque rerum gestarum ordinem saepius interruptit.

modi eloquentiae specimina saepius nostra memoria in eo bello sunt edita, quò Germania, non virtuti et armis, sed Principum discordia proditiōi et perfidiae cessit. Ceterum quum indoles et natura huius generis carminum a prioribus non magnopere abludat, eaque vitia, quae supra notata sunt, huic quoque insint: ad ea properemus, quae restant.

Quartum genus, quod carmina in nuptias Honorii et Mariae atque Palladii et Celerinae complectitur, quum materia ipsa tum tractatione maiorem lectoribus voluptatem praebebunt. In hoc videmus poetam, quamquam illis vinculis nondum plane exsolutum, quibus eum consuetudinis vis existimatioque publica de pulchro et honesto, qualis tunc temporis erat, innexum tenebat, liberius tamen incedere, et ex suo ipsius ingenio materiam petere, quam in prioribus vel virtutes amicorum vel vitia aduersariorum praeberant. Quum enim laudes alicuius persequi aut vitia aut rem aliquam gestam exponere magis sit oratoris vel historici quam poetae, quia tot tamque diuersa, quae simul praedicanda sunt, vix ita possunt componi, vt membra quasi vnius pulchri corporis videantur, neque rerum delectus liber est, neque omni verborum et sententiarum pompa ille ardor excitari potest, quo liberi ingenii, sensuum et imaginum veritate accensi, foetus agnoscuntur: noli mirari, quod in prioribus declamatorem tantum sentias poetico ornatu incedentem, teque ipsum in tanto artis adparatu nihil commotum. Nuptiarum cogitatio copiam rerum et imaginum venustarum poetae menti suggessit, quas inuentione ingeniosa ita coniunxit, vt naturali vinculo inter se cohaerere videantur. Compositio atque adumbratio poetam prodit, quamquam in singulis partibus expoliendis popularium magis iudicium, quam naturae veritatem atque simplicitatem secutus sit, neque omnino liber fuerit ab iis

vitiis, quae temporum et morum corruptela in artem poeticam inuexerat. In carmine X fingit poeta Honorium amoris desiderio correptum de nuptiarum dilatione queri. Cupido, auctor vulneris, adstat, et ubi vidit, Honorii pectus telo misso inflammatum, statim ad matrem auolat tantam victoriam nunciaturus (X. 1 — 48.). Mores quidem eius, qui, primo amore accensus, omnium rerum, quibus ante delectaretur, taedio adficitur animoque nequit consistere, in Honorio naturae accommodatae sunt expressi, sed in querimoniis, quae illi tribuuntur, plura sunt intexta, quae abesse malis, praecipue dignitatis imperatoriae mentionem ab amoris simplicitate prorsus alienam. Hoc tamen Imperatoris reuerentiae poeta dandum putauit, nec Stilicho poterat in malam partem accipere, quippe qui, quo tutius ipse dominatum exerceret, speciem maiestatis Honorio relinquendam existimaret. Sedes Veneris in insula Cypro ita describitur, ut agnoscas, Claudianum ingenio non fuisse destitutum, sed aevi vitiis, quibus rerum magnificentia plus quam simplex gratia placebat, illud fuisse inquinatum. Inde nata est auri et argenti copia gemmarumque pretiosissimarum multitudo, quibus omnia exstructa atque distincta narrantur. Sed haec compensantur pulchro loco, quo Venus in cultu corporis occupata Gratiaeque illi ministrantes inducuntur (v. 97 — 109); et illo non minus venusto, quo Venus Cupidini, quem victoria superbientem, remque gestam festinanter et concise narrantem gremio exceperat, prae gaudio nihil respondet, sed statim, ornatu corporis accelerato cestroque adrepto, ad litus properat, Amoresque alio alium ad Tritonem arcessendum praemio proposito dimittit. Pulchra quoque est illa scena, quam poeta carminis XXXI principio oculis proponit. Venus in umbraculo vitibus contexto super flores molliter reclinata som-

num capit ad folis aestum vitandum. Nymphae et Gratiae sub ingenti quercu iuxta requiescunt. Cupidines suspensis per ramos arcubus pharetrisque vel colludunt, vel auium nidos inuestigant, vel mala legunt dominae, vel volitant per summas vlnos, vel in statione sunt ad arcendos Faunos reliquosque deos siluestres, ne nimis curiosi Veneris somnum conturbent. Sed non aequè bene Venus, vbi chori ex vrbe vicina auditi somnum illi excusserunt, Amores dimittit ad quaerendum Hymenaeum, et quum ipsa in illum incidisset, ex eo quaerit, cuiusnam nuptiae celebrentur? Ceterum motus animi, quos sentit Hymenaeus Venere visa, egregie sunt expressi (v. 40 seqq.). Minus placet declamatio, qua ille generis nobilitatem et Palladii et Celerinae celebrat (v. 56 — 99). Apte in priori (X. 135 seqq.) Triton Cymothoen reluctantem ambiens deprehenditur, qui, vbi audiuit, si properasset, facilem sibi dehinc illam deam fore, ad litus festinat, in illum corporis habitum compositus, quo Venerem per mare vehens a plasticis et pictoribus fingi solet. In itinere describendo poeta ingenio luxurianti nimis indulgit, nec margaritae, a Nymphis marinis e maris fundo in dona nuptialia petitae, satis probantur. In altero (XXXI v. 103 seqq.) curru vehitur Venus floribus ornato et a columbis tracto; Amores auibus insidentes per auras iter faciunt. In oratione Veneris (X. 190 — 227.), qua comitibus partes cuique agendas distribuit, rerum opulentia, nimis studiose oculis exposita, offendit. Tandem ad Mariae aedes peruenitur, quae puella tum maxime ex veterum Graecorum et Latinorum poetis, et quod mireris, ex Sapphus carminibus, pudicitiae exempla discebat. Pulchritudo matris et filiae Veneris stupore exprimitur adiectis similitudinibus haud ineptis; sed sequens oratio, quae Veneri tribuitur (v. 252 —

281) quamquam non omnino displicet, oratorios magis lecythos sapit, quam simplicitatem et venustatem Venere dignam. Etiam in altero (XXXI. v. 116 — 138.) Venus ad aedes Celerinae tendit easque floribus ornat et balsami odoribus implet, tum, puella ad iuvenem e matris gremio deducta, iunctisque illorum manibus, illum, ut precibus potius quam vi puellam adgrediatur, hanc, ne nimis iuveni repugnet, adhortatur o).

o) Sed ne semper Virgilium, Horatium aliosque poetas, quos melius aevum protulit, cogitantes Claudianum praefallis fastidiamus, age comparemus illum cum Sidonio Apollinari, cuius duo epithalamia sunt, alterum Ruricio et Iberiae, alterum Polemio et Araneolae dictum. Quo facto, etsi non undique teres sit Claudianus et rotundus, maculaeque offendant, quas adspersit recentioris aevi consuetudo, libenter tamen ab Sidonii frigore et ieiunitate ad illum refugiemus. In priore carmine, quod nullam habet inventionis laudem, sed imitationem potius puerilem, incipit poeta a descriptione sedis Venerae v. 1 — 13. cf. Claud. X. 49 — 51. et templi v. 14 — 26. cf. Claud. l. c. 85 — 91. Triton, quam Galathea comitatur, huc vehit Venerem; Amores sequuntur. Venerem dormientem (cf. Claudian. XXXI. 1 sqq. Nescis utrum in Tritonis dorso an in litus egressa dormiat) unus Amorum, e Gallia adveniens, fuscitat. Locus hic non adeo inficetus est. Sed orationem eius v. 61 — 72 cf. cum Claudian. X. 116 — 122. et quae Venus respondet v. 72 — 93 cum Claudian. l. c. 264 — 275. Sequitur descriptio currus, quem Venus iunctis oloribus conscendit v. 93 — 110. comitatus v. 113 — 123. Compara porro v. 124 — 5 cum Claudian. XXXI. 116 — 123. Vbi Venus eo, quo destinaverat, pervenit, dextras iungit sponsi sponseque fausta quaevis adprecans v. 129 — 133 cf. Claudian. XXXI. 124 — 138. Alteri carmini sententia subest non absurda illa quidem, inde nata, quod Polemius philosophiae erat deditus, aemulusque erat stoicorum, Araneola autem quum nomine tum texendi arte notissimam poetae fabulam in mentem vocauerat; tractatio est frigidissima. Araneola, quae Minervam texto, quo philosophum tetricum irriserat, illudit, stoico in poenam iungitur. Descriptio Minervae, eius thoracis, clipei reliquique habi-

Ad quintum genus pertinent ea carmina, quae in Mss. epithalamio Honorii et Mariae vel praemittuntur vel postponuntur. Inscripta quidem vulgo sunt *Fescennina*; quum autem in Mss. haec inscriptio variet, num ea genuina sit, potest dubitari. Carmina sunt quatuor, nec, vt vel ex argumento patet, inter se cohaerentia, vt quidam tamen statuerunt, in quorum primo Principis pulchritudo celebratur, quae tanta sit, vt omnes deas amore accendat et vel Scythas et Hippolyten domet. In toto hoc carmine ne leuissima quidem significatio occurrit, illud in Honorii laudem esse scriptum, sed potest ad quemcunque pulchrum Principem trahi. Ceterum non inuenustum est, et inter meliora Claudiani potest censer. In secundo totus terrarum orbis ad concelebrandas nuptias inuitatur. Priori forsan est postponendum. Tertium, quod scriptum est ad Stilichonem, frigidam continet sententiam, nec a virtute poetica potest commendari. Venustius est quartum, nec solum ingenium Catulli, sed etiam lasciuia eius spirat, verumque epithalamii titulum sibi potest vindicare. Barthius, quem secutus est Gesnerus, existimauit, illa carmina primo nuptiarum die a Claudiano esse recitata, quae quum minus placuissent quibusdam seuerioribus, illum, vt ostenderet, se posse etiam altius quiddam et grauius canere, septimo die adtulisse epithalamium, quod nostro ordine decimum est. Verum enim vero omnia haec nituntur coniectura, cui ansam dederunt vers. 9 seqq. carminis IX, quam nec infringere nec confirmare operae pretium videtur.

tus a v. 1—33. Deinde a v. 37—125 omnis philosophiae historia dogmatumque varietas percurritur. cf. Claudian. XVII. 77sqq. Sequitur vestium a Minerva textarum descriptio v. 126—145; tunc earum mentio fit, quae Araneola fecit v. 150—178. eiusque, qua Minerva illusa est v. 181—184. Versus pauci, qui sequuntur, reliqua continent.

Porro illa carmina, quibus praelusit maioribus Claudianus, nouum genus constituunt, in quorum nonnullis ostendit, quid praestare potuisset, si Musis tantum, non Honorio et Stilichoni, cecinisset. Forſan ſuum quodque carmen e maioribus praefatiunculam habuit, ſed quaedam, quum colligerentur in vnum fasciculum Claudiani carmina, iam interciderant; vt contra quaedam praefatiunculae exſtare videntur, quae ad illa carmina, quibus nunc praefigi ſolent, nullo modo pertinent. Carmen quidem IV, quod in fronte ſecundi in Ruſinum carminis collocatum videmus, ad hoc minime ſpectat, quemadmodum iam Barthius recte obſeruauiſſet, neque magis ad aliud quodcunque eorum, quae ſeruata ſunt. Quo, niſi omnia nos fallunt, ei carmini praeluſum eſt, quod victoriam de Getis a Stilichone in Graecia reportatam celebrabat, ad quam non vno in loco Claudianus adludit. Nec credibile eſt, poetam, qui victos ad Pollentiam barbaros cecinit, illam cladem Getis illatam ſilentio praetermiſiſſe, quum tam amplam laudandi Stilichonis materiam praebere potuiſſet. In hoc Muſas inuocat, et Apollinem ipſum, vt ſuae ſedis deſenſorem coronent, deinde argumentum carminis maioris, quod ſubinde recitaturus eſt, proponit, Stilichonemque rogat, vt canenti ſibi aures praebet. Sermo purus eſt et comtus, neque ornatu neque doctrina moleſtus; ſententiae non operoſe quaesiſtae, ſed ab ipſa re ſuggeſtae. Propter nimium tumorem minus placet carmen II, quod forſan interpolatione laborat. Iucundam quoque ſimilitudinem continet VI, modo obliuiſcaris, deum illum Honorium fuiſſe, puerulum, vndecimum vix aetatis annum agentem. Dignitas cum ſuauiſſime egreſſe iuncta eſt in carmine IX, et, ſi quid iudico, ipſi epithalamio, cui praefixum eſt, illud eſt anteponendum. Minus placet carmen XVI, propter ſimilitudinem

nimis longe quaesitam neque satis convenientem. Praefatio carminis XVIII non amplius exstat, quae tamen, ut ex Claudiani consuetudine colligere possumus, destitutum non fuit. Etiam secundum in Eutropium praelusionem habet ipso carmine longe meliorem. Carmen XXIII non tertio libro in Stilichonem, sed primo, praefigendum videtur, et ad omnes tres pertinuisse, nec ex XXII. 286 seqq. possis colligere, Stilichonem nondum Romae fuisse, quum illa scriberentur. Non quidem inuenustum est carmen XXV, sed venustius XXVII, si illud ipsum, non eum simul, in quem scriptum est, consideres. Elegantissimum sane XXXII habendum, quod principia, incrementa et perfectionem navigationis paucis versibus complectitur, sed ad librum, in cuius fronte nunc legitur, vix pertinet, neque magis XXXIV. Nihil enim in illis est, quod ad ea, quibus praemittuntur, possit trahi. Hoc autem omnes fere habent praefatiunculae, ut iis aliquid insit, ex quibus tuto colligas, quorsum pertineant. Ceterum haec duo carmina illi epico, etiamsi integrum ad nos peruenisset, virtute poetica palmam praeripiunt, nisi dignitatem carminis decempeda metiaris.

Carmen epicum, quod vulgo *De raptu Proserpinae* barbare, ut exilimat Heinsius, qui *raptus Proserpinae* corrigendum censet, inscriptum est, ab actione, quam voluit primariam poeta esse, titulum traxit, quem etsi nemo facile contendet esse genuinum, tamen similem illud carmen in fronte gessisse, docent verba Sidenii Apollinaris, quae supra protulimus. Omnem disputationem ex illa quaestione ortam, num fabula de Cerere et Proserpina praebere potuerit materiam carmini epico satis idoneam, vanam puto et inanem, quum, quid ingenium aliquod felix et a natura benigne instructum possit efficere, definire nequeas, nec, si vel

pluribus conata haud prospere cesserint, non inde sequetur, argumentum, quod incassum toties tentatum sit, ab huiusmodi tractatione prorsus abhorere. Recte quidem dixeris, quo vberior res sit, quam tibi proposueris, eo faciliorem reddi laborem, quippe quia in rerum copia electione tantum opus sit et diligenti compositione: ingenium tamen fons est rerum inexhaustus, vnde semper depromi possunt, quae argumento defint, ita vt nihil tam simplex sit et tenue, quod non tractatione fieri possit vberius. Quid? Iliade penitus incognita, si quis iram Achillis cum Proserpinae raptu animo contenderet, vtram rem et grauiorem et vberiolem iudicaret. Quae quum ita sint, neminem mouere debent, quae Walchius contra disputauit *p*). Quin, qui neget, actionem illam non tam quidem per se, quam propter ea, quae secuta sunt, esse grauissimam, arbitror esse neminem. Quid enim magis, non ad certam aliquam gentem, sed ad omne genus humanum potest pertinere, quam agriculturae inventio, vnde semina simul omnis humanitatis vitaeque cultioris et sparsa sunt et effloruere. Hanc rem ita tractare, vt admiratio inde et delectatio auditores et lectores capiat, poetae est ingeniosi. Num autem hoc omnino fieri potuerit in actione, in qua deorum tantum partes sunt, nec adfirmauerim nec negauerim. Quid fieri potuerit, nemo facile dixerit; quid factum sit, facilius diiudicabitur. Sed mihi propositum non est, ad praecepta, quae artis scriptores excogitauerunt, Claudianum exigere, et vt alter Procrustes, quae lectuli modulo minus conueniant, vel amputare, vel dilatare; verum vt vnus de multis, non de schola neque a magistro,

p) In libello, cuius est titulus: *Vberioris commentationis de Claudiani carmine de raptu Proserpinae inscripto specimen*. Goettingae 1770. 4.

quae mihi probentur, quaeue minus, candida mente profitebor. Sunt quaedam principia veri et pulchri in animis hominum insita, quibus ut quique proxime accedunt ad naturae simplicitatem, ita maxime quasi impetu quodam cocco reguntur, quamquam illorum ab omni rerum copulatione remotorum sibi conscii non sint. Illa citra rerum complexum animo sibi proponere, aliaque ex illis ratiocinatione deducere, accurate definire, ad genera et classes reuocare, artemque inde efficere recentioris, et nostrae maxime, erat aetatis, iudiciiue maturitatem requirebat et quasi principatum, quem temporibus antiquis imaginandi vis et ardor aliquis animi obtinuerat. Quae quidem ante oculos habere, quum veterum monumenta legas, ad multas res utile est, praecipue autem id praestit, ut intelligas, tenerum et incorruptum naturae sensum in hominibus, certum aliquem ingenii cultum rerum quadam felicitate nactis, sed pristina morum simplicitate nondum amissa, plus efficere potuisse, quam subtilissimas de arte disputationes, quibus nostra aetas onerata est et laborat. Videamus iam, quemadmodum poeta argumentum sibi propositum persecutus sit.

Contra Horatii *q)* eorumque, qui Horatium secuti sunt, de carmine epico praecipientium normam atque regulam non moderate et modeste Claudianus orditur, sed spiritu quodam vehementiore animi, diuino adslatu concitati, principio statim incedit et speciem potius vaticinaturi, quam narraturi, prae se ferre videtur. Quae ratio quum acriter sit a quibusdam notata *r)*, dispiciendum est, num habeat, quo se quodammodo tueatur, aut num ali-

q) Horat. Arte v. 136 sqq.

r) Walchius l. c. p. 24. versus 1 — 19 non decori sed dedecori esse carmini putat, eoque iam absoluto cum nimio studio a poeta adfectos atque operci adiectos.

quid sit, quod poeta sequi potuerit. Nempe ea erant canenda, quae magnam partem apud inferos fuerant gesta. Haec sine monitu diuino scire poeta non poterat, animum igitur ab Apolline occupatum fingit, mentemque priorem penitus expulsam, seque inter earum rerum species repente delatum, quas erat expositurus. Hanc animi concitationem subitque furoris accessum exprimit imaginum obscura et confusa significatio, quae oculis de improvviso sunt obortae, atque illa fictio, qua in templum Cereris Eleusinae delatus sibi videtur, iisque sacris interesse, in quibus actione quadam oculis ea proponebantur, quae argumentum carminis constituunt. Iam sibi redditus, quamquam mente adhuc commota, deorum inferorum veniam precatur, ut sibi, quae viderit, cum aliis liceat communicare. Hoc entusiasmo, quo poeta consilium atque argumentum carminis proponit, lectoris animus necesse est vehementer commoveatur expectatioque intendatur, quam deinde ne destituat narratio ipsa, etiam atque etiam cauendum est. Verum nequam illa frustrabitur lectores, si rerum expositio ita est temperata, ut admirationem moueat, sustentet, sensim augeat, animum spe et timore suspensum teneat, nouaque semper voluptate permulceat, etiamsi impetus, quo opus est incoeptum, in sedatorem narrationis habitum, rebus exponendis aptum, abierit. Cogitemus igitur poetam repentino numinis instinctu mente solita emotum, nouisque rerum imaginibus, quae ei aliae post alias suboriuntur, stupentem et conturbatum, rerum novarum multitudine et mole plane oneratum, conditionemque suam in vniuersum tantum indicantem potioraque capita eorum significantem, quae ante oculos versantur. Narratio, quae sequitur, videri potest eius, qui relipuerit, aliisque, quae viderit, animo rursus composito et quieto exponentis.

Hanc rationem secutus esse videtur inter alios Wielandus noster, in carmine *Oberon* inscripto, quem nemo sanus, nisi qui veterum exemplis prorsus acquiescendum, Horatiique praeceptum semper et ubique sequendum putat nulla rerum naturae ratione habita, hoc nomine vituperabit. Quae quidem veteres in ratione et disciplina pulchri instituerunt atque sanxerunt, plerumque sunt eiusmodi, ut ipsius naturae dictata, a quibus non sit recedendum, existimari debeant, quorundam autem ratio ea est, ut certis tantum rebus adstricta perperam ad omnia quaecunque transferantur. Quemadmodum nemo negabit, veteres in pulchro et venusto diiudicando plus vidisse et sensisse acutius, quam nos, qui a naturae simplicitate remotiores variisque opinionibus et institutis, prauo more receptis, corrupti sumus; sic stolide antiquitatem admirantis est, arbitrari, veteres omnem rerum naturam exhaustisse, nouisque commentis nullum locum reliquisse. Haec sufficiant ad carminis epici prooemium contra eos defendendum, qui, ut frigidi grammatici, non rationibus pugnant, sed praeceptis tantum nituntur, quae apud veteres legerunt. Quum autem per se intelligatur, principium carminis, illa ratione constitutum, quamquam natura sua lyricum sit, lyricumque dicendi genus postulet, non ita tamen comparatum esse debere, ut a reliquo corpore, tamquam pannus inscite adsutus, dissideat, sed transitum mollem atque facilem habere, ut quasi genuinum totius membrum videatur: Claudianus in hoc minus ferendus est, qui, ut alia, quae ad dictionis genus pertinent, omittam, non probanda, cliuo molli seu per gradus non descendit, sed plane ab alto in lutum, ut aiunt, se praecipitat. Quis enim ex hoc principio huiusmodi narrationis initium (v. 32), quo anus auspicari solent naenias suas, aequo

d

animo potest ferre. Sed satis de prooemio; videamus totius carminis dispositionem.

Inducitur statim Pluto ira commotus, quod solus ex diis connubio egeat, eiusque iussu monstra inferna contra superos bellum parant (v. 32-41). Quum iam omnium rerum confusio ex hac contentione immineret: Parcae, ad pedes illius abiectae, rogant et obtestantur, ut a Iove coniugem petat, nam repulsam eum laturum esse negant (v. 41-67). Verecundia precantium motus per bonam gratiam obtinere statuit, quod vi sibi conciliare parauerat (v. 67-75). Iam quaeritur, cur ira Plutonis tam repente et tantopere excanduerit? Num iam precibus ante, et saepius, rem tentauerat incassum? Et, si tentauerat, quod tamen nusquam significatur, quamam re motus Iupiter, siquidem omnino id negare potuerit, negavit? Deinde, si Parcarum arbitrio omnia subiecta sunt (v. 51-53), cur ad pedes Plutonis accidunt supplices? Possis dicere, non deorum res, sed hominum, omniumque rerum, quae in terris sunt, ad arbitrium Parcarum ex mente poetae pertinere (v. 55-63); sed si dissolutionem *legum pacis firmatarum* (v. 64), quarum auctores Parcae se profitentur, quum ex iis, quae statim sequuntur, tum ex superioribus (v. 42-47) explices: rerum omnium complexum ab nutu et arbitrio Parcarum pendere Claudianus finxit. cf. v. 215-217. Tandem, si futuri erant consciae, quid omnino belli adparatu erat opus, quandoquidem eae tantum a Plutone fuissent consulendae. Quae quum ita sint, adparet, totam rem non satis accurate a poeta fuisse expensam. Sunt praeterea, quae notatu digna videantur, praecipue displicet comparatio (v. 69-75) per se satis bona, sed loco inepto.

Mercurio propere accito declamationem Pluto, ex rhetorum subsellis petitam, detonat, qua satis

superbe Iovem increpat, bellumque minitatur, nisi obtemperet imperataque faciat (v. 89 – 116). Iupiter, perlatis mandatis, terrore forsan perculsus, postulatis annuit, illo tantum angitur, quae tandem illud coniugium sit secutura? Sed ecce, cogitanti, animumque in omnes partes versanti, pulcherrimum scilicet suboritur consilium (v. 117 – 121) s). Quae sequuntur de Cerere et Proserpina

s) Operae pretium est legere, quae Walchius (l. c. p. 45) protulit: *Actionis vero ingressus iamiam magni et grauis aliquid habet, rationi, omnem rem inueniendo ac disponendo ita conuertendi, vt non modo lectoris animus sed poetae quoque spiritus in elaborando argumento excitetur atque inflammetur, profecto accommodatissimus. Pluto non amoris dulcedine captus, sed inuidia erga fratrem suum excitatus, coniugem desiderat, quae ei solatium quasi in tenebris suis esse moestamque ipsius sortem tolerabilem reddere possit. Eo minus igitur desiderium, quo ille flagrat, iniquum videtur, ex quo inferioribus causis adiungere sibi velit uxorem. Quid mirum igitur, vt iracundia ille exardescat et se uero minetur, nisi Iupiter voluntati ipsius satisfaciat. Quid mirum, vt tota inferorum cohors principis ipsius causam suscipere ac defendere velit? Quum igitur Plutonis iram ex iis causis deduceret poeta, quae et alios cum eo coniunctos ad ultionem sui commoueant; eo effecit, vt eiusmodi res et casus et pigmenta sese ei offerrent, quae animum excitare et capere possent. Itaque puto Claudianum in instituendo carminis ingressu optime versatum esse, quippe qui eo rem tractandam inde ab initio statim ad eam sublimitatem et dignitatem extulit, quae actioni, poemati heroico subiectae, propria sit, necesse est, et poetam ad eas res deducit, in quibus pulchre adumbrandis ingenium illius excellere optime potest. Sed*

Parcae vetuere minas —

Quam apte, vt Parcas ad leniendum et flectendum Plutonis animum adhibuerit poeta! Quum enim Parcae nihil aliud quam ordinem, in rerum natura legibus sanctissimis semel constitutum, significarent legesque illae superiorum, qui eas tulerant, discordia ac bello tolli atque euerti possent, quis alius maiori cum dignitate et feli-

(v. 122 – 140) satis bona sunt, quibus indicat poeta, vnicam Cereris filiam Proserpinam esse matrique carissimam, iam ab Apolline et Marte in matrimonium petitam, quos tamen mater repudiauerit, illamque puellam, quum raptus eius tum maxime timeretur, in Sicilia loco aliquo ante praeparato a matre fuisse absconditam. Sequitur locus communis de Sicilia eiusque insulae natura, cuius descriptione, velut gemmula, carmen poeta distinguere studuit, non quidem omnino aliena, sed tamen frigidiuscula (v. 140 – 157). Aetnae montis descriptio (v. 158 – 168) alienior est, aptiorique fortasse loco (III. 350 sq.) potuisset inferi, sed sequentes versus, quibus phylices doctrinam ostentare videtur, mihi quidem non solum frigidissimi, sed plane absurdi videntur. Ceterum vix adtinuit, Siciliae nobilitatem tantopere celebrare, quum obscurus aliquis angulus Cereris consilio accommodatior fuisset, id quod Ceres ipsa sentit se-roque profitetur (III. 120 sqq.).

Filia, vt putabat Ceres illa quidem, bene abscondita, iter facit per aerem ad Cybelen in Phrygiam (v. 170 – 211). Quod quum Iupiter vidisset, Venerem arcessit, eamque iubet postero die Proserpinam, dolis circumuentam, in campum deducere, simulque hortatur, vt fines imperii sui etiam apud inferos proferat, ita vt vel Furiae amoris vim sentiant (v. 212 – 226). Mirationem quidem, verum minime epicam, hoc loco facit consilium a Iove initum, quod a Venere perficitur ita, vt Pluto, in cuius gratiam omnia fiebant, ne minima quidem

ciori successu rem illam suscipere poterat, quam Parcae? Quae quidem erant, quarum precibus obsequi et obsequendo omnem dignitatem et maiestatem obtinere Pluto poterat, quum summis maximi momenti argumentis reuocare eum illae studerent.

*Ne pete firmatas pacis dissoluere leges,
Quas dedimus neuitque colus —.*

significatione certior fieret, quodque ille iter statim ad illum locum molitur, in quem Proserpinam Venus erat deductura, quem vt scire posset tantum aberat, vt plane etiam ignoraret, quid Iupiter statuisset. Qui potest poeta epicus illa praetermittere, quibus omissis vel vulgaris narratio manca fiat!

Venus in Siciliam properans adiunxerat sibi comites Minervam et Dianam totius consilii ignaras. Cur hoc factum sit, docemur infra (III. 209) ex mente nutricis (v. 229-236) *t*). Expectari poterat, poetam descriptionem aedium, in quibus Proserpina delitescerebat, non esse omissurum, idque potissimum commemoraturum, quantopere latuerint consilio Cereris accommodatae; sed palatium a Cyclopibus structum finxit quum opere firmissimum tum materia magnificentissimum (v. 237-245). In illis Proserpina telam texebat, in cuius artificio describendo Claudianus Ovidii more luxuriatur (v. 246-265). Lacrimae subito obortae faciunt omen (v. 266-268). Deae cardine verso intrant, subitusque rubor, in quo describendo quatuor versus impenduntur, Proserpinae faciem tingit (v. 269-278). Iam aures cupide adrigimus, vt percipia-

t) Walchius (l. c. p. 47.) ait, Proserpinam eo facilius decipi potuisse, quod Venus cum Diana et Minerva, et virginibus et armatis, ad illam venisse inducantur. Bene hoc. Sed idem multi iam ante Claudianum finxerant. Inde, pergit, Claudiani Proserpinam magis deplorandam nobis videri, quam Proserpinam Ovidii. Hanc enim sponte sua ex claustris, in quibus condita a matre fuisset, in apertum campum se conferentem omnibus, quae euitare ex matris consilio ea debuisset, periculis sese obiecit (Quid hoc est! Apud Ovidium non abdita a matre est Proserpina, nec eam vetuit mater domo exire, sed ipsa voluit virgo manere [cf. Ovid. Met. V. 376 sq.]); illam vero non nisi dearum, in quarum societate tutam sese putaret, quarumque precibus resistere non posset, consilium esse secutam.

mus, quomodo Proserpina deas exceperit, quam fraudem Venus molita sit, ut miseram illam et comites falleret; sed frustra, reticentur haec, et ruboris descriptioni hoc tantum adiungitur: noctem venisse. Quae hoc loco desideres, infra (III. 207 sqq.) Electra ex parte narrat. Contra miraberis, Plutonem, qui de Iovis consilio nondum erat edoctus, nec sciebat, Proserpinam sibi destinatam, nec ubi gentium illa moraretur, nihilominus tamen iter ad superos parare, equosque curru iunctos iam paratos ante fores habere.

Sequitur liber secundus. Luce nondum orta Proserpina cum deabus Hennam petit monstris nequidquam monita (v. 1 – 10). Frustra quaeris, quare sit adducta, ut matris praecepta negligeret. Quo divinationi lectorum relicto, in cultu, quo Proserpina et deae fuerint ornatae, describendo non inuenuste Claudianus occupatus fuit (v. 11 – 54). Euntibus additur Nympharum agmen, inter quas Cyane eminet (v. 55 – 70). Henna, quum vidisset illas aduentantes, Zephyrum rogat, ut vallem, per se iam amoenam, arboribus, herbis, floribus exornet exquisitissimis (v. 71 – 117). Satis bene hunc locum tractavit Claudianus, sed singulis ex seculi ingenio nimis operose persequendis simplicitatem neglexit. Dum virgines in floribus legendis sunt occupatae (v. 118 – 150), subito fragore terrentur. Pluto nempe, cuius currus misero Encelado, vix Aetnae molem sustinenti, altos sulcos imprimit (quale phantasma!), exitum quum quaerit nec invenit, trabali sceptro terram ferit, omniaque graui motu concutiuntur (v. 151 – 185). Terror occupat supera (v. 186 – 192). Equi primum in sole caligant, mox lucis patientes et verbere incitati iter celeriter perficiunt (v. 193 – 203). Proserpina in currum rapta Minerva et Diana raptorem inuadunt, illa minaciter eum increpat, ianique missura erat

hastam, sed fulmine a Iove misso deterretur (v. 204 – 233). Quidnam Veneri acciderit, vtrum cum reliquis aufugerit, an partes mutas egerit, in dubio est relictum. Oratio, qua Proserpinae valedicit Minerva, dolores habet nullos sed multum artis (v. 234 – 246). Sic quoque docte lamentari vicemque suam lugere Proserpina didicit (v. 247 – 272). Tandem Pluto, nunc quidem primum amoris accessum sentiens, lacrimisque Proserpinae commotus eam solatur et elysii descriptione et spe potestatis futurae (v. 273 – 306). Tandem nuptiae apud inferos omni, qua par est, laetitia et festiuitate celebrantur (v. 307 – 366); nec pronuba deest, cuius vices Nox suscepit, nec epithalamium.

Librum tertium deorum concilio Claudianus orditur, quod frequenter occurrit apud poetas. Iupiter conuocauerat deos, vt eos vetaret minis grauissimis adiectis, raptorem Proserpinae matri filiam quaerenti indicare, vt coacta omnes terras peragraret, votique compos tandem facta indicioque laeta hominibus fruges impertiret. Se nempe olim auream aetatem sustulisse, ne homines otio et torpore conficerentur, corporisque et animi vires in quaerendis vitae necessitatibus exercerentur. Nunc autem naturae almae precibus, vt sibi liceret, egestati humanae opibus suis subuenire, sese cedere (v. 1 – 65). Comminatione igitur Plutonis Iupiter cogitur suam ipsius filiam prodere, hancque rem malam in bonam vertit hominibus, Cereremque erroribus insuper fatigat, vt illis melius tandem sit. Iam quoque quaeras, quorsum tandem tot tantique errores? Nonne et sine his, praemio iudicii statim proposito, Ceres fruges terrae dare poterat? Equidem habeo, quod ex antiqua illa fabula respondeam, vellem tamen me a poeta vel verbo esse monitum. Sunt praeterea plura, quibus elucet, poetam de consilii ratione non nimis fuisse sollicitum,

et ingenio, quatenus in rebus inueniendis se exse-
rat, acumen defuisse. Interim Ceres somnia videt
complura ex *ὄνειροπόλων* disciplina quasi subnata,
quorum alia aliis clariora et significantiora erant.
Ceterum numen aliquod somnians ab aliquo poeta
fuisse inductum, nunc quidem, quum hoc scribo,
legere me non memini. Tandem ipsius filiae imago
oboritur cubanti, matrisque incuriam non quidem
immerito, sed paullo tamen vehementius, quam
filiae par esset, incusans macie confecta catenisque
onerata (v. 66 – 110). Quibus rebus excitata Ceres,
vt, quemadmodum ipsa profitetur, securiorem fi-
liae locum prospiceret, animo calamitatem iam
praesagiente, Cybelem matrem reliquit et in Sici-
liam itinere per aerem facto festinat (v. 111 – 136).
Morae omnis impatientia anxiusque matris animus
bene est expressus (v. 137 – 145); nec minus ipsa
adtonita grauissimoque dolore subito oppressa, vbi
aedes apertas et desolatas inuenit (v. 146 – 164).
Comparatio, quae sequitur, minus est apta (v. 165 –
169). Incidit tandem in Electram, nescio cur, la-
tentem, quae lectori non nunc demum innotescere
debut; qua visa Cereris dolor in exclamationes et
interrogatiunculas, ostentationi comparatas, erumpit
(v. 170 – 192). Longam Electra narrationem inci-
pit earum rerum, quae partim in scena iam erant
actae, partim agenda potius, quam narrandae, fuif-
sent, partim nouae sunt, vt Cyanes in fontem mu-
tatio, fata Sirenum, quae adeo obscura proferun-
tur, vt ex illo quidem loco vix possint intelligi
(v. 193 – 253). Ceres, quae cum tigride, cui catuli
sunt erepti, comparatur, Olympum adit, primo-
que vehementer vociferando et increpando, deinde
misericordia deos, imprimis Latonam, commouere
studet, vt, vbi Proserpina sit, indicent. Qua re
vbi nihil perfici vidit, omnes terras se pererratu-
ram esse minatur (v. 260 – 329). Quo facto vadit

ad Aetnam, eiusque igne duas pinus excisas accendit, iterque meditatum ingreditur. Haec ad alia, vel grauiora, relata fufius tractata sunt. Reliqua defunt.

Ex hac breui carminis totius descriptione cuique erit perfpicuum, multa esse, quae ad narrationis perfectae atque absolutae facti cuiusdam notionem, animo et mente conceptam, exacta reprehendi possint; non pauca enim adeo manca sunt, vt putes, quaedam in duobus primis libris intercidisse, aut poetam, vt fieri solet, quasdam tantum partes prima statim cura, prout vel in hac vel in illa re opus facilius succederet, perfecisse, ceteras secundis curis reliquisse, sed vel morte vel aliis rebus praepeditum ad incudem reuocare opus non potuisse. Nec dispositio admodum placet, etiamsi id vitio verti non possit, quod praecepta, quae ex rerum ordine et collocatione ab Homero et Virgilio adhibita, deducta sunt, Claudianus non sit secutus. Illa enim collocatio pro argumenti ratione varia esse potest semperque probatur, si virtutes habet illas, quibus expositio epica destituta esse omnino non debet, vt expectationem et excitet et augeat et teneat. Ipsae quoque personae, quae inducuntur, quamquam et indole et moribus diuersae sint, actionis varietatem nihil fere augment, prodeunt tantum, vt oratiunculas declamitent, quas nisi respicias, statuae plerumque sunt inanimes in scena ornatus causa positae, non actores fabulae. Partes quoque, quas poeta illis tribuit et mores, quos adfinxit, dignitati, qualem quidem poetae antiquiores singulis statuerunt, non satis conuenire videntur. Iupiter ille pater deum Plutonis minis anxius et confusus displicet, multo magis timoris turpitudinem falsa oraculorum necessitate celans, et principio tertii libri Thrasonem in deorum concilio agens. Quid de Plutone dicam ira aestuante

sine vlla causa idonea, bellumque non indictum et quasi ante res repetitas superis mouente? Proserpina pulchra quidem puella et simplex, sed nulla re, qua animos in se conuertat atque aliqua ratione sibi conciliet, insignis, telam texit, flores legit et rapitur; verum nisi rapta clamasset, fidemque deorum et matris implorasset, vix tandem esset, quod vices eius doleremus. Mater sola lectoris mentem occupat, proculque dubio primas actionis partes sustinet, variaeque animi commotiones, quibus agitur, conuenienter sunt expressae. Illa sola est, cuius caritate, qua ducitur in filiam, suauiter adficiamur, cuius conditio, etiamsi incogitantiam eius culpanus, nobis curae sit, quacum indignemur et irascamur, quamque libenter per orbem terrarum errantem secuti essemus, nisi illa carminis pars, quae errores eius continebat, intercidisset. Ceterum in toto carmine nulla inest animi magnitudo cum ipsius fati necessitate colluctans, qui animus iustus et propositi tenax ne oppressus quidem flectatur, cuius viuo quasi exemplo discamus, quantum valeant vires humanae; nullum certamen virtutum cum vitiis, quod vehementer ad nos pertinere arbitramur; nullae insunt difficultates aliae post alias continuo obortae, quae, quamuis putasses eas insuperabiles, tamen ratione improuisa superantur; nulla deorum miracula et interuentus, quibus res humanae subito subuertuntur exitusque novos et inexpectatos nanciscuntur; nulla denique oracula, quae ambiguitate sua primum homines in fraudem agunt, deinde aliis eiusdem argumenti illustrata rursus in rectam viam eos deducunt, tandemque rerum fide probantur. Huius generis quidem aut plura aut omnia argumenti ratio, in quo dii tantum partes sustinent, non admittit u), nihilominus

u) Hoc ex parte iam vidit Walchius (l. c. p. 49.) qui existimat Claudianum hoc vitio laborare, quod omnem

tamen inde non potest colligi, illud epicae tractationi omnino fuisse ineptum, quum hoc tantum exploratum habeamus, finem epici carminis et admirationem esse et delectationem, parum autem inter sit, quibus rebus ea efficiantur, nec, quia vulgaris ratio, in Homero et Virgilio adhibita, locum habeat nullum, sequetur, nulla omnino id fieri potuisse, nisi aliorum ingenia nostro modulo metiri sustineamus. Iniquius, mea quidem de sententia, comparationem Claudiani cum Ovidio instituit Walchius, quum hic diuersum plane consilium sit secutus, ad quod si ea, quae tradidit, exigas, totam Ovidii rationem optime constare mecum senties. Nihil sane in illa de Cereris et Proserpinae fati narratiuncula, cuius in summa facilitate, non in epica dignitate, laus consistit, occurrit, cuius causam non videas, adeo, vt non solum res gestae legantur, verum etiam intelligantur, nihil omissum deprehendes, quod ad rerum gestarum illustrationem pertineat x). Inge-

actionem, nullis paene rebus impeditam, nimis celeriter peractam proposuerit. Pergit (p. 51): *Nisi Pluto ipse ex deorum et eorum quidem, penes quos summa potestas erat, numero fuisset, et nisi omnis res inter deos ipsos acta esset. Id quod vero poetae eam, quam secutus est, rei tractandae rationem tamquam legem imposuit, nisi quid, quod dignitati, sanctitati et maiestati deorum non conueniat, committere ac tradere vellet. Dii enim in Claudiani carmine non eorum instar, quibus poeta modo ad inuoluendam et dirigendam actionem utitur, sed tamquam ipsa numina adparent, quae, a communi hominum natura plane remota, summa pietate (!?) ab omnibus celebrantur. Omnis igitur a poeta cautio adhibenda erat, ne actionem siue rem aliquam iis adscribat, quae a sancta atque augusta eorum natura plane abhorreret. Omnia porro, quae agebant numina, eadem sanctitate et potestate ab eo erant repraesentanda.*

x) Apud Ovidium (Met. V. 341 sqq.) Calliope narrat Proserpinae raptum. Ad grauitatem argumenti significan-

niosa certe, vt hoc solo vtar, et naturalis est illa ratio, qua Pluto apud Ovidium in amorem incidit; apud Claudianum coecus ille est et subitus impetus, qua praeceps agitur, cuius nec causa nec ratio nec incrementa cognita sunt. Frugum quoque repertio est illa quidem res maximi momenti, vnde omnis ingeniorum cultus, omnes coetus civiles, omnisque humanitas originem duxit. Sed grauitas eius summaque dignitas non cuius satis obuia est, sed perpendenti tantum et eorum, quae inde secuta sunt, seriem animo consideranti. Quae

dam in principio narrationis eorum mentionem facit, quae raptum secuta sunt, frugum repertionis et mitioris hominum cultus per illam facti (v. 341 – 5). Typhoeo Aetnae molem impositam vrgente Sicilia graui terrae motu concutitur. Pluto manibus timens prodit, terraeque fundamenta explorat. Hunc videt Venus Erycina, Cupidinemque incitat, vt imperium commune, quod iam a superis quibusdam spernetur, apud inferos proferat, Plutonemque amore incendat (v. 346 – 379). Vulneratus Pluto Proserpinam videt per prata ludentem visamque rapit (v. 380 – 396). Breuitas narrationis ipsam amoris instillati vim exprimit. Aequalibus frustra clamantibus Pluto cum praeda auolat inciditque in Cyanem iter vi impedire tentantem; sed ictu sceptri terram aperit et in hiatum equos praecipitat; Cyane in aquam mutatur (v. 397 – 436). Interea Ceres, filiam quaerens, omnes terras peragrat, et quum in Siciliam rediisset, Cyane, ad cuius aquam restitit, quia loqui non amplius poterat, zonam Persephones in summo gurgite ei ostendit. Quo facto irata Siciliam sterilitate damnat (v. 437 – 486). Tandem ab Arethusa docetur, terram esse infontem, se, dum per loca inferna laboretur, vidisse Proserpinam Plutoni matrimonio iunctam (v. 487 – 508). His auditis Ceres in Olympum tendit, Iovemque etiam atque etiam rogat, vt filia sibi restitatur. Ille dignitate, quam filia nacta sit, matrem solatur, fatique necessitatem excusat, qua redire ipsi non liceat, si apud inferos ieiuna non mansisset. Ieiunium autem illam non seruasse proditur ab Ascalapho. Iove tandem se interponente Pluto passus est, vt Proserpina per vices anni dimidium a se abesset. cf. Ovid. Fast. IV. 401 sqq.

quum paullo remotiora sint, nec poeta id egerit, ut haec lectori succurrerent, factum est, ut tota res minorem ad animum vim haberet. Omnino fabula est eiusmodi, ut tractantem copia rerum magis quam inopia vrgeat; est enim multorum poetarum perpolitione trita atque decantata, variique mythicum illa coniuncti sunt, qui non solum ad argumenti dilationem atque amplificationem, sed etiam ad ornatum et varietatem pertinere possint. His Claudianus quidem usus est, minus tamen ad actionem variandam et multiplicandam, quam ad rerum descriptiones facultatisque oratoriae ostentationem. Quod enim ex omnibus carminibus, paucis tantum exceptis, constat, etiam ex hoc elucet, Claudianum neutiquam ingenio destitutum, sed totum illud consumtum esse in elocutione, ita ut inuentioni vacare non posset.

Sequuntur epistolae, quarum dignitatem reliquis carminibus inferiorem putat Gesnerus adeo, ut existimet, sibi rogandum esse lectorem, ne ex illis virtutes Claudiani ponderet, seu ne arbitretur, quoniam superiora egregia fuerint, etiam has sibi esse imitandas. Mouerunt illum virum doctissimum ea, quae olim solebant quum de vniuerso epistolarum genere, tum de epistolis poeticis disputari, omnibus ad Ciceronis et Horatii epistolas relatis. Sed nec Cicero tenui et incomto scribendi genere semper usus est, verum ad res, personas et tempora accommodato, neque Ovidius, qui illud genus praecipue exornauit, nusquam exsurgit sermoneque utitur exquisitiore. Quae quum ita sint, Gesnero adsentiri non possum, quamquam non is sum, qui putem, in illis epistolis poeticis luculenta facultatis poeticae specimina Claudianum edidisse. Si a scribendi genere recedas, quod nimis quaesitum interdum adeo tumet, illa carmina minime in postremis eius sunt habenda, et illud ad Oly-

brium, in quod imprimis censoris seueritatem defringit Gesnerus, mihi quidem non admodum displicet, quum reputem, epistolam esse ad poetam et oratorem copiosum et grandiloquum (v. 3 sqq.), cuius iudicio et voluntati vel in literis conscribendis esset seruiendum. De prima epistola, seu carmine XXXIX, iam supra locutus sum; quae restant, ad dicendi genus Claudiani vniuersum pertinent, de quo infra sermo erit.

Veniamus iam ad illa carmina, quae *Eidyllia*, nomine satis indefinito, vocantur, narrationes et descriptiones similes quibusdam, quae Statii filius continentur, illisque Aufonii carminibus, quae sub eodem nomine venduntur, continentia. Habent hoc peculiare, quod rem aliquam, vel minus notam, vel memorabilem, exponunt, aut aliquid vel a natura vel ab arte profectum describunt. In toto hoc genere saepius accidit, vt poetae pictorum officia et munus occupent, in eoque nequidquam laborent, quod poeseos ratio non possit efficere. Descriptio enim alicuius rei verbis instituta, quae necessario fit partibus aliis post alias descriptis, quarum priorum imagines vel deletae sunt vel obscuriores factae prius, quam ordine ad posteriores veneris, tam viva et luculenta esse nullo modo potest, quam eiusdem imago lineamentis et coloribus in tabula aliqua expressa oculisque exposita. Imaginandi vis in ordinem quasi coacta et coercita, facultate libere agendi exclusa, incassum laborat ea repetere seu retinere, quae iam exstincta sunt seu euanescent, atque inde frigus animis oboritur, quod vel splendidissimae dictiones non possunt defendere. Videntur haec carmina ad ea pertinere, in quibus plerumque ingenii periculum facerent, qui versibus scribendis operam dare instituerent, aut iam exercitati in hac re otium fallerent. Fortasse etiam hoc genus in grammaticorum scholis natum est, quum

magistri discipulis rem aliquam, a vetere aliquo poeta paucis tantum versibus tractatam, imitandam, variandam omnique ratione locupletandam proponerent. Hinc a poetis recentioribus, ingenio non admodum abundantibus, sed sermonis poetici artem probe edoctis, retentum est studioque singulari excultum. Narrationem continet primum carmen, quod inscriptum est *Phoenix* et septimum, in quo exponitur pium facinus duorum fratrum, qui parentes suos senes in Aetnae montis eruptione humeris sublato servarunt. Reliqua vel rem aliquam describunt, vel narratiunculam descriptioni adiunctam habent. Quamquam acumen quaesitum, doctrinae ostentatio et miraculorum studium in omnibus se exferat: tamen, si verum fatendum est, haec parva carmina illis longioribus, in quibus rhetor se iactat, longe praestare videntur. Colorem, quo scholae infecerunt poetam, etiam in his videas, praecipue in secundo et quinto, quibus principia obtigerunt magis ab oratoris, quam a poetae facultate profecta; sed in hoc Martis et Veneris, quorum ille ex ferro, haec ex magnete erat facta, connubium eleganter est descriptum, nec sine voluptatis sensu legetur. Quartum carmen in fine mancum est, pannumque, ni fallor, stulte adfutum habet. Pars ultima, quae periit, descriptionem Nili exundantis, faciemque Aegypti inferioris in mare, insulis innumeris consitum, mutatae, continuisse videtur. In descriptione Aponi fontis, quod argumentum est sexti carminis, passim virtutes et vitia Ovidii agnoscuntur, est tamen ex omnibus thermarum descriptionibus, quaecunque apud veteres leguntur, et multae ad nos pervenere, longe optima. In ultimo, quod ex piorum fratrum, quorum statucae apud Catinam fuisse dicuntur, contemplatione natum est, Claudianus poetis recentioribus exemplum proposuit, quomodo pulchrum artis statuariae opus

pulchre possit describi. Sed de hoc carminum genere hactenus; properemus ad reliqua.

Carmina minora varii argumenti variaequae dignitatis, quae communi epigrammatum nomine vulgo complectuntur, adhuc restant. Ex his salem habent et urbanitatem XXIV in Alethium quaestorem et XXVII in Iacobum Magistrum equitum. Illius versus Claudianus riserat, rationeque ironica iram eius deprecatur; hunc per omnes sanctos, superstitionem forsan Christianorum ridens, rogat, ne criticum agere velit versuum suorum. Item XXIX satis lepidum est ex ambiguitate vocis *pedis* in podagricum de versibus claudicantibus iudicantem. Aculeum quoque habet XXX in Theodorum et Hadrianum. Mordacia sunt, sed lascivia obscenitate, XXV et XXVI in Curetium. Ex his omnibus et Alexandrinum Nostrum fuisse et dicacem tuto colligas, quae sane Martialis carminibus non sunt inferiora. Huc pertinet quoque XLII nimis obscutum. Breuem sententiam continent et acutam XXXIX, XL et XLI.

Ex illo genere, quod rei naturam lepide exprimit, sunt VI, VII, VIII, IX, X, XI, XII latina et XIII, XIV graeca de Crytallo inscripta, a diuersis forsan auctoribus profecta. In quibusdam acumen nimis quaesitum est, et XVIII in Sphaeram Archimedis. Inuentio est venustissima. Iupiter Sphaeram illam admirans inducitur.

Elegans sententia continetur carmine V in concham, e qua Serena lauatur. Huc pertinet quoque XXXIV de balneis Quintianis.

Pro epigrammatum natura nimis forsan longum est I et II, quorum primum mulas Gallicas describit barbarae voci Galli actoris obtemperantes, ut mirum non amplius sit, Orpheum cantu pecudes demulisse; alterum in senem Veronensem, qui suburbium numquam egressus est, in quo natura eius-

modi hominis, rerum cognitione, quam peregrinationes adferre solent, plane destituti, summaque vitae simplicitas vigorque corporis nullis vitiis imminutus, quae in magno hominum coetu et nasci et disci solent, egregie describitur. Acumen latet in duobus versibus supremis, vbi ille cum peregrinatore comparatur.

Armentum describit IV, in tabula forsan pictum, et XXXVII quadrigam marmoream acumine opere quaesito.

Carminibus XX, XXI, XXII, XXIII munera Serenae ad Honorium missa prosecutus est, non inuenta illa quidem, muneribus tamen ipsis commendanda.

Frigida sunt III, XXXI, XXVIII, et XLIII; nec non Graeca XVI et XVII.

Fragmenta sunt XXXII, XXXV, XXXVIII, XLIV, L, et XV Graecum, seu non satis liquet, quid sibi voluerit poeta. Forsan amore correptus Apollinem, qui ipse quoque amoris vim senserat, rogat, vt sibi canturo adsit.

A pia quidem mente, sed ab omni gratia poetica destituta, XLV, XLVIII, XLIX Latina, et XLVI, XLVII Graeca sunt profecta, vt mireris fuisse, qui arbitrarentur, illa Claudiani ingenio deberi.

Plane obscurum est XIX *de Polycaste et Perdice* inscriptum. Spectat enim rem aliquam, quae nobis plane est incognita.

Demonstratis iis, quae Claudianus in inueniendo, quae primaria poeseos virtus est, et in disponendo praeftiterit, veniamus tandem ad enunciationem seu ad indolem sermonis, quo est vsus. Scripta eius vel obiter perlustranti statim adparet, illum adhibuisse dicendi genus copiosissimum. Ornatum petiuit quum ex rebus tum ex sententiis.

Ad rerum copiam, qua semper vel in argumento maxime tenui et exili solet abundare, pertinet doctrinae ostentatio, qua nemo fere poetarum Latinorum ante eum tantopere sibi placuisse videtur, quamquam iampridem eam adhibere coeperant, eo-que maiori semper studio, quo magis ingenii defectum, cuius sibi conscii essent, illis subsidiis cuperent supplere. Quod quidem studium, cuius fons in natura animi humani, non verae utilitati, sed famae inani, seruiensis partim, partim in ipsa imitandi ratione situs est, nulla alia ciuitas magis alere atque excitare poterat, quam Alexandria et virorum omni literarum genere doctorum copia, et monumentorum scriptorum multitudine, vbi summa omnium artium ac disciplinarum, quas quidem tunc hominum sollertia excogitauerat, breui et nullo fere negotio poterat colligi. Quo amplior autem et diffusior erat rerum cognitio, qua memoriam locupletabant, eo minor suberat facultas mente et cogitatione eam digerendi, eiusque acumini subiiciendi. Qua utilitate, quae ad subigendum formandumque ingenium vnica est, plane tandem neglecta, illa sola est relictæ, per se nullius pretii, quam in ostentatione scientiae collocabant. Hac quoque vti sunt poetae, nec in postremis Claudianus. Solent quidem vulgo, in quibus poetis illud studium se exserit, eos doctos vocare, eorumque doctrinam magnopere admirari: verum, etiamsi summas, non omnia, quae scirent, eos effudisse, sed longe plura retinuisse, solidæ tamen eruditionis gloriam huiusmodi poetae nequaquam merentur, quandoquidem omnia, quae venditant, puerili studio in scholis erant comparata, aut aliunde facili negotio quaesita, vt memoria tantum opus esset mediocri ad ea complectenda, nullaue fere mentis contentione ad ea intelligenda. Quam ob rem nescio, an vanitas illorum potius ridenda, quam

doctrinae vbertas suspicienda sit *γ*). Claudianus in iis rebus, quae ad philosophicas disciplinas pertinent, quum Mallii prudentiam laudaret *z*), suam ipsius lectoribus iactitasse videri potest, nam omnis diuinarum humanarumque rerum scientiae potiora capita, diuersasque de iis philosophorum opiniones maxime memorabiles exposuit. Etiam astronomiae exquisitioris, non poeticae, cognitionem ostendit multis in locis, quae tamen ex Claudii Ptolemaei inde tempore Alexandrinos, qui quidem doctrina vel leuiter essent imbuti, fugere non poterant *a*). Quae etli sint per se egregia, tamen poeseos naturae parum accommodata esse dici possunt; etenim illa res tantum ita prosequitur, vt in sensus incurunt, respuitque subtiles illas rationes, quae calculo tantum posito aut mente et ratiocinatione colliguntur. Nemo sane frequentior fuit Claudiano in fabulis antiquis proferendis et coaceruandis, quae mutare solet interdum et variare et rationi philosophicae accommodare Stoicorum, qui hoc imprimis instituerunt, et popularium suorum exem-

γ) In his rebus laudandis cauti debent esse veterum scriptorum enarratores, ne iuuenibus persuadeatur, in doctrinae ostentatione nescio quid elegantiae esse; nihil enim nec libentius facere solent homines, nec facilius possunt, quam singula verba et locutiones aucupando omnium artium et scientiarum cognitionem venditare. Quae infania nostris temporibus vel libros vulgares occupauit, dum more quasi receptum esse videtur, populariter neminem scribere debere, nisi qui cum puerulis garrire instituerit, nec trita et in medio posita eleganter posse doceri, nisi verborum obscuritate inuoluta rerum maxime abditarum speciem praebeant.

z) XVII. 61 seqq.

a) Quod autem Gesnerus vel Philolaicam rationem a Claudiano adoptatam fuisse disputat, egregie fallitur. cf. I. 1, III. 11, VIII. 286, XXVI. 236.

plo, ita, ut non necesse sit in iis, in quibus a vulgari consuetudine recedit, ad obscuram Heraclidis disciplinam confugere, aut alios auctores circumspicere, quos secutus sit. Terrarum quoque et regionum descriptionibus abundat, quod mirum esse nequit, quum Alexandriae geographiae studia florent. Qua in re simul adparet, eum illorum, quae versus septentrionem sita sunt, vel imperfectam vel nullam habuisse cognitionem, et in quibusdam aliis, quorum verum situm ignoraret, ut passim alii quoque fecerunt, ingenio indulgisse. Praecipue splendidissimorum urbium, montium et fluminum, vel mythis celebratorum, vel rerum annalibus memorabilium, frequens sit ubique mentio, nulla fere habita in urbibus ratione, utrum exstarent adhuc, an ruinae tantum superessent. In exponendis quoque rebus suo tempore gestis colores solet petere ex antiquorum et Graecorum et Romanorum moribus atque institutis, id quod in promptu debet esse carmina eius legenti, ne ea, quae diu iam in desuetudinem venerint, Claudiani adhuc temporibus obtinuisse existimentur. Qua re hoc est consecutus, ut iis dicendi formulis posset uti, quas prisci poetae adhibuerant, suaeque orationi antiquitatis dignitatem conciliaret. Sed inde interpreti difficultates ortae sunt ad dissoluendum plerumque difficillimae. Ritus enim, instituta, religiones Graecorum, Romanorum aliarumque gentium ita erant ea tempestate confusa, ut ex illa colluie nova plane rerum facies exorta esset, quae rursus subinde variis ex causis mutabatur, aliamque speciem quotidie paene induebat. In his et publicae et privatae vitae vicissitudinibus tantum abest, ut definire possimus, quae cuique tempori fuerint propria, quidque postea vel demtum vel additum vel immutatum sit, ut ne eam quidem rerum formam, qualis Claudiani aevo fuerit, cognitam per-

spectamque habeamus *b*). Ita fit, vt in eius carminibus voces quidem audiamus et legamus in priorum poetarum monumentis satis obuias, rerum autem ratio per illas expressarum interdum nos fugiat, quando ex adiunctis cognoscimus, eam ab antiqua illa et vulgari diuersam fuisse. Admirabilis porro erat morum Romanorum in homine Alexandrino cognitio, eorum praesertim, qui locum habuerant in libera republica; hanc quoque quauis pagina ostentat, exemplaue et comparationes inde alias super alias repetit, quasi id egerit, vt dominatum inanibus libertatis verbis commendaret; nec in omni historia Romana vix factum aliquod seu res accidit memoratu digna, cuius ille loco plerumque apto mentionem non faciat, passimque rebus praesentibus ingeniose accommodet.

Praeterea dicendi genus, quo Claudianus vsus est, similitudinum, comparisonum, figurarum, troporum est refertum, quorum in iis carminibus,

b) Mores et instituta eius aetatis, qua Honorius vixit, melius procul dubio cognosceremus, si ad nos peruenissent carmina Lucilli, nobilis satirarum scriptoris, vt Rutilius quidem indicat in Itiner. I. 599 sq.

Qualis nunc Decius, Lucilli nobile pignus,

Per Corythi populos arua beata regit.

Nec mirum, magni si redditus indole nati

Felix tam simili posteritate pater.

Huius vulnificis, satira ludente, Camenis

Nec Turnus potior, nec Iuuenalis erit.

Restituit veterem censoria lima pudorem;

Dumque malos carpit, praecipit esse bonos.

De eo v. Wernsdorf. Poet. lat. min. T. III. p. XXII seq. T. IV. p. 824 sq. Multum lucis ex iis carminibus, si superessent, temporum historiae posset adfundi, et non pauca, quae Claudianus celebravit, aliter se habere cognosceremus. Ceterum, num epigrammata, quae sub illius nomine Anthologia Graeca complectitur, eiusdem auctoris sint, quum salem pleraque non habeant, dubitari saltem potest.

quae in laudem vel in vituperationem alicuius scripta sunt, iis plerumque gaudet, quibus res supra modum vel augentur vel deprimuntur c). Oratio non ex mentis conditione sponte nata, ita

e) In comparisonum delectu plerumque satis felix est Claudianus, sed iis passim nimis indulsit, in quibusdam etiam iudicium poetae requiras. Eos, qui laudantur, semper fere cum diis conferri et aequari, expectare possis in poeta, qui se totum ad adulationem composuit. Sic Theodosius comparatur cum Marte quiescente I. 119 sqq. idem, qui turbatas imperii res sustinuerat cum Sole post Phaethontis ruinam vniuersitatem ab interitu vindicante moderamen currus solaris rursus suscipiendo VIII. 62 sqq. eodem carmine v. 416 sqq. filium monens cum gubernatore multo rerum usu subacto. cf. etiam 206 sqq. et XV. 219 sqq. Splendida sane est Honorii, qui puer adhuc Augustus erat factus, comparatio cum Iove imperium coeli primum obtinente VIII. 197 sqq. Pari modo mater Proбини et Olybrii cum Latona contenditur Apollinem et Dianam comente I. 183 sqq. et paullo inferior v. 194 sqq. cum Pudicitia et Iunone. Maria cum matre cum rosis Paestanis X. 247 sqq. viri insignes cum luna stellas obscurante I. 22 sqq. Vere sublimis est illa contentio viri constantis cum Olympo monte XVII. 206 sqq. Minus apta videtur esse illa Stilichonis re infecta se recipientis cum leone, quem pastores a grege depulerunt V. 252 sqq. In re turpi etiam turpes imagines adhibentur. Sic Rufinus cum bellua comparatur in arena, Eutropius spado, domo eiectus, cum cane obeso XVIII. 102 sqq. In nullo quoque veterum poetarum tanta est descriptionum copia, sed non omnes sunt eiusdem dignitatis et pretii. Sic in primo carmine gloriae v. 31 seqq. liberalitatis v. 43 sqq. ambitionis v. 64 sqq. inuentae v. 68 sqq. Romae deae v. 85 sqq. clipei v. 96 sqq. Tiberini v. 214 sqq. anni felicitis v. 266 sqq. In tertio concilii monstrorum inferorum v. 28 sqq. Aleetus v. 41 sqq. Megaerae v. 75 sqq. Hunnorum v. 323 sqq. Felicitatis temporum v. 380 sqq. Porro sedis Veneris in Cypro X. 49 sqq. Veneris se comentis v. 90 sqq. eius cesti v. 124 sqq. pulchritudinis Mariae et matris v. 264 sqq. Romae deae fame consumtae XV. 19 sqq. Sed haec iam sufficiunt ad indolem poetae cognoscendam.

vt ex eius colore suum colorem traheret, sed arte quaesita est, singulaque ad praeceptiones quasi composita sunt. Vnde factum est, vt illa imaginis sit instar, ad picturae quidem leges delineatae, pigmentis non naturalibus, sed exquisitissimis quibusque, obductae, vitam stolide ludentis, non oculos animosque contemplantium, sibi que imponi libenter patientium, fascinatione suauissima perstringentis. Quemadmodum omnes res ad ostentationem comparatae sunt et congestae, non vt admirationem moueant, quippe in quo declamator raro soleat acquiescere, sed vt adtonitos homines reddant, miraculoque stupentes; ita etiam in elocutione nullae sunt luminum et umbrarum gratae vices, suauesque mixturae, colores non ad veritatem temperati rerumque naturae conuenientes; nullae partes sapienter neglectae recedunt, vt, quae potiores sint, sponte emineant, sed ad modum picturarum Sinensium magna est rerum varietas sine vlla copulatione et consilio, lumina ardent tenebris adiectis, pigmentorum fulgor oculos grauiter ferit, omniaque plana et in eadem superficie iacentia deprehenduntur. Quum animus poetae rebus ipsis non magnopere moueretur, nihilominus tamen adfectus vehementes essent simulandi: ad eas confugit rationes, quas verae mentis commotiones antiquioribus poetis et oratoribus fuggerant, iisque pro instrumentis vsus est ad sensus simulandos, quas ipse habere non posset. Neque sane mirum est, illum inflatum passim et tumidum esse factum, vbi grandis et sublimis videri vellet, quum ipsa ostentandi ratio ita sit comparata, vt, quae in medio posita sunt, transeat et extrema semper sectetur. Quando enim veri sensus defunt, ideoque nihil est, ad quod verba et dictiones referas: fieri non potest, quin tumida fiant, quae sublimia velles, improba, quae audientia, et nimia, quae plena. Omnes praeterea,

qui ingenio, vel natura vel consuetudine circumscripto, vtuntur, vt totum mente complecti, partesque inter se ad conuenientiam totius accommodare disponere non valeant, in singulis membris, iis praesertim, quae amplissimas descriptiones admittant, ornandis occupati esse solent. Cuius rei exempla quum plurima apud recentioris temporis poetas, tum etiam apud Nostrum occurrunt, adeo, vt interdum videantur illis locis non pro luminibus esse vti, quibus totum distinguerent, sed carmina sua scripsisse, vt fila haberent, quibus gemulas istas, ante comparatas et politas, ordine quasi continuarent. Illae descriptiones etiam hoc habent proprium, quod omnis fere cura consumpta est in materiis exquisitissimis et pretiosissimis vndique colligendis; ratio autem, qua composita sunt omnia, vel omnino interdum neglecta est, vel tam insulse designata, vt statim videas, pulchri et venusti sensum, qui ordine rerum aptaque illarum copulatione cernitur, ineptae et puerili cessisse magnificentiae, quae imperitorum tantum oculos pascat, nauseam vero moueat genuinae elegantiae adsuefactis. Ne tamen iniquam de Claudiano sententiam feramus, hoc tenendum est, in illo carminum genere, ad quod necessitas magis illum compulit, quam animi voluntas adduxit, et in quo, quod profecto dolendum est, ingenium suum haud mediocriter consumpsit, plurimum illorum iudicio erat dandum, quorum laudes essent sibi celebrandae. In his enim, non quod tibi magnificum et praeclarum videatur, dicendum est, non eo modo, qui solus recto rerum iudicio possit probari; sed ea, quorum causa maxime sibi plaudant, eaque ratione, qua obtusus eorum sensus et iudicium, nulla fere politiori humanitate excultum, laetetur. Barbarorum autem oculos venusta rerum forma raro in se solet conuertere, aut, etiamsi naturae beneficio molliores

sensus nacti sint, tamen materia ipsa formam commendet necesse est, quam sint admiraturi. In iisdem carminibus nimio artis ostentandae studio laborant etiam omnes fere comparationes et similitudines, quae, quum ad ornatum, cui in illo scribendi genere maxime inseruitur, pertineant, frequentius occurrunt. Plane noua inuenire in tanta poetarum, qui praecesserant, multitudine, difficile erat et omnino arduum ei, qui a pueris ad imitationem aliorum ingenium suum composuerat; decantata autem repetere non erat poetae, ingeniosi nomen sibi vindicantis: omnis igitur opera in variandis, exornandis et dilatandis erat impendenda, in quo etiam omnem dicendi copiam exposuisse Claudianus videri potest. Quamquam enim saepius eandem rem profert, tamen semper fere tanto verborum delectu, tam noua sententiarum conuersione utitur, ut, nisi penitus attendas, vix repetita te legere sentias, atque id non solum fecit in iis, quae hoc natura habent, ut variandi copiam vltro praebeant, verum etiam in vulgaribus atque tritis, quae minus in exornandi studio exercitatus, aut minori ingenii vbertate instructus, vix semel splendide extulisset, sine taedio iterare se posse desperasset. Atque, quod difficillimum in hoc genere est, ut et satietatem lectorum euites, et in puorum ludibria non incidas, hoc fere semper prouidit inexhausta ingenii sui copia. Mihi quidem, carminum lectionem per interualla repetenti, oborta semper est ea cogitatio, ut statuerem, Claudianum non tam sententiarum copiae studuisse, etiamsi et his abundat, quam singulis nouo semper modo variandis, atque in hac re summam elocutionis collocasse. In verbis semper summus adhibitus est delectus, ita ut in rebus laudandis grauissima quaeque et ornatissima et maximam vim habentia delegerit; in vituperandis haud raro quidem ad turpia

descendit, in quibus tamen vel acumen vel elegantiam, siquidem illa in istiusmodi rebus possit locum habere, agnosces, neque umquam ornatum poeticum desiderabis. Imprimis ad indolem Claudiani sermonis pertinet grauissimorum epithetorum copia, nusquam fere temere, sed magna cum diligentia positorum, quae quidem interdum nimio studio quaesita paulloque altius petita sunt, ut vix possis dispicere, quid poeta sit secutus. Illis potissimum usus est pro gemmulis, quibus orationem distingueret et splendorem, non tam grato lumine fulgentem, quam scintillantem, per totum eius decursum diffunderet, qui quoque eam vim habuit, ut vel doctissimorum et elegantissimorum virorum oculos adeo deliniret, ut in reliquis sermonis vitiis coecuterent, aut iudices essent nimis dissoluti. Omnes enim propemodum ita existimauerunt, Claudianum poetam esse inter Latinos Virgilio tantum postponendum, eiusque lectione vehementer delectati sunt. Nec, si sermonis cultum et splendorem, verborum suauem collocationem, versuum numerum et diligentiam consideres, habes sane, quod illorum iudicium magnopere deprehendas, quippe qui in illis, quae ad instrumenta tantum artis poeticae rectius referenda sunt, quam ad veram eius indolem et naturam, omnem illius facultatis vim sitam esse arbitrarentur. Sunt tamen verborum et enunciationum complexiones, quamquam suam suauitatem habent, auribusque concentu suo blandiuntur, oratoriae magis quam poeticae. Modo sententiae per plurium membrorum, numerose et concinne inter se copulatum, continuationem deuoluuntur, modo eadem res bis, ter, interdum quater alia sententiarum conuersione aliisque verbis iteratur, sed membris concisis, nullaque copulatione iunctis, ut in summa dicendi copia species aliqua breuitatis ostendatur. Interdum non membra solum

membris, sed verba etiam verbis respondent, concinnitasque non sponte oblata, sed curiose quaesita, adparet. Id quod omnino indolem sermonis panegyrici ostendit, quae non solum in Plinio iuniore, sed etiam in illis, qui eum secuti sunt, deprehenditur, et remansit in carminibus panegyricis, ut vel ex hoc fontem agnoscas, unde illa sunt derivata. Frequentissime occurrunt duae enunciationes, eandem sententiam complectentes, quarum, quod altera per affirmationem expressit, altera per negationem effert numeris priori respondens. Ad communem versuum, quibus Claudianus utitur, indolem referas, quod graues sunt, et sonori et splendidi, non semper quidem tanta arte inter se contexti, quantam in Virgilio admiramur, cuius rhythmicæ versuum continuationes iure putandæ sunt adtigisse summa, ad quae in illo artificio possit perueniri. Huic autem rei Claudianus temporis angustia exclusus non eam poterat curam impendere, qua Virgilius carmina sua perpoliuit. Quam limatae autem aures nostri poetae fuerint et quam elegans ipse in versuum constructione, multa loca ostendunt, imprimis ea, ubi versuum numerus ad sensuum et rerum rationem adtemperatus deprehenditur d). Non est igitur, quod negemus, in

d) Habent hoc Graecorum et Romanorum linguae, ut ipsa verborum ratio et syllabarum quantitate et consonantium vel asperitate vel mollitie, vocalium vel grauitate vel lenitate earum rerum, quarum notae verba illa sunt, naturam ex parte exprimant. Inde fit, ut numeri non solum grati sint et suaues, verum etiam picturam quasi exhibeant auribus percipiendam, quae res meditati poetae, verbaque ad sensum apte eligenti, sponte solet occurrere. In hoc genere notando maxime cauendum est, ne in acumine aurium nostrarum ostentando, dum in minimis et obscuro adeo rebus poetae studium agnouisse nobis persuadeamus, inepti fiamus et putidi. Pauca exempla ex Claudiano proferamus, ut pateat, eum etiam

artificio poetico Claudianum fuisse maxime exercitatum, sed, si ille nihil praeter panegyrica et epicum illud carmen, quod de raptu Proserpinae est inscriptum, reliquisset, nihilominus tamen non magis genuinus Calliopes alumnus esset habendus, quam Seneca tragicus Thaliae, etiamsi in dialogis huius spiritum tragicum, et in choris lyricam

in illa elegantia non fuisse indiligentem. III, 132 versus exprimit terrae motum et sequens Rheni torporem. Numerus, quem percipimus III, 218sq. ita rem verbis significatam exprimit, ut Homeri et Virgilii diligentiae dignus possit censer. Porro III, 269sq. primo versu numeri fluvium significant intumescens, sequente rapidum, tertio scopuli obstaculo cohibitum, quarto contra molem illam furentem. Concinnitatem agnoscimus in V. 50sq. et VIII. 401sq. Pari ratione VIII. 87sq. summum dignitatis locum duo priores versus declarant, tertius ruinam, qua Maximus et Eugenius in humilem rursus conditionem sunt delati. Inter alia carmen IX. hoc nomine est commendandum, ubi a v. 17sq. omnia nobilitatem carminis Apollinei spirant. Sic quoque XXXII, ubi a v. 5 timiditas in primo conatu paulatim in summam securitatem et audaciam versa numeris egregie exprimitur. Audiamus Crusium de versibus Claudiani disputantem in libro, cuius est titulus: *The lives of the Roman Poets* Vol. II. London 1733. *They are, as usual, divided in their opinions of him; some think his style too florid, and are offended with the flowing ease and harmoniousness of his numbers. But this is what Claudian seems to have aimed at as a beauty, and in which he has succeeded beyond all the Latin poets. But as true harmony of numbers does not barely consist in tunable and pleasing sounds, but requires a due mixture of gravity and elevation as well as smoothness and fluency to compleat it and all of them justly adapted to the character of the subject to be described, whereby the numbers become in some sort significant as well as the expression; therefore that equability and constant fluency of Claudians numbers has been justly objected against, as wanting both variety and strength in many places to support the dignity of the expression.*

maiestatem non magnopere desideres. Ex paruis autem quibusdam carminibus, vt supra monuimus, tuto possumus colligere, Claudiani ingenium meliori tempore fuisse dignum, gloriaeque suae apud posteros eum melius consuluisse, si vacuus a curis et vulgi securus in antris et vmbraculis Musarum esset versatus, nec inuitas eas in domum Honorii et Stilichonis, tamquam in pistrinum, compegisset. In omnibus autem vitiis, quae illi iure exprobrari possunt, talis tamen est, qualem illa tempestate nequaquam expectasses, tantam in quibusdam carminibus paruis et in singulis reliquorum locis ostendit ingenii elegantiam, tanta est sermonis, quem adhibuit, puritas, vt raro saeculi in barbariem inclinantis vestigia occurrant. Quae quum ita sint, recte dixeris, errorem quendam naturae Claudiani ingenium, tamquam semen aliquod, non veris tempore apto, sed aestate iam inclinata, terris intulisse, quae herbam quidem luxuriantem produxerint et flores fructus ostendentes vberrimos, qui tamen ad maturitatem peruenire non potuerint. Accedit quoque, quod carmina eius pleraque sunt eiusmodi, quae non liber animi impetus fudit, sed quae debent originem occasione subito obortae, non satis opportuna ad mentem magnitudinis et admirationis sensu inflammandam; nec, etiamsi eum ab aliis negotiis plane vacuum cogitamus fuisse, satis mirari possumus, quod tot saepe carmina, tam proluxa, in tanta rerum ieiunitate, vno eodemque anno conficere potuit e). Quum quo-

e) Sic, vt hoc tantum vtar, A. C. 399 et scripsit et recitauit carmen de bello Gildonico, panegyricum in Mallium Theodorum, duo illa carmina in Eutropium spadonem et tria in consulatum Stilichonis, quae sequentis anni principio erant recitanda. Omnia haec tribus millibus versuum et trecentis triginta tribus constant. Atque de illis tantum loquimur, quae ad nos peruenerunt, for-

que, quae scripssisset, statim recitanda et in patronorum honorem euulganda essent, Horatiano praecepto, ut scripta nonum in annum premantur, non poterat uti, illaque opportunitate, quam optimis quibusque poetis fortuna non negavit, carmina sua retractandi et male cusa ad incudem reuocandi, erat destitutus. Etiam post Stilichonis necem, si modo illi viro superstes, nec calamitate eius fuerit implicatus, tanta rerum commutatio facta est, ut, quae laudibus ante celebrata fuerant, nunc maximo odio premerentur *f*); quo tempore igitur de iis liman-

tasse plura etiam illo anno scripsit. In tanta autem festinatione, qua versus erant effundendi, quis cum ingenii illius ubertate non illud iure admiretur, quod, quum tot res essent, quae eum ab exacta veterum poetarum diligentia auocarent, tamen non longius ab illa aberrauerit. Hoc luculentius adparebit, si eum cum Sidonio Apollinari comparaueris. Et, ne longi simus, indicemus tantum loca quaedam, in quibus illa contentio cum fructu institui possit. cf. Claud. VII. 18 sq. et VIII. 141 sqq. cum Sidon. Apoll. II. 105 sqq., Claud. VII. 22 sqq. cum Sidon. Apoll. II. 133 sqq., Claud. XVII. 67 sqq. cum Sidon. Apoll. II. 155 sqq., Claud. III. 323 sq. cum Sid. Apoll. II. 244 sqq. Quantopere autem studuerit imitator ornatu certare cum Nostro, sequentia indicabunt. cf. Claud. XXII. 262 sqq. cum Sidon. Apoll. II. 317 sqq., Claud. I. 214. cum Sidon. Apoll. II. 332 sqq., Claud. I. 83. cum Sid. Apoll. II. 389 sqq. et V. 13 sqq., Claud. XX. 528. cum Sid. Apoll. II. 420 sqq., Claud. XV. 31 sqq. cum Sidon. Apoll. II. 440 sqq., Claud. VII. 210 sqq. cum Sid. Apoll. V. 41 sqq., Claud. XV. 134 sqq. cum Sidon. Apoll. V. 53 sqq., Claud. XXXVI. 1 sqq. cum Sidon. Apoll. VII. 20 sqq., Claud. XV. 17 sqq. cum Sidon. Apoll. VII. 45 sqq. Sobrius sane et quantiuis pretii Claudianus tibi videbitur, si legeris illa ludibria Sid. Apoll. II. 411 sqq. V. 474 sqq. VII. 80 sqq. XV. 141 sqq. XXIII. 39 sqq.

f) Olympius quidam, cuius mores accurate describit Zosimus (V. 32.) docuerat Honorium, in cuius se benevolentiam hominem frugi et modestum se simulando insinuauerat, eum speciem tantum Imperatoris prae se ferre, totumque esse in potestate Stilichonis, qui id ageret, ut

dis non poterat cogitare, quae, si sibi consulere vellet, penitus essent abolenda. Quae quum con-

ipso interfecto imperium Eucherio filio traderet. Hic iam paullo ante primum expertus erat, patrum consilia suae voluntati contraria esse, quum illis persuadere vellet, ut pacem ab Alarico quatuor millibus auri emerent, bellumque ab illo intentatum euitarent (Zosim. V. 29.). Vbi vidit, se in suspicionem Honorio adductum esse atque segregari ab interioribus consiliis, iam tum calamitatem sibi imminentem praeuidens, Imperatorem ab itinere in castra ad Paviam destinato, ut se militibus ostenderet, retinere studuit. Quod quum frustra tentasset, in itinere seditione Praetorianorum, Bononiae mota, et Honorium terrere et milites clementia sibi adiungere conatus est. Sed Honorius, ubi in castra venit, ad milites, iam consilio Olympii praeparatos, et a Stilichone, qui barbaris nimium tribueret, alienatos, verba fecit. Oratione finita illi repente consurgunt, omnesque Stilichonis amicos trucidant. Quibus nunciatis Stilicho dum Bononiae trepidaret, quodnam consilium caperet (Zosim. V. 34.) nocte insequente ex ecclesia, in quam territus confugerat, fide data extractus et ab Heracleano Comite, Olympii iussu interfectus est, magnaue crudelitate in uxorem, filium eosque, quos pristina fortuna cum illo coniunxerat, saevitum est. Zosim. V. 35. Oros. VII. 38. Cod. Theodos. lib. VII. Tit. XIV. l. 1. lib. IX. Tit. XLII. l. 22. vocatur *praedo publicus*, insimulaturque opes suas *ad omnem distandam inquietandamque barbariem* contulisse. Quanto in odio etiam aliquot annis post memoria eius fuerit, docent versus Rutiliani, qui floruit A. C. 416. Itiner. II. 41 seqq.

*Quo magis est facinus diri Stilichonis acerbum,
Proditor arcani qui fuit imperii.
Romano generi dum nititur esse superstes,
Crudelis summis miscuit ima furor:
Dumque timet, quicquid se fecerat ipse timeri,
Immisit Latiae barbara tela neci.
Visceribus nudis armatum condidit hostem,
Illatae cladis liberiore dolo.
Ipsa satellitibus pellitis Roma petebat,
Et captiva prius, quam caperetur, erat.*

siderem, mihi persuadere non possum, ut statuam,
Claudianum umquam carmina sua colligendi et

*Nec tantum Geticis grassatus proditor armis:
Ante Sibyllinae fata cremavit opis.
Odimus Althaeam consumti funere torris:
Niseum crimen flere putantur aues.
At Stilicho aeterni fatalia pignora regni,
Et plenas voluit praecipitare colus.
Omnia Tartarei cessent tormenta Neronis,
Consumat Stygias tristior umbra faces.
Hic immortalem, mortalem perculit ille;
Hic mundi matrem perculit, ille suam.*

Etiam Sidonius Apollinaris, qui floruit circa A. C. 460, mentionem quidem facit nostri poetae, sed nomine omisso et per illud carmen eum significans, quod ut invidiae minus erat expositum, ita minus aptum ad memoriam eius posteris commendandam. Forſan illo tempore carmina Claudiani nondum erant collecta. Subiungamus inscriptiones duas honori Stilichonis positas, quarum altera reperta Romae in basi marmorea praegrandi, altera ibidem inuenta in basi marmorea superne defracta. Exhibentur apud Gruterum Inscript. p. 412. n. 3. et 4.

I.

FL. STILICHONI. V. C.

FL. STILICHONI. ILLUSTRISSIMO. VIRO. MAGISTRO. EQVITVM
PEDITVMQVE. COMITI. DOMESTICORVM. TRIBVNO. PRAETORIANO
ET. AB. INEVNTE. AETATE. PER. GRADVS. CLARISSIMAE. MILITIAE
AD. COLUMEN. GLORIAE. SEMPITERNAE. ET. REGIAE. ADFINITATIS
EVECTO. PROGENERO. DIVI. THEODOSI. AVGVSTI. IN. OMNIBVS.
BELLIS

ATQVE. VICTORIIS. ET. AB. EO. IN. ADFINITATEM. REGIAM. COOPTA
TO. ITEMQVE. SOCERO. D. N. HONORI. AVGVSTI. AFRICA. CONSILIIS
EIVS. ET. PROVISIONE. LIBERATA. EX. S. C.

II.

— — — — —
VIRO. BIS. CONSVLI. ORDINARIO
MAGISTRO. VTRIVSQUE. MILITIAE
COMITI. DOMESTICORVM
ET. STABVLI. SACRI. ATQVE
AB. INEVNTE. AETATE. PER
GRADVS. CLARISSIMAE
MILITIAE. AD. COLUMEN. REGIAE

secunda cura edendi consilium agitasse. Ex carminum etiam, quae supersunt, ratione et ordine diverso, quo in Mss. iuncta deprehenduntur, nec non singulorum mutilatione et defectu, verisimile est, ea post illius mortem, quae quidem adhuc deprehendi possent, esse collecta, quum iam temporum lapsu non pauca essent vel deperdita vel suppressa. Forsan inde quoque explicari possunt interpolationes haud paucae, aut, si mauis, loca plane inepta et frigida, quorum culpam poetae manes immerito sustinent, et nimia breuitate perplexa, quae ex lacunis male confutis possunt orta esse. Praecipue in iis carminibus, quae epigrammatum nomine circumferuntur, difficile est iudicatu, quatenus Claudiani sint, quaeque alium auctorem habeant; in hoc certe mecum consentient omnes, ea, in quibus res religionis Christianae celebrantur, ad illum non pertinere, sed lusus esse pii cuiusdam ingenii, bene quidem de republica Christiana sentientis, sed ab omni facultate poetica adeo abhorrentis, ut ne oscitanti quidem Claudiano in mentem venire potuerint, etiamsi sumas, illum vel ad Christianam sectam se conuertisse, vel semper fuisse eius adsecclam, cuius tamen rei in reli-

ADFINITATIS. ERECTO. SOCIO
 BELLORVM. OMNIVM
 ET. VICTORIARVM. ADFINI
 ETIAM. DIVI. THEODOSI. AVGVSTI
 ITEMQVE. SOCERO
 DOMINI. NOSTRI. HONORI. AVGVSTI. POPVLVS. ROMANVS
 PRO. SINGVLARI. EIVS
 CIRCA. SE. AMORE
 ATQVE. PROVIDENTIA
 STATVAM. EX. AERE. ARGENTOQVE
 IN. ROSTRIS. AD. MEMORIAM
 GLORIAE. SEMPITERNAE
 CONLOCANDAM. DECREVIT.
 EXEQVENTE. FL. PISIDIO. ROMVLO
 V. C. PRAEF. VRBIS.

quis carminibus nullum exstat vestigium. Inter reliqua quoque nonnulla sunt dubii auctoris, et huiusmodi, ut operae non sit, de iis longam disputationem instituere. Conuertamus iam nos ad eos viros, qui de carminibus Claudiani, quem, si eum fata in Augusti aetatem detulissent, vel Virgilius ipse non superasset g), bene meriti sunt. Quaecunque illi ad nostrum poetam vel emendandum vel illustrandum contulerunt, eorum, quae memoratu digna nostroque consilio apta sunt, mentionem breuiter faciemus.

Editores Bipontini indicem editionum Cl. Claudiani in quatuor aetates digesserunt. Venetam I, quae 1470 prodiisse vulgo dicitur, ab vno Dempfiero memoratam, et Vicentinam I. a *Barnaba Celsano* 1482 curatam, in qua maiora carmina omnia desiderantur, excepit Parmensis I. per *Angelum Ugoletum* 1493 impressa et a *Thadaeo Ugoletto*, qui Mss. antiquis ad corrigendum et explendum usus est, emendata, quae iure prima recensio critica et vere princeps editio habetur. Separatim edidit commentarioque satis luculento exornauit carmen de

g) Non possum non Crusii (l. supra l.) verba mea facere: *But as all I can say would fall short of their excellency, let us return to Claudian, whom we must allow his due praise even in the Epic way, when we recollect what a great interval of time passed between him and Virgil, during which the Roman empire was continually declining both in arts and arms; this consideration will incline us to treat his faults more favorably, at the same time that we may endeavour to avoid them; since it is next to a prodigy to see him breaking thro' so many impediments, and rise a perfection, that sets him above most of the poets, that preceded him, as he is infinitely beyond all that succeed him for many ages.*

raptu Proserpinae inscriptum *Janus Parrhasius* Mediolani 1500 fol. auctor est Mediol. II. c. comment. Jan. Parrh. 1505.

Aetas secunda incipit a *Ioanne Camerte*, sacrae theologiae simul et optimarum literarum professore, ordinis D. Francisci. Eius editio, quae vocatur *Camertina I.*, prodiit Viennae Austriae 1510 sub titulo: Claudiani opera nouissime per D. Ioannem Camertem accuratissime recognita. In praefatione gloriatur, se Claudianum, mendis innumeris *denigratum*, in pristinam redegisse *maiestatem* et suo candori restituisse. Adiecit *Camers* quatuor illa carmina numeris XCVIII, XCIX, C, et CI insignita. Quae quum in Iuntina, quae prodiit Florentiae 1519. 8. per heredes *Philippi Iuntae*, non reperiantur, non vsum esse Iuntam Camertis editione viri docti colligunt. Sequitur Aldina: Cl. Claudiani opera quam diligentissime castigata Venetiis in aedibus *Aldi* et *Andreae Asulani* soceri 1523. 3. Haud contemnenda quoque ducitur ed. Basiliensis 1534. 8. ex aedibus *Ioannis Bebelii*, cui *Michael Isingrinus* praefatus est, qui *Michaelem Bentinum* et post huius mortem *Ioannem Honterum* huic editioni praefuisse memorat. De hac edit. plura v. in Gesner. prolegom. XXVIII. seq. Laudantur praeterea ed. Parisiensis 1530. 8. apud *Simon. Colinaeum*, repetita 1590 et Gryphianae plures 1535, 1548, 1561.

Tertia aetas incipit a *Theodoro Pulmanno* Craneburgio, cuius recensioem officina Plantiniana protulit Antwerpiae 1571. 16. Adiectae sunt notae *Delrii*. Hic primus carmina Claudiana in eum ordinem disposuit, quo scripta et recitata sunt, cuius rei rationem in praefatione quoque reddidit, in hoc tantum ab Heinio differt, quod carmen XXIV inscripsit: *In consulatum secundum Stilichonis*, illud-

que carmini subiecit, quo sextus Honorii consularius celebratur. Repetita est illa editio 1585, 1596, 1611. Huic successit *St. Claverius* in suprema curia (Biturigis) advocatus, qui ex vett. codd. fide, qui olim in bibliotheca Cuiaciana erant, Claudianum emendavit ediditque Parisiis 1602. 4. addita sunt *I. Parrhasii* selecta et *Delrii* notae. Illam editionem, quae *Raphelengii* 1603. 12. ex emendatione *VV. DD.* prodiit, a *Scaligero*, ut volunt, curatam, optimam *Heinsius* iudicavit. Repetita est 1608. 16. Interpretationem totius Claudiani suscepit primus *Caspar Barthius*, eumque cum commentario edidit Hanoviae 1612. 8. in bibliopolio Willieriano. In librorum manu exaratorum lectionibus proponendis secutus est *Pulmanni* fidem, tum quidem existimans, operae pretium non esse plurium novorum Mss. collationem. Quam tamen opinionem mutavit vndequadraginta annis post, ubi secundam editionem paravit septendecim Mss. librorum ope adiutus cum commentario locupletiore grammatico, critico, philologo, historico, philosophico, politico, ita (verbis ipsius utar) ut auctor politissimus omni aetati, scholasticae, academicae, aulicae, politicae esse debeat ex commendato commendatissimus. Prodiit Francofurti 1650. 4. Basis est *Raphelengiana*. Commentarius est congeries plurimarum atque diversissimarum rerum, quae magnam partem quidem editoris eruditionem testatur, sed utilitate non ita magna ad poetam illustrandum, quandoquidem ea, quae huc pertinent, rara natant in gurgite vasto. Multas difficultates, quae vel exercitato lectori negotium facessere possint, ne adtigit quidem; haud pauca perperam explicuit. Dum poetas Claudiano recentiores scrutaretur, qui illum imitati sint, vel easdem sententias vberius expresserint, antiquiores, quos Claudianus ante

oculos habuit, passim neglexit. Tum etiam in philosophicis, mythologicis, politicis aliisque nugis, vt aetas eius ferebat, multus est, locorumque descriptorum mole lectorem vel maxime strenuum delassat. Illud incommodum augetur etiam mendorum typographicorum multitudine, qua omnia, Graeca praesertim, scatent, saepeque maiore diuinatione opus est, vt intelligas, quid interpretes sibi velit, quam quid poeta dicat interprete remoto.

Aetas quarta merito *Heinsiana* dicitur. Ille enim *Nicolaus Heinsius*, vnicus veterum poetarum latinorum vindex et sospitator, ope XXVIII codd. mss. quos in itineribus per Angliam, Galliam, Germaniam et Italiam susceptis et repetitis comparauit, adhibitis etiam edd. vet. Claudianum recensuit. Prima editio prodiit Lugduni Batavorum 1650. 12. quam absente Heinsio curauit *Ioann. Friedericus Gronovius*. Secunda prodiit Amstelodami 1665. 8. ad quam rursus decem nouorum Mss. subsidia accessere, sed diligentia eius, qui operis praefuit, Heinsio non probata est, plures enim mendae irreplerant. *Schrevelius* adiecit notas variorum. Priorem *Heinsii* editionem secutus est *Io. Mathias Gesnerus* in sua, lectionis varietate et commentario instructa, quae prodiit Lipsiae in officina Fritschia 1759. 8. Illa tantum in textu mutata sunt, quae mutanda censuerat *Heinsius* in ed. sec. aliquoties tamen ab illo viro discessit, ratione, cur id fecerit, in notis reddita. Varietas lectionis inter textum et notas interposita est. Ad poetam interpretandum egregiam nauauit operam senex ille venerabilis, quam eius modestia, quae humaniorum literarum studiosis exemplo esse potest, plus etiam commendat. Iam ante Gesnerum nouam editionem moliebatur *Petrus Burmannus* cum suis, *Heinsii*, et alio-

rum notis exornandam, sed vitae et literis est ereptus, antequam rem posset profligare. Eam suscepit deinde *Petrus Burmannus* secundus, e fratre nepos, editioque lucem vidit Amstelodami 1760. 4. cum integris *Delrii*, *Claverii*, *Dempsteri*, auctioribus *Nicolai Heinsii* et ineditis *Petri Burmanni* adnotationibus. Accessit sylloge varr. lectt. ex ingenti numero codd. Mss. a *Nicol. Heinsio* collatorum (occupat illa 264 paginas). Subiuncta est Lactantii elegia de Phoenice cum curis secundis *Nic. Heinsii* et *Petri Burmanni* sec. Praeclaram hanc editionem, quamquam a typographicis erroribus haud liberam, omnem fere adparatum criticum continere vix videtur monendum esse. Hanc editionem intervallo haud sane longo secuta est Bipontina 1784. 8. ad Gesnerianam et Ianssonianam (Amstelodami 1620, et 1623) expressa, in qua multae lectiones, quae meliores visae essent, rescriptae dicuntur.

Restat, ut consilium, quod in nostra editione secuti simus, paucis exponamus. Quum re saepius tentata mihi persuaserim, in textu ex illo adparatu critico, quo *Heinsius* usus est, quemque *Burmannus* etiam auxit, restituendo, omnia ab illis duumviris esse facta, quae a tantis ingeniis expectari poterant: de noua recensione non poteram cogitare, nisi temeritatis et arrogantiae crimen incurrere vellem. Sed quum ille videretur rarioribus lectionibus et graecismis vel praeter codd. Mss. auctoritatem inducendis nimis indulgisse; hic interdum in grammatica ratione retinenda poetam nimis in ordinem coegisse: non est, puto, quod verear, ne quis me audaciae insimulet, si in paucis quibusdam locis ab utriusque auctoritate discesserim. Quandocunque autem hoc factum est, in adnotationibus semper id monui, rationesque, quas secutus sim,

indicaui. Superfunt plura loca, quae, etiam si omnes libri scripti, quotquot collati sunt, in iis consentiunt, tamen corrupta esse videntur; id quod, si quidem Mss. inspectio accurate sit instituta, vlcera indicat illorum aetatem superantia, et, donec noua subsidia accedant, vel non tangenda, vel interim coniecturis sananda. In quibus etiam hoc mihi sumsi, vt illorum coniecturis, si mihi minus probarentur, meas subiicerem; in textum autem, praeter Heinsii et Burmanni vnam et alteram, nullas recepi. Locorum enim ex ingenio restituendorum licentia, quae nunc rursus increbrescere videtur, passimque laudibus ferri coepta est, cautionibus nimis seueris numquam coercebitur, quum maiorem plerumque habere soleat ingenii ostentationem, quam vtilitatis ad rempublicam literariam pertinentis veram promotionem. Aliter se res habet in adnotationibus, in quibus concedendum est interpreti, vt libere sententiam proferat, eamque medicinam proponat, quae sibi probetur, modo lectoribus potestatem secus statuendi relinquat. In interpunctione, quae vel in Burmanniana, vitio operarum vt arbitror, male se habet, mutanda ea libertate vsus sum, qua vnusquisque editor gaudet, vt, quum ea diuersa sit apud diuersos, suam ipsius rationem sequatur, donec leges fuerint institutae, quibus omnes teneantur. Ceterum in adnotationibus ausus sum, loca quaedam interpolata iudicare, versusque totos institutos, quos viri docti, qui in textu emendando operam suam ante me collocarunt, pro genuinis silentio saltem probauerant, atque hoc etiam tum feci, quum Mss. consensus nullum interpolationis vestigium ostenderet. Nihilominus tamen spero atque confido, aequos rerum aestimatores, rationibus, quibus opinionem meam confirmare studui, perpensis, hoc saltem esse iudicatu-
ros,

me non temere egisse, sed habuisse, quod sequeretur. In carminibus etiam, quae auctor, ut ex supra dictis probabile est, non ipse collegit, sed quae post mortem eius, quum iam quaedam non amplius integra exstarent, alia essent plane deperdita, a declamatoriae poeseos amatoribus sunt undique conquistata, suppleta, saepius descripta, explicata deinde, glossis instructa, locorum similium adnotatione adornata, frequentes interpolationes locum habere potuisse, unusquisque facile mihi largietur, etiam si ex librorum scriptorum, qui nunc quidem reperti atque collati sunt, consensu nulla intrusorum verum suspicio suboriri posse videatur. Vtrum vero in hac re recte statuerim, an sensus me meus fefellerit, lectorum sit iudicium, quibus etiam, quum ea, quae suspecta mihi videbantur, ne vncis quidem incluserim, tota res integra est relicta, ut vel religiosissimi non habeant, quod mihi succenseant. Ne a Claudiani manibus mihi timendum sit, in hoc quidem genere sedulo a me prouisum est. Haec fere sunt, quae ad textum pertinent; nunc pauca de commentandi genere sunt dicenda, quo usus sum. Ex iis, quae supra in oratione mea posui, adparet, Claudianum in eo poetarum numero esse habendum, qui, quamquam naturae dotibus non essent destituti, tamen arte mallent et praeceptis, quam natura et ingenio niti, magisque copiae et ornatui in dicendo, quam simplicitati et vbertati in inueniundo studerent. Nemo itaque potest esse, qui existimet, illum a bonarum artium studiosis idcirco esse legendum, ut sensum et iudicium pulchri exacuant, facultatemque poeticam, illum imitando atque exprimendo, sibi comparent. Non enim riuuli sectandi sunt, quando licet ad ipsos fontes limpidissimos accedere. Ab aetate autem maturiori, quae iam assidua optimorum poetarum lectione con-

firmata est, ut fucum a colore nativo, luxuriam ab ubertate castigata dignoscere possit, non sine fructu perlustrabitur. Ad sensum enim veri et pulchri excitandum et conformandum non solum utile est, ut imitanda proponas, sed etiam ea, quae fugienda sint, exemplis demonstras; praeterea autem multa occurrent, quae non solum sine fastidio, verum etiam cum voluptate legentur. Hanc si aetatem solam, a bonis magistris institutam et adhuc in antiquorum scriptis se continentem, respexissem; non commentarium conscripsissem, sed paucis tantum adnotationibus defungendum esse putassem. Sed Claudianus ad eos quoque scriptores pertinet, qui etiam propter res, quas exposuerunt, leguntur, praesertim iis non est negligendus, qui res gestas sub Theodosio M. eiusque filiis, moresque et instituta illius temporis velint cognoscere. Multi propterea ex eius lectoribus erunt, qui ex Horatio, Virgilio, Ovidio aliisque poetis Latinis non tantam sermonis poetici cognitionem sibi comparauerint, ut omnia, quae in illis occurrant, animo teneant, atque, quae ibi a viris doctis adnotata vel audierunt vel legerunt, in promptu habeant, multi etiam, qui disciplina iuuenili peracta aliis vitae negotiis et publicis et privatis implicati ad Latii Camenas redire non potuerint, multorumque obliti sint, quae olim in numero habebant. Quum igitur lectores mihi essent fingendi, non plane rudes illi quidem, sed non adeo recentes a lectione poetarum praestantissimorum, quae in scholis praelegi solent: haud pauca erant monenda, quae exercitatis, ut crambe pluries recocta, nauseam fortasse moueant. Verum enim vero, si sunt, qui disputent, quae semel atque iterum sint monita, omnino repetenda non esse, illi videant, ne non solum nimis seueras scriptoribus leges irrogent, quibus ipsi

forſan non libenter ſe obſtringant, verum etiam in diſcendi cupidos iniqui ſint, quorum facultates non ſemper patiuntur, vt librorum copiam domi ſibi ſtruant. Etiam in illa rerum mole, quae iis, qui eruditorum nomen adfectant, aut muneribus publicis idoneos ſe reddere cupiunt, ſcientia completenda eſt, ſaepe magis conducit, tempori conſulere, quam periturae parcere chartae, vt illa horae pars, quae libris euoluendis interdum nequidquam erat conſumenda, vel ipſi, quae in manibus eſt, lectioni, vel aliis rebus poſſit impendi, vnde maior vtilitas exſpectetur. Ne autem haec, quae poſui, ſecus accipiantur, ac volui, tenendum eſt, me non de iis loqui, qui adſuefaciendi ſunt, vt vires ingenii intendant, mentisque facultates exercendo augeant atque confirment; nam ſtupori et ſecordiae ſubuenire velle a mea perſona eſt alieniſſimum. Quum itaque *Perſium non curem legere, Laelium Decimum velim* (Cic. de Orat. II. 6.), omnes res et loquendi formulas, quae lectorem, quem animo mihi propoſui, morari poſſint, breuiter explicui, ipſamque interpretationem, vbi hoc factu opus mihi videretur eſſe, ex verborum ratione ante definita deducere ſtudiui, viris doctis, qui alibi eadem fuſius illuſtrauerant, laudatis. Si noua ratio erat ineunda, eam idoneis argumentis confirmare tentauim. Si dubiam vel res vel dicendi genus habere viſa eſt explicationem, aliorum opinionibus, quae quidem memoratu dignae eſſent, prolatis meam qualemcumque ſubiunxi, vt vel ſequerentur lectores, quamcumque probarent, aut amplius ſibi quaerendum eſſe ſcirent. In huiusmodi etiam locis lectionis varietatem, ſi qua erat, iudicio interpoſito adſcripſi, praefertim ſi verbum aliquod videretur eſſe corruptum. Hoc quidem pro certo poſſum adfirmare, ſcientem prudentemque me nullum in-

terpretandi nodum praetermisisse, cuius solutionem non pro virili tentauerim, vel cuius desperationem non candide professus sim; hac enim ratione putavi, me esse consecuturum, vt aliorum virorum, et feliciori ingenio et maiore sermonis et rerum cognitione praeditorum, studia forsan excitata in poetam per plures annos neglectum, conferrentur, ad ea rectius explicanda, quae perperam expediuerim, et ad ea illustranda, quorum tenebras ego dispellere non valuerim. Ceterum ad rationem dicendi, qua Claudianus vsus est, recte intelligendam, non inutilis quidem est illa quaestio, quem potissimum ex antiquioribus poetis sit imitatus. Vulgo existimant, eum se praecipue ad Statium accommodasse, quam sententiam imprimis Barthius defendit. Non potest negari, inter vtriusque sermonis genus rationemque rerum tractandarum aliquam intercedere similitudinem, et occurrere quaedam loca, quae ostendant, Statium a Claudiano esse lectum et expressum; verum inde non potest colligi, Claudianum ex omnibus Statium sibi proposuisse, quem imitaretur. Etenim etiamsi se vel maxime ad illos poetas composuisset, quos Augusti aetas protulit, non poterat fieri, quin, quum omnium iudicio tunc id tantum suspiceretur, quod falsa aliqua sublimitate, luxurie et tumore se commendaret, communi hoc aetatis aestu abreptus ad Statium propius accederet. Multa ex hoc, vbi idem orationis est color eadem rerum tractatio, Barthius iam protulit, plura a me adiecta sunt, imprimis operam dedi, vt Claudianum cum antiquioribus poetis conferrem, saltem ea loca notarem, in quibus cum illis quasi contendisse visus est, aut quae ante oculos habere potuit. Ex recentioribus Sidonium Apollinarem et Corippum cum illo, a quo toti fere pendent, maxime contuli, at-

que id faciendum putavi, ut perspicerent inuenes, illum imitatores suos tantum superasse, quantum ipsum a tergo Virgilius reliquerit. Quum plurima Claudiani carmina, circa res versentur, quas vel laudibus effert vel vituperat, multaque apud illum occurrant, quorum nec Zosimus nec alii, quicumque illa tempora adtigerunt, mentionem faciunt, illaque interdum proferantur nullo temporum ordine seruato, ad nonnulla tantum adludatur, quae alibi fusius exponuntur, quaedam etiam diuersa ab aliis ratione commemorentur: ad ea accuratius intelligenda vulgaris temporum cognitio sufficere nequit, quae ex compendio aliquo possit comparari. Ad quas res quum non diligenter adtendissent interpretes, multa miscuerunt, quae discernenda erant, multa perperam explicuerunt, quum ea significare poetam existimassent, de quibus tum quidem cogitare non posset. Ad illos errores fugiendos atque etiam ab hac parte lectionem Claudiani faciliorem reddendam, omnes res gestas, de quibus apud illum sermo est, et collegi, et quantum eius fieri potuit, per annos digessi, ut hac ratione rerum ordo, qualis apud poetam est, vel vno oculorum obtutu possit cognosci. Quomodo autem ille cum narrationibus aliorum scriptorum, a quibus in quibusdam recedere videtur, possit conciliari, historicorum curae relinquendum est, nisi arbitrentur, a Gibbonis, Angli illustris, qui nimium interdum patribus ecclesiae tribuit, otium plane sibi esse factum.

Quid superest, rogo lectores, ut meam opellam, quam ad Claudianum interpretandum contuli, aequi bonique consulant. Laborem suscepi, quum maiore in otio viuerem, vberiorique literarum supellectile essem instructus, quam nunc sum domesticae tenui-

tati relictus. Quidquid autem fieri potuit ab homine, singulis diebus per sex horas publicis lectionibus occupato aliisque praeterea negotiis distracto, ut septimum quemque tantum diem labori potuerit impendere, id praestitisse mihi videor *h*). Hoc tempore quidem iniquissimo abstinendum omnino fuisset a scribendo, nisi ita comparata esset respublica literaria, eaque ciuium in illa conditio, ut scribendum sit, quo meliorem aliquando scribendi opportunitatem nascaris. Hoc autem non in eum finem dixi, ut peccatis veniam rogarem et silentium, sed ne omnia, quae minus probarentur, incuriae atque negligentiae tribuerentur, utque in opere aestimando et temporis et opportunitatis ratio

h) In apographo castigando egregiam mihi operam navavit *Ioannes Vlricus Stricker*, scholae nostrae alumnus, eandemque pollicitus est in corrigendis plagulis a prelo recentibus et in indice concinnando. Sed ille iuuenis egregius optimaque indolis, qui praeclaros iam in literis humanioribus progressus fecerat, tantoque solidae eruditionis amore flagrabat, ut retinendus non incitandus esset, dum patri, qui morbo erat languidus, nocte dieque insigni pietate adsideret, rerumque domesticarum curam ex parte sustineret, ipse valetudinis infirmitatem contraxit, qua luctu ob patris obitum magis etiam adfecta, flore aetatis, annum vndeagesimum agens, repente decessit III. ante Id. Ianuarii, matrique, consanguineis et amicis gravissimum sui desiderium reliquit. Omnes, qui eum norant, mortem eius immaturam eo acerbius lugent, quo maiorem in spem venerant, fore, ut aliquando in republica literaria insignem locum occuparet, patriaeque et suis honori atque emolumento esset. Dolorem autem meum ex obitu adolescentis carissimi palam declarandi facile mihi veniam duros existimaui illos, qui arbitrantur, etiam illorum mentionem esse faciendam, quorum ingenium, industria reliquaeque virtutes, si annis maturioribus summa fuissent consecutae, praeconio aliorum ad nominis sui famam minime indignissent.

duceretur. Errores, quos admiseris, monentibus aliis, aegre agnoscere, stolidi est pudoris; acerbè illos irridere, inhumanae est superbiae, praesertim quum vel in literarum studiis casu et fortuna saepius, quam ratione et consilio in rectam viam incidamus, et per aliorum errores haud raro accidat, ut minus erres.

Scr. Eutini cal. Maii MDCCCVII.

SERIES RERVM GESTARVM

▲

V A L E N T E

VSQVE AD

A R C A D I V M E T H O N O R I V M

ADIECTVM EST

STEMMA DOMVS THEODOSIANAE.

SERIES RERVM GESTARVM



VALENTE VSQVE AD ARCADIVM ET HONORIVM

EX

CL. CLAVDIANI CARMINIBVS

ADORNATA

ET PER ANNOS DIGESTA.

Quum Claudiani carmina maiorem quidem partem in laudandis vituperandisque Imperatorum virorumque summorum, vel virtutibus vel vitiis insignium, versentur, ipseque poetarum more rerum ab illis gestarum mentionem faciat sine temporis ratione et ordine, modoque fusius res leuiores momenti prosequatur, modo grauiores aut verbo tantum significet, aut plane negligat, prout consilio suo accommodatum fuerit: non abs re mihi videtur esse, quae ille poeta commemorarit, per annos digerere, et ad certum temporum ordinem renocare, vt eo facilius intelligi atque cum aliis scriptoribus comparari possit.

Iouiano mortuo, quod accidit A. C. 364, milites Valentinianum eligunt Imperatorem, eumque statim cogunt imperii socium constituere. Qui quoque, quum Constantinopolim peruenisset, Valentem fratrem adsumsit. Ammian. Marcell.

XXVI. 2 et 4. Illi imperium, vt barbaris illud vndique infestantibus melius resisteretur, Naesi, quae vrbs erat Moesiae superioris, ita partiti sunt, vt *Valens* Orientem, id est, Asiam, Aegyptum, Thraciam, *Valentinianus* Occidentem, id est, Illyricum, Italiam, Galliam, Hispaniam, Britanniam et Africam, tueretur. Ammian. Marcell. l. c. 5. Zosim. IV. 5. Philostorg. VIII. 8. Sozom. VI. 6. Quo facto ille Constantinopolim, hic Mediolanum discesserunt.

Valentinianus quum in morbum incidisset, iamque de successore constituendo variis studiis esset agitatum, valetudini restitutus, ne ex eadem re similes olim tumultus orirentur, *Gratianum* filiolum, octo annos natum, Augustum fecit A. C. 367, Lupicino Iouinoque coss. Ammian. Marcell. XXVII. 6. Zosim. IV. 12. Eodem anno Picti et Scoti, qui in Britanniam incursiones fecerant, pulsati ac fugati sunt a Theodosio Comite, Theodosii M. patre, quem *officiis Martiis felicissime cognitum* vocat Ammian. Marcell. XXVII. 8. cf. Pacat. in Panegy. Vet. XII. 5. 2. Hanc rem quoque perstringit Claudian. VII. 54 seqq. VIII. 24 seqq.

A. C. 371. *Firmus* Afrorum regulus, *Romani* Comititis Africae prouinciae crudelitate excitatus Mauros contra Romanos sollicitat, collectisque vndique copiis quum agros vastasset Caesaream vi capit, magnaque ibi pecunia, ad fiscum pertinente, potitur. Zosim. IV. 16. Symmach. epist. I. 64. Ad quem opprimendum missus est *Theodosius* Comes. Is fraude quidem ab illo saepe tentatus ita tamen prudenter et strenue rem gessit, vt *Firmum* tandem cogeret exercitu relicto ad Isallenses confugere. Qui quum Romani iam in eorum fines inrupissent, *Firmum* tradere cogebantur, sed antequam id fieri posset, ad euitan-

dam Romanorum vindictam, manus sibi ipse intulit. Totum bellum ordine exponit Ammian. Marcell. XXIX. 5. cf. Symmach. epist. X. 1. et Claudian. VII. 52 seqq. VIII. 24 seqq. XV. 330 seqq. Eodem anno *Theodosius*, filius eius, nunc dux Moesiae, *prima etiam tunc lanugine iuuenis, Princeps postea perspectissimus*, Sarmatas, qui provinciam suam adgressi erant, magna clade inlata repulit. Ammian. Marcell. XXIX. 6.

A. C. 375.

Valentinianus Sabariae (*Stein am Anger*) moritur, Ammian. Marcell. XXIX. 5 et 6. Socrat. IV. 31. Zosim. IV. 17. Duces militesque *Gratiano Valentinianum* fratrem, quinque annos natum, imperii socium addunt. Hic Illyricum, Italiam et Africam accipit, ille sibi Galliam, Hispaniam et Britanniam servat. Ammian. Marcell. XXX. 10. Zosim. IV. 19. Philostorg. IX. 16. In illa imperii novitate *Theodosius* Comes, falsis criminibus inimicorum in invidiam adductus, *Gratiani* iussu non diu post illum de *Firmo* triumphum Carthagine securi percussus est. Cuius rei, ut expectari etiam poterat, nullam mentionem facit Claudianus. Nuncio de patris caede accepto *Theodosius* filius in Hispaniam, patriam suam concessit. cf. Vales. ad Ammian. Marcell. XXIX. 5. Theodoret. V. 5. Oros. VII. 33. Ambros. orat. funebr. in Theodos.

A. C. 376.

Valente Augusto V et Valentiniano iun. coss.

Valens ad bis centena millia Gothorum, quos Hunni sedibus ipsorum expulerant, imprudenti consilio Danubium transire domiciliaque in Thracia ponere passus est. Ammian. Marcell. XXXI.

2 seqq. Zosim. IV. 20. Socrat. IV. 34. Sozomen. VI. 37. Oros. VII. 33. Iornand. de rebus Get. c. 24 seq. De Getis in imperii fines receptis loquitur quoque Claudian. XXVI. 166 seqq. et 488 seqq. ex quo tamen, nisi sumas, eum in definiendo tempore non satis fuisse accuratum, illa Gothorum migratio quatuor annis ante accidit. Ceterum sub *Valente* Stilichonis pater alae barbarorum praeerat. Claudian. XXI. 35 seqq.

A. C. 377.

Gratiano Augusto et Flauio Merobaude coss.

Quum Gothi recepti annonae caritate cogentur frumenti comparandi causa vel liberos suos in seruitutem dare, arma capiunt totamque Thraciam deuastant. Ammian. Marcell. XXXI. 5 - 8.

A. C. 378.

Valente Augusto VI. et Valentiniano iun. II.
coss.

Deinde in Thessaliam transgressi sunt et in Macedoniam, igni ferroque omnia populantes ipsamque Constantinopolim obsidere coeperunt. *Valens Gratianum* per literas de misera rerum conditione certiore facit rogatque, ut in auxilium sibi propere veniat. Quum interim vastationibus barbarorum finem imponere vellet proelio, quamquam monitus esset a *Gratiano*, ne ante adventum suum cum hoste confligeret, aduerso Marte pugnavit ipseque caesus est. Ammian. Marcell. XXXI. 13. Zosim. IV. 24. Victor in Epit. 46. Socrat. IV. 38. Theodoret. IV. 36. Philostorg. IX. 17. Cuius morte audita *Gratianus*, qui iam in itinere erat, recessit, et, ut suis rebus prouideret, Theodosium ex Hispania arcessiuit, eumque

A. C. 379.

D. Ausonio et Hermogeniano Olybrio *co*ss.
socium regni adsumsit, qui statim Sarmatas, quum iam in eo essent, ut cum Gothis se coniungerent, ingenti clade deuicit. Quo in statu tum res essent, exponit Claudian. VIII. 45 seqq. cf. Pacat. in Panegy. Vet. XII. 11. *Theodosius* Imperator constitutus eas prouincias obtinuit, quae *Valens* habuerat, a barbarorum incursionibus nunc vastatas et oppressas. Themist. orat. XVI. pag. 207. ed. Harduin. et Gregor. Nazianz. orat. XIV. pag. 214. ed. Lips. Exercitu statim collecto Gothos palantes oppressos partim in deditionem accepit, partim ex Thracia pepulit. Zosim. IV. 30. 31. Eodem fortasse anno, aut sequenti, *Stilicho* a *Theodosio* M. Babylonem missus est ad regem Persarum legatus, ut foedus cum eo feriret. Claudian. XXI. 51 seqq. Reduci *Serena*, *Honorii*, fratris *Theodosii* M. filia in matrimonium datur. Claudian. l. c. 69 seqq.

A. C. 380.

Gratiano Augusto V. et *Theodosio Augusto* *co*ss.

A. C. 381.

Eucherio et *Euagrio* *co*ss. ex Chronico Marcellini, seu *Syagrio* et *Eucherio* *co*ss. ex Idacii Chronico.

Theodosius iterum Gothos deuicit duce *Arbogaste* Franco, quem a *Gratiano* ei in auxilium missum esse narrat Zosim. IV. 33 seqq. Fortasse huc respicit Claudian. VII. 147 seqq. *Stilichonis* operam in eo bello nauatam praedicans.

A. C. 382.

Antonio et *Afranio Syagrio* *co*ss.
Arcadius Augustus declaratur anno eius aetatis sexto.

A. C. 383.

Merobaude II. et Saturnino coss.

Magnus Clemens Maximus, de cuius genere et patria inter scriptores non constat, vel imperii cupiditate, vel a militibus coactus, qui eum invitum Imperatorem salutasse dicuntur, bellum in Britannia contra *Gratianum* mouit. Qui quum exercitum in Galliam traiecisset, *Gratianus* a militibus suis, quos contra illum duxerat, deseritur, ipseque in fuga non procul a Lugduno insidiis periit, quae, vt vulgo credunt, a *Maximo* paratae fuerant. Zosim. IV. 35. Socrat. V. 11. Sozomen. VII. 13. Oros. VII. 34. Victor. Epit. 43. Sepultus est Mediolani. Nuncio de *Gratiani* morte accepto *Maximus Flavius Victor* filium imperii socium adsumsit. Quo facto ad *Theodosium M.* bellum iam parantem legatos mittit, qui nunciarent, ipsum contentum fore *Gratiani* provinciiis, quaeque *Valentiniani* essent, eas non turbaturum. Quo audito non solum a bello abstinuisse *Theodosius*, verum etiam imperii socium illum agnouisse a quibusdam dicitur. Prius commemorat Themist. orat. XVIII. Posterius Zosim. IV. 37.

A. C. 384.

Ricimere seu Ilcomero et Clearcho coss.

Secundum Chronicorum scriptores natus est *Honorius*. cf. Claud. VII. 19 seqq. VIII. 121 seqq. Eodem tempore legati *Saporis* Persarum regis Constantinopolim veniunt, pacem, vt vulgo aiunt, petitum. Pacat. in Panegy. Vet. XII. 22. 4 seqq. Oros. VII. 34. Sarmatae etiam, qui in *Valentiniani* prouincias intruperant, a duce, quem *Theodosius M.* in eius auxilium miserat, vincuntur. Symmach. epist. X. 68. *Honorium* primo aetatis anno consulem esse factum disertis verbis declarat

Claudianus (VIII. 154 seqq. et 627 seqq.), quo etiam contra Gruthungos prospere pugnatum sit. Quod si verum est, natales eius in sequentem annum incidunt, contra Socratem (V. 12.) Idacium et Marcellinum in Chronicis.

A. C. 385.

Arcadio Augusto et Bautone seu Baudone coss.
Flaccilla vxor *Theodosii* M. mater *Honorii* et *Pulcheria* eius filiam oriuntur. Gregor. Nyss. orat. funebr. in Flaccill. et Pulcher.

A. C. 386.

Honorio Caesare et *Euodio* coss.

Theodosius et *Arcadius* contra Gruthungos proficiscuntur, qui cum rege suo *Odotheo* Danubium transire parabant, eosque repellunt. Zosim. IV. 35. Claudian. VIII. 623 seqq.

A. C. 387.

Valentiniano Augusto VI. et *Eutropio* coss.

Hoc anno *Maximus* paratis clam copiis subito per Alpes in Italiam descendit et *Valentinianus* cum *Irene*, matre, quum in ciuibus suis, quos *Arianæ* disciplinae fauendo a se alienauerat, nihil spei positum haberet, naue conscensa *Thessalonicam* confugit. Quo etiam *Theodosius* M. venit; quumque illis *Arianos* errores exprobrasset, vnde illa calamitas fuisset orta, mittit legatos ad *Maximum*, vt prouincias occupatas *Valentiniano* restitueret, bellumque summa vi parat. Pacat. in Panegy. Vet. XII. 32. Zosim. IV. 42. Sozomen. VII. 14. Theodoret. V. 14.

A. C. 388.

Theodosio Augusto II. et *Cynegio* coss.

Quod quum *Maximus* recusasset, aestate cum exercitu contra eum proficiscitur. In hanc expe-

ditionem *Honorium* quoque abduxit, seu eum postea, parta victoria, Constantinopoli in Italiam arcessiuit. Vtrum verum sit, parum constat. Claudian. XXVIII. 111 seqq. Primo proelio ad Savum haud procul a Siscia ducem *Maximi* fundit fugatque Pacat. l. c. 34; secundo ad Drauum prope Petauium *Marcellinum Maximi* fratrem in fugam vertit Pacat. l. c. 35. *Theodosius* fugientem *Maximum* strenue insequitur, Aquileiamque, quo ille confugerat, vi capit, tyrannusque ei catenis oneratus traditur Pacat. l. c. 44. Oros. VII. 35. Socrat. V. 14. *Arbogastes*, cuius opera in hac expeditione magna fuerat, *Victorem* *Maximi* filium, contra quem in Galliam missus erat, capit atque interficit. Victor. Epit. 48. Ceterum deuictis *Theodosius* pepercit, clemensque fuit in *Maximi* uxorem et filios. Claudianus (VIII. 111 seqq.) de clementia eius vniuerse loquitur.

A. C. 389.

Timasio et *Promoto* cons.

Valentiniano in regnum restituto *Theodosius*, qui hiemem Mediolani egerat, Romam cum *Honorio* proficiscitur. Eo quoque Persarum legati venisse dicuntur Claudian. VIII. 70 seqq. et XXVIII. 69 seqq. Triumphasse *Theodosium* colligi potest ex Claudian. XXVIII. 67. Pacat. l. c. 47. Sed v. Gothofred. in Chronic. h. a. Pacatus panegyricum suum recitavit. Eodem aut sequentis anni principio *Eucherius Stilichoni* ex *Serena* videtur natus esse. Claudian. XXIV. 176 seqq.

A. C. 390.

Valentiniano Augusto IV. et *Neote* cons.

Vbi *Theodosius* Romae tres menses commoratus est, Mediolanum rediit, hiememque ibi peregit.

A. C. 391.

*Tatiano et Symmacho vel Lucio Aureliano
Aniano Symmacho et Tito Fabio Titiano* coss.

Vere primo *Theodosius* Constantinopolim cum exercitu rediit. Hoc anno *Rufinus*, qui virum bonum se simulando benevolentiam *Theodosii* sibi conciliauerat, cuiusque mores et res gestae acerrime perstringuntur a Claudiano (III. 176 seqq.) *Promotum* per insidias interficit barbaris eum obiiciendo. Zosim. IV. 51. Ad cuius caedem vindicandam *Stilicho* missus a *Theodosio*, ab eodem, instinctu *Rufini*, qui Hunnos concitauerat, ut Thraciam inuaderent, iussus est pacem facere cum illis, quos delere potuisset. Claudian. III. 316 seq. 331 seq. XXI. 112 seqq.

A. C. 392.

Arcadio Augusto II. et Flavio Rufino coss.

Valentinianum Arbogastes clam interficit. Ambros. orat. funebr. in Valentin. et epist. 57. Zosim. IV. 54. Socrat. V. 25. Sozomen. VII. 22. Philostorg. XI. 1. Oros. VII. 35. *Eugenioque* Augusto constituto legatos mittit ad *Theodosium*, qui rogarent, ut Imperatorem agnosceret eum, quem exercitus et ciues ad hanc dignitatem euexissent. Benigne quidem legati accipiuntur, nihilominus tamen bellum summa vi paratur. Eodem anno *Rufinus Tatianum*, Praefectum Orientis, et *Proclum* illius filium, Praefectum vrbis, criminatibus suis in inuidiam adduxit, atque perfecit, ut hic interficeretur, ille in exilium ageretur. Hoc facinus respexit Claudian. III. 246 seq. idem v. 249 seqq. refert, *Stilichonem* solum *Rufini* sceleribus, per quae opes suas firmare studeret, restitisse, communeque perfugium miserorum fuisse. Egregie illi duumviri inter se comparantur. l. c. 297 seqq.

A. C. 393.

Theodosio Augusto III. et Abundantio coss.
in Occidente *Eugenio* tyranno cos.

Totus hic annus in belli apparatu a *Theodosio* consumitur, qui etiam de expeditionis euentu sollicitus *Eutropium* spadonem in Aegyptum (ad *Ioannem* monachum in Thebaide haud procul a *Lycopoli* versantem, vt commemorat *Sozomenus* VII. 22.) misisse dicitur. *Claudianus* (XVIII. 312 seqq. et XIX. 37 seqq.) de oraculo tantum loquitur per somnium capto. Quum *Honorium* Augustum adpellasset *Theodosius* *Claudian.* VII. 83 seqq. VIII. 196 seqq.

A. C. 394.

Arcadio Augusto III. et Honorio Augusto II.
vel *Arbogaste et Flauiano* coss.

Constantinopoli cum exercitu magnam partem ex barbaris conscripto (*Claudian.* VII. 68 seqq. XXI. 154 seqq.) inter quorum duces etiam *Alaricus* fuisse perhibetur (*Zosim.* V. 4.) profectus est. Pugnam non procul ab *Aquileia* cupidius magis quam verius describit *Claudianus* VII. 89 seqq. cf. *Zosim.* IV. 58. Victus *Arbogastes* sibi ipse manus infert. *Claudian.* l. c. 102 seqq. *Eugenius* captus ante pedes victoris a suis ipsius militibus interficitur. Ceterum clementiam *Theodosii* in victos celebrat idem VIII. 111 seqq. *Ambros. epist.* 16. *Augustin. de Ciuit. D.* V. 26. Parta victoria legati a senatu Romano missi ad *Theodosium* veniunt, vt *Olybrio* et *Probrino* consulatum impetrent. *Claudian.* I. 113 seqq. *Honorius* (quem comitem itineris a patre statim fuisse abductum narrat *Zosimus* IV. 58.) Constantinopoli cum *Serena* arcessitur. *Claudian.* VII. 111 seqq. VIII. 390 seqq. XXVIII. 90 seqq. atque cum patre triumphat. *Claudian.* VII. 126 seqq.

A. C. 395.

Sex. Anicio Olybrio et Sex. Anicio Probrino cons.

Theodosius, quum iam reditum pararet Constantinopolim, in morbum incidit ex subita commutatione otii cum longi itineris et belli laboribus contractum, finemque vitae adesse sentiens, *Stilichoni*, remotis (vt *Claudianus* VII. 142 seq. ipse fatetur, et quod historico minime est praetereundum) arbitris vtriusque filii curam et tutelam mandat. *Claudian.* V. 5 seq. VII. 151 seqq. VIII. 432 seqq. XXI. 140 seqq. XXII. 53 seqq. Huius rei quoque testis est *Olympiodorus* historicus, cuius historiae summam seruauit *Photius* in biblioth. pag. 178. ed. Rothomagi 1653. Nec diu post moritur XVI. ant. cal. Februar. *Ambros.* orat. funebr. in *Theodos.* *Zosim.* IV. fin. *Claudian.* VII. 163 seqq. Ad imperii fines tutandos *Stilicho* foedera renouat cum *Francis*, *Alemannis* reliquisque *Germaniae* populis ad *Rhenum*. *Claudian.* VIII. 439 seqq. XXI. 188 seqq. itaque sapienter milites diuersarum partium tractauit, vt animis rursus coalescerent, *Theodosii*que filiis imperium conseruaretur. *Claudian.* V. 115 seqq. XV. 292 seqq. XXI. 148 seqq. *Rufinus* interim suis rebus prospiciens filiam suam *Arcadio* matrimonio iungere cogitabat. Sed dum irae, quam in *Lucianum*, *Comitem* *Orientis*, conceperat, satisfaceret, paucisque diebus Constantinopoli *Antiochiam* contenderet, vt ab inimico ipse supplicium caperet, *Eutropius* spado et Praefectus sacri cubiculi *Arcadio* persuasit, vt *Eudoxiam*, *Bautonis* ducis, qui *Francus* erat, consulque (385) fuerat, filiam in matrimonium duceret. Quum igitur *Rufinus* rediisset, dieque nuptiis praestituta exspectaret, suam filiam ab *Arcadio* deductum iri, praeter opinionem *Eudoxia* solempni pompa arcessitur. *Zosim.* V. 3. Huius rei *Claudianus* nullam mentio-

nem facit. Ad *Luciani* supplicium adludere illum putant III. 240 seqq. cf. Zosim. V. 2. Iam vero *Rufinus* auctoritati suae timens excitandis vndique barbaris, vt prouincias imperii inuaderent, omniaque rursus suis consiliis regerentur, ipseque in tanta rerum confusione socius imperii adsumeretur, perficere studuit. Claudian. V. 22 seqq. 297 seqq. Gothi *Alarico* duce Macedoniam inuadunt et Thessaliam, ipsaque Constantinopolis a barbaris obsidetur. Claudian. V. 54 seqq. *Stilicho*, nam de omnibus iam olim, quae Constantinopoli agebantur, certior factus erat a Serena coniuge ibi relictâ Claudian. XXIX. 237 seqq. vel suis rebus consulturus, imperiique totius administrationem sibi vindicaturus, vel, vt prae se ferebat, Arcadio auxilium laturus, toto cum exercitu contra barbaros proficiscitur. Claudian. V. 101 seqq. Cuius itineris nuncio Constantinopolim perlato *Rufinus* ab aemulo potestatis timens edictum extorquet ab *Arcadio*, quo ille, qui iam signa illaturus erat barbaris, iussus est parte exercitus remissa ipse in Occidentem reuerti. Claudian. V. 141 seqq. Quod consilium *Rufino* parum prospere cessit, nam *Stilicho* inuidiam timens, ni paruisset (poterat etiam de filiabus et filio, qui Constantinopoli versabantur, sollicitus hoc facere Claudian. V. 95 seq. ab eodem XXII. 95 seqq. inducitur maluisse *hostem muniri robore, quam peccare fidem.*) milites Orientis remittit, quos suis partibus addictos iam reddiderat orationeque satis instigatos Claudian. V. 219 seqq. et 250 seqq. a quibus *Rufinus*, quum frustra eos sibi conciliare studuisset, crudeli exemplo interficitur. Claudian. V. 348 seqq. XXII. 95 seqq. Symmach. epist. IV. 14. Philostorg. XI. 3. Socrat. VI. 1. Vel a Claudiano ipso (V. 276 seq.) *Stilicho* in suspicionem adductus videri potest, eum caedis conscium fuisse.

Ceterum principio huius anni Claudianus panegyricum suum in *Probum* et *Olybrium* coss. recitavit.

A. C. 396.

Arcadio Augusto IV. Honorio Augusto III.
coss.

Claudianus, quum panegyricum, in tertium *Honorii* consulatum scriptum, recitaret, parum cogitasse videtur, *Rufino* sublato alterum *Rufinum* orturum et *Arcadium* ab *Honorio*, qui fratres concordēs facti videbantur, orbemque terrarum communi consilio, *Stilichone* moderante, recturi (Claudian. XV. 4 seq. XX. 545 seqq.) iterum alienaturum esse. Claudian. VII. 189 seqq. Neque magis de nuptiis *Honorii* et *Mariae*, quod liquet ex Claud. VIII. 642 seqq. Sed Gothi, qui iam Thessaliam inuaserant, quum *Antiochus* Proconsul et *Gerontius*, Thermopylarum custodiae praefectus militibus per proditionem abductis claustra barbaris aperuissent, Graeciam inuadunt et Peloponnesum, omniaque igni et ferro vastant. Hoc autem accidit, antequam Claudianus secundum librum in *Rufinum* scripsisset. Claud. V. 186 seqq. Quibus auditis *Stilicho* e mari Adriatico classe profectus (Hoc innuit Claudian. X. 173 seq.) ad Peloponnesum adpellit, secundisque aliquot proeliis vsus Getas in monte quodam Arcadiae, Pholoen ad fontem Penei putant, obsedit. Huc pertinet carmen Claudiani, quod quarto loco positum est proculque dubio carmen ipsum, quo *Stilichonis* res gestas in Graecia celebrauit, cuique illa praefatio fuerat praefixa, vel temporum vel inimicorum iniuria interceptum est. Eadem expeditio intelligenda est Claudian. VIII. 460 seqq. XXI. 181 seqq. Verum barbari vel ipsius *Stilichonis* negligentia (Oros. VII. 37. Zosim. V. 6.) vel

quia *Arcadius*, *Stilichonem* magis quam barbaros timens, *Eutropio* auctore pacem cum Getis fecerat (Claudian. XXVI. 513 seqq.) euasere in Epirum, eorumque dux *Alaricus* Magister militum in Illyrico occidentali constituitur. Claudian. XX. 214 seqq. Quam provinciam illum tamquam suum regnum obtinuisse, significat Claudianus (XXII. 104 seqq.) fore enim tempus, poeta dicit, ubi tributa Illyrica aulam occidentalem rursus ditent. Idem *Honorium* querentem inducit (XV. 453 seq.) ob Illyricum amissum. Alii dicunt, fraude hoc factum esse *Stilichonis*, ut illae terrae *Honorio* custodirentur. Olympiodor. ap. Photium l. supra l. Ibi quoque barbari armis ferreis instruuntur, quibus antea caruerant. Claudian. XXVI. 566 seqq. ipseque *Alaricus* ab illis rex declaratur clipeo de more sublatus. Iornand. de reb. Get. 29. Iidemque suam modo *Honorio* modo *Arcadio*, plus semper licitanti, addicit. Claudian. XXVI. 566 seqq. Quamquam autem *Stilicho* *Arcadio* paruisset, tamen Constantinopoli hostis publicus declaratur. Zosim. V. 11. Forsan hoc respicit Claudianus XXII. 81 seqq. Eodem anno *Abundantius*, qui *Eutropium* ad dignitatem tantam prouexerat, ab eodem relegatur. Claudian. XVIII. 154 seqq. Zosim. V. 10.

A. C. 397.

Fl. Caesario et Nonio Attico coss.

Gildo, qui iam sub *Theodosio* in bellis contra *Maximum* et *Eugenium* dubiae fuerat fidei (Claudian. XV. 241 seqq.) ab *Eutropio* nunc sollicitatur, ut ab *Honorio* aperte desciscat. Multas saltem vrbes Africae a *Gildone* traditas *Arcadius* accepisse dicitur (Claud. XV. 259 seqq. cf. XXI. 271 seqq.) ducesque *Honorii* complures muneribus corrupisse. Claud. XXI. 277 seq. Instinctu autem

Eutropii hoc factum esse, vt *Stilichonis* animus a rerum orientalium cura auerteretur, auctor est *Zosimus* V. 11. Qua de re *Stilicho* quum ad senatum more maiorum retulisset (Claud. XXI. 325 seqq.) *Eutropius* hostis publicus declaratur, bellumque contra illum decernitur. cf. Claudian. XV. 163 seqq. XXI. 246 seqq. XXIV. 85 seqq. Ammian. Marcellin. XXIX. 5. *Zosim.* V. 11. Hieronym. epist. 9 et 11. Augustin. epist. 64. Oros. VII. 36. Nanibus frumentariis a *Gildone* retentis Romae fames esset orta, nisi *Stilicho* ex Gallia in Italiam frumentum deducendum curasset. Claud. XVIII. 402 seqq. XXII. 393 seqq. XXIV. 91 seqq.

A. C. 398.

Honorio Augusto IV. et *Eutychiano* coss.

Claudianus panegyricum in quartum consulatum *Honorii* recitat, pompamque consularem Mediolani actam describit VIII. 565 seqq. Mirum sane est, quod in illo carmine *Gildonis* nulla mentio sit; fortasse hoc inde praetermissum est, quia de huius belli exitu, quem timuisse ipse *Stilicho* videbatur, quum aduersae fortunae subsidia iam parata haberet (Claud. XXI. 364 seqq.), nuncius nondum Mediolanum erat perlatus. Sed in spem victoriae poeta auditores videtur, non disertis quidem verbis, erexisse. Claud. l. c. 619 seqq. Hoc quoque anno *Honorius Mariam*, *Stilichonis* et *Serenae* filiam, in matrimonium duxit, dum ipse *Stilicho* in apparandis belli subsidiis esset occupatus. Claudian. X. 190 seqq. XXI. 2 seqq. XXII. 74 seqq. XXIII. 91 seqq. Cuius rei consilium *Stilicho* vel subito cepisse vel hactenus oculuisse putandus est, quum anni huius principio de certis *Honorii* nuptiis nondum cogitaretur (Claudian. VIII. 642 seqq.) quas vt olim sibi celebrare contingat, poeta exoptat. Eas autem ae-

state esse factas, plura epithalamii loca significare videntur. Interim *Maszezel*, qui contra *Gildonem* fratrem ob liberorum suorum necem iratus cum copiis in Africam missus erat (Claudian. XV. 389 seqq. 504 seqq. XXI. 325 seqq.) illum proelio vicit. *Gildo* naue conscensa fugam tentat, sed tempestate in portum Tabraca relatus capitur ludibrioque et vexationibus plebis exponitur. Quo facto in custodiam coniectus vitam laqueo finit. Claudian. XXI. 358 seqq. Zosim. V. 11. Ex illa licentia in captum *Gildonem*, plebi concessa, id forsitan natum est, quod poeta gloriatur (XXI. 362 seqq. XXIV. 99 seqq.) populum iudicem constitutum esse in causis magistratum prouincialium. Eodem anno Asia minor a barbaris vastatur, quos Armenios fuisse liquet ex Claudian. XIX. 55 seq. Contra hos mittitur *Eutropius* spado, qui redux victorem agit et ob res quasi bene gestas consulatum petit Claudian. XVIII. 243 seqq.

A. C. 399.

Mallio Theodoro et Eutropio spadone coss.

Claudianus panegyricum in *Mallii* consulatum non principio anni sed eo tempore recitasse videtur, quum remoto iam *Eutropio* Augusti fratres in gratiam rediissent. Claudian. XVII. 166 seqq. *Sapor* rex Persarum a suis interficitur. Claudian. XX. 474 seqq. *Varanem* seu *Vararanem* eum fuisse alii dicunt. Abulfarag. pag. 91. Eutych. T. I. pag. 584. Agath. Scholast. IV. pag. 96. ed. Venet. Script. Byzant. Primo vere aula Constantinopolitana Ancyram proficiscitur. Claudian. XX. 95 seqq. Quum inde rediisset, nuncius adfertur, *Targibilum* Geticae alae ducem, quem *Eutropius* offenderat, Phrygiam igni ferroque vastare. Claudian. l. c. 274 seqq. Illum donis eu-

nuchus frustra tentat mitigare. l. c. 514 seqq. Tandem *Leo* contra illum mittitur, quem belli rudem *Targibilus* fuga simulata in insidias perductum repente opprimit. l. c. 432 seqq. *Leo* limo mersus sola formidine perit. l. c. 441 seqq. Quid *Eutropio* post acciderit, innuit tantum *Claudianus* carmine XIX. Posterioris in *Eutropium* carminis pars extrema, quae fata eius continuisse videtur, casu periit, et, ni fallor, prius quoque in eundem fine est truncatum. cf. *Zosim.* V. 13 seqq. *Chrysostom.* Homil. in *Eutrop.* *Socrat.* H. E. VI. 6. *Sozomen.* VIII. 7. *Philostorg.* XI. 16. Probabile autem est, *Stilichonem* auditis turbis, quibus res Orientis premerentur, bellum *Arcadio* ostendisse, ni *Eutropius*, consulatu abrogato, in exilium mitteretur. XVIII. 500 seqq. Hoc autem factum esse videtur per literas l. c. XIX. 19 sq. Sensus enim languet, si intelligis epistolam *Arcadii* ad Praefectum Praetorio missam. Atque, nisi huiusmodi quid accidisset, non sane ausus fuisset dicere l. c. XXI. 8. *Oriente subacto*, h. e. remoto *Eutropio* instigatore *Arcadii*, qui in causa fuerat, quominus Occidens cum Oriente communi consilio, i. e. auctoritate *Stilichonis*, regeretur. Verum, quamdiu illa rerum concordia manserit, hoc loco non quaeritur; sufficit ita rem sibi finxisse *Claudianum*. cf. etiam l. c. XXI. 295 seqq. Ceterum *Stilicho* cauit, ne Romam senatui nunciaretur, *Eutropium* spadonem consulem esse factum, eiusque nomen in fastos recipi vetat. *Claudian.* XX. 123 seqq. XXII. 301 seqq. Hoc anno scripsit et recitavit *Claudianus* carmen in *Gildonem*, cuius altera pars periit, panegyricum in *Mallium Theodorum*, duo carmina in *Eutropium*, et tria in *Stilichonem*, quae principio sequentis anni statim erant recitanda.

A. C. 400.

Fl. Stilichone V. C. et Aureliano coss.

Claudianus recitat carmina XXI, XXII, XXIII, XXIV, quorum causa decreto senatus et iussu Principis statuarum honore adficitur. Claudian. XXV. 7 seq.

A. C. 401.

Vincentio Celso et Fl. Frauita seu Frauito coss.

A. C. 402.

Arcadio Augusto V, et Honorio Augusto V.
coss.

Versus finem prioris anni, ut mihi quidem videtur, quo tempore exercitus Romanus in Rhaetia occupabatur, *Alaricus* subito Alpes transscenderat Italiam expilaturus. Claudian. XXVI. 205 seqq. 278 seqq. XXVIII. 440 seqq. *Stilicho* hieme per Alpes in Rhaetiam contendit l. c. XXVI. 314 seqq. ibique labantem iam barbarorum militum fidem confirmat l. c. 330 seqq. atque vndique copias contrahit l. c. 404 seqq. Interim *Honorius* relicto Mediolano, quam urbem parum tutam esse existimauerat, Astam, ut vulgo putant, se contulit, obsessusque ibi pacis conditiones sibi oblatas *Stilichonis* fiducia constanter reiecit. Claudian. XXVIII. 443 seqq. *Stilicho* in Italiam cum exercitu properat, et *Honorium* ab obsidione liberat l. c. 463 seqq. Sequitur pugna ad Pollentiam IV. ant. Cal. April. Alanis, quorum fides dubia habebatur, primus in hostem impetus committitur, sed caeso duce magna clade repelluntur l. c. 567 seqq. Tunc pedite admoto hostes *Stilicho* in fugam vertit. Ex studio Claudiani ipso, quo *Stilichonis* prudentiam celebrat, qua Getas ex Italia incolumes dimiserit, adparet, victoriam illam non admodum amplam fuisse, quam tantopere verbis extollit conf.

Claudian. XXVI. 90 seqq. 589 seqq. Prudent. c. Symmach. II. 69^s seqq. Fuerunt quoque, qui contenderent, Italiam a *Stilichone* fuisse proditam Rutil. Itiner. II. 41 seqq. Aequo Marte pugnatum esse perhibent Oros. VII. 37. Prosper in Chron. Romanos victos fuisse narrat Iornandes de reb. Get. 30. Claudianus tradit l. c. 204 seqq. et 303 seqq. *Alaricum* foedere dimissum esse, ex quo Italia decederet, sed illud foedus esse ab eo violatum, belloque inde renouato prope abfuisse, quin a *Stilichone* caperetur. l. c. 223 seqq. Ceterum, quae de clade ad Veronam Claudianus narrat, obscura sunt, et forsan ad annum sequentem pertinent.

A. C. 403.

Theodosio Iun. Augusto et Rumorido coss.

Alaricus reliquiis exercitus in monte collectis a *Stilichone* obsidetur. Claudian. XXVIII. 238 seqq. subitoque, quum iam a maiore militum parte desertus esset, euasit. l. c. 320 seqq.

A. C. 404.

Honorio Augusto VI. et Aristenaeto coss.

Claudianus recitat panegyricum in VI consulum *Honorii Augusti*.

G E N V S

THEODOSII M. AVGVSTI.

*Theodosius Comes Africae ex Hispania et gente
Vlpia Traiani oriundus rem gessit in Britannia
et Africa, mortuus A. C. 377.
Vxor eius Thermantia.*

*Fl. Theodosius M. n. 346.
Caes. August. ab 379.
mort. 395. Vxores
1) Aelia Flaccilla. mort.
385.
2) Galla Placidia. mort.
390.*

*Honorius mature obiit in
Hispania. Vxor Maria ex
nobili apud Hispanos
gente orta.*

*Arcadius n.
377. Augu-
stus a patre
dictus 383.
Imperator
Orientis ab
A. 395.
mort. 408.*

*Honorius n.
384. Caes.
393. Imper.
Occid. ab A.
395. mort. 423.
Vxores
1) Maria. 398.
2) Thermantia
filiae Stili-
chonis.*

*Thermantia
Duci alicui
nupta.*

*Serena adoptata
a patruo. Laqueo
necata iussu Ho-
norii. cuius ob
adoptionem so-
ror, et per duas
filias socrus erat.
Maritus Fl. Stili-
cho, Vandalus, Co-
mes et Magister
vtriusque militiae.
Periit iussu Hono-
rii Ravennae
A. 408.*

*Eusebius. inter-
fectus iussu Ho-
norii A. 408.*

*Maria vxor
Honorii.*

*Thermantia
post sororis
obitum vxor
Honorii.*

I.

CL. CLAVDIANI

IN

PROBINI ET OLYBRII

FRATRV M

C O N S V L A T V M

P A N E G Y R I S.

ARGVMENTVM.

Poeta inuocat solem, ut diem, quo Probinus et Olybrinus fratres consulatum ineant, illustriorem faciat, quum plurimi ex illa familia consules fuerint v. 1—10. Nobilitatem deinde totius gentis celebrat, ordine non interrupto per filios semper auctam, reliquasque gentes facile superantem v. 10—28. Iam ad parentes duumvirorum ipsos procedit, quorum gloria per omnem terrarum orbem propagata sit v. 29—38. Laudat constantiam Probi, liberalitatem et res publice gestas v. 39—60. A filiis modo victus est, qui nulla ambitione et statim consules facti sunt, idque ipsum ante aetatem iuuenilem v. 61—70. Inuocata de more Musa tantas fortunae causa per fictionem exponitur. Ad gratiam Probo soluendam Roma dea currum parari iubet v. 71—82. Ipsa cultu Minervae, qui describitur fusius, insilit et ad Alpes properat hostium strage a Theodosio M. patefactas v. 83—112. Imperator, qui cum Marte comparatur a bellico labore fesso, humi residens causam itineris ex illa quaerit et cur Italiam reliquerit, simulque testatur, se imperata eius semper facturum, eiue obtemperaturum esse v. 113—135. Ad haec illa: se neutiquam, inquit, ignorare, quas gesserit pro se, precari autem, ut reliquis officiis vnum addat v. 136—141. Se fouisse semper Probi filios, quibuscum nemo veterum Romanorum possit comparari; eos literis operam dare, eloquentes esse, moribus incorruptis et graues v. 142—155. Illis se consulatum petere v. 156—163. Imperator respondet: quum Probi merita numquam obliturus sit, precibus ad haec nihil opus fuisse v. 164—173. Quo Romam nunciato omnes laetantur; materque fratrum, cuius laudes inseruntur, vestimenta parat consularia, quemadmodum Latona olim

Apollini et Dianae festos cultus v. 174—204. Filii bonis ominibus munus adeunt v. 205—208. Quibus auditis pater Tiberinus, cuius habitus accurate describitur, urna Nymphis commendata sedes suas relinquit v. 209—225. In insula Tiberis consistens prospicit pompam consularem, atque mirabundus, vel Ledaë filios, inquit, nihil esse ad illos fratres, qui mox illorum vices in coelo sustenturi sint v. 226—246. Quo facto omnes fluuios excitat, ut istum diem festum concelebrant, Nymphasque iubet epulas parare v. 247—265. Tandem poeta optat, ut felix hic annus consulibus sit v. 266—279.

Sol, qui flammigeris mundum complexus habenis
Voluis inexhausto redeuntia secula motu,

COMMENTARIUS.

Sextus Anicius Probinus et Sextus Anicius Hermogenianus Olybrius et Anicius Probus fuere filii *Aniciae Faltoniae Probae* ex *Sexto Anicio Petronio Probo*. Patris *Probi* res gestas narrat La Carry in hist. Gallor. sub Praef. Praetorio pag. 47 seq. Aniciorum stemma exhibet Reines. epist. LXIX. ad Rupert. pag. 633. Inscriptio huius carminis incerta est. Ii autem, qui tres fratres consules in inscriptione ponunt, et a fastis refelluntur et ab ipso poeta v. 72. Barthio hoc carmen reliquis minus probatur, et videtur sane non vno in loco vel mutilatum esse vel alia ratione corruptum. Ab hoc carmine se esse exorsum testatur Claudianus XLII. 13 seq. Ex hoc autem colligi nequaquam potest, eum ante numquam Musis litasse.

v. 1 sq. Solem adhortando, ut illustrioribus radiis hunc diem celebret, Noster carmen

hoc auspicatur. Comparetur Aufon. Edyll. IX. 3 seqq. *haben*is pro: curru Virgil. Aen. XI. 465. Valer. Flacc. VI. 303. *flammigeris* Ovid. Met. II. 388. *portantes lumina currus. mundum complexus* i. e. qui orbem terrarum ambis Stat. Theb. III. 503 seq. Rutil. Itin. I. 77 seq. nam *mundus* saepe pro terra ponitur Sil. Ital. III. 611. et Nost. infra XVII. 51. De motu telluris a sole pendente, non est cogitandum, ut facit Gesner. v. 2. *voluis redeuntia secula*. Temporum spatia, quae certis intervallis iterum incipiunt, orbis se circumagentis instar cogitantur. Sol autem dici potest tempora *voluere*, quandoquidem ille cursu suo annuo spatia temporis sine fine labentis distinguit. *Saecula redeuntia* sunt tempora, quae semper de nouo incipiunt, et in orbem quasi redeunt. Virgil. Georg. II. 401 seq. *inexhausto indefesso*.

Sparge diem meliore coma, crinemque repexi
 Blandius elato surgant temone iugales,
 Efflantes roseum frenis spumantibus ignem. 5
 Iam noua germanis vespigia torqueat annus
 Consulibus, laetique petant exordia menses.

v. 3. 4. *Sparge diem.* cf. infra XXII. 422 seq. Quint. Calab. VIII. 1. Sic quoque Sil. Ital. V. 96. Idem IX. 34. Phoebum dicit *spargere radiis Gargana cacumina* cf. eundem XV. 223. et Valer. Flacc. III. 257. *diem* lucem. *meliore coma* radiis illustrioribus. cf. Stat. Theb. III. 409. et Ruperti ad Sil. Italic. I. 358. — *crinem repexi* pro: crine comto, infra XXII. 240, XLVIII. 10. *Blandius* quidem, vt Gesnerus bene animaduertit, neque ad *elato* neque ad *surgant* accommodatum est, spectat tamen ad festiuorem equorum habitum, neque inde sequitur, vt *rubeant* pro *surgant* legendum sit, praesertim quum versus sequens ruboris notionem exprimat. Heinsio quidem *rubeant* placuit, eamque lectionem multis exemplis ex Statio firmare studet. Hoc certum est, *surgant* eadem ratione iam in *elato temone* latere, qua *rubeant* in versu sequenti. Verum *elato temone* illud *surgant* veluti depingit, et *rubeant* auribus tantum blanditur. Occurrunt tamen infra XXXVII. 9 seq. *rubentes equi Solis*. Ceterum cf. Ovid, Met. II.

63 seqq. Idem (Metam. XI. 257 seq.) in occasu describendo habet *inclinato temone*. Infra XXXV. 196. est *obliquo temone reuerti*.

v. 5. *Efflantes roseum ignem.* Ovid. l. c. 154 seq. Virgil. Aen. XII. 114 seq. Sil. Italic. XII. 508 seq. Ducta idea ab equis generosis calidum vaporem ex naribus crebro spirantibus Sil. Italic. VI. 230 seqq. et Nost. VIII. 546 seq. *roseum ignem* a colore lucis matutinae sumtum. Ad spumam sanguine mixtam h. l. saltem poëta non respexit, vt existimat Gesnerus auctoritate Servii et La Cerda (ad Virgil. Georg. III. 203.) nitens. Longe alia res est infra VIII. 548. et XXXV. 203.; quo pertinent etiam Sil. Italic. XII. 254. et XVI. 357 seq. *frenis spumantibus* animos equorum exprimit.

v. 6. 7. *annus.* De annō ad solis cursum temperato, qui rursus incipit, quando sol ad tropicum Capricorni delatus est, non agitur, sed de anno consulari. *Annus noua vespigia torqueat*, pro: annus nouus redeat, incipiat. Detracto ornatu sensus est: Consules noui munus suum adeant. *Vespigia torquere*

Scis genus Auchenium, nec te latuere potentes
 Anniadae: nam saepe soles ductoribus illis
 Instaurare vias, et cursibus addere nomen. 10
 His neque per dubium pendet Fortuna fauorem,
 Nec nouit mutare vices: sed fixus in omnes

habet quoque Virgil. Aen. III. 66.; vulgarius est *flectere vestigia*, vt apud Ovid. Met. I. 372. *petant exordia* incipiant, vt ap. Virgil. Ecl. IV. 12. In priori versu dixerat Noster: nouus annus incipiat, et in hoc dicit: laetus annus sit. Burmann. coni. *laeti repetant*.

v. 8. 10. Scis sc. o Sol. genus Auchenium. Auchenium nomen Aniciae genti Heinſius vindicat ex vetere inscriptione. Burmann. laudat Reines. Inscr. Cl. VI. 2. Fabrett. Inscr. II. 225. Gudian. Inscr. p. CXIV. 1. et ibi notas. Anniadae cum Aucheniiis vel sanguine vel adſinitate coniuncti erant. *potentes* ob fortunae fauorem et perpetuum fere in illa familia consulatum. cf. Auson. epist. XVI. 27 seqq. *ductoribus illis*. Consules dicebantur *ducere* annum seu incipere, quia nomina eorum in fastis prima legebantur. Sil. Italic. II. 10. Eadem fere ratione Ianum *ducentem tempora* vocat Lucan. V. 6. — vers. 10. *instaurare vias*, de nouo incipere, Stat. Silv. IV. 1. 17 seq. *cursibus* sc. annuis, pro: annis. *addere* pro: dare, vt

saepe occurrit cf. Vulp. ad Tibull. I. 2. 1.

v. 11 seq. De nobilitate totius gentis agitur. His Aucheniiis et Anniadis. *pendet*. *Pendere* is dicitur, qui nondum apud se statuit, quid faciat, transferturque ad fortunam, euentum c. Sil. Italic. IX. 356. Lucan. V. 602., X. 542. *per dubium fauorem*. Heinſius positum arbitratur pro: a dubio fauore; et Burmannus explicandi gratia adiicit: Principum seu Imperatorum. Possunt autem illa ad Fortunam trahi, vt *per dubium fauorem* sit simpliciter positum pro: dubia, incerta. Ceterum similem huius praepositionis vsum explicant et illustrant Heyne ad Virgil. IX. 31. Drakenbr. et Heinſ. ad Sil. Italic. XV. 145. Burmann. ad Valer. Flacc. I. 767.

v. 12. *mutare vices*, quod de terra vsurpat nouam speciem induente Horat. Od. IV. 7. 3., oppositum est τὼ *seruare vices*, quo vtitur Virgil. Aen. IX. 222. Sub *vices* autem intelligitur ordo, quo dignitas consularis a patribus ad filios semper transfertur cf. 14 seqq. v. 13. *honus fixus* a fato quasi in perpetuum

Cognatos procedit honos. Quemcunque requires
 Hac de stirpe virum, certum est de Consule nasci.
 Per fasces numerantur aui, semperque renata 15
 Nobilitate virent, et prolem fata sequuntur
 Continuum simili seruantia lege tenorem.
 Nec quisquam procerum tentat, licet aere vetusto
 Floreat, et claro cingatur Roma Senatu,

adsignatus, constans. v. 14.
hac de stirpe. Hieronym. ad
 Demetriad. apud Delrium:
*Scilicet nunc mihi Proborum
 et Olybriorum repetenda
 sunt nomina, et illustre Ani-
 cii sanguinis genus, in quo
 aut nullus est aut rarus, qui
 non meruerit consulatum.*

v. 15. Claverius notat: Ab
 initio principatus Constan-
 tini M. Probi stemma efflo-
 ruit, eoque quartum consule
 fuit Probianus vel Probi-
 nus Proconsul Africae, dein
 Crispo consule Probianus,
 sub Constantio Olybrius Pro-
 consul Africae, dein Prae-
 fectus Vrbi, exin Probus
 Praefectus Praetorio, postea
 consul cum Gratiano, postea
 Olybrius consul cum Auso-
 nio. Ipse vero Probus longo
 tempore domum sua luce cla-
 ravit, donec Olybrius et Pro-
 binus fierent consules. Ha-
 ctenus ille: *Per fasces nu-
 merantur* cum delectu pro:
 omnes consulari gaudebant
 dignitate. Eodem sensu et
 colore dixit Virgil. Aen. XII.
 530. *per regesque actum ge-
 nus omne Latinos.* — *re-
 nata nobilitate* i. e. quum ne-
 potes nobilitatem auitam

consulatu parto semper reno-
 varent. *et prolem fata* s.
 Filios fortuna patrum non
 deserit, ita vt dignitas con-
 sularis nascentibus iam sit
 certa et explorata. v. 17.
*continuum tenorem seruanti-
 tia.* Fata dicuntur *in cursu
 esse* et *currere*, Sil. Italic.
 VII. 307. Burmann. ad Ovid.
 Met. X. 401.; dum igitur
 eundem cursum tenent nec
 remittunt, *seruant continuum
 tenorem.* Idem de hasta di-
 cit Virgil. Aen. X. 340. *simili
 lege*, vt nepotibus consula-
 tum tribuant.

v. 18. *tentat* Heinf. coni.
tentet, quod mihi quidem
 aptius videtur. *aere vetusto*
 i. e. aeneis statuis in nobi-
 lium atriis locisque publicis,
 pro: nobilibus. Stat. Theb.
 II. 214 seqq. VI. 268 seqq.
 Silv. II. 2. 63 seq. Burman-
 nus hoc durum putat.

v. 19. *Floreat*, hoc cum
Roma iungas. *cingatur.* Ro-
 ma non vrbs intelligenda est,
 sed dea, in cuius, quasi re-
 ginae vrbs, comitatu sunt
 senatores, iique dicuntur
 eam *cingere*. Ovid. ex Ponto
 IV. 9. 17 seq. Noster infra
 XXXIII. 108. *te felix nato-*

Se iactare parem: sed, prima sede relictā 20
 Aucheniis, de iure licet certare secundo.
 Haud secus ac tacitam Luna regnante per Arcton

rum turba coronat. Nec obstat, quod praecessit *florat*, quandoquidem poeta, quae vrbi propria sunt, ad deam transtulit, atque dea nobilitate *florere* dici potest, quum vrbs ipsius nobilium copia insignis sit. cf. Rutil. Itiner. I. 7 seqq. Heinſ. et Burmann. urbem intellexisse videntur, quorum hic cum Barthio cingatur cepit pro: impleatur, sed ipse exempla desiderat, itaque proponit: *et claro pingatur stemma senatu.* Gesnerus de corona sumtum existimat. Viri enim illustres, inquit, sunt velut gemmae in corona Romae deae.

v. 20. 21. *prima sede relictā Aucheniis c.* Sedes h. l. pro dignitate positum est, cf. infra XXXVI. 9 seq. Sensus: de primo loco nemo cum Aucheniis certabit, qui illis est proprius et ab omnibus concessus, sed *de iure licet certare secundo*, sed reliquis licet inter se certare, quis secundum dignitatis locum ab Aucheniis obtineat. Quidam distinguunt post *relictā*, ut sensus sit: primo loco Imperatori relicto de secundo ab Imperatore loco Aucheniis certare licet. Burmannus utramque distinguendi rationem probare videtur, verum posterior commodum

sensum vix praebet. Etenim si *liceat* Aucheniis de secundo loco *certare*: sequitur; ne secundum quidem locum illis concessum et proprium esse, sed alios etiam illum sibi vindicare. Non igitur inde sensus eruitur, quem tamen contextus postulat: Aucheniis solis Imperatoribus cedunt.

v. 22. *luna regnante.* Horat. od. I. 12. 47. Quint. Calab. I. 37 seqq. *tacitam per Arcton.* i. e. noctis silentio in septentrionali plaga. *Arcton* h. l. noctem significare, sunt qui disputent. Heinſius quidem comparat Stat. Theb. III. (480), vbi tamen *Lycania umbra* non per: nocte, explicauerim. Multo minus illi rationi suffragatur Propert. II. 18. 25. vbi *geminas Arctos* pro duabus noctibus dictum nonnulli credunt. Ibi enim noctis cursus ab Vrsarum cursu et conuersione exprimitur, ut apud Anacreont. III. 1 seq. et Theocrit. XXIV. 11 seqq. atque Vrsarum conuersionem *requieuisse*, i. e. cohibuisse, Iupiter dicitur, pro: noctis cursum subsistere iussisse. Apud Nostrum *Arctos* posita est pro ea hemisphaerae borealis parte, quae noctu conspicitur, in qua lunam plenam versantem ille

Sidereae cedunt acies, quum fratre recusso
 Aemulus aduersis flagrauerit ignibus orbis.
 Tunc iubar Arcturi languet; tunc fulua Leonis 25
 Ira perit; Plaustro iam rara intermicat Arctos

figit, suisque radiis astra, alias clarissima, obscurantem. v. 23. *sidereae cedunt acies* i. e. stellae obscurantur, earum acies obtunditur Virgil. Georg. I. 395. *fratre recusso*. i. e. radiis solis exceptis et reperiussis Virgil. l. c. Sil. Italic. IV. 480 seq. VIII. 174. Heinsius multis locis firmare studet *retuso*, quod Burmannus iure reiecit et *retruso* i. e. abdito, probat. Verum quamquam *retrusum* a Cicerone cum *abditum* coniungatur, tamen non puto illud apte de sole dici, qui occidit. v. 24. *aduersis ignibus* pro: aduersa seu opposita soli. Hoc plenam lunam notat. cf. Lucret. V. 703 seqq.

v. 25 seq. Quod vniuerse iam dixerat v. 23. *Sidereae cedunt acies*, nunc per partes ornatus causa exprimit. *Arcturi*. *Arcturus* stella primae magnitudinis et rutilo splendore in Boote. *iubar* de radiis stellarum et Solis Ovid. Fast. II. 149 seq. Virgil. Aen. IV. 130. *fulua Leonis ira*. In hoc quoque signo duae stellae sunt primae magnitudinis, altera, quam *Regulum* vocant, altera, quam *Denebolam*. Iram Leoni tribuit, quia Sol aestate in hoc signo versatur, quando aestus

maximus est. cf. Arat. Phaenonom. 149 seqq. *fulua*. *Fulvus* epith. leonis est proprium, sed etiam ad sidera transfertur Tibull. II. 1. 88., et ad ignes Virgil. Aen. VII. 76., potest itaque, vt Gesnerus quoque vidit, *fulua ira* de igneo fulgore stellarum accipi, quibus sidus hoc continetur. Ceterum cf. Senec. Hercul. Fur. 944 seq. v. 26. *plaustro iam rara intermicat Arctos*. Gesnerus existimat, poetam vtramque huius sideris appellationem, *Vrsam* (*Arcton*) et *Plaustrum*, coniunxisse (Homer. II. E. 271.), sinxisseque geminam figuram, *Vrsam* inter *Plaustri* rotas emicantem. Quam fictionem doctam equidem non dixerim. Ex aliis, quae occurrunt apud Nostrum, locis nihil certi ad illa verba expedienda sumi potest, cf. XV. 501, XVII. 299, XXVI. 246, XXXVII. 11. vnde tamen apparebit, Nostrum vulgarem opinionem non esse secutum, sed vel suo ingenio indulgisse, vel aliorum commenta expressisse, quorum memoria non amplius exstat. Dubitari possit, num *Arctos* h. l. *Vrsa* intelligi debeat, et non potius plaga septentrionalis, vt passim, nisi se-

Indignata tegi; iam caligantibus armis
Debilis Orion dextram miratur inermem.

Quem prius aggrediar? veteris quis facta Proбини
Nesciat, aut nimias laudes ignoret Olybri? 30
Viuit adhuc, completque vagis sermonibus aures
Gloria fusa Probi, quem nec ventura filebunt

quatur *indignata* et sermo sit de signis coelestibus. Occurrunt quoque loca apud poetas, ubi Vrsa a plaustro distinguitur. Lucan. II. 237. *Parrhasis obliquos Helice cum verteret axes*; et V. 23. *habes plaustrum hyperboreae vrsae*; et IV. 523. *legimus flexoque vrsae temone paucere*; Sidon. Apoll. carm. V. 281. *duplex ponto si plaustra nouatur Parrhasis*; Nonn. Dionys. II. 33 seq. *καὶ ὕδατι διψῆς ἀλάστω Ἀρκτος ἀμαξαίοιο δεδουκότος ἱστοβοῆος*. Quibus adde Stat. Theb. VIII. 368 seqq. et Senec. Herc. Fur. 129 seqq. Inde sit verisimile, et Nostrium a vulgari persuasione recessisse, Vrsamque et Plaustrum signo continuo coniunxisse, ita tamen, ut Vrsa non post Plaustrum lateat, sed iuncta Plaustro sit, et *intermicat* (nisi simpliciter pro: micat, positum sit) ad reliqua signa pertineat, inter quae Vrsa cum Plaustro suo *rara*, i. e. paucis tantum stellis, minoribus lunae splendore obscuratis, micet. Huc spectat quoque forsan Stat. Theb. III. 684 seq. *ubi sola supersilite plaustro Arctos ad oceanum fugienti-*

bus inuidet astris. Ceterum cf. Schol. ad Arati Phaen. 27 seq.

v. 27. 28. *Orion caligantibus armis*. Orionem armatum fingi notum est Ovid. Met. VIII. 207. XIII. 294. Stat. Silv. I. 1. 44 seq. Arati Phaen. 588. *dextram inermem*. Cum *stellae*, quae enssem designant, non appareant. *debilis*, non integer, stellis, quae singula membra exprimunt, minus apparentibus. *miratur* cum delectu pro; sentit.

v. 29. 30. *Quem* sc. de maioribus Proбини et Olybrii, e quibus Proбини veteris et Olybrii (cf. supra ad v. 15.) laudes leuiter tantum perstringit, Probi patris gloriam diutius celebraturus. *nimias* immensas, summas, ut passim apud Nostrium occurrit.

v. 31. 32. *complet aures gloria Probi*. i. e. nihil paene hominum aures percipiunt, quam sermones de Probi rebus gestis. *δι ὧρων φρενὸς τὴ δαμίας περᾶνον* Aeschyl. Choeph. 54 seq. *Vagi* sermones vocantur, qui de illo viro per totum terrarum orbem vagantur. Eadem fere ratione Alexander M. *vagus*

Lustra, nec ignota rapiet sub nube vetustas.
 Illum fama vehit trans aequora, transque remotas
 Tethyos ambages, Atlanteosque recessus. 35
 Audiit èt, gelido si quem Maeotica pascit
 Sub Ioue, vel calido si quis coniunctus in axe
 Nascentem te, Nile, bibit. Virtutibus ille

victor vocatur apud Sil. Italic. XIII. 763 seq. *quem* vulgo *quam*. cf. Horat. od. II. 2. 7 seq.

v. 33. *nec ignota rapiet sub nube vetustas*. *Vetustas* h. l. de tempore insequente, vt apud Lucan. VIII. 867. et Senec. Hercul. Oet. 1580. *rapiet sub nube*. i. e. obnubilabit, obscurabit. cf. Pind. Olymp. VII. 82 seqq. *ignota* vel quia ipsa nubes ignota est, vel quia ignota sunt, quae illa inuoluit. Ductum hoc inde forsan, quod ex antiquitatis persuasione, dii et se et illos, quos videri volebant, nube condebant, quae ipsa animadnerti nequibat. v. Heyne ad Virgil. Aen. I. 411 seq. Barthius hanc repetitionem *odiosam* vocat, eadem enim fere sunt, quae superiori versu poeta dixerat, sed aliter expressa. Huiusmodi autem repetitiones crebro apud Nostrium occurrunt, nec optimus quisque poeta ab iis plane liber est. Legi iubet *rapiet*, ita vt *vetustas* de praeterito tempore intelligatur. Verum nonne putidum est, iis, quibus expressis, laudem mansuram esse, adiacere, nec maiores illam

in obliuionem rapuisse? Hoc enim ex illis iam per se patet; nam qui possunt posteris memoriam eius custodire, cuius iam maiores obliti sunt, nisi de laude alicuius sermo est e vetustis monumentis in lucem rursus extracta?

v. 34. *Illum*, illius gloriam. *fama vehit*. Fama alata est, et fert ea, quae nunciat. cf. Stat. Silv. V. 1. 105 seqq. Sic *fama gestat* Sil. Italic. XVI. 608.

v. 35. *Tethyos ambages*, per omnes oras. *Atlanteosque recessus*. Barthius intelligit solitudines immanes Africae, quae recesserunt velut a locis habitabilibus. Equidem idem puto designari, quod per praecedens *Tethyos ambages*. Infra X. 280 seq. legitur *Atlanteosque recessus Oceani*, vbi v. not. Heinlius coni. *Atlantiacosque*. Euripid. Hippol. 1053. πέραν γε πόντου καὶ τῶν ἀτλαντικῶν.

v. 36. *Maeotica* infra ad VIII. 180.

v. 37. 38. *Gelido sub Ioue* i. e. sub aëre frigido Horat. od. I. 1. 25 et 22. 19 seq. Martial. VII. 35. *coniunctus*. Burmannus dubitat, an *con-*

Fortunam domuit; nunquamque leuantibus alte
 Intumuit rebus: sed mens circumflua luxu 40
 Nouerat intactum vitio seruare rigorem.
 Hic non diuitias nigrantibus abdidit antris,
 Nec tenebris damnauit opes: sed largior imbre

iunctus satis latine dicatur pro: vicinus, quod Gronovius probare sustinet ad Liv. XXII. 20, in Gellio ad Stat. Theb. VI. 230. et in Diatrib. ad Stat. c. 41., quae iam Rupertii laudauit ad Sil. Italic. V. 302. Qui loco coniuncti sunt, hi procul dubio vicini sunt, nescio itaque, cur de hac vi omnino dubitetur. Sed *coniunctus in axe* nullo modo potest poni pro *coniunctus axi*, quare *in axe* cum *nascentem* iungendum est, ut *coniunctus* h. l. absolute positum sit pro: vicinus tibi nascenti. Omnia essent expeditiora, si per codd. liceret legere: *coniunctior axi*. Ceterum *axe* pro coelo positum esse, vix verbo quidem opus est monere. *nascentem* cf. Lucan. I. 20.

v. 39-41. *Fortunam* proprie superbiam ex rebus nimis prospere fluentibus saepenumero nascentem. Sensus: in rebus secundis non erat superbus. Ovid. A. A. II. 437 seq. De fortuna aduersa cf. Lucan. IX. 570. *leuantibus alte rebus*, sc. se aut eum. cf. infra III. 20 seq. pro: rebus secundis. Eandem sententiam aliter extulit Stat. Silv. V. 1. 117 seqq.

v. 40. *circumflua* i. e. circumdata, sed illud luxui aptior. cf. infra VIII. 139. Ceterum *luxus* h. l. est magnificentia et rerum pompa, quae principes viros ambire solet. Virgil. Aen. I. 637. v. 41. *rigorem*, seueros castosque mores, qui omnem mollitiem respuunt, ad quam luxuries homines solet deducere. cf. Wernedorf ad Patric. epith. v. 82. in Poet. lat. m. T. IV. P. II. Saepius *rigor* pro virtute ipsa ponitur Lucan. II. 389. Nost. infra VIII. 403. et XXI. 32.

v. 42. *Hic*. Probus. *nigrantibus antris*. Hoc firmari potest Morelli lectio in Dion. Chrysost. orat. IV. pag. 172. ed. Reisk. ἀνέδοξον δὲ καὶ ἀχρεῖον φυλάττοντα τὸν πλοῦτον, τὸ ὅτι κατὰ κλειστον ἐν τισὶ κρυπτοῖς καὶ ἀφέγγεσι βαράθροις. Vbi in nonnullis legitur θαλάμοις, ut in vno Heinssii libro scr. *umbris* et in quatuor eiusdem *addidit*. ceterum cf. Aristoph. Plut. 237 seq.

v. 43. *tenebris damnauit* abscondidit. Haec iis, quae superiori versu dicta sunt, adiecta seu potius assuta paene frigent. *imbre*. Putant hoc a sparsionibus theatralibus

Sueuerat innumeras hominum ditare cateruas.
 Quippe velut densos currentia munera nimbos 45
 Cernere semper erat, populis vndare Penates,
 Assiduos intrare inopes, remeare beatos.
 Praecepta illa manus fluuios superabat Iberos
 Aurea dona vomens. Sic quis tellure reuulsa
 Sollicitis fodiens rimatur collibus aurum; 50

sumtum esse. v. interpp. ad Stat. Silv. I. 6. 21 seqq. et Martial. VIII. 28. Sed quidni etiam ab imbre ipso? Virgil. Georg. II. 325 seqq.

v. 45. Omnes, quos equidem inspicere potui, exponunt versum hunc de theatralibus sparsionibus praeter Burmannum, qui dubitat, an possint *nimbi* dici *currere*, quod de aqua quidem recte dicatur, sed tamen concedit, Claudianum hoc verbo potuisse abuti, vt Statius Theb. V. 361. fecerit (cf. etiam Tibull. III. 1. 3 seq.) Quumque existimet, de donis et muneribus h. l. non agi, sed per *munera* intelligendos esse ludos et theatra, ad quae populus denso agmine, quod nimbum Noster vocet, currat: huic rationi accommodatam proponit coniecturam: *Quippe velut denso currunt ad munera nimbo. Cernere semper erat c.* Locus ille totus, si quid video, interpolatidne corruptus est. v. 45. procul dubio ex interpretatione verborum *largior imbre* natus, quae grammaticus, nescio quis, de missilibus et sparsionibus in thea-

tro fieri solitis explicauerat, et ad metri rationem vtcunque compositus, intrusus est. Hoc saltem vnusquisque fatebitur, illo versu reiecto et distinctione paullulum mutata omnes non solum difficultates euanescere, sed sensum etiam concinniores fieri. *sed largior imbre sueuerat innumeras hominum ditare cateruas. Cernere semper erat populis vndare penates; Assiduos cet.*

v. 46. *vndare* ingentem salutantium et auxilium poscentium copiam exprimit. cf. Virgil. Georg. II. 461 seq. ibi v. Heyne et Stat. Theb. II. 223 seqq.

v. 47. *beatos felices*, μάκαρας Hesiod. Op. 549. vel μακάριους et ευδαίμονας. Cuper. obsl. III. 1. Heinsl. ad Ovid. Amor. I. 15. 34. cf. Saleii Bassi carm. ad Pison. 97 sqq. Poet. lat. m. T. IV. P. I.

v. 48. *praecepta* prona, parata ad effundendum, sic bene Burmannus. Aptum hoc fluuiis, quibuscum illa manus comparatur. *Iberos*, Tagum puta.

v. 49. 50. *vomens* ineptum verbum manui iure Burm.

Quantum stagna Tagi rudibus stillantia venis
 Effluxere decus; quanto pretiosa metallo
 Hermi ripa micat; quantas per Lydia culta

existimat, melius fortasse cum respectu ad fluuios esset *vehens*. Si quis *tellure revulsa* c. Heinlin corruptum locum iudicat; pro *auro*, quod ieiuna repetitio ipsi videtur, legit *Astur*, laudatque ad coniecturam firmandam Lucan. IV. 298 seq. Sil. Italic. I. 133 seqq. Stat. Silv. IV. 7. 13 seqq. quibus addi potest Noster infra XXIX. 75. Pro *Sollicitis* proponit *Callaicis* cf. Pacat. in Panegy. vet. XII. 28. Martial. X. 16. 3. Ores. VI. 21. Locus igitur secundum Heinl. sic legendus est: *quidquid tellure revulsa Callaicis fodiens rimatur collibus Astur*. Retinendum tamen censet *sollicitis*, quod explicat de molestiis, quae auri fossoribus deuorandae sunt, partim ob grauissimos et continuos labores, partim ob aërem pestilentem. Lucret. VI. 806 seqq. Verum *sollicitatur* terra, quae foditur seu aratur Virgil. Georg. II. 418; *sollicitatur* mare, quod remis frangitur Virgil. I. c. 502; beneque Gesnerus dicit, *sollicitos* colles esse motos fossionibus. Comparat Heinl. Lucan. VII. 755 seq. Meo quidem sensu versus a 49 - 54. aliunde inserti videntur, quos nescio quis comparandi et illustrandi causa margini adscripserat.

v. 51. *Tagi*. *Tagus* auriferis arenis olim clarissimus, vt multi alii fluuii, quorum recensum agit Plin. H. N. XXXIII. sect. 21. cf. Sil. Italic. I. 155 seqq. *stillantia* vix potest explicari. Prim. Vatican. a manu sec. habet *pal-lentia. rudibus venis* i. e. auri granulis, vt natura est aurum, ei oppositum, quod ex metallis effossum arte excoquitur. *Stagna* polita sunt pro locis vadolis, vbi aqua stagnans granula aurea, quae ex montibus deuexerat, demittit. Pro *stillantia* possis legere *splendentia* cf. infra XVII. 186. qui *splendida potat Stagna Tagi*. Possis quoque eam rationem inire, vt fontes Tagi respiciantur. *Stagna* i. e. aqua *Tagi*, quae *stillat*, defluit (de) *venis rudibus* i. e. metallis, quae rudes auri venas continent, vnde aqua prorumpens auri grana secum auferat. cf. Lucan. III. 209.

v. 52. *effluxere* h. l. transitue. interpp. ad Petron. 71. Observat. Miscell. T. IX. p. 404. cf. infra XXII. 263. *decus* aurum.

v. 53. *Hermi*. *Hermus* fl. Lydiae cum *Pactolo* eodem alueo in Aegaeum mare defluit. *culta*. ἑορὰ. Homer. Odyss. ξ. 344. Vterque fluuius terras quoque irrigat et fertilissimas reddit. Lucan. III.

Despumat rutilas diues Pactolus arenas.

Non, mihi centenis resonent si vocibus ora, 55
Multifidusque ruat centum per pectora Phoebus,
Acta Probi numerare queam, quot in ordine gentes
Rexerit, ad summi quoties fastigia iuris

210. Virgil. Aen. X. 141 seq.
Propert. l. 6. 31 seq. Senec.
Phoeniss. 604 seq.

v. 54. *Despumat. Despu-*
mare res fluidae dicuntur,
quae spumando omnem spur-
citiem eiciunt; h. l. transla-
tum est ad flumen auriferum,
quod se quasi purgat, auri
grana, quibus antea turbi-
dum erat, demittendo. Mar-
tial. VIII. 78. 4 seqq. Hein-
s. coni. *quantum per Lydia*
culta Despumat rutilae di-
ves Pactolus arenae.

v. 55. *Non mihi c. cf. not.*
ad Pers. V. 1 seq. quibus adde
Licent. carm. ad August. v.
132 seqq. Poet. lat. m. T. IV.
P. II. Vnusquisque facile
videt, poetas recentiores,
qui iis dictionibus et sen-
tentiis, quibus vetustiores
quasi iure suo vti sunt, ad res
transferant, ex annalium fide
cognitas, quibus phantasia
cen finibus certis continea-
tur et circumscribatur, vix
risum effugere posse. In non-
nullis, quae apud Claudia-
num occurrunt, si cum nu-
dis scriptorum monumentis
comparentur, dictionem epi-
cam vel adeo lyricam agno-
scet lector ad risum mouen-
dum quasi data opera con-
cinnatam, ita pleraque, quae

quam ieiuna et vana sint
aliunde satis constat, verbo-
rum pompa exaggerantur. *re-*
sonent alii pateant. centenis
pro: si centena seu centum
ora haberem. Virgil. Georg.
II. ibi v. Heyne.

v. 56. *Multifidus Phoebus.*
Optat nempe sibi centum
pectora, et vnumquodque
Phoebi plenum. *Multifidus*
Phoebus sunt igitur Phoebi
vires dinisae et quasi dispen-
satae per centum pectora.
ruat ad impetum pertinet,
quo furor ille animos occu-
pat. Horat. od. I. 19. 9. Lu-
can. V. 118 seq.

v. 57. *numerare* cum de-
lectu pro: narrare. cf. infra
VII. 52. Ovid. ad Liv. Aug.
448. *in ordine* i. q. ordine.
Virgil. eclog. VII. 20. *Acta*
Probi. cf. Ammian. Marcel-
lin. XXVII. pag. 377, 387. 8,
438, 447, 453. ed. Lindenbr.

v. 58. *Summi fastigia iu-*
ris. Praefecturam Urbis et
Praetorii per Italiam, Illyri-
cum et Africam intelligit
Burmamnus. cf. Gothofre-
dian. notit. Praefect. Praet.
in Cod. Theod. et in Proso-
pograph. de nostro Probo.
quoties. Ex inscript. vet. apud
Gruter. pag. CCCCL. pa-
tet, quater. *Praefectus quar-*

Venerit, Italiae late quum frena teneret,
 Illyricosque sinus, et quos arat Africa campos. 60
 Sed nati vicere patrem, solique merentur
 Victores audire Probi. Non contigit illi
 Talis honor, prima quum parte viresceret aevi;
 Non Consul cum fratre fuit. Vos nulla fatigat
 Cura, diu maiora petens; non anxia mentem 65
 Spes agit, et longo tendit praecordia voto.
 Coepistis, qua finis erat. Primordia vestra

*tum toto dilectus in orbe,
 sed fama emensus quidquid
 in orbe hominum est.*

v. 59. *Italiae frena*, vt
rerum freni apud Sil. Italic.
 I. 240.

v. 60. *arat*. Erat Africa
 quasi granarium Italiae; inde
 nata est expressionis ratio. cf.
 infra XV. 52 seqq.

v. 62. *Victores audire
 Probi*. Procul dubio *Probi*
 casus secundus est, hoc sensu:
 Soli filii consecuti sunt (*me-
 rentur*), vt patrem vincerent.
 Amat Noster eadem alia ra-
 tione elata repetere, vt ex
 sexcentis locis constat. Sub-
 iungitur etiam statim, in
 quo patrem vicerint, quod
 pueri et quod ambo simul
 fratres consules facti sint.

v. 63. *cum viresceret prima
 parte aevi* i. e. quum puer
 adhuc esset. Nota meta-
 phora ab herbis stirpibusque
 petita.

v. 64. 66. *vos nulla fati-
 gat c.* Ambitionis taedium
 a fratribus remouetur. *Cura*,
diu maiora petens ipsa am-
 bitio est magistratum alium

post alium ordine petens, do-
 nec summum, consulatum,
 obtinuerit. *anxia* metu re-
 pullae. *agit*, agitat, vexat
 cf. Burmann. ad Valer. Flacc.
 V. 15. *tendit praecordia* i. e.
 extendit cupiditatem. Cic.
 Tusc. Q. I. 10. memorat, Pla-
 tonem iram in corde, cupi-
 ditatem sub praecordia po-
 suisse. Locus Platonis, quem
 Cicero innuit, est in Timaeo
 T. IX. pag. 389. ed. Bipont.
 Forſan. etiam ea vis exprimi-
 tur, qua spes cum cupiditate
 coniuncta in eam corporis
 partem praecipue agit. Ovid.
 Heroid. XVI. 133 seq. *Vt
 vidi, obſtupui; praecordia-
 que intima ſenſi Attonitus
 curis intumuiſſe nouis.* infra
 III. 243. *ἐντεταυχὶ Φοβερὰν
 Φρενὰ* Sophocl. Oedip. Ty-
 rann. 153. ibi v. Brunk. Ab
 arcu ſumtum hoc Gesnerus
 putat, qui non ſemper feriat,
 quod minetur.

v. 67. *Coepistis, qua f. e.*
 Coepistis a consulatu, quo
 honorum decursus alias fi-
 niri solet. *primordia vestra*
 i. e. consulatum, quo coepi-

Vix pauci meruere senes, metasque tenetis,
Ante genas dulces quam flos iuuenilis inumbret,
Oraque ridenti lanugine vestiat aetas. 70

Tu, precor, ignarum doceas, Parnassia, vatem,
Quis Deus ambobus tanti sit muneris auctor.

Postquam fulmineis impellens viribus hostem
Belliger Augustus trepidas laxauerat Alpes:
Roma Probo cupiens dignas persolvere grates, 75
Sedula pro natis dominum flexura rogando
Ire parat. Famuli currum iunxere volentem
Impetus, horribilisque Metus, qui semper agentes

lis. Quid Barthium h. l. transuersum egerit, equidem vix diuinare possum. De ingenio et virtutibus, quibus pueri praediti fuerint, tantis, ut in senibus raro reperiantur, locum intelligit.

v. 68. *meruere*, consecuti sunt. *metasque*. Magistratus enim alius post alium certo ordine lege annali in libera republica constituto petebantur. Hoc saepe cum curriculo seu spatio comparatum est. Locus memorabilis et notissimus est Cic. de orat. I. 1. Inde quoque h. l. *meta* posita est pro consulatu.

v. 69. *flos iuuenilis*. Pind. Olymp. I. 109 seq. *πρὸς εὐάν-
δemon δ' ὅτε φῶαν λάχναί νιν
μέλαν γένειον ἔρεφον*. cf. Homer. odyss. λ. 318 seq. Apollon. Rhod. II. 93. Virgil. Aen. VIII 160. Barba incipiens crescere cum iuuenta. Lucret. V. 886 seq. Nost. XXII. 351. *ridenti*, ab aetate sumtum, quae maxime est capax laetitiae.

v. 71 seqq. Iam docet Noster, unde acciderit, ut fratres, pueri adhuc, consules facti sint. Poetarum more figmento utitur. Roma dea fratribus consulatum ab Imperatore impetrat, ut Probo patri pro meritis gratia referatur. *Tu, precor* c. cf. Virgil. Aen. VII. 41.

v. 73. *fulmineis viribus*. cf. infra XXI. 200, XXVIII. 469. Exprimit et celeritatem et impetum, quo Theodosius M. Eugenium adgressus est et oppressit. cf. Zosim. IV. 58. Ambros. epist. 62. div. 3. Orosium. VII 35. Sozom. VII. 24. Socrat. V. 25. Theodoret. V. 24. Rufin. II. 33.

v. 74. *laxauerat* reſeraverat ab hoste occupatas. v. infra 107 seq.

v. 76. *natis Probi. dominum* Theodosium M.

v. 77. *Famuli* cet. Curru Martis patris utitur Roma, iisdemque ministris, *Impetu et Metu*. cf. Stat. Theb. VII. 47 seqq.

Proelia cum fremitu Romam comitantur anhelò,
 Siue petat Parthos, seu cuspide turbet Hydaspem. 80
 Hic ligat axe rotas, hic sub iuga ferrea nectit
 Cornipedes, rigidisque docet seruire lupatis.
 Ipsa, triumphatis qua possidet aethera regnis,
 Assilit, innuptae ritus imitata Mineruae.
 Nam neque caesariem crinali fringere cultu, 85
 Colla nec ornatu patitur mollire retorto;

v. 80. *cuspide turbet Hydaspem.* *Hydaspes* Indiae fl. in Indam effunditur. Schol. ad Lucan. III. 236. cf. Heyne ad Virgil. Georg. IV. 211. More suo poeta pro populo fluvium posuit, et ad Indos referendum est *turbet*. De rebus gestis aduersus Indos non cogitandum est, sed huiusmodi commentis Imperatorum vanitati inseruire studebant recentiores poetae, antiquiorum secuti exempla.

v. 81. *ligat* pro: aptat. *nectit*. Sic quoque voluit Burmann. edere, sed operum vitio mittit in textu retentum est. De praepositione *sub* copiose disputat idem ad Ovid. Met. I. 689.

v. 82. *rigidis lupatis* v. ad V. 354. *docet seruire*, dum lupata ori indit, et equi vim eorum sentiunt.

v. 83. *qua*. eo loco, vbi. *possidet aethera* i. e. coeli partem possidet *triumphatis regnis*, ob seu propter orbem terrarum deuictum.

v. 84. *ritus*, cultus. Romam deam eodem fere cultu, quo Minervam, plastici et pictores repraesentabant.

v. 85. *caesariem*, comam. Virgil. Georg. IV. 337. Catull. LXVII. 8. *crinali cultu*. Non satis definite, vt apud Virgil. Aen. XI. 576. *crinale aurum*; potest enim acus crinalis ex auro seu argento intelligi, qua capilli discriminati et in plures nexus formati atque in vertice circumuoluti continebantur Martial. II. 66; sen, quod magis mihi h. l. arridet, aurea fascia seu aureum reticulum, quo crines colligebantur. Indicare hoc videtur *τὸ stringere*. v. interpp. ad Virgil. Aen. IV. 138, vbi legitur: *crines nodantur in aurum*. Sidon. Apollin. carm. II. 390 seq. *laxatos torua capillos stringit et inclusae latuerunt casside turre*. Aemilii Mag. Arb. ad Nymph. n. c. Poet. lat. min. T. III. v. 7. p. 218. ed. Wernsd. *Ne stringant rutilos tibi serica vincla capillos, Cum vincant rutilae serica vincla comae*. cf. Burmann. ad Valer. Flacc. II. 103 seq.

v. 86. *ornatu retorto*, torque, monili. *mollire*. Hoc gestamen erat mollium femi-

Dextrum nuda latus, niueos exserta lacertos,
 Audacem reteggit mammam, laxumque coercens
 Mordet gemma sinum. Nodus qui subleuat ensem,
 Album puniceo pectus discriminat ostro. 90
 Miscetur decori virtus, pulcherque seuerō

narum. Sensus: Non passa est, vt mollis videretur monili.

v. 87. *dextrum nuda latus*. cf. Sidon. Apollin. carm. V. 13 seqq. qui cultum Romae deae quoque describit. Heyne animaduertit ad Virgil. Aen. X. 649, in venatricibus et bellatricibus, vt in Diana et Nymphis, et h. l. Roma, dextrum pectus, dextrum humerum nudatum videri in numis ac statuīs, laudatque Callim. in Dian. 213 seq. cf. Wernsdorf. ad Rutil. Itin. I. 146. Poet. lat. min. T. V. P. I.

v. 88. 89. *audacem reteggit mammam*. Sidon. Apoll. l. c. 18 seqq. *Ostricolor pepli textus, quem fibula torto Mordax dente vorat. Tum quidquid mamma refundit Tegminis, hoc patulo concludit gemma recessu. audacem*, quia relecta est. *laxumque sinum*. peplum intelligo in pectore collectum gemma i. e. fibula gemmis distincta. infra XXXV. 16 seq. *sudata marito Fibula purpureos gemma suspendit amictus*. Intelligo autem fibulam in cingulo. cf. Wernsdorf. in excurs. IX. ad Nemef. cyn.

v. 91. Poet. lat. m. T. I. pag. 256. *nodus* balteus. Humero antiqui ensem suspendebant. Virgil. Aen. VIII. 459.

v. 90. *discriminat pectus* p. o. Balteus purpureus, a quo pendeat ensis, inter utramque mammam descendebat.

v. 91. *Miscetur decori virtus*. Habitu illo corporis pulchritudini et formae prouisum fuerat, idemque habitus ostendebat deam bellicam. Virtus enim h. l. species externa est, qua virtus bellica proditur. *pulcherque pudor* pulchritudo corporis pudore etiam aucta, *armatur seuerō terrore*, ea seueritate vultus eoque cultu, qui proprius est deae belligerae. infra X. 123 seq. Sidon. Apoll. l. c. 16 seq. *Laetitiā censura manet, terrorque pudore Crescit et inuita superat virtute venustas* Quint. Calab. l. 53 seqq. de Penthesilea καὶ ἀγλῶν εἶδος ὁράσσει Μαιδίων ἄρσενον, ὅπ' ὀφρύσι δ' ἰμερόεντες Ὀφθαλμοὶ μάχαιρον ἀλίγκιον ἀκτίνεσσιν, Αἰδώς δ' ἀμφιρύθνη, παρηιάδων δ' ἐφ' ὑπερθευ Θεσπεσίῃ ἐπέκλειτο χάρις, καταβέβηνη ἀλκήν.

Armatur terrore pudor, galeaeque minaci
 Flaua cruentarum praetenditur umbra iubarum,
 Et formidato clipeus Titana laceffit
 Lumine, quem tota variarat Mulciber arte. 95
 Hic, patrius Mauortis amor, fetusque notantur
 Rumulei. Pius amnis inest, et bellua nutrix.
 Electro Tiberis, pueri formantur in auro.

v. 92. *galeaeque minaci.* nutanti crista seu iuba. Virgil. Aen. VIII. 620.

v. 93. *flaua umbra* i. e. rutila umbra, quam rutilae cristae faciunt, ut *viridis umbra* (Virgil. Cir. 4.) quam frondes virides. Flauus color ad rutilum prope accedit, inde *flauus rubor* Senec. Hippol. 652. *cruentorum iubarum.* iubarum plerumque rubro erant colore cf. interpp. ad Sil. Ital. V. 165. et XVII. 279. *Flaua umbra cruent.* i. pro: cruenta iuba.

v. 94. *clipeus Titana laceffit.* Possit esse: prouocat Titana, certat splendore cum sole. Sed ex locis infra laudandis, quae Noster ante oculos habuit, adparet, eum hoc voluisse: vel solem, luminis fontem, illo splendore fatigari et terreri. Stat. Theb. III. 225 seq. *clipeique cruenta Lux rubet, et solem longe ferit aemulus orbis.* Idem IV. 665 seq. *Qualis Bistonis clipeus Mauortis in arvis Luce mala Pangaea ferit, solemque refulgens Territat, incussaue Dei graue mugit ab hasta.* cf. Nostrium infra XXIV. 66. Apud Vir-

gil. Aen. VII. 526 seq. *sol laceffit, ferit aera.* cf. Schütz ad Aeschyl. S. C. Theb. v. 90 et 491.

v. 95. *tota arte* i. e. tam artificiose, quam poterat; omnem artem in eo clipeo consumserat. *omni nunc arte ministra.* Virgil. Aen. VIII. 442.

v. 96. *Mauortis amor,* amores Martis et Rheae Silviae. cf. Sidon. Apoll. l. c. 22 seqq. *Foetus Romulei,* ita poterant dici, secundum Burmannum, Romulus et Remus, quia *Remus* quoque *Romus* dictus sit, et ambo infantes essent. Apud Iuvenal. XI. 104 seq. lupa vocatur *fera Romulea* et sub *geminis Quirinis* Romulus et Remus intelliguntur. *pius amnis,* Tiberis, quia leniter stagnans vitam seruauerat pueris Ovid. Fast. III. 51 seq. *bellua nutrix* lupa est. Sidon. Apoll. carm. II. 394 seqq. cf. Virgil. Aen. VIII. 630 seqq.

v. 98. *electro.* Nobile metalli genus, cuius quatuor partes auro constabant, quinta argento Homer. Odyss. δ. 73, ο. 459, σ. 295. Plin. H. N. XXXIII. sect. 23. Heyne ad

Fingunt aera lupam, Mauors adamante coruscat.
Iam simul emissis rapido velocior Euro 100
Fertur equis. Stridunt Zephyri, cursuque rotarum
Saucia diuiduis clarescunt nubila fulcis.

Nec traxere moras, sed lapsu protinus vno,
Quem poscunt, tetigere locum, qua fine sub imo
Angustiant aditum curuis anfractibus Alpes, 105
Claustraue congestis scopulis durissima tendunt,
Non alia referanda manu, sed peruia tantum
Augusto, geminisque fidem mentita tyrannis.
Semirutae turres, auulsaque moenia fumant.

Virgil. Georg. III. 522. Hoc metallo Tiberis expressus fingitur propter colorem, unde etiam perpetuum suum epitheton traxit Horat. od. I. 2.

12. et II. 3. 18. *formantur in auro* pro: formati, caelati sunt auro Virgil. Aen. I. 640.

v. 99. *Fingunt aera l.* exquissite pro: ficta aere lupa. *adamante.* ferro seu chalybe, ut notum est. Ceterum cf. Horat. od. I. 6. 13 seq.

v. 100. *emissis.* Emittuntur equi, quando habenae laxantur. Lucan. IV. 765. cf. Gronov. ad Liv. XXIV. 15. Xenoph. de Re equestri III. 5. ἀφειδαις εἰς τάχος.

v. 101. *stridunt Zephyri.* Aër equorum impetu scissus sibilat.

v. 102. *saucia nubila scissa curru.* *diuiduis fulcis* duobus fulcis rotarum vestigiis. Sidon. Apoll. carm. IX. 111 f. *Ergo iter adgressi pendens rota fulcat inanem Aëra, et in liquido non soluitur or-*

bita tractu. cf. Ovid. Met. II. 133.

v. 104. *poscunt.* ut infra III. 120, ubi v. not. *imo* extremo. Stat. silv. IV. 3. 114. cf. Oros. VII. 35.

v. 106. *claustraue congestis scopulis.* cf. Burmann. ad Ovid. Amor. I. 9. 12. Alii *coniectis*, quod Gesnerus retinuit. *durissima* Virgil. Aen. III. 706. *tendunt* extendunt, sic Burmann. qui laudat Heins. ad Ovid. Met. X. 506 et Oudendorp. ad Lucan. VI. 39.

v. 108. *geminis* Maximo et deinde Eugenio, de quibus infra. *fidem mentita.* Vterque enim sperauerat, his locorum angustiis se posse Theodosium arce, sed spes utrumque fefellit. Quandoquidem igitur fiducia loci spem conceperant, ipse locus dici potest mentitus esse spem seu fidem.

v. 109. *Semirutae turres.* Non ad vrbes vastatas id per-

Crescunt in cumulum strages, vallemque profundam
Aequauere iugis. Stagnant immerfa cruore (110
Corpora. Turbantur permixto funere manes.

tinet, vt Barthius videtur existimare, sed ad munitio-
nes, quibus Eugenius lo-
cum, natura iam impeditum,
arte tutiorem etiam studuit
facere. *anulsa moenia* sc.
saxis, quibus inaedificata fue-
rant. cf. infra VII. 90 seq.

v. 110. *Crescunt* (creue-
runt) *in cumulum strages*.
Strages sunt cadauera. Alia
super aliis iacentia faciunt
cadauerum cumulum. Bur-
mann. laudat Valer. Flacc. V.
695. Ovid. Met. V. 88.

v. 111. *Aequauere iugis*.
Vallis tota cadaueribus re-
pleta verticibus montis ae-
quata est, ita vt nulla am-
plius appareat. *stagnant im-
mersa cruore* c. potest esse
inuersio pro: cruor stagnat
corporibus immerfis. Vide-
tur autem *stagnare* de omni-
bus posse dici, quae submersa
sunt Sil. Italic. XII. 43. Stat.
Theb. X. 297. seq. Nost. in-
fra XLIV. 105 seqq. Gesne-
rus mutare vult *cruore* in
cruorem, vt *stagnare* vim
transitiuam habeat. Locus
quidem inde expeditior foret,
verum an etiam poeticae ra-
tioni melius consultum esset,
dubito.

v. 112. *turbantur permixto
funere manes*. *Permixto fu-
nere*. i. e. eo, quod promiscue
humabantur, magnus eorum

numerus in eandem foueam
deiciiebatur, vt in bello so-
let fieri. *turbantur manes*.
Manes sunt in sepulchris,
umbrae apud inferos. Inde
explicatio haud est difficilis,
quid sit *turbari manes*? *Ma-
nes* enim h. l. ipsa cadauera
sunt, quae humabantur, ea-
que turbantur seu miscentur,
quia non suum cuique sepul-
chrum contingit, sed pro-
miscue sepeliuntur. *Manes*
pro: cadauera, interdum po-
ni, vidit Barth. ad Stat. Theb.
IX. 96 seq. et 139. cf. Sil. Ita-
lic. II. 681 seq. *Semiambusta
iacet nullo discrimine passim
Infelix obitus, permixto fu-
nere turba*. Stat. Theb. III.
168 seq. *Ite diu fratres, in-
discretique supremis Ignibus,
et caros vna confundite ma-
nes*. Minus recte igitur Bur-
mannus: *turbantur* verum
est, inquit, vt nesciatur, quis
sit, qui sepulchro condatur,
quia *confusa corpora ami-
sere notas* Lucan. II. 167 seq.
Vt essent etiam cadauera ad-
huc integra, qui poterant
agnosci ab aduersariis sepul-
turam eorum curantibus, qui
ne viuos quidem cognouis-
sent? Apud Lucanum alia est
ratio, vbi praelium commis-
sum fuerat inter ciues, ita
vt cognati contra cognatos,
amici contra amicos pugna-

Haud procul exacto laetus certamine victor
 Cespite gramineo confederat, arbore fultus
 Acclines humeros. Dominum gauisa coronat 115
 Terra suum, surguntque toris maioribus herbae.
 Sudor adhuc per membra calet, creberque recurrit
 Halitus, et placidi radiant in casside vultus.
 Qualis letifera populatus caede Gelonos
 Procubat horrendus Getico Gradius in Haemo. 120
 Exuuias Bellona leuat, bellique tepentes

rint. Si legas *truduntur*, vt
 edd. primae, subintelligen-
 dum est: in vnum sepul-
 chrum.

v. 113. Imperatorem inue-
 nit Roma recentem a pugna
 humique non procul ab iis
 locis, vbi certatum fuerat,
 sedentem. *exacto*. peracto.

v. 114. 115. *arbore fultus*
Acclines humeros pro: incli-
 natus dorso arbori Virgil.
 Aen. X. 834 seq. *coronat*
 non proprie sumendum, vt
 fecit Gesnerus, qui interpre-
 tatur: Terra fundit flores,
 quibus coronari possit; nec
 scio, qui ei corona obsidio-
 nalis in mentem venire po-
 tuerit. Terra agnoscit legi-
 timum dominum, funditque
 herbas et flores, vt mollius
 sedeat. Virgil. Eclog. IV. 23.
 Valer. Flacc. III. 528.

v. 116. *toris maioribus*
 pro: in toros maiores. *To-
 rus* h. l. sedile est. Virgil.
 Aen. V. 388. Stat. Theb. I.
 583. et Ovid. Met. X. 556.
Datque torum cespes.

v. 117. 118. *Sudor adhuc*
calet. Recens enim erat a
 proelio. *creberque recurrit*

halitus. Aestuat adhuc a
 graui labore et anhelat. *pla-
 cidi vultus* oppositi minaci-
 bus, toruis, quales in hostes
 fuerant. *in casside* adhuc
 casside tectus, ita tamen, vt
 vultus appareret.

v. 119 f. Comparatur Theo-
 dosius Marti a caede Gelono-
 rum reuerso. *populatus caede*
 vt *ferro* Virgil. Aen. I. 527.
Gelonos v. ad. III. 313. Thra-
 cia sedes erat Martis iam
 apud Homerum. cf. Il. γ. 301.
 Odyss. β. 361, vel quia ex
 Thracia Martis religio in
 Graeciam venerat, vel quia
 illa regio a feris et immani-
 bus populis habitabatur, qui
 perpetuis inter se bellis fu-
 rerent.

v. 120. *Procubat horren-
 dus*. Merito reiecit Heinli
 coniecturam Burmannus:
procubat horrendum, quam
 multis locis confirmare stu-
 det. Hoc enim esset: horro-
 rem incussit omnibus stre-
 pitu, quo se in terram abii-
 ceret. Id quod est alienum
 ab h. l.

v. 121. *exuuias*, quibus
 hostes spoliauerat. *leuat* sc.

Pulvere soluit equos, immensaque cornus in hastam
 Porrigitur, tremulisque ferit splendoribus Hebrum.
 Ut stetit ante ducem discussas Roma per auras:
 Conscia ter sonuit rupes, et inhorruit atrum 125
 Maiestate nemus. Prior hic: O numen amicum,
 Dux ait, et legum genitrix, longeque regendo
 Circumfusa polo, consors adiuncta Tonanti,

e curru. *bellique tepentes pulvere* vulg. *Bellona tepentes* p. Sed repetitionis vis h. l. inanis et frigida videtur esse. Accedit quoque, quod facilius ex *bellique* nasci poterat *Bellona*, quum idem verbum praecedat, quam *bellique* ex *Bellona*, atque *pulvere tepere* per se vix explicari potest, verum *belli pulvere tepere*, elegantius videtur, quam *bello tepere*. cf. Nostrum infra VII. 37. Valer. Flacc. II. 419. Stat. Theb. IV. 261 seq.

v. 122. 123. *in hastam porrigitur cornus*. Per se quidem sensum commodum dat, verum ab hoc l. alienum. Hasta enim iam usus est Mars, itaque non potest nunc ex corno fieri. Heinsius hoc voluisse nostrum putat: immensam illam cornum Marti pro hasta fuisse. Tunc praesenti poeta usus est pro praeterito. Sed non hastam tantum immensam locus postulat, sed Marti quoque ablata et erecta. Num *in hastam* potest esse: in hastae locum, pro hasta; et *porrigitur*: erecta in terra figitur? Barthius legit *in astra* pro:

in hastam, quod Burmannus probat et Heinsius ipse probasse videtur adscripto loco infra XXII. 372. *Hastam* forsan ex glossa natum est. Bene animaduertit Burmannus, arma deposita iuxta cubantes iacere solere, hastamque figi ad caput. Laudat Ovid. Am. I. 9. 26. cf. Sil. Ital. VII. 294 seq. *ferit splendoribus Hebrum*. cf. Stat. Theb. XII. 730 seqq.

v. 125. *conscia*, quae deam agnouerat, eiusque vim senserat. cf. Harles ad Valer. Flacc. II. 254. Pertinent haec et quae sequuntur ad ea, quae praesentiam numinis alicuius arguunt. De his v. Heyne in excursu XIII. ad Virgil. Aen. I. *et inhorruit* sc. motis frondibus, concussa velut turbine sen terrae motu. Jani ad Horat. od. I. 23. 5. Haud procul enim a faucibus, quas Alpes fecerant, inter colles arboribus consitos Theodosius confederat. v. supra 113.

v. 126. *maiestate* sc. deae.

v. 127. 128. *legum genitrix*. cf. infra XXIV. 135 seqq. *longeque regendo circumfusa polo*. *Polus* coelum saepe notat. Poeta nempe

Dic agedum, quae causa viae? cur deferis arces
 Ausonias, coelumque tuum? dic, maxima rerum. 130
 Non ego vel Líbycos cesssem tolerare vapores,
 Sarmaticosue pati medio sub frigore Coros,
 Si tu, Roma, velis. Pro te quascunque per oras
 Ibimus, et nulla sub tempestate timentes

figit, Romae deae certam coeli partem, supra Romam urbem, adsignatam esse, (hoc patet ex loco superiore v. 83. et sequenti v. 129 seq.) eiusque ditione inferiores coeli tractus, quibus subiacet, Romanum imperium, contineri. cf. Ovid. Fast. II. 683 f. Lucan. VII. 421 seqq. Ceterum vrbs Roma pro dea habitata templorumque honorem nacta est primum a provincialibus. Romae deae templum primos struxisse gloriantur Smyrnaei A. V. 558. Tacit. ann. IV. 56. Alabandenses viginti quatuor annis post exemplum secuti sunt Liv. XLIII. 6. Adrianus Romae huius deae templum aedificavit Venerisque adiunxit Dio Cass. LXIX. p. 789. Hoc templum inter pulcherrima urbis monumenta refertur ab Ammian. Marcell. XVI. 10. cf. Lips. de magnitud. Rom. III. 6. Torrent. et Causaub. ad Sueton. Aug. 52. *consors adiuncta Tonanti* vocatur secundum Barthium, quia Jovis et Romae fana in Palatino iuncta fuerint. Vnde hoc constat, equidem nescio. cf. infra XXII. 227 seqq. Melius subintelligas: imperii,

nam, ut Gesnerus quoque innuit, diuisum imperium cum Iove habere cogitatur. cf. infra VIII. 204.

v. 129. 130. *Ausonias arces.* Urbem intelligo, aut montem Palatinum. *coelumque tuum* supra v. 83. eam partem coeli, quae tibi assignata est.

v. 131. *cesssem*, dubitem. *vapores*, calores. Heins. laudat Lucan. IV. 305 seq. IX. 588. Nostrum XXI. 180.

v. 132. *Coros.* *Corus*, ἀργέστης, Nordwest, ventus vehemens. Plin. H. N. XVIII. Heyne ad Virgil. Georg. III. 278. interpp. ad Gell. II. 22. cf. Sil. Italic. I. 496 seqq. Adsignatur autem Sarmatiae, quia Italiae incolis inde flare videtur ut putat Gesnerus, cui tamen rationi terrae illius situs repugnare videtur. Rectius forsan sub *Sarmaticos Coros* coeli Sarmatici intemperies intelligitur hiemis tempore. *medio sub frigore*, media hieme.

v. 133. *oras* regiones, ut saepe.

v. 134. *Sub tempestate.* *Tempestas* non coelum significat h. l. ut Barthius existi-

Solstitio Meroen, bruma tentabimus Istrum. 135

Tum regina refert: Non me latet, inclite rector,
Quam tua pro Latio victricia castra laborent,
Nec quod seruitium rursus, Furiaeque rebelles
Edomitae paribus sub te cecidere triumphis.
Sed precor hoc donum cum libertate recenti 140
Adde, precor, si vera manet reuerentia nostri.

mat, sed anni tempus, ut ex
sequentibus adparet.

v. 135. *Meroën*. cf. Herodot. II. 29. Lucan. X. 302
seqq. Meroë maiorem partem
regni, quod nunc vocatur
Sennaar, constituit, parsque
eius australis ad Habessiniam
nunc pertinet; incipiebat ubi
flumen *Tacazzé* in Nilum in-
fluit. Loca veterum de situ
illius regionis collegit opti-
meque explicuit Heeren in
*Ideen über d. Polit. d. Ver-
kehr u. d. Handel der vor-
nehmsten Völker der alten
Welt*. T. II. pag. 391 seqq.
Solstitio ibi aestus plane in-
tolerabilis est. *bruma Istrum*,
tunc glacie rigentem. Licent.
carm. ad August. T. IV. P. II.
Poet. lat. m. v. 60 seqq. *Sol-
stitio Neuros, bruma secta-
bimur Istrum*.

v. 136. 163. Roma dea re-
spondet, meritorum Theo-
dosi se memorem semper
esse, rogare autem, ut reli-
quis in se officiis vnum addat.
Probiq; filiis, quorum cu-
ram ipsa semper gesserit, con-
sulatum tribuat.

v. 137. *Latio*, imperio Ro-
mano.

v. 138. *Seruitium*. Euge-
nium, hominem humili ge-
nere natum. *Furiae rebelles*
Arbogastum. *paribus* i. e. ea-
dem victoria, qua ante Ma-
ximus debellatus est. De his
v. infra VIII. 70 seqq. et quae
ibi notata sunt.

v. 140. 141. *hoc donum
cum libertate recenti Adde*.
Non arbitror, *addere cum
libertate* positum esse pro:
addere libertati, ut Burman-
nus. sed *addere* h. l. simpli-
citer esse pro: dare, positum.
v. supra 10. Sensum hunc
esse statuo: vna *cum liber-
tate*, quam gentibus reddi-
disti Eugenium tyrannum de-
bellando, *hoc* (mihi) *donum
da*. In repetitione *roû pre-
cor* nulla est venustas, ut
recte Burmann. iudicat, cu-
ius coniectura mihi arridet:
*Adde, prior tibi si remanet
reuerentia nostri*. Olin ten-
taueram: *Adde, tibi si vera
manet r. n.* In ed. Gesneri
Adiicias editore inuito, ut
ex lectionis varietate subiecta
adparet, remansit, indeque
in Bipontinam irrepsit. For-
tasse rectum est, cf. Virgil.
Aen. XI. 353 seqq.

Sunt mihi pubentes alto de semine fratres,
 Pignora cara Probi, festa quos luce creatos
 Ipsa meo fovi gremio. Cunabula paruis
 Ipsa dedi; quum matris onus Lucina beatum 145
 Solueret, et magnos proferrent sidera partus.
 His ego nec Decios pulchros, fortesue Metellos
 Praetulerim, non qui Poenum domuere ferocem

v. 142. *alto de semine* sic Virgil. Aen. IV. 230. *alto de sanguine*.

v. 143. *cara* Heinf. coni. *clara. festa luce*. Bene Gesnerus: auspicato ad felicitatem Romae die. Indetractum est, quod euentus omnium rerum a temporis, quo fierent, ratione pendere veteres credebant. Oppositum foret *nefasto die*. Horat. od. II. 13. 1 seq. *creatos* genitos.

v. 144. *meo fovi gremio*. i. e. nutricia officia praestiti, tenerrimo amore complexus sum. Virgil. Aen. I. 718. infra VIII. 21 seq. XV. 303 seq. *cunabula paruis dedi*. quatenus nempe Romae nati atque educati erant. cf. infra VII. 17. *Cunabula* saepe locum notant, quo quis natus et educatus est Propert. III. 1. 27. etiam institutionem puerilem Sil. Italic. III. 81.

v. 145. *Lucina*. Horat. carm. saec. 13 seqq. cognomen Junonis Terent. Andr. III. 1. 15. Illa partui praeerat Ovid. Fast. II. 449 seq. et III. 255 seq. Confunditur saepe cum Ilithyia seu Diana

Virgil. Eclog. IV. 10. Spanh. ad Callim. H. in Dian. 20 sq. cf. Ovid. Met. IX. 28; et 94. vbi Lucina quoque Ilithyia vocatur.

v. 146. *onus solueret*. Ovid. Fast. III. 258. cf. Sidon. Apoll. carm. VII. 164 seq. *sidera*. Quod in prioribus Lucinae tribuerat, id nunc tribuit sideribus i. e. legitimo partus tempori, eandem sententiam varians. Illic apte *onus beatum*, quandoquidem mater respicitur, quae onere erat liberata; hic non minus apte *magnos partus* posuit, quia futura puerorum magnitudo a siderum positione pendebat.

v. 147. *Decios* infra VIII. 404. *pulchros*. Non a forma petitum sed a virtute. Notissimum est illud Horatii: *Pulchrum et decorum est pro patria mori*. cf. Ducker. ad Flor. IV. 4.5. *Metellos*. Metellorum familia viris illustribus et rerum gestarum gloria maxime conspicuis inclyta erat, hoc probant cognomina Cretici, Macedonici, Balearici, Numidici cet. cf. Burmann. ad Vellei. Paterc. II. 11. 3.

Scipiadas, Gallisque genus fatale Camillos.
 Pieriis pollent studiis, multoque redundant 150
 Eloquio. Nec defidiis, dapibusue paratis
 Indulgere iuuat; nec tanta licentia vitae
 Abripit, aut mores aetas lasciua relaxat:
 Sed grauibus curis animum fortita senilem
 Ignea longaeuo frenatur corde iuuentus. 155
 Illis, quam propriam ducunt ab origine, sortem

v. 149. *Scipiadas*. Intelligit duos illos Scipiones Africanos, quorum maior Hannibalem bello Punico secundo apud Zamam fudit fugauitque, minor bello Punico tertio Carthaginem cepit. *genus fatale Gallis* i. e. quod fatis destinatum erat ad Gallos subigendos. cf. Liv. V. 34 seqq.

v. 150. 151. *Pieriis studiis* carminum faciendorum facultate. *redundant* dicendi copiam exprimit. *Dapes paratae* sunt οὐέλαι εἰσοίτια Homer. Il. 1. 91. et saepius.

v. 152. *licentia vitae*. Cum magnis copiis instructi facultatem habeant cupiditatibus suis inferniendi.

v. 153. *aetas lasciua*. Aetatem iuuenilem intelligit maxime ad voluptates pronam. *mores relaxat*. Mores reguntur honestatis disciplina et legibus Ovid. Met. XV: 834; cuius honestatis imperio si aetas iuuenilis, vitiorum illecebris abrepta, minus obtemperat, ea potest dici *relaxare mores*, libe-

rare eos a honestatis legibus, quibus alias coërcentur. Sensus: Nec quum tantis copiis gaudeant, ut omnes voluptates sibi possint procurare, quibus iuuenilis aetas indulgere solet, ea opportunitate abutuntur adeo, ut cupiditatibus inferuiant.

v. 154. 155. *Ignea iuuentus*. cf. infra XXVI. 498, *feruida* iuuenilis aetas, *fortita est animum senilem*, constantem et grauem animum, qui senibus tantum esse solet. (Epithal. Laur. et Mar. v. 71. Poet. lat. m. T. IV. P. II. *Quid memorem mores iuuenili in corde seniles*. Spurrin. od. I. 7. *senium mentis compositae*.) *curis grauibus* i. e. institutione et disciplina graui et seuera. *frenatur* continetur seu coërcetur *longaeuo corde* prudentia et sapientia, quam multi anni dare alias solent.

v. 156. *sortem*. Consulatum intelligit, qui fato illi generi deberi videtur. v. supra v. 16.

Oramus praebere velis, annique futurum
 Deuoeas venientis iter. Non improba posco.
 Non insueta dabis. Domus hoc de more requirit.
 Adnue Sic nobis Scythicus famuletur Araxes; 160
 Sic Rhenus per vtrumque latus, Medisque subactis
 Nolira Semiramiae timeant insignia turres;
 Sic fluat attonitus Romana per oppida Ganges.

Ductor ad haec; Optata iubes, vltroque volentem,
 Diua, rogas; non haec precibus tentanda fuissent. 165
 Vsque adeone meam condunt obliuia mentem,
 Vt pigeat meminisse Probi, quo vindice totam
 Vidimus Hesperiam fessasque resurgere gentes?

v. 157. 158. *iter futurum venientis anni.* i. e. proximi anni decursum. Consulis autem annus est, quia eius nomine in fastis designatur, omniaque, quae in eo fiunt, auspiciis eius geruntur. *deuoeas*, proprium illis addicas. *improba*, iusto maiora. cf. Heyne ad Virgil. Georg. I. 119.

v. 159. *de more* supra v. 11 seqq.

v. 160. *sic nobis c.* Solennis rogationum et precum formula. Tibull. I. 4. 1, II. 5. 121 seqq. ibi v. Heyne et Jani ad Horat. od. I. 4. 1. seqq. cf. Sil. Italic. V. 179. Sidon. Apoll. carm. V. 600 seqq. *sic* sc. vt tu facis, quae abs te petiui, sic: c. *Scythicus Araxes* ab Armenio diuersus est secundum Vossium ad Melam III. 5. 19. Sed v. Mannert. Geographie d. Griechen und Römer. T. V. sect. II. pag. 208 seqq.

v. 162. *Semiramiae tur-*

res Babylon. Ovid. Met. IV. 57 seqq.

v. 163. *Romana per oppida.* Hoc fieri poterat vtraque eius ripa in ditionem Romanorum redacta.

v. 164. Imperator ostendit, precibus nihil opus fuisse, quum vel non rogatus consulatum fratribus daturus fuisset, numquam enim se Probi esse obliturum. *volentem* sc. fratribus consulatum dare.

v. 165. *condunt*, occultant aut tenebris obruunt, *mentem* h. l. memoriam et quidem rerum a Probo gestarum. Heinss. mauult *condant*. Vulgare est: vsque adeone mentem cepit obliuio?

v. 167. *vindice*, tutore, defensore, iudice. Quum esset Probus Praefectus Praetorio. Aliter de eodem iudicat Ammian. Marcell. XXVII. 11. et XXX. 5.

v. 168. *fessas resurgere gentes.* Burmann. praefert

Ante dabunt hiemes Nilum; per flumina damae
Errabunt, glacieque niger damnabitur Indus; 170

turres, quia facilius librarii pro *turres* supponere potuissent *gentes*, et quia *resurgere* melius conueniat turribus et moenibus, quam gentibus; laudat Horat. od. III. 3. 64. Posterior ratio paene tollit priorem. Quum enim *resurgere* melius conueniat turribus, et plerumque de turribus et moenibus adhibeatur: facilius librario, praesertim nasutulo, in mentem venire potuit, vt pro *gentes* rescriberet *turres*. Sed *resurgere* de gente dicitur infra XXI. 183 seq. et apud Virgil. Aen. I. 206. *fessas* sc. a belli calamitatibus.

v. 169. *Ante dabunt hiemes Nilum*. Barthius existimat, inuersa ratione Claudianum vsum esse pro: ante Nilus dabit hiemes. Burmannus vel explicandum de exundatione Nili, quae aestate fieri soleat non hieme (cf. infra III. 187.) vel latere putat vocem rei, quam producat aestas non hiems. Proponit itaque *hiems messem* vel *fruges*, quorum posterius aurium iudicio numquam probabitur. Gesnerus *hiemes* septentrionalem regionem interpretatur, hoc sensu: Nilus non a meridionali plaga fluet, sed ab opposita. Arbitrabar olim in *dabunt* latere vitium, natum forsan ex *errabunt* in sequenti versu,

ad quod facile aberrare potuissent describentis oculi, coniiciebamque: *Ante augebit hiems Nilum*. Verum nihil mouendum esse patet ex Licent. carm. ad August. v. 100. Poet. lat. m. T. IV. P. II. ed. Wernsd. *Ante dabunt imbres Nilum, super aethera damae Errabunt* c. Forsan Nilus h. l. positus est pro eius inundatione, aut incrementis aestiuis, quae a niue soluta repetit Stat. Theb. VIII. 358 seq. *Qualis vbi aduersi secretus pabula coeli Nilus et eoas magno bibit ore pruinās, Scindit fontis opes, septemque patentibus aruis In mare fert hiemes*. Ceterum comparentur cum toto hoc loco Virgil. eclog. I. 60 seqq. Ovid. Trist. I. 8. 1 seqq. Metam. XIV. 38 seq. XIII. 24 seq. Propert. II. 12. 31 seqq. Sidon. Apollin. carm. V. 28 f. Caton. Dir. v. 4 seq. Imprimis multus est in hoc genere et varius Seneca. Oet. 335 f. Hippol. 568 seqq. Hercul. Fur. 373 seqq. Thyest. 476 seqq. *damae*. Horat. od. I. 2. 11 seq.

v. 170. *niger Indus*. Non necesse esse *Indum* pro flumio capere, censet Burmannus; *Indum* i. e. Indiae habitatorem saepe nigrum et decolorem dici ex calore solis, v. Broukh. ad Propert. IV. 3. 10, indeque incredibile fieri, eum glacie iri damnatum.

Ante Thyesteis iterum conterrita mensis
 Intercisa dies refugos vertetur in ortus,
 Quam Probus a nostro possit discedere sensu.
 Dixerat, et velox iam nuntius aduolat urbem.
 Extemplo strepuere chori, collesque canoris 175
 Plausibus impulsi septena voce resultant.
 Laetatur veneranda parens, et pollice docto
 Iam parat auratas trabeas, cinctusque micantes
 Stamine, quod molli tondent de stipite Seres,

Quod si vero *Indus* fluuius intelligendus esset, posse eum nigrum dici, vel quia accollae nigri sint, vel pro alto, profundo, vt Galeus apud Virgil. Georg. IV. 126. Vtrumque mihi displicet, valdeque probatur Heinssii coniectura *piger*, epith. sumtum ab eo, quod fieret, si glacie constrictus esset. Virgil. Georg. IV. 136.

v. 171. *Thyesteis mensis*. Atreus Thyestae fratris filios ipsi epulandos apposuit, quia frater cum Aeropa coniuge ipsius rem habuerat, a quo atroci facinore sol se auertisse dicitur. Senec. Thyest. 815 seqq. Hygin. 86. 88.

v. 172. *intercisa* interrupta. Stat. Theb. I. 325, II. 184. *refugos*. dici seu soli proprium ad ortus translatum est; recesserat enim in ortum sol, et quum ibi occideret, vnde oriri solebat, ortus ipse poterat *refugus* dici.

v. 173. *sensu*, mente, memoria.

174—204. Nuncio de impetrato fratribus consulatu in urbem perlato ingens ci-

vium gratulatio oritur, materque fratrum consularia parat insignia.

v. 175. *chori* sc. ciuium gratulantium.

v. 176. *plausibus* studiis et laetis ciuium exclamationibus. *colles resultant* doctus est, quam plausus resiliunt a collibus. Virgil. Aen. V. 150. VIII. 305. Stat. Theb. II. 714. Calpurn. eclog. I. 29. *septena voce*. i. e. voce, quae adlapsa repellitur a septem collibus.

v. 177. *parens*. Proba, mater Probi et Olybrii. *docto*. Notissimum est, artificum instrumenta etiam *docta* vocari quibus docti artifices vtuntur. Burm. ad Valer. Flacc. I. 122. *pollice parat* fuso ducit fila. cf. infra XXXII. 52.

v. 178. *auratas trabeas* vestem consularem. *cinctusque*. *Cinctus* semper fere cum *trabea* coniungitur. v. infra XXVIII. 561, quo ex loco *micantes* explicari potest.

v. 179. *quod molli tondent c.* Justiniani temporibus primum vermiculi, quos

Frondea lanigeræ carpentes vellera silvæ, 180
 Et longum tenues tractus producit in aurum,
 Filæque concreto cogit squalere metallo.
 Qualis purpureas præbebat candida vestes
 Numinibus Latona suis, quum sacra redirent
 Ad loca nutricis iam non errantia Deli. 185
 Illa feros saltus et desolata relinquens
 Maenala, lassato certis venatibus arcu;
 Phoebus adhuc nigris rorantia tela venenis
 Exstincto Pythone ferens. Tunc insula notos
 Lambit amica pedes, ridetque Aegæus alumniis 190

bombyces vocamus, ex India Constantinopolim allati dicuntur. Ante hoc tempus opinio erat vulgaris, sereres lanuginem ex certarum arborum foliis depectere, indeque parare sericum. v. Heyne ad Virgil. Georg. II. 121. et loca laud. a Ruperti ad Sil. Italic. VI. 4. quibus adde Ammian. Marcell. XXIII. 6. pag. 300. ed. Ernest.

v. 181. Epitheta permixta sunt pro vulgari: et tene aurum in longos tractus producit.

v. 182. *Filæque concreto* cet. Filis lineis vel sericis subtilia fila metallica ita inducuntur, ut concreta illis videantur. *squalere* proprie de corpore illuvie obducto dicitur, deinde ad omnes res transfertur, quæ illinuntur aut incrustantur alia materia. v. Heyne ad Virgil. Georg. IV. 91. cf. Aen. X. 314, XII. 87.

v. 183. 191. Proba comparatur cum Latona, splen-

didiore ornatu Apollinem et Dianam comente, quando ad Delum reditura est sacrorum causa, quæ in ipsius et liberorum honorem quotannis ibi celebrabantur. cf. Hermann. Handbuch d. Mythol. T. III. pag. 153. not. 123. Spanhem. ad Callim. H. in Dian. 226.

v. 185. *Ad loca nutricis iam n. e. D.* v. ad VIII. 133.

v. 186. *Illæ. Diana. feros.* Burm. ad Ovid. Heroid. IV. 38. *desolata* sc. absentia Dianæ eiusque comitibus Virgil. Aen. XI. 870.

v. 187. *Maenala* M. Arcadiæ. Multis locis allatis probat Heinsius, *certis* legendum esse ex libris script. plerisque. Proprie vero est arcus *certainus*, tela *certaina* et manus. H. l. igitur ab arcu epith. ad *venatus* translatum est, nisi dicas, *certos venatus* esse, in quibus nulla fera manus seu tela venantium effugiat.

v. 190. *lambit.* Parum insulæ conuenit, ut Barthius

Lenior, et blando testatur gaudia fluctu.
 Sic Proba praecipuo natos exornat amictu,
 Quae decorat mundum, cuius Romana potestas
 Fetibus augetur. Credas ex aethere lapsam
 Stare Pudicitiam, vel sacro thure vocatam 195
 Iunonem Inachiis oculos aduertere templis.
 Talem nulla refert antiquis pagina libris,
 Nec Latiae cecinere tubae, nec Graeca vetustas.

recte iudicat. Proprie hoc dicitur de flammis aut aqua. v. Heinf. ad Ovid. Met. XIV. 633. *Aegeus*. Aegeum mare atrox et procellosum nunc blandum et pacatum est in honorem Apollinis et Dianae. Ad Valer. Flacc. IV. 715. ait Burmannus, male Barthium h. l. numen quoddam peculiare mari Aegeo intellexisse. Non est quidem numen peculiare huic mari, verum ipsum mare in personam mutatum esse videtur. Ceterum ostenditur ibi ex Rutgerf. c. X. Venusin. Lect. *Ionius*, *Aegeus*, *Tyrrhenus* cet. masculino genere poni pro mari Ionio, Aegeo, Tyrrheno cet.

v. 193. 194. *Romana potestas*. Barthius intelligit consulatum, et *augetur* explicat per: ornatur, ut sensus sit: quae Proba per filios suos dignitatem consulatus auget. Verisimilius autem est, poetam respicere res gestas filiorum futuras, quae a iuuenibus tam praeclarae indolis expectari possint, quibus olim *potestatem Romanam* i. e. opes imperii Romani aucturi sint.

v. 195. *flare lapsam* elegantius pro: adesse *lapsam* seu *lapsam* esse. Heyne ad Virgil. Aen. I. 646, VII. 553. Burmann. de Iove Fulgur. c. 14. pag. 322. Ceterum *Pudicitiae* deae sub imagine cultas olim Augustas fuisse, animaduertit Gesnerus. *vel sacro thure vocatam* Burmannus existimat, Nostrum imitatum esse Horat. od. I. 30. 3 seq. certe verbis eius usus est.

v. 196. *oculos aduertere*. Cum Iunone comparat Probam Noster, ut oris eius maiestatem exprimat. Eam autem maiestatem beneuolentia et humanitate temperatam esse vult, quare non simpliciter Iunonem inducit, sed sacrificiis vocatam et Argos suum adspicientem, quod tantopere fouisse dicitur. *Inachiis* ab Inacho conditis. cf. Homer. Il. 6. 51 seq.

v. 197. *antiquis pagina libris*, pro: libri antiqui, antiquitatis monumenta. cf. infra XXIX. 162.

v. 198. *Latiae tubae* non ruditatem agrestis Musae in primis Romanorum poetis designant, ut Barthius existi-

Coniuge digna Probo, non tantum coetibus exstat
 Feminis, quantum supereminet ille maritos. 200
 Ceu sibi certantes sexus quid possit vterque
 Hunc legere thorum. Taceat Nereida nuptam
 Pelion. O duplici fecundam Consule matrem,
 Felicemque vterum, qui nomina parturit annis!
 Vt sceptrum gessere manu, membrisque rigentes 205
 Aptauere togas, signum dat summus hiulca

mat, sed virilem et proprium eorum sonum in heroicis praecipue seu epicis carminibus, quae carmina saepe sub hac voce intelliguntur. Martial. VIII. 3. 21 seq. et 56, 3 seq.

v. 199. 200. cf. Ovid. Met. IV. 55 seq.

v. 201-204. Desunt in plerisque Mssc. et in primis edd. usque ad Basil. *Ceu sibi certantes* — *Hunc legere thorum*, genuina mihi videntur, reliqua vero spuria, quibus librarius male sedulus lacunam expleuisse videtur.

Sibi certantes i. e. inter se certantes Proba et eius maritus. *quid possit sexus vterque*. sc. in coniugio dignissimo et felicissimo faciendo. *Hunc legere thorum*. femina ornatissima et dignissimus vir iniernnt hoc matrimonium. *Nereida*. Thetin. *Pelion* mons in quo celebratae sunt nuptiae Thetidos et Pelei. *nomina annis* consules, a quorum nomine anni possint designari.

205 - 206. Iam poeta inducit Tiberinum, qui tonitru, quo Jupiter faustum nouis

consulibus signum dederat, excitatus, vrna sua Nymphis commendata, in insula Tiberis consistens, subito pompam consularem adspicit. Laetitia commotus gratulatur sibi tales ciues, omnesque fluuios inuitat ad diem hunc concelebrandum. *gessere*. Burmannus coni. *pressere*. v. enim ad Lucan. VII. 562. *Gessere* quidem non admodum placet, verum dubito, an *pressere* elegantius sit. De ense, de capulo, de hasta *premi* frequenter apud poetas usurpatur pro *capi*, verum num etiam de sceptro? In *premere manu* etiam vis latet, qua aliquid arreptum firmiter tenetur, id quod h. l. alienum est. Si quid mutandum est, malo: *tenuere manu*.

v. 206. *rigentes togas*. Occurrunt frequenter apud poetas seriores vestium nomina, quae antiquioribus etiam temporibus in usu fuerunt. Fieri autem potest, ut retento nomine res ipsa varias mutationes subierit ita, ut illi rei, cui primae nomen hoc impositum est, id, quod

Nube pater, gratamque facem per inane rotantes
Prospera vibrati tonuerunt omina nimbi.

Accepit sonitus curuis Tiberinus in antris,
Ima valle sedens, arrectisque auribus haesit, 210
Vnde repentinus coeli fragor. Ilicet herbis
Pallentes thalamos, et structa cubilia musco
Deferit, ac Nymphis urnam commendat herilem.

tam multis annis praeterlapsis eodem nomine notatur, ne simile quidem aliqua ex parte fuerit. Quo non ita, ut par est, obseruato, ii, qui de re vestiaria scripserunt, in quibusdam errasse videntur, vel nimis secure a senioribus grammaticis notata pro iis vendidisse, quae antiquioribus temporibus locum habuerint. Huc reuocari potest controuersia de variis togarum formis. v. Octav. Ferrar. de re vest. I. 1. *hiulca nube*. v. Heyne ad Virgil. Aen. III. 199. Fulmina rumpunt, scindunt nubes. cf. Homer. II. 3. 554. π. 300. Lucan. VII. 154. et Drakenbr. ad Sil. Italic. III. 196.

v. 207. 208. *nimbi rotantes gratam facem per inane*. Fulmen, quod h. l. *fax* est, ex nubibus (*nimbis*) erumpit; nubes igitur videntur fulmen seu *facem* rotare, iaculari, *per inane*, per aërem vacuum. Illa *fax grata* est, quae laetum augurium dat. *Vibrati* possunt esse nimbi, qui a ventis vibrantur, ut inter se collisi fragorem edant, quem tonitru vocamus. cf. Lucret. VI. 120 seqq. vel quod

ad *facem* proprie pertinet, ad nimbos poeta transtulit, ut saepe fit. Posterius mihi magis arridet. *tonuerunt prospera omina*. Heins. laudat Sil. Italic. I. 435 seq. Propert. IV. 1. 134. Ovid. Amor. I. 7. 46. et alia praeterea loca. *tonuerunt*, eleganter pro: *derunt*.

v. 209. *Tiberinus* Virgil. Georg. IV. 369. cf. Servium ad eundem Aen. VIII. 64. et Columnam ad Ennii fragm. pag. 43. ed. Hessel.

v. 210. *haesit*, obstupuit.

v. 212. *pallentes*. Heins. manult *squallentes*. cf. X. 150. et XX. 119. Burmann. ad Ovid. Met. I. 373. Lucan. V. 628. Gesnerus putat, *pallentes* pingere colorem herbarum nimio humore flauescentium.

v. 213. *Nymphis*, filiabus. v. infra 263. *urnam* Dii fluniorum aquam ex urna fundentes semper finguntur. Virgil. Aen. VII. 792. Stat. Theb. II. 218. V. 275. Nost. III. 134. XX. 172. Lectionem *domum* non ineptam esse docet Burmann. laudans Ovid. Amor. III. 3. 92. Met. I. 274. et 574. Virgil. Georg.

C

Illi glauca nitent hirsuto lumina vultu,
 Caeruleis infecta notis, reddentia patrem 215
 Oceanum; crispo densatur gramine colla.
 Vertice luxuriat toto crinalis arundo,
 Quam neque fas Zephyris frangi, nec sole perustam
 Aestiuo candore mori, sed viuuda frondet
 Aequaeuum complexa caput. Taurina leuantur 220
 Cornua temporibus raucos sudantia riuos.
 Distillant per pectus aquae. Frons hispida manat
 Imbribus. In liquidos fontes se barba repectit.
 Palla graues humeros velat, quam neuerat vxor

IV. 363. Barth. ad Stat. Theb.
 IV. 581.

v. 214. *hirsuto vultu*. Cum
 hac imagine Tiberini com-
 para Sidon. Apollin. carm.
 II. 332 seqq. vbi v. 335 seq.
licet hispida setis suppositis
multum sedaret barba frago-
rem. glauca lumina. *Glauc-*
us color incertus qualis fue-
 rit. Fluviorum diis ac Nym-
 phis semper fere adscribitur
 Stat. Theb. IX. 351. Sidon.
 Apollin. carm. V. 27. H. l.
 illum colorem a caeruleo No-
 ster distinguit ad Tiberinae
 forsan et marinae aquae co-
 loris discrimen notandum.
 Dicit autem glaucos oculos
 Tiberini caeruleis notis di-
 stinctos esse, vt probetur, il-
 lum ab Oceano ortum esse.

v. 216. 217. *crinalis arun-*
do. Sidon. Apollin. l. c. *et*
arundinis altae Concolor in
viridi fluitabant silua ca-
pillo. cf. Virgil. Aen. VIII.
 31 seqq. quem Noster imitatus
 est, et infra XXVIII. 60 seqq.

v. 220, 221. *taurina cor-*

nua. Fluviorum numinibus
 cornua tribuebantur ab anti-
 quis ad vim maiestatemque
 designandam. *Tiberis* sic vo-
 catur *corniger* Virgil. Aen.
 VIII. 77. cf. Valer. Flacc. I.
 106. Ovid. Met. XIII. 893 seq.
 Sil. Italic. III. 405. Stat.
 Theb. II. 217. Spanhem. de
 U. et P. N. I. pag. 594. Alia
 Gierig notat ad Ovid. Met.
 IX. 1-3. Adde schol. ad So-
 phocl. Trachin. 12. *raucos*
sudantia riuos. Non bene
 poëta, meo quidem sensu,
 quum semel urnam tribuerit
 Tiberino, aquas ex corpore
 profluere fingit. Sic fere
 Notum describit Ovid. Met.
 I. 264 seqq.

v. 223. *in liquidos fontes*
— repectit. Hoc fortasse
 sensu dictum: Aquae pro-
 fluunt ex barba, quando illa
 pectine reprimitur aut discri-
 minatur. cf. Sophocl. Tra-
 chin. 13 seqq.

v. 224. *Palla graues hu-*
meros velat. Sidon. Apoll.
 carm. V. 28. *Pectus palla*

Ilia, percurrentes vitreas sub gurgite telas. 225

Est in Romuleo procumbens insula Tibri,
Qua medius geminas interfluit alueus vrbes
Discretas subeunte freto, pariterque minantes
Ardua turrigeræ surgunt in culmina ripæ.

tegit, quam neuerat Ilia coniux. Ilia Aniene vel Tiberi merfa Amulii iussu ab aliis illi ab aliis huic nupta fingitur. Iani ad Horat. od. I. 2. 13 seq. Ovid. Amor. III. 6. 81 seq. Ceterum heroicis temporibus mulieres solebant maritis vestimenta conficere non solum vulgaria, sed ea etiam, quibus diebus festis vterentur, mirabili interdum arte confectis, quorum saepe mentio fit apud Homerum. *Palla* proprie erat vestimentum muliebre, sed eodem et Apollo vitur Tibull. III. 4. 35; inde citharoedi et vates eodem induti erant Valer. Flacc. I. 385. *Palla* indutus est Mercurius per aërem volans apud Stat. Theb. VII. 38 seq. Interdum hoc nomine abuti videntur poëtae, vt Stat. Theb. XI. 400, XII. 312. Sic quoque h. l. arbitror vestimenti genus intelligendum esse, quo dii vterentur. cf. infra XXVIII. 166 seq.

v. 225. *percurrentes telas.* *Tela* stamen est, quod textrix percurrit radio, *ἑρως* *ἑρως* Hom. Odyss. 8. 61 seq. Virgil. Aen. VII. 14. *vitreas* dixit telas, non quia virides, colore aqueo, sunt,

vt Gesnerus existimat, sed quia ipsam aquam respexit, eiusque pelluciditatem. Apud Theocrit. XXVIII. 11. *ἡρως* *ἡρως*, vbi consule interpretes. Eadem ratione, ni fallor, nymphae Salmacis, Cariae fontis, *perlucens amictus* tribuitur ab Ovid Met. IV. 313. Apud eundem IX. 32. Achelous habet *viridem vestem*. Auson. Mosell. 418 sqq. *Coeruleos nunc Rhene sinus, hyaloque virentem Pandepelum*. cf. Serv. ad Virgil. Georg. IV. 335. Nisi malis *vitreas* esse splendidas. Pers. III. 8.

v. 226. *Est in Romuleo c.* De ortu huius insulae v. Liv. II. 5. Dion. Halic. V. 13. Aesculapio sacra erat. Ovid. Fast. I. 291 seqq. Met. XV. 739 seqq. *procumbens* eodem sensu positum est, quo *terras iacentes* apud Virgil. Aen. I. 224.

v. 228. *freto*, aqua sua. *minantes*. cf. Burm. ad Valer. Flacc. IV. 178.

v. 229. *turrigeræ ripæ.* Ex altera ripa mons Aventinus et Capitolinus ex altera mons Ianiculus cum aedificiis suis, quae propter altitudinem h. l. *turres* vocan-

Hic stetit, et subitum prospexit ab aggere votum, 230
 Vnanimes fratres, iuncto stipante Senatu,
 Ire forum, strictasque procul radiare secures,
 Atque vno biuges tolli de limine fasces.
 Obstupuit visu, suspensaue gaudia vocem
 Oppressam tenere diu; mox inchoat ore: 235
 Respice, si tales iactas aluisse fluentis,
 Eurota Spartane, tuis. Quid protulit aequum
 Falsus olor, valido quamuis decernere caestu

tur, *furgunt in culmina propter montes illos.*

v. 230. *Hic.* in hac insula. *ab aggere* ripa insulae. *subitum votum.* i. e. subito id prospexit, quod ipse cum civibus Romanis voverat, fratres illos consules.

v. 231. *iuncto.* Non satis placet, quamquam Heinio probatur, vis enim huius verbi iam latere videtur in *stipante*. Forſan *iuncto* posuit poëta pro *cuncto*. Sic hanc vocem Gesnerus explicat infra XXI. 333. Barthii coniectura *cuncto* nimis vulgaris est, melius placet Burmanniana *sancto*. cf. Ovid. ex Ponto IV. 9. 17. Virgil. Aen. I. 426.

v. 232. *forum.* Omisso: in.

v. 233. *vno de limine.* Consules fratres eadem domo habitantes primo initi magistratus die ex aedibus in capitolium deducebantur solenni pompa. Sil. Italic. VI. 442 seq. *Tua respice sedes Haec est, unde ingens humeris fulgentibus osiſro Vi-*

disti Latios consul procedere fasces. cf. quae laudat Ruperti in VV. LL. ad h. l. *biuges.* Duplicem lictorum ordinem notat. Vtrique enim consuli duodecim lictores alius post alium vno ordine praecedebant. Consulibus fratribus simul procedentibus lictorum ordo erat duplex.

v. 234. *suspensa gaudia* sunt ea, quibus repente aliquis perfunditur, ut stupenti similis nesciat quid agat, nec ipsa gaudia profiteri possit.

v. 235. *oppressam tenere* oppressere.

v. 236 seqq. *Eurota.* Fluvius fluviū apte adloquitur, superbitque alumnis suis, et praefert eos Castori et Polluci alterius.

v. 238. *Falsus olor.* Jupiter forma oloris adsumpta Ledam compressit, inde Castor et Pollux nati. Apollod. III. 5. 6. cf. Broukh. ad Propert. II. 7. 43. *caestu.* Quod Polluci proprium fuit, utrique adsignatur.

Norint, et ratibus saeuas arcere procellas?
 En noua Ledaëis soboles fulgentior astris; 240
 Ecce mei ciues, quorum iam Signifer optat
 Aduentum, stellisque parat conuexa futuris.
 Iam per noctiuagos dominetur Olybrius axes
 Pro Polluce rubens, pro Castore flamma Probini.
 Ipsi vela regent; ipsis donantibus auras 245
 Nauita tranquillo moderabitur aequore pinum.
 Nunc pateras libare Deis, nunc soluere multo
 Nectare corda libet. Niueos iam pandite coetus,
 Naides, et totum violis praetexite fontem.

v. 239. *arcere ratibus*. *Arcere* non requirere praepositionem docet Burmann. ad Virgil. Georg. III. 155. Lucan. II. 495. Ceterum Castor et Pollux salutaria erant nautis numina, ἀρρυοναῦται δαίμονες. Iani ad Horat. od. I. 3. 2. et I. 12. 25 seqq. Broukh. ad Propert. I. 17. 18.

v. 241. *Signifer*. Zodiacus, in quo locum accipere praecipuus erat honos nouorum deorum. Virg. Georg. I. 37 seqq.

v. 242. *conuexa* i. e. locum seu sedem in coelo. cf. Stat. Theb. I. 24 seqq.

v. 243. *per noctiuagos axes*. Gesnerus male *axes* per currus stellarum interpretatur, quum natura fixarum, qualem veteres sibi fingebant, ne patiebatur quidem, ut illis currus tribuerentur. Sunt *axes* circuli planetarum, quod liquet ex Ovid. Trist. IV. 4. 62, quem locum Gesnerus ipse laudat. cf. Schol. et Oudendorp. ad Lucan. IX. 5. H. l. Zodiacus

intelligitur, in quo planetae voluntur, et in quo Castori quoque et Polluci locus est assignatus. *Astra noctiuaga* legimus in fragmento Egnatii ex lib. I. de rerum natura apud Macrobi. Sat. VI. 5.

v. 244. *rubens* h. l. pro: splendens.

v. 245. *auras*, ventos secundos. Ovid. Heroid. XVI. 23. *Pro donantibus* coniecit Heinsius: *domantibus*. Verum num *aurae* pro ventis vehementioribus seu tempestate poni possunt? cf. Horat. od. III. 29. 62 seqq.

v. 247. *Nunc pateras libate*, pro: vinum pateris. Virgil. Georg. II. 192. Sed illud magis poetikum, quod habet idem Virgil. Aen. VII. 133. cf. Broukh. et Heyne ad Tibull. I. 1. 37 seqq.

v. 248. *corda soluere*, idem est, quod soluere curas. Virgil. Aen. IX. 225. *Laxabant curas et corda oblita laborum*. *pandite coetus* i. e. explicate, ducite chorum. *niueos* ad

Mella ferant silvae; iam profluat ebrinus amnis 250
 Mutatis in vina vadis; iam sponte per agros
 Sudent irriguae spirantia balsama venae.
 Currat, qui sociae roget in conuiuia mensae
 Indigenas fluuios, Italis quicunque suberrant
 Montibus, Alpinasque hibunt de more pruinas: 255
 Vulturnusque rapax, et Nar vitiatus odoro
 Sulfure, tardatusque suis erroribus Ufens,
 Et Phaethontaeae perpeffus damna ruinae
 Eridanus, flauaeque terens querceta Maricae

candida vestimenta pertinet
 festo die et choris apta.

v. 250. 251. *Mella ferant
 silvae* c. cf. quae laudat Heyne
 ad Tibull. I. 3. 45. Toti na-
 turae hic dies celebrandus
 est, statusque eius in eum
 mutandus, qualis fingitur
 fuisse aetate aurea. *amnis*
 suum fluuium intelligit.
ebrium autem vocat, non
 quia ebrios facere potest, vt
 Gesnerus explicat, sed quia
 totus vino constat. *vadis*,
 aquis Gronov. observ. I. 19.

v. 252. *irriguae* h. l. quae
 irrigant.

v. 254. 255. *suberrant
 Montibus*. Quia e radicibus
 montium flumina prodeunt.
Alpinasque. Forsan sensu ge-
 neraliori hoc verbo vsus est,
 vt etiam Apenninas intelli-
 gat. Ceterum ex niue in
 montibus soluta plures flu-
 vios originem capere, nota
 res est. *de more* quia id sem-
 per factum est.

v. 256. *Vulturnusque ra-
 pax*. Est Campaniae fluuius.
 Sil. Italic. XII. 521 seq. *Nar*

vitiatus odoro sulfure. *Nar*
 inter Sabinos et Vmbros in
 Tiberim profluit, sulfureis
 aquis notus, hodie *Nera*.
 Virgil. Aen. VII. 517, v. ibi
 la Cerda.

v. 257. *Ufens* (hodie *il
 Portatore*) Terracinae proxi-
 mus per paludes Pomptinae
 repens in mare inferum fluit.
 Sil. Italic. VIII. 380 seqq.

v. 258. 259. *Et Phaethon-
 taeae* c. Rem narrant Apol-
 lon. Rhod. IV. 597 sqq. Ovid.
 Met. II. 324. *damna* explica-
 tur a Lucan. II. 408 seqq. Eri-
 danus restitit solus Phoebeis
 ignibus, neque exsiccatus est,
 et in illum Phaëthon fulmi-
 ne percussus et ambustus de-
 lapsus est. *terens* radens,
 stringens ripas Sil. Italic.
 XIII. 4. cf. Horat. od. I. 31.
 7 seqq. *querceta Maricae*,
 lucum consecratum *Maricae*
 Nymphae Latii, cuius reli-
 gio apud Minturnenses ser-
 vata est. cf. Jani ad Horat.
 od. III. 17. 7. *flauae*, ξανθής,
 pulchrae. *Liris* olim *Clanis*
 seu *Glanis*, Plin. H. N. III. 5.

Liris, et Oebaliae qui temperat arua Galefus. 260
Semper honoratus nostris celebrabitur vndis
Iste dies, semper dapibus recoletur opimis.
Sic ait, et Nymphae patris praecepta secutae
Tecta parant epulis, ostroque infecta corusco
Humida gemmiferis illuxit regia mensis. 265

O bene signatum fraterno nomine tempus!
O consanguineis felix auctoribus anne,
Incipe quadrifidum Phoebi torquere laborem.
Prima tibi procedat hiems, non frigore torpens,
Non canas vestita niues, non aspera ventis, 270
Sed tepido calefacta Noto. Ver inde serenum
Protinus, et liquidi clementior aura Fauoni
Pratis te croceis pingat. Te messibus aestas

hodie *Garigliano*, ex Apen-
nino ortus Latium a Cam-
pano diuidit. cf. Sil. Italic.
IV. 348 seqq.

v. 260. *Galefus*, hodie
Galaso, paruum flumen Ta-
rentinum agrum irrigans.
Imitatus est Noster Virgil.
Georg. IV. 125 seq. cf. Jani
ad Horat. od. II. 6. 10. *Oe-
baliae*, Tarenti, ab Oebalo,
antiquo Lacedaemoniorum
rege, Tyndarei patre, nomi-
nati et a Partheniis Spartanis
conditi. Justin. III. 4. *tempe-
rat* sc. vligine sua. Bur-
manno placet altera lectio *re-
parat*. Syllabam *re* saepe pro-
duci docuit ad Ovid. Amor.
I. 7. 62; quod quum fugisset
librarios, eos *reparat* in no-
torem vocem *temperat* mu-
tasse arbitratur. cf. Virgil.
Georg. I. 110.

v. 264. *Tecta parant epu-
lis*. Lucan. VII. 792 seq. in-

fecta colorata. corusco. Va-
ler. Flacc. II. 342. Ceterum
cf. Ovid. Met. VIII. 570 seqq.

v. 265. *gemmiferis*. Men-
sas ornatas intelligit *vasis* et
poculis gemmeis.

v. 266 seqq. Iam ex sua
persona Noster fratribus illis
faustissimum consulatum ad-
precatur. *signatum* v. supra
157. 8.

v. 268. *torquere*, circuma-
gere. Ceterum *Phoebi la-
bor* est annus, qui solis cursu
temperatur et determinatur,
ille labor vocatur *quadrifi-
dus* propter quatuor anni
tempora. Cum sequentibus
cf. Auson. Edyll. VIII. 7 seqq.

v. 272. *Fauoni clementior
aura*. Lene enim solet spi-
rare. Ovid. Met. IX. 660. *li-
quidus* vocatur, quia coelum
serenat.

v. 273. *croceis* omnino
pro: floridis.

Induat, autumnusque madentibus ambiat uvis.
 Omni nobilior lustro, tibi gloria soli 275
 Contigit, exactum nunquam memorata per aeuum,
 Germanos habuisse duces; te cuncta loquetur
 Tellus; te variis scribing in floribus Horae,
 Longaque perpetui ducent in secula fasti.

v. 274. *madentibus succulentis.*

v. 275. 276. Sensus: tibi gloria contigit ea, quae *nobilior*, memorabilior, est quacunque re, quae vlllo tempore vln venit. *exactum* praeteritum.

v. 277. *Germanos habuisse duces.* Barthius ex fastis docet, ab V. c. 959 Marcum Antonium Caracallam et Antoninum Getam fratres etiam sequenti anno consules fuisse; anno 1072 ab V. c. Constantinum et Constantem; anno 1148 ab V. c. Arcadium et Honorium. Non probabile est, tam immemorem Nostrum fuisse, vt illorum oblitus sit, neque tam audacem in laudando, vt sciens prudensque rem aliquam contra fastorum fidem contenderit, sed eos tantum intelligit, qui priuati ad consularem dignitatem prouecti sunt, e quibus numquam duo fratres simul consules fuerunt.

v. 278. *variis scribing in floribus.* Heinsius mauult:

inscribing floribus. Nota res est de Aiace, ex cuius cruore hyacinthus flos ortus et primis literis eius nominis, vt memorant veteres, inscriptus est. Virgil. eclog. III. 106. cf. Ovid. Met. XIII. 398 seq. Auson. Idyll. VI. 9 seqq. *Horae* rerum vicissitudinem et ordinem exprimebant, qui cernitur maxime in consecutione temporum fixa et statata, quo ab alio semper aliud excipitur. Quae Horis tribuuntur, magnam partem a vere, optimo anni tempore, desumpta sunt, quaeque nascuntur, ea ab illis produci dicuntur; praecipue, quae vere fiunt et gignuntur, vt flores.

v. 279. *perpetui fasti.* Quandoquidem consulum nomina annos designabant, ea numquam in obliuionem venire poterant, sed cum rebus gestis posteritati tradebantur. *perpetui.* Horat. od. IV. 14. 4. et ibi Iani. *in secula.* Sil. Italic. II. 511. VIII. 371. cf. Burmann. ad Valer. Flacc. II. 245.

II.

CL. CLAVDIANI
I N R V F I N V M
LIBRI I.

P R A E F A T I O.

A R G V M E N T V M.

Huic praefationi perpetua inest comparatio Pythonis serpentis cum Rusino. Ut Pythono peremto Parnasus liberatus est, sic Rusino occiso pax orbi terrarum est restituta.

Phoebeo domitus Python quum decidit arcu,

C O M M E N T A R I V S.

Carmen hoc interpunctione perperam instituta hucusque laboravit, nec forsan ab interpolatione liberum esse videtur, versus quidem tertius et quartus praeter hyperbolen satis ineptam subiunctivi usum adeo alienum a latini sermonis ingenio continet, ut vix enallages audacioris patrocinio excusari possit. Sed bono poetae sustinenda est haec macula, quandoquidem nihil in libris scriptis est, quod alienam manum male sedulam arguat, abstergendique potestatem critico faciat. Vulgo ita erat distinctum, ut vers. 5. apodosis inciperet,

quo facto iam commodum sensum retinere non poterat. Melius consuli posse vi totius carminis existimavi, si protasis usque ad versum decimum extenderetur, versuque sequenti apodosis inciperet; id quod suadere etiam videntur diuersa verborum tempora, quibus poeta usus est, et comparisonis ratio, quae inde concinnior fit. Versu igitur 5. mente repetendum est ex superioribus *quum*, aut omnino, si malis, *quum* pro iam legendum.

v. 1. De Pythono eiusque fabula cf. Apollod. I. 4. 1. ibique Heyne, et Spanhem. ad Callim. H. in Apollin.

Membraque Cirrhaeo fudit anhela iugo;
 Qui spiris tegetet montes, hauriret hiatu
 Flumina, sanguineis tangeret astra iubis;
 Iam liber Parnassus erat, nexuque soluto 5
 Coeperat erecta surgere fronde nemus,
 Concussaeque diu spatiosis tractibus omni
 Securas ventis explicuere comas;
 Et qui vipereo spumauit saepe veneno
 Cephillos liquidis purior ibat aquis: 10

100 seq. *decidit* pertinet ad caput serpentis sublatum quum pugnaret contra Apollinem. *arcu* Stat. Theb. I. 567. *absuntis numerosa in vulnera telis.*

v. 2. *fudit*, explicuit, porrexit. Stat. Theb. l. c. *Cyrhaeque dedit centum per iugera campi Vix tandem explicitum. anhela* i. e. quae creber anhelitus adhuc quatiebat, dum animam trahe-ret serpens. cf. Sil. Italic. IV. 179 seq. *Cirrhaeo iugo*, Parnaso, a Cirrha Phocidis oppido. Sil. Italic. XII. 320.

v. 3. *spiris tegetet montes.* Nouem spiris Pythonem Parnasum occupasse finxit Callimach. H. in Del. 93. Stat. Theb. l. c. *Septem orbibus atris Amplexum Delphos* cecinit. *hiatu* ad magnitudinem rictus spectat, qui flumina tota capiebat. cf. Anthol. Graec. ed. Iacobs. T. IV. pag. 114. epigr. XX.

v. 4. *sanguineis tangeret astra iubis.* cf. infra XXII. 271. Heins. mauult *tergeret* quod multis exemplis con-

firmare studet. *Iubas sanguineas* anguibus adtribuit quoque Virgil. Aen. II. 106 f. secutus Homer. II. β 308. Ceterum cf. Orph. Argonaut. 991 seqq. Apollon. Rhod. IV. 143 seq.

v. 5. *nexuque soluto* sc. anguis, quo nemus seu arbores implicatae erant. Stat. Theb. l. c. *squammisque an-nosa terentem Robora.*

v. 7. *Concussaeque diu.* cf. Sil. Italic. III. 189 seqq; *spatiosis tractibus.* Tractus proprius est serpentum motus. Calpurn. Eclog. XI. 40 seq.

v. 9. 10. *Cephissos.* Plures fuisse flumines hoc nomine insignes constat ex Strabone (IX. pag. 414.) qui septem numerat. H. l. intelligitur fluvius Phocidis, ad Lilaeam, quae vrbs a De'phis centum octoginta stadia abest, fontes suos habens (Homer. II. β. 522 seq.), vnde sub meridiem vnda erumpens beuis mugitum edere narratur. Pausan. in Phoc. X. 33. 2. Castaliam ex illius vndis ortam esse, fuerunt qui perhiberent. Pau-

Omnis, Io Paeon, regio sonat, omnia Phoebum
 Rura canunt, tripodas plenior aura rotat;
 Auditoque procul Musarum carmine ducti,
 Ad Themidis coeunt antra seuera Dei.
 Nunc alio Domini telis Pythone peremto 15
 Conuenit ad nostram sacra caterua lyram,
 Qui stabilem seruant Augustis fratribus orbem,
 Iustitia pacem, viribus arma regunt.

Jan. X. 8. 5. Eius aqua fatidica vocatur a Lucano (III. 175. vbi v. Schol.). Ceterum Gratiis erat sacer. Pindar. Olymp. XIV. 1. ibi Schol. cf. Stat. Theb. VII. 148 seqq. *propellentemque Lilacem Cepheisi glaciale caput, quo fuetus anhelam Ferre sitim Pythone, annemque auertere ponto.* *spumauit* Sil. Italic. VI. 677 seq. Hoc saepe de venenis dicitur. cf. infra XV. 172 seq.

v. 11. *Io Paeon.* Originem huius adclamationis narrat Callim. H. in Apoll. 97 seqq.

v. 12. *tripodas plenior aura rotat.* Haec et quae praecedunt Apollinis praesentiam et vim arguunt. cf. Virgil. Aen. III. 90 seqq. Clauerus nescire profitetur, quavi, nisi magica, tripodes moti sint. Equidem inde tractum hoc puto, quod Pythia, quum tripodi insideret, halitusque ex caernis vim suam in eam exfereret, vertigine corripetur, sic vt ipsa cum tripode circumagi sibi videretur. De tripode Apollinis copiose di-

sputat Spanhem. H. in Del. 90. *plenior aura* vaporem intelligo largius ex caernis exsuperantem.

v. 14. *Themidis antra.* Ante Apollinem Themis oracula edebat, vt notum est ex Ovid. Met. I. 369 seq. *seuera* locorum religionem indicat. Ipsi dii Musarum cantu audito conuenerunt victoriam Apollini quasi gratulaturi. Sic conuenere procures victoriam, quam Stilicho de Rufino reportauerat, concelebraturi canente Claudiano. Modestiae parum consulens expressis verbis fabulam ad rem praesentem ita Noster accommodat.

v. 15. *domini, Stilichonis.* Vox *dominus* illa tempestate inuidiam nemini concitabat, sed erat titulus vulgaris, vt disci potest ex Symmachi epistolis. *alio Pythone, Rufino.*

v. 16. *sacra caterua.* Intelligendi sunt pacis et armorum praesides, quibus praesentibus carmen recitauit Noster.

v. 17. *Augustis fratribus.* Arcadio et Honorio.

III.

CL. CLAUDIANI
I N R V F I N V M
LIBER I.

ARGVMENTVM.

Orditur poëta carmen suum, ut declamator orationem, exordio. Saepe se dubitasse, inquit, utrum dii regerent res humanas, an coeco casu omnia fierent. Quum enim inspexisset rerum naturam, ordinem et constantiam ubique gubernatorem aliquem sapientem indicasse, ubi vero vitam humanam spectasset, omniū fortuna regi sibi esse visa. v. 1—19. Iam vero poenam Rufino inflictam sibi probasse, res humanas a diis curari. Inuocat deinde Musas, ut totam rem, quemadmodum gesta sit, ordine sibi exponant. v. 20—24. Rem autem ita proponit. Aleeto rerum felicitatem ubique cernens summumque otium inuidia corrupta in concilium vocat inferna monstra. v. 25—38. Silentio omnibus imposito ita incipit: Nos patimur gentes felices esse, quas vexare possimus! Nos exulamus coelo et terra, quum virtutes ubique imperium exercent! Capite tandem consilium Furiis dignum, omniaque turbate et miscete. v. 39—65. Dum vulgus dubitat, quid faciendum sit, surgit Megaera, cuius furialis habitus describitur resque gestae exponuntur. v. 66—84. Illa reiecto prius aliorum consilio, se hominem, inquit, nosse Rufinum moribus deterrimis a se ipsa institutum, malisque artibus instructissimum. Hunc se producturum esse ad Principis aulam, qui eum in fraudem agat. v. 85—115. Quo consilio probato sometipsam itineri accingit, atque inferis relictis indutaquo sonis forma ad Rufinum tendit. v. 116—139. Excitat eum spe futuri, docetque se magicas artes callere futurique scientia esse praeditam, omnemque rerum naturam cognitam habere. Ut dictis fidem faciat, domicilium subito aureum reddit. v. 140—163. Rufinus rei miraculo aurique cupidine motus proficiscitur Constantinopolim; quo inter aulicos recepto confestim omnia in peius mutantur. Avaro praecipue animo omnia ad se rapere cupit. v. 164—195. Sequitur declamatio, qua ostenditur, auaritiā non posse expleri, honestamque paupertatem longe esse praestantiorē; mala innumera ignorari, si naturam omnes sequerentur. v. 196—219. Pergit Noster narrare, quibus malis artibus Rufinus opes suas augere studuerit, quot quantaque crimina et scelera commiserit, ut voti compos fieret. v. 220—258. His Rufini sceleribus Stilicho solus imperterritus resistit, aliisque auxilio fuit, finemque tandem imposuit crudelitati. v. 259—272. Post apostrophen ad Stilichonem, quem cum Perseo et Her-

culo comparat, v. 273—300, redit postea ad Rufinum viros imperii frangentem, ut rerum summa potiatur. In hunc finem barbaros excitat, prohibetque, quominus funditus a Stilichone exstirpentur. v. 301—322. Hunni describuntur, v. 323—331; quibus Stilicho, Marte prius inuocato, obuiam proficiscitur. Mars ipse precibus exauditis pugnae se accingit, barbarique funduntur. v. 332—353. Quo facto Megaera malis, quas ipsa fecerat, gaudens increpat Iustitiae, eamque terris faceffere iubet. v. 354—367. Ad quas Iustitia subiicit: illa gaudia non fore diuturna, breuique adfore Honorium rerum sospitatorem, Megaeraque in barathrum detrusa auream aetatem esse redituram.

Saepe mihi dubiam traxit sententia mentem,
 Curarent Superi terras, an nullus inesset
 Rector, et incerto fluerent mortalia casu.
 Nam quum dispositi quaelissem foedera mundi,
 Praescriptosque mari fines, annisque meatus, 5
 Et lucis noctisque vices: tunc omnia rebar
 Consilio firmata Dei, qui lege moueri
 Sidera, qui fruges diuerso tempore nasci,

COMMENTARIVS.

v. 1. *sententia* h. l. est cogitatio seu quaestio illa animo proposita, vtrum dii curent res humanas, nec ne, ex iis, quae gerantur et quae accidunt, oborta. cf. infra V. 199 seq. *dubios anceps sententia* voluit *Euentus*. Huc quodammodo referas Virgil. Aen. I. 237. et 260. et II. 35. cet.

v. 2. cf. Lucan. VII. 445 seqq. *terras*, res humanas.

v. 3. *fluerent*. Translatio ab aqua ad ea omnia, quae ordine non interrupto procedunt. cf. infra XXXVI. 65. *mansura fluant hoc ordine fata*. et Lucan. VIII. 625. *incerto casu* fortuito, nullo stabili rerum ordine. Compara Senec. Hippol. 977 seqq.

v. 4. *quaelissem*. contemplatus essem, indagassem. *foedera*, leges, causarum nexus, quibus omnia continentur. Manil. III. 55. cf. Burmann. ad Valer. Flacc. I. 213. *dispositi mundi* descripti et ordinati totius vniuersi. Ovid. Met. I. 32.

v. 5. *annisque meatus*. proprie: meatus soli praescriptos, quibus anni conficiuntur. Apud Virgil. Aen. VI. 850. est *coeli meatus*.

v. 6. *lucis noctisque*: Hein-
 sius coni. *luci noctique*.

v. 7. *consilio firmata dei* i. e. administrata dei prouidentia, ut firma et stabilia sint.

Qui variam Phoeben alieno iusserit igni
 Compleri, Solemque suo, porrexerit vndis 10
 Litora, tellurem medio librauerit axe.
 Sed quum res hominum tanta caligine volvi
 Adspicerem, laetosque diu florere nocentes;
 Vexarique pios: rursus labefacta cadebat
 Relligio, causaeque viam non sponte sequebar 15
 Alterius, vacuo quae currere semina motu

v. 9. *variā Phoeben*, lunam singulis momentis phases mutantem. *alieno igni*. solis nempe.

v. 11. *tellurem medio librauerit axe*. Ex eo, quod obseruauerant homines, coelum circa terram ita moueri, vt certum coeli punctum semper immobile videretur, stellasque eo maiores circulos circum illud cursu suo describere, quo remotiores ab eo essent, nata est vulgaris persuasio, saepius, quum sensibus accommodata esset, a poëtis frequentata; esse axem aliquem, sub quo terra, quam orbem planum sibi cogitabant prius, deinde sphaeram, ponderibus suis librata esset, ita vt in nullum locum deprimeretur, et circa quem coelum quoque circumageretur. Huc respicit etiam Ovid. Met. I. 12 seq.

v. 12. *res hominum*, homines ipsos et quae ad illos pertinent. *volvi* sumtum ab iis, quae tempestate et vndis auferuntur et conturbantur, quaeque sic ventis et vndis ludibrio sunt. *caligine* sub-

intellige: in. vt Pindar. Nem. IV. 65. *σκότω καλῶδες*. cf. infra XVIII. 23. et XXXVI. 410 f. Sensus: quum viderem, causas rerum, quaeque hominibus accidere soleant, in occulto esse, nec posse vlla ratione indagari.

v. 14, *vexari*, in aerumnis et miseriis vinere.

v. 15. *Relligio* h. l. persuasio de diis res humanas curantibus. *causaeque viam non sponte sequebar Alterius*. *Causa altera* est ea res, quae ab altera parte defenditur. *Viam causae alterius sequi* est itaque rationem probare, qua altera pars sententiam suam defendere, aut aliquam rem obscuram explicare solet; est igitur idem, quod vulgo dicunt: calculum ad iicere alterius opinioni. Hoc autem facit *non sponte*, quia sensus aliquis internus impietati repugnat, etiamsi eam videat ratione confirmatam. Ceterum Epicureorum opinionem h. l. intelligi, sequentia docent.

v. 16. *semina*, ἀρουαί. Lucret. I. 50 seqq. *et rerum pri-*

Affirmat, magnumque nouas per inane figuras
 Fortuna, non arte, regi; quae Numina sensu
 Ambiguo vel nulla putat, vel nescia nostri.
 Abtulit hunc tandem Rufini poena tumultum, 20.
 Absoluitque Deos. Iam non ad culmina rerum
 Iniustos creuisse queror. Tolluntur in altum,
 Vt lapsu grauiore ruant. Vos pandite vati,

mordia pandam. — Quae nos materiem et genitalia corpora rebus Reddunda in ratione vocare et semina rerum Appellare suemus et haec eadem usurpare Corpora primas, quod ex illis sunt omnia primis. vacuo motu. inani motu sine ratione et prudentia. Sic Burmannus verba interpretatur, laudatque Wopk. lect. Tullian. II. 6. et Gesnerus, qui subintelligit: rationis. Ellipsis tamen dura est, nec mihi quidem exemplo vlllo confirmata. Vacuus motus mihi videtur liber esse et solutus, non certo consilio ad certam rem efficiendam adstrictus, sed fortunae et casui permissus. Lucretius (II. 96.) habet vario motu.

v. 17. *nouas figuras*, quae semper nouae oriuntur ex principiis, in quae veteres dissolutae sunt.

v. 18. *Fortuna, non arte, i. e. casu non prouidentia. regi* dicuntur res ab iis, a quibus earum ratio, motus et vicissitudines pendent.

v. 19. *sensu Ambiguo. Ambigebatur enim iam ab anti-*

quis, vtrum Epicurus tales deos, quales eos descripsit, crediderit, an re sustulerit, verbo tantum reliquerit. Cic. de Nat. D. I. 44. vel nulla putat vel nescia nostri. Sensus: quae Epicuri ratio vel nullos deos esse defendit, vel deos quidem esse, qui tamen res humanas non curent.

v. 20. *Abstulit, exemit. tumultum*, sententiarum quasi in mente seditionem, animi dubitationem.

v. 21. *Absoluitque deos i. e. ab iniustitiae crimine liberauit, probauit, deos esse eosque iustos, qui poenas iniquis infligant. culmina rerum*, magistratus summos, rerum potentiam cf. infra X. 316. Maximiani eleg. I. 292. Poet. lat. m. T. VI. pag. 319. ed. Wernsd.

v. 22. 23. *tolluntur c. cf. Horat. od. II. 10. 9 seqq. Iuvenal. X. 104 seq. ἐν τοσούτοις δὲ ἐπαίρεσθον, ὡς ἂν ἀφ' ὑψηλοτέρου ἀλγεινότεραν καταπεσούμενοι.* Sic Charon rogat Clotho apud Lucian. Contempl. 14. pag. 510. T. I. ed. Reiz.

Pierides, quo tanta lues eruperit ortu.

Inuidiae quondam stimulis incanduit atrox 25
 Alecto, placidas late quum cerneret vrbes.
 Protinus infernas ad limina tetra sorores,
 Concilium deforme, vocat. Glomerantur in vnum
 Innumerae pestes Erebi, quascunque sinistro
 Nox genuit foetu, nutrix Discordia belli, 30
 Imperiosa Fames, leto vicina Senectus,
 Impatiensque sui Morbus, Liuorque secundis
 Anxius, et scisso moerens velamine Luctus,
 Et Timor, et caeco. praeceps Audacia vultu,

v. 24. *lues*, pestis, homo mali morbi iustar saeuens, Rufinus.

v. 25. 38. Iam narrationem ipsam orditur poeta. Alecto inuidia grauer correpta, quod florentem gentium conditionem sub Theodosio videt, in concilium vocat monstra inferna.

v. 25. *incanduit* ad perturbationis vehementiam accommodata positum pro: compuncta, acta est. Ceterum illud *quondam* principium narrationis languidum facit, vt infra XXXIII. 32.

v. 26. *placidas*, in otio viuentes.

v. 27. *infernas sorores*. Non reliquas tantum Furias, sed monstra quoque illa intelligenda sunt, quae in sequentibus recensentur.

v. 28. *deforme*. Constabat enim monstris.

v. 29. 30. *quascunque sinistro* Nox g. f. Exprimit Noster Hesiodum, Theog. 125. Νύξ τέκε κυσσαμένη,

Ἐρεβεί φιλότῃτι μίγῃσα. secundum Barthii distinctionem, qui post *pestes* interpungit, et Erebi ad sequentia trahit. Sed tunc, vt Burmannus bene monet, legendum esset *Erebo. sinistro foetu* de omnibus dicitur, quae in suam ipsorum, omniumque perniciem nascuntur. Cum sequentibus comparari possunt Virgil. Aen. VI. 273 seqq. Ovid. Met. IV. 480 seqq. Sil. Italic. II. 543 seqq. et XIII. 562 seqq. quae loca ex parte Heinsius iam laudauit, et Senec. Herc. Fur. 689 seqq. Oedip. 592 seqq.

v. 31. *imperiosa fames*. apud Virgil. l. c. 276. *male-suada*.

v. 32. *Impatiensque sui morbus*. Desperationem, ἀνέλπιαν, explicat Dempst. Sed morbi cuiusuis natura exprimitur, qui sibi ipse displicet. Nemo enim valetudinem male adfectam amat.

v. 34. *et coeco praeceps audacia vultu*. *Audacia*

Et Luxus populator opum, quem semper adhaerens 35
 Infelix humili gressu comitatur Egestas,
 Foedaque Avaritiae complexae pectora matris,
 Insomnes longo veniunt examine Curae.
 Complentur vario ferrata sedilia coetu,
 Toruaque collectis stipatur Curia monstribus. 40
 Alecto stetit in mediis, vulgusque tacere
 Iussit, et obstantes in tergum reppulit hydros,
 Perque humeros errare dedit; tum corde sub imo
 Inclusam rabidis patefecit vocibus iram:
 Siccine tranquillo produci secula cursu, 45
 Sic fortunatas patiemur viuere gentes?
 Quae noua corrumpit nostros clementia mores?

nihil consulto et cogitato agit, ideoque est *praeceps*, illiusque vis aucta est adiecto: *coeco vultu*, quandoquidem audacia *praeceps* non videt, in quae pericula irruat.

v. 35. 36. *quem semper adhaerens Infelix* cet. Indissolubile societatis vinculum exprimit, nexumque, quo luxum rerumque profusionem egestae sequi semper solet. *humili gressu*, ad imaginem egestatis absoluendam pertinet.

v. 37. 38. Ordo verborum: *Curae insomnes veniunt longo examine complexae pectora foeda avaritiae matris. Curae*, quae homines dormire non sinunt (*insomnes*) innumera ab avaritia proficiuntur, quae *foeda* vocatur, quia homines ad turpia quaeque suscipienda impellit.

v. 39. *ferrata sedilia*. Apud Virgil. l. c. 282. sunt *ferrei*

Eumenidum thalami. vario coetu i. e. variis monstribus.

v. 41. *in mediis*, *ἐν μέσσοις*, vt saepius apud Homerum occurrit. cf. Virgil. Aen. V. 303.

(v. 42. 43. Bene pingit Noster Furiam ad orationem habendam se accingentem. cf. Ovid. Met. IV. 473 seq.

v. 45 - 65. Sequitur oratio Furiae, moribus eius accommodata, cuius summa haec est: Cur patimur gentes felices esse, quum penes nos sit, eas infelices reddere. v. 45. *produci*, prodire, procedere, continuari. cf. Bronkh. ad Propert. l. 3. 39. *tranquillo cursu*. Saepe vita cum itinere maritimo comparatur.

v. 47. *noua*. hactenus inaudita et abhorrens a nostris moribus. Virgil. Aen. V. 670. et infra XX. 391.

Quo rabies innata perit? quid inania profunt
 Verbera? quid facibus nequidquam cingimur atris?
 Heu nimis ignauae, quas coelo Iupiter arcet, 50
 Theodosius terris. En aurea nascitur aetas;
 En proles antiqua redit. Concordia, Virtus,
 Cumque Fide Pietas alta ceruice vagantur,
 Insignemque canunt nostra de plebe triumphum.
 Pro dolor! ipsa mihi liquidas delapsa per auras 55
 Iustitia insultat, vitiisque a stirpe recisis
 Elicit oppressas tenebroso carcere leges.

v. 48. 49. *verbera*, flagra. Heyne ad Aen. VII. 336. *inania*, quae nullam vim habent, non adhibentur ad vexandos homines, eosque in fraudem impingendos. cf. Virgil. Aen. VII. 445 seqq. et 335 seqq. *cingimur* h. l. pro: armatae, instructae sumus. Ad faces, quae tela sunt Furiarum, illa vox translata est, quae proprie de ferro vsurpatur. Virgil. Aen. II. 742. Burmannus mauult *incingimur*, sed aliena videntur, quae laudat. *atris*, nigro ac denso fumo inuolutis. Valer. Flacc. III. 96. Sed v. Broukh. ad Propert. IV. 3. 13.

v. 50. 51. *quas Iupiter arcet Olympo Theodosius terris*. Insignis et splendida adulatio, quae sententiam verliculi illius inuoluit, qui Virgilio adscribitur in vita eius a Donato, vt putant, concinnata: *Diuisum imperium cum Ioue Caesar habet. en aurea nascitur aetas*. cf. Virgil. Eclog. IV. 5 seqq. Aen. I. 291 seqq. Bene vtitur

poëta his ad felicem statum depingendum, quo gentes sub Theodosio gaudebant.

v. 52. *proles antiqua*, aurea proles. Ovid. Met. I. 114.

v. 53. *alta ceruice*. Bene Gesnerus: erectae, nihil metuentes, despicientes malos. Sic quoque infra X. 84, XXVI. 628. *vagantur* cum delectu positum securitatem innuit. *canunt triumphum*. Ovid. Met. I. 160. infra XXI. 4.

v. 55 - 57. *ipsa mihi liquidas — Iustitia*. Est Astraea, quae homines reliquerat sub aetate maencam. Arati Phaen. 96 seqq. Ovid. Met. I. 149 f. Senec. in Octav. 422 seqq. Hanc quoque *Iustitiam* vocat Virgil. Georg. II. 474. Redeunte nunc saeculo aureo haec quoque redire debet, vitiisque et sceleribus bellum indicere, Quae de re Furia apte queritur. *Iustitia* quoque facit, vt leges ante neglectae (*oppressas tenebroso carcere*), dum vis et arma valerent, pristinam auctoritatem recuperent.

At nos indecores longo torpebimus aevo,
 Omnibus eiectae regnis? Agnoscite tandem
 Quid Furias deceat; consuetas sumite vires, 60
 Conuentuque nefas tanto decernite dignum.
 Iam cupio Stygiis inuadere nubibus astra,
 Iam flatu violare diem, laxare profundo
 Frena mari, ruptis fluuios immittere ripis,
 Et rerum vexare fidem. Sic fata cruentum 65
 Mugit, et totos serpentum erexit hiatus,

v. 58. *indecores*, abiectae, contemptae.

v. 62. *Stygiis inuadere nubibus astra*. h. e. atra et pestilenti nube coelum obducere.

v. 63. *flatu violare diem*, afflatu pestilenti inficere.

v. 64. *Frena laxare mari*. Ab equis transfertur ad omnia, quae mouentur, aut in cursu sunt. Virgil. Georg. IV. 136. Ovid. Met. I. 280 f. H. l. frena pro iis posita sunt, quibus mare coercetur, et *frena laxare mari* idem est, quod: sinere seu facere, vt mare vehementia sua vtatur, terrasque fluctibus obruat. cf. infra XV. 140 seq.

v. 65. 66. *Et rerum vexare fidem*. *Fides rerum* idem est quod *foedera rerum*, (v. supra 4.) *mundi*, leges, ad quas res adstrictae sunt, et ita inter se copulae, vt et perdurent et certo ordine aliae ab aliis producantur, vt perpetuus causarum et consequentium nexus constet. Haec autem *vexare*, turbare, idem est, quod to-

tam rerum naturam euertere. *cruentum Mugit* i. e. mugit ore cruento. Virgil. Aen. I. 296. *fremet horridus ore cruento*. Os cruentum Furiae tribuitur, cum ad terrorem augendum, tum quia Furiae caelorum cruore gaudent. Apud Petron. 120. Ditis pater ait: *Iam pridem nullo perfundimus ora cruore, Nec mea Tisiphone sitientes perluit artus*. cf. infra 77 seq. Minus bene, vt opinor, Gesnerus: *ralet mugitu guttur, vt sanguis sequeretur. et totos serpentum erexit hiatus*. Difficultas in interpretando nulla est, quamquam plures interpretes ita statuerunt. *Totos hiatus* positum est pro: omnes hiatus, nam *toti* pro *omnes* haud raro occurrit. Stat. Theb. I. 81. Serv. ad Virgil. Aen. I. 189. Pedestri sermone dicendum fuisset: *erexit omnes serpentes hiantes*. *Tortos hiatus* vix locum potest habere, nec Burmannus placet, qui *ma-*
vult notos.

Noxiaque effudit concusso crine venena.

Anceps motus erat vulgi; pars maxima bellum

Indicit Superis, pars Ditis iura tuentur;

Dissensuque alitur rumor. Ceu murmurat alti 70

Impacata quies pelagi, quum flamine fracto

Durat adhuc saeuitque tumor, dubiumque per aestum

Lassa recedentis fluitant vestigia venti.

v. 67. Crines anguibus erant complicati aut pro crinibus erant angues, ex quorum ore, quum concuterentur, venena spargebantur. cf. Ovid. Met. IV. 492 seq.

v. 68. 69. Aliis bellum diis inferre placet, alii se tantum et sua iura defendere volunt. *Ditis iura* videntur omnino iura esse deorum inferorum, quae quasi ex foedere obtinuerant, quibusque potestas eorum continebatur; haec imminuta sine fracta nolunt, ad haec defendenda pars monstrorum parata se esse profiteatur, dum diis superis bellum inferendum esse negat. cf. Burmann. ad Valer. Flacc. I. 213.

v. 70. 73. rumor, murmur, fremitus. *Impacata quies* est incerta, quae omni momento potest disturbari. H. l. mare intelligitur, non quidem ventorum vehementia commotum, sed tempestate sedata adhuc turbidum, quod nescias vtrum tranquillum sit futurum, an rursus saenituum. Stat. Theb. VII. 86 seqq. *Vt si quando ruit debellataque reliquit Eurys aquas, pax ipsa tumet, pontumque*

iacentem Exanimis iam voluit hiems; nondum arma carinis Omnia nec toto respirant pectore nautae. Ceterum quies impacata eadem figurae audacia dictum est, qua *ardentes tenebrae* apud Valer. Flacc. VII. 566. vbi v. Burmann. v. 72. tumor sc. maris. *dubium per aestum* per dubios fluctus seu incertos, quales solent esse vndae pondere tantum suo laborantes, nullo vento impulsae, dum mare commotum quasi studet, ad statum suum tranquillum redire. v. 73. *Lassa recedentis fluitant vestigia venti.* Tempestate fracta per aliquod temporis spatium ventus solet incertus esse, et quasi per fluctus errare. Flumina illius incerta h. l. vocantur *vestigia lassa recedentis venti*, eademque bene dicuntur *fluitare*, quandoquidem modo hinc modo illinc flare videntur. *Recedentis.* Aliter, sed aequè bene idem expressit Stat. Theb. I. 479 seq. *ventis ut decertata residunt Aequora, laxatisque diu tamen aura superstes Immoritur velis.* Heinl. mavult *residentis, naturae accommodatus,*

Improba mox surgit tristi de sede Megaera,
 Quam penes insani fremitus, animique profanus 75
 Error, et vndantes spumis furialibus irae.
 Non nisi quaesitum cognata caede cruorem,
 Illicitumque bibit, patrius quem fuderit ensis,
 Quem dederint fratres. Haec terruit Herculis ora,
 Et defensores terrarum polluit arcus; 80
 Haec Athamantheae direxit spicula dextrae;

quam rationi poëticae, de qua voce v. Buenemann. ad Lactant. de Ira XVIII. 7. Ad Aeoli claustra recedunt venti tempestate finita. Cum toto hoc loco comparari possunt Lucan. V. 218 seq. Senec. Herc. Fur. 1088 seqq. Herc. Oet. 710 seqq.

v. 74-85. Nunc Megaera surgit, cuius habitus, mores resque gestae describuntur. *tristi de sede* v. supra v. 39.

v. 75. 76. Huic Megaerae insania et furor tribuitur, qui morbi signis, quibus se exferere solent, declarantur. *insani fremitus*, clamores insani. *animi profanus error*. *Profanus* est impius: *error animi* est insania ipsa, qua quis in fraudem agitur. Virgil. Georg. III. 511 seqq. Haec insania cum furore coniuncta est et ira, cuius vehementia spumam ex ore elicit, eamque ob causam irae dicuntur *vndantes spumis*, et terribilis illa imago augetur adiecto *furialibus* i. e. furibundis. Nonn. Dionys. X. ἀφρον ἀκοντιζων χιονώδεια μάρτυρα λύσσης. Quint. Calab. V. 390 seqq.

ὡς Αἴας Ὀδυσσῆϊ πεπαρμένους ὀμβριμον ἦτορ, μάλιντο λευγαλῶς· ἀπλετος δὲ οἱ ἔδρασαν ἀφρός ἐκ στόματος. Euripid. Phoeniss. 1389 seq. Ceterum ante oculos Noster fortasse habuit Virgil. Aen. VII. 325 sqq. et 335 seqq.

v. 77. *cognata sede*. Hoc explicatur versibus sequentibus. Simpliciter dictum est pro: cruorem cognatorum.

v. 78. *illicitum* non hostium sed amicorum.

v. 79. 80. *Haec terruit Herculis ora*. In furorem egit Herculem, vt vxorem et liberos interficeret. Euripid. Hercul. Fur. 922 seqq. Senec. Hercul. Fur. 976 sqq. Hygin. fab. 241. *defensores terrarum*. Illis enim sagittis Hercules monstra interfecerat, orbemque terrarum pacauerat. Ruperti ad Sil. Italic. II. 483.

v. 81. Athamas Thebarum rex ex Nephele suscepit Phryxum et Hellen. Repudiata Nephele Ino vxorem cepit, quae illi peperit Learchum et Palaemonem, quorum priorem interfecit. Rem

Haec Agamemnonios inter bacchata penates
 Alternis lufit iugulis; hac auspice tetae
 Oedipoden matri, natae iunxere Thyesten.

Quae tunc horrifonis effatur talia dictis: 85

Signa quidem, o sociae, Diuos attollere contra
 Nec fas est, nec posse reor; sed laedere mundum
 Si libet, et populis commune intendere letum:
 Est mihi prodigium cunctis immanius hydris,
 Tigride mobilius feta, violentius Austris 90

narrat Ovid. Met. IV. 511 sqq.
 Nonnulli dicunt Athaman-
 tem, cum venaretur, telis
 confecisse Learchum. Tzetz.
 ad Lycophr. 22. Hoc secu-
 tus est Stat. silv. II. 1. 143.
 et Theb. I. 11 seqq.

v. 84. *Alternis lufit iugu-
 lis.* Fecit, vt Clytaemnestra
 interficeret Agamemnonem,
 ipsa rursus ab Oreste interfi-
 ceretur. *Hac auspice.* Ma-
 trimonia Romana auspicato
 contrahebantur; anspex ade-
 rat, per quem sponsus et
 sponsa auspicia capiebant.
 Tacit. Ann. XI. 27. XIII. 37.
 interpp. ad Iuuenal. X. 336.
 et ad Lucan. II. 371. Sed illi
 nuptiarum auspices iam Ci-
 ceronis aetate re omitta no-
 men tantum tenebant. Cic.
 de Diuinat. I. 16. *Auspex*
 igitur positus est pro eo, qui
 duos matrimonio iunxit,
 auctore matrimonii. *taetae*
 pro: nuptiae, poni notum est.

v. 84. *matri.* Iocastae Apol-
 lod. III. 5. 7. *natae* Pelopiae,
 ex quo incesto concubitu na-
 tus est Aegisthus. Senec.
 Agam. 292 seqq.

v. 86 - 115. Bellum supe-
 ris inferendum Megaera non
 censet, sed mittendum in
 Principis aulam Rufinum, cu-
 ius consiliis ille in fraudem
 agatur.

v. 87. *Nec fas est nec
 posse reor.* i. e. nec fato no-
 bis concessum est, nec si vel
 maxime per fata liceret, vires
 nobis ad hanc rem suppete-
 rent. *mundum genus hu-
 manum.*

v. 88. *intendere* ab arcu
 translatum.

v. 89. *cunctis hydris.* Hy-
 dram Lernaean et alias for-
 tasse respicit, de quibus v.
 Jani ad Horat. od. IV. 4. 61.
 Heinshius *hydros* videtur in-
 tellexisse, qui crinium loco
 Furiis sunt. cf. supra 43. Sed
 v. infra v. 111.

v. 90. *Tigride mobilius
 foeta.* Ex Lucano V. 405.
Tigris celeritate inter omnes
 quadrupedes insignis tum est
 rapidissima, quum catulos
 lactat. v. Nostr. infra XXXVI.
 363 seqq. Oppian. Cynege. III.
 353 seqq. Plin. H. N. VIII.
 lect. 25. Sil. Italic. XII. 458

Acribus, Euripi refluis incertius vndis,
 Rufinus, quem prima meo de matre cadentem
 Suscepi gremio. Reptauit paruus in isto
 Saepe sinu, teneroque per ardua colla volutus
 Vbera quaesiuisset, linguisque trifulcis 95
 Molli lambentes finxerunt ora ceraestae.
 Meque etiam tradente dolos, artemque nocendi
 Et didicit simulare fidem, sensusque minaces
 Protegere, et blando fraudem praetexere risu,
 Plenus saeuitiae, lucrique cupidine feruens. 100
 Non Tartessiacis illum satiarit arenis
 Tempestas pretiosa Tagi, non stagna rubentis

seqq. *mobilius celerius. Aus-
 tris* cf. infra XXXV. 308 seqq.

v. 91. *Euripi* *refluis vn-*
dis. Pompon. Mel. II. 7. *Ce-*
terum longa, totique Boeo-
tiae opposita, angustio freto
distat a litore. Euripon vo-
cant rapidum marē, et al-
terna cursu septies die ac
septies nocte fluctibus inui-
cem versis adeo immodice
fluens; ut ventos etiam ac
plena ventis nauigia frustre-
tur. cf. Senec. Hercul. Oet.
 778 seqq.

v. 92. *quem prima meo* cet.
 Ex antiquo hominum ser-
 mone et persuasione ductum,
 ut si quis arte aliqua insignis
 esset, is deus praecipue eius
 curam egisse ab incunabulis
 diceretur, qui huic arti prae-
 esse fingatur. *prima de matre*
cadentem cf. Valer. Flacc. I.
 355 seq. Stat. silv. I. 2. 109 f.
 Theb. I. 60 seq. Callimach.
 H. in Del. 255. de Apolline
 lucem adspiciente ο δ' ἐκδορεν.
 cf. Homer. H. in Apoll. 119.

v. 93. *suscepi gremio* ut
 nutrix. cf. supra I. 144.

v. 96. *finxerunt ora.* *Ce-*
raestae seu angues, qui Furiis
 pro crinibus sunt, vbera pe-
 tentem Rufinum lambebant.
 Sumtum videtur hoc de vr-
 sis, de quibus lege Ovid.
 Met. XV. 379 seqq. Plin. H.
 N. VIII. sect. 54. ibi v. Har-
 duin. Oppian. Cyneg. III.
 159 seqq. Gell. VII. 10. et Ae-
 lian. H. Anim. II. 19.

v. 97. 98. *tradente,* magi-
 stra. Burmann. pro: *Meque*
etiam coni. *Meque viam,*
 quod multis locc. laud. fir-
 mare conatur.

v. 99. *protegere, celare.*

v. 101. *Tartessiacis,* Hispa-
 nicis, a Tartello portu Hi-
 spaniae inter duo Baetis
 ostia. v. Ruperti ad Sil. Italic.
 III. 399.

v. 102. *Tempestas pretiosa*
Tagi. v. supra I. 51. Tem-
 pestate motus inundat ripas,
 ubi dimittere dicitur auri mi-
 cas, quas secum fert. Eam-

Aurea Pactoli; totumque exhauserit Hermum:
 Ardebit maiore siti. Quam fallere mentes
 Doctus, et vnanimos odiis turbare sodales! 105
 Talem progenies hominum si prisca tulisset:
 Pirithoum fugeret Theseus, offensus Orestem
 Desereret Pylades, odisset Castora Pollux.
 Ipsa quidem fateor vinci, rapidoque magistram
 Praeuenit ingenio, nec plus sermone morabor, 110
 Solus habet quidquid scelerum poscimus omnes.
 Hunc ego, si vestrae res est accommoda turbae,
 Regalem ad summi producam principis aulam.
 Sit licet ille Numa grauior, sit denique Minos:
 Cedet, et insidiis nostri flectetur alumni. 115

que ob rem illa tempestas
pretiosa vocatur.

v. 106. 108. Sensus: amicos fidelissimos potest alienare. Pro amicis fidelissimis illa amicorum paria posuit, quibus omnis antiquitas semper gloriata est. Comparandus cum h. l. est Martial. VII. 23. De Pirithoo v. Plutarch. in Thes. 35; de Oreste et Pylade Cic. Amic. 7; de Castore et Polluce Apollod. III. 10. 6. Similis orationis color est apud Propert. IV. 5. 5 seqq.

v. 109. *rapido*, celeri.

v. 110. *Praeuenit*, superauit.

v. 112. *res est accommoda*
res placet.

v. 113. *Principis* Theodosii M. *producam*, proueham, faciam, ut inter aulicos recipiatur. De hoc verbo v. Graev. ad Cic. pro Domo 9.

v. 114. 115. Venit Rufinus Constantinopolim A. C. 386,

ibique inter aulicos receptus ingenio et officiis suis praecipue autem eloquentia (Philostorg. XI. 3. et Gothofr. Dissert. p. 446.) beneuolentiam Imperatoris sibi conciliavit, eamque, quum arrogantiam improbitatem et auaritiam: quibus vitiis praecipue laborabat, callide posset dissimulare, usque ad illius obitum, qui accidit A. C. 395, semper retinuit. Forfan h. l. Claudianus instigationes Rufini respicit, quibus Theodosium, iam sua ipsius natura iracundum, ad multa crudelia facinora impulit, inter quae maxime memorabile fuit Thessalonicae excidium A. C. 389. de quo non satis distincte Ambrosius (Opp. T. II. epist. 51.) Augustinus D. Civ. Dei V. 26, Paulinus (in vita Ambr. 24), apertius Sozom. H. E. VII. 25, Theodoret. H. E. V. 17, Zonaras T. II, XIII. p. 34. scripserunt.

Orantem sequitur clamor, cunctaeque profanas
 Porrexere manus, inuentaue tristia laudant.
 Illa, vbi caeruleo vestes connexuit angue,
 Nodauitque adamante comas, Phlegethonta sonorum
 Poscit, et ambusto flagrantis ab aggere ripae 120
 Ingentem piceo succendit gurgite pinum,
 Pigraque veloces per Tartara concutit alas.

Est locus, extremum qua pandit Gallia litus,
 Oceani praetentus aquis, vbi fertur Vlyxes

Ceterum *Numa* et *Minos* (II. rex Cretae) prudentia et gravitate insignes fuerunt. Bene Noster totam rem silentio praeterit, cuius commemoratio Theodosii memoriam violasset, ipsisque significationi, quam necessariam existimavit esse ad Rufini indolem indicandam, excusationem adiungit ex calliditate illius veteratoris desumptam, cui nullius sapientia et gravitas restitisset.

v. 116. 117. Laudant omnes consilium. *clamor* sc. acclamantium consiliumque probantium. *porrexere manus*. Hoc signum fauoris et acceptae sententiae praecipue apud Graecos. Xenoph. Anab. III. 2. 9. ἀνατάλλουσιν τῇν χεῖρα, χεῖρας τὸν αἶνόν.

v. 118. *Illā*. *Megaera*. Vbi caeruleo vestes cet. *Furias* pro cingulo angue uti, neminem praeterit. Ovid. Met. IV. 481.

v. 119. *adamante*, ferro. *Acus* comatoria seu discriminis intelligenda est, qua capilli in verticem a fronte

reducebantur, plerumque ex auro vel argento, in Furia fingeatur ferrea. cf. Ruperti ad Sil. Italic. XV. 26.

v. 120. *poscit*, adit. I. 104. infra XXXVI. 388.

v. 121. cf. infra XXXVI. 386 seq. Sil. Italic. II. 610. et XII. 714.

v. 122. *pigra*, vbi omnia motu carent. Apud Lucan. VI. 89. *coelum iners*.

v. 123 seqq. *Megaeram* poeta ad superos ascendere facit, vbi Homericus ille aditus ad inferos est. Locum autem Homerus intelligit non procul inde, vbi recentiores columnas Herculis esse crediderunt. Ibi idem Oceanum, qui omnes terras ambit et oriri et in mare mediterraneum influere finxit. cf. Homer. Odyss. λ. 13 seqq. Hunc locum non Noster in Galliam transtulisse, qua Britanniam spectat (infra 131 seqq.) sed aliorum de fabulosis Vlyssis erroribus commenta secutus esse videtur (cf. Tacit. German. 3. et ibi Lips.) eam fortasse ob rem, ut non pro-

Sanguine libato populum mouisse silentem. 125
 Illic umbrarum tenui stridore volantum
 Flebilis auditur questus; simulacra coloni
 Pallida defunctasque vident migrare figuras.
 Hinc Dea proliliit, Phoebique egressa serenos
 Infecit radios, ululatuque aethera rupit 130
 Terrifico. Sensit ferale Britannia murmur,
 Et Senonum quatit arua fragor, reuolutaque Tethys
 Substitit, et Rhenus proiecta torpuit vrna.
 Tunc in canitiem mutatis sponte colubris
 Longaeuum mentita senem, rugisque seueras 135
 Persulcata genas, et ficto languida passu,

cul ab Elusa, Rufini patria, iter ex Orco ad superos esset, quo consuetudinem Rufini cum monstris infernis probabilior redderet. Est autem Elusa vrbs Galliae Aquitanae inter Garumnam et Aturum fluuios sita. Vix puto Nostrum respexisse, quod narrat Procop. IV. 20, vnde Gesnerus existimat Scholiaften ad Lycophr. 1200, quae adfert, haussisse.

v. 125. *Sanguine libato* cf. infra v. 154. *populum silentem* umbras Stat. Theb. IV. 528 seq. infra XXXV. 237. Apud Virgil. Aen. VI. 264. sunt *umbrae silentes*.

v. 126. *tenui stridore*. τρεῖς πειρόνται Homer. Odyss. ω. 7. Ceterum, quales umbras veteres sibi finxerint, disci potest ex Lucian. Ver. Hist. II. 12. pag. 111. T. II. ed. Reiz.

v. 128. *defunctas* f. pro: defunctorum f. ἑθώλα. cf. Virgil. Aen. X. 641.

v. 129. *Hinc*. Ex terrae cavernis. Compara Stat. Theb. I. 89 seqq.

v. 130. *Infecit radios*. cf. infra XXXIII. 1 seqq. et XXXV. 188 seqq. Stat. l. c. 97. *piceo nox obvia nimbo Lucentes turbauit equos. rupit* Nostrates: durchschmettern.

v. 132. *Senonum*. Senones ad Sequanam habitantes pro Gallia vniuersa dictos arbitror, nam ex Galliae populis Romanis erant maxime memorabiles. *reuoluta Tethys* aestus maris.

v. 133. *Rhenus proiecta torpuit vrna* pro: Rheno adtonito elapsa est vrna.

v. 134. *canitiem*, canos. Formam senis induit.

v. 135. 136. *mentita senem* i. e. speciem mutata est senis. cf. Heinl. ad Valer. Flacc. VII. 155. et 211. et Nostr. VII. 141. XXII. 249. XXVI. 150. XXXIII. 255. *persulcata* cf. Virgil. VII. 416 seq. Propert. II. 14. 8. Ovid. Met. III. 276.

Inuadit muros Elusae, notissima dudum
Tecta petens, oculisque diu liuentibus haesit,
Peiorem mirata virum. Tunc talia fatur:

Otia te, Rufine, iuuant? frustraue iuuentae 140
Consumis florem patriis inglorius aruis?
Heu nescis quid fata tibi, quid sidera donent,
Quid fortuna paret. Toti dominabere mundo,
Si parere velis. Artus ne sperne seniles.
Namque mihi magicae vires, aeuique futuri 145

idem l. c. XIV. 96. *peraranit* habet, vt Horat. Epod. VIII. 4. *exaret. seueras genas* quia senilis sunt aetatis, cui seueritas propria est. *ficto languida passu*. Languorum senilis aetatis in incessu imitatur.

v. 137. *Elusae*, supra ad 123. nunc *Euse en Gascogne*. *notissima*. Nutrix Rufini fuerat, ideoque tecta illa diu frequentauerat.

v. 138. 139. Scelestio rem hominem nemo animo potest fingere, quam eum, cui Furia inuideat, peioremque se fateatur. Qua ratione h. l. summa hominis improbitas indicatur, eadem fere vsus est infra X. 241 seqq. ad summam pulchritudinem et venustatem indicandam. *liuentibus* inuidis. *haesit*, obstupuit, diu oculos in eo fixit inuidia mota.

v. 140 seqq. Megaera Rufinum, cuius ingenium probe nouit, potentiae et diuitiarum spe commouet.

v. 141. *florem*, ἀκμήν.

v. 142. 143. Eadem res

notatur diuerso respectu. *Fata*, vt erat opinio communis, per siderum positionem indicantur, et *fata*, quae possunt esse vel bona vel mala, explicantur per: *fortuna*, quae secunda h. l. intelligenda est. Pro *donent* Burmann. videtur malle *spondent* v. cum ad Ovid. Heroid. XVI. 114. Sed quum astra quasi decernentia cogites, quod homini euenturum sit, fortunam vero res ita temperantem et connectentem, vt id eueniat, quod ab astris decretum sit: his *donent* aptius videtur esse, illi *paret*.

v. 144. *seniles artus*, corpus senile, cui vires deesse solent, quod ideo poterat sperni, quia nemo inde magnum auxilium expectare potest. Ovid. Met. VII. 250.

v. 145. *magicae vires* sc. insunt, pro: disciplinam magicam teneo. Sensus: vires corporis quidem deficient, sed magica disciplina, qua instructus sum, alias vires mihi suppeditat.

Praescius ardor inest. Noui, quo Thessala cantu
 Eripiat lunare iubar, quid signa sagacis
 Aegypti valeant, qua gens Chaldaea vocatis
 Imperet arte Deis. Nec me latuere fluentes
 Arboribus succi, funestarumque potestas 150
 Herbarum, quidquid letali germine pollens
 Caucasus, et Scythicae vernant in carmina rupes,

v. 146. *Praescius ardor* i. e. praescientia. Ardorem vero posuit, quia omnis vaticinatio impetu quodam animi et ardore coniuncta est. *Thessala*. *Thessalia* studiis magicis maxime dedita habebatur, eademque venenis in hanc rem ditissima erat. Valer. Flacc. VII. 198 seq. infra XXVI. 236 seq. et *Thessala* pro quauis venefica seu saga ponitur Valer. Flacc. I. 736 seqq. *cantu* sc. magico.

v. 147. *Eripiat lunare iubar*. *Iubar lunare* est splendor lunae. Ovid. Met. VII. 208. Non puto diuersum esse *eripere iubar* et *deducere coelo lunam*, quod fiebat cantibus magicis Ovid. Amor. II. 5. 38. Horat. epod. V. 45. Lucan. VI. 500 seqq. et quae laudauit Ruperti ad Sil. Ital. VIII. 500. Ne luna audiret incantamenta, aere concusso cauebatur. Ovid. Met. VII. 207. Iuuenal. VI. 441. ibi v. Ruperti. Senec. Hippol. 790 seqq. Stat. Theb. VI. 685 sqq. *signa* characteres magici ex hieroglyphicis forte orti. Sic Gesnerus, qui Barthium sequitur, *signa* h. l. explicat, et hanc vim sane contextus

postulare videtur, quamquam mihi aliunde non constat, magicis characteribus veteres tunc vsos fuisse.

v. 148. *sagacis Aegypti*, nempe in rebus superstitionis iis maxime quae ad magicam pertinebant.

v. 149. *imperet*, verbis imperiosis et minacibus vtuntur magici. Lucan. VI. 497 seq.

v. 150. *Arboribus succi*. Ex succis et resinis arborum suffimenta magica magnam partem constabant.

v. 151. 152. *letali germine pollens Caucasus* sc. vernat, nempe *flore de sanguine fibrae Prometheae* Valer. Flacc. VII. 355 seqq. aliisque gramini-
 bus ex illius sanguine natis tonitruque nutritis, vt putabatur. Valer. Flacc. l. c. ibique v. interpp. Apollon. Rhod. III. 851 seqq. Senec. Med. 709. *Aconitum* praecipue intelligitur, Passerat. ad Propert. I. 12. 10. Sed idem dicitur ex spuma Cerberi ab Hercule ex Orco tracti ortum. Ovid. Met. VII. 419. *et Scythicae vernant in carmina rupes*. Repetendum ex prioribus; et quidquid letali germine pollentes Scy-

Quas legit Medea ferox, et callida Circe.
Saepius horrendos Manes sacrisque citavi

thicae rupes vernant in carmina. Lectionem in *gramina vernant* defendit Barthius magna exemplorum nube, quorum nullum, ut mihi quidem videtur, structionem illam potest tueri, quum *vernare* semper cum sexto casu construatur, ut etiam vis et potestas verbi videtur postulare. Nihilominus tamen Burmannus Barthio accedit, lectionemque eius multo elegantiorē vocat. Rupes enim, inquit, hiemis faciem referunt in Scythia, quum nudae et niuib. obrutae sint, sed iussu magarum (unde hoc?) induunt se in *gramina magica*, et ita veris speciem referunt. Laudat Flor. I. 16. *bis floribus vernat*, atque disputat, Florum aequē bene latine scribere potuisse in *flores vernat*. Causa bonae latinitatis, si quid video, non ita est agenda, ut dispicias, quid hic vel ille auctor scribere potuerit, sed quid a latinae linguae auctoribus usu sit receptum. Exemplis itaque agenda res est, et exempla defunt. Huc accedit, quod Claudianus, qui in verbis ubique varietatem studiose sequitur, vix *gramina* scripserit, si in versu praecedenti *germine* (ubi quoque quidam Mss. *gramine* habent) posuisset. Vtrumque forsan sensit Nic. Heinshius, atque corre-

xit in *carmina*. Emendatio haec facilitate commendatur, quum in quibusdam scriptis legatur *carmine*, tum multis exemplis etiam iis, quae Barthius protulit, quaeque pro: *vernant in gramina* nihil mihi probare videntur, confirmatur. Adde quae Markland. ad Stat. silv. II. 1. 104, III. 5. 34. laudavit. Quaeritur iam, quid sit: *vernant in carmina*? Heinshius respondet: in usum carminum, in usum magicum, habetque Gesnerum sibi assentientem. Scimus etiam vires herbarum cum carminibus magicis semper fere coniunctas fuisse. Tibull. I. 8. 17 seq. *Num te carminibus, num te pollentibus herbis Deuouit tacito tempore noctis anus*. Lucan. VI. 492. *Quis labor hic superis cantus herbasque sequendi*. De herbarum vi lege Plin. H. N. XXIV. cap. 2. Obseruatum quoque est, *gramina montana* ad toxica efficaciora esse. Turneb. aduers. XVIII. 12. cf. Virgil. Aen. VII. 758.

v. 153. *Medea ferox et callida Circe*. Epitheta mores exprimunt utriusque feminae. Ceterum res Medae cum Iasone et Circes cum Ulyssē satis notae sunt.

v. 154. *horrendos Manes*. *Manium* religio est et antiqua et obscura, nec videntur ve-

Nocturnis Hecaten, et condita funera traxi 155
 Carminibus victura meis, multosque canendo,
 Quamuis Parcarum restarent fila, peremi.
 Ire vagas quercus, et fulmen stare coegi,
 Versaque non prono curuavi flumina lapsu
 In fontes reditura suos. Neu vana locutum 160
 Me fortasse putes, mutatos cerne Penates.
 Dixerat: et niueae (mirum) coepere columnae
 Ditari, subitoque trabes lucere metallo.
 Illecebris capitur, nimiumque elatus auaro
 Pascitur intuitu. Sic Rex ad prima tumebat 165

teres certam de illis notionem animo concepisse. *Manes* et *Vmbrae* interdum idem sunt et in sepulcro habitant Lucan. IX. 1 seq. interdum *Manes* in tumulis, *umbrae* apud inferos. H. l. *Manes* a conditis funeribus v. 155. diuersi sunt. De Manium euocatione loca illustriora sunt apud Stat. Theb. IV. 443 seqq. Sil. Italic. XIII. 424 seqq. Plura notauit ad eundem I. 95. Ruperti. Ceterum eadem fere de se profitetur Medea apud Senec. Med. 752 seqq.

v. 155. *Nocturnis Hecaten*. Cum sequentibus comparari possunt Tibull. I. 2. 43 seqq. Lucan. VI. 452 seqq. Petron. 134. Sunt prodigiosae hae narrationes, ait Heyne ad Tibull. l. c., haecenus poeticae tractationi accommodatae, quod et miratione portentorum animum tenent, et poeticum ornatum admittunt.

v. 156. *victura*, nempe vt consuli possint.

v. 157. *Quamuis Parcarum* cet. cf. Iuuenal. III. 27 seq.

v. 158. *fulmen stare coegi*. Ovid. Heroid. VI. 87. Vbi tamen nonnulli libri scripti habent *flumina*. Senec. Herc. Oet. 455 et 470. Heins. ad Ovid l. c.

v. 159. *non prono lapsu*. Vt sursum non deorsum fluerent. Hoc auget rei miraculum. Iungenda enim sunt illa verba cum *in fontes reditura*. Apud Horatium autem (od. l. 29. 10 seq.) *pronos* non ad *relabi*, quo redditur languidum, sed ad *arduis montibus* pertinet, vt indicetur riuorum decliuitas.

v. 162. *niueae*, dealbatae, non marmoreae.

v. 163. *ditari*, intelligendum: metallo seu auro. In aurum mutari. cf. infra XXIV. 230 seq. *trabes* infra X. 88.

v. 164. 165. *Illecebris*, auri cupiditate eiusque adipiscendi spe, quam sibi factam et confirmatam vidit. Com-

Maeonius, pulchro cum verteret omnia tactu.
Sed postquam rignisse dapes, fuluamque reuinctos
In glaciem vidit latices: tum munus acerbum
Sensit, et inuiso votum dampnavit in auro.

Ergo animi victus: Sequimur quocunque vocaris,
Seu tu vir, seu Numen, ait; patriaque relictæ (170
Eoas iussu Furiae tendebat ad arces,
Instabilesque olim Symplegadas, et freta remis
Inclita Thessalicis, qua celsa Bosporus vrbe
Splendet, et Odrysiis Aliam disternat oris. 175
Vt longum permensus iter, ductusque maligno
Stamine fatorum claram subrepsit in aulam:

mentarii loco potest esse Sophocl. Antigone 295 seqq. *nimumque elatus*. Cogitabat enim, quantas opes sit habiturus, quantusque futurus. *intuitu auaro pascitur*. Delectabatur spectaculo oculis cupiditatem auri quasi profitentibus. *tumebat*. Ovid. Met. XI. 118. *Vix spes ipse suas animo cepit. ad prima, primum, ω: τὰ πρῶτα*.

v. 166. *Maeonius*, Phrygius. Fabula de Mida rege nota est ex Ovid. l. c. 85 seqq. *pulchro tactu*, quo pulchra res sibi fiebat, aurea nempe. Non admodum placet *pulchro*, non magis autem Burmanni coniectura *stulto*.

v. 167. 168. *rignisse*. ed. Burmann. *rapuisse*, vitio, ut puto, operarum. *reuinctos* pro: vinctos, de gelu et frigore, quo aqua constricta est, usurpari. multis exemplis docuit Heins. ad Ovid. Trist. III. 10. 25. *acerbum*, perniciosum sibi, quum haud pro-

cul abesset, quin in auri abundantia fame necaretur.

v. 169. *inuiso votum dampnavit in auro*. Ovid. Met. XI. 150. *et inuiso meritis torquetur in auro*.

v. 172. *Eoas arces*. Constantinopolim.

v. 173. *Instabiles, Symplegadas*, ante navigationem Argonautarum scilicet. Apollod. I. 9. 21. Illae rupes satis propinquae sunt, ut Noster occasionem specioso nomine versus ornandi omittere non potuerit. *Thessalicis remis*. Argonautarum naue. cf. infra XX. 30. et XXVI. 9 seqq.

v. 175. *Odrysiis* ouis, Thracia, ab Odrysiis. cf. Burmann. ad Valer. Flacc. I. 24. *disternat* discriminat. Lucan. I. 215.

v. 176. 177. *ductus maligno stamine fatorum*. Cum respectu ad Parcas doctius elatum est illud vulgare: *fato aliis maligno seu pernicioso*. Male Gesnerus illud ad filum Ariadnaeum refert, quo du-

Ilicet ambitio nasci, discedere rectum,
 Venum cuncta dari. Profert arcana, clientes
 Fallit, et ambitos a principe vendit honores; 180
 Ingeminat crimen, commoti pectoris ignem
 Nutrit, et exiguum stimulando vulnus acerbat.

Ac velut innumeros amnes accedere Nereus
 Nescit, et undantem quamvis hinc hauriat, aëstrum,
 Hinc bibat aestivum septeno gurgite Nilum, 185
 Par semper, similisque meat: sic fluctibus auri
 Expleri calor ille nequit. Cuicunque monile
 Contextum gemmis, aut praedia culta fuissent,
 Rufino populandus erat; dominoque parabat
 Exitium fecundus ager; metuenda colonis 190
 Fertilitas. Laribus pellit, detrudit auitis
 Finibus, aut aufert viuis, aut occupat heres.

ctus Theseus e Labyrintho
 enasit. *Subrepfit* de homine
 astuto, qui malis artibus et
 dissimulata malitia animo
 Principis se insinuavit. cf.
 quae dicta sunt supra ad
 v. 113.

v. 178 seqq. Tangit vitia
 Noster, a quibus Theodolii
 regnum non plane immune
 fuit, etiamsi Zosimo in omni-
 bus fides habenda non sit. Illa
 autem clandestinis Rufini ma-
 chinationibus adsignantur.

v. 180. *ambitos*, intellige: a
 se pro aliis, seu aliis ab Im-
 peratore impetratos, ut iis
 illos honores venderet.

v. 181. *ingeminat*, auget
 calumniando. *commoti pecto-
 ris ignes* i. e. iram Theo-
 dolii. Valer. Flacc. I. 181.
*et saeuos irarum concipit
 ignes*. Ceterum cf. not. ad
 v. 113.

v. 182. *Offensiunculam*
 (*exiguum vulnus*) Principis
 irritando (*stimulando*) maio-
 rem facit.

v. 183 seq. Quae ab hoc
 versu ad 195. et a v. 220-258.
 narrantur, eadem fere, si
 ornatum poeticum detraxeris,
 a Zosimo V. 1. de utroque,
 Rufino et Stilichone, memo-
 riae produntur. cf. Suidam
 in Περὶ τοῦ.

v. 184. 185. *nescit*. Non
 auctum se sentit Nereus
 aquarum adfluentium abun-
 dantia. *undantem* aquarum
 molem exprimit, quam vehit
 Hister. *aestivum*. Aestate
 Nilus Aegyptum inundat.
 Tibull. I. 7. 21 seq. ibi v.
 Heyne et Lucan. X. 210 seqq.
 Plin. H. N. XVIII. cap. 18.
septeno gurgite septem ostiis.

v. 191. *occupat heres*.
 Cogebat homines variis mo-

Congestae cumulantur opes, orbisque rapinas
Accipit vna domus; populi seruire coacti,
Plenaque priuato succumbunt oppida regno. 195

Quo vesane ruis? teneas vtrumque licebit
Oceanum, laxet rutilos tibi Lydia fontes,
Iungantur solium Croesi, Cyrique tiara:

dis, vt se heredem scriberent.

v. 193. *orbisque rapinas*.
v. Barth. ad Stat. Theb. I. 43. Burmannus mauult *ruinas*, illudque ita explicat: *ruinae orbis* sunt opes, quibus ita spoliatur, vt inde domus et familiae, quas ille exinaniuit, cadant et pessumdentur. *Rapinas* magis placeat; ea intelliguntur, quae toto terrarum orbe ipse rapuerat, quibusque priuatam domum instruxit. Nescio quid passus sit Burmannus, vt reiiceret hanc lectionem addita huiusmodi ratione: si *rapinas* legis, ab iniustis et rapacibus dominis, qui antea alios spoliauerant, ablata diceret.

v. 196-219. Sequitur declamatio super locum communem de auaritia insatiabili et de felicitate eius, qui paucis contentus sit, satis bona quidem per se, sed, vt equidem sentio, admodum frigida, vt illo episodio libenter carueris, quum sententiis constet vulgaribus, et saepius inculcatis. Verum erat hoc declamatorii moris, vt nihil praetermitteretur, quo res dilatari posset, modo

non eadem iterarentur, aut saltem alia ratione fucio oratorio cincinnisque poeticis exornarentur. Dixeris poetas illius aeni copiam sectasse contempto lectorum fastidio. Compares Horat. od. II. 2. 9 seqq. et III. 16. 17 seqq.

v. 196. 197. *teneas vtrumque licebit Oceanum*. Vix alium sensum habere potest, quam hunc: Potestati tuae subiecta sunt omnia inter oceanum Indicum et eum extra Herculis columnas. Verum; si hoc est, parum apte reliqua minora subiunxit Noster. Num forsitan dinitiae, margaritae cet. intelligendae sunt, quae oceano continentur? *rutilos fontes*, Pactolum et Herinum. Ceterum compara Senec. Hercul. Oct. 621 seqq.

v. 198. *solium Croesi Cyrique tiara*. *Tiarae* figuram describit Burmannus ad Valer. Flacc. VI. 700. Laudatis ibidem adde Virgil. Aen. VII. 247. Iuuenal. VI. 516. Ceterum, quia apud Horat. od. II. 2. 17. est *Cyri solio*, et apud Virgil. l. c. *tiara Phrygium* gestamen vocatur, non debemus induci, vt scribamus *solium Cyri Croesique*

E

Nunquam diues eris, nunquam satiabere quaestu.
Semper inops, quicumque cupit. Contentus honesto
Fabricius paruo spernebat munera Regum, (200
Sudabatque graui Consul Serranus aratro,
Et casa pugnaces Curios angustia tegebat.
Haec mihi paupertas opulentior, haec mihi tecta
Culminibus maiora tuis. Tibi quaerit inanes 205
Luxuries nocitura cibos: mihi donat inemtas
Terra dapes. Rapiunt Tyrios tibi vellera fucos,

tiara. cf. infra XVIII. 213.
Sensus: adiunge Croesi diuitias potentiae Cyri.

v. 200, 201. *honesto paruo*, munda, honesta paupertate; tale aliquid, quod Horat. od. II. 10. 5. *auream mediocritatem* vocat, diuersum ab *importuna pauperie*. od. III. 16. 3. *paruo* de re modica, non lautissima, dici, monuerunt Broukh. et Heyne ad Tibull. I. 1. 25. *regum* pro: regis Pyrrhi. cf. Plutarch. in Pyrrho 20. T. III. ed. Hutt.

v. 202. *Serranus*. De Cn. Atilio Serrano loquuntur Cic. pro Rosc. Amer. 18. Valer. Max. IV. 4. 5. Etiam a poetis celebratus est. Virgil. Aen. VI. 845.

v. 203. *Curios*. v. Valer. Max. IV. 3. 4. *pugnaces*. Exegit Curius Pyrrhum ex Italia. Plutarch. in Pyrrho 25. T. III. ed. Hutt.

v. 204. *opulentior*. Defendi hoc potest Heinio auctore contra Burmannum, qui disputat, *angustior* aptissimum epitheton esse et sanctam paupertatem recte Nostrum

potuisse dicere. Sed paupertas cum diuitiis h. l. comparatur, desideratur itaque epitheton, quod vtrisque conveniat. Diuitiae *opulentae* sunt natura, paupertas *opulentior* dici potest, si contenta paucis plura non desiderat, quum diuitiis contra cupiditas non satietur. Accedit, quod *angustior* ex praecedente *angusta* profectum esse potest, Nostrumque oxymoron sectari solet. Compara Virgil. Georg. II. 461 seqq.

v. 205. 206. *culminibus*, turribus. Horat. od. I. 4. 205. *Luxuries nocitura*. cf. Lucan. IV. 373 seqq. Petron. 93. ibique interpp. vnde disci potest, quo tandem progressa sit luxuries et gula Romanorum. *inanes cibos* eos puto, quibus praua et stulta hominum opinio pretium statuit, quamquam corpus non nutriant nec vires ei suppeditent.

v. 207. *rapiunt Tyrios tibi vellera fucos*. Rapiunt cupide et celeriter bibunt. Tyrios fucos, purpuram. Burmann. ad Valer. Flacc. I. 427.

Et picturatae saturantur murice vestes:
 Hic radiant flores, et prati viua voluptas,
 Ingenio variata suo. Fulgentibus illic 210
 Surgunt strata toris: hic mollis panditur herba,
 Sollicitum curis non abruptura soporem.
 Turba salutantum latas ibi perstrepat aedes:
 Hic auium cantus, labentis murmura riui.

Gesnerus existimat, *fucum* non purpuram esse, sed *δυσσοποιόν φάρμακον*, quo imbuta primum lana profundius admittat et seruet fidelius purpuram. Vide eum ad Quintil. XII. 10. 75. Locus e Platone, quem laudat, est de Republ. pag. 346. T. VI. ed. Bipont. cf. Lucan. XI. 123 seq.

v. 208. *Et picturatae vestes*. Sunt vestes vel acu vel textili opere pictae Virgil. Aen. III. 483. Plin. H. N. VIII. sect. 74. Gesnerus arbitratur, Claudianum versum hunc incuriose pepigisse, atque *ἑσπέρων πρότερον* esse, quod h. l. *picturatae vestes* murice saturantur. Verum hoc fieri potuit, ut color alius alio operiretur, suauiorque et lenior aut asperior fieret, ut itaque tota vestis colore quidem esset purpureo, sed, propter varios ante tinctionem intextos colores, diuerso et vario genere. Plin. H. N. IX. sect. 65. Ceterum colorem e murice diuersum fuisse a Tyriis fucis constat.

v. 209. *viua*. non tantum: natua, ut Barthius exponit, sed respexit poeta herbas et

flores, qui suapte natura crescunt et continentur et ob eam rem quasi viuunt.

v. 210. 211. *fulgentibus illic surgunt strata toris*. *Fulgentes tori* sunt lectuli aurei et argentei culcitis tecti, quae seruebantur pretiosissimis tapetibus. Virgil. Aen. VI. 603 seq. *tapetes* h. l. vocantur *strata*, et haec dicuntur apte *surgunt*, quum culcitis mollibus suspendantur.

v. 212. *Sollicitum curis* cet. Herba mollis tam altum conciliat cubanti somnum, ut curae ipsae sopiantur, nec dormientem excitent. Melius tamen *sollicitum curis* accipias pro: sollicitando curis, ut tori solent purpurei incubantibus somnum excutere, quandoquidem diuites auari quieto animi statu raro gaudent. cf. Senec. Hippol. 520 seq.

v. 213. *Turba salutantum* cet. Salutatio Romae mane fiebat conuenientibus in atrio clientibus. Martial. IV. 8. Heyne ad Virgil. Georg. II. 262.

Viuitur exiguo melius. Natura beatiss 215
 Omnibus esse dedit, si quis cognouerit uti.
 Haec si nota forent, frueremur simplice cultu,
 Classica non fremierent, non stridula fraxinus iter,
 Non ventus quateret puppes, non machina muros.
 Crescebat scelerata litis, praedaeque recentis 220
 Incestus flagrabat amor, nullusque petendi
 Cogendive pudor. Crebris periuria nectit
 Blanditiis, sociat perituro foedere dextras.
 Si semel e tantis poscenti quisque negasset,
 Effera praetumido quatiebat corda furore. 225
 Quae sic Getuli iaculo percussa leaena,
 Aut Hyrcana premens raptorem bellua Parthum,

v. 215. cf. Horat. od. II. 16.
 12 seq. Lucan. IV. 373 seqq.

v. 218. *classica non fremie-*
rent. Tibull. I. 1. 4. pro: bella
 nulla essent. *stridula fraxi-*
nus tormento vel manu missa
 cum sibilo ac stridore aëra
 findens.

v. 219. *machina*, aries.
 Ceterum hi duo versus res,
 quas exprimunt, et numeris
 et sono pingere videntur.

v. 220. *Crescebat.* Redit
 iam ex illo deuerticulo ad
 Rufinum.

v. 221. 223. *incestus*, im-
 pius sceleratus. *nectit*, πλά-
 zet, adiunxit. Haud scio, an
 omnia exempla, quae Hein-
 sius h. l. profert, aliena sint,
 vimque τοῦ *nectit* non accu-
 rate illustrent. *perituro foe-*
dere, quod vanum, irritum
 futurum est. v. Barth. ad Stat.
 Theb. VI. 932.

v. 224. Hunc versum Ges-
 nerus ita exponit: si vel se-
 mel *quisque*, h. e. quisquam,

vel quicumque (v. Burmann.
 ad Sueton. in Tib. 65.) po-
 scienti Rufino de tam magnis
 et multis rebus, quas quoti-
 die petebat, quidquam ne-
 gasset. Barthio versus cor-
 ruptus videtur. Leui muta-
 tione legerim: *Qui semel e*
tantis, poscenti quaeque, ne-
gasset.

v. 225. *quatiebat* sc. is,
 qui negasset, in furorem eum
 concitabat.

v. 226. *Gaetuli iaculo.* cf.
 Horat. I. 22. 2. Sil. Italic. III.
 339. In Gaetulia nasceban-
 tur leones maximi et fero-
 cissimi, inde epith. leonis
 Virgil. Aen. V. 351. Talis
 leaena intelligenda est, quum
Gaetuli iaculo percussa dica-
 tur. Heinio perplacet *gen-*
tili, quod multis exemplis
 probare conatur, sed recte
 illud reiicit Burmann.

v. 227. *Hyrcana bellua*,
 tigris. Virgil. Aen. IV. 367.
 Martial. Spect. 19. 2. *pre-*

Aut serpens calcata furit? Iurata Deorum
 Maestas teritur, nusquam reuerentia mensae;
 Non coniux, non ipse simul, non pignora caesi 230
 Sufficiunt odiis; non exstinxisse propinquos,
 Non notos egisse sat est; exscindere ciues
 Funditus, et nomen gentis delere laborat.
 Nec celeri mittit leto: crudelibus ante
 Suppliciis fruitur. Cruciatus, vincla, tenebras, 235

mens raptorem partus, vbi
 incredibili velocitate ferri di-
 citur. Martial. III. 44. 6. Lu-
 can. V. 405. et infra XXXVI.
 263 seqq.

v. 228. *serpens calcata*.
 Virgil. Aen. V. 273 seqq. *iurata deorum maestas*. Non
 cum Clauerio violatam Im-
 peratorum, quibus sacramen-
 to obligatus esset Rufinus, in-
 telligas maestatem, sed sim-
 pliciter de periuro accipias.
teritur, quasi pedibus calca-
 tur, contemnitur. *mensae* sc.
 hospitalis, cuius magna erat
 religio apud veteres Virgil.
 Aen. X. 460. Minus bene
 intelligit Clauerus mensam
 imperialem.

v. 230. 233. *Non coniux,*
non ipse simul cet. Aliquid
 deesse suspicatur Heinsius.
Ipsa potest ad eum referri,
 qui Rufino petenti aliquid
 negasset. *caesa* pertinet quo-
 que et ad *coniux* et ad *ipse*.
 Sensus: Non satis habebat
 iurisiurandi et hospitii reli-
 gione posthabita illum, qui
 sibi aliquid negasset, cum
 coniuge et libris, cum pro-

pinquis et amicis interficere,
 sed omnes ciues omnem de-
 nique gentem extirpabat.
notos, amicos. *egisse*. Bar-
 thius intelligi vult: exulatum,
 quod huic loco non videtur
 conuenire, neque Graecani-
 cum est ἀγίσιν καὶ Φέσις, ut
 idem putat, sed supplendum:
 ad supplicium. Tacit. Ann.
 XIV. 41. *exscindere ciues* cet.
 Hoc ad Lyciam, Tatiani et
 Proculi patriam, spectare,
 quam Rufinus, cuius ira il-
 lorum duumvirorum morte
 et exilio non satiata fuisset, e
 numero prouinciarum im-
 perii eximendam curauerit,
 eiusque incolas indignos in
 perpetuum iudicandos, qui
 munere aliquo publico funge-
 rentur, existimauere quidam.
 cf. Cod. Theodof. lib. IX. Tit.
 XXXVIII. l. 9. ibique Gothofr.
 Sed quum de illis viris infra
 247 seqq. loquatur poeta, illa
 praemittere vix potuit, quae
 supplicium eorum secuta
 sunt.

v. 234. *mittit*. Ovid. Fast.
 II. 664. Sic dare, dimittere
 leto saepius.

Dilato mucrone, parat. Pro saeuior ense
 Parcendi rabies, concessaque vita dolori!
 Mors adeone parum? Caulis fallacibus instat;
 Arguit attonitos se iudice. Cetera segnis,
 Ad facinus velox; penitus regione remotas 240
 Impiger ire vias. Non illum Sirius ardens,
 Brumaue Rhipaeo stridens Aquilone retardat.
 Effera torquebant auidae praecordia curae,
 Effugeret ne quis gladios, neu perderet vllum
 Augusto miserante nefas. Non flectitur annis, 245
 Non aetate labat. Iuuenum rorantia colla
 Ante patrum vultus stricta cecidere securi.
 Ibat grandaeuus nato moriente superstes

v. 236. *Dilato mucrone* pro: necem differens. *ense*, interfectione ipsa, supplicio.

v. 237. *dolori* cruciatui, vinclis, tenebris.

v. 238. *caulis fallacibus*. Subornabat delatores, qui fictis causis et criminibus homines in iudicium vocarent, vt iure spoliati fortunis viderentur.

v. 239. *adtonitos*. Qui nihil aliud Rufino iudice poterant exspectare, quam se iri damnatum. Etiam haec ad Tatianum et Proculum trahunt quidam, inter quos et Burmannus est. *cetera segnis* *Ad facinus velox*. Similis orationis color est apud Iuuenal. IV. 3.

v. 240. 245. *regione* pro: longe. *Rhipaeo Aquilone*. Montes *Rhipaci* Thraciae sunt. Per epith. plaga designatur, vnde flat Aquilo. *vllum nefas* vllam occasionem

supplicii infligendi. *Augusto miserante*, Theodosio in clementiam et misericordiam inclinante. Haec vix possunt ad Lucani mortem pertinere, quam Rufinus itinere incredibili velocitate permenso maturauit. Zosim. V. 2. potest tamen illud facinus probare, imaginem Rufini, quam Claudianus, non adumbravit, sed studiose et diligenter expinxit, haud omnino falsam esse.

v. 246. *labat* commouetur. *rorantia*, cruore stillantia.

v. 248. *Ibat grandaeuus* cet. Tatianum putant innui, et quidem recte. Fuit Tatianus consul cum Symmacho A. C. 391. deinde Praefectus Orientis, et Proculus, eius filius, Praefectus Constantinopolis. Ad potentiam suam augendam illos viros e medio tollendos esse statuit Rufinus. Intimulabantur itaque peculatus, accusabantur, et ipse

Post trabeas exsul. Quis prodere tanta relatu
 Funera, quis caedes possit deflere nefandas? 250
 Quid tale immanes vnquam gessisse feruntur
 Vel Sinis Isthmiaca pinu, vel rupe profunda
 Sciron, vel Phalaris tauro, vel carcere Sulla?
 O mites Diomedis equi! Busiridis arae
 Clementes! Iam Cinna pius, iam, Spartace, lenis 255
 Rufino collatus eris. Deiecerat omnes

Rufinus constituti iudicii erat praeses. Quum Proculus fuga se iudicio subtraxisset, nec pater solus irae Rufini sufficeret: per patris literas, cui Rufinus callide spem fecerat, fore ut vterque absolueretur, filius retrahitur. Reuersus autem in Constantinopolis suburbis comprehenditur, et, maturato supplicio, ne Theodosii ira in misericordiam verteret, in conspectu patris securi percutitur, pater exilio multatur. cf. Zosim. IV. 52.

v. 249. *post trabeas* post consulatum. cf. I. 178, VII. 5, XXII. 3.

v. 252. *Vel Sinis Isthmiaca pinu*. Sinis *πινυοναμνης* crudelissimus latro Isthmum Peloponnesi incolens arbores in terram depressas fixisse, iisque homines adligasse dicitur, ut, dum illae sursum rursus tenderent, crudelissime discerperentur. Plutarch. Thes. 8. Ovid. Met. VII. 440 seqq. Propert. III. 21. 37 seq. cf. Schol. ad Euripid. Hippol. 977.

v. 253. *Sciron* latro saxa inter Megaram et Corinthum

inhabitans, vnde viatores in mare solebat deicere, ipse a Theseo interfectus est. Plutarch. l.c. Ovid. l. c. 443 seqq. *Phalaris tauro*. Notus est ille tyrannus Agrigentinus, qui homines tauro aeneo inclusos subiecto igne cremabat. Sil. Italic. XIV. 211 seqq. Sed cf. Lucianum in Phal. pr. 11. T. II. pag. 197 seqq. ed. Reiz. *Sulla*. De *Sullae* feritate v. Senec. Benef. V. 14. de Clement. I. 12. Lucan. II. 139 seqq.

v. 254. *Diomedis equi* carne humana a domino suo pascebantur, quem tandem illis ipsis Hercules deuorandum obiecit. Diod. Sic. IV. 15. Ovid. Met. IX. 194 seqq. Quint. Calab. VI. 245 seqq. *Busiridis arae*. Virgil. Georg. III. 5. ibi Heyne.

v. 255. *Cinna*. Vellei. Patercul. II. 22. *Spartace*. *Spartacus* quadraginta millibus seruorum adiutus terrorem et cladem Italiae intulerat. Vellei. Patercul. II. 30.

v. 256. 258. *occultis odiis* ablat. absolut. Omnes deiecerat, inuaserat terror, dum

Occultis odiis terror, tacitique sepultos
Suspirant gemitus, indignarique verentur.

At non magnanimi virtus Stilichonis eodem
Fracta metu: medio solus sed turbine rerum 260
Contra letiferos rictus, contraque rapacem
Mouit tela feram, volucris non praepete cursu
Vectus equi, non Pegaseis adiutus habenis.
Hic cunctis optata quies, hic sola pericli (265
Turris erat, clipeusque truce[m] porrectus in hostem.

occultum esset, quos tandem
odisset, itaque libi quisque
timebat. Pro *omnes* Heinſius
mauult *amens*. *Sepultos ge-*
mitus, oppressos neque pro-
deuntes. *Suspirant* h. l. vim
actiuam habere, Burmannus
iam notauit. cf. Brouk. ad
Tibull. l. 7. 41. Omnes in-
gemiscebant, sed ita vt ge-
mitus non exaudirentur. *ve-*
rentur sc. delatorum metu.
cf. Lucan. ll. 257 seqq.

v. 259 seqq. Cum Rufino,
quem deterrimis vitiis iniqui-
tatum crudelissimumque ty-
rannum descripsit, comparat
iam Stilichonem, qui omni-
bus metu deiectis solus istius
furori restitit, miserisque por-
tus et ara fuit, ita, vt omnes
antiquitatis heroas, quos
fama tantopere celebrauit,
longe superaret. Illi enim
deorum auxilio tuti ab hoste
plerumque erant, Stilicho
sola virtute et constantia fre-
tus hostem excepit et pro-
fligauit, remque publicam
seruauit. Haec omni arte
adhibita, quam declamandi
ratio suppeditare poterat,

elata sunt, ipsaque dictio
versuumque pompa indicat,
quanto cum studio Stilichonis
laudes poeta ornarit.

v. 259-263. Stilicho metu
non fractus, vt Bellerophon
contra chimaeram, sic contra
Rufinum, belluam ferocissi-
mam, pugnavit, verum non
vt ille Pegaso vectus i. e. ab
hostili impetu tutus. cf. Apol-
lodor. ll. 3. 1. ibi v. Heyne
Pegaseis habenis adiutus,
quibus flectere posset Pega-
sum, quo vellet, ad impetum
Chimaerae declinandum et
ad eam inuadendam.

v. 265. *Turris erat*. Sic
Graeci passim. Euripid. Alcest.
312. καὶ παῖς μὲν ἄρσην πα-
τέρ' ἔχει πύργον μέγαν. Med.
390. ἦν μὲν τις ἡμῖν πύργος
ἀσφαλὴς Φανῇ ibi v. Schol. So-
phocl. Oedip. Tyrann. 1200.
θανάτων δ' ἐμὰ χεῖρα πύργος
ἀνέστας. *clipeus proiectus*.
Clipeus proiectus dicitur,
quum hosti obiectus est. Liv.
VII. 10. apud Graecos προ-
βάλλεσθαι absolute Xenoph.
Cyrop. ll. 3. 10.

Hic profugis sedes, aduersaque signa furori,
 Seruandis hic castra bonis. Hucusque minatus
 Haerebat, retroque fuga cedebat inertī.
 Haud secus hiberno tumidus cum vortice torrens,
 Saxa rotat, volvitque nemus, pontesque reuellit, 270
 Frangitur obiectu scopuli, quaerensque meatum
 Spumat, et illisa montem circumtonat vnda.
 Qua dignum te laude feram, qui paene ruenti,
 Lapsuroque tuos humeros obieceris orbi?
 Te nobis trepidae ceu sidus dulce carinae 276
 Ostendere Dei, geminis quae lassa procellis

v. 266. *sedes*, vbi domici-
 lium ponere atque in tuto
 esse poterant. *aduersa signa*.
 praelidum signa in hostem
 inferens eique resistens.

v. 267. 268. *hucusque mi-
 natus Haerebat*. Usque ad
 Stilichonem insecutus est ho-
 mines, quo viso haesit, im-
 petu eius auctoritate huius
 viri quasi retuso. *inerti*,
 ignaua.

v. 269 seq. Hac compara-
 tione saepe vsi sunt poetae.
 cf. Lucret. I. 282 seqq. Valer.
 Flacc. VI. 632 seqq. Stat.
 Theb. III. 671 seqq. Sil. Italic.
 IV. 520 seqq. Quint. Calab.
 X. 171 seqq. et quae praeterea
 ad Sil. laudat Ruperti.

v. 270. 272. Versus ipsi
 exprimunt vim rapidi flu-
 minis omnia secum abripien-
 tem, eius adpullum ad sco-
 pulos tumultumque circa mo-
 lem cursum morantem.

v. 274. *humeros obieceris*.
 Burmannus proponere vide-
 tur *subieceris*. Virgil. Aen.
 II. 721. Prius h. l. praestat.

Est enim sermo de *paene
 ruenti lapsuroque orbe*, ni
 fulciatur. Petitum hoc a re
 iam inclinata, quae humero
 obiecto sustentatur et in pri-
 stinam sedem reprimatur.
Subiiciuntur autem humeri
 rebus, quae portandae sunt.

v. 275. *sidus dulce* Castoris
 et Pollucis intelligo, quorum
 stellae salutares erant nautis.
 cf. Horat. od. I. 12 25 seqq.
 Nihil tamen impedit, quo-
 minus aliud intelligas. cf.
 Quint. Calab. II. 102 seqq.

v. 276. *geminis procellis*.
 Delrius procellas vndarum et
 venti intelligit, quod Bur-
 mannus probat, laudatque
 Ovid. Heroid. II. 35. et No-
 strum XXVIII. 140. Gesnerus
 fluctus intelligit per vices
 vtrumque latus navis ferien-
 tes. Equidem procellas duo-
 rum ventorum sibi contrario-
 rum intelligo, quas poetae
 saepe inducere solent secuti
 memorabilem locum Homer.
 Odyss. 2. 330 seqq. cf. Valer.
 Flacc. I. 639 seqq. Sil. Italic.

Tunditur, et victo trahitur iam caeca magistro.
 Inachus rubro perhibetur in aequore Perseus
 Neptuni domuisse pecus, sed tutior alis:
 Te non penna vehit. Rigida cum Gorgone Perseus: 280
 Tu non viperae defensus crine Medusae.
 Illum vilis amor suspensae virginis egit:
 Te Romana salus. Taceat superata vetustas;
 Herculeos conferre tuis iam desinat actus.
 Vna Cleonaeum pascebat silua leonem; 285

XVII. 268 seq. *Talia dum macret, diuersis flatibus acta In geminum ruit vnda latus, puppimque sub atris Aequoris aggeribus tenuit ceu turbine mersam.* adde Horat. epod. X. 3 seq. Lucan. V. 570. *Nostrum* XXIX. 203 seq.

v. 277. *coeca* nullius consilio recta. *victo magistro* arte magistri seu gubernatoris tempestatis vehementia victa, qui nauem vndis et ventis reliquit.

v. 278. *Inachus Perseus.* Princeps generis fuerat Inachus. *rubro in aequore.* Barthius, quem Gesnerus sequitur, ad naturalem maris in his locis colorem hoc videtur referre auctoritate nitens Manilii V. 548, ubi tamen *infecti* legit pro *infesti*, quod verius est. *rubro* h. l. est tincto cruore belluae. Rem narrat Ovid. Met. IV. 662 sqq. et Manil. V. 537 seqq. qui 602 seq. de bellua dicit: *Efflat et in coelum pelagus, mergitque volentem Sanguineis vndis pontumque extollit in astra.* cf. Valer. Flacc. II. 540 seqq.

v. 279. *Neptuni pecus* pistricem seu cetum. Sic Horat. od. I. 2. 7. ibi v. Jani. *alis* Mercurii talaribus.

v. 280. *rigida*, cuius aspectu homines in lapides mutabantur.

v. 282. *vilis* si eum cum salute Romana compares. *virginis*, Andromachae. alii legunt *coniugis*, quod aequale locum potest habere. cf. Broukh. ad Tibull. III. 11. 4. *suspensae*, ad rupes adligatae. *egit*, adduxit, ut liberationem virginis susci-peret.

v. 283 seqq. Iam Herculis labores cum rebus gestis Stilichonis comparat ita, ut hunc illo superiorem fuisse demonstret. In illis laboribus recensendis poetae recentiores saepe luxuriati sunt, saepe inepti et frigidi fuerunt, ut Sidon. Apollin. IX. 91 seqq.

v. 284. *actus*, labores, res gestas. Valer. Flacc. II. 5.

v. 285. *Cleonaeum leonem*, vulgo *véμεον*. seu *νεμεάιον*. Nam Cleone seu Cleonae oppidum Argol. non longe a

Arcadiae saltum vastabat dentibus vnum
 Saeuus aper; tuque o compressa matre rebellis
 Non vltra Libyae fines, Antae, nocebas;
 Solaque fulmineo resonabat Creta iuuenco,
 Lernaemque virens obsederat hydra paludem: 290
 Hoc monstrum non vna palus, non vna tremebat
 Insula, sed Latia quidquid ditione subactum
 Viuit, et a primis Ganges horrebat Iberis.
 Hoc neque Geryones triplex, nec turbidus Orci
 Ianitor aequabunt, nec si concurrat in vnum 295
 Vis Hydrae, Scyllaeque fames, et flamma Chimaerae.
 Certamen sublime diu, sed moribus impar

filua Nemea. Fabulam narrat Apollod. II. 4. 10.

v. 287. *Saeuus aper* ἑρμῆς καὶ πρῶτος. Apollod. II. 5. 7. *compressa matre rebellis*. De pugna Herculis cum Antaeo v. Apollod. II. 5. 11. Pindar. Pyth. IX. 185. et Lucan. IV. 598 seqq. *rebellis* is est, qui victus arma rursus sumit. Hic Antaeus humi deiectus (*compressa matre*) ab Hercule, *noua alimenta*, vt ait Ovid. Met. IX. 183, virium accipiebat a terra, pugnamque semper cum Hercule iterabat. cf. Ovid. l. c. 81.

v. 289. *fulmineo iuuenco*. Cretae taurus intelligitur, Lucret. V. 26, quem Hercules interfecit Pausan. I. 27. 9. Quint. Calab. VI. 237 seqq. *fulmineo*, πυρπνοῦ.

v. 290. *Hydra* Apollod. II. 5. 2. *virens* solemne venenatorum epith. Horat. od. I. 17. 8.

v. 291. *Hoc monstrum*, Rufinum.

v. 293. *a primis Ganges Iiberis* pro: quotquot eas terras incolunt, quae ab occidente ad orientem porriguntur.

v. 294. *Geryones triplex*. Apollodor. II. 5. 10 seqq. Cum toto hoc loco compara Horat. od. IV. 4. 61 seqq.

v. 295. *Orci ianitor* Cerberus. Apollod. II. 5. 12. *turbidus* explicatur a Sil. Italic. II. 551 seqq. v. ibi Ruperti.

v. 296. *fames*, qua absorbet omnia. cf. Broukh. ad Tibull. IV. 1. 74. *vorax* dicitur a Catull. LXIV. 156. et ab Ovid. in Ib. 387. *flamma Chimaerae*, a Virgil. Aen. VI. 288. *flammis armata* vocatur. vid. ibi Seruium et Ovid. Met. IX. 646 seq. cf. Homer. Il. 2. 180 sqq. Hesiod. Gener. D. 319 seqq. Lucret. V. 902 seqq.

v. 297. *Certamen sublime diu*. Barthius ait, *certamen* hoc *sublime* dici, quod ad clauos reipublicae gestum sit

Virtutum, scelerumque fuit. Iugulare minatur;
 Tu prohibes; ditem spoliat: tu reddis egenti;
 Eruit: instauras; accendit proelia: vincis. 300

Ac velut infecto morbus crudefcere coelo
 Incipiens primos pecudum depascitur artus;
 Mox populos vrbesque rapit, ventisque perustis
 Corruptos Stygiam pestem defudat in amnes:
 Sic audus praedo iam non per singula saeuit, 305
 Sed sceptris inferre minas, omnique peremto
 Milite, Romanas ardet prosternere vires.
 Iam gentes Istrumque mouet, Scythiamque receptat

omnium animis in euentum erectis. Loca, quae laudat, huc parum faciunt. Gesnerus ita dici putat, quia tamdiu sublime fuerit, quamdiu erigeret se vterque pugnantium vt galli gallinacei. Laudat Virgil. Aen. V. 426 seq. Sed *sublime* sine dubio vocari potest *certamen*, quod gerunt virtutes omnes contra omnia vitia, quum ab vtraque parte summis viribus summaque contentione pugnetur. *moribus impar* explicatur sequentibus, quatenus certamen erat inter homines moribus dispares, quorum alter omnia enertere alter euerfa restituere studebat.

v. 301 seq. De ortu et progressu pestis cf. Homer. Il. α. 41 seqq. Lucret. VI. 1136 seqq. Virgil. Georg. III. 474 seqq. Ovid. Met. VII. 528 seqq. Senec. Oedip. 133 seqq. Sil. Italic. XIV. 582 seqq. *infecto coelo* aere corrupto.

v. 302. *depascitur pecudum artus*, pro: pecudes

interimit; sed illud morbo tabido aptius.

v. 303. *ventisque perustis*. Austris calidis.

v. 304. *pestem defudat in amnes*, peste inficit amnes. Proprie aestus ipse corrumpit aquas stagnantes, earumque exhalationes aërem inficiunt, pestilentemque reddunt. Ovid. l. c. 533 seqq. *Constat et in fontes vitium venisse lacusque, Milliaque incultos serpentum multa per agros Errasse, atque suis fluuios temerasse venenis.*

v. 305. *per singula*, in singulos homines.

v. 306. 307. Excitat barbaros Rufinus, vt prouincias inuadant. Persuaserat enim sibi, in illis turbis quum maior exercitus cui non admodum gratus erat, pars periisset, facilius se rerum summa esse potiturum. *peremto milite*, barbaris illum obiciendo.

v. 308. *gentes Istrumque*, pro: gentes ad Istrum ha-

Auxilio, traditque suas hostilibus armis
 Reliquias. Mixtis descendit Sarmata Dacis, 310
 Et qui cornipedes in pocula vulnerat audax
 Massagetes, caesamque bibens Maeotida Alanus,
 Membraque qui ferro gaudet pinxisse Gelonus,
 Rufino collecta manus. Vetat ille domari,
 Innectitque moras, et congrua tempora differt 315

bitantes. *receptat*, quasi hospitio recipit. Cic. pro Milone. 19. *latronum occultator et receptator*. Liv. XXXIX. 17. *ne quis reciperet, celaret, ope vlla iunaret*. Haec Burmannus laudat.

v. 310. *reliquias*, i. e. ea, quae ipse non spoliauerat aut vastauerat, ea tradit perdenda hostibus barbaris. *Dacis*. *Daci* aspera ac dura gens trans Istrum habitans, semperque fines Romanos infestans, sub Augusto nondum debellata (Sueton. Aug. 8. Flor. IV. 12.) tandem sub Traiano subacta est. v. infra XXVIII. 334. *Sarmata*. *Sarmatae* circa ea loca habitabant, quae Polonia olim complectebatur.

v. 311. 312. *Massagetes*. cf. la Cerda ad Virgil. Georg. III. 463. Burmann. ad Valer. Flacc II. 157. *Massagetae* inclyta Scythiae orientalis gens, Parthis vicina. Herod. II. 201. Sanguinem equinum in deliciis habebant. *in pocula* i. e. potandi causa. *Alanus*. *Alani* etiam Scythiae populus bellicosissimus circa Maeotim habitans. interpp. ad Lucan. VIII. 223. ed. Oudendorp.

caesam. Glacies, qua Maeotis erat tecta, bipennibus erat caedenda et soluenda, ut potum sibi compararent. Ovid. Trist. III. 10. 21 seqq. Stat. Theb. XII. 525 seqq. cf. infra XXXV. 65 seq.

v. 313. *Membraque qui ferro — Gelonus*. Colorem cuti ferrea acu punctae vel inurebant vel inungebant ut multae barbarae gentes vel pulchritudinis, ut putant, gratia, vel ad culices arcendos, vel ad corpus contra frigus muniendum, vel ad terribiliorem adspectum sibi conciliandum. v. Heyne ad Virgil. Georg. II. 115. Sext. Empiric. III. 24.

v. 314. 315. In verbis nulla est difficultas, quaeritur tamen, quorsum haec spectent. Equidem iis accedo, qui ad Promotum a Rufino proditum haec trahunt. Ille equestribus copiis praeerat, eiusque maxime opera barbari, qui provincias inuaseraut, erant repulsi. Quum igitur de Imperatore tam bene meritus esset, arrogantiam Rufini ferre non poterat, eique in concilio publico superbienti colaphum infregit. Quam con-

Nam tua quum Geticas firauisset dextra cateruas,
 Vltima Ducis socii letum, parsque vna maneret
 Debilior, facilisque capi: tunc impius ille
 Proditor imperii, coniuratusque Getarum
 Distulit instantes eluso principe pugnās, 320
 Hunnorum laturus opem, quos affore bello

tumeliam Rufinus vt vindicaret, impetrauit a Theodosio, vt Promotus continuo ad exercitum proficisci iuberetur, qui castra ad Danubium habebat. In illo itinere quum incidisset in barbarorum insidias, quas Rufinus ei straxerat, occisus est. v. Zosim. IV. 51. Hac caede ducis quum barbari ferociores essent facti, insolentiusque se gererent, Stilicho missus est, qui animos illorum contunderet. Sed quum totam Bastarnarum gentem posset delere, Rufini fraude a Theodosio iussus est bellum omittere. Haec colligi possunt ex XXI. 95 seq. Quemadmodum autem singula gesta sint, memoriae non est proditum. *domari* sc. barbaros. *congrua tempora*, opportunitatem barbaros debellandi. Haec explicantur per sequentia.

v. 316. *Nam tua quum Geticas* cet. cf. XXI. 106 seqq. Quando hoc acciderit, non liquet, neque alii scriptores, quod equidem sciam, huius cladis mentionem faciunt, quae illata Getis debet esse, antequam ad bellum contra Eugenium Theodosius proficisceretur.

v. 317. 319. *ducis*, Promoti. Genitiv. *Getarum* pendet a sequenti *pugnās* et *coniuratus* absolute positum est, vt infra XXVI. 49.

v. 320. *Distulit* — *pugnās*. Qua ratione hoc factum sit ignoratur. Probabile est, de industria Claudianum haec tantum significasse, non quidem propterea, quia aequalibus notissima deberent esse; nam quae vel ad laudem Stilichonis vel ad infamiam Rufini pertineant, ea solet copiose exponere siue nota sint omnibus nec ne. Verum ea, quae nutu tantum indicat, Theodosii gloriae vel eatenus poterant officere, quatenus sibi a Rufino imponi passus sit, id quod satis declarant verba *eluso Principe*.

v. 321. 322. *Distulit pugnās Getarum*, quibus deleri potuissent, vt illis opportunitatem procuraret Hunnorum auxiliis se muniendi, quos sciebat opem luros esse Getis adflictis. *laturus opem* sc. Getis, i. e. differenda clade facturum, vt auxilium illis ferri posset ab Hunnis. *coniungere* pro: coniuncturos esse. Ceterum v. 321. 322. vel intempestiue intrusi vel

Norat, et inuisis mox se coniungere castris.

inde nati esse videntur, quod, nescio quis, ad lacunam explendam, verba utcumque coniunxerit, quae antè verbis interiectis distarent. Varietas temporum adeo dura est, ut non excusari, nedum confirmari possit exemplo, quod ex Nostro Burmannus profert (XXII. 7.). Deinde sensus tolerabilis tantum ex illis verbis non elici, sed vi adhibita extorqueri potest, qui tamen, vel si sponte prodeat, parum hoc loco satisfacit. Caute quidem Claudianus loquitur, ut Theodosii memoriae parcat, quemadmodum supra monuimus, sed satius fuisset, vel omnino tacere, quam ea proloqui, quae, quorsum pertineant, quomodoque inter se cohaereant, nescias, etiamsi integram illius aevi historiam fortuna seruasset. Quae ego diuinare possum, haec sunt. Stilicho in eo erat, ut inclusos Getas occidione deleret. Hoc Rufinus metuens Hunnos excitat, qui ab alia parte prouincias Romanas inuadant, ac Theodosio persuadet, ut pace cum Getis subito facta in hostem magis timendum arma conuertat. Illico Stilicho iubetur foedere cum Getis icto contra Hunnos proficisci, quos exercitui Romano magnam cladem inlaturos esse Rufinus sperauerat, Quae res sane eum non

magnopere fefellit, ut ex silentio Claudiani ipso colligere possis. Hic enim liber finitur, dum adhuc bello contra Hunnos Stilicho detinetur. Megacra iubet Iustitiam ad prouinciarum vastationem adtendere. Illa contra praedicit, Rufinum olim daturum esse poenam proditoris suae, atque vel sepulchro cariturum. Mirum omnino est, nihil de exitu huius expeditionis contra Hunnos memoratum esse, nisi quod colligi potest ex v. 349 seq. quamquam Stilichonis laudandi vberriam materiam poeta inde arripere potuisset, etiamsi victoria non adeo splendida fuisset. Atque etiam est, quod magis mireris, nusquam alibi, si recte memini, ne in iis quidem libris, qui in consulatum Stilichonis inscripti sunt, Hunnorum mentionem fieri, nisi dicas, Chunos (XX. 338, et XXI. 110.) eosdem fuisse, quod tamen geographis non satis exploratum est (Mannert Geograph. d. Griech. u. Röm. T. IV. pag. 364.) et XXI. 110. Chuni inter eos populos referuntur, quibuscum Stilicho, quamquam eos extinguere potuisset inclusos, iussus pacem et foedus fecit. Nominantur V. 270. sed magis in memoriam cladis acceptae quam victoriae de illis reportatae. Quae quum ita

Est genus extremos Scythiae vergentis in brtus
 Trans gelidum Tanain, quo non famosius vllum
 Arctos alit. Turpes habitus; obscœnaque visu 325
 Corpora; mens duro nunquam cessura labori;
 Praeda cibus, vitanda Ceres, frontemque secari

sint, res contra Hunnos Stilichoni, quamquam Claudianus Martem locium ei adiunxit, non satis ex sententia cessisse videntur, sed pactione potius non admodum honorifica quam armis bellum esse finitum. Ceterum aliquo modo res a Rufino turbatas Stilichonis vel consilio vel armis pacatas fuisse, docet ipsa Theodosii contra Eugenium expeditio, quae alioquin suscipi non potuisset, atque haec ipsa forsitan in causa fuit, ut Stilicho cum Hunnis quavis ratione deciderit.

v. 323 seq. Sequitur Hunnorum descriptio, quacum comparandi sunt Ammian. Marcell. XXXI. 2. Sidon. Apollin. carm. II. 244 seqq. Zosim. IV. 20. Iornand. de reb. Get. 24.

v. 325. 326. *obscœnaque visu Corpora.* Ammian. Marcell. l. c. *prodigiosae formae, ut bipedes existimes bestias.*

v. 327. *Praeda cibus, vitanda Ceres.* Rapto viuebant, agrorum cultus non erat permissus. Ammian. M. l. c. *Nemo apud eos arat,*

git. frontemque secari Ludus. Hoc difficilem habet explicatum. Gesnerus existimat, *frontem* positum esse pro tota facie, imprimis pro genis et mento, interpretaturque illud ex Ammian. M. l. c. *Quoniam ab ipsis nascendi principiis infantum ferro sulcantur altius genae, ut pilorum vigor tempestivus emergens corrugatis cicatricibus hebetetur. Senescunt imberbes.* Verum hoc est extorquere sensum non elicere. Burmanno altera lectio placere videtur *fratresque necare Ludus*; laudat Lucan. VII. 182. et Nostr. supra 77. quibus tamen locis illa minime potest confirmari. Equidem puto pro *Ludus* scribendum esse *Luctus*, ut sensus sit: secando frontem luctum significant. Sidon. Apollin. carm. VII. 238 seqq. *Vulnere vel si quis plangit, cui flesse perisse est, Ac ferro perarasse genas, vultuque minaci Rubra cicatricum vestigia defodisse.* Herodot. IV. 71. memorat, Scythas regem suum mortuum ita solere lugere: τοῦ ὄρος ἀποτάμνονται, τρίχας περικρίονται, βραχίονας περιτάμνονται, μέτωπον καὶ ῥίνα καταμύσσουνται,

Ludus, et occisos pulchrum iurare parentes.
 Nec plus nubigenas duplex natura biformes
 Cognatis aptauit equis. Acerrima nullo 330
 Ordine mobilitas, insperatique recursus.
 Quos tamen impavidus contra spumantis ad Hebri
 Tendis aquas, sic ante tubas ferrumque precatus:
 Mauors, nubifero seu tu procumbis in Haemo,
 Seu te cana gelu Rhodope, seu remige Medo 335

διὰ τῆς τε ἀριστερῆς χειρὸς
 οἱστούς διαβυβέονται.

v. 328. *et occisos pulchrum iurare parentes.* Patres senio adfectos ac viribus defectos a liberis occisos esse notum est ex Herodot. I. 216. de Massagetis. cf. quae Fabricius laudat ad Sext. Empiric. Pyrrh. Hyp. II. 24. Ex verbis ipsis duplex sensus oritur, vel: pulchrum ducunt iurare, parentes a se esse interfectos, beneficium hoc collatum esse a se in parentes; vel: pulchrum ducunt iurare per parentes interfectos. Posterior mihi magis placet. cf. Valer. Flacc. VI. 122 seqq. qui idem de Iazygibus memorat, quorum dux Gefander manes interfecti a se parentis sic implorare inducitur v. 288 seqq. *Sancte mihi Vorapte pater, tua pectora nato Suggere nunc animamque parem; si fata peroso Tarda tibi turpesque moras non segnius ipsi Paruimus.* Ceterum idem fere orationis color est apud Stat. Theb. II. 85 seqq.

v. 329. *nubigenas biformes, Centauros.* cf. Virgil.

Aen. VII. 674 seqq. Eadem fere dicit Ammian. Marcell. I. c. *Verum equis prope adfixi duris quidem sed deformibus, et muliebriter iisdem nonnumquam infidentes, funguntur muneribus consuetis.*

v. 332 seqq. Contra illos Hunnos, qui Thraciam invaserant, Marte prius in auxilium vocato, tendit Stilicho, iisque magnam cladem infert. Sed ne haec quidem, quando et quemadmodum gesta sint, ex annalium monumentis, quibus quidem tempus pepercit, satis nota sunt.

v. 333. *ante tubas ferrumque, ante pugnam.*

v. 334. *seu — seu. εἴτε — εἴτε.* Theocrit. I. 123 seqq. infra XXIV. 208 seqq. Stat. Silv. III. I. 23 seqq. *procumbis,* quietem et cellationem Martis designat. cf. Nostr. I. 120, IV. 17 seqq. Stat. Theb. VII. 40 seqq. v. infra 340 seqq.

v. 335. *cana gelu.* Theocrit. VII. 76 seqq. *Εὐτε χιῶν ὥς τις κατέχευτο μακρὸν ὑφ' Αἰμον ἢ Ἀἰῶ ἢ Ροδόπαν ἢ Καύκασον ἐσχατὸντα.*

Sollicitatus Athos, seu caligantia nigris
 Illicibus Pangaea tenent, accingere mecum,
 Et Thracas defende tuos; si laetior adsit
 Gloria: vestita spoliis donabere quercu.

Audiit illa pater, scopulisque niualibus Haemi 340
 Surgit, et hortatur celeres clamore ministros:
 Fer galeam, Bellona, mihi, nexusque rotarum
 Tende, Pauor; frena rapidos, Formido, iugales.
 Festinas vrgete manus. Meus ecce paratur
 Ad bellum Stilicho, qui me de more tropaeis 345
 Ditat, et hostiles suspendit in arbore cristas.
 Communes semper litui, communia nobis
 Signa canunt, iunctoque sequor tentoria curru.

Sic fatus campo insiliit, lateque fugatas
 Hinc Stilicho turmas, illinc Gradius agebant 350
 Et clipeis et mole pares. Stat cassis utrique

v. 336. *Sollicitatus Athos.* Rem narrat Herodot. VII. 21. cf. Iuuenal. X. 173 seqq.

v. 337. *Pangaea.* *Pangaeus* Thraciae mons.

v. 338. *Thraca* tuos. Thracia sedes Martis propria. Homer. Odyss. 9. 361. Virgil. Aen. III. 13. Sil. Italic. I. 433. Eius domum describit Stat. Theb. VII. 40 seqq.

v. 339. *vestita spoliis quercu.* tropaeo. cf. Virgil. Aen. XI. 5 seqq. Stat. Theb. II. 704 seqq.

v. 342 seq. *Fer galeam* cet. De armis et insignibus Martis v. Sil. Italic. IV. 430 seqq. Stat. Theb. III. 424 seqq. Callimach. H. in Del. 64. et 136. ibi Spanh. *nexusque rotarum Tende.* Barthii opinionem, nexus rotarum esse paraxonium vel embolodeten, de quo Schessl. d. re Veh. I. 5,

reprobat Burmannus, quia de illo, quum clauus sit, qui extremitati axis iniicitur, non possit dici *tendi*. Ipse quid sentiat, parum explicite exprimit. Gesnerus funes intelligit axibus illigatos, id sibi antiqua monumenta declarare videntur.

v. 343. *Pauor.* *Formido,* *δειμος* et *φόβος* alias Martis sunt equi. Homer. II. 8. 439. Valer. Flacc. III. 89. Secundum alios eius filii cf. Eust. ad Hom. l. c. et Burmann. ad Valer. Flacc. II. 204.

v. 344. *Festinas vrgete manus.* simpl. pro: prope-
rate. *paratur*, parat se.

v. 346. v. supra ad 341.

v. 348. *iunctoque sequor* cet. eius sum commilito.

v. 351. *Et clipeis et mole pares.* Iisdem armis indu-

Sidereis hirsuta iubis, loricaque cursu
 Aestuât, et largo satiatur vulnere cornus,
 Acrior interea voto, multoque Megaera
 Luxuriata malo, maestam deprendit in arce 355
 Iustitiam, diroque prior sic ore laceffit:

En tibi prisca quies, reuocataque secula rursus,
 Vt rebare, vigent. En nostra potentia cessit,
 Nec locus est vsquam Furiis. Huc lumina flecte.
 Adspice barbaricis iaceant quot moenia flammis; 360
 Quas mihi Rufinus strages, quantumque cruoris
 Praebeat, et quantis epulentur caedibus hydri.
 Linque homines, sortemque meam; pete sidera; notis
 Autumni te redde plagis, qua vergit in Ausrum
 Signifer, aestiuo sedes vicina Leoni. 365

tus erat Stilicho, quibus
 Mars, eademque erat statura
 et corporis habitu. Virgil.
 Aen. XII. 161. *stat pro: est,*
 vt saepius.

v. 352. *Sidereis hirsuta
 comis.* Instar siderum fulgo-
 rem emittens. Sic Barth.
 qui laudat Virgil. Aen. X.
 270 seq. Potest quoque de
 niueis iubis seu cristis intel-
 ligi Sil. Italic. IV. 13 seq. Stat.
 Theb. IV. 129 seq. Gesnerus
 imaginem putat esse cristae
 in altum et velut versus si-
 dera erectae. Minus bene.

v. 353. *Aestuât*, sudore
 perfunditur. Heins. praefert
cursum aestuat, quod procul
 dubio elegantius est. *satiatur*.
 Hasta saepius dicitur
fitire cruorem, *satiari* cruo-
 re, *libare*, *delibare* sangui-
 nem cet. v. Ruperti ad Sil.
 Italic. V. 274.

v. 354 seqq. Megaera cae-
 dibus et incendiis, quae per

Rufinum vbique fecerat, in-
 solentior facta Iustitiae insul-
 tat vltroque eam laceffit. Vel
 ex hoc colligi posse videtur,
 victoriam a Stilichone de
 Hunnis reportatam adeo
 splendidam non fuisse. Ne-
 que Iustitia in iis, quae re-
 ponit, victoriae magnitudine
 se solatur propter mala im-
 perio a barbaris illata, sed
 spe tantum Honorii, cuius
 imperio, fuis atque subactis
 hostibus, aetas aurea reditura
 sit. *voto*, rerum successu pro-
 spero.

v. 355. *Luxuriata*, ga-
 visa. Ovid. Trist. V. 1. 44.
 A. A. II. 437. *arce* Aulae im-
 peratoriae.

v. 357. *secula* sc. aurea.

v. 360. *iaceant*, vastata sunt.

v. 363. *sortem*, pro eo po-
 situm, quod sorte obtigit. h. l.
 regnum, dominium, terras.

v. 364. 365. Redde te sedi-
 tuae consuetae, quae est in-

Iam pridem geminaeque vacant confinia Librae,
Atque utinam per magna sequi conuexa liceret.

Diua refert: Non ulterius bacchabere demens.
Iam poenas tuus ille dabit; iam debitus ultor
Imminet, et terras qui nunc, ipsumque fatigat 370
Aethera, nec vili moriens condetur arena.
Iamque aderit laeto promissus Honorius aevo,

ter Libram et Leonem, in quo Librae signo sol versatur autumnii tempore, quando in zodiaco procedens per aequatorem transit, australique plagae adpropinquare coepit. Ceterum sponte adparet causa, cur in Librae vicinia Iustitiae sedes sit collocata.

v. 369. *tuus iste*, ignominiose dictum, aut per contemptum. v. Ovid. Amor. I. 8. 57. *debitus* a fatis et diis destinatus. Burmann. ad Valer. Flacc. V. 21.

v. 370. *fatigat* h. l. turbat.

v. 371. *nec vili moriens c. a.* Is ne vilissimo quidem terrae munere mortuus honorabitur.

v. 372. *promissus* tamquam oraculis et sorte deorum. Valer. Flacc. II. 486. Sed quid hoc sibi vult? Carmen hoc scriptum videtur non diu post Theodosii M. mortem, quum iam dissidium inter Stilichonem et Rufinum ortum esset, quod ille totius imperii curam et utriusque filii tutelam a Theodosio moribundo sibi demandatam esse contenderet, ille autem contra Arcadii et Orientis tutelam sibi vindicaret. Atque forsan

tum scriptum est, quum pacatis Germanis gentibus Stilicho se adringeret ad ea sibi armis vindicanda, quae, ut prae se ferebat, iure sibi negari non possent. Hoc elucere puto ex v. 371, ubi poeta Iustitiam Rufino ea praedicentem inducit, quae, ut legimus in sequenti libro, euentum quodammodo habuere, nisi existimes, et hunc librum exaratum esse post Rufini caedem. Cui tamen opinioni inter alia etiam hoc obstat, quod hic liber cum sequenti minime cohaeret, sed ambo ita adornati sunt, ut vterque per se consistat totumque efficiat, adeo, ut diuersis temporibus et concinnati et oblatis seu recitati videantur, id quod iam Gesnerus animaduertit. An non autem postea praesertim in hoc libro quaedam ab auctore addita, nonnullaque reficta sint, ut diuinasse videretur in primo, quae accidisse memorat in altero, ut ambo vnum quasi opus continuum absoluerent fata Rufini ordine complectens, alia est quaestio, cuius solutio meris tantum coniecturis niti potest, quae nec

Nec forti genitore minor, nec fratre corusco,
 Qui subigat Medos, qui cuspide proterat Indos.
 Sub iuga venturi reges. Calcabitur asper 375
 Phasis equo, pontemque pati cogetur Araxes.
 Tuque simul grauibus ferri religata catenis
 Expellere die, debellatasque draconum

loci huius sunt nec temporis. Nisi autem cogitas, poetam iam animo videre, Stilichonem cum Honorio Constantinopolim profectum et totius imperii administrationem caelo Rufino vindicatum, reliqua intelligi nequeunt. Hoc autem ut statuere possis, necesse est simul ut statuas, hoc consilium a Stilichonis animo minime fuisse alienum, sed postea variis rebus, quae vel prouideri vel cauere non potuerint, perturbatum. Summam rerum seu totius imperii regimen Stilichonem adfectasse, patet ex V. 5 seq. VII. 151 seqq. Atque, si Arcadio Orientis curam, Occidentis Honorio iam tum demandatam putasset, quid Honorio h. l. cum Medis et Indis negotii futurum esse posset? Hoc igitur Claudianus cogitasse putandus est, Germanis gentibus pacatis Stilichonem cum Honorio in Orientem esse profecturum, fratresque, Rufino interfecto, communi consilio et Stilichone moderante, orbem terrarum recturos, atque sic, Persis quoque et Indis debellatis quum nullus hostis iam timendus sit, au-

ream aetatem esse redituram. Hoc si statuas, v. 373 *fratre corusco* de Arcadio possis explicare.

v. 373. *forti genitore.* Theodosio. *fratre.* Arcadio. *corusco*, glorioso illustri.

v. 374. *proterat*, subigat. *cuspide* hasta.

v. 375. 376. *calcabitur* sc. ponte iunctus, seu, quod melius videtur, gelu concretus. Lucan. II. 585. habet: *gelidae Phasidos undae*. Huc quoque spectare videtur epithet. *asper*. cf. Valer. Flacc. I. 512 seq. et VII. 230. *pontemque pati* cct. Bene Gesnerus monet, h. l. adludi ad Virgil. Aen. VIII. 728. *pontem indignatus Araxes*. cf. Stat. Silv. I. 4. 79.

v. 377. *ferri catenis* pro: ferreis catenis.

v. 378. *die*, e locis superis. Detruderis ad inferos. *tonsa comas debellatas draconum*. Bello superati fingeantur semper comis tonsis, quia habitus hic seruorum erat. v. Burmann. ad Propert. IV. 9. 38. *Draconum comae* sunt hydri, ceraestae, serpentes in Furiae capite. *barathri recessu* i. e. imo barathro.

Tonfa iubas imo Barathri condere recessu.
 Tum tellus communis erit; tum limite nullo 380
 Discernetur ager; nec vomere sulcus adunco
 Findetur; subitis messor gaudebit aristis.
 Rorabunt querceta fauis; stagnantia passim
 Vina fluent, oleique lacus; nec murice tinctis
 Velleribus quaeretur honos, sed sponte rubebunt 385
 Attonito pastore greges, Pontumque per omnem
 Ridebunt virides gemmis nascentibus algae.

v. 380. Sequitur aureae
 aetatis recurrentis descriptio.
 Comparentur Hesiod. Op. et
 D. 108 seqq. Ovid. Met. I.
 89 seqq. Tibull. I. 3. Senec.
 Hipp. 525 sqq. Octav. 397 sqq.
 la Cerda ad Virgil. Eclog. IV.

v. 381. *subitis*, subito,
 sponte natis.

v. 383. *Rorabunt querceta
 fauis*. Quercus stillabunt mel.

v. 385. *nec murice tinctis
 Velleribus quaeretur honos*.

Nec arte conciliabitur lanae
 color purpureus. *murice tin-*
ctis pro: tingendo vellera
 murice. Hunc sensum esse
 debere, ex opposito patere
 videtur. *sed sponte rubebunt*
 cf. Virgil. Eclog. IV. 45. lu-
 venal. XII. 40 seq.

v. 387. *Ridebunt*. Propter
 adspectum laetum. *gemmis
 nascentibus* Propert. I. 2. 13.
*Litora natiucs per se dant
 picta lapillos*.

IV.

CL. CLAUDIANI
IN RVFINVM
LIBRI II.

PRAEFATIO.

ARGVMENTVM.

Hortatur poeta in praefatione Musas et Apollinem, quum iam Helicon liber sit ab hostili strepitu, ad Stilichonem ornandum, a quo defensi sint; ipsumque Stilichonem excitat, ut, parte otio et tranquillitate, carminibus aures vacuas praebet exemplum Martis secutus.

Pandite defensum reduces Heliconae sorores,

COMMENTARIVS.

Hanc praefationem alii bello Gildonico praefigendam censent. Quin Barthius existimat, eam ad aliquem ex libris deperditis pertinere. Quamquam haec res, quum ordo carminum in libris scriptis diuersus sit, neque ex ratione carminis ipsius, tam parum finita, quidquam colligas, ad liquidum perducere fortasse nequeat: hoc tamen facile euinci posse videtur, illud neque ad librum secundum in Rufinum, neque ad bellum Gildonicum pertinere.

v. 1. *Pandite Heliconae.* Poeta furore correptus videtur sibi in Musarum sedibus versari, earum choris interesse cantusque audire, eaque, quae sibi audiuisse videtur, narrat seu repetit ceteris. Ut animo igitur videat Heliconae, mente opus est ardore quodam agitata, qui non nisi Musarum adflatu seu instinctu contingere solet. Musae itaque dici possunt *pandere Heliconae*, quatenus ab iis mens poetae ita exaltatur, ut sibi persuadeat, Heliconem oculis videre, atque in sacra-

Pandite; permissis iam licet ire choris.
 Nulla per Aonios hostilis buccina campos
 Carmina mugitu deteriore vetat.
 Tu quoque, securis pulsa formidine Delphis, 5
 Floribus ultorem, Delie, cinge tuum.
 Nullus Castalios latices et praescia fati
 Flumina polluto Barbarus ore bibit.
 Alpheus late rubuit, Siculumque per aequor
 Sanguineas belli rettulit vnda notas. 10

tis Musarum sedibus versari. Quapropter saepius illa dictione poetae vtuntur pro: adflate me vestro diuino numine, aut: adeste mihi, commemorate, *ἀπτερε μὴ*, cf. Heyne ad Virgil. Aen. VII. 641. *reduces*, quae nempe timore bellico sedibus suis fuerant pulsae. *defensum*, hostibus suis fugatisque.

v. 2. *permissis*, ab hostibus non perturbatis. Sed quum *permissis* iam lateat in *licet*, alterutrum mihi suspectum esset, nisi vel apud optimos quosque poetas hoc pleonasmum genus inueniretur. Ceterum antiquitus Musae cogitabantur choros ducere in Helicone. Hesiod. Theog. 3, iisque poetae interesse Propert. III. 1. 54. et 3. 41 seq.

v. 3. *Aonios campos*. Ab Aonibus, qui Heliconem primi incolebant. Inde Musae quoque vocantur *Aoniae sorores*. cf. Heyne ad Virgil. Georg. III. 13. Ruperti ad Sil. Italic. VIII. 594.

v. 4. *mugitu*. Virgil. Aen. VIII. 526. Sensus: nulla buc-

cina iam obstrepat cantui, nec vis bellica Musas expellit.

v. 5. *securis*, nunc et in posterum.

v. 6. *Floribus ultorem* — *cinge tuum*. i. e. victoris laudes cane, carmine eum celebra. Nam *flores*, *corona*, saepe pro carmine ponuntur, Musaeque dicuntur *nectere coronam alicui*, quando eum carmine celebrant. Pindar. Pyth. VIII 27 seq. Iani ad Horat. od. I. 26. 7 seqq.

v. 7: 8. *Castalios latices*. vniuerse pro Musarum fontibus. *praescia fati*. v. ad Pers. prolog. Dicebantur illi fontes hibentibus futuri praesciendi vim praebere, praecipue Castalia. *polluto*, profano, contaminato.

v. 9. *Alpheus*. Elidis in Peloponneso fluuius, cuius amores cum Arethusa, qui fons est Syracusis, noti sunt ex Mosch. Idyll. VII. Ovid. Met. V. 572 seqq. Stat. Silv. I. 2. 203 seqq.

v. 10. *vnda* sc. Alpei. *rettulit notas sanguineas belli per Siculum aequor*, quan-

Agnouitque nouos absens Arethusa triumphos,
Et Geticam sensit teste cruore necem.

Immensis, Stilicho, succedant otia curis,
Et nostrae patiens corda remitte lyrae.

Nec pudeat longos interrupisse labores,

Et tenuem Musis constituisse moram.

Fertur et indomitus tandem post proelia Mauors

Lassa per Odryfias fundere membra niues,

Oblitusque sui, posita clementior hasta,

Pieriis aures pacificare modis.

15

20

doquidem hic fluuius per
mare Siculum labi dicitur,
ita vt aquis marinis non mi-
sceatur, atque sic Arethusae
infundi.

v. 11. *absens*, a sede belli
remota.

v. 13. *curis* laboribus bel-
licis. Sensus: otio nunc te
tradas post ingentes labores.

v. 14. *corda remitte*, laxa
animum curis intentum, vt
carmini possit vacare in tuum
honorem compolito.

v. 16. *tenuem moram*, par-
uum temporis spatium.

v. 18. *fundere membra*. De
lasso, qui recumbit. v. Bur-
mann. ad Valer. Flacc. I. 252.
Odryfias v. supra ad III.
175.

v. 19. *oblitus sui* i. e. mo-
rum suorum, furere enim in
armis fere semper solet. *cle-
mentior* sc. solito.

v. 20. *pacificare*, mulcere,
delinire. Vfus autem est illa
voce poeta, quia aures Mar-
tis adfuetae erant clamoribus
bellicis, armorumque stre-
pitu semper personabant.

V.

CL. CLAVDIANI
I N R V F I N V M
LIBER II.

ARGVMENTVM.

Theodosio mortuo tutela utriusque filii rerumque publicarum cura Stilichoni demandata est v. 1—6. Rufinus et scelerum conscientia et cupiditate motus bellum rursus molitur, reputans secum, magna pericula, quam nullo praesidio munitus sit, ab omnium odio sibi impendere, statuitque, in rerum euersione solatium sibi esse quaerendum, potestatemque arreptam non nisi morte relinquendam. v. 7—21. Excitat rursus gentes barbaras, quarum incursionibus provinciae vastantur et imperium tot bellis quaesitum vno proditore paene euertitur. v. 22—53. Dum Constantinopolis obsidetur, ipse crudelitatem hostium laetus prospectat, gaudetque sibi soli ad hostes commoendi potestatem esse datam. Exit igitur subinde, sociis clientibusque stipatus, habituque Getico insignis. v. 54—85. Ciues interim ne hiscere quidem audent, calamitatem tamen tacite queruntur, omnibusque votis Stilichonem in auxilium arcessunt. v. 86—100. Stilicho, Occidente pacato, ineunte vere castra versus Orientem mouet. v. 101—123. Barbari statim castris munitis se includunt. v. 124—129. Quibus auditis Rufinus, timore perculsus, nescit, quid consilii capiat, summaque in anxietate versatur. v. 130—140. Recepto tamen animo Arcadium adit, docet, Stilichonem summam rerum adfectare, non sibi solum periculum creari, verum etiam Imperatori; quare iubeat illum Orientales copias remittere. Minis deinde additis edictum Arcadio extorquet. v. 141—170. Interim Stilicho castris hosti propius admotis copias instruit; milites eius omnes ardoris adeo pleni sunt, ut omni difficultate superata quemcunque hostem fudissent, Graeciamque ab igni ferroque defendissent. v. 171—193. Edicto adlato Stilicho obstupescit, dubitatque, utrum mandatis pareat, an coepta peragat; tandem modestia victus conuertit se ad deos, eosque rogat, si decreuissent genus humanum perdere, cur non maris fluctibus solisque radus, sed Rufino vtantur. Testatur, se inuitum arma deponere, militibusque mandata exponit. v. 194—219. Tunc milites tumultuantur, diuidique exercitum nolunt, exclamant, se belli cupidissimos esse, neque passuros, ut diuisione illa exercitus vires debilitentur; secuturos se esse Stilichonem, quocunque ab eo ducantur. v. 220—247. Verum Stilicho, ubi eos cohortatus est, ut mandatis pareant, castra cum suis

relinquit. v. 248—256. Exercitus pars duce orbata desiderium eius amoremque cum indignatione in Rufinum exprimit, cuius proditio- nem metuat, profiteturque, quamquam Stilichoni Occidentis provin- ciae sint demandatae, semper tamen se illum pro duce habiturum atque vindicaturum. v. 257—277. Quo facto miles tristis profi- ciscitur, clainque Rufino insidias parat. Consensus vero tantus fuit, ut nemo in itinere consilium initum proderet. v. 278—292. Rufi- nus nuncio adlato, Stilichonem cessisse mandatis, gloriatur, incen- dit clientes, insultat Stilichoni absenti, et, quum iam tutum se ab illius impetu existimet, epulas parari iubet, legiones corrumpere tentat, partemque regni sibi conciliare studet. v. 293—316. Verbis magnificis conscios in spem erigit. v. 317—323. Somno deinde capto videt per quietem caesorum umbras, quarum una ipsum com- pellat perque ambages interitum eius canit. v. 324—334. Luce orta Rufinus epulas parat, numos sua imagine cudi iubet, cultuque molli legiones salutatum procedit. v. 335—347. Ad Constantinopolim exercitus consistit pulchre instructus. v. 348—365. Dum Rufinus praeeunte Arcadio milites salutat, collaudat et suos cuique saluos esse nunciat, cornua exercitus paulatim circumducta se iungunt. v. 366—380. Ille omnium ignarus urget Arcadium, ut se socium im- perii pro tribunali declaret. Sed statim auditur militum, qui gla- dios iam strinxerant, vox tyrannidem illi exprobrans, seruitiumque detrectans. v. 381—390. Dum stupet Rufinus rerum novitate ad- tonitus, unus militum eum gladio transfigit: quo facto a multitu- dine laceratur. v. 391—420. Quin ciues quoque ex urbe conuolan- tes laceratis membris insultant, caput hastae suffigunt, truncumque omni ludibrio adficiunt. v. 421—439. Inferitur adhortatio, ne quis fortunae adeo confidat, ut fiat insolens, sed Rufini exemplo sa- pere disceat. 440—453. Rufini umbra ad inferos proficiscens a cae- sorum umbris ad iudices adducitur. v. 454—465. Locus iam de- scribitur, ubi Minos fontes ab insontibus dirimit, Rhadamanthusque noxiis poenas infligit. Quibus rebus occupatus Rhadamanthus, quum umbram Rufini animaduertisset, graviter verbis eam corripit, et sceleribus exprobratis, gravissima supplicia ei dictat.

Iam post edomitas Alpes, defensaue regna
Hesperiae, merita complexus sede parentem
Auctior adiecto fulgebat sidere mundus;

COMMENTARIUS.

Hoc carmen a priori dis- iunctum esse adeo, ut totum per se conficiat, unusquis- que, vel nemine monente, agnoscat. Videtur quoque diuerso tempore et scriptum et recitatum esse.

v. 1. *post edomitas Alpes*

cet. Pertinet hoc ad res ge- stas Theodosii, qui Eugenium superauerat, et ad eiusdem Imperatoris apotheosin. De victoria de Eugenio reportata cf. Zosimum IV. 58.

v. 2. 3. *Hesperiae, Italiae, seu omnino Occidentis. Au-*

Iamque tuis, Stilicho, Romana potentia curis;
 Et rerum commissus apex. Tibi credita fratrum 5
 Vtraque maiestas, geminaeque exercitus aulae.
 Rufinus (neque enim patiuntur saeva quietem
 Crimina, pollutaeque negant arescere fauces)

etior adiecto fulgebat f. m.
 sc. Theodosio post mortem
 in deos relato, quum mor-
 tui Imperatores Romani in
 noua sidera transire crederen-
 tur, aut potius, adulandi eos
 eorumque posteros causa, di-
 cerentur. Inter Romanos
 fabulam de Iulio Caesare in
 stellam crinitam mutato expo-
 liuit Ovid. Met. XV. 843 sqq.
 Alia exempla v. apud Virgil.
 Georg. I. 24 seqq. de Au-
 gusto; Valer. Flacc. I. 15 sqq.
 de Vespasiano; Lucan. I. 45.
 de Nerone; Stat. Theb. I.
 22 seqq. de Domitiano, cet.
mundus h. l. est coelum. me-
rita sede, quam, vt aiebant,
 virtutibus sibi comparauerat.
 Est tamen a patribus ecclesiae
 magis quam ab aliis lauda-
 tus. v. Zosim. IV. 27. 28. *pa-*
rentem. In hoc verbo em-
 phasis latet, patrisque patriae
 vim h. l. habet. Ceterum
 Theodosii adscensus in coe-
 lum eleganter describitur a
 Nostro infra VII. 142 seqq.

v. 4. *Romana potentia*. im-
 perium Romanum.

v. 5. *rerum apex*, summa
 rerum, vt passim. cf. Horat.
 od. I. 34. 14.

v. 6. *Vtraque maiestas*.
 Claudianus ita rem narrat,
 tamquam Stilichoni soli Ar-

cadii et Honorii tutela de-
 mandata sit, quum contra
 Zosimus memoriae prodide-
 rit, ei Occidentis curam,
 Rufino Orientis esse traditam.
 Verum idem dicit (V. 4.) Sti-
 lichonem adfirmasse, sibi a
 Theodosio moribundo tute-
 lam vtriusque Imperatoris
 curamque totius imperii esse
 traditam. Interim ex Nostro
 ipso elucet, penes Rufinum
 curam Orientis fuisse, atque
 id saltem eum obtinuisse, vt
 Arcadii tutor haberetur. *ge-*
minaeque exercitus aulae.
 Quum enim Theodosius non
 multo post Eugenium debel-
 latum mortuus esset, Sti-
 licho, tutor Honorii, exer-
 citui praeerat, quo Theodo-
 sius in bello contra Euge-
 nium fuerat vsus, quique
 constabat ex copiis Orientis,
 quas secum duxerat ille Im-
 perator. His, bello civili con-
 fecto, additae erant copiae
 Occidentis, quae magnam
 partem in castris Eugenii mi-
 litauerant, ita vt totus exerci-
 tus nunc ex militibus Orien-
 tis et Occidentis constaret.

v. 8. *crimina*. v. supra III.
 220 seqq. *pollutaeque negant*
arescere fauces. *arescere* sc.
 siti. Reculant fauces siccitae
 esse, sitim tolerare nolunt.

Infandis iterum terras accendere bellis
 Inchoat, et solito pacem vexare tumultu. 10
 Haec etiam secum: Quanam ratione tuebor
 Spem vitae fragilem? qua tot depellere fluctus
 Arte queam? premor hinc odiis, hinc milite cingor.
 Heu quid agam? non arma mihi, non principis vllus
 Auxiliatur amor. Matura pericula surgunt 15
 Vndique, et impositi radiant ceruicibus enses.

Imago sumpta est a fera bel-
 lua. Lucan. I. 331 seq. IV.
 239 seq.

v. 9. *accendere bellis ter-
 ras.* Virgil. Aen. VII. 644.
quibus (Itala terra) *arserit*
armis. iterum. Nam semel
 iam barbaras gentes sollici-
 tauerat, vt prouincias ferro
 ignique inuaderent. Tunc
 enim existimabat, copiis regni
 pugnando adtritissimis, facilius,
 quae sibi proposuisset, per-
 fici posse, nam apud milites
 numquam fuisse gratiosus vi-
 detur, propterea, quia arti-
 bus aulae magis quam belli
 erat instructus. Nunc autem
 id agebat, vt barbarorum in-
 cursuionibus Arcadium timo-
 re perculsum cogeret, se in
 societatem regni adsumere.

v. 10. *pacem.* Ante ocu-
 los habuit Lucan. IV. 210.
solito tumultu. excitandis
 barbaris, vt prouincias in-
 vaderent.

v. 11. *spem vitae fragilem*
 vitae partem futuram, tot
 periculis obnoxiam. *fluctus,*
 mala cumulo ingruentia.

v. 13. *Premor hinc odiis.*
 Omnium Arcadii imperio sub-
 iectorum odio ob crudelita-

tem et auaritiam premeba-
 tur. *hinc milite cingor.* Re-
 spicit Stilichonem cum exer-
 citu, quo se iam circumuen-
 tum cogitat.

v. 15. *amor.* Ipsum Prin-
 cipem, secundum Claudia-
 num, infensum habebat. *ma-
 tura pericula,* iam impen-
 dentia, casura iam iam in ca-
 put meum. Lucan. I. 645.

v. 16. *impositi radiant cer-
 vicibus enses.* Impositus cer-
 vici potest esse ensis ita po-
 litus seu suspensus, vt cerui-
 cem seu collum tangat. *ra-
 diant,* quum motum ensis ex-
 primat, quo filum, cui aptus
 est gladius, facile potest rum-
 pi, periculum auget. Ipsum
impositi cum delectu posi-
 tum videtur; cum enim mu-
 cro collum paene tangat, en-
 sis, rupto filo delabens, a
 collo non aberrabit. Cete-
 rum cogitandus est habitus
 accumbentis caputque incli-
 nantis, nam sumtum hoc est
 a Damocle, cuius historia
 nota est cf. Horat. od. III.
 1. 17 seqq. et not. ad Pers.
 III. 40. Gesnero minus pro-
 batur Noster, nescire se ait,
 quomodo *impositi ceruicibus*

Quid restat, nisi cuncta nouo confundere luctu,
 Infantesque meae populos miscere ruinae?
 Euerso iuuat orbe mori. Solatia leto
 Exitium commune dabit, nec territus ante 20
 Descendam. Cum luce simul linquenda potestas.
 Haec fatus, ventis veluti si frena remittat
 Aeolus, abrupto gentes sic obiice fudit,
 Laxauitque viam bellis, et, ne qua maneret
 Immunis regio, cladem diuisit in orbem, 25
 Disposuitque nefas. Alii per terga ferocis
 Danubii solidata ruunt, expertaque remos

enses possint *radiare*, totumque languidum putat. Verrum *infesti*, quod proponit, tantam vim mihi habere non videtur, quam *impositi*, quod reiecit.

v. 17. *luctu*, calamitate.

v. 18. *Infantesque*. Inuidiam Rufino concitat.

v. 21. *Descendam* ex coniect. Burmanni. quum *descendam* cod. Leid. habeat. Descendere ii dicuntur, qui fastigium, in quo collocati sunt, relinquunt. cf. Lucan. I. 335 seq. Iuuenal. X. 112 seq. *Nec ante descendam* h. l. est: non ante linguam potestatem. Hoc adparet ex eo, quod sequitur. *cum luce simul l. p.* In ordinem me cogi non patiar; potestas, malis artibus quaelita et retenta, non nisi cum vita dimittenda est.

v. 22. 23. *ventis si frena remittat Aeolus*. pro: carcerem aperiat ventorum, ventis impetum concedat v. Heyne ad Virgil. Aen.

I. 52 seqq. Valer. Flacc. I. 591 seqq. *abrupto obice*, laxatis claustris, i. e. sublatiis munimentis, quibus hostiles impetus antea reprimebantur. Idem dicitur de mobilibus, quibus aqua includitur. Virgil. Georg. II. 480. *gentes*, barbaros. *fudit*, effudit. Ruperti ad Sil. Italic. II. 151. Infimulatur Rufinus remouisse praesidia contra barbarorum irruptiones collocata, vt facilius prouincias inuaderent.

v. 25. 26. *cladem diuisit in orbem*. *Cladem* posuit pro: gentes barbaras, quae cladem inferrent. *diuisit*, quod multis exemplis h. l. Burmannus illustrauit. idem est, quod sequens *disposuit. orbem*, imperium Romanum. Sic quoque *nefas* explicandum, est enim dictum pro bello seu belli calamitate. Lucan. IV. 172. Sallust. Catil. 41. 2. habet *diuisa negotia*. v. ibi Cort. *Disponere* verbum militare est. Lucan. VI. 289. VIII. 603.

Frangunt stagna rotis; alii per Caspia claustra,
 Armeniasque niues inopino tramite ducti
 Inuadunt Orientis opes. Iam pascua fumant 30
 Cappadocum, volucrumque parens Argaeus equorum.
 Iam rubet altus Halys; nec se defendit iniquo
 Monte Cilix. Syriæ tractus vastantur amoeni;
 Assuetumque choris, et laeta plebe canorum
 Proterit imbellem sonipes hostilis Orontem. 35

ferocis. A barbaris sumtum, qui ad ripam Danubii habitabant. v. Nost. infra XVII. 53.

v. 28. *Frangunt* non ad crepitum rotarum et impreflas orbitas cum Gesnero retulerim, sed ad multitudinem hostium, qua glacies infringitur, vt rimas ducat. Saepe vtrumque innuitur. cf. Valer. Flacc. VI. 154, Lucan. V. 439 seq. Sidon. Apollin. carm. II. 268 seqq. Nost. infra VII. 150. *Caspia claustra*, portae, πύλαι, eadem sunt, quae intelliguntur Lucan. VIII. 222. v. ibi Oudendorp. cf. Eustath. ad Dionys. Per. v. 1039. Priscian. Perieg. 949 seqq. et Avien. Descript. orb. terr. 1229 seqq. Per illa claustra, sita inter montes Caspios, qui nunc vocantur *Harka-Koh* et *Siah-Koh*. iter erat in Indiam. Mannert. Geograph. d. Gr. u. R. T. V. pag. 175 seq.

v. 29. *Armeniasque niues.* Per montes Armeniae niue tectos. Inter quos montes fuit Niphates celeberrimus, vnde saepe Armenia dicta est. Horat. od. II. 9. 20. *inopino tramite*, per quem nemo exer-

citum ductum iri expectaverat.

v. 30. 31. *pascua Cappadocum.* Cappadocia prouentui equino aptissima habebatur. Solin. 47. De equis Cappadocum v. Wernsdorf. in excursu X. ad Nemesian. Cynege. Poet. lat. m. T. I. pag. 260 seqq. et Burmann. ad Gratii Cynege. v. 507. *Argaeus*, mons Cappadociae. cf. infra XXIX. 191 seqq.

v. 32. 33. *Halys*, Asiae minoris fluminis notissimus. *iniquo monte.* Curt. III. 4. 6. *Namque perpetuo iugo montis asperi ac praerupti Cilicia includitur; quod quum a mari surgat, velut sinu quodam flexuque curuatum, rursus altero cornu in diuersum litus excurrit. Per hoc dorsum, qua maxime introrsum mari cedit, asperi tres aditus et perangusti sunt, quorum vno Cilicia intranda est.*

v. 34. 35. *Orontem*, Syriæ fl. Ille pro ipsa Syria saepe ponitur, quae voluptatibus et mollitie fuit insignis Iuuenal. III. 62 seqq. Respicere autem Noster potuit An-

Hinc planctus Asiae; Geticis Europa cæteruis
 Ludibrio prædaque datur, frondentis adusque
 Dalmatiae fines; omnis qua mobile Ponti
 Aequor, et Hadriacas tellus interiacet vndas,
 Squalet inops pecudum, nullis habitata colonis, 40
 Instar anhelantis Libyae, quae torrida semper
 Solibus humano nescit mansuescere cultu.
 Thessalus ardet ager; reticet pastore fugato
 Pelion; Emathias ignis populatur aristas.
 Iam plaga Pannoniae, miserandaque moenia Thracum,
 Aruaque Myforum, iam nulli flebile damnum, (45
 Sed cursus solennis erat, campusque furori
 Expositus, sensumque malis detraxerat usus.

tiochiam ad Orontem sitam cum fano Daphnaei Apollinis Ammian. Marcell. XXII. 13. Ipsam urbem ὀρχησιν μάλιστα πρεσβέουσιν dicit Lucian. de Salt. 76. T. II. p. 208. ed. Reiz. De luxu incolarum passim legitur. Herodian. II. 7. 15. *canorum laeta plebe*, quia cantibus ripae personant. *proterit*. cf. III. 364.

v. 36. *Geticis*. Debebat sequi: hinc sen illinc planctus Europae a Getis vexatae sc. auditur.

v. 37. *frondentis*, siluosae.

v. 38. 39. *omnis tellus, qua (ea) interiacet* cet. dictum pro: omnes terras intra Pontum et mare Adriaticum. *mobile*, tempestatibus frequentibus obnoxium. Pontus *trux* vocatur a Valer. Flacc. VIII. 180.

v. 40. *squale*, tristis et inculta est. Ruperti ad Sil. Italic. I. 211.

v. 41. *anhelantis*, propter aestum. Lucan. IX. 431 seqq. Stat. silv. III. 2. 102.

v. 43. 44. *Pelion* Thessaliae mons. *reticet*, non amplius cantibus personat pastorum. *Emathias*, Macedonicas.

v. 45-48. *Iam plaga Pannoniae — iam nulli flebile damnum*. Sensus: calamitates Pannoniae Thraciae et Mysiae iam non amplius quemquam commovebant, quandoquidem earum assiduitas doloris sensum obtunderat. Rationem hanc exprimunt sequentia: *sed cursus solennis erat*, intelligo: *furoris* ex sequentibus. Lucan. I. 254 seqq. *Nos primi Senonum motus Cimbrumque ruentem Vidi- mus et Martem Libyes, cursumque furoris Teutonici*. Sed *cursus* h. l. id quod *decursus* significat, qui quasi statis temporibus fit, cuius incommoda iam familiaria,

Eheu quam breuibus pereunt ingentia fatis!
 Imperium tanto quaesitum sanguine, tanto 50
 Seruatum, quod mille ducum peperere labores;
 Quod tantis Romana manus contexuit annis,
 Proditor vnus iners angusto tempore vertit.

Vrbs etiam, magnae quae dicitur aemula Romae,
 Et Chalcedonias contra despectat arenas, 55
 Iam non finitimo Martis terrore mouetur;
 Sed propius lucere faces, et rauca sonare
 Cornua, vibratisque peti falligia telis
 Adspicit. Hi vigili muros statione tueri,
 Hi iunctis properant portus munire carinis. 60
 Obsessa tamen ille ferus laetatur in vrbe,
 Exultatque malis, summoque e culmine turris

vt ita dicam, hominibus facta sunt. Hoc probari videtur eo, quod adiicitur: *campus-que furori expositus*, quali arena, in qua furor se sole-
 ret exercere aut decurrere. Gesneri mentem non capio: Placuit omni fere Europae, inquit, *cursum* ita vocare hodie; sed an ita vetustiores, iam non possum constituere.

v. 49. *breuibus fatis*, quae breui tempore consumunt, interitum adferunt. Ita illud Barthius quoque intellexisse videtur.

v. 51. *Romana manus*. Exercitus Romanus. *contexuit*, ex prouinciis seu terris domitis et in prouinciarum formam redactis composuit.

v. 53. Insignis grauitate versus. *vnus* opponitur *et* mille ducum labores, *iners* *et* tanto sanguine quaesitum,

et angusto tempore respicit tantis annis.

v. 54. Propius iam accedit ad rem Noster; describit obsessam à barbaris Constantinopolim, calamitates incolarum eorumque, qui in agris habitabant. Rufini exultationem derisionemque malorum, ciuium omnium desperationem, qui oculos et animum ad Stilichonem vindicem conuertunt. *Vrbs*, Constantinopolis. Sid. Apollin. carm. II. 30 seqq.

v. 55. E regione illius vrbis sita est *Chalcedon*.

v. 60. *carinis*. Barbari navibus quidem non erant instructi, poterant tamen facile nauigiis hinc inde arreptis portum intrare, vrbeinque ab ea parte inuadere, qua minus erat munita.

v. 62. *summae turris*. Vtrum e turri, quae in muris

Impia vicini cernit spectacula campi,
 Vinctas ire nurus, hunc per vada proxima mergi
 Seminecem, hunc subito percussum vulnere labi 65
 Dum fugit, hunc animam portis efflare sub ipsis,
 Nec canos prodesse seni, puerique cruore
 Maternos vndare sinus. Immensa voluptas,
 Et risus plerumque subit. Dolor afficit vnus,
 Quod feriat non ipse manu. Videt omnia late 70
 Praeceptis incensa suis, et crimine tanto
 Luxuriat, carumque sibi non abnuat hostem.
 Iactabatque vltro, quod soli castra paterent,
 Sermonumque foret vicibus permessa potestas,

erat, an quae in arcē sua?
 cf. infra 136.

v. 64. *per vada* Burman-
 nus exponit: quantum patent
 vada, laudatque Bulaenm ad
 Valer. Flacc. IV. 750. alii *in*
vada.

v. 70. *Quod feriat non*
ipse manu. Magis ad inui-
 diam imago Rufini non po-
 terat adumbrari.

v. 71. *Praeceptis incensa*
suis. Heinsius, quem omnes
 deinde secuti sunt, praetulit
exceptis, vt sensus sit, agris
 proditoris pepercisse barba-
 ros. Et si hoc quoque ad in-
 vidiam Rufino faciendam
 pertinet, tamen quaeri potest,
 an hoc poeta debuerit vti,
 quum eo ipso proditio Ru-
 fini ciuibus et Imperatori
 aperta, consiliaque eius irrita
 fieri necesse fuerit. *Prae-*
ceptis i. e. iussu suo, vt eo
 maiorem terrorem Arcadio
 reliquisque aulicis incuteret,
 ipseque maiorem auctorita-
 tem obtineret, quum solus

esse videretur, qui in tanto
 terrore cum hoste crudelif-
 simo agere auderet, eorum-
 que castris se committere. Se-
 quens *crimine tanto* receptae
 lectioni fauet, nec obstat
 versu sequenti *non abnuat*.
 Per se enim patet, praecepta
 illa non palam data esse, vt
 quoque non palam excitauit
 barbaros, sed instigationibus
 clandestinis et per internun-
 cios factis. Id quod Hanni-
 bal fecit ad Fabium in inui-
 diam et suspicionem vocan-
 dum, huc non pertinet Liv.
 XXII. 23.

v. 72. *luxuriat* supra III.
 354 seq.

v. 73. *Iactabat* gloriabatur.

v. 74. *sermonum vicibus*,
 colloquiis. De *vicibus* dispu-
 tat Burmann. ad Ovid. Met.
 I. 626. *potestas*. Heinsius
 rectius putauit *facultas*, at-
 que hoc recepit. Burmannus
 existimat, parum referre,
 vtrum eligas. Recte illud
 quidem h. l. et vbi proprie

Egregii quoties exisset foederis auctor. 75
 Stipatur sociis, circumque armata clientum
 Agmina priuatis ibant famulantia signis
 Ipse inter medios, ne qua de parte relinquat
 Barbariem, reuocat fuluas in pectore pelles,
 Frenaque, et immanes pharetras, arcusque sonoros 80
 Assimulat, mentemque palam testatur amictu.

potestas scribendum fuisset, quia pro: *potestas* vel probati auctores interdum ponunt *facultas*. Is enim, qui *potestate* uti vult, seu cui facere aliquid licet per alium, penes quem est concedere id aut negare, is necesse est *facultate* gaudeat, i. e. iis viribus naturalibus ad id faciendum subpetentibus, quod facere ipsi liceat, alioquin *potestate* uti non possit. *Facultate* aliquid faciendi saepissime praeditus est is, cui *potestas* negatur. Vnusquisque, ut hoc utar, *facultate* gaudet furandi, *potestas* autem furandi nemini datur aut permittitur. Dubitari quodammodo potest, utrum *potestas* legendum sit, an *facultas* infra XXXVI. 93, verum apud Ovid. Trist. IV. 9. 15. *facultas* utique legendum.

v. 77. *famulantia*. Hac voce saepius utitur Noster. Ceterum *priuata signa potentiam* Rufini et opes exprimunt.

v. 78. 79. *ne qua de parte relinquat Barbariem*. Ut moribus erat barbarus, barbarisque addictus, sic voluit

quoque in vestitu barbarum se gerere, ut omni ex parte barbariem prae se ferret v. 81. *reuocat fuluas in pectore pelles*. Barbaros, imprimis Getas, pellibus crebro usos fuisse satis constat. cf. Ovid. ex Pont. IV. 10. 2. infra VIII. 466, XXVI. 48, interpp. ad Liv. XXIII. 29. Quibus ut se similem redderet, Rufinus quoque pellem induit. Pellis autem seu fibula seu nodo in pectore continebatur, ut palla apud Stat. Theb. I. 109 seq. *Reuocat pelles in pectore* potest ergo primum esse; induit se pellibus, ut pectus quoque pelle tegatur, deinde imaginem euntis potest exprimere, cui pellis, quae in pectore continetur, circum humeros et a tergo pendet. cf. Iuuenal. I. 27. Is enim, dum progreditur, pellem quasi reuocat, trahit post se, praecipue autem, quum equo vehitur, ut sequenti versu *frena* indicant. Sidon. Apollin. carm. II. 396 seq. *Fibula mordaci refugas a pectore vestes Dente capit*. Heinsius in *pectora* mauult, exempla autem, quibus utitur, nihil probare videntur.

Nec pudet Aufonios currus et iura regentem
 Sumere deformes ritus, vestemque Getarum,
 Insignemque habitum Latii mutare togaeque.
 Moerent captivae pellito iudice leges. 85
 Quis populi tunc vultus erat? quae murmura furtim?
 Nam miseris nec flere quidem, aut lenire dolorem
 Colloquiis impune licet: Quonam vsque feremus
 Exitiale iugum? dirae quis terminus vnquam
 Sortis erit? quis non funesto turbine rerum 90
 Aut tantis soluet lacrimis, quos Barbarus illinc,
 Hinc Rufinus agit, quibus arua fretumque negantur?
 Magna quidem per rura lues; sed maior oberrat
 Intra tecta timor. Tandem succurre ruenti

v. 81. *Aufonios currus.*
 De sella curuli consulum interpretantur. Verum intelligenda est eburnea illa sella et deaurata, currui quatuor rotarum imposita, quae a quatuor albis equis trahebatur. Hoc erat insigne Praefecti Praetorio. Imaginem huius currus expressam vides in Notitia dignitatum imperii orientis in Thesaur. Antiq. Rom. T. VII. pag. 1396. et 1792. cf. Symmach. Epist. X. 24. *Aufonios.* Vel quia hoc insigne Italicae originis, vel quod insigne est magistratus Romani. *iura regentem.* Praefectus Praetorio habebat iurisdictionem in causis exemptis, et si ab aliis magistratibus ad ipsum prouocatum esset (in causis ex appellatione). Totum igitur est periphrasis Praefecti Praetorio. cf. infra XVII. 198 seqq.

v. 84. *Latii togaeque* pro: Latialis, Romanae togae.

v. 85. *captivae leges,* quae quasi in potestatem barbari essent redactae, quasque barbarus pro ludibrio haberet, quum vindex illarum esse deberet.

v. 89. *Exitiale iugum,* servitium, tyrannidem.

v. 91. *lacrimis,* calamitate.

v. 92. *agit,* vexat. Burmann. ad Valer. Flacc. V. 15. *arua negantur* propter barbarorum crudelitatem, *fretum,* quia neque per mare effugere poterant obstructo nauibus iunctis portu. supra v. 60. *Arua* h. l. pro: terra, positum est. Sensus: qui neque mari neque terra effugere possumus Rufini crudelitatem, nam portas barbari obsident, portus nauibus clausus est.

Heu patriae, Stilicho. Dilecta hic pignora certe, 95
Hic domus, hic thalamis primum genialibus omen,
Hic tibi felices erexit regia tedas.

Vel solus, sperate, veni. Te proelia viso
Languescant, auidique cadet dementia monstri.
Talibus vrgetur discors Aurora procellis. 100

At Stilicho, Zephyris quum primum bruma remitti
Et iuga diffusis nudari coepta pruinis,
Partibus Italiae tranquilla in pace locatis,

v. 95. *patriae* sic Constantinopolis vocatur, ut Roma saepe patria omnium ciuium. *dilecta hic pignora*. Serena, filia Honorii, fratris Theodoli M., nupta Stilichoni, et Maria eius filia, quam deinde Honorius in matrimonium duxit, tunc Constantinopoli versabantur. cf. infra XXIX. 233 seqq. His pignoribus debebat cara esse Stilichoni Constantinopolis.

v. 96. *thalamis genialibus* pro: lecto geniali. Cic. pro Cluent. 5, qui nuptiis sternebatur in honorem Genii, quia vim habebat rerum omnium gignendarum. cf. Catull. LXIV. 47 seq. h. l. pro: nuptiis, ut saepe. *primum omen*. Nam non nisi auspicato nuptiae apud antiquos celebrabantur. Inde etiam *omina* pro nuptiis ponuntur. Virgil. Aen. I. 345 seq. Propert. III. 19. 14. Sensus: hic nuptiae tuae celebratae sunt.

v. 97. *Hic tibi felices* cet. De facibus sermo est, quae in pompa nuptiali praeferebantur. cf. VII. 155, XXXI.

33, XXXVI. 407. *Regia* autem *erexisse* *tedas* dici potest, quando vxor noua e regia facibus praelatis ad aedes mariti deducta est, aut quando Flaccilla ipsa, Theodosii vxor, mater adoptiua Serenae, facces sustulit aut praetulit. Ceterum non obliuiscendum est, Nostrum saepe a moribus antiquis dicendi rationem petere, ne temere colligas, ut multi antiquarum rerum confarcinatores fecerunt, eosdem ritus et mores usque ad Claudiani tempora viguisse.

v. 98. 99. Auctoritatem Stilichonis exprimunt.

v. 100. *discors aurora*. Imperium Orientis discordiis vexatum, aut dissidens ab Occidente Schol. ad Lucan. I. 266.

v. 101—123. Stilicho ab Italia castra monet; exercitus eius recensetur. *bruma remitti*. Bruma seu hiems quasi intenditur aquilonibus et frigore, remittitur autem zephyris et calore. Columell. X. 77 seq. Lucan. I. 17 seq.

Vtraque castra mouens, Phoebi properabat ad ortus,
 Gallica discretis Eoque robora turmis 105
 Complexus. Nunquam tantae ditione sub vna
 Conuenere manus, nec tot discrimina vocum.
 Illinc Armeniae vibratis crinibus alae,
 Herbida collectae facili velamina nodo;
 Inde truces flauo comitantur vertice Galli, 110
 Quos Rhodanus velox, Araris quos tardior ambit,
 Et quos nascentes explorat gurgite Rhenus,

pruinis niue et glacie. Italiae partibus. Eas Occidentis regiones intelligit, quae bello ciuili moto ab Eugenio fuerant turbatae. *tranquilla in pace* v. infra 159. *tranquilla* ab intestinis et ciuilibus motibus. v. ad 117.

v. 104. *vtraque castra.* v. quae notata sunt supra ad v. 6. Exercitus Orientis et Occidentis coniunctos. *discretis turmis.* Ita vt copiae Orientis discretae essent ab Occidentis copiis.

v. 106. 107. More poetarum et declamatorum eius temporis omnia supra modum et fidem augentur. *ditione*, imperio, illud autem maiorem vim habet. Videtur poeta innuere, exercitum proprium fuisse Stilichonis, non illius fidei commissum. cf. Lucan. III. 288 seqq.

v. 108. *vibratis crinibus.* Interpretatio petenda est ex Plin. H. N. II. sect. 8. *Namque Aethiops vicini sideris vapore torreretur, adustisque similes gigni, barba et capillo vibrato, non est du-*

bium. cf. Lucan. X. 131 sqq. Martial. Spect. 3. 9 seq. Heyne ad Tibull. II. 3. 56. et loca, quae ibi laudantur. *vibratis* igitur positum est, pro tortis, crispis. Virgil. Aen. XII. 100.

v. 109. *herbida velamina.* *Herbidus* coloris nomen est. cf. Stat. silv. II. 1. 112 seqq. et ibi Barth. Martial. V. 23. 1 seq. *Herbidus* color occurrit quoque apud Plin. H. N. X. 30. *facili nodo.* Virgil. Aen. I. 320.

v. 110. *truces Galli.* vt Lucan. VII. 231. *flauo vertice.* v. not. ad Pers. V. 46. Lucan. X. 129 seqq.

v. 111. Senec. in Apocolocynt. *Vbi Rhodanus ingens amne praerapido fluit, Ararque dubitans, quo suos cursus agat, Tacitus quietis alluit ripas undis.* cf. infra XVII. 53, XX. 268, Sil. Italic. II. 449 seqq.

v. 112. *nascentes explorat.* Ritus peculiarem Germanis de exploratione librorum Tacitus omisit. Prolem natam ad Rhenum deferrebant clipeoque impositam in fluuio

Quosque rigat retro perniciosior vnda Garumnae,
 Oceani pleno quoties impellitur aestu.
 Mens eadem cunctis, animique recentia ponunt 115
 Vulnera. Non odit victus, victorue superbit.
 Et quamuis praesens tumor, et ciuilia nuper
 Classica, bellatrixque etiam nunc ira caleret:
 In ducis eximium conspirauere fauorem.
 Haud aliter Xerxen toto simul orbe secutus 120
 Narratur rapuisse vagos exercitus amnes,
 Et telis umbrasse diem, quum classibus iret
 Per scopulos, tectumque pedes contemneret aequor.

ponebant, si vndis abripere-
 tur, notham cenfebant, si
 innataret, genuinam et suam.
 Iulian. Imperat. epist. 16.
 orat. II. pag. 81. D. Antholo-
 gia Graeca ed. Iacobs. T. IV.
 pag. 127. epigr. XXXII. cf.
 Lips. ad Tacit. German. 19.
 v. 113. 114. Pompon. Mel.
 III. 2. 29. *Garumna ex Py-
 renaeo monte delapsus nisi
 cum hiberno imbre aut solu-
 tis niuibus intumuit, diu va-
 dosus et vix nauigabilis fer-
 tur. At vbi obuius oceani
 exaestuantis accessibus ad-
 auctus est, iisdemque retro
 remeantibus suas illiusque
 aquas agit, aliquantum plo-
 nior, et quanto magis pro-
 cedit, eo latior fit; ad po-
 streum magni freti similis,
 nec maiora tantum nauigia
 tolerat, verum etiam more
 pelagi saeuientis exsurgens
 iactat nauigantes atrociter,
 utique si alio ventus alio
 vnda praecipitat.* cf. Sidon.
 Apollin. carm. VII. 393 seqq.
 et XXII. 180 seqq.

v. 115. 119. *recentia vul-
 nera animi, offensiones animi.
 tumor, ira.* Sensus: quam-
 quam discordiis intestinis an-
 tea agitati ciuilibus armis
 inter se pugnauerant, neque
 in praesentia satis compositae
 res erant: tamen amor in
 ducem omnes coniunxerat.
 Exercitus enim occidentalis
 maximam partem compositus
 erat ex iis copiis, quae sub
 Eugenio contra Theodosium
 et Stilichonem militauerant.
 infra v. 157. Milites Orien-
 tis pro victoribus se gerebant,
 milites Occidentis victos se
 esse aegre ferebant.

v. 120. *Xerxen* cf. Lucan.
 II. 671 seqq.

v. 121. *rapuisse.* Auidita-
 tem bibendi exprimit.

v. 122. *telis umbrasse diem.*
 Herod. VII. 226. Valer. Max.
 III. 2 et 7.

v. 123. *Per scopulos per*
 Atho. aequor tectum Hel-
 lespontum ponte iunctum.
 Iuuenal. X. 173 seqq.

Vix Alpes transgressus erat, nec iam amplius errat
 Barbarus. aduentumque tremens se cogit in vnam 125
 Planitiem, tutoque includit pascua gyro.
 Tum duplicem fossam, non exsuperabile vallum,
 Asperat alternis sudibus, murique locata
 In speciem caesis obtendit plaustra iuuentis.

At procul exsanguis Rufinum perculit horror; 130
 Infectae pallore genae. Stetit ore gelato
 Incertus peteretne fugam, veniamne subactus
 Posceret, an fidos sese transferret in hostes.
 Quid nunc diuitiae, quid fului vasta metalli
 Congeries, quid purpureis effulta columnis 135

v. 124 seq. *Barbarus*. Geticae caternae intelliguntur, quae terras inter mare Adriaticum et Pontum inundaerant. cf. supra v. 36 seqq.

v. 126. *pascua*. In planitie locisque herbosis castra posuerant, ut pabulum equis et iumentis non deficeret. *tuto gyro*, duplici fossa et vallo.

v. 128. *alternis sudibus*, palis acutis per alternos seu geminos ordines dispositis, ut pali vnus ordinis interualla alterius tegerent.

v. 129. *caesis iuuentis*, coriis, quibus plaustra muniebant. Hanc plaustrorum dispositionem carraginem vocat Ammian. Marcell. XXXI. 7. et Trebell. Poll. in vita Galieni 13. Nostrates *Wagenburg*. Etiam Graeci temporibus antiquissimis castra curribus saepire solebant. Euripid. Phoeniss. 740.

v. 130 seqq. Nuncio de aduentu Stilichonis cum

vtriusque imperii copiis adlato Rufinus consilium, quo terroribus Arcadium compellere statuerat, ut se in societatem regni adsumeret, repente ita mutasse videtur, ut aut Stilichonem in inuidiam vocaret, adrogatique imperii crimen ei intenderet, aut vires eius ex parte frangeret. Extorquet igitur ab Arcadio edictum, quo Stilicho inbetur, exercitum orientalem remittere seque finibus imperii Occidentis continere. Quod enim edictum si neglexisset, adfectati imperii poterat insimulari, si vero ei paruisset, diuidia exercitus parte erat debilior eosque milites remissos quauis ratione ad suas partes trahere Rufinus statuebat.

v. 131. *ore gelato*. Stat. Theb. IV. 497. *gelat ora pavor*.

v. 135. *purpureis*, e marmore porphyretico seu purpureo, niti splendorem hoc

Atria, prolataeue iuuant ad sidera moles?
 Audit iter, numeratque dies, spatioque viarum
 Metitur vitam. Torquetur pace futura,
 Nec recipit somnos, et saepe cubilibus amens
 Excutitur, poenamque luit formidine poenae. 140
 Sed redit in rabiem, scelerumque immane resumit
 Ingenium, sacrasque fores praediuitis aulae
 Intrat, et Arcadium mixto terrore precatur:
 Per fratris regale iubar, per facta parentis
 Aetherii, floremque tui te deprecor aeui, 145
 Eripe me gladiis. Liceat Stilichonis iniquas
 Euitare minas. In nostram Gallia caedem
 Coniurata venit. Quidquid ligat vltima Tethys,

epithet. indicat, vt saepius.

v. 137. *spatio viarum*. Vitam suam existimabat non longiorem fore numero dierum, quos in itinere consumpturus esset Stilicho.

v. 138. *pace futura* sc. quam Stilicho Orienti esset redditurus, statimque perfidiae et prodicionis poenas a Rufino sumpturus.

v. 141. *redit in rabiem*. Lucan. IV. 240. *redeunt rabiesque furorque*.

v. 142. *praediuitis*. Barthius otiosum censet epithet. Burmannus ei adstipulatur, coniicitque *praeferuidus* sc. ira. Verum apud Claudianum otiosa non sunt, quae splendorem et magnificentiam indicant.

v. 143. *mixto terrore precibus minas addens*.

v. 144. *Per fratris regale iubar*. Iubar regale non solum ad decus regium, quo

quasi fulgore diuinitus adflato ora eorum radiare dicebantur, verum etiam ad diadema spectat, v. infra v. 347. et coronam radiatam commune imperialis fastigii regalisque dignitatis ornamentum et tamquam diuinitatis et sanctitatis insigne cf. Schwarz ad. Plin. Paneg. 52, Mamerlin. in Paneg. Vet. I. 3. 2. Barth ad Stat. Theb. I. 28. adde Martial. VIII. 65. 2 seq. Senec. Troad. 451. Stat. silv. I. 1. 76 seq. et IV. 2. 40 seqq. Sed cur per fratris iubar Arcadium obsecrat? Rufinus Arcadio persuadere vult, Stilichonem non Honorio sed sibi consulere, atque id agere, vt deleta Theodosii familia sibi imperium vindicet.

v. 145. *Aetherii* pro vulgari: diui, positum.

v. 147. *minas*. Sic Lucan. VIII. 837 seqq.

v. 148. *coniurata*. Horat. od. I. 15. 6 seqq. *ultima Te-*

Extremos vltra volitat gens si qua Britannos,
 Mota mihi. Tantis capiendi credimur armis? 150
 Tot signis vnum petitur caput? Vnde cruoris
 Ista litis? Geminum coeli sibi vindicat axem,
 Et nullum vult esse parem. Succumbere poscit
 Cuncta sibi. Regit Italiam, Libyenque coercet;
 Hispanis Gallisque iubet. Non orbita Solis, 155
 Non illum natura capit. Quascunque parauit
 Hic Augustus opes, et quas post bella recepit,
 Solus habet, posseffa semel non reddere curat.

thys vt extrema Tethys apud Sil. Italic. III. 411. pro oceano occidentali positum. *ligat* recte Heinſius defendit. Auien. descr. orb. 49. pro: cingit. *Rigat* quod Gesnerus et Bipont. receperunt, de mari vix poteſt dici. H. I. autem, vt adparet ex ſequentibus, de gentibus ſermo eſt, qui in inſulis degunt vltra Britanniam ſitis. Illud mare quum plane ignotum eſſet vel hac tempeſtate Romanis, eo liberius poterat Claudianus augendi ſtudio indulgere. Accedit, quod ipſa Claudiani ſcientia de ſitu terrarum et regionum non adeo magna fuiſſe videtur.

v. 149. *extremos Britannos*. Virgil. Eclog. I. 67. *volitat*. De vaga atque erratica gente hoc accipit Barthius; de gente, quae ſine metu hoſtium et ſecura vagetur, Burmannus, ablegans lectores ad ea loca, quae laudauit ad Valer. Flacc. IV. 607.

v. 150. *tantis capiendi credimur armis*. Senſus eſt:

putasne, me ſolum peti tanto bellico adparatu, tot millibus armatorum? Burmann. coni. *tantis capiendi quaerimur armis. vnde cruoris Iſta ſitis?* Cur cruorem meum ſitit; cur me vult interficere?

v. 152. *geminum coeli ſibi vindicat axem*, i. e. orientale et occidentale imperium vindicat ſibi. Notum eſt, orbem terrarum totum Romano imperio vulgo vindicari. Petron. 119. *Orbem iam totum victor Romanus habebat, Qua mare, qua terra, qua ſidus currit vtrumque*. Virgil. Aen. VII. 100 ſeq. Lucan. VII. 421 ſeqq. Noſt. infra XXII. 59 ſeq.

v. 155. *iubet*, imperat, infra XXV. 84. *non orbita ſolis* i. e. non omnes terrae, quae inter orientem et occidentem ſolem ſitae ſunt. cf. Inuenal. X. 168 ſeq.

v. 156. 158. *Augustus, Theodoſius. quascunque parauit hic opes*. Exercitus orientalis intelligendus eſt Conſtantinopoli conſcriptus

Scilicet ille quidem tranquilla pace fruatur:
 Nos premat obsidio. Quid partem inuadere tentat?
 Deferat Illyricos fines; Eoa remittat (160
 Agmina; fraternas ex aequo diuidat hastas;

et paratus. *quas recepit*. milites, qui in Eugenii castris fuerant et hoc interfecto ad Theodosium transferant. supra v. 115 sqq. curat Broukh. ad Tibull. I. 1. 57. Ovid. Amor. II. 19. 7. A. A. III. 257. ibi Burmann.

v. 159. 160. *Scilicet ille quidem tranquilla pace fruatur, Nos premat obsidio*. Omnia ad inuidiam faciendam enunciata sunt. Dixit ille Stilicho, *fruatur*, tamquam summa rerum non penes Honorium, sed penes Stilichonem esset, ut etiam reuera erat. Post *obsidio* sustuli interrogandi signum, quod, ut mihi quidem videtur, sensum turbat, quem puto esse eum: Fruatur pacato Occidentis imperio et a barbaris non perturbato, ibique se contineat, et nos sinat obsidione premi. Quid se immiscet rebus nostris, et sub auxilii praetextu tuam, Arcadi, sortem (*partem*), imperium Orientis, tibi adsignatam inuadere tentat? Geenerus hunc sensum statuit: *Ille cum suo Honorio fruatur pace adeo tranquilla*, ut possit Occidentem suum relinquere, et Orientis se rebus immiscere: *nos contra*

barbarorum vicinorum *obsidio premat* atque vrgeat: iniquum hoc, sed tamen tolerabile: *quid* vero etiam hanc tuam, Arcadi Auguste, *partem tentat inuadere* et sibi vindicare? Heinsius verum vnum aut alterum excidisse putat.

v. 161. 162. *Deferat Illyricos fines*. Remoueat exercitum e finibus. *Illyricum* tum comprehendebat Macedoniam et Daciam; inter prouincias Macedoniae censebatur etiam Achaia et Thessalia. *Eoa agmina*, milites in Oriente conscriptos, quos Theodosius in expeditionem contra Eugenium abductos cum copiis deinde Occidentis coniunxerat, totique exercitui moribundus Stilichonem praefecerat. *fraternas hastas*. Male Dempsterus existimat, ad tempora prisca adlulum esse, *hastasque* scepra esse. Sunt exercitus potius, et *fraternae* vocantur, quia exercitus non Honorii tantum sed et Arcadii erant. Hoc docet versus sequens. cf. Euripid. Phoeniss. v. 444 seq. αὐτὸ γὰρ μέθ' ἡ καὶ δαῦρο, μυριάν ἀγων λόγχην. et Bacch. v. 1357. ἡγούμενος λόγχαισιν.

Nec sceptri tantum fueris, sed militis, heres.
 Quod si dissimulas nostrae succurrere morti,
 Nec prohibere paras: Manes et sidera testor, 165.
 Haec ceruix non sola cadet. Miscebitur alter
 Sanguis, nec Stygias ferar incomitatus ad umbras,
 Nec mea securus ridebit funera victor.

Haec ubi: dictatur facinus, missusque repente
 Qui ferat extortas inuito principe voces. 170.

Interea Stilicho, iam laetior hoste propinquo,
 Nec multo spatii distantibus aequore vallis,
 Pugnandi cupidas accendit voce cohortes.
 Armeniis frons laeua datur; per cornua Gallos
 Dexteriora locat. Spumis ignescere frena, 175
 Pulueris extolli nimbos, lateque videres

v. 163. Sensus: ut non tantum imperium inter vos diuisum sit, verum etiam ut exercitus quoque ex aequo diuidatur.

v. 164. *dissimulas*, tergiversaris, dubitas.

v. 166. 168. *miscebitur alter sanguis*. Sensus: ea ante necem meam perpetrabo, ut victorem ipsum (Stilichonem) victoriae poeniteat. Obscure significat caedem eorum, ut opinor, qui cari debebant esse victori, Sere-nae et Eucherii, qui tunc Constantinopoli versabantur. supra v. 95. et XXIX. 239 sqq. *securus* h. l. nullo moerore adfectus.

v. 169. *Dictatur facinus*. Epistola dictatur, qua iubeatur Stilicho, milites Orientis remittere atque cum reliquis recedere. Ergo ille non tantum Honorii verum etiam

Arcadii imperio subiectus fuerit necesse est. cf. infra 202. Secundum Claudianum imperium Romanum diuisum quidem erat inter filios Theodosii, ita tamen, ut communi consilio regeretur.

v. 171 seqq. Epistola illa ad Stilichonem perfertur, quum iam hoste propinquo aciem instrueret, pugnaeque se accingeret.

v. 172. *aequore*. *Aequor* pro planitie saepe poni notum est, sed structura verborum multo *aequore spatii* dura videtur esse, verumque ipsum Barthius suspectum putat. *vallis*, castris.

v. 175. *spumis ignescere frena*. Virgil. Aen. IV. 135. Sil. Italic. XII. 254 seqq. *ignescere*, calescere, non rubescere admisto cruore.

v. 176. *lateque videres*. v. loca a Ruperti laudata in

Surgere purpureis vndantes anguibus hastas,
 Serpentumque vago coelum saeuire volatu.
 Implet Thessaliam ferri nitor, antraque docti
 Cornipedis, teneroque annis reptatus Achilli, 180
 Et nemus Oetaeum radiat, clamore nivalis
 Ossa tonat, pulsoque fragor geminatur Olympo.
 Intumuit virtus, et lucis prodigus arsit
 Impetus. Haud illos rupes, haud alta vetarent
 Flumina; praecipiti strauissent omnia cursu. 185

V. V. L. L. ad Sil. Italic. V. 279.

v. 177. 178. *Surgere purpureis vndantes anguibus* cet. Signa cohortium tunc temporis erant dracones, Veget. II. 13, i. e. draconum simulacra arte expressa, ore argenteo, e pannis coriisque confecta ad terrorem hostibus inferendum. Romani signorum istud genus a Parthis acceperunt. v. Casaub. ad Flav. Vopisc. Aurel. 28. cf. Lucian. Quomodo histor: conscr. I. 29. T. II. pag. 39. ed. Reiz. Qui ea signa portabant, *draconarii* vocabantur. Sidon. Apoll. carm. V. 402 seqq. *iam textilis anguis Discurrit per utramque aciem, cui guttur adactis Turgescit zephyris, patulo mentitur hiatu, Iratam pictura famem pannoque furorem Aura facit, quotiens crassatur vertile tergum, Flatibus et nimium iam non capit alius inane.* Graphicas praeterea descriptiones illorum signorum v. infra v. 364 seqq. VII. 138 seqq. VIII. 545. XXVIII. 566 seqq. cf.

Ammian. Marcell. XVI. 10. Ceterum neque *vndantes* proprie ad hastas, neque *saeuere* proprie ad coelum spectare, unusquisque sponte videt. Coelum quidem, i. e. aer, dici potest *saeuere*, quandoquidem in eo draconum simulacra volitant, qui motu suo vehementi *saeuere* videntur. Ad locum igitur translatum est epithet. quod proprie ad ea pertinet, quae in eo loco versantur.

v. 179. *Implet.* Quint. Calab. IX. 68 seqq.

v. 180. *Cornipedis*, Chironis. Ovid. Met. II. 630. *annis*, Sperchius. cf. Stat. Achill. I. 239. *reptatus*, in quo natandi periculum fecit.

v. 182. *geminatur*, repercutitur, iteratur.

v. 183. *Intumuit virtus.* Fortitudo militum augetur. Stat. Theb. III. 333. *lucis prodigus.* Ruperti ad Sil. Italic. I. 229. De toto loco compara Sil. Italic. XV. 40 seqq.

v. 185. *strauissent*, impedimenta superassent. Sil. Italic. XII. 513.

His si tunc animis acies collata fuisset:
 Proditā non tantas vidisset Graecia clades;
 Oppida semoto Pelopeia Marte vigerent;
 Starent Arcadiae, starent Lacedaemonis, arces;
 Non mare fumasset geminum flagrante Corinθο, 190
 Nec fera Cecropias traxissent vincula matres.
 Illa dies potuit nostris imponere finem
 Cladibus, et sceleris causas auferre futuri.
 Inuida, proh, quantum rapuit Fortuna triumphum!
 Inter equos, interque tubas mandata feruntur 195
 Regia, et armati veniunt ductoris ad aures.
 Obstupuit. Simul ira virum, simul obruit ingens
 Moeror, et ignauo tantum licuisse nocenti
 Miratur. Dubios anceps sententia volvit.
 Euentus: peragat pugnas, an fortia coepta 200
 Deferat? Illyricis ardet succurrere damnis:
 Praeceptis ob stare timet; reuerentia frangit
 Virtutis stimulos. Hinc publica commoda suadent,
 Hinc metus inuidiae. Tandem indignatus ad astra

v. 186—191. Si talis dux cum illo exercitu barbaris signa intulisset, debellatum continuo fuisset, nec tantas clades Graecia anno sequenti sensisset. Illas clades recenset Zosim. V. 5.

v. 189. *starent*. Virgil. Aen. II. 56.

v. 190. *mare geminum*. Vnde *Corinthus* bimaris vocatur. Horat. od. I. 7. 2. cf. Stat. Theb. VII. 105 seqq.

v. 191. *Cecropias matres*. Atheniensium matres. Zosimus narrat quidem, Athenas fuisse obsessas, verum expugnatas esse non dicit. Mulieres intelligi possunt non

Athenis sed in agro Atheniensi seu in Attica captae.

v. 198. *ignauo nocenti*, opponitur *et armati* v. 196. i. e. parati iam ad confligendum cum hostibus, eorumque clade totum bellum finiendum, qui etiam mandata illa potuisset negligere.

v. 199. *sententia* v. ad III. 1.

v. 201. *Deferat*, cum delectu, quasi contra officium fuerit, illa coepta relinquere, quum praeuideret, quantae calamitates inde essent orturae. v. infra 215 seq.

v. 204. *metus inuidiae*, si ulterius pergendo ostendisset, se Arcadii imperium manda-

Extollit palmas, et ab imo pectore fatur: 205

Numina Romanis necdum satiata ruinis,
Si iuuat imperium penitus de stirpe reuelli,
Vno si placuit deleri secula lapsu,
Si piget humani generis: prorumpat in arua
Libertas effrena maris, vel limite iusto 210

Deuius errantes Phaethon confundat habenas.
Cur per Rufinum geritur? Procumbere mundum
Hoc auctore pudet. Mediis reuocamur ab armis,
Proh dolor! et strictos deponere cogimur enses.
Vos arsuræ vrbes, perituraque moenia testor. 215
Cedo equidem, et miserum permitto casibus orbem.
Flectite signa, duces. Redeat iam miles Eois.
Parendum. Taceant litui. Prohibete sagittas.
Parcite contiguo, Rufinus præcipit, hosti.

His dictis, omnes vna fremuere manipuli, 220.

taque neglexisse. cf. supra ad v. 130.

v. 205. *Extollit palmas.* De more deos precantium aut testantium, vt ad coelum tenderent manus expansas et ita inclinatas, vt palma sursum spectaret. Virgil. Aen. III. 176. Lambin. ad Horat. od. III. 23. 1. *et ab imo pectore fatur* i. e. fatur cum gemitu imo a pectore ducto. Virgil. Aen. I. 485. et II. 288.

v. 207. *penitus de stirpe, funditus.*

v. 208. *vno lapsu, vna ruina. secula.* Saepius et a Nostro ponitur pro omnibus, quæ gesta sunt per secula. cf. supra v. 50-52.

v. 210. *limite nullo, non continens se limite ordinario.* Ovid. Met. II. 130 seqq. *confundat.* Ovid. l. c. 200 seqq.

v. 212. *geritur* sc. illa res. Cur Rufini opera dii vtuntur? *procumbere*, a bestiis sumtum, quæ ictæ concidunt, ad res transfertur, quæ ruinam trahunt. Virgil. Aen. II. 505. IX. 541. XI. 394 seqq.

v. 213. *mediis ab armis, e medio bello.*

v. 216. *Cedo equidem,* Virgil. Aen. II. 704. *casibus* fortunæ ludibrio. Barthius legit *cladibus*, quod interpretamentum prioris esse videtur.

v. 217. *miles, copiae Orientis.* v. supra v. 161.

v. 219. *Rufinus præcipit.* Cum indignatione hoc dictum et ad Rufinum in inuidiam vocandum.

v. 220 seqq. Illa oratione milites et Studio in Stilichonem et in Rufinum inuidia

Quantum non Italo percussa Ceraunia fluctu,
 Quantum non madidis elisa tonitrua Coris,
 Secernique negant, ereptaque proelia poscunt,
 Insignemque ducem populus defendit vterque,
 Et sibi quisque trahit. Magno certatur amore; 225
 Alternamque fidem non illaudata laceffit
 Seditio, talique simul clamore queruntur:

Quis mihi nudatos enses, quis tela lacertis
 Excutit, et solvi curuatos imperat arcus?
 Quisnam audet leges vibrato imponere ferro? 230
 Inflammata semel nescit mitescere virtus.

accendi necesse erat. Fit fremitus indignantium, dirimi exercitum nolunt, paratos se esse profitentur ad omnia pro duce dilecto audenda.

v. 221. *Ceraunia* (nunc *il monte della Chimera*), in Epiri litore inter Adriaticum et Ionicum mare eminebant, infames periculis et naufragiis. Caes. d. B. G. III. 6. Horat. od. I. 3. 20.

v. 222. *Coris*. v. not. ad I. 132. *Corus* magnas saepe tempestates ciebat Sil. Italic. I. 469 seqq. XV. 154 seqq. *elisa tonitrua*. Existimabant veteres, tonitrua a ventis effici nubes collidentibus. Lucret. VI. 120 seqq. Inde quoque Lucanus VI. 692. habet *fractaeque tonitrua nubis*, quem locum Burmannus putat Nostrum ante oculos habuisse. cf. Quint. Calab. VII. 530 seqq. *Elidi* quoque *fulmen* dicitur et *nubes* fulmine. Valer. Flacc. IV. 663 sq.

Stat. Theb. V. 394 seq. Senec. Agam. 494 seq.

v. 223. *Secernique*. sc. milites Orientis a commilitonibus Occidentis. supra 161.

v. 225. *Et sibi quisque trahit*. Vterque exercitus Stilichonem ducem sibi vindicat.

v. 226. 227. *Seditio non illaudata* i. e. certamen honestum inter vtrumque exercitum, quo vterque Stilichonem ducem sibi vindicabat, ab amore et caritate illius profectum, *laceffit* i. e. incitat, irritat eoque ipso auget *fidem*, studium, *alternam*, vtriusque exercitus. *Lando equidem*, egregii iuvenes, *pulchraque meorum seditione fruor*. Stat. Theb. X. 240 seq. *Alterni* pro: duo passim apud Nostrum legitur, vt infra XVI. 16.

v. 230. *vibrato*. Lucan. VII. 82 seq.

v. 231. *virtus*, ardor bellicus:

Iam mihi barbaricos sitientia pila cruores
 Sponte volant, vltrixque manus mucrone furenti
 Ducitur, et siccum gladium vagina recusat.
 Num patiar? Semperne Getis discordia nostra 235
 Proderit? En iterum belli ciuilis imago.
 Quid consanguineas acies. quid diuidis olim
 Concordes aquilas? Non dissociabile corpus,
 Coniunctumque sumus. Te, quo libet ire, sequemur;
 Te vel Hyperboreo damnatam sidere Thulen, 240
 Te vel ad incensas Libyae comitabor arenas;
 Indorum si stagna petas, rubrique recessus
 Aequoris, auriferum veniam poturus Hydaspem;
 Si calcare Notum, secretaque litora Nili
 Nascentis iubeas, mundum post terga relinquam. 245

v. 232. *sitientia*. Ruperti ad Sil. Italic. XII. 264.

v. 233. 234. *vltrix manus ducitur*. Heins. ad Valer. Flacc. V. 541. Ipsum ferrum manus meas ad caedendum incitat. Notissimum est Homericum illud, Odyss. π. 294. αὐτὸς γὰρ ἐφέλαται ἄνδρα σίδηρος. Idem versus repetitur τ. 13.

v. 236. *belli ciuilis imago*. Quum exercitus separentur, qui ante coniuncti fuerant.

v. 237. *consanguineas*. Lucan. I. 4. habet *cognatas*. *olim* iamdudum. Studium militum maiorem facit concordiam, quam reuera erat.

v. 239. *Te, quo libet ire, sequemur*. Cum hoc et sequentibus comparetur Lucan. I. 367 seqq. Ita solent poetae amorem insolubilem saepe exprimere. v. Iani ad Horat. od. II. 6. 1 seqq.

v. 240. *Thulen*, extremi Septentrionis insulam, fama magis quam situ notam. Putant alii Schetlandiam, alii Islandiam, alii Scandinaniam fuisse. cf. Ruperti ad Sil. Italic. III. 597. adde Voss in *Untersuchungen über einzelne Gegenstände der alten Geschichte*. auctore Bredow. pag. 112. *Hyperboreo sidere* i. e. coelo et aëris intemperie adeo immiti, qualis in iis regionibus esse cogitatur.

v. 241. 243. *stagna*, mare, vt apud Virgil. Aen. X. 765. *Nerei stagna*. *rubri recessus aequoris* i. q. remotum mare Indicum.

v. 244. 245. *secreta litora Nili nascentis*. Lucret. VI. 712 seqq. Horat. od. IV. 14. 45 seq. Heyne ad Tibull. I. 7. 27. Ovid. Met. II. 229. Nilus in monumentis vnam veste tegit capite velato v.

Et quocunque loco Stilicho tentoria figet,
 Hic patria est. — Dux inde vetat: Desistite, quaeso,
 Atque auidam differte manum. Cadat iste minacis
 Inuidiae cumulus. Non est victoria tanti,
 Vt videar vicisse mihi. Vos, fida iuuentus, 250
 Ite mei quondam socii. — Nec plura locutus
 Flectit iter, vacuo qualis discedit hiatu

Spenc. Polym. D. XIV. p. 229.
mundum post terga relin-
quam. Hyperbole sane ma-
 xima. cf. Senec. Herc. Oet.
 44 seqq. et Pedon. Albinouan.
 fragm. Poet. lat. m. T. IV.
 P. I. pag. 229. princ.

v. 247. *Dux* Stilicho.

v. 248. *differte.* Quasi mo-
 ram tantum petit. *manum*
auidam sc. caedis. Sic *mens*
auida belli Lucan. VI. 29.
cadat iste minacis Inuidiae
cumulus. Quaeritur: cuius
 inuidia? Barthius Rufini in-
 telligit, explicat enim: par-
 cant manu rem exsequi sc.
 milites, inuidiam istius mi-
 nacis balatronis sua sponte
 concisuram. Equidem sen-
 sum hunc statuo: irritus cadat
 inuidiae cumulus, qui me ob-
 ruturum esse minatur. Quod
 si enim Arcadii mandato non
 paruisset non potuisset inui-
 diam effugere, quae eum
 in vitae discrimen fuisset
 ductura. Forſan autem sim-
 plicius est, inuidiam militum
 intelligere, qua inflammati
 erant in Rufinum, quamque
 tam aperte profitebantur. *Ca-*
dat iste cumulus inuidiae i.
e. placetur illa inuidia, de-

ponite illam inuidiam, nolite
 perficere, quod ira in Rufi-
 num suggerit. cf. Burmann.
 ad Ovid. Heroid. XVIII. 2.
 infra XVII. 258 seq. Dicendi
 ratio a fluctibus petita esse vi-
 detur. Ovid. Met. XV. 508 sq.
 Virgil. Aen. I. 154.

v. 250. *mihi.* Vt videar
 in rem meam egisse aut com-
 modis meis infervisse, non
 salutis communi prospexisse.
 Venerat enim ad Orientem a
 barbaris liberandum; iam
 vero ab Imperatore, cuius
 res maxime agebatur, iussus
 erat domum redire, parte
 exercitus dimissa atque re-
 missa. Quod si non paruisset,
 videri poterat venisse non in
 auxilium orientis imperii,
 sed ad illud occupandum,
 cuius rei inuidia multorum
 animos et voluntates a se
 alienasset, ipseque in discri-
 men vitae venire potuisset,
 quum caritas Theodosii pa-
 tris etiam filiis civium amo-
 rem conseruaret.

v. 252. *vacuo hiatu.* cf.
 Sil. Italic. VII. 717 seqq. et
 Burmann. ad Ovid. Met. VII.
 786. et ad Valer. Flacc. III.

Impatiens remeare leo, quem plurima cuspis,
 Et pastorales pepulerunt igne cateruae,
 Inclinatque iubas, demissaque lumina velat, 255
 Et trepidas moesto rimatur murmure siluas.

Vt sese legio vidit disiuncta relinqui,
 Ingentem tollit gemitum, galeasque solutas
 Humectat lacrimis, pressamque morantia vocem
 Thoracum validos pulsant suspiria nexus. 260
 Tradimur, heu, tantumque sequi prohibemur amorem,
 Exclamant, spernisne tuas, Dux optime, dextras,
 Quas tibi victrices toties Bellona probavit?
 Nos adeo viles? adeo felicior axis

589. Praeda nempe deerat, quam mandere potuisset.

v. 253. *Impatiens remeare*. i. e. qui non sponte sed coactus, aegre, remeat. Sil. Italic. VI. 254. *impatiens dare terga*.

v. 255. *Inclinatque iubas*. Vt solent leones, quum cedunt, aut timent. Stat. silv. II. 5. 14. seq. *velat* sc. palpebris. cf. Stat. silv. II. 5. 14. sq.

v. 256. *trepidas siluas*. Animalia intelliguntur in silvis degentia murmurque leonis se recipientis trepidantia.

v. 257. *legio disiuncta*, copiae Orientis a Stilichone cum suis relictæ. Virgil. Aen. IX. 174.

v. 258. *solutis*. Ita fere omnes scripti; vnus Barthii *solutas*, quod ipse et Heinl. probant, qui etiam coni. *volutis*. Barthius notat, galeas quasdam veterum adeo clausas fuisse, vt nasum etiam et genas tegerent. cf. Drakenbr.

ad Sil. Italic. XIV. 616, eas putat solvisse milites in gratiam discedentis ducis. cf. Stat. Theb. VIII. 16; seqq. Burmann. ad Ovid. Heroid. XIII. 147. Verum, quum *solutae* res dicantur, quae liberae sint nec coercitæ, vt *rius solutus*, Virgil. Georg. II. 386, cur *lacrimae solutae* non possunt esse: large manantes. Et lacrimis galeas humectare non raro occurrit, vt apud Stat. Theb. IX. 41 seq.

v. 259. 260. *suspiria morantia vocem*, quae interrumpunt et opprimunt voces. *validos nexus thoracum*. Ex hamulis, annulis, catellis, squamisue conferti erant thoraces.

v. 261. *sequi amorem* pro: indulgere amori, studio retinendi Stilichonis.

v. 262. *dextras* milites.

v. 264. *viles*. Lucan. V. 682 seqq.

Hesperius, meruit qui te rectore teneri? 265
 Quid nobis patriam, quid cara reuifere tandem
 Pignora, dilectosue iuuat coluisse penates?
 Te sine dulce nihil. Iam formidata tyranni
 Tempestas subeunda mihi, qui forte nefandas
 Iam parat insidias, qui nos aut turpibus Hunnis, 270
 Aut impacatis famulos praestabit Alanis.
 Quanquam non adeo robur defecerit omne,
 Tantaue gestandi fuerit penuria ferri.
 Tu licet occiduo maneat sub cardine Solis:
 Tu mihi dux semper, Stilicho, nostramque vel absens
 Experire fidem. Dabitur tibi debita pridem (275
 Victima. Promissis longum placabere sacris.
 Tristior Aemoniis miles digressus ab oris

v. 265. *meruit te rectore teneri* pro: cui contigit, ut a te regeretur.

v. 268. *Te sine dulce nihil.* Virgil. Aen. XII. 882 seq. *tyranni*, Rufini.

v. 269 - 271. *Tempestas*, intemperies, saeui et truculenti mores. *Iam parat insidias.* Respicitur illud, cuius Rufinus insimulabatur, milites barbaris obiecisse, ut exercitu diminuto et debilitato facilius, quae sibi proposuerat, perficeret. *turpibus Hunnis.* cf. not. ad III. 327. *Alanis.* Ammian. Marcellin. XXXI. 2. narrat, *Alanos* ex montium adpellatione cognominatos esse, populumque accurate describit. Communis illorum persuasio eos beatos ducebat, qui in proelio cecidissent.

v. 272. 273. *robur*, vires animi et corporis. Sensus:

quamquam non tam exigua vis animi nobis fuerit aut tanta armorum penuria, ut id impune laturus sit Rufinus, si in animum induxisset, nos barbaris tradere.

v. 276. *debita* cf. supra III. 369.

v. 277. *longum.* vulg. *longe.* Burmann. laudat Virgil. Georg. II. 79. Ovid. Met. X. 65. Stat. Theb. II. 707, VII. 300. iungendum cum *promissis*. Promiserant igitur milites, se Rufinum victimae instar Stilichoni esse immolatueros. Itaque vel ipse Claudianus suspicionem mouet, Stilichonem Rufini caedis fuisse conscium. cf. Zosim. V. 7. 6 seq.

v. 278 seqq. Thessalia relictā proficiscuntur milites Thessalonicam quam urbem Theodosius, praecipue Rufini instinctu exscindi iusse-

Tangebatur Macetum fines, murosque subibat,
 Thessalonica, tuos. Sensus dolor haeret in alto 280
 Abditus, et tacitas vindictae praestruit iras,
 Spectaturque fauens odiis locus, aptaque leto
 Tempora, nec quisquam tanta de plebe repertus,
 Proderet incautis qui corda minantia verbis.
 Quae non posteritas, quae non mirabitur aetas 285
 Tanti consilium vulgi potuisse taceri,

rat, quae igitur Rufino debebat esse maxime infensa. De calamitate illa filet Claudianus, quia eius mentionem facere non potuisset absque Theodosii infamia. cf. not. ad III. 113. adde orationes Libanii XIV. et XV. et Ionn. Chrysostomi de statu T. II. ed. Montfauc. cf. Tillemont Histoire des Empereurs T. V. pag. 263 seqq. In hac urbe milites consilium ineunt de interficiendo Rufino, quorum constantiam in re per totum iter celanda meritis laudibus poeta prosequitur.

v. 278. 279. *Haemoniis, Thessalicis. Macetum. Macetes* vel *Macetae* Macedones dicti a *μακερία* Macedoniae parte v. interpp. ad Gell. IX. 3. Gronov. ad Senec. Hercul. Fur. 980.

v. 280. *Thessalonica* Macedoniae vrbs. *sensu dolor haeret in alto* cf. Virgil. Aen. I. 26. *sensu in alto* i. q. *alta in mente* et hoc dictum pro: alte in animo. Stat. Theb. I. 246 seqq.

v. 281. *et tacitas vindictae*

praestruit iras. Praestruit i. e. praeparat, *tacitas iras*, tacite consilium ira suggestum, *vindictae*, ultioni. Sensus itaque: iniit tacite ultiscendi consilium. cf. VIII. 321. et XXVI. 286. Aliter Gesnerus: silentio tegit, tamquam cratibus vineisque obiectis, ultiscendi et puniendi Rufini consilium. Interpretationem priorem et verba ipsa et sequentia probare videntur.

v. 282. *fauens odiis locus* i. e. locus insidiis opportunus. cf. infra v. 348 seqq. Sic quoque *apta leto tempora* est tempus interficiendi Rufini opportunum.

v. 283. *tanta de plebe*. Multitudinem militum gregalium intelligit. Alii *tanta de pube*, quod Burmannus reiicit, quia gregales milites intelligendi sint non duces et honestioris ordinis milites, qui etiam voce *pube* contineantur.

v. 284. *corda minantia* i. e. iram, vindictae consilium.

Aut facinus tam grande tegi? mentisque calorem
 Non sermone viae, non inter pocula rumpi?
 Aequalis tantam tenuit constantia turbam,
 Et fuit arcanum populo. Percurritur Hebrus, 290
 Deferitur Rhodope, Thracumque per ardua tendunt,
 Donec ad Herculei peruentum nominis urbem.
 Vt cessisse ducem, propius venisse cohortes,

v. 287. 288. *mentisque calorem* - *rumpi*. Burmannus ait, *rumpi* merito suspectum fuisse Barthio, quum admodum dure calori iungatur. Proponit itaque *fundi*. Verum, quum ipse ad XXXV. 249. multa loca proferat, ubi *rumpere* positum est pro *emittere*, quae exempla auxit Ruperthi ad Sil. Italic. I. 95: nescio sane, cur Claudianus non dicere potnerit *rumpere mentis calorem* pro: *emittere mentis calorem*, ita, ut vocem *rumpere* poeta non ad verba ipsa *calorem mentis*, verum ad notionem, quam voluit exprimere, retulerit. *Mentis calor* autem h. l. est ira, et quibus ea se exferere solet, vociferatio, minae, quibus emissis totum consilium, quod milites inierant, concidere debuit. Est etiam alia ratio, quae explanationem habet faciliorem. *Rumpi* saepius ponitur pro *erumpere*, *prorumpere* sc. v. Heyne ad Virgil. Georg. III. 418. *sermone viae* i. e. sermonibus in itinere non militum inter milites, ut Barthius existimare videtur, sed militum cum hospitibus aut

his, qui commeatus causa in castris versabantur.

v. 290. *arcanum populo*. *Populo* i. e. omnibus, qui milites non erant, aut qui ad exercitum reducem non pertinebant. Vbi acumen lateat, nescio. Gesnerus ait: Acute: *arcanum* fuit, quod totus *populus*, totus exercitus decreuerat. *Hebrus* Thraciae fl. satis notus, ut *Rhodope* mons eiusdem regionis.

v. 291. *Herculei urbem*. Heracleam Barthius intelligit ad Propontim, alii Constantinopolim seu Byzantium ab Hercule, ut aiunt, comitis sui Byzantis memoriae dedicatam. Verum Barthius audiendus est, quum quod Constantinopolim Noster vix ita expressisset, tum quod res, quae sequitur, satis indicat, exercitum nondum fuisse ad portas Constantinopolis.

v. 293 seqq. Iam redit ad Rufinum poeta, eumque inducit gloriantem sibi gratulantem, quod Stilichonem remonerit, exercitusque partem ab eo obtinuerit. Existimat nunc sibi omnia prospere esse cessura, regnique partem palam adfectat.

Cognita Rufino: magna ceruice triumphat,
 Omnia tuta ratus, sceptrumque capessere feruet, 295
 Et coniuratos accendit voce clientes:
 Vicimus; expulimus. Facilis iam copia regni.
 Nullus ab hoste timor. Quis enim, quem poscere solum
 Horruit, hunc tanto munitum milite vincat?
 Quis ferat armatum, quem non superauit inermem?
 I nunc, exitium nobis meditare remotus (300
 Incassum, Stilicho, dum nos longissima tellus
 Diuidat, et mediis Nereus interstrepit vndis.
 Alpinas transire tibi me sospite rupes
 Haud dabitur. Iaculis illinc me figere tenta. 305
 Quaere ferox ensen, qui nostra ad moenia tendi

v. 294. *magna ceruice.* pro: erecta, sublimi ceruice.
 v. Barth. ad Stat. Theb. II. 326 seq. idem habet Horat. od. I. 1. 36. vbi v. Iani. cf. supra III. 53.

v. 296. *accendit voce.* v. supra 173. Sil. Italic. XII. 350 seq.

v. 297. *expulimus* sc. Stilichonem ex prouinciis imperii Orientis. *facilis iam copia regni.* Cuius rei copia facilis est, eam facile possumus adipisci. Sensus: iam regnum mihi paratum est.

v. 398. *poscere* prouocare. Virgil. Aen. VIII. 614. XII. 466. Lucan. IV. 466 seq. Sil. Italic. I. 420. Prouocasset autem Stilicho Rufinum, si neglectis mandatis in itinere perrexisset, et Rufinum se petere aperte prae se tulisset. Quod secundum Claudianum modestia motus fecit, ut rediret, exercitueque par-

tem remitteret, id Rufinus timori tribuit. Simplicissimum autem est, statuere, *poscere* et h. l. positum esse pro: *adire*, adgredi. cf. I. 104, III. 120, XXXVI. 388.

v. 299. *milite*, exercitu a Stilichone remisso.

v. 300. *ferat*, sustineat.

v. 301. *I nunc.* v. not. ad Pers. IV. 19.

v. 303. *Nereus.* Mare Adriaticum. Horat. od. II. 11. 2 seq.

v. 305. *dabitur*, conceditur.

v. 306. *tendi*, porrigi. Burmannus putat, aliquid absurdi verbis inesse, talem enim ensen nec fingi nec somniari posse. Pro: *ensen* proponit *arcum*. Mutatione non est opus. Voluit poeta exprimere, quod fieri nequit. A Stilichone in Italia incluso tutum se esse ait, atque hoc exhortatione effert, quae quidem per se absurda est, sed

Possit ab Italia. Non te documenta priorum,
 Non exempla vetant? quis par conatus adire
 Has iactat vitasse manus? detrusimus orbe
 Te medio, tantisque simul spoliauimus armis. 310
 Nunc epulas tempus, socii, nunc larga parare
 Munera, donandumque nouis legionibus aurum.
 Opportuna meis oritur lux crastina votis.
 Quod nolit, Rex ipse velit, iubeatque subactus

eo ipso declarat, omnia Stilianonis conata in se iam absurda esse.

v. 308. *documenta* i. e. alii, qui documenta dederunt aut documento fuerunt, me non impune posse laedi. Ovid. Met. III. 579.

v. 308. *quis par conatus*. Heinſius existimat, ad paria gladiatorum adludi, laudatque Lucan. VII. 695. Eum sequitur Gesnerus verba ita explicans: *quis par* licet esset, certe talis, qui vt in ludo gladiatorio comparari mecum recte videretur. Hunc Lucani locum huc non pertinere, iam vidit Burmannus. H. I. *par* est adiectiuum, pertinetque ad *conatus*. Verborum ordo est; *quis par conatus adire manus, has, aut eas, iactat vitasse*. *Quis par conatus* i. q. quis eadem, pari ratione, conatus, *adire manus* i. q. congregari mecum, *iactat vitasse has*, gloriari potest, se incolumem effugisse manus meas. cf. Barth. Aduers. XXII. 16 et 23.

v. 310. *medio orbe*. Vulgo: ex altera parte imperii,

Oriente. Hoc non admodum placet, nec magis, quod Barthius habet: e Graecia, meditullio fere Romani imperii. Locum sic accipio: Quum totum orbem occupaturus eras, votique prope modum compos fueras, iam ad medium orbem perueneras, medio orbe te detrusimus, conatusque tuos irritos fecimus. v. supra 15: seqq. Decem scripti libr. apud Heinſ. habent *destruximus orbem*, quod Heinſio placet, explicatque idem *te medio* per: te intercedente, multis exemplis adlatis. Verum hoc sensum efficeret huic loco vix aptum, et sequentia postulant accusatiuum *te*.

v. 312. *donandum aurum*. Pertinet hoc ad largitiones militares, aut ad donatiua. cf. Schwarz. ad Plin. Paneg. 25. 2. interpp. ad Sueton. Ner. 7. Notanda quoque illa variatio est, quod post infinitiv. gerundium sequitur. cf. Burmann. ad Virgil. Aen. III. 234.

v. 314. *Rex ipse velit*. Meis artibus eo rem dedu-

In partem mihi regna dari. Contingat in vno 315
Priuati fugisse modum, crimenque tyranni.

Talibus acclamant dictis infame nocentum
Concilium, qui perpetuis creuere rapinis,
Et quos vna facit Rufino causa sodales,
Illicitum duxisse nihil. Delicta fuere 320
Nexus amicitiae. Iam iam connubia laeti
Despondent aliena sibi, frustraue vicissim
Promittunt quas quisque petat, quas deuoret vrbes.

Coeperat humanos alto sopire labores
Nox gremio, pigrasque Sopor diffuderat alas. 325
Ille diu curis animum stimulantibus aegrum

cam, vt Arcadius ipse velit,
quod nunc nolit. *subactus*.
Virgil. Aen. VI. 567. VIII. 112.
Burm. ad Ovid. Met. VI.
496. vulg. *coactus*, sed *sub-*
actus praetulit iure Heinlius,
quia illud gratulanti et super-
bienti Rufino magis conue-
nit cf. Ruperti in VV. LL.
ad Sil. Italic. I. 635.

v. 315. 316. *in vno*, simul.
modum, conditionem. *cri-*
menque tyranni. Quoniam
Arcadius videbitur vltro de-
tulisse mihi regni partem, nec
ego videbor eam vi occu-
passe. Ceterum *in velit, no-*
lit, *in iubeat*, *subactus* ne-
minem fugiet acumen scho-
lae rhetoricae.

v. 317 seqq. Ad socios Ru-
fini describendos poeta ex
Sallustio (Catil. 14.) colores
videtur esse mutuatus. *adcla-*
mant pro singular. vt supra
259. et infra XXXIII. 20.

v. 320. 321. *delicta fuere*
Nexus. Ipsa crimina et fa-

cinora eos reddiderant ami-
cos Rufinoque caros fecerant.
v. 323. *deuoret*. Catull.
XXIX. 23.

v. 324 seqq. Rufinus in
somnia de nece sua monetur
per ambages, quas ille qui-
dem in laetum rerum succes-
sum interpretatur, omniaque
experrectus praeparat ad con-
siliu suu exsequendum.

v. 325. *gremio alto*. Imago
translata a matre aut nu-
trice Virgil. Aen. I. 692.
Stat. Theb. I. 61. *Sopor*
somnia altus. *diffuderat*, ex-
plicauerat. Virgil. Aen. I.
319. *pigras alas*. Heinlius
non negat quidem, *pigras*
elegantem dici posse, praefert
tamen *nigras* Virgil. Aen.
VIII. 369. Tibull. II. 1. 89 seq.
vbi v. Heyne in not. et ani-
madv. crit. Verum *pigrae*,
si quid sentio, h. l. est praefe-
rendum. Sunt alae, quae vix
aut ne vix quidem mouentur
somnia naturam graphice ex-
primentes, quibus Graecum

Labitur in somnos. Vix toto corde quierat,
 Ecce videt diras alludere protinus umbras,
 Quas dedit ipse neci; quarum, quae clarior, una
 Visa loqui: Proh surge toro; quid plurima voluis 330
 Anxius? haec requiem rebus finemque labori
 Allatura dies. Omni iam plebe redibis
 Altior, et laeti manibus portabere vulgi.
 Has canit ambages; occulto fallitur ille
 Omine, nec capitis sentit praefagia fixi. 335

Iam summum radiis stringebat Lucifer Haemum,
 Festinamque rotam solito properantior vrget,

illud ἐπείδειν Callimach. in Del. 224. et Latinum *premere* Sil. Italic. X. 345. aut *condere* Virgil. Georg. IV. 496. pingitur, quatenus illud sit alis leniter et segniter motis. Ceterum de somno plura v. congesta a Ruperti ad Sil. Italic. X. 351 seq.

v. 327. *Labitur in somnos.* Sic quoque Petron. 22. et 100. Sed hoc imago somni, quam in superioribus adumbrauerat, plane deletur, quum illic somnum videas, vt a poetis pingitur, hic de somno agatur vulgari. *toto corde*, curis non amplius *cor*, *animum*, stimulantibus, qui non sinebant eum profundo somno uti.

v. 328. *alludere*, de vndis leniter adlabentibus proprie dicitur. Burmann. ad Ovid. Met. IV. 342. et Virgil. Aen. VII. 117. h. l. de umbris modo accedentibus modo recedentibus.

v. 329. *clarior.* Cuius forma erat expressior.

v. 330. *Pro.* Ovid. Met. XIII. 758. h. l. excitantis est. *voluis* sc. animo.

v. 331. 332. Omnia ambigue dicta sunt, quae Rufinus ita cepit, quasi umbra vaticinata esset, ipsum crastina luce ab omnibus curis liberum fore et a populo Imperatorem factum humeris portatum iri. Schwarz ad Plin. Paneg. 22. 2. cf. infra VIII. 174. Quis sensus verbis sit subiiciendus ex sequentibus adparebit.

v. 335. *praefagia capitis fixi* v. infra 434.

v. 336. Ornatus expressit Lucan. X. 434 seq. Haemus, Thraciae mons, quum versus Corum situs sit Constantinopolitanis, iis inde Lucifer oriri nequit. Italiae incolis versus ortum ille mons est, eosque videtur poeta respexisse. cf. Sil. Italic. VI. 452 sq. Virgil. Aen. II. 801. Senec. Hercul. Fur. 133.

v. 337. *Festinamque rotam.* De Phoebi curru sermo

Tandem Rufini visurus funera, Titan.
 Prorsiluit stratis, densaeque capacia turbae
 Atria regifico iussit splendere paratu 340
 Exceptura dapes, et, quod post vota daretur,
 Inscribi propriis aurum fatale figuris.
 Ipse salutatum reduces post proelia turmas
 Iam regale tumens, et principe cellior, ibat,

est. *Festinam rotam vrget* dictum pro: cursum suum accelerat. cf. Senec. Hercul. Oet. 337. et 469 seq. Nescio quid sibi velit Gesnerus, quum addat: imago sane angustior currus, quem agat Titan, quam rotae, orbis, trochi, ludibrii puerorum. *tandem* ad Solis ipsius cupiditatem pertinet, qua supplicium Rufini, fatis iam diu debitum, adspicere properat.

v. 340. *atria*. In atriiis salutationes fieri, sed conuiuia in coenaculis et tricliniis quis est qui ignoret? Verum, quando multitudo epulis excipienda esset, ut epulis triumphalibus, nonne tunc spatiosissima domus pars eligenda erat? *Atria* etiam pro totis aedibus aut pro spatiosis conclauibus ponuntur. Dido quidem Troianos et Poenos in *atriis* conuiuio excepit Virgil. Aen. I. 725. Ceterum atria festis diebus imprimis exornabantur. Quantos luxus Cleopatra explicuerit v. Lucan. X. 111 seq. *Splendere* proprium in hac re verbum esse, docuit Burmann. ad Virgil. Aen. I. 637. et ad Phaedr. IV. 24.

v. 341. *post vota*. Obscure dictum. *Vota* possunt esse preces et adclamationes, quibus noui Imperatores excipiebantur et salutabantur. Schwarz. ad Plin. Paneg. 67. 3 seq. Ex vers. 381 seqq. apparet, Rufinum egisse cum Arcadio, ut se socium imperii declararet, forsitanque promissum huiusmodi extorsisse inuito. *Post vota* potest etiam esse: ubi votorum suorum compos factus est, socius imperii declaratus.

v. 343. *aurum fatale*, numos aureos sua figura cufos. Hoc constituerat militibus de more in donationem distribuere. *Fatale* autem vocari illud aurum Barthius ait, quia nemini praeter Imperatorem liceret effigiem suam numis impingere. Notum quoque est, si quis Imperator imperii socium adsumsisset, statim eius nomine numos esse cufos. cf. Ael. Lamprid. in Antonin. Diadum. cap. 2. et Trebell. Pollio in Gallien. d. cap. 12. Herodian. I. 9. 16 seqq. et II. 15. 9.

v. 344. *regale tumens*, fastu regio inflatus. *Principe cel-*

Collaque femineo iactabat mollia gestu, 345
Imperii certus, tegeret ceu purpura dudum
Corpus, et ambirent ardentes tempora gemmae.

Urbis ab angusto tractu, qua vergit in Austrum,
Planities vicina patet, nam cetera Pontus
Circuit, exiguo dirimi se tramite passus. 350

Hic vltrix acies ornatu fulgida Martis
Explicuit cuneos. Pedites in parte sinistra
Consistunt; equites illic poscentia cursum
Ora reluctantur pressis sedare lupatis.
Hic alii saeuum cristato vertice nutant, 355
Et tremulos humeris gaudent vibrare colores,

fior, erectiori ceruice; tumi-
dior etiam quam Princeps,
cuius comes erat. infra 366.
et XV. 194 seq.

v. 345. *colla iactabat mol-
lia*. Hoc effeminatos et mol-
les Rufini gestus exprimit.
Eandem mollitiem obiecit
Hortensio Cicero, in Verr.
III. 19.

v. 347. *gemmae*, diadema.

v. 348 seqq. Agmen a Sti-
lichone remissum vbi ad
Constantinopolim peruenit,
instruitur Imperatorem op-
periens.

v. 352. *Explicuit cuneos*,
nihil amplius est, quam se
explicuit. *Cunei* sunt, quod
nos dicimus *Kolonnen*.

v. 354. *reluctantur*, equo-
rum generosorum ardorem
exprimit, quem equites vix
cohibere possunt. h. l. i. q.
student. *lupatis*. *Lupata* sc.
frena, aspera sunt aculeis
ferreis, dentium lupinorum
instar. Pro frenis omnino
ponuntur. Galli praecipue

iis utebantur ad feros equos
domandos. Virgil. Georg. III.
208. Horat. od. I. 8. 6.

v. 355. *Saeuum nutant*.
δσεινὸν δὲ λείψος καὶ ὑπερθεῖν
ἐνευσεν. Hom. II. γ. 337. Sil.
Italic. I. 460. ibi v. Ruperti.

v. 356. *Et tremulos hu-
meris*. cet. Hic versus vi-
detur habere difficilem expli-
catum. Quaeritur, qui sint
illi *tremuli colores*? Gesne-
rus repetit illos a textili
quodam panno partim libere
fluctuanti per annos, partim
autem comprehenso et in
plicas crispato ab ora et
commissura galeae cum tho-
race. Verum quidnam tan-
dem illud sit, nemo facile
explicabit. Videtur illud in-
tellexisse, quod maiores nostri
Helmdecken vocabant. Niti-
tur ille quidem XXVIII. 576.
quo tamen perperam accepto
in fraudem actus est. In
verbis nulla est difficultas.
Gaudent vibrare dictum pro:
vibrant, et *vibrare tremulos*

Quos operit formatque chalybs. Coniuncta per artem
 Flexilis inductis animatur lamina membris,
 Horribilis visu. Credas simulacra moueri
 Ferrea, cognatoque viros spirare metallo. 360

colores pro: coloribus tremulis splendere. cf. Duck. ad Flor. III. 11. 8. Dispicendum nunc, quid tandem id sit, quod tremulos colores ostendat. Vtrum clipei caelati atque picti (Propert. IV. 10. 21. Stat. Theb. IX. 332 seqq. interpp. ad Sil. Italic. I. 407.) quos humeris, ut notum est, gerere solebant et vibrare milites hoste potissimum propinquo. Ammian. Marcellin. XXIV. 6. pag. 125. ed. Ernest. *Ergo ubi vicissim contiguae se cernerent partes, cristatis galeis corrusci Romani, vibrantesque clipeos, velut pedis anapaesti praecinientibus modulis leuius praecedebant.* cet. cf. infra XXVIII. 627 seq. an thoraces, an chlamydes seu sagula variis coloribus distincta, quae super thoraces humeris solebant imponi et a tergo dependere. Valer. Flacc. VI. 521 seqq. Sil. Italic. IV. 516. et XVII. 526 sqq. Epitheton *tremulis* facit, ut ratio, quam primo loco posui, mihi magis placeat, quam reliquae etiamsi duri aliquid eam continere non diffitear, cuius vero causam fortasse poetae rectius adsignaueris quam interpreti.

v. 357. Quos aut ad humeris spectat aut ad alii. ope-

rit formatque. Hoc explicabunt verba Ammian. Marcell. XXV. 1. *Erant autem omnes cateruae ferreatae, ita per singula membra densis laminis tectae, ut iuncturae rigentes compagibus artuum conuenirent.*

v. 358. *flexilis lamina,* commissuris suis scilicet et compagibus. *animatur* hoc explicatur adiecto: *inductis membris* pro: inducta membris. Pertinet hoc ad facilitatem, qua se mouebant milites armis ferreis tecti.

v. 359. 360. Explicationi rōū animatur seruiunt. *cognato metallo* quasi corpori adnato. *spirare*, viuere. Ammian. Marcell. XVI. 10. *Et incedebat hincinde ordo geminus armatorum, clipeatus atque cristatus, corrusco lumine radians; sparsique cataphracti equites, quos libanarios dictitant Persae, thoracum muniti tegminibus et limbis ferreis cincti, ut Praxitelis manu polita crederes simulacra, non viros, quos laminarum circuli tenues apti corporis flexibus ambiebant, per omnia membra deducti, ut quocunque artus necessitas commouisset, vestitus congrueret iunctura cohaerenter apta.*

Par vestitus equis. Ferrata fronte minantur,
 Ferratosque leuant securi vulneris armos;
 Diuiso stat quisque loco. Metuenda voluptas
 Cernenti, pulcherque timor; spirisque remissis
 Mansuescunt varii vento cessante dracones. 365
 Augustus veneranda prior vexilla salutat.
 Rufinus sequitur quo fallere cuncta solebat
 Callidus affatu, deuotaque brachia laudat,
 Nomine quemque vocans, natosque patresque reuersis
 Nuntiat incolumes. Illi, dum plurima ficto 370
 Certatim sermone petunt, extendere longos
 A tergo flexus insperatoque suprema
 Circuitu sociare parant. Decrescere campus

v. 363. 364. *metuenda voluptas* cet. Acumen quaesitum. Adficiebant spectatores metu et voluptate; adspectus eorum erat pulcher et timendus. Sic *miseranda voluptas* Stat. Theb. VI. 72.

v. 365. v. supra ad v. 177.

v. 366. *veneranda vexilla*. *Vexilla* primis temporibus erant equitum signa, sequentibus etiam peditum, nominibus Imperatorum et quidem aureis literis inscripta. Sueton. Vespas. 6. H. l. pro signis vniuerse posita, quae sacra erant, ideoque *veneranda* vocantur. Veget. II. 6. Herodian. IV. 4. 10. Plura de signis militaribus Lips. de Milit. Rom. IV. Dialog. 5. Barthius notat. Imperatoribus solemne fuisse, legiones ex bello reduces salutare, commilitonumque reliquorum more signa venerari. Vnde hoc habeat, nescio,

saltem ex vno hoc loco mos, ille repeti nequit.

v. 368. *deuota brachia*, vitam impendere Augusti imperiis paratorum. Sic Gesnerus recte. cf. Lucan. III. 311. IV. 533.

v. 369. *Nomine quemque vocans*, vt notos et familiares. v. Ruperti ad Sil. Italic. I. 454. Id enim agebat Rufinus, vt militum voluntates, quas sciebat in se nequaquam propensas esse, sibi conciliaret.

v. 370. 371. *plurima* — *petunt*, ad auertendum scilicet Imperatoris et Rufini animum ab eo, quod tum maxime agebant.

v. 372. *a tergo* sc. Rufini. Versus mediam aciei partem Rufinus accesserat. Cornua paullatim se inflectunt, aut se circumdant. *suprema*, cornua.

v. 373. *decrescere campus* cet. Quod parauerant mili-

Incipit, et clipeis in se redeuntia iunctis
 Curuo paulatim sinuantur cornua ductu 375
 Sic ligat. immensa virides indagine saltus
 Venator; sic attonitos ad litora pisces
 Aequoreus populator agit, rarosque plagarum
 Contrahit anfractus, et hiantes colligit oras.
 Excludunt alios. Cingi se feruidus ille 380
 Nescit adhuc, grauitaque apprensâ veste morantem
 Increpat Augustum: scandat sublime tribunal;
 Participem sceptri, socium declaret honoris.
 Quum subito stringunt gladios, vox desuper ingens
 Infremuit: Nobis etiam, teterrime, nobis 385
 Sperasti famulas imponere posse catenas?
 Vnde redi nescis? patiarne audire satelles,

tes, id nunc fit. Spatium illud (*campus*) quod arcu militum ducto includitur, imminuitur semper eo magis, quo magis cornua, alteram alteri, adpropinquant, circulusque densandis ordinibus minor fit.

v. 374. 375. Ordo verborum: *cornua in se redeuntia clipeis iunctis paulatim sinuantur curuo ductu.*

v. 376. *indagine*, retium cassiumque serie. Sic nauium corona atque ordo *naualis indago* vocatur Sil. Italic. XIV. 368. *ligat*, includit. *Indagine cingunt* habet Virgil. Aen. IV. 321. *indagine claudit* Lucan. VI. 42. Tibull. IV. 3. 7. Stat. Theb. II. 553.

v. 377. *adtonitos*, quum inclusos se sentiant.

v. 378. *Aequoreus populator*, piscator, qui piscibus vastat aequor. *hiantes oras*

colligit. marginem retis colligens, complicans, ne pisces effugiant. cf. Sil. Italic. VII. 500 seqq.

v. 380. *alios*, qui cum Arcadio et Rufino venerant. Clauerius adiungit: tamquam pisces minusculos, qui reiciuntur in aquam; nimis fortasse similitudinem vrgens. *feruidus*. Rufinus totus consilio, quod ceperat, intentus, et conciliandis sibi militum animis studens.

v. 381. *adprensâ veste*. Rufinus familiariter tractat Arcadium, ut caesidici Claudium. Sueton. in Claud. 15. v. supra. 341.

v. 382. *tribunal*. Forſan e cespite lapidibusque militum opera congestum.

v. 384. *desuper* vel pro: insuper, positum, vel intellexit poeta vocem veluti coelitus missam.

Qui leges aliis, libertatemque reduxi?
 Bis domitum ciuile nefas, bis rupimus Alpes.
 Tot nos bella docent nulli seruire tyranno. 390
 Dirigit. Spes nulla fugae. Seges vndique ferri
 Circumfusa micat. Dextra laeuaque reuinctus
 Haesit, et ensiferae stupuit mucrone coronae.
 Vt fera, quae montes nuper dimisit auitos,
 Altorumque exsul nemorum damnatur arenae 395
 Muneribus, commota ruit, vir murmure contra
 Hortatur, nixusque genu venabula tendit.
 Illa pauet strepitus, cuneosque erecta theatri
 Respicit, et tanti miratur sibila vulgi.
 Vnus per medios audendi pronior ense 400
 Profilit exserto, dictisque, et vulnere toruus:

v. 388. 389. Maximo scilicet et Eugenio domandis. *nefas* bellum. *rupimus Alpes*. XV. 82; XXVI. 347, XXVIII. 442. pro: viam mihi vi feci per Alpes. Sil. Italic. I. 54. cf. Zosim. IV. 46.

v. 391. *seges ferri*. Virgil. Aen. XII. 663.

v. 392. *reuinctus* i. e. cinctus. cf. supra 376 seq.

v. 394. *dimisit*, reliquit.

v. 395. 396. *arenae muneribus*. Munera de amphitheatralibus et gladiatorii ludis ac venationibus dici constat. Lucan. VI. 708 seq. *damnatur* destinata est. cf. Stat. Theb. V. 231 seqq. *vir murmure contra Hortatur, nixusque genu* cet. Auson. epist. IV. 30 seqq. *Aut spumantis apri cursum clamoribus vrages, subsidisque fero? moneo tamen usque rectis stringere fulmineo venabula*

cominus hosti. *Venabulum*, *πρόβολιον*. describit Xenoph. de Venat. X. 3; eo in venationibus excipiebantur etiam leones aliaeque ferae bestiae. Stat. silv. II. 5. 9 seq.

v. 398. *cuneos theatri*. Proprie ordines sedilium in theatro a figura sic dictos ad caueam seu orchestram arctiores, in altum diuergentes, et scalis vtrimque, per quas ad sedilia descendebant spectatores, quasi circuli radiis inclusos. h. l. spectatores. *erecta*. dum clamorem stupet altius se erigens et circumspiciens.

v. 400. *audendi pronior*. Coniecturam Heinsii *promtior* reiecit Burmannus, quem v. ad Sucton. Galb. 22.

v. 401. *exserto*. Nescit Burmannus, an hoc probandum sit, quum enses iam stricti essent supra v. 384. Sed *erecto*,

Hac petit, hac Stilicho, quem iactas pellere, dextra
 Te ferit, hoc absens inuadit viscera ferro.
 Sic fatur, meritoque latus transuerberat ictu.
 Felix illa manus, talem quae prima cruorem 405
 Hauferit, et fessi poenam libauerit orbis.
 Mox omnes fodiunt hastis, artusque tremantes
 Dilaniant, vno tot corpore pila tepescunt,
 Et non infecto puduit mucrone reuerti.

quod proponit, multo minus, nam ad ferendum latus *reducto*, non *erecto* ense opus est. infra 404. Sed *exsertum* interdum plus esse videtur, quam vagina denudatum. Stat. Theb. X. 412. *Exsertum obiectans mucronem*, cui opponitur v. 423. *Demisso mucrone*. et XI. 376. legendum quoque puto *et exsertum demittere* (non *dimittere* vt Bipont.) *ensem*. In utroque loco *exsertum* pro: denudatum, positum languet; potest esse promptum vel ad caedendum vel ad pungendum. Etiam apud Nostrium infra XXXVI. 377. *exserta manus* non est nuda, sed ad ferendum prompta. *vulnere*, ense ad vulnus infligendum parato. interpp. ad Virgil. Aen. II. 436. et 529. alii *lumine*, quod post *dictis* languidius videtur. Ceterum *toruum* id dicitur, quod minarum et horroris plenum est. Saepissime quidem ad oculos transfertur, quia iis maxime terroris et minarum signa inesse solent. Inde e correctione *lumine* fortasse

natum est. H. l. ad totum irruentis habitum pertinet.

v. 402. *iactas pellere* cf. supra 297 seqq. *Hac petit hac* ct. cf. Sil. Italic. II. 26 seq. Burmann. ad Valer. Flacc. VII. 44.

v. 406. *libauerit* omnino dictum pro: sumserit, sed maiore cum delectu. *Libare* est degustare, leniter adtingere. Hoc l. initium poenae exprimit ab illo milite factum, nondum enim tota erat inflicta.

v. 407 seqq. Jam describit Noster Rufini lacerationem lanii vel adeo carnificis diligentia, cuius animus contra omnem humanitatis sensum callo obductus est. Paene in singulis verbis studium exstat taeterrimum hoc spectaculum sub oculos lectorum reuocandi, imaginemque abominandam vique ad partes minutissimas absoluendi. Quod autem ex nostro sensu minime est ferendum, et animos oculosque lectorum foeditate sua auertit, aliquam excusationem habet in temporum ratione sitam, nisi

Hi vultus auidos, et adhuc spirantia vellunt 410
 Lumina; truncatos alii rapuere lacertos.
 Amputat ille pedes, humerum quatit ille solutis
 Nexibus; hic fracti refecat curuamina dorsi;
 Hic iecur, hic cordis fibras, hic pandit anhelas
 Pulmonis latebras. Spatium non inuenit ira, 415
 Nec locus est odiis. Consumto funere vix tum
 Deferitur, sparsumque perit per tela cadauer.
 Sic mons Aonius rubuit, quum Penthea ferrent
 Maenades, aut subito mutatum Actaeona cornu
 Traderet infanis Latonia visa Molossis. 420

omnino et temporum vitia
 poetae praestanda sint, qui,
 quod verum, decens, pul-
 chrum venustumque sit sem-
 per spectare, non prauo ae-
 qualium iudicio in fraudem
 agi debeat. Cogitandum ta-
 men est, scriptum esse hoc
 carmen in honorem Stilicho-
 nis barbari, cui nihil dulcius
 esse poterat, quam irae suae
 et odio satisfactum videre.
 Atque hanc voluptatem ex
 acerbissimi hostis laceratione
 verbis repetita plena manu
 Noster illi praebuit.

v. 410. *vultus auidos*, aua-
 ritiam insatiabilem oris linea-
 mentis adhuc referentes. Ita
 recte Barthius. Burmannus
 mauult: *pauidos*. Non pla-
 cet. *spirantia lumina*, oculo-
 los nondum fractos.

v. 412. 413. *solutis Nexi-
 bus*, auulsum. *curuamina*,
 articulos, vertebrae dorsi.

v. 414. *cordis fibras*, di-
 ctum simpliciter pro corde.
 Proprie *fibrae* sunt extremi-

tates alicuius rei. Serv. ad
 Virgil. Georg. I. 120.

v. 415. *spatium non inuenit
 ira*. Ovid. Met. III. 237. Idem
 plane, quod sequitur. *Nec
 locus est odiis*.

v. 416. 417. *consumto fu-
 nere* explicatur per: *sparsum
 per tela cadauer*. Ceterum
funus saepe pro *cadauere*
 poni, notum est. *sparsum
 per tela* i. e. minutatim in
 frustra oculis vix animaduer-
 tenda dispersum per tot mi-
 litum tela. Lucan. II. 119.

v. 418. 420. *mons Aonius*,
 Cithaeron. *Penthea*. Tristem
 eius necem narrat Ovid. Met.
 III. 701 seqq. *Maenades*, mu-
 lieres Bacchi sacra celebran-
 tes. *Actaeona*. Notus ille
 est ex Ovid. Met. III. 174 sqq.
mutatum cornu dictum pro:
 in ceruum mutatum. *infa-
 nis Molossis*, canibus vena-
 ticis in furorem actis. *Mo-
 lossi* canes proprie vocaban-
 tur ex Epiro, robore insignes,
 non minus ad venationem

Criminibusne tuis credis, Fortuna, mederi?
 Et male donatum speras aequare fauorem
 Suppliciiis? vna tot millia morte rependi?
 Euerſis agedum Ruſinum diuide terris,
 Da caput Odryſiis, truncum mereantur Achiui. 425
 Quid reliquis dabitur? nec ſingula membra peremtis
 Sufficiunt populis. Vacuo plebs obuia muro,
 Iam ſecura, fluit. Senibus non obſtitit aetas,
 Virginibusue pudor. Viduae, quibus ille maritos
 Abſtulit, orbataeque ruunt ad gaudia matres, 430
 Inſultantque alacres. Laceros iuuat ire per artus,
 Preſſaque calcato veſtigia ſanguine tingi.
 Nec minus aſſiduis flagrant elidere ſaxis
 Prodigiale caput, quod iam de cuspide ſumma
 Nutabat, digna rediens ad moenia pompa. 435

quam ad gregum cuſtodiam idonei. Sil. Italic. II. 684.

v. 421. *Criminibusne — mederi.* i. e. crimina tua recte factis adeo compenſare, vt plane infecta videri poſſint.

v. 422. *donatum* ſc. Ruſino.

v. 423. *tot millia* ſc. ſupplicia, quibus immeritos per Ruſinum adflixisti, ſeu tot millia hominum neci data. *rependis* Virgil. Aen. I. 239.

v. 425. *Odryſiis*, Thracibus. Negat omnino poeta, poenam aequalem eſſe maleficiis. Ne totis quidem populis, ait, poſſe ſatiſſieri, ſi vnum cuique illorum membrum Ruſini adſignetur, nedum ſingulis hominibus, quos perdidit.

v. 427. Plebs iam metu liberata ex vrbe effunditur, cruentoque illo ſpectaculo gaudet. *vacuo.* Odio in ty-

rannum vindictaeque gratia omnes urbem reliquerant.

v. 428. *fluit*, vt περὶ, ἐπὶ πρὸς, ſolemne de magna turba. Virgil. Aen. XI. 236.

v. 430. 431. *gaudia*, laeta ſpectacula lacerati Ruſini. *inſultant*, calcant membra lacerata. *laceros*. Burmanno adridet *vacuos* i. e. exſanguis. laudat Stat. Theb. IX. 47. Lucan. III. 641.

v. 434. *Prodigiale caput* i. e. caput hominis, qui prodigii et portenti inſtar fuit. Dominatio vel immaniſſima id genus vindictae excuſare non poſteſt, in quo deſcribendo poeta tantopere ſibi placere videtur.

v. 435. Mos haſtis adſigendi capita hoſtium antiquus erat. Virgil. Aen. IX. 465, et frequens inter ciuiles turbas. Cic. Philipp. II. Sueton. Auguſt.

Dextera quin etiam ludo concessa vagatur
 Aera petens, fraudesque animi persolvit auari
 Terribili lucro, viuosque imitata retentus
 Cogitur adductis digitos inflectere nervis.

Definat elatis quisquam confidere rebus, 440
 Instabilesque Deos, ac lubrica Numina discat.
 Illa manus, quae sceptrum sibi gestanda parabat,
 Cuius se toties submisit ad oscula supplex
 Nobilitas, inhumata diu, miseroque reuulsa
 Corpore, feralem quaestum post fata poposcit. 445
 Adspiciat quisquis nimium sublata secundis
 Colla gerit. Triuiis calcandus spargitur ecce,
 Qui sibi pyramidas, qui non cedentia templis
 Ornatura suos exstruxit culmina Manes,

13, Galb. 20. Lucan. II. 160,
 IX. 137. Sil. Italic. XVII. 309.

v. 436. 439. *Dextera — va-
 gatur.* Dextera abscissa per
 vias urbis circumlata est, ut
 ostiatim mendicaret post mor-
 tem, qui viuos homines ar-
 gento emunxerat. Idem com-
 memorat Zosim. V. 7. Philo-
 storg. XI. 3. et Hieronymus
 epist. 3. totidem fere verbis:
*Rufini caput pilo Constanti-
 nopolim gestatum est; et ab-
 scissa manus dextera, ad de-
 decus insatiabilis auaritiae,
 ostiatim stipem mendicauit.*
 v. 438. *viuos retentus* i. e.
 tenacitatem earum et rapa-
 citatem. v. 439. *adductis ner-
 vis.* Caua manus pingitur,
 qualem faciunt mendicantes.
 Huc pertinet Sueton. August.
 91. *Ex nocturno visu etiam
 stipem quotannis die certo
 emendicabat a populo, ca-
 uam manum asses porrigen-
 tibus praebens.*

v. 440 — 453. Poeta monet,
 ne quis fortunae nimis fa-
 vente superbiat, quum ea sit
 instabilis, saepeque soleat
 statim adfligere, quos extu-
 lerit, quemadmodum Rufini
 fata doceant.

v. 440. 441. *elatis*, nimium
 secundis. *Instabiles deos et
 lubrica numina* fortunae in-
 dicant mobilitatem.

v. 443. *submisit ad oscula.*
 Obsequii hoc signum est. Lu-
 can. II. 113 seq. Ruperti ad
 Sil. Italic. XVII. 183.

v. 445. *feralem quaestum*,
 stipem tristem. supra v. 438.
Terribili lucro.

v. 448. *Pyramidas.* *Pyra-
 midae* exstructae erant, ut
 regum cadauera in illis con-
 derentur. Pompon. Mel. I. 5.
 Plin. H. N. XXXVI. cap. 12.
 Lucan. VIII. 696 seqq.

v. 449. *culmina*, monu-
 menta superba.

Et, qui Sidonio velari credidit ostro, 450
 Nudus pascit aues. Iacet en, qui possidet orbem,
 Exiguæ telluris inops, et puluere raro
 Per partes tegitur, nusquam totiesque sepultus.

Senferunt conuexa necem, tellusque nefandum
 Amolitur onus. Iam respirantibus astris, 455
 Infernos grauat vmbra lacus. Pater Aeacus horret,

v. 453. *Per partes* cf. Oudendorp. ad Lucan. II. 58. *nusquam totiesque*. Solito acumine. Quia enim partes Rufini disperfac puluere raro erant tectae, nusquam plane sepultus, et toties sepultus poterat dici.

v. 454 seqq. Poeta non satis habet Rufini supplicium crudelissimum immanemque eius lacerationem adcurate descripsisse, vbi rebus aliunde acceptis verba tantum et dictionem accommodare poterat, ideoque minus poetae officio fungi: prosequitur etiam eundem ad inferos, vt quantum quidem in ipso est, poenis quoque post mortem in aeternum duraturis Stilichonis vindictae consulat, et sic pro virili inimicum eius acerrimum vltus esse videri possit. Deducit igitur Rufinum ad Orcum, arripitque occasionem sibi oblatam locorum inferorum adumbratione, quæ inter grauissima epici carminis ornamenta censetur, et apud epicos etiam semper fere occurrit, carmen suum exornandi. Ibi illum, quum scelera eius adeo manifesta essent, vt

quaestione nihil esset opus, indicta causa damnatum et gravissimis suppliciis adfectum inducit.

v. 454. 455. *Senferunt conuexa necem*. Coelum et terra aegre Rufini scelera adspexerant, gaudebantque monstro illo sublato. *senferunt*, gavisæ sunt caede. *amolitur onus*, abiicit onus intolerandum, dum vmbra eius ad inferos deferitur. Lucan. V. 355. *respirantibus*. Contaminata quasi antea erant monstri adspectu seu halitu, nunc remoto illo adlenata sibi videntur.

v. 456. *grauat lacus* i. e. cymbam Charontis grauat, qua per lacus vehitur. Virgil. Aen. VI. 413. *horret*, non timet, sed adspectu monstri illius subito perculsus est. *Aeacus*. Antiqui iudices apud inferos erant Minos et Rhadamanthus, quibus posteriores Aeacum adiunxerunt. Homerus Minoem, *Ἰεμιορῶντα* dicit inter mortuorum animos, Rhadamanthum vero in Elysiis versantem. Odyss. δ 564. Virgilius in primo septo Minoem (VI. 432.) in Tartaro Rhadamanthum po-

Intrantemque etiam latratu Cerberus vrget.

Tunc animae, quas ille fero sub iure peremit,
Circumstant, nigrique trahunt ad iudicis urnam
Infesto fremitu. Veluti pastoris in ora 460

Commotae glomerantur apes, qui dulcia raptu
Mella trahit, pennasque cient, et spicula tendunt,
Et tenuis saxi per propugnacula cinctae.

Rimosam patriam, dilectaque pumicis antra
Defendunt, pronoque fauos examine velant. 465

Est locus, infaustis quo conciliantur in vnum
Cocytos Phlegethonque vadis, inamoenus vterque

nit (Aen. VI. 566.) cf. Heyne in excursu XI. ad Virgil. Aen. VI. Noster aliam rationem sequitur, quas partes Aeaco tribuerit, non liquet, est fortasse πυλωρεῖς portae infernalis custos, τὰς κλειῖς τοῦ ἄδου φυλάττων. Lucian. Dial. Mort. XX. 1. pag. 413. ibi v. Hemsterh. Necyomant. 8. pag. 467. Catapl. seu Tyrann. 4. pag. 624 seq. T. I. ed. Reiz. v. 457. *Cerberus*. Virgil. Aen. VI. 417 seqq. Horat. od. III. 11. 15 seqq. Senec. Herc. Fur. 387 seqq.

v. 458. *fero sub iure* iniuria, crudeliter. Res inde ducta videtur, quod olim arbitrabantur, interfectorum animas eos hostiliter persequi, quorum scelere perierant. Drakenbr. ad Sil. Italic. II. 703 seqq. cf. Lucian. Dial. Mort. XIII. 6. pag. 394. T. I.

v. 459. *urnam*, cuius usus erat in sortiendis iudiciis, in quam etiam tabellae iudicum, quibus sententias ferebant, coniiciebantur. Pro-

pert. IV. 11. 49. Omnia haec ex iudiciis Romanorum publicis adumbrata sunt. In causa capitali praetor, cui obtigit ea quaestio, sedet iudex quaestionis. Adfident iudices selecti a iudice quaestionis ex iudicum decuriis sorte constituti. v. Heyne l. c. v. 460. *veluti pastoris*. Compara Stat. Theb. X. 574 seqq.

v. 461. 462. *raptu trahit* pro: rapit. *pennas cient*, alas mouent. Virgil. Georg. IV. 73 seq.

v. 463. *per propugnacula cinctae*, armatae per propugnacula.

v. 464. *Rimosam patriam* explicant sequentia: *pumicis antra*.

v. 465. *prono*, prompto ad ferendum auxilium. *velant* Heinl. coni. *vallant*, quod sane aptius videtur.

v. 466. Haec, quae sequuntur, adumbrata sunt ex Homer. Odyss. x. 512 seqq. et Virgil. Aen. VI. 548 seqq.

Alueus; hic volvit lacrimas, hic igne redundat.
 Turris per geminos flammis vicinior amnes
 Porrigitur, solidoque rigens adamante sinistrum 470
 Proluit igne latus; dextra Cocytia findit
 Acquora, triste gemens, et fletu concita plangit.
 Huc post emeritam mortalia secula vitam
 Deueniunt. Ibi nulla manent discrimina fati,
 Nullus honos, vanoque exutum nomine Regem 475
 Proturbat plebeius egens. Quaesitor in alto

v. 468. *hic volvit* cet. Ex etymo cuiusque fluminis haec addita sunt, *κωκύειν*, *φλέγειν*. cf. Sil. Italic. XIII. 563 seqq. Stat. Theb. VIII. 29 seq.

v. 469. *flammis vicinior*. Num Phlegethonti vicinior? Quomodo autem turris Phlegethonti vicinior dici potest, quum hunc fluuium non magis quam Cocytum attingat? Hanc difficultatem nemo interpretum, quod equidem sciam remouit, nec sane, si verba intacta relinquis, remoueri posse videtur. Vel in *vicinior* vel in *flammis* lateat necesse est vitium, quamquam in codd. mscr. nulla sit varietas. Si coniecturae locus est, legam: *saxis vicinior* i. e. turris, quae magis saxi speciem habet quam aedificii. Homer. Odyss. κ. 515. Πέτρη τε ξύνησις τε δύο ποταμῶν ἐριδούπων. *per amnes*, ita vt ex vtraque parte amnibus inaedificata sit.

v. 470. *Porrigitur* sc. ex vtraque parte in amnes. *solido rigens adamante*. Virgil. Aen. VI. 552 seq. *ἀδαμας*,

ferrum durissimum. Iani ad Horat. od. I. 6. 13. Hesiod. Theog. 188. Huius saepe mentio fit in murorum et turrium descriptionibus, quia laxa et lapides ferreis vncis iuncti esse solent. Hoc non officere coniecturae in versu praecedente, vnusquisque concedet, hic enim de natura et firmitate, illic de figura et specie turris sermo est.

v. 471. *Proluit igne latus* cum delectu pro: proluendum praebet latus, a Phlegethonte adluitur. *dextra* sc. parte. *findit*, quatenus in Cocytum porrigitur. *fletu concita* i. e. ab vndis Cocyti pulsa, dum resistit et excipit eius fluctus.

v. 473. *secula*, homines, vt infra XXXV. 311. *emeritam*, peractam. Ovid. Trist. IV. 8. 21. De stipendiis sumtum.

v. 474. *discrimina fati* ea sunt, quae a fato pendent.

v. 475. *vanoque exutum nomine*, tamquam fabulae actorem, qui regis partes sustinuerat, scena relicta.

v. 476. *proturbat*, propellit, vt locum sibi faciat.

Conspicuus solio praetentat crimina Minos,
 Et iustis dirimit fontes. Quos nolle fateri
 Viderit, ad rigidi transmittit verbera fratris.
 Nam iuxta Rhadamanthus agit Quum gesta superni
 Curriculi, totosque diu perspexerit actus: (480
 Exaequat damnum meritis, et muta ferarum
 Cogit vincla pati. Truculentos ingerit vrlis,
 Praedonesque lupis. Fallaces vulpibus addit.
 At qui delidia semper vinoque grauatus, 485
 Indulgens Veneri voluit torpescere luxu,
 Hunc suis immundi pingues detrudit in artus.
 Qui iusto plus esse loquax, arcanaque suenit
 Prodere, piscosas fertur victurus in vndas,

quaesitor. v. supra ad 456. cf. Senec. Hercul. fur. 731 seqq.

v. 477. *praetentat* i. e. ante explorat. vulg. *pertentat*. Minos nempe, vt a Virgilio, sic a Nostro iudex seu magistratus constitutus est, qui crimina exploret, quique causa dicta et sententiis iudicum latis poenam ex legibus constituat. Hic a *iustis* statim dirimit fontes; illos in Elysium mittit, hos Rhadamantho tradit puniendos, qui triumuirorum capitalium more sententias Minois exsequitur, eosque, qui nolunt crimina sua fateri, tormentis coercet Virgil. Aen. VI. 655 seqq. *Praetentare* is praecipue dicitur, qui manu et baculo iter explorat. Ovid. Met. XIV. 189. deinde quoque simpliciter ponitur pro: explorare. Ovid. Met. IX. 687 seq. *Ante erat ambiguus animi sententia dictis Praetentanda mihi.* Nescio igitur,

cur Burmanno hoc duplicuerit, curque *perpensat* proposuerit, quod procul dubio vulgarius est.

v. 479. *fratris* Rhadamanthi. Propert. IV. 11. 21. Stat. Theb. VIII. 27.

v. 480. *Curriculi, vitae.* Virgil. Aen. IV. 653.

v. 482. 483. *muta ferarum vincla* i. e. Corpora mutorum animantium, quibus, tamquam carceri, includuntur. Hoc ex antiquis Pythagoreorum somniis petatum cf. Ovid. Met. XV. 165 seqq. Lucan. VI. 719 seqq.

v. 484. *addit*, indit, inserit. v. Gesnerum in lexico rustico scriptoribus R. R. adiuncto.

v. 486. Versum intrusum Heinsius esse arbitratur, nec sane sequentibus conuenire videtur.

v. 489. *piscosas fertur in vndas* i. e. in piscem mutatur.

Vt nimiam pensent aeterna silentia vocem. 490
 Quos vbi per varias annis ter mille figuras
 Egit Lethaeo purgatos flumine: tandem
 Rursus ad humanae reuocat primordia formae.

Tum quoque, dum lites, Stygiique negotia solvit
 Dura fori, veteresque reos ex ordine quaerit, 495
 Rufinum procul ecce notat, visuque seuerio
 Lustrat, et ex imo concussa sede profatur:

Huc superum labes, huc insatiabilis auri
 Proluuias, pretioque nihil non auae parato,

v. 490. *psnsent*, compen-
 sent.

v. 491. *Quos vbi cet.* Com-
 para Virgil. Aen. VI. 748 seqq.
 Sil. Italic. XIII. 558 seqq. *per*
varias figuras i. e. vbi ex
 aliis in alias figuras animan-
 tium migravit. *ter mille an-*
nos, ex Aegyptorum forsan
 dogmatibus Herodot. II. 123.
 Virgilius, qui Platonem se-
 cutus est, (de Republ. X.
 p. 761. ed. Frankof.) habet
mille annos. Sil. Italic. l. c.
 mutauit illos in *mille lustra*.

v. 492. *Lethaeo purgatos*
flumine, quo flumine pur-
 gatio animorum finitur. De
 his omnibus v. Heyne in ex-
 cursu XIII. ad Virgil. l. c.

v. 493. *ad humanae pri-*
mordia formae i. e. ad pri-
 stinam formam humanam.

v. 494. *Tum quoque.* Nar-
 ratio aduentus Rufini infero-
 rum locorum descriptione in-
 interrupta erat, nunc vero No-
 ster pergit. Aeacus cum hor-
 rore Rufinum adspicit, Cer-
 berus eum adlatrat, umbrae
 occisorum ad iudicium eum
 compellunt. *Tum quoque cet.*

lites solvit, causas reorum
 cognoscit atque diiudicat.
negotia dura Stygii fori est
 litium circumscriptio, aut
 potius officii iudicis. *dura*,
 seuera.

v. 495. *quaerit reos.* Vsi-
 tatus est: de reis. *ex ordine*,
 vt quisque adpulerat, ordine
 temporis.

v. 496. *notat*, agnoscit.
 Ceterum Rufini crimina et
 maleficia tam nota erant, vt
 eorum cognitione et explo-
 ratione opus non esset, quare
 iudex ad dicendam senten-
 tiam vel causa indicta pro-
 cedit.

v. 497. *lustrat*, diu in illo
 monstro singulari haeret. *ex*
imo concussa sede. Horrore
 nempe et indignatione Mi-
 nos maxima sedem concus-
 serat.

v. 498. *Huc sc. accede. su-*
perum labes, i. e. obprobrium
 hominum, portentum hu-
 mani generis. Sil. Italic. XIII.
 17. Alio sensu iisdem verbis
 vtitur Stat. Theb. VIII. 34.

v. 499. *Proluuias*, est alui
 egestio et ipsa aluus soluta.

Quodque mihi summum scelus est, huc improbe legum
 Venditor, Arctoi stimulator perfide Martis, (500
 Cuius ob innumeras strages angustus Auerni
 Iam sinus, et plena lassatur portitor alno.
 Quid demens manifesta negas? en pectus iniustae
 Deformant maculae, vitiisque inoleuit imago, 505
 Nec sese commissa tegunt. Genus omne dolorum
 In te ferre lubet. Dubio tibi pendula rupes

Columell. XII. 38. 1. Is designatur, qui omnia deuorat, parum digerit, citoque egerit. Quare factum puto, vt illa *proluuius* Harpyis adtributa sit. Virgil. Aen. III. 217.

v. 500. *Quodque mihi summum erat.* Bene ex persona Minois qui iustitia et aequitate insignis ob eamque rem index inferorum constitutus est. Magna sane malorum pars istis temporibus ex illo fonte profluxit, vt in bellis civilibus Virgilii aetate; quare ille quoque huius rei meminit. Aen. VI. 618 seqq.

v. 501. *Arctoi Martis* v. supra ad v. 36.

v. 503. *et plena lassatur portitor alno.* Petron. 122. *vix nauita Porthmeus sufficiet simulacra virum traducere cymba.* cf. Lucan. III. 16 seq. Φησὶ γοῦν ὁ πορθημεὺς μὴ διαρκέσαι αὐτοῖς τότε τὸ σκάφος, ἀλλὰ σχεδίας διαπηξάμενους τοὺς πολλοὺς αὐτῶν διαπλεῦσαι. Lucian. Dialog. Mort. XII. 5. pag. 386 seq. T. I. ed. Reiz.

v. 505. *deformant maculae.* Lucian. Catapl. seu Tyrann. 24. T. I. pag. 645. ed.

Reiz. ὅποσα ἂν τις ὑμῶν πονηρὰ ἐργάσῃται παρὰ τὸν βίον, καὶ ἑκάστον αὐτῶν ἀφανῆ στίγματα ἐπὶ τῆς ψυχῆς περιφέρει. Sic Rhadamanthus ibi contra Cyniscum loquitur. cf. Platon. in Gorg. T. IV. pag. 167. ed. Bipont. Plutarch. de sera numin. vind. T. X. pag. 270 seqq. ed. Hutt. et quae docte disputavit Doering ad Catull. LVII. 3 seq. *vitiisque inoleuit imago.* Ex consuetudine sua Noster, quae semel dixerat, alia ratione efferendo iterat. Illas *maculas*, *κηλίδας*, *στίγματα*, nunc vocat imaginem. Hanc dicit *inoleuisse vitiis* i. e. vitia tua notam indelebilem et in oculos incurrentem, umbrae tuae impresserunt, ex qua foeditas naturae statim ita adparet, vt nulla arte possit dissimulari. Ante oculos habuit Virgil. Aen. VI. 737 seq. Heinshus mauult *vitiisque*.

v. 507. *In te ferre pro:* conferre in te. *pendula rupes.* Respexit Virgil. l. c. 601 seqq. qui Ixionem et Pirithoum epulis adidentes finxit, et supra caput eorum ru-

Immíneat lapsu. Volucer te torqueat axis.
 Te refugi fallant latices, atque ore natanti
 Arescat decepta sitis, dapibusque relictis 510
 In tua mansurus migret praecordia vultur.
 Quanquam omnes alii, quos haec tormenta fatigant,
 Pars quota sint, Rufine, tui? Quid tale vel audax
 Fulmine Salmoneus, vel lingua Tantalus egit,
 Aut inconcesso Tityos deliquit amore? 515
 Cunctorum si facta simul iungantur in vnum,
 Praecedes numero. Cui tanta piacula quisquam
 Supplicio conferre valet? quid denique dignum
 Omnibus inueniam, vincant quum singula poenas?
 Tollite de mediis animarum dedecus umbris. 520
 Adspexisse sat est. Oculis iam parcite nostris,

pem ruinas minantem. Alii alios hoc modo mulcatos retulerunt, quos recenset ad Virgil. l. c. Heyne.

v. 508. *volucer axis*. Ixionis rotam intelligit, cui adligatus circumagitur. Ovid. Met. IV. 160. in Ib. 176. Virgil. Georg. IV. 484. ibi Heyne.

v. 509. *refugi latices* sc. Tantali. Homer. Odyss. λ. 581 seqq. Ovid. Met. IV. 557 seq. vbertate fastidiosa haec exposita sunt Senec. Thyest. 152 seqq.

v. 511. *In tua vultur* cet. Homer. l. c. 575 seqq. Lucret. III. 897 seqq. Virgil. l. c. 595 seqq. est vultur Tityi.

v. 513. *Pars quota sunt — tui*: i. e. partem quotam tuorum scelerum illi commiserunt?

v. 514. *Salmoneus* Aeoli filius. Manil. V. 91 seqq. Vir-

gil. l. c. 585 seq. ibi v. Heyne, et eundem in excursu XII. Apollod. I. 9. 7. *lingua*. a diis epulis adhibitus Tantalus non dicenda euulgauerat. v. Iani ad Horat. od. I. 28. 7. seq.

v. 515. *inconcesso amore*. Latonae enim vim inferre voluit Tityos, ob eamque rem ab Apolline et Diana telis confixus est. Apollod. I. 4. 1.

v. 517. 518. *cui tanta piacula — conferre valet*. Sensus: Cuinam supplicio tanta commissa seu scelera quisquam comparare potest, seu quod esse potest supplicium satis magnum, quo tanta scelera puniri queant.

v. 520. *animarum dedecus* nunc sic vocatur apud inferos quum sit, supra v. 498. erat *superum labes*.

v. 521. *parcite* sc. abigendo illud monstrum.

Et Ditis purgate domos. Agitate flagellis
 Trans Styga, trans Erebum. Vacuo mandate Barathro
 Infra Titanum tenebras, infraque recessus
 Tartareos, nostrumque Chaos, qua noctis opacae 525
 Fundamenta latent, penitusque immerfus anhelet,
 Dum rotet astra polus, feriant dum litora venti.

v. 524. 526. *recessus Tartareos*. Homer. Il. 5. 15 seqq. *nostrumque chaos*. Burmann. coni. *vastum*, quod non displicet. Cod. Reg. *dirumque*. cf. Valer. Flacc. I. 831 seq. *qua noctis opacae Funda-*

menta iacent. Nox h. l. pro locis inferis. Sil. Italic. XIII. 708. Sensus igitur est: in imo fundo, cui inferorum loca superstructa sunt. Accommodate huic loco dixit *latent* pro: sunt.

VI.

CL. CLAUDIANI
DE TERTIO CONSULATU
HONORII AVGVSTI
PRAEFATIO.

ARGVMENTVM.

Sententia, quam poeta exornatam copiose extulit, haec est: Ut aquila pullos suos solis radiis explorat, et non nisi probatos alit, ut olim Ioai ministrarent: sic Roma me exploratum et probatum poetam Honorio misit, ut eius aures cantu demulceam.

Paruos non aquilis fas est educere fetus
Ante fidem Solis, iudiciumque poli.

COMMENTARIVS.

v. 1. Hac de aquilis observatione plures vsi sunt. Comparari cum Nostro possunt Horat. od. IV. 4. 1 seqq. Valer. Flacc. VII. 375 seqq. Lucan. IX. 902 seqq. Sil. Italic. X. 107 seqq. cf. Aristotel. H. Anim. IX. 34 et 45. Aelian. H. Anim. II. 26. Plin. Hist. N. X. 3, qui postremus tamen de Haliaeeto tantum, certo aquilarum genere, haec narrat. *non fas est*, non licet illis per suam naturam. *educere*, educare.

v. 2. *Ante fidem solis* i. e. antequam sol fidem suam quasi interposuerit, pullos

fore generosos; ante argumentum generositatis e solis adspectu captum. Rationem enim, qua aquila pullorum generositatem explorare dicitur, ita exprimit poeta, quasi aquila radios solis consulat, an educandi laborem pulli mereantur. cf. infra 7. Hanc *solis fidem* vocat quoque, eadem re aliter enunciata, *iudicium poli* i. e. coeli, quo additamento, id quod cum Gesnero fatemur, nihil opus fuisset. Verum pertinet hoc et innumera alia ad luxuriam nostri poetae non satis castigatam.

Nam pater, excusso saliit quum tegmine proles,
 Ouaque maternus rupit hiulca tepor:
 Protinus implumes conuertit ad aethera nidos, 5
 Et recto flammās imperat ore pati
 Consulit ardentes radios, et luce magistra
 Natorum vires ingeniumque probat.
 Degeneres refugo torfit qui lumine visus,
 Vnguibus hunc saeuīs ira paterna ferit. 10
 Exploratores oculis qui pertulit ignes,
 Sustinuitque acie nobiliore diem:
 Nutritur volucrumque potens et fulminis heres,
 Gesturus summo tela trifulca Ioui.

v. 3. *excusso tegmine*, pro: exuto tegmine. Valer. Flacc. II. 398. vbi v. Burmann.

v. 4. *oua hiulca* sunt oua, quae rimas duxerunt. Hoc fit autem non tepore sed rostri ictibus seu matris seu pulli. Ceterum, quod prius natura est, posteriore loco posuit poeta.

v. 5. *nidos*, pullos, qua metonymia poetae saepe vsi sunt. Virgil. Georg. IV. 17. Aen. XII. 475. Senec. Hercul. Fur. 146 seq.

v. 6. *flammās*, solis radios. *recto ore pati*, oculis rectis intueri.

v. 7. 8. *Consulit ardentes radios* sc. de pullorum generositate. v. supra ad v. 2. *luce magistra*, radiis solis docentibus, seu prout illi de prole iudicant, ipsa quoque de viribus et ingenio eorum iudicium fert, aut de iis existimat.

v. 9. 10. *Degeneres visus*. *Visus*, oculi, pulli virtutes sui generis non retinētes, qui solis radios reformidant. *torfit*, vertit; sed ad vim rōi auertit exprimendam, adiecit *lumine refugo*.

v. 11. 12. *Exploratores* sc. generositatis pullorum. *nobiliore*, generosiore. *diem*, solem.

v. 13. 14. *volucrumque potens* i. e. rex volucrum. Virgil. Aen. I. 80. Horat. od. IV. 4. 2 seq. Plin. H. N. XXXIV. sect. 19. *gesturus* cet. Quum sola supra nubes volans aquila fulmine percuti non putaretur, idcirco fulmina Iouis portare existimabatur. Heins. ad Ovid. Met. X. 158. Plin. H. N. X. 3. extr. *tela trifulca*, vt ignes trifulci Ovid. Met. II. 848 seq. fulmen.

Me quoque Pieriis tentatum saepius antris 15
 Audet magna suo mittere Roma Deo.
 Iam dominas aures, iam regia tecta meremur,
 Et chelys Augusto iudice nostra sonat.

v. 15. 16. *Pieriis tentatum antris.* Solito poetarum phantasmate expressum, quo se in Musarum sedibus versari fingunt, dum carmina meditantur seu componunt. cf. Propert. III. 1. 5 seq. et 2. 1 seq. Iani ad Horat. od. II. 1. 39. et III. 41. 40. et 25. 4 seq. *magna Roma*, vt Horat. sat. I. 5. 1. h. l. rerum

potens. *suo deo* Honorio Augusto. Munus enim gratulandi Principi iniunctum erat Claudiano a senatu.

v. 17. 18. *dominas* pro: domini. *meremur.* Sensus: iam consecuti sumus, vt Princeps in regia nos canentes audiat. *chelus*, χέλυσ, cithara, lyra.

VII.

CL. CLAUDIANI
DE TERTIO CONSULATU
HONORII AVGVSTI
PANEGRYSIS.

ARGVMENTVM.

Poeta optat, ut annus, quo Honorius tertium consulatum suscepit, felicior sit rationeque solenniori rebus et tempori accommodata celebretur. v. 1—6. Ad Honorium deinde ipsum se conuertit, eumque hortatur, ut more consueto munus illud adeat. v. 7—9; tum ad laudes eius persequendas se accingit. A rege eum, dicit, susceptum et statim in castra delatum esse, eiusque natales gentes barbaras exhorruisse. v. 10—21. Deinde exponit, quomodo inter arma infantiam consumserit, quaeque pater pro futura felicitate filii precatus sit; porro, quomodo puer corpus exercuerit ad labores militares ferendos temporisque iniurias tolerandas; quomodo rebus gestis maiorum a patre ad virtutem excitatus sit. v. 22—62. Procedit tum ad bella contra Arbogastem et Eugenium, ad quae proficiscendi Honorius cupidissimus fuerit, patrem tamen noluisse filium belli periculis exponere, Augustique nomen et honores ei decreuisse. v. 63—87. Quamuis autem armis non pugnauerit, felicitate tamen eius locorum difficultates superatas hostiumque exercitus procellis obrutos fuisse. v. 88—101. Arbogaste et Eugenio interfectis libertateque recuperata Theodosium se noluisse coelo reddere, donec totus terrarum orbis pacatus filio tradi posset. v. 102—110. Statim Honorium profectum esse ex Thracia per Thessaliam et Epirum in Italiam natura ipsa eius aduentum celebrante. v. 111—125. Omnes tunc videndi iuuenem studio conuolasse atque ut deum aliquem admiratos esse eodem curru cum patre per urbem vectum. v. 126—141. Ut ventum esset ad palatium, arbitris remotis Theodosium Stilichoni, cuius praecipue opera bella confecta hostesque superati essent, duorum filiorum tutelam tradidisse v. 142—162; quo facto eum in stellam esse mutatum. v. 163—174. Laudibus tandem poeta patrem prosequitur, felicitatemque eius praedicat, quippe qui et oriens et occidens filiorum imperia adspiciat aequitate sua aureum seculum reducentium vitiaque exstirpantium, in quorum opibus augendis vel dii ipsi occupati sint. v. 175—199. Tandem quasi vacillans belli gloriam illorum futuram canit, eosque ad arma contra gentes adhuc inuictas capienda, felici successu proposito, adhortatur.

Tertia Romulei sumant exordia fasces;
Terque suas ducat bellatrix pompa curules.
Festior annus eat, cinctusque imitata Gabinos

COMMENTARIUS.

Recitata est haec panegyris a Claudiano coram ipso Principe in palatio Mediolanensi A. C. 396, A. V. 1148. secundum fastos Relandi.

v. 1. *Romulei fasces*. *Fasces* ab Hetruscis vel Romulus adsumsit vel Tarquinius Priscus. Dionys. Halic. III. 61. Liv. I. 8. Flor. I. 5. Salust. Catil. 51. cf. Sil. Italic. VIII. 484 seq. h. l. pro consulatu positi sunt, cuius insignie fuerunt. *sumant exordia*, annum aperiant, ut idem exprimit Stat. silv. IV. 1. 2.

v. 3. *Terque* h. l. pro: tertium. *bellatrix pompa*. Burmannus, cui non convenire videtur epithet. *bellatrix* cinctui Gabino, *bellatrix Roma* praefert. Minus bene. De pompa consulari in universum sermo non est, sed de militum stipatione, quae locum tantum habebat, quando Princeps consul factus esset. Huc pertinet *bellatrix pompa* i. e. militum conlectatio non civium, ut apud ceteros consules. *suas*. Quandoquidem eorum Imperator consul erat. Forsan etiam *Romulei fasces* consulatum Principis designant. *curules* sc. sellas. Hae sellae erant ex ebore artificiose caelato Ovid. ex Pont.

IV. 5. 18. et 9. 27. cf. Schaeffer. de re vehic. II. 16.

v. 3. *Festior annus eat*. cf. Stat. silv. l. c. 23 seqq. *Ire* saepe usurpatur de temporis lapsu. Tibull. III. 4. 54. Horat. od. IV. 5. 7. *cinctus Gabinos*. Non proprie dixisse poetam putat Gesnerus, illum enim cinctum caput lacinia togae velare, togamque ipsam arctius corpori applicare et adstringere. Liv. VIII. 9. Serv. ad Virgil. Aen. V. 755; contra nudo capite esse consules in pompa. Quam ob rem existimat, h. l. intelligi debere *Lorum*, τὸν λαῶπον, consularem et imperatorium. Hunc autem describit Rubenius de re vest. V. 13. *Lorum* igitur hoc, quod imperiale collum solet circumdare, fascia erat auro gemmisque distincta, quae utrique humero fuit imposita, deinde in pectore crucis signum exprimebat ut analabus antiquorum monachorum et stola nostrorum sacerdotum. Hoc *Loro*, adfirmat Gesnerus, vlos esse Imperatores a Constantino inde. Probabile autem est, capitis velationem ad cinctum Gabinum non pertinuisse, nam neque Isidorus XIX. 24. neque Servius ipse ad Virgil.

Diues Hydaspes augescat purpura gemmis.
Succedant armis trabeae; tentoria lictor
Ambiat, et Latiae redeant ad signa secures.

5

Aen. VII. 612. (cf. Schol. ad Lucan. l. 596.) de capite velato loquitur, neque ex Livio l. c. probabile est, Decium capite toga velato in equum inliluisse atque in medios hostes se praecipitalle. Cic. de Divinat. I. 24. *Post triennium autem, cum consul esset (Decius), denouit se, et in aciem Latinorum irrupit armatus.* Resque ipsa, ex qua ortus ille cinctus dicitur, quamque Sernius exponit, de capite toga velato non sinit cogitare. Capitis igitur velatio potius ad devotionis ritum spectasse videtur, ut in aliis quoque rebus sacris illa in more fuit, et cum cinctu Gabino ibi fuisse coniunctum. Cinctum autem illum non proprie intelligi debere, indicat fortasse iam *imitata*, eundemque non meram togae complicationem seu adstrictionem fuisse, sed vestimenti genus, quo toga quasi cingeretur, plura loca declarant. Prudent. *περι στεφάνων* X. 1015. *Cinctu Gabino sericam fultus togam.* Nost. infra XVIII. 300 seqq. *quum tenderet artus Exsangues onerare toga, cinctuque gravatus Indutoque senex obscoenior iret in auro.* cf. XXII. 331 seqq. et XXVIII.

561. Quale autem vestimenti genus fuerit, nunc vix ad liquidum perducitur potest. De loro dubito, quandoquidem illud collo circumdabatur.

v. 4. *purpura*, praetexta, ut recte explicat Schwarz. ad Plin. Panegy. 59. cf. Ovid. Fast. I. 81 seq. Stat silv. IV. 1. 21 seq. *augescat*, augustior reddatur. infra XXII. 99. cf. Stat. Theb. VI. 74. *Hydaspes gemmis.* Apud Senec. Med. 725. *Hydaspes gemmifer* vocatur. Gemmis atque margaritis se exornare apud Persas praecipue more erat receptum. v. Ammian. Marcell. XXIII. 6.

v. 5. *Succedant armis trabeae.* i. e. post res bello gestas Honorius consulatum accipiat et respublica armis defensa nunc consulari auctoritate regatur. *trabeae* v. supra ad l. 178. *lictor*, consularis imperii antiquus minister neque in pugnae fervore a consule recedebat. Sil. Italic. IX. 421. apud Liv. XLV. 39. *paludati* vocantur. cf. Ruperti ad Sil. Italic. IV. 517. Sub Imperatoribus ordinarius lictorum usus in castris non videtur fuisse, nisi Imperatores consulatum gererent.

v. 6. *secures*, et hae quoque, ut lictorum gestamen, indicant, consulare impe-

Tuque, o, qui patrium curis aequalibus orbem
 Eoo cum fratre regis, procede secundis
 Alitibus, Phoebique novos ordire meatus,
 Spes votumque poli, quem primo a limine vitae 10
 Nutrix aula fouet; strictis quem fulgida telis
 Inter laurigeros aluerunt castra triumphos.
 Ardua priuatos nescit fortuna penates,
 Et regnum cum luce dedit. Cognata potestas
 Excepit Tyrio venerabile pignus in ostro, 15

rium collatum esse in Imperatorem.

v. 7. *Tuque o.* Sic solent poetae orationem ad personam insignem conuertere. Virgil. Georg. I. 12. Valer. Flacc. I. 7. Stat. Theb. I. 22. *patrium orbem*, imperium Romanum, quod Theodosius pater solus obtinuerat, nunc inter Arcadium et Honorium filios diuisum. *curis aequalibus* pari potestate.

v. 8. *Eoo cum fratre*, Arcadio quartum consulatum in Oriente nunc gerente.

v. 9. *Alitibus*, auspiciis. *nouos meatus Phoebi*, novum annum.

v. 10. *Spes votumque poli*, quem coelum sperat sibi adscriptum iri olim, idque iam vehementer cupit. Stat. Theb. I. 24 seq. *limine vitae*, sic Lucan. II. 106. v. ibi Ouden-dorp. cf. Stat. silv. IV. 2. 13.

v. 11. *Nutrix aula*. Honorius enim natus est, quum Theodosius iam esset Imperator constitutus, ideoque *aula* eius *nutrix* vocatur. *strictis quem fulgida telis*

Inter laurigeros cet. Sensus: qui in castris exercitus victoris educatus est. cf. infra v. 16. et XXVIII. 53 seqq.

v. 13. 14. *Ardua priuatos nescit* cet. Iteratur aliis verbis aliaque ratione, quod iam v. 10. dictum erat. Vult attendi ad hanc felicitatem poeta, quam Honorius cum Arcadio non communicat. *priuatos penates*, domum, conditionem priuatam. *et regnum* cet. v. infra VIII. 122 seqq. *cognata* vna seu tecum nata.

v. 15. *venerabile pignus*, te velut sacrum depositum. infra X. 307 seq. *excepit Tyrio in ostro*. Hoc explicare potest oratio Commodi apud Herodian. I. 5. 14. ἅμα τῷ τῆς γαστρὸς προελθεῖν ἡ βασίλειος ὑπεδέξατο πορφύρεον ὁμοῦ δέ μιν εἶδεν ἡλῖος ἄνθρωπον καὶ βασίλισσα Barthius ad h. l. disputat, non poetice sed vere poetam hoc dixisse, nam morem fuisse infantis Imperatorum recens natos purpura principali excipere. cf. infra VIII. 126 seqq. 139

Lustravitque tuos aquilis victricibus ortus
 Miles, et in mediis cunabula praebeuit hastis.
 Te nascente ferox toto Germania Rheno
 Intremuit, mouitque suas formidine silvas

seqq. et 157 seqq. Illi liberi, qui nascebantur patribus imperatoriam dignitatem iam obtinentibus, dicebantur *porphyrogeniti*: *purpurati* cf. Buleng. de imper. Rom. II. 8. Cangium in Gloss. Gr. sub voce *πορφυρογέννητος* et in Lat. s. v. *purpuratus*. Ceterum *cognata potestas* excepit cet. positum pro: cognata potestas fecit, ut excipereris cet., quod ita intelligo: ut statim induereris cet. Alii, ut Gesnerus et Bipont. distinguunt post *potestas* sic: *Et regnum cum luce dedit cognata potestas. Excepit Tyrio cet.* Ego secutus sum Burmannum, quia non placuit *cognata potestas dedit cum luce regnum*. Hoc enim esset: regia dignitas cognata una cum vita tibi dedit regiam dignitatem.

v. 16. 17. *Lustravitque tuos — hastis*. Burmannus putat, indicari infantem vel eius cunas in hastis militum portatas, quum agmen duceretur; Gesnerus decursionem militum, intelligit, institutam ad honorandum natalem pueri imperatorii. Equidem arbitror, poetam nihil aliud exprimere voluisse, quam Honorium inter felices belli tumultum natum fuisse,

quod boni ominis erat. Si primo aetatis anno consul fuit Honorius (v. n. ad VIII. 154 seqq.) victoria spectari potest de Gruthungis qui Danubium transire conantes magna clade repulsi erant. Cogitari quoque potest Honorius ille paruulus in castris exercitus victricis vel versatus esse vel in ea boni ominis causa delatus. Panegy. Vet. I. 2. 4. *lustravit exercitus tuos ortus*, exercitus sub signis te natum circumdedit. cf. infra VIII. 150 seqq. *ambitur signis augustior infans. hastis* positum pro: castris, ut supra V. 162. *hastiae* pro exercitu occurrunt. Pro *praebeuit hastis* Heinfl. coni. *praebita castris*,

v. 18. 19. *Te nascente* cet. Natales Honorii omnibus barbaris ominibus portenti sunt, ipsique iam horruerunt futuram eius magnitudinem numenque agnouerunt. Alio modo natales Honorii insignes expressit VIII. 141 seqq. cf. Sidon. Apollin. carm. II. 104 seqq. *toto Rheno Germania* est omnis Germania ad Rhenum, qui limes erat imperii Romani. *mouitque suas silvas*. cf. infra XX. 171 seqq.

Caucasus, et positis numen confessa pharetris 20
Ignauas Meroe traxit de crine sagittas.

Reptasti per scuta puer, regumque recentes
Exuviae tibi ludus erant, primusque solebas
Aspera complecti toruum post proelia patrem,
Signa triumphato quoties flexisset ab Istro 25
Arctoa de sirage calens, et poscere partem
De spoliis, Scythicosue arcus, aut rapta Gelonis

v. 20. 21. *Meroë*. v. supra ad l. 134. Intelligendi autem sunt Aethiopes, qui capite pro pharetra vtuntur sagittis in illo radiorum instar ligatis, vt narrat Lucian. de Saltat. 18. T. II. pag. 278. ed. Reiz. cf. infra X. 222. et XLVII. 23. De Indis Prudent. Hamartig. 497 seq. *non decolor Indus Tempora pennatis redimitus nigra sagittis*. Ex verbis ipsis *ignauas* facile explicari potest, quibus nempe Aethiopes non amplius vsuri sunt contra Honorii exercitus, quum se iam victos profiteantur. Verum quid facias de *positis pharetris*, quum earum vsus h. l. nullus possit esse? Num forsan illa voce abusus est, intelligendaeque sunt ligaturae, quibus in capite sagittas radiorum instar dispositas ligabant, aut quibus illae inferebantur. Hoc saltem ex Luciano probabile fit. Sed, qui poterant hac ratione pharetrae prius deponi et deinde sagittae de crine trahi. Nisi quod prius est natura, Nostrum posterius fecisse arte,

vt passim, sumas, hoc indicare poetam voluisse necesse est statuas, Meroës incolas se prostrauisse et sic capitibus, quae pharetrarum instar illis sunt, in terra positae sagittas detraxisse.

v. 22. 23. *Reptasti per scuta puer*. cf. Stat. Theb. IX. 619 seq. Sidon. Apoll. carm. II. 135 seqq. *regumque recentes Exuviae tibi ludus erant*. pro: ludebas cum exuuiis r. r. Sidon. Apollin. l. c. Vocem *regum* condonemus poetae in maius omnia augenti.

v. 24. *toruum*, ad habitum bellatoris spectat. cf. supra V. 401.

v. 25. *signa flexisset*, reuertisset. *triumphato ab Istro*, Scythiae populis deuictis.

v. 27. *Gelonis*. Geloni gens Sarmatica pertinet ad populos vltra Istrum habitantes. Ex equis pugnare solebant Horat. od. II. 9. 22. indeque volucres vocantur apud Lucan. III. 238. Ammian. Marcellin. XXXI. 1. *Post quos vicini sunt et Geloni perquam feri, qui de-*

Cingula, vel iaculum Daci, vel frena Sueui.
 Ille coruscanti clipeo te saepe volentem
 Sustulit arridens, et pectore pressit anhelō 39
 Intrepidum ferri, galeae nec triste timentem
 Fulgur, et ad summas tendentem brachia cristas.
 Tum sic laetus ait: Rex o stellantis Olympi,
 Talis perdomito redeat mihi filius hoste,
 Hyrcanas populatus opes, aut caede superbus 35
 Assyria. Sic ense rubens, sic flamine crebro
 Turbidus, et grato respersus puluere belli,

*tractis peremptorum hostium
 cutibus indumenta sibi equis-
 que tegmina conficiunt, bel-
 latrix genus.*

v. 28. *iaculum Daci.* Iaculandi arte insignis gens. Sil. Italic. I. 324 seqq. *frena Sueui.* De hac gente v. Tacit. de morib. Germ. 38. Noster equestrem eorum virtutem celebrare videtur.

v. 30. *anhelō* cf. I. 117 seq.

v. 31. 32. Audaciorem et minus timidum facit poeta Honorium, quam naturae magis accommodata Homerus finxit Astyanacta Hectoris filium. Il. ζ. 466 seqq.

v. 33. *Rex o stellantis* cet. cf. Homer. I. c. 476 seqq. Sophocl. Aiac. 550. Virgil. Aen. XII. 435. Valer. Flacc. I. 267 seq. Sil. Italic. III. 69 seqq.

v. 34. *talis*, ὡς καὶ ἐγὼ.

v. 35. *caede superbus*, sic Virgil. Aen. X. 514. *Superbus* adfectum victoris exprimit; καυχήων.

v. 36. 37. *ense rubens* vel pro: ense caede rubenti, vel cruore ipso hostili conspersus,

quem ensis hauserat. Vtrumque tamen idem est, quod: multis hostibus caesis. *flamine crebro turbidus.* *Flamen* pro anhelitu, ni fallor, vix occurrit. Potest igitur h. l. esse ventus, quo turbatur praecipue, qui vehementi motu et agitatione in eo vitur, ut qui strenue pugnat, aut ducis officia sustinens modo huc modo illuc rapido cursu fertur ad milites cohortandos. *Turbidus* ad habitum externum quoque pertinet, iracundiam vero nondum decoctam non exprimit, ut Barthius vult, neque anhelitum solum quod probat Gesnerus. Quod si autem *flamen* pro graui anhelitu h. l. positum statuas, *turbidus* explices: graui anhelitu ex motu vehementiore adhuc quassatus. Occurrit apud Virgil. Cir. 404. *turbati flamine venti.* Lucian. Catapl. seu Tyrann. 3. pag. 623. T. I. ed. Reiz. οὐχ ὁρᾷ δὲ καὶ τὸν Ἑρμῆν αὐτὸν ἰδρῶτι ῥεόμενον, καὶ τῷ πόδι κεκονι-

Armaque gauiso referat captiua parenti.

Mox vbi firmasti recto vestigia gressu,
Non tibi desidias molles, nec marcida luxu 40
Otia, nec somnos genitor permisit inertes:
Sed noua per duros instruxit membra labores,
Et cruda teneras exercuit indole vires,

μένον, καὶ πνευστιῶντα με-
στόν γοῦν ἀσθματός αὐτῶ τὸ
στόμα; τί ταῦτα ὦ Ἑρμῆ; τίς
ἢ σπουδή; τετραρχυμένῳ γὰρ
ἡμῖν ἔοικας. cf. Homer. Il. 2.
10. Apollon. Rhod. I. 1256.
Il. 87. et 430. *grato puluere*.
Horat. od. II. 1. 21 seq. Stat.
Theb. IX. 910. Nost. infra
VIII. 551 seq. cf. exempla a
Burmanno laudata ad Valer.
Flacc. I. 13. Index est enim
puluis rei strenue gestae.
Etiam haec spectant ad ha-
bitum exteriorum turbatum,
vt solet esse eorum, qui proe-
lium modo reliquerunt.

v. 38. *gauiso ἀορίστως* seu
per enallagen temporis pro
gaudenti, quod rhythmum
foedasset. Barthius dubitat,
an non *gauisae* sc. matri scri-
bendum sit. Hom. l. c. 481.
Burmmanus coniicit *Arma-*
que grandaeuo.

v. 39. Pergit Noster ad
exercitationes puerilis aeta-
tis, quibus corpus firmavit
Honorius. *firmasti recto ve-*
stigia gressu. *Firmare ve-*
stigia saepe occurrit. Virgil.
Aen. III. 659. Lucan. IV. 41.
et infra XXXIII. 19. *sensus*:
quum didicisses pedem fir-
mum, non vacillantem po-
nere (*firmare vestigia*) in-

cessu recto, dum erectus in-
cederes, quum non amplius
reptares vt infans. *recto*
gressu possunt quoque esse
datiui pro: in rectum gres-
sum. Coniciebam olim:
signasti. Horat. l. c. Virgil.
Georg. III. 171. Sil. Italic. III.
147. et XVI. 485. *Vestigia*
signare recto gressu esset:
incedere recto gressu i. e.
non vacillante.

v. 40. 41. *marcida otia*,
quae eneruant, viresque fran-
gunt.

v. 42. *instruxit* i. q. exer-
cuit. *noua membra* h. l. mem-
bra puerilia. Sic *noua aetas*
apud Ovid. Amor. II. 4. 45.
Burmmanus existimat, *noua*
esse somno resecta, quia de
somnia praecellerit. Verum
ex versu sequenti, vbi ea-
dem dicuntur, interpretatio
ex *cruda indole* petenda est,
vbi *cruda* idem significat,
quod h. l. *noua*.

v. 43. *cruda indole* pro:
dum adhuc *indoles cruda*
i. e. nondum formata esset.
Positum igitur pro: in pue-
ritia. Recte Gesnerus: Quum
natura adhuc esset rudis, sibi
relicta, nondum in quem-
cunque habitum formata.
Barthius: viridi et laborum

Frigora saeva pati, grauibus non cedere nimbis,
 Aestium tolerare iubar, tranare sonoras 45
 Torrentum furias, adscensu vincere montes,
 Planitiem cursu, valles et concaua saltu.
 Nec non in clipeo vigiles perducere noctes,
 In galea potare niues; nunc spicula cornu
 Tendere, nunc glandes Baleari spargere funda. 50

patiente, minus recte, quandoquidem hoc non puerili sed iuuenili indoli accommodatum esset.

v. 44. *Frigora saeva pati* pro: vt pati posses frigora saeva. Et sic in reliquis.

v. 45. *iubar*, solem.

v. 46. 47. *adscensu vincere montes*, i. e. imperare montes. Virgil. Georg. III. 141. Aen. II. 302 seq. Sil. Italic. XIII. 104. Pertinebant haec et quae sequuntur ad exercitationes militares. Sil. Italic. VIII. 551 seqq. Burmann. ad Valer. Flacc. III. 481. *valles et concaua*, fossas.

v. 48. *vigiles perducere noctes*. i. e. ad finem noctis in vigiliis esse. Burmannus obseruat, *producere noctes* esse fere genio indulgentium. v. ad Valer. Flacc. I. 251. Sunt tamen loca, in quibus et alio sensu vsurpatur, vt Propert. I. 3. 39. Pro certo vix aliquid adfirmari potest, quum composita ex *per* et *pro* perpetuo in codd. permittentur. cf. Heyne ad Tibull. I. 4. 5. *in clipeo*, clipeatum, armatum, vt Gesnerus, non clipeum capiti subiectum indicat, vt Bar-

thius vult; hoc ex adiecto *vigiles* adparet.

v. 49. *In galea potare niues*. Galeam saepe militibus poculi vicem sustinuisse, notum est. interpp. ad Lucan. IX. 501 seq. Propert. III. 10. 8. Stat. Theb. III. 663. Sidoron. Apoll. carm. II. 110. Nost. infra XXVI. 532. De formula *potare* in v. Burmann. ad Phaedr. I. 25. *niues*, aquam ex nix soluta.

v. 50. *spicula cornu Tendere*, duriusculum videri, ait Gesnerus, nihilominus tamen Virgilianum est. Aen. IX. 606. et Horatianum, od. I. 29. 9 seq. pro: tendere neruos Lucan. VIII. 296 seq. aut cornu spiculis Virgil. Aen. XI. 860. Valer. Flacc. VI. 376. Graeci: τόξον ἐκτείνειν Euripid. Suppl. 745. *spargere*, βέλειν χέειν Homer. II. 6. 590. Lucan. III. 327. Rupert. ad Sil. Italic. I. 267. *Baleari*. Baleares duae insulae sunt in mari Hispanico contra litora Tarraconensia, a quarum incolis vsus fundae repertus et excultus esse dicitur. interpp. ad Lucan. I. 229. Sil. Italic. III. 365. cf. Lycophr. 632 seqq.

Quoque magis nimium pugnae inflammaret amorem,
 Facta tui numerabat aui, quem litus adustae
 Horrescit Libyae, ratibusque imperuia Thule.
 Ille leues Mauros, nec falso nomine Pictos
 Edomuit, Scotumque vago mucrone secutus, 55
 Fregit Hyperboreas remis audacibus vndas,
 Et geminis fulgens vtroque sub axe tropaeis
 Tethyos alternae refluas calcavit arenas.

v. 51. Pro: *nimium amorem* Burmannus coni. *iuuenem amore vel puerum*, non, ut puto, ex ingenio Claudiani, apud quem *nimium amorem magis inflammare* nihil amplius est, quam: amorem per se iam magnum etiam augere. Ad logices praecepta Noster adstringendus non est. cf. infra 73 et 96.

v. 52. *numerabat* cf. supra I. 57. Virgil. Georg. IV. 347. *ai.* Theodosii Comitiss, cuius res gestae narrantur ab Ammian. Marcell. lib. XXVII-XXIX.

v. 53. *ratibus imperuia* h. l. quae adiri nequit ratibus. cf. infra XXII. 424. et Sil. Italic. XIII. 764. *Thule* supra V. 240. et XXII. 424.

v. 54. *Ille leues Mauros*. De hac gente vid. Sil. Italic. I. 215 seqq. et quae ibi laudavit Ruperti. De ratione eorum pugnandi eundem ad Sil. Italic. IV. 313 seqq. *nec falso nomine Pictos*. Indicare vult, *Pictos* vocari ab ipsa re, quod corpus pingunt coloribus seu potius stigmatibus et punctis ferri. cf. infra

VIII. 32, XXII. 248, XXVI. 417. Sidon. Apoll. carm. VII. 244. Caes. d. B. G. V. 14. Solin. 25. Herodian. III. 14. 3.

v. 55. *vago mucrone* i. e. exercitu vago. Iungo enim haec cum *secutus*, non cum *Scotum*. Exercitus enim, qui vagum hostem insequitur, ipse vagetur necesse est. Insuper *mucrone* exprimit milites hostium vagorum tergo inhaerentes.

v. 56. *Hyperboreas vndas*, mare Atlanticum. De Hyperboreis v. Gesnerum ad Orph. pag. 460 seqq. *fregit*. Sil. Italic. XI. 490. Valer. Flacc. I. 363. ibi v. Burmann. *audacibus*. Oceanum spectat septentrionalem incognitum vel tunc temporis et terroris plenum.

v. 57. *vtroque sub axe*. Ex prioribus petenda est explicatio. Intelligit calidam Africae et frigidam Britanniae plagam. v. not. ad XV. 458.

v. 58. *Tethyos alternae* et. nihil amplius est, quam vidit accessum et recessum maris Africi et Britannici. re-

Hos tibi virtutum stimulos, haec semina laudum,
 Haec exempla dabat. Non ocius hausit Achilles 60
 Semiferi praecepta senis, seu cuspidis artes,
 Siue lyrae cantus, medicas seu disceret herbas.
 Interea turbata fides, ciuilia rursus

fluas arenas. De arenis vagis forsan cogitauit, quae fluctuum et aestus motum sequuntur. cf. Lucan. IV. 427 seq.

v. 59. *semina laudum.* Ex iis quae de rebus gestis aui pater solebat commemorare, tamquam ex seminibus, aemulatio studiumque virtutis debebat efflorescere, ex hoc praeclare facta, vnde rursus laudes pariuntur. Stat. Achill. I. 188 seq.

v. 61. *Semiferi senis.* Chironis. Sil. Italic. XI. 449 sqq. Stat. Achill. I. 116 sqq. Praeter Achillem plures etiam instituisse dicitur Chiron. cf. Heyne ad Apollod. pag. 353. 355. 565. et eundem in Philostrat. Imag. V. 2. in Opusc. Acad. T. V. pag. 92 seq. Adde eiusdem *Sammlung antiquarischer Aufsätze* P. I. pag. 32. *hausit.* metaph. a bibendo sumtam exemplis illustrat Burmann. ad Valer. Flacc. I. 263. *cuspidis artes,* iaculandi seu sagittandi artem.

v. 63 seqq. Procedit nunc poeta ad bellum ciuile, Arcadio adhuc puero ortum, cui ipse quidem interesse non potuit propter aetatem, quod nihilominus tamen, secundum Claudianum, se-

licitate sua profligauit. Arbogastes nempe, natione Francus, vir consilio et manu promptus, secundum inter duces locum apud Gratianum Imperatorem obtinuerat, quo mortuo ad Theodosium se contulit, eiusque praecipue opera et Maximus debellatus et Valentinianus, Iustinae Imperatricis filius, in regnum restitutus est. Cuius rei quum is honos ei habitus esset, vt summus dux constitueretur exercituum, qui in Gallia erant, statim cepit consilium de regno occupando, opibusque suis paullatim variis artibus confirmatis, tantum sibi sumsit, vt nihil iniussu suo ageretur Imperatorque ipse praesidiis circumdatus quasi captus teneretur. Qui quidem quum id sensisset, Theodosium de suis rebus fecit certiolem, rogauitque, vt sibi subueniret, sed frustra, donec tandem (A. C. 392. XV. Maii) iugulatus inventus est in cubiculo. Quem quum magnifice extulisset Arbogastes ad caedis suspicionem a se remouendam, Eugenium, quem primum a manu habuerat, posteaque ad Magistri Officiorum dignitatem prouexerat, virum et

Bella tonant, dubiumque quatit discordia mundum.
Proh crimen Superum, longi proh dedecus aeui, 65
Barbarus Hesperias exsul possederat vrbes,
Sceptraque deiecto dederat Romana clienti.
Iam Princeps molitur iter, gentesque remotas
Colligit Aurorae, tumidus quascunque pererrat
Euphrates, quas lustrat Halys, quas ditat Orontes. 70
Turiferos Arabes saltus, vada Caspia Medi,
Armenii Phasin, Parthi liquere Niphaten.

humanitate et eloquentia omnibus gratum et acceptum, Imperatorem constituit. Continuo missi sunt legati ad Theodosium, oratum, ut agnosceret Imperatorem eum, quem milites et ciues Occidentis cunctis pacis suffragiis creassent, qui tamen muneribus magnifice accepti nullum certum responsum domum reportarunt. Theodosius non tam proditione Arbogastis, quam lacrimis Gallae uxoris, quae soror erat Valentiniani, motus bellum contra Eugenium suscepit, in cuius adparatum duo paene anni consumti sunt. cf. Zosim. IV. 53. 4. Socrat. H. E. V. 25. Sozomen. H. E. VII. 22. Orosius VII. 35. Philostorg. XI. 1. *fides h. l. pax.*

v. 64. *bella tonant.* Sil. Italic. XII. 300. *quatit* maiore cum vi dictum, quam turbat, vexat. *dubium*, non satis certum, cuius partes sequeretur.

v. 65. *crimen superum.* Quasi scelera humana diis

crimini dari possint, quod ea fieri permiserint. Pertinet hoc ad vulgarem hominum persuasionem, quam secuti sunt etiam poetae ad rei alicuius indignitatem exaggerandam. Lucan. VIII. 597. et 605 seq. Stat. Theb. I. 231. Nost. infra XVIII. 9. Ex huiusmodi exclamationibus colligit Gesnerus, Claudianum christianae fidei adsecram saltem hic non fuisse. *longi aeui*, in longum tempus duraturum.

v. 66. *Barbarus exsul.* Arbogastes Francus. Contemptus causa adiicitur *exsul*, expulsus a suis popularibus, quos nunc odio prosequabatur acerrimo, ubicunque posset.

v. 67. *clienti*, Eugenio. *deiecto*, abiecto a vili.

v. 69. *Aurorae*, Orientis.

v. 70. *ditat Orontes*, rigando terras. infra XXXVI. 372 seq. cf. Priscian. Perieg. 859 seqq. Avien. Descript. orb. terr. 1092 seqq.

v. 71. *Turiferos Arabes saltus.* Frutices turis intel-

Quae tibi tunc Martis rabies, quantusque sequendi
 Ardor erat? quanto flagrant pectora voto,
 Optatas audire tubas, campique cruenta 75
 Tempestate frui, truncisque immergere plantas?
 Vt Leo, quem fulvae matris spelunca tegebat
 Vberibus solitum pasci, quum crescere sensit
 Vngue pedes, et terga iubis, et dentibus ora,
 Iam negat imbelles epulas, et rupe relictas 80
 Gaetulo comes ire patri, stabulisque minari
 Aestuatur, et celsi tabo sordere iuueni.
 Ille vetat, rerumque tibi commendat habenas,

liguntur. Plin. H. N. XII. lect. 20.

v. 73 seqq. Vereri videtur poeta, ne Honorio dedecori fuerit, quod patrem in bellum proficiscentem non sit secutus; quasi igitur illum purgaturus verbis magnificis belli ardorem extollit, quo tunc abreptus fuerit Honorius, adeo, ut fortem eius animum vix ab immanitate dignoscas, sed patris iussu Constantinopoli remansit, et Augusti dignitate, quasi obsequii proemio adfectus est. *Martis rabies*; vehemens bellandi studium et ardor, qui in furorem abiit. For- san etiam apud Virgil. Aen. VIII. 327. *belli rabies* exponi potest per: furiosa belli cupiditas, quum sequatur *amor habendi*.

v. 74. *quanto flagrant* cet. cf. Stat. Silv. I. 2. 210.

v. 75. 76. *campi cruenta tempestate*. νέφος πολέμοιο Hom. Il. p. 243. telorum tempestas et imber intelligitur.

Virgil. Aen. XII. 284. Sil. Italic. XV. 627 seq. et Ruperti ad eundem l. 311. *frui*, cum voluptate versari in cet. *truncisque immergere plantas*. *truncis* videtur positum esse pro: cruori truncis stagnanti. cf. l. 111 seq. De victore cogitandum non est, qui solet deiectis hostibus pedem ludibrio imponere, ut putat Burmannus. *Immergere* h. l. nihil amplius est quam per truncata et cruore merfa corpora incedere, ut Nostrates: *im Blute waden*.

v. 77 seqq. Compara Stat. Theb. IX. 739 seqq. quem Noster ante oculos habuisse videtur.

v. 80. 82. *imbelles epulas*, vel vbera matris, vel quas sibi ipse non paravit. *Getulo* perpetuum fere leonis epithet. Horat. od. I. 23. 10. *tabo sordere*, contaminatum esse cruore ex laceratione sc. iuueni.

v. 83. *ille* Theodosius. *rerum habenas*, summam im-

Et sacro meritos ornat diademate crines.
 Tantaque se rudibus pietas ostendit in annis, 85
 Sic aetas animo cessit, quererentur vt omnes
 Imperium tibi sero datum. Victoria velox
 Auspiciis effecta tuis. Pugnaſtis vterque:

perii. Sil. Italic. I. 144. cf. infra v. 87.

v. 84. *sacro diademata.* Barthius numisma exhibet cum Honorii imagine, in quo diadema conspicitur, quod fascia videtur fuisse gemmis distincta.

v. 85. *pietas* adfectus h. l. complectitur omnes, quibus Principes adducuntur ad eorum felicitatem promouendam, quos regunt. *Pii Aeneae* mentionem non debuisset facere Gesnerus, ille enim longe alia ratione *pius* vocatur.

v. 86. *aetas animo cessit* i. e. aetas virtute superata est.

v. 87. *Imperium*, Augusti nomen et honores.

v. 88. *Auspiciis tuis* i. q. versu sequenti *fatis*, felicitate. Horat. od. IV. 14. 16. Principio cuiusque rei publicae praecipue belli gerendi auspicia capiebantur. Iam vero auspicia habebat non nisi is, qui summae rerum praeesset, siue ipse bellum administraret, siue per alios duces gerendum curaret. Illius *auspiciis* res geri dicebatur, si abesset, illius *ductu et auspiciis*, si ipse rebus interesset; horum autem, qui auctoritate illius agerent,

ductu solum. Auspiciis porro futurus rerum exitus explorabatur. Felix autem rerum exitus cum eo coniunctus erat, qui auspicia cepisset, ita, vt omnia eius auctoritate essent agenda, quandoquidem praeter eum nemini felix rerum exitus promissus erat. Credebant enim veteres, vel fato aliquo vel singulari deorum beneuolentia quosdam prae ceteris tanta felicitate vti, vt omnia, quaecunque suscepissent, vel imprudentibus bene euenirent. Quae persuasio hominum ad auspicia quoque translata est, ita, vt eius felicitati, qui eas cepisset, omnia cum felici successu gesta tribuerent. Sub Imperatoribus res immutata est hactenus, vt is tantum, qui rerum potitus esset, Imperator, auspicia haberet, quandoquidem eius auctoritate omnia agebantur, omniaque praeclare et prospere gesta Imperatoris felicitati adscriberentur, praesertim quum Genium suosque deos tutelares Imperatores habere crederentur. Horat. l. c. 33. ibi v. Iani, qui laudat Ovid. Trist. I. 2. 173 sq. Tacit. Ann. II. 41. Sueton. Aug. 21. Adde Spanhem. de

Tu fatis, genitorque manu. Te propter et Alpes
 Inuadi faciles, cauto nec profuit hosti 90
 Munitis haefisse locis. Spes irrita valli
 Concidit, et scopulis patuerunt claustra reuulsis.
 Te propter gelidis Aquilo de monte procellis
 Obruit aduersas acies, reuolutaque tela
 Vertit in auctores, et turbine reppulit hastas. 95

V. et P. N. dissert. XIII. pag. 639. Ammian. Marcell. XVI. 12. H. I. in adulandi Honorium studio eo progressus est poeta, ut pueri novennis, felicitati ea tribueret, quae virtute patris acta erant, atque quodammodo coactus est id facere, quandoquidem alia ratione huius belli laudem cum Honorio communicare non potuisset. Erat autem Honorius eo anno iterum consul. cf. VIII. 621 sqq. et 633. XV. 499 sqq.

v. 89. *Tu fatis.* Quum fatis Honorii quasi deberet felix rerum exitus.

v. 90. *inuadi faciles.* Lucan. II. 656. Valer. Flacc. IV. 723. et Noster passim sic. Ad minuendam parafiti aulici foeditatem Burmannus proponit *inuadit*, ut propter te sit, amore filii, quo imperium ei munitum ac securum relinqueret. Verum hoc mihi videtur frigidum, nec interpretis esse duco, ab adulandi crimine poetam emendando liberare, qui infinitis aliis locis huius criminis reus agi possit.

v. 91. *munitis haefisse locis,* munitis locis se conti-

nuisse. Sil. Ital. VIII. 565. et XII. 531. Arbogastes in Italiae finibus et locis campatribus castra posuit, ita ut frontem eorum Alpes Iuliae munirent, quarum claustra copiis occupare vel neglexerat imprudenter, vel virtute militum suorum fretus omiserat. Res autem diuerse a diuersis auctoribus traditur; Noster ad augendas difficultates a Theodosio superatas Alpium fauces et occupatas fuisse et operibus munitas commemorat. cf. supra I. 104 seqq.

v. 92. *scopulis reuulsis,* via per scopulos vi facta.

v. 93. 95. *Aquilo de monte obruit gelidis pr. adv. a.* Inter physicos constat, maximas saepe procellas, quae vehementia sua vel quercus prosternere valeant, in summis montibus niue subito resoluta ortas deorsum in valles se praecipitare solere. cf. Sil. Italic. XVI. 384 seq. Tale aliquid in alpibus tum accidisse probabile est, quod deinde monachi in miraculum conuerterunt. Theodosius ventum acerrimum a tergo habuit tela hostium re-

O nimium dilecte Deo, cui fundit ab antris
 Aeolus armatas hiemes, cui militat aether,
 Et coniurati veniunt ad classica venti.

Alpinae rubuere nives, et Frigidus amnis
 Mutatis fumavit aquis, turbaque cadentum 100
 Staret, ni rapidus iuvisset flumina sanguis.

At ferus inuentor scelerum traiecerat altum
 Non vno mucrone latus, duplexque tepebat

tardantem, dum omne mis-
 filium genus, quo ipse mil-
 lites vterentur, maximo cum
 impetu ab eodem vento in
 hostes deferretur. Huins-
 modi tempestatem Carthagi-
 nensibus auxilio fuisse in
 pugna Cannensi narrat Sil.
 Italic. IX. 505 seqq. Cete-
 rum Theodosium huius venti
 hostibus aduersi opera vicisse
 inter omnes constat. cf. Oro-
 sium VII. 25. Augustin. de
 Civ. D. V. 26. Rufin. H. E.
 XI. 23. Socrat. H. E. V. 24.
 Sozom. VII. 24. Theodoret.
 V. 24 turbine impetu.

v. 96. 97. *nimium dilecte*.
Nimium auget simpliciter.
 Virgil. Georg. II. 468. Lucan.
 VIII. 139. et 843. Augustinus
 l. c. haec verba ad Theodo-
 sium traxisse videtur, in quo
 plures ecclesiae patres eum
 secuti sunt, quae tamen ad
 Honorium pertinent. *armat-
 as hiemes* i. e. tempestates
 tela in hostem maiori cum
 impetu deferentes. Eodem
 sensu, quae sequuntur, ac-
 cipienda sunt.

v. 98. *ad classica*, ad signum
 tuba datum, vt simul inua-
 derent hostem. Flor. II. 6.

11. de proelio ad Cannas:
dux, terra, coelum, dies,
tota denique rerum natura
consensit. Eurus ab oriente
quasi ad constitutum: Han-
nibal, quasi coelum tenens,
vento, puluere, sole pugnabat.

v. 99. *rubuerunt* sc. san-
 guine. cf. Sil. Italic. III.
 547 seqq. *Frigidus* nom.
 propr. fluminis. Nicephor.
 XII. 35. Socrat. H. E. V. 24.
 Ceterum cf. c. h. Lucan. II.
 212 seqq.

v. 100. *fumavit* sc. san-
 guine calido. *staret* i. e. ob-
 turatus esset, nisi vis sangui-
 nis profusi aquam auxisset,
 cursumque inde concitauis-
 set. Prae Claudiani hyper-
 bolis humi paene repit Sil.
 Italic. IV. 665. Propius ac-
 cedit Lucan. l. c. 214 seqq.
Iam sanguinis alti Vis sibi
fecit iter, campumque effusa
per omnem, Praecipitique
ruens Tiberina in flumina ri-
vo Haerentes adiuvit aquas,

v. 102. *inuentor scelerum*.
 Arbogastes, qui Eugenium
 subornauerat. De eius inte-
 ritu illos consule scriptores
 qui ad v. 93 - 95. excitati
 sunt. Duobus telis ad semet

Ensis, et vltrices in se conuerterat iras
 Tandem iusta manus. Iam libertate reducta, 105
 Quamuis emeritum peteret natura reuerti
 Numen, et auratas altrorum panderet arces,
 Nutaretque oneri venturo conscius Atlas:

conficiendum vsum illum fuisse, nemo, quod sciam, memoriae prodidit.

v. 104. *et vltrices in se conuerterat iras* i. e. ipse scelerum suorum vltor fuit. Inde quoque versu sequenti *manus eius tandem iusta* vocatur. *Iam libertate reducta* cet. Bello civili peracto, quum finem vitae adesse sentiret Theodosius, quem fortasse sibi laboribus in itinere, qui statim otiosam et mollem vitam exceperant, maturauit, arcessi iubet Honorium Constantinopoli adhuc degentem, cui occidentem nunc pacatum tradat. Nec in Honorio vlla mora fuit, cuius iter describitur vsque ad v. 125.

v. 106. 107. *emeritum numen* i. e. peractis iis rebus, ad quas Theodosius, numen, in terras demissus est. Lucan. I. 45. habet eodem fere sensu *statione peracta*, vbi tamen Burmannus *parata* defendit. *natura*, eodem sensu, quo apud Lucan. l. c. 51. Zonaras lib. III. pag. 31. memorat. Theodosium Mediolani mortuum esse anno imperii XVII. supra menses quinque. Socr. H. E. V. 25. Olybrio et Probrino coll. XVI. cal. Febr.

Olymp CCXCIV. i. aetatis anno sexagesimo; regnasse eum annos sedecim. cf. Sozom. H. E. VII. 28.

v. 108. *Nutaretque*. *Nutare* dicuntur res, quae labefactae sunt, ruinamque minitantur. Lucan. VI. 136. *Atlas* igitur *nutat*, si huc illucque pondere inclinatur, et quidem eo, quod accessurum animo iam praesentit; adiectum enim est: *futuro oneri* i. e. iam animo futurum onus sentiens. Antiquitatis heroes vt robore ita quoque magnitudine corporis insignes erant aut cogitabantur, eo accedere necessario debebat pondus, cuius rei exemplum potest esse Hercules in Argonautarum naue. Schol. ad Apollon. Rhod. I. 533. et 1163. Haec ad deos quoque translata sunt, ita vt numen suum etiam pondere declararent. Retinuerunt hoc poetae etiam recentioris aeni. Homer. II. 8. 837 seqq. Ovid. Met. IX. 273, XV. 693 seqq. Fast. III. 330. Lucan. I. 56 seqq. Iunenal. XIII. 46 seqq. Senec. Herc. Oet. 1599. Stat. silv. I. 1. 56 seqq. de statua equestri Domit. *Vix sola sufficiunt, infessaque pondere tanto subter anhelat hu-*

Distulit Augustus cupido se credere coelo,
 Dum tibi pacatum praesenti traderet orbem. 110
 Nec mora; Bistonis alacer consurgis ab oris,
 Inter Barbaricas ausus transire cohortes
 Impauido vultu. Linqvis Rhodopeia saxa
 Orpheis animata modis; iuga deleris Oetes
 Herculeo damnata rogo; post Pelion intras 115
 Nereis illustre toris. Te pulcher Enipeus
 Celsaque Dodone stupuit, rursusque locutae
 In te Chaoniae mouerunt carmina quercus.

mus, nec ferro et aere laborat, sed genio.

v. 109. *cupido coelo.* Virgil. Georg. I. 34 seq.

v. 110. *tibi praesenti, nempe accito.* Secundum Zosim. IV. 57. 59 Theodosius Honorium secum adduxerat in expeditionem contra Engenium, Augustumque in Italia declarauerat. cf. supra 83 seqq. et quae ibi notata sunt.

v. 111. *consurgis euocatus a patre. Bistonis ab oris, e Thracia, Constantinopoli.*

v. 112. *barbaricas cohortes, quae ibi vagabantur, non satis fidae Romano imperio.*

v. 114. *animata.* Quae Orpheus lyrae cantu ita demulsit, vt se sequerentur. Orph. Argon. 76 seqq. Apollon. Rhod. I. 26. Sil. Italic. XI. 459 seqq.

v. 115. *Herculeo damnata rogo* cf. Ovid. Met. IX. 229 seqq. ibi interpp. *damnata* i. e. destinata, sed illud fortius. Sil. Italic. XV. 557.

v. 116. *Nereis illustre to-*

ris, nuptiis Pelei et Thetidis. Thetis erat Nereidum vna, et vocatur pulcherri- ma Neptunine apud Catull. LXIV. 28. pulcher Enipeus. Ab Apollon. Rhod. I. 526. vocatur δῖος. v. ibi schol. De fluvio ipso v. Oudendorp. ad Lucan. VI. 373. et interpp. ad Valer. Flacc. I. 83.

v. 117. 118. *Celsaque Dodone.* Herodot. II. 52. 57. v. quae laudat Ruperii ad Sil. Italic. III. 680. cf. Apoll. Rhod. I. 526. ibi schol. Ovid. Met. XIII. 716. Valer. Flacc. I. 302 seq. *rursusque.* Nam iam quercus obmutuerant. Strabo lib. VII. ἐκλέλειπε δὲ πῶς καὶ τὸ μανθεῖον τὸ ἐν Δωδωνῇ καθάπερ τ' ἄλλα. Inde, quod huius oraculi mentio fit, colligi non potest, illud durasse ad Theodosii usque tempora, vt fecit van Dale. in Dissert. I. de Oraculis pag. 90. Amstelæd. 1683. Potest hoc esse merum poetae inuentum. *mouerunt carmina* Burmannus explicat: *vates inspirarunt et loqui ver-*

Illyrici legitur plaga litoris; arua teruntur
 Dalmatiae; Phrygii numerantur stagna Timau. 120
 Gaudent Italiae sublimibus oppida muris
 Aduentu sacrata tuo. Submissus adorat
 Eridanus, blandosque iubet mitescere fluctus,
 Et Phaethontearum solitae deflere ruinas
 Roscida frondosae reuocant electra sorores. 125

sibus iusserunt. laudat Ovid. Met. X. 147. et XIV. 20. Huc addi potest Virgil. Aen. VII. 641. *Pandite nunc Heli-cona, Deae, cantusque mo-vete.* Oracula ibi a viris et a feminis dabantur, an ver-sibus? hoc mihi quidem non constat.

v. 119. *legitur h. l. de ter-restri itinere* Virgil. eclog. VIII. 7. Lucan. V. 513. Bene obseruat Burmannus, Hono-rium a poeta per miras iti-neris ambages duci, quum ad patrem *properans* recto debuisset itinere uti. Noluit autem celeberrimorum loco-rum, montium, fluminum mentionem faciendi occasio-nem, quamquam longe pe-titam, omittere, videturque maluisse exacto et sobrio iu-dicio carere, quam ornatu splendido. Quod autem eum ad Oeten prius venisse fingit, quam ad Pelion, in hoc situs gnoratione forsan lapsus est.

v. 120. *numerantur*, dum singula transibat, igitur pro: ordine superantur. *Timau.* Virgil. Aen. I. 244 seqq. ibi v. Heyne et in excursu VII.

v. 121. *sacrata.* Quasi tem-pla facta essent, in quibus

Honorius paullulum commo-ratus est. *submissus* explicatur versu sequenti per: *blandos-que iubet mitescere fluctus.*

v. 124. 125. *ruinas*, casum, lapsum. cf. Apollon. Rhod. IV. 597 seqq. Ovid. Met. I. 319. *frondosae sorores*, in arbores mutatae Heliades. *roscida*, adhuc mollia, ut stillant de oculis Heliadum. Poeta vult dicere, Heliadas cohibuisse lacrimas. *reuocare* h. l. esse: quasi oculis resor-bere, indicare videntur verba prioris versus: *solitae deflere ruinas.* Aliter Burmannus, qui notat, non satis caute poetam electrorum mentio-nem fecisse ex lacrimis He-liadum natorum, si enim illa reuocent, iterum debeant flesse fingi. Quaerit: an ergo ante aduentum alui non stil-labant electra, quod nunc re-nouarunt in honorem Hono-rii? Mecum sentire Gesne-rum video. cf. Sil. Italic. XII. 594. *fletumque resorbent.* Stat. Theb. V. 654 seq. *lacri-masque insana resorbet Ira patris.* Senec. Hercul. Oct. 1285, quae loca iam lauda-vit ad Sil. Ruperti.

Quanti tum iuuenes, quantae spreuere pudorem
Spectandi studio matres, puerisque leueri
Certauere senes, quum tu genitoris amico
Exceptus gremio mediam veherere per urbem,
Velaretque pios communis laurea currus. 130

v. 126 seqq. Honorius omnium admiratione excipitur et cum patre triumphans vno curru in urbem inuehitur. *quanti* h. l. quot v. Broukhuf. ad Propert. I. 12. 4. sic quoque *quantae* pudorem spreuere, neglexere pudorem, quo alias domi continebantur. Eadem poetice effert, quae pedestri sermone expressit Plin. Paneg. 12. Ergo non aetas quemquam, non valetudo, non sexus retardauit, quominus oculos insolito spectaculo impleret. Sed nonne potius pro: Quanti tum iuuenes legendum: Quantae tum iuuenes. Ovid. A. A. I. 63. Ceterum cf. XXVIII. 560 seqq. v. 128. 129. genitoris exceptus gremio, inter sedentis Theodosii crura stans. Filios in curru triumphali secum habere iam in libera ciuitate moris fuit. Liv. XLV. 40. cf. Buleng. de Triumpho c. 20. Vno eodemque curru Vespasianus et Titus filius triumphantes per urbem vectos esse, testatur Orosius VII. 9. per urbem. Sed quamnam urbem? Si Zosim. IV. 59. audias, Romam, ubi Theodosium cum Honorio ciuili bello contra Eugenium

peracto triumphasse commemorat. Etiam Barthius Romam intelligit. Alii dicunt, Theodosium cum Honorio Romae triumphasse Maximo debellato A. V. 488. Timasio et Promoto coff. Triumphum omnino Romae esse actum a patre et filio etiam Noster narrat verbis disertis infra XXVIII. 55 seqq. Verum h. l. non Romam sed Mediolanum intelligo, quum, quia omnes fere in eo consentiunt, Theodosium Mediolani esse mortuum, et, si h. l. Romam intelligas, Noster eum Romae esse mortuum dixisse videtur v. infra 162 sq. tum, si Romam intellexisset Noster, non simpliciter dixisset urbem, quae vox ea tempestate Mediolanum designabat, quippe in qua urbe Honorius semper fere versaretur. Accedit, quod ea, quae Noster infra XXVIII. 55 seqq. de Honorio narrat, magis puero bimulo quam nouenni conuenire videntur.

v. 130. communis laurea. Currus triumphales solebant etiam lauro redimiri. Vocantur inde *lauriferi* Lucan. V. 332. Nost. infra XXIV. 20 seqq. cf. Paschaliū de Coronis VIII. 11. communis et

Quis non Luciferum roseo cum Sole videri
 Credidit, aut iunctum Bromio radiare Tonantem?
 Floret cristatis exercitus vndique turmis,
 Quisque sua te voce canens. Praelstringit aena
 Lux oculos, nudique seges Mauortia ferri 135
 Ingeminat splendore diem. Pars nobilis arcu,
 Pars longe iaculis, pars cominus horrida contis.
 Hi volucres tollunt aquilas, hi picta draconum
 Colla leuant, multusque tumet per nubila serpens
 Iratus stimulante Noto, viuitque receptis 140
 Flatibus, et vario mentitur sibila tractu.

Vt ventum ad sedes, cunctos discedere tectis

ad patrem et ad filium pertinebat. *pios*; quia spectaculum praebebant pietatis Theodosii in Honorium.

v. 131. *roseo cum sole*. Comparandi studium poetam a rei veritate abduxit, nisi dicas *roseum solem* h. l. esse auroram.

v. 132. *Bromio*, Baccho. Si comparare vellet patrem et filium cum diis, vix alios deos poterat componere. Quare puto, Nostrum in hoc nullius auctoritatem secutum esse.

v. 133. *Floret*, splendet, fulget. Virgil. Aen. VII. 804. ibi Servius notat, Virgilium in hoc secutum esse Ennium et Lucretium (IV. 452.). Et Graeci de fulgore τὸ ἀνθός, ἀνθόμουν usurpant, id quod Heyne docuit ad Virgil. l. c. ubi laudat Pindar. Olymp. II. 130. cf. Valer. Flacc. V. 565. VII. 77.

v. 134. *canens*. Acclamatio solennis erat: *Io triumphum*.

phe! Ovid. Trist. IV. 2. 51 seqq. Horat. od. IV. 2. 49 seq. *sua te voce*. Exercitus enim erat e variis gentibus compositus.

v. 135. *seges ferri*. Virgil. Aen. VII. 526 seqq. XII. 363 seq.

v. 136. *Ingeminat*, auget.

v. 137. *longe, eminus*, dictum pro: pars horrida iaculis, quibus eminus utuntur. cf. infra XV. 436. *contis*. De hoc teli genere v. Burmann. ad Valer. Flacc. VI. 235 seq. et Ruperti ad Sil. Italic. XV. 683 seqq.

v. 138. *Draconum* v. supra ad V. 177.

v. 140. 141. *stimulante*. Dum vento inflabantur et quasi irritabantur, ut saeuire viderentur. *et vario mentitur sibila tractu*. Dum sinuabantur vento, materiei, unde facti erant, adtritum sonum edebant similem anguis sibilantis.

v. 142 seqq. Tutela Honorii a Theodosio Stilichoni

Dux iubet, et generum compellat talibus vltro:
 Bellipotens Stilicho, cuius mihi robur in armis,
 Pace probata fides. Quid enim per proelia gessi 145
 Te sine? quem merui te non sudante triumphum?
 Odrysium pariter Getico foedauius Hebrum
 Sanguine, Sarmaticas pariter prostrauimus alas,
 Rhipaeaeque simul fessos porreximus artus
 In glacie, stantemque rota sulcauius Istrum. 150
 Ergo age, me quoniam coelestis regia poscit,
 Tu curis succede meis, tu pignora solus
 Nostra foue, geminos dextra tu protege fratres.
 Per consanguineos thalamos, noctemque beatam,
 Per taedas, quas ipsa tuo Regina leuauit 155
 Coniugio, sociaque nurum produxit ab aula,
 Indue mente patrem, crescentes dilige fetus
 Vt ducis, vt soceri. Iam iam securus ad astra

mandatur. *sedes*, domum caesaream.

v. 144. *robur* sc. probatum.

v. 146. *te non sudante*, sine tua opera. Versu praecedente *per proelia* dictum pro: in proeliis. cf. Burmann. ad Valer. Flacc. VI. 35.

v. 148. *Sarmaticas*, Ammian. Marcell. XXIX. 6.

v. 150. *sulcauius*. supra V. 38.

v. 152. *pignora*, Arcadium et Honorium.

v. 154. cf. supra V. 95.

v. 155. *quas ipsa regina leuauit*. More prisco solebant matres in filiorum nuptiis taedas geniales praeferre aut nonas nuptas ad filios cum facibus deducere. Euripid. Phoeniss. 346 seq. (quem expressit Senec. Phoeniss. 505

sqq.) Iphigen. in Aul. 732 sqq. Apollon. Rhod. IV. 808. v. ibi schol. Sed cf. quae dicta sunt ad V. 97. *regina* Flaccilla erat, quam dicit pronubam Stilichoni Serenam in manus dedisse.

v. 156. *nurum* h. l. nuptam, aut puellam.

v. 157. *Indue*. Induere a vestimento ad quemcunque animum, adfectum, perturbationem eleganter transfertur. cf. quae laudantur a Drakenbr. ad Sil. Italic. I. 38.

v. 158. *Vt ducis vt soceri*, i. e. quatenus filii ducis tui sunt, publico officio, et quatenus soceri tui sunt filii, privato officio eos tueri et diligere debes.

Te custode ferar. Rupta si mole Typhoeus
 Vinculis profiliat, Tityos si membra resoluat, 160
 Si furor Enceladi proiecta mugiat Aetna:
 Opposito Stilichone cadent. Nec plura locutus,
 Sicut erat, liquido signavit tramite nubes,
 Ingrediturque globum Lunae, limenque relinquit
 Arcados, et Veneris clementes aduolat auras. 165
 Hinc Phoebi permensus iter, flammamque nocentem

v. 159–162. Exprimuntur his versibus, quantopere Stilichonis virtuti Theodosius confidat. Omnes, ait, naturae terrores contra Stilichonem vanos esse futuros. Pro illis ponit primum *Typhoeum*, de quo v. la Cerda et Heyne ad Virgil. Aen. III. 578. et in notis ad Apollod. p. 77. Valer. Flacc. II. 23 seqq. Pind. Pyth. I. 25 seqq. *rupta mole*, insulae sc. Inarimes, quae ei imposita dicitur. v. Heyne ad Virgil. Aen. IX. 716. Ponit porro v. 160. *Tityum*, v. loca ad V. 511. laudata. Tandem v. 161 *Enceladum* v. Heyne ad Virgil. Aen. III. 578. Huic Aetna imposita esse dicitur, alii Typhoeum huic monti subiiciunt. Idem poeta interdum diuersas narrationes amplectitur; sic enim apud Sil. Italic. XIV. 196 Aetna imposita est Typhoeo, apud eundem in eodem libro v. 580 Aetna imposita est Encelado. Ceterum maximos rerum tumultus viresque naturae sub his monstris sermo antiquus depinxit, cf. Iani ad Horat. od. III. 4. 53 seqq.

v. 163 seq. Theodosius mutatur in stellam. *Sicut erat* ὡς πρὶν εἶχε. cf. Oudendorp. ad Lucan. II. 365. et Heinl. ad Ovid. Met. X. 7. *liquido signavit tramite nubes*, lumine designavit viam. cf. Stat. Theb. I. 311.

v. 164 seq. In sequentibus non ipsa intelligenda sunt corpora coelestia, quae planetas vocamus praeter solem, quem veteres aequae putabant circa terram in medio sitam circumagi, sed totae sphaerae illorum, quarum alia aliam includat, et per quas Theodosius iter faciens in coelum volare fingitur. v. interpp. ad Somn. Scipion. 4. et Macrobr. ad h. l. *globum*, sphaeram lunae, quae cum luna circa terram agitur. Idem quoque significat *limen*.

v. 165. *Arcados*, Mercurii, a patria sic dicti. *clementes auras Veneris*. Ea, quae cuique planetae tribuuntur, ab astrologis petita sunt, ex quorum disciplina Veneris et Iovis stellae salubres, Martis et Saturni noxiae habebantur. Macrobr. in Somn. Scip. I. 19.

Gradiui, placidumque Iouem, stetit arce suprema,
 Argenti qua zona riget Saturnia tractu.
 Machina laxatur coeli, rutilaeque patefcunt
 Sponte fores. Arctoa parat conuexa Bootes. 170.
 Australes referat portas succinctus Orion,
 Inuitantque nouum sidus, pendentque vicissim,
 Quas partes velit ille sequi, quibus esse sodalis
 Dignetur stellis, aut qua regione morari.

O decus aetherium, terrarum gloria quondam, 175
 Te tuus Oceanus natali gurgite lassum
 Excipit, et notis Hispania proluit vndis.
 Fortunate parens, primos quum detegis ortus,
 Adspicis Arcadium; quum te procliuior vrges,

v. 167. *arce suprema*, in sphaera suprema, quacum Saturnus circumagitur.

v. 168. *tractu*, regione, loco, quo mouetur.

v. 169. *machina coeli*. Sphaeram illam supremam intelligo, in qua fixae certo ordine dispositae sunt. Apud Lucan. l. 79. est *machina mundi*, vbi vniuersum intelligitur. *laxatur* explicant sequentia: *rutilae fores patefcunt*.

v. 170. *Arctoa conuexa parat* i. e. parat locum in plaga boreali pro Theodosio.

v. 171. *Succinctus*, quasi ad pugnam. Armatus enim fingitur Orion. Arat. Phaen. 586. Serv. ad Virgil. Aen. III. 517.

v. 172. *pendentque vicissim*, inter spem et metum versantur.

v. 174. *moueri*, vt sidus, quod oritur et occidit, cur-

sumque suum circa terram quotidie conficit.

v. 175. Theodosius, iam coeleste sidus, eum coeli locum obtinens, vnde Hispaniam, patriam suam, possit videre, felix praedicatur a poeta, quandoquidem et oriens et occidens filiorum regna adspiciat, qui iusta et sapienti rerum administratione aureum seculum re-duxerint.

v. 176. *tuus Oceanus natali gurgite*. Theodosius erat natione Hispanus, ipseque Oceanus generis conditor a poeta fingitur cf. infra VIII. 22. XII. 33. cf. Theodoret. H. E. V. 5. Socrat. H. E. V. 2. Sozomen. VII. 2. *lassum* sc. cursu diurno.

v. 178. *primos detegis ortus*. i. e. simulac̃ oriris.

v. 179. *vrges procliuior* i. e. ad occasum vergis. Burmannus maunlt *proclinior*.

Occiduum visus remoratur Honorius ignem. 180
 Et quocunque vagos flectas sub cardine cursus,
 Natorum per regna venis, qui mente serena,
 Maturoque regunt victas moderamine gentes;
 Secula qui rursus formant meliore metallo.

Luget auarities Stygiis innexa catenis, 185
 Cumque suo demens expellitur ambitus auro.
 Non dominantur opes; non corrumpentia sensus
 Dona valent; emitur sola virtute potestas.
 Vnanimi fratres, quorum mare terraque fatis

v. 180. *remoratur*. Singularis pietas, qua amplectitur Theodosius Honorium, facit, ut cursum paullulum sustineat. Non solum amorem paternum hoc exprimit, sed poeta, qui Honorio semper principatum dat, maiorem cum delectu eius mentionem facit, quam Arcadii.

v. 181. *vagos cursus*. de motu diurno. Horat. sat. I. 8. 21. *vaga luna*. Lucan. I. 50.

v. 183. *maturo*, prudenti.

v. 184. Sens. qui anreum seculum reuocant. Hoc poterat quodammodo sine iniuria in Theodosium poeta dicere, quandoquidem huius imperium continuis fere bellis vexatum erat,isque pacatum demum orbem filiis tradiderat, atque in statu rerum tranquillo huiusmodi aliquid saltem sperari potest. *rursus* itaque non continuationem, sed reformationem potest significare.

v. 186. 188. Omnes corruptiones aequitate et iustitia Principum sublatae sunt.

ambitus, non solum honorum, sed etiam omnium earum rerum, quae auro possunt ab indignis parari. *demens* exprimit magnitudinem et vehementiam perturbationis, in quam ambitu saepe compelluntur homines. cf. Lucan. X. 146seqq. *opes*, omnia ea, quae praeter virtutem et merita auctoritatem et gratiam comparant. *dominantur*, imperium quasi exercent. *corrumpentia sensus*, ut eorum iudicio, quae mala sunt, pro bonis et contra habeantur. *virtute*, meritis.

v. 189. *Vnanimi fratres*. Sic vocat eos Claudianus, quia anno superiore Rufinus, qui dissidium inter fratres creauerat, e medio erat sublatus, nec cogitabat, eosdem rursus alienato inter se animo fore per Eutropium. *mare terraque*, vniuersus terrarum orbis. *fatis*. Credebant veteres, nullam gentem, nullam urbem, nullum denique hominem esse, cui non ab

Debentur, quodcunque manus euasit auitas, 190
 Quod superest patri. Vobis iam Mulciber arma
 Praeparat, et Sricula Cyclops incude laborat;

ipsis natalibus sua fata assignata essent. Eaque fata diuersorum saepe contraria habebantur, ita ut putarent, minora a maioribus superari. Lucan. VI. 605 seqq. Quaeque fati alicui tributa sunt, quandoquidem ille rerum ordo immutabilis est, ea *deberi* eius fati dicuntur. cf. Burmann. ad Ovid. Heroid. I. 1. 28.

v. 190. *euasit*, cum delectu positum est. Generi enim Theodosii omnia fati debebantur; quod igitur nondum armis subactum erat, subtraxit se quodammodo per aliquod tempus fortunae ineluctabili. *manus auitas* i. e. Imperatores superiores, qui per adoptionem in societatem et successionem imperii venerant, indeque ut ex vno eodemque genere orti considerabantur. Spanhem. ad Iulian. orat. I. pag. 46. Theodosius quoque originem generis repetebat a Traiano. Aurel. Vict. c. 48. infra VIII. 19. XII. 33.

v. 191. *superest patri*, Theodosius non subegit, *Mulciber arma*. Ut exprimat, Honorium et Arcadium praecipuo deorum fauore uti, omnia ea illis tribui fingit, quaecunque a diis priscis heroibus tributa a poetis fin-

guntur. Vulcanus igitur illis fabricatur arma, ut Achilli et Aeneae. Homer. II. 433 sqq. Virgil. VIII. 407 sqq. Ceterum cf. Callimach. H. in Dian. 55 seqq.

v. 191. *Sricula Cyclops incude laborat*. Ex rationibus nunc quidem satis notis veteres Vulcani officinam in Lemno (Valer. Flacc. II. 335 seqq.) in Aetna (Virgil. Georg. IV. 173 seqq. Stat. silv. III. 1. 130.) in insula Lipara (Callimach. H. in Dian. 46 seq. ibi v. Spanh.) posuerunt. Illa loca comparatione coniunxit Valer. Flacc. IV. 96 seqq. Aetna praecipue tunc a Vulcano habitari dicebatur, quum illi deo Cyclopes tamquam operae adiuncti essent, qui circa Aetnam habitasse a veteribus memorantur. Inde Vulcanus *Aetnaeus deus* vocatur Eurip. Cycl. 595. Valer. Flacc. II. 420, et Bacchus *Aetnaeo fulmine partus* Propert. III. 15. 21, quia fulmen a Cyclopibus cudebatur. Omnia haec varie pro ingenii ratione poetae exornarunt. Sic apud Stat. Theb. V. 49 seq. Vulcanus opere in Aetna fessus Lemnum visit animi relaxandi causa. Quidam poetae videntur Liparen et Aetnam coniunxisse, atque hunc,

Brontes innumeris exasperat aegida signis;
 Altum fulminea crispare in casside conum
 Festinat Steropes; nectit thoraca Pyraemon; 195
 Ignifluisque gemit Lipare fumosa cauernis.
 Vobis Ionia virides Neptunus in alga
 Nutrit equos, qui summa freti per coerulea possint
 Ferre viam, segetemque leui percurrere motu,
 Nesciat vt spumas, nec proterat vngula culmos. 200

quamuis longo intervallo a Lipara distantem, spiracula officinae Liparenis existimasse aut finxisse. Forſan Noſter Aetnam Vulcani officinam, et Liparen ſpiracula eius ſibi h. l. cogitauit. Sed Enceladus cauerna Aetnae iam occupat ſupra v. 161, et infra XXXV. 174 ſeqq. officinam Vulcani in Lipara poſuit. *Cyclops* ſingul. pro plur. nominantur enim in ſequentibus, et vnicuique illorum aliqua armorum pars perficienda tribuitur.

v. 193. *exasperat*, cum delectu, quia ſigna in clipeo caelata exſtant.

v. 194. *crispare conum* pro: ita conum effingere, vt pennas ſeu iubas criſpatas recipere poſſit.

v. 195. *nectit thoraca* ſc. ex catenulis.

v. 197. Neptunus equum in Theſſalia produxit. Virgil. Georg. I. 13. Ovid. Met. VI. 75. Lucan. VI. 396 ſeqq. Ludi Circenſes apud Romanos Neptuno equeſtri celebrabantur Virgil. Aen. VIII.

635 ſeqq. Ovid. Faſt. III. 125 ſeqq. Aſcon. ad Cic. in Verr. act. I. 10. Dionyſ. Halic. II. 12. Quum porro Imperatores equorum greges ad uſus bellicos in Alaticis provinciis, in Cappadocia maxime et Syria alerent (Burm. de Vectigal. 4. Wernsdorf. in excuſſu X. ad Nemeſ. cyneg. Poet. lat. m. T. I.) noſtro poetae facile in mentem potuit venire, vt curam equorum Neptuno demandaret. *virides*. Geſnerus accepit de colore, quod puto ineptum eſt. *equi virides* ſunt potius indomiti, ſeu nondum laboribus fracti. Sil. Italic. VII. 3. Virgil. Aen. VI. 304. Burmann. ad Valer. Flacc. I. 77. *in alga* in paſcuis maritimis.

v. 198 - 200. *caerulea*, mare. Lucan. III. 542. Haec ſumta ſunt ex Homer. II. v. 227 ſqq. Virgil. Aen. VII. 806 ſeqq. Apollon. Rhod. I. 179 ſeqq. Calpurn. eclog. VI. 56 ſeq. vbi v. Wernsdorf. *Nesciat vt ſpumas* i. e. vt maris ſpuma non adſpergatur.

Iam video Babylona rapi, Parthumque coactum;
 Non ficta trepidare fuga; iam Bactra teneri
 Legibus, et famulis Gangen pallefcere ripis,
 Gemmatosque humilem dispergere Perfida cultus.
 Ite per extremum Tanain, pigrosque Triones; 205
 Ite per ardentem Libyam, superate vapores
 Solis, et arcanos Nili deprendite fontes;
 Herculeum finem, Bacchi transcurrите metas,
 Vestri iuris erit quidquid complectitur axis.

v. 201 seqq. Non potest fieri, quin Imperatores, quorum curam dii ipsi tam aperte gerant, omnes terras ditioni suae subiiciant, praesertim quum vniversus terrarum orbis fati illorum debeatur. Quasi diuino igitur animo futuros Imperatorum triumphos canit. cf. Sil. Italic. III. 611 seqq. *rapi*, diripi.

v. 202. *Non ficta fuga*. Alias enim fugam simulantem vel sagittis retro missis insequentes conficiebant, vel improviso eos versis equis adoriebantur. Lucan. I. 230. interpp. ad Virgil. Georg. III. 31. Iani ad Horat. od. I. 19. 11. et. II. 13. 17.

v. 203. *pallefcere*. sc. metu.

v. 204. *gemmatos cultus*, vestitus gemmis distinctos. Nam apud Persas pretiosorum lapidum copia insignis erat. Ammian. Marcell. XXIII. 6. versus fin. vbi de moribus Persarum agit: *Indumentis plerique eorum ita operiuntur lumine colorum fulgentibus vario, ut licet sinus lateraque diffusa relinquunt*

flatibus agitari ventorum, inter calceos tamen et verticem nihil videatur intectum. Armillis uti monilibusque aureis et gemmis, praecipue margaritis, quibus abundant, adsuesfacti post Lydiam victam et Croesum. Abiiciunt autem, ut supplicantes videantur, cultuque sordido victos se profiteantur.

v. 205. *pigrosque triones*, vrsam maiorem et minorem. Vocantur *gelidi* apud Ovid. Met. II. 171. *pigros* vel idem significat, vel spectat ad tardum eorum cursum. Loca autem septentrionalia intelligenda sunt.

v. 206. 207. *vapores solis*. Vtius progredimini quam Hercules versus occidentem et Bacchus versus orientem progressi esse dicuntur. cf. Virgil. Aen. VI. 802 seqq. Horat. od. III. 3. 9 seqq. ibi v. Iani. Sil. Italic. XVII. 638 sqq. Dionys. de situ orb. 623 seqq.

v. 209. *axis*, coelum, quod complectitur vniversum terrarum orbem.

Vobis rubra dabunt pretiosas aequora conchas, 210
Indus ebur, ramos Panchaia, vellera Seres.

v. 210. *rubra aequora*. Si-
nus Persicus margaritis no-
bilis. *dabunt*, vectigalium
nomine. *conchas*, baccas.
Heyne ad Tibull. II. 4. 30,
qui laudat Burmann. ad
Ovid. A. A. III. 124.

v. 211. *ramos* sc. turiferos
cf. Virgil. Georg. II. 116 seq.
Broukhuf. ad Tibull. II. 2.
4. *Panchaia*, Arabiae Felicia
regio. Ovid. Met. X. 307 sqq.
vellera Seres. cf. I. 179. et
ibi v. n.

VIII.

CL. CLAUDIANI

DE QVARTO CONSVLATV

HONORII AVGVSTI

PANEGYRIS.

ARGVMENTVM.

Honorio Augusto consulare manus quartum adveniens pompa solemnis procedit, magistratus, milites togati sequuntur nec non Bellona ipsa et Mars. v. 1—17. Dandum est hoc generi illustri, quod a Traiano repetitur et ab Oceano. v. 18—23. Hinc avus ortus, qui victor omnem fere terrarum orbem peragravit, et a Theodosio filio tantum superatus est, qui res, quasunque gessit, propter solam laudem suscepit. v. 24—47. Hic, quum imperium ei, barbaris gentibus omnia vastantibus, ultro delatum esset, terrarum orbem servavit. v. 48—70. Conflictandum ei fuit cum Maximo et Eugenio, qui victi supplices veniam vitamque rogabant, sed utriusque interitus documento fuit, nihil tutum esse tyrannis, omniaque meliori causas cedere. Reliquis civibus Theodosius pepercit, eosque liberalitate devinxit. v. 71—121. Cui, quum iam Imperator esset, Honorius natus est Constantinopoli, illustriori ob id ipsum, quam ea loca, in quibus dii geniti dicuntur. v. 122—138. Magnitudinem futuram Honorii in purpura nati omnia portendunt omnesque vates canunt idemque annus et natum eum vidit et consulem. v. 139—158. Ipsae deae curam infantis gerebant, eumque diademate ornatum patri mater ludens osculandum subinde porrexit, nec multo post factus est Caesar diis adprobantibus. v. 159—199. Puer adhuc sagittandi et iaculandi artem didicit. v. 200—202. Pater laetus duobus pueris eodemque curru cum illis vectus, Honorium, domi in hanc fere sententiam adloquitur: In Parthorum aula nato generis claritas sufficit, Principi Romano virtute opus est. Haec in patente illustrior, in obscuro latet. Cognitione sui ipsius continuoque perturbationum imperio illa tandem acquiritur. v. 203—227. Prometheus corpori tres animas (τὸ ὁρμητικόν, τὸ θυμικόν, τὸ λογικόν) ineludit, quarum duae cum corpore moriuntur, reliqua ei superstes est, hanc in capite, τὸ θυμικόν in corde, τὸ λογικόν in iecinore locavit. Inde oriuntur perturbationes, in quibus domandis consistit animi securitas et vera libertas. v. 228—268. Princeps in conspectu omnium vivit, nec latere potest. v. 269—275. Pietas et amor firmissima sunt munimenta; ipsa rerum universitas amore continetur. Terrore nemo tutus praestatur. v. 276—293. Principis vita plus valet, quam

leges. 294 — 302. Fugo superbiam, quam, ut multis exemplis constat. Romani non possunt ferre. v. 303 — 319. Disciplina militaris tibi curae sit, praecipueque tuo ipsius exemplo milites doce. v. 320 — 352. Ad haec Honorium poeta inducit respondentem: se omnia facturum, deinde ex patre quaerentem: cur se verbis potius quam ipso rerum usu erudiat, quin secum ducat contra hostes bello iam maturum? v. 353 — 369. Pater subiicit, se agnoscere crimem generosum, qui promittat, eum olim Alexandro non minorem fore. Ne properet tamen, hortatur, sibi que parcat, regnum eum pacatum accepturum. Interim literis operam det, animumque locupletet antiquitatis exemplis, moresque formet. Haec praecapta Honorio dat pater, longo rerum usu eruditus. v. 370 — 427. Iam ad Theodosium poeta orationem conuertit, eumque de coelo despicere iubet atque videre, quemadmodum Stilichonis praecipue opera voti sui compos sit factus. v. 428 — 438. Hic Stilicho iussus Germanos adgreditur, qui adtoniti pacem statim petunt, atque tunc primum sola formidine vincuntur. v. 439 — 459. Pari felicitate Graeciam liberat, barbaros fundit fugatque, quorum Getarum gens, olim numerosissima, paene exstincta est. Omnes barbari sponte se submitunt. v. 460 — 487. Nunc bonorum virorum delectu et bello et paci consulitur, nunc rerum status maxime quietus est. Princeps iustus, moderatus, sapiens rerum administrator, eloquens, patrem reserens, decorus in armis, dexter in tractandis telis, et equitandi artis peritissimus. v. 488 — 564. Comparatur pompa eius consularis cum illa, in qua dii Aegyptii portari solent, eiusque adparatus describitur. v. 565 — 610. Memorat alias res, quibus aditus quarti consulatus solennior factus est, spesque ab omnibus conceptas, fore, ut hio quoque consulatus rebus stronuo gestis insigniatur. Primo enim consulatu Odothaeum Gruthungorum regem caesum esse, secundo civile bellum profligatum. v. 611 — 636. Illa quidem facta sunt Theodosio duce sed auspiciis Honorii, cuius ductu et alia peragentur. v. 637 — 640. Optat poeta denique perpetuum Honorio consulatum, et ut sibi contingat nuptias olim Principis carminibus celebrare. v. 641 — 650. Postremo et Arcadio et Honorio victoriam de Germanis Parthisque praedicat.

Auspiciis iterum sese regalibus annus
Induit, et nota fruitur iactantior aula;

COMMENTARIUS.

v. 1. 2. Initium est splendidissimum. Annus in personam mutatus gaudet honore suo, quum Principis nomine inclarescat. Ipse inducitur hoc honore se ornans tamquam veste insigni. regalibus auspiciis i. e. imperatoriis. Proprie dicendum

fuisse: nomine consulis, qui idem Imperator est. Sed auspiciis posuit, quia olim praecipue consules auspicia habebant, et ab iis earum rerum gloria pendeat, quae per totum annum publice gererentur. induit. Sic Stat. silv. l. 4. 17. et infra XXVIII.

Limina nec passi circum priuata morari
 Exsultant reduces Augusto Consule fauces.
 Cernis vt armorum proceres, legumque potentes, 5
 Patricios sumunt habitus, et more Gabino
 Discolor incedit legio, positisque parumpor
 Bellorum signis, sequitur vexilla Quirini?

650 seq. *iactantior*, gloria superbiens Stat. silv. IV. 1. 6. *nota aula* i. e. Principe, qui iam quartum consul est. Ceterum hunc consulatum gessit Honorius A. V. 1150, A. C. 398. Fl. Eutychiano collega.

v. 3. 4. Non minus splendida sunt, quae sequuntur. *fascēs nec passi morari*, qui quasi inuiti caruere consule Imperatore. *circum priuata limina*, circum priuatas domos, aut circa priuatos (infra 414.) *exsultant*, laetitia gestiunt, *reduces*, quasi ad suos lares, ad Imperatorem, a quo inuiti discesserunt. *Augusto consule*. Primus Imperator et consul Caesar fuit. Lucan. V. 386 seqq.

v. 5. *Cernis*. Tamquam rem, vt geratur, describat. Callim. H. in Apoll. 4. Stat. silv. IV. 1. 23. Heins. ad Valer. Flacc. V. 595. Broukh. ad Tibull. II. 1. 25. *armorum proceres*, vt *castrorum principes* apud Lucan. VII. 96 seqq. sunt duces, et *legum potentes* magistratus civiles.

v. 6. *Patricios habitus*. Non senatorios, sed quales patricii gestabant. Vestes omnino intelliguntur, quae

ostentationi et pompae inferuiunt. De patriciis v. infra. *more Gabino* v. supra ad VII. 3.

v. 7. *Discolor legio* Barthius et Gesnerus dicunt, milites partim togis albis indutos partim sagulis rubris adparuisse. At omnes milites erant nunc togati, nam cinctus Gabinus in toga tantum locum habet. *Discolor* alia ratione forsan possis explicare. Milites nempe tunicas gerebant rufas, quibus in praesentia togae albae iniectae erant. Ferrar. de re vest. III. 11. Nihil tamen amplius significatur, quam color diuersus a solito vestimentorum militarium colore.

v. 8. *sequitur vexilla Quirini*. Delrius notat, animadvertisse et alios, vexillum senatus argenteum fuisse, et in comitiis passim et pompis senatui praeferrī consueuisse. Eadem fere Barthius et Gesnerus habent. Burmannus vexilla non proprie sumi putat, sed milites habitu civili sequi consulis auspicia et pompam, vt ita, signa aliquius sequi, dici soleat et similia. Mihi videntur vix opponi posse *vexilla Quirini*

Lictori cedunt aquilae, ridetque togatus
 Miles, et in mediis effulget Curia castris. 10
 Ipsa Palatino circumuallata Senatu
 Iam trabeam Bellona gerit, parmamque remouit
 Et galeam, sacras humeris vectura curules.
 Nec te laurigeras pudeat, Gradiue, secures
 Pacata gestare manu, Latiaque micantem 15

illis signis bellorum. Forſan rectius vexilla Quiritum. Verum de illis vexillis, de quibus Delrius loquitur, res eſt obſcura. Probabile autem eſt, vexillorum uſum fuiſſe in illis pompis conſularibus ſaltem illa tempeſtate, prius enim non memini illorum mentionem fieri.

v. 9. *Lictori cedunt aquilae.* Honorium non cingunt aquilae ut Imperatorem, ſed lictores ut conſulem. *ridet* ad ſpeciem pertinet hilarem, quem praebent milites togati ciuiliſque ratione comiti et exornati. cf. X. 191 ſeq.

v. 10. *curia* pro ſenatu occurrit apud Lucan. I. 266 ſeq. h. l. pro aula poſitum uidetur veſtitu ſenatum referente. *effulget* ſplendorem cultus innuit.

v. 11-13. Bellona ipſa, trabea, non illa conſulari; ſed ea, qua equites in tranſvectione uti ſolebant, induta procedit comitantibus aulicis ad Imperatorem in pompa portandum. *palatino ſenatu* i. e. purpuratis habitu ſenatorio. *circumuallata*, cincta. *sacras curules.*

Sic Lucan. III. 105 ſeq. *non conſule ſacrae Fulſere ſedes.* De pompa illa conſulari ſub Imperatoribus legendi ſunt Mamertin. in Panegy. Vet. X. 30. Ammian. Marcell. XXII. 9. ibi v. Valeſ. Imperatores ipſi conſulari officio adeſſe tunc temporis ſolebant. Ael. Lamprid. in Adriano. 9. Bellonam h. l. pro militibus ſeu potius equitibus poſitam eſſe, ut Barthius et Geſnerus exiſtimant, mihi non placet. Eſt hoc mera fictio poetica, cuius memor eſſe debuiffet Noſter infra v. 584.

v. 14. *laurigeras ſecures.* Vtrum ſemper in pompa conſulari faſces laureati conſulibus praeferrentur, (ut propemodum colligi poſſe uidetur ex Martial. X. 10.) an hoc inſigni Principes a priuatis dignoſcerentur (Herodian. VII. 6. 2 ſeq.) incertum mihi eſt. Quod Delrius notat: quum conſules vel Imperatores praeclaram aliquam victoriam eſſent conſecuti, tum eos lictores laureatos cum faſcibus laureatis praeciſiſſe, huc non pertinet.

Loricam mutare toga, dum ferreus haeret
Currus, et Eridani ludunt per prata iugales.

Haud indigna coli, nec nuper cognita Marti
Vlpia progenies, et quae diademata mundo
Sparsit, Ibera domus; nec tantae vilior vnda. 20
Promeruit gentis seriem. Cunabula fouit
Oceanus. Terrae dominos, pelagique futuros
Immenso decuit rerum de principe nasci.
Hinc processit auus; cui, post Arctoa frementi
Classica, Massylas annexuit Africa lauros. 25

v. 16. 17. *haeret Currus*,
vacuus stat equis solutis, vt
libere pascantur.

v. 18. *Haud indigna coli*.
Per haec transitum facit
poeta ad laudes generis.
Sententiarum nexus hic est:
Haud immerito tanto hono-
re prosequuntur Honorium,
talem enim postulat generis
splendor, quod a Traiano
repetit. *cognita Marti*, re-
bus bello gestis clara. Sil. Ita-
lic. III. 335. et XII. 221 seq.

v. 19. 20. *diademata spar-
sit*, Imperatores multos de-
dit. *Ibera domus* Hispanica.
cf. infra XXIX. 63 seq. *nec
vnda vilior*, nec vilis ali-
quis fluuius, *promeruit se-
riem tantae gentis* i. e. con-
secutus est, vt ab eo, tam-
quam gentis auctore series
gentis inciperet. cf. infra XII.
31 seqq.

v. 21. 23. *cunabula fouit
Oceanus*, i. e. cunabula gen-
tis fuere in Oceano, ab Ocea-
no gens originem repetit. cf.
infra XXVIII. 651. *terrae pe-
lagique*, totius terrarum or-

bis. immenso rerum principe.
Apud Homerum est Oceanus
communis pater omnium flu-
minum et fontium. Il. Φ . 195.
 ξ . 246; a philosophis ac poe-
tis philosophemata decantan-
tibus pater est omnium re-
rum constitutus. Orph. Hym.
pag. 178. Eschenb. Hoc se-
cutus est Virgil. Georg. IV.
382. Ceterum his innuit
poeta, ipsum Oceanum esse
auctorem Vlpiae gentis, et
ratio ipsa, qua id exprimit,
ex altera parte adulandi au-
daciam minuere, ex altera
omnia tribuere huic generi
videtur. v. supra VII. 176 sqq.

v. 24. 25. *Hinc*, ex gente
Vlpia. *auus*, Theodosius Co-
mes. v. supra VII. 52. quem
alii patrum Theodosii M.
sed adoptione patrem, alii re-
vera naturae patrem fuisse
dicunt. cf. Pacat. in Panegy-
r. Vet. XII. 5. 6. Symmach. X.
22. Oros. VIII. 33. *cui fre-
menti*. *Fremere* de pugna-
tore saepe dicitur, qui, quum
adgreditur hostem, virtutem
clamore testatur. Virgil. Aen.

M

Ille, Caledoniis posuit qui castra pruinis,
 Qui medios Libyae sub casside pertulit aestus,
 Terribilis Mauro, debellatorque Britanni
 Litoris, ac pariter Boreae vastator et Austri.
 Quid rigor aeternus coeli, quid sidera profunt, 30
 Ignotumque fretum? Maduerunt Saxone fuso
 Orcades; incaluit Pictorum sanguine Thule;

XII. 535, inde saepe pro *saevire* ponitur Sil. Italic. V. 457. Prior vis etiam infra occurrit XVIII. 504. *agnosco fremitum, quo palluit Hebrus, Quo Mauri Gildoque ruit.* Apud Graecos est ὄμοκλη. Quint. Calab. V. 394. *post Arctoa classica* i. e. domitis trans Rhenum barbaris. v. Pacat. l. c. cap. 5. Ammian. Marcell. XXVII. 1. 2. sed sine Theodosii Comitis mentione. *adnexuit*, prioribus lauris addidit. Sil. Italic. XV. 805. *Maffylas, Libycas, Ammian. Marcell. XXVIII. 6.* Plura de hac gente eiusque moribus notata v. apud Lucan. IV. 682. ed. Oudendorp. v. 26. *Caledoniis pruinis.* Ammian. Marc. XXVII. 8.

v. 27. 29. *medios aestus.* infra XV. 317, XXXV. 106. *sub casside*, in armis. His versibus priora iterantur.

v. 30. *rigor aeternus coeli*, frigus perpetuum, perpetua coeli inclementia. *sidera* omnem coeli rationem frigus et aestum designat. Plin. paneg. 12. 3. Barth. ad Stat. Theb. V. 459. Gronov. ob- serv. III. 15, et infra 444. H. l.

aestum, calorem esse, putat Barth. ad Stat. Theb. l. 305. Sed neque *frigus* significare potest, quia praecessit *rigor coeli*, nec poetae solent expressioni, cuius vis finita est, aliam subiungere, quae potestatem habet indefinitam et vagam; neque *aestum* notare videtur, quia et quod praecedit, et quod sequitur, ad regionem spectat septentrionalem, et *caloris* infra v. 34. mentio fit. Iungendum est cum sequentibus, vt, *quid sidera profunt Ignotumque fretum*, positum sit pro: quid sidera profunt ignoti freti, i. e. quid tempestates ignoti freti valuerunt contra virtutem Theodosii C. cf. Serv. ad Virgil. Aen. IV. 309.

v. 31. 32. *Saxone fuso.* Saxones erant piratae. infra XXII. 255. Sidon. Apollin. epist. VIII. 6. Oros. VII. 32. Orcades insulae fortasse latebrae erant, ad quas confugerent, si acrius bello premerentur, aut habitabantur iam ab illis. *Thule.* supra VII. 53.

Scotorum cumulos fleuit glacialis Ierne.

Quid calor oblitit forti? Per vasta cucurrit
Aethiopum, cinxitque nouis Atlanta maniplis. 35

Virgineum Tritona bibit, sparososque venenis
Gorgoneis vidit thalamos, et vile virentes
Hesperidum risit, quos ditat fabula, ramos.

Arx incensa Iubae, rabies Maurusia ferro
Cessit, et antiqui penetralia diruta Bocchi. 40

v. 33. *Ierne. Hibernia* apud Tacitum in vita Agric. 24. *Iuuerna* apud Pompon. Mel. III. 6. Ad expeditionis difficultatem augendam poeta loca septentrionalia semper gelu rigentia, meridionalia aestu torrida describit. *cumulos* sc. caesorum. Lucan. VI. 180, VII. 790. *fleuit*. Lucan. II. 164 seq.

v. 35. *nouis*, iis locis numquam visis. *Atlanta*. Herodot. IV. 184.

v. 36. 37. *Virgineum Tritona*. Palladis natales a quibusdam ad Tritonidem paludem referuntur. Herodot. IV. 188. Apollon. Rhod. IV. 1310 seq. ibi v. schol. Hinc etiam *virgineus* dicitur. *sparososque venenis Gorgoneis*. Phorcydum aut Gorgonum sedes ab antiquioribus in extremo occidente marisque Atlantici insula, ab recentioribus in Libyae oris ponebantur. Heyne ad Apollod. I. 2. pag. 24 seq. II. 4. pag. 295 seqq. interpp. ad Hesiod. Theog. 470 seqq. Lucan. IX. 624 seqq. Ovid. Met. IV. 768 seqq. Schol. ad Pind.

Nem. X. 6. *thalamos, sedes. vile virentes* i. e. non aureos, sed vili viriditate. Respexit Ovid. Met. IV. 636, qui *frondes* vocat auro radiante *virentes*.

v. 38. *Hesperidum ramos. Hesperides* Noctis filiae, quae in extremo occidente arbores custodiebant poma aurea ferentes v. Heyne Comment. in Hesiod. Theog. 141. Apollon. Rhod. IV. 1396 seqq. ibi schol. Spanhem. ad Callim. H. in Cer. 11. *quos ditat fabula* i. e. quos fabulae poetarum aureos, aurea ferentes poma, finxit. Cognita rei veritate repudiavit fabulas Theodosius. Verum, quum in antiquis fabulis proferendis tam multus sit Noster, non adtinuit sane, in hac fidem earum frangere. Nam non magis videre potuit Theodosius *thalamos venenis Gorgoneis conspersos*.

v. 39. 40. *rabies Maurusia* i. e. Afrorum rabies, seu Maurorum. Ammian. Marcell. XXIX. 5. Ceterum Iuba Ingurtham Romanis tradiderat, Bocchus ob fidem in Pom-

Sed laudes genitor longe transgressus auitas
 Subdidit Oceanum sceptris, et margine coeli
 Clausit opes, quantum distant a Tigride Gades,
 Inter se Tanais quantum Nilusque relinquunt.
 Haec tamen innumeris per se quaesita tropaeis. 45
 Non generis dono, non ambitione potitus;

peium nobilis erat. *penetrabilia*, sedes.

v. 41. Transit iam ad laudes Theodosii M. cf. Pacat. in Paneg. Vet. XII. 22.

v. 43. *quantum distat* cet. Repetendum videtur ex antecedentibus: *subdidit*. Vtrum, quum iam dixerit: *Subdidit oceanum sceptris et margine coeli Clausit opes*, haec ad vberiore sententiae explicationem adiecta languescere paene videntur, vt omittam, ellipsin paullo duriorē esse.

v. 45. 46. *Haec* omnino ad res gestas spectat et ad nominis claritatem inde partam. Sensus autem ita constitutus, vt *per se* sit: sua virtute, suisque laboribus, et opponatur *tā generis dono* atque *ambitioni*, et tamen plane ineptum reddit, et languorem toti loco inducit. Quum enim iam dictum sit v. 41 seqq. Theodosium imperii fines, qua terrae pateant, armis proferendo laudes genitoris superasse, quid quaeso adtinuit adicere: hanc tamen laudem non generi, non ambitioni, sed virtutibus suis debet? Maius igitur distinctionis signum

post tropaeis posui, et *per se* ita interpretor: gloriam quaesivit ipsius gloriae causa sua sponte, sua ipsius natura, quae ad gloriae cupidinem ducebatur, non eo consilio, vt opibus inde collectis regnum adfectaret. Haec ratio optime conuenit cum sequentibus, si pro *potitus* legas *petitus*, nisi *potitus* sensu passiuo accipere malis, vt apud Coripp. I. 1. vbi quoque Rittershusius *petitus* mavult. Pacat. l. c. 12. *Solus igitur, Auguste, solus inquam omnium, qui adhuc imperauerunt, vt princeps esses, praestitisti. Alios enim legionum suffragia, alios vacans aula, alios ad finitas regia imposuere reipublicae; te nec ambitus, nec occasio, nec propinquitas principem creauerunt. Nam et eras a familia Imperatoris alienus, et adsciscebaris tertius, et cogebaris inuitus, inuitus inquam.* cf. infra X. 261 seqq. XXII. 156. Valente enim, Valentiniani I. fratre, a Getis, quorum ingentem multitudinem, qui Hunnos urgentes fugerent, imprudenti consilio in Thraciam acceperat, sedesque ibi illis dede-

Digna legi virtus. Vltro se purpura supplex
Obtulit, et solus meruit regnare rogatus.

Nam quum barbaries penitus commota gementem
Irrueret Rhodopen, et mixto turbine gentis. 50
Iam deserta suas in nos transfunderet Arctos,
Danubii totae vomerent quum proelia ripae,

rat, duobus annis post victo et occiso (A. C. 378), Gratianus, Valentiniani I. filius, viginti annos natus, quamquam fortis ipse et strenuus, ingruentibus tamen vndique barbaris parem se haudquam existimans Theodosium ex Hispania regni socium adiunxit, eique cum maxima parte Illyriae provincias Valentis tradidit tuendas a barbaris iam occupatas et direptas, praesertim quum a Valentiniano II. fratre suo, septimum tum annum agente, nihil auxilii posset expectare, in cuius sortem Italia, Africa et reliqua Illyriae pars venerat. Quod ut faceret, compulit eum quoque Theodosii Comitissae memoria, quem optime de re publica rebus suis bello sub Valentiniano I. gestis meritum, falsis criminibus circumuentum non longe post eius de Firmo triumphum Carthagine interfici iusserat. v. 46. *non generis dono.* Nulla enim cognatione Gratianum attingebat. *dono* cf. Ovid. Trist. IV. 10. 8. *non ambitione* seu eius ipsius seu militum *petitus* sc. est. Nam *ambitione* interdum ponitur pro preci-

bus aliorum ambitiosis. Ovid. Met. IX. 431.

v. 47. *Digna legi virtus.* Legi iudicium Gratiani respicit de dignitate Theodosii prius factum. Pacat. l. c. 11. Sub *purpura* ipse Gratianus possit intelligi, verum, quum sequatur *obtulit*, imperium melius intelligitur.

v. 48. *rogatus.* Idem de Tiberio dicit Ovid. ex Ponto IV. 13. 27 seq. sed cf. Tacit. Ann. I. 11 seq.

v. 49. *Nam quum barbaries* cet. Themist. orat. XIV. pag. 182. ed. Harduin. Zosim. IV. 24. Oros. VII. 34.

v. 50. *Rhodopen*, Thraciam. *gentis* recte Gesnerus pro casu quarto accipit. *mixto turbine*, colluue victricium et victarum gentium. In illis enim barbarorum turbis victrices gentes victas secum solebant abripere iunctisque viribus alias regiones adgredi.

v. 51. *deserta.* Eadem ratione *vacuo* supra V. 427. Sic quoque copiam respiciens Euripid. in Rhese. 277. *πολας παρρηίας γῆς ἐρημώσας πέδον.*

v. 52. *vomerent* Virgil. Georg. II. 462. pro: effunde-

Quum Geticis ingens premeretur Mysia plaustis,
 Flauaque Bistonios operirent agmina campos:
 Omnibus afflictis, et vel labentibus ictu, 55
 Vel prope casuris, vnus tot funera contra
 Restitit, exstinxitque faces, agrosque colonis
 Reddidit, et leti rapuit de faucibus vrbes.
 Nulla relictæ foret Romani nominis vmbra,
 Ni pater ille tuus iam iam ruitura subisset 60
 Pondera, turbatamque ratem, certaue leuasset
 Naufragium commune manu. Velut ordine rupto
 Quum procul insanae traherent Phaethonta quadrigae,

rent. *proelia* proeliantes, hostes, Propert. III. 9. 10.

v. 53. *ingens Mysia* vocatur secundum Barthium, quia magnam partem Thraciae et Phrygiae complectebatur. Burmannus *ingens* positum putat pro: tota, omnis, qua patet, nulla excepta parte, laudatque Valer. Flacc. IV. 210. Ceterum a Pannonia incipit ea prouincia ad Pontum usque cum Danubio decurrens. Plin. H. N. III. cap. 26.

v. 54. *Flauaque agmina* sc. barbarorum septentrionalium propter crines flauos ita dictorum. *Bistonios*, Thracios.

v. 55. 56. Quum iam omnes hac clade (*ictu*) vel oppressi essent vel opprimerentur vel calamitas illis prope instaret. *tot funera contra* i. e. tantae cladi restitit, sinem imposuit.

v. 57. 58. *agrisque colonos Reddidit.* cf. infra XXVI. 41. *faces*, incendia. *fauci-*

bus cf. Barth. ad Stat. Theb. VIII. 378.

v. 59. *umbra*, vestigium.

v. 60 seq. Theodosius subito onus iam iam ruiturum, navem a naufragio seruat et comparatur cum Phoebus ordinem rerum post Phaethontis cladem restituente. *iam iam ruitura pondera* cf. supra III. 273 seq. V. 94 seq. *turbatamque ratem*, quae iam in eo erat ut mergeretur. Burmannus hoc cum *subisset* coniunxisse videtur, quum post ratem posuerit (i), melius tamen, ut mihi quidem videtur, ad sequentia trahi potest, ut *turbatamque ratem* et *Naufragium commune* dictum sit pro: naufragium commune turbatae ratis. Ceterum cf. Sidon. Apoll. carm. II. 14 seqq.

v. 62. *ordine rupto.* Ordine rerum perturbato dum solia currus de solito itinere deflexisset.

v. 63. *Quum procul* cet. cf. Ovid. Met. II. 201 seq.

Saeuiretque dies, terramque et stagna propinqui
 Haurirent radii, solito cum murmure toruis 65
 Sol occurrit equis; qui postquam rursus heriles
 Agnouere sonos: rediit meliore magistro
 Machina concentusque poli, currusque recepit
 Imperium, flammaeque modum. Sic traditus illi,
 Seruatusque Oriens. At non pars altera rerum 70
 Tradita, bis possessa manu, bis parta periclis.
 Per varium gemini scelus erupere tyranni
 Tractibus occiduis. Hunc saeua Britannia fudit;

v. 64. *dies*. solis ardor.

v. 65. *Haurirent*, absumerent. *solito cum murmure*. Ovid. l. c. 398 seqq. *toruis* consternatis.

v. 68. *Machina*, rerum coelestium ordo. *concentus*, harmonia illa coelestis ex diuinitatis planetarum interual-
 lis. Macrobi. ad Somn. Scip. II. 2. Coniunctio illa poeticae fictionis cum ratione philosophica, quarum altera alteram plane tollit, satis declarat, doctrinam poetae nonnumquam iudicii acumine destitutam fuisse.

v. 69. *flammaeque modum*. temperamentum flammae eo recepit, quod ad solitum iter reduceretur atque in eo maneret. *traditus seruatusque*. Tradendo seruatus est, nec seruari poterat, nisi traderetur.

v. 70. *pars altera rerum*. Occidens. Hunc tuebantur Gratianus et Valentinianus II.

v. 71. *bis possessa manu*, bis occupata virtute, bellis. Quae sequuntur, idem significant.

v. 72. *Per varium scelus*. infra 75 seq.

v. 73. *hunc saeua Britannia fudit*. Maximum intelligit natione Hispanum et Theodosii M. in Britannia olim commilitonem. Is moleste ferens, Theodosium Imperatorem esse factum, seque ad nullum magistratum honorificum promotum, a militibus a se concitatis Imperator factus traiecto e Britannia in Galliam exercitu Gratianum proelio superat. Hic cum trecentis equitibus, insequente Maximo, fugit et Lugduni per insidias interficitur. Zosim. IV. 35. Socrat. H. E. V. 11. Sozomen. H. E. VII. 13. Oros. VII. 34. Victor. Epit. 47. A. C. 383. Quibus auditis Theodosius metuens, ne Valentinianum II. quoque adgrederetur, bellum parare coepit. Sed per legatos certior factus, Maximum provinciis, quae Gratiani fuerant, contentum fore, in imperii societatem eum recipit Zosim. IV. 37. Quum autem

Hunc sibi Germanus famulum delegerat exsul.
 Aulus vterque nefas, domini respersus vterque 75
 Infantis iugulo. Nouitas audere priori
 Suadebat, cautumque dabant exempla sequentem.
 Hic noua moliri praeceps: hic quaerere tuta
 Prouidus. Hic fufis: collectis viribus ille.
 Hic vagus excurrens: hic intra claustra reductus. 80
 Dissimiles, sed morte pares. Euadere neutri
 Dedecus, aut mixtis licuit procumbere telis.
 Amiffa specie, raptisque insignibus, ambo
 In vultus rediere fuos, manibusque reuinctis

A. C. 387. Valentinianum ipsum adortus esset regnoque expulisset, Theodosius in auxilium vocatus bello eum adgreditur, duobus proeliis vincit (Pacat. Panegyr. Vet. XII. 34-36. Ambros. epist. 17.) Aquileiaque, quo cum reliquiis exercitus confugerat, vi capta, traditum securi percussit. Zosim. IV. 46. Pacat. l. c. 43. Socrat. V. 14. Oros. VII. 35.

v. 74. *Hunc sibi Germanus* cet. cf. not. ad VII. 63 seqq. *Germanus exsul*, Arbogastes natione Francus et a popularibus suis expulsus. *famulum*, Eugenium, qui ei a manu fuerat.

v. 75. *domini*, Maximus nempe Gratiani, Arbogastes Valentiniani.

v. 76. *nouitas*. Gesnerus explicat: inaudita fere felicitas et successus prosper. Nonne potius ex opposito *exempla* versus sequentis interpretatio petenda est? *nouitas*, quum nemo ante con-

tra Theodosium arma capere ausus esset; res ipsa nondum tentata felicem exitum habitura esse illi videbatur; inde nata est audacia nullo aduersi euentus exemplo imminuta.

v. 77. *exempla*, Maximi exitus.

v. 78. *noua moliri*, imperium adfectare. *praeceps*, audacter omnia sed parum caute agens.

v. 79. Sensus: ille nihil timens exercitum nimis disperferat, hic prouidus collectis viribus semper utebatur.

v. 80. *reductus*, latens, remotus.

v. 81. *dissimiles* sc. in belli gerendi ratione.

v. 82. *dedecus*, mortem ignominiosam. *mixtis telis* idem valet ac: in acie.

v. 83. *specie*, splendore, quem insignia illis praebebant. Pacat. l. c. 43.

v. 84. *In vultus rediere fuos*, i. e. in habitum hu-

Oblati gladiis submittunt colla paratis, 85
 Et vitam veniamque rogant. Proh damna pudoris!
 Qui modo tam densas nutu mouere cohortes,
 In quos iam dubius sese librauerat orbis,
 Non hostes victore cadunt, sed iudice fontes.
 Damnat voce reos, petiit quos Marte tyrannos. 90
 Amborum periere duces. Hic sponte carina
 Decidit in fluctus: illum suus abstulit ensis.
 Hunc Alpes, hunc pontus habet. Solatia caesis
 Fratribus haec ultor tribuit. Necis auctor vterque

milem, vultumque priorem
 deiectum, quum alter lixa
 alter grammaticus fuisset.

v. 86. *proh damna pudoris.*
 Lucan. IV. 231. VIII. 750.
 proh amissum pudorem, quod
 scilicet vitam veniamque pe-
 tere auderent tam atrocibus
 factis admissis, quodque, qui
 paullo tantos spiritus sum-
 sissent, mortem tantopere re-
 formidarent.

v. 87. *densas*, numerosas.
nutu, leuissima voluntatis
 significatione.

v. 88. *In quos iam dubius*
cet. Imperatores Romani
 dicebantur sustinere orbem,
 quatenus orbis terrarum im-
 perium iis impositum erat.
 Iam vero in dubio erat,
 vtrum Theodosius an Maxi-
 mus et Eugenius rerum es-
 sent potituri. Dubius igitur
 orbis erat, in cuius humeris
 se reponeret, id enim expri-
 mit *libraret*, i. e. ita pone-
 ret, vt pondera vbique ae-
 qualia essent. Et quum pa-
 rum abesset, quin illi victo-
 riam de Theodosio reporta-

rent, mundus dubius in eos
 tantum non se librauerat, se
 in iis reposuerat. cf. Senec.
 Thyest. 697 seq.

v. 89. 90. *Non hostes*
victore cadunt. Non ab ipso
 victore in acie interficiuntur
 armati. Breuitas et opposi-
 torum inter se concinnitas
 in his versibus notanda est.
hostes, fontes; victore iudice;
reos, tyrannos; voce, Marte.

v. 91. 92. *Amborum du-*
ces. Andragathius Maximi
 et Arbogastes Eugenii. Zo-
 sim. IV. 47. 58. Socrat. H. E.
 V. 24. *hic*, Andragathius.
 Audita clade et nece Maximi,
 cuius filius Victor etiam ab
 Arbogaste interfectus erat, in
 mare se praecipitauit. Praee-
 rat nempe nauibus in mare
 Ionio. Oros. VII. 35. *illum*,
 Arbogasten. *abstulit*, Virgil.
 Aen. VI. 429.

v. 93. *Hunc Alpes — ha-*
bet. Petron. 120. *Crassum*
Parthus habet.

v. 94. *Fratribus*, Gratiano
 et Valentiniano II., Valenti-
 niani I. filiis.

Labitur. Augustas par victima mitigat **vmbras.** 95
 Has dedit inferias tumulis, iuuenumque duorum
 Purpureos merito placauit sanguine Manes.
 Illi iustitiam confirmauere triumphi;
 Praesentes docuere Deos. Hinc secula discant
 Indomitum nihil esse pio, tutumue nocenti. 100
 Nuntius ipse sui longas incognitus egit
 Praeuento rumore vias. Inopinus utrumque
 Perculit, et clausos montes, ut plana, reliquit.

Exstruite immanes scopulos, attollite turres,
 Cingite vos fluuiis, vastas opponite siluas, 105
 Garganum Alpinis, Apenninumque niualet
 Permixtis sociate iugis, et rupibus Aenum
 Addite Caucasii, inuoluite Pelion Ossae:
 Non dabitur murum sceleri. Qui vindicet, ibit.

v. 95. *Labitur*, interfectus corruit. *mitigat vmbras*. Ex opinione rudis antiquitatis, qua credebant, manes ultione inimicorum delectari. Homer. Il. φ. 26 sqq. ψ. 175 sqq. Virgil. Aen. X. 517 seqq. XI. 81 seq.

v. 96. 97. Eadem fere iterantur. *purpureos*, Augustorum, Imperatorum.

v. 98. *Illi iunge cum triumphi. iustitiam* i. e. deos iustos esse.

v. 99. *Praesentes* cf. III. 20 seq. Deos rebus humanis interesse, et bonorum improborumque rationem habere. Stat. silv. I. 4. princ.

v. 100. *prio*, vi oppositi pro: innocenti. Sententiam hoc versu expressam infra latius prosequitur.

v. 101. *incognitus* sc. hostibus.

v. 102. *Praeuento rumore*, Zosim. IV. 18. τὰ ἐν μέσῳ πάντα διέδραμεν ἔθνη, καὶ τῆς διὰ τῶν Ἀλπεων παρόδου κρατήσας παρὰ πᾶσαν ἐλπίδα τοῖς πολεμίοις ἐπέστη.

v. 103. *Perculit*. Ad manifestum dei auxilium ecclesiae patres hanc victoriam retulerunt. Augustin. de Civ. D. V. 26. *clausos* cf. Oudendorp. ad Lucan. V. 24. Burmann. ad Valer. Flacc. VII. 230. *reliquit* sc. post se, i. e. superauit, transgressus est. Facilitatem exprimunt addita: *ut plana*. cf. Burmann. et Heyne ad Virgil. Aen. VIII. 216.

v. 104 - 109. Sententia, quam poeta per hyperbolen expressit, haec est: Nullus locus et natura et arte munitissimus nocentem a vindice tutum praestare potest. Pro

Omnia subsident meliori peruia causae. 110

Nec tamen oblitus ciuem cedentibus atrox
Partibus infremuit. Non insultare iacenti
Malebat. Mitis precibus, pietatis abundans,

Vallo scopuli et montes altissimi, pro fossa fluvii altissimi, pro sudibus silvae integrae posita sunt. v. 116. *Garganum*, montem Apuliae silvis confutum, hodie *Monte di S. Angelo*. Horat. od. II. 9. 7. Virgil. Aen. XI. 247. v. 108. *permixtis sociate iugis* i. e. permiscete et confundite, ut unus mons inde fiat altior et munitior prioribus singulis. Sil. Italic. III. 494 seq. *Mixtus Athos Tauro, Rhodopeque adiuncta Mimanti, Ossaque cum Pelio, cumque Haemo cesserit Othrys*. Hunc sensum verum esse, ostendunt sequentia *addite, involvite*. Barthius legi vult: *Pirenes sociate iugis*, quod Heinsius non improbat, qui sensum totius loci aliter statuisse videtur, quum dicat, Claudianum adlusisse ad Graecum prouerbiū *ὄρος ὄρει οὐ μίγνυται*. Sed coniectura nihil opus est. v. 109. *murum*, praesidium, quo tectum scelus securum esse possit. Sic vir fortis, qui aliis propugnat, murus vocatur Sil. Italic. II. 576. et XVI. 68, et *ἔρως, ἐρσιμῃ, πύργος* Homer. II. α. 284, δ. 117, π. 549. Ovid. Met. XIII. 281. *qui vindicet, ibit*. Vindex transibit, penetrabit, munimenta. *ibit*

sc. in scelus, ut apud Lucan. X. 343.

v. 110. *Omnia subsident* cet. i. e. omnia subsident et sient peruia; munimentorum altitudo quasi deprimetur et euanescent, aditumque facilem praebebit.

v. 111. Venit poeta ad clementiam, qua fuit Theodosius in ciues, qui Maximi et Eugenii partes secuti fuerant. De hac quoque egit Pacat. Paneg. Vet. XII. 45. 4 seqq. Ambros. in oratione funebr. Zosim. IV. 58. 8. *oblitus ciuem*. i. e. oblitus, ciues esse illos, qui in aduersariorum castris fuissent.

v. 112. *infremuit*, infectus est, iratum se ostendit. v. supra ad 23. cf. Lucan. VII. 318 seqq. *insultari iacenti* ex antiqui temporis ferocitate petatum, quo insultare solebat victor hosti prostrato, ut saepius apud Homerum occurrit. v. Heyne ad Virgil. Aen. X. 490 seqq. et Broukh. ad Propert. I. 1. 4. cf. Barth. ad Stat. Theb. II. 713.

v. 113. *pietatis*. *Pietas* h. l. non ea virtus est, quam patres ecclesiae tantopere de Theodosio praedicant, sed caritas ciuium et clementia v. infra v. 276. Epistola An-

Poenae parcus erat. Paci non intulit iram
 Post acies. Odiis idem, qui terminus armis. 115
 Profuit hoc vincenti capi, multosque subactos
 Prospera laturae commendauere catenae.
 Magnarum largitor opum, largitor honorum;
 Pronus et in melius gaudens conuertere fata.

Hinc amor, hinc validum deuoto milite robur. 120
 Hinc natis mansura fides. Hoc nobilis ortu

tonini Philosoph. quam ser-
 uauit Vulcat. Gallican. in
 Avid. Cass. cap. 11. *Non
 enim quidquam est, quod im-
 peratorem Romanum melius
 commendet gentibus, quam
 Clementia. Haec Caesarem
 deum fecit, haec Augustum
 consecrauit, haec patrem
 tuum imprimis Pii nomine
 ornauit.*

v. 114. *paci non intulit
 iram, i. e. ciuibus, qui arma
 abiecerant, pepercit.* Hoc
 de Octaviano dicunt Virgil.
 Aen. VI. 853 seq. et Propert.
 II. 13. 41 seq.

v. 115. *post acies.* bello
 finito.

v. 116. 117. Non solum
 clemens fuit in subiectos aut
 debellatos, sed etiam bene-
 ficus. *Profuit, hoc vin-
 cente, capi, i. e. victoria
 profuit victis, quum Theo-
 dosius victor esset.* Ovid. Met.
 VIII. 56 seqq. Quae sequun-
 tur, ita ordines: *catenae, la-
 turae prospera, commenda-
 vere multos subactos.* Ges-
 nerus haec ita intelligit: ca-
 tinae quosdam commenda-
 runt Principi, ipsiusque mo-
 verunt misericordiam, hoc

est ferre prospera i. e. afferre.
 Verum de misericordia mera
 h. l. sermo non est, sed de
 munificentia, quam multi
 experti sint, vt victos se esse
 non solum aequo animo fer-
 rent, verum etiam sibi gra-
 tularentur. *commendauere* vi-
 detur esse dictum pro: ca-
 riores reddidere principi et
 ob id ipsum feliciores. cf.
 omnino Ovid. Heroid. III.
 53 seq. Rutil. Itin. I. 63.

v. 118. *Magnarum largi-
 tor cet.* Hunc versum ad
 verbum fere imitatus est Co-
 ripp. in laud. Iust. III. 134.

v. 119. *in melius* pro: in
 meliora. Lucan. VI. 60. Sen-
 sus: et pronus erat statum
 seu conditionem minus feli-
 cem in meliorem conuertere.

v. 120. *Hinc amor* cet.
 Illa liberalitas et munificen-
 tia omnium amorem tibi pe-
 pererunt, securitatem et vim
 (*hinc validum robur*) conci-
 liatis tibi militibus, qui ro-
 bur Imperatoris constituunt.
deuoto, tibi dedito.

v. 121. *Hinc natis man-
 sura fides* sc. ciuium et mi-
 litum. Illae virtutes etiam
 efficere, vt omnes, te rebus

Nasceris; aequaeva cum maiestate creatus,
 Nullaque priuatae passus contagia sortis.
 Omnibus acceptis vltro te regia solum
 Protulit, et patrio felix adolescens in ostro, 125
 Membraque vestitu nunquam temerata profano
 In sacros cecidere sinus. Hispania patrem

humanis erepto, in fide manserint, nec a filiis tuis defecerint. *hoc nobilis ortu cet.* Iam transit ad ipsius Honorii laudes. *hoc ortu pro:* hoc patre.

v. 122. *aequaeva cum maiestate* i. e. maiestate aequae longa, ac vita tua est, quum patre Augusto natus sis.

v. 123. *contagia.* Nihil aliud vult dicere poeta quam: priuatam conditionem nunquam attingisti, aut nunquam priuatus fuisti. Forsan autem non omnino omnis contaminationis et commaculationis vis remouenda est cf. infra v. 126. Respexit Noster, vt Heinsius putat, Lucan. VI. 741. Obseruandum quoque est, poetam Honorium Arcadio, sine verbi tamen iniuria, praeferre ob eam rem, quod Princeps natus non factus sit. Idem praedicat de Constantino Eumenius. Panegy. Vet. VI. 3.

v. 124. *Omnibus acceptis.* Gesnerus omnibus ab omnia deduxit, sensu, vt ipse vidit, non satis commodo. Recte sensit Burmannus, qui ex sequentibus, quae opposita sunt prioribus, locum ita interpretatur: Omnes reliquos

Principes regia accepit, in regiam illi delati sunt, tu solus in regia i. e. Princeps natus es, te regia protulit.

v. 125. *patrio in ostro* i. e. in imperatoria patriae dignitate.

v. 126. *vestitu profano* i. e. priuatorum vestitu, quo corpus Imperatoris seu Imperatoris filii quasi sacrum profanatur.

v. 127. *In sacros cecidere sinus.* Olim quidem apud veteres recens nati nuda in terra sistebantur, inuocata Ope, vt eos placidae terrae sinu excipiens adiunaret Sueton. August. 4. Ner. 6. Stat. silv. V. 5. 69 seqq.; deinde in sinus parentum ponebantur; sed probabile est, morem illum priorem iamdudum aboluisse; alitque ritibus Christianis locum fecisse, posteriorem remansisse. *Cedere in sinus sacros* igitur omnes fere exponunt: reponi in gremio sacro patris. Forsan huc pertinet Sidon. Apoll. carm. XXIII, 104 seq. *Quem primo tenero calentem ab ortu Excepere sinu novem sorores.* Huic rationi tamen rō cecidere parum conuenire videtur. Forsan

Auriferis eduxit aquis; te gaudet alumno
 Bosporus. Hesperio de limite surgit origo;
 Sed nutrix Aurora tibi. Pro pignore tanto 130
 Certatur. Geminus te ciuem vindicat axis.
 Herculis, et Bromii sustentat gloria Thebas;

haec interpretatio a vero non omnino abhorret: recens natus statim vestibus purpureis exceptus aut in iis repositus est. cf. supra n. ad VII. 15. Quibus adde epistolam Ceionii Posthumii ad Aelium Bassianum quam seruauit Iul. Capitolin. in Clod. Albino c. 4. *Filius mihi natus est VII. Cal. Decemb. ita candidus statim toto corpore, ut linteamen, quo exceptus est, vinceret.* cf. Hieronym. in cap. XVI. Ezechiel. *Hispania* supra 18 seqq.

v. 118. *eduxit*, nutrit, educauit. Propert. III. 7. 51. Sil. Italic. IX. 434. Nost. VI. 1. XV. 303. *auriferis aquis.* A Tago ad reliquos Hispaniae fluuios id transtulisse videtur. *te gaudet alumno Bosporus.* Sic infra 211. Castor et Pollux alumni Euryotae vocantur, et supra I. 190. Apollo et Diana Aegaei alumni. Sensus; tu Constantinopoli natus es.

v. 129. *Hesperio de limine surgit origo*, repetis originem ex Hispania. *Limine* dixit solem occiduum respiciens. Burmann. ad Ovid. Am. II. 6. 1. Huic opponitur.

v. 130. *Aurora*, oriens. *pro pignore tanto Certatur.*

Quia origo gentis in Hispania fuerat, Honorius poterat dici *pignus* Occidentis; quia vero natus et educatus fuerat Constantinopoli, Oriens eundem quasi suum *pignus* poterat vindicare. Eodem sensu infra v. 502. *pro suo pignore castra laborant*, quia in castris erat educatus. Ceterum *pignora* de liberis et alumniis dici notissimum est.

v. 131. *geminus axis.* Lucan. VII. 422. Oriens et Occidens.

v. 132 seqq. Multa loca deorum ortus nobilitauit, ille locus autem longe nobilior est, vbi Honorius lucem aspexit. *Bromii*, Bacchi. *sustentat* nobiles facit vel memoriam tuetur. *Sustentare* pro: tueri, habet Virgil. Aen. XI. 224. Notum est, Thebas ab Alexandro magno dirutas esse, Pindarique domum solam relictam. Aelian. V. H. XIII. 7. Polyb. V. 10. A Cassandro restitutae sunt Pausan. IX. 7. 1 seq. *Oedipodioniae quid sunt, nisi fabula, Thebae.* Ovid. Met. XV. 429. Theodosii M. tempore erat vrbs munitissima. Zosim. V. 5. Ceterum cf. Horat. od. I. 7. 3 seq.

Haesit Apollineo Delos Latonia partu;
 Cretaque se iactat tenero reptata Tonanti;
 Sed melior Delo, Dictaeis clarior oris, 135
 Quae dedit hoc Numen regio. Non litora nostro
 Sufficerent angustia Deo; nec inhospita Cynthi
 Saxa tuos artus duro laesere cubili.
 Acclinis genitrix auro, circumflua gemmis,
 In Tyrios enixa toros. Vlulata verendis 140
 Aula puerperiis. Quae tunc documenta futuri?

v. 133. *Delos Latonia* sic Ovid. in Ib. 479. et Virgil. Georg. III. 6. *haesit*, ποσὼν ἐνεθήκαο βίζας Callim. H. in Del. 54. ibi v. Spanhem. Antequam enim Latonam recepisset, ut secure ibi pareret, Asterie vocabatur et vaga erat.

v. 134. *Cretaque*. Callim. H. in Iov. 8 sqq. ibi v. Spanh. *reptata*, de puero infante, qui nondum erectus incedere potest, saepius Noster hoc utitur. VII. 22, XXIV. 179. Pacat. in Panegy. Vet. XII. 4. et geminis *Delos reptata* numinibus. Qui locus comparari potest cum Nostro.

v. 135. *Dictaeis oris*. *Dictaeus* mons Cretae. Creta insula intelligenda est; vel regio circa illum montem, unde Iupiter δικταῖος vocatur. Callim. H. in Iov. 4. cf. Virgil. Georg. IV. 152.

v. 136. *Numen*, Honorium.

v. 137. 138. *angusta litora*. insulae, *inhospita Cynthi saxa*. *Cynthus* Deli mons, κύνθος καιπαλόεις Homer. H. in Apoll. 141. In hoc monte aut in eius radice ad flu-

vium Inopum enixa est Latona Apollinem. l. c. 17 seq. cf. Callim. H. in Del. 206 sqq. qui nihil de monte dicit. *duro cubili*. At Homer. l. c. 117 seq. de Latona: γούνα δ' ἔρειτε λειμῶνι μαλακῶ, et Callim. l. c. 264. αὐτῇ δὲ χρυσεόιο ἀπ' οὐδαος εἰλεο παῖδα. Sed de industria haec eleuat poeta, ut splendidum Honorii partum, Apollinis contra miserum depingat.

v. 139. *genitrix*, Flaccilla. *acclinis*. Valer. Flacc. I. 147, II. 92. *auro*, non διφρῶ λευκαίῳ aureo, Artemidor. Somn. LXXIII. Sed lecto aureo infra XXII. 34. *residet fulgente puerpera lecto*. Claverius *circumflua gemmis* explicat ex numismate Cuiacii, ubi Fl. Eudoxia Arcadii vxor tribus baccharum lineis a summa fronte in papillas paene defluis expressa erat. cf. Cangium in famil. Byzant. pag. 65. et 67. ibique Gallae Placidiae et Lincinae Eudoxiae imagines.

v. 140. 141. *In Tyrios enixa toros*. Tori purpurei, qui color erat Imperatorum,

Quae voces auium? quanti per inane volatus?
 Quis vatum discursus erat? tibi corniger Ammon,

exceperunt Honorium de matre cadentem. cf. infra X. 340 seq. et supra VII. 15. Quod si legas in *Tyriis toris*, potest de matre intelligi toris purpureis fulta, ἐρειδομένη. *Vlulata*. *Vlulare* etiam transitive poni, notum est. Graecum est ὀλολύζαι. Hoc in gaudio aequae ac dolore significando adhibetur. Spanh. ad Callim. H. in Del. 258. cf. Lucan. VI. 261. Valer. Flacc. IV. 608. Barth. ad Stat. Theb. I. 328. V. 729. *vlulata aula* ea igitur est, quae vlulatu personat. Verum, quonam vlulatu? Barthius ait, ad solemnem circum parturientes clamorem adlusum esse, quo putabant propitiari Lucinam. Huncque clamorem sublatum esse operto capite et lotis manibus. Verum haec omnia nituntur Plaut. Amphitr. V. 1. 39 seqq. ubi quidem de puerpera sermo est, verum non de iis, quae puerperae adsident. Alter locus, quem laudat, est Ovid. Met. IX. 304 seqq. Sed ibi Cadmeidae convenere Alcmenen cohortandi causa, atque illud *vataque suscipiunt* vix ita potest explicari. Reliqua loca, quae adfert, huc plane non faciunt, nihilque inde confirmatum esse, iam Gesnerus vidit. Forſan huiusmodi ritum adumbravit Callim. H. in Del. 256 seqq.

νύμφαι Δηλιάδες. ποταμοῦ γένος ἀρχαίοιο, Εἶπαν Ἐλε θυλῆς ἱερὸν μέλος. Hoc autem fiebat Latona Apollinem iam enixa. Pergit: αὐτίκα δ' αἰθρῇ χάλκεος ἀντήχησε διαπρυσίην ὀλολύγην. cf. Homer. H. in Apoll. 119. *Vlulata* non ad gemitum et clamores puerperae cum Gesnero referam. Partu enim edito, quod indicat *In Tyrios enixa toros*, finiti erant gravissimi dolores. Trabam illud potius ad strepitum gratulantium hymnosque sacros canentium. *verendis*, venerandis. infra XXVI. 480. *puerperia* accipio pro iis, quae cum illis coniuncta esse solent, adclimationibus faustis, hymnis cet. *quae tunc documenta futuri?* Quae omnia tunc futuram magnitudinem tuam portenderunt?

v. 142. *voces auium* et *volatus per inane* spectat ad auspicia oscinum et praepe-tum. *quanti*, quot. *per inane*, ἐρημὰς δι' αἰθέρος Pindar. Olymp. I. 10. Valer. Flacc. I. 569.

v. 143. *discursus*. Male Barthius: incerti vagique cursus, quom nihil statim inieris aut cursus sit. Sunt potius cursus vltro citroque actos vatum trepidantium et furore quodam concitatorum, qui fata infantis recens nati canere gestiunt.

Et dudum taciti rupere silentia Delphi;
 Te Persae cecinere Magi; te sensit Etruscus 145
 Augur, et inspectis Babylonius horruit astris;

Quae sequuntur de oraculis et auguriis, in iis ad augendas et ornandas res adhibitis more solito nimius fuit poeta; quamquam non in eo culpandus esse videtur, quod parum probabilia finxit. *corniger Ammon*. Iovi Ammoni cornua adpicta esse notum est. cf. Diodor. Sic III. 73. et quae laudat Ruperti ad Sil. Ital. III. 666.

v. 144 *Et dudum taciti — Delphi*. Iuvenal. VI. 554 seq. *quoniam Delphis oracula cessant Et genus humanum damnat caligo futuri*. Iam ante pugnam Pharsalicam diu oracula non esse redita, notum est ex Lucan. V. 69 seq. *multosque obducta per annos Delphica fatidici referat penetralia Phoebi*. et 111 seq. *non vlllo saecula dono Nostra carent maiore deum, quam Delphica sedes Quod siluit, postquam reges timuere futura, Et superos vetuere loqui*. Causam silentii Delphici ignorat Cicero, nec minus quo tempore loqui desierit. v. de Diuinat. II. 57. Minucius Felix in Oct. 26. ait: *de Pyrrho Ennius Apollinis Pythii responsa confinxit, cum iam Apollo versus facere desisset, cuius tunc cautum et ambiguum defecit oraculum, cum et politiores*

homines et minus creduli esse coeperunt. v. ibi interpp. Oracula tamen et serioribus temporibus esse consultata, ex multis locis adparet. cf. Lucian. Ner. 10. T. III. pag. 641. ed. Reiz. Zosim. I. 57.

v. 145. *Magi*, genus vatum apud Persas notissimum. Cic. de Diuinat. I. 32. *cecinerunt et sensit* ad diuersa futuri praesciendi genera spectat. Illi animo diuino concitati praedicunt, hi auspicia capiunt, animaduertunt.

v. 146. *Babylonius horruit*. Astrologiam praecipue Babylone inuentam et excultam fuisse, neminem praeterit. Verum non genethliacus, vt Barthius facit, cogitandus est, thema natiuitatis Honorii inspiciens. Non sine miraculo enim nuncius de Honorio nato, eodem temporis momento, quo natus est, Babylonem peruenire potuisset. Sed astrologus tunc forte coelum contemplans ex constellatione magnam rerum conuersionem futuram, regnumque Persarum interiturum esse praesentit. Hac ratione horruit suam vim retinet, quae minuitur, si fingis huiusmodi hominem Constantino-poli commorantem, astro-rumque positionem, quum

Chaldaei stupuere senes, Cumanaque rursus
 Intonuit rupes, rabidae delubra Sibyllae.
 Nec te progenitum Cybeleius aere sonoro
 Lustravit Corybas. Exercitus vndique fulgens 150
 Adstitit. Ambitus signis augustior infans
 Sentit adorantes galeas, redditque ferocem

Honorius nasceretur, contemplantem. cf. Cicer. de Diuinat. I. 23. in fine.

v. 147. 148. *Chaldaei a* Babyloniiis diuinandi ratione proprie non diuersi sunt. Cic. de Diuinat. I. 42, II. 42. Tacit. Ann. VI. 20. Iuuenal. VI. 554 seq. Sidon. Apoll. carm. II. 85 seq. *Chaldaeus in extis Pontificum de more senex arcana peregit Murmura.* Cumanaque rupes. In monte ad Cumas erat antrum Sibyllae. *horrendae — secreta Sibyllae Antrum immane*, sic Virgil. Aen. VI. 10 seq. ibi v. Heyne in not. et excursu III. *delubra*, per adposit. *rabidae*, vaticinantis. cf. Virgil. l. c. 47 seqq.

v. 149. 150. *Cybeleius Corybas*, sacerdos Cybeles seu Rheae matris. Corybantes seu Curetes dicuntur saltasse armatam saltationem, ἐνόπλιον κίνησιν, circum Iovem recens natum, ne Cronos vagitum pueri audiret. Callim. H. in Iov. 52 seqq. ibi v. Spanhem. Narrationes de illis Curetis valde confusae sunt ac perplexae, sedesque fabularum ab aliis in Phrygia, ab aliis in Creta ponuntur, propter ambigui-

tatem Idae, qui mons et Phrygiae est et Cretae. Plura v. apud Virgil. Aen. III. 109 seqq. et apud Ruperti ad Sil. Italic. XVII. 18 seqq. *lustravit te*, ambit te choro, vt in lustratione fieri solebat. Sil. Italic. II. 266. Virgil. Aen. X. 224. *aere sonoro*, τούχαι πεπλήγοντες, Callimach. l. c. armis concussis. *exercitus vndique fulgens* cf. supra VII. 16 seq. cf. Marmertin. Paneg. Vet. I. 1. 2. 3 seqq.

v. 151. *augustior*, humano maior, diuinus.

v. 152. *galeas*, milites. Sua cuique ordini adorandi Principis ratio tunc temporis erat praescripta. v. Procop. in Anecd. sub finem. Purpuram vulgo dextra manu adtingebant, manuque ad os admota et dextro ante Imperatorem genu flexo abscedebant. v. Vales. ad Ammian. Marcell. XV. 5. pag. 81. cf. infra XXVIII. 631 seqq. Zonaras T. II. pag. 244. ed. Basel. 1557. animaduertit, Diocletianum non satis putasse, se a senatu saluari, sed adorari se iussisse, eumque primum vestes et calceamenta auro lapillis et margaritis or-

Vagitus lituis. Vitam tibi contulit idem
Imperiumque dies. Inter cunabula Consul
Proueheris. Signas posito modo nomine fastus, 155
Donaturque tibi, qui te produxerat, annus.

nasse. *redditque ferocem Vagitus.* Sonus intelligendus est audacem infantis animum arguens, quo lituis quasi ad-cinit. cf. Sil. Italic. III. 77. Martial. IX. 21. 3 seq. *Vagitus* enim vnusquisque sonus est ab infante editus, alioquin cum *vagitu* non potuisset *risus* coniungi infra XXII. 347.

v. 154 - 156. *Imperiumque.* Poeta nihil aliud voluit exprimere, quam Honorium, porphyrogenetum, in imperium natum esse. *Imperium* positum esse h. l. videtur pro dignitate Principis aut iure imperii. *proueheris* non simpliciter pro: factus es, dictum, sed solennem ritum spectat et pompam consularem. At h. l. scrupulus historicis molestissimus iniicitur. Diserte dicit Socrates H. E. V. 12, Honorium natum esse V. Id. Sept. Richomere et Clearcho coll. eumque sequuntur Idacius et Marcellinus in Chronic. Gesnerus existimat, Claudianum, miracula et ἀπρόσδοκῆτα captantem, licentia poetica ab-usum esse, illisque scriptoribus potius fidem esse habendam. Equidem sic existimo, poetam aliquot annis post huiusmodi res com-

minisci non potuisse, nisi vellet aperti mendacii crimen incurrere ab ipsis fastis consularibus refutatus. Ex altera parte non nihil dici potest, quod fidem fastorum consularium, vt nunc quidem eos concinnatos habemus, eleuet, verisimiliusque est, Socratem, et qui eum sequuntur, errasse, quam Claudianum esse mentitum, praesertim in re, quae paucis tantum versibus materiam praebuit, quos vix, saltem non omnes, inter lumina huius carminis referas. Quin versibus 152 - 158 reiectis ne hiatum quidem senties. Quare, si nefas est, Socratis, Idacii, Marcellini cet. fidem labefactare, facilius paterer disputantem, illos versus aliunde esse insertos, nisi, Honorium primo aetatis anno consulem fuisse et infra v. 622 seqq. innueret Claudianus. Ibi enim dicit, quoties consul fuerit Honorius, toties victoriam de hostibus eius auspiciis esse reportatam, et primo quidem consulato de Gruthungis Danubium litribus tranare conantibus. Hoc autem accidisse memorant A. C. 386. atque eodem anno in fastis occurrit Honorius primum consul. In-

Ipsa Quirinali paruum te cinxit amictu
 Mater, et ad primas docuit reptare curules.
 Vberibus sanctis, immortalique Dearum
 Crescis adoratus gremio. Tibi saepe Diana 160
 Maenalios arcus venatricesque pharetras
 Suspendit, puerile decus. Tu saepe Mineruae
 Lulisti clipeo, fuluamque impune pererrans
 Aegida, tractasti blandos interritus angues.

fra v. 372, quum Theodosius A. C. 394. contra Eugenium proficisceretur, Honorius nondum decennis fuisse dicitur. Detractis igitur a 394. nonem annis, reliquum sit 385, quo anno Honorius ex mente Claudiani natus est. Sequenti anno 386. consul fit, quum nondum primum aetatis annum absoluisset, atque eodem anno Gruthungis clades infertur. Verum de his rebus adcuratius disputandi nec huius est loci nec temporis. *signas fastos* sc. nomine tuo, vt consul. Lucan. ll. 645. *posito modo nomine*, *posito* h. l. imposito. Burmann. ad Ovid. Fast. V. 73. Non exstat quidem memoria, quando nomen Honorius acceperit, hoc fortasse certum videtur, non in baptismo, quandoquidem et senioribus temporibus porphyrogenetis nomen prius imponderetur, quam baptizarentur. De hac re vide Constantin. porphyr. de cerim. aulae Byzant. ll. 21. et 22. *Donaturque tibi*, eo, quod tuo nomine insignitus est.

v. 157. *Quirinali amictu*, trabea consulari. Virgil. Aen. VII. 612.

v. 159. *Vberibus sanctis*, non matris vberibus sed dearum, forsan Horarum. cf. infra XXIX. 87.

v. 160. *adoratus* quasi numen.

v. 161. *Maenalios* a Maenalo Arcadiae monte. Dianae ὄρη, ὄρεστέρα omnes montes curae sunt v. Spanhem. ad Callimach. in Dian. 188.

v. 162. *puerile decus* i. e. ad te puerum ornandum.

v. 163. 164. *fuluam Aegida*. Aegis erat vel thorax vel clipeus Minervae. Heyne ad Virgil, Aen. VIII. 435. De origine huius nominis v. Diodor. Sic. III. 70. H. l. clipeus intelligendus est, quem adcurate describit Quint. Calab. XIV. 452 seqq. Sed unde *fuluam*? Apud Homerum eius epitheta plerumque sunt *δυσκνέσσα*, *μαρμαρέη*, *ἑρπυνη* Il. p. 593. Vtrum ex auro poeta eum finxit? *pererrans* vel oculis vel manibus, posterius magis placet. *impune*,

Saepe tuas etiam iam tum gaudente marito 166
 Velauit Regina comas, festinaque voti
 Praesumptum diadema dedit. Tum laeuibus vlnis
 Sustulit, et magno porrexit ad oscula patri.
 Nec dilatus honor. Mutatus Principe Caesar
 Protinus aequaris fratri, nec certius vnquam 170
 Hortati Superi; nullis praesentior aether
 Affuit ominibus. Tenebris inuoluerat atra

illaesus adspectu Gorgonis
 aut a serpentibus. cf. Sil. Italic. IX. 441 seqq. ibi v. Rupertii.

v. 166. *velauit* sequenti versu explicatur. *festina voti*, quae spem, quam de puero conceperat, maturius implendam videre cupiebat. Stat. silv. V. 3. 135. Theb. VI. 75.

v. 167. *praesumptum*, quod ante legitimum tempus geritur ab eo, qui haud dubie imperii successor futurus sit. *lenibus vlnis* pro: leniter, molliter.

v. 169. *Nec dilatus honor*. Gradus, per quos ascendit Honorius, fuere: *Nobilis Puer; Princeps iuuentutis; Nobilissimus Caesar; Augustus. mutatus Principe Caesar* itaque est; ex Principe iuuentutis factus Caesar.

v. 170. *Protinus aequaris fratri*. *Protinus* h. l. non est statim, sed ordine continuato, vt saepe. *aequaris fratri*, sis Augustus, vt frater iam ante te erat. v. supra VII. 84. Secundum Zosimum IV. 58 Theodosius Honorium in expeditionem

contra Eugenium Constantinopoli secum abduxit, partaque victoria et deletis hostium copiis Augustum eum constituit cap. 59. cf. n. ad VII. 111. Socrates H. E. V. 24. memorat, Honorium IV. Id. Ian. Augustum Constantinopoli esse factum ad tertium Theodosii consulatum et primum Abundantii, neque abductum eum esse in bellum. Idem Marcellinus C. addito inaugurationis loco, septimo a Constantinopoli milliaro. cf. Sozomen. H. E. VII. 28.

v. 171. *Hortati* sc. omnibus. *nullis*. Burmannus mavult *nulli*. Sed prius potest retineri, modo non iungatur cum *ominibus. nullis* sc. qui ad summum imperium pro-
 vecti sint.

v. 172. *Adfuit ominibus*, fauit ominibus. v. Burmann. ad Valer. Flacc. IV. 34. *tenebris inuoluerat* cet. Marcellinus Com. quem Barthius laudat supra ad VII. 84. memorat, quum Honorius Augustus fieret, hora diei tertia tenebras esse factas.

Lumen hiems, densosque Notus collegerat imbres.
 Sed mox, quum solita miles te voce leuasset:
 Nubila dissoluit Phoebus, pariterque dabantur 175
 Sceptra tibi mundoque dies. Caligine liber
 Bosporus aduersam patitur Chalcedona cerni.
 Nec tantum vicina nitent, sed tota repullis
 Nubibus exuitur Thrace. Pangaea renident,
 Infuetosque palus radios Maeotia vibrat. 180

v. 173. *Lumen*, diem. Virgil. Aen. I. 88. *hiems* tempestas. Weitz. ad Valer. Flacc. I. 197. cf. Panegy. Vet. IV. 2. 2.

v. 174. *solita voce leuasset*. Gesnerus existimat, formulam ortam esse ex leuatione proprie dicta in tribunal, quod Romanum est, vel in clipeum adeo, quem Gallicae gentis morem seruassent milites, qui Iulianum in Gallia fecerunt Augustum. v. Zosim. III. 9. Ammian. Marcellin. XX. 4. Ibi Valesius locum profert ex Libanii *προς Φωνητ.* (T. I. pag. 415. ed. Reisk.) ὃ μακάριος ἀσπίδος, ἢ τὸν τῆς ἀναρρήσεως ἐδέξετο νόμον προποδστέρας σοὶ παντὸς ἐιωθότος βήματος. Plura v. de hoc ritu in P. Pithoei Aduers. subc. II. 6. in Lampade crit. ed. Grut. T. II. p. 783 seq. Lips. ad Tacit. Hist. IV. 15. Schwarz de antiquo ritu eleuandi Principes inaugurandos Altorf. 1730. pag. 19. cf. Coripp. in laud. Iustin. II. 137 seqq. Vix adducor, vt credam, h. l. leuationem in scuto intelligendam esse, quam ne solemnem quidem fuisse credo, sed in-

terdum tantum locum habuisse, quandoquidem Notus, qui in minutis saepe tam prolixus est, illum ritum paucis verbis, ne scuti quidem mentione facta, non absoluisset. Potest ita res intelligi, vt Honorius a militibus aut leuatus sit in tribunal, aut gestatus, quemadmodum de Alexandro Severo narrat Ael. Lamprid. 57. Illa leuatio innuitur etiam supra V. 332 seq. *solita voce*, solitis in hac re acclamationibus. cf. Ael. Lamprid. in Antonin. Diadum. cap. 1 et 2.

v. 176. *dies* supra v. 173, *caligine*, nebulis, quae aquis incumbere solent diebus praesertim pluuiis.

v. 179. *exuitur* cum delectu; oppositum est *induitur*. *Pangaea*, Thraciae montes. *renident*, splendent, *μαρμαίρουσιν*, solis radiis re-percussis.

v. 180. *Infuetosque palus* r. M. v. Quomodo hoc Constantinopoli potuerit animadverti, vix intelligi potest. Fortasse hoc vult poeta, coelum in ea regione saepius,

Non Boreas nimbos, non Sol ardentior egit:
 Imperii lux illa fuit. Praefagus obibat
 Cuncta nitor, risitque tuo Natura sereno.
 Visa etiam medio populis mirantibus audax
 Stella die, dubitanda nihil, nec crine retuso 185
 Languida, sed quantus numeratur nocte Bootes;

propter illius paludis exhalationes, nubibus tectum, tunc solito serenius fuisse. Aut sub Maeotia palude sensu latiori Ponti quoque partem intelligit.

v. 181. *Boreas*. Indolem eius describit. Sil. Italic. I. 587 seqq. Vehemens est et in Italia ac Graecia inter illos ventos censetur, qui coelum serenant. Virgil. Aen. XII. 36; seqq. *egit*, abegit. *Sol ardentior* dissoluendo nempe vapores in aëre pendentes, ut naturam aëris induant, pellucidique fiant, quo facto vel repleto aëre vaporibus coelum purum adparet.

v. 182. *Imperii lux* i. e. ut ex sequentibus adparet, lux seu claritas diuinitus missa, qua imperii futuri splendor portendebatur.

v. 183. *tuo sereno* Burmannus intelligit: quod tu faciebas. *Serenum* autem idem est, quod antea *nitor*, *lux*. Dicit *tuo sereno*, quia illa lux in omen imperii faustum Honorio diuinitus erat missa. Patric. Epithal. 26 seq. in Poët. lat. m. T. IV. P. II. de Venere. *Adrident late toto reuolantia mundo Sidera, blandito dominam venerata*

sereno. Plura de *sereno* disputat Burmann. ad Valer. Flacc. I. 332.

v. 184. 186. *medio — die*. Marcellinus supra v. 172. animaduertit, inaugurationis die hora tertia tenebras esse factas; illas mira ratione dispulsas esse Noster finxit. Quo diei tempore id factum sit, non additur; nam *medio die* non nimis est urgendum, praesertim quum lunae mentio fiat, Etiam hoc adtendas velim, inaugurationem esse factam IV. Id. Ianuarii, quo tempore meteora solent crebriora esse. *Stella audax* est, quae medio die adparet. *dubitanda nihil* explicatur per ea, quae sequuntur. *crine*. *Crinis* et *coma* de stellarum radiis saepe usurpatur. Stat. Theb. V. 387. v. Ruperti ad Sil. Italic. I. 358 seq. *retuso* a ferro ad radios obtusos seu obscuros translatus. *quantus numeratur nocte Bootes* i. e. eo fulgore, quo stellae splendent in signo Bootis. In eo maxime refulget Arcturus, primae magnitudinis stella, pluresque aliae tertiae magnitudinis. *numeratur* eleganter positum pro: observatur. Sic medio die adparuisse stella

Emicuitque plagis alieni temporis hospes
 Ignis, et agnosci potuit, quum Luna lateret;
 Siue parens Augusta fuit, seu forte reluxit
 Diui sidus aui, seu te properantibus astris 190
 Cernere Sol patiens coelum commune remisit.
 Apparet quid signa ferant. Ventura potestas
 Claruit Ascanio, subita quum lucē comarum
 Innocuus flagraret apex, Phrygioque volutus

primae magnitudinis in omen
 imperii narratur ab Ael. Lam-
 prid. in Alexand. Severo c. 13.

v. 187. 188. Hos versus
 intrusos puto, nam lunae
 mentio fieri non debuit,
 quum, vt ex v. 191. liquet,
 sol nondum occidisset, sen-
 tentiaque ipsa: *et agnosci
 potuit, quum luna lateret*,
 sine dubio minuit ea, quae
 v. 185. 186. de splendore stel-
 lae dicta erant, et absurda
 videri potest. Stella enim,
 quae solis radiis non obscu-
 ratur, non potest dici, id-
 circo agnosci, quia luna la-
 teat. Tam indiligens Clau-
 dianus non solet esse. Acce-
 dit, quod versus ipsi, meo
 quidem sensu, inconcinni
 sunt, auresque et mentem
 fatigant. Quaeri autem licet,
 qui fieri possit, vt stella ad-
 pareat ante solis occasum?
 Sed huius commenti causa
 poetae dicenda est non eius
 interpreti.

v. 189. *parens Augusta*,
 Aelia Flaccilla mortua, quum
 Honorius nondum esset an-
 nulus.

v. 190. *Diui sidus aui*.
 Verum est, de aui consecra-

tione nihil constare; sed
 quidni concedamus poetae,
 quod senatus Romanus sibi
 adrogauerat? Reliqua sic or-
 dines: *seu sol patiens* (faci-
 lis) *remisit commune coelum*
 (permittit, vt coelum stellis
 commune esset secum) *astris
 properantibus cernere te*.

v. 191. *Adparet, quid
 signa ferant*, i. e. porten-
 dant, quia non solum clara
 et manifesta, sed etiam nota
 et perspicua erant, cf. Sidon.
 Apoll. carm. II. 105 seqq. et
 115 seqq.

v. 193. *Claruit* i. e. clare
 se praeuidendum prae-
 buit. v. infra XXXIII. 231. Res
 nota est ex Virgil. Aen. II.
 682 seqq. qui fabulam de Ser-
 vio Tullo procul dubio re-
 spexit Liv. I. 39. Dionys.
 Halic. IV. 2. Plutarch. de
 Fortun. Rom. cap. 10. T. IX.
 ed. Hutt. Plin. H. N. II. c.
 107. Prodigium ex flamma
 saepe occurrit Virgil. Aen.
 VII. 71 seqq. ibi v. la Cerda,
 Valer. Flacc. I. 570 seqq. Sil.
 Italic. XVI. 118 seqq.

v. 194. *apex*, flamma. Vir-
 gil. Aen. II. 683. *innocuus*
 h. l. qui non nocet. Geone-

Vertice, fatalis redimiret tempora candor. 195
 At tua coelestes illustrant omina flammae.
 Talis ab Idaeis primaevus Iupiter antris
 Possessi stetit arce poli, famulosque recepit
 Natura tradente Deos. Lanugine nondum
 Vernabant vultus, nec adhuc per colla fluebant 200
 Moturae conuexa comae. Tum scindere nubes
 Discebat, fulmenque rudi torquere lacerto.

Laetior augurio genitor, natisque superbus
 Iam paribus, duplici fultus consorte redibat,
 Splendebatque pio complexus pignora curru. 205
 Haud aliter summo gemini cum patre Lacones

rus existimat, *apicem* esse idem, quod sequens *Phrygius vertex*, verum neque hoc est tiara Phrygia, ut opinatur, sed summa capitis pars. Infra 216. simili ratione occurrit *Arsacio ore. subita luce comarum*, quum illa flamma nimbi instar comas ambiret. *fatalis candor*, quo splendore regnum futurum portendebatur.

v. 196. *At tua coelestes* cet. Non flamma in apicem super caput tuum acuata regnum tibi portendebat, sed flamma coelestis (v. 184 seq.) illustriora tibi dedit omina; sic enim interpretor; *illustrant omina tua*.

v. 197 seqq. Iupiter ipse regno mundi modo potitus cum Honorio comparatur, qui Augustus declaratus est. Nostrum imitatus est Sidon. Apoll. carn. I. 1 seqq. *primaevus* cf. Burmann. ad Ovid. Fast. III. 437. *Idaeis antris*.

supra v. 149 seq. vbi educatus fuerat.

v. 198. *arce poli*, ut *vertice coeli* Virgil. Aen. I. 225. *possessi*, occupati. supra v. 71.

v. 199. 200. *lanugine nondum Vernabant vultus*. Martial. II. 61. 1. Calpurn. eclog. II. 85 seq. Epithal. Laurent. et Mar. v. 14. in Poët. lat. m. T. IV. P. II.

v. 201. *Moturae conuexa*. Respexit Noster Homer. II. α. 529 seqq. Ovid. Met. I. 179 seqq. *scindere* sc. fulmine. Sil. Italic. I. 535 seqq.

v. 202. *rudi*, nondum satis exercitato.

v. 203. *augurio*. v. 175 seqq. et 184 seqq. *superbus*, *κυδίσκων*.

v. 204. *Iam paribus*, utroque iam Augusto. *fultus* tamquam praetidio aliquo. *consorte* sc. imperii.

v. 205. *pio*, supra n. VII. 130.

v. 206 seqq. De Samothraciis Dioscuris poetam cogi-

Progenies Ledaëa sedent; in vtroque relucent
 Frater, vtroque soror. Simili chlamys effluit auro.
 Stellati pariter crines. Iuuat ipse Tonantem
 Error, et ambiguae placet ignorantia matri. 210
 Eurotas proprios discernere nescit alumnos.
 Vt domus excepit reduces, ibi talia tecum
 Pro rerum stabili fertur ditione locutus:

tasse, ita, vt fabulam aliquam, nobis ignotam, secutus sit, vix crediderim. Tota illa fictio, qua Castor et Pollux in eodem curru cum Iove ponuntur, vel ab ingenio nostri poetæ profecta est, vel artificii alicui vel poetæ recentiori debetur. Quum enim Imperatores in curru eodem cum liberis frequenter conspicerentur, facile ingeniosus aliquis adsentator Imperatorem ipsum cum Iove, et, si filii duo essent, eos cum Castore et Polluce potuit comparare. cf. supra VII. 132.

v. 207. *in vtroque relucent.* *Relucent* pertinet et ad fratrem et ad sororem. Sensus: in vtroque similitudo et fratris et sororis adparet. *vtroque* omisso in. Burmannus multis locis adlatis probat, veteres saepe praepositiones non geminare et omittere in secundo membro solere. v. eum ad Ovid. Heroid. XVI. 141. A. A. 1. 333. Benth. ad Horat. od. III. 25. 2. *simili chlamys effluit auro* cf. Valer. Flacc. I. 427 seqq. i. e. vterque simili chlamyde aurea vestitus est. cf.

fluit de laxa veste et sinuosa Gronovius (Observ. II. 7.) de splendore Gevartius (lect. Papin. I. 27.) explicant.

v. 209. *Stellati pariter crines.* Stella fronti vel apici pilei et Castoris et Pollucis adposita comparet in picturis antiquis. Dionys. Halic. VI. 2. Valer. Flacc. I. 568 seqq. et V. 367, vbi vocantur *astrocomantes*. Spanh. ad Callimach. H. in Pall. 24. Stat. Theb. V. 439 seq. *humeros exsertus vterque, Nudus vterque genas, similis coma fulgurat astro.*

v. 210. *Error.* Ita similes alter alteri fingeantur, vt dignosci non possent. cf. Lucian. Deor. dial. 26. T. I. pag. 280 seq. ed. Reiz. De huiusmodi similitudinibus hominum plura exempla proferat Heins. ad Valer. Flacc. I. 368. adde Lucan. III. 605 seqq.

v. 211. *Eurotas* fluvius Laconicae nobilis, ad quem educati gemini sunt. Stat. Silv. II. 6. 45 seq.

v. 213. *Pro rerum stabili ditione.* Vt imperium tibi mansurum et stabile redderet consiliis salubribus.

Si tibi Parthorum solium fortuna dedisset,
 Care puer, terrisque procul venerandus Eois 215
 Barbarus Arfacio confurgeret ore tiaras:
 Sufficeret sublime genus, luxuque fluentem
 Deside nobilitas posset te sola tueri.
 Altera Romanae longe rectoribus aulae
 Conditio. Virtute decet, non sanguine niti. 220

v. 215-352. Oratio Theodosii, quae sequitur, si res quidem spectas, inter pulcherrimas partes non solum Claudiani carminum, verum etiam omnium, quae ex omni antiquitate tempus fecit reliqua, censenda esse videtur. In eam poeta contulit, quaecunque futuro Principi, qui se suosque, quibus imperaturus est, saluos esse vult. Patrisque Patriae potius nomen quam Domini cupit acquirere, scitu sunt necessaria penitusque menti insigenda; quae si sequi voluisset Honorius aut potuisset, imperium vel in illa rerum confusione conseruasset. In hoc autem, quod oratio, qua Honorius monendus est, Theodosio patri tribuitur, agnoscas prudens poetae consilium, qui hoc figmento et modestiae suae consulit et auctoritatem praeceptis suis conciliat. Si rationem spectas, qua illa enunciata sunt, non eam quidem omnino improbaueris, quum ille color declamatorius, qui minus placeat, ad naturam huiusmodi carminis pertinere videatur ita, ut quodammodo possit excu-

sari. Minus autem ferenda sunt reliqua vitia, inter quae ipsa artis nimia ostentatio et quaesitae doctrinae studium primum locum vindicare sibi videntur.

v. 214. 216. *Barbarus — tiaras.* est enim Persarum et Parthorum. *confurgeret* spectat ad ὀρθὴν τιάραν, quae erat alta, quamque gerere nemini praeter regem licebat. Xenoph. Anab. II. 5. 23. Curt. III. 3. 19. cf. Briss. de regio Persar. princ. I. 46. *Arfacio ore.* *Arfaces* conditor erat Parthici imperii. Justin. XLI. 4. 6 seqq. *Arfacio ore* positum est pro: capite originem ducentis ab Arface, a regia Parthorum familia. Sil. Italic. VIII. 467. Lucan. X. 51. *terris Eois* cas. tert. h. l. Parthis seu Persis.

v. 217. *fluentem*, disfluentem. Drakenbr. ad Sil. Ital. XII. 19. *Luxu Deside.* Luxus emollit, frangit vires, laborique est inimicus.

v. 218. *sola nobilitas.* Iuvenal. VIII. 76 seqq.

v. 220. *virtute decet non sanguine niti.* Hoc argumentum fecit Iuvenalis sat. VIII.

Maior et vtilior fato coniuncta potenti:

Vile latens virtus. Quid enim submersa tenebris
Proderit obscuro? veluti sine remige puppis;
Vel lyra, quae reticet; vel, qui non tenditur, arcus.
Hanc tamen haud quisquam, qui non agnouerit ante
Semet, et incertos animi pacauerit aestus, (225
Inueniet. Longis illuc ambagibus itur.

Disce orbi, quod quisque sibi. Quum conderet artus

v. 221. 224. *coniuncta* sc. virtus. *fato potenti* h. l. fortunae regiae. Sic Gesnerus. Atque hoc mihi magis arripet, quam Burmanni ratio, qui proprio sensu verba illa accipit lectoresque ad Ovid. Heroid. I. 28. remittit, vbi ipse de fato potenti seu magno docte quidem multa, verum huc parum pertinentia, disputauit. Ratio, quam poeta sequitur, haec est: virtus rebus gestis maxime illustratur atque aliis conspicua fit, rerum autem gerendarum facultas Imperatoribus est vberissima, quum contra hominibus priuatis, etiamsi virtute praediti sint, raro occasio detur illam aliis ostendendi. Noti sunt versiculi Callimach. H. in lov. 95 seq. Pro *utilior* Burmannus coni. *vberior*, quod facile mutari potuerit in *ulterior*, ut est in vno scripto. Sed *utilior* retinendum puto, quia melius respondet τῷ *proderit*, nec minus τῷ *vile*, quam *vberior*. v. 222. *Vile* non quidem per se, sed ex communi hominum iudicio, qui

ex vtilitate omnia metiuntur, nec virtuti ignotae i. e. ei, quae praecclara factis se non exseruerit, pretium statuere possunt. Virtus splendorem nanciscitur multorum conscientia. cf. Ruperti ad Sil. Italic. III. 145. qui plures sententias similes e poetis profert. *submersa tenebris*, quae non innotescit aliis. v. 223. 224. Exemplis adhibitis poeta docere vult, virtutem, quae se factis non exserat, aequae inutilem esse, ac quodvis instrumentum, quo non utaris.

v. 226. *incertos aestus animi*, instabiles animi perturbationes. *pacauerit*, sedauerit.

v. 227. *illuc*, ad virtutem. *longis ambagibus*. Quia iter est ad virtutem per cognitionem sui ipsius et per diuturnum sui imperium.

v. 228. *Disce orbi, quod quisque sibi*. Quod homo priuatus in suos usus discit, id tu in usum vniuersi imperii discere. cf. infra 294 sq. *conderet artus*, fingeret corpus.

Nostros, aetheriis miscens terrena Prometheus,
 Sinceram patrio mentem furatus Olympo 230
 Continuit claustris, indignantemque reuinxit.
 Et, quum non aliter possent mortalia fingi,
 Adiunxit geminas. Illae cum corpore lapsae
 Intereunt: haec sola manet, bustoque superstes
 Euolat. Hanc alta capitis fundauit in arce 235
 Mandatricem operum, prospecturamque labori:
 Illas inferius collo, praeceptaque summae
 Passuras dominae digna statione locauit.

v. 229. *Prometheus.* Ex eo, quod exprimebatur sermone prisco et ab hominibus rudibus, Prometheus fictilium simulacrorum auctorem fuisse, fluxit ea fabula, qua perhibetur primum hominem finxisse. Lactant. Inst. II. 10. 7 seqq. Ovid. Met. I. 82 seqq. Reliquas de Prometheo fabulas v. in Schütz. excursu I. ad Aeschyl. Prometheus.

v. 230. *Sinceram mentem.* Secutus est Noster fabulam Platonis in Protagora T. III. pag. 107 seq. ed. Bipont. ex antiquiore concinnatam, qua dicitur Prometheus ignem de coelo furatus hominibus dedisse. Hesiod. op. et dies 50 seqq. Horat. od. I. 16. 13 seqq. Phaedr. IV. 3. Iuvenal. XIV. 35 seq. *patrio* quod quasi paterna sedes erat mentis.

v. 231. *claustris.* Corpus enim quasi carcer animi habetur. Lucan. VI. 720 seqq. *indignantemque*, includi nolentem.

v. 233. *geminas* sc. mentes; τὸ θυμικὸν et τὸ ἐπιθυμητικὸν. Ex philosophia Platonica, ex qua tres animas homines habere dicuntur. Huius rationis semina iam Homerus sparsit. Cum sequentibus comparentur Plato in Timaeo T. IX. pag. 387 sq. ed. Bipont. Cic. Tusc. Q. I. 10. Tennemann's System der Platon. Philos. T. III. pag. 48 seq. *lapsae.* corruunt quasi seu concidunt cum corpore.

v. 234. *haec sola*, τὸ ἡγεμονικόν.

v. 235. *Euolat.* Vt pulchre de Pompeii anima Lucan. IX. 2 seqq. *alta arce*, quasi ἀκροπόλει.

v. 236. *prospecturamque labori* i. e. laborum rationem habituram.

v. 237. *inferius collo* v. infra 241. et 249. *praecepta passuras, obedituras. summae dominae*, τοῦ ἡγεμονικοῦ.

v. 238. *digna*, illis conveniente, illarum naturae et

Quippe opifex veritus confundere sacra profanis,
 Distribuit partes animae, sedesque remouit. 240
 Iram sanguinei regio sub pectore cordis
 Protegit imbutam flammis, auidamque nocendi,
 Praecipitemque sui. Rabie succensa tumescit,
 Contrahitur stupefacta metu. Quumque omnia secum
 Duceret, et requiem membris vesana negaret: 245
 Inuenit pulmonis opem, madidumque furenti
 Praebuit, vt tumidae ruerent in mollia fibrae.

rationi apta. Explicatur hoc in sequentibus.

v. 239. *sacra profanis* i. e. τὸ ἡγεμονικὸν cum τῷ θυμικῷ et τῷ ἐπιθυμητικῷ.

v. 241. 243. Agitur nunc de loco et natura τοῦ θυμικοῦ. *regio sub pectore* i. e. locus, quem pectus ambit. *protegit* tamquam thorace pro: includit. *iram sanguinei cordis*. Cor est sanguineum, quia est receptaculum sanguinis, vnde sanguis per totum corpus propagatur. Aristotel. de part. anim. III. 4. Plin. H. N. XI. sect. 69. *Iram sanguinei cordis* dictum pro: cor, quod sedes est irae. Ira enim sanguinis meatus fit concitator, corque vehementius palpitat; quo factum est, vt in corde iram ponerent veteres. Senec. de Ira II. 19. *imbutam flammis*. Quia ira, quasi igne subiecto, accendit sanguinem, aut bullire facit. Ovid. A. A. III. 503 seq. Pers. III. 116. *auidamque nocendi*. Cic. Tusc. Q. III. 9. *Proprium est irati cupere, a quo laesus videatur, et*

quam maximum dolorem inurere. cf. eundem ad Quint. fr. I. epist. I. v. 243. *Praecipitemque sui* i. e. quae homines praecipites agit. cf. Cic. Tusc. Q. IV. 36. Horat. od. I. 16. 17 seqq. *rabie succensa tumescit*. *rabie cum tumescit* iungendum. Sensus: in rabiem tumida abit, quando accenditur, irritatur.

v. 244. *tepefacta* sc. ira, quae iam deferbuit, vim suam amisit. *contrahitur metu*. *Contrahere* de frigore saepius vsurpatur, h. l. ad metum translatus est, qui, dum sanguinem ad partes interiores propellit, frigoris sensum efficit, iramque, vbi iam deferbuit, penitus refrigerat. *Tepefacta* respondet priori *succensa*, et *contrahitur metu* illi *rabie tumescit*. Potest igitur *contrahitur* simpliciter exponi per: comprimitur.

v. 246. 247. *Inuenit pulmonis opem*, quo sanguinis feruor refrigeratur. *madidumque*. Plato in Timaeo l. c. pag. 388. τῇ δὲ δὴ πηδῇ-

At sibi cuncta petens, nil collatura cupido,
 In iecur, et tractus imos compulsa recessit.
 Quae, velut immanes referat dum bellua rictus, 250
 Expleri pascique nequit; nunc verbere curas
 Torquet auaritiae, stimulis nunc flagrat amorum,
 Nunc gaudet, nunc moesta dolet, satiataque rursus

σει τῆς καρδίας, ἐν τῇ τῶν δει-
 νῶν προσδοκίᾳ, καὶ τῇ τοῦ θυ-
 μοῦ ἐγέρσει, προγινώσκοντες
 ὅτι διὰ πυρὸς ἢ τοιαύτη πᾶσα
 ἐμελλεν οἰδῆσις γίνεσθαι τῶν
 θυμουμένων, ἐπικουρίαν αὐτῇ
 μηχανώμενοι, τὴν τοῦ πνεύ-
 μονος ἰδέαν ἐνεφύτευσαν πρῶ-
 τον μὲν, μαλακὴν καὶ ἀναι-
 μον, εἰτα σήραγγας ἐντὸς ἔχου-
 σαν οἷον σπόγγου κατατετρημέ-
 νας· ἵνα τὸ, τε πνεῦμα καὶ τὸ πό-
 μα δεχομένη, ψύχουσα, ἀνα-
 πνῶν καὶ ῥεστώνη ἐν τῷ καύ-
 ματι παρέχοι, διὸ τὰς ἀρτη-
 ρίας, ὀχετοὺς ἐπὶ τὸν πνεύ-
 μονα ἔτεμον, καὶ περὶ τὴν καρ-
 δίαν αὐτὸν περιέστησαν, οἷον
 ἄλλα μαλακὸν ἵνα ὁ θυμός
 ἡνίκα ἐν αὐτῇ ἀκμάζῃ, πη-
 δῶσα εἰς ὑπεῖκον, καὶ ἀναψυ-
 χομένη, ποιοῦσα ἦττον, μαλ-
 λον τῷ λόγῳ μετὰ θυμοῦ ὑπη-
 ρετῇ. *tumidae fibrae*, ipsum
 cor ira tumescens. *ruerent in
 mollia*, pulmonum mollitie
 excipiantur.

v. 248. Nunc ad locum et
 naturam τοῦ ἐπιθυμητικοῦ, li-
 bidinis, procedit. *nil colla-
 tura*, nemini quidquam im-
 pertitura.

v. 249. *In iecur*. cf. Pla-
 ton. l. c. pag. 389 seq. *Iecur*
 omnium cupiditatum sedes
 Pers. V. 129, praecipue libi-

dinis Theocrit. XIII. 71, XI.
 16. et irae Iuuenal. V. 114;
 id quod ex iecinoris natura,
 quod est sanguinis officina,
 facile potest explicari. *tractus
 imos*, partes imas.

v. 250. *bellua*. Hanc bel-
 luam egregie finxit graphice-
 que descripsit Plato in Re-
 publ. T. VII. pag. 273. ed. Bi-
 pont. *referat* proprie de fo-
 ribus dicitur, h. l. ad *imma-
 nes rictus* bene translatum
 est. Iunge verba: *dum ve-
 lut bellua referat* cet. Hein-
 sius locum corruptum putat,
 scribique iubet *Ac velut im-
 manis referatum bellua ri-
 ctum Expleri pascique velit*.

v. 251. 252. *Verber et sti-
 muli* cuique rei tribuuntur,
 quae animum grauius conci-
 tant. De *stimulis* v. Ruperti
 ad Sil. Italic. I. 113. Lucanus
 (V. 174 seq.) *verbera et sti-
 mulos* Phoebō tribuit, qui-
 bus vatem concitat. Idem
 iam fecerat Orpheus Argon.
 10. *Nunc verbere auaritiae
 torquet curas* dictum igitur
 pro: nunc cupido curas ex-
 citat auaritia. *torquet curas*
 non est h. l. cruciat, sed ver-
 sat, exagitat curas, cogita-
 tiones, mentem huc et illuc,
 vt prouideat, vnde expleri

Exoritur, caesaque redit pollentius Hydra.
 Hos igitur si quis potuit sedare tumultus, 255
 Inconcussa dabit purae sacraria menti.
 Tu licet extremos late dominere per Indos,
 Te Medus, te mollis Arabs, te Seres adorent:
 Si metuis, si praua cupis, si duceris ira,
 Seruitii patiere iugum; tolerabis iniquas 260
 Interius leges. Tunc omnia iure tenebis,
 Quum poteris rex esse tui Procliuior usus
 In peiora datur, suadetque licentia luxum,
 Illecebrisque effrena fauet. Tum viuere caste
 Asperius, quum prompta Venus; tum durius irae 265
 Consultitur, quum poena patet. Sed comprime motus;
 Nec tibi quid liceat, sed quid fecisse decebit,

possit. *flagrat* vim transiti-
 vam habere h. l. videtur Stat.
 Silv. V. 2. 110. *flagrat* curas
 pro: curas accendit. Potest
 etiam intransitiue sumi hoc
 sensu: nunc ipsa cupido in-
 censa est amore. *stimulis*. De
 eo, qui incitatur ira, Noster
 dicit infra XVII. 226. *ardet*
stimulis, et eodem modo
 XLV. 26. *accendi stimulis*.

v. 254. *Hydra*, fabula nota
 est. Apollod. II. 5. 2 seqq.

v. 256. *Inconcussa dabit*
sacraria i. e. locum maxime
 sacrum et securum parabit.
 Sensus: eius mens numquam
 perturbabitur. *purae* est in-
 tactae a cupiditatibus, quam
 supra v. 210. *sinceram men-*
tem vocauit, τὸ ἡγεμονικόν.

v. 257 seqq. Locum con-
 tinent et a philosophis, prae-
 sertim stoicis et a poetis
 tractatum saepius: Neminem
 liberum esse, qui cupiditati-

bus seruiat. Pers. V. 73 seqq.
 v. 258. *mollis* perpetuum
 fere Arabum epithet. Broukh.
 ad Tibull. II. 2. 4.

v. 259 seq. cf. Senec. de
 Benef. VII. 3. Lactant. Instit.
 I. 9. 4 seqq. *iniquas*, quas
 seruitus imponit.

v. 261. *tunc omnia iure*
 cet. Horat. od. II. 2. 9 seqq.

v. 262. 264. *procliuior usus*
In peiora datur. Sensus:
 Vitiorum consuetudinem fa-
 cilis contrahimus. *suadet-*
que licentia luxum. Plutarch.
 ad Princ. inerud. 6. T. XII.
 pag. 10. ed. Hutt. μάγας οὖν
 ὁ κινδυνος, βούλεσθαι, ἃ μὴ
 δεῖ, τὸν, ἃ βούλεται, ποιεῖν
 δυνάμενον. *effrena* sc. licentia.
illecebris fauet, gaudet ipsis
 irritamentis, eoque facilius
 ab illis capitur.

v. 265. 266. *prompta Ve-*
nus, quum Veneris exercen-
 dae facultatem habeas. ea-

Occurrat, mentemque domet respectus honesti.

Hoc te praeterea crebro sermone monebo,
 Vt te totius medio telluris in ore 270
 Viuere cognoscas, cunctis tua gentibus esse
 Facta palam; nec posse dari regalibus vsquam
 Secretum vitiis. Nam lux altissima fati
 Occultum nihil esse finit, latebrasque per omnes
 Intrat, et abstrusos explorat fama recessus. 275
 Sis pius inprimis. Nam quum vincamur in omni
 Munere, sola Deos aequat clementia nobis.
 Neu dubie suspectus agas, neu falsus amicis,

dem ratione, quum poena patet sc. tibi, quum puniendi facultas tibi sit.

v. 268. *mentemque*, *ὑποπν*, cupiditates cuiusuis generis.

v. 269. *Hoc te praeterea* cet. cf. Virgil. Aen. III. 435 seq.

v. 270. *medio telluris in ore*. In ore est in conspectu. Ovid. Heroid. X. 116. Hoc quoque Gesnerum non fugit, verum, quid sit: *medio ore telluris*, se non intelligere fatetur. Maunlt itaque cum Barthio legere *medio in orbe*. Dubito tamen, quemquam dixisse *in orbe telluris* pro: in orbe terrarum. Sed *medio in ore* est medio in conspectu, vt est apud Virgil. Aen. II. 67. et per se patet, *telluris* esse pro: hominum totius orbis terrarum, positum. Sil. Italic. III. 66. *obfessae generatus in ore Sagunti* vbi Drakenbrok. *medio telluris in orbe* defendit Wernsdorf ad Rutil. Itin. I. 504. Poet. latin. min. T. V. P. I.

v. 271. 275. *cunctis tua* — *palam* cf. Ovid. ad Liv. A. 349 seqq. Cic. de Offic. II. 13. Plin. Panegy. 83. Senec. de Clement. I. 8. *Secretum vitiis* sc. locum. Sensus: vitia regalia, seu regum, nullo loco posse occultari. *lux altissima fati*. *Fatum* positum est pro dignitate, in qua quis fato constitutus est v. supra 211. *altissima*, epith. ad *lucem* translatus, quod proprie ad *fatum* pertinet. *lux altissima fati* est splendor altissimae conditionis et dignitatis, qua gaudet Imperator, quaeque veluti radiis suis loca vel maxime obscura illustrat, vt nusquam propter suam ipsius naturam possit delitescere. v. 275. *intrat* ad *fama* pertinet, non ad *lux altissima*.

v. 276. *pius*, amans civium, clemens. Senec. de Clem. I. 3, et 7, et 19.

v. 278. *Neu dubie suspectus agas*. *Agas* i. q. sis. Gesnerus *suspectus* actiue sumit,

Rumorumue auidus. Qui talia curat, inanes
 Horrebit strepitus nulla non anxius hora. 230
 Non sic excubiae, non circumstantia pila,
 Quam tutatur amor. Non extorquebis amari.
 Hoc alterna fides, hoc simplex gratia donat.
 Nonne vides, operum qui se pulcherrimus ille
 Mundus amore liget, nec vi connexa per aeuum 235

hoc sensu: ne male suspice-
 ris de omnibus. Verum illud
dubie turbas facit, nec sensum
 commodum praebet. Bur-
 mannus coni. *Neu dubiis*
suspectus agas, quod mihi
 quidem vehementer placet,
 quum sic concinne *dubii*
 opponantur *amicis*. Sensem
 idem sic constituit: ne nimis
 suspicax videaris illis, qui
 dubiae fidei tibi videntur.
 Significatio tamen passiva
 aequae locum habet: ne iis,
 qui dubiae fidei sunt, in
 suspicionem venias sc. te
 aliquid sensisse, indeque a
 te magis alienentur. Hoc
 aptius puto, quandoquidem
 de iis, qui dubiae fidei sunt,
 nihil suspicari, imprudentis
 esset et incauti. De re cf.
 Senec. de Ira II. 23 seq.

v. 279. *Rumorumue auidus*
 cf. infra XXII. 46 seqq.

v. 280. *Horrebit strepitus*.
 Senec. de Clem. I. 13.

v. 281. 282. cf. Herodian.
 I. 4. 10. Cic. de Offic. II. 7.
 Plin. epist. VIII. 24. 6. Pane-
 gyr. 49. 3. Expressit autem
 Stat. Theb. I. 147 seqq. *amari*
 pro: amorem, caritatem.
 Sensus: caritatem tui homi-

num animis nulla vi in-
 culcabis.

v. 283. *alterna fides*, si
 mutua inter se sunt fide Im-
 perator et ciues. *simplex*
gratia, amor non fucatus sed
 sincerus.

v. 284 seqq. Quanta vis sit
 amoris ad concordiam et ad
 societatis conseruationem do-
 cet poeta exemplo a rerum
 vniuersitate petito, quae
 amore, i. e. vt nunc quidem
 physici monstrant, adtractio-
 ne mutua corporum contine-
 tur. Notum est, in Geogo-
 niis inter principia, quae
 materiae motum dedisse per-
 hibentur, etiam Amorem
 censer. Hanc rationem su-
 scipit quoque disciplina Or-
 phica. Hesiod. Theog. 120
 seqq. Argonaut. 13 seq. et
 422 seq. Hymn. 54. 4 seq. et
 57. 4 seq. Platon. Sympos. 12.
 eamque praecipue inter phi-
 losophos secutus est Empe-
 docles. Aristotel. Metaph. II.
 c. 4. Bruck. Hist. Philosoph.
 T. I. pag. 1111. cf. Cudworth.
 Systema intellect. T. II. p.
 119 seq. Verum h. l. non tam
 sermo est de vi quadam ge-
 netrice, quam de vinculo,

Conspirent elementa sibi? qui limite Phoebus
 Contentus medio, contentus litore pontus?
 Et qui perpetuo terras ambitque vehitque,
 Nec premat incumbens, oneri nec cesserit aer?
 Qui terret, plus ipse timet. Sors ista tyrannis 290
 Conuenit. Inuideant claris, fortesque trucidant,
 Muniti gladiis viuant septique venenis,
 Ancipites habeant artes, trepidique minentur.
 Tu ciuem, patremque geras; tu consule cunctis,

quo omnia copulata atque constricta antiquum ordinem ac disciplinam retineant. cf. Boethium de Consol. II. 8. et qui omnium elegantissime idem expressit, Wielandum in: *Neueste Gedichte, Liebum Liebe*. principio carminis dulcissimi. *pulcherrimus mundus*. Diogen. Laert. I. 35. *καλλιστον ὁ κόσμος πολὺμα γὰρ θεοῦ*. qui i. e. qua ratione, quomodo. Sic Gesnerus. Heinsius vult *quo*, idque ad *amore* refert. Prius mihi magis arrisit. Poeta enim non vult ostendere, quis et qualis sit amor, qui omnia copulet, sed vult, vt adtendas, quemadmodum sociata sint omnia amore. Gesnerus reiecit etiam *ille*, posuitque *ipse*; sed prius magis poeticum videtur. Burmannus laudat Canter. Nov. lect. III. 26. v. ipsum ad Valer. Flacc. III. 587. *nec vi*, sed amore. *per aeuum*, omni tempore. infra Cl. 87.

v. 286. 287. *limite medio*. Barthius exponit: respectu reliquorum planetarum. In-

telligit autem poeta limitem, qui terrae neque nimis propinquus neque ab ea nimis remotus est. cf. Ovid. Met. II. 136 seqq. et VIII. 203. *qui*, quomodo.

v. 288. 289. Ordo verborum: *Et (qui repetendum est ex v. 286.) aer nec premat incumbens, nec cesserit oneri, qui (aer) ambit cet. vehit*. Quum circumfusus sit aere terrarum orbis, ab eo quasi portari videtur. Huc spectat *oneri nec cesserit*.

v. 290. *Qui terret cet.* cf. Lucan. V. 257. Sil. Italic. II. 499. Senec. de Clement. I. 19. Praecipue rem demonstrat Cic. d. Offic. II. 7.

v. 293. *septique venenis*, quibus quum inimicos per insidias tollant, tum tyrannide depulsi poenae merita se subtrahant. Prior pars huius versus priori sequentis, posterior huius posteriori illius respondet.

v. 294. *artes*. *Arces* quidem semper fere occurrunt, quando de tyrannis sermo est, iis enim securitati suae pro-

Non tibi. Nec tua te moueant, sed publica vota. 295
 In commune iubes si quid, censese tenendum:
 Primus iussa subi. Tunc obseruantior aequi
 Fit populus, nec ferre negat, quum viderit ipsum
 Auctorem parere sibi. Componitur orbis
 Regis ad exemplum. Nec sic inflectere sensus 300
 Humanos edicta valent, vt vita regentis.
 Mobile mutatur semper cum principe vulgus.

His tamen effectis, neu fastidire minores,
 Neu pete praescriptos homini transcendere fines.
 Inquinat egregios adiuncta superbia mores. 305
 Non tibi tradidimus dociles seruire Sabaeos;

spicere solent. Verum, quid
 sibi volunt *ancipites arces*?
 Barthius perperam corrigit
arcus. Heinlius multis locis
 laudatis explicat: praecipites,
 quae vix adiri possunt, sed
 nullus ex iis locis, quae in
 partes vocata sunt, probanda
 probat; apud Ovid. Met. XII.
 337. quidem *biceps* mons in-
 telligendus est, et in reliquis
 vel dubia vocis vis est, vel
 huc omnino non pertinens.
 Burmannus secutus Gronov.
 observ. III. 21. *ancipites* in-
 terpretatur; quae et prosint
 tyrannis et nocere possint.
 Non potest autem intelligi,
 quomodo nocere possint ty-
 rannis, qui eas occupauerint,
 nec nisi fracta penitus tyran-
 nide inde possunt deturbari
 tyranni. Locus ex Plin. pa-
 negyr. a Gronovio l. c. lau-
 datus rem non expedit, nec
 magis ille ex Cyropaedia.
 Illi videntur audiendi esse,
 qui legunt *ancipites artes*.
 quae et in ipsos tyrannos

conuerti possunt, atque hoc
 Gesnero quoque probatur.

v. 295. *nec tua te cet.* non
 quae tu, sed quae omnes
 ciues volunt, specta.

v. 296. *In commune*, quod
 omnium interfit. *tenendum*,
 obseruandum. Virgil. Aen.
 III. 408.

v. 297. *aequi* h. l. legum
 ab Imperatore latarum, qua-
 tenus non Principis solum
 sed omnium etiam ciuium
 commoda spectent.

v. 299. *sibi*, legibus a se
 latis. *componitur orbis R. a.*
e. cf. Iuuenal. VI. 617. et
 VIII. 198.

v. 300. *inflectere sensus*,
 mutare animos. cf. Virgil.
 Aen. IV. 22. Wernsdorf (ad
 Maximiani eleg. v. 45. Poet.
 lat. m. T. VI. pag. 277.) ex-
 plicat per: permouere, ad-
 suafacere.

v. 303. *His*, quae prae-
 cepi.

v. 304. *praescriptos ho-*
mini fines, adeo, vt obli-

Armeniae dominum non te praefecimus orae;
 Non damus Assyriam, tenuit quam femina, gentem:
 Romani, qui cuncta diu rexere, regendi,
 Qui nec Tarquinii fastus, nec iura tulere 310
 Caesaris. Annales veterum delicta loquentur;
 Haerebunt maculae. Quis non per secula damnet
 Caesareae portenta domus? Quem dira Neronis
 Funera, quem rupes Caprearum tetra latebit
 Incesto posseffa seni? Victura feretur 315
 Gloria Traiani; non tam quod Tigride victo,
 Nostra triumphati fuerint prouincia Parthi,

viscaris, te hominem esse, et nimis superbus sis.

v. 306 seqq. Adiungit rationes, cur id vitium vitandum sit, quia populus Romanus superbiam numquam aequo animo tulerit. *dociles seruire Sabaeos*, aduetos regum superbiorum imperiis.

v. 307. *orae*, terrae, sic saepius. Lucan. V. 55.

v. 308. *femina*, Semiramis.

v. 309. *texere*, dum adhuc sub legibus viuerent seu liberi essent. Huiusmodi enim populus ingum seruitutis difficiliter patitur.

v. 310. 311. *Iura Caesaris*. *Iura* Burmanno nimis legitimum videtur, quum dicatur in Caesarem. Mauult *iussa* seu *dura*, quod posterius durum esse ipse agnouit. *Iura et leges* saepe pro ditione ponuntur. Sil. Italic. I. 2. XV. 5. Cf. tamen Oudendorp. et ipsum Burmann. ad Lucan. I. 2. *veterum*, Imperatorum. *delicta*, quibus

scilicet populum Romanum in se concitarunt.

v. 312. *Haerebunt maculae*. Semper infamia huiusmodi Imperatoribus inusta manebit.

v. 314. *Funera*, caedes et parricidia. *rupes Caprearum tetra*. *Capreae* (nunc *Capri*) insula ad sinum Neapolitanum notissima. Tacit. Ann. IV. 67. ibi v. Lips. Sueton. Tiber. 40, 43. Schol. et Rupertus ad Iuuenal. X. 72. Tritum est ibi Tiberium delituisse summaque flagitia commisisse.

v. 315. *Incesto*, ob nefanda, quae admisit.

v. 316. *Gloria Traiani*. Huius praecipue meminit poeta in Theodosii M. gratiam, qui ab illo genus ducere gloriabatur. *Tigride victo*. Pro populo seu regione debellata saepe flumina a poetis ponuntur, id quod inde natum videtur, quia fluminum imagines in

Alta quod inuectus fractis Capitolia Dacis;
 Quam patriae quod mitis erat. Ne desine tales,
 Nate, sequi. Si bella tonant, prius agmina duris 320
 Exerce studiis, et saeuo praefrue Marti.
 Non brumae requies, non hibernacula segnes
 Eneruent torpore manus. Ponenda salubri
 Castra loco; praebenda vigil custodia vallo.
 Disce vbi densari cuneos, vbi cornua tendi 325
 Aequius, aut iterum flecti; quae montibus aptae,
 Quae campis acies, quae fraudi accommoda vallis;
 Qua via difficilis. Fidit si moenibus hostis,
 Tum tibi murali libretur machina pulsu;

triumphum ducebantur. Sil.
 Italic. XVII. 638 seqq.

v. 318. *fractis.* infra
 XXVIII. 335.

v. 319. *Quam patriae cet.*
 Eutrop. VIII. 2.

v. 321. *praefrue,* prae-
 para. cf. V. 281. et XXVI. 286.

v. 325. *densari.* Heinsius
denseri. *Densare* autem *cuneos* est, quod Nostrates dicunt: *dichte Colonnen formiren.* cf. loca a Ruperti laudata in VV. LL. ad Sil. Ital. III. 159. *tendi,* extendi. *Cornua extendere* idem est, quod aciem explicare, Nostrates: *aufmarschiren.*

v. 326. *aut iterum flecti* sc. cornua, ad agmen densandum, quod fit conuersione vnius aut vtriusque cornu. cf. XX. 420.

v. 327. *fraudi,* insidiis. *accommoda vallis,* vt Virgil. Aen. XI. 522. Stat. Theb. X. 186.

v. 329. 330. *Tum tibi murali libretur machina pulsu.*

Saxa rotet praeceps aries, protectaque portas cet. Quaeritur, quae tandem sit illa machina? Barthius arietem intelligit, et Ioann. Castal. X. Decad. observ. 4. quem Burmannus laudat. Et *machina* pro ariete occurrit supra III. 219. et apud Sidon. Apollin. carm. XXIII. 75. Burmannus hoc improbat, certumque esse dicit, machinam hic diuersam ab ariete indicari, quae sequatur. Cur hoc exploratum existimet, non addit ille quidem. Forlan Heinii rationibus nititur, qui affirmat, arietem *saxa* non *rotare.* Recte istud quidem, si proprie loqui velis; nam *rotare* est circumagere, saepiusque de flumine rapido aut torrente dicitur, qui saxa volvit, sic quoque saxa funda missa *rotari* dicuntur. Ad Catapultam quidem interdum transfertur, sed quoque improprie Senec. Thyest. 385 seqq.

Saxa rotet praeceps aries, protectaque portas 330

infra XXXIII. 169 seq. A poetis senioribus maiori cum licentia haec vox usurpatur. Apud Lucanum VIII. 673. legimus *caput ense rotatum* pro amputatum, praecisum. Hunc secutus est Noster infra XV. 465. *mucrone rotatur caput*. Apud Sidon. Apollin. carm. V. 413. pro prosternere ponitur seu deicere. *Hunc conti rotat ictus*. Nescio itaque, cur non eadem ratione possit dici de ariete, qui pulsu suo muros euertit saxaque disiecit, aut impetu suo facit, ut lapides et saxa, ligaturis suis emota, e muro dissiliant et disiciantur. cf. Lucan. I. 383 seqq. et III. 490 seqq. Gesnerus insuper dubitat, an *muralis pulsus* recte dicatur. Quidni? quum *murali turbine* Sil. Italic. IX. 568. de hasta usurpet, idemque VI. 269. *murali ictu* de ballista. *Muralis pulsus* is est, quo muri disici possunt. Eadem ratione *murale saxum* Sil. Italic. XIV. 433. vocat, quod contra muros tormento mittitur, et Lucan. VI. 199. *vasti muralia pondera saxi*. Impetum saxorum tormentis missorum describit idem III. 469 seqq. Heinsius coniec. *Tum tibi murali libretur machina pulsu, Saxa rotat, praeceps* cet. Idem quoque proponit *saxa rotans*, ut referatur ad *machina*. Ve-

rum, qui potest dici *catapulta libretur*? Hoc saltem non minus insolens videtur esse, quam *rotare* de ariete, quum missilia librentur, non *machinae*, quibus illa mittuntur. Sed de ariete bene illud dici posse, et ex natura eius patet, quam exactissime describit Ioseph. de Bello Iud. III. 7. 19. cf. Sil. Italic. XIII. 106 seqq. et videmus ex Terulliano de Pallio c. I. Ceterum ballistarum et catapultarum usus in disiciendis muris aut eorum propugnaculis notissimus est Ovid. Trist. I. 248. Sil. Italic. IV. 212 seqq. Eleg. de Fortun. viciss. v. 121 seq. Poet. lat. m. T. III. ed. Wernsd. Ioseph. L. c. 23. Gesnerus coniec. *Tum tibi muralis librato machina pulsu Saxa rotet, praeceps* cet. Vbi sane *librato pulsu* melius potest intelligi. *Machina muralis*, et *tormentum murale* pro *catapulta*, Sil. Italic. VI. 212 f. *machina muri* occurrit Valer. Flacc. VI. 383, qui locus tamen corruptus videtur. Equidem existimo cum Barthio, locum de ariete esse intelligendum, quem vniuerso designat v. 329. et versu sequenti apertius per expositionem explicat, quamquam expectari potuisset, non vna machina illum contentum fuisse, sed plures nominasse, ut Sidon. Apollin. carm. XXII.

Testudo feriat. Ruat emerfura iuuentus
 Effossi per operta soli. Si longa moretur
 Obsidio: tum vota caue secura remittas,
 Inclusumue putes. Multis damnosa fuere
 Gaudia. Dispersi pereunt, somnoue soluti. **335**
 Saepius incautae nocuit victoria turbae.
 Neu tibi regificis tentoria larga redundant

121 seqq. Quum pro certo nihil possit affirmari, lector eligat, quod commodissimum arbitretur. *Machina*, aries, *libretur*, funibus seu catenis illigata concitetur in murum, *murali pulsu*, impetu vehementissimo.

v. 330. *Saxa rotet* i. e. deiciat, enertat muros. Olim conieci *foret*, seu *cauet*. Si catapultam intelligis, *rotet* est: mittat.

v. 331 *testudo*. Veget. IV. 14. *Testudo* autem a similitudine verae testudinis vocabulum sumsit; quia sicut illa modo *reducit*, modo *profert caput*, ita *machinamentum* interdum *reducit trabem*, interdum *exforit*, ut *fortius caedat*. cf. Vitruv. X. 19. 21. Liv. X. 29. XXXIV. 29. Caesar de Bell. G. V. 42. 52. *proiectaque* mihi magis arridet, quam *protectaque*. Illud est: in longitudinem extenta. Propert. IV. 10. 33 seq. hoc epithet. videtur nianis vulgare.

v. 332. *Effossi per operta soli*. Cuniculi est descriptio i. e. viae sub terra actae, per quam vel muros subruere vel in urbem ipsam penetrare

studebant. Veget. IV. 24. Liv. V. 19. et 21. Nost. infra XXXV. 163 seqq.

v. 333. *vota secura remittas*. *Vota sunt secura*, quorum compotem te futurum esse propediem exspectare possis. *Remittere autem vota* eius est, qui id, ad quod obtinendum ea nuncupavit, iam quam manu tenere existimat. Iam vero cum *votis* etiam studium rei obtinendae et diligentia solet *remitti*. Est itaque *vota secura remittas* positum pro: diligentiam securus remittas. De re vid. Veget. IV. 28.

v. 334. 335. *Inclusumue putes*, quasi nihil sit, quod ab eo timeas. *multis damnosa* cet. Huc pertinent eae clades, quibus affecti sunt milites hostem obsidentes, qui, dum securi vino epulis et somnis dediti essent, eruptione subito facta, dispersi per castra partim interfecti partim in fugam versi sunt.

v. 336. Hac ratione Theodosius ipse Eugenium vicit, qui vicisse se existimauerat. Zosim. IV. 58. Miror Barthium in tot exemplis, quae profert, hoc praetermisisse.

Deliciis, neue imbelles ad signa maniplos
 Luxuries armata trahat. Neu flantibus Austris,
 Neu pluuiis cedas; neu defensura calorem 340
 Aurea summoueant rapidos vmbracula soles.
 Inuentis vtere cibis; solabere partes
 Aequali sudore tuas. Si collis iniquus:
 Primus ini. Siluam si caedere prouocat vsus:

v. 338. 339. *Luxuries armata*, est Imperator ipse in armis, cuius luxuries et molities multos homines, quorum opera in bello nulla est, in castris suis congregat, qui eo libenter conuolant non pugnaturi, sed vitam dissolutam liberius et licentius acturi. Non intelligo cum Gesnero (qui pro *maniplos* legit *ministros*) coquos, cinniflones, spadones, symphoniacos, qui opus sunt Imperatori molli et effeminato.

v. 341. *Aurea vmbracula*. Imitatus est Ovid. Fast. II. 311. *Vmbracula*, σκιάδις, quae complicari poterant ut ea, quibus hodie vtuntur Aristoph. Equit. 1344 seq. cf. Ovid. AA. II. 209. *rapidos*, vehementes, magnos. Oudendorp. ad Lucan. VI. 337. Heyne ad Virgil. Eclog. II. 10.

v. 342. 343. *inuentis*, paratis, obuiis, *τοχουσι*. *solabere partes Aequali sudore tuas*. Burmannus fatetur, se ex his sensum idoneum efficere nequire. Coniecit itaque *solabere Martis Aequali sudore tuos*, aut *solabere prauas Aequali sudore vias*, quorum tamen vtrumque ei

non satisfecit. Equidem nihil mutandum puto, atque existimo, *partes* esse h. l. exercitum, milites. Theodosius enim in eo erat, ut proficisceretur cum exercitu contra Eugenium ad bellum, quod non multum a bello civili abludebat, in quo partium saepe mentio fit, quando de vno alterone exercitu sermo est, ut apud Lucan. II. 596. In huiusmodi igitur bello filium suum occupatum cogitare poterat. Verum etiam in quocunque bello milites vtriusque exercitus *partes* vocantur. Ammian. Marcell. XX. 7. *partibusque post solis occasum aequa iactura digressis*. i. e. vtriusque exercitus militibus digressis et XXIV. 4. *iamque clangore Martio sonantibus tubis strepebant vtrunque partes* i. e. milites. Ex sequentibus quoque satis adparet, sub *partes* milites esse intelligendos. Sensus: tu solabere milites eosdem cum illis labores sustinendo. cf. infra v. 350 seqq.

v. 344. *prouocat* suadet, ad vallos faciendos aut ad aggeres construendos.

Sumta ne pudeat quercum strauisse bipenni. 345
 Calcatur si pigra palus: tuus ante profundum
 Praetentet sonipes. Flauios tu protere cursu
 Haerentes glacie; liquidos tu scinde natatu.
 Nunc eques in medias equitum te consere turmas;
 Nunc pedes assistas pediti. Tum promptius ibunt 350
 Te socio; tum conspicuus, gratusque feretur
 Sub te teste labor. — Dicturum plura parentem
 Voce subis: Equidem, faueant modo Numina coeptis,
 Haec effecta dabo; nec me fratrique, tibi que
 Dissimilem populi commissaque regna videbunt. 355
 Sed cur non potius, verbis quae differis, vsu
 Experior? gelidas certe nunc tendis in Alpes.
 Duc tecum comitem. Figant, sine, nostra tyrannum
 Spicula. Palle scat nostro, sine, barbarus arcu.
 Italiamne feram furiis praedonis acerbi 360
 Subiectam? patiar Romam seruire clienti?
 Vsque adeone puer? nec me polluta potestas,
 Nec pia cognati tanget vindicta cruoris?

v. 345. Caesaris exemplo.
 Lucan. III. 432 seq.

v. 346. *pigra* stagnans.

v. 347. 348. *fluuios haerentes*, torpentes, qui cursum gelu et glacie constricti non agunt. *protere*, de glacie non firma adeo, ut pondus equi aut hominis sustineat, quae igitur, ut viam munias, frangenda est. Aut simpliciter positum est, pro: transi. *scinde*. ut de nauibus Sil. Italic. XIV. 355.

v. 352. *Dicturum plura* cet. Interpellantem Honorium patris orationem inducit poeta, ut magnum eius animum ostendat virtutisque militaris amorem, saepiusque

auditorum animis inculcet, non sponte sed iussu patris Honorium Constantinopoli remansisse. cf. n. ad VII. 73.

v. 353. *voce subis*, respondes. Gronov. observ. II. 4.

v. 358. *tyrannum*, Eugenium.

v. 360. *praedonis*, Arbogastis.

v. 361. *clienti* Eugenia. cf. n. ad VII. 63.

v. 362. 363. *polluta potestas*, eo, quod Eugenius illam induit. *cognati cruoris*, Valentiniani II, qui fuit frater Gallae Placidiae, nouercae Honorii.

Per strages equitare libet. Da protinus arma.
 Cur annos obicis? pugnae cur arguor impar? 366
 Aequalis mihi Pyrrhus erat, quum Pergama solus
 Verteret, et patri non degeneraret Achilli.
 Denique si princeps castris haerere nequibo:
 Vel miles veniam. — Delibat dulcia nati
 Oscula, miratusque refert: Laudanda petisti; 370
 Sed festinus amor. Veniet robustior aetas;
 Ne propera. Necdum decimas emensus aristas
 Aggrederis metuenda viris. Vestigia magnae
 Indolis agnosco. Fertur Pellaeus, Eoum (375
 Qui domuit Porum, quum prospera saepe Philippi

v. 364. *Per strages* cet. exprimit non solum belli, sed et vindictae ardorem, quo abripitur Honorius. cf. VII. 73 seqq.

v. 366. *Aequalis mihi Pyrrhus erat.* Quum Achilles Scyrum insulam, Troiam profecturus, relinqueret, Pyrrhus eius et Deidamiae filius nondum natus erat. Venit autem statim post patris mortem in Graecorum castra ab illis accersitus, quia fatale erat, Troiam sine illo non posse capi. Inde explicandum est quum Pergama solus verteret. Agebat tunc decimum aetatis annum, quot annos etiam Honorio poeta tribuit infra v. 377. Inde etiam probabile mihi est, Socratem in constituendo anno natali errasse. cf. not. ad v. 154 seq. Ceterum de Pyrrho, qui etiam Neoptolemus vocabatur, v. Homer. Odyss. λ. 505 seqq. Quint.

Calab. VI. 64 seqq. et VII. 169 seqq.

v. 367. *patri.* Ex sequioris aevi consuetudine pro: a patre.

v. 368. 369. *haerere, versari in.* *Delibat dulcia nati* O. Virgil. Aen. XII. 434.

v. 371. *festinus amor* sc. laudis et gloriae. *festinus*, qui nimium properat Stat. Theb. VIII. 716.

v. 372. *emensus aristas.* *Aristas* pro annis posuit Virgil. Eclog. I. 70. *Emetiri annos* habet Sil. Italic. III. 398, pro hoc Noster *emetiri aristas*, quod mihi quidem non placet. Ceterum cf. n. ad 154 seqq. supra.

v. 374. *Pellaeus*, Alexander M. a Pella vrbe et regia Macedoniae, vbi natus est. cf. Lucan. III. 233 seq. Iuvenal. X. 168 seqq.

v. 375. *Porum.* Curt. VIII. 12 et 13 seq. Remotissimae

Audiret, laetos inter fleuisse sodales,
 Nil sibi vincendum patris virtute relinqui.
 Hos video motus. Fas sit promittere patri:
 Tantus eris; nostro nec debes regna favori,
 Quae tibi iam natura dedit. Sic mollibus olim 380
 Stridula ducturum pratis examina regem
 Nalcentem venerantur apes, et publica mellis
 Iura petunt, traduntque fauos. Sic pascua paruus
 Vindicat, et necdum firmatis cornibus audax
 Iam regit armentum vitulus, Sed proelia differ 385
 In iuuenem, patiensque meum cum fratre tuere
 Me bellante locum. Vos impacatus Araxes,

eius victoriae designantur
 h. l. non difficillimae.

v. 378. *Hos video motus*
 i. e. similes adfectus, eandem
 gloriae cupiditatem. *fas sit*
promittere patri. Bene Ges-
 nerus: Inuidiam deprecatur
 et rogat deum, vt hic sibi
 indulgeat diuinationis boni
 certe ominis facultatem. Lu-
 can. IX. 983 seqq.

v. 379. *Tantus*, quantus
 Alexander M. *nostro nec —*
fauori. Non patris caritati
 debes regnum.

v. 380. *Quae tibi iam na-*
tura dedit. Etiam si patre
 me natus non esses, indoles
 tamen tua (*natura*) tam exi-
 mia regno te destinasset, re-
 gemque fecisset, omnibus
 optimo regnum deferentibus.
olim h. l. de futuro tempore,
 pertinet ad *venerantur.*

v. 381. 383. *Stridula exa-*
mina, apum sc. regem *na-*
lcentem venerantur. cf. Xe-
 noph. Cyropaed. V. 1. 13.
 Aelian. H. A. V. 10 seq. Plin.

H. Nat. XI. 17. Virgil. Georg.
 IV. 210 seq. *et publica mellis*
Iura petunt. Recte Burman-
 nus: petunt apes a rege suo
 publica iura mellis i. e. pub-
 licas mellificii leges, easque,
 secundum quas viuere de-
 beant. Petuntur iura nempe
 ab iis, qui alios sibi subie-
 cerunt. Ovid. Fast. I. 516.
 III. 62. Gesnerus minus
 recte *mellis iura* regis ve-
 niam interpretatur, vt de
 quaesitis in medium aliquid
 absumere sibi liceat. Bur-
 mannus coni. *quem publica*
mellis Iura petunt Ovid. Met.
 VII. 269. cf. Virgil. l. c. 153
 seqq. *traduntque fauos* idem
 explicat: imperium in fauos.
 Sic quoque Gesnerus tam-
 quam regna sua. Equidem
 interpretor: vt opus per-
 fectum regique debitum, aut:
 se fortunasque suas.

v. 386. 387. *In iuuenem*,
 in annos iuueniles. *patiens-*
que quamquam non aequo
 animo a castris abes. *meum*

Vos celer Euphrates timeat. Sit Nilus vbiq̃ue
 Vester, et emissio quidquid Sol imbuit ortu.
 Si pateant Alpes, habeat si causa secundos 390
 Iustior euentus: aderis, partesque receptas
 Suscipies, animosa tuas vt Gallia leges
 Audiat, et nostros aequus modereris Iberos.
 Tunc ego securus fati, laetusque laborum
 Discedam, vobis vtrumque regentibus axem. 395

locum, Imperatoris vices, iura ciuibz reddentis rempublicamque domi administrantis. *me bellante*, dum ego foris bello rempublicam administro. *vos impacatus Araxes* cet. Sensus: vestrae olim victoriae impacatus adhuc Parthus inferuiet, non omnem triumphii materiem vobis praeripiam.

v. 388. *emisso sol ortu*, sol emissus seu ortus, oriens, vt *emissa dies* Stat. silv. I. 2. 229. Ita Gesnerus verba iunxisse videtur. Praestat autem *emisso ortu* cum *imbuit* iungere, vt sit pro: primis radiis imbuiere, dictum. Idem sed alia ratione expressit Virgil. Aen. IV. 584. Verum huc non pertinet Virgil. Georg. I. 288. a Burmanno quoque laudatum; non magis Pindar Olymp. VI. 92 seq. quandoquidem de rore h. l. non cogitandum est, neque de liquore, quocum comparasse radios solis Claudianum existimat Gesnerus. *Imbuendis* et potestas est *rois* primo aut primum aliquid facere, aut primum in vsum aliquid

convertere. Sic recte Bulaeus ad Valer. Flacc. I. 70. cf. Sil. Italic. III. 64 seq.

v. 390. *Si pateant Alpes* sc. Eugenio eiusque copiis inde pulsis. Oros. VII. 35.

v. 391. *Iustior*. Eugenius contra fas imperium adfectasse dicitur. *partes receptas*, ea imperii loca, quae ab armis hostilibus occupata erant.

v. 392. *animosa Gallia*. Huius mentio fit, non, vt Claverio videtur, quia Italiae praefertur, sed quia ab Eugenio nunc occupata erat, et ob virtutem incolarum bellicam, quam aliquando pacatam Theodosius cogitat Honorio tradere.

v. 393. *nostros*. Inde enim Theodosii origines.

v. 394. *securus fati*, securus futuri, quia debellato Eugenio nihil est, quod vobis timeam. cf. Heins. ad Ovid. Met. VII. 435.

v. 395. *Discedam*, res humanas relinquam. Hoc quasi vaticinans dicit. *vtrumque axem*, imperium occidentale et orientale.

Interea Musis, animus dum mollior, insta,
 Et, quae mox imitere, legas; nec desinat vnquam
 Tecum Graia loqui, tecum Romana vetustas.
 Antiquos euolue duces. Assuesce futurae
 Militiae. Latium retro te confer in aeuum. 400
 Libertas quaesita placet? mirabere Brutum.
 Perfidiam damnas? Meti satiabere poenis.
 Triste rigor nimius? Torquati despue mores.
 Mors impensa bonum? Decios venerare ruentes.
 Vel solus quid fortis agat, te ponte soluto 405
 Oppositus Cocles, Muci te flamma docebit.
 Quid mora perfringat, Fabius; quid rebus in arctis
 Dux gerat, ostendat Gallorum strage Camillus.
 Discitur hinc, nullos meritis obistere casus.
 Prorogat aeternam feritas tibi Punica famam, 410
 Regule. Successus superant aduersa Catonis.

v. 396. *mollior*, qui igitur
 fingi possit. Pers. III. 23 seq.
Musis insies, literis ope-
 ram des.

v. 397. *Et quae mox imi-
 tere legas*. cf. Sidon. Apol-
 lin. carm. VII. 175 seqq.

v. 399. *duces*, res gestas du-
 cum in veterum annalibus.

v. 400. *retro te confer*, re-
 gredere.

v. 401. *Brutum*. Iunium
 Brutum intelligit. Liv. I. 56
 seqq. Dionys. Halic. IV. 74.

v. 402. *Meti* Fuffetii Al-
 banorum imperatoris. Liv. I.
 23, 28. Dionys. Halic. III. 41.

v. 403. *Torquati*. Est T.
 Manlius Torquatus L. F. qui
 filium securi percuti iusserat,
 quia iniussu suo singulare cer-
 tamen cum hoste inierat. Liv.
 VIII. 7. Dionys. Halic. VIII.

91. *despue*, abominare, ab-
 horre.

v. 404. *Decios*. Liv. VIII.
 10. et X. 28. *ruentes* h. l.
 morientes sc. pro patria quum
 se deuouissent.

v. 406. *Cocles* Liv. II. 10.
Muci Liv. II. 1. seq.

v. 407. *Quid quantas opes*;
 Hannibalis autem opes intel-
 liguntur. *perfringat*. Bur-
 mannus existimat, respici
 h. l. Flor. II. 6. *ut Hanni-
 bal, quia frangi virtute non
 poterat, mora comminuere-
 tur. mora cunctando. rebus
 in artis*, quum res summo
 sunt in discrimine.

v. 408. *Camillus*. Liv.
 V. 45.

v. 410. 411. *feritas Pu-
 nica* — *Regule*. De genere
 supplicii, quo Carthaginien-
 ses

Discitur hinc, quantum paupertas sobria possit.
 Pauper erat Curius, quum Reges vinceret armis.
 Pauper Fabricius, Pyrrhi quum sperneret aurum.
 Sordida Serranus flexit Dictator aratra. 415
 Lustratae lictore casae, fascesque salignis
 Postibus affixi. Collectae Consule messes,
 Et sulcata diu trabeato rura colono.

Haec genitor praecepta dabat. Velut ille carinae

Regulum adfecisse dicuntur, parum constat inter scriptores Romanos, quorum testimonia super hanc rem collegit et digessit Ruperti ad Argument. lib. VI. Sil. Italici, in hoc tamen conveniunt, eum tormentis exquisitissimis cruciatum esse et intersectum. Totius rei fides non tam scriptorum Romanorum auctoritate, qui odio suo in Carthaginienses nimis iudulgere videntur, quam solita Carthaginiensium crudelitate in proprios duces nititur. Rem omnino fictam esse probare conati sunt Palmerius in Exercitat. in Graec. auct. p. 151 seq. et Beauport in fine Dissert. sur l'incertitude des cinq premiers siècles de l'histoire Romaine. quum ex fragmento Diodor. Sic. T. II. pag. 566. ed. Wesseling. tum ex Polybii hac de re silentio. Illis duumviris ad stipulati sunt Wesseling. Gesnerus et Jani. *successus superant adversa Catonis* i. e. adversa fortuna, qua Cato Uticensis usus est, praefertur victoriis aliorum. Lucan. IX. 593 sqq. Senec. de Prov. 2.

v. 412. *paupertas sobria*, vita simplex sine quaestus opumque cupiditate. Ruperti ad Sil. Ital. I. 609 seq.

v. 413. *Curius*. Cic. de Senect. 16. Plin. H. N. XVIII. sect. 26. Valer. M. III. 3. 5.

v. 414. *Fabricius*. Cic. Paradox. 6. 2. Valer. Max. IV. 3. 6. Aurel. Vict. Vir. III. 35.

v. 415. *Serranus*. Plin. H. N. XVIII. sect. 4. Valer. Max. IV. 4. 5.

v. 416. 417. *Lustratae lictore casae*. illustratae, co-honestatae, quum antea privati nunc consulis essent. *Postibus adfixi*. Postibus magistratuum fasces adfixos fuisse saltem ex h. l. probari posse non videtur. Noster finxit Serranum consulem agris colendis intentum et lictorum opera adiutum fascibus interim ad postes suspensis. cf. tamen Sagittarium de Ianuis. Thesaur. Antiq. Roman. T. VI. et Petron. 30.

v. 419. *ille*, cum emphasi. Drakenbr. ad Liv. I. 24. Heins. ad Virgil. VII. 110. Broukhuf. ad Tibull. I. 4. 23. cf. supra 284.

Longaeuus rector, variis quem saepe procellis 420
 Explorauit hiems, ponto iam fessus et annis
 Aequoreas alni nato commendat habenas,
 Et casus artesque docet, quo dextra regatur
 Sidere, quo fluctus possint moderamine falli;
 Quae nota nimborum; quae fraus infida sereni; 425
 Quid Sol occiduus prodat; quo saucia vento
 Decolor iratos attollat Cynthia vultus.
 Adspice nunc quacunque micas, seu circulus Austri,

v. 421. *Explorauit hiems*, tentauit, quid consilium et ars eius valeret, pro simplici: qui saepe tempestates expertus est. cf. Sil. Italic. IV. 603. *ponto*. nauigandi labore.

v. 422. *Aequoreas habenas*, gubernaculum. Nauis saepe a poetis comparatur cum equo, indeque peti plures metaphorae solent. cf. Burmann. ad Virgil. Aen. VI. 1. Oudendorp. ad Lucan. IX. 332. Valer. Flacc. I. 687. Cuius rei, ni fallor, auctor est Homer. Odyss. δ. 707 seq. οὐδὰ τ' ἢ μὲν χρεὼν Νηῶν ὠκυπόρων ἐπιβαλόμεν, αἶθ' ἄλ' οὐκ ἴπποι Ἀνδράσι γλύνονται. *alni*, nauigii. Ad naues aedificandas alni materies optima habebatur. Lucan. III. 441. Barth. ad Stat. Theb. III. 23. VI. 106.

v. 423. 424. *casus artesque*, pericula maris tempestatumque et artes, quibus illa effugere possit, id quod est, rem nauticam seu gubernandi scientiam. *quo dextra regatur Sidere*. Sidus h. l. est vel Cynosura vel Helice. Burmann. ad Valer. Flacc. I.

17 et 19. *dextra* sc. gubernatoris, qua clauum tenet, quem ille ad sidera regit. Burmann. laudat Valer. Flacc. III. 40. Lucan. III. 592. V. 588. Sidera regunt dextram gubernatoris, quia hic ad illa cursum dirigit. *quo fluctus possint m. f.* Lucan. V. 645 sq. Quae Gesnerus ad h. l. notat, indicant, eum de nauis regimine nullam habuisse scientiam. cf. Apollon. Rhod. II. 579 seqq.

v. 425. *nota nimborum*, quae significat tempestates futuras. Virgil. Georg. I. 356 seqq. ibi v. Heyne. Lucan. V. 560 seqq. *fraus infida* signum fallax. Virgil. Georg. I. 425 seq. Aen. V. 851. Arati Diosem. 46 seq.

v. 426. 427. *Sol occiduus*. cf. infra XV. 494 seq. Plin. H. N. XVIII. sect. 78. *saucia*, rubens. Luna rubens ventos vehementes indicat. Virgil. Georg. I. 429 seq. Lucan. V. 546 seq. Valer. Flacc. II. 56 sq. Veget. V. 11.

v. 428. Respicit poeta apothecolm Theodosii M. de qua cf. VII. 163 seqq. X. 300 seqq.

Magne parens, gelidi seu te meruere Triones,
 Adspice, completur votum. Iam natus adaequat 430
 Te meritis, et, quod magis est optabile, vincit
 Subnixus Stilichone tuo, quem fratribus ipse
 Discedens clipeum defensoresque dedisti.
 Pro nobis nihil ille pati, nullumque recusat
 Discrimen tentare sui; non dura viarum, 435
 Non incerta maris. Libyae squalentis arenas
 Audebit superare pedes, madidaque cadente
 Pleiade Gaetulas intrabit nauita Syrtes.

Hunc tamen in primis populos leuitate feroces,
 Et Rhenum pacare iubes. Volat ille citatis 440

Hac orationis subita ad Theodolium conuersione poeta redit ad laudes Honorii.

v. 429. *meruere* consecuti sunt. cf. supra VII. 170 seqq. Aliter idem expressum est a Lucano I. 46.

v. 433. *clipeum* cf. supra III. 265.

v. 434. *ille*, Stilicho.

v. 435. *dura viarum*, itinera molesta laborumque plena.

v. 436. *incerta maris*, incertos casus maris. *squalentes*, tristes adspectu, incultas, steriles. Ruperti ad Sil. Italic. I. 211. Libyae arenas squalentes describit idem Sil. Italic. III. 654 seqq.

v. 437. 438. *Gaetulas Syrtes*. Eas describit Sallust. Iugurth. 78. cf. Lucan. IX. 303 seqq. Ibi nauigatio periculosissima est. Ad augendum periculum tempus definitur, vbi grauissimae tempestates solent esse, *cadente Pleiade*. Sidus *πλειάδα* seu

Vergiliarum occidit XXXII. diebus post aequinoctium autumnum. Heyne ad Virgil. Georg. IV. 234. Quo tempore nauigatio cessat. Hesiod. Opera et D. 619 seq. *madida*, quandoquidem tunc pluuiae incipiunt; eadem ratione *Pleias imbrifera* vocatur Lucan. VIII. 852. Gesnerus legit cum Barthio *Syrtibus undas*, intelligitque sub *syrtibus* tempestatem vehementem, ipsum motum maris, ipsumque tempus, quo *superari*, trahitur, mutatur fundus maris, atque explicat *syrtibus* per: quando sunt *syrtes*. Verum hac lectione eiusque interpretatione vis huius loci non augetur, nam tempestas iam in *cadente Pleiade* latet, eius periculum autem augetur adiecto mari maxime vadoso.

v. 439. *Hunc tamen* ceteri Gesnerus: Honorium Occidentis Imperatorem, o Theodoli pater, vbi feroces

Vectus equis, nullaue latus stipante caterua,
 Aspera nubiferas qua Rhaetia porrigit Alpes,
 Pergit, et hostiles, tanta est fiducia, ripas
 Incomitatus adit. Totum properare per amnem
 Attonitos humili Reges ceruice videres. 445
 Ante ducem nostrum flauam sparsere Sycambri
 Caesariem, pauidoque orantes murmure Franci
 Proctubuere solo. Iuratur Honorius absens,
 Imploratque tuum supplex Alamannia nomen.
 Bastarnae venere truces; venit accola siluae 450

cet. Sed parum Gesnerus ad historiam ipsumque sententiarum nexum adtendit. *Hunc* ad Stilichonem pertinet. Conuertit se poeta subito a Theodosio ad Honorium, id quod sequentia aperte docent. Illud tamen ita explico: Stilichonem, quamquam vel grauissima pericula subire pro te non recusaturus esset, terrasque adire maxime longinquas, imprimis tamen post patris mortem contra Germanos mittis. *populos leuitate feroces*. Ita Galli iam ex Caesare satis noti sunt. cf. Ael. Lamprid. in Alex. Seuero c. 59.

v. 441. *nulla* — *caterua* i. e. nullis comitibus. cf. 444 et 495. cf. infra XXI. 159 sqq.

v. 442. *Rhaetia*. Ea regio fere, quae nunc *Tirol* et *Graubündten* vocatur.

v. 444. *Incomitatus*. Pari ratione Eumenius dicit Maximianum sola sua praesentia Rheni limitem esse tuitum. Panegy. Vet. IV. 13. 3. cf. VI. 11.

v. 445. *humili ceruice*, ad imperata facienda parati.

v. 446. 448. *Sycambri*. Populus ad Lupiam. *sparsere* dissolvere crines luctus causa, aut abscidere, quum pro victis se haberent. cf. Burmann. ad Ovid. Fast. L. 645. et Broukhuf. ad Propert. IV. 9. 38. *flauam*. De crinibus flauis Germanorum res est notissima. *pauidoque murmure*, metu prohibente, quominus alta voce pacem peterent. *Franci*, tunc inter Rhenum et Albim habitabant. *iuratur Honorius absens*. Per Honorii absentis nomen iuratur, numen eius agnoscitur. Lucan. IX. 601 sqq. Stat. Theb. VII. 100 sqq. Horat. epist. II. 1. 15 seq.

v. 449. *Alamannia*, validissima gens circa Rheni fontes. Mamertin. Panegy. Vet. X. 6. 2.

v. 450. *Bastarnae* habitabant inter Vistulam et Pontum Euxinum. cf. Plutarch. in Aemil. Paulo 11. T. II. pag. 184. ed. Hutt.

Bructerus Hercyniae; latisque paludibus exit
 Cimber, et ingentes Albin liquere Cherusci.
 Accipit ille preces varias, tardeque rogatus
 Annuit, et magno pacem pro munere donat.
 Nobilitant veteres Germanica foedera Drulos; 455
 Marte sed ancipiti, sed multis cladibus, emta.
 Quis victum meminit sola formidine Rhenum?
 Quod longis alii bellis potuere mereri,
 Hoc tibi dat Stilichonis iter. Post otia Galli
 Limitis, hortaris Graias fulcire ruinas. 460
 Ionium tegitur velis, veptique laborant
 Tot curuare sinus, seruaturasque Corinthum
 Prosequitur facili Neptunus gurgite classes;
 Et puer Isthmiaci iam pridem litoris exsul
 Secura repetit portus cum matre Palaemon. 465

v. 451. *Bructerus*, inter Rhenum et Amisum. *silvae Hercyniae*. De illa v. Caes. de B. G. VI. 25.

v. 452. *Cymbrus*. Tacit. Germ. 37. Duck. ad Flor. III. 3. 1. *Cherusci* Tacit. Ann. I. 64. Germ. 36.

v. 454. *magno pro munere*, ut magnum munus.

v. 455. *Nobilitant* cet. Per Drulos enim *Germanici* cognomen in Caesarum familiam venit. Intelligit autem Drusum fratrem Tiberii et eius filium.

v. 457. *sola formidine* cf. infra XXI. 188 seq.

v. 458. *mereri*. consequi.

v. 459. *iter*, propter facilitatem et celeritatem, qua tota res confecta est. supra 440 seq.

v. 460. *hortaris*, ut tutorem et socerum futurum,

non pro imperio iubet Honorius. *Graias ruinas*. Ad expellendum Alarichum e Graecia, quem Rufinus excitauerat. Parum honorifice de Stilichone loquitur Zosim. V. 7. cf. Socrat. H. E. VI. 1. Philostorg. XI. 3. Oros. VII. 37.

v. 461. *laborant*. Burmannus laudat Flor. IV. 11. 5. vbi v. Duck. et Stat. Achill. I. 449 seq. Explicat cum Gesnero: venti fatigantur, dum student curuare velorum sinus. Quo igitur exprimitur ingens nauium numerus. Videtur etiam *ro laborant* favorem et studium ventorum indicare.

v. 464. 465. *Palaemon cum matre* i. e. Melicerta, filius Athamantis, cum matre Ino, quae, ut filium furiis mariti eriperet, sese cum illo

Plaustra cruore natant; metitur pellita iuuentus;
 Pars morbo, pars ense perit. Non lustra Lycaeï,
 Non Erymantheae iam copia sufficit umbrae
 Innumeris exusta rogis, nudataque ferro
 Sic flagrasse suas laetantur Maenala siluas. 470

de Iaxo Moluride in mare praecipitasse dicitur et a Neptuno cum eodem inter deos marinos recepta esse. Corpus Melicertae a delphino ad Isthmum deportatum, atque in eius honorem a Sisypho Corinthi rege ludos Isthmiacos institutos esse commemorant Pausan. Attic. cap. vlt. Ovid. Met. IV. 511 sq. Stat. Theb. VI. 10 sqq. ibi v. interpp. Tzet. ad Lycophr. 229. Pindari scholiast. ad Isthm. in ὑπόθεσις τοῦ Ἰσθμοῦ. Inde ratio facile adparet, cur vocetur Melicerta *puer Isthmiaci litoris*. Exulauerat autem propter barbarorum incursiones. Isthmum transversa munitione tunc omnem Peloponnesum seruasse narrat Zosim. V. 6. Ad intermissione ludorum Isthmicorum illud non spectare, sed meram poetae fictionem esse, docuit Gesnerus. Illos ludos sub Valentiniano adhuc floruisse colligi potest ex inscriptione Athletica apud Reines. V. 45. Olympia et fortasse reliqua sacra certamina a Theodosio M. ultimo vitae suae anno (A. C. 395.) abrogata sunt. Corsin. Dissert. agonist. I. 11. *repetit portus*.

Erat nempe Palaemon seu Portunus inter deos σωτήρας nautarum. v. Heyne ad Virgil. Aen. V. 241. Eurip. Iphig. in Taur. 270 seqq. Antholog. Graec. ed. Iacobs. T. II. pag. 75. epigr. XXV.

v. 466. *Plaustra*, quibus barbari castra sua munire solebant. v. supra n. ad V. 129. *pellita iuuentus*. supra V. 85. *metitur* Homer. Il. λ. 67 sqq. Virgil. Aen. X. 513. Sil. Italic. IV. 46 seqq. Burmann. ad Valer. Flacc. III. 60. Caesarum multitudinem indicat.

v. 467. 468. *lustra Lycaeï et Erymanthae umbrae*. Lycaeus et Erymanthus Arcadiae montes densis siluis consiti. Huc pertinent Sil. Italic. X. 528 seqq. Valer. Flacc. III. 332 seqq. Stat. Theb. VI. 84 seqq.

v. 469. *exusta rogis*, consumpta rogis. *nudataque*, spoliataque. v. Burmann. ad Ovid. Heroid. XVI. 107.

v. 470. *Sic flagrasse — laetantur*. Laetantur, quod in rogos hostium barbarorum consumptae sunt silvae suae, tamquam in eorum ultionem inde aliquid contulerint.

Excutiat cineres Ephyre; Spartanus, et Arcas
Tutior exsanguis pedibus proculcet aceruos;
Fessaque pensatis respiret Graecia poenis.

Gens, qua non Scythicos diffusior vlla Triones
Incoluit, cui paruos Athos, angustaque Thrace, 476
Quum transiret, erat, per te, viresque tuorum
Fracta ducum, lugetque sibi iam rara superstes,
Et, quorum turbae spatium vix praebuit orbis,
Vno colle latent. Sitiens, inclusaque vallo
Ereptas quaesivit aquas, quas hostibus ante 480
Contiguas alio Stilicho deflexerat actu,
Mirantemque nouas ignota per auia valles
Iusserat auerso fluuium migrare meatu.

Obuia quid mirum vinci, quum Barbarus vltro
Iam cupiat seruire tibi? Tua Sarmata discors 485

v. 471. *Ephyre*, Corinthus. *excutiat cineres* sc. incendiorum; resurgat e cinere.

v. 473. *pensatis poenis* sc. a barbaris; poenis hostibus inflictis.

v. 474. *Scythicos Triones*, regiones sub Trionibus i. e. septentrionales, quarum habitatores communi Scytharum nomine olim comprehendebantur. *diffusior* pro aduersi. latius.

v. 475. *cui paruos Athos, angustaque Thrace*. Alarichus cum Gothis e Thracia per Macedoniam in Thessaliam progressus est. Zosim. V. 5. *Athos* mons pro Macedonia positus est, vt opponeretur colli v. 479.

v. 476. *te*, Honori.

v. 478. *orbis* hyperbole vix ferenda. cf. v. 474 seq.

v. 479. 480. cf. Oros. VII. 37.

v. 481. *alio actu*. Derivationem aquae per fossam intellige. Lucret. III. 193. Calpurn. Eclog. II. 58. *irriguas*. Broukh. ad Tibull. II. 1. 44.

v. 482. *Mirantemque*. Eadem metaph. vtitur Virgil. Georg. II. 82. *auia*. respectu prioris aluei.

v. 483. *iusserat*. Inde vndam vocat *parentem* Ovid. Amor. II. 16. 35. *auerso*, ab hostium castris.

v. 484. Sensus: Quid mirum est, eos vinci, qui armis tuis obuui facti sunt, quum illi barbari, qui bello non lacerantur, in ditionem tuam vltro venire cupiant, et ad te transeant. cf. XI. 28 seqq.

v. 485. *Sarmata discors*. Describit gentem Ovid. Trist. V. 7. 13 seqq. *discors* vocatur ob perpetua in suos bella. Late enim patebat nomen

Sacramenta petit; proiecta pelle Gelonus
 Militat; in Latios ritus transfistis, Alani.
 Vt fortes in Marte viros, animisque paratos,
 Sic iustos in pace legis, longumque tueris
 Electos, crebris nec succedentibus vrges. 490
 Iudicibus notis regimur; fruimurque quietis,
 Militiaeque bonis, ceu bellatore Quirino,
 Ceu placido moderante Numa. Non imminet ensis;
 Nullae nobilium caedes; non crimina vulgo
 Texuntur; patria maestus non truditur exsul; 495
 Impia continui cessant augmenta tributi;
 Non infelices tabulae; non hasta refixas

gentesque inter se inimicas
 complectebatur. Ovid. Trist.
 V. 10. 15 seqq.

v. 486. *Sacramenta petit*,
 nomen militiae Romanae
 dare cupit. *Gelonus* supra
 III. 213. *proiecta pelle*. in-
 dicat, barbaros arma Romana
 induisse. Hanc lectionem
 veriore esse, quam *pro-*
iecta fraude, quae a Gesnero
 prolata defenditur, sequentia
 docent. Fortasse *fraude* ex
 interpretatione grammatici
 ortum, qui *pelle* h. l. perpe-
 ram per *fraude* in margine
 exposuit ex Horat. sat. II. 1.
 64 seqq.

v. 487. *Alani* v. supra III.
 312.

v. 488. *in Marte*, in bello.
animisque paratos, bellica
 virtute prompta. Sallust. Catil.
 58. Petron. 130.

v. 489. *longumque tueris*.
Tueri h. l. seruare, retinere.
longum, in longum tempus.
 Interpretationem hanc se-
 quens versus subministrat.

v. 490. *crebris nec succe-*
dentibus vrges. *Vrgere* pro-
 prie ii dici possunt, qui in alio-
 rum locum succedunt, h. l.
 pro: remoues, positum. Lau-
 datur Honorius, quod magi-
 stratus non crebro mutat.

v. 491. 493. *fruimurque*
quietis — *Numa*. *quietis*,
 pacis. Sensus: Honorius et
 belli et pacis artibus ornatissi-
 mus est, in illo Romulum,
 in hac Numam refert.

v. 495. *Texuntur* ad dela-
 tores pertinet, quorum gre-
 ges per totum imperium ante
 sparsi erant.

v. 497. *infelices tabulae* sc.
 proscriptorum, vel ex Cice-
 rone satis notae. Florus III.
 21. 2. *ferales tabulas* eas vo-
 cat. *refixas*. Recte Gesne-
 rus: Puto, quum iam auctio
 fieret, refixam esse tabulam,
 in qua ad eum diem venalia
 bona proscripta pependerant.
 Saltem hoc sensu *refigite*
 vsurpat Sil. Italic. X. 600.

Vendit opes; auida sector non voce citatur;
 Nec tua priuatis crescunt aeraria damnis.
 Munificus laudis, sed non es prodigus auri. 500
 Perdurat non emta fides, nec pectora merces
 Alligat. Ipsa suo pro pignore castra laborant;
 Te miles nutritor amat. Quae denique Romae
 Cura tibi? quam fixa manet reuerentia patrum?
 Firmatur senium iuris, priscamque resumunt. 505
 Canitiem leges, emendanturque vetustae,

v. 498. *sector*, emtor bonorum proscriptorum. *voce* sc. praeconis; *auida* ab Imperatore translatum, qui sui commodi causa bona illa vendenda curaret.

v. 500. *Munificus laudis, sed non es prodigus auri.* Poeta Honorium dicit milites non effusis largitionibus sibi conciliaſſe, sed potius studuisse, vt landando eos honoribusque adficiendo senium virtutis et honestatis in iis excitaret. Quando aliquis negatur auri prodigus fuisse, id quod in Principe vel ditissimo non mediocre vitium est, non continuo auaritia et sordes ei obiciuntur. Nihilominus tamen Heinſius vulgatam lectionem eam ob causam reiicit, legitque: *Munificus largi, sed non et prodigus, auri.*

v. 501. *non emta fides*, sed ea militum fides, quae persuasione nititur, Honorio meliorem inueniri posse neminem, quaeque eo confirmatur, quod Imperator in castris educatus fuerat.

v. 502. *Adligat*, deuincit. Propert. IV. 7. 80. *suo pro pignore*, cf. supra 150 seqq. Eadem ratione vocatur *miles nutritor*.

v. 503. 504. *quae denique Romae Cura tibi*. cf. infra XXVIII. 54 seqq. *fixa patrum reuerentia*, quam constanter senatus auctoritatem conseruas. infra XXI. 325 seqq.

v. 505. 506. *Firmatur senium iuris*. Leges et mores antiqui, qui vetustate iam vim suam amiserant, aut in obliuionem adeo venerant, nouam vim per te et auctoritatem recuperant. Non igitur contraria huic loci ratione, vt Gesnerus existimat, legitur apud Gell. II. 14. *legibus istis situ atque senio oblitteratis*, et apud eundem XX. 1. *passus est leges istas situ atque senio emori*. Voci *senium* in his atque in Nostro eadem plane vis est. *priscam canitiem* i.e. auctoritatem et reuerentiam, quam olim habebant, quum non ab animi leuitate sed a

Acceduntque nouae. Talem sensere Solonem
Res Pandioniae; sic armipotens Lacedaemon
Despexit muros rigido munita Lycurgo.

Quae sub te vel causa breuis, vel iudicis error 510
Negligitur? Dubiis quis litibus addere finem
Iustior, et merum latebris educere verum?
Quae pietas, quantusque rigor, tranquillaque magni
Vis animi, nulloque levis terrore moueri,
Nec noua mirari facilis! Quam docta facultas 515
Ingenii, linguaeque modus! Responso verentur

iudicii maturitate proficiscerentur. cf. X. 125. et XVII. 19.

v. 508. *Res Pandioniae*, Atheniensium respublica, a rege illorum antiquo, *armipotens*, ob bellicam virtutem, quibus semper inclaruit.

v. 509. *Despexit muros*, Spartam muro circumdari Lycurgus vetuit, vt armis Spartani et virtute potius quam munitionibus fiderent. v. Cragium de Republ. Laced. III. tab. II. inst. 5. *rigido munita Lycurgo* i. e. legibus rigidis, seueris, Lycurgi, ex quibus corpora Spartanorum roborabantur, ipsique gloriam sectari mortemque contemnere docebantur. Praeter Cragium v. Meurs. Miscell. Lac. II. 9.

v. 510. *causa breuis*, secundum Burmannum: lis de re minuta. Ille laudat Sueton. Ner. 7. et Phaedr. III. 11. 41. et IV. 4. 33.

v. 511. *dubiis litibus*, in quibus, quid iuris sit, perspectu difficile est.

v. 513. 514. *Quae pietas*

quantusque rigor i. e. clementia cum iustitia coniuncta. *tranquillaque magni Vis animi*, nulloque cetera constantia et fortitudo.

v. 515. *Nec noua mirari facilis*. Hoc inungendum est cum priori: *nullo levis terrore moueri*, utroque enim animi grauitas exprimitur, quae nullius rei neque timore neque admiratione temere capitur. *Noua mirari* non semper ignorantiae est, vt Gesnerus existimat, sed etiam leuitatis. Et, si quid video, alium sensum habet, nec cum h. l. comparandum est Horatianum illud Epist. I. 6. 1 seq. *docta facultas ingenii* est ingenium doctrina ex cultum.

v. 516. *linguaeque modus* non est breuitas loquendi, quam Barthius intelligere videtur. *Modus* h. l. est ratio arte profecta, et *linguae* ratio est eloquentia ipsa. Eodem sensu *modus* apud Virgil. Aen. IV. 294. occurrit, *quis rebus dexter modus*. Ibi

Legati, grauibusque latet sub moribus aetas.

Quantus in ore pater radiat! Quam torva voluptas
Frontis, et augusti maiestas grata pudoris!
Iam patrias imples galeas; iam cornus auita 620
Tentatur vibranda tibi. Promittitur ingens
Dextra rudimentis, Romanaque vota moratur.

enim res ea sunt, quae dicere volebat reginae, et *modus* ratio, qua id facturus erat. cf. Valer. Flacc. V. 389. ibi v. Burmann. *verentur* plus est, quam admirantur, exprimitque *responsa* auctoritatis et dignitatis plena.

v. 517. *latet aetas*. Non agnoscitur puerilis paene aetas in moribus tam grauibus.

v. 518. *Quantus in ore pater*. quantopere patrem refert; non tam vt equidem existimo oris lineamentis, quam dignitate et humanitate. *radiat quam torua voluptas*. Laudat laetitiam frontis grauitate temperatam. Nimis vulgare erat Claudiano: nitet laetitia frontis, et sic pro *seuera* aut *seria* posuit *torua*, gaudet enim contrariorum iunctione. Minus bene Gesnerus, Barthium secutus, *radiat* ad consecrationem refert.

v. 519. *maiestas grata* est maiestas non superba sed humanitate temperata. *augusti pudoris*, verecundiae angustae. Verecundia in fronte seneritatem (*maiestatem*) quidem prae se ferebat, verum non tetricam, sed humanitate conditam. Acumen ex

antithetis *torua voluptas, maiestas grata*, facile quiuis agnoscet.

v. 520. *Iam patrias imples galeas*. cf. Stat. Theb. VIII. 291 seqq. inf. XXXVI. 218 sq. *cornus auita*. Ex cornu potissimum hastae fiebant. Virgil. Georg. II. 448. *auita*, qua maiores tui solebant vti. Hastam auitam, qua vti debes, iam nunc tentas.

v. 521. 522. *ingens dextra*, vt Heroibus et diis datur, vt *magna Iouis* Horat. od. III. 3. 6. Sil. Italic. VII. 371. *χαρπυρα* saepius occurrit apud Homerum. cf. Burmann. ad Albinov. eleg. in Drus. 224. *Promittitur* Inuenal. II. 11 f. Valer. Flacc. I. 272. Forasan *ingens dextra* nihil aliud significat, quam vires ingentes Virgil. Aen. XI. 556. *rudimentis*, exercitationibus tuis militaribus Stat. silv. V. 2. 8 seqq. *Romanaque vota morantur*. Gesnerus: quam fortitudinem militarem adeo auide optant, cui adeo inhiant homines, vt tarde venire videatur, quae tamen ante aetatem in te elucet. Verum haec vix ex verbis propositis extorqueri possunt. *Morari* h. l. nihil aliud esse

Quis decor, incedis quoties clipeatus, et auro
 Squameus, et rutilus cristis, et casside maior!
 Sic quum Threicia primum sudaret in hasta, 525
 Flumina lauerunt puerum Rhodopeia Martem.
 Quae vires iaculis! vel quum Gortynia tendis
 Spicula, quam felix arcus, certique petitor
 Vulneris, et iussum mentiri nescius ictum!
 Scis quo more Cydon, qua dirigat arte sagittas 530
 Armenius, refugo quae sit fiducia Partho.

potest, quam occupare, de-
 tinere Horat. epist. I. 13. 17.
 Arte. 321. Sensus: occu-
 pat Romanorum vota, Ro-
 mani in votis habent, vt
 tandem illae vires, illud
 corporis robur, quod iam in
 rudimentis admirantur, ma-
 turitatem plenam accipiat.

v. 523. 524. *auro Squa-*
meus i. e. lorica squamis au-
 reis confecta indutus. Virgil.
 Aen. III. 467. et la Cerda ad
 eundem Aen. V. 259. Ea-
 dem ratione *rutilus cristis*
 pro: rutilis cristis. et *casside*
maior. Cassis cum cristis
 altis auget staturam. cf. Sil.
 Italic. XIII. 143. XVII. 392
 seqq. et 525 seqq. Compares
 cum hoc et sequentibus Ovid.
 Met. VIII. 24 seqq.

v. 525. *primum sudaret in*
hasta i. e. hasta primum vte-
 retur.

v. 526. *Quae vires iacu-*
lis! quanta cum vi missilia
 a te sparsa omnia penetrant.
 Gortynia, Cretica. Sagit-
 tandi arte Cretenses olim no-
 bilissimi fuere, ipsaque Creta
 cannis fertilissima, vnde sa-

gittae conficiebantur. Ruperti
 ad Sil. Italic. II. 90. interpp.
 ad Lucan. VI. 214.

v. 528. *felix arcus* in fe-
 riendis iis, quae petuntur.

v. 529. *iussum ictum* pro:
 locum, quem petere iussus
 est arcus. Ovid. Epist. XVI.
 364. *mentiri*. Arcui bono et
 bene collimato quasi credis
 fore, vt locus, quem petas,
 sagitta feriat. Quod si au-
 tem aberrat a scopo sagitta,
 arcus spem fallit. fidemque
 quasi datam non seruat, ita-
 que mentitur. Ab agris hoc
 forsan sumtum, qui mentiri
 dicuntur, quando spem agri-
 colarum fallunt. Ruperti ad
 Sil. Ital. VII. 160. *iussum*
mentiri nescius ictum est igitur
 arcus, qui nescit aber-
 rare, numquam aberrat a
 scopo. Stat. silv. I. 2. 62. cf.
 I. 108.

v. 530. *Cydon*, Cretae vrbs
 pro: Cretenses. Virgil. Aen.
 XII. 858. cf. n. ad 527. et
 Senec. Hippolyt 812 seqq.

v. 531. *Armenius*. Etiam
 Armenii sagittandi arte in-
 claruerant. Lucan. VIII. 221.

Sic Amphioniae pulcher sudore palaestrae
 Alcides pharetras, Dircaeaeque tela solebat
 Praetentare feris, olim domitura Gigantas,
 Et pacem latura polo; semperque cruentus 536
 Ibat, et Alcmenae praedam referebat ouanti.
 Caeruleus tali prostratus Apolline Python
 Implicuit fractis moritura volumina filvis.
 Quum vectaris equo, simulacraque Martia ludis,
 Quis molles sinuare fugas, quis tendere contum 540
 Acrior, aut subitos melior flexisse recursus?

Stat. silv. I. 4. 78 seq. *refugo*
Partho. Horat. od. II. 13.
 17 seq. Lucan. I. 230. Ovid.
 A. A. I. 209 seqq.

v. 532. *pulcher*, vt Heros,
 qui robore corporis et pul-
 chritudine insignis est. Heyne
 ad Virgil. Aen. VII. 656. *su-*
dore palaestrae pro palaestra,
 qua non solum vires corpori
 sed etiam decus parabatur.
 Theocrit. II. 79 seq. *Amphio-*
niae, Thebanae, quia Theba-
 rum muri Amphionis cantu
 conditi dicebantur. Ceterum
 ad Herculem Thebanum ea
 translata sunt, quae in Geo-
 goniis de antiquiore Hercule,
 qui cum diis contra gigantes
 pugnaverant, narrabantur.

v. 533. 544. *Dircaeaeque*,
 Thebana, a Dirce, Thebano
 fonte. Broukh. ad Propert.
 III. 13. 11 seqq. *Praetentare*
feris pro: in feris aut contra
 feras.

v. 535. *polo*, coelo, diis,
 quos Gigantes coelo expellere
 conabantur.

v. 537. 538. *Caeruleus*,
 color, qui passim tribuitur

anguibus. Virgil. Georg. IV.
 481. Sil. Italic. II. 585. *tali*
Apolline pro: talis Apollo
 erat, quum cet. cf. Ovid. Met.
 I. 454. *Python*. Spanhem. ad
 Callim. H. in Del. 91. *volum-*
ina spiras. cf. Sil. Italic.
 III. 109 seqq. Stat. Theb. V.
 531 seq. supra II. 7 seq.

v. 539. *simulacra Martia*,
 vt *belli simulacra* Lucret. II.
 42. Virgil. Aen. V. 674, proe-
 lia simulata. Cum hoc et se-
 quentibus cf. Tibull. I. 1.
 91 seqq.

v. 540. 541. *sinuare fugas*.
Fugae h. l. cursus sunt. Iu-
 venal. VIII. 61. *Sinuare fu-*
gas igitur est: gyros descri-
 bere in cursu modo huc
 modo illuc equum flectendo.
molles facilitatem exprimit,
 qua flexus fiebant. *tendere*
contum Burmannus explicat:
 emittere eum in hostem.
 Idem notat, contum gessisse
 ad latus equi loro ligatum,
 quem emittere et relegere
 possent. Laudat Stat. Achill.
 II. 418 seqq. v. eundem ad
 Valer. Flacc. VI. 162. Mark-

Non te Massagetae, non gens exercita campo
 Thessala, non ipsi poterunt aequare bimembres.
 Vix comites alae, vix te suspensa sequuntur
 Agmina, feruentesque tument post terga dracones. 545
 Vtque tuis primum sonipes calcaribus arsit:

landus ad Stat. silv. V. 2. 115. legendum h. l. existimat *tendere cursum*, quae coniectura a Burmanno idcirco improbat, quod obuia sit vox, nec verisimile, illam a librario esse mutatam. Quae quidem ratio valere debet non semper et ubique, praesertim si contextus obloquatur. In sequenti versu est *subitos recursus flexisse*, cui opponitur *tendere cursum* i. e. dirigere cursum. v. Burmann. ad Ovid. Met. II. 547. infra XXVIII. 291. Ne dicam, *acrior r̄q̄ tendere cursum* quam *r̄q̄ tendere contum* aptius esse. cf. Virgil. Aen. V. 583 seqq. Equidem puto legendum esse *tendere contra*, (non tamen eo sensu, quo occurrit apud Virgil. Aen. V. 27.) quum, quia haec lectio ex libris scriptis potest defendi, tum, quia melius opponitur sequenti: *subitos flexisse recursus*, est enim idem, quod tendere in hostem, in eum inuehi. An alicubi hoc sensu occurrat, nescio; ex sermonis tamen analogia potest defendi. Est apud Lucan. IV. 772. *procurrere contra*. Quidni dici possit *tendere*, sc. cursum, *contra*. Forſan niti quoque

possis Valer. Flacc. I. 835. Laudatur Honorius primum, quod nemo magis equum habeat in potestate, deinde, quod nemo acrior sit in impetu faciendo, neque celerior in recipiendo se, quibus rebus virtus equestria absoluitur.

v. 542. 543. *Massagetae*, Scythiae orientalis gens Parthis vicina. Herodot. II. 201. *campo*, planitie, certaminibus equestribus. *Thessala*. Equi Thessalici inter nobilissimos referebantur, Thessalosque primos equis ad equitandum vfos esse constat, inde fabula de equo in Thessalia a Neptuno producto. Serv. et la Cerda ad Virgil. Georg. I. 13. et de centauris, qui h. l. *bimembres* vocantur.

v. 544. 545. *suspensa*, tanta cum contentione currentia, ut vix terram contingere sed volare videantur. Barthius laudat Virgil. Aen. VII. 810. cf. Stat. silv. II. 3. 13 seq. *feruentes dracones*, rapido sc. cursu inflati. v. n. ad V. 177 seq.

v. 546. *arsit*, incensus est, concitatus est. Sil. Italic. IV. 195. *Cuspide flammatur equum*. cf. Lucan. IV. 750 seqq. Quint. Calab. VII. 316 seqq.

Ignescunt patulae nares; non sentit arenas
 Vngula, discussaeque iubae sparguntur in armos;
 Turbantur phalerae; spumosis moribus aurum
 Fumat; anhelantes exsudent sanguine gemmae. 550
 Ipse labor pulvisque decent, confusaque motu
 Caesaries. Vestis radiato murice solem
 Combibit; ingesto crispatur purpura vento.
 Si dominus legeretur equis, tua posceret vltro
 Verbera Nereidum stabulis nutritus Arion, 555
 Seruiretque tuis contempto Castore frenis
 Cyllarus, et flauum Xanthus spreuisset Achillem.

v. 547. 548. *non sentit arenas* Vngula inuerlio est, pro: arena non sentit vngulam. Tanta est velocitas, vt vngulae vix vestigia in arena relinquant. cf. Sil. Italic. IV. 143 seqq. XIII. 327 seq. XIV. 507 seq.

v. 549. 550. *phalerae* h. l. equi ornamenta. *spumosis moribus aurum Fumat.* Stat. Theb. VI. 396 seqq. supra V. 175. *anhelantes gemmae.* Iterat priora, *anhelantes* sunt fumantes. Sil. Italic. XII. 134. Stat. Theb. II. 17. Ceterum frena gemmis distincta erant. infra LXX. 3 seq.

v. 551. *Ipse labor pulvisque decent.* cf. supra VII. 37. et Panegy. Vet. X. 6. 4.

v. 552. *radiato murice,* Recte Gesnerus explicat: purpura radiis solaribus collustrata; combibisse solem dicitur, cuius nunc igneum colorem repercussu exhibet. Laudat Macrob. sat. II. 4. *ingesto crispatur purpura*

vento i. e. vestis purpurea vento fibratur, concutitur.

v. 554. cf. Senec. Hippolyt. 809 seqq.

v. 555. *Nereidum* a Νηρηϊδων pro Νηρηϊδων cf. D'Orvil. ad Charit. pag. 309. ed. Lips. *Arion*, equus a Neptuno ex Cerere procreatus (Apollod. III. 6. 8. in fine) eo usus est Adrastus. Propert. II. 25. 37 seq. cf. Barth. ad Stat. Theb. IV. 43, VI. 301 seqq. silv. I. 1. 52. Quint. Calab. IV. 569 seqq. Tzetz. ad Lycophr. 152.

v. 557. *Cyllarus* equus communiter Castori tribuitur, a quibusdam tamen Polyluci. v. la Cerda et Martin. ad Virgil. Georg. III. 89 seq. Lutat. ad Stat. Theb. VI. 328. *Xanthus*, Achillis equus, quem Neptunus Peleo dono dederat. Homer. II. 7. 400 sqq. Horum equorum nomina occurrunt etiam apud Panegy. Vet. VI. 8. 5.

Ipse tibi famulas praeberet Pegasus alas,
 Portaretque libens, melioraque pondera passus
 Bellerophonteas indignaretur habenas. 560

Quin etiam velox Aurorae nuntius Aethon,
 Qui fugat hinnitu stellas, roseoque domatur
 Lucifero, quoties equitem te cernit ab altris,
 Inuidet, inque tuis mauult spumare lupatis.

Nunc quoque quos habitus, quantaе miracula pompae
 Vidimus, Ausonio quum iam succinctus amictu (565
 Per Ligurum populos solito conspectior ires,
 Atque inter niueas alte veherere cohortes,

v. 558. 560. *Pegasus*. Hesiod. Theogon. 280 seqq. Ovid. Met. IV. 783 seqq. *Bellerophonteas*. Bellerophon dicitur Pegasi ope Chimaeram interfecisse. Hesiod. Theog. 319 seqq.

v. 561. 564. *Aethon* inter solis equos refertur apud Ovid. Met. II. 153. h. l. Lucifer eo utitur, qui eques exhibetur a poetis et sculptoribus. v. Barth. ad Stat. Theb. VI. 238 seqq. Burmann. Antholog. T. I. pag. 279. et T. II. pag. 8. Tibullus l. 9. 62 Lucifero currum tribuit. Qui *fugat hinnitu stellas*. ab Ovidio l. c. solis equis *hinnitus flammiferi* tribuuntur. Lucifer stellarum postremus a radiis solis obscuratur. Ovid. Met. l. 112 seqq. Idem, quum solem sequatur, Hesperus est. Virgil. Georg. l. 251, vbi recte Heyne et reliqui interpp. stellam intelligunt. Vt apud N. sctum Luciferi equus hinnitu stellas fugat, sic apud Virgilium Hesperus eas ac-

cendit. *roseo Lucifero*. Valer. Flacc. VI. 527. Stat. Theb. II. 137 seqq. *lupatis* supra ad V. 354. Variandi studium nostri poetae a v. 554 seqq. ab unoquoque agnoscetur.

v. 565 seqq. iam ad pompam illam consularem procedit poeta, Mediolani ductam, praecipueque cultus magnificentiam describit, qua Honorius ornatus fuerat. *miracula* ad insolitum splendorem pertinet.

v. 566. *Ausonio succinctus amictu*, ad trabeam consularem cinctumque Gabinum pertinet. supra VII. 4.

v. 567. *solito conspectior*. Consularis dignitatis accessione maiestatem suam Principes augeri putabant. Iulian. imper. Constantian. II. apud Barthium: τοῖς βασιλεῦσι δὲ, πρὸς οἷς ἔχουσι ἀγαθούς, ὅιον ἀγαλμα καὶ κόσμος ἐπιτεθειμένη ἴσ. ἡ ὑπάτεια.

v. 568. *niueas cohortes*. Milites togas induerant. v. supra 9. et infra X. 245. *alte*

Obnixisque simul pubes electa lacertis
 Sidereum gestaret onus! Sic numina Memphis 570
 In vulgus proferre solet. Penetralibus exit
 Effigies; brevis illa quidem, sed plurimus infra
 Liniger imposito suspirat vecte sacerdos,

veherere explicatur sequenti-
 bus. Portabatur Honorius a
 militibus sella curuli. infra
 584. Ammian. Marcell. XX.
 10. pag. 357. ed. Ernest.

v. 569. Coripp. in laud.
 Justin. IV. 227 seqq. Tollitur
*in magnum diualis sella
 triumphum Mille ministro-
 rum manibus, gratoque la-
 bori submitunt humeros et
 loris fortibus aptant Electi
 iuvenes, aetas quibus omni-
 bus una, Par habitus par
 forma fuit, vestisque rube-
 bat oncolor, atque auro
 lucebant cingula mundo. In-
 cessit laetus praeclara in
 veste senatus, pars trabeis
 pars comta togis, ut cui-
 que probatus Ordo locum,
 cultumque dabat; diuina se-
 quuntur Officia, et primis
 praeco clamoribus instat
 Omnibus imperitans, sectis-
 que praecedere turmis. In-
 cedunt densae mixto lictore
 cohortes; Hinc armata ma-
 nus dextram laeuamque tue-
 tur Caesarei lateris, clipeis
 pia terga tegebant Ingens
 excubitus, protectorumque
 phalanges Fulgebant rutilo
 pilis splendentibus auro.*
 Qui locus quum classicus sit
 de pompa consulari, et non-
 nulla, significata tantum a

Nostro, fusiis exponat, to-
 tum fere descripsi. *sidereum
 onus*, diuinum onus, Hono-
 rium Augustum. *Memphis*,
 h. l. sacerdotes Aegyptiaci.

v. 571. *In vulgus pro-
 ferre solent.* Simulacra deo-
 rum festis solemnibus in pub-
 licum deferri solita esse, no-
 tum est, verum non porta-
 bantur humeris, sed thesis
 vehebantur. Hoc loco au-
 tem de sacris Aegyptiacis
 sermo est, et de pompa, in
 qua eorum dii humeris sa-
 cerdotum portabantur. For-
 san pompa Iſidis intelligitur,
 quam describit Apuleius lib.
 XI. *penetralibus, ἀδύρω.* tem-
 plo. exit Apulei. l. c. *Nec
 mora, quum dii dignati pe-
 dibus humanis incedere, pro-
 deunt* quibus verbis porta-
 tio deorum comice innuitur.

v. 572. 573. *Effigies; bre-
 vis illa quidem, sed pluri-
 mus infra Liniger imposito
 suspirat vecte sacerdos.* Ita
 locum restituit Gronouius ex
 Leidenſi libro in Diatr. Stat.
 c. 5. cuius rationem confir-
 mant quinque ex libris Hein-
 ſianis. *plurimus Liniger*,
 multi sacerdotes Aegyptiaci.
Plurimus pro: multus, saepe
 ponitur Horat. od. IV. 2.
 29 sq. Valer. Flacc. l. 677 sqq.

Testatus sudore Deum. Nilotica fistris

Ripa sonat, Phariosque modos Aegyptia ducit 575
Tibia; submissis admugit cornibus Apis.

Omnis nobilitas, omnis tua sacra frequentant

Illos autem sacerdotes lineas vestes gestasse notum ex Herodot. II. 37. Broukh. ad Tibull. I. 3. 30. *suppirat*. onere graui paene oppressus, quamquam dei effigies brevis seu parua erat. cf. n. ad VII. 108. Illa magnitudine oneris vim eius dei declarabant. *imposito vecte* i. e. quum vectem, ferculum, humeris rursus imponent. Solebant enim sacerdotes in illa pompa pausas edere seu facere, vt legi vult Salmasius in Ael. Spartian. Caracall. 9. *Quum Antoninus Commodus ita ea* (sacra Isidis) *celebrauerit, vt et Anubin portaret et pausas ederet* (legebatur autem antea et *pausa sederet*.) Vbi illi vir doctissimus ex vetere inscriptione animaduertit, eos, qui pausas illas explerent in sacris Isidis, *pausarios* esse dictos. Idem narrat Ael. Lamprid. de Commodio c. 9. *Sacra Isidis coluit, vt et caput raderet et Anubin portaret*. Burmannus retinuit et *posita — veste sacerdos* hoc sensu, vt vestis supposita sit imagini, ne tantum pondus humeros exereret.

v. 574. *Testatus sudore deum*. Quum brevis seu paruae imaginis onere se paene oppressum sudore ipso profuso testetur, simul signi-

ficat, illud, quod portetur, non statuum, sed deum ipsum esse. *fistris*, De *fisiro* v. n. ad Pers. V. 184. *Phariosque modos*, Aegyptiacos, a Pharo insula notissima. Apulei. l. c. *Symphoniae dehinc suaves, fistulaeque modulis dulcissimis personabant. Eas amoenus lectissimae iuuentutis veste niuea et cataclista praenitens sequebatur chorus, carmen venustum iterantes, quod Camoenarum favore solers poeta modulatus edixerat, quod argumentum referebat interim maiorum antecantamenta votorum. Ibant et dicati magno Serapi tibicines, qui per obliquum calamum ad aurem porrectum dextram familiarem templi deque modulum frequentabant.*

v. 576. *submissis admugit cornibus Apis*. Hoc de simulacro eius intelligo, quod quoque in pompa portabatur. Apulei. l. c. *Erat et bos omniparentis deae foecundum simulacrum, quod residens humeris suis proferebat vnus e ministerio beato gressu gestuoso*. Ceterum de Api v. III. 17 seq.

v. 577. *tua sacra*, pompam illam consularem Honori quasi numinis.

Tibridis et Latii soboles. Conuenit in vnū
 Quidquid in orbe fuit procerum, quibus auctor honoris
 Vel tu, vel genitor. Numeroso Consule Consul 580
 Cingeris, et socios gaudes admittere patres.
 Illustri te prole Tagus, te Gallia doctis
 Ciuibus, et toto stipauit Roma Senatu.
 Portatur iuuenum ceruicibus aurea sedes,
 Ornatuque nouo grauior Deus. Asperat Indus 585
 Velamenta lapis, pretiosaque fila smaragdis

v. 578. *Tibridis et Latii soboles* i. e. Romana et Latia nobilitas. *conuenit in vnum* cet. Dies, quo consules munus adibant suum, ab omnibus eorum amicis et clientibus concelebrari solebat, qui vndique e locis saepe longinquis eam ob rem conuenerant, literis interdum enocati, vt liquet ex Symmachi epistolis compluribus e. g. IX. 112 et 113. Colligi inde facile potest, quanta fuerit multitudo Augusti alicuius pompam concelebrantium.

v. 579. 580. *quibus auctor honoris Vel tu vel genitor* i. e. omnes, quos vel tu vel genitor honoribus auxistis. *Auctorem* esse alicuius, qui hunc ad honores promouerit, animaduertit Barthius. *numerofo consule*, multis consulibus honorariis, quibus consularis dignitas praemii honorisque summi gratia delata erat codicillis ab Imperatore impetratis, quorum formulam refert Cassiodor. Variar. I. 10. cf. Aufon. in Panegy. Vet. XI. 13. 3.

v. 582. *Tagus*, Hispania. Hispaniae nobilitas praecipue nominatur, quia Honorius ex illis terris originem ducebat. *doctis*. Gallia tunc temporis vel Italiam ipsam superabat doctorum imprimis eloquentium virorum copia. interpp. ad Rutil. It. I. 109.

v. 584. *aurea sedes*. supra 569 seq.

v. 585. *Ornatu nouo*, consularibus insignibus. Sidon. Apollin. carm. II. 209. *gravior deus*. supra 565 seqq. *gravior* est augustior vestium magnificentia et splendore pompae. Ad pondus ornatu auctum, vt Gesnerus existimat, non respicitur. *asperat*, bene de gemmis (*Indus lapis*), pro: distinguit.

v. 586. *pretiosa fila smaragdis Ducta*. Lineas intelligit smaragdorum (*Smaragdenschmüre*) quibus Imperator erat ornatus, vt in numis conspiciantur eorum imagines ornatae.

Ducta virent. Amethystus inest, et fulgor Iberus
Temperat arcanis hyacinthi caerulea flammis.

v. 587. 588. *amethystus*. Ioan. Becmannus in libro, *Vorrath kleiner Anmerkungen über mancherley gelehrte Gegenstände* inscripto P. III. pag. 403 seqq. ubi hunc et sequentes versus Claudiani illustrare tentat, intelligit *amethystfarbige Bergkrystalle, oder Quarze*. laudatque Plin. H. N. XXXVII. sect. 41. et *fulgor Iberus Temperat arcanis hyacinthi caerulea flammis*. Locus est difficilis. Barthius sub *fulgor Iberus* carchedonios intelligit, carbunculorum genus seu pyroporum. Et fatendum sane est, ex illorum natura illud, *arcanis flammis*, quodammodo posse explicari v. Plin. H. N. XXXVII. sect. 30. Verum, quum illi apud Nasamonas in montibus nascerentur, et Carthaginem nouam deportari solerent, vix illa vrbe poterant designari nedum Ibero. Non magis *Calaica* gemma locum potest habere Plin. l. c. sect. 43. *Fulgor Iberus* videtur auri esse, cuius magna vis olim in Hispania erat. Lucan. VII. 755. Senec. Thyest. 352 seqq. et Plin. H. N. III. sct. 4. ait, Hispaniam auri metallis totam scatere. *Fulgur* pro: auro, habet quoque Sidon. Apollin. carm. XV. 129 seq. *Ebria non solum spirat conchyliis saudix, Insertum nam*

fulgur habet, filoque rigenti cet. Iam vero Plin. H. N. XXXVII. sect. 41. dicit, primo quoque aspectu gratum esse hyacinthum, euanescente autem antequam satiat, adeoque non implere oculos, ut paene non attingat, marcescentem celerius nominis sui flore. Puto itaque lamellulas aureas his gemmis esse suppositas, ut splendor earum auri fulgore augeretur. Hoc factitatum esse in aliis gemmis auctor est idem Plin. l. c. sect. 31, ubi ait: *tertium* (sardarum genus est) *quod argenteis bracteis sublini-* tur. sect. 20. berylli dicuntur malle auro carere; addit, quosdam putare, eos gratiores fieri addito auro. sect. 42. chrysolitis subiici orichalcum. Hac ratione, quam tamen pro vera vendere non ausim, optime possit explicari *arcanis flammis*, quandoquidem ipsum aurum non adparet, quod splendorem hyacinthi suo fulgore anget. *hyacinthi caerulea* i. e. caeruleum hyacinthi colorem. Ceterum gemma, quam veteres hyacinthum vocabant, differt a nostro hyacintho; hic est flammei coloris, ille purpurei seu violacei, et ad illas gemmas pertinet, quae *rubini* nunc vocantur. Becmannus l. c. sub *fulgore Ibero* auri splendorem quoque in-

Nec rudis in tali suffecit gratia textu;
 Auget acus meritum, picturatumque metallis 590
 Viuit opus, multaque ornantur iaspide cultus,
 Et variis spirat Nereia bacca figuris.
 Quae tantum potuit digitis mollire rigorem
 Ambitiosa colus? vel cuius pectinis arte
 Traxerunt solidae gemmarum stamina telae? 595

telligit, putatque, per hyacinthum lucere fila aurea, quae gemmis illis essent inserta. Equidem ab auro fulgorem repetam eo, quo erant inclusae, nisi forte gemma illa per se iam fulgorem aureum emiseric, quod probabile est ex Lactant. Phoen. 137 seq. *Ingentes oculi; credas geminos hyacinthos, Quorum de medio lucida flamma micat.*

v. 589. *rudis gratia* est materia ipsa praeclara et magni pretii, nullo artificis opere adhuc distincta. Intelligit autem trabeam purpuream gemmisque distinctam. Illam ait non suffecisse, nisi pretium eius auctum fuisset pictura acu facta.

v. 590. *metallis*, filis aureis argenteisque.

v. 591. *Viuit opus*. De figuris ad viuum expressis. *ornantur*. Markland. ad Stat. silv. I. 1. 21, II. 3. 53 legendum censet *animantur*, quod sane melius medium occupat inter *viuit* et *spirat*, et eligendum esset, si librorum scriptorum auctoritate niteretur. *iaspide*. Becmannus l. c. *adamanta*, *Diamant*,

intelligit. cf. Orph. *ἀθήνα τ.* Becmann. *Beyträge zur Geschichte d. Erf.* 5. pag. 82. Marbod. de Gemmis pag. 8. et 19. *cultus*, vestimenta.

v. 592. *Nereia bacca*, margarita, quia in conchis marinis nascitur. *variis spirat figuris*. Heinsius melius putat *varias — figuras*, quod mihi quidem persuadere non possum. Exempla, quae ab illo laudantur, aliena esse videntur. Burmann. ad Valer. Flacc. VI. 157. et Grat. Cynege. 375. et cum quarto et cum sexto casu hoc verbum docet construi. Verum vis et potestas diuersa, quae subiicitur huic verbo modo hunc modo illum casum requirere videtur. H. l. *innerfio* est, pro: *variae figurae spirant Nereia bacca* i. e. *pictae sunt margaritis*.

v. 594. 595. *Ambitiosa colus*, quae colus hoc opere quasi gloriam captabat. Epithet. ad digitos proprie pertinet aut ad eum, qui colum tractauit. Minus bene Gesnerus: *ambitiosa* dicitur, quod illam ambit lana, quod circa illam currit fufus. *Ingéniosa*, quod Heinsius pro-

Inuia quis calidi scrutatus stagna profundi
Tethyos inuasit gremium? quis diuitis algae

bare videtur, interpretamentum sapit. *Quae colus* dictum pro: quis nendo. *mollire tantum rigorem* i. e. fila tam tenuia ex auro argentone trahere, ut aequae tractabilia essent, ac serica. Ovid. Fast. III. 817 seq. Heroid. III. 70. Met. II. 411. *pectinis arte*. *Pecten* positum est pro tota machina textoria, ut saepius eius sit mentio, quando de textura sermo est. Ovid. Met. VI. 53 seqq. Heyne ad Virgil. Aen. VII. 14. *tela* h. l. trama. Virgil. Georg. I. 194. *solidae* vocantur, quia ex auro argentone sunt. Huic tramae inseritur pectinis ope subtemen, quod *stamina* significat, quae h. l. simpliciter fila notant, quum alias sint fila robustiora in longum porrecta, inter quae subtemen traicitur. *gemmarum stamina*. Textura speciem praebebat, quasi gemmarum fila subteminis loco adhibita fuissent. Sensus: cuius ars inseruit filis aureis et argenteis gemmarum fila. Parum adtendens Becmannus, poetam non rei veritatem respicere, sed speciem, omnia tamquam proprie dicta accipit, sibi que ipse creat difficultates non superandas. Existimat de filorum confectione h. l. sermonem esse, hoc indicare *traxerunt*. Vellem accuratius singula verba illustrasset.

Cuius pectinis arte dictum pro: cuius texendi arte. Martial. XIV. 150. *Solidae telae*, fila aurea, *traxerunt*, acceperunt *gemmarum stamina* i. e. illis insertae sunt gemmarum lineae. Ille autem vir doctissimus sub *pectine* intelligit instrumentum, quo aurum in fila deducitur, quo usus esse veteres valde est probabile, quamquam eius, ut multorum aliorum, mentio nusquam fit, de quo tamen h. l. non est cogitandum.

v. 596. *calidi profundi*, maris eoi, Arabici seu Indici. Plin. H. N. XII. sect. 41. De ignibus subterraneis non cogitavit poeta, ut statuit Gesnerus.

v. 597. 598. *Tethyos gremium*, maris fundum. Quae sequuntur, impedita sunt. Quidnam est enim *diuitis algae germina*? De coraliis explicat Barthius, verum dubitat ipse. Gesnerus autem docuit, ea non posse h. l. intelligi, quia secundum Plin. H. N. XXXII. sect. 11. in Italiae Galliaeque litoribus meliora quam in Rubro Persico-ve mari inuenirentur. Simplissimum quidem esset *actae* legere pro *algae*, et lapillos pretiosos intelligere, quae in litoribus calidarum regionum, *inter flagrantis arenas*, inueniuntur aut reperiri

Germina flagrant inter quæsiuit arenas?
 Quis iunxit lapides ostro? quis miscuit ignes
 Sidonii rubrique maris? Tribuere colorem 600
 Phoenices, Seres subtemina, pondus Hydaspes.
 Hoc si Maeonias cinctu graderere per vrbes:
 In te pampineos transferret Lydia thyrsos;

existimabantur. Forſan autem *germina algæ* margaritas vocat poeta, quia in alga, i. e. in litore reperiantur. infra XLVIII. 14 ſeq. Tum pulchros ſuperat cultus et quidquid *Eois Indi* litoribus rubra ſcrutatur in alga. Auſon. Idyll. X. Moſell. 68 ſqq. Nota *Caledoniis* talis pictura Britannis, Cum virides algas et rubra coralia nudat *Aeſlus* et albentes concharum germina baccas cet. Becmannus intelligit fucum (*das Moos, die Flechte*) quo lana ante erat imbuenda, quam purpura tingeretur. Huic autem rationi repugnare videtur epith. *dinitis*, vixque probabile eſt, fucum a poeta inter aurum et gemmas eſſe poſitum.

v. 599. *Quis iunxit lapides ostro?* Burmanno diſplicet *iunxit*, dicitque, iungere lapides purpuræ nullam eſſe artem, præfert itaque *tinxit* ex conſ. Verum h. l. de artificio ſermo eſt, quo elaboratae ſunt Honorii veſtes. Senſus: quis tam artiſcioſe gemmas in veſte purpurea compoſuit. *Lapides* quidam putant eſſe vniones, v. Broukh. ad Tibull. I. 9. 39.

Sil. Italic. XII. 231. Margaritas certe gemmas vocari liquet ex Ammian. Marcell. XXII. 4. Notum eſt enim, ſub Maximiano Caſare vallo regis Perſarum direpto, gregarium quemdam poſt ſacculum Parthicum, in quo erant margaritæ, reſertum, proiectis imperitiâ gemmis, abiſſo pellis nitore ſolum contentum. Ignēs h. l. et gemmae ſunt et purpura propter fulgorem et ſplendorem. *Sidonii maris ignes* purpura eſt a Tyriis confecta, et ignes rubri maris margaritæ aut gemmae. Propert. II. 13. 17 ſeq. Tibull. II. 4. 27 ſeqq. III. 3. 17 ſeq. et IV. 2. 15 ſqq. Iteratum eſt prius: *quis iunxit lapides ostro? tribuere colorem* ſc. veſti.

v. 601. *subtemina* h. l. fila. Tibull. IV. 1. 121. materiam veſtis. *pondus*, gemmas, aurum. cf. V. 243. VII. 4. *Hydaspes*, India. Propert. II. 18. 10.

v. 602. *Maeonias*, Lydias.

v. 603. *transferret Lydia* cet. Dubium, quid voluerit poeta, utrum: Lydia te præferret Baccho, an: Lydia exiſtimaret, te Bacchum eſſe. Dixeriſ, ex eiſmodi

In te Nyssa choros; dubitarent Orgia Bacchi
 Cui furerent; irent blandae sub vincula tigres. 606
 Talis Erythraeis intextus nebrida gemmis
 Liber agit currus, et Caspia flectit eburnis
 Colla iugis; Satyri circum, crinemque solutae
 Maenades adstringunt edersis victricibus Indos;

cultu errorem illum nasci non potuisse, magis fortasse ex pulchritudine et iuuenescente Honorii aetate, sed cultui diserte causa seu erroris seu dubitationis h. l. assignatur. Quo cultu autem poetae antiquiores Bacchum finxerint, discas ex locis, quae Ruperti laudat ad Sil. Italic. VII. 194. *pampineos thyrsos*. Sensus: bacchantes cum hastis pampinea fronde circumuolutis ad te se conuerterent tamquam ad verum Bacchum seu Baccho potiozem.

v. 604. *Nyssa*, vrbs Indica, vel mons, in quo Bacchus a nymphis educatus esse dicitur. Schol. ad Aristoph. Ran. 218. Diod. Sic. III. 64. Heyne ad Apollod. pag. 563. et ad Virgil. Aen. VI. 806. *orgia*, οἱ ὀργιαζόμενοι.

v. 605. *Cui furerent*. Sacra Bacchica cum furore peragebantur, seu erant enthusiastica, vt notum est. *cui* i. e. in cuius honorem sacra celebrarent Stat. Theb. VII. 678 seq. *tigres*. Horat. od. III. 3. 13. Sil. Italic. XVII. 647 sqq.

v. 606. *Erythraeis gemmis* i. e. gemmis e mari rubro.

Tibull. II. 2. 15 seq. et III. 3. 17 seq. Martial. VIII. 28. 14. Alii a rege Erythra alii a colore rubro vocem ducunt cf. Freinshem. ad Curt. VIII. 9. 14. *nebrida*, pellem binuli, qua Bacchus et Bacchae erant induti. cf. Iani ad Horat. od. I. 18. 11. Ovid. Met. VI. 592. In eo, quod poeta gemmis Indicis nebrida Bacchi distinctam voluit, suae aetatis gustum secutus est, quae, vt in dicendi ratione ita et in corporis cultu longissime a pristini temporis simplicitate abfuit.

v. 607. 608. *Caspia colla*, tigrides Caspiae, a Caspiis, Asiae populo, ad mare Caspium. Epitheta huius ferae a regionibus petita sunt, vbi ferocissimae nascuntur, inde Armeniae, Hyrcanae, Caucasiae cet. dicuntur. *eburnis iugis*. Bacchus triumphans forsan respicitur. cf. Tibull. I. 7. 8.

v. 609. *Maenades*. Bacchum in expeditionibus comitabantur Maenades hasta pampinea armatae. Maenas armata occurrit apud Sil. Ital. III. 101. *hederis* pro vinculis utebantur.

Ebrius hostili velatur palmite Ganges. 610

Auspice mox laetum sonuit clamore tribunal;
Te Fastos ineunte quater solemnia ludit
Omina Libertas. Deductum Vindice morem
Lex celebrat, famulusque iugo laxatus herili
Ducitur, et grato remeat securior ictu. 615
Tristis conditio pulsata fronte recedit;
In ciuem rubuere genae, tergoque remouit

v. 610. *Ebrius Ganges* in vinum mutatus cf. supra I. 250 seq. et Nonni Dionys. XVII. 112. Seu in personam Ganges mutatus Bacchumque victorem ebrietate sua testans cogitandus est. *hostili velatur palmite*. Si personam cogitas, *velatur* h. l. est vincitur. Palmitum usus in vinciendo notus est ex Calpurn. Eclog. III. 71 seq. cf. Sidon. Apoll. carm. XXII. 41 seqq. *Corniger inde noui fit Ganges pompa triumphi. Cernuus impexam faciem stetit ore madenti et Arentes vitreis adiunxit sletibus undas. Coniectas in vincula manus post terga reuinxit Pampinus. Hic sensim captivo humore refusus Sponte refrondescit per roscida brachia palmes.* Si fluuium: *velatur* exprimit, vites repente natas esse in ripis.

v. 611. *Auspice clamore* i. e. adclamationibus felicia omina praefagientibus. cf. Ael. Lamprid. in Alexand. Sev. 6 seqq.

v. 612. 613. *quater* pro: quartum. *Libertas*, proprie consul, qui munus suum tunc

temporis manumissione solenni auspicabatur. cf. Vales. ad Ammian. Marcell. XXII. pag. 211. *omina*, ipsam manumissionem, quae boni ominis erat, quum actu benefico munus consularis iniretur. *ludit*; ad leuitatem actus illius pertinet. Notum est, in libera quoque republica consules a rebus leuibus munus suum auspicari solitos esse. *Vindice*. Nota res est ex Liv. II. 5.

v. 614. *Lex celebrat* pro: ex lege seu de more a consule celebratur ille actus sollemnis.

v. 615. *grato ictu* v. n. ad Pers. V. 88. *securior*, non amplius plagis obnoxius.

v. 616. *Tristis conditio*, seruilis conditio, seruitus. *pulsata fronte*. v. n. ad Pers. l. c.

v. 617. *In ciuem rubuere genae* i. e. illico, vt rubuere genae, alapa percussae, ciuis ex seruo factus est. Iam Tiberius seruos suos alapa manumittere solebat Phaedr. II. 5. in fine. qui mos per alapam manumittendi tunc sollemnis videtur fuisse. Sidon.

Verbera permissi felix iniuria voti.

Prospera Romuleis sperantur tempora rebus
In nomen ventura tuum. Praemissa futuris. 620
Dant exempla fidem. Quoties te cursibus aevi
Praefecit, toties accessit laurea patri.

Ausi Danubium quondam tranare Gruthungi
In lintres fregere nemus. Ter mille ruebant
Per fluuium plenae cuneis immanibus alni. 625
Dux Odothaeus erat Tantae conamina classis
Incipiens aetas et primus contudit annus.

Apollin. carm. II. 543 seqq.
ad *Ulpia* poscunt Te fora,
donabis quos libertate Qui-
rites, Quorum gaudentes ex-
ceptant verbera *in* *lae*.

v. 618. *iniuria*, alapa illa
infracta. *felix*, supra v. 615,
gratus ictus. *permissi*, con-
celli, indulti Stat. Silv. I. 2,
3. seq. *iniuria voti*, quam
iniuriam, ritum manumit-
tendi solemnem, vouerat.

v. 620, 621. *In nomen ven-
tura tuum*. *In nomen tuum*
interpretor: in annum, qui
tuo nomine, tam felix omen
habente, insignitus est. *prae-
missa futuris Dant exempla
fidem*. Sensus: Consulatus
tui tres priores, in quibus
res praeclare gestae sunt,
spondent, in reliquis seu
futuris eadem fore. *cursibus
aevi* i. e. annis, quibus sin-
gulis certus temporis cursus
absoluitur.

v. 622. *Praefecit* sc. pater.
Quoties te consulem fecit.
laurea, victoria. Quae gesta
erant, ea tribuuntur felicitati
et auspiciis Honorii.

v. 623. *Gruthungi*. v. Zo-
sim. IV. 35 et 38. Barbari,
quodcunque tandem nomen
eorum fuerit, nam in illo
magna est apud scriptores
varietas. Odotheo rege ausi
Istrum transire, magna clade
a Promoto duce repelleban-
tur. A. C. 386.

v. 624. *In lintres* cet.
Nauium numerum hoc de-
signat. Lucan. I. 306. Stat.
Achill. I. 428 seqq. Sidon.
Apollin. carm. VII. 325 seq.

v. 625. *cuneis*. Barbarorum
multitudinem notat, quae
lintrem complet. Heins. ad
Sil. Italic. IV. 144. *immani-
bus*, ad mores feroces spectat.

v. 627. *Incipiens aetas*.
cf. n. supra ad v. 154 seq. et
ad 366 seq. Heinsius censet,
posse etiam legi *incipiens
aestas*. *primus annus*, pri-
mus consulatus. *contudit*.
Quod factum est, auspiciis
Honorii tribuitur. De voce
ipsa v. Burmann. ad Ovid.
Fast. IV. 628. Iani ad Horat.
od. III. 6. 10. infra XXVIII.
302.

Submersae sedere rates; fluitantia nunquam
 Largius Arctos pauere cadauera pisces;
 Corporibus premitur Peuce; per quinque recurrens
 Ostia barbaricos vix egerit vnda cruores. (630
 Confessusque parens Odothaei regis opima
 Rettulit, exuiasque tibi. Civile secundis
 Conficis auspiciis bellum. Tibi debeat orbis
 Fata Gruthungorum, debellatumque tyrannum. 635
 Ister sanguineos egit te Consule fluctus:
 Alpinos genitor rupit te Consule montes.

v. 628. *sedere*. Burmannus coni. *fidere*, ut a *fido* deriuetur, quod proprie de navi in fundum eunte dicitur. v. eundem ad Quintil. Inst. II. 1. et ad Petron. 94. Equidem *sedere* h. l. esse puto: haerere in fundo.

v. 629. *Arctos pisces*. Pisces in Ponto, in quem devexisse Istrum cadauera fingit.

v. 630. *Peuce*, insula inter dextima duo Istri ostia. *per quinque*. Herodot. IV. 47. *πεντάστομον* Istrum appellat. cf. infra XXVI. 337. Dionys. Perieg. 401. Tacitus d. morib. G. et Plin. H. N. IV. 12. sex ostia ei tribuunt. Ovid. Trist. II. 189 seq. et Valer. Flacc. VIII. 185 seqq. cum Strabone VII. pag. 212. septem. *recurrens* pro: decurrens. Gesnerus docte hoc dictum ex illa sententia putat, quae fluuios omnes e mari oriri, eodemque recurrere statuit.

v. 631. *Confessus*, se quidem duce sed tuis auspiciis rem actam esse. v. n. ad VII.

89. et supra 621 seq. Zosimus, quem tamen inuidiae suspicio premit, negat Theodosium proelio interfuisse, omnemque eius victoriae gloriam ad Promotum desert.

v. 633. 634. *secundis auspiciis*, secundo consulatu. *civile*. Eugenius debellatus est. *tibi debeat omnis cet.* subintellige: dii volunt, ut; aut simile aliquid.

v. 636. 637. v. 637. *Alpinos genitor rupit te consule montes* sola Isengrinii Basiliensis edit. ex antiquissimo libro castigata habet. Heinsius hunc expungit ut languidum et Claudiano indignum. Barthius eundem retinuit et Gesnerus historicis rationibus pro eo pugnat. Verum est, Claudianum repetere solere, quae posuerit, sed semper fere ita, ut aucta vi eadem alia ratione iteret. Equidem non hunc modo versum sed etiam priorem 636. ex explanatione v. 636 seq. natum puto ad transitionem v. 638. *sed cet. explicandam*. Quod si

Sed patriis olim fueras successibus auctor,
 Nunc eris ipse tuis. Semper venere triumphi
 Cum trabeis, sequiturque tuos Victoria fasces. 640
 Sis precor assiduus Consul, Mariique relinquo
 Et senis Augusti numerum. Quae gaudia mundo,
 Per tua lanugo quum serpere coeperit ora,
 Quum tibi prodiderit festas nox pronuba taedas!
 Quae tali deuota toro, quae murice fulgens 645
 Ibit in amplexus tanti Regina mariti?
 Quaenam tot Diuis veniet nurus, omnibus aruis,
 Et toto dotanda mari? Quantusque feretur

vero v. 636. retinendus indicatur, et sequens retinendus erit, ne manca fiat repetitio. Ceterum varium usum *trabeis* rumpere apud poetas multis exemplis illustrarunt Heinsh. et Burmann. ad Valer. Flacc. l. 4. Mirum videri h. l. possit, poetam tertii consulatus Honorii mentionem nullam facere, qui fuit A. C. 396, quo tamen anno et Rufinus interfectus et Getis sub Alarico clades a Stilichone illata est Oros. VII. 37. Zosim. V. 7. Noluit hoc fortasse, ut gloriam rerum gestarum, quam alioquin Honorii auspiciis tribuere debuisset, Stilichoni illibatam seruaret.

v. 638. *auctor*, auspiciis sc. tuis.

v. 639. 640. *Nunc eris ipse tuis*, ut Imperator et consul. *semper venere triumphi* ceterum. Non vniversedictum puto, sed consulatus (*trabeas*) Honorii respici. Elegans Burmanni coniect. *suos pro tuos*. exprimit enim Victoriam Honorii

trabeis additam et propriam. *relinquo*, superes. *Marii*, septimum consulis. Lucan. II. 130.

v. 642. *Augusti* tertium decimum consulis. Sueton. August. 26. cf. Anson. in Pannegyr. Vet. XI. 11. Gesnerus existimat, Domitianum XVII consullem ominis causa non esse appellatum.

v. 644. *nox pronuba* vocatur h. l., quia ex vetere ritu deductio sponsae cum facibus in domum sponsi ad vesperum fiebat, et quia concubitu nuptiae potissimum celebrantur. *prodiderit*, protrulerit. Heinsh. laudat Virgil. Aen. II. 260. Valer. Flacc. VIII. 17. vbi v. Burmann. Plura ad pronubae officium spectantia leges in Epithal. Laurent. et Mar. Poet. l. m. T. IV. P. II. a. v. 67 seqq.

v. 645. *deuota*, destinata.

v. 647. *Diuis*, maioribus tuis. *omnibus aruis* Et toto dotanda mari i. e. omnibus diuitiis et maris et terrae,

Idem per Zephyri metas Hymenaeus et Euri!

O mihi si liceat thalamis intendere carmen 650

Connubiale tuis, si te iam dicere patrem!

Tempus erit, quum tu trans Rheni cornua victor,

Arcadius captae spoliis Babylonos onustus,

Communem maiore toga signabitis annum,

Crinitusque tuo sudabit fasce Suëvus; 655

Ultima fraternas horrebunt Bactra secures.

sc. vt te digna veniat. Comparant Virgil. Georg. I. 31 sq.

v. 649. *quantusque feretur* cet. Sensus: quantopere illae nuptiae celebrabuntur et per Occidentem et per Orientem.

v. 650. *intendere*. vel: intendere fides seu nervos ad carmen in nuptias tuas, vel: intendere carmen, vt telum aliquod, nuptiis. Pindar. Olymp. II. 150 et 160 seqq. Sil. Italic. II. 114.

v. 653. *Babylonos*. Nemesian. Cyn. 72. Martial. VIII. 28. 17.

v. 654. *maiore toga*. Vtroque Augusto consulatum simul gerente, quo toga seu consulatus maiorem etiam dignitatem accepturus sit.

v. 655. *sudabit fasce*. Ille consulatus pernicipi seu gra-

vis erit Sueuis. Minus bene Gesnerus: Sueuus gerebit fasces. Nam barbaros ad fasces gerendos adhibitos esse nusquam me memini legere. Barthius sub *fasce* sarcinam militarem intelligit, laudans Virgil. Georg. III. 346 seqq. hoc sensu: sub te militabit. *crinitus Sueuus*. Tacit. de Mor. G. 38. Insigne gentis obliquare crinem nulloque substringere cf. Iuvenal. XIII. 164 seqq.

v. 656. *Bactra*, regia Bactrianæ regionis. Victoriae de Germanis Parthis et Indis saepius a poetis Imperatoribus votae atque praedictae sunt, quam ab his reportatae. Sil. Ital. III. 612 seqq. Sidon. Apoll. carm. VII. 600 seqq.

IX.

CL. CLAUDIANI
IN NVPTIAS
HONORII ET MARIAE
PRAEFATIO.

ARGVMENTVM.

In nuptiis Pelei et Thetidos, quas omnes dii in Chironis antro in monte Pelio concelebrabant, Terpsichore musa prima cecinit molle carmen rebus ac tempori aptum, quod Ioui reliquisque diis probabatur, Centauris autem et Faunis minus. Septimo tandem die Apollo ipse lyram tentat, nobiliusque carmen canit, quo Achillem praedicat ex illo matrimonio esse naturum.

Surgeret in thalamum ducto quum Pelion arcu,

COMMENTARIVS.

Hoc carmen, quo epithalamio prolusit, inter pulcherrima censendum est, cui, ut ex argumento facile colligi potest, peruersum quorundam hominum iudicium de carminibus, quae prius in nuptias Honorii et Mariae scripserat (fescennina putantur fuisse) ansam praebuit. Simplicem sententiam: *quos prius fudi versus, ii quibusdam, quia molles essent, minus placebant: iam carmen sublimius pangam*, antiqua narratione de Pelei et Thetidos nuptiis inuolutam eleganti consilio extulit ita, ut hac prolusione nihil aptius

cogitari possit, et oblique simul quasi id non agat, stuporem notat eorum, qui iniqua censura ipsius indignationem prouocauerant, verum ita, ut summam humanitatis speciem in ipsa castigatione exhibeat. Illa autem narratione apte utitur. Comparantur enim tacite Honorius et Maria cum Peleo et Thetide, ipsi conuiuae cum diis, et spes ex illo matrimonio futura cum Achille. Sub Ioue intellexit forsitan Stilichonem; ipse se cum Musa et Apolline comparat. Centauri et Fauni iniqui sunt censores. Absit autem, ut

Nec caperet tantos hospita terra Deos;

omnia ad vinum refecimus, quod in nulla imagine, qua poeta aliquis vtitur, nec in similitudine vlla fieri debet, nisi omnem venustatem iugulatam velis. Ad dialectices praecepta philosophi omnia renocent vt par est, poetis liceat liberiori cursu ferri, easque similitudines sectari, quae, etiamsi in omnibus, vel minimis rebus, id quod fieri omnino nequit, non conueniant cum re depingenda, venustissimis tamen imaginibus pulchri sensum maxime delectent. De re ipsa v. Homer. Il. ω. 61 seqq. Pindar. Pyth. III. 165 seqq. Nem. V. 40 seqq. ibi Schol. Catull. LXIV. ibi Doering in praef. adde Euripid. Iphig. in Aul. 1036 seqq. Quint. Calab. IV. 131 seqq.

v. 1. *Pelion* Thessaliae mons, sedes Centaurorum. *quum surgeret arcu ducto in thalamum* i. e. quum specus in illo monte exstrueretur et adornaretur, vt nuptiae Pelei et Thetidos in eo possent celebrari magna deorum frequentia. In monte autem exstructum esse specum, indicat *surgeret*, et de specu sermonem esse, *ducto arcu* innuit. *Thalamus* autem hic locus est, vbi nuptiae celebrantur, non conclaue aliquod peculiare ab illo diuersum. *Genensis arcu ducto* explicat: camera formata ex

viridibus in thalamum surrexit, magnifice eductum et exornatum est antrum Pelion. Apud Catull. LXIV. 289 seqq. quidem de frondibus et arboribus sermo est, quibus tamen non camera exstruitur, sed antri vestibulum exornatur, vt solebant Romani postes in nuptiis. Prior ratio mihi magis placet, quum quia antrorum mentio fit v. 10, tum quia ingenio Claudiani, qui noua et inusitata amat, accommodatior esse videtur. *Arcum* veteres hoc sensu non dixisse, sed *fornicem*, obseruat Spanhem. d. V. et P. N. XIII. pag. 653, addit tamen, ita vsurpatum esse a Sueton. in Claud. 1 et 11. et a Tacito (Annal. XV. 8.) Sic ab Ovid. Met. III. 30. *Ducere* saepe ponitur pro: struere. Broukh. ad Propert. I. 7. 1. Oudendorp. ad Lucan. VI. 39. cf. Ovid. Met. III. 159 seq. Illo *surgunt* non solum exstructio oculis quasi proponitur, sed ad sensum accommodate ipsum opus quodammodo animatur. Hunc versum ita imitatus est Sidon. Apollin. carm. X. 1 seq. *Flucticolae quum festa nurus Pagasaea per antra Rupe sub Aemathia Pelion explicuit.*

v. 2. *tantos*, tantam multitudinem. Omnes enim dii adfuisse dicuntur. cf. Homer. Il. ω. 62 seq. Apollon. Rhod.

Quum socer aequoreus, numerosaque turba sororum
 Certarent epulis continuare dies;
 Praeberetque Ioui communia pocula Chiron, 6
 Molliter obliqua parte refusus equi;
 Peneus gelidos mutaret nectare fontes,
 Oetaeis fluerent spumaea vina iugis:
 Terpsichore facilem lasciuo pollice mouit

IV. 807 seqq. Quint. Calab. IV. 505q. *hospita terra*, quae deos exceperat. Nihil aliud exprimitur quam conuiuium coelestium multitudo, rationem autem ipsam, qua id factum est, non ad amussim exegit poeta.

v. 3. *socer aequoreus*, Nereus pater Thetidos, hunc facit poeta epularum praebitorem. *sorum*, Nereïdum. Numerum earum diuerse exhibent antiqui. Homer. II. 6. 39 seqq. Hesiod. Theog. 243 sqq. Propert. III. 5. 33. Apollod. I. 2. 7.

v. 4. *certarent*, operam darent, ut cet. studerent. Aen. Virgil. V. 194. *continutare dies epulis* pro: epulas per plures dies. Burmann. laudat. Ovid. Heroid. XV. 90. Fast. II. 54.

v. 5. *Chiron*, Centaurus, Pelei amicus, cuius consilio prudenti, ut quidam narrant, Thetidem debebat. Apollod. III. 13. 3. *communis pocula* sc. cum reliquis conuiuiis. Hilaritas conuiuii indicatur summaque familiaritas, qua dii, dignitatis suae obliti, aduersus reliquos conuiuias vsi sunt. Et dii et qui praeterea aderant, fruebantur pa-

ratio; quilibet pro virili laborabat laetitiam communem augere.

v. 6. *Habitus Chironis*, qui hic pingitur, eodem spectat. Oblitus Iovis reliquorumque deorum praesentiae bonus ille centaurus commoditati suae indulget, *molliterque refusus* i. e. negligenter abiectus et in latus inclinatus, quasi inter suos aequales, ad bibendum Iovem ipsum inuitat. Quae adiecta sunt: *obliqua parte equi*, picturae centauri in latus inclinati inseruiunt. Hoc fere posita Centaurum feminam pinxit Zeuxis. Lucian. in Zeux. c. 4. T. I. pag. 841. ed. Reiz. cf. Orph. Argonaut. 392 seqq.

v. 7. *Peneus Thessaliae* fluuius notissimus. Ipsa natura in nuptiarum honorem mutata est. *nectare*. cf. I. 250 seqq.

v. 8. *Oetaeis iugis*. *Oeta* Thessaliae mons.

v. 9. *Terpsichore*. Apollinem et Musas in illis nuptiis cecinisse Homerus auctor est. Pindar. Nem. V. 40 seqq. πρόφρων δὲ κακείνοισ ἀείδεν Πάλλω Μοισᾶν ὁ κάλλιστος χορὸς.

Barbiton, et molles duxit in antra choros. 10
 Carmina nec superis, nec displicuere Tonanti,
 Quum teneris nossent congrua vota modis.
 Centauri, Faunisque negant. Quae flectere Rhoeton,
 Quae rigidum poterant plectra mouere Pholum!

Noster ad suum consilium narrationem adcommodat, Musarum vnam inducens canentem chorumque ducentem et quidem Terpsichoren. In huius delectu nomen ipsum secutus esse videtur, quod molles modos ei tribuit, tum etiam, quod illa Musa dicitur saltandi artem inuenisse. Schol. ad Apollon. Rhod. III. 1. *Barbitos* lyra maior septem chordarum sono grauiore. *pollice mouit*. vel pollice pulsabantur chordae vel plectro. v. n. ad Pers. VI. 5. *mouere lyram* solemne. Ovid. Amor. I. 1. 12. *facilem*, carmen exprimit non multi studii et laboris, et *lasciuo*, molle et modis et argumento. Illud genus intelligitur, quod cani solebat in nuptiis ante thalami fores, dicteria continens iocosque petulantiores. Catull. LXI. 126 seqq.

v. 10. *molles choros*. Propert. II. 25. 42. Burmann. ad Calpurn. Eclog. IV. 129, infra XLIV. 51. Saltationis genus intelligit carmini molli et lasciuo conueniens.

v. 11. 12. Diis, iustis rerum aestimatoribus, probabantur carmina, *quum nossent congrua vota teneris modis* i. e. quum nossent mo-

dos teneros congruos esse votis, nuptiis celebrandis, amoris desiderio, quo Peleus et Thetis tenebantur, omninoque nuptiarum festiuitati. X. 21. Ex his colligi potest, poetam iam ante carmen nuptiale condidisse, quod iudices nimis seueros et morosos quosdam offenderat, etiamsi et rei et tempori fuisset aptum. *modi teneri*, amatorii, molles.

v. 13. 14. *Centauri Faunisque negant* sc. tibi placere hos cantus. Bene haec in Burmanniana ed. distincta sunt. Gesnerus post *negant* habet (,) quo sensus plane turbatur. Sub *Faunis* non lasciuos illos deos agrestes intelligit poeta, quales communi ratione finguntur, sed rudes indoctos et ab literarum elegantia remotissimos, in quorum auribus venustus Musarum cantus perierit. *quae flectere* cet. Non mirum est, obtuso illorum iudicio Musae cantus displicuisse, nam quae carmina *Rhoetum* et *Pholum* mouere poterant! Hos autem posuit, quia eorum feritas et immanitas ex iis, quae in nuptiis Pirithoi et Hippodamiae acciderant, satis nota est Ovid.

Septima lux aderat coelo, totiesque renato 15

Viderat exactos Hesperus igne choros.

Tum Phoebus, quo saxa domat, quo pertrahit ornos,

Pectine tentauit nobiliore lyram;

Venturumque sacris fidibus iam spondet Achillem,

Iam Phrygias caedes, iam Simoenta canit. 20

Fronoso strepuit felix Hymenaeus Olympo,

Reginam resonant Othrys et Ossa Thetin,

Met. XII. 210 seqq. Virgil.

Georg. II. 455 seqq. Valer.

Flacc. I. 140 seqq.

v. 15. 16. *choros* sc. stellarum. Valer. Flacc. V. 566. *renato igne* ad stellas pertinet, quae orto sole euanuerunt. Gesnerus legit *renatus*, ut ad Hesperum referatur, quod minus placet. *Hesperus* v. n. ad Sil. Italic. VII. 639 sq. Stellae, ubi sol occidit, post Hesperum rursus splendescere incipiunt.

v. 17. 18. *Pectine tentauit lyram*, ἀνεβάλλετο, canere incipit lyra. *pectine nobiliore* oppositum τῷ pollice *lasciuo* v. 9. *Pecten*, plectrum est. *quo*, pectine, seu cantu sublimiore versibus lascinis et amatoriiis opposito. De pectine seu plectro cf. Perizon. ad Aelian. V. H. III. 32. 5. *saxa domat*, cuius itaque cantus vim et Fauni sentire potuerunt. Quint. Ca- lab. III. 103 seqq. Catullus l. c. 300 seqq. remouit ab his nuptiis Apollinem et Dianam, sapientiusque in hoc

rationem instituit quam Ho- merus et reliqui, ut Doering quidem existimat, non omni- no mihi persuadens.

v. 19. *sacris*, diuinis. *spondet* cum delectu pro: canit; auctoritatem enim va- ticinantis exprimit.

v. 20. *Phrygias caedes*, res gestas seu potius geren- das olim Graecis ad Troiam, quarum maxima pars Achil- les erat futurus. *Simoënta*. Pugnae ad Troiam magnam partem inter Simoënta et Scamandrum factae sunt. Ho- mer. II. μ. 22 seqq. Heyne de acie Homérica in Com- mentar. Soc. R. G. T. VI. pag. 154.

v. 21. *strepuit*. Apollinis cantus in Pelio monte Olym- pum quoque montem pepu- lit, indeque percussus est.

v. 22. *Othrys et Ossa*, Thessaliae montes. *resonant Thetin* Virgil. Eclog. I. 5. *re- ginam*; erat enim Pelio regi- nupta. Apud Catull. l. c. 324 seqq. Parcae sustinent Apollinis vices.

X.

CL. CLAUDIANI

DE NVPTIIS

HONORII ET MARIAE.

ARGVMENTVM.

Principio conditio Honorii amantis describitur, qui, in amore vadis, variis, quos sentit, aestus ipse sibi explicare nequit. Omnia, quae ante placuerant, nunc displicent, totusque ille desiderio suo occupatus est. v. 1—10. Praeparat dona sponsae suae, moraeque, quam Stilacho socer sacro videbatur, impatiens, tacite secum, indignatur, promissa nimis differri, quum tamen more legitimo eam petierit, quam pater sibi desponderit cognatam, nec ipse Augustus ad proci partes descendere erubescit. Patrem adpellat et matrem, ut tandem puellam, multis nominibus sibi debitam, tradant. v. 10—46. Quibus auditis Amor laetus Cyprum contendit, ubi Veneris est sedes. In montis vertice planities est muro aureo circumdata, quae floret vere perpetuo. In nemore nullae aves inveniuntur, nisi quae Veneri vocem probauerint. Arborea ipsae amoris vim sentiunt. Duo fontes ibi sunt, alter dulcis aquae alter amarae. Amores cum cupidine ibi ludunt. Quaecunque amor insunt, aut amantibus accidere solent, in personas mutata suas ibi sedes habent. v. 47—85. Templum Veneris ipsum gemmis exstructum est. v. 86—96. Amor matrem comentem se inuenit, Gratiis seu puellis cubiculariis ipsam ornantibus cinctam. v. 97—108. Natum mater victoria superbientem amplectitur, quaeque sit tantae laetitiae causa quaerit. v. 109—116. Honorium suis telis saucium esse gloriatur, remque omnem matri ordine exponit. v. 117—121. Illa, reliquis rebus omissis statim cingulo suo se armat, Amoresque praemio proposito dimittit ad Tritonem sibi arcessendum. v. 122—134. Is tum forte cum Cymothoe ludens ab uno Amorum inuentus ad Venerem raptim adducitur. v. 135—151. Iam poeta Veneris iter per mare describit, quam omnes dii marini comitantur, et Nereides monstris vectae. In itinere dona nuptialia e mari colliguntur. v. 152—179. Venus ad Liguriae oram adpellit petensque Mediolanum praesentiam suam signis manifestat. v. 180—189. Auocato deinde Marte bellum perumper cessare iubet. v. 190—201. Tum comitibus suis partes distribuit, quae cuique peragenda sint in aedibus ad nuptias futuras exornandis et in thalamo magnifice exstruendo. v. 202—227. Quo facto domum sponsae se confort, inuenitque Mariam poetarum libros volventem, matremque in eius institutione occupatam. v. 228—237. Venus adparet, utriusque formam admirata

R

puellam salutat. v. 250 — 251. Docet, cuius rei causa iter suscepit, ne nuptiae diutius differrentur. Mariae debori diadema et genere et maximo pulchritudine atque venustate, qua omnibus antecellat feminis. Ab omnibus gentibus reginam illam agnitum iri. v. 252 — 281. Quibus dictis sponsam ipsa exornat; pompa paratur Honorio deductionis tempus auide expectante, v. 282 — 294. Milites interea, albis vestibus induti Stilichonem floribus spargunt. eiusque laudes celebrant et res belli domique gestas; formam imperatoriam laudant, aequitatem et iustitiam extollunt, lactitiamque suam ob futuras nuptias significant. v. 295 — 341.

Hauferat insolitos promissae virginis ignes
 Augustus, pronoque rudis flagrauerat aestu;
 Nec nouus vnde calor, nec quid suspiria vellent
 Nouerat incipiens, et adhuc ignarus amandi.
 Non illi venator equus, non spicula curae, 5

COMMENTARIUS.

De epithalamiis, ad quod carminum genus hoc quoque pertinet, docte et copiose disputauit Wernsdorf in Poet. lat. m. T. IV. P. II. p. 462 sqq.

v. 1. *ignes* pro amore ardenti poni ex Catullo aliisque satis notum est. Barthius comparat Virgil. Aen. IV. 1 seq. Magis tamen huc pertinere videtur Ovid. Met. X. 252 seq. cf. Apollon. Rhod. III. 284 seqq. Theocrit. XIV. 23. Sensus: virgo promissa, Maria Stilichonis filia, insolitum amoris ardorem Honorio excitauerat.

v. 2. *prono aestu*. *Aestus* est *pronus*, qui magna et subita incrementa capit Ovid. Met. IX. 560. Amoris aestum declamatorie describit Senec. Hippolyt. 640 sqq. *rudis*, amoris nondum expertus.

v. 3. *calor* i. q. supra *ignes*, *aestus. nouus*, quem nondum

senferat. *nec quid suspiria vellent* i. e. quae causa esset suspirii. Describit Honorium Noster amoris plane rudem. Sciebat quidem, Mariam sibi esse promissam, puellaque ipsi vehementer placebat, nihilominus se sensit ignoto aliquo desiderio teneri, cuius causa iuuenem moribus incorruptis pudiceque institutum adhuc latebat. Erat aliquid praeter formam puellae, quo ad properandos hymenaeos adduceretur, impetus naturae, quem plane intelligere vix iuuenis factus non poterat. cf. Stat. silv. I. 2. 33 seq. Maximiani eleg. III. 7 seqq. Poet. lat. m. T. VI. pag. 331.

v. 4. *incipiens et adhuc ignarus a.* periphras. τοῦ *rudis*. *Incipiens* sc. amare.

v. 5. *Non illi venator equus. venator* eleganter,

Non iaculum torquere libet. Mens omnis aberrat
 In vulnus, quod fixit Amor. Quam saepe medullis
 Erupit gemitus! quoties incanduit ore
 Confessus secreta rubor, nomenque beatum
 Iniussae scripsere manus! Iam munera nuptae 10
 Praeparat, et pulchros, Mariae sed luce minores,

pro: venatorius. Sens.: studia priora non amplius placebant. Hoc et quae sequuntur naturae rei sunt accommodata.

v. 6. 7. *Mens omnis aberrat In vulnus, quod fixit Amor.* Sic Heinsius optime, eumque secutus est Gesnerus. *Vulnus* est desiderium amoris. Illud inspiravit Cupido, *is fixit vulnus*, ut apud Stat. silv. I. 2. 8; seq. Ut enim *vulnus* pro telo quocunque ponitur, sic quoque dici potest: *figere vulnus*. Iam vero desiderio hoc totus occupatus erat Honorius, hoc bene expressum est per: *omnis eius mens aberrat in vulnus* i. e. nihil praeter vulnus sentit. Nec video sane, cur ex Heinshii lectione explicandum sit: *vulnus, quod fixit Honorius in pectore Mariae*, ut Burmannus arbitratur, quo, ut ipse vidit, nullus sensus idoneus efficitur. Praefert alteram lectionem: *mens omnis aberrat in vultus, quos finxit Amor* i. e. ut ipse explicat, in vultus Mariae pulcherrimae puellae. Hoc per se et bonum sensum habet

et elegantem, verum dubito, veteres hac ratione pulchritudinem expressisse, saltem simile aliquid me umquam legere apud antiquos poetas non memini. *medullis* pro: imo. Virgil. Aen. II. 288.

v. 8. *Erupit gemitus*, maiore cum vi, quam: ex imo edidit seu traxit gemitum, quod apud alios saepe occurrit. In *erumpit* vis latet, qua gemitus diu repressus tandem ab inuito editur. *incanduit ore* pro: transit in ora, subit, notat ora; sed illud maiore cum delectu, quia rubor ignis occulti signum est vel ab amore vel a pudore suscitati.

v. 9. *Confessus secreta rubor.* Apollon. Rhod. III. 298 sqq. Stat. Achill. I. 303 sq. *beatum* i. e. puellae, cuius possessione beatum se fore putabat.

v. 10. *Iniussae scripsere manus.* Saepe id nor. agens scribebat nomen, quod totam eius mentem occupauerat. Ovid. ex Ponto IV. 1. 11 seq.

v. 11. *luce minores.* cf. Stat. Achill. I. 297 seqq.

R 2

Eligit ornatus, quidquid venerabilis olim
 Liuia, Diuorumque nurus gessere superbae.
 Inculsat spes aegra moras, longique videntur
 Stare dies, segneinqua rotam non flectere Phoebe. 15
 Scyria sic tenerum virgo flammabat Achillem,
 Fraudis adhuc expers, bellatricesque docebat
 Ducere fila manus, et mox, quos horruit Ide,
 Thessalicos roseo pectebat pollice crines.

v. 12. 13. *venerabilis Li-
 via.* *Liuiam* Augusti conse-
 cratam esse constat. *Diuo-
 rum nurus* sunt coniuges et
 filiae Imperatorum. Gesne-
 rus probabile putat, thesau-
 ros Cleopatrae et Orientis,
 quos Liuia possederit, eius
 mundum cum reliquo instru-
 mento per Poppaeas et Fau-
 stinas etiam ad eos peruenire
 potuisse, qui deinde per vim
 imperio potiti sint. Potuit
 etiam rem poeta ita fingere
 ex more antiquo, quo ista
 περιμήλια seruabantur, quum
 recentiores Imperatores vi-
 deri cuperent ab antiquiori-
 bus originem ducere, aut
 eiusdem cum illis familiae
 esse. Mihi autem Noster ni-
 hil aliud indicare voluisse vi-
 detur, quam magnificentiam
 ornatus. Honorium, ait, ea
 omnia elegisse, quibuscum-
 que Imperatorum feminas
 olim ornatas fuisse fama au-
 diuerit, vt eodem ornatu sua
 sponfa conspiceretur. *super-
 bae*, magnifice excultae.

v. 14. *spes aegra*, diu
 nempe elusa et protracta.

v. 15. *Stare dies* de tem-
 pore, quod cessare videtur,

vt *ire dies*, de eo quod in
 cursu est, saepe usurpatur
 cum delectu pro: esse. *ro-
 tam*, currum.

v. 16. *Scyria*, Deidamia
 Lycomedis filiarum vna, in-
 ter quas Thetis Achillem
 cultu puellari esse voluit.
 Pulchritudinem huius puel-
 lae depinxit Stat. Achill. I.
 293. De fabula v. Ovid. A.
 A. I. 681 seqq. *flammabat
 Achillem.* Vt graeci καίεν
 Callimach. H. in Apoll. 49.
 cf. Stat. Achill. I. 297. Bar-
 thius ad eundem Theb. III.
 5. h. l. amorem inspirabat.

v. 17. *Fraudis adhuc ex-
 pers* i. e. nondum compressa
 ab Achille. cf. Bion. Idyll.
 VII. 27 sqq. Stat. l. c. 558 sqq.

v. 18. *Ide* vicinus Troiae
 mons, pro: Troiani. Stat.
 Achill. II. 198.

v. 19. *pectebat.* Ex Pro-
 pert. III. 8. 14. Petron. 126.
 videri posset, melius esse
flectebat, sed praecessit v.
 15. *Thessalicos*, Achilles
 erat ex Thessalia. *roseo pol-
 lice* pulchritudinem indicat.
 Valer. Caton. Dir. v. 114.
*Aut roseis digitis viridem
 decerpserit uvam.* Notissi-

Haec etiam queritur secum: Quonam vsque verendus
 Cunctatur mea vota socer? quid iungere differt (10
 Quam pepigit, castasque preces implere recusat?
 Non ego, luxuriam regum, moremue secutus,
 Quaesiui vultum tabulis, vt nuntia formae
 Lena per innumeros iret pictura penates; 25
 Nec variis dubium thalamis lecturus amorem
 Ardua commisi falsae connubia cerae.

num est ῥοδodάκτυλος Homericum.

v. 20. *verendus*, venerabilis.

v. 21. *socer*, Stilicho.

v. 23. 25. *luxuriam moremque* i. e. mores luxuriosorum. *tabulis* sc. pictis. Hoc dicere vult, se non elegisse puellam ex pictis tabulis more regum quorundam, ita vt *lena pictura iret* (iuisset) *per innumeros penates*, i. e. vt pictores misisset per multas aedes, quae puellas formosas continere dicerentur, quo depictis earum formis sibi que adportatis pulcherrimam eligeret, sponsamque suam faceret. *Pictura*, quae h. l. ars est, *lena* vocatur, quia commendat puellam, eumque, qui contemplatur effigiem, in amorem eius pellicit. Ovid. A. A. III. 316 et 752. Amor. III. l. 43 seq. *nuntia formae* ad picturae vim pertinet. Tale aliquid de Eutropio eunucho narrat Zosim. V. 3, qui Eudoxiae imagine Arcadium induxit, vt hanc praeferret destinatis filiae Rufini nuptiis.

v. 26. 27. *Nec lecturus dubium amorem* i. e. puellam de cuius forma adhuc dubitari possim, an mihi se probatura sit. Nam *amor* pro eo etiam ponitur, quod amatur Ovid. Heroid. XVI. 96 sq. *variis (e) thalamis* h. l. i. q. supra *penates*, vbi commorari dicerentur pulchrae virgines. *ardua connubia*, summa connubia, Imperatoris summi connubium, qui in deligenda sponsa cum summa cura et diligentia versatur. *falsae cerae* hoc interpretor: literis eorum, qui circa thalamos remotos missi sunt ad circumspiciendas pulchras puellas, quarum literarum descriptionibus non magna fides habenda est, quaeque saepe lectorem in fraudem agere solent. Ovid. Met. IX. 521 et 600. Alii aliter hunc locum difficilem et obscurum expedire conantur. Barthius *falsae cerae* explicat: colori fucoque fallenti, et formosiores referenti puellam, quam sit, *Ceram* enim *fucum* vel pigmentum etiam notare, aut colores, quibus

Non rapio praeceps alienae foedera tetae,
 Sed quae sponsa mihi pridem, patriisque relictas
 Mandatis, vno materni sanguinis ortu 30
 Communem partitur auum. Fastigia supplex
 Deposui, gessique procum. De limine sacro
 Oratum mihi procures, qui proxima nobis
 Iura tenent. Fateor, Stilicho, non parua poposci:
 Sed certe mereor princeps, hoc principe natus, 35

pictores videntur, docuit in Aduersar. XXXVII. 9. cf. Stat. silv. I. 1. 100, III. 1. 95. et 3. 201. Gesnerus imagines cereas intelligit, quales in atris veterum exponerentur Ovid. Amor. I. 8. 65. Burmannus censet, falsas ceras de tabulis sponsalitiis posse capi, ut tangatur Arcadius, qui (Burmanni verbis utar) videtur fluctuasse et Rufini filiam sibi desponsasse, quum subito et inscio Rufino Bauto filiam sibi iunxerit, ut ita dubius pudorem laeserit variis thalamis, iisque indignis Imperatore. Verum haec ratio mihi minime satisfacit. Heinsius ex vestigiis Medicei cod. locum ita legendum proponit: *Nec variis dubium thalamis laesura pudorem Ardua commisi falsae connubia cerae.*

v. 18. *praeceps*, nullius rei ratione habita, *ohne Umstände*, aut per vim. *foedera tetae* ut *foedera thalami* sunt matrimonium. *alienae*, ab aliis initum. Intelligit autem feminam ab alio iam in matrimonium ductam, uxorem alienam. Negat se uxorem

alii per vim et iniuriam abducere conari. Barthius profert exemplum Augusti, qui Iuliam Drusillam Neroni abduxerat, Sueton. August. 61.

v. 29. 31. *patriisque relictas Mandatis*. Haec in gratiam Stilichonis non ad fidem historicam posuisse Noster videtur. *vno materni sanguinis ortu Communem partitur auum*. Theodosius M. Sere nam Honorii fratris filiam et matrem Mariae, adoptaverat, inde erat Theodosius Comes avus et Honorii Aug. et Mariae.

v. 32. *fastigia Deposui*, quia supplex petiuerat, quum iubere potuisset. Ex nostro sensu hoc vix potest placere. *de limine sacro Proceres* i. e. aulicos dignitate ab Imperatore proximos. *limen sacrum*, aulam aut palatium significat.

v. 33. *oratum mihi*. Phaedr. IV. 7. 1 seq.

v. 34. *fateor, Stilicho* cet. Burmannus putat, colorem ductum esse ex Ovid. Heroid. XVI. 19. Met. XIII. 16.

v. 35. *hoc Princeps*. Burmanno magis placet *sed Prin-*

Qui sibi te generum fraterna prole reuinxit,
 Cui Mariam debes. Foenus mihi solue paternum;
 Redde suos aulae. Mater fortasse rogari
 Mollior. O patrum germen, cui nominis heres
 Successi, sublime decus torrentis Iberi, 40
 Stirpe soror, pietate parens, tibi creditus infans,
 Inque tuo creui gremio, partuque remoto
 Tu potius Flaccilla mihi. Quid diuidis ergo
 Pignora? quid iuueni natam non tradis alumno?
 Optatusne dies aderit? dabiturne iugalis 45
 Nox vnquam? Tali solatur vulnera questu.

Risit Amor, placidaeque volat trans aequora matri

cipe. v. eum ad Ovid. Met. V. 16. infra XXXVI. 409.

v. 36. generum v. not. ad 29. 31. fraterna, Honorii fratris. Eius enim filiam Serenam a Theodosio M. adoptatam in matrimonium duxerat Stilicho.

v. 37. foenus, filiam Serenae, quae, tamquam fors seu caput, tibi a patre credita est.

v. 38. Redde suas aulas cf. infra XIII. 5 seq.

v. 39. patrum germen, Serenam. cui ad patrum pertinet. Patrum nomen gerebat Honorius Augustus, ut ex stemmate adparet.

v. 40. sublime decus Iberi. v. supra VII. 189. torrentis Lucan. VII. 15.

v. 41. Stirpe soror, v. not. ad 29. 31.

v. 42. Inque tuo creui gremio. cf. l. 144. partu remoto, si non respicias, quod mater me genuit. Ceterum Flac-

cilla mater Honorio admodum puero mortua eius educationi et institutioni inservire non potuit.

v. 44. Pignora, se ipsum intelligit et Mariam.

v. 45. iugalis, h. l. actiue, quae iungit. Sic tacdae iugales vocantur Ovid. epist. IV. 121. Met. I. 483.

v. 46. vulnera dolorem ex desiderio ab amore excitato.

v. 47. Cogitandus est Cupido, postquam telis suis Honorium fixit, illi adstare et vim vulneris facti expectare, ita tamen, ut ab humanis oculis non conspiciatur. Quare quoque supra v. 7. Cupidinia mentio apte facta est. Hic nunc rebus bene gestis laetitia victoriaque paene superbientia ad matrem auolat rem tam laetam tamque expectatam ei nunciaturus. placidae. Epitheton hoc egregie explicatur a Lucret. l. 6 seqq.

Nuntius, et totas iactantior explicat alas.

Mons latus Ionium Cypri praeruptus obumbrat,
Inuius humano gressu, Phariumque cubile 50
Proteos, et septem despectat cornua Nili.
Hunc neque canentes audent vestire pruinae;

v. 48. *iactantior*, animo elatione *totas explicat alas*, celeritatem exprimere videtur, qua ad matrem properat. cf. Sidon. Apollin. carm. XI. 55 seqq.

v. 49. Adcurate poeta regiam describit seu sedes Veneris in insula Cypri, quam maxime ab illa dea cultam fuisse tradidit iam Homerus H. in Ven. 38 seqq. cf. Virgil. Aen. I. 415 seqq. Descriptio haec inter pulcherrimas iure referenda esset, si poeta, saeculi genio nimis indulgens, simplicitati magis studuisset, dignitatemque et amoenitatem loci in decora eius specie magis, quam in materiei magnificentia posuisset. Quamquam hoc temporis vitium videtur fuisse non poetae, tamen in hoc ille peccauit, quod non naturam ducem, sed corruptum aequalium iudicium secutus est. Sed in hoc ab imitatore suo longe a tergo relictus est, adeo omnia rebus pretiosissimis non ornauit sed exoneravit Sidon. Apollin. carm. XI. 1 seqq. *Ionium*. Male Gesnerus eoum contra Heinsium defendere conatur. Non attendit, poetam Paphum intellexisse, quod adparet ex

v. 48 et 54, quaeque vrbs Nili ostia spectat. Ea autem sita est in litore occidentali, quod etiam per *latus Ionium* indicatur i. e. quod versus mare Ionium est litum. Illud autem mare etiam ad ea loca pertinuisse, notum est. v. Musgravii n. ad Euripid. Phoeniss. 217. Vix autem adinet monere, descriptionem, quae sequitur, totam deberi poetae ingenio, ut multae aliae aliorum poetarum, quae iter facientes docti nihilominus tamen aut invenire laborant aut inuenta perhibent. De Papho v. Tacit. Hist. II. 2 seqq. Forſan iam poetae aetate illa loca ruinis erant oppleta. cf. Meurs. Cypr. I. 18.

v. 50. 51. *Phariumque cubile Proteos*. *Proteos* sedem in Pharo Aegypti insula posuit Homer. Odyss. δ. 364 seqq. cf. Heyne ad Virgil. Georg. IV. 387. Aen. XI. 267. ad Apollod. p. 385. Burmann. ad Valer. Flacc. II. 318. quae loca iam laudavit Ruperi ad Sil. Italic. VII. 419 seqq. *septem cornua Nili* i. e. ostia. cf. Sil. Italic. I. 196 seqq.

v. 52 seqq. Quae sequuntur similia iis sunt, quae veteres de insulis fortunatis, de

Hunc venti pulsare timent; hunc laedere nimbi.

Luxuriae Venerique vacat. Pars acrior anni

Exfulat; aeterni patet indulgentia veris. 55

In campum se fundit apex. Hunc aurea sepes

Circuit, et fuluo defendit prata metallo.

Mulciber, ut perhibent, his oscula coniugis emit
Moenibus, et tales vxorius obtulit arces.

Intus rura micant, manibus quae subdita nullis 60

Perpetuum florent, Zephyro contenta colono,

Vmbrosumque nemus, quo non admittitur ales,

Ni probet ante suos Diua sub iudice cantus.

Quae placuit, fruitur ramis; quae victa, recedit.

Olympo, de Elysio praedica-
bant, vnde videtur Noster co-
lores petiisse. Homer. Odyss.

8. 56; seqq. 2. 43; seqq. Pin-

dar. Olymp. II. 123; seqq. de

aurea aetate Ovid. Met. I.

107; seqq. *canentes pruinae*.

Horat. Od. I. 4. 6.

v. 54. *Luxuriae*, omnis

generis voluptati, rebusque

omnibus, quibus illa procu-

retur. *pars acrior anni*, non

solum hiems propter frigus,

sed etiam aestas propter ni-

mium solis calorem.

v. 55. *indulgentia*, cle-

mentia. Virgil. Georg. II. 345.

ibi v. Heyne.

v. 56. *In campum se fun-*

dit apex, ornatus, quam:

se extendit in campum seu

in planitiem. *aurea sepes*

tantum abest ut ornet sce-

nam a poeta adumbratam,

ut magnam amoenitatis par-

tem tollat, lectorique in-

vito inculcet, non naturae

hoc deberi sed ingenio poe-

tae genuino artis pictoriae

sensu paene destituti. *prata*,
illam planitiem herbis ve-

stitam.

v. 58. *Mulciber*. Vulcano

hoc opus tribuit, quum quia

omnia opera ex metallis ar-

tificiose elaborata illi deo

antiquitas solebat assignare,

tum quia Veneris maritus

erat. cf. Apollon. Rhod. III.

36; seqq.

v. 59. *vxorius*. vxori ni-

mis indulgens. *γυναικούαυης*,

γυναικοντρούαυος. Eadem

fere ratione Tiberis sic voca-

tur ab Horat. Od. I. 2. 19; sq.

v. 60. *micant*, florum va-

rietate et pulchritudine. *ma-*

nibus quae subdita nullis. a

nemine subacta. cf. Ovid.

Met. I. 101; seqq.

v. 61. *Zephyro colono*.

Cura terrae Zephyro solo

commissa est. Suauissima est

imago. cf. Lucret. I. 10; seqq.

v. 62. *Vmbrosumque ne-*

mus sc. ibi est.

v. 64. *quae victa*, quae mi-

nus placuit.

Viuunt in Venerem frondes, omnisque vicissim 65
 Felix arbor amat. Nutant ad mutua palmae
 Foedera; populeo suspirat populus ictu,
 Et platani platanis, alnoque assibilat alnus.
 Labuntur gemini fontes; hic dulcis, amarus
 Alter, et infusis corrumpunt mella venenis, 70
 Vnde Cupidineas armauit fama sagittas.
 Mille pharetrati ludunt in margine fratres,
 Ore pares, similes habitu, gens mollis Amorum.
 Hos Nymphae pariunt, illum Venus aurea solum

v. 65. *Viuunt in Venerem frondes.* Ad hoc viuunt, vt Venerem exerceant. Vterque plantarum sexus veteribus non erat incognitus v. Plin. H. N. XVI. sect. 19. XIII. sect. 7. Theophrast. III. 10. De palmis Herodot. I. 191. cf. Salmas. ad Solin. pag. 938 seq.

v. 66. *felix arbor*, frugifera. Horat. Epod. II. 14 seq. *nutant ad mutua foedera*, mutuo amoru annuunt. cf. Nic. Niclas ad Geopon. X. 4. pag. 648. qui, quae de palmarum coitu apud veteres exstant, diligenter congeffit.

v. 67. *populeo suspirat populus ictu*, quasi in complexu mutuo.

v. 68. *assibilat*, ψιθυρίζει, Heyne ad Virgil. Eclog. VII. 1. Vento agitatae videntur inter se leui susurro ac murmure loqui amantium ritu.

v. 69. *Labuntur* Horat. Epod. II. 25. *geminii fontes.* Ad γλυκύπικρον in amore explicandum vtitur suauissima allegoria de duobus fontibus

altero dulci, amaro altero, in quibus Cupido sagittas tingit. Alia vsus est Anacr. Od. 45. Notum γλυκύπικρον κέντρον ἐρώτων Musaei v. 166. cf. Plaut. Cistell. I. 1. 71. *Amor et felle et melle fecundissimus.* Analect. Vet. Poet. Graec. Brunk. T. II. p. 48. epigr. XI.

v. 70. *mella*, aquas dulcis fontis. *venenis*, aqua amara.

v. 71. *Fama armauit* i. e. vulgo perhibent armari, aut traditum est armari.

v. 72. *in margine*, ad ripas fontium.

v. 73. *Ore pares*, vultu erant similes inter se. *gens mollis.* Sunt nempe pueri tenelli et lasciuui.

v. 74. *Venus aurea*, χρυσάειη Ἀφροδίτη ex Homer. II. γ. 64. Heyne ad Virgil. Aen. X. 16. De hoc Veneris epitheto lepide iocatur Antipater Thessalon. Antholog. Graec. T. II. pag. 96. epig. II. ed. Iacobs. *illum*, qui κατ' ἐξοχὴν Cupido seu Amor vocatur,

Edidit. Ille Deos coelumque et sidera cornu 75
 Temperat, et summos dignatur figere reges,
 Hi plebem feriunt. Nec cetera numina defunt.
 Hic habitat nullo constricta Licentia nodo,
 Et flecti faciles Irae, vinoque madentes
 Excubiae, Lacrimaeque rudes, et gratus amantum 80
 Pallor, et in primis titubans Audacia furtis,

quem describit Sil. Italic. VII. 443 seqq.

v. 75. 76. *ille deos.* cf. Senec. Hippolyt. 186 seqq. et 277 seqq. *cornu Temperat.* i. e. cornu seu arcu suo regit, imperium in eos exercet. Hesiod. Theogon. 120 seqq. De potentia Amoris cf. Virgil. Aen. I. 664 seqq. Ovid. Met. V. 365 seqq. *sidera.* Ab illo Amore petatum, qui in Geogoniis occurrit, unde diuersarum mundi partium copulatio et concentus ortus esse dicitur.

v. 77. *nec cetera numina defunt.* Mores amantium, eaque, quorum causa et origo amor esse solet, quaeque amantibus frequenter accidunt, in personas mutata Veneris comites a poeta inducuntur.

v. 78. *Licentia*, quae omnia sibi licere putat *nullo nodo* (nullo vinculo) constricta, vno verbo, infrenata.

v. 79. *flecti faciles.* Terent. Andr. III. 3. 23. Proni amantes in iram sunt, sed facile quoque eam deponunt. Charit. I. 3. εὐκολοὶ δὲ τοῖς ἐρωσὶν αἱ διαλλαγαί, καὶ πᾶσαν ἀπολογίαν ἡδέως ἀλλήλων

προσδέχονται. Menand. ap. Stobaeum c. 61. ὀργὴ φιλοῦντων ὀλίγον ἰσχύει χρόνον. cf. Aelian. V. H. II. 21. Plaut. Amphitr. III. 2. 60 seqq. *vino madentes excubiae.* Pertinet hoc ad comestationes post coenam, in quibus poti plerumque ante puellarum fores excubabant, si nequidquam eas, vt admitterentur, rogassent, frigoribus interdum et pluuiis expositi. v. not. ad Pers. V. 166. Ibi carmen flebile decantare solebant, quod παρακλαυσίθυρον vocabatur, in cuius similitudinem facta carmina exstant Plaut. Curcul. I. 2. 60 seqq. Horat. od. III. 10. Ovid. Amor. 1. 6. Propert. I. 16. 17 seqq. cf. etiam Tibull. I. 2.

v. 80. *Lacrimaeque rudes* sunt eorum, qui rudes adhuc sunt ad amoris naturam.

v. 81. *Pallor.* Commentarii loco potest esse Ovid. A. A. I. 731 seqq. *primis titubans Audacia furtis.* Furta sunt amoris arcana, quae furtim celebrantur. Tibull. I. 2. 33 seq. Stat. Achill. II. 264 sq. *Audacia*, quae ad prima furta titubanti pede, timens ob

**Iucundique Metus, et non secura Voluptas,
Et lasciuia volant leuibus Periuria pennis.
Hos inter petulans alta ceruice Iuuentas
Excludit Senium luco. Procul atria Diuae 85
Permutant radios, filuaque obstante virescunt.
Lemnius haec etiam gemmis extruxit et auro,
Admiscens artem pretio, trabibusque Smaragdis**

insolentiam sed firmato tamen consilio accedit.

v. 82. *Iucundique metus.* Metus per se iucundi non sunt, sed iucunda eorum memoria est, si vani fuerint; augent etiam metus amoris fructum eumque iucundiorum faciunt. *non secura*, quae semper timet, ne teste, quo nihil opus est, interrumpatur. Idem hoc paene est, quod prius.

v. 83. *Et lasciuia volant cet.* Lasciuia periuria sunt amantium periuria lasciuientium; illae leues pennae h. l. tribuntur, ad exprimendam celeritatem, qua auolant. Eorum enim non diu meminisse amantes solent. Catall. L. XIV. 143 seqq. Huiusmodi periuria etiam impunita credebantur Callimach. epigr. XXVI. 3 seq. Tibull. I. 4. 21 seq. III. 6. 49 seq. Ovid. A. A. I. 633 sq. Horat. od. II. 8. ibi v. Iani. Puellam tamen suam a periuriis detertere studet Propert. I. 15. 25 seq. II. 13. 47 seqq.

v. 84. *alta ceruice*, superbiens, adrogans. supra III. 53. *Iuuentas* est abstractum, *iuentus* vero nomen col-

lectiuum, quare male in quibusdam scriptis legitur h. l. *iuentus*. cf. Heinf. et ad h. l. et ad Ovid. Met. IV. 17.

v. 85. *Excludit senium loco.* Quandoquidem senes ad amorem inepti sunt Ovid. Amor. I. 9. 2 seqq. *procul atria diuae.* Sequitur descriptio templi Veneris, quaecum comparari potest Apollon. Rhod. III. 36 seq. Stat. silv. I. 2. 147 seqq. Sidon. Apollin. carm. XI. 14 seqq.

v. 86. *Permutant radios.* Auri splendorem cum tremulo filuarum virore miscent, et sic tremulo fulgore radiant et cornescant. Hanc interpretationem sequentia confirmant: *filuaque obstante virescunt.*

v. 87. *Lemnius.* Vulcanus a Lemno insula, ubi officinam eius posuerunt antiqui. v. supra ad v. 58.

v. 88. *Admiscens artem pretio.* Pretio i. e. materiae pretiosae. Pretium materiae auxit artificio, quo omnia erant extracta. Ovid. Met. II. 5 seqq. Martialis VIII. 51. 7. *Smaragdis*, smaragdinis. Lectionem confirmat Hein- sius innumeris paene exem-

Supposuit caesas hyacinthi rûpe columnas.
 Beryllo paries, et iaspide lubrica surgunt. 90
 Limina, despectusque solo calcatur achates.
 In medio glebis redolentibus area diues

plis. Sed satis notum est, poetas substantivis vti pro adiectivis. v. Heyne ad Virgil. Aen. I. 686. et not. ad Pers. I. 83. Pretiosissimas res poeta cumulat, de arte, qua constructa sint omnia, paene tacet. Etiam in rerum illarum delectu nimis a naturae veritate aberrat, ut iis, qui antiquiorum simplicitati adfueti sunt, nec ingenio praediti adeo puerili, ut pretiosa quaeque etiam pulchra existiment, coloribusque vividis delectentur temere sparsis, probari nequeat. Verum ut Asiaticus tumor naturale dicendi genus corrumpit, ita stolidi populorum orientaliū magnificentia verum venustatis et pulchritudinis sensum adeo corrumpit, ut materiei plus quam arti tribuerent; nec naturae dinitius contenti ea excogitarent, quae inter aegri somnia iure referas. Cui tandem huiusmodi loca apud recentioris aevi poetas legenti non statim in mentem veniunt narrationiunculae Arabicae mille noctes et una inscriptae. Ceterum *smaragdus* viridi, *Hyacinthus* caeruleo colore est. *Trabs* in columnarum structura proprie est *epistylum* (*Unterbalken, Architrab*) sed

zophorus (der *Frieß*) et *corona* (der *Karnieß*) eodem nomine contineri solet. *Columna* est scapo columnae (der *Schaft*). Plura hac de re congessit Iani ad Horat. odi II. 18. 3 seq. qui laudat Vitruv. III. 2. et 3. Plin. H. N. XXXVI. 8. Plin. panegyri. 54. extr.

v. 90. 91. *Beryllus* aquae marinae colorem habet. *Iaspis* ad gemmas pertinet, quas vocant secundarias, diversisque coloribus et varicolor inuenitur ut Achates et Marmor. cf. supra VIII. 591. *lubrica*, sunt enim e lapide polito.

v. 92. *glebis redolentibus*. Gesnerus dubitat, simpliciterne fingat poeta an respiciat certum genus glebae, quod odorem natura iacundum habeat. Quorsum autem hoc poeta fecerit, non potest intelligi, quum omne solum herbis, floribus et fruticibus odoratis tectum sinxerit, ita ut glebis bene olentibus aequo animo potuisset carere. Nisi igitur in illis verbis lateat vitium, cuius in omnium Mss. consensu vix ulla est inspicio, statuendum est, *glebas redolentes* dici, quia flores bene olentes fundant iisque vestitae sint.

Praebet odoratas menses. Hic mitis amomi,
 Hic casiae matura seges, Panchaia turgent
 Cinnama, nec sicca frondescent vimina acantho, 95
 Tardaque sudanti prorepunt balsama ligno.

v. 93. *odoratas menses*, herbas et frutices bene olentes. *amomi*. *Amomum* frutex est, unde vnguentum paratur; qualis autem fuerit, parum constat. v. Heyne et Martin. ad Virgil. Eclog. III. 89. IV. 25. Heins. ad Ovid. Heroid. XV. 76.

v. 94. *casiae*. *Casia* est vel herba coronaria Virgil. Eclog. II. 49, quam lauendulam nostram putat la Cerda ad Virgil. Georg. IV. 30, Martinus vero ad eundem Georg. II. 213 *Cneoron* Graecorum, seu *Thymelaean* linifolio, quae grana Cnidia ferat; Voss ad eundem *Zeiland*; vel frutex est, quam Voss ad v. 466. *Mutterzimt*, Laurum *Cassiam* Lin. esse existimat. v. not. ad Pers. II. 64.

v. 95. *Cinnama*. Plin. H. N. XII. cap. 19. Dioscor. I. 13. odorem diu seruire memorant. Lucan. X. 165 seqq. *Panchaea*, Arabica Propert. III. 11. 8. cf. Barth. ad Stat. Theb. VI. 61. Ovid. Met. X. 307 seqq. *turgent* Noster infra XXXV. 90. et Lucan. VI. 109 seq. de vbertate, i. q. luxuriantur. *acantho*. Sic Heinsius censet legendum esse, Burmannus et Gesnerus retinuerunt tamen *costo*. Verum *costum* vel *costus*, ra-

dicem tantum habet odore eximio frutice alias inuili Plin. H. N. XII. sect. 25. qui itaque h. l. vix conuenit. Virgil. Georg. II. 119 seqq. *balsama* et *acanthum* coniunxit. *Acanthus* autem h. l. arboris genus est (est enim hoc nomine etiam herba, *Baerensklaub*, Virgil. Eclog. III. 45.), Spina vel Aegyptia vel Arabica, vulgare nomen *Acacia*, unde gummi Arabicum colligitur. Flores eius bene olentes et corollis inserviunt et medicinae. Huic arbori conuenit etiam adiectum: *nec sicca*, semper enim frondet Virgil. Georg. IV. 119. Heinsius laudat quoque eundem l. c. 123, verum ibi herba intelligenda esse videtur.

v. 96. *Tardaque sudanti prorepunt balsama ligno*. *Balsama* h. l. liquor balsami arboris seu fruticis, qui ex cortice inciso stillatim sinit olei pellucidi et crassi instar, in lentam et tenacem resinam rubri aut viridis coloris durescens. Stat. silv. III. 2. 141. Serv. ad Virgil. Georg. II. 119. ait, balsamum esse arborem ipsam, opobalsamum succum collectum ex arbore. *prorepunt apte ad tarde*.

Quo postquam delapsus Amor, longasque peregit
 Penna vias, alacer, passuque superbior intrat.
 Caesariem tunc forte Venus subnixa corusco
 Fingebat solio. Dextra laeuaque sorores 100
 Stabant Idaliae. Largos haec nectaris imbres

v. 98. *passu superbior*, solito superbius incedens. *Superbus* saepe animum et habitum victoris exprimere solet.

v. 99. *Caesariem tunc forte* cet. v. not. ad l. 85. cf. Apollon. Rhod. III 43 seqq. *subnixa corusco solio* *διωρόν ἀνὰ θρόνον* Apoll. l. c.

v. 100. 101. *Fingebat*, vox solennis in huiusmodi re. Ovid. A. A. l. 305 seqq. Tibull. I. 2. 91. Propert. III. 8. 14. *sorores Idaliae* ut in Patric. epithal. v. 10. Poet. lat. m. T. IV. P. II. sunt Gratiae, cf. Homer. Odys. 9. 362 seqq. qui in huiusmodi argumento poetis recentioribus praeiuit. Idem Hymn. in Vener. 61 seqq. *Ἐνθα δὲ μιν χήριτες λοῦσαν καὶ χρίσαν ἐλαίῳ Αὐβρότῳ, οἷα θεὸς ἐπενήνοθεν αἰὲν δόντας, Αὐβρόσιον, ἑλάνῳ, τὸ ῥα οἱ τειδυμένον ἦεν.* Apud Sil. Italic. VII. 446 seqq. Venerem Amores comunt. Adumbrata sunt, quae sequuntur, ex quotidiano seminarum illius aeni more, quo magnus ancillarum numerus in ornandis dominae capillis vnice occupatus erat. Venus describitur ut femina nobilis, quae modo lectulum reliquit, et in cubiculo suo ancillis ornatricibus operam dat. Illae cum

instrumentis cominatoriis eam circumstant omnibusque iis, quae ad mundum muliebrem pertinent. In comenda domina suae cuique partes distributae sunt, omnesque expectant nuntius herilis. Compara Iuuenal. VI. 489 seqq. cf. Pignor. de Sernis p. 191. *largos haec nectaris imbres Irigat.* Satis notum est, et viros et feminas capillos pretiosissimis vnguentis delibutos semper habuisse. Spanhem. ad Callimach. H. in Apoll. v. 38 seqq. Burmann. ad Ovid. Heroid. XV. 6. Martial. VIII. 77. 1. Haec vnguenta solebant capillis artificiose inrorari, ut madidi essent velut rore conspersi. Illud vocabant *ψεκὰς*, atque inde *Psecas* nomen ancillae est, cui hoc munus erat iniunctum. Boettiger in libro *Sabina* inscripto p. 125. ait: *Psecades* vocari puellas, quae artificio quodam, nobis non amplius noto, crinibus vnguenta ore inspergerent. ita ut rore viderentur obducti. Vnde hoc habeat, nescio; interpretes quidem ad Cic. epist. ad Div. VIII. 15, quos in partes vocat, quosque equidem inspicere potui, silent. cf. Scholiast.

Irrigat; haec morfu numerosi dentis eburno
 Multifidum discrimen arat; sed tertia retro
 Dat varios nexus, et iusto diuidit orbes
 Ordine, neglectam partem studiosa relinquens. 105
 Plus error decuit. Speculi nec vultus egebat

ad Iuuenal. l. c. Manibus etiam capilli vngebantur. Sardon. Apollin. carm. XI. 13. *Manus vncta succo amomi Domet hispidos capillos.*

v. 102. *morfu numerosi dentis eburno* i. e. pectine. Martial. XIV. 25. Alia similitudine vtitur Ovid. Amor. I. 14. 15, vbi est *vallus pectinis*. cf. Tibull. I. 9. 68, qui habet *denso dente*.

v. 103. *Multifidum discrimen arat.* Multifidum discrimen oritur a multis pectinis dentibus, quorum vnusquisque quasi sulcum ducit, inde eleganter positum est *arat*. Perplexorum crinium expediendorum aut discriminandorum simplex actus describitur. Ovid. A. A. III. 137. Burmann. ad l. c. II. 303. Apud Apollon. Rhod. III. 45 seqq. ipsa Venus in componendis et fingendis crinibus occupata est. cf. infra XXXV. 15 seq.

v. 104. 105. *Dat varios nexus.* Componendorum capillorum non vnus erat mos sed multiplex, magnamque in hoc feminae ponebant diligentiam, vt eum eligerent, qui faciem maxime commendaret. cf. Ovid. A. A. III. 135 seqq. Tertullian. de cultu f.

c. 7. Hinc quoque peculiaris ancilla praeesse solebat, qualis Cypassis erat apud Ovid. Amor. II. 8. 1 seq. et Pleecusa apud Martial. II. 66. 4. cf. Manilium V. 146 seqq. *Dat varios nexus*, in varios nexus capillos implicat. *et iusto diuidit orbes Ordine.* Orbes h. l. videntur esse cincinnati, in quos componebatur et flectebatur capillus. Iuuenal. VI. 491. *iusto ordine diuidit*, vt alius super alium ab vtraque parte surgerent aequaliter, aut vt nexus capillorum in vertice non perturbati essent, sed inter se separati. cf. XXXV. 15 seqq. Iuuenal. l. c. 501 seq. Martial. l. c. 1 seq. *Vnus de toto peccauerat orbe comarum Annulus, incerta non bene fixus acu.* *studiosa relinquens* b. e. studio, data opera relinquens. *neglectam partem* sc. capillorum Ovid. l. c. 153 seqq. vt artem dissimularet, et simulata illa negligentia gratior et venustior fieret.

v. 106. *error*, illa negligentia. *speculi.* Specula auro argentove artificiose facta ad mundum muliebre pertinuisse, nota res est. Atque illud dominae, quocunque illa oculos flecteret, porri-

Iudicio; similis tecto monstratur in omni,
 Et rapitur quocunque videt. Dum singula cernit,
 Seque probat, nati venientis conspicit umbram,
 Ambrosioque sinu puerum complexa ferocem: 110
 Quid tantum gauisus? ait, quae proelia sudas,
 Improbe? quis iacuit telis? Iterumne Tonantem
 Inter Sidonias cogis mugire iuuenças?

gendi munus certae ancillae proprium erat Propert. IV. 7. 75 seqq. cuius vices in cubiculo dominae sustinere amanti suadet Ovid. A. A. II. 215 seq.

v. 107. *Iudicio — speculi.* Speculum *consilium formae* vocat Martial. IX. 17. 1. *similis* i. e. imago eius. *tecto in omni*, quandoquidem ex gemmis politis constabat, domusque tota speculum erat.

v. 108. *Et rapitur, quocunque videt.* Pro vulgari: imaginem suam adspicit, quocunque oculos vertit; magis poeticum: imago rapitur speculo, aut eo, quod imaginem reflectit. Multo tamen elegantius est, quo Noster utitur: *ipsa rapitur*, quod primum imaginis adcuratam similitudinem, tum etiam celeritatem exprimit, qua in speculis imago effingitur. *singula*, singulas partes corporis seu ornatus.

v. 109. *Seque probat.* Ovid. Met. III. 427. Auson. Idyll. X. 230 seqq. *umbram* imaginem repercussam. Ovid. l. c. 417. IV. 711 seqq. Auson. l. c. 224.

v. 110. *Ambrosioque sinu.*

Ambrosia deorum unguentum erat. *Ambrosio* itaque dictum pro: fragrant. ἀμβροσίον διὰ πέπλου Homer. Il. 8. 338. Heyne ad Virgil. Aen. I. 403. *ferocem* potest vel ad mores Cupidinis spectare, qui *ferox* est Ovid. A. A. I. 9, et *feruidus* apud Horat. od. I. 30. 5. nullis se legibus submittit Propert. II. 2. 13. Stat. silv. I. 2. 62 seqq. vel superbientem animum victoria modo reportata exprimit, ut saepe vel apud Liuium occurrit. Posterius sequentibus aptius est.

v. 111. *quae proelia sudas.* *Sudare* quid, subintell. propter. est multo sudore aliquid efficere, elaborare. Sil. Italic. III. 92. IV. 431 seqq. Barth. ad Stat. Theb. V. 189. Sensus: quod proelium tam magnum fecisti?

v. 112. *Improbe, Muthwilliger.* Mater conuitium facit, quae improbitate filii laetatur. *iacuit*, κεῖται, de interfecto proprie Virgil. Aen. I. 99. etiam de domito XXI. 190. et passim. h. l. pro: quem telo petisti.

v. 113. Res nota est ex Ovid. Met. II. 848 seqq.

An Titana domas? an pastoralia Lunam
 Rursus in antra vocas? Durum magnumque videris
 Debellasse Deum. — Suspensus in oscula matris (115
 Ille refert: Laetare, parens; immane tropaeum
 Rettulimus; nostrum iam sentit Honorius arcum.
 Scis Mariam, patremque ducem, qui cuspide Gallos
 Italiamque fouet; nec te praeclara Serenae 120
 Fama latet. Propera. Regalibus annue votis.
 Iunge toros. — Gremio natum Cytherea remouit,
 Et crines festina ligat, peplumque fluentem

v. 114. *Titana*. Titan proprie *Hyperion* est, sed h. l. Apollo Ovid. Met. I. 453 seqq. *Lunam*. Apollod. I. 7. 5. Endymion nempe pulchritudine sua Lunam in amorem sui traxerat. *pastoralia in antra*. Ovid. Heroid. XVIII. 61 seqq. *Latmia saxa* habet. cf. Auson. Idyll. VI. 40 seqq. Schol. ad Theocrit. III. 49. Quint. Calab. X. 127 seqq.

v. 115. *durum*, qui amori difficulter cesserit. Horat. od. IV. 1. 6 seqq.

v. 116. *suspensus in oscula* Sidon. Apollin. carm. XI. 56 seqq. *at ille* (Cupido) *Cernuus*, et *laeuae pendens in margine palmarum*, *Libratos per inane pedes aduerberat alis*, *Oscula sic matris carpens*, *somnoque refusae Semisopora leui scalpebat lumina penna*. Propert. I. 21. 27 sq. *Oscula suspensis instabant carpere plumis*, *Oscula et alterna ferre supina fuga*. cf. Stat. Silv. I. 2. 103 seqq. *Suspensus* seu *alis*, seu in *digitis pedum erectus et gre-*

mio matris insilens cf. infra 121. *in oscula*. Venerem Cupidini oscula dantem induxit Apollon. Rhod. III. 148 seqq. ἡ δ' ἀγχιούσιν Ἀντομένη μύθοισιν ἐπειρύσασα παρειαῖς, Κῦσε ποτισχομένη, καὶ ἀμείβετο μειδιόωσα.

v. 117. *immane tropaeum*, magnam victoriam. Nimis quidem aucta res est verbis, verum iactationi puerili accommodata. Idem occurrit in Patric. epithal. v. 79. Poet. lat. min. T. IV. P. II. cf. Sidon. l. c. 61 seqq.

v. 118. *arcum*, vim teli seu sagittae.

v. 120. *fouet cuspide*, tuetur, administrat, regit sceptro, εὐθύων δὸς Eurip. Hecub. 9. et Hel. 1617. cf. infra XXXV. 18.

v. 121. *votis*, nuptiis.

v. 123. Tacite et subito ad Mariam proficiscendi consilio capto adcingit se itineri, *crines ligat*, vittis firmat eorum nexus, ne in itinere turbentur. *peplum fluentem*, vestem longam et amplam,

Alleuat, et blando spirantem numine ceston
Cingitur, impulsos pluuiis quo mitigat amnes, 125
Quo mare, quo ventos, irataque fulmina soluit.

Vt stetit ad litus, paruos affatur alumnos:
Ecquis erit, pueri, vitreas qui lapsus in vndas
Huc rapidum Tritona vocet, quo vecta per altum

qua deae vestitae esse solent. De peplo Minervae v. quae laudat Ruperti ad Sil. Italic. VII. 86. *adlleuat*, cingulum enim erat impositura. De hoc cingulo seu cestu v. Homer. II. 2. 216 seqq. Broukh. ad Tibull. I. 9. 5. Alberti ad Hesych. et Winkelmann. Geschichte der Kunst. I. p. 198.

v. 124. *blando spirantem numine*. Numen h. l. est vis, potentia. *Spirantem*, qui quasi adflatu omnia vincit. *blando*, quia deliniendo vim suam exferit, et ipsa vis illata placet. cf. Valer. Flacc. VI. 470 seqq.

v. 125. *impulsos pluuiis*. auctos et iude cursu incitatio-
tione.

v. 126. *soluit*, durius hoc putat Burmannus, neque firmari posse Ovid. Met. IX. 274 seq. quoniam *iras solvere* facilius probet aliquis, quam *irata fulmina solvere*. Proponit itaque *mollit*, quod meo quidem sensu fulminis naturae minime potest convenire. Verum mors, somnus, terror dicitur *membra solvere*, λύειν γυῖα, Homer. II. 8. 469, η. 16, ο. 435. Euripid. Hippol. 199. Virgil. Aen. I. 92. XII. 951. Nostrates: *ent-*

stricken, abspannen, quando illa vis, qua movebantur, imperium in illa non amplius exercet. Ideoque *solvere aliquid* significare potest: facere, ut aliquid subito torpeat, moveri desinat. Haec ratio mihi quidem satisfacit, viris doctis fortasse minus. Quod si quid tamen mutandum esset, legerem *sistit*. cf. supra III. 158. Gesnerus in expedienda verbi vi parum prolicit, laudatis Horat. od. I. 4. 1. Serm. II. 1. 86, quae huc minime pertinere videntur. Melius compares Horat. od. II. 2. 7.

v. 127. *paruos alumnos*. Amores Nympharum filios. supra v. 74.

v. 129. *rapidum, celerem*. cf. infra 147 seq. *quo vecta per altum*. Poeta Venerem Tritonis dorso per aequora vectam inducit, ut Sidon. Apollin. carm. XI. 34 seqq. Alias Venus in concha marina sedens a Tritonibus vehitur cf. Lucian. Dial. Deor. mar. XV. 3. T. I. pag. 327. ed. Reiz. Broukh. ad Tibull. III. 3. 34. Montfauc. T. I. tab. 34. T. V. tab. 161. Pictur. Herculan. T. IV. tab. 3. Sidon. Apollin. epist. IV. 8.

Deferar? Haud vnquam tanto mihi venerit vsu. 130
 Sacri, quos petimus, thalami. Pernicius omnes
 Quaerite, seu concha Libycum circumtonat aequor,
 Aegaeas seu frangit aquas. Quicunque repertum
 Duxerit, aurata donabitur ille pharetra.

Dixerat, et sparsa diuersi plebe feruntur 135
 Exploratores. Pelagi sub fluctibus ibat

Saepe curru vehitur a colum-
 bis tracto Ovid. Met. XIV.
 597. Nost. infra XXII. 354 seqq.
 XXXI. 103 seqq. Patric. Epi-
 thal. v. 22 seqq. Poet. lat. m.
 T. IV. P. II. et ab oloribus
 Sil. Italic. VII. 441 seqq. Stat.
 silv. I. 2. 140 seqq. Sidon.
 Apollin. carm. XI. 93 seqq.

v. 130. *Haud vnquam tanto*
cet. Numquam eius opera
 tantopere mihi necessaria
 fuerit.

v. 131. *Sacri*, quia Im-
 peratoris sunt.

v. 132. *circumtonat*, perti-
 net ad grauem sonum, quem
 concham inflans edere tradi-
 tur. Virgil. Aen. X. 209. Hu-
 ius artis aemulum ferre non
 posse inducitur Triton ab eo-
 dem l. c. VI. 171 seqq. Ovid.
 Met. I. 331 seqq. hunc Ne-
 ptuno tubicinem dedit, qui
 aquis receptui caneret, eius-
 que concham, quam Lyco-
 phron v. 250. *σπρόμβον* vo-
 cat, adcurate descripsit. cf.
 Lucan. IX. 343 seqq. *Circum-*
tonat h. l. transitiue, vt saepe.
 Videtur tamen accusatiuus
 pendere a *circum*, quod cum
 verbo coniunctum est.

v. 133. *frangit* sc. nando.
 Lucan. VIII. 374. a remis pe-

titum Sil. Italic. XI. 489 seqq.
 Valer. Flacc. I. 363. ibi v.
 Burmann. cf. Stat. Achill. I.
 59. De Aiace nante dicit
 Seneca (Agamemn. 540 seqq.)
dirimit insanum mare Flu-
ctusque rumpit pectore. Doe-
 ring in Eclog. vet. poet. pag.
 278. *frangit* interpretatur:
 buccinae sonitu et strepitu
 impellit, secutus D. Heinsum
 in lect. Hesiod. c. XVIII. v.
 203. *ἀγνυτ' ὀλυμπος* ex *ἀγνυ-*
το ἡχώ v. 279 et 348. ibid.
 proponentem. Sed haud
 scio, an aliter explicari pos-
 sit Iuuenal. VII. 86. et Sidon.
 Apoll. epist. V. 70, saltem in
 priori loco exponendo aliam
 rationem, nec infeliciter vt
 puto, tentauit Ruperti. *Κα-*
τὰρ ῥ' ἡγνυσθαι apud Graecos
 (Polyb. XV. 32. et XVIII. 29.)
 et *rumpi* apud Latinos (Vir-
 gil. Georg. III. 328. Iuuenal. I.
 13. Nost. III. 130.) facile pos-
 sunt ita explicari. Sed *frangi*
 eodem modo posse explicari
 vt existimem, praeter aucto-
 ritatem DD. VV. etiam exem-
 pla desidero.

v. 135. *sparsa diuersi plebe*
feruntur Exploratores. i. e.
 Amores in diuersas partes
 mittuntur exploratum.

Carpathii Triton, obluctantemque petebat
 Cymothoen. Timet illa ferum, seseque sequenti
 Surripit, et duris elabatur vda lacertis.
 Heus, inquit speculatus Amor, non vestra sub imis 140
 Furta tegi potuere vadis. Accingere nostram
 Vecturus dominam. Pretium non vile laboris
 Cymothoen facilem, quae nunc detrectat, habebis.
 Hac mercede veni. — Prorupit gurgite toruus
 Semifer. Vndosi verrebant brachia crines, 145
 Hispida tendebat bifido vestigia cornu,

v. 137. 138. *Cymothoën* Nereidum vnam. *obluctantem*, detrectantem complexus Tritonis. infra 143.

v. 139. *vda*, deam marinam significat. Sic nymphe fluviales *vdae* vocantur ab Ovid. Fast. II. 597. Galatheam inducit lasciuientem et Tritonis latus vellentem Sidon. Apoll. carm. IX. 37 sqq.

v. 140. *non*. Plures numeri cum interrogatione, quos Gesnerus secutus est.

v. 141. *furta*, quaecunque occulte sunt, etiam ab amantibus.

v. 143. *detrectat* sc. complexus.

v. 145. *Semifer*. In pristem abiens pingitur. *vndosi verrebant brachia crines*. Id fiebat, quando crines promissi super humeros et brachia mouebantur. Alia imagine usus est Pindar. Pyth. IV. 147 seqq. quem laudat Gesnerus. *vndosi*, motu vndis similes.

v. 146. *Hispida tendebat bifido vestigia cornu*. Hic

versus habet difficilem explicatum. Poeta adumbrat Tritonis figuram, quae alias etiam a pictoribus et rei plasticae artificibus expressa occurrit. Comparandus est Noster cum Apollon. Rhod. IV. 1610 sqq. *Vestigia* sunt duae pristes, in quas desinens Triton pingitur, *διπρὴν κήρυκος ὀλκάνη* Apollon. l. c. ex lect. Brunk. (Sidon. Apollin. carm. XI. 34. *duplex dorsum*.) quibus innititur quasi pedibus. Illa vocantur *hispida*, quia squamis tecta sunt. Plin. H. N. IX. sect. 4. *et Nereidum falsa* (fama) *non est*, *squamis modo hispido corpore, etiam qua humanam effigiem habent*. Sidon. Apoll. l. c. v. 34. *squameus Triton*. — *tendebat*, extendebat, *οἱ ἐνθα καὶ ἐνθα μηχανέτο*, non, intendebat, vt Burmannus explicat. *bifido cornu*. Extremum utriusque pristis intelligo, quod in pinnas bifidas exit. *ἐκολοῖς ἐπὶ νείσοις πάντοτε* Apoll. R. l. c.

Qua pristis commissa viro. Ter pectora mouit;
 Iam quarto Paphias tractu sulcabat arenas.
 Umbratura Deam retro sinuatur in arcum
 Bellua. Tum viuo squalentia murice terga 150
 Purpureis mollita rosis. Hoc nauigat ostro
 Fulta Venus; niueae delibant aequora plantae.

v. 147. *Quia, ὑπὲρ λαγόνων* Apoll. R. *duplicis confinia dorsi* Qua coeunt Sidon. Apoll. l. c. *pristis*. Duae illae caudae in vnum corpus piscinum coeunt, in quod latera humana Tritonis desinunt. *ter pectora mouit*. cf. Stat. Achill. I. 99 seq. Quo cursu rapido *fregit* aequora, supra v. 133.

v. 148. *tractu*, nisu, conatu, sed proprie aut nantium aut serpentium. *sulcabat Paphias arenas*, iam ad litus Cypri, ubi Veneris sedes erant, adpulerat. *sulcabat a.* proprie significat, tendebat per vadosa ad litus, vt inferiores corporis partes sulcos quasi in arena ducerent.

v. 149. *retro sinuatur in arcum Bellua*. Bellua ea Tritonis pars est, qua pristis erat. αἱ τρεῖς (ἀκάνθαι, spinæ vtriusque dorsi) μήνης ὡς κεράεσσιν ἐσιδόμεναι διχόωντο. Apollon. Rhod. l. c. *sinuamina tortilis alui* Sidon. Apoll. *umbratura deam*, ad umbram Veneri faciendam.

v. 150. *squalentia* v. ad I. 182. *viuo murice*. Ovid. Met. I. 332. *atque humeros innato murice tectum*. De Tritone viuo Paulan. IX. 21. 1. τὸ

δὲ λοιπὸν σῶμα Φολίδι λεπτῇ πέρφρικῃ σφισι κατὰ ἰσχυρὸν ῥινῆς. Seruius ad Virgil. Aen. V. 205. ait: *murex, saxi acumen, eminens per tranquillitatem*. Isidor. Orig. XVI. 3. *murices, petrae in litore, similes muricibus viuis, acutissimae et nauibus perniciosissimae*. Possit itaque, vt Gesnerus fecit, *murice* de asperitate et hispiditate squamarum durarum intelligi. Sed haud scio, an non absurdum sit murices inferiori corporis parti, quam aqua marina semper tegit, innatos intelligere, ita vt nauium carinis adhaerere solent. cf. Ovid. Met. IV. 724.

v. 151. *Purpureis mollita rosis*, instrata rosarum foliis cf. XXXI. 103 seq. Idyll. V. 29 seq. ne asperitate dorsi Venus laederetur. alii *toris*, quod Gesnerus retinuit et Doering in Eclog. vet. poet. quo tamen sequens: *hoc ostro*, languidum redditur. *hoc ostro* pro: hoc toro ex rosarum foliis, nam *ostrum* interdum pro *toro* ponitur. cf. XV. 327 seqq.

v. 152. *niueae delibant aequora plantae*. Ad absolutionem imaginis haec perti-

Prosequitur volucrum late comitatus Amorum,
 Tranquillumque choris quatitur mare. Serta per omnem
 Neptuni dispersa domum. Cadmeia ludit 155
 Leucothoe, frenatque rosis delphina Palaemon;
 Alternas violis Nereus interferit algas;

nent. *delibant*, adtingebant.
 cf. Mosch. Idyll. II. 121 sqq.

v. 153. *Prosequitur volu-
 crum late comitatus Amo-
 rum. late* i. e. lato agmine.
volucrum. Hoc indicat, ali-
 tes iter fecisse Amores. Hunc
 versum non inuenisse va-
 riando et exornando imita-
 tus est Sidon. Apollin. l. c.
 42 seqq. *Pone subit turmis
 flagrantibus agmen Amorum.
 Hic cohibet delphina rosis,
 viridique iuuenco Hic vectus,
 spretis pendet per cornua
 frenis. Hi stantes motu ti-
 tubant, plantaque madenti
 Labuntur, firmantque pe-
 dum vestigia pinnis.* cf. Lu-
 cian. Dialog. Mar. XV. 3.
 T. I. pag. 326. ed. Reiz. Pa-
 tric. Epithalam. Poet. lat. m.
 T. IV. P. II. v. 13 sqq. Ana-
 creont. Od. LI.

v. 154. *Tranquillumque
 choris quatitur mare.* Quae-
 ritur, quidnam sibi velit *cho-
 ris quatitur mare?* Iter Ve-
 neris marinum describens
 Apuleius Metmorph. IV. *Ad-
 sunt, inquit, Nerei filiae
 chorum canentes, et Por-
 tummus caeruleis barbis hispi-
 dus, et grauis pisces sinu
 Salacia, et auriga paruulus
 delphini Palaemon; iam pas-
 sum maria persultantes Tri-*

*tonum cateruae. Hic concha
 sonaci leniter buccinat; illo
 serico tegmine flagrantiae
 solis obsistit inimici; alius
 sub oculis dominae speculum
 proegerit; currus biuges alii
 subnatant.* Verum Nereidum
 post mentio fit v. 159. In
 aureo illo Moschi de Europae
 raptu Idyllio II. 128 sqq. Tri-
 tones canunt nuptiale car-
 men; hic de vno tantum Tri-
 tone sermo est. Equidem ex-
 sultationem et laetitiam in-
 telligo maris habitatorum
 iter Veneris prosequentium,
 quos poeta non expresse in-
 dicat. Sequitur enim, to-
 tum mare fertis et corollis in
 honorem Veneris exornatum
 fuisse. *Quatere* etiam sonus
 grauior dicitur, qui facit, vt
 aliquid contremiscat. Sil. Ita-
 lic. I. 535 seq. Nost. infra XV.
 134. et XXXVI. 263. Bar-
 thius notat, versum hunc
 sono verborum exprimere
 tranquillam et pacificam suc-
 cussionem.

v. 156. *De Leucothoe* seu
 Ino, Cadmi filia, et de *Palae-
 mone* seu Melicerta filio il-
 lius v. not. ad VIII. 465. *ro-
 sis*, corollis ex rosis.

v. 157. *violis algas pro:*
 algis violae. Caput Nerei

Canitiem Glaucus ligat immortalibus herbis.
 Nec non et variis vectae Nereides ibant,
 Audito rumore; feris. Hanc pisce volutam 160
 Subleuat Oceani monstrum Tartessia tigris;
 Hanc timor Aegaei rupturus fronte carinas
 Trux aries; haec caeruleae suspensa leaenae
 Innatat; haec viridem trahitur complexa iuuentum,
 Certatimque nouis onerant connubia donis. 165
 Cingula Cymothoe, rarum Galatea monile,

alga cinctum est, vt fluuio-
 rum dii arundine.

v. 158. *Glaucus*. Ipse fata
 sua narrat apud Ovid. Met.
 XIII. 904 seqq. *immortalibus*,
 semper virentibus. Algam
 non intellexerim, illa enim
 erat vulgaris deorum mari-
 norum ornatus, et hic festus
 intelligi videtur. Sed cf. su-
 pra I. 217 seqq.

v. 159. 160. *Nec non et
 variis cet.* Mosch. l. c. 114 sq.
 Νηρείδες δ' ἀνέδυσαν ὑπ' ἐξ
 ἁλός, αἱ δ' ἄρα πᾶσαι Κητελοῖς
 νώτοισιν ἐφήμεναι ἐστιχόων-
 το. *audito rumore* sc. Vene-
 rem per mare proficisci. Gro-
 nov. Observ. II. 17. ad ru-
 morem seu murmur mari-
 num retulit. *volutam*, de-
 lapsam.

v. 161. *Tartessia tigris*.
 Vix alibi occurrit hoc Oceani
 monstrum; Gesnerus existi-
 mat, pardalin esse Oppiani.
 Halient. I. 368. in Oceano
 occidentali, quod refertum
 monstris immanibus et tae-
 tris nautarum fabulae prae-
 dicabant, Hispaniae litus ad-
 luente visam, id enim indi-
 cat *Tartessia*.

v. 162. *Hanc* sc. Nereida
 subleuat.

v. 163. *Trux aries*. Op-
 pian. l. c. 372. κριοί τ' ἀργα-
 λέοι. cf. Aelian. H. A. XV. 2.
 Plin. H. N. IX. sect. 4. et
 XXXII. sect. 53. *leaenae*, κρυ-
 ρός τε λέων Oppian. l. c. 367.
 Aelian. H. A. XIV. 9. Plin.
 H. N. IX. sect. 51.

v. 164. *iuuentum*. Hunc
 Gesnerus putat esse phocam
 Oppiani l. c. 688. seu vitulum
 marinum Plin. H. N. IX. 13.
 Has feras bestias cicures quasi
 poeta fingit ad Veneris po-
 tentiam declarandam.

v. 165. *onerant*, multitu-
 dinem donorum exprimit.
connubia onerant donis di-
 ctum pro: dona congerunt
 in connubium seu nuptialia.

v. 166. *Cingula*. Propter
 margaritas, quibus distincta
 solebant esse cingula, quae-
 que margaritae ex mari erant
 petendae, vnde quoque fa-
 ctum est, vt Nereides huius-
 modi dona adferentes indu-
 cerentur.

Et grauib^{us} Spatale baccis diadema ferebat
 Intextum, rubro quas legerat ipsa profundo.
 Mergit se subito, vellitque coralia Doto.
 Vimen erat, dum stagna subit; processerat vndis: 170
 Gemma fuit. Nuda Venerem cinxere corona,
 Plaudentesque simul tali cum voce sequuntur:

Hos Mariae cultus, haec munera nostra precamur
 Reginae Regina feras. Dic talia nunquam
 Promeruisse Thetin, nec quum soror Amphitrite 175
 Nostro nupta Ioui. Deuotum sentiat aequor,
 Agnoscat famulum virgo Stilichonia pontum.
 Victricis nos spem patriae, classemque paternam
 Veximus, attritis quum tenderet ultor Achiuis.

Iam Ligurum terris spumantia pectora Triton 180
 Appulerat, lassosque fretis extenderat orbes.
 Continuo sublime volans ad moenia Gallis
 Condita, lanigeri suis ostentantia pellem,

v. 167. *Spatale*, Nereis, quae forsan alibi non occurrit.

v. 168. *rubro profundo*, mari Persico seu Indico.

v. 170. *Vimen erat*. cf. Ovid. Met. IV. 473 seqq. XV. 416. Plin. H. N. XXXII. sect. 11.

v. 171. *nuda corona*, nudae.

v. 175. *Promeruisse* nihil amplius est, quam: accepisse a nobis.

v. 176. *Nostro Ioui*, Neptuno, cuius sub imperio mare est, ut sub Iouis coelum. *deuotum*, obsequio devinctum. Vox illis temporibus frequens.

v. 178. 9. *Victricis nos spem* cet. cf. VIII. 461 seqq. Stilicho intelligitur. Gesnerus: *Victrices nos saepe rates*. Pro *saepe* Heinss. coni. *nempe*, aut legendum proponit:

Victricis nos vela ratis. attritis — Achiuis. Burmann. mauult: *ad tristes Achiuis*, quod languidius videtur quamquam grammaticae rationi accommodatius.

v. 181. *lassos orbes* cf. supra n. ad v. 149.

v. 182. *sublime volans* sc. Venus. *ad moenia Gallis condita*. Haec et quae sequuntur, lucem accipiunt ab Isidoro Orig. XV. 1. *Galli Mediolanum atque alias vrbes condiderunt*. *Vocatum autem Mediolanum ab eo, quod ibi sus in medio lanca perhibetur inuenta*. Sidon. Apollin. Epist. VII. 17. *Mediolanum ita indicat: Et quae lanigera de sue nomen habet*. Ceterum urbem describit Auson. Ord. nob. urb. IV. Poet. lat. min. T. V. P. III. p. 1320.

Peruenit. Aduentu Veneris spissata recedunt
 Nubila; clarescunt puris Aquilonibus Alpes. 185
 Laetitia⁹ causas ignorat dicere miles,
 Laetaturque tamen. Mauortia signa rubescunt
 Floribus, et subitis animantur frondibus hastae.
 Illa suum dictis affatur talibus agmen:
 Graduum, nostri comites, arcete parumper, 190

v. 184. 185. *spissata Nubila* sunt nubes spissae. Ovid. Amor. I. 13. 30. *puris Aquilonibus*. Aquilones fugant nubila, coelumque purum reddunt. Inde vocatur *clarus Aquilo* Virgil. Georg. I. 459. v. Burmann. ad Valer. Flacc. II. 56. Veneris autem aduentu omnia rident Sil. Italic. VII. 467 seqq.

v. 186. *Laetitia* i. e. subitae serenitatis, qua natura ridere videbatur. *ignorat*, nescit. Inuersionem putat Barthius esse, pro: ignorare se dicit; quod languidum mihi videtur. Potest etiam *laetitia* cet. sic exponi: Subitae laetitia⁹, qua se correptum sentit miles, etiam si causam ignorat, tamen illi indulget.

v. 187. 188. Notum est, rebus laetis et militia prospera ornari signa militaria morem fuisse lauru, floribus, vnguentis. v. Lips. ad Tacit. Annal. I. 24. in Excurs. L. Barth. ad Stat. silv. V. 1. 92. Martial. VII. 5. 4 seq. Qui mos ansam dedit commento, quo usus est h. l. poeta. Quod enim milites facere solebant, nunc sponte fit in scius militibus. Verum res

in maius aucta est, vt prodigii naturam indueret. E signis militaribus flores nascuntur, hastaeque frondes agunt; hoc bene per *animantur frondibus* expressum est, quum rebus etiam inanimis, quae vi aliqua interna structuraque solerti sustentari per se et augeri videntur, vita adscribatur.

v. 190. *nostri comites*. Heinsius reiecit hoc et rescriptit *nostrae comites*, quia nympphae Idaliae comites Veneris sint, laudans supra v. 100 et infra XXXI. 9. Verum Nymphis non vti solet Venus ad imperia sua promulganda, deinde poeta Nympharum nullam mentionem fecit, quum iter Veneris per mare describeret, quamquam proprio aliquo vecturae genere opus fuisset ad illas traiciendas, quo vel Nereides vsae sunt; tandem a Ligurum litore per aërem Venus dicitur Mediolanum venisse, quo in volatu Amores quidem comites habere potuit, qui alis instructi sunt, verum non Nymphas. Potest autem occurrere, infra v. 202 sq. Hymenaei, Gratiae et Concordiae

Vt soli vacet aula mihi. Procul igneus horror
 Thoracum, gladiosque tegat vagina minaces.
 Stent bellatrices aquilae, saeuique dracones.
 Fas sit castra meis hodie succumbere signis.
 Tibia pro lituis, et pro clangore tubarum 195
 Molle lyrae, festumque canant. Epulentur ad ipsas.

mentionem fieri, quorum quoque toto in itinere nullam rationem poeta habuit. Burmannus *nostri* vitiosum putat et *nostrae* languere, erigique sententiam, si legatur: *Gradivum, nostis, comites arcete parumper*, explicandae coniecturae causa addit: quasi dubitaret Venus, an adulterum recte nouissent. Difficile dictu est, utrum coniectura, an explicatio languidior sit. Hoc puto dandum esse, et *nostri* et *nostrae* frigere; melius autem fortasse sententiae consulere, si legi liceret: *Gradivum castris, comites, arcete parumper*. i. e. omnem belli speciem a castris per aliquod tempus remouete. Gesnerus notat, Venerem parum venustam esse, quae Martem arceri velit a militibus, quum potius precibus aut blando nutu hoc a suo amatore impetrare debuisset, ut cum satellitio suo. Terrore, Pavore, Tumultu, paullulum secedat. Sed *Gradivus* non magis proprie h. l. sumendus est, quam Ceres et Bacchus, quando illa pro fruge, hic pro vino ponitur.

v. 193. *Stent*, non mo-

veantur, non hostibus inferantur. *dracones*. supra n. ad V. 177.

v. 194. *succumbere*, parere Ovid. Heroid. III. 91. *meis signis*, imperio meo.

v. 195. *clangore tubarum* Virgil. Aen. II. 313 et XI. 192.

v. 196. *Molle canant*.

Molle canere non solum cantibus militaribus obpositum est, sed proprie ad celebrandas nuptias pertinet, quae carmina requirunt, quorum argumenta et amore et voluptate absoluntur. *Festum canere* est ita canere, ut religioni et solennitati cuiusdam diei accommodatum est. Ceterum puto, *faustum canere*, quod exponi potest: canere, quod boni ominis sit in nuptiis, huic loco aequè bene convenire, atque illud prius, nec Burmanno accedere possum, qui *festum canere* nuptiis proprium esse dicit. Alienus est locus Ovid. Met. V. 3, quem laudat, non enim eodem redit *coniugialia festa canere* et *festum canere*, illud est: cantu festa celebrare, hoc: festorum solennitati apte canere. *epulentur ad ipsas Exubias*. i. e. non rebus bellicis curam in-

Excubias; mediis spirent crateres in armis.
 Laxet terribiles maiestas regia fastus,
 Et sociam plebem non indignata potestas
 Confundat turbæ procures. Soluantur habenis 200

tendant, hostemque cogitent, sed epulis vinoque toti vacent, tantaque sit eorum securitas, ut vel ad ipsas excubias, in stationibus ipsis, genio indulgeant.

v. 197. *spirent*. Saepe *spirare* absolute poni, obseruat Burmannus. Adcuratius autem dixeris, quando *spirare* idem significet, quod *vivere*, animam emittere, accusativum nullum locum habere posse; loca autem, ubi *spirare* illam vim habet, satis obuia sunt. Inde significationem trahit *roû* emittere Lucret. VI. 890, et *roû* aestuare Virgil. Georg. I. 327 v. Heinfl. ad Virgil. Aen. X. 291. Posterior potestas huic loco convenit. Etiam Nostrates dicunt: *der Becher schäumt, brauset*. Burmannus sic: Crateres spirant, ubi fragrat vinum et odorem spargit. Eodem modo Gesnerus, qui laudat Spanhem. ad Aristophan. Plut. 809. *armis*, castris.

v. 198. *Laxet terribiles fastus*. *Fastus* h. l. est conscientia fastigii supra res humanas paene elati, in quo collocatos esse Imperatores et qui proximum ab illis locum obtinerent et ipsi crede-

bant et credi volebant, quæ conscientia et ipsos a reliquorum commerciis retinebat, et aliis summam reuerentiam vel terrorem adeo inspirabat. Hic itaque nihil vitii aut opprobrii illa vox habet, sed res significatur regiae et procerum dignitati apta et conueniens, quæ legibus etiam erat sancta. *Laxare* autem *fastus* eadem ratione dicitur, qua *laxare iram*, Stat. Theb. VI. 831, et *laxare temeritatem* Petron. 82, pro: remittere. Sensus: paululum descendat maiestas regia a summo dignitatis suae fastigio, ne communis laetitia maiestatis reuerentia turbetur aut coërceatur.

v. 199. *potestas*, dignitas, qua procures induti sunt. Burmannus Imperatorem intelligit. *sociam plebem* i. e. laetitiae participem.

v. 200. *Confundat turbæ procures*. Sensus: nec dignitas procerum prohibeat, quominus plebem laetitiae participem adsumant ordinum discrimine remoto. *Soluantur habenis gaudia*. Nihil sit, quod gaudia coerceat, quominus effusa sint. Virgil. Aen. XII. 499. cf. Stat. Silv. I. 2. 233 sqq.

Gaudia, nec leges pudeat ridere seueras.
 Tu festas, Hymenaeae, faces; tu, Gratia, flores
 Elige; tu geminas, Concordia, necte coronas.

v. 201. *nec leges pudeat ridere seueras.* Vel leges in hac communi laetitia paulum a seueritate remittant, nec curent, si quid in illa genio indulgentium turba iusto plus sibi licentia adroget. Hanc legum facilitatem egregie exprimit illud *ridere*, quae vel ipsae publici gaudii participes inducuntur.

v. 202. *Hymenaeae. Hymenaeus* vel Calliopes, vel Clius, vel Vrania filius fuisse dicitur. De eius parentibus v. la Cerda ad Virgil. Aen. IV. 99. cf. Doering ad Catull. LXI. 4. Nuptiis praeesse credebatur. *festas faces.* Face seu taeda praelata finge batur virginem ad nouum maritum deducere. Eleganter eum inducit in Adonidis morte facem exstinguentem Moschus Idyll. I. 87 sqq. vbi v. interpp. Ex pinu autem faces nuptiales potissimum factas fuisse, docuit Dempst. ad Senec. Med. 37. cf. Catull. l. c. 3. *Gratia.* Stat. Silv. I. 2. 19 sqq. *nec blandus Amor, nec Gratia cessat Amplexum niueos optatae coniugis artus Floribus innumeris et olenti spargere nimbo.* In Iasonis nuptiis Nymphae spargebant flores Apollon. Rhod. IV. 1143 sq.

v. 203. *Elige.* nempe optimos flores. *Concordia. Con-*

cordiae taedam tribuit Stat. l. c. 240, vbi Heinſius legit *nodo*. Marklandus ad illum locum quaerit, quid Concordia cum coronis, quae Gratiarum partes sunt? Proponit *catenas*. Verum, quum sponsus et sponsa in nuptiis florum coronas gererent, omnesque conuiuae iisdem caput cingerent ex ritu sane antiquo Apollon. Rhod. IV. 1158 sq. nescio, cur poetae non licuerit plectendarum coronarum munus Concordiae tradere, etiamsi id nemo ante eum fecerit. Mihi quidem hoc videtur pulcherri- mum phantasma; Gratia, venustatis dea, eligit flores, et Concordia in laetissimum connubii auspiciū pectit ex illis sponso et sponsae coronas, quibus capiti imponendis matrimonii ineundi initium faustissimum capiant. Gesnerus non duas tantum, sed ex duabus textas virgulis, vt sint coniugii symbolum, coronas intelligit, cuiusmodi in numis frequenter sibi deprehendisse videtur et apud Cornel. in Thraſibul. cap. 4. Verum omnes coronae ex virgulis siue oleaginis siue aliis quibuscunque ex duabus constabant, nec, quod equidem sciam, vllam symbolicam rationem habebant. Probandum quoque

Vos, pennata cohors, quocunque vocauerit vsus;
 Diuisa properate manu, neu marceat vlla 205
 Segnities. Alii funalibus ordine ductis
 Plurima venturae suspendite lumina nocti.
 Hi nostra nitidos postes obducere myrto

fuiſſet aliunde, huiusmodi coronarum in nuptiis vſum fuiſſe. Aliae Concordiae vi- ces ſunt in Patric. Epithal. v. 85 ſqq. Poet. lat. min. T. IV. P. II. *Ales at e medio reuolans Concordia coetu Iungere nunc dexteras, nunc oſcula pangere mandat, Pri- maque perpetuis myſteria tradere curis.* Ceterum apud Graecos corona illa vocabatur *στῆφος γαμήλιον* Bion. Idyll. I. 88. cf. Schol. Ariſtoph. Aves. 160 et Euripid. Iphig. in Aul. 905. Vide omnino Pa- ſchalium de Coron. II. 16.

v. 204. *pennata.* cf. XXXI. 10.

v. 205. *Diuiſa* — manu ſc. vt alii alia curetis. *neu marceat vlla Segnities.* No- ve dictum exiſtimat Burman- nus pro: *nec marceat vllus ſegnitie*, ad vitandum hia- tum. Sed doctius expreſſit Noſter vulgare: ne ſit vlla ſegnities; pro: *ſit*, poſuit: *marceat* accommodate ad na- turam ſegnitiei.

v. 206. 7. *funalibus ordine ductis.* Geſnerus animaduertit, *funalia* h. l. non eſſe fu- nes ſtuppeos cera obductos, nec candelabra, *πολύμυξα*, ſeu lychnuchos (vt forte apud Ovid. Met. XII. 246 ſqq.) ſed

funes ſeu catenas, certo or- dine, lineis directis incur- vis circularibus ductas, a quibus penderent lampades. Hoc ex *ductis* et *suspendite* probare conatur. Confirmari hoc poteſt ex Stat. Theb. I. 520 ſqq. *Aſt alii tenebras et opacam vincere noctem Ad- greſſi, tendunt auratis vin- cula lychnis* et S. Paullin. nat. Felic. apud Goſſalium ad Petron. 30. *In ligno men- titur ebur, tectoque ſuperne Pendentes lychni ſpiris re- tinentur alienis, Et medio in vacuo laxis vaga lumina nutant* Funibus, *undantes flammæ levis aura fatigat.* Funalia etiam funes eſſe, probat Geſnerus ex Liv. XLII. 65. Sed et candelabra ordine ducta dici poſſunt, quae fu- nibus ſeu catenis ductis ſus- penſa ſunt. Iſidor. XX. 10. *Funalia erant candelabra, exſtantes ſtimulos habentia, quibus funiculi cera vel huiusmodi alimento luminis obliſi ſigebantur.* Eadem fere habet Seruius ad Virgil. Aen. I. 726. *lumina lychni* h. l. videntur eſſe.

v. 208. *nitidos postes.* Ad ritum nuptiarum antiquum forte ſpectat, quo poſtes a nouis nuptiis adipe lupino

Conteridant; pars nectareis adspergite tecta
 Fontibus; et flamma lucos adolete Sabaeos; 210
 Pars infecta croco velamina lutea Serum
 Pandite, Sidoniasque solo prosterne vestes.
 Ast alii thalamum docto componite textu.
 Stamine gemmato, picturatisque columnis

ant vnguento vngerentur. Plin. H. N. XXVIII. sect. 37. ibi v. Harduin. Serv. ad Virgil. Aen. IV. 458. *nostra myrto*. Frondibus et corollis postes in nuptiis exornabantur. Iuvenal. VI. 79 et 227. Nost. infra XLVIII. 28 sqq. Pollux III. 3. cf. Lucan. II. 354 sqq. qui plures nuptiarum ritus tangit. *nostra*, nam Veneri sacra erat myrtus.

v. 209. 10. *nectareis adspergite* — *Fontibus*. Nuptiarum die domus noui mariti omni genere odorum vel liquidorum et sparsorum vel crematorum implebatur. Catull. LXVIII. 143 sqq. *adolete*, incendite. *lucos Sabaeos*, ins, quod solum in Saba, Arabiae Felicis regione in frutice, quam putant Iuniperum Phoeniceam Lin. esse, nascebatur. Virgil. Georg. I. 57. II. 117. Plin. H. N. XII. sect. 30 sq. *lucos*, indicat abundantiam.

v. 211. *velamina*. Velaminum et aulaeorum, quibus parietes vestiebantur, frequens tunc temporis vsus erat. *Serum* cf. n. ad I. 179. *infecta*, tineta. *croco*. Videtur hic color in nuptiis praecipue adhibitus fuisse. la

Cerda ad Virgil. Eclog. II. 50. Broukh. ad Tibull. I. 7. 64. Valer. Flacc. VIII. 234 sqq. quem colorem describit Ovid. A. A. III. 179 sq. Apud Ovid. Heroid. XXI. 162 noua nupta induta est lutea palla, quam tamen flammeolum esse Mycillus putat. *Sidonias vestes* stragulas purpureas.

v. 213. *thalamum* h. l. λέκτρον γαμικόν, νυμφίδιον, torus genialis. *docto textu*. Lectulus sterni solebat veste purpurea acn artificiose picta. Huc pertinet illud *docto*. Vestem stragulam huiusmodi figuris intextis describit Catull. LXIV. 47 sqq.

v. 214. *Stamine gemmato*. Gesnerus intelligit stemmata, fertas seu funiculos, quibus inserti sunt fruges, fructus, folia, gemmis intermicantibus (*Guirlanden, Festons, Fruchtbänder*) verum illa vix *flamina gemmata* dici possunt. Et quid sibi volunt Gemmae inter flores et folia? Sed v. ad VIII. 595 sqq. *Velamenta* potius intelligenda sunt gemmis exornata et e columnis, quae apicem portant, suspensa. *picturatis*. non coloribus obductas intelligo sed opere tessellato

Aedificetur apex, qualem non Lydia diues 215
 Erexit Pelopi, nec quem struxere Lyaeo
 Indorum spoliis et opaco palmite Bacchae.
 Illic exuias omnes cumulate parentum,
 Quidquid auus senior Mauro vel Saxone victis,
 Quidquid ab innumeris socio Stilichone tremendus
 Quaeliuit genitor bellis, quodcunque Gelonus (220
 Armeniusue dedit, quantum crinita sagittis
 Attulit extremo Meroe circumflua Nilo,

seu de marmore maculis distincto Senec. Thyest. 647. Fieri tamen non potest, ut accuratam huius thalami imaginem, qualis poetae oculis forsan obuersaretur, exhibeamus, nec locis ex aliis scriptoribus congestis quidquam proficitur, quum et thalamus ad illas res pertineat, quarum ratio pro locorum et temporum diuersitate diuersissima procul dubio fuerit. In Claudiano difficilior res expeditu est, quum saepe nescias, vtrum suae aetatis ritus et mores, an tempora antiquiora spectarit, vnde saepissime colores ad sui temporis res exornandas mutuatur.

v. 215. 6. *apex*, fastigium thalami. *qualem non Lydia diues Erexit Pelopi*. Pelops, Tantali filius, erat ex Phrygia, quid igitur *Lydia* h. l. sibi vult? Et, etiamsi sumas, *Lydiam* latiori sensu esse positam (vocatur etiam *Λυδία* Pelops apud Pindar. Olymp. l. 37.), difficultas tamen nullo modo tollitur. Pello-

pem in Phrygia seu Lydia uxorem duxisse, nusquam legitur, et, si nuptiae eius cum Hippodamia, Oenomai regis filia, intelliguntur, quae in Elide celebratae sunt, quomodo Lydia thalamum eius exstruxisse dici potest? Num contra antiquitatis fidem Noster rem finxit, an fabulam secutus est, quam nunc nos ignoramus? an sub *Lydia* diuitiae et opes intelligendae sunt, quas ex Phrygia secum abduxerit Pelops? cf. Horat. od. II. 12. 22. Miror sane interpretes hunc locum sicco pede transisse. *Lyaeo*. Num, quum Ariadnen in Naxo insula a Theseo relictam in matrimonium duceret?

v. 218. *exuias*, praedam.

v. 219. *auus senior*, Theodosius Comes. *Mauro vel Saxone* cf. supra VII. 24 sqq.

v. 220. *socio Stilichone*. Huius laudes cum laudibus Theodosii M. et Honorii semper miscet.

v. 222. 3. *crinita sagittis* cf. supra n. ad VII. 21.

Misit Achaemenio quidquid de Tigride Medus,
 Quum supplex emeret Romanam Parthia pacem. 225
 Nobilibus gazis opibusque cubilia surgant
 Barbaricis. Omnes thalamo conferte triumphos.
 Sic ait, et sponsae petit improuisa penates.

Illa autem, secura tori, taedasque parari
 Nescia, diuinae fruitur sermone parentis, 230

v. 224. *Achaemenio*, ab Achaemenia Persiae regione. cf. Herodot. VII. 11. Horat. od. II. 12. 21. ibi v. Iani. Ammian. Marcell. XIX. 4.

v. 225. *Quum supplex emeret — pacem*. Respicit Noster procul dubio legationem, quam Saporus III. Persarum rex ad pacem petendam Constantinopolim misisse dicitur Richomere et Clearcho coll. A. C. 384. cf. Fast. Idat. h. a. Marcellin. Chron. h. a. Oros. VII. 34. Pacat. in Panegy. Vet. XII. 22. 5. *Denique ipse ille rex eius* (Persidis) *dedignatus antea confiteri hominem, iam fatetur timorem, et in his te colit templis, in quibus colitur: tum legatione mittenda, gemmis sericoque praebendo, ad hoc triumphalibus belluis in tua effeda suggerendis; etsi adhuc non est foederatus, iam tamen tuis cultibus tributarius est. Quis non sentit, quantopere res in manus sit elata?*

v. 226. 7. *cubilia surgant*, nihil amplius puto, quam cubilia exstruantur. Surgere omnia ratione poetica dicuntur, quae in altum struuntur

seu aedificantur, ut moenia, turres et h. l. *cubilia* seu thalamus. cf. supra III. 211. Gesnerus *surgant* ad acervos refert, ut in tanta opum multitudine non iuxta se poni explicarique possint omnia, sed extruantur in acervos. Barthius Bulengerum de triumpho cap. I. secutus de spoliis hostium cogitat, quibus thalamus exornatus sit. Vtriusque ratio mihi displicet. *triumphos*, opes bellis feliciter gestis quaesitas. Gesnerus supellectilem pretiosam, tabulas pictas, statuas, quae in triumpho portata aut vecta sunt, intelligit. Minus bene. *thalamo conferte* i. e. in thalamo exstruendo et exornando consumite.

v. 228. *improuisa*, de improviso.

v. 229. *secura tori*. Recte Gesnerus: nihil minus tum curans, quam torum seu nuptias. *taedasque*, supra III. 83.

v. 230. *diuinae parentis*, Serenae, filia adoptiva Theodosii M. *fruitur*, cum delectu, instituebatur enim matris sermonibus.

Maternosque bibit mores, exemplaue discit
 Prisca pudicitiae, Latios nec volvere libros
 Delinit aut Graios, ipsa genitrice magistra,
 Maeonius quaecunque senex, aut Thracius Orpheus,
 Aut Mitylenaeo modulatur pectine Sappho. 235
 Sic Triuiam Latona monet; sic mitis in antro
 Mnemosyne docili tradit praecepta Thaliae.
 Quum procul augeri nitor, et iucundior aer

v. 231. *bibit mores*. Ductum a lana, quae bibit colores Ovid. A. A. III. 187 sq. ad animum translatus est, qui induit mores maternos.

v. 232. *volvere*, legere.

v. 233. *magistra*, interprete.

v. 234. *Maeonius* Ovid. Trist. I. 6. 21 sq. Horat. od. IV. 9. 5. Homerus a Maeone patre seu potius a patria Colophone seu Smyrna oppidis Maeoniae seu Lydiae.

v. 235. *Mitylenaeo pectine*. Mitylene Lesbi vrbs, unde Sappho Mosch. Idyll. III. 93 sq. Gesnerus dubitat, an Sappho hic commode interponatur, quum Dio Chrysost. in orat. de Regno II. pag. 24 neget, decere reges Anacreontis aut Sapphus carmina canere. Quidni licuit Nostro ab illius iudicio discedere?

v. 236. *Triuiam*, Dianam, quae in triuiis colebatur. Spanhem. ad Callim. H. in Dian. 28. Ceterum deorum exemplis saepe utitur Noster, quando de parentibus et liberis sermo est, licentiaeque, quam recentiores poetae frequentius paene

quam antiquiores sibi sumunt, in variandis atque adeo fingendis mythis interdum indulget. *mitis*, Musarum matri aptum epith. *ἡδυτάτη* vocatur ab Orph. Hym. 76. 6. Inmerito *mitis* Barthio suspectum fuit, exprimit enim disciplinae rationem, quae pendet a miti docentis ingenio, quale Serenae fuisse hac comparisone Noster docet. *antro*. Musae enim montes habitant.

v. 237. *Mnemosyne*, matre Musarum, quia omnis rerum scientia memoria nititur Plutarch. de liber. educ. c. 15. T. VII. ed. Hutt. cf. Diodor. Sicul. V. 67. Docta est fictio et ingeniosa, Iovem serpentis, quae prudentiae symbolum erat, specie induta ex Mnemosyne procreasse Musas. Sidon. Apollin. carm. XV. 174 sqq.

v. 238. *Quum procul augeretur*. Pertinet ad ea, quibus Deorum praesentia arguitur. Heyne in Excursu XIII. ad Virgil. Aen. I. Sil. Italic. VII. 467 sqq. *Adfulsit vultu ridens Venus. Omnia circa Et nemora et penitus frondosis rupibus antra Spirant*

Attonitam lustrare domum, fundique comarum :
 Gratus odor. Mox vera fides, numenque refulsit, 240
 Cunctatur stupefacta Venus. Nunc ora puellae,
 Nunc flauam niueo miratur vertice matrem.

tem. sacro traxerunt vertice odorem. procul, antequam Venus ipsa in conspectu esset, ita vt ille nitor Venerem longo interuallo praecederet. Ille nitor explicatur sequenti iucundior aer i. e. lumen, seu splendor solito iucundior.

v. 239. *lustrare* pro: illustrare. Burmann. ad Grat. Cyneg. 221. *adtonitam domum*, homines subito fulgore stupentes. Ex Veneris natura et ratione illa sumta sunt cf. Lucr. I. 8 sq. Ovid. Fast. VI. 5 sq.

v. 240. *comarum Gratus odor*. Etiam odor Ambrosiae, qua Veneris comae erant delibutae, totam domum implebat, deaeque aduentantis quasi nuncius erat. Illo odore se manifestat apud Virgil. Aen. I. 402 sq. Compara Sil. Italic. l. c. Ovid. Fast. V. 376 sqq. Stat. silv. I. 3. 11 sq. *mox vera fides*, eodem sensu, quo apud Virgil. Aen. III. 309 *manifesta fides* pro vulgari: *mox manifesta res erat. numenque refulsit*, ornatus, quam: adparuit, quoniam dii insolito aliquo splendore ipsos ambiente, in conspectum venire solent.

v. 241. *Cunctatur stupefacta Venus*. Efficacius pulchritudo et venustas et Sere-nae matris et Mariae filiae

exprimi non poterat. Dea ipsa pulchritudinis et venustatis admiratione illarum adeo abripitur, adeoque animo et oculis in illis contemplandis haeret, vt aliquamdiu, quo consilio venerit, obliuiscatur, tempusque in pascendis oculis consumat. Effectu sic pulchritudinem alia ratione sed simplicitate diuina descripsit Homer. II. 7. 154 sqq.

v. 242. *Nunc flauam niueo miratur vertice matrem*. Hic versus omnes, quos equidem inspicere potui, interpretes mirifice torfit. *Flaua mater* nihil aliud esse potest, quam mater flauis capillis, vt epithet. hoc sensu apud poetas sexcenties occurrit. Verum, quid facies de niueo vertice? Si de coma hoc omnino intelligendum est, corruptum se esse versus ipse clamat, quod contraria coniungit. Omnes quoque critici ad medicinam loco laboranti faciendam prompti erant. Barthius, quasi rebus desperatis, audaciora remedia adhibet, ita legens: *nunc ora puellae Flammea nunc niueo miratur vertice matrem*. Sed pulchritudo matris a niueo vertice vix potest laudari, nec probabile est, eam

Haec modo crescenti, plenae par altera Lunae.
Assurgit ceu forte minor sub matre virenti

iam canos capillos habuisse, quum filiam haberet tenellam. Heinsius proponit *rutilo vertice* reiiciens lectorem ad ea, quae notauit ad Ovid. Met. V. 440. Non autem existimo, Claudianum τὴν *flauam matrem* explicandi gratia adiecisse *rutilo vertice*, ne quis lector flauam in alium sensum detorqueret, quum vis illius vocis apud omnes fere poetas sit frequentissima. Gesnerus epitheta permutanda censet, locumque ita legendum: *Nunc flauo niueam miratur vertice matrem*. Vix autem intelligas, quae intemperies librariorum adegerit, ut locum tam perspicuum, conspiratione quasi inter se facta, lectoribus permutatione epithet. obscurum redderent, quum illa ab ipso poeta proficisci non potuerit. Duae coniecturae Burmannianae mihi non magis probantur, quarum tamen posteriori loco proposita: *flauam nitido* melior videtur esse priori: *nunc gnauam niueo*. Persuasum mihi habeo, si versus corruptela laborat, vitium non in *niueo* sed in *vertice* latere, quia *niueus* color cum *flauo* et ab aliis saepe et a Nostro coniungitur infra XXX. 125 sqq. Difficultas nulla esset, si *vertex* pro toto capite sumi posset, adeo ut *niueo* corporis colo-

rem indicaret, verum enim vero, usus eius vocis hoc sensu, addito praesertim eiusmodi epitheto, quod totum corpus spectat, nimis insolens merito iudicabitur. Potest autem fieri, ut *verticem niueum* appellet poeta a velamento capitis, fascia, mitra alba, qua color comarum flauus illustrior etiam redditur. Serv. ad Virgil. Aen. VII. 403 notat, vittas crinales solarum matronarum fuisse, usumque earum meretricibus non fuisse concessam. cf. Catull. LXIV. 63. Ovid. Met. II. 413, IV. 6, V. 617. Broukh. ad Tibull. I. 6. 67 sq. Aristae. I. 19. κόμην ἀφελῶς τεπλοισμένην· καλύπτραν ἐπ' αὐτῆς εὖ μάλα σεμνήν. Et ille niueus capitis cultus non solum pulchritudini imaginis, quam adumbrat poeta, inservire, sed etiam modestum matronae habitum indicare videtur.

v. 243. *Haec modo crescenti* cet. Suavis comparatio vultus nitentis cum luna saepenumero facta est a poetis Homer. Hymn. in Vener. 89 sq. Musaeus in Her. et Leandr. 55 sqq. Broukh. ad Tibull. III. 4. 29. Horat. od. II. 5. 18 sq. Senec. Hippolyt. 743 sqq. Burmann. ad Petron. 127. Plura Barth. ad h. l.

v. 244. *Assurgit* elegantius quam crescit. Verum compa-

Laurus, et ingentes ramos, olimque futuras 245
 Promittit iam parua comas; vel flore sub vno
 Ceu geminae Paestana rosae per iugera regnant,
 Haec largo matura die, saturataque vernis
 Roribus indulget spatio, latet altera nodo,
 Nec teneris audet foliis admittere Soles. 250

rationem cum lauru non inter felicissimas puto censendam. Eam tamen exornauit Goripp. in laud. Iust. II. 78sqq. *Arboris ut matris quae de radice propago Nascitur et celsis caput erigit ardua ramis, Aequiparatque nouis maternae frondibus umbrae; At mater proprio florentem germina natam Gaudet habere parem, laetasque adtollit in auras Felices ramos, et vertice despicit arua.*

v. 246. *Promittit* h. l. spem facit. Ovid. Met. III. 603. Nemesian. Cyn. 163. *comas*, frondes Sil. Italic. IV. 682. Sic etiam apud Graecos. v. Spanhem. ad Callim. H. in Del. 81. Anacreont. XXII. 3. *flore sub vno*, i. e. vna florentes, seu eodem tempore vno loco florentes, vt Gesnerus explicat.

v. 247. *regnant*, ita florent, vt pulchritudine inter reliquas longe emineant. *Paestana per iugera*. De Paesto seu Posidonia v. Ruperti ad Sil. Italic. VIII. 579. Rosarum pulchritudine et copia apud poetas praecipue insignis fuit. v. la Cerda ad Virgil. Georg. IV. 119.

v. 248. *matura*, perfecta,

foliis plene explicatis. *largo die*. Amoenitas summa, quam nacta est rosa paullatim ab eo tempore, quo in nodo adhuc lateret, vsque ad id tempus, quo summa eius pulchritudo oculis exponeretur, donum facit poeta spatii huius praeterlapsi; inde epith. *largo* interpretandum est. *vernīs roribus*, qui producere, alere et aperire rosas dicuntur Auson. Idyll. XIV. 11 sqq.

v. 249. *indulget spatio* ornatus quam: amplitudo eius crescit, seu laxior fit. Delectatur quasi aucta amplitudine. Simile aliquid est apud Virgil. Georg. II. 277. vbi v. Heyne. cf. Auson. l. c. 29 sqq. Cum huiusmodi rosa Serena mater comparatur, et filia cum illa, quae *latet nodo*, complicatis adhuc foliis. Roseo colore saepe vtuntur poetae ad feminarum pulchritudinem describendam. cf. Musaeum de H. et Lean. 59 sqq. Apud Anacreont. LII. 20 sqq. vbi v. 30 sqq. origo rosae fingitur, aliter apud Bion. Idyll. I. 66.

v. 250. Rosae complicatis adhuc in nodo foliis pudor puellaris adscribitur, quo non

Adstitit, et blande Mariam Cytherea salutat:

Salve, sidereae proles Augusta Serenae,
 Magnorum soboles Regum, parituraque Reges.
 Te propter Paphias sedes Cyprumque reliqui,
 Te propter libuit tantos explere labores, 255
 Et tantum transisse maris, ne vilior vltra

audet se oculis virorum cupidis exponere. Venustum hoc phantasma plane Barthius iugulat, quum argutatur in voce *admittit* et de *admissario* cogitat. Pudor autem illi nodo tribuitur, quia rubor, pudoris signum, in eo maxime conspicitur. Peruigil. Vener. v. 25. Poet. lat. m. T. III. *Gras ruborem, qui latebat vestie tectus ignea. Unico marita nodo non pudebit solvere. Soles, solis radios.*

v. 251 sqq. Exponit Venus causam aduentus sui, ut Mariam, propter praestantem corporis formam regio matrimonio dignissimam, Honorio iungeret. *sidereae*. i. e. splendidae, pulchrae. A Nostro saepius vel Imperatoribus hoc epith. datur, vel iis, qui cognatione illos adtingunt, exprimitque fulgorem quandam et nimbum, qui diuina illorum ora ambit, referri-que potest omnino ad pulchritudinem sed humana maiorem. cf. Apollon. Rhod. II. 40 sqq. Heins. et Burmann. ad Valer. Flacc. IV. 190, V. 467, VIII. 26. Cum astris heroes comparantur Homer. II. 5. 401. Pind. Isth. IV.

39 sqq. *sidereae* etiam est: diuinae. eximiae. Sil. Italic. II. 696 sq.

v. 253. *Magnorum soboles regum.* Respicit originem Theodosii a Traiano ductam.

v. 254. Burmannus comparat Virgil. Aen. IV. 320 sqq. ubi idem orationis color est. *sedes* saepissime de loco dicitur, ubi dii coluntur. v. Burmann. ad Ovid. Met. X. 229. Virgil. Aen. I. 681.

v. 255. *explere*, perficere, usque ad finem sustinere. *Tantum laboris*, ut in vno scripto est, Heinsius elegantius putat, sed v. Virgil. Aen. III. 368.

v. 256. *vilior.* Bene Gesnerus observat, poetam hac voce voluisse exaggerare fastigium domus Augustae, et praesertim Honorii maiestatem. Quibus etiam addas: sub Imperatoribus praesertim serioris temporis, ubi adulatio nec finem nec modum nquerat, hominibus in certos ordines redactis, quorum sua cuique honoris verba assignata erant, quibus variae dignitates in sermone honorarentur, multas voces propriam vim et potestatem amisisse, ita ut cae, quae

Priuos paterere lares, neu tempore longo
 Dilatos iuuenis nutriret Honorius ignes.
 Accipe fortunam generis, diadema resume,
 Quod tribuas natis, et in haec penetralia rursus, 260
 Vnde parens progressa, redi. Fac nulla subesse
 Vincula cognatae; quamuis aliena fuisses
 Principibus: regnum poteras hoc ore mereri.
 Quae propior sceptris facies? quis dignior aula
 Vultus erat? Non labra rosae, non colla pruinae, 265
 Non crines aequant violae, non lumina flammae.

homines supra humanam fortem extollere viderentur, invidiam amitterent consuetudine ipsa et in sonos inanes abirent, quae contra illos deprimerent, turpitudine liberarentur.

v. 257. *Priuos paterere* l. in domo priuata maneres. *paterere*, quasi indignum aliquid.

v. 258. *nutriret* Virgil. Aen. IV. 2.

v. 259. *Accipe fortunam generis*. Burmannus dubitat, an haec Mariae decenter dicantur. Verum non genere augusto sed imperatoria dignitate inferiorem Mariam poeta agnoscit et agnoscere debuit, quare nihil opus est Burmanni coniectura: *Auspice fortuna generis diadema resume*, quae vix ex mente poetae esse videtur. *Fortuna generis* h. l. est imperatoria dignitas generi debita, vt Barthius recte interpretatus est. Idem, sed aliter, exprimunt sequentia *diadema resume*. Imperatoriam

enim dignitatem Serena mater, filia adoptiua Theodosii M., amisit quodammodo, quum Stilichoni priuato nuberet, hoc innuitur per: *unde parens progressa*.

v. 262. *cognatae* cas. tert.

v. 263. *hoc ore*. *δὲ κρινός*.

v. 264. *propior*, dignior, aptior.

v. 265, 6. *violae*. De nigris violis Gesnerus interpretatur Virgil. Eclog. X. 39, dicitque, capillos valde et splendide nigrificantes aliquid de colore violaceo trahere. Verum nigri crines non valde tunc temporis in honore erant, ita vt feminae, quae eos haberent, capillis adscititiis vterentur, aut arte colorem mutare studerent. Ego luteas violas respici puto v. Martin. ad Virgil. Eclog. II. 47. Ceterum huiusmodi comparationes saepe apud poetas occurrunt. Ovid. Amor. III. 7. 7 sqq. Propert. II. 2. 19 sqq. Virgil. Aen. XII. 67 sqq. Tibull. III. 4. 29 sqq. Musaeus H. et Leand. 55 sqq. Burmann.

Quam iuncto leuiter sese discrimine confert
 Umbra supercilii! miscet quam iusta ruborem
 Temperies! nimio nec sanguine candor abundat.
 Aurorae vincis digitos, humerosque Dianae. 270
 Ipsam iam superas matrem. Si Bacchus amator
 Dotali potuit coelum signare Corona,

Antholog. lat. T. I. pag. 697. *non lumina flammæ, οὐματα μαρμαίροντα* Homeri (Il. γ. 379) intelligit. Tibull. IV. 2. 5 sq. *Illius ex oculis, quum vult exurere diuos, Accendit geminas lampadas acer Amor.* cf. Ovid. Amor. III. 3. 9. Martial. IV. 42. 1 sqq. v. 267. 8. *Umbra supercilii, supercilia, confert leuiter sese iuncto discrimine, nec nimis magno spatio inter se disiuncta nec plane mixta sunt. Ad pulchritudinem hoc veteres referebant. Anacreon. XXVIII. 13 seqq. Petron. 126. Supercilia usque ad malarum scripturam currentia et rursus confinio luminum paene permixta. Quod nisi naturae dono puellis esset, ars adhibebatur. Ovid. A. A. III. 201 sq. Ad coloranda et infuscanda supercilia atque ad raritatem eorum emendandam utebantur ursino adipe et lucernarum fuligine Plin. H. N. XXVIII. cap. 11. etiam formicarum ouis cum muscis tritis id. XXX. cap. 15. cf. Iuvenal. II. 93 seq. miscet sc. candido. Ovid. Heroid. XXI. 217 sq.*

v. 270. *Aurorae digitos.* Notum est Homeri ποδοδάκτυ-

λος Ἠώς. *humerosque Dianae.* Ad proceram Mariae staturam Gesnerus illud refert, laudans Virgil. Aen. I. 500 et Ovid. Met. III. 182 sq. Sed quanta statura tum debuit Serena mater esse cf. supra v. 244 seq. Equidem puto, non humeros h. l. proprie, sed totam superiorem corporis partem intelligi, praesertim pectus, cuius cum pectore Dianae comparatione summa pulchritudo innuitur, qualis in virginibus solet esse. cf. Homer. H. in Ven. 80 sqq.

v. 271. *superas, non statura sed pulchritudine.*

v. 272. *Dotali — corona.* Variae fuerunt narrationes veterum de Ariadne Minois, Cretae regis, filia, quarum illam Noster secutus esse videtur, secundum quam Bacchus, ut Ariadnen sibi conciliaret, votisque suis facilem redderet, coronam a Vulcano ex auro gemmisque affabre factam, dono ei dedit, eandemque, ut Ariadne perenni fidere clara foret, inter stellas retulit. Ovid. Met. VIII. 177 sqq. Fast. III. 511 sqq. Coronam describit Manil. Astr. V. 250 sqq. Sunt quidem duae coronae, altera

Cur nullis virgo redimitur pulchrior astris?
 Iam tibi molitur stellantia ferta Bootes,
 Inque decus Mariae iam sidera parturit aether. 275
 I digno nectenda viro, tantique per orbem
 Consors imperii! Iam te venerabitur Ister;
 Nomen adorabunt populi; iam Rhenus, et Albis
 Seruiet; in medios ibis Regina Sicambros.
 Quid numerem gentes, Atlanteosque recessus 280
 Oceani? toto pariter dotabere mundo.

borealis iuxta Booten seu Arctophylacta, altera australis ante pedes Centauri, quam posteriorem nemo, quod sciam, Ariadnes esse dixit.

v. 273. *pulchrior* sc. quam Ariadne. *redimitur*, cingitur. *astris*, corona ex astris, qualis Ariadnes est. Caue hunc sensum verbis subesse existimes: cur deorum nemo Mariam, ut Bacchus Ariadnen, coelesti illo honore sibi devinxit? Non enim in mentem venire potuit poetae, ut Honorium Augustulum infra deos poneret. Sed mirandam Venerem induxit, ut pulchritudinem Mariae extolleret, cur illa eodem honore non adficiatur, quam Ariadne propter pulchritudinem suam sit consecuta?

v. 274. Iam se quasi reuocans dicit, hoc maxime nunc fieri, quod, cur non fieret, mirata sit. *Iam tibi molitur*, cet. i. e. ecce Bootes iam tibi nectit coronam. Qui scilicet suum esse putat, hoc dono Mariae pulchritudinem agnoscere, atque illo officio

Honorii gratiam demereri. Verum stellae, quas quidem veteres nudis oculis videre poterant, signis coelestibus in illa plaga iam erant occupatae. Hoc peperit versum sequentem.

v. 275. Nouae iam parantur stellae. *parturit aether*. Quoniam aether ignis est, unde quoque ex opinione quorundam veterum stellae sunt formatae. cf. Stobaeum in Eclog. phys. I. 25. *decus*, honorem.

v. 277. 9. *Ister*. Barbaros intelligit ad borealem Istri ripam habitantes. Ceterum per gradus assurgit, *venerabitur, adorabunt, seruiet. Sicambros* v. n. ad VIII. 446. ut ferocissimi et indomiti nominantur. *ibis regina*. pompam regalem et triumphantem indicat. Barth. ad Stat. Theb. II. 361, qui laudat Valer. Flacc. III. 23 sqq. et sua Aduersar. X. 9, CXLVII. 17.

v. 280. 1. *Atlanteosque recessus Oceani*. Intelliguntur vltima Hispaniae et Africae ora maritima. *Atlanteos di-*

Dixit; et ornatus, dederant quos nuper ouantes
Nereides, collo membrisque micantibus aptat.
Ipsa caput distinguit acu, substringit amictus;
Flammea virgineis accommodat ipsa capillis. 285

Ante fores iam pompa sonat, pilentaque sacram
Praeradiant ductura nurum. Calet obuius ire
Iam princeps, tardumque cupit discedere Solem.
Nobilis haud aliter sonipes, quem primus amoris
Sollicitauit odor, tumidus, quatiensque decoras 290

ctum pro: occidentales, quia
Atlas mons est, quem veteres in extrema occidentali
plaga ponebant. *mundo*, orbe
terrarum. In rebus augendis
Noster statera non utitur, sed
semper fere extrema sectatur.

v. 282. *ornatus*. cf. supra
165 seqq. *ouantes*. supra
172 seqq.

v. 283. *membris micantibus*. Gesnerus explicat: prae
admiratione et gaudio trepidantibus. Equidem malim
micantibus ad ipsum ornatum trahere, quo decorabantur membra, aut ad pulchritudinem eorum. Stat. Silv. I. 2. 141. *siderii artus Veneris*.

v. 284. *acu* sc. crinali, quo
capillorum flexus in vertice
retinebantur. Martial. XIV.
24. *substringit amictus*. De
cingulo hoc interpreto seu
zona virginali, quam deinde
in thalamo soluebat maritus.
cf. Spanhem. ad Callimach.
H. in Iov. 21. Burmann. ad
Ovid. Heroid. II. 116. Schrad.
ad Musaeum v. 272.

v. 285. *Flammea*. *Flammeum* vestimenti genus erat

lutei vel flammei coloris, quo
virgines nuptiarum die caput
operire solebant. Iuvenal. VI. 225. ibi v. Schol. et
interpp.

v. 286. *pompa*, deductura
sc. sponsam cum facibus ad
aedes noui mariti. *pilentaque*.
Antiquioribus temporibus
apud Romanos pedibus
ibant sponsae, recentioribus
vehebantur carpento. Lucian.
Coniuv. c. 47. T. III. pag. 450. ed. Reiz. Iam antiquissimis temporibus apud
Graecos curru nouae nuptae
ad maritum deducebantur,
ut adparet ex Hesiod. Scut.
Herc. 279 sq. Sponsae deductio
occurrit quoque apud
Homer. II. 6. 490 sqq. cf.
Polluc. III. 3. *sacram*. Augusti
sponsam. Ceterum cf. Stat. Silv. I. 2. 229 sqq.

v. 287. *calet*, ardet, cupit.

v. 288. *tardumque solem*.
cf. Catull. LXII. 1 sq. Stat. I. c.
217 sqq.

v. 289. 90. *primus amoris odor*.
Honorius vix dum adolescens cum equo comparatur,
qui primum sentit amo-

Turbata ceruice iubas, Pharsalia rura
 Peruolat, et notos hinnitu flagitat amnes,
 Naribus accensis. Mulcet fecunda magistros
 Spes gregis, et pulchro gaudent armenta marito.

ris stimulos. Pro stimulis posuit poeta *odorem*, quia equarum odore equi ad amorem incenduntur. *tumidus*, elatus, ferox.

v. 291. *Turbata ceruice*, quod Heinsius recepit pro *curuata*, quamquam hoc meo quidem sensu h. l. melius est. Xenoph. de re equestr. X. 3. 4. ἐξὺν δὲ τις δεδάξῃ τὸν ἵππον ἐν χαλκῷ μὲν τῷ χαλινῷ ἱππεύειν, ἄνω δὲ τὸν αὐχένα διαίρειν, ἀπὸ δὲ τῆς κεφαλῆς κυρτοῦσθαι, οὕτως ἂν ἀπεργάζοιτο ποιεῖν τὸν ἵππον, οἷοις περ καὶ αὐτὸς ἥδεται τε καὶ ἀγάλλεται. Τεκμήριον δὲ, ὅτι τοῦτοις ἥδεται· ὅταν γὰρ αὐτὶς θέλῃ παρ' ἵππους, μάλιστα δὲ ὅταν παρὰ θηλείας, τότε αἶρει τε τὸν αὐχένα ἀνωτάτω, καὶ κυρτοῖ μάλιστα τὴν κεφαλὴν γοργοῦμενος. Accedit, quod *curuata* imaginem equi ferocientis absolutiorem reddat, *turbata* autem iam in *quatiens decoras iubas* lateat. Equus anterioribus pedibus elatis ceruicem erigit, caputque ad colum adducit, quo summa ceruicis pars curuatur. *Pharsalia rura*. Pharsalia nobilium equorum mater. Varro d. R. R. II. 7. 6. Ex Thessalia etiam erat Alexandri Bucephalus. Plin. H. N. VIII. sect. 64.

v. 292. *notos amnes* i. e. nota pascua, in quibus educatus est. *Notos* Heinsius offendit, quaerit enim: cur *notos amnes*, quum primum incipiat amare? Responderi autem potest: amoris stimulis, quos primum sentit, ad congregationem aliorum equorum compellitur; ideoque properat ad pascua nota. *Ignotosque*, quod idem proponit, difficilius explicatu est, qui enim potest equus *ignotos amnes flagitare*? Omnia fere loca, quibus utitur ad coniecturam firmandam, aliena ferme sunt.

v. 293. *Naribus accensis*. cf. supra VIII. 446. Oppian. Halient. V. 183 sqq. vbi v. 187 θερμὸν δὲ διὰ στόμα κίδναται ἄσθμα. Sil. Italic. XIV. 209. *mulcet*, delectat, *fecunda spes gregis*, equus, qui praebet spem, gregem sua opera secundum fore. Comparationem totius loci cum Hom. Il. ζ. 506 sqq. Virgil. Aen. XI. 493 sqq. aliisque instituit Columna ad Ennii Annal. lib. II. Fragm. Ennii ed. Hessel. p. 47. cf. la Cerda ad Virgil. l. c. Comparatio illa Augusti cum equo generoso veterum poetarum lectoribus neque indigna neque indecora per se videri potest; verum quod amor Principis, quo in virgi-

Candidus interea positis exercitus armis 295
 Exsultat focerum circa; nec signifer vllus,
 Nec miles pluuiæ flores dispergere ritu
 Cessat, purpureoque ducem perfundere nimbo.
 Haec quoque velati lauro myrtoque canebant:
 Diue parens, seu te complectitur axis Olympi, 300
 Seu colis Elyias, animarum praemia, valles,

aem pulchram accenditur, cum equo libidine concitato et seroci confertur, habet utique, quo unusquisque offendatur, quandoquidem illa imagine non amor ratione temperatus homineque dignus, sed libido pingitur bruta et effrenata. Quamquam autem poeta, si cum ad aetatis nostrae politioris sensum exigas, omni excusatione plane destitutus esse videatur, temporum tamen rationi, quibus vixit, aliquid concedendum esse existimo. Pertinet illa imago ad eas, quibus perpetuus poetarum usus, ab antiquissimis temporibus repetitus dignitatem aliquam conciliauit, omnemque turpitudinem absterfit. Graeci frequenter puellam cum *πώλη* comparant. Anacr. LX. Euripid. Hippol. 546. ibi v. Schol. et Valken. Illos secutus est Horat. od. III. 11. 9 sqq. imprimis cf. II. 5. 3 sq. qui locus nulla temporum ratione habita magis etiam fastidioso nostrae aetatis iudicio culpandus videtur.

v. 295 sqq. Honorio et Maria in nuptiarum adparatu relictis transit subito Noster in

castra, vbi Stilicho versabatur. Inducit milites, fama de Honorii matrimonio accepta, habitu festo laetantes, ducis sui laudes celebrantes et vota temporis congrua facientes. *candidus*, togis indutis cf. n. ad VIII. 566.

v. 297. *pluuiæ ritu*. Pingit hoc florum sparsionem, copiamque indicat. De hoc more solemni v. Freinshem. ad Flor. II. 7. 14. eundemque ad Curt. V. 1. 20. Lips. ad Tacit. Annal. XIV. 61. Casaub. ad Sueton. Ner. 25. cf. Herodian. IV. 8. 19.

v. 298. *purpureo*. Ad colores florum vinidos et splendentes refero. Tibull. I. 4. 29. *nimbus* idem est, quod supra *pluuia*.

v. 299. *velati lauro myrtoque*. Milites velut in triumpho lauro erant coronati Martial. VII. 7. Celebrantes autem Imperatoris nuptias myrtum addiderant Veneri sacratam.

v. 300. *parens*. Theodosium M. appellant mortuum et consecratum. *seu te complectitur cet.* i. e. siue inter stellas relatus eo.

En promissa tibi Stilicho iam vota peregit.
 Iam gratae rediere vices. Cunabula pensat,
 Acceptum reddit thalamum, natoque reponit,
 Quod dederas genitor. Nunquam te, sancte, pigebit
 Iudicii, nec te pietas suprema fefellit. (305)
 Dignus, quem legeres, dignus, cui pignora tanti
 Principis, et rerum commendarentur habenae.
 Dicere nunc possem quae proelia gesta sub Haemo,
 Quaeque cruentarint fumantem Strymona pugnae;
 Quam notus clipeo, quanta vi fulminet hostem, (310)

v. 302. *promissa vota*, quod tu optasti et quod Stilicho tibi promisit, Mariam Honorio se iuncturum.

v. 303. *Iam gratae rediere vices*. Stilicho acceperat in matrimonium Serenam, quam fratris sui filiam Theodosius adoptauerat; huius beneficii remunerandi gratia Stilicho Mariam, ex Serena progeneratam, Honorio collocat. Inde quoque explicandum *cunabula pensat*. Theodosius enim pater adoptivus Serenae eam ut verus pater sustulisse cogitatur, ut cum Stilichone eam iungeret; Stilicho Mariam educasse, ut Honorio eam nuptum daret. *Cunabula* h. l. prima infantis cura eiusque educatio est, forsan *ἰσπτερήριον*.

v. 304. 5. Bis eadem sed aliis verbis iterat; posterius est explicatio prioris. *reponit*, ut Virgil. Georg. II. 202. Aen. XI. 878, quae loca Burmannus laudat, pro: reddit, reddidit. *sancte*. Virgil.

Aen. V. 80. *solemne defunctorum epitheton*.

v. 306. 7. *pietas suprema*, qua filiis prospexisti, quum dares illis Stilichonem tutorem. *pignora*, filii. *habenae*. Sil. Italic. VI. 611.

v. 309. 10. Pertinere haec ad res gestas Theodosii in principatus principio, existimat Barthius. Non recte tamen. Ut probarent milites, Theodosii indicio Stilichonem respondisse, primum de rebus bello gestis erat dicendum, quibus post electionem inclaruerit, quarum laudes nunc differre se milites aiunt propter nuptias, quia minus pertinent ad nuptiale carmen. Quae tamen illa *proelia sub Haemo* sint, me quidem ignorare fateor. *fumantem*, calido hostium sanguine.

v. 311. *Quam notus clipeo*. Barthius comparat Virgil. Aen. XII. 28; sq. Dicere voluit poeta: quanta virtute sit Stilicho in pugna, cladi-

Ni prohiberet Hymen. Quae tempestiua relatu,
Nunc canimus. Quis consilio, quis iuris et aequi
Nosse modum melior? Quod semper dissidet, in te
Conuenit, ingenio robur, prudentia forti. 315
Fronte quis aequali? quem sic Romana decerent
Culmina? sufficerent tantis quae pectora curis?
Stes licet in populo, clamat, quicunque videbit:

bus hosti illatis declarata. *clipeo* cuius umbone omnia ante se prostrauit. *fulminet hostem*. Virgil. Georg. IV. 561. Aen. XII. 654. a vi et rapiditate ductum, qua ensis eius in hostium capita descendit, vt fulmine quasi icti corruerent.

v. 312. *Hymen*, nuptiae. *quae tempestiua relatu* Nunc cet. Nunc ea canimus, quae tempori magis accommodata sunt.

v. 313. 4. *quis iuris et aequi* *Nosse modum melior*. *Modus* h. l. est administratio. Sensus: quis melius novit, quae cuique ex legibus vel ex aequo et bono debeantur, illi tribuere. Claverius locum intelligit de iusto temperamento inter ius et aequitatem, quae ex iure multum remittere soleat. Haec illustrari Burmannus putat a Lucan. IX. 190, vbi tamen libertatis et ciuitatis iura intelligenda sunt. *dissidet*, natura sua inter se contraria sunt.

v. 315. *ingenio robur*, corporis vires cum viribus ingenii. Marklandi solitum acumen desiderari potest, quum

ad Stat. silv. II. 6. 48. *ingenuo* scribendum putat pro *ingenio*. *prudentia* diligentiam h. l. significat in cauendo sibi ab hostibus cum in iis propulsandis tum in aggrediendis, quam is, qui fortis est, seu pericula contemnit, negligere solet. Non magis idem acute *cordi* proponit pro *forti*.

v. 316. *Fronte quis aequali*. *Frons aequalis* est, quae nullo animi adfectu vehementiore turbatur; posita itaque est pro animi aequitate, cuius est signum. Huc pertinet Cic. Tusul. Q. III. 31. *Socratem Xantippe* aiebat, *eodem semper voltu se vidisse exeuntem domo et reuertentem*.

v. 317. *culmina* h. l. summum imperium. *quae pectora* sc. praeter tuum magnum et capax. Pectore dicuntur a poetis *curas volvi* seu *agitari*.

v. 318. *in populo*, multitudini immixtus, depositis imperii insignibus. Burmannus laudat Phaedr. III. 9. et Hotomann. ad Cic. Diuinnat. 16.

Hic est, hic Stilicho. Sic te testatur, et offert
 Celsa potestatis species, non voce feroci, 320
 Non alto simulata gradu, non improba gestu.
 Affectant alii quidquid, fingique laborant,
 Hoc donat natura tibi. Pudor emicat vna,
 Formosusque rigor, vultusque auctura verendos
 Canities festina venit. Quum sorte remota 325
 Contingant grauitasque seni, viresque iuuentae:
 Vtraque te cingit propriis insignibus aetas.
 Ornatur fortuna viro. Non vlla nocendi
 Tela, nec infecti iugulis ciuilibus enses.
 Non odium terrore moues, nec frena resoluit 330

v. 319. *Hic est hic.* v. not. ad Pers. l. 28. Virgil. Aen. VI. 792. Burmann. ad Ovid. Amor. III. 1. 20.

v. 320. *Celsa potestatis species.* Dignitas corporis tanta est, vt ex ea summus imperator statim agnosci possit. *voce feroci*, superbo et minaci, qua alii vtuntur, vt intelligatur, qui viri sint.

v. 321. *Non alto simulata gradu.* Non iuuenuste Gesnerus gressum gallorum galinaceorum comparat. *improba gestu.* Ad nimios gestus et insolentes pertinet, quibus alii corporis dignitatem sibi negatam adfectare solent. Male Barthius effeminatos intelligit.

v. 323. 4. *pudor*, modestia. *formosus rigor.* cf. l. 91 sq. seueritas cum venustate coniuncta.

v. 325. *Canities festina.* cf. Plin. Panegy. IV. 7. ibi v. Schwarz. et Nost. XXVI. 459 sq. *cum sorte remota.*

Sic vtique legendum ex plurimorum scriptorum suffragiis; alii *consorte remota.* Burmannus vult: *consorte remoto*, quod ita explicat: omni, quicumque eiusdem sortis est vel fuit, in tali dignitate posito. Nulli hoc contigit, vt grauitatem senii et vires iuuentae haberet, praeter te. Verum hoc paullo durius videtur. Coniecturae Heinssianae ingeniosae quidem sunt, tamen non necessariae. *sorte remota* ea sunt, quae sorte, naturae lege, a se inuicem disiuncta sunt, vt senilis grauitas et vires iuuentae, quae *insignia* vocat illam senilis, has iuuenilis aetatis.

v. 326. *Contingant* sc. tibi. *seni* cas. secund. pro: senii. cf. Auson. epist. l. 19 sqq.

v. 328. *fortuna* h. l. dignitas seu potestas. Stilicho ornatur potestatem, non ab illa ornatur.

v. 329. *iugulis*, cruore.

Gratia. Diligimus pariter, pariterque timemus.
 Ipse metus te noster amat, iustissime legum
 Arbiter, egregiae custos fidissime pacis,
 Optime ductorum, fortunatissime patrum:
 Plus iam plus domino cuncti debere fatemur, 335
 Quod gener est, inuicte, tuus. Vincire corona;
 Insere te nostris, contempto iure, choreis.
 Sic puer Eucherius superet virtute parentem;
 Aurea sic videat similes Thermantia tedas;
 Sic vterus crescat Mariae; sic natus in ostro 340
 Paruus Honoriades genibus confidat auitis.

v. 332. *Ipse metus te noster amat.* Acute. Ille autem metus intelligitur, quem gravitas et reverentia iusti cuiusdam viri potest mouere; hic metus cum amore coniunctus potest cogitari, ita vt, qui metuat huiusmodi aliquem, idem quoque eum amet.

v. 335. *domino*, Honorio.
 v. 337. 8. *contempto iure.*
 v. supra 199 sqq. *sic.* v. ad l. 160. *Eucherius* filius Stilichonis, vt *Thermantia* filia eius altera.

v. 339. 40. *aurea*, pulchra.
natus in ostro, πορφύρεον-
 νήτης. VIII. 126 sq.

XI.

CL. CLAUDIANI
IN NVPTIAS
HONORII AVGVSTI
ET
MARIAE FESCENNINA
ALCAICVM.

ARGVMENTVM.

Poeta Honorium laudat omnibus et corporis et animi virtutibus instructum, imprimis venustatem eius offert, quae tanta sit, ut deos vincat, deasque in amorem sui rapiat. Neminem esse tanta feritate tam omnis humanitatis expertem, quin Honorio viso amore in eum ardeat. Vel ipsas Amazonas, quum cominus eum viderent, omnis pugnas oblitae statim imperata esse facturas. Vxor eius felix praedicatur.

Princeps corusco sidere pulchrior,
Parthis sagittas tendere certior,

COMMENTARIVS.

v. 1. In Principe, praesertim apud veteres, pulchritudo corporis praecipue laudabatur Plin. Panegy. IV. 6 sq. eamque poetae saepe cum stellarum fulgore comparabant Homer. II. 2. 400 sq. Apollon. Rhod. II. 40 seqq. Theocrit. XIII. 49 seq. Musaeus H. et Leand. 22. Horat. od. III. 9. 21 sq. Virgil. Aen. VIII. 589 sqq. Burmann. Antholog. lat. T. I. pag. 669.

Quint. Calab. V. 131 seqq. Ceterum cum toto hoc carmine cf. Senec. Med. 75 sqq.

v. 2. Parthis. cf. Lucan. VIII. 300 sqq. Sagittandi artis peritum describit Sil. Italic. II. 96 sqq. *sagittas tendere.* pro: intendere sagittas. Virgil. Aen. V. 489. Lucan. VI. 214. *certior, certius.* Notum est, certam sagittam dici, quae non aberret a scopo. Ovid. Met. I. 519 sq.

Eques Gelonis imperiosior,
 Quae digna mentis laus erit arduae?
 Quae digna formae laus erit igneae?
 Te Leda mallet quam dare Castorem;
 Praefert Achilli te proprio Thetis;
 Victum fatetur Delos Apollinem;
 Credit minorem Lydia Liberum.
 Tu quum per altas impiger ilices

5

10

H. l. ad sagittantem transfer-
 tur epith. positumque pro:
 dexterior. cf. supra VIII.
 527 sq.

v. 3. *Geloni* sunt e Sarmat-
 icis populis, qui ultra Bo-
 rysthenem vagabantur. Equi-
 tandi erant peritissimi, inde
 vocantur *volucres* apud Lu-
 can. III. 283. *Imperiosior.*
Imperiosus is est, qui impe-
 rium strenue exercet; eques
imperiosus vocari potest, qui
 equo pro arbitrio utitur, ut
 semper frenis parentem ha-
 beat. cf. supra VIII. 540 sqq.

v. 4. *mentis arduae*, quae
 rebus arduis semper occu-
 pata est.

v. 5. *igneae*, splendorem
 et pulchritudinem indicat.
 κάλλει τε στιλβων. Homer.
 II. 7. 391. et Aelian. V. H.
 XIII. 1. de Atalante τοσαύτη
 μετὰ τῆς ὥρας κατέλαμπεν ἡ
 αἴγλη τοῦς ὀρώντας.

v. 6. *dare* h. l. edere, pa-
 rere. Barth. ad Nemelian.
 Cyneg. 118. cf. VIII. 136.
 Gesnerus inde ductum putat,
 quod homines insignes mu-
 nera velut sunt, quae paren-
 tes terris impertiunt.

v. 7. *proprio*, filio. Ce-

terem cf. Sidon. Apollin.
 Carm. IX. 6; sqq.

v. 8. 9. Pulchritudinem in-
 cipientis iuuenilis aetatis in
 Baccho, incipientis virilis
 aetatis in Apolline a veteri-
 bus esse expressam, notum
 est. Tibull. I. 4. 37 sq. Illo-
 rum autem pulchritudinem
 vincit Honorius. *Lydia.* Bac-
 chus ibi praecipue colebatur.
 cf. Ovid. Met. XI. 87 sqq. et
 Nost. VIII. 603 sqq.

v. 10. *per altas ilices.* Tu-
 midio rem locutionem Bur-
 mannus esse putat, quasi su-
 per arborum cacumina equi-
 taret. Sed, quum recte dica-
 tur, *per nemus, per siluam*
ire, cur ostendat *per altam*
siluam, seu, quod h. l. est,
per altas ilices ire, non vi-
 deo. *Artas*, quod ille pro-
 ponit, non probauerim, me-
 lius forsan *atras*. Hyper-
 bole, quam Burmannus in-
 terpretando induxit, illam
 longe superat, qua utitur
 Euripid. in Alcest. 586 sqq.
 ἰχόρευσε δ' ἄμφι σὺν κισθάραν,
 φοῖβε, ποικιλόθριξ νεβρὸς
 ὑψικόμων πέραν βαίνουσ' ἔλα-
 τᾶν σφενῶ κούρω.

Praeda citatum cornipedem regis,
 Luduntque ventis instabiles comae:
 Telis iacebunt sponte tuis ferae,
 Gaudensque sacris vulneribus leo
 Admittet hastam morte superbior.
 Venus reuersum spernat Adonidem,
 Damnet reductum Cynthia Virbium.

16

v. 11. *Praeda*. Burmannus probat *praedo*, quod Heinſius exemplorum nube confirmare studuit, quibus tamen docuit, *praedari* saepe pro venari, et *praedatorem* pro venatore poni, quod nunc satis notum est; in nullo autem *praedo* occurrat, quae vox nusquam non, si quid recte memini, turpitudinem includit, igitur aliena est. Contra autem equi venatici fera conspecta incitantur, cursuque acerrimo eam persequuntur. *Praeda citatum* i. e. cuius cursum fera (*praeda*) accelerat conspecta.

v. 12. *luduntque*, vt Virgil. Aen. XI. 497. *instabiles* pro: mobiles. Paulo durius, vt puto.

v. 13. *iacebunt*. cf. supra X. 112. Sensus: ferae vulneribus gloriabuntur tua manu sibi illatis.

v. 14. *sacris*, quae Augustus inflixit.

v. 15. *Admittet hastam*, sponte recipit ferrum corpore. *morte superbior*, quod contigit illi tua manu occum-

bere. Similia occurrunt apud Martial. Spect. 10, 17.

v. 16. *reuersum* sc. ex Orco. *Adonidem*, qui apri deute in femore percussus obiit. Bion. Idyll. I. ibi v. interpp. Ceterum *reuersum* spectat ad sacra Adonia, quae in compluribus Graeciae vrbibus praecipue Alexandriae in Aegypto celebrabantur, in quibus Adonis fingebatur ex Orco reuersus iterum cum Venere coniungi. Theocrit. XV. 136 sqq. et 143 sq. Schol. ad eundem III. 48. Voss. de orig. et progress. Idol. II. 4. pag. 326.

v. 17. *damnet*, inferiorem iudicet et negligat prae te. *reductum* sc. ex inferis. *Virbium* Heros indigena Ariciae, quem Hippolytum seriores interpretati sunt, siue formae siue adtributorum siue fabularum similitudine adducti. Ovid. Met. XV. 532 sqq. Pausan. II. 27. cf. Heyne ad Virgil. Aen. VII. 761. et in excursu VIII. ad h. l. Narrant eum ab equis laceratum ope deinde Aesculapii a Diana ex orco reductum et in nemore Aricino collocatum fuisse.

V 2

Quum post labores sub platani voles
Virentis vmbra, vel gelido specu
Torrentiorem fallere Sirium,

20

Et membra somno fessa resolueris:
O quantus vret tum Dryadas calor?
Quot aestuantes ancipiti gradu
Furtiua carpent oscula Naides?

Quis vero acerbis horridior Scythis,
Quis belluarum corde furentior,
Quis, quum micantem te prope viderit,
Non optet vltro seruitium pati?

25

Quis non catenas arripiat libens,
Colloque poscat vincula libero?
Tu si niualis per iuga Caucaſi

30

v. 18. *post labores*, venatu peracto.

v. 20. *fallere*, i. e. vitare, subducere te. *Sirium*, aestum aestium.

v. 21. *membra somno resolueris*. Proprie somnus solvit, liberat membra a ministerio, facit vt quiescant.

v. 22. *calor*, amor vehemens. Huic apposite *vrit*. *Dryadas* Nymphas in arboribus habitantes.

v. 23. *aestuantes* sc. amore. *ancipiti gradu*, dubio, suspensio gradu. Ancipites proprie Nymphae sunt, dum dubitant, vtrum accedant ad oscula furtim libanda, an hanc voluptatem sibi negent, metuentes ne expergiscatur. cf. X. 81.

v. 24. *carpent*. Flores proprie carpuntur, inde *carpi* ad delicias quascunque transfertur. Ovid. Heroid. XI. 117.

v. 25. 8. Sensus totius loci

hic est: quis tam ferus invenitur et immanis, quin pulchritudine tua motus seruitium patiat. pro: ferus, *horridior Scythis*, quia hic populus alios feritate superabat. Dicuntur *acerbi*, quia propter suas incursiones crebras molestissimi erant. Superiora fortius iam exprimit per: *quis furentior corde belluarum* pro: quis belluas adeo vincit immanitate et furore (cf. supra 13 sq.) *quis non optet*, longe efficacius quam: quis non patiat, *vlto seruitium*, quum te prope viderit micantem i. e. cominus viderit, quanta sit tua pulchritudo. *micantem* a fidere ductum ad pulchritudinem spectat. v. not. ad 1 et 5.

v. 29. 30. Pergit: quid dico patiat, immo seruitium vltro petat; hoc efficacius per *catenas adripiat* et

Saeuas petisses pulcher Amazonas,
 Peltata pugnas defereret cohors,
 Sexu recepto, patris et immemor
 Inter frementes Hippolyte tubas
 Strictam securim languida poneret,
 Et seminudo pectore cingulum
 Forti negatum solueret Herculi,

36

poscat vincula expressum et auctum etiam magis addito: *collo libero*.

v. 32. 3. *Caucasus* notus Aliae mons, pars Tauri. In eius vicinia ad ostia Tanaidis Amazones habitasse narrantur. De Amazonibus v. Herodot. IV. 110 sqq. Apollon. Rhod. II. 992 sqq. Diodor. Sic. III. 53 sqq. Justin. II. 4. *saeuas*, fortes, ex indole antiqui sermonis, qui saevitiam cum fortitudine permutare solet. v. Heyne ad Virgil. Aen. I. 99. Potest autem h. l. ad crudelitatem spectare, qua utebantur Amazones in viros bello superatos. Huic bene opponitur *pulcher*. Saevitia sua Amazones finitimis terrorem incusserunt, ipsae vincuntur Honorii pulchritudine. *petisses* sc. bello.

v. 34. *peltata cohors*, quae peltis praecipue utebantur. Virgil. Aen. I. 490. XI. 661 sqq. Drakenbr. ad Sil. Italic. II. 76. VIII. 428. *defereret*, omitteret.

v. 34. *Sexu recepto*. Reminiscerentur sui sexus, cogitarent se feminas esse, amorem coniunctionisque adpe-

titum pulchritudo Honorii in illis excitaret. *patris*, Martis.

v. 35. *Hippolyte* Amazonum regina Diodor. Sic. IV. 16. Apollod. II. 5. 9, quam interfecit Hercules balteumque ei abstulit.

v. 36. *languida*, amore subito saucia et fracta. Huic bene opponitur, *strictam securim*, quam sustulerat iam ad Honorium prosternendum, subito autem, ipsa amore tacta, brachium sublatum languescit et torpet. Ceterum *securi* Amazones pro gladio utebantur, quae *σάκκρις* proprio nomine dicebatur Virgil. Aen. XI. 651. Ovid. ex Ponto III. 1. 95. Sueton. in Ner. 44. cf. Montefalc. tab. CX. n. 7. Quint. Calab. I. 158. eam vocat *ἀμφοτύπον βουπλήγαν*.

v. 37. *seminudo pectore*, habitum spectat Amazonum, quae alteram mammam exsertam habebant. *Forti Herculi* cum *negatum* iungendum.

v. 39. *decor*, pulchritudo, venustas. De vi pulchritudinis cf. Anacreon. II. 9 sqq. Musaeum de H. et Leand. 92.

Bellumque solus conficeret decor.
 Beata, quae te mox faciet virum,
 Primisque sese iunget amoribus.

40

Broukh. ad Tibull. IV. 2. 5.
 Burmann. ad Propert. III.
 20. 3.

v. 40. 1. Praedicat felicitatem puellae, quae tali viro nuptura sit. *Beata* sc. puella. *virum* h. l. maritum. Martial. VIII. 46. 7 sq. Longus de

Daph. et Chl. III. p. 85. ed. Moll. καὶ μέμνησο ὅτι σε ἄνδρα ἐγὼ πρὸ Χλόης πεποίηκα. *primis amoribus* i. e. *primis nuptiis* aut *primis ominibus* vt Virgil. Aen. I. 345 sq. quo κουριδίην ἄλοχον Homeri expressit.

XII.

ARGVMENTVM.

Poeta omnes terras ad celebrandas Honorii nuptias inuitat. v. 1—5. Montes vicinos primum, deinde fluuios inuocat, ut comiti et ornati laetitiam suam testentur. v. 6—15. Tiberis praecipue et Roma nuptiis gaudeant, ut festos clamores Hispani exaudiant, unde maiores Honorii et Mariae orti sint. v. 16—25. Propterea Baetis et Tagus et Oceanus triumphent v. 26—30; Oriens et Occidens communis laetitiae participes fiant v. 31—35; omnes venti praeter Zephyrum taceant.

Age cuncta nuptiali
Redimita vere tellus
Celebra toros heriles.
Omne nemus cum fluuiis,
Omne canat profundum.

6

Ligures fauete campi,
Veneti fauete montes,

COMMENTARIVS.

v. 1. 3. Primo vniuersum terrarum orbem inuitat ad concelebrandas nuptias. *redimita*, cincta; pro floribus posuit *vere*, quod flores producit. Hoc autem vocat *nuptiale*, quandoquidem ver anni tempus est nuptiis aptissimum, quo omnis natura amoris quasi stimulis agitur. cf. Pervigil. Veneris v. 1 seqq. Poet. lat. min. T. III. p. 463 sqq. *heriles*, quasi Honorius dominus sit totius telluris cf. I. 115 sqq.

v. 4. 5. *profundum*, mare. Sub *nemoribus*, *fluuiis* et *mare* deos et Nymphas, qui ea incolunt, intelligit, nisi malis *canat* ad sonum frondium vento agitatarum, ad

fluuiorum murmur et ad vndarum strepitum referre, quorum concentu nuptias Honorii celebratas velit.

v. 6. *Ligures campi*. pro: Ligurici. Ligures habitabant vsque ad Padum, qui fluuius per planities delabitur. Hae regiones potissimum designat, quia vicinae sunt Mediolani, quae vrbs tunc temporis regia erat imperii Occidentalis. *fauete*, *ἐὐφραίνεσθε*, non solum est: a verbis male ominatis abstinete, sed etiam: studia vestra ostendite acclamationibus faustis.

v. 7. *Veneti montes*. Alpes Carnicae fortasse intelligit.

Subitisque se rosetis
Vestiat Alpinus apex,
Et rubeant pruinae.

10

Athesis strepat choreis,
Calamisque flexuosus
Leue Mincius susurret,
Et Padus electriferis
Admoduletur alnis.

15

Epulisque iam repleto
Resonet Quirite Tiberis,

v. 8. 9. *rosetis*. *Roseta* loca sunt rosis confita, quae a senioribus poetis saepe pro rosis ponuntur, ut iam animaduertit Wernsdorf. ad Poet. lat. min. T. IV. P. II. p. 497 infra. Rerum naturam ipsam mutatam vult poeta, alioquin Alpibus, Rhaeticis forsitan, non mandasset, ut rosas producerent, quum niue sempiterna sint obrutae. Ad augendum portentum posuit: *Alpinus apex*, atque, quum hoc nondum sufficeret, addidit: *ut rubeant pruinae*, in ipsa niue efflorescant rosae.

v. 11. *Athesis*, Rhaetiae fluuius, nunc *Adige*, *Etsch*. v. ad 4. 5. *choreis*, cantibus.

v. 12. 13. *Mincius flexuosus*. *Mincius* ex lacu Benaco procedens lacus ipse fit non procul a Mantua, nec longe progressus Pado se iungit. Virgil. Georg. II. 198 seq. III. 15. Aen. X. 205, in quibus locis flexuum quoque huius fluminis et arundinis

mentio fit, qua ripae eius praetextae sunt. *susurret leue*, ut fit, quando ventis arundo agitur. Virgil. Eclog. I. 56.

v. 14. *electriferis alnis* cf. supra VII. 123 sq. Sequitur poeta antiquam de Phaethontis sororibus fabulam, quae in populos mutatae esse dicuntur, pro quo arborum genere aliud haud ab simile priori posuit, *alnos*. *admoduletur*, accinat.

v. 16. 7. *Tiberis resonet*, acclamationes et cantus repetat. *epulis repleto Quirite* i. e. laetitia civium Romanorum, qui epulis, quibus nuptias celebrarunt, saturi inter pocula nunc hymnis studia sua profitentur. Barthius existimat, sportulas intelligendas esse, quae plebi Romanae diuinae sint, quod solet fieri in nuptiis virorum principum. laudat Ammian. Marcell. XIV. 6. vers. fin. et Symmach. epist. III. 24. Hoc Romae factum

Dominique laeta votis
Aurea septemgeminas
Roma coronet arces.

20

Procul audiant Iberi,
Fluit vnde semen aulae,
Vbi plena laurearum,
Imperio feta domus,
Vix numerat triumphos.

25

Habet hinc patrem maritus,
Habet hinc puella matrem,

esse Honorio nuptias Mediolani celebrante vehementer dubito, et, cur non priuata impensa epulae instructae sint, causam nullam video.

v. 18. 20. *Roma aurea* vocatur a splendore templorum auratorum. Ovid. A. A. III. 113 sqq. Rutil. Itiner. I. 197 sqq. Auson de cl. vrb. I. 1. et XIII. 17. Lips. de magnitud. Rom. III. 4 seq. *Domini votis*, Imperatoris Honorii nuptiis. *arces*, colles, sed h. l. templa, aedes publicae collibus inaedificatae. *septemgeminas*, septem, nihil amplius. *coronet*. Arae et templa deorum in publica laetitia coronabantur sertis corollis et infulis in postibus eorum suspensis. Heyne ad Virgil. Aen. II. 248 sqq. Gierig ad Ovid. Met. VIII. 264. Barth. ad Stat. Silv. IV. 8. 1; qui mos erat antiquissimus cf. Koeppen ad Homer. II. 2. 39. Aliter, sed minus recte, Gesnerus: septem colles, quibus inaedificata est Roma,

sunt quasi totidem illius capita, quae coronat publica hilaritas.

v. 21. 22. *Iberi*, Hispani, ab Ibero fl. nunc *Ebro*. *audiant* sc. cantus solemnes. *fluit*. Heins. laudat Stat. Theb. I. 226 et 677. II. 436. et Nost. XXIX. 56. XX. 540. *semen aulae* cf. supra VIII. 18 sqq. *aulae*, familiae imperatoriae.

v. 23. 25. *domus plena laurearum* i. e. familia, vnde plures orti sunt viri triumphales. Eadem ratione dicitur domus imperio feta, quae multos Imperatores protulit. *feta* et *grauida* voces sunt poeticae pro: plena. Virgil. Aen. I. 51. *vix numerat t.* quae enim infinita sunt, eorum numerus iniri nequit.

v. 26. 7. cf. supra VIII. 18 sqq. Verborum ordo: et *stemma Caesareum*, (ab) *Gemina parte ductum ortu flumineo, recurrit*. Sensus: Honorius et Maria ambo ab

Geminaque parte ductum
Caesareum flumineo
Stemma recurrit ortu.

30

Decorent vireta Baetin,
Tagus intumescat auro,
Generisque procreator
Sub vitreis Oceanus
Luxurietur antris.

35

Oriensque, regna fratrum,
Simul Occidensque plaudat.
Placidae iocentur vrbes,
Quaeque nouo, quaeque nitent
Deficiente Phoebos.

40

Aquiloniae procellae,
Rabidi tacete Cori,

Imperatoribus descendunt, quandoquidem a Theodosio Comite genus ab Traiano ducente, gentem repetunt, cuius Traiani origo Oceanus perhibetur, unde omnes fluvii oriuntur. Nunc *recurrit stemma* sc. nuptiis Honorii et Mariae i. e. duae stemmatis lineae rursus nuptiis illis iunguntur. Gesnerus iunxit: *recurrit flumineo ortu*, quod haud commode potest explicari, quamquam ne prior quidem ratio mihi satis placet, sed meliorem non habeo, qua locum difficilem, et, ut mihi quidem videtur, corruptum, expediam.

v. 31. *Baetis* fl. Hispaniae Baeticae, nunc *Guadalquivir*. *decorant vireta*. Vtraque fluminis ripa olivis con-

sita est. Sil. Italic. III. 405. et Martial. XII. 100.

v. 34. 5. *vitreis antris*. Fluviorum diis aut maris suae etiam domus sunt sub undis, quae, naturae aquarum accommodate, *vitrea antra* vocantur. Sil. Italic. IV. 344 sq. ibi v. Ruperti in LL. VV. *vitrea* a colore v. eundem VII. 413 sqq. Nost. XXVIII. 147 seqq. *generis procreator* cf. supra VII. 176, VIII. 22. *luxurietur*, laetetur, genio indulgeat. cf. supra I. 263 sq.

v. 36. 7. *regna fratrum* apposit. Occidentis et Orientis.

v. 38. 9. *placidae*, quietae, laetitiae tantum deditae. *nouo*, oriente, ut *deficiente*, occidente.

v. 42. *cori*. supra V. 212.

Taceat sonorus Auster;
 Solus ouantem Zephyrus
 Perdominetur annum.

45

v. 43. *sonorus* Virgil. Aen. I. 53. quandoquidem hic ventus
 vere solemnis est. *annum*
 v. 44. 5. Sensus: toto an- *ouantem*, quo nuptiae Ho-
 no sit ver perpetuum. Hoc norii celebrantur, cf. Stat.
 expressit ita: *solus Zephyrus* Silv. III. 2. 42 sqq.
perdominetur i. e. regnet,

XIII.

ARGUMENTVM.

Stilichonem poeta hortatur, ut caput cingat floribus remotisque belli cogitationibus nuptias Honorii et Mariae acceleret, quae ipsi nullam mouere possint inuidiam quum propter virtutem, tum quod iamdudum patris vices in Honorium gesserit.

Solitas galea fulgere comas,
 Stilicho, molli necte corona.
 Cessent litui, saeuumque procul
 Martem felix teda releget.
 Tractus ab aula rursus in aulam
 Redeat sanguis patris officiis.
 Iunge potenti pignora dextra.
 Gener Augusti pridem fueras,
 Nunc rursus eris socer Augusti.

5

COMMENTARIVS.

v. 1. 2. *necte molli corona* pro: cinge floribus. *molli*, coronarum epithet. Ovid. Met. III. 555. Sic *serta mollia* Ovid. Fast. V. 340. vbi v. Heinsum. *comas solitas fulgere galea*. Quod ad galeam pertinet, transtulit ad comas. Dicere voluit: galea tegi, aut: galea fulgente tegi; pro hoc posuit: *galea fulgere*.

v. 3. 4. *procul iunge cum releget. teda* v. supra III. 83. *releget*, remoueat.

v. 5. 6. *sanguis tractus ab aula*. Quum Serena filia Theodosii M. adoptiua Stilichoni nupsisset, e familia imperatoria in priuatam domum transierat; quum porro

Mariam Honorius in matrimonium duceret, redibat illa in familiam imperatoriam. *Tractus ab aula sanguis* est igitur puella e familia imperatoria oriunda. Redibat autem *patris officiis*, quandoquidem Stilicho pater eam Honorio collocaverat.

v. 7. *iunge pignora*. Honorio enim patris loco erat Stilicho, aut *pignus* eius Honorius dici poterat, quia fidei pignus erat, quam in eo collocauerat Theodosius, quum in eius tutelam Honorium daret. *potenti dextra*. Barthius videtur dextras Honorii et Mariae intellexisse, ego Stilichonis puto

Quae iam rabies liuoris erit?
 Vel quis dabitur color inuidiae?
 Stilicho focer est, pater est Stilicho.

10

qua filiam in manus Honorii
 tradebat.

v. 10. *rabies liuoris*, in-
 uidia infana. Sensus: inui-
 diae nullus erit locus.

v. 11. *color*, causa, prae-
 textus. Pedestri oratione per-
 gere debuisset: Nam nulla
 causa subest inuidiae. Ratio
 affertur versu sequenti.

v. 12. Sensus: nam pater
 iamdudum erat Honorii;
 quandoquidem ei patris loco
 erat; eo igitur, quod focer
 eius factus est, ad dignita-
 tem Stilichonis nihil acces-
 sit, quia patrem Augusti esse
 plus est, quam focerum eius
 esse.

XIV.

ARGVMENTVM.

Hoc carmine prosequitur poeta Honorium ad thalamum euntem, etque fortis sit suadet contra puellam pudore repugnantem, quo ipso voluptatis magnitudo augeatur, donec tandem victoriam perseverando adeptus victor prodeat. In sequentibus et milites et ciues omnes excitantur, et ludis, cantu omnique hilaritatis genere totam noctem consumant.

Attollens thalamis Idalium iubar,
Dilectus Veneri nascitur Hesperus.
Iam nuptae trepidat sollicitus pudor;
Iam produnt lacrimas flammea simplices.
Ne cessa, iuuenis, cominus aggredi,
Impacata licet saeuat vnguibus.

6

COMMENTARIVS.

v. 1. *Attollens thalamis — iubar.* Hesperus exoriens signum dat deducendae sponsae ad thalamum noui mariti; *attollit* igitur *thalamis iubar*, facem quasi nuptiae. cf. Catull. LXII. 1 sqq. et 20 sqq. et 26 sqq. Senec. Med. 71 sqq. *Idalium iubar* vocatur, quia stella Veneri sacra est. cf. infra XXXV. 121. Sic Caesaria stella vocatur *Idalium astrum* Propert. IV. 6. 59. cf. infra XXXV. 561 seqq. *nascitur*, oritur, aut omnino conspicuus fit solis occasu, quum huius radii illam non amplius obscurent.

v. 3. *Iam nuptae trepidat sollicitus pudor.* Puella, iam iam toro imponenda, virginali verecundia anxia est.

v. 4. *flammea* v. supra X. 285. *produnt lacrimas*, non possunt amplius tegere lacrimas largius prorumpentes. *simplices*, non simulatae sed innocentiae indices. Indicat hoc morum simplicitatem nouae nuptae, quae aegre e parentis domo auulsa, in nouam conditionem deducitur, maritoque iungitur, quem ipsa sibi non elegit, sed qui a parente datus est. Sunt haec ex veteri matrimoniorum ineundorum ratione, non ex nostris moribus explicanda. Catull. LXII. 59 seqq.

v. 5. *aggredi* sc. puellam.

v. 6. *Impacata*, nondum subacta, indomita, quae contra mariti preces adhuc oblectatur, eiusque complexus

Non quisquam fruitur veris odoribus,
Hyblaeos latebris nec spoliat fauos,
Si fronti caueat, si timeat rubos.

Armat spina rofas, mella tegunt apes. 10

Crescunt difficili gaudia iurgio,
Accenditque magis, quae refugit, Venus.
Quod flenti tuleris, plus sapit, osculum.

Dices o quoties: Hoc mihi dulcius,
Quam flauos decies vincere Sarmatas! 15
Adspirate nouam pectoribus fidem,

refugit. *saeniat vnguibus.* In rixis amantium apud poetas, praesertim apud Ovidium, vnguium saepe sit mentio, quibus puellae contra iuuenes nimis proteruos utebantur. Horat. od. I. 6. 17 sq. Avit. adlocut. spons. Poet. lat. min. T. IV. P. II. p. 501. *ne candida laedas Vnguibus ora vide; vel ne contacta repugnes. Est in nocte timor, non est in nocte periculum: Nec volo contendas, vinces, quum vicerit ille.* cf. infra XXXI. 135 seqq.

v. 7. *veris odoribus*, rofas intelligit.

v. 8. *Hyblaeos.* *Ilybla* nomen est trium in Sicilia urbium. v. Cluver. Sicil. I. 11; II. 8. Drakenbr. ad Sil. Italic. XIV. 200. Serv. ad Virgil. Eclog. I. 55. Si autem mons non fuerit, regio certe videtur fuisse ita ab vna illarum urbium adpellata. Lucan. IX. 231 sq. Martial. II. 46. 1 sq. *latebris*, ubi apes sedem fixerunt, alueariis, arbori-

bus cauis. Constructio est inuersa, pro: latebras spoliat fauis.

v. 9. *fronti*, ne ab apibus compungatur. *rubos*, spinas. Respicit hoc, quod v. 7. dictum est.

v. 10. *tegunt*, protegunt, tuentur spiculis suis.

v. 11. *difficili iurgio.* *Iurgium difficile* est, quod nascitur, quando quis facilis esse nescit i. e. constanter recusat aliquid petenti et semper instanti. Positum est pro: negando.

v. 12. *Venus* h. l. puella amata, quae amplexus ardorem eo vehementiorem facit, quo magis eum recusare videtur.

v. 14. *Dices.* cf. Propert. II. 11. 23 sqq.

v. 16. *Adspirate nouam fidem pectoribus.* *Nova fides* oritur ex amoris fructu, quem alter ex altero primum capit, qui fructus quasi nouum amoris vinculum est, eiusque fidem confirmat. Haud absimili ratione illa

Mansuramque facem tradite sensibus.
 Tam iunctis manibus nectite vincula,
 Quam frondens hederæ stringitur aesculus,
 Quam lento premitur palmite populus.
 Et murmur querula blandius alite
 Linguis assidui reddite mutuis.
 Et labris animam conciliantibus,

20

gandia foedera thalami vocantur, aut *foedera lecti* Ovid. Met. VII. 403.

v. 17. *Mansuramque facem tradite sensibus.* Mutuo illo amore eiusque fructu sensibus percepto iucundissimam eius voluptatis memoriam inuicem vobis tradite, quæ sempiterna erit. Ea autem memoria vocatur *fax*, quia inde novos ardores excitantur.

v. 18. 20. Amoris amplexus sæpe cum hederæ et vite comparati sunt, quæ arboribus implicantur. Catull. LXI. 34 seq. 106 seq. LXII. 49 sq. Horat. od. I. 36. 20. Epod. XV. 5 sq. Ceterum mihi non placet *frondens aesculus*, quia epith. frigere videtur. Concinnius forsan legas *frondenti*, ut *frondenti hederæ* (Ovid. Met. VI. 599.) respondeat *lento palmite* sequentis versus. *Stringitur et premitur* artissimum complexum indicant. Comparentur Gallieni versus, quos seruauit Trebellius Pollio in eius vita c. 11. *Ite, ait, o pueri, pariter sudate medullis Omnibus inter vos; non mur-*

mura vestra columbae, Brachia non hederæ, non vincant oscula conchæ: cf. Petron. 132.

v. 21. 22. *querula alite, columba. querula* Nostrium *girrend.* Exemplum mutui amoris osculorumque praesertim suauissimorum sæpe petitur a columbis Catull. LXVIII. 125 sqq. Propert. II. 12. 27 sq. Ovid. Amor. II. 6. 56. Martial. XII. 66. 7 sq. et XI. 105. 9. *linguis mutuis*, cf. Tibull. I. 8. 37 sqq.

v. 23. *Et labris animam conciliantibus.* Hoc optime explicabit Aristænetus II. 19. οὐ μόνον στέρνω ἀρμάζοντες, ἀλλὰ καὶ φιλήμασι ἐπισυνάπτοντες τὰς ψυχὰς. Τοῦτο γὰρ φίλημα δύναται, καὶ τοῦτο ἔστιν ὃ βούλεται σπένδουσι αἱ ψυχαὶ διὰ τῶν στομάτων πρὸς ἀλλήλας, καὶ περὶ τὰ χεῖλη συναντῶσιν· καὶ ἡ μῆξις αὕτη γλυκεῖα γίνεται τῶν ψυχῶν. Idem sæpius expressum est ab aliis poetis Manil. V. 623. Propert. I. 13. 17. interpp. ad Petron. 79. Theocrit. XXVII. 61. Bion. I. 45 sqq. cf. Gell. XIX. 10.

Alternum rapiat somnus anhelitum.

Amplexu caleat purpura regio,

25

Et vestes Tyrio sanguine fulgidas

Alter virgineus nobilitet cruor.

Tum victor madido profiliis toro

Nocturni referens vulnera proelii.

Ducant peruigiles carmina tibiae,

30

Permissisque iocis turba licentior

Exsultet tetricis libera legibus.

Passim cum ducibus ludite, milites;

Passim cum pueris ludite, virgines.

v. 24. *Alternum anhelitum* i. e. vtrumque ab amplexu mutuo lassum. *Somnus rapiat.* Defatigatio indicatur, quae celeriter somnum illis conciliat. Expressum est illud vulgare: lassi obdormiscant.

v. 25. *purpura*, torus ipse. *regio.* quamquam verum, tamen ineptum puto et frigidum, quid enim facit in illa colluctatione dignitatis mentio?

v. 26. *Tyrio sanguine*, *purpura.* Vestes stragulas intelligit.

v. 27. *Alter virgineus nobilitet cruor.* Ex hoc versu, aliisque similibus, colligit Cangius Famil. Byzant. p. 72. Mariam non obiisse virginem, contra Zosimum (V. 28.) nuptiasque collocat in annum C. 394, Honorii decimum quartum. Verum ex hoc loco conclusio valde lu-

brica videtur, quum licuerit poetae, immo necesse fuerit, qui nuptias illas carminibus celebraret, omnia ea fingere, quae in illis accidere soleant, ut res maiorem inde probabilitatem nancisceretur. Nec puto eiusmodi fictionem, etiamsi vera non fuerit, nuptiarum auctoribus vehementer displicuisse.

v. 28. 29. cf. Catull. LXVI. 14 seq.

v. 30. 31. *carmina.* Intelligit versus Fescenninos, qui versabantur in iaciendis diceriis iocisque obscenis et opprobriis petulantibus, et in nuptiis ad thalami fores cantari solebant. v. Doering. ad Catull. LXI. 126 sqq. *tetricis libera legibus*, licentiam illorum versuum exprimit.

v. 33. cf. supra X. 198 sqq.

Haec vox aetheriis intonet axibus,
Haec vox per populos, per mare transeat:
Formosus Mariam ducit Honorius.

35

v. 35. *intonet*. Burmannus quidem hanc vocem laetis cantibus non satis convenire putat, praetulitque *insonet*, quod quoque in quibusdam scriptis inuenitur; verum magnitudini vocis convenit, quam sequens versus desiderat.

XV.

CL. CLAUDIANI
DE
BELLO GILDONICO
LIBER.

ARGUMENTVM.

*Debellato Gildone, tertio tyranno, id quod Theodosii felicitati solum defuit, Africa rursus in ditionem Honorii venit, ita ut fidem paene superet victoriae celeritas. Huius rei rationem poeta carminis argumentum constituit. v. 1—16. Roma dea, fame paene consumpta, tristiis et sordida in Olympum proficiscitur genibusque Iovis prouoluta in hanc sententiam queritur: Non ut victoriam populo Romano impetret sed ut famem ab eo arceat supplicem se venisse. v. 17—36. Si poenas, pergit, meruimus, cladibus satis multati sumus; pristinae magnitudinis vix umbra adhuc superest. In praemium libertatis amissae Africam et Aegyptum nacta sum, quae com-
meatus mihi praeberent. Diuiso imperio Aegyptum amisi, Africam Gildo rapuit, salusque nostra pendet a superbo Maurorum arbitrio. v. 37—76. Itaque tot bella gessimus, ut Africa Gildoni procuraretur? v. 77—95. Victor igitur modo totius orbis terrarum nunc famem metuit et misericordia hostium vinit. v. 96—105. Utinam adhuc angustis sinibus essem inclusa, ut facilius possem sustentari. Dii, Cybele imprimis, rogate mecum Iovem, ut succurrat. Sin in satis est, ut euertar, alia ratione me deleatis rogo. v. 106—127. Quibus dictis dii moti sunt ad misericordiam, et quum Iupiter tumultu sedato verba facere vellet, repente aduolat Africa talia querens: cur non potius mari mergatur, si alia ratione Gildonis dominationi subtrahi nequeat, aut cur non potius zonas torridae pars fiat, quae ardore suo tuta sit a Gildone. v. 128—153. Duodecim annos, pergit, tyrannidem iam pertuli, priuatus iste tertiam orbis terrarum partem sibi vindicat. v. 154—162. Vitia, natura inter se contraria, in isto coniuncta inueniuntur. Praedator, adulter, leu-
cupletes tollit aut falsis criminibus aut veneno praesertim si uxores eorum venustae sunt. v. 163—179. Luxuria interim perditus inter epulas profusissimas gregesque vicorum mollium mulieres interemto-
rum sibi arridere cogit, fastiditasque Mauris iungit. v. 180—193. Pompa utitur maiore quam regia, publicandisque ciuium bonis largitiones sumtusque maximos sustinet. v. 194—200. Iupiter Afri-
cam plura etiam questuram interrumpens: utraque vestrum, inquit, non diu erit inulta. Honorius vindex paratus est. Africa Romae*

semper subiecta erit. Quibus dictis Roma Iovis adflatu pristinum splendorem recuperat. v. 201—212. Noctu Theodosii, Magnus et Comes, imperii res servaturi ut Castor et Pollux nauem tempestate deprehensam, Iovis iussu hic in Italiam, ille Constantinopolim ad Honorium et Arcadium tendunt. v. 213—226. Arcadius, ubi patrem agnouit, in amplexus eius ruens causam viae rogat. v. 227—234. Accusat pater natum, quod in Gildonis gratiam diffidium inter eum et fratrem ortum sit, qui Gildo semper dubiae fidei fuerit, olimque bellorum euentum expectarit, ut victoris demum partibus se adiungeret. v. 235—252. Se supplicio illum adfecturum fuisse, nisi morte sua praeventus fuisset. Imperium quidem eius Gildonem augere multis urbibus traditis. Verum nefas esse more maiorum, eum proditoribus se coniungere, neque tutum, ut rerum annales doceant. v. 253—278. Mobile esse Gildonis ingenium, nec maiori constantia Mauros. Precari se, ut fratrum diffidium tollatur. Stilichonem rebus suis gestis non commisisse, ut odio dignus habeatur, immo, se mortuo, illum res turbatas virtute et consilio composuisse. Rufinum tyrannum sustulisse, neque quemquam esse, a quo ipse tantopere vel post mortem colatur. Quibus rebus si non moveatur, at socerum et adfinem revereatur. v. 279—310. Debuisse quidem copias fratrem fratri in auxilium mittere, sed patiatum tantum Gildonem vinci; quibuscunque se iste copiis muniat, Stilichonem omnia superaturum v. 311—319. Arcadius patri promittit, se iussis obtemperaturum et in gratiam cum Stilichone rediturum esse. v. 320—324. Interea avus, quum in Italiam venisset, in somnis Honorio cum Maria cubanti adparat v. 325—329. Ergo ne Gildo, inquit, victi fratris sui inmemor, audet cum Italia contendere, Maurique rebellant, quos ego domui? Cape arma continuo, nam victoria de Afris familiae nostrae satis debetur. Dii gloriae nostrae consulentes mihi Firmum, Gildonem tibi reseruarunt. Quo dicto evanuit. v. 330—348. Honorius expectatus animo mirifico se auctum sentiens Stilichonem arcessi iubet, eique, quod vidit, somnium enarrat. v. 349—355. In Libya venantem se ad latebras leonis esse delatum, ipsumque subitis catenis oneratum deprehendisse. Decevisse itaque bellum contra Gildonem; omnes suae ditioni subiectos ad arma esse vocandos. Non passurum, ut se, quem puerum timerint, iuvenem derideant. v. 356—378. Stilicho contra: Imperatoris esse negat, cum Gildone configere. Docet, isti fratrem esse Maszazel, cuius libros ille per summum scelus obtruncaverit, hunc etiam atque etiam orare, ut dux contra fratrem constituatur, eique potissimum vindictam esse mandandam. v. 379—414. Placet Stilichonis consilium; robora militum deliguntur. v. 415—423. Honorius milites adloquitur et ad virtutem eos hortatur certae victoriae spe proposita, quum ipsi grauis armaturae milites illos missilibus tantum armatos equitesque propemodum nudos facili negotio sint superaturi. v. 424—441. Afros non pro coniugibus et liberis pugnuros esse, ducesque illorum mollem et effeminatum inuitum arma capturum. Summo dedecore Romanum imperium, cui terrarum orbis subiectus fuerit, Italia nunc contineri et Sicilia. Salutem rerum in eorum armis esse; eos debere, quae amissa sint, recuperare. v. 442—466. Lactum augurium finito vix sermone ostenditur; milites ruunt in bellum; naues instructas alacriter solvunt, Honorique freti auspiciis omnia sinistra omnia neglecturos esse gloriantur. v.

467—504. *In altum tum profecti ad Sardiniae urbem Caralin adpellunt, ventosque secundos expectant.*

Redditus imperiis Auster, subiectaque rursum
Alterius conuexa poli. Rectore sub vno
Conspirat geminus frenis communibus orbis.

COMMENTARIUS.

Gildonis parens fuit *Nubel*, potentissimus inter Mauritaniae regulos. Filiam habuit *Salvinam*, nuptam *Nebriديو*, nato ex sorore Augustae, Theodosii coniugis, condiscipulo Arcadii et Honorii. Qui *Gildo*, quum *Firmus* frater eius arma cepisset contra Romanos circa A. C. 373, ad illos se adiunxerat, in cuius rei gratiam quatuordecim ferme annis post Comes et Magister vtriusque per Africam militiae a Valentiniano II. constitutus est. Eugenio imperium Occidentis adfectante Theodosium quidem dominum adgnouit, nullis tamen copiis eum adiunxit. infra v. 243 sqq. Narrat Zosimus (V. 11.) Eutropium Arcadio persuasisse, ut Stilichonem hostem imperii decreto publico declararet, Gildonemque ab illo esse adductum, ut Africam Orientis imperio adiungeret. Quum Romam esset perlatum, illum aperte defectionem moliri, hostis publicus declaratur senatus consulto prisco more facto. cf. infra XXI. 325 sqq. et XXIV. 85 seqq. Symmach.

epist. IV. 4. In adparatu belli absumtus est annus 397. Interea fames Romae orta est retardato ex Africa compectu. Symmach. epist. IV. 54. Paulo aliter rem narrat Oros. VII. 36. atque ex eo Marcellinus in Chronico. Plura vide apud Gothofred. ad Cod. Theod. lib. VII. tit. 8. l. 7. et lib. XIX. de poenis.

v. 1. *Auster* h. l. Africa, cuius tyrannidem arripuerat Gildo. *imperio* scil. Occidentis.

v. 2. *Alterius poli conuexa* i. e. alterum coelum conuexum, et hoc positum est pro ea terrae parte, quae sub altero coelo iacet, pro Africa. Mera igitur est repetitio prioris verbis tantum variatis, qua saepe vti Noster solet. Heinsius legi vult *alterni*, quod explicat: vtriusque cf. supra VII. 58 seq. Iuvenal. XII. 31. *rectore sub vno*. Sub Honorio, interfecto Gildone, qui Africam Arcadii nomine occupauerat.

v. 3. *geminus orbis*, Europa et Africa. *frenis communibus*, imperio communi.

Iunximus Europen Libyae. Concordia fratrum
 Plena redit. Patriis quod solum defuit armis, 5
 Tertius occubuit nati virtute tyrannus.
 Horret adhuc animus, manifestaue gaudia differt,
 Dum stupet, et tanto cunctatur credere voto.
 Nec dum Cinyphias exercitus attigit oras,
 Iam domitus Gildon. Nullis victoria nodis 10
 Haesit, non terrae spatio, non obice ponti.

cf. l. 59. Huic accommodatum *conspirat* pro: regitur.

v. 4. *Europen Libyae* pro: Libyam Europae. *concordia fratrum* interrupta sc. ab Entropio eunucho, qui Gildonem excitauerat ad Africam ab Honorio alienandam.

v. 5. *plena*, perfecta. Burmann. ad Grat. Cyneg. 246. Calpurn. Eclog. l. 63. *patriis quod solum defuit armis*. Omnia domuerat Theodosius praeter Gildonem. cf. Lucan. IX. 1016 sq.

v. 6. *Tertius*, post Maximum nempe et Eugenium a Theodosio patre deuictos.

v. 7. *Horret adhuc animus*. Hoc et ad magnitudinem belli pertinet, simulque celeritatem, qua illud confectum est, exprimit. Adhuc sibi vix persuadere potest, ingenti Romanos periculo, quod capiti modo impenderet, liberatos esse, ideoque *manifesta gaudia differt* i. e. gaudii significationem manifestam, ut solent, qui laeto et insperato nuncio repente percelluntur. Eadem fere habet Stat. silv. l. 2. 31 sqq.

v. 8. *tanto voto*, ut infra

XXII. 379, tam felici rerum successu seu victoria votis expetita.

v. 9. *Cinyphius* i. e. Africanus a fluuio, qui vel *Cinyphus* vel *Cinyps* vocatur, fertilibus agris, per quos fluit, celebrato. v. Ruperti ad Sil. Italic. II. 60. cf. Herod. IV. 175 et 198.

v. 10. 11. *nullis victoria nodis Haesit*. *Nodus* artificiose nexus, ut solui et expediri ab imperito non possit, pro difficultate ponitur quacunque. Ex Homero notum est, nodis artificiose complicatis antiquos homines pro claustris et seris vlos esse. Notissimus est nodus Gordianus. Curt. III. 1. 14 sq. Instin. XI. 7. 15. Senec. de Benef. V. 12. *Nodus* iungitur quoque cum *mora* Virgil. Aen. X. 428. et Flor. IV. 9. 1. vbi v. Duck. *nullis victoria nodis haesit* igitur est: nulla difficultate victoria retardata est, ideoque expedita fuit. Illae difficultates in sequentibus nominantur: *non terrae spatio* i. e. longinquitate locorum. Poterat enim Gildo in im-

Congressum, profugum, captum vox nuntiat vna,
Rumoremque sui praeuenit laurea belli.

Quo, precor, haec effecta Deo? Robusta vetusque
Tempore tam paruo potuit dementia vinci? 15

Quem veniens indixit hiems, ver perculit, hostem.

Exitii iam Roma timens, et fessa negatis
Frugibus, ad rapidi limen tendebat Olympi,
Non solito vultu, non qualis iura Britannis
Diuidit, aut trepidos submittit fascibus Indos. 20

mensas Africae solitudines
retrocedere atque sic vi-
ctoriam difficilem reddere.
obiice. *Obiices* pessuli sunt,
et pro quocunque obstaculo
ponuntur. v. Weiz. ad Va-
ler. Flacc. I. 702, cf. Lucan.
X. 246.

v. 12. Imitatus esse vide-
tur illud Caesaris: *veni,*
vidi, vici. Barth. Aduers.
IX. 3. cf. Sil. Italic. XIV. 139.
congressum sc. hostem.

v. 13. *laurea*, literae lau-
reatae cf. VIII. 101 sqq. not.
ad Pers. VI. 43. *victoriae*
nuncius. *Victoria* paene ante
rumorem belli nunciata est.

v. 14. *precor.* Intelligen-
dum forsitan: Musa mihi me-
mores. cf. supra I. 71 seqq.
robusta vetusque — *demen-*
tia cf. infra 153 sqq. Consi-
lium illud demens iampri-
dem ceperat Gildo, opesque
eius temporis diuturnitate
confirmatae erant.

v. 16. *indixit* — *hostem*
i. e. declarauit hostem per
indictionem. Sic Burman-
nus. *perculit.* Heinsius ma-
vult *proterit.* supra III. 376.
Sil. Ital. XV. 529 sq.

v. 17 sqq. Iam ipsam rei
expositionem orditur poeta,
Romamque deam in Olym-
pum inducit proficiscentem,
Iovique supplicantem, vt
illa calamitate, qua paene
oppressa sit, se liberet. *Ro-*
ma cf. supra n. ad I. 75,
et cum toto loco compares
Sidon. Apollin. carm. VII.
45 sqq. *exitii timens*, sic in-
fra XXXIV. c. *metuens leo-*
num — *fessa negatis frugi-*
bus, quas Gildo intercluse-
rat retentis in Africa fru-
mentariis Romanorum nau-
bus. Symmach. epist. IV. 4.

v. 18. *rapidi*, propter ra-
pidum eius motum, quo cir-
cumagi videtur.

v. 19. 20. *Non solito vultu.*
Burmann. laudat Ovid. ex
Ponto III. 3. 13. *iura diuidit*,
iura dat, dictat, quod vul-
garius. Hoc autem impe-
rans designatur. *Britannos*
et *Indos* vocat vt maxime
feros et tardissime debella-
tos. Ceterum *victoriae* de
Indis frequentius apud poe-
tas mentio fit, quam apud
rerum gestarum scriptores.
Virgil. Georg. II. 170 seqq.

Vox tenuis, tardique gradus, oculique latentes
 Interius. Sedere genae, ieiuna lacertos
 Exedit macies. Humeris vix sustinet aegris
 Squalentem clipeum; laxata casside prodit
 Canitiem, plenamque trahit rubiginis hastam. 25
 Attigit vt tandem coelum, genibusque Tonantis
 Procubuit, tales orditur moesta querelas:

Si mea mansuris meruerunt moenia nasci,
 Iupiter, auguriis; si stant immota Sibyllae
 Carmina; Tarpeias si necdum respuis arces: 30
 Aduenio supplex, non vt proculcet Araxem

Horat. od. I. 12. 53 sqq. Propert. III. 3. ibi v. interpp. *trepidus* deuictorum conditionem pingit.

v. 21. *Vox tenuis*, quum fame vires deficerent. Adumbratur Roma fame paene confecta. cf. Ovid. Met. VIII. 814 sqq. Sil. Italic. II. 461. Sidon. Apoll. l. c. 45 seqq. *latentes*. Apud Ovid. l. c. est: *caua lumina*.

v. 24. *squalentem clipeum* sc. neglectu et incuria. *laxata casside*. Carne inedia decrefcente cassis capiti male haerebat.

v. 25. *Canitiem*, canos capillos curis et fame factos. *trahit*. Hoc quoque pingit languorem, quum viribus exhaustis ne gerere quidem aut ferre hastam posset. Stat. Theb. IX. 41. Sidon. Apoll. l. c. 49. *et pondus non terror fertur in hasta. rubiginis plenam*, eadem ratione qua supra *squalentem*.

v. 26. *tandem*, aegre enim

molita erat iter, et vix illud perficere potuit.

v. 28. *meruerunt* recte Gesnerus explicat: fato consecuta sunt. *mansuris*. Roma enim a Romulo auguriis condita est. *Mansura auguria* sunt, quae perpetuitatem imperii portenderunt, quorumque vis semper durabit. cf. Virgil. Aen. I. 278 sq.

v. 29. *Sibyllae*. De Sibyllis v. Heyne ad Tibull. II. 5. 15. et ad Virgil. VI. 9. et in excursu III. cf. infra XXIV. 166 sqq. Illis veteribus vaticiniis, quorum diuersi auctores et incerti fuerant, quaeque omnia ad Sibyllas translata sunt, Romani imperii fata contineri arbitrabantur.

v. 30. *Tarpeias arces*. Rupes Tarpeia, in qua Capitolium, templumque Iovis Capitolini. Ruperti ad Sil. Italic. I. 541.

v. 31. *proculcet Araxem* v. ad I. 160.

Consul ouans, nostraeue premant pharetrata secures
 Susa, nec vt rubris aquilas figamus arenis.
 Haec nobis, haec ante dabas. Nunc pabula tantum
 Roma precor. Miserere tuae, pater optime, gentis; 35
 Extremam defende famem. Satiauimus iram,
 Si qua fuit; lugenda Getis, et flenda Suëuis
 Hausimus; ipsa meos exhorret Parthia casus.
 Quid referam morbiue luem, tumulosue repletos
 Stragibus, et crebras corrupto sidere mortes? 40
 Aut fluuium, per tecta vagum, summisque minantem
 Collibus? Ingentes vexi submersa carinas,
 Remorumque sonos, et Pyrrhae secula sensi.

v. 32. 3. *pharetrata Susa*.
 Propert. II. 10. 1 sq. *pre-*
mant, regant. *rubris arenis*
 i. e. in litoribus maris Ery-
 thraei seu Indici. *aquilas fi-*
gamus, castra ponamus.

v. 34. 5. *pabula*, victum.
 Ad indignitatem miserae il-
 lius conditionis augendam
 addidit: *Roma*, ego tanti
 nominis dea, quae eo re-
 dacta sum, vt pane indi-
 geam fameque cruciar. *tuae*
gentis. Iupiter Capitolinus
auctor et stator Romani no-
 minis vocatur Vellei. Paterc.
 II. 131. ibi v. Heins. et re-
 liquos interpp.

v. 36. *defende* h. l. 'arce.
 infra XVIII. 489 sq. *satiaui-*
mus iram i. e. irae deorum
 satisfacimus cladibus nostris.

v. 37. *lugenda Getis* cet.
 i. e. acerbissimas calamitates
 et clades, quae vel ferocif-
 simas gentes Romanoque no-
 mini inimicissimas ad mise-
 ricordiam possent adducere,
 vt nostram vicem lugerent.
 cf. Virgil. Aen. II. 6 sq.

v. 38. *Hausimus*, perpesti-
 sumus. Sic *haurire suppli-*
cia Virgil. Aen. IV. 383, ibi
 v. Heyne in VV. LL. *exhor-*
ret Parthia, quamquam hu-
 manitatis paene expers nec
 minus, quam Getae, Ro-
 manis infesta.

v. 39. 40. *morbiue luem*.
 Morbi contagiosi famem fem-
 per fere sequi solent, quia
 inopia homines ad alimenta
 parum salubria, aut saltem
 insolita, adigit, quibus hu-
 mores eorum corrumpantur.
tumulosue repletos, sepul-
 chra repleta. Ovid. Met. VII.
 613. *Stragibus*, sic cada-
 vera h. l. propter eorum
 frequentiam vocantur. *cor-*
rupto sidere i. e. pestilenti
 sidere. Apud Virgil. Aen. III.
 138. *corrupto coeli tractu*.
 cf. Petron. 11. Iustin. XIX. 2.
 Positum pro: aëre corrupto.

v. 41. 3. *fluuium vagum*.
 Horat. Od. I. 2. 18. Plin.
 Epist. VIII. 17. *vagum*, qui
 non amplius certis ripis
 coercetur. *per tecta*. Gesne-

Hei mihi, quo Latiae vires, Urbisque potestas
 Decidit? In qualem paulatim fluximus umbram? 45
 Armato quondam populo, patrumque vigebam
 Consiliis. Domui terras, vrbesque reuinx
 Legibus. Ad solem victrix vtrumque cucurri.
 Postquam iura ferox in se communia Caesar

rus, vt modestiae poetae consulat, non intelligit summas aedium partes, sed *tecta* pro participio habens, ea, quae tecta sunt ab coeli iniuriis. Verum non tam verecundus est Noster aliis in locis, vt h. l. interpretatione admodum dura eum adiuuamus. Solito sensu *tecta* posuisse Nostrium, indicant sequentia, quaeri autem potest, num *per tecta* semper idem sit, quod *super tecta* cf. supra not. ad XI. 10. *Tecta* h. l. domus et aedificia sunt, in vallibus posita et aqua Tiberis submersa, hoc satis indicatur per: *summisque minantem Collibus. Pyrrhae saecula* Horat. l. c. 6.

v. 44. 5. *Latiae*, Romanae. Opes omnino intelligit antiquas. *Urbisque potestas*, quae alias rerum domina et erat et vocabatur. *decidit*, deuenit, descendit. Horat. Od. IV. 7. 14 sq. Burmann. ad Ovid. Heroid. IV. 94. Senec. Herc. Fur. 268 seq. *fluximus. Fluere* est saepe: sensum minui. *umbram*, inanem effigiem et speciem.

v. 46. 7. *Armato quondam populo* cet. Sensus perspi-

cuus est: armis et consilio ditioni meae subieci orbem terrarum. Pro *armis* posuit: *armato populo*, quum quia populus senatui opponitur, tum quia legiones olim, vt notum est, e ciuibus Romanis conscribebantur. cf. infra 96 sqq. Bentlei. ad Horat. Od. III. 6. 20. legendum existimat *Armatis quondam populi patrumque vigebam Consiliis*. Intelligit igitur comitia centuriata, quae Gesnerus quoque per: *armato populo* indicari existimat. Verum illorum comitiorum hic vix locus esse potest, quum sermo sit de opibus, quibus res Romana creuit, quaeque armis et consilio continentur. *domui terras* respondet priori *armato populo*, *vrbesque reuinx* sequenti *patrum consiliis*. Illud *reuinx* latius expressit infra XXIV. 150 sqq. legibus et institutis cum imperio copulaui, partem imperii feci.

v. 48. *solem vtrumque* sc. orientem et occidentem.

v. 49. *iura communia* i. e. reipublicae administrationem, cuius in libera ciuitate vnusquisque ciuis est

Transtulit, et lapsi mores, desuetaque priscis 50
Artibus in gremium pacis seruire recessi:

Tot mihi pro meritis Libyam Nilumque dedere,

particeps, seu libertatem civilem. *ferox*, animosus, fortis, victor. Haec et sequentia expressit Sidon. Apollin. *carm. VII. 100 sqq. et hinc iam Proh dolor! excusso populi iure atque senatus, Quod timui incurri. Sum tota in principe, tota Principis et suo lacerum de Caesare regnum, quae quondam regina fui.*

v. 50. *et lapsi mores.* Morum corruptela maxime ingrauescebat et in dies maior maiorque fiebat Carthagine capta et deleta. v. Vellei. *Paterc. II. 1. 1. ibi v. interpp. priscis artibus. Priscae artes* sunt morum simplicitas, frugalitas, amor patriae et virtus bellica, omniaque, quae disciplina maiorum et publica et priuata continebantur, quibusque res Romana creuit, in quorum locum luxuria, mollities, auaritia ceteraque mala venerunt Sallust. *Catil. II. 5. ibi v. Corte.*

v. 51. *in gremium pacis seruire recessi.* Heinsius *seruile* Graecorum more aduerbii loco, pro: seruiliter, positum sumit. v. infra 365. Verum dubito, an sic *seruile* *recedere* dici possit. Videor enim mihi animaduertisse, non omnia aduerbia, quibuscunque verbis iuncta, ita

in adiectiua mutari posse; exempla saltem desidero, quibus adiectiuum pro adverbio positum sit, quod ad verba pertineat, quibus status motus et progressus corporis indicatur. cf. Heinss. ad l. 120. *Seruile*, vt Genuerus fecit, cum *Gremium* iungo. *In gremium pacis recessi* est in pacem quietam, vbi tuta essem a bellis civilibus reliquisque incommodis, quae libertas secum ferre soleat. Illud *gremium* vocatur *seruile*, quia ista pax libertate civili erat comparanda. cf. XX. 97. Plin. *Panegy. LVI. 4.*

v. 52. *Tot pro meritis.* Quod, toto terrarum fere orbe armis meis subacto, imperium in Principem omne contuli et in seruire otium recessi. *Libyam Nilumque dederunt*, Africam Aegyptumque frumentarias provincias constituerunt, aut fecerunt, vt frumentum ex illis prouinciis classibus certis in Italiam quotannis deportaretur. Africam horreum populi Romani fuisse notum est. Iani ad Horat. *Od. I. 9 sq.* Lucan. *III. 68 sq.* ibi v. Oudendorp. De vbertate Aegypti v. Schwarz et interpp. ad Plin. *Paneg. c. 30.* cf. Lips. *Elect. I. 8.*

Vt dominam plebem, bellatoremque senatum
 Classibus aestiuis alerent, geminoque vicissim
 Litore diuersi complerent horrea venti.
 Stabat certa salus. Memphis si forte negasset,

55

v. 53. c. *Vt dominam plebem bellatoremque senatum.* Per ironiam dictum hoc esse non potest, sed plebs *domina* vocatur, quia, ut dominus agrorum suorum proventus percipit, quos serui colunt, ita ut ipse sine ullis molestiis in otio viuat, sic alitur plebs Romana frumento ex Africa et Aegypto adportato sine ullo laboris taedio. Africani itaque et Aegyptii coloni quasi sunt plebis Romanae, ipsaque plebs eorum respectu *domina* vocatur. *bellatoremque senatum.* Eius enim auctoritate bella decernebantur, quem morem antiquum Stilicho retulisse dicitur cf. infra XXI. 325 seqq. Ceterum adparet, hoc versu conuersum rerum statum esse indicatum, quum alias populus bellator, senatus vero dominus vocaretur (Burmannelus laudat Martialis XIV. 1. 1. Sil. Italic. II. 45, apud quem tamen inuidiae causa senatus ita adpellatur.) Verum nunc plebs Romana non amplius cogebatur militiae nomen dare, quum externi et barbari, ut robustiores, ad stipendia vocarentur, nec senatus rerum administra-

tionem habebat, quae penes Imperatorem erat. Herodian. II. 11. 6. Honestioribus igitur ad speciem verbis uti non poterat poeta, quam ut plebem, nil nisi panem et circenses morantem, *dominam*, senatum, cui pristinae auctoritatis umbra tantum supererat, quique de bellis decernendis more antiquo ab Imperatoribus consulabatur, *bellatorem* adpellaret. Studia plebis Romanae et mores, ut tum erant, describit Ammian. Marcell. XIV. 6. in fine. *aestiuis*, quae aestate, messe peracta, frumentum adportabant. *gemino litore*, Africano et Aegyptiaco. *diuersi*, a plagis diuersis flantes. Eurum intelligit, qui ab Aegypto in Italiam nauigantibus, et Africum, qui ab Africa in Italiam vela facientibus secundus est. *horrea*, quorum trecenta sex Romae fuisse Barthius adfirmat.

v. 56. *Stabat*, significantius pro: erat. *negasset* sc. victum seu frumentum. Dictum pro: quando in Aegypto frumenti inopia esset. cf. Heyne ad Virgil. Georg. I. 149.

Pensabam Pharium Gaetulis messibus annum.
 Frugiferas certare rates, lateque videbam
 Punica Niliacis concurrere carbasa velis.
 Quum subiit par Roma mihi, diuisaque sumsit 60
 Aequales Aurora togas: Aegyptia rura
 In partem cessere nouam. Spes vnica nobis
 Restabat Libye, quae vix aegreque fouebat
 Solo ducta Noto, nunquam secura futuri,
 Semper inops ventique fidem poscebat, et anni. 65

v. 57. *annum*, prouentum seu potius annum sterilem, agrorum sterilitatem v. interpp. ad Valer. Flacc. V. 425. ed. Burmann. Barth. ad Stat. Theb. IX. 406. *Gaetulis*. supra III. 226.

v. 58. *certare*, in frumento aduehendo. Hoc et sequens *late* ad copiam nauium frumentariarum spectat.

v. 60. 1. *par Roma*, Constantinopolis. *subiit*. Auson. in clar. vrb. II. 5. Notum est, Constantinopoli omnia ita comparata fuisse a Constantino M. vt ea vrbs Romae speciem referret. Zosim. II. 30sq. cf. Spanhem. ad Iulian. Orat. I. p. 8. Nicephor. VIII. 4. Philostorg. II. 9. De situ vrbis et regione circumiacente, qualis quidem olim fuit, v. Polyb. IV. 38sq. Herodian. III. init.

v. 62. *In partem nouam*. Arcadii imperio cessit.

v. 63. 5. *quae* non ad Libyam sed ad spem referendum est. *vix aegreque*. Bene obseruat Burmannus, *vix* ad tempus spectare, *aegre* ad

modum agendi, in quo difficultas quaedam sit. *vix aegreque* itaque significat: raro et difficulter. Tenendum autem, poetam de industria rem exaggerare, vt iniquitas Gildonis aut potius Arcadii, ab Eutropio eunucho instigati, eo luculentius appareat, qui id agebat, vt Africa, vnica vrbis Romae spes, nec ea quidem satis certa, ab imperio occidentali disiungeretur, quum imperium orientale vberrimo commeatu ex Aegypto frueretur. *fouebat*. Pro vulgariori: *spem fouebamus* h. l. ratione inuersa dixit *spes fouebat nos*. *Sola ducta Noto*. Quam spem, i. e. classem frumentariam, solus Notus adducebat, Symmach. epist. III. 82. *numquam secura futuri*, semper incerta, num classes aduenturae essent, *semper inops* superius spectat *vix aegreque*. *venti fidem poscebat* i. e. pende-
bat a fide venti et anni. Omnibus enim, a quibus aliquid speramus, aut cui

Hanc quoque nunc Gildon rapuit sub fine cadentis
Autumni. Puido metimur caerula voto,
Puppis si qua venit, si quid fortasse potenti
Vel pudor extorsit domino, vel praedo reliquit.

confidimus, fidem tribuimus, quam solunt, quando spes nostras non frustrantur, eamque imploramus aut poscimus, quando ea petimus, quae ab illis expectare solemus.

v. 66. *Hanc, spem.*

v. 67. 8. *puido metimur caerula voto.* i. e. voto nostro mare transimus, dum ea vouemus, quae trans mare nobis adportanda sunt. cf. infra XXVI. 46 sq. *Metiri aequor* pro: nauigare, notum est saepius poni. Virgil. Georg. IV. 389. Odyss. Hom. γ. 179. Burmannus subintelligit: oculis; aliud autem esse videtur, *oculis aliquid metiri*, quo pertinent, quae idem laudat Lucan. IV. 32. Quintil. Declam. CCLV. *puido* pro: pauidi, timentes, ut voti compotes fiamus. *Puppis si qua venit*, i. e. si compertum nobis alicunde est, nauem frumentariam in itinere esse. Nauis enim in propinquo quominus cogitetur, quae oculis iam prospici possit, prohibet *puido voto*. Sed et sic quaeri potest, quid sibi velit *puido*? Nam si compertum est, nauem aduenire, paucoris nullus est locus, nisi hactenus, ut vel naufragium

timeas, vel timeas, ut frumenti aliquid adportet. Etiam hoc perspicere nequit, unde exploratum esse poterit, nauem adpropinquare, nisi in conspectu sit. Proinde puto, si h. l. Graecorum more pro: num, positum. Apud Graecos nempe si interrogationibus seruit obliquis, et nihilominus tamen indicatio iungitur, contra vulgarem Romanorum consuetudinem, qui subiunctio fere uti solent. Exempla v. apud Zeune ad Vigerum VIII. 6. 4. cf. Lambin. ad Horat. epist. I. 3. 30. Sensus: Semper vota facientes, ut inopia nostra subleuetur, simulque timentes, ut rata illa sint, mare cogitamus, num forte nauis aliqua veniat, num forte pudor domino aliquid extorserit, aut praedo reliquerit. Barthius *metimur* interpretatur: prospectamus oculis, ut solent, qui aliquem expectant. Gesnerus ita: metimur oculis et computatione spatii ac temporis aestimationeque venti coniecturam facimus, quando venire possint naues frumentariae.

v. 69. *pudor* scil. infamiae et summae iniquitatis. *praedo* infra 162 et 458.

Pascimur arbitrio Mauri, nec debita reddi, 70
 Sed sua concedi iactat, gaudetque diurnos,
 Vt famulae, praebere cibos, vitamque famemque
 Librat barbarico fastu, vulgique superbit
 Fletibus, et tantae suspendit fata ruinae.
 Romuleas vendit segetes, et possidet arua 75
 Vulneribus quaesita meis. Ideone tot annos
 Flebile cum tumida bellum Carthagine gessi?
 Idcirco voluit contenta luce reuerti
 Regulus? haec damnis, genitor, Cannensibus emi?
 Incassum toties lituis naualibus arsit 80
 Hispanum Siculumque fretum? vastataque tellus,
 Totque duces caesi, ruptaque emissus ab Alpe

Ceterum hoc paucitas frumenti in Italiam deportati exprimitur, quum raro *dominus potens* pudore moueri et *praedo* raro aliquid relinquere soleat.

v. 70. *Pasci* de parasitis et seruis proprie dicitur Iuvenal. III. 141. v. Burmann. ad Petron. 57.

v. 71. 2. *diurnos*. Sernos quaternos frumenti modios accepisse in singulos menses notum ex Donato ad Terent. Phorm. I. 1. 9. Alii diurna seruis dabant Horat. epist. I. 13. 40. *vitam famemque librat* i. e. lancibus veluti aequat vitam et famem, ne fames vitam eleuet aut superet. Sensus: hoc tantum nobis concedit, vt vitam toleremus, sed semper esurientes.

v. 73. *barbarico*, insolenti.

v. 74. *et tantae suspendit fata ruinae*, i. e. extrahit, differt cladem plebis Roma-

nae, vt rem sui arbitrii. Ita Barthius. Possis, vt puto, etiam sic verba explicare: facit, vt *fata tantae ruinae* nobis impendeant, semperque minentur. cf. infra 101 seqq.

v. 79. *Regulus* v. ad VIII. 411. *damnis Cannensibus* v. Polyb. III. 113 sq. Liv. XXII. 46. Appian. rer. Annib. c. 19. *Tumulum Hesperiae Cannas* vocat Sil. Italic. I. 50.

v. 80. *lituis naualibus*, pugnis nav. *arsit* a pugna ad mare translatum est, nisi emotum mare intelligere maioris remorum pulsu concursusque nauium. Haud scio, an alia ratio sit eius loci, quem Barthius laudat Virgil. Aen. VII. 644. Omnino autem respiciuntur proelia naualia primi belli Punici.

v. 81. *ruptaque emissus ab Alpe*. De transitu Annibalis per Alpes v. Polyb. III. 49 sqq.

Poenus, et attonitae iam proximus Hannibal vrbi?
 Scilicet, vt domitis frueretur Barbarus Afris,
 Muro sustinui Martem, noctesque cruentas 85
 Collina pro turre tuli? Gildonis ad vsum
 Carthago ter victa ruit? Hoc mille gementis
 Italiae clades, impensaque secula bello,
 Hoc Fabius fortisque mihi Marcellus agebant,
 Vt Gildon cumularet opes? Haurire venena 90
 Compulimus dirum Syphacem, fractumque Metello

Liv. XXI. 32 sqq. cf. Sil. Italic. III. 477 sqq.

v. 83. *proximus Hannibal vrbi*. Polyb. IX. 6. Liv. XXVI. 9. cf. Sil. Ital. XII. 545 seqq.

v. 85. 6. *noctesque cruentas Collina pro turre tuli*. Fulvius Flaccus inter Aesquilinam Collinamque portam castra opposuit Hannibali. Liv. l. c. 10. Sil. Italic. XII. 556 seqq. Sidon. Apollin. carm. VII. 129 sqq.

v. 87. *Hoc sc. agebant*.

v. 89. *Fabius*, Cunctatoris cognomine celeberrimus, cuius ingenium depinxit Sil. Italic. l. 679 sqq. *Marcellus*, de cuius virtute v. Liv. XXIII. 14 sq. Sil. Italic. XII. 158 sqq.

v. 91. *Syphacem*. Hunc in triumphum ductum esse a Romanis, narrant Polyb. XVI. 23. Appian. r. Punic. 28. Valer. Max. VI. 2. cf. Sil. Ital. XVI. 272. Verum Livius XXX. 45. multo ante triumphum Scipionis mortuum eundem tradit. Ad venenum hauriendum compul-

sum fuisse, nemo, quod sciam, memoriae prodidit. De Hannibale hoc notum est ex Cornel. XXIII. 2. et iis, qui in edit. Staveriana ad illum locum laudantur. Accedit, quod media syllaba h. l. correpta ab aliis semper produci solet. Barthius igitur et historiae et metro consuluisse saltem putandus est, quum proponit *Hannibalem*, quae coniectura etiam probatur Broukhusio ad Propert. III. 9. 61. Cum eodem epitheto occurrit Hannibal apud Horat. Od. II. 12. 2, vbi tamen Iani *durum* legendum putat. Vix autem aliqua ratio potest cogitari, qua librarius inductus fuerit, vt pro: *Hannibalem* substituerit *Syphacem*; eum enim somniasse de Sophonisba, Syphacis vxore, (de qua v. Liv. XXX. 15.) vt Gesnerus opinatur, mihi quidem non sufficit, atque existimo, quamquam reliqui scriptores de veneno sileant, cuius commemoratio Romanis honori esse non poterat,

Traximus immanem Marii sub vincla Iugurtham,
 Et Numidae Gildonis erunt? Proh funera tanta,
 Proh labor! In Bocchi regnum sudavit vterque
 Scipio. Romano vicistis sanguine Mauri. 95
 Ille diu miles populus, qui praefuit orbi,
 Qui trabeas, et sceptras dabat, quem semper in armis
 Horribilem gentes, placidum sensere subactae,
 Nunc inhonorus, egens, perfert miserabile pacis
 Supplicium, nulloque palam circumdatus hoste, 100
 Obsessi discrimen habet. Per singula letum
 Impendet momenta mihi, dubitandaque pauci
 Praescribunt alimenta dies. Heu prospera fata!
 Quid mihi septenos montes, turbamque dedisti,
 Quae paruo non posset ali? Felicior essem 105
 Angustis opibus. Mallem tolerare Sabinos,
 Et Veios. Breuior duxi securius aeuum;

tamen *Syphacem* esse retinendum, praesertim quum neminem fugiat, in producendis et corripiendis nominibus peregrinis poetas interdum variare.

v. 91. 2. *Fractumque Metello* cet. Res nota est ex Sallustii Iugurtha. *immanem* ad mores et facinora illius pertinet.

v. 94. *in Bocchi regnum sudavit* i. e. bellum strenue administravit, vt Bocchus aut aliquis illi similis regulus Africa potiretur.

v. 97. *trabeas et sceptras*, consularem et imperatoriam dignitatem.

v. 99. 100. *perfert miserabile pacis Supplicium*. *Supplicium pacis* est calamitas, quae propter pacem acciderat, quum Honorius, fratrem timens, non ausus es-

set, Gildonem vi et armis statim adgredi. Verba quidem eadem fere sunt apud Iuvenal. VI. 292, quo loco propterea in fraudem actus est Gesnerus, vt *miserabile pacis supplicium* interpretaretur: intermissas per pacis tempus exercitationes bellicas.

v. 101. *discrimen*, periculum, nempe fame moriendi.

v. 102. 1. *dubitandaque pauci Praescribunt alimenta dies*. i. e. pauci dies iubent dubitare, an iis elapsis adhuc supersint alimenta; dubium est, an alimenta post paucos dies superfutura sint.

v. 104. *septenos*. Stat. silv. I. c. 23. *turbam*, civium multitudinem.

v. 106. 7. *tolerare Sabinos Et Veios*. Sabini et Veientes hostes erant populi Ro-

*Ipsa nocet moles. Vtinam remeare liceret
 Ad veteres fines, et moenia pauperis Anci.
 Sufficerent Etrusca mihi, Campanaque culta, 110
 Et Quincti, Curiique seges, patriaeque petenti
 Rusticus inferret proprias Dictator aristas.
 Nunc quid agam? Libyam Gildon tenet, altera Nilum.
 Ast ego, quae terras humeris, pontumque subegi,*

mani sub regibus et primis reipublicae temporibus. *bre-
 vior*, minor. VIII. 572.

v. 108. *Ipsa nocet moles.* cf. Livium in praefat. Propert. III. 11. 60. Horat. Epod. XVI. 2. Petron. de Mutat. reip. Rom. v. 82 sqq. Poet. lat. min. T. III.

v. 109. *pauperis Anci.* Anci regis opes h. l. aestimantur ex recentioris temporis diuitiis.

v. 110. Ab Hetruscis et Campanis primis temporibus saepius frumentum petatum est. cf. Liv. II. 34, IV. 12. cet. *culta*, agri.

v. 111. 2. *Et Quincti Curiique seges patriaeque — aristas. Quinctii Curiique* h. l. pro omnibus positi sunt, qui illis viris similes erant, ut *rusticus dictator* pro omnibus magistratibus summis. Dicere voluit Noster, tunc segetes principum virorum, quamquam per se parvae, necessitati tamen reipublicae suffecissent, omnesque primores, qui illa tempestate agros ipsi colerent, libenter, patria petente, fruges suas in publicum protulissent. Gennerus locum de

Curio et Quinctio ipsis intelligit, indeque illi difficultas suborta est, quam dura admodum interpretatione remouere conatur. Etenim vterque pauper patriam non poterat frumento suo sublevare, quia neuter latifundia possidebat, quae in hanc rem opus fuissent. Existimat igitur, *petenti Romae* ita absolute positum esse, ut *ipso* subintelligendum sit, hoc sensu: patriae ipsos imploranti et dictaturam illis offerenti inferebant ipsi segetes suas: quo tempore patria ipsos petebat, eo illi occupati erant in messibus colligendis et inuehendis in urbem frugibus. Ut omitam, *petere* vix hoc sensu occurrere, totus locus hac interpretatione inter frigidissimos refertur.

v. 113. *altera* sc. Roma, Constantinopolis. v. supra v. 61.

v. 114. *quae terras humeris.* Explicari hoc quodammodo potest ex eo, quod Sesostris statuae subscriptum fuisse memoriae prodidit Herodot. II. 106, quem locum iam laudauit Barthius, cuius

Deseror; emeritae iam praemia nulla senectae. 115
 Di, quibus iratis creui, succurrite tandem,
 Exorate patrem; tuque o, si sponte per altum
 Vecta Palatinis mutasti collibus Idam,
 Praelatoque lauas Phrygios Almone leones,
 Maternis natum precibus iam flecte, Cybebe. 120
 Sin prohibent Parcae, falsisque elusa vetustas

coniectura *iuuenis*, quam *iu-*
uenis ipse fecerat, ingeniosa
 sane est, egregieque com-
 mendatur versu sequenti,
 ubi opponitur *emeritae se-*
nectae. Commendant quo-
 que eam verba Ammian.
 Marcellini XIV. 6. *Eius* (Ro-
 mae) *populus ab incunabu-*
lis primis adusque pueritiae
tempus extremum, quod an-
nis circumcluditur fere tre-
centis, circummurana per-
tulit bella; deinde aetatem
ingressus adultam, post mul-
tiplices bellorum aerumnas,
Alpes transcendit et fre-
tum; in iuuenem erectus et
virum ex omni plaga, quam
orbis ambit immensus, re-
portauit laureae triumphos;
iamque vergens in senium,
et nomine solo aliquoties
vincens, ad tranquilliora
vitae discessit. De humeris,
 quamquam scripti constan-
 ter hanc vocem seruant, ta-
 men potest dubitari, quum
 huiusmodi eius vsus fortasse
 sine exemplo sit.

v. 115. *Deseror* sc. a diis.

v. 116. *quibus iratis creui.*
 Quia incrementa imperii
 Romani in eius ipsius per-
 niciem verterant, ea repetit

Noster a diis iratis, cf. not.
 ad Pers. IV. 27. et Lambin.
 ad Horat. Serm. II. 3. 8.

v. 117. *patrem*, Iovem.

v. 118. 120. *Cybebe* seu
Cybele, quae Pessinunte pul-
 cherrimum templum habe-
 bat (Diodor. Sic. III. 58 sq.)
 bello Punico secundo, quia
 alia ratione hostis ex Italia
 pelli non posset, ex libris Si-
 byllinis Romam est accersita.
 Rem narrant Liv. XXIX. 10-
 14. Ovid. Fast. IV. 249 sqq.
 Sil. Italic. XVII. 1 sqq. He-
 rodian. I. 11. *Idam* Phry-
 giae montem, gratissimam
 Cybeles sedem cf. infra
 XXXIII. 199 sqq. *Palatinis*
collibus. Templum Cybeles
 erat in monte Palatino. Liv.
 I. c. 37. *sponte* Ovid. I. c.
 269 sqq. *Praelatoque Al-*
mone. *Almo* seu *Almon*
 (Heins. ad Ovid. Fast. II. 601.)
 riuius non longe a Roma
 in Tiberim influens, in quo
 signum deae illius aduerso
 Tiberi Romam vectae ablu-
 tum est, qui mos deinde an-
 nuus mansit, vt VI. calend.
 April. simulacrum abluere-
 tur. v. interpp. ad Valer.
 Flacc. VIII. 239 sqq. Spanh.
 ad Callim. H. in Pallad.

Auspiciis: alio saltem prosterne casu,
 Et poenae mutate genus. Porfenna reducat
 Tarquinius; renouet ferales Allia pugnās.
 Me potius saeui manibus permittite Pyrrhi; 125
 Me Senonum furiis, Brenni me reddite flammis.
 Cuncta fame leuiora mihi. — Sic fata, refusis
 Obtulit lacrimis. Mater Cytherea, parensque
 Flet Mavors, sanctaeque memor Tritonia Vestae.
 Nec sicco Cybele nec stabat lumine Iuno. 130
 Moerent Indigetes, et si quos Roma recepit

leones Phrygios Lucret. II. 600 sq. *maternis*, erat nempe mater deum. *natum*, Iovem.

v. 122. *Auspiciis*, quibus perpetuitas imperii Romani promissa est.

v. 124. *Allia*. v. Heyne Excurs. VIII. ad Virgil. Aen. VII. 717; de clade Romanorum ad illum fluuium v. Liv. V. 37 sq.

v. 127. 8. *refusis Obtulit lacrimis*. Sidon. Apollin. carm. VII. 118 sq. *lacrimae vocem clausere precantis, Et quidquid superest luctus rogat*.

v. 129. *Flet Mavors*. Euripides quidem, quem Barthius laudat (Hippol. 1396.) Dianam inducit dicentem, deos non flere, eademque sententia occurrit apud Ovid. Met. II. 621 sq. idem Fast. IV. 521 sq. dicit, lacrimare non esse deorum, nihilominus tamen lacrimae guttam ex oculis Cereris stillantem facit. Facile apparet, fletus et lacrimas deorum ad ea referenda esse, quae a poe-

tis pro arbitrio ad ingenium cuiusque et consilium varie constituta sint. Plura super hanc rem congesse Burmannus ad Ovid. Met. I. c. Broukh. ad Propert. II. 13. 54. Spanhem. ad Callim. H. in Dian. 149. Mars h. l. lacrimans inducitur, quia ad Romuli Remique patrem res Romanae tantopere pertinent. *sanctaeque memor Tritonia Vestae*. In templo Vestae Palladium, simulacrum, ut putant, Palladis, nemini viro, praeter Pontificem Maximum, videndum, custodiebatur, Vestaque ipsa saepe cum Palladio repraesentata est. v. Heyne in Excursu IX. ad Virgil. Aen. II.

v. 131. *Indigetes*, homines inter deos recepti, Aeneas, Romulus cet. Barthius laudat Macrob. Som. Scip. I. 9. Imperatores autem h. l. sub iis intelliguntur, quos *Roma dedit deos*. cf. interpp. ad Virgil. Georg. I. 498. *si quos Roma recepit*, peregrinos, quos Romani

Aut dedit ipsa Deos. Genitor iam corda remitti
 Coeperat, et sacrum dextra sedare tumultum:
 Quum procul insanis quatiens vlulatus axem,
 Et contusa genas, mediis apparet in astris 135
 Africa. Rescissae vestes, et spicea passim
 Serta iacent; lacero crinales vertice dentes,
 Effractum pendebat ebur, talique supernas

ab aliis gentibus receperunt, Aesculapium, Idem cet.

v. 132. 3. *genitor iam corda remitti Coeperat. corda* plur. pro singul. Vt Virgil. Aen. VI. 49. Cor Iovis miseratione erat commotum, vt reliquorum deorum, sed primus se colligere coeperat, atque in eo erat, vt sedato corde (Virgil. Aen. XII. 18.) ad Romae querelas responderet. *tumultum*, indignationem deorum deorumque. *dextra sedare* cf. Lucan. I. 298.

v. 134 sqq. Inducitur nunc Africa magno clamore deorum opem contra Gildonis tyrannidem iam intolerabilem petens. Aptè huic Noster narrationem tribuit de istius facinoribus, quippe quae optime scire deberet et prae vos tyranni mores et calamitatem, qua diu oppressa fuerit. Vix autem monere adtinet, non ad historiae fidem Noster haec scripsisse sed ad invidiam Gildoni faciendam. *quatiens* v. n. ad X. 154.

v. 135. *contusa*. Pectus aut faciem contundere pal-
 mis luctus erat grauissimi

signum. Heins. laudat Lucan. II. 335 sq. IX. 106. Iuvenal. XIII. 128. eodem pertinent *rescissae vestes*.

v. 136. *Africa*. Africam specie muliebri Curtio Rufo se obtulisse narrat Plin. epist. VII. 27. Compara Sidon. Apollin. carm. V. 53 sqq. qui Nostri imitatus est. *spicea sarta* fertilitatis symbolum. *passim* est sine ordine, confuse. Sic Burmann. quem v. ad Phaedr. V. 1. Quintil. Declam. IV. 13.

v. 137. *crinales dentes*. Barthius pectinem eburneum intelligit, cui explanationi refragatur, quod explicandi gratia adiectum est *effractum ebur*. Gesnerus dentes in exuviiis capitis elephantini, quas pro casside in capite gerat dea Africa; huic repugnare videtur et *lacero vertice* et epithet. *crinales*, quod commune est omnium, quae ad ornatum crinium adsumuntur. Equidem proprium huius deae ornatum intelligo, dentes elephantinos diademati forsitan infixos seu religatos, qui nunc effracti pendebant. Ceterum loquendi rationem *cri-*

Irrupit clamore fores: Quid magne moraris
 Iupiter, auulso nexu, pelagique solutis 140
 Legibus, iratum populis immittere fratrem?
 Mergi prima peto. Veniant praerupta Pachyno
 Aequeora; laxatis subsidant Syrtibus vrbes.
 Si mihi Gildonem nequeunt abducere fata:
 Me rape Gildoni. Felicior illa perustae 145
 Pars Libyae, nimio quae se munita calore
 Defendit, tantique vacat secura tyranni.
 Crescat zona rubens. Medius flagrantis Olympi
 Me quoque limes agat. Melius deserta iacebo
 Vomeris impatiens. Pulsis dominantur aristis 150
 Dipsades, et sitiens attollat gleba cerastas.

nales dentes effractum ebur
 multis exemplis illustrat
 Heinſius, ex quibus profero
 Virgil. Eclog. II. 3, III. 3,
 IX. 9.

v. 139. *irrupit fores*. sic
 Lucan. V. 127. Stat. The-
 baid. VI. 641. Cum casu
 quarto saepe hoc verbum
 construi docuerunt Heinſ. et
 Drakenbr. ad Sil. Italic. II.
 378. Burmann. ad Virgil.
 Aen. VI. 528.

v. 140. *auulso nexu*, quo
 pelagus retinetur, ne inun-
 det terram.

v. 141. *Pachyno* pro: a
 Sicilia; Pachynum enim eius
 insulae promontorium Afri-
 cae proximum. *praerupta*.
 Heinſius vel innitis mem-
 branis legendum putat *pro-*
rupta ex Virgil. Aen. I. 245 sq.
 Equidem coniecturam non
 necessariam, immo alienam,
 puto. *Praerupta* vndarum
 vim exprimit aliarum super
 alias irruentium montium-

que instar versus Africam se
 volventium. Bene laudat
 Gesnerus Virgil. Aen. I. 109.

v. 143. *laxatis syrtibus*.
 Gesnerus: Syrtes aggerem
 praestant terris, quas prae-
 cingunt; his laxatis solutis-
 que irruunt vndae vrbesque
 submergunt.

v. 147. *secura vacat ty-*
ranni, simpl. pro: vacat ty-
 ranno, aut secura est tyranni,
 nullum tyrannum timet.
 Gesnerus *vacat* absolute di-
 ctam putat, pro: vacua est
 cultoribus, frugibus, bonis
 aliarum regionum.

v. 148. *zona rubens*, ignea,
 torrida. Eadem zona voca-
 tur *medius limes flagrantis*
Olympi. Describit illam Ti-
 bull. IV. 1. 158 sqq. cf. Vir-
 gil. Georg. I. 233. et infra
 XXI. 337.

v. 149. *agat*, auferat, in-
 voluat, vt pars illius sim.

v. 151. *Dipsades*. *Dipsas*,
διψας, serpens, cuius mor-

Quid me temperies iuuuit? quid mitior aether?
 Gildoni fecunda fui. Iam Solis habenae
 Bis senas torquent hiemes, ceruicibus ex quo
 Haeret triste iugum; nostris iam luctibus ille 155
 Consenuit, regnumque sibi tot vindicat annos,
 Atque utinam regnum! Priuato iure tenetur,
 Exigui specie fundi, quod Nilus et Atlas
 Dissidet. Occiduis quod Gadibus arida Barce,
 Quodque Paraetonio secedit litore Ganges, 160

lus dicebatur sitim excitare adeo inexplebilem, ut indefinenter bibentes rumperentur. Lucan. IX. 737 seqq. Aelian. H. A. VI. 51. Dioscorid. VIII. 119. Plin. H. N. XXIII. 8. XXXV. 5. *cerastras* Lucan. IX. 717 sqq. Plin. H. N. VIII. sect. 35. *adtollat*, generet, nutriat, incitet, ut se adtollant ad nocendum.

v. 153. *Gildoni fecunda fui*. Heins. laudat Ovid. Met. XIII. 105.

v. 154. *Bis senas torquent hiemes* i. e. bis senas hiemes adduxit sol cursu suo ad tropicum Capricorni toties remoto.

v. 156. *Consenuit* h. l. potentiam notat annis inveteratam et confirmatam; alias decrementum virium.

v. 157. *Atque utinam regnum! priuato iure tenetur*. cet. Sensus: Si Gildonis potestas regnum vocari posset, tolerabilior res foret, i verum totam Africam patrimonii instar possidet. Et enim in regno sua cuique res propria est, quamquam

rex in possessores et fundorum dominos imperium exercet; in fundo autem omnia pertinent ad dominum fundi. Gildo quum rebus priuatorum, ut suis, uteretur, nec ab alienis abstinere manus, non regem agebat, sed fundi possessorem.

v. 158. *specie*, instar. *quod*, quantum. *quod Nilus et Atlas*. Locutionem hanc Noster amat v. infra XVIII. 196. XXVIII. 543 sq. cf. Lucan. III. 294. Stat. Theb. XI. 80 seqq.

v. 159. *Barce*, vrbs mediterranea Cyrenaica. Herodot. IV. 160. ibi v. not. *arida* Sil. Italic. II. 61. et III. 251.

v. 160. *Paraetonio*. *Paraetonus* Libyci nomi vrbs, quae etiam Hammonia vocatur, inter Cyrenaicam et Aegyptum sita non procul ab Alexandria cf. Schol. ad Lucan. III. 295. *Ganges* h. l. ineptum est, quia de tertia parte mundi, de Africa, agitur versu sequenti. Huius fines ab oriente ad occiden-

Hoc sibi transcripsit proprium. Pars tertia mundi
 Vnius praedonis ager. Distantibus idem
 Inter se vitiis cinctus; quodcunque profunda
 Traxit auaritia, luxu peiore refundit.
 Instat terribilis viuis, morientibus heres, 165
 Virginibus raptor, thalamis obscenus adulter.
 Nulla quies. Oritur praeda cessante libido,
 Diuitibusque dies, et nox metuenda maritis.
 Quisquis vel locuples vel pulchra coniuge notus,
 Crimine pulsatur falso. Si crimina defunt: 170
 Accitus conuiua perit. Mors nulla refugit
 Artificem. Varios succos spumasque requirit

tem et rursus ab occidente ad orientem poeta expressit. Hoc iam satis superque erat. Quare hunc versum, ut plane alienum, intrusum existimo. Adscriptus forsan erat margini ad simile genus loquendi notandum. Burmannus suspicatur, legendum esse vel *Gorge*, vel *Tinges*. Sed etiam vel sic versus friget.

v. 161. *transcripsit*. *Transscribere alicui pecuniam* proprie is dicitur, qui a mensa alicui pecuniam soluit, Burmann. ad Quintil. Declam. XII. 18. ergo significat: proprium alicui aliquid dare, et h. l. positum est pro: sibi vindicare.

v. 162. *distantibus*, contrariis.

v. 163. *cinctus*, praeditus. *profunda*, quae voraginis instar omnia ad se trahit et deuorat. Huic accommodata posuit *traxit*, et *refundit*.

v. 165. *morientibus* haec

res. Haec explicari possunt ex Sueton. Calig. 38. et Domit. 12, quae loca Barthius laudat.

v. 166. *thalamis*, vxoribus.

v. 170. *pulsatur*, agitur.

v. 171. 2. *perit* sc. veneno.

mors nulla refugit Artificem. Hoc Barthius sic explicat: nemo tam callidus tamque cautus est, qui artificem caedis fugerit excogitatis omnibus viis et speciebus mortis. Equidem *refugit* pro *simplici fugit* positum puto, et *nulla mors* pro: nullum mortis genus. Possit tamen sensus esse: nullum mortis genus incassum tentauit. Pertinet hoc ad artis veneficae scientiam, cuius peritissimus Gildo inducitur, qui omnes rationes calleat, qua homines veneno tollantur. *varios* aptius sane h. l. est, quam *validos*, quod Burmannus proponit. *Spumas serpentum virides* Stat. Theb. V. 508 sq. *tumidi stat*

Serpentum virides, et adhuc ignota nouercis
 Gramina. Si quisquam vultu praesentia damnet,
 Liberiusue gemat: dapibus crudelis in ipsis 176
 Emicat ad nutum stricto mucrone minister.
 Fixus quisque toro tacita formidine libat
 Carnifices epulas, incertaque pocula pallens
 Haurit, et intentos capiti circumspicit enses.
 Splendet Tartareo furialis mensa paratu, 180
 Caede madens, atrox gladio, suspecta veneno.
 Vt vino calefacta Venus, tum saeuior ardet
 Luxuries; mixtis redolent vnguenta coronis.
 Crinitos inter famulos pubemque canoram
 Orbatas iubet ire nurus, nuperque peremtis 185
 Arridere viris. Phalarin, tormentaque flammae.

in ore veneni Spuma virens.
 cf. Silv. l. 4. 102 sq.

v. 173. *nouercis.* Nouercarum in veneficiis infamia vulgata fuit Ovid. Met. I. 147. Virgil. Georg. II. 128. et III. 282. Iuvenal. VI. 628 seqq.

v. 174. *gramina*, herbas venenatas, quas *mala gramina* vocat Virgil. Aen. II. 471. *damnet*, respuat, recuset edere vel bibere.

v. 176. *Emicat*, profilit. Hominem ad nutus heriles promptum exprimit.

v. 177. *libat*, bene de edente, qui venenum timet.

v. 178. *Carnifices epulas.* Exemplorum, quibus substantivum adiectivi vices sustinet, magnam copiam collegit Rupertus ad Sil. Italic. I. 173. cf. supra X. 88. et infra XXI. 121. *incerta pocula*, quae nescit, utrum venenata sint nec ne.

v. 180. *furialis mensa*, quam insana rabies a furiis mota extruxit. Sic Atrii mensae furiales adpellantur Ovid. Amor. III. 12. 39. Ad scelus enim immane et atrox ex antiquorum ratione nemo nisi Furiis instinctus se accingit. Possunt quoque venena spectari, quibus omnia erant condita.

v. 182. *calefacta Venus.* cf. Ovid. A. A. l. 244. ibi Heinl.

v. 183. *mixtis redolent cet.* In conviviis paullo lentioribus vina, flores et vnguenta semper fuisse notum est ex Horat. od. III. 3. 13 sq. III. 14. 17. et 29. 2 sqq.

v. 184. *Crinitos famulos*, pueros delicatulos, qui pocula ministrabant, *pubemque canoram*, symphonicos. v. interpp. ad Petron. 31.

v. 185. 6. *nuperque peremtis Adridere viris* l. 6.

Profuit, et Siculi mugitus ferre iuenci,
 Quam tales audire choros. Nec damna pudoris
 Turpia sufficiunt. Mauris clarissima quaeque
 Fastidita datur. Media Carthagine ductae 190
 Barbara Sidoniae subeunt connubia matres.
 Aethiopem nobis generum, Nasamona maritum
 Ingerit. Exterret cunabula discolor infans.
 His fretus sociis, ipso iam principe maior
 Incedit. Peditum praecurrunt agmina longe; 195
 Circumdant equitum turmae, Regesque clientes,
 Quos nostris ditat spoliis. Proturbat auita
 Quemque domo, veteres detrudit rure colonos.
 Exsiliis dispersa feror. Nunquamne reuerti
 Fas erit, errantesque solo iam reddere ciues? 200

laetas esse, quamquam ma-
 triti nuper interfecti essent.
Phalaris, tyrannum Agrigen-
 tinum. Ovid. A. A. l. 653 sqq.
 Lucian. Phalar. prior. cap. vi.
 q. 197. T. l. ed. Reiz. *tor-*
menta quo flammae pertinet
 ad illum bouem ex aere,
 cui ignis subiiciebatur.

v. 187. *Profuit* sc. magis,
profuit ferre, pro: tolera-
 biliora fuere.

v. 188. *choros*, illa gau-
 dia, epulas. cf. XXII. 421.

v. 190. *Fastidita*, cuius
 amore satiatu est Gildó.

Cur haeserit h. l. Burman-
 nus, dispicere non possum.

v. 191. *subeunt*, ineunt,
 quasi iugum aut seruitium.
 Ad atrocitatem rei augen-
 dam additur, hoc fieri Car-
 thagine ipsa, in conspectu
 ciuium, cognatorum.

v. 192. *Nasamon* accola
 Syrtis maioris. Illa gens ex

naufragiis spoliisque nauium
 ditescere solebat Herodot. II.
 32. IV. 172. 183. Lucan. IX.
 438 sqq. 891.

v. 193. *Ingerit*, obtrudit.
 De hac voce v. Schwarz ad
 Plin. Panegy. LXXXVI. a.
exterret cunabula. Num
 ipsae culcitellae et fulmenta,
 quibus infans fouetur, ex-
 terrentur? *discolor*, est enim
 hybrida, ein *Blendling*.

v. 194. *His sociis*, Mau-
 ris, quos sibi nuptiis illis
 conciliauit. *maior*. cf. supra
 V. 344.

v. 198. *veteres colonos*.
 Virgil. Eclog. IX. 4.

v. 199. 200. *numquamne*
reuerti Fas erit, errantes-
que cet. Turbata haec esse
 suspicatur Heinlius, est enim
 in cod. Ambros. optimae no-
 tae lacuna seu versus imper-
 fectus relictus *Fas erit* —
Errantesque sola natali

Iret adhuc in verba dolor, nisi Iupiter alto
Coepisset folio. Voces adamante notabat.
Atropos, et Lachesis iungebat stamina dictis.
Nec te, Roma, diu, nec te patiemur inultam,
Africa; communem prostermet Honorius hostem. 205
Pergite securae. Vestrum vis nulla tenorem

reddere ciues. Alii mscrpt. aliter. Pro *fas erit* Burmannus proponit *spes erit*. Ceterum ex verbis, ut nunc quidem leguntur, vix alius sensus potest erui, quam: Numquamne *fas erit*, licebit, illis patria pulsus in eandem reuerti, ut nunc profugi tandem aliquando reddant ciues solo patrio, quum reuertantur.

v. 201. *Iret adhuc in verba dolor* pro: diutius quæsta esset.

v. 202. 3. *Coepisset* sc. fari. *voces adamante notabat Atropos.* Atropos, quæ fati immutabilitatem exprimit, notat Iovis verba. Recentiores poetæ fictionem de Parcis ita mutasse videntur, ut eas Iovi a manu esse fingerent, quæ eius effata, ut firma manerent, neque oblivione deleberentur, literis mandarent. Adumbratum hoc fortasse est a consuetudine Imperatorum, quibus scribæ ad eandem rem semper præsto essent. v. Pacatum in Panegy. Vet. XII. 18. 4. Martiarum Capellam a Gronovio laudatum ad Gell. III. 16. Apud Ovid. Met. XV.

810. in templo Parcarum sunt. Ex aere et solido rerum tabularia ferro, sed illic inclusa adamante perenni fata Iupiter in Veneris gratiam mutare non potest. Haec rursus ex Saturni templo ficta videntur, ubi senatus decreta aeneis tabulis incisa custodiebantur. Noster coniungit veterem rationem cum recentiori. Atropos adamante notat i. e. aere inscribit Iovis voces. Lachesis stamina iungebat dictis i. e. Iove dicente Lachesis nebat stamen seu filum fatale. Iungebat mea quidem de opinione nihil aliud exprimit, quam Lachesis eodem tempore id fecisse, ut stamen Iovis dictis congruum esset. Burmannus obscura hæc esse fatetur, proponit itaque: *iungebat stamina dictis* i. e. ut ipse explicat, dicta Iovis intexuit staminibus. Gesnerus iungebat interpretatur talia ducebat, qualia iusserat Iupiter. v. 206. *tenorem.* Tenor est velut continuas, *συνάφαις*, quum sine interstitio res sibi succedunt. Sic Gesnerus. H. 1. igitur positum est, pro nexu mutuo Africae et Ro-

Separat, et soli famulabitur Africa Romae.

Dixit, et afflauit Romam meliore iuuenta.

Continuo redit ille vigor, seniique colorem

Mutauere comae. Solidatam crista refurgens 210

Erexit galeam, clipeique recanduit orbis,

Et leuis excussa micuit rubigine cornus.

Humentes iam Noctis equos, Lethaeaque Somnus
Frena regens, tacito volvebat sidera curru.

Iam duo Diuorum procures, seniorque minorque 215

mae, qui nexus, qualis sit,
in sequentibus explicatur.

v. 208. Ex Virgil. Aen. I.

591 sqq. vbi Heyne vocem

adflare vberius explicat, ab

oris anhelitu ductam, quo

alteri vis aliqua praeterna-

turalis impertiri cogitabatur.

v. 209. *senii colorem*, v.

supra v. 24 seq. et Rutil.

Itiner. I. 115 seqq. ibique

Wernedorf. Poet. lat. min.

T. V. P. I. 119

v. 210. *crista refurgens*

Erexit galeam. Docte hoc

et exquisite, quia crista alta

staturae magis procerae spe-

ciem praebet. *solidatam*,

ante enim erat *laxata* v. 24,

nunc vero capiti rursus apta.

v. 212. *leuis*, v. supra v. 25,

vbi contraria ratione *traxit*

positum. Viribus restitutis

grauis ante hasta leuis red-

dita est. Hoc non cogitasse

videtur Heinss, quum pro-

ponebat legendum *Leuis et*.

Hoc quoque iam latet in

micuit.

v. 213. 4. Somnum auri-

gam Noctis iam induxit Stat.

Theb. II. 59. et XII. 305 sqq.

Ceterum Nocti bigas aut

quadrigas a poetis traditas

esse notum est. Broukh. ad

Tibull. II. 1. 87. Heyne ad

eundem III. 4. 17. *lethaea-*

que, quia somnus curarum

oblivionem adducit. Hinc

Callimach. H. in Del. v. 214.

ληθαῖον πτερόν somno tri-

buit et Sil. Italic. X. 356.

lethaeam virgam. Virgil.

Georg. I. 78. ipsum somnum

lethaeum vocat cf. eundem

Aen. V. 814 sq. et Heyne in

Excursu VIII. *volvebat si-*

dera. Sidera enim Noctis

currum comitantur Theocrit.

II. 166. Tibull. II. 1. 87 sqq.

ibi v. Heyne. Procedunt ita-

que simul cum Nocte, at-

que idcirco *volvi* dicuntur

a Noctis curru. Sed varia

ratione in adumbrando No-

ctis imagine versati sunt

poetae v. Burmann. ad Va-

ler. Flacc. V. 567. et Broukh.

ad Propert. III. 19. 10.

v. 215. *duo diuorum pro-*

ceres. Theodosium Comi-

tem et Theodosium Magnum

intelligit, ille avus erat Ar-

cadii et Honorii, hic pater.

Theudofii pacem laturi gentibus ibant,
 Qui Iouis arcanos monitus, mandataque ferrent
 Fratribus, et geminis sancirent foedera regnis.
 Sic quum praecipites artem vicere procellae,
 Assiduoque gemens vndarum verberare nutat 220
 Descensura ratis, caeca sub nocte vocati
 Naufraga Ledaï sustentant vela Lacones.
 Circulus vt patuit Lunae, secuere meatus
 Diuersos. Italas senior tendebat in oras;
 At pater, intrantem Pontum qua Bosporus arctat, 225
 Arcadii thalamis, vrbique illapsus Eoae.
 Quem simul vt vidit natus, (nam clara nitebat
 Cynthia): permixto tremuerunt gaudia fletu,
 Complexuque fouens, quos non sperauerat, artus:
 O mihi post Alpes nunc primum reddite, dixit, 230
 Vnde tuis optatus ades? Da tangere dextram,
 Qua gentes cecidere ferae. Quis tale remouit
 Praesidium terris? Vt te mortalia pridem
 Implorant, lugentque pium, fortemque requirunt!

v. 218. *et geminis sancirent foedera regnis* i. e. occidentale et orientale imperium Eutropii scelere alterum ab altero alienatum non foedere coniungerent.

v. 219. 22. *artem*, gubernatoris prudentiam et dexteritatem. cf. Lucan. V. 645 sq. Stat. Theb. VI. 451 seqq. Licent. carm. ad August. v. 78 sqq. Poet. lat. m. T. IV. P. II. *verberare*. Horat. od. III. 27. 23 sq. *descensura*, quod displicet Heinſio, ſed v. Oudendorp. et Burmann. ad Lucan. III. 630. *Naufraga Ledaï* cot. cf. n. ad l. 239.

v. 223. *Circulus Lunae*. v. n. ad VII. 164. *secuere*,

forma loquendi a ſulcis agrorum petita. Sil. Italic. II. 171. Burmann. ad Quintil. Inſtit. II. 1. Sic Graeci *τάμνειν ὁδόν*.

v. 228. *tremuerunt gaudia*. Ipſe Arcadius gaudio trepidauit, geſtiit.

v. 230. *post Alpes*, poſt expeditionem contra Eugenium v. ſupra ad I. 74. et ad VII. 63. Ceterum color orationis petitus eſt a Virgil. Aen. II. 281 ſqq.

v. 231. *tangere dextram*. Virgil. Aen. VII. 266.

v. 233. *mortalia*, homines.

v. 234. *pium*, clementem, cinium amantem.

Cui pater in tales rupit suspiria voces: 235
 Hoc erat? In fratres medio discordia Mauro
 Nascitur, et mundus germanaque dissidet aula?
 Gildonisne salus tanti sit palma furoris?
 Scilicet egregius morum, magnoque tuendus,
 Et cuius meritis pietas a fratre recedat. 240
 In primo genitore, vide. Ciuile calebat
 Dissidium; dubio stabant Romana sub ictu.
 Quis procul Armenius, vel quis Maeotide ripa
 Rex ignotus agit, qui me non iuuat euntem?
 Auxilio fouere Getae, venere Geloni. 245

v. 235. Comparant Virgil. Aen. I. 371. II. 129. IV. 553. Ovid. A. A. I. 539. Valer. Flacc. I. 508. IV. 42. cf. infra XXVI. 520.

v. 236. *Hoc erat.* Color orationis idem est apud Virgil. Aen. IV. 645. v. Burmann. ad Petron. 93. Barthium et hic et in Aduers. XLV. 8. Nostrates: *das war es also? in fratres*, structuram hanc vocat Barthius meliorem usum vocolae in, qui deceperit librarios, capique pro: in fratribus. Gesnerus verum vidisse videtur, quum explicat: non tantum inter fratres, sed contra illos, ut sua inuicem grassentur in viscera, discordia nascitur. *medio Mauro*, Gildone auctore, qui sollicitatus ab Eutropio non in fide manserat, sed, quum Honorium perfidia sua graviter offendisset, Arcadium autem promissis ad se tutandum pellexisset, discordiae causa inter illos fratres erat.

v. 237. *mundus, imperium*

Romanum vniuersum. *germana aula*, fratres Augusti, quum Arcadii Gildonem tuentis, tum Honorii eum oppugnantis.

v. 238. *palma*, praemium, *furoris*, dissidii.

v. 239. 40. *magnoque* sc. impendio, pretio. h. l. fratris offensione. *pietas a fratre* vniuerse dictum molliendae exprobrationis gratia, pro: propter quem desinas pius esse in fratrem.

v. 241. *In primo genitore, vide*, subintellige: virtutem eius et fidem. Cognosce, quanta eius merita fuerint et fides in me primum. Illud *primum* respicit sequens iterum v. 257. *ciuile calebat*, bellum contra Maximum.

v. 242. *dubio sub ictu* i. e. in discrimine magno, vnde dubium erat, an salua essent euasura. Lucan. V. 729 seq. VI. 613. Ruperti ad Sil. Ital. IV. 42. *Romana*, τὰ τῶν Ρωμαίων.

v. 244. 5. Valde mihi arri-det Burmanni coniectura:

Solus at hic, non puppe data; non milite misso,
 Subsedet fluitante fide. Si signa petisset
 Obuia: detecto submissius hoste dolerem.
 Restitit in speculis fati, turbaque reductus
 Librauit geminas, euentu iudice, vires, 250
 Ad rerum momenta cliens, seseque daturus
 Victori. Fortuna simul cum Marte pependit.
 Et si non cupidis essem praereptus ab astris,
 Exemplum sequeretur Tulli, laniandaque dumis

qui me non iuuat euntem
Auxilio? venere Getae, ve-
nere Geloni. cf. infra XXI.
 207. Burmannus laudat Vir-
 gil. Eclog. X. 19 seq. 24 seq.
 Stat. silv. III. 5. 62. et IV. 3.
 125 seq.

v. 247. *Subsedet* sc. in in-
 fidiis, ut est apud Liv. I. 14.
 plura vide apud Ruperti in
 VV. LL. ad Sil. Italic. III.
 221. Oudendorp. ad Lucan.
 V. 226.

v. 248. 9. *si signa petisset*
Obuia. i. e. si transisset ad
 hostes. *Signa obuia* hostilia
 sunt seu exercitus hostium
 VIII. 484. Tres libri scripti
 apud Heins. *tulisset*, quod
 Heinsio probatum et a Ges-
 nero receptum est. Frequen-
 tius sane hoc est, sed ob id
 ipsum non verisimile vide-
 tur librarios *tulisset* mutasse
 in *petisset*. *Submissius*, re-
 missius, minus. *Restitit in*
speculis i. e. speculatus est.
fati, quo fatum seu fortuna
 rem inclinatura esset. *Re-*
ductus, remotus (VIII. 80.)
 a turba. Minus bene Gesne-
 rus explicat: sine arbitris;

est potius: a pugnae tu-
 multu remotus. Remotus a
 pugna euentum eius specu-
 labatur, ut victoris partibus
 se addiceret. Hoc sequens
 versus exprimit.

v. 250. *Librauit*, aestima-
 vit tamquam bilancis ope,
 euentusque erat ei pro bi-
 lancis examine.

v. 251. *Ad rerum momenta*
cliens. *Momentum* proprie
 est id, quod facit, ut in al-
 terutram partem bilanx de-
 primatur aut vergat. *Ad re-*
rum momenta igitur signifi-
 cat ad rerum inclinationes;
 quo rem inclinaret fortuna,
 eius partis semper erat cliens.
 Cum fortuna fides eius mu-
 tabatur.

v. 252. *fortuna simul cum*
Marte pependit. i. e. for-
 tuna in neutram partem in-
 clinata haerebat, cuius par-
 tes sequeretur, igitur a bello
 iamdiu abstinuit. cf. Ovid.
 Met. VIII. 12 sq.

v. 253. *cupidis astris* cf.
 supra VII. 171 sq.

v. 254. *Tulli.* v. supra VIII.
 402. *dumis.* Barthius expli-

Impia diuersis raptarem membra quadrigis. 255
 Germani nunc vsque tui responsa colebat.
 En iterum calcat. Tali te credere monstro
 Post patrem fratremque paras? Sed magna rependit,
 Inque tuam sortem numerosas transtulit vrbes.
 Ergo fas pretio cedit? Mercede placebit 260
 Seditio? Taceo, laesi quod transfuga fratris,
 Quod leuis ingenio. Quamuis discrimine summo
 Proditor apportet suspensa morte salutem:
 Nunquam gratus erit. Damnamus luce reperta

cat per loca senta. Burmanno non placet *dumis*, proponitque vel *duris* vel *diris*. dubito, an Noster *duris diuersis quadrigis* dixerit. Melius forsan foret *viri*. Virgil. Aen. VIII. 544. *diuersis*, in diuersa actis.

v. 256. *responsa*, tamquam dei oracula, pro: imperia, rescripta. cf. XVII. 35.

v. 257. *calcat* plus quam: contemnit. Morem loquendi tamen a victore, qui hosti iacenti per insolentiam insultat, non repetam cum Ruperti, quem v. ad Sil. Italic. III. 85. qui ad hunc locum docet, et Graecos *παρεῖν* pro *καταφρονεῖν* ponere. cf. Aristoph. Equit. 509. Anacreont. XLVI. 6. *iterum* v. supra v. 241.

v. 258. *Post patrem fratremque*, qui illi monstro crediderant sed graniter delusi et decepti.

v. 259. *sortem*, partem imperii paterni, quae tibi obvenit. *numerosas* multas.

cf. Zosim. V. 11. 3. Oros. VII. 36. Synmach. Epist. IV. 4.

v. 260. *fas*, pietatis et iustitiae officia. *mercede*, utilitate. Lucan. I. 37.

v. 261. *Seditio*. Bene monet Burmannus, seditionem h. l. notare discordiam domesticam inter duos fratres Arcadium et Honorium, laudatque Terent. Andr. V. 1. 11. Manil. II. 197. et Graev. ad Cic. Epist. ad Attic. II. 1. *fratris*, Honorii.

v. 263. *suspensa morte*. Sensus: quamquam proditor morte, quae nobis iam imminet (hoc notat *summo discrimine*) dilata, vitae periculo nos eripiat, salutemque adferat prodicione sua, tamen factum eius, salute recuperata, probare non possumus.

v. 264. *luce*, salute, meliori tempore, quod post pericula summa adparere iterum incipit. Sic Burmannus, qui laudat Horat. Od. IV. 5. 1. vbi v. Iani et Ho-

Perfidiam; nec nos patimur committere tali. 265
 Hoc genus emtori ciues cum moenibus offert;
 Hoc vendit patriam. Plerique in tempus abusi

mer. II. 2. 6, 9. 282. loca
 ibi laudata.

v. 265. 7. *nec nos patimur
 committere tali Hoc genus
 cet.* Heinſius hunc locum sa-
 num non putat. Gesnerus
 Heinſium ſecutus et Bar-
 thium ita interſtinxit: *nec
 nos patimur committere tali
 Hoc genus emtori. Ciues
 cum moenibus offert? Hoc
 vendit patriam.* (Barthius
 poſt *offert* maius interſtin-
 ctionis ſignum ponit.) Idem
 Gesnerus monet, *Hoc ge-
 nus* non cum *emtori*, ſed
 cum *committere* iungendum,
 atque *hoc genus* explicat
 per: hunc in modum, hoc
 modo, ex Graeco τοῦτον τὸν
 τρόπον. Verum etiamſi hoc
 ita ſit, tamen non omnes
 interpretandi nodos hac ra-
 tione ſolutos inuenias. Bur-
 mannus ex Barthii ratione
 ſenſum ita conſtituit: Non
 patimur vos (nam ita legit
 cum Barthio, pro *nos*) com-
 mittere hoc genus i. e. meam
 poſteritatem, Arcadium, tali
 emtori Gildoni, qui oblata
 Africa Arcadii gratiam inire
 tentat, et contra fratrem con-
 citare. Sed pater cum filio
 loquens altero, alterum fi-
 lium vix δεικτικῶς per *hoc ge-
 nus* ſignificare poteſt; deinde
 haud facile dixeris, quid ſit
committere hoc genus, ſeu
 talem filium, *emtori*. Quo-

cunque modo te conuerte-
 ris, ſenſum commodum vix
 eruas. Tandem, qui poteſt
 Gildo *emtor* dici, quum of-
 ferat *ciues cum moenibus pa-
 triamque vendat?* Hoc loco
 quidem poſſis dicere: offert
 illa quidem et vendit, ſed
 pretio, ſed vt emat gratiam
 Arcadii. Equidem puto, lo-
 cum ita diſtinguendum eſſe:
*nec nos patimur committere
 tali. Hoc genus emtori ci-
 ves cum moenibus offert;
 Hoc vendit patriam? Nec
 patimur committere nos tali.*
 i. e. a nobis impetrare non
 poſſumus, vt nos committa-
 mus tali, fidem noſtram in
 eiſmodi homine repona-
 mus, aut nos noſtraque eiſ
 fidei credamus, quamquam
 ſalutem noſtram ei debeat-
 mus. Simili formula vtitur
 Noſter ſupra I. 86. et infra
 XVII. 184. Iam pergit: et-
 enim proditori omnia ſunt
 venalia, modo emtorem in-
 veniat. *Hoc genus* ſc. homi-
 num ſeu proditorum, *ciues
 cum moenibus offert*, pro-
 ditione traditurum promit-
 tit, *emtori* ei, quicumque
 mercedem polliceatur. De
 ipſo Gildone h. l. non agi,
 ſed de proditore in vniuer-
 ſum, patet ex v. 258 ſq. ille
 enim Gildo non *offerebat*
 vrbes, ſed iam magna re-
 pendit, iam tranſtulit vrbes.

Mox odere tamen. Tenuit sic Graia Philippus
 Oppida; Pellaeo libertas concidit auro.
 Romani scelerum semper spreuere ministros. 270
 Noxia pollicitum domino miscere venena
 Fabricius Regi nudata fraude remisit,
 Infesto quem Marte petit, bellumque negauit
 Per famuli patrare nefas. Ductosque Camillus
 Trans murum pueros obsessae reddidit vrbi. 275
 Traduntur poenis alii, quum proelia soluant:
 Hic manet, vt moueat? Quem respuit alter in hostem:
 Suscipis in fratrem? Longi proh dedecus aeu!
 Cui placet, australes Gildo condonat habenas,

v. 267. *Hoc* sc. genus, *ven-*
dit patriam, non solum sin-
 gulas vrbes. Haec a me inita-
 ratio eo etiam commendari
 videtur, quod cum sequen-
 tibus bene cohaeret. *pleri-*
que in tempus abusi, etiamsi
 plerique in tempus hoc ho-
 minum genere abusi sint,
 ex proditione illorum ali-
 quam vtilitatem ceperint,
tamen mox odere.

v. 268. 9. *tenuit sic Graia*
Philippus Oppida. cf. Va-
 ler. Max. VII. 2. ext. 8. No-
 tum est illius dictum, nul-
 lum locum inexpugnabilem
 esse, quo adigi possit aellus
 auro onustus. Cic. Epist. ad
 Att. I. 16. Horat. Od. III. 15.
 13 sqq. *sic*, proditione. *Pel-*
laeo v. n. ad VIII. 375.

v. 271. 2. Rem narrat Plu-
 tarch. in Pyrrho c. 21. T. III.
 ed. Hutt. Cicer. de Offic. III.
 22. Gell. III. 8. *nudata*
fraude i. e. cum literis, qui-
 bus Pyrrho insidias a me-
 dico ipsi factas indicauerat.

v. 274. *patrare* h. l. ad
 finem producere.

v. 275. *Trans murum*, ex-
 tra urbem. Egregium illud
 Camilli factum narrant Liv.
 V. 27. Valer. Max. VI. 5. 1.
 Frontin. Stratag. IV. 4. Plu-
 tarch. in Camillo c. 17. T. I.
 ed. Hutt.

v. 276. *proelia soluant* sc.
 proditione sua. *Soluere proe-*
lia Burmanno durius dictum
 videtur. Sed Propert. IV. 4.
 57. *commissas acies ego pos-*
sum soluere habet.

v. 277. *Hic*, Gildo. *mo-*
ueat sc. proelia, bellum ex-
 citet inter vos fratres. *quod*
 sc. scelus proditionis. *alter*,
 et Fabricium et Camillum
 respicit.

v. 278. *longi dedecus aeu*
 i. e. dedecus seu macula,
 quam longum aenum non
 est eluturum, cuiusque ergo
 memoria per longum tempus
 vigeat.

v. 279. *australes habenas*,
 imperium Africae.

Tantaque mutatos sequitur prouincia mores. 280
 Quaslibet ad partes animus nutauerit anceps:
 Transfundit secum Libyam, refluxumque malignus
 Commodat imperium. Mauri fuit Africa munus.
 Tollite Massylas fraudes; remouete bilingues
 Insidias, et verba soli spirantia virus. 285
 Ne consanguineis certetur cominus armis,
 Ne, precor. Haec trucibus Thebis, haec digna Mycenis;

v. 280. *mutatos mores*, animum mutatum, alienatum nempe ab Honorio. Sensus: Africa prouincia, tam magna, voluntati mutatae vnius Gildonis se accommodat, fidemque violat Gildone auctore.

v. 281. 3. *animus anceps*. Heins. coni. *animi anceps*, quod mihi quidem placet. *refluxum imperium*, aestus marini instar nunc huc nunc illuc transferendum. Sic bene Gesnerus. Huic quoque respondet *malignus* i. e. maligne commodat ad breue tempus, in breuem vsum, cito rursus erepturus, aut secum abducturus. *Mauri fuit Africa munus*. Cur Heinsio *fuit* non probetur, nullam equidem video rationem. *Mauult fuit* aut *Maurique fit*, quorum prius offendit, quia praecedenti versu *refluxumque* est, pro quo tamen *refugum* scribi vult; posterius mihi displicet, quia frigidissimam sententiam reddit. Sensus autem est: etiamsi Africam Gildonis prodicione obtineas, hoc tamen cogita, *Mauri*

munus fuisse. In *Mauri* nempe emphasis latet, pro: hominis bilinguis, qui fidem susque deque habet, cui ne honestum quidem est quidquam debere, quique eripere dolo malo non erubescit, quod per proditionem dederit.

v. 284. *Tollite Massylas fraudes*. v. Heyne ad Virgil. Aen. IV. 483. *bilingues insidias*. *bilinguis*, διγλωσσος, διπρυχος γλώσσῃ Euripid. Troad. 286. *Bilingues insidiae* sunt, quae ab hominibus bilinguibus struntur. cf. Drakenbr. ad Sil. Italic. XVI. 157. *verba soli spirantia virus*. Ipsum Africae solum venenatum videtur, quod animalia adeo noxia et venenata producit. cf. Lucan. IX. 619 sqq. Iuuenal. III. 122 sqq.

v. 287. *Ne, precor*. Heinsius laudat Virgil. Aen. VI. 833. v. eundem ad Ovid. Heroid. XVI. 170. Gesnerus dubitat plane adsentiri Heinsio, exemplum desiderans, ubi sic abrupte τοῦ ne positum sit. In libris scriptis, magna deprehenditur varie-

In Mauros hoc crimen eat. Quid noster iniquum
 Molitur Stilicho? Quando non ille iubenti
 Paruit? An quisquam nobis deuotior exstat? 290
 Ut fileam varios, quos mecum gesserit, actus,
 Quae vidi post fata, loquar. Quum Diuus abirem,
 Res incompositas, fateor, tumidasque reliqui.
 Stringebat vetitos etiamnum exercitus enses
 Alpinis odiis, alternaque iurgia victi 295
 Victoresque dabant. Vix haec amentia nostris

tas, *Haec precor; Deprecor*; Barthius in suo legit *Io moueo. haec trucibus Thebis*. Adludit ad Oedipodis filios Eteoclem et Polynicem. cf. Schütz in excursu I. ad Aeschyli Sept. adv. Theb. Ab illorum ferocia epithet. *trucibus* translatum est, *Myccenis* v. n. ad I. 171.

v. 288. *In Mauros hoc crimen eat*. Ex antiquorum more adprecandi hostibus mala, quae ipsi abominabantur. Virgil. Georg. III. 513. *noster* familiaritatem significat et adfinitatem.

v. 289. *Stilicho*. Hunc Eutropius et Gildon et cum illis duumuiris scelerum Arcadius studebat euertere.

v. 290. *exstat*, eminet. Bene sic Gesnerus.

v. 291. *actus*, res gestas. Sil. Italic. I. 459.

v. 293. *Res incompositas*. Eugenio modo debellato nec rebus satis dum compositis. *tumidas* a mare ductum, quod tempestate iam sedata, adhuc tumet, Senec. Herc. Fur. 1088 seq. Hercul. Oct.

710sq. Stat. Theb. I. 479sq. Bentley. ad Horat. Art. 197. Eugenius miti suo ingenio eloquentiaque non vulgari multorum animos, dum imperium obtineret, sibi conciliauerat adeo, ut superatum eum esse et interfectum vehementer dolerent, militesque Occidentis, qui pro suo Imperatore successu infelici pugnaverant, illoque interfecto ad Theodosium transferant, exercitus orientalis, qui pro victore se gerebat, insolentiam ferre non poterant, ita ut summo ducis consilio et prudentia opus esset ad cauendum, ne male conciliata gratia quotidianis altercationibus et conuiciis rursus in hostile odium verteret. Hoc autem est, quod versibus sequentibus indicatur.

v. 294. 6. *exercitus ex victis victoribusque compositus*, *stringebat enses*, militibus scilicet altercatione ita exacerbatis, ut ad gladios prope res veniret. *vetitos*, quos stringere pace facta non

Excubiis, nedum puero rectore, quiesset.
 Heu quantum timui vobis, quid libera tanti
 Militis auderet moles, quum caeca remoto
 Ferueret iam laeta metu. Dissensus acerbus, 300
 Sed grauior consensus erat. Tunc ipse paterna
 Successit pietate mihi, tenerumque rudemque
 Fouit, et in veros eduxit principis annos;
 Rufinumque tibi, quem tu tremuisse fateris,
 Depulit. Hunc solum memorem solumque fidelem 306
 Experior. Volui si quid, dum vita maneret,
 Aut visus voluisse: gerit; venerabilis illi
 Ceu numen praefensque vocor. Si tanta recusas,

licebat. Faciebat autem exercitus hoc odiis *Alpinis* i. e. odio hostili adhuc in animis residuo a proeliis circa Alpes commissis, quibus occidentalis exercitus cum orientali de imperio pugnauerat. *alterna inurgia dabant*, altercabantur inter se.

v. 297. *Excubiis*, grauius, quam cura, imperio. Gesnerus existimat, Theodosium h. l. ita imperium suum elegantiori extenuatione vocare.

v. 298. 9. *moles tanti militis*. exercitum intelligit ex copiis Orientis et Occidentis compositum. v. supra VII. 68 sqq. *libera*, quando se Imperatorem morte ab exercitu illo remotum cogitaret. Explicatur hoc in sequentibus per: *remoto metu*.

v. 300. 1. *quum coeca Ferueret*. quum nullius imperii sed odii tantum sui ratione habita inter se dissiderent. *laeta remoto metu* i. e. laeti Imperatore amisso, cuius

metu hactenus coercerentur. *dissensus acerbus* sc. inter victos victoresque fuisset, quibus exercitus compositus erat. *Sed grauior consensus erat*. Si nempe spreto Theodosii stirpe nouum Imperatorem cunctis suffragiis constituissem. *tunc ipse* cf. supra VIII. 432 sqq.

v. 302. 3. *pietate* sc. in vos. *tenerumque rudemque*, Honorium intelligit, nam Arcadius vigesimum annum agebat, quum moreretur Theodosius. *in veros principis annos*, qui moderatoris non amplius egent.

v. 304. 5. *Rufinum* — *Depulit* cf. supra V. 391 sqq.

v. 307. 8. *venerabilis illi* — *vocor*. Sensus: is me vivum semper coluit, mortuique memoria ei cara est. Hoc ex illius aetatis loquendi ratione et Theodosii consecrationem respiciens expressit. Virgil. Georg. I. 42. Aen. I. 290. *praefensque auget*

At soceri reuerere faces; at respice fratris
 Connubium, pignusque meae regale Serenae. 310
 Debueras etiam fraternis obuius ire
 Hostibus, ille tuis. Quae gens, quis Rhenus et Ister
 Vos opibus iunctos, conspirantesque tulissent?
 Sed tantum permittite, cadat. Nil poscimus vltra.
 Ille licet sese praetentis Syrtibus armet, 315
 Oppositoque Atlante tegat; licet arua referta
 Anguibus, et Solis medios obiecerit aethus:

vim *numinis* numenque tutelare exprimit, quod curam alicuius rei praecipue gerens ei semper adest eamque tnetur v. la Cerda ad Virgil. Eclog. I. 41. *tanta*, res gestas Stilichonis eiusque in me pietatem.

v. 309. *soceri*, respectu Honorii fratris, cuius socer erat Stilicho. *faces*, nuptias, quibus Serena, filia Theodosii M. adoptiua ei erat iuncta.

v. 310. *fratris Connubium*, quo Honorius Mariam, Stilichonis et Serenae filiam, sibi iunxerat, quam vocat Theodosius *pignus regale meae Serenae*.

v. 312. *Rhenus et Ister* Germanos et Getas intelligit.

v. 313. *tulissent*, resistere potuissent.

v. 314. *Sed tantum permittite cadat* cet. Sensus: non postulo, vt Honorium fratrem tuis copiis adiunes, modo Gildonem non tuearis, quando frater hunc bello persequitur. Auxiliis Arcadii Gildonem hucusque sustentatum fuisse, latet in *cadat*,

quod exitum belli certum exprimit, si Gildo sibi relictus fuerit. Rotundiores fore sententiam Burmannus existimat, si hic versus post tres sequentes legatur, in quo me non habet sibi assentientem.

v. 315. Sibi relictus Gildo, quibuscunque praesidiis se tueatur, a Stilichone superabitur. *Ille licet* cet. Similem orationis colorem supraprehendimus VIII. 104 sqq. *praetentis syrtibus*. Syrtes pro munimento Africi litoris, prouinciae imprimis, cui Gildo praecerat, h. l. habentur. Erant illae, vt notum est, nauigantibus periculosissimae, praecipue Africo flante, aquamque a locis illis vadosis repellente. Lucan. I. 498 sqq. IX. 320 sqq. Sil. Italic. XVII. 634.

v. 316. *Oppositoque Atlante tegat*. i. e. post iuga Atlantis se recipiat, illaque praesidiis firmet, vt hostem transitu prohibeant.

v. 317. *Anguibus* Sil. Italic. III. 312 sqq. et loca ibi a Ruperti laudata. *et solis*

(Noui consilium, noui Stilichonis in omnes
Aequalem casus animum) penetrabit arenas,
Inueniet virtute viam. — Sic Divus, et inde 320
Sic natus: Iussis, genitor, parebitur ultro;
Amplector praecepta lubens; nec carior alter
Cognato Stilichone mihi. Commissa profanus
Ille luat. Redeat iam tutior Africa fratri.

Talia dum longo secum sermone retexunt, 325
Hesperiam peruenit auus, castumque cubile
Ingreditur, Tyrio quo fusus Honorius ostro
Carpebat teneros Maria cum coniuge somnos.
Assistit capiti; tunc sic per somnia fatur:

medios obiecerit aeflus i. e. se recipiat post zonam torridam, ut illa pro munimento utatur cf. supra 147 sq. *medios* a situ illius zonae ductum.

v. 318. 20. Orationis color vim largitur sententiae: consilio et fortitudine sua Stilicho superabit omnes difficultates naturae. Pedestri oratione ita eadem efficerentur: *penetrabit arenas* cet. nam *noui consilium* huius viri et *in omnes casus aequalem* eius animum i. e. fortitudinem et animi constantiam. *Inueniet virtute viam*. Barthius laudat Curt. VII. 11. 10. Adde Ovid. Met. XIV. 113.

v. 321. *ultro*. Gesnerus quaerit, an is *ultro* pareat, qui pareat *iussis*? Explicat igitur *ultro* per: statim, sine tergiversatione, sine exceptione. Mihi videtur in sequentibus explicari per: *lubens*.

v. 322. *nec carior alter*. Hoc saltem loco historiae fidem non sequitur poeta.

v. 323. *profanus*, impius.

v. 324. *Redeat Africa*, erat enim iam prope amissa. *tutior*, in posterum non alienanda a fratre.

v. 325. *retexunt sermone*, loquebantur. Heinsius laudat Stat. Thebaid. III. 338 sq. IX. 148.

v. 326. *auus* v. supra v. 224 sq.

v. 327. *fusus*. Saepe de iacente, ut apud Virgil. *fusi per herbam*. Heinsius laudat Stat. Theb. II. 901 sqq. cf. Burmann. ad Valer. Flacc. I. 252.

v. 328. *Carpebat somnos* nota et frequens metaphora. *teneros*, γλυκὺν ὕπνον, placidam quietem. Plura exempla profert Heins. ad Ovid. Heroid. XII. 170.

v. 329. *Assistit capiti*. ex Homero II. β. 171 sqq. x. 496; ψ. 68; ω. 682. Odyss. δ. 803.

Tantane deuictis tumuit fiducia Mauris, 330
 Care nepos? Iterum post me coniurat in arma
 Progenies vesana Iubae, bellumque resumit
 Victoris cum stirpe sui? Firmumne iacentem
 Obliti, Libyam nostro sudore receptam
 Rursus habent? Ausus Latio contendere Gildon? 335
 Germani nec fata timet? Nunc ire profecto
 Nunc vellem, notosque senex ostendere vultus.
 Nonne meam fugiet Maurus, quum viderit, umbram?
 Quid dubitas? Exsurge toris; invade rebellem;
 Captiuum mihi redde meum; desiste morari. 340

per somnia, ut in somniis ea audiret.

v. 330. i. Color orationis, ut Gesnerus bene animadvertit, petitus est a Virgil. Aen. I. 132. *tumuit*, metaphora a mari, ventis agitato, ducta ad omnem grauiorem animi motum transfertur, h. l. cum delectu positum est pro: fuit. Sensus: tantum Mauri ausi sunt? Alii legunt: *tenuit fiducia Maurus*. Verum Noster ita imitari solet, ut semper aliquid ornamenti de suo addat. *deuictis*, quos ipse Theodosius Comes deuicerat cf. VIII. 34 sqq. Huc spectat etiam *versu sequenti post me. in arma*, in bellum.

v. 332. *Progenies iubae*. Numidas intelligit, quorum rex olim Iuba fuit. Populi enim saepe regum suorum soboles dicuntur. Sic *Remi nepotes Romani* Catull. LVIII. 5. cf. eundem XLIX. 1.

v. 333. *Firmumque iacentem*. Firmus filius cuius-

dam inter Maurorum regulos potentissimi, frater Gildonis, Maurorum gentes, quae Romanorum avaritiam diutius ferre non possent, ad novas res sollicitauerat, sed compressus est a Theodosio Comite, tunc Magistro equitum. cf. Zosim. IV. 16. Ammian. Marcell. XXIX. 5. Vbi Valesius notat, Firmum in numis Augusti nomine exhiberi.

v. 336. *Germani fata*. Firmus, Gildonis frater, mortem sibi ipse intulit, caputque eius Theodosio oblatum est.

v. 340. *Captiuum meum*. In bello contra Firmum Gildo, frater eius, a partibus Romanorum stabat, ad illud igitur bellum respicere non potuit poeta, quippe in quo Gildo a Romanis capi non poterat, nisi ante captus fuerit, quam se Romanis adiungeret. Aliam fortasse de hoc bello narrationem Noster sequitur, ut in mul-

Hoc generi fatale tuo. Dum sanguis in orbe
 Noster erit, semper pallebit Regia Bocchi.
 Iungantur spoliis Firmi Gildonis opima;
 Exornet geminos Maurusia laurea currus;
 Vna domus toties vna de gente triumphet. 345
 Di, bene, quod tantis interlabentibus annis
 Seruati Firmusque mihi, fraterque nepoti.
 Dixit, et afflatus vicino Sole refugit.

At iuuenem stimulis immanibus aemula virtus
 Exacuit. Iam puppe vehi, iam stagna secare 350
 Feruet, et absentes inuadere cuspide Mauros.
 Tum iubet acciri socerum, dextramque vocato
 Conferit, et quae sit potior sententia, quaerit:

Per somnos mihi, sancte pater, iam saepe futura

tis, quae aliter ab aliis memoriae prodita sunt, atque ab illo proponuntur.

v. 341. *Dum sanguis cet.* dum aliquis adhuc supererit ex nostra familia.

v. 342. *regia Bocchi*, Maurorum olim regis ex Sallustio satis noti.

v. 344. *geminos currus*, quo ipse triumphans vectus est Firmo debellato, et quo Honorius vehetur Gildone superato. *laurea* v. ad VII. 130.

v. 346. *Di, bene* sc. fecistis.

v. 348. *adflatus*. Sole oriente spectra et umbras diffugere etiam olim erat opinio vulgaris Virgil. Aen. V. 738 sqq. cf. Delrii Comm. in Senec. Herc. Fur. 123. Broukh. ad Propert. IV. 7. 89 sqq. *vicino* iam iam orto.

v. 349. *aemula* sc. gloriae aui. *immanibus*. In virtute et gloriae cupidine Honorii

exprimenda modum saepe poeta excedit. cf. VII. 73 sq.

v. 350. *stagna secare* sc. nauibus.

v. 351. *et absentes inuadere cuspide Mauros*. Tanta erat Honorii cupido Gildonem et Mauros bello persequendi, ut se iam tum contra illos pugnantem cogitaret, eodemque belli ardore agigaretur, ac si iam in media acie versaretur. v. Burmann. ad Petron. 123. et ad Valer. Flacc. III. 583. Illud pugnae studium imagine pulchra expressit Sil. Italic. IV. 331 sqq.

v. 352. 3. *dextramque conferit* h. l. dat, inngit dextram. Alio sensu eodem utitur Virgil. Aen. IX. 741. *potior* sc. illa, quam ipse animo conceperat.

v. 354. *sancte pater*, reverentiae adpellatio. cf. Bu-

Panduntur, multaeque canunt praesagia noctes. 355
 Namque procul Libyco venatu cingere saltus,
 Et iuga rimari canibus Gaetula videbar.
 Moerebat regio saevi vastata leonis
 Incurfu. Pecudum strages, passimque iuueni
 Semineces, et adhuc infecta mapalia tabo, 360
 Sparsaque sanguineis pastorum funera campis.
 Aggredior latebras monstri, mirumque relatu
 Conspicio. Dilapsus honos; ceruice minaces

laeum et Burmann. ad Valer. Flacc. l. 11.

v. 355. *canunt*. Proprie vates *canere* dicuntur. Virgil. Aen. VI. 99. Lucan. l. 637 seq.

v. 356. *Libyco venatu cingere saltus*. Heinio haec displicent coniicitque *visu distringere* aut *venatu stringere*. Exemplis autem, quae adfert, nihil probatur, recteque Burmannus *venatu stringere* ut inauditum et h. l. alienum reiicit, vulgaram lectionem defendens. Sed *cingere* accipit pro: circumdare, et subintelligere videtur: indagine, ut est apud Virgil. Aen. IV. 121. in quo huic viro accedere non possum. *Cingere* non solum significat *circumdare*, sed etiam *circumire*, Lucan. IX. 373, ut gyros *describere volando* apud Virgil. Aen. l. 398. et *lustrare*. Nam apud Ovid. Trist. IV. 1. 77 sq. pro *lustrat* quidam libri scripti legunt *cingit*, ubi alterum alterius interpretamentum esse adparet. Etiam

apud Rutil. Itinerar. II. 17. pro *cingere visu* perperam Heinsius *stringere visu* legendum putat. *Lustrare* autem venatores saepe dicuntur, qui perscrutantur silvas aut montes. Virgil. Eclog. X. 55. Eadem significatione puto interdum adhibitum esse *cingere*. Forsan etiam apud Propert. III. 2. 41 sq. *Aonium nemus Marte cingere* nihil aliud est, quam: cum strepitu bellico per Aonium nemus errare, proelia canere, quum poeta, qui carminibus scribendis operam dat, in Aonio nemore errare omnino cogitetur. cf. etiam supra VIII. 35. *Libyco*, ad saltum proprie pertinet.

v. 357. *iuga Gaetula*, Atlantidis iuga.

v. 360. *mapalia*, in quae irruperat leo.

v. 361. *funera*, cadauera. ut Virgil. Aen. IV. 510. IX. 492. Burmann. ad Valer. Flacc. VII. 643.

v. 363. *honos*, dignitas, pulchritudo. Virgil. Aen. I.

Defluxere iubae; fractos inglorius armos
 Supposuit seruire gemens, ingestaque vincla 365
 Vnguibus, et subitae collo sonuere catenae.
 Nunc etiam paribus secum certare tropaeis
 Hortator me cogit auus. Quonam vsque morati
 Cunctamur? Decuit pridem complere biremes,
 Et pelagi superare minas. Transmittere primus 370
 Ipse paro. Quaecunque meo gens barbara nutu
 Stringitur, adueniat. Germania cuncta feratur

591. *minaces*. Leo enim iratus iubas erectas solet excutere. Virgil. Aen. XII. 6 sq.

v. 364. *Defluxere*, dependebant ceruice, non erant erectae. *fractos*, qui nullum robur amplius habere videbantur.

v. 365. 6. *Supposuit*, vt canes herum ob delictum aliquod timentes, quando ab illo vocantur, ad pedes eius solent accedere. *ingestaque vincla Vnguibus*. Haec ita intelligo: Honorius in somnis videt Leonem viribus fractis et abiectum, dumque eum contemplantur, subito catenis pedes eius et collum constringuntur. Hunc sensum *subitae* postulare videtur. Gesnerus *subitae* explicat: quas subiit leo.

v. 367. *Nunc etiam cet.* i. e. etiam hoc somnio. Verum vnde scire poterat Honorius, hoc somnium sibi immissum esse ab auo? Dixeris: hoc facile colligere potuit ex visorum natura et ratione. Agebatur enim de recuperatione Africae, cuius

debellatae gloriam reportaverat auus, ad quam servandam vehementer pertinebat, vt Africa in ditio- nem nepotis rediret. Sed alia ratione et, vt equidem existimo, faciliori, haec expediri possunt. Primum somnium vidit de leone capto, deinde auus ei adparuit illa differens, quae poeta retulerat. Prius tantum narrantem Honorium poeta inducit, quum posterius lectoribus iam notum esset. Sic ex hoc somnio, quo ad bellum suscipiendum excitatus fuerat Honorius, auctorem prioris somnii, quo belli huius euentus ostendebatur, facile poterat colligere. *paribus secum certare tropaeis* i. e. eandem victoriam de Gildone reportare, quam ille de Firmo reportauerat.

v. 369. *complere*, vt Graeci πληροῦν.

v. 370. *pelagi minas*. Sil. Italic. XII. 157. *primus*. cf. supra 351.

v. 371. 2. *quaecunque meo gens barbara nutu Stringitur*. Hoc explicat Geone-

Nauibus, et focia comitentur classe Sicambri.
 Pallida translatum iam sentiat Africa Rhenum.
 An patiar tot probra sedens, iuuenisque relinquam,
 Quae tenui rexique puer? Bis noster ad Alpes (375
 Alterius genitor defensum regna cucurrit.
 Nos praedae faciles insultandique iacemus?
 Finierat. Stilicho contra cui talia reddit:
 Aduersine tubam, Princeps, dignabere Mauri? 380
 An feret ignauus clari solatia fati,
 Te bellante mori? Decernet Honorius inde,

rus: ad nutum conuiuet; *stringi* enim nutu alicuius, qui ad illius nutum et coniectum oculorum oculos ipse submittat. Haec interpretatio mihi videtur paullo durior. *Stringere* est vincere, et inde coercere, regere; *nutu* positum pro imperio. Haec videtur esse explicandi ratio facillima.

v. 373. *Sicambri* v. ad X. 279.

v. 374. *Rhenum*, Germanas gentes.

v. 375. *Sedens* i. e. otiosus.

v. 377. *Alterius*. Theodosius M. cum exercitu Valentinianum II. in regnum restituit pulso et occiso Maximo, deinde iterum eius necis vlciscendae causa contra Eugenium et Arbogasten profectus est. Vtriusque belli sedes Alpes erant.

v. 378. *Nos praedae faciles*. *Praedae* potest esse casus tertius, vt sit pro: expositi praedae, aut *praedae faciles* per appositionem *et* nos adiectum. Prius praefert Bur-

mannus, quia, si posterius poeta voluisset, vltiori modo debuisset singulari numero vti. Laudat Ovid. Heroid. VII. 66 et 81. A. A. I. 125. Nostr. XX. 565. XXIV. 342. *Faciles* explicat idem ad Valer. Flacc. I. 151. et IV. 6.

v. 380 sqq. Etiam h. l. id agere Noster videtur, vt nemo fortitudinem Honorii, quod non ipse contra Gildonem profectus sit, in dubium vocet. Inducit igitur Stilichonem, qui pluribus verbis a pugnandi consilio eum abducatur. cf. supra VI. 73. *dignabere* sc. audire. Ceterum *tubam aduersi Mauri* explico per classicum, quod contra Maurum, Gildonem, canitur. Sensus: hunc honorem habebis Gildoni, vt proelium ipse cum isto conseras?

v. 381. *clari fati* explicatur sequentibus. cf. Virgil. Aen. X. 829 sq. XI. 688 sq. Valer. Flacc. III. 169 sq.

v. 382. *decernet*, pugnet.

Hinc Gildon? Prius astra Chaos miscebit Auérno.
 Vindictam mandasse sat est. Plus nominis horror,
 Quam tuus ensis, aget. Minuit praesentia famam. 386
 Qui stetit, aequatur campo, collataque nescit
 Maiestatem acies. Sed quod magis vtile factu,
 Atque hosti grauius, sensus aduerte, docebo.
 Est illi patribus, sed non et moribus, iisdem
 Mascezel, fugiens qui dira piacula fratris 390
 Spesque suas, vitamque tuo commisit asylo.
 Hunc vbi tentatis frustra mactare nequiu

v. 383. *Chaos*, rerum omnium confusio.

v. 385. *minuit praesentia famam*. Fama enim omnia solet in maius extollere, praesentia autem rei ipsam ostendit, qualis sit, famamque redarguit, et quo maior et amplior prius cogitabatur, eo humilior et abiectior contemplantibus solet videri. Haec bene per se, sed parum honorifice de Honorio, si rem penitus inspicias, quum ex ipsis poetae verbis omnis eius maiestas, hominum, qui eum non viderint, persuasione nitatur, et cuius absentis terror plus effecturus sit contra hostes, quam si ipse cominus pugnaret.

v. 386. *stetit*, manum conseruit. Stat. Theb. II. 596. et VII. 322. *campo*, acie, pugna. Lucan. VII. 346 sqq. Sensus: Si Imperator in pugnam cum aliquo descendit, cum reddit sibi parem, nec maiestas aut reuerentia pro ipso amplius militat, sed omnia posita sunt in virtute et armis.

v. 389. *patribus*, maioribus, et patre et matre. pro iisdem parentibus. Burmannus dubitat, annon praestet *patria*. Quamquam hoc per se probandum numerumque luxuiorem reddat, tamen non videtur praefendum esse. Quum enim Mascezel frater Gildonis sit, putidum sane est, illum eadem patria dici, quia hoc per se patet. *Est illi* sc. Gildoni, *Mascezel iisdem quidem patribus* i. e. frater.

v. 390. *fugiens qui dira piacula fratris*. Nati eius a fratre Gildone per summum scelus interfecti erant, dum ipse ad Stilichonem confugeret. Stilicho, quum Gildoni Honorii nomine bellum indici sine offensione non posset, illum Gildonis fratrem valida manu adiutum in Africam remisit, ut iniuriam sibi illatam vindicaret, simulque fratre interemto Africam in ditionem Honorii redigeret. Quae res quoque prospere cessit. cf.

Insidiis, patrias in pignora contulit iras;
 Et quos ipse sinu paruos gestauerat, vna
 Obtruncat iuuenes, inhumataque corpora vulgo 395
 Dispulit, et tumulo cognatas arcuit umbras;
 Naturamque simul, fratremque, hominemque cruentus
 Exuit, et tenuem caesis inuidit arenam.
 Hoc facinus refugo damnauit Sole Mycenae,
 Auertitque diem. Sceleri sed reddidit Atreus 400
 Crimen, et infandas excusat coniuge mentes.
 Hic odium, non poena fuit. Te prodita iura,

Zosim. V. 11. Oros. VII. 36.
piacula, caedes, adulteria.
Piacula interdum ea dicuntur, quae expianda sunt.

v. 393. *patrias iras*, quas in patrem conceperat.

v. 394. *Et quos ipse* cet. Haec immanitatem sceleris augent. *sinu gestauerat*. Burmann. ad Ovid. Fast. III. 218.

v. 396. *Dispulit*, lacerata cadauera in publicum dispersit.

v. 397. *Naturamque simul fratremque hominemque — exuit*. pro: naturamque simul et fratris et hominis exuit.

v. 398. *et tenuem caesis* cet. Notum est, nihil magis veteres exhorruisse, quam post mortem sepultura carere, quum sibi persuasissent, manes insepulorum incertis sedibus vagari, nec consistere posse, donec sepultura essent potiti.

v. 399. *Hoc facinus* cet. v. ad l. 171 sqq. *refugo damnauit sole Mycenae*, effecit, ut sol a Mycenis refugeret.

v. 400. *Auertitque diem*. Lucan. I. 543 sq. VII. 451 sq. *sceleri sed reddidit* cet. i. e. scelus scelere vindicauit, vxorisque suae a Thyeste compressae infamiam diris illis mensis, in quibus filiorum membra fratri epulanda adposuerat, vltus est. Quidam licinterpungunt: *Auertitque diem sceleri. Sed reddidit Atreus Crimen*, quoniam auertere cum tertio casu construat Stat. Silv. V. 3. 59 sq. dubiumque sit, vtrum tertio an sexto casu iunxerit Senec. Phoen. 540. obseruante Burmanno, atque *reddidit crimen* iam per se sufficiat, significetque: scelus sceleri reposuit. v. Burmann. ad Petron. 58.

v. 402. *Hic odium* i. e. Gildonem non poenae lumen-dae cupido, sed odium ad scelus admittendum impulit. *Te*, Honorinum adpellat. *prodita iura* sc. rogant vltorem. i. e. neglecta tua imperia et imminuta. Barthius legit per-

Te pater ultorem, te nudi puluere Manes,
 Te pietas polluta rogat. Si flentibus aram,
 Et proprium miseris numen statuistis, Athenae; 405
 Si Pandionias planctu traxere phalanges
 Inachides, belloque rogos meruere maritis;
 Si moesta squalore coma, lacrimisque Senatum
 In Numidas pulsus solio commouit Adherbal:

data. Eadem varietas occurrit Lucan. IV. 801.

v. 403. *pater*, Mascezel. *manes* h. l. cadauera. v. ad. I. 112.

v. 404. 5. *polluta* a Gildone. *si flentibus aram Et proprium miseris numen statuistis Athenae.* Athenienses constituere aram Misericordiae, βωμὸν ἐλέους in miserorum gratiam, aut nepotes Herculis post eius mortem id fecerunt, ut libi ab insidiis eorum canerent, quos Hercules Athenis offenderat. Sic Serv. ad Virgil. Aen. VIII. 342. et Pausan. in Attic. c. 17. Hanc aram luculentius describit Stat. Theb. XII. 481 sqq. ubi v. Barth. *numen*, illa est Misericordia, quae numinis instar colebatur.

v. 406. 7. Eteocle et Polydice, Oedipodis filiis, mutua caede interfectis quum Creon rerum potitus esset, corpora Argiuorum in proelio caesorum, sepeliri vetuit. Horum autem viduae Athenas contendebant ad Misericordiae aram, lacrimisque mouebant Athenienses, ut bello denunciato Thebanos cogerent Argiuis sepulturam

concedere. Quae humanitas Atheniensium solemne argumentum fuit oratoribus, qui res illorum celebrandas sibi sumissent. cf. Isocrat. Paneg. c. 15. et ibi Morum. *Inachides* mulieres Arginae ab Inacho Argorum conditore. *planctu traxere*, lacrimis efficere, ut se sequerentur, *Pandionias phalanges*, Athenienses armatos, a Pandione vetere eorum rege. *bello* sc. indicto et iam moto ab Atheniensibus, *meruere* consecuti sunt, *rogos maritis*, sepulturam maritorum. Rem illam argumentum fecit Euripides fabulae, quam Supplices inscripsit.

v. 408. 9. *Si moesta squalore coma.* Ita lego ex correctione Freinsh. ad Flor. III. 1. vulg. *Si moestae squalore comae*, quod utique defendi potest, sed prius rectius puto, quia in illa subiecti variatione nullam elegantiam perspicio, quae eam vel commendet vel excuset. *moesta* v. Heinsl. ad Virgil. Aen. XI. 35. *Adherbal.* Rem narrat Sallust. Iugurtha c. 5 sqq. Orationem Adherbalis ad Senatum Romanum lege apud

Hunc quoque nunc Gildon, tanto quem funere merfit,
 Hunc doleat venisse ducem, seseque minorem (410
 Supplicibus sciat esse tuis. Quem sede fugauit,
 Hunc praeceps fugiat; fregit quem clade, tremiscat;
 Agnoscatque suum, trahitur dum victima, fratrem.

Haec vbi sederunt genero, notissima Marti 415
 Robora, praecipuos electa pube maniplos
 Disponit, portuque rates instaurat Etrusco.
 Herculeam suus Alcides, Ioviamque cohortem
 Rex ducit Superum; premitur nec signifer vlllo
 Pondere; festinant adeo vexilla moueri. 420

eundem l. c. c. 14 sqq. *pulsus folio a Iugurtha. In Numidas Senatum commouit*, effecit, vt senatus bellum contra Iugurtham et Numidas decerneret. Sensus a v. 404-9, vt equidem video. hic est: si adhuc vsquam est misericordia, si ea vnquam quidquam valuit, opibus tuis Gildonis frater Mascezel adinuandus est, vt poenas a fratre scelesto repetat.

v. 410. *funere*, calamitate. Dictio Virgiliana. Aen. VI. 429 et 512.

v. 411. *minorem*, inferiorem viribus.

v. 412. *supplicibus tuis*, quos tu opibus adiuvisti.

v. 414. *victima* cf. Wernsdorf. ad Rutil. Itiner. I. 141. Poet. lat. min. T. V. P. I.

v. 415. *Haec vbi sederunt genero*. Haec sententia animo Honorii haesit, itaque placuit, vt eam exsequi statim pararet. Gesnerus comparat. Virgil. Aen. IV. 15. *notissima*

Marti, rebus bello fortiter gestis clarissima.

v. 417. *portu Etrusco*. Pisarum intelligi adparet ex v. 483.

v. 418. 9. *Herculeam Ioviamque*, cohortes a Maximiano Herculio et a Diocletiano Iovio institutas, quarum signa deorum imagines erant, Hercules et Iovis, quae illis praeferebantur; id enim est *suus Alcides et Rex ducit Superum*. Sub *Iovia* fulminatricem forte intelligi credebant Barthius et Heinsius. Ille comparat Valer. Flacc. VI. 53 sqq. *premitur non signifer vlllo*. Signa militaria Romanorum alias praegraua erant, et nonnisi a robustissimis poterant portari. Herodian. IV. 7. 12. Ceterum ductum hoc fortasse ab omine infausto, quando signa conuelli non possent. v. Valer. Max. I. 6. 8 et 11. Serv. et la Cerda ad Virgil. Aen. XI. 19.

Nervius insequitur, meritusque vocabula Felix,
Dictaque ab Augusto legio, nomenque probantes
Inuicti, clipeoque animosi teste Leones.

Dictis ante tamen princeps confirmat ituros
Aggere conspicuus. Stat circumfusa iuventus 425
Nixa hastis, pronasque ferox accommodat aures.

Gildonem domitura manus, promissa minasque
Tempus agi. Si quid pro me doluistis, in armis
Ostentate mihi. Iusto magnoque triumpho
Ciuiles abolete notas. Sciat orbis Eous, 430
Sitque palam, Gallos causa, non robore, vinci.
Nec vos, barbariem quamuis collegerit omnem,

v. 421. *Nervius*. Et hi etiam cum Iovianis et Herculianis inter Palatinas legiones fuere, item *Felices* seniores et iuniores.

v. 422. *Dictaque ab Augusto*, ala, legio, cohors Augustae. Sic *Inuicti* et *Leones* seniores et iuniores, quorum in clipeis insigne leo erat.

v. 425. *Aggere*, tribunali e urspite congesto. Hoc corona militum circumstare solebat Imperatorem concionantem auditura.

v. 426. *Nixa hastis*. Virgil. Aen. IX. 229. Sil. Italic. XIII. 308. *pronasque ferox* cet. ad adtenti militis habitum pertinet, quid Imperator dicturus sit.

v. 427. 8. *promissa minasque Tempus agi*. Iam tempus est ad effectum perducendi, quaecunque et mihi promissis et hosti minati estis. *Si quid pro me doluistis in armis*. Gesnero pro-

batur quoque: *si quid Romae doluistis*, explicatque: Romae fauentes ob illius calamitates famemque praesertim, quam Gildo ei indixit. Melius mihi videtur *pro me*, ut fides militum in Imperatorem suum indicetur. Verum *in armis ad ostentate mihi pertinet*, quo etiam Gesnerus traxit, Burmannus, nisi id operarum errore factum est, post *armis* distinguit.

v. 429. *in armis*, armati, pugnantes. *in isto pleno*, omnibus numeris absoluto.

v. 430. *Ciuiles abolete notas*. Maximam partem horum militum, qui nunc in eo erant, ut contra Gildonem ducerentur, Gallos fuisse constat et Germanos, v. supra 37. sq. Hi quoque fuerant in exercitu Maximi et Eugenii, clademque acceperant ab iis copiis, quas Theodosius M. ex Constantinopoli secum duxerat. Diviso deinde filiis

**Terreat. An Mauri fremitum raucosque repulsus
Vmbonum, et vestros passuri cominus enses?
Non contra clipeis tectos, gladiisque micantes 435
Ibitis. In solis longe fiducia telis;**

Theodosii imperio notam
Cecidentis exercitus ex illis
cladibus sustinuit, militibus
Orientis gloriantibus, illos
a se bis victos esse. Hanc
ignominiam vt deleant ad-
hortatur Honorius milites,
ostendantque militibus eois,
se tum non illorum robore,
sed causa meliore victos esse.
Illam ignominiam vocat *ci-
viles notas. orbis eois*, ab
eius enim militibus ignavia
Gallis exprobrabatur.

v. 433. *Mauri fremitum.*
Fremitus clamor ille est,
quem Romani milites ante
impetum in hostem edere
solebant, vt aduersarios ter-
rerent. Quo sublato et pilis
emissis hostilem aciem strictis
gladiis innadebant, atque
in illo impetu vmbone ad-
uersarium aut prostrernere
aut saltem loco mouere stu-
debant. Huc pertinet *raucos
repulsus vmbonum*. Hunc
conflictum bene expressit Sil.
Italic. IX. 322 sqq. *galea hor-
rida slictu Aduersae ardescit
galene. clipeusque fatiscit
Impulsu clipei, atque ensis
contunditur ense, Pes pede,
virque viro teritur.* et Stat.
Theb. VIII. 398 sqq. *Iam cli-
peus clipeis vmbone repelli-
tur umbo, Ense minax ensis,
pes pede, et cuspide cuspis.*

cf. Valer. Flacc. VI. 182 sq.
Sensus autem est: an puta-
tis, Mauros vobiscum col-
lato pede pugnatuuros?

v. 435. *Gladiisque* Hanc
Vaticani cod. lectionem re-
stitui pro vulgari *galeisque*,
quam Heinsius, Burmannus
et Gesnerus retinuerunt.
Praecedat enim, Mauros ne-
que vmbonum neque ensium
impetum esse sustentuuros.
Cuius ratio iam subiungitur,
quia ipsi neque clipeos ge-
runt neque gladiis pugnant.
Gladios et Galeas saepe com-
mutari docuit Burmann. ad
Valer. Flacc. l. c.

v. 436. *in solis longe fidu-
cia telis.* Barthius *longe tela*
iungit, explicatque: e lon-
ginquo vtilia. Hunc sequit-
ur Gesnerus nitens Terent.
Andr. I. 2. 4. *semper lenitas.*
Sunt et alia e. g. *late regem*
Virgil. Aen. I. 21. *late tyran-
nus* Horat. od. III. 17. 9. Quae
tamen Burmannus damnat
ad ea prouocans, quae dixit
ad Lucan. V. 576. *Longe esse*
seu *abesse* eleganter saepe id
dicitur, quod nihil omnino
aut nihil certe in praesentia
adiunare possit, vt contra
adesse, *παρῆναι*, pro: iunare
ponitur. v. Drakenbr. ad Sil.
Italic. XVII. 80. Ex hac ra-
tione *longe fiducia* sc. illis

Exarmatus erit, quum missile torserit, hostis.
 Dextra mouet iaculum, praetentat pallia laeua,
 Cetera nudus eques. Sonipes ignarus habenae;
 Virga regit. Non vlla fides, non agminis ordo. 440
 Arma oneri, fuga praesidio. Connubia mille;
 Non vlli generis nexus, non pignora curae;
 Sed numero languet pietas. Haec copia vulgi.
 Umbratus dux ipse rosis, et marcidus ibit
 Vnguentis, crudusque cibo, titubansque Lyaeo, 445
 Confectus senio, morbis, stuprisque solutus.
 Excitet incestos turmalis buccina somnos;

erit, in *solis telis*, hunc sensum haberet: fiduciam inutilem in telis habent repositam. Iam vero *tela* verbum generis est, omniaque complectitur, quibus hostes petuntur. *Telis* itaque, saltem h. l., vti poeta non potuit, sine aliqua determinatione, quae certam illorum speciem indicaret; iacula autem intelligi ex versu sequenti patet. Quae quum ita sint, Burmanno accedere non possum, sed vel cum Barthio et Gesnero *longe telis* pro: telis e longinquo mittendis, accipiendum puto, vel *longe* ita sumendum, vt sit pro: eminus, dum eminus stant, positum. In vtraque ratione per *longe* species telorum declaratur. cf. supra VII. 137.

v. 437. 40. *missile*, singul. pro plur. Cum his comparanda sunt loca, quae Rupertus laudat ad Sil. Italic. I. 215. et III. 239 sqq. quibus adde Liv. XXXV. 11., et Ne-

mesian. Cyneg. 259 sqq. *praetentat pallia laeua* i. e. pallium circa brachium laenum tortum. v. Burm. ad Petron. 80. et ad Valer. Flacc. III. 18. *non vlla fides*, nulla fiducia in milite ita leuiter armato.

v. 441. 3. cf. Sallust. Iugurth. c. 80. *haec copia vulgi* pro: talis est multitudo. Hactenus de plebe egerat, nunc incipit de ipsa Gildone.

v. 444. *Umbratus*, coronatus. Lucret. II. 617 sq. et III. 916. *marcidus*, eneruatus, mollis.

v. 446. *Confectus senio*, non senili aetate, sed ea imbecillitate et stupore, qui semper luxuriei comes esse solet. Quae sequuntur *morbis stuprisque solutus* explicant prius.

v. 447. *Excitet — somnos* pro: eum e somno excitet. *Incestos* eos adpellat pro: impudicos, fortasse ob alienas mulieres propter cubantes.

Imploret citharas, cantatricesque choreas,
 Offensus stridore tubae, discatque coactus,
 Quas vigilat Veneri, castris impendere noctes. 450
 Nonne mori satius, quam vitae ferre pudorem?
 Nam quae iam regio restat, si, dedita Mauris
 Regibus, Illyricis accesserit Africa damnis?
 Ius Latium, quod tunc Meroe, rubroque solebat
 Oceano cingi, Tyrrhena clauditur vnda. 455
 Et cui non Nilus, non intulit India metas,
 Romani iam finis erit Trinacria regni?
 Ite recepturi, praedo quem sustulit, axem,
 Ereptumque Notum. Caput insuperabile rerum
 Aut ruet in vestris, aut stabit Roma lacertis. 460
 Tot mihi debetis populos, tot rura, tot vrbes

v. 448. *Imploret citharas*, ut clangorem tubarum vincant, ne eum exaudiat.

v. 451. 2. *Nonne mori satius*, milites rogat. *vitalis pudorem*, vitam ignominiosam. Barthius hunc versum cum prioribus iunxisse videtur; ut non ad milites, sed ad Gildonem pertineret. Dicit enim, *Nam quae iam regio restat*, esse abruptam orationem indignationis repentino obortae. Sed *nam* ad priorem versum pertinet, qui hoc sequenti explicatur. Quae enim provincia nobis superest, si *dedita*, Africa, Mauris.

v. 453. *Illyricis, damnis*. Clades intelligit, quas Alaricus imperio Romano intulit. Sedem belli Illyricum aliquamdiu fuisse et occupatum ab Alarico, constat ex Zosim. V. 26. Paul. Diac. XIII. 26.

v. 454. *Ius Latium* h. l. imperium Romanum. *Meroe* v. n. ad VII. 11.

v. 455. *Oceano rubro* seu Indico et *vnda* inter se opponuntur.

v. 456. *non intulit metas* i. e. quod supra Nilum et Indiam se extenderet.

v. 457. *Trinacria*, Sicilia.

v. 458. *praedo*, Gildo XXI. 358 sq. *axem*, coeli partem, h. l. regionem, quae illi subiaceret, Africam, quam clarius designat per: *ereptumque Notum*. v. Gesnerum ad. h. l.

v. 459. *caput insuperabile rerum*. Romani intelligit.

v. 460. *stabit* cf. Sil. Italic. III. 173. et VII. 743.

v. 461. *Tot mihi debetis populos* cet. Non puto milites idcirco debere Imperatori suo tot populos, quia ignavia eorum amissi essent,

Amiffas. Vno Libyam defendite bello.

Vestros imperium remos, et vestra sequatur

Carbasa. Despectas trans aequora ducite leges.

Tertia iam solito ceruix mucrone rotetur, 465

Tandem funereis finem positura tyrannis.

**Omina conueniunt dicto, fuluusque Tonantis
Armiger, ad liquidam, cunctis spectantibus, aethram,**

sed quia milites strenui ea deberent recuperare, quaecunque hostes occupassent. Sensus est: vos, qui debetis tot tantaque armis repetere ab hostibus; vno tantum bello recuperate Africam.

v. 461. *defendite* sc. a praedone, et tyranno.

v. 463. *Vestros imperium remos* cet. Quum milites in Africam proficiscerentur, ut eam rursus imperio Honorii eiusque legibus restituerent, bene sententiam ita convertit poeta, ut imperium et leges diceret militibus comites esse adiunctas, quas illi in Africam reducerent. *carbasa, vela.*

v. 465. *Tertia iam ceruix*, post Maximum et Eugenium. *rotetur* non ad actionem referas carnificis, qui ad maiorem impetum enli conciliandum superiorem corporis sui partem simul cum ense circumagat, ut vehementius collum feriat. Debet hanc loquendi rationem Noster Lucano VIII. 673; qui ait, nondum artis fuisse, caput vno ictu demetere. Miles decollandi artifex occurrit apud Sueton. in Calig.

c. 32. Quintil. Declam. I. 10. *Raro contingit semel ferire carnifici, quamuis componat ipse ceruicem, et exercitata manus homicidium nouissime, velut quoddam genus artis, exerceat. Rotari* res dicuntur, quae, dum cadunt, se circumagunt. *rotare mucrone ceruicem* itaque nihil aliud significat, quam caput ita ense demetere, ut in terram cadens rotetur seu circumagatur.

v. 466. *positura*, illa ceruix seu caput amputatum. *funereis*, crudelibus. Sensus: post Gildonis necem nemo tyrannidem occupare sustinebit.

v. 467. Cum his compares Homer. II. μ. 200 sqq. Virgil. Aen. XI. 751 sqq. Sil. Italic. XII. 55 sqq. ibi v. Drakenbr. *fuluusque armiger tonantis*, aquila. Sil. l. c. *ales fuluae Iovis.*

v. 468. *ad liquidam aethram*. Gesnerus putat indicari, certo et distincte visum esse illud portentum, coelo sudo, aere puro, comparatque illud vulgari sermone tritum: *ad lumen candelae*. Quae tamen interpretatio nescio quid frigidi

Correptum pedibus curuis innexuit hydrum;
 Dumque reluctantem morfu partitur obunco, 470
 Haesit in vngue caput, truncatus decidit anguis.
 Ilicet auguriis alacres per saxa citati,
 Torrentesque ruunt. Non mons, non silua retardat.
 Pendula ceu paruis moturae bella colonis
 Ingenti clangore grues aestiua relinquunt 475
 Thracia, quum tepido permutant Strymona Nilo,

habet. Heinsii vndecim codd. habent *ab liquida aethra*, ubi subintelligendum est: lapsus. Comparat Heinsius Nostr. XVII. 116. Virgil. Aen. XII. 247 sqq. Equidem *ad liquidam aethram* retinendum puto, supplendumque: enolans seu tendens. Non conspiciebant enim aquilam coelo lapsam anguemque corripientem, sed cum correpto angue alta petentem. Pro *correptum*, quidam legunt *collectum* quod non displicuit Heinsio, quem v. ad Virgil. Aen. XII. 862, non tamen idem est cum priori, ut Gesnerus probare conatur ex Sil. Italic. X. 3. ubi *per vulnera* explico: vulneribus excipiendis, dum irruit in tela infesta, et colligit hostem: hostibus se quasi cingit in medios se iniiciendo.

v. 469. *pedibus curuis innexuit hydrum*. Virgil. l. c. *implicuitque pedes atque vnguibus haesit*. cf. Valer. Flacc. I. 156 sq.

v. 470. 1. *morfu obunco*, ob rostrum obuncum. *partitur*, lacerat. *caput* sc. anguis lacerati. *truncatus de-*

cidit anguis, truncus anguis laceratus decidit. Hoc omine indicatur, caput Gildonis iri amputatum.

v. 472. 3. Dum militum alacritatem poeta exprimit, ceu oestro percitos siue lymphatos pingit, ut semper in colorum delectu eos solet adhibere non qui oculos delectant, sed qui eos perstringunt. cf. Paneg. Vet. VI. 18.

v. 474. 6. Comparat militum agmen cum gruibus in bellum contra Pygmaeos proficiscentibus. cf. Homer. II. 7. 6 sqq. Virgil. Aen. X. 264 sqq. Lucan. V. 711 sqq. Valer. Flacc. II. 359 sqq. Stat. Theb. V. 11 sqq. VII. 287 sqq. et XII. 515 sqq. ibi v. Barth. *Pendula bella*, quae peraguntur a gruibus alis se sustinendo. *paruis colonis*, Pygmaeis. Aristot. H. A. VIII. 12. Iuvenal. XIII. 167 sqq. Fragment. Ctesiae ex Indic. 11. Voss. ad Melam III. 8. *moturae bella* Homer. l. c. ἀνδράσι Πυγμαίοισι πόνον καὶ κῆρα φέρουσαι. *ingenti clangore* Homer. l. c. κλαγγῇ τάλως πέτονται. Stat. Theb. V. 13 sq. XII. 517 sq. *aestiua Thracia*,

Ordinibus variis per nubila textitur ales
 Litera, pennarumque notis inscribitur aer.

Vt fluctus tetigere maris, tunc acrior arsit
 Impetus. Arripiunt naues, ipsique rudentes 480
 Expediunt, et vela ligant, et cornua summis
 Associant malis. Quatitur Tyrrhena tumultu
 Ora, nec Alpheae capiunt naualia Pisae.
 Sic Agamemnoniam vindex quum Graecia classem

vbi aestatem egerant. cf. Barth. ad Stat. Theb. I. 363. et V. 15 sq. *Strymona*, Thraciae fluuium in finibus Macedoniae. *tepido Nilo*, vt apud Lucan. III. 199 sqq. et VII. 813 sqq.

v. 477. *Ordinibus variis*. Hoc explicatur a Lucan. V. 712. *primoque volatu Effingunt varias, casum monstrante, figuras. ales litera*, quam efficiunt ordine suo grues volantes cf. Cic. d. N. D. II. 49. Illud triangulum, seu illam figuram, comparabant vulgo cum literis triangularibus Λ, Δ, Α, V, Υ. Hinc explicari potest Martial. IX. 14. et XIII. 75, vbi gruem *Palamedis auem* vocat.

v. 478. *notis*, figuris illis.

v. 479. *tetigere* sc. milites.

v. 481. 2. *et vela ligant et cornua summis Adfociant malis*. Vel *ligant et adfociant malis* vnum idemque opus nauticum est, ita vt hoc illud explicet, vel *vela ligant antennis*, earumque extremitates (*cornua*) summis malis i. e. ad summas malorum partes adligant.

Illud *vela ligant* de summis velorum partibus, quas pedes vocabant, quaeque nauium lateribus adligabantur, intelligi nequit, nisi simul statuas, quod prius sit, poetam posterius posuisse. Prius enim antennae cum velis complicatis adligabantur malis, deinde vela soluebantur et deducebantur. Sil. Italic. III. 129. *Et promota ratis, pendentibus arbore nautis, Aptabat sensim pulsanti carbasa vento*. Lucan. II. 697. *Strictaque pendent deducunt carbasa nautae*. ibi v. Oudendorp. cf. Ovid. Met. XI. 476 sqq. *quatitur*. cf. n. ad X. 154.

v. 483. *Alpheae Pisae*. Virgil. Aen. X. 179. ibi v. Heyne et eundem in Excursu I. *Pisa* Italiae vrbs ab iis condita esse dicitur, qui Pisa Elidis profecti erant. *naualia*, apparatus nauticum.

v. 484. *vindex*, vindictura Helenae raptum. *Agamemnoniam*. Summa rerum, vt notum est, in expeditione Graecorum contra Troianos Agamemnoni erat delata.

Solueret, innumeris feruebat vocibus Aulis. 485
 Non illos sirepitus, impendentisque procellae
 Signa, nec aduentus dubii deterruit Austri.
 Vellite, proclamant, socii, iam vellite funem.
 Per vada Gildonem quamuis aduersa petamus.
 Ad bellum nos trudat hiems. Per deuia Ponti 490
 Quassatis cupio tellurem figere rostris.
 Heu nimium segnes, cauta qui mente notatis,
 Si reuolant mergi, graditur li litore cornix.

v. 485. *Aulis* vrbs et portus Boeotiae, vnde Graecorum classis soluit Troiam oppugnatura. *feruebat* pro: vocibus feruentium seu trepidantium itineris cupidine repleta erat. Virgil. Aen. IV. 409 sq. *vocibus* clamore nautico. Lucan. II. 683 sqq. v. Burmann. ad Valer. Flacc. II. 186 sq. Imitatus est Nostrium Sidon. Apollin. carm. V. 448 sqq.

v. 487. Sinistra illa signa tempestatemque classem soluturis portendentia fingit fortasse Noster, vt militum alacritatem declaret. *dubii Austri*, fallacis, inconstantis, qui tempestates adferre solet.

v. 488. *Vellite* non solum concinnius est, quia praecessit *solueret*, verum etiam ardens studium proficiscantium melius exprimit. Maiorem vim habet *rumpite*, quo vtuntur Virgil. Aen. III. 639. et Lucan. V. 422. Non omnino tamen improbandum est: *Soluite iam socii, clamant, aut rumpite funem*, vt in

quibusdam legitur, qui *clament* exhibent.

v. 489. *vada aduersa*. Ausler enim aduersus flabat Africam ex Italia petentibus, nisi v. 487 *Ausler* pro quocunque vento positus sit, vt verisimile videtur esse ex versu sequenti. *aduersa* igitur possunt esse nauigantibus periculosa.

v. 490. *trudat* vox hiemi, i. e. tempestati, accommodata. *per deuia ponti*, non recto cursu, sed nauibus, vt fit in tempestate, huc illuc agitatis.

v. 491. *rostris*, nanibus. *figere*, rostris accommodatum. Impetuosum et hostilem nauium adpulsum indicat. cf. Virgil. Aen. X. 295 sq. et 300.

v. 492. *cauta mente*, providi.

v. 493. *Si reuolant mergi*. Futurae tempestatis signum. Virgil. Georg. I. 361, qui ipse hoc sumsit ex Arat. Phaen. 182. *cornix* Virgil. I. c. 388. Arat. I. c. 217 sqq. Lucan. V. 555 sq.

Ora licet maculis adasperferit occiduus Sol,
 Lunaque conceptis liuescat turbida Coris, 495
 Et contusa vagos iaculentur sidera crines,
 Imbribus humescant Haedi, nimboſaque Taurum
 Ducat Hyas, totusque fretis descendat Orion: 2
 Certa fides coeli, ſed maior Honorius auctor.

v. 494. 5. v. not. ad VIII. 416 ſq. Valer. Flacc. II. 55 ſq. Plin. H. N. XVIII. ſect. 78. 9. *conceptis coris*. Num luna tempeſtate grauida dici poteſt, quando tempeſtatem minatur aut indicat? *turbida*, purae lunae opponitur.

v. 496. *contuſa ſidera*. Geſnerus exiſtimat, *contuſa* h. l. pro: obtuſa, poſitum eſſe. Verum hoc vix vlllo exemplo poteſt confirmari, et eſt etiam contra rerum naturam. Etenim non languidus ſtellarum fulgor ſed ſtellae crebro micantes ventos et tempeſtates indicant. *Contuſa* omnino defendi poteſt, magis tamen mihi probatur *concuſſa*, vt in quibusdam ſcriptis, teſte Heiſio, legitur. Vtraque lectio confirmatur ſimul et explicatur verſibus Lucan. V. 163 ſq. *ſed ſummis etiam quae fixa tenentur Aſtra polis, ſunt viſa quatiſc. ad motum ventorum. concuſſa, reſixa* habet Virgil. Aen. V. 527 ſq. *iaculentur vagos crines* eodem modo idem exprimit Manil. I. 844 ſqq. *Crines* de flamma dici radiis ſtellarum et longo ignis tractu notum eſt ex Valer. Flacc. II. 42. V.

415 ſq. Sil. Italic. VIII. 616. cf. Vulpium ad Catull. LXI. 78. Dorvil. ad Chariton. pag. 656 ed. Reiz. Sequitur Noſter vulgarem opinionem de ſtellis tranſcurrentibus, ἀστέρων διὰ δρομαίων et ἀποβόλων, de quibus plura v. apud la Cerda ad Virgil. Georg. I. 365. et Spanhem. ad Callim. H. in Del. 38. Scholiaſt. ad Arat. Dioſem. 359.

v. 497. 8. *Imbribus humeſcant Haedi*. Quando Haedi, iuxta lignum, cui Aurigae nomen eſt, occidunt, quod fiebat ſub medium Decembrem, tempeſtates cum pluuiis oriri ſolent. v. Heyne ad Virgil. Aen. IX. 668 ſq. et quae ab eo laudantur. *nimboſa Hyas*. Hyades ſtellae in fronte Tauri. Serv. ad Virgil. Aen. I. 744. *ducunt*, quia in fronte Tauri ſunt. *Orion* v. ad. I. 28. cf. Heyne ad Virgil. Aen. I. 535. Iani ad Horat. od. I. 28. 21. De ſideribus, quae ortu aut occaſu ſuo pluuias et tempeſtates adferre credebantur v. Columell. IX. 2. Plin. H. N. XVIII.

v. 499. *Certa fides coeli*. Signis coeleſtibus, quae futuras tempeſtates indicant, fides quidem habenda eſt,

Illius auspiciis immensa per aequora miles, 500
Non Plaustris Arctou regor. Contemne Booten,
Nauita, turbinibus mediis permitte carinas.

Si mihi tempestas Libyam ventique negabunt:
Augusti Fortuna dabit. — Iam classis in altum
Prouehitur. Dextra Ligures, Hetruria laeua 505
Linquitur, et caecis vitatur Corsica saxis.

Humanae in speciem plantae se magna figurat
Insula; Sardoam veteres dixere coloni.

Diues ager frugum. Poenos Italosue petenti
Opportuna situ. Quae pars vicinior Afris, 510
Plana solo, ratibus clemens; quae respicit Arcton,
Immitis, scopulosa, procax, subitisque sonora
Flatibus. Insanos infamat nauita montes.

Hinc hominum, pecudumque lues, hinc pestifer aer

verum omnes tempestates negligendae sunt, profecto-
que superabuntur Honorii auspiciis; aut, coelestia signa pericula quidem nobis mini-
tantur, verum maior est felicitas nostri Imperatoris, qua illa superabimus. Erat nempe eo anno Honorius quartum consul. cf. VII. 87 sqq. VIII. 620 sqq. *certa fides* cf. Burmann. ad Valer. Flacc. I. 307. *auctor*, qui nobis felicem successum promittit. cf. Lucan. V. 577 sqq. infra v. 503 sq.

v. 501. *Non Plaustris Arctoue* v. n. ad l. 26. interpp. ad Valer. Flacc. I. 17 et 19. *Bootes* interpp. ad eundem II. 68.

v. 506 sqq. Ante oculos habuit Noster, vt Gesnerus bene obseruat, Sil. Italic. XII. 355 sqq. v. quae ibi laudauit

Ruperti, imprimis Pausan. X. 17.

v. 507. *Humanae in speciem plantae*. Inde Ἰχνοῦσα, Σανδαλιῶτις vocatur Plin. H. N. III. sect. 13.

v. 509. *Poenos Italosue* i. e. Africam Italiamue.

v. 512. *procax* et *sonora* epitheta ab Austris ad ipsa Sardiniae litora translata sunt. *procax* est petulans, proteruus, ἀσελγής. Heyne ad Virgil. Aen. I. 536. Iani ad Horat. od. I. 26. 2.

v. 513. *Insanos infamat nauita montes*, propter naufragia, quae ibi tempestate fieri solebant. Inde loci propter huiusmodi pericula *infames*, δυσάνυμοι, κακάνυμοι saepe vocantur. Iani ad Horat. od. I. 1. 20. *Insanos montes*, Ptolemaeus III. 3, τὰ μαινόμενα ὄρη. Liv. XXX.

Saeuit, et exclusis regnant Aquilonibus Austri. 515
 Quos vbi luctatis procul effugere carinis;
 Per diuersa ruunt sinuosae litora terrae.
 Pars adit antiqua ductos Carthagine Sulcos;
 Partem litoreo complectitur Olbia muro.
 Vrbs Libyam contra Tyrio fundata potenti 520
 Tenditur in longum Caralis, tenuemque per vnda
 Obuia dimittit fracturum flamina collem.
 Efficitur portus medium mare, tutaque ventis
 Omnibus ingenti mansuescunt fiagna recessu.
 Hanc omni petiere manu, prorisque reductis 525
 Suspensa Zephyros expectant classe fauentes.

39. *A Corsica in Sardiniam traiecit* (Consul). *Ibi superantem Insanos montes multo et infestioribus locis tempestas exorta disiecit classem.* cf. Flor. III. 7. 35. Hi montes salubres Aquilonis flatos arcent, indeque locorum insalubritatem faciunt, vt ex sequentibus adparet. cf. Sil. Italic. l. c. 372 sqq.

v. 515. *Austri.* Ventus insalubris. Horat. od. II. 14. 15 sq. Sermon. II. 6. 18 sqq. Nost. infra XLIV. 91.

v. 516. *luctatis*, nauibus remorum opere properare certantibus periculumque effugere.

v. 517. *Per diuersa litora*, per diuersas litoris partes.

v. 518. 9. *Sulcos. Sulci* Sardiniae vrbs a Carthaginiensibus condita, sic quoque *Olbia. litoreo muro*, situm vrbs maritimum exprimit.

v. 520. 1. *Caralis*, nunc *Cagliari*, cuius portus in sequentibus describitur.

v. 525. *prorisque reductis.* Virgil. Aen. VI. 3. *obuertunt pelago proras.*

v. 526. *Suspensa classe.* Secundum Barthium funibus subintelligendum est. Sed positum pro: suspensi, auidi.

XVI.

CL. CLAUDIANI

IN

FL. MALLII THEODORI

CONSVLATVM

P R O L O G V S.

ARGVMENTVM.

Increpat poeta Musas audaciam, quae procerum senatusque iudicium, qui tum Mediolani essent ad pompam consularem Mallii celebrandam, non reformidet. Quemadmodum enim Iupiter aquilis duabus in diuersas partes missis totum terrarum orbem cognoscere potuerit, sic, ait, Honoriam illo procerum concilio certius imperium aestimare posse.

Audebisne, precor, doctae subiecta cateruae
 Inter tot proceres, nostra Thalia, loqui?
 Nec te fama vetat, vero quam celsius actam
 Vel seruasse labor, vel minuisse pudor?

COMMENTARIVS.

v. 1. *subiecta*, exposita. *doctae cateruae*, iudicio doctae cateruae, virorum doctorum, procerum et senatus, qui tum Mediolanum conuenerant ad celebrandam consularem pompam. Solebant enim tunc temporis consules amplissimos quosque arcessere, qui praesentia sua magistratus initia decorarent. Symmach. epist. V. 5 et 11 et 15. In postrema ipse Symmachus ad honores suos

concelebrandos Mallium invitatur. cf. XXII. 409 sqq.

v. 2. *Inter tot proceres*, hoc explicat prius *cateruae*.

v. 3. 4. *fama* sc. ingenii, facultatis poeticae, expectatio, quam aliis de illa facultate fama excitauit. *vetat* sc. loqui. *vero quam celsius actam*. Plerique libri scripti apud Heinsum *auctam* exhibent quod ipsi probatur. Prius a Burmanno defenditur laudante Gratian. Cyn. 324. Sal-

An tibi continuis creuit fiducia castris, 5
Totaque iam vatis pectora miles habet?

Iust. Ingurth. 93 (vbi v. Corte) et multa praeterea loca, quorum nullo probari videtur, *actam* esse praefendum. Hoc autem retinendum esse puto propterea, quia accommodatius est *actam* *celsius* et quia *celsius actam* facile explicari potuit per *auctam*, quod margini adscriptum illam vocem, cuius interpretamentum fuerat, fortasse loco monit. Nonnulli etiam habent *altam* a verbo *alere*, ut arbitror, deductum. *Acta* autem *fama* *celsius* vero est facultas poetica Claudiani supra modum celebrata, quae magnam expectationem excitauerat illius carminis, quod recitaturus erat in honorem Mallii. *celsius* vero. Sub modestiae specie arrogantia quaedam latere videtur. *vel seruasse labor*. Quo maior enim fama est, eo difficilius potest integra seruari. Expectationi autem non satisfecisse idem paene est ac displicuisse, hoc sensisse videtur poeta quum diceret: *vel minuisse pudor*.

v. 5. *fiducia*, qua aucta aures etiam doctorum virorum vel maxime teretes non reformidet. *creuit*. Burmannus laudat Nost. XXXII. 9. et Ovid. Met. VIII. 82. *continuis castris*. Idem negat, colligi

ex his posse, Claudianum quoque meruisse stipendia, sed existimat, poetam hunc panegyricum in castris recitasse, eamque ob rem rogasse Musam, an olim *subiecta doctae cateruae* i. e. quae Romae habuisset iudices doctos, nunc auderet loqui inter duces militum. Verum, si hoc est, quidni auderet poeta? Num forte militum ducibus aures limatiores erant, quam illis viris doctis Romae? Sensus nullo modo est impeditus. Quaerit poeta ex Musa, an forte inde audacia eius creuerit, quod diu in castris inter milites sit versata. Cogitari enim potest poeta in comitatu Stilichonis diu fuisse, etiamsi miles non fuerit. Animaduertit praeterea Burmannus, ne ex lapide quidem probari posse militasse Claudianum, quod dicatur *Tribunus* et *Notarius*, sed fuisse eum forsan *Tribunum diplomaticum*, ut aliquo gradu inter militum duces frueretur, et *Notarii* munere esse functum apud Stilichonem.

v. 6. *miles* h. l. audacia militaris, ut Barthius iam vidit. Rogat Musam suam, num iam plena sit militaris audaciae.

Culmina Romani maiestatemque Senatus,
Et, quibus exsultat Gallia, cerne viros.
Omnibus audimur terris, mundique per aures
Ibimus. Ah nimius Consulis vrget amor! 10
Iupiter, vt perhibent, spatium quum discere vellet
Naturae, regni nescius ipse sui,
Armigeros vtrunque duos aequalibus alis
Milit ab Eois Occiduisque plagis.
Parnasus geminos fertur iunxisse volatus; 15
Contulit alternas Pythius axis aues.
Princeps non aquilis terram cognoscere curat;
Certius in vobis aestimat imperium.

v. 7.8. Monet Musam, eam-que respicere iubet, quam augustum sit illud concilium, coram quo canere sibi in animum induxit. *exsultat*, gloriatur.

v. 9. *Omnibus audimur terris*, quandoquidem auditur a viris illustribus, qui vndique Mediolanum conuenerant. *mundi per aures* idem est, sed alio modo elatum.

v. 10. *ah nimius* cet. Haec lineola transuersa ab *ibimus* separata cogites. Vel cum periculo famae imminutae conabor, quia magno Mallei amore ita ad canendum impellor, vt resistere nequeam.

v. 11. 14. Iovem memorant, vt exploraret, quinaam medius terrarum locus esset, duas aquilas velocitate aequali ab Oriente et ab Occidente eodem tempore emis-
 sisse, illasque circa Parnasum conuenisse, vnde constaret, Delphos medium terrarum

locum obtinere. v. Scholiaft. ad Pindar. Pyth. IV. 6. Strab. IX. pag. 289. Inde Delphi *ὀμφαλὸς γῆς* vocatur, Pindar. l. c. 131, et VI. 3. Euripid. Ion. 221 sq. 461 sq. Sophocl. Oedip. Tyr. 488. ibi v. Schol. Ovid. Met. X. 167 sq. XV. 630 sq. Schol. ad Lucan. V. 71. Suo consilio haec accom-
 modans Claudianus Iovem dicit amplitudinis imperii cognoscendi causa id fecisse, quod ex antiqua narratione fecit, vt medium terrarum locum exploraret. *aequalibus alis*, pari velocitate.

v. 16. *Pythius axis* v. n. ad XV. 458. *alternas*, ambas.

v. 17. *Princeps*, Honorius.

v. 18. *in vobis*. Cod. Vatic. prim. *in vobis*, quod Gesnero adridet, quia sic honorificentius in concilium et modestius de se loquatur. Sensus: Imperator non spatio metitur imperii sui magnitudinem, quare aquil-

Hoc ego concilio collectum metior orbem;
Hoc video coetu quidquid vbique micat. 20

lis illi nihil opus est, sed dicendum fuisset *concilio*
multitudine virorum omni collecto.
dignitate praecellentium, v. 20. *quidquid vbique mi-*
quos Mediolani collectos vi- *cat.* Lumina (seu culmina
det ex omnibus terrarum imperii; praestantissimos vi-
locis. ros intelligit.

v. 19. *collectum*, proprie

XVII.

CL. CLAUDIANI
DE CONSULATU
FL. MALLII THEODORI
PANEGRIS.

ARGUMENTVM.

Virtus quidem se ipsa contenta nullo eget externo honore, sed hic illam sponte sequitur, ut nunc Mallium, qui iterum consul et virtutum et honorum summa adtigit. v. 1—16. Praeclara ille indole vir optimeque institutus eloquentia mature excelluit, fori negotia tractauit, Libyam rexit deinde Macedoniam. v. 17—32. Tum Quaestor sacri Palatii factus et Comes sacrarum largitionum prouinciis occidentalibus praesuit. v. 33—60. Otio redditus ad philosophiae studia incubuit. v. 61—112. Ex quo tamen otio literario Mallium excitauit Iustitia coelo delapsa, quum eum astronomiae intentum deprehendisset. v. 113—134. Hortatur virum iuris peritissimum, ut omissis abstrusarum rerum studiis curiam repetat, nec sibi sed hominibus uiuat. v. 135—148. Philosophum enim neminem rebus humanis tam profuisse, quam rerum publicarum prouidentes, neque quemquam esse ex veteribus, quin cum Stilichone uiuere uoluisset omnium virtutum fautores, cuius opera pax et fides in terras rediissent. v. 149—173. Cunctatur quidem Mallius vitam rusticam per tot annos actam excusans, et, se nolle, inquit de gloria dudum parata periclitari, nec esse se amplius parem huic oneri ferendo. Nihilominus tamen, uoluit se reuocans addit, nefas esse Iustitiae aliquid denegare. v. 174—197. Fit igitur rector Italiae, Libyae, Illyriae, Sardiniae, constans, incorruptus, moderatus, a studio aeque atque ira remotissimus. v. 198—231. Lenitas eius cum grauitate coniuncta laudatur. v. 232—255. Fit consul, indeque adparet, suum virtuti honorem constare. v. 256—269. Nuncio Musis de Mallii consulatu adlato Vrania sorores hortatur, ut omnes consulatus initia celebrent, Erato Nertunum equos curules roget, Calliope Alciden palaestritas, Clio Dianam venatores. v. 270—309. Curent quoque, ne risus, facetiae, comoedi, tragoedi desint, neque ullum ludorum genus desideretur. v. 310—331. Optat tandem poeta, ut posteris patris similes sint, atque consulatum velut iure hereditario consequantur.

*Ipsa quidem virtus pretium sibi, solaque late
Fortunae secura nitet, nec fascibus vllis
Erigitur, plausuue petit clarescere vulgi.
Nil opis externae cupiens, nil indiga laudis,
Diuitiis animosa suis, immotaque cunctis
Casibus ex alta mortalia despicit arce.*

5

COMMENTARIUS.

v. 1. 2. *Ipsa quidem virtus pretium sibi.* Imitatur Noster Sil. Italic. XIII. 66, sq. vt Burmannus notat, quem v. ad Ovid. ex Ponto II. 3. 33. Innumera paene loca Barthius ex veterum scriptoribus congeffit, quibus eadem fere sententia expressa est. *solaque*, per se, nullis fortunae ornamentis commendata. Barthius explicat: ἀόεστος, suum in se imperium nemini cedens. Quid secutus sit, nescio. Dicere poeta voluit, virtutem satis per se splendere, eiusque splendorem proprium a fortuna neque augeri neque imminui posse. Hoc expressit per: *Fortunae secura* i. e. fortunam non curans, eodem igitur sensu quo *securus vulgi* Pers. VI. 17. cf. Horat. Od. I. 26. 5 sq. Non plane eandem vim habet illa vox apud Lucan. II. 287, quem locum Burmannus laudat. *fascibus vllis*, i. e. vllis honorum genere. Gesnero placuit *fascibus*, quod tamen priori praeferendum non videtur.

v. 3. *Erigitur*, maiorem

dignitatem et amplitudinem accipit. infra v. 150. et XVIII. 502 sq. Simpliciter: nullis crescit honoribus. Minus bene Barthius subintellexit: in arrogantiam. *plausum petit* cet. pro: neque auram popularem capiat. Senec. Herc. Fur. 169 sqq.

v. 4. *Nil opis externae cupiens.* Non ita accipiendum, quasi virtus nullis fortunae subsidiis egeat, verum hoc voluit Noster, illa ad ipsam virtutis naturam nihil pertinere, sed iis tantum virtutem uti pro instrumentis.

v. 5. *animosa* cum delectu, pro: contenta.

v. 6. *ex alta arce.* Quandoquidem virtus fortunae casibus non subiecta est, et ab omni vi externa tuta cogitatur, in alta quadam et inexpugnabili arce sedes eius locatur, vnde omnia mortalia infra se posita despicit. cf. Lucret. II. 5 sqq. Stat. Silv. II. 2. 132 sq. Ceterum cum toto hoc de virtute loco conferas Horat. Epist. II. 7. 83 sqq. Sil. Italic. XV. 101 sqq. Senec. epist. 82 et 98.

B b

Attamen inuitam blande vestigat, et vltro
 Ambit Honos. Docuit toties a rure profectus
 Lictor, et in mediis quaesitus Consul aratris.
 Te quoque naturae sacris mundique vacantem, 10

v. 7. 9. Sententia haec est: virtus non ambit honorem, sed hic illam sectatur. Hoc exprimitur imagine suauissima a iuvene puellam ambiente sumta. *vestigat* cum delectu pro: quaerit, sequitur. *inuitam* quia sibi ipsa sufficiens omnem splendorem extrinsecus adiectum respuit. *Ambit honos*. Iterata quidem sententia est, sed ita variata, vt nouitate feriat animum, quum vulgo honores ambiuntur. *docuit toties a rure profectus Lictor, et in mediis* cet. Displicuit Burmanno, lictorem consuli iungi, quia tanta illius dignitas non fuerit, vt ea vteretur poeta ad probanda illa, quae praemisit. Itaque legendum putat *Victor* vel potius *Ductor*. Optat etiam, in codice aliquo exstare: *docuit toties ad rura profectus*, quam Cuiacianam lectionem Gesnerus esse notat reique et historiae accommodatiorem existimat. Vulgata tamen lectio omnino potest defendi et melior mihi videtur coniecturis Burmannianis forsan etiam lectione Cuiaciana. Etenim, an recte dici possit: *proficisci ad rura*, dubito, saltem exem-

pla huius rei in praesentia desidero. Voluit dicere Noster: consulem saepe in urbem rure esse accersitum, aut consules saepe ex agricolis esse factos. Hoc ita extulit: saepe aliquem, quum operibus rusticis intentus esset, rure consulem factum atque relicto aratro cum insignibus consularibus urbem esse profectum. Ad insignia autem consularia pertinebant duodecim lictores, qui singuli, alius post alium, consulem ad turbam submouendam ordine praecedebant. *Lictorem* igitur posuit Noster, quia exprimere voluit, consulem dignitatis suae insignibus indutum et duodecim lictoribus praecedentibus in urbem venisse. *a rure profectus lictor et consul* igitur dictum pro vulgari: consul quaesitus in mediis aratris cum lictoribus a rure profectus est in urbem. Ceterum exempla huiusce rei suppeditant Liv. III. 26. et Valer. Max. IV. 4. sq.

v. 10. *naturae sacris mundique* i. e. physicis et astronomiis cognitionibus, quas *sacra* vocat, quia non nisi artis peritis notae sunt.

Emeritum pridem, defudatisque remotum
 Iudiciis, eadem rursus complexa potestas
 Euehit, et reducem notis imponit habenis.
 Accedunt trabeae. Nil iam, Theodore, relictum,
 Quo virtus animo crescat, vel splendor honore. 15
 Culmen vtrumque tenes. Talem te protinus anni
 Formauere rudes, et dignum vita curuli
 Traxit iter, primaeque senes cessere iuuentae.

v. 11. *defudatis*, in quibus sudare i. e. quibus operam dare iam olim desisti. De opera forensi sermo est. *emeritum pridem*, militiae togatae annis velut emensis. Sic Barthius.

v. 12. *eadem potestas*. Fuit Theodorus itemque Praefectus Praetorio, ut indicant inscriptiones legum 43 et 46 Codic. Theodol. de Haereticis. Ceterum Constantinus M. omni imperio in quatuor Praefecturas diviso singulis Praefectum Praetorio praefecit, cui, adempto militari imperio potestatem solum civilis imperii eamque liberam et sine provocacione adtribuit. cf. Bacch. H. Iur. p. 504. ed. secunda. *complexa* accommodate iis, quae dixerat Noster v. 7 sq.

v. 14. 5. *trabeae*, consularatus. v. supra VIII. 640. *nil iam — relictum*, Quo virtus animo crescat. Ex nulla re amplius virtus tua incrementa capere potest. *vel splendor honore*, vel claritas nominis tui augeri villo honore, quum consularu fungaris, qui summus

est honos. Cic. in Catilin. III. 11. *Mihi quidem ipse quid est, quod iam ad vitae fructum possit acquiri, praesertim quum neque in honore vestro, neque in gloria virtutis quidquam videam altius, quo quidem mihi libeat ascendere.*

v. 16. *Culmen vtrumque tenes* sc. et virtutis et honoris. Burmannus videtur ita accepisse, ut *culmen vtrumque* significet, Mallium et Praefectum Praetorio et Consulem fuisse. *anni rudes* i. e. pueritia. et, pueritia te formavit, dixit pro: praecleara tua indoles iam puerili institutione tanta cepit incrementa, ut talis fieres, qualis nunc es.

v. 17. 18. *curuli*. summis honoribus. *et dignum vita curuli* Traxit iter. Traxit Barthio iam suspectum fuit. Heinsius proponit: *stravit*, laudatque Stat. Theb. XII. 822, unde tamen illud vix potest probari. Burmannus vult *rexit*, Gesnerus existimat, *trahere iter* tenorem quendam aequabilem vitae tranquillae notare.

Iam nunc canities animi, iam dulce loquendi
 Pondus, et attonitas sermo qui duceret aures; 20.
 Mox vndare foro victrix opulentia linguae,
 Tutarique reos. Ipsa haec amplissima sedes
 Orantem stupuit, bis laudatura regentem.
 Hinc te pars Libyae moderantem iura probauit,

id quod huic loco non con-
 venire videtur. Fortasse *tra-*
here nihil amplius h. l. est,
 quam: eligere, vt apud Per-
 sium V. 17. *primaeque senes*
cet. i. e. senes iam a puero
superabantur.

v. 19. *canities, maturitas.*
 Callimach. H. in Iov. 57.
 ἀλλ' ἐν παιδνὸς ἐὼν ἐφράσ-
 σαι πάντα τέλεια. cf. X. 325.

v. 20. *dulce pondus, gra-*
uitas cum venustate con-
iuncta. cf. Sil. Italic. VIII.
 609 seq.

v. 21. *vndare.* Dicendi co-
 pia cum flumine saepe com-
 paratur; vnde quoque illud
 ductum est. cf. Wernsdorf.
 ad Saleii Bassi c. ad Pison.
 v. 77 sq. Poet. lat. m. T. IV.
 P. I.

v. 22. *amplissima sedes.*
 Rubenius in vita Mallii (ed.
 Lips. Platner.) intelligit tri-
 bunal Praefecti Praetorio,
 Barthius curiam, cui Bur-
 mannus accedit. Saltem
haec locum indicare videtur,
 vbi Claudianus panegyricum
 suum recitat, qui etiam idem
 fuisse debet, vbi Praefectus
 Praetorio ius dicere soleret.

v. 23. *Orantem stupuit,*
causas agentem admirata est.
 Rubenius l. c. p. 9. putat,

Mallium inter aduocatos or-
 dinarios seu statutos praeto-
 rianae sedis fuisse, quorum
 erant centum quinquaginta,
 ex quibus Praefecti Praeto-
 rio eos eligere solebant, qui
 Imperatoribus ab ipsis com-
 mendati, acceptis codicillis,
 regendis prouinciis praefice-
 rentur. cf. Vales. ad Am-
 mian. Marcellin. XXVIII.
 p. 350. et Paulinum in Vita
 Ambros. apud Ruben. *Post-*
quam edoctus liberalibus
disciplinis vrbe egressus est,
professusque in auditorio
praefecturae praetorii, ita
splendide causas perorabat,
vt eligeretur a viro illustri
Probo tunc Praefecto Prae-
torio ad consilium tribuen-
dum. Post haec consulari-
tatis suscepit insignia, vt
regeret Liguriam cet. Adde
 Guth. de Offic. dom. Au-
 gust. II. 4. *regentem, ius di-*
centem. Bis fuit Praefectus
 Praetorio per Italiam.

v. 24. *Hinc te pars Li-*
byae cet. Ruben. l. c. p. 10.
 putat, fuisse eum Consula-
 rem Byzacii vel Numidiae,
 vel Tripolitanae vel Mauri-
 taniae Sitifensis, aut Caesa-
 reae prouinciae Praefectum,
 de quo genere administra-

Quae nunc tota probat. Longi sed pignus amoris 25
Exiguae peperere morae, populumque clientem
Publica mansuris testantur vocibus aera.

Inde tibi Macetum tellus, et credita Pellae
Moenia, quae famulus quondam ditauit Hydaspes.
Tantaque commissae reuocasti gaudia genti 30
Mitibus arbitriis, quantum bellante Philippo
Floruit, aut nigri cecidit quum regia Pori.

Sed non vltterius te praebuit vrbibus aula;
Maluit esse suum. Terris edicta daturus,

tionis v. Grönov. obl. eccl.
c. 21. p. 226. et Iacob. Go-
thofred. Not. Dignit. Cod.
Theodof.

v. 25. *Quae nunc tota
probat*, v. infra 201. *pignus*
explicatur v. 27.

v. 26. *Exiguae morae*,
quibus Libyae praefuisti.

v. 27. *Publica aera*, siue
tabulae aereae, siue tituli
publici in statuis aut aliis
monumentis aereis. *mansu-
ris vocibus*, quae expressae
erant literis aere incis. *Burmannus* laudat *Lucan.*
III. 220. v. interpp. ad *Sue-
ton. Vespas. I.*

v. 28. *Macetum* v. n. ad
V. 279. *Pellae* ad VIII. 375.
Rubenius l. c. p. 12. censet,
Mallium non fuisse Prae-
fectum Praetorio Illyrici sed
tantum Macedoniae prae-
fuisse, quia postea factus sit
Quaestor et inde Comes sa-
crarum largitionum, quae
minores dignitates essent,
quam Praefectura Praetorii.

v. 29. *famulus Hydaspes.*
Oriente nempe ab Alexandro

M. subacto. Haec ornatus
causa adiecta sunt, non vt
indicaretur, quemadmodum
Gesnerus existimat, aequae
felicem et gloriosam fuisse
Mallio praefide Macedoniam,
quam sub Philippo suo vel
Alexandro fuerit.

v. 32. *Pori.* VIII. 375.
nigri. Indorum perpetuum
fere epithet. apud poetas.
cf. *Arrian. Hist. Ind. c. 6.* in
fine. *Senec. Oed. 122.*

v. 34. *terris edicta datu-
rus.* Describit *Claudianus*
Quaesturam sacri palatii a
Mallio gestam. *Barth.* laudat
Cassiodor. Epist. VI. 5. *Quae-
sturam toto corde recipimus,
quam nostrae linguae vocem
esse censemus. Haec nostris
cogitationibus necessario fa-
miliariter applicatur, vt
proprie dicere possit, quod
nos sentire cognoscit, et ita
mentis nostrae velle susci-
pit, vt a nobis magis pute-
tur exisse quod loquitur.*
cf. *Coripp. in laud. Iustin. I.*
24 sqq. *Zosim. V. 32.* *Cassio-
dor. VIII. 13 et 14.* *Guther.*

Supplicibus responsa, venis. Oracula Regis 35
 Eloquio creuere tuo, nec dignius vnquam
 Maiestas meminit sese Romana locutam.
 Hinc sacrae mandantur opes, orbisque tributa
 Possessi, quidquid fluuiis euoluitur auri,
 Quidquid luce procul venas rimata sequaces 40
 Abdita pallentis fodit sollertia Bessi.

Ac velut exsertus lentandis nauita tonsis

de offic. dom. Aug. II. 18.
 p. 177. De officio Quaestoris
 sacr. pal. consule Novel. 33.
 et 114. Vocabatur ab Imperatoribus *Institiae custos*,
Armarium legum, *Vox legum*; petitionibus subscri-
 bebat, aut petentibus respon-
 sum reddebat, leges dicta-
 bat, preces et responsa sub-
 notabat.

v. 35. *oracula regis*, re-
 scripta et constitutiones Prin-
 cipis.

v. 36. 7. *nec dignius vm-*
quam cet. Cl. Rutil. Itiner.
 I. 171 seq. de Rufio Quae-
 store S. P. *Huius facundiae*
commissa palatia linguae
Primaevus meruit Principis
ore loqui. vbi v. Wernsdorf.
 Poet. lat. m. T. V. P. I.
 pag. 108.

v. 38. *Hinc sacrae man-*
dantur opes. Hinc factus est
 Comes sacrarum largitio-
 num, de quo officio v.
 Guther. de offic. dom. Aug.
 III. 16. Cassiodor. epist. V. 40.
 Huic erat thesaurorum Impe-
 ratoris administratio com-
 missa, curamque gerebat pu-
 blicae pecuniae in varios
 vsus erogandae.

v. 39. *fluuiis* cf. Plin. H.
 N. XXXIII. cap. 4.

v. 40. 1. *venas sequaces*
 pro: venas sequacis i. e.
 ductilis, metalli, quale est
 aurum. *luce procul*, in altis
 puteis. *abdita sollertia* la-
 tens in cuniculis. Veget. II.
 11. IV. 24. laudat Bessorum
 in aurariis tractandis soller-
 tiam Panegy. Vet. XII. 28. 2.
 Sunt autem Bessi Thraciae
 populus Hebro vicinus, ipsa-
 que Thracia inter auriferas
 regiones olim erat insignis.
 Nota sunt Thasiorum metalla
 ex Thucyd. I. 100. *pallentis*,
 communis auri folorum co-
 lor. Sil. Italic. I. 231 seq.
 Stat. Silv. IV. 7. 15.

v. 42. Comparatur Mallius
 gradatim ad summos hono-
 res euectus cum strenuo re-
 mige, qui tandem propter
 rei nauticae experientiam gu-
 bernaculo praeficitur; quae
 comparatio eo facilius in
 mentem poetae venire pot-
 erat, quo frequentius rei
 publicae administratio cum
 navis gubernatione compa-
 rari solet. *exsertus* est aper-
 tus, inde conspicuus, prom-
 tus, acer. v. interpp. ad Pa-

Præficitur lateri custos; hinc ardua proræ
 Temperat, et fluctus tempestatesque futuras
 Edocet; assiduo quum Dorida vicerit vsu, 46
 Iam clauum totamque subit torquere carinam:
 Sic quum clara diu rerum documenta dedisses,
 Non te parte sui, sed in omni corpore, sumsit
 Imperium, cunctaque dedit tellure regendos
 Rectores. Hispana tibi Germanaque Tethys 50
 Paruit, et nostro diducta Britannia mundo;
 Diuersoque tuas coluerunt gurgite voces
 Lentus Arar, Rhodanusque ferox, et diues Ibero.
 O quoties doluit Rhenus, qua barbarus ibat,

cat. in Panegy. Vet. XII.
 35. 1. cf. Casaubon. ad Serr.
 Hist. August. T. I. pag. 592.
 Burmannus præfert *excitus*,
 quod procul dubio deterius
 est. *lentandis*, ducendis, sed
 illud vim exprimit, quo ad-
 ducuntur remi, ut aqua re-
 sistente inflectantur et cur-
 ventur. cf. Virgil. Aen. III.
 384. Senec. Med. 437 seq.
tonsis, remis. Schol. ad Lu-
 can. III. 5:7.

v. 43. 4. *Præficitur lateri*
custos, τοῖς ἀρχοῖς, operarum
 nauticarum inspector Stat.
 Theb. X. 176 sqq. Turneb.
 Aduers. XXVIII. 43. *ardua*
proræ temperat, sit inde
Proræta seu *Proreus*, cuius
 erat ventos, scopulos, peri-
 cula prospicere, hoc liquet
 ex iis, quæ sequuntur. cf.
 Xenophon. Oecon. VIII. 14.
 Suidam in voce πρῶρευς,
 Scheffer. de re nautica IV.
 6 et 7.

v. 45. *Dorida*, mare, eius-
 que pericula.

v. 46. *subit*. Recte Gesne-
 rus: *Subit* non modo suc-
 cessionem notat, sed illud
 etiam, onus esse illam gu-
 bernatoris prouinciam. Plura
 de hac voce adnotauit Barth.
 ad Stat. Theb. X. 251.

v. 48. 9. *imperium sumsit*
te, cf. v. 7. et 12. *in omni*
corpore, ut non singula
 membra, sed totum corpus
 regeres. Comparatur autem
 imperium corpori. cf. Co-
 ripp. in laud. Iust. II. 195 sqq.

v. 50. *regendos Rectores*
 v. Barth. ad Rutil. Itiner. I.
 555 sqq. Describi h. l. Præ-
 secturam Praetorii speciatim
 Galliarum, ostendit et illu-
 strat Ruben. l. c. p. 14.

v. 51. *et nostro diducta*
Britannia mundo. Imitatur
 Virgil. Eclog. I. 67.

v. 52. *coluerunt voces*, ob-
 temperauerunt tibi.

v. 53. *Lentus Arar Rho-*
danusque ferox cf. supra ad
 V. 111. Sil. Italic. III. 447 sqq.
 et IV. 61. *ferox* opponitur

Quod te non geminis frueretur iudice ripis! 55
 Vnius fit cura viri, quodcunque rubescit.
 Occasu, quodcunque dies deuexior ambit.
 Tam celer assiduos expleuit cursus honores.
 Vna potestatum spatiis interfuit aetas,
 Totque gradus fati iuuenilibus intulit annis. 60

h. l. *lento Arari* Sil. Italic. XV. 501. Alias fluiui saepe *feroces* vocantur a barbaris gentibus, quae accolunt. Nost. V. 26. Lucan. I. 465 et VI. 308. Senec. Hercul. Fur. 1323 sq. vt hic versu sequenti *Rhenus barbarus*. Rhodani cursum describit Ammian. Marcellin. XV. 11. in fine. *dines*, aurifer.

v. 55. *geminis ripis*. Erat nempe Rhenus limes imperii, populique Germanorum trans Rhenum imperio non erant subiecti. *qua barbarus ibat*, vltiorem ripam describit. cf. Martial. X. 7. 7.

v. 56. 57. *quodcunque rubescit Occasu*. Similem orationis colorem inuenies apud Ovid. Met. I. 62 sq. Quae Heinsius laudat, huc minus pertinere videntur. *dies deuexior*, de vespera. Lucan. IV. 155. *In medium surgente die*, de meridie.

v. 58. *Tam celer cursus expleuit* pro vulgari: tam celeri cursu expleuit Mallius cet.

v. 59. 60. Burmannus fatetur, se locum hunc non recte intelligere, et habet sane difficultatem, quam Rubenius in dissertatione sua,

qua plures remouit, intactam reliquit, non tamen, vt equidem arbitror, insuperabilem. Nemo facile negabit, h. l. sermonem esse de decursu honorum celeriter peracto. Instituti et moris, quo Claudianus eadem, sed aliter expressa, repetere solet, haud immemor interpret, etiam ex his tricis se expediet. Quaeritur primum, quidnam sit *vna aetas*? In diuersa abeunt interpretes. Barthius spatium XV annorum intelligit, Gesnerus XXX circiter annorum; Heinsius et Burmannus adeo existimant, meliorem sententiam emerfuram esse, si legatur *aestas*, et habent sane, quod sequantur. Hunc nempe sensum constituunt, vnum tantum annum in cursu celeri honorum ab anno C. 374 actatis Mallii XXIV ad annum 382 intercessisse, quo nullos honores gesserit. De hac sententia Fasti Rubenii consulendi sunt. Omissis aliorum rationibus, quibus *aetas* explicare conati sunt, quas omnes quidem recensere nec instituti nostri est nec temporis, quod equidem sentio, pro-

Postquam parta quies, et summum nacta cacumen,
Iam secura petit priuatum gloria portum:
Ingenii redeunt fluctus, aliique labores,

ponam. *Vna aetas* est aetas iuuenilis (XVIII. 66.), vt explicatur versu sequenti per: *iuuenilibus annis interfuit*, illamque vitae partem designat, quae gerendis honoribus infumta est. Illa vitae pars seu illa *aetas* dicitur *interfuisse* i. e. adfuisse honoribus, nam hanc vim *τὸ interesse* quandoque habere, ex lexicis vulgaribus notum est. Et *interfuit spatii potestatum* i. e. honorum decursui. Potest autem spatium *potestatum* illud tempus significare, quod inter primum et vltimum honorem, quos gessit Mallius, intercessit. Iam vero hoc tempus incidit in iuuenilem aetatem Mallii; sequitur inde, proprie dici a Nostro, *vnā Mallii aetatem* (iuuenilem videlicet) interfuisse spatio (*spatiis*) honorum, pro: Mallium iuuenili aetate totum honorum decursum confecisse. *Totque gradus* (honorum) *fati iuuenilibus intulit annis*. Nominatiuus procul dubio ex praecedentibus repetendus est. Esse debet *aetas*. Quid autem sibi vult: *aetas intulit iuuenilibus annis*? Esset enim: aetas iuuenilis aetati iuuenili intulit, id quod vtique absurdum est. Hac igitur ratione nihil potest confici.

Audiendus sane Burmannus videtur, qui *fatum* legit pro *fati*, quo facto omnis difficultas euanescit. Sensus: *fatum* omnes honores contulit in iuuenilem aetatem Mallii. Alia lectio, *induit*, quam Heinsius quoque probat, elegantior sane est. v. infra XXVIII. 67 et 650sq. Qua lectione recepta *Mallius* potest subintelligi. *Induit* sc. Mallius, *iuuenilibus annis* i. e. iuuenis, *tot gradus fati* i. e. tot honores, quos *fatum* alium post alium in eum contulit. Vocantur autem honores *gradus*, quia semper ab inferiore ordine ad altiorem quasi per gradus adscenditur.

v. 61. *parta quies*. Virgil. Aen. III. 495. Laboribus quasi peractis, aut decursu honorum facto, quum otiose dare honeste posset Mallius. *summum nacta cacumen*, summis sc. honoribus bene gestis.

v. 62. *Iam secura* sc. tempestatum et fortunae casuum. Similitudo enim sumpta est a naui peracto cursu portum iam intrante. Hic *portus* vocatur *priuatus*, quia Mallius peractis honoribus in vitam priuatam recedebat.

v. 63. *Ingenii redeunt fluctus*, vt Heinsius malebat, quem Gesnerus secutus est.

Et vitae pars nulla perit. Quodcunque recedit
 Litibus, incumbit studiis, animusque vicissim 65
 Aut curam inponit populis, aut otia Musis.
 Omnia Cecropiae relegis secreta senectae,

Burmannus *fructus* restituit. *Ingenii fluctus* opponuntur fluctibus civili tempestate excitatis, quos portum intrando effugerat. *Ingenii fluctus* autem sunt literarum studia, quae, dum honoribus fungeretur, seposuerat, atque in futurum otium distulerat. *aliique labores* et ingenii fluctibus opponuntur et iis laboribus, quos in honorum decursu exhausserat.

v. 64. *Et vitae pars nulla perit.* *Vitae pars* h. l. est vitae tempus. Indicare vult, totum hoc otium bene collocatum fuisse. *quodcunque recedit litibus* significare videtur omne tempus post depositum magistratum, qui in iure dicundo occupatus fuerat cf. infra 138 sq. illud, aut per illud tempus, *incumbit studiis* Mallius. Suspicatur Gesnerus *incumbit* h. l. positum esse pro: additur, adiicitur. Burmannus existimat Claudianum scripsisse: *quodcunque recedit litibus, impendit studiis.* Ita sane ei scribendum fuisset, si planius scribere et ad pedestrem rationem propius accedere voluisset. Nam inde, quod alias hac dicendi ratione usus est, vt. XXIX. 112. et

XVIII. 451. non sequitur, eandem etiam h. l. adhibitam fuisse.

v. 66. *Aut curam inponit populis aut otia Musis.* *Inponit* h. l. videtur esse idem, quod: dicat, offert. Ovid. Fast. l. 127 sq. *cui (Iano) cum cereale sacerdos Imponit libum, mixtaque farra sali.* Plaut. Curcul. I. 1. 73. *Quid? an te pones Veneri ientaculo.* Vbi Taubmannus Passeratium ad versum Propertii laudat, qui est Tibulli l. 1. 14. vbi v. interpp. Nulla vitae pars desidia datur, etenim *curam* i. e. tempus negotiosum et laboriosum, quo magistratus gerit, populis, populorum saluti et commoditatibus insumit, *otium* autem, vitae tempus a publicis negotiis liberum, Musis tribuit. Heinsius legendum censet *impendit*, Burmannus nihil mutandum putat, pronocatque ad Barthium, qui tamen nihil expedire videtur.

v. 67. *relegis, retractas secreta,* a vulgari cognitione remota. *Cecropiae senectae,* Atticae antiquitatis. Intelligit autem philosophorum antiquorum libros, quibus legendis occupatum Mal-

Discutiens quod quisque nouum mandauerit aeuo,
 Quantaque diuersae producant agmina sectae.
 Namque aliis princeps rerum disponitur aer; 70
 Hic confidit aquis; hic procreat omnia flammis.
 Alter, in Aetnaeas casurus sponte fauillas,
 Dispergit reuocatque Deum, rursusque receptis
 Nectit amicitiiis, quidquid discordia soluit.

lium esse dicit. cf. VIII. 397 sq.

v. 68. *quisque*, illorum philosophorum. *mandauerit aeuo*, exquisitius, quam literis mandauerit. Heinsius coni. *quod quisque noui*.

v. 69. *Quantaque agmina*. Recte Barthius de multitudine discipulorum vniuscuiusque sectae interpretatur, qui iterum in diuersas familias abierunt, quarum quaeque diuersas ab auctore sententias secuta est. Male proponit Burmannus *dogmata* pro *agmina*, etenim de sententiarum varietate non multitudine sermo est, vt ex sequentibus patet.

v. 70. *aliis*, ab Anaximene et qui cum secuti sunt. *princeps*, principium omnium rerum. *disponitur*, totus mundus conficitur, aut ostenditur, qua ratione ex aëre omnia nata sint. Plutarch. de Placit. philosoph. I. 3. p. 350. T. XII. ed. Hutt. Cic. Academ. Q. II. 37.

v. 71. *Hic confidit aquis*. Thales intelligitur, Plutarch. l. c. p. 348. Aristotel. Met. I. 3. Cic. de Nat. D. I. 10. *hic procreat omnia flammis*,

Heraclitus, Plutarch. l. c. p. 355. Diogen. Laert. IX. sect. 6.

v. 72. *Alter*, Empedocles. *in Aetneae casurus sponte fauillas*. Diuerse narratur eius mors. Vulgarem narrationem, qua traditur in Aetnam se praecipitasse, quum eruptionum eius naturam et rationem inuestigare non potuisset, secutus quoque est Horat. Art. 465 sqq. Lucian. Dial. Mort. XX. 4. T. I. p. 416. ed. Reiz. De eius placitis v. Plutarch. l. c. pag. 357.

v. 73. 4. *Dispergit reuocatque deum*. Docuit enim, animas hominum esse particulas naturae diuinae, easque post mortem redire iterumque cum diuina natura coniungi. Idemque amicitia et discordia, id est, adtractione et repulsionem, vniuersum contineri tradidit. cf. Io. Stobaei Eclog. physic. I. 21. Tiedemann. Geist der Speculativ. Ph. p. 251. Ceterum hominum animos σπέρματα quasi et ἀποσπασματα esse animae mundi plures, praesertim Stoici, docuerunt. V. quae hac de re collegit Ru-

Corporis hic damnat sensus, verumque videri 75
 Pernegat. Hic semper lapsurae pondera terrae
 Conatur rapido coeli fulcire rotatu,
 Accenditque diem praerupti turbine saxi.
 Ille ferox, vnoque tegi non passus Olympo,
 Immensum per inane volat, finemque perosus 80
 Parturit innumeros angusto pectore mundos.

perti ad Sil. Italic. XV. 71 sqq.
 Tiedemann. l. c. T. II. 400
 sqq. cf. Valer. Flacc. III.
 378 seq.

v. 75. *Corporis hic damnat
 sensus.* Heraclitum intelligit
 sensuum iudicium reiicien-
 tem. Hoc nuper demum in-
 tellectum est, sensus in iudi-
 cando nequaquam errare
 propterea, quia omnino non
 indicant. Epicuræi contra
 omnia sensibus tribuerunt.
 Diogen. Laert. IX. 7. Sext.
 Empiric. adv. Math. VII.
 p. 161. Lucret. IV. 480 sqq.

v. 76. 8. *hic semper lapsu-
 rae pondera terrae Conatur
 rapido* cet. i. e. hic expli-
 care conatur, quemadmo-
 dum fulciantur seu sustinean-
 tur *pondera terrae lapsurae*,
 alioquin sua gravitate et nisu
 per inane lapsura, *rapido*
coeli rotatu, e rapido cir-
 cumactu coeli ambientis.
 Quis ille fuerit ex antiquis,
 Gesnerus ignorare fatetur.
 cf. Manil. Astron. I. 173 sqq.
 Ovid. Fast. VI. 269 sqq. *ac-
 cenditque diem*, i. e. solis
 naturam explicat, quo terra
 illustratur. *Accendere* inter-
 dum pro: illustrare poni do-
 cet Ruperti ad Sil. Italic.

III. 671. Plutarch. l. c. p. 407.
 Anaxagoram, Democritum et
 Metrodorum docuisse narrat,
 solem esse *μύδρον, ἢ πέτρον
 διάπυρον*. Probabile quidem
 est, vnum horum philoso-
 phorum et eius sententiae,
 ex qua terra coeli rotatione
 sustineatur, auctorem fuisse,
 quum ea, quae hoc versu
 dicuntur, eidem tribui vi-
 deantur, quem vers. 76. in-
 telligi voluerit, sed Aristote-
 les (de Coelo II. 13.) eam
 sententiam et Empedocli
 vindicat. οἱ δὲ, ὡς περ Ἐμπε-
 δοκλῆς, τὴν τοῦ οὐρανοῦ Φό-
 ραν κύκλῳ περιθέουσιν καὶ
 θάττον φερούμενην τὴν τῆς γῆς
 Φορὰν κωλύειν, κατὰ παρ τὸ
 ἐν τοῖς κυάθοις ὕδωρ καὶ γὰρ
 τοῦτο κύκλῳ τοῦ κυάθου φε-
 ρομένου πολλάκις κάτω τοῦ
 χάλκου γινόμενον, ὁμοίως οὐ
 φέρεται κάτω παρὰ τοῦ Φέ-
 ρεσθαι διὰ τὴν αὐτὴν αἰτίαν.

v. 79. 81. Pulcherrimi sunt
 versus, egregieque sublimi-
 tatem mentis eius exprimunt,
 qui circa vulgaria sensibusque
 subiecta non moratus omnem
 rerum vniuersitatem immen-
 sam atque infinitam animo
 complexus est. Metrodorum
 illum fuisse docet Plutarch.

**Hi vaga collidunt caecis primordia plagis.
Numina constituunt alii, casusque relegant.**

**Graiorum obscuras Romanis floribus artes
Irradias, vicibus gratis formare loquentes 85
Suetus, et alterno verum contexere nodo.**

l. c. p. 362. *ferox* ad mentis et cogitationis audaciam pertinet. *uno Olympo non passus tegi*, quum infinitos numero mundos in infinito inani esse statneret. *volat* scilicet mente et cogitatione. *parturit*, praeclare pro: concipit animo, excogitat. *angusto pectore* egregie opponitur *τῷ innumeros mundos* ad vim et capacitatem humanae mentis declarandam. Barthius errat, quum putat, Claudianum adiecto *angusto pectore* significare voluisse, conatus hominum ad talium rerum doctrinam ridiculos esse. Etiam Gesnerum in eadem opinione fuisse, colligi inde potest, quod dicit, *angusto pectore* pulchrum et *salsum* fuisse.

v. 82. *Hi*. De Leucippo, Democrito et Epicuro sermo est. De re videndi Lucret. II. Cic. de Finib. I. 6. Plutarch. l. c. p. 356. Lactant. Instit. III. 17. 23 sqq. *vaga primordia*, elementa, corpuscula, atomi, *στοιχεῖα*, quae per inane suapte pondere deorsum feruntur, paullulumque, vt Epicurus, Cicerone teste, excogitauit, declinant, vt inter se cohaerere possint. Hoc exprimit Noster per:

hi collidunt i. e. ostendunt aut docent, illa corpuscula inter se collidi aut cohaerere *caecis plagis*, vi aliqua mente destituta Lucret. II. 140.

v. 83. *Numina constituunt alii*. Hi Stoici sunt imprimis, contra quos Velleium disputantem inducit Cic. de Nat. D. I. 20. *casusque*, hoc spectat prius *caecis plagis*, *relegant*, remouent, negant, quidquam casu seu fortuito fieri.

v. 84. 6. Burmanno in mentem venit, Ciceronem h. l. innui, conuersamque ad eum orationem esse, quandoquidem saepe gloriatur Cicero, se Graece tradita latino sermone illustrasse. Verum non est ita; ad Mallium illa referenda sunt. *Graiorum obscuras artes*. Placita Graecorum philosophorum intelligit, eaque *obscura* dicit, quum, quia argumenta per se obscura et abstrusa, a vulgari cognitione cogitandique ratione remota erant, tum respectu illorum, qui Graece nesciant: Lucret. I. 137 sq. *Romanis floribus irradias* non simpliciter est: latino sermone tradis, sed et tractationem ar-

Quidquid Socratico manauit ab ordine, quidquid
Docta Cleantheae sonuerunt atria turbae,
Inuentum quodcunque tuo, Chrysippe, recessu;

gumenti spectat exquisitam dicendique genus, quo abstrusae illae res et tenues lectoribus commendantur. *formare loquentes* h. e. inducere loquentes. Differendi rationem per dialogos inuit, qua Plato et Xenophon vti sunt, et apud Romanos Cicero. *et alterno verum contexere nodo.* Barthius sub *nodo* Socraticas captiones intelligit, quae locum hic habere nequeunt. Ex antecedentibus interpretatio petenda est, vbi sermo erat de dialogis. *Nodos* sermonis eos intellexit, vbi in dialogo alter alterius sermonem exçipit, quae loca quasi compages totius orationis et commissurae adparent. *alterno nodo* igitur interpretor: sermone alterno i. e. dialogo. Cic. Orat. 66. *His igitur singulis versibus quasi nodi apparent continuationis, quos in ambitu coniungimus. verum contexere* mihi nihil aliud videtur esse, quam, quid verum sit, in vnaquaque re ostendere. Illud *contexere* formam totius orationis spectat, quae est dialogus.

v. 87. *Quidquid Socratico manauit ab ordine.* Ordo Socraticus est philosophorum successio, qui e Socra-

tis schola prodierunt, Socratici, Academici, Peripatetici cet. *quidquid manauit ab* cet. quidquid ab illis excogitatum literisque consignatum est. Ceter. cf. Sidon. Apollin. carm. II. 155 sqq. et XV. 96 sqq.

v. 88. *Docta Cleantheae sonuerunt atria turbae.* Zeno Stoicorum princeps in porticu (στοῶν) docebat, quae *poecile* vocabatur, vnde aemuli eius Stoici vocati sunt. cf. not. ad Pers. III. 53. Inde saepe *porticus* aut *stoa*, aut, vt h. l. *atria* pro Stoicorum disciplina ponuntur. Stoici autem dicuntur *Cleanthea turba* a Cleanthe, Zenonis successore, de quo v. Diog. Laert. VII. sect. 168. ibi Menag. Illius nomine Stoicorum philosophia designatur apud Pers. V. 63 sq. vbi v. n.

v. 89. *Chrysippe.* Stoicum intelligit. Diogen. Laert. l. c. sect. 179. *tuo recessu*, solitudine, in quam meditandi scribendique gratia recesserat. Inter polygraphos recensetur. Gesnerus *Chrysippi recessum* metaphorice intelligendum esse putat pro abstrusioribus et remotis a vulgari cognitione placitis. Verum haec interpretatio ex Quintil. Instit. I. 4. 5. quem

Quidquid Democritus risit, dixitque tacendo 90
Pythagoras, vno se pectore cuncta vetustas
Condedit, et maior collectis viribus exit.

laudat, probari nequit. Ceterum dicendi genere eum vsum esse non satis luculento notum est ex Arrian. in Enchirid. 73.

v. 90. 1. *Quidquid Democritus risit.* Adhuc ad illam fabulam, qua Democritus stultitiam hominum risisse dicitur, Senec. de Ira II. 10. de Tranquill. an. 15. Aelian. V. H. IV. 20. Iuvenal. X. 47. Imago quoque eius vultu ridenti et pingitur et fingitur. v. Christodori statuarum recens. in Anthol. Graeca T. II. p. 166. v. 131 sqq. cf. T. IV. p. 226. epigr. DXVIII. ed. Iacobs. *dixitque tacendo Pythagoras.* οὐνόμαρον. Barthius id respici putat, quod ii, qui in disciplinam recepti erant a Pythagora, certum tempus tacentes audire iuberentur. Gell. I. 9. Gesnerus existimat, id innui, quod per symbola illa nobilia quaedam potius tradiderit, quam diserte elocutus sit. v. Menag. ad Diog. Laert. VIII. 17. Burmannus comparat illud τὸ σιωπᾶν λόγος Philostr. de vit. Apollon. II. laudatque Ovid. ex Ponto II. 5. 51 sq. Hoc unusquisque verbis rite perpenſis, vel me tacente, intelligit, alterutrum verum esse, aut illos viros doctos in interpretando illo loco esse hallucinatos,

aut poetam aliud sensisse aliud verbis expressisse. Figurarum studium, quo poeta tantopere indulget, tenebris inuoluit sententiam per se planissimam, quos tamen facili negotio dispelles, si animaduertas, *tacendo* Nostrum posuisse pro: tacendo sermone i. e. sermone, qui alios celandus erat, quem diuulgare non debebant auditores. Pertinet hoc ad arcanam Pythagorae disciplinam, de qua v. Menag. ad Diogen. Laert. VIII. 15. Meiners de vero Deo p. 786. Planins idem efferre potuisset sic: *dixitque tacendum*, sed figura periisset. Elegans est epigr. gr. Οὐ τὸν ἀναπτύσσοντα φύσιν πολύμητιν ἀριθμῶν ἤθελεν ὁ πλάστης Πυθαγόραν τελέσαι, ἀλλὰ τὸν ἐν σιγῇ πινυτόφρονι καὶ τάχα Φωνὴν ἐνθ' ἐν ἀποκρύπτει, καὶ τόδ' ἔχων ὁπάσαι. Anthol. Gr. T. III. p. 202. epigr. XXXIV. ed. Iacobs.

v. 91. *vno se pectore cuncta vetustas Condedit.* idem fere dicendi color qui vers. 81.

v. 92. *maior collectis viribus exit.* sc. dum eam profert Mallius comparando, digerendo, diiudicando, ornando, illustrando et amplificando, quae legisset.

Ornantur veteres, et nobiliore magistro
 In Latium spretis Academia migrat Athenis,
 Vt tandem propius discat, quo fine beatum 95
 Dirigitur; quae norma boni, quis limes honesti;
 Quatenus membra sui virtus diuisa domandis
 Obiectet vitiis; quae pars iniusta recadat,
 Quae vincat ratione metus, quae frenet amores.
 Aut quoties elementa doces, semperque fluentis 100
 Materiae causas; quae vis animauerit astra,

v. 93. *Ornantur* v. not. ad 84.

v. 94. *Academia*. Quum Mallius Academicorum in scribendo morem sequeretur, et de quacunque re in vtramque partem disputaret.

v. 95. *Vt tandem propius discat*. sc. Latium. i. e. vt Romani faciliore negotio erudirentur, nec opus haberent, tot philosophorum volumina, alieno sermone praefertim scripta, perlegere, quum nunc omnia, quae quidem memoratu digna essent, in Mallii scriptis digesta et illustrata inuenire possent. v. infra 115. *quo fine beatum Dirigitur* i. e. ad quem finem id referatur, quod beatum dicatur, aut quo tendere is debeat, qui beatus esse velit. Vis enim et potestas beati pendet a fine bonorum et malorum.

v. 96. *quae norma boni quis limes honesti*. norma boni i. e. regula, ad quam exigas, quae bona vocanda et habenda sint. limes honesti, quo honestum a turpi separatur.

v. 97. *virtus diuisa*. Virtus est vna, quaeque vulgo virtutes vocantur, partes eius sunt singulis vitiis oppositae. Barthius laudat Senec. epist. 66. Adde Cic. de Finib. V. 24.

v. 98. *quae pars* (sc. virtutis) *iniusta* (contra ius facta) *recadat*. Iustitiam intelligit, quae partem constituit virtutis.

v. 99. *quae* (pars virtutis) *vincat ratione metus*. Est animi constantia et fortitudo. *quae frenet amores*, temperantia est.

v. 100 sq. Ab illa philosophiae parte, qua morum disciplina continetur, ad illam transit, quae posita est in natura contemplanda. Hac, vt antiquissima, poetae praecipue vti solent, quando philosophiae studia designare volunt. cf. Propert. III. 3. 45 sqq. Virgil. Georg. II. 475 sqq. Ovid. Met. XV. 65 sqq. Sil. Ital. XIV. 343 sqq. Stat. Silv. V. 3. 19 sqq. Theb. VI. 355 sqq. *elementa*, στοιχεῖα, principia rerum. *semper fluentis materias*. Opi-

Impuleritque choros, quo viuat machina motu;
 Sidera cur septem retro nitantur in ortus
 Obluctata polo; variisne meatibus idem
 Arbiter, an geminae conuertant aethera mentes. 105

nionem de materia perpetuo fluente Pythagorae, Thaletis et Stoicorum disciplinae tribuit Plutarch. l. c. p. 174, et Stobaeus Eclog. Physic. I. 1. *quae vis animauerit astra*. De geniis astrorum, ad quos Barthius hoc referre videtur, non cogitandum est, *animauerit* i. e. impulerit, faciatque, ut motum, quem semel nacti sunt, summa conseruent constantia, ita ut animata rationeque praedita esse videantur. cf. tamen Cic. de Nat. D. II, 21.

v. 103. *Impuleritque choros*. Chori stellis propter motum earum consonum tribuuntur. Manil. Astr. I. 669. ibi v. Scalig. Tibull. II. 1, 88. ibi Vulpium et Heyne, qui laudat Lucian. de Saltat. c. 7. cf. Valer. Flacc. V. 566. Stat. silv. III. 1, 54. Achill. I. 641. Licent. carm. ad August. v, 71 sqq. in Poet. lat. minorib. T. IV. P. II. Quae Gesnerus h. l. adfert, ad Orphicam magis disciplinam, quam ad vulgarem poetarum rationem pertinere videntur. *quo viuat motu eadem ratione dixit, qua supra animata sit, machina totius vniuersi complexus*. Sensus: quid sit id, quod totum siderum complexum

moueat. cf. Manil. Astr. II. 60 seqq.

v. 104. *Sidera cur septem cet.* Omnia corpora coelestia ab oriente ad occidentem moueri videntur praeter planetas solem et lunam, qui cum stellis, quas fixas Astronomiae periti vocant, comparati, ab occidente ad orientem cursum suum quoque flectere videntur. Cuius planetarum cursus cognitionem Eudoxum primum in Graeciam adtulisse animadvertit Scaliger ad Manil. Astr. I. 17.

v. 104. *Obluctata polo*, quum rapido motui diurno, quo coelum circumagitur, obniti videantur cf. Platon. Timaeum p. 117. T. IX. ed. Bipont. Macrobi. Somn. Scip. I. 18. Hygin. Poet. Astron. IV. 13. Plin. H. N. II. 8. Ovid. Met. II. 721 sqq. *variisque meatibus*, duobus illis contrariis motibus.

v. 105. *an geminae conuertant cet.* Virum vni an duobus auctoribus hi contrarii motus adscribendi sint? *mentes*. vox n. voc. Igitur, utrum vna an duae animae mundi cogitandae sint. cf. Heyne ad Virgil. Aen. VI. 724 sqq.

Sitne color proprius rerum, lucisne repulso
Eludant aciem; tumidos quae Luna recursus
Nutriat Oceani; quo fracta tonitrua vento;
Quid trahat imbriferas nubes; quo laxa rotentur

v. 106. *Sitne color proprius rerum.* Veterum opiniones de coloribus collegerunt Plutarch. de Placit. phil. I. 15. Stobaeus Eclog. phys. I. 17. cf. Gell. XVII. 16. Macrob. sat. VII. 14. *lucisne repulso* i. e. lumenne a solis radiis receptum remittant oculis, itaque illos illudant, ut colores rebus inesse videantur.

v. 107. 8. *tumidos quae luna recursus Nutriat Oceani.* Gesnerus optat, ut in codice aliquo legatur *qui luna*. Barthius *quae luna* interpretatur: quota hora lunari, laudatque Varron. d. L. L. VIII. p. 132. ed. Bipont. Addi potest Lucan. I. 414. qui a v. 409 sqq. plures causas fluxus atque refluxus maris iungit. Pythaeae Massaliotis opinionem affert Plutarch. de Placit. phil. III. 17. secundum quam τῇ πληρώσει τῆς σελήνης τὰς πλημμύρας, τῇ μειώσει τὰς ἀμπώτιδας, fieri existimat. Equidem puto, h. l. de simplici accessu et recessu maris a lunae cursu pendente sermonem non esse, sed poetam hoc voluisse: quo lunae tempore (*qua luna*) illi accessus maris solito maiores, quos vocamus *Springfluthen*, ac-

cidant. Hoc videtur indicare sequenti versu *nutriat*, quod interpretor: augeat. cf. Plin. H. N. II. sect. 99. vbi v. Harduin. Recentiores de hac re scriptores laudat Ruperti ad Sil. Italic. III. 58 sqq. *quo fracta tonitrua vento.* *Fracta tonitrua* Gesnerus cum fragore existentia interpretatur. *Fracta* autem ad fragores percussu iteratos modo vehementiores modo remissiores pertinet, igitur ad naturam sonitus, quem tonitru vocamus. Hoc sensu vox occurrit apud Stat. Theb. VI. 29 sq. v. Heyne ad Virgil. Georg. IV. 72. Sil. Italic. I. 532. Stat. Theb. X. 323. Illud tonitru ventis effici veteres crediderunt Lucret. VI. 123 sqq. Ovid. Met. VI. 695 sqq. et XI. 435 sq. cf. Plutarch. l. c. III. 3. Stobaeum in Eclog. phys. I. 30. qui plures veterum opiniones afferunt. *quo fracta tonitrua vento* igitur dictum, pro: quo vento tonitrua frangantur i. e. efficiantur.

v. 109. *Quid trahat imbriferas nubes.* Gesnerus existimat, poetam ratione solis habita posuisse *trahat*, ut vernacula sol dicatur nubes trahere, quando surgant va-

Grandinis; vnde rigor niuib; quae flamma per auras
 Excutiat rutilos tractus, aut fulmina velox (110
 Torqueat, aut tristem figat crinita cometen.

pores ita densi, vt videri oculis possint. Verum quum de nubium origine sermo sit, certam aliquam earum causam Nostrium respexisse probabile non est. *trahat* positum pro: contrahat. Ovid. Met. III. 299 sq. Nec proprie quaeritur, vnde nubes oriantur, verum vnde imbres. Ceterum satis notum est, etiam veteres non ignorasse, solis ardore vapores in sublimi trahi. Senec. Nat. Q. IV. 2. vers. fin. Plutarch. l. c. III. 4. Apud poetas Iris, arcus coelestis, traditur humores colligere. Lucan. IV. 79 seqq. Virgil. Georg. I. 380 sq. Tibull. l. 4. 44. ibi v. Heyne in not. et observ. quo *saxa* rotentur *Grandinis*. Sic quoque Heinio placuisse videtur pro vulgari *creentur*, quod ex interpretatione natum videri potest. Vt enim Noster *fracta* supra posuit pro: facta, vt simul naturam illius fragoris exprimeret, et post *trahat* pro: contrahat, ad tractum nimborum accommodate, sic *rotentur* h. l. scripsisse verisimile est, pro: creentur, oriantur, vt impetum, quo deferantur, exprimeret. Eandem rationem sequitur quoque in sequentibus. *saxa grandinis* augendi gratia pro: grandines. Gesnerus

laudat Columell. X. 329 sqq. cf. Senec. Nat. Q. IV. 3 sq. Stobaei Eclog. I. 44. p. 667. ed. Heeren.

v. 110. 1. *vnde rigor niuib; v. ll. cc quae flamma per auras Excutiat rutilos tractus*. Barthius igneos tractus stellarum cadentium intelligit. cf. Apollon. Rhod. III. 1376 sqq. *excutiat rutilos tractus* tunc esset ὀλκὸν ὑπ' αὐγᾶζων. Melius autem illa intelliguntur de lumine, vt vocamus, boreali. Hoc respexisse quoque praeiudicium est Seneca Nat. Q. I. 15, quum dicit: *Inter haec ponas licet, et quod frequenter in historiis legimus, coelum ardere visum; cuius nonnumquam tam sublimis ardor est, vt inter ipsa sidera videatur; nonnumquam tam humilis, vt speciem longinqui incendii praebeat.*

v. 112. *aut tristem figat crinita cometen*. Gesnerus insolitam loquendi rationem nec satis exactam putat, quam ita interpretatur: nucleum cometae densando se et coeundo format flamma illa in crines sparsa. Hoc autem nihili esse videtur. Vulgari ratione a veteribus cometae in meteoris numerabantur, vt h. l. quoque fit. Iam vero in superioribus de illis meteoris

Iam tibi compositam fundauerat ancora puppim;
Telluris iam certus eras. Fecunda placebant
Otia; nascentes ibant in secula libri. 115

Quum subito liquida cessantem vidit ab aethra
Iustitia, et tanto viduatas iudice leges.

Continuo frontem nimbo velata pudicam
Deserit Autumni portas, qua vergit in Austrum
Signifer, et noctis reparant dispendia Chelae. 120

sermo erat, quae momento temporis oriuntur et euanescent. *Cometes* autem, ut loquitur Senec. N. Q. VII. 23. *habet suam sedem, et ideo non cito expellitur, sed emittitur spatium suum, nec extinguitur sed excedit.* Ut hoc igitur innueret, *figat.* posuisse Noster videtur. cf. Plutarch. l. c. III. 2. Stobaeum in Eclog. physic. I. 29. *tristem.* Tristitia enim portendere eum credebant. Sil. Italic. I. 461 seqq. VIII. 636 sqq. ibi v. Ruperti. Lucan. I. 528 sqq. infra Nost. XXXIII. 230 sqq.

v. 113. *fundauerat ancora puppim* ut Virgil. Aen. VI. 3. H. l. ad vitam translata est similitudo rerum publicarum tempestatibus subtractam otioque et quiete compositam.

v. 114. *Telluris iam certus eras.* Si sensus est: iam certus eras, te mox ad terram peruenturum esse, frigida est similitudo et antecedentibus quodammodo repugnat. Sed ita verba capienda sunt: iam decreueras in otio semper manere, ne-

que umquam rursus te tempestatibus vitae publicae committere.

v. 115. *fecunda Otia.* Stat. Silv. I. 3. 91. *nascentes* translatum a liberis ad libros. *ibant in saecula.* cf. Drakenbr. ad Sil. Italic. III. 135. VII. 711. XII. 312. Heins. et Burmann. ad Valer. Flacc. II. 439. Schwarz. ad Plin. panegy. LV. 1. Simpliciter dictum pro: edebantur in vulgus aetatem laturi.

v. 116. *cessantem*, literis viventem sine munere publico.

v. 117. *iudice.* Burmannus coni. *vindice.*

v. 118. *nimbo.* Isidor. Orig. XIX. 30. *Nimbus fasciola transuersa ex auro assuta in linteis, quod est in fronte dominarum positum.* Heinsius pubem intelligit, ut apud Virgil. Aen. XII. 416. Hunc sequitur Gesnerus. Vterque niti potest v. 124. Sed v. 132 sq. procul iam Mallius cognoscit Iustitiae faciem. Equidem de fasciola accipere *nimbum* malo.

v. 119. 20. *Deserit Autumni portas.* cf. n. ad III. 364 sq. *et noctis reparant*

Pax auibus, quacunque volat, rabiemque frementes
Deposuerunt ferae. Laetatur terra reuerso
Numine, quod prisca post tempora perdidit auri.

Illa per occultum Ligurum se moenibus infert,
Et castos leuibus plantis ingressa Penates 125
Inuenit aethrios signantem puluere cursus,
Quos pia sollicito deprendit pollice Memphis;

dispendia chelae. *Chelae* sunt brachia scorpionis, qui apud Graecos duas duodecimae partes zodiaci, seu duo signa, obtinebat. Ovid. Met. II. 195 sqq. Heyne ad Virgil. Georg. I. 33 sq. Hygin. P. A. II. 6. Eratosthen. 7. Vel Graeci recentiores vel Romani Librae signum in altero loco collocarunt. Illae olim chelae, ut nunc Librae signum, locus est, ubi sol in aequatore ad signa australia tendens aequinoctium facit, breuioresque aestate noctes longioribus hieme compensat. cf. Lucan. IV. 58 sq.

v. 121. *Pax auibus* cet. Praesentia Iustitiae ab vniuersa rerum natura agnoscitur et quidem eius numinis indoli accommodata, animalia bruta a vi sibi inuicem inferenda abstinere.

v. 123. *prisca post tempora auri* i. e. aureo seculo elapso. Aliter Ovid. Met. I. 149 sq. Fast. I. 149. Senec. Octav. 422 sq.

v. 124. *per occultum.* Gesnerus ad nimbem, nubem obscuram, refert. v. ad v. 118 pro: occulte. *Ligurum moe-*

nibus. Barthius Mediolanum intelligit, verum ex iis, quae ad opinionem suam confirmandam profert, id tantum, ut recte Gesnerus vidit, tuto colligas, illam urbem tum caput fuisse imperii Occidentalis, quum tamen illi probandum fuisset, eam esse Liguria caput. Nec verisimile est, Theodorum, quum stauisset in secessu viuere procul a negotiis, literisque ac Musis operam dare, Mediolani fixisse sedem suam. Sequor itaque potius Gesnerum, qui Genuam, vel Intimelum vel quamcunque aliam Liguria urbem intelligit.

v. 125. *castos penates*, domum sanctam. *leuibus plantis*, ut virginis et alatae.

v. 126. *signantem puluere.* Veteres mathematici figuras suas pulueri radio inscribere solebant. v. n. ad Pers. I. 131. *aethrios cursus*, cursus planetarum, solis et lunae.

v. 127. *pia Memphis*, ἡ γὰρ ἱεὴ vocatur Orph. Argonaut. 44. Religionibus plena erat tota Aegyptus. cf. Iuvenal. XV. 13 sqq. Etiam Astronomiae imprimis dedita fuisse

Quae moueant momenta polum, quam certus in astris
Error; quis tenebras Soli causisque meantem
Defectum indicat numerus; quae linea Phoeben 130

traditur, ita, ut eius scientiae inuentrix passim vocetur. Lucan. l. 640 sq. *pollice*. Barthius nihil explicat. Gesnerus quaerit, an in radio seu circino tractando peculiaris usus fuerit pollicis? Burmannus laudat Ovid. ex Ponto. II. 3. 8. Calculum h. l. delignari certum est, hic ducebatur numeris scribendis, atque infra XLI. 2. Noster per: *pollice ducere* exprimit: scribere. Sidon. Apollin. carm. V. 119. *Ilicet explorat coelum, totamque volutis Percurrit mathesi numeris*. Cic. de Divinat. II. 6. *Solis defectiones, itemque lunae, praedicuntur in multos annos ab iis, qui siderum motus numeris prosequuntur; ea enim praedicunt, quae naturae necessitas perfectura est*. cf. loca ad v. 130 laudanda. *Sollicito* operosum calculum exprimit. Calculo quoque convenire videtur rō deprehendit.

v. 128. *Quae moueant momenta polum*. Quanam illae vires sint, quibus sphaerae planetarum moueantur. *certus in astris Error* ad planetas spectat, quorum cursus vagi quidem vulgo videntur, sed diligentius attendenti certi sunt et ad calculum reuocari possunt. cf.

Cicer. de Nat. Deor. II. 20. princip.

v. 129. *causisque meantem*, a causis naturalibus profectum. Sic Gesnerus, qui comparat III. 186. et XXI. 10.

v. 130. *indicat* defendit Heinsius laudans Minuc. Fel. c. 17., qui tamen locus nihil mihi definire videtur, et Gronov. ad Senec. Oedip. 17. cf. Burmann. ad Quintil. Declam. XIII. c. et XIX. 10. *numerus*. Dierum et horarum numerus calculo inuentus intelligendus est. *Indicat soli*. Certam calculi rationem significat, qui adeo non fallat, ut defectus solis vel a calculo pendere videatur, ita ut Astronomi, qui eius defectum praedicunt, quasi inbere solem videantur, deficere. Apud Lucan. I. 640 *numeri* vocantur *mouentes astra*. Sidon. Apollin. carm. XV. 79 sqq. *Thales hoc etiam numeris inquit et astris Defectum ut Phoebi nec non lunaeque laborem Nunciet antequam quae linea*. Illa linea intelligitur quae per terrae centrum et solis ducta in lunam incidat. Quum enim tunc luna in umbra terrae versetur, necesse est totam eam obscurari.

v. 131. *Damnet*, damno adficiat, obscuret. *excluso*

Damnet, et excluso pallentem fratre relinquat.
 Vt procul adspexit fulgentia virginis ora,
 Cognouitque Deam: vultus veneratus amicos
 Occurrit, scriptaeque notas confundit arenae.

Quum sic Diua prior: Malli, sincera bonorum 135
 Congeries, in qua veteris vestigia recti,
 Et ductos video mores meliore metallo,
 Iam satis indultum studiis, Musaeque tot annos
 Eripuere mihi. Pridem te iura reposcunt.
 Aggredere, et nostro rursum te redde labori 140
 Nec tibi sufficiat transmissae gloria vitae.
 Humanum curare genus quis terminus vnquam
 Praescripsit? Nullas recipit prudentia metas.
 Adde, quod haec multis potuit contingere sedes.
 Sed meriti tantum redeunt, actusque priores 145
 Commendat repetitus honos, virtusque reducit,

fratre, solis radiis a terra interceptis.

v. 134. *scriptaeque notas confundit arenae.* Dum occurrit, figuras arenae, humi vel in tabula sparsae, inscriptas confundit.

v. 135. 7. *sincera bonorum congeries*, in quo omnes humanae virtutes coniunctae conspiciuntur. *veteris vestigia recti.* vestigia antiquitatis morumque simplicitatis. *ductos, e re metallica.* Virgil. Aen. VII. 634. Broukh. et Vulp. ad Tibull. l. 3. 48. *mores meliore metallo* i. e. mores aureos, aurei seculi.

v. 139. *iura*, iurisdictio, iudicia.

v. 142. 3. *quis terminus vnquam praescripsit*, indixit, quousque liceat progredi. *nullas recipit pruden-*

tia metas. *Prudentia rerum publicarum* h. l. intelligitur, opposita scientiis, quae in contemplatione tantum versantur, vnde parum utilitatis ad vitam communem redundat. Haec prudentia in consulendo civium salutem nullas metas agnoscit, numquamque desinit rei publicae prospicere.

v. 144. *sedes*, munus Praefecti Praetorio.

v. 145. 6. *Sed meriti tantum redeunt* cet. Sensus: ad Praefecturam Praetorio fortuna potest multos et indignos prouehere, at bene tantum meriti aut digni ad illam redeunt, i. e. iterum fiunt Praefecti Praetorio. *actusque priores Commendat repetitus honos* i. e. et quod iterum ad illam dignitatem

Quos fortuna legit. Melius magnoque petendum
 Credis, in abstrusa rerum ratione morari?
 Scilicet illa tui patriam praecepta Platonis
 Erexere magis, quam qui responsa secutus 150
 Obruit Eoas classes, urbemque carinis
 Vexit, et arsuras Medo subduxit Athenas?
 Spartanis potuit robur praestare Lycurgus
 Matribus, et sexum leges vicere fenerae,
 Ciuibus et vetitis ignauo credere muro, 155
 Tutius obiecit nudam Lacedaemona bellis.

eneantur, probat, quaecun-
 que fecerint in priori magi-
 stratu, Principi esse probata.

v. 147. *Quos fortuna legit.*
 Heinlius laudat Nost. VIII.
 47. X. 307. Vellei. Paterc.
 II. 103. cf. Gronov. ad Liv.
 XXXIX. 52. *magnoque* sc. stu-
 dio, labore.

v. 148. *abstrusa rerum ra-
 tione*, philosophicis et ma-
 thematicis rebus.

v. 149. *Scilicet ironiae in-
 seruit. illa praecepta Plato-
 nis.* Ea quae praecepit Plato
 de optima reipublicae forma,
 de legum natura et indole et
 de aliis rebus rationi magis,
 res, ut esse debeant, spe-
 ctanti, accommodatae, quam
 consuetudini et receptis se-
 mel moribus.

v. 150. *Erexere*, opibus
 auxere. *quam qui responsa
 secutus* cet. Themistoclem
 intelligit, qui moenia lignea,
 quibus Apollinis oraculum
 Atheniensibus suavit, ut se de-
 fenderent, de nauibus callide
 interpretatus est, atque vel
 hac sagacitate patriae suae

profuit. Rem narrat prolixè
 Herodot. VII. 141 sqq.

v. 151. *Obruit eoas classes,*
 apud Salamina. Herodot. VIII.
 81 sqq. *urbemque Carinis ve-
 hunt* Herodot. l. c. 41.

v. 152. *arsuras.* Hoc vult
 poeta, Athenas seu Athenien-
 sium ciuitatem non muris et
 aedificiis, sed ciuibus et opi-
 bus, constitisse, quibus classe
 auectis, ferro Persarum et
 igni ciuitatem fuisse sub-
 ductam.

v. 153. *robur praestare i.
 e. bello fortes reddere. ma-
 tribus.* Virgines enim ex le-
 gibus et institutis Lycurgi
 iisdem fere corp oris exerci-
 tationibus utebantur, quibus
 pueri. Crag. de republ. La-
 ced. III. tab. 9. inst. 6. qui
 laudat. Propert. III. 12. 1 sqq.
 Xenoph. de rep. Lac. 4. Cic.
 Tuscul. II. 15. Plutarch. in
 Lycurg. 14 sq.

v. 154. *sexum vicere.* Exem-
 pla collegit Cragius l. c. III.
 tab. 12. inst. 11 sq.

v. 155. *ignauo muro*, qui
 milites ignauos facit. Crag.

At non Pythagorae monitus, annique silentes,
Famosum Oebalii luxum pressere Tarenti.

Quis vero insignem tanto sub principe curam
Respua? Aut quando meritis maiora patebunt 160
Praemia? Quis demens adeo, qui iungere sensus
Cum Stilichone neget? Similem quae protulit aetas
Consilio vel Marte virum? Nunc Brutus amaret
Viuiere sub regno; tali succumberet aulae
Fabricius; cuperent ipsi seruire Catones. 165

l. c. III. tab. 2. inst. 5. Liv. XXXIX. 37 ait, octingentis annis Spartam sine muris fuisse liberam, tunc muris veluti compedibus circumdatam esse a tyrannis.

v. 157. *annique silentes*. Disciplina Pythagorae omnino intelligenda est, ex qua probati atque recepti discipuli per quinquennium audire tantum debebant, quae traderentur, tacentes. Hi vocabantur ἀκουστικοί. Gell. I. 9. Verum silentii tempus non omnibus idem erat constitutum, ut apparet ex loco allato.

v. 158. *pressere* pro: oppressere. Ita saepius utitur Noster hac voce. *Oebalii Tarenti*, ab Oebalo vetere Lacedaemonis rege, Tyndari patre. Virgil. Georg. IV. 125. Sil. Italic. XII. 451. Eadem ratione *Tyndarium Tarentum* Sil. Italic. XV. 320. et *Lacedaemonium* Horat. od. III. 5. 56. vocatur. Illud oppidum a Tarante heroe conditum occupavit Phalantus Lacedaemonius cum Partheniis. v. Heyne in Excursu. XIV. ad

Virg. Aen. III. cf. Iustin. III. 4. 11. Pausan. X. 10. Serv. ad Virgil. Aen. III. 551. *luxum*, interpp. ad Iuvenal. VI. 296. unde vocatur *molle* Horat. Sermon. H. 4. 34. *imbelle* Epist. I. 7. 45.

v. 159. *insignem curam*, i. e. munus publicum, cuius administratio insignem curam postulat. *tanto sub Principe*, Honorio.

v. 161. *iungere sensus*, consilia communicare cum Stilichone et de eius sententia rem gerere. Sic bene Genserius.

v. 163. *Brutus*, Iunius, Tarquiniorum expulso. *succumberet*. Burmannus praefert *procumberet* v. eum ad Ovid. Trist. IV. 2. 1. Sed illud praestare videtur. Fabricius, quem Pyrrhus, omni ratione tentatum, mouere non potuit, ut libertatem proderet, is nunc libenter Honorii regnum toleraret. Melius etiam *succumberet* conuenit sequenti *seruiret*.

v. 165. *Catones*. Uticensem praecipue intelligit, qui sibi

Nonne vides, vt nostra soror, Clementia, tristes
 Obtundat gladios, fratresque amplexa serenos
 Assurgat Pietas, fractis vt lugeat armis
 Perfidia, et laceris morientes crinibus hydri
 Lambant inualido Furiarum vincla veneno? 170

mortem intulit ipse, ne libertati a Caesare oppressae superstes esset. cf. Stat. silv. I. 1. 27 sqq. Martial. XI. 6.

v. 166. *Clementia*. v. Calpurn. eclog. I. 59.

v. 167. *fratres*. Honorium et Arcadium. Spectant haec et quae sequuntur ad discordiam ab Eutropio inter fratres illos excitatam. Gesnerus notat, in honorum titulis ante *Feliciū et Augustorum* honores esse *Pietatem*, In numis et aliis monumentis est PP. FF. AA. Ceterum ex Symmacho, Cassiodoro aliisque satis notum est, *Pietatem*, *Serenitatem*, *Tranquillitatem* titulos in usu fuisse.

v. 169. 70. *et laceris morientes crinibus hydri Lambant inualido* cet. Capillos Furiarum anguibus innexos fuisse notum est. Aeschylum primum ita Furias in scenam produxisse notat Barthius ad Stat. Theb. I. 90. ex Pausan. I. 28. 6. *laceris crinibus* indicare videtur, Furias rabiem in semetipsas vertisse, quum vidissent, consilia sua exitum nullum habuisse, seque a Pietate esse superatas. Inde quoque *morientes* facile potest explicari. *lambant Fu-*

riarum vincla. Gesnerus sibi fingit Furias manibus post terga reuinctis et ad ipsam cernicem vel ad collare, quo vincta ipsa ceruix sit, alligatis. Hoc mihi videtur fecisse, vt hydri commodius vincla lambere possent. Quaeri potest, num poetae ipsi certa et accurata vinctarum Furiarum imago ante oculos versata sit, sed etiam si res ita se habeat, liberum tamen lectori relinquit, quamlibet aliam sibi fingere. Quod autem hydros vincla lambentes induxit, respexit, vt Gesnerus arbitratur, ad vim veneni, quod liquidum licet, erodat tamen facile metalla nostrae aquae fortis aut regiae instar. Huic rationi patrocinari videtur *inualido veneno*. Tentant quidem veneno suo vincla rodere, sed frustra, nam vim suam venena amittere. Mihi quidem vir doctissimus non persuasit. Totus locus explicari potest ex Sil. Ital. X. 293 sqq. *ceu vulnere tigris Letifero cadens tandem, proiectaque corpus Luctatur morti, et languentem pandit hiatum In vanos morsus, nec sufficientibus irae Ictibus, extrema lambit venabula lingua.*

Exsultat cum Pace Fides. Iam sidera cunctae
 Liquimus, et placidas inter discurremus vrbes.
 Nobiscum, Theodore, redi. — Subit ille loquentem
 Talibus: Agrestem dudum me, Diua, reuerti
 Cogis, et infectum longi rubigine ruris 175
 Ad tua signa vocas? Nam quae mihi cura tot annos
 Altera, quam duras sulcis mollire nouales?
 Nolle soli vires, nemori quae commoda rupes,
 Quis felix oleae tractus, quae gleba faueret
 Frugibus, aut quales tegeret vindemia colles? 180

Pro *vincla* tres scripti apud Heinium habent *colla*, quod ipse contra Barthium defendit. Prius tamen retinendum videtur.

v. 171. *Exsultat*. Heinsius mauult *exsultet*, vt a superioribus oratio dependeat; concinnius tamen prius puto. Nam vers. 166. 7. priori enunciationi alteram iunxit per enclitic. *que*, iterumque vers. 168. 9. priori alteram per *et*. Quae autem a vers. 166 per interrogationes fufius exprefserat, nunc paucis verbis complectitur, non interrogando sed affirmando. *Fides* enim respondet *non fractis ut lugeat armis* cet. *pace* autem *non ut nostra soror* cet.

v. 171. *placidas vrbes*, *pacatas*, *friedliche*. Heinsius mauult *placitas*. Prius indicat, deas iam versari inter homines aureo quasi seculo reducto.

v. 173. *Nobiscum*, vt nos e coelo rediimus. *Subit* h. l. simpliciter excipit, respondet. Gronov. Observ. II. 4. in

fin. alias insidiosè agere, fallacem sermonem alicui ingerere v. Burmann. ad Valer. Flacc. II. 556.

v. 174. *agrestem dudum*, per longum tempus operibus rusticis intentum. Poeta oblitus videtur esse eorum, quae a v. 61 tam prolixè dixerat, in quibus nulla rei rusticae sit mentio.

v. 175. *longi ruris*, in quo tamdiu versatus fuerat. *rubigine*, situ, quem ducere solet is, qui diu ab vrbis humanitate remotus est. Non desidiā cum Barthio intellexerim, sed potius rerum urbanarum insolentiam.

v. 177. *nouales*, agri, qui alternis annis vacant et renouantur. Heyne ad Virgil. Georg. I. 71.

v. 178. *Nolle soli vires*. Virgil. Georg. I. 53. Xenoph. Oecon. XVI. 2 sq. Columell. II. 2. *nemori quae commoda rupes*. *Rupes* h. l. collis est saxosus, qui neque oleis neque frugibus neque vitibus conseri potest, sed tantum

Terribiles rursus lituos veteranus adibo,
 Et desueta vetus tentabo caerula vector?
 Collectamque diu, et certis vtcunque locatam
 Sedibus, in dubium patiar deponere famam?
 Nec me, quid valeat natura fortior usus, 185
 Praeterit, aut quantum neglectae defluat arti.
 Delidis aurigae non audit verbera currus,

quercus, abietes et pineas
 fert, aliasque arbores sil-
 vestres.

v. 181. *veteranus*, emeritus, qui stipendia solita iam fecit. *Terribiles lituos*, Iuvenal. XIV. 199 sq.

v. 182. *vetus vector*, qui diu nauiculariam fecit. Ad aetatem noli referre.

v. 183. 4. *deponere* h. l. est locare, credere. Horat. od. I. 27. 17 sq. Praecedit quoque *locatam*. *patiar deponere*, impetrabo a me ut deponam; ita recte Gesnerus. Burmannus laudat Nost. supra V. 387. Ovid. Met. XIV. 466. et Nost. VIII. 3. XV. 266. et infra 276. A pecunia haec sumpta esse, verba ipsa indicare videntur, sed ita, ut *deponere* significet: committere alicuius fidei, quod illaefum et integrum olim recipias, ut pecuniam *deponere* solebant apud mensarios et argentarios; hoc non idem est, quod *ponere* pecuniam i. e. pecuniam fenore occupare seu fenori dare, quamquam Burmannus existimet, posse quoque legi *me ponere*, id enim et alium sensum haberet et alienum.

Fama enim deposita, seu certa sede *locata*, non potest comparari cum pecunia fenori data, bene autem comparatur cum pecunia fidei alicuius commissa. *vtcunque* ad *certis* pertinet, eiusque potestati aliquantulum derogat, hoc sensu: *certis*, ut quidem fieri potuit. *Fama* autem *certis* sedibus erat collocata, quatenus ipse in otio vivens ludibrio fortunae eam non amplius exponeret, ita ut rerum bene gestarum gloria male gestarum infamia non posset deleri. *in dubium deponere*, interpretor: in dubiam spem, i. e. eo, unde tibi exploratum non est, utrum eam illaefam recepturus sis nec ne.

v. 185. *quid valeat natura fortior usus*. Hoc vult Noster: indolem etiam ad aliquam rem aptam, consuetudine nimia cum aliis rebus contracta, aut vim priorem amittere, aut quandoque perire solere.

v. 186. *defluat*, egregie exprimit imminutionem paulatim factam.

v. 187. *non audit* Virgilianum esse, iam Barthius nota-

Nec manus agnoscit, quem non exercuit, arcum.
Esse sed iniustum fateor, quodcunque negatur
Iustitiae. Tu prima hominem siluestribus antris 190
Elicis, et foedo detergis secula victu.

Te propter colimus leges, animosque ferarum
Exuimus. Nitidis quisquis te sensibus hausit,
Irruet intrepidus flammis, hiberna secabit
Aequora, confertos hostes superabit inermis. 195
Ille vel Aethiopum pluuiis solabitur aestus;
Illum trans Scythiam vernus comitabitur aer.

vit. *Audire* saepe pro: parere, obtemperare ponitur. Virgil. Georg. I. 514. (vbi Heyne laudat Pindar. Pyth. H. 21.) Sil. Italic. XIV. 392 sq. Lucan. III. 514. Ovid. Met. V. 382. Quaedam ex his et plura alia iam adtulit Barthius ad Stat. Theb. V. 412. Sic ratione contraria *surdos arcus* dicit Stat. Theb. X. 864.

v. 188. *Nec manus agnoscit arcum* i. e. non summ putat arcum, dum eum non familiariter obsequentem, ut alias, sentit. *non exercuit*, diu non tractavit. cf. Burmann. ad Valer. Flacc. III. 162.

v. 189. 90. *Esse sed iniustum fateor* — *Iustitiae*, quandoquidem Iustitia nihil nisi iusta petere potest, et iusta recusare iniustum est. *Tu prima hominum* — *elicis*. Fieri hoc potuit, quando homines feri, per agros et silvas dissipati et in antris viuentes, consilio vnus aut plurius, quorum prudentiam et aequitatem agnouissent, societatem inirent, ut con-

trouersias de victu aliisque vitae necessitatibus non vi et dimicatione dirimerent, sed disceptationi illorum submitterent.

v. 191. *et foedo detergis saecula victu*. *Foedus victus* h. l. est foeda vinendi ratio ab aequitate et iustitia remota. *detergis* orate pro: purgas.

v. 192. *Te propter* i. e. tua opera. *colimus leges*, cum delectu pro: habemus leges. *animos ferarum*, feritatem.

v. 193. *Exuimus*. Heinl. mauult *exuimur*. *nitidis puris*. *quisquis te sensibus hausit* i. e. quisquis praecepta tua mente pura hausit seu accepit, eorumque semper in sentiendo dicendo agendoque memor est.

v. 194. 5. *Sensus*: omnia pericula impavidus adibit. cf. Horat. od. III. 3. 1 sqq. *Irruere* cum casu quarto iungi exemplorum nube Heinsius confirmavit.

v. 196. 7. *Sensus*: animi tranquillitas, quae viro iusto

Sic fatus, tradente Dea, suscepit habenas
Quatuor, ingenti Iuris temone refusas.

Prima Padum Tiberimque ligat, crebrisque micantem
Vrbibus Italiam; Libyas Poenosque secunda (200
Temperat; Illyrico se tertia porrigit orbi;

semper inest, nulla coeli in-
temperie turbabitur. Hanc
sententiam, ut assolet, colori-
bus exprimit oculos perstrin-
gentibus. *solabitur aestus*
Aethiopum pluuiis i. e. animi
tranquillitas vel grauissimos
Africae aestus tolerabiliores
reddet, tamquam pluuiis
fuissem mitigati. Burmannus
vitium latere putat in *plu-*
uiis, nam hoc, ait, nihil
insoliti esse, quum omnes
ibi viuentes pluuiis solentur
aestum. Coniicit itaque: *ille*
nec Aethiopum pluuiis cet.
hoc sensu: sine pluuiis etiam
aestum feret. *Illum trans*
Scythiam cet. i. e. illi hiems
extremae borealis plagae ve-
ris instar esset. Ceterum nu-
meri aequalitas in hoc et
praecedente versu non sine
venustate est.

v. 198. 9. Notum quidem
est, sub currus seu navis
immagine reipublicae admini-
strationem saepe exprimi, ve-
rum h. l. ut Gesnerus quoque
pulchre vidit, ad currum il-
lum splendidum adluditur,
quatuor equis iunctum, qui
ad insignia pertinebat Prae-
fecti Praetorio per Italiam. v. n.
ad V. 82. In notitia Orientis
p. 44. et Occidentis p. 9. tres

tantum dioeceses memoran-
tur, quarta omissa est, quae
hic occurrit, Sardiniam, Si-
ciliam, Corsicam comple-
ctens, quae h. l. inter XVII
Italiae prouincias enumeran-
tur. Gesnerus notat, hoc libi
seruasse Augustos, ut ex suo
arbitrio, vel ex reipublicae
usu aliquid in distributione
et administratione prouincia-
rum mutarent. *habeas*, im-
perium civile, munus Prae-
fecti Praetorio, atque huic
significationi aptum est *susce-*
pit, quum *habenae* non *sus-*
cipiantur sed *accipiantur*
Ovid. Met. XV. 481. *temone*
curru. *refusas*. Munus seu
magistratus vacuus describi-
tur, quem Mallius nunc
suscipit. Antecessor remotus
currum habenasque in eo ia-
centes reliquerat, quas nunc
Mallius Iustitia tradente ac-
cipit.

v. 200. *ligat*. Manet in
allegoria, etiam in sequen-
tibus *temperat*, *se porrigit*,
retentat, quorum singulis
sua est emphasis, etiamsi
omnia idem exprimant. *mi-*
cantem, distinctam.

v. 202. *Temperat*, mode-
ratur, regit.

Vltima Sardiniam, Cynnon, trifidamque retentat
 Sicaniam, et quidquid Tyrrhena tunditur vnda,
 Vel gemit Ionia. Nec te tot limina rerum, 205
 Aut tantum turbauit onus; sed vt altus Olympi
 Vertex, qui spatio ventos hiemesque relinquit,
 Perpetuum nulla temeratus nube serenum,
 Cellior exsurgit pluuiis, auditque ruentes
 Sub pedibus nimbos, et rauca tonitrua calcat: 210

v. 203. *Cynnon*. Graecis Corfica vocatur η Κύνος. *trifidamque* pro: triquetram, vnde a Graecis vocabatur Trinacria, Trinacris, a tribus promontoriis.

v. 204. *tunditur* cum delectu pro: ambitur. Heinſius laudat Catull. XI. 3 ſq. Virgil. Aen. V. 124 ſqq. Tibull. II. 4. 9 ſq. Stat. Theb. IX. 465. Intelligit autem reliquas infulas in Tyrrheno mari ſitas.

v. 205. *Vel gemit*, pari delectu ac *tunditur*; hoc enim vndarum ad litus ſe frangentium vis, illo ſonus ſaxorum ab vndis percussoꝝ vel potius mugitus maris exprimitur. Homer II. Φ . 10. Sophocl. Antigon. v. 603. Sil. Italic. XV. 156. *nec te tot limina rerum*. ſic lego cum Burmanno. *Limina tot rerum* aditus ſunt ſeu ſuſceptio tot et tantorum negotioꝝ, quae quum auſpicatus eſſet Mallius, eorumque moleſtiam ſenſiſſet, tamen animo non fractus eſt. Barthius fruſtra defendit *limina*. Heinſius exiſtimat *Nec te molimina rerum*, vt in qua-

tuor codd. inuenit, omnino legendum eſſe, laudatque Ovid. Met. XV. 578. et ex Ponto I. 2. 75. quae tamen lectio ſequentia *aut tantum turbauit onus* frigida reddit. Sensus planus eſt: nec multitudo rerum, nec earum onus ſeu difficultas, te exterruit.

v. 207. *ſpatio* h. l. altitudine. Solinus cap. 9. narrat, Olympum ſupra regionem nubium ac ventorum adeo elatum eſſe, vt literae in arae Iouis cineribus ſcriptae anno elapſo non diſſuſae reperiuntur. v. Salmaſ. ad h. l. p. 109. cf. Noſt. XXVI. 180. Idem Mela II. 2. narrat de Atho, ibi v. Voſſium. Inde Olympi imagine vtuntur poetae ad animi tranquillitatem deſcribendam v. Lucan. II. 270 ſqq. cf. Senec. de Ira. III. 6. Comparari poteſt Noſter cum Stat. Theb. II. 32 ſqq. vbi v. Barthium plura de Olympo diſputantem.

v. 209. 10. *ruentes nimbos* cf. Sil. Italic. I. 251. vbi *coeli ruina* non poteſt eſſe tonitru, ſed eſt imbris inſani amplificatio. Sed v. tamen

Sic patiens animi per tanta negotia liber
Emergit, similisque sui, iustique tenorem
Flectere non odium cogit, non gratia suadet.

Nam spretas quis opes, intactaque pectora lucro
Commemoret? Fuerint aliis haec forte decora; 215
Nulla potest laus esse tibi, quae crimina purget.
Seruat inoffensam diuina modestia vocem;
Temperiem seruant oculi, nec lumina feruor
Asperat, aut rabidas suffundit sanguine venas;

Broukh. ad Propert. I. 8. 9.
Burmann. ad Valer. Flacc. I.
663. la Cerda et Heyne ad
Virgil. Georg. I. 324. Aen. I.
119. *calcat* efficacius qui-
dem quam negligit, con-
temnit v. supra XV. 257.
sed paullo audacius ad mon-
tis cacumen translatum, quod
tonitrua contemnit. Tem-
pestates Noster, super quas
cacumen eminere dicitur, ad
radices montis depreffit.

v. 211. 12. *patiens animi*.
Burmannus manuitt *animus*.
Prius recte ex duorum codd.
auctoritate Heinlinus rece-
pisse videtur. Burmannus
laudat Ovid. ex Ponto. IV.
10. 9. Verum h. l. non de
patientia sed de temperantia
sermo est, vt ex sequentibus
liquet. *per tanta negotia li-
ber Emergit* i. e. illa tanta
negotia, quae animum varia
ratione perturbare potuis-
sent, ita perfecit, vt semper
manferit in potestate sui et
a quocunque affectu liber.
iustique tenorem, iusti cur-
sum directum semper et im-
mutatum.

v. 213. *cogit et suadet*
cum delectu et accommo-
date odio et gratiae.

v. 216. *Nulla potest laus*
esse tibi quae cet. Laus illa,
quae te a vitiis immunem
fuisse praedicat, non satis
te digna est. Gesnerus lau-
dat Horat. Art. 267. *crimina*
purget, crimina a te remo-
veat. Nihilominus tamen
pergit Noster in illo genere
laudis.

v. 217. *diuina modestia*
cf. infra 227 sqq. *vocem in-*
offensam i. e. aequabilem,
affectu aliquo graui non ex-
asperatam, sed naturalem
suum tenorem seruantem.

v. 218. *Temperiem seruant*
oculi, qui nec languidi sunt
nec scintillant. *nec lumina*
feruor asperat, incendit,
vt radios ignis emittere vi-
deantur. De ira hoc solemne
nihilque frequentius. Homer.
Il. α. 104. ο. 207. Odyss. δ.
662. Hesiod. Scut. Herc. 390.
Apollon. Rhod. I. 1296 sq.
Lucret. III. 290. Haec lauda-
vit Heyne ad Virgil. Aen.
XII. 101. et plura alia la

Nullaque mutati tempestas proditur oris. 220
 Quin etiam fontes expulsa corrigis ira,
 Et placidus delicta domas. Nec dentibus vnquam
 Instrepis horrendum, fremitu nec verbera polcis.
 Qui fruitur poena, ferus est, legumque videtur
 Vindictam praestare sibi; quum viscera felle 225
 Canduerint: ardet stimulis, ferturque nocendi
 Prodigus, ignarus causae. Diis proximus ille,
 Quem ratio, non ira, mouet; qui, facta rependens,
 Consilio punire potest. Mucrone cruento
 Se iactent alii, studeant feritate timeri, 230
 Addictoque hominum cumulent aeraria censu.

Cerda ibidem. *aut rabidas suffundit sanguine venas.* Burmannus coni. *aut rabies suffundit*, quia *feruor* huic verbo non satis apte accommodetur, et laudat Valer. Flacc. Ill. 216, vbi plura irae a poetis expressae exempla congegit, quibus addi possunt Sil. Italic. V. 279 sq. et XI. 218 sq. Verum *rabidas venas suffundit sanguine* et exquisitius et Claudiani ingenio aptius puto, quam *venas suffundit sanguine rabido* i. e. concitato. *Feruor* h. l. ira est, et *suffundit sanguine* positum pro: implet sanguine, vt os rubicundum et tumidum videatur, quale est iratorum.

v. 220. Sensus: non mutatum os tuum iram prodit, vt mutata coeli facies tempestatem.

v. 221. *expulsa ira*, sine ira.

v. 223. *Instrepis*, frendes. *verbera*, flagella. *fremitu*, vt irati solent, voce aspera.

v. 224. *fruitur poena*, qui ea infligenda delectatur, qui gaudet punire.

v. 225. *Vindictam legum praestare sibi*. Sensus: is videtur vindictam, quae legibus debetur, suis affectibus praestare i. e. non leges vindicare sed irae suae consulere. cf. Senec. d. Ira I. 16. *quum viscera felle Canduerint*. cf. Homer. Il. 2. 103 sq.

v. 226. *stimulis* sc. irae. *nocendi prodigus*, nec finem nec modum in nocendo aliis nesciens.

v. 227. *ignarus causae*. Iracundia enim prohibet, quominus causam accurate perpendat, an digna sit, ob quam tantopere irascatur et in innocentem saeuat.

v. 230. *studeant feritate timeri*. cf. Senec. de Clement. l. 24.

v. 231. *Addicto censu* i. e. publicatis bonis. *Addicere* proprie Praetoris esse, quum

**Lene fluit Nilus, sed cunctis amnibus exstat
Vtilior, nullas confessus murmure vires.**

**Acrior ac rapidus tacitas praetermeat ingens
Danubius ripas. Eadem clementia sani**

235

Gurgitis immensum diducit in ostia Gangen.

tradi iubet aut rem aut hominem alteri, notum est.

v. 232. *Lene fluit Nilus.* Virgil. Aen. IX. 30 sq. Lucan. X. 315 sqq.

v. 233. *Vtilior.* cf. Tibull. I. 7. 21 sqq. Copiose de illo flumine disputat Herodot. II. 19 seqq.

v. 234. *Acrior ac rapidus.* Haec Burmanno displicent, quum quia Danubius in clementiae exemplum h. l. profertur, tum quia *acrior, rapidus, ingens* cumulata non probat. Proponit *acrior at tractu*, quum in quibusdam scriptis, teste Heinsio, inueniatur *tractas* et *tactas*, et quidem hoc sensu: *acrior* est Danubius Nilo, sed quia *ingens* est et spatiosus, *tractu*, i. e. non *rapiens*, sed licet incitato, aequali tamen tenore labens, praetermeat ripas innoxius. Neque ego receptam lectionem defendere, meliorem tamen codd. inspecti non suppeditant. Si coniecturae locus est, legerim *Acrior at placidus*. *Acrior* sc. Nilo, *at placidus* non de toto flumine valet aut de toto eius alueo, sed de iis partibus, quae ripis proximae sunt, ubi omnia fere magna flumina lenius

aquam trahere solent. Neque de superiori parte Danubii, qua saxis et montibus coercetur, sed de inferiori, qua per camporum planitiem fluit, sermo esse videtur. Forsan hoc indicat *ingens. tacitas ripas* non bene explicat Burmannus per: quia non habent, quod querantur. Pertinet *tacitas* proprie ad aquam fluminis, quod sine murmure ripas praeterlabitur. cf. Ovid. Fast. III. 652. Lucan. X. 328 sq. Sil. Italic. IV. 350. Stat. Silv. IV. 3. 90 sq. Theb. III. 259. IV. 51. quae loca Heinsius excitauit. Recte indicat Burmannus, non ob stare Claudiano Valer. Flacc. VIII. 218 sq. ibi enim barbaras et feroces gentes ad vtramque ripam intelligendas esse. At etiam VI. 329? Minime, sed ibi de medio flumine sermo esse potest. Senec. Nat. Q. III. 27. agit procul dubio de superiori parte Danubii. Ceterum negari non potest, vni eidemque flumini naturas diuersas a diuersis poetis tribui interdum, quod multis exemplis Burmannus probavit ad Valer. Flacc. V. 180.

v. 235. 6. *Sani Gurgitis moderate fluentis.* Infaniam

Torrentes immane fremant, lassisque minentur
 Pontibus, innoluant spumoso vortice silvas.
 Pax maiora decet. Peragit tranquilla potestas,
 Quod violenta nequit, mandataque fortius vrget 240
 Imperiosa quies. Idem praedurus iniquas
 Accepisse preces: rursus, quae digna petitu,

etiam fluuiis à poetis tribui notum est ex Virgil. Georg. I. 481 seq. Eclog. IX. 43. Quint. Calab. V. 369. *diducit* sic Heinsl. quamquam in omnibus fere scriptis *deducit* legitur, quod eam ob rem Burmannus recepit, et quia, si *diducit* legatur, epith. *fani* non satis conueniat huic flumini, quandoquidem et saenus fluius vno alueo fluens, quum *diducatur* in ostia, placidior fieri debeat. Recte, rapiditas fluminis ita minuitur, verum in ostiis ipsis; *diductam* autem aquam iamque in ostiis defluentem non intelligi, indicare videtur in *ostia*. Gangen ponit Noster, vbi latissimus est, est autem latissimus, vbi in plura ostia diuiditur. Virgil. Aen. IX. 30 sq. *Ceu septem surgens sedatis amnis altus Per tacitum Ganges*. Lucan. VIII. 227. Gangen vocat *rapidum*. cf. Curt. VIII. 9. 5 sqq.

v. 237. *fremant* ab iratis ad fluuios translatum et vndas. κῦμα βοάα Homer. II. 5. 394. μεγάλη βρέμει. II. 8. 425. μεγάλη ἰχθε II. 2. 482. στόνω βρέμονται δ' ἀμφιπλήγας ἀνταί

Sophocl. Antig. v. 603. Haec et plura alia iam laudauit Rupertus ad Sil. Italic. III. 471. cf. Virgil. Aen. XI. 297 sq. Valer. Flacc. VI. 329. Lucan. IV. 102. ibi v. Ondendorp. *lassisque*, qui vix resistunt vndis vrgentibus.

v. 238. *innoluant*. Talem torrentem describit Virgil. Aen. II. 305 sqq.

v. 239. *Pax*, tranquillitas, status animi imperturbatus, si ad homines *pacem* referas. *maiora*. vt flumina alta et lata ita homines supra vulgus elatos rerumque publicarum principes. *tranquilla potestas peragit* cet. quum considerate omnia agere possit, res accurate ante perpendat, viresque suas consilio prius inito accommodate adhibeat.

v. 240. *Quod violenta nequit*, ex causis, quae prioribus, quas adtulimus, contrariae sunt. *mandata vrget*, iussa vt peragantur curat.

v. 241. *Imperiosa quies*, exactor operum tranquillus, ira non commotus. *praedurus*, difficilis.

Largiri facilis; nec, quae comitatur honores,
 Ausa tuam leuiter tentare superbia mentem.
 Frons priuata manet. Non se meruisse fatetur, 245
 Qui creuisse putat; rigidi sed plena pudoris
 Elucet grauitas fastu iucunda remoto.
 Quae non seditio, quae non insania vulgi
 Te viso lenita cadat? quae dissona ritu
 Barbaries, medii quam non reuerentia frangat? 250
 Vel quis non sitiens sermonis mella politi
 Deferat Orpheos blanda testudine cantus?

v. 243. *quae* sc. superbia. *comitatur* pro: comitari solet.

v. 245. 7. *Frons priuata manet.* non superba est vt imperantis, sed modesta vt priuati. *Qui creuisse putat* sc. se honoribus, qui existimat, dignitatem suam honoribus delatis esse auctam, (is) *fatetur, se non meruisse* sc. honores. Alii legunt *nec se meruisse fatetur, qui cet.* quos Gesnerus secutus est. Hinc alius sensus potest elici minime absurdus, *nec fate-* *tur* sc. vultu et incessu, *se meruisse* sc. honores is, *qui putat se creuisse,* honoribus auctum esse. Sed prius mihi magis placet. *rigidi pudoris.* *Rigidus pudor* idem videtur esse, quod *rigidum honestum* Lucan. II. 389. *Grauitas plena rigidi pudoris* illa est grauitas, quae ab acri pudoris sensu proficiscitur. *fastu iucunda remoto.* Heinsius praetulit *modesto,* quod Burmannus et Gesnerus retinuerunt. Heinsius il-

lud explicat: aliquid temperati mediique inter fastum et modestiam. Patrocinator huius lectioni, quod Claudianus verba, quorum potestates inter se contrariae sunt, iungere solet. Verum de eo agitur, quo grauitas illa iucunda fieri possit, non sit autem iucunda fastu modestia temperato, sed fastu omnino remoto. Ceterum cf. Sil. Italic. VIII. 610 sqq. et Saleium Bass. in carm. ad Pison. Poet. lat. min. T. IV. P. I. p. 253. v. 90 sqq.

v. 249. *Te viso cet.* Ante oculos fortasse habuit Virgil. Aen. I. 151 sq.

v. 250. *medii,* intercedentis et se interponentis. Barth. laudat Lucan. I. 100. supra V. 310. v. Ruperti ad Sil. Italic. XVI. 221.

v. 251. 2. *mella* i. e. dulcedinem. Sic Nestoris eloquentiam cum melle comparat Homer. II. 2. 249. quem imitatur Sil. Italic. XV. 455 seq. vbi v. Drakenbr. De versuum dulcedine eodem

Qualem te legimus teneri primordia mundi
Scribentem, aut partes animae per singula, talem
Cernimus, et similes agnoscit pagina mores. 255

Nec dilata tuis Augusto iudice merces
Officiis. Illumque habitum, quo iungitur aulae
Curia, qui socio procures cum principe nectit,
Quem quater ipse gerit, perfecto detulit anno,
Deposuitque suas te succedente curules. 260

verbo utitur Lucret. I. 946, qui versus iterum occurrit IV. 21. *Deferat Orpheos blanda testudine cantus.* Barthio locus suspectus est, et mauult *Deferat*. Burmannus proponit *Orphea blandos testudine cantus*, quo tamen locus mollior reddi non videtur. Optime Heinssius sensum constituit: quis Orpheos cantus non deferat auditor tui eloquii melle delinitus. Hoc sane dicere vult, Mallii eloquentiam celeberrimi cuiusque poetae cantu dulciorem esse. Cicer. de Orat. II. 8. *Qui enim cantus moderatae orationis pronuntiatione dulcior inveniri potest? quod carmen artificiosa verborum conclusionem aptius?*

v. 253. *teneri primordia mundi.* cf. supra 100 sqq.

v. 254. *aut partes animae per singula.* Burmannus edd. priores, ut ait, secutus, mutavit distinctionem *aut partes animae: per singula talem.* Vellem adiecisset, quidnam sit *partes animae?* Sed *partes animae per singula* intelligi melius potest,

est enim id, quod animae mundi peragendum est per singulas universi partes. Agitur de libro, quem Mallius de rerum natura causisque naturalibus conscripsit.

v. 255. *talem Cernimus cet.* Ait in illo libro Mallium imaginem animi sui tam accurate expressisse, ut ex illo agnosci possit tamquam ex picta tabella. Suboriri autem potest quaestio, qua ratione fieri potuerit, ut in illo libro eiusmodi argumenti mores suos exprimeret? Forsan orationis aequabilitate, placida rerum perscrutatione, aequitate in diiudicandis aliorum opinionibus cet.

v. 257. *illumque habitum,* trabeam consularem cf. Symmach. Epist. V. 10. *quo iungitur aulae Curia,* quia hunc solum magistratum Principes quoque gerere solebant.

v. 259. *quater.* Anno consulatum Mallii praecedente quartum consulatum gessit Honorius. Hoc quoque ex sequentibus liquet. *perfecto anno,* ut Mallius esset Consul ordinarius, non suffectus.

Crescite virtutes, fecundaque floreat aetas
 Ingeniis, patuit campus, certusque merenti
 Stat fauor; ornatur propriis industria donis.
 Surgite sopitae, quas obruit ambitus, artes.
 Nil licet inuidiae, Stilicho dum prospicit orbi, 265
 Sidereusque gener. Non hic violata curulis,
 Turpia non Latios incessant nomina fastos.
 Fortibus haec concessa viris, solisque gerenda
 Patribus, et Romae nunquam latura pudorem.
 Nunčia votorum celeri iam Fama volatu 270

v. 261 sqq. Mallii consula-
 tum, ait poeta, posse docere,
 suum virtuti honorem sub
 Honori imperio constare,
 illiusque viri exemplum alios
 debere excitare, ut ingenia
 exerceant, bonasque artes
 colant. *Crescite*. Multi libri
 scripti habent *crescant*, quod
 praeferunt quidam propter
 sequens *floreat*. Verum illa
 modorum variatio vel apud
 Nostrum haud infrequens
 est. cf. Burmann. ad Rutil.
 Itin. I. 155. Lucan. IV. 357.
fecundaque floreat aetas
Ingeniis. Sic Heinshius distin-
 gui iubet. Gesnerus et Bur-
 mannus cum Barthio post
aetas ponunt (:) et *ingeniis*
 ad sequentia trahunt. Per-
 peram hoc, ut equidem sen-
 tio. De *fecunda aetate* i. e.
 de prole numerosa non agi-
 tur, sed de *fecunda ingenii*
aetate. Sequitur iam argu-
 mentum, cur virtutes cre-
 scant, cur efflorescant inge-
 nia: *patuit campus*, quo
 scilicet ingenia se exerceant.
 v. 263. *propriis* i. e. suis,

quae industriae soli de-
 bentur.

v. 264. *artes*, doctrinae
 studia.

v. 265. *Stilicho* cf. infra
 XXII. 119 sqq.

v. 266. *Sidereusque gener.*
 i. e. Honorius Augustus ge-
 ner. *non hic*, in imperio
 Occidentis. *violata curulis*.
 Hoc in invidiam dictum est
 aulae Orientalis, quando-
 quidem eodem anno Eutro-
 pius eunuchus consul con-
 stitutus est Constantinopoli.
 Plura de hac re infra dicen-
 tur. Ceterum translata im-
 perii sede Roma Constanti-
 nopolim, quum duo tantum
 consules esse possent, illud
 instituit Constantinus M. ut
 unus Romae, alter Constan-
 tinopoli esset. *curulis* sc.
 sella, dignitas consularis.

v. 268. *Fortibus viris*. viri
 opponuntur eunuchis. Huc
 spectat quoque v. 269 *pa-*
tribus.

v. 270 sqq. Fama de Mallii
 consulatu diuulgata Musae
 ipsae se ad consulatus initia

Mouerat Aonios audito Consule lucos.
 Concinuit felix Helicon, fluxitque Aganippe
 Largior, et docti riserunt floribus amnes.
 Vranie redimita comas, qua saepe magistra
 Mallius igniferos radio descripserat axes, 275
 Sic alias hortata Deas: Patimurne, sorores,
 Optato procul esse die? nec limina nostri
 Consulis, et semper dilectas visimus aedes?
 Notior est Helicone domus. Gestare curules,

celebranda accingunt, praesertim Vrania, quam Mallius, astronomiae deditus, praecipue coluit, sorores exhortatur ad ludos consulares exornandos. *votorum*, eorum, quae omnes vouerant, consulatus Mallii.

v. 271. *Aonios*, supra V. 418. Musae intelligendae sunt.

v. 272. *felix Helicon*, laetus, quod Musarum cultori consulatus obtigerit. cf. 276 seq.

v. 273. *Largior*, forsan, ut largiores haustus Musis atque poetis praeberet. *docti*, qui doctos faciunt. v. ad Persii prolog. *riserunt* v. Heinss. ad Ovid. Met. XV. 205.

v. 274. *Vranie*. Ex Schol. ad Apollon. Rhod. III. 1. notum est, Vraniam astronomiae inuentricem haberi, cui arti quum Mallius praecipue studeret (v. supra 126 sqq.) non sine causa Claudianus huius Mysae partes demandauit reliquas sorores excitandi ad ludos consulares exornandos.

v. 275. *igniferos axes* v. ad I. 243. *radio* supra v. 126. cf. Heyne ad Virgil. Eclog. III. 41. et Aen. VI. 450 sq.

v. 277. *procul esse* i. e. non adesse Mallio consulatuum inuenti.

v. 279. *Notior est Helicone domus*. Hunc versum ex optimis manuscrpp. restituit Heinssius assumpta coniectura Gasparis Gevartii, qui pro *Stilichone*, ut in Mss. legebatur, *Helicone* scribendum censuit in epistola ad Heinssium (Syntagma epist. DD. VV. T. II. p. 471.). *gestare curules*. Gronov. in Diatrib. Stat. c. 36. purpureum amictum siue praetextam explicat. Recte Burmannus ait, Vraniam hic velle, se cum sororibus gestare fellam curulem humeris suis et manibus falces. cf. supra VIII. 13 seq. Eo tempore consules lectica seu *διφρα καραστέρω* gestabantur inuenum humeris. v. nott. ad Sidon. Apollin. epist. VIII. 8. et carm. II. 208.

Et fasces subiisse libet. Miracula plebi 280
 Colligite, et claris nomen celebrate theatri.
 Tu Iovis aequorei submersam fluctibus aulam
 Oratum volucres, Erato, iam perge quadrigas,
 A quibus haud vnquam palman rapturus Arion.
 Illulret Circum sonipes, quicunque superbo 285
 Perstrepit hinnitu Baetin, qui splendida potat
 Stagna Tagi, madidoque iubas adspergitur auro.

v. 280. *miracula*, quaecunque plebs supet. infra XXIV. 224 et 354. Symmach. Epist. X. 17.

v. 281. *et claris nomen celebrate theatri*. Miraculis illis colligendis spectantium et auditorum fauorem conciliate consuli, vt theatra nomine eius personent. Huc non pertinere puto Horat. od. I. 20. 3 sqq. quem locum Barthius citat. Compara XXIV. 284 seqq. Consules enim edebant ludos Circenses tanto saepe sumtu, vt amplissima patrimonia in illis consumerent. Lactant. Inst. VI. 11. 22 sq. Vopisc. in Aurel. cap. 15. Ad ea, quae his ludis erant necessaria, comparanda Vrania reliquas sorores in diuersas orbis terrarum partes mittit. *claris theatri*. Gesnerus interpretatur: resonantibus et illustribus. *Clara* autem possunt quoque esse theatra miraculis illis comparandis insignia.

v. 282. *Iovis aequorei*, Neptuni. cf. X. 176.

v. 283. *volucres quadrigas*. Ludi Circenses in ho-

norem Consu, qui deinde cum Neptuno equestri confusus est, celebrabantur. Liv. I. 9. Dionys. Halicarn. II. 31. Ipse Neptunus quoque equum produxisse dicitur. v. n. ad V. 197. Inde non mirum est, Vraniam ad Neptunum sororem mittere quadrigas petitem. cf. Coripp. in laud. Iust. I. 314 sqq.

v. 284. *Arion* v. n. ad VIII. 553. Equi generosiores et praestantiores recentiori etiam tempore suis nominibus erant insigniti. v. Hemsterh. et alios ad Lucian. Nigrin. 29. T. I. pag. 68 seq. ed. Reiz.

v. 286. *Baetin* v. supra ad XII. 31. Magna cura hi equi curules alebantur. v. Iani ad Horat. od. II. 16. 34. Optimi tunc temporis ex Hispania arcescebantur. Symmach. Epist. IV. 64. VII. 81. *splendida* propter aurum, quod deuenire flumen dicebatur.

v. 287. *madidoque iubas adspergitur auro*, dum aqua Tagi aurifera abluatur. Quid Gesnerus sibi velit nescio, dicit enim: ramenta auri potata emicant per iubas.

Calliope, liquidas Alciden posce palaestras.
 Cuncta Palaemoniis manus explorata coronis
 Adsit, et Eleo pubes laudata Tonanti. 290
 Tu iuga Taygeti, frondosaeque Maenala, Clio,
 I Triviae supplex. Non aspernata rogantem
 Amphitheatrali faueat Latonia pompae.

v. 288. *liquidas palaestras* i. e. palaestritas lubricos a perpetua unctione. Palaestritae autem apud Romanos inter seruos artifices numerabantur. Pignor. de Seruis p. 174. qui laudat Martial. VI. 39. 8 seq. Vlpian. lib. XVIII. de Vsfur. H. l. homines intelliguntur in hac arte exercitati. *Alciden*. Hercules Athletarum deus erat, unde eius aedes vulgo in amphitheatris erant exstructae. Vitruv. I. 7. Lips. Saturn. II. 13. Etiam in gymnasiis Herculis, Mercurii et Amoris statuae erant. Gladiatores rude donati arma sua figebant ad Herculis aedem Horat. Epist. I. 1. 4. Illius palaestrae, quae decentem statum motumque corpori conciliat, Mercurium αἰώνιον inuentorem fuisse narrant. Iam ad Horat. Od. I. 10. 2 sq. Claverius putare videtur, Herculis ideo mentionem esse factam, quia aedes eius in altera parte Circi Flaminii erat, laudat enim Ovid. Fast. VI. 209.

v. 289. *Cuncta Palaemoniis manus explorata coro-*

nis. i. e. omnes victores in ludis Isthmicis. *Palaemoniis*. Sisyphus, Corinthi rex, ludos Isthmicos in honorem Palaemonis seu Melicertae, quocum Ino mater metu Athamantis mariti in mare se proiecerat, instituisse traditur. Pausan. in fin. Attic. et init. Corinth. Stat. Theb. VI. 10 sqq. ibi v. Barth. *Palaemoniis* igitur *coronis* victoriae designantur in ludis Isthmicis reportatae.

v. 290. *Eleo Tonanti*, Iovi Olympio, ad cuius templum in Elide celeberrimum ludi Olympici agebantur. Omnes igitur convenire vult Vrania, quicumque in ludis Olympicis et Isthmicis roboris et dexteritatis praemia nacti essent.

v. 291. *Taygeti*. Laconiae mons *Taygetus*, *Maenala* Arcadiae, venatibus vterque sacer *Triviae*, Dianae seu Latoniae. X. 236.

v. 293. *pompae*, splendori, magnificentiae. *faueat* scil. praebendo venatores exercitatos et feras inusitatae formae et magnitudinis.

Audaces legat ipsa viros, qui colla ferarum
 Arte ligent, certoque premant venabula nisu. 295
 Ipsa truces fetus, captiuoque ducat ab antris
 Prodigia, et caedis sitientem differat arcum.
 Conueniant vrſi, magna quos mole rudentes
 Torva Lycaoniis Helice miretur ab astris;
 Perfossique ruant, populo pallente, leones, 300

v. 294. c. *qui colla ferarum Arte ligent* i. e. elidant fauces ferarum iniectis manibus aut circumiectis brachiis summa corporis agilitate, vt earum ungues dentane enitent. cf. Gronov. ad Stat. Silv. cap. 25. Barthius laudat Cassiodor. Epist. V. 41. *premant venabula* i. e. firmiter tenent manu compressa. v. Oudendorp. ad Lucan. IV. 706. Burmann. ad eundem VII. 562, qui laudat Stat. Theb. IV. 323. *certo nisu* pertinet ad statum venatoris, quo obnixus stabili gradu impetum ferae excipit, ne ab irruente prosternatur.

v. 297. *Prodigia*, genera bestiarum inuſitata ob immanitatem et formam. *differat arcum*, non vtatur arcu, ne interficiat belluas sed vinas captet.

v. 298. *rudentes*. *Rudere*, asinorum proprium, sed etiam leones rudere dici et boves monstrant loca ab Heinſio laudata ad Virgil. Georg. III. 174. Aen. VII. 16. qui illud etiam Cato tribuit Aen. VIII. 248. Burmannus existimat, hoc non conuenire

magnae moli, proponit itaque *furentes* aut *ruentes*, si versu sequenti pro *ruant* legatur *cadant* solemnii mutatione. Equidem non mutandum puto *rudentes*, *ruendo* enim conuertunt *Helicen* in se, additumque *magna mole* vim rudendi auget, quum a maioribus bestiis maior etiam sonitus edi solet.

v. 299. *Torva Helice* est Vrſa maior, celebre borealis coeli signum. Valer. Flacc. I. 18. Manil. I. 294 sqq. *Lycaoniae astrae*, sunt illae astrae in Vrſa maiore, inquam Callisto Lycaonis filia mutata est. Fabulam narrat Ovid. Met. II. 401 sqq. Quarendum igitur, quid sibi velit poeta? Hoc nempe. Distinguit Vrſam ipsam a stellis, quae locum tantum Vrſae indicant, et cum ipsa signi illius figura, quam phantasia pictam coelo collocat, praeter locum nihil habent commune.

v. 300. *Perfossique ruant*. Gesnerus explicat: vulnerati sed in furorem potius concitati a vulnere quam debilitati. Hoc facit, vt *populo*

Quales Mygdonio curru frenare Cybebe
 Optet, et Herculei malint fregisse lacerti.
 Obuia fulminei properent ad vulnera pardi
 Semine permixto geniti, quum forte leaenae
 Nobiliorem vterum viridis corruptit adulter; 305
 Hi maculis patres referunt, et robore matres.
 Quidquid monstriferis nutrit Gaetulia campis,
 Alpina quidquid tegitur niue, Gallica quidquid
 Silva timet, iaceat. Largo ditefcats arena

pallente intelligi possit. Metuere nempe ait populum, ne fera, furore ob vulnus inflictum percita, clathra opposita perrumpat. Populus autem, dum spectat, venatori timer, qui vulnus ferae infligit. *ruant* cum Burmanno interpretor: cadant, accommodata est illa vox ad magnam bestiae molem, quae corrui. cf. infra XVIII. 505. XXI. 189 et 373.

v. 301. *Mygdonio*. Teste Strabone (VII. p. 295. et XII. 575.) Mygdones snere antiqua Thraciae gens, quae Europa relicta Asiae et quidem Phrygiae partem occupavit. Inde Mygdones et Phryges saepe commutantur. *Mygdonio* igitur pro: Phrygio positum est. cf. supra XV. 119.

v. 302. *Herculei lacerti* v. ad III. 285.

v. 303. *fulminei*. *Fulminea* dicuntur a poetis, quaecunque fulminis instar cum impetu irruunt. Multa huiusce rei exempla collegit Ruperti ad Sil. Italic. I. 421.

et Gierig ad Ovid. Met. X. 550. *obuia ad vulnera* i. e. in tela obuia, vulnera factura. Sed illud magis poeticum est. v. Heyne ad Virgil. Aen. II. 529. Sic quoque Sil. Italic. I. 397. II. 91. V. 251.

v. 305. *viridis adulter*, pardus. Gratii Cyneg. 164 seqq. cf. XXIV. 345. *χλωρός*. Descriptio haec leonis non iubati ex pardo et leaena geniti, quem, vt observat Gesnerus, Constantini aetate Leopardum dicere coeperunt. cf. Plin. H. N. VIII. 15.

v. 306. *Ili maculis*. Heinsius legendum putat *Qui maculis*, quod sane explicationem molliorem facere videtur.

v. 307. *Getulia* pars Africae pro Africa ipsa. Plin. l. c. *In hac inopia aquarum ad paucos annes congregantibus so feris multiformes animalium partus. Vnde etiam vulgare Graeciae dictum, semper aliquid novi Africam adferre.*

v. 309. *ditefcats*, abundet.

Sanguine; consumant totos spectacula montes. 310

Nec molles egeant nota dulcedine ludi.

Qui laetis risum salibus mouisse facetus,

Qui nutu manibusque loquax; cui tibia flatu,

Cui plectro pulsanda chelys, qui pulpita socco

Personat, aut alte graditur maiore cothurno; 315

Et qui magna leui detrudens murmura tactu,

v. 310. *totos montes*, omnes feras in illis captas.

v. 311. *molles ludi*. Qui enim nunc recensentur Indi, opponuntur illis ludis gladiatoriiis et venationibus duris et terribilibus. *nota dulcedine*, iis, quae maxime homines tenent, quibus potissimum oblectantur.

v. 312. *Qui laetis risum cet*. Barthius minus recte pantomimos intelligit, sunt potius ludiones dicteria iacientes, et Atellanis fabulis simile aliquid agentes, quibus id tantum propositum est, ut spectatorum risus capient.

v. 313. *Qui nutu manibusque loquax*. Pantomimus describitur. v. n. ad Pers. V. 123.

v. 314. 5. *qui pulpita socco*. *Personat* cet. Comoedus et tragoedus intelligitur, quorum alter, ut notum est, soccis alter cothurnis indutus erat.

v. 316-9. Describitur instrumentum musicum, quod organon hydraulicum vocabant, nostris organis pneumaticis haud ablimile, nisi quod, ut in his per vtres

ventus compressus in fistulas compellitur, variosque sonos efficit, sic in illis per aquam machinatione aliqua ventus excitabatur. Inuentorem huius instrumenti omnes fere Ctesibium Alexandrinum, tonforis filium, nominant. Vitruv. IX. 9. Athenaeus IV. 24. Plin. H. N. VII. cap. 37. Burmannus in notis ad Petron. 36. numos profert, in quibus externa species huius organi hydraulici visitur, tibiaeque seu fistulae adparent. Hos numos erudite explicuit Ioannes Tristanus in Historia Imperatorum ex numis illustrata T. I. p. 218. Quae leguntur apud antiquos de hoc instrumento collegerunt Gesnerus in Chrestomat. Plin. 47. 12. p. 403. Wernsdorf in praefatione ad Publii Optatiani Organon. in Poet. lat. min. T. II. pag. 394sq. qui multa de hoc instrumento docte disputat. His liceat mihi pauca addere. Vitruvii descriptio huius organi hydraulici (X. 13.) perquam obscura est et manca, magisque ad organon pneumaticum pertinere videtur, quam

Innumeras voces segetis moderatur aenae,

ad hydraulicum. Nam vno tantum loco aquae mentio fit, atque ita, ut plane nescias, quem in usum adhibeatur, et quam vim habeat ad sonum efficiendum. Ventus viribus collectus in arculam ventosam (*Windlade*) compellitur, unde fistulas implet. Kircherus et Vossius (ille in *Musurgo* T. II. p. 110, hic in libello de poemat. cantu et virtute rhythmici p. 99. germanice conuerso in *Sammlung vermischter Schriften zur Beförderung der schönen Wissenschaften und freyen Künste* T. I. p. 167 sqq.) ad Vitruvii rationem delineationem huius instrumenti dederunt inter se diuersam, dum utraque Vitruvii explicationi satis accommodata videtur. Hoc inter se commune habent, quod aquam adhibent, ita tamen, ut ea etiam carere potuissent, quandoquidem eius nullus fere est usus. Uterque omnia vento peragit viribus collecto et condensato. In omnibus autem locis, quae apud veteres de hoc instrumento occurrunt, si vnum Vitruvium excipias, aquae partes maximae sunt, cuius concitatione ventus et excitatur et in fistulas compellitur. Rationem autem, qua id fieri potuerit, interpretes vel omnino non attigerunt, vel frustra in

explicanda illa laborarunt, quam tamen nisi prius ad liquidum perduxeris, in omni de organo hydraulico disputatione tempus et otium frustra consumetur. Ad hunc locum intelligendum sufficit notasse, fistulas seu cicutas, quae vento impletae sonum efficiiebant, ut in nostris organis pneumaticis, arcae, quae ventus collectus continebatur, fuisse infixas ita, ut earum epistomia pro arbitrio et claudi possent et aperiri. Claudebantur autem pinnarum seu plectrorum ope, quibus digito depressis aperiiebantur ventumque recipiebant. Haec colligi possunt ex verbis Vitruvii X. 13. *Hydraulica dicta, quod vento, qui aquae motu creatur, inflata personat. Motione vectium vehementiore spiritus frequens compressus epistomiorum aperturis influit et replet anima canales. Cum pinnae manibus tactae propellunt et reducunt continenter regulas, multiplicibus modulorum varietatibus sonantes excitant voces.* Hinc explicari potest *leni tactu* sc. digitorum, quo pinnae seu plectra depressa cicutarum epistomia aperiunt. *detrudens magna murmura.* Pseudo-Hieronymus in epistola ad Dardanum, cuius locum profert Barthius, ait, sonos illos per mille

Intonet erranti digito, penitusque trabali
 Vecte laborantes in carmina concitet vndas.
 Vel qui more auium sese iaculantur in auras, 320
 Corporaque aedificant celeri crescentia nexu;

passuum spatia et amplius audiri. Loquitur autem procul dubio de organo pneumatico. v. 317. *innumeras voces moderatur*. Sic existimo legendum, non *moderatus*, hi duo enim versus inferviunt periphrasi hydraulae i. e. artificis, qui illo organo canebat. *moderatur*, regit, *innumeras voces*, dum multiplices modorum et vocum varietates ad consilium suum et concentum accommodate elicit. *segetis aenae* fistularum seu cicutarum Publil. Org. Poet. lat. Min. T. II. p. 406. v. 41 sq. *Perque modos gradibus surget secunda sonoris Aere cauo et tereti calamis crescentibus aucta*. v. 318. *Intonet erranti digito*. Haec et numerus prioris versus egregie ad sensum pingunt leuem et plectra percurrentem digitorum motum. *penitus*. Barthius *pedibus* legit et Dempsterus in Etruria regali III. 60. notante Burmanno. Ipsi Heinio *penitus* otiosum et supernacuum videtur. Est autem hoc pro: intus positum et pertinet ad *laborantes*. Athenaeus l. c. *δυσκινούμενων ἀξόων δια τοῦ ὀργάνου* et Vitruvius l. c. ait, aquam agitari per axes torno subactos. *Pedibus* Gesnero quoque

placet, quibus, ut ait, *vr-gendo aquae receptacula aut folles adeo sibi ministrare aëra ipse organoedus in minoribus organis potest*. Sed, quum *vecte trabali* aqua concitaretur, necesse est hac ratione, ut ipsum vectem pedibus moueret. Verum, quum tota machinae ratio, praesertim quae ad aquam concitandam pertineret, ut venti moti et compressi tantacum vehementia per epistomia in fistulas irrumperent, ignoretur, pro certo nihil disputari potest. v. 319. *laborantes vndas*, vecte motas, in carmina concitet, faciat ut pellatur ventus aquis motis in fistulas seu cicutas.

v. 320. Gesnerus petauristas intelligit cf. Manil. Astron. V. 438 sq. et interpp. ad Iuvenal. XIV. 26; seqq. Barthius saltatores et funambulos, laudatque Aduers. V. 19. Verum *iaculantur* (sic enim lego pro: *iaculentur*) non tam de iis, qui petauro rapiuntur, aut per funes tensores incedunt, quam de salientibus, vel saltu vehementi in sublime se iaculantibus, dici potest. Videtur quoque ad sequentia pertinere.

v. 321. *Corporaque aedificant* (alii *aedificent*): Ges-

Quorum compositam puer amentatus in arcem
Emicet, et, vinctus plantae vel cruribus haerens,
Pendula librato figat vestigia saltu.

nerus pegmata intelligit fortasse Senec. epist. 88. inductus, quem locum iam Claverius innuit. Sed pegmatis mentio sit infra 325 sq. Intelligo homines mira dexteritate alios super alios salientes, pedibusque humeris aliorum insistentes, ut vel trianguli vel pyramidis figuram referant, in cuius apicem, quae h. l. *arx* vocetur, puer euadat. Ita hunc locum inuenio iam a Scaligero explicatum ad Manil. V. 439. p. 405. quem Burmannus secutus esse videtur cf. Barth. h. l. et Bulengerum de Theatro l. 36. Thesaur. antiq. Roman. IX. p. 895. *celeri nexu brachiorum* fortasse, quae conferebant, ut totum corporum aedificium veluti compagibus vinctis cohaereret.

v. 322. *puer amentatus*. *Amentum* proprie lorum est hastarum et iaculorum, cuius ope maiori cum vi vibrabantur. cf. Lips. Poliorc. IV. 5. Barth. ad Stat. Theb. IV. 153. Inde *amentare* interdum ponitur pro: accelerare Sil. Italic. XIV. 422. et IX. 108 seqq. et *amentatus* potest esse acceleratus. Gesnerus interpretatur: puer qui, ut hasta amenti ope torquetur, ita ipse funibus quibusdam e lecta equina vel

alioquin tennibus et visum facile fugientibus, subito raptatur in altum, ut saltum fecisse aut volare videatur. Nititur Iuvenal. IV. 122. *Amentatus* potest quoque esse petauro excussus, quo saltus pueri adinuebatur. Ad liquidum res vix perducī poterit, quum machinae illae ipsaeque artes nobis plane incognitae sint, lubricumque sit, ex iis, quae nunc videntur, illa vetera velle explicare. *compositam in arcem*. in apicem aedificii ab hominibus aliis aliorum humeris insistentibus constructi.

v. 323. *Emicet, et vinctus plantae* cet. Hunc versum omnes, quos inspicere potui, interpretes, obscurum esse fatentur et corruptum. Gesnerus quidem confirmat, se pulchre versum intelligere, si legi liceat: *vinctu*. Narrat enim se vidisse mulierem funambulam casum ad spectantium terrorem simulantem, sed sudarii nodo alteri popliti alligato, cui vinctus e metallo innexus forte fuisset, funi adhaerescens. Quod, quamquam per se probari possit, huic loco convenire non videtur. Primum enim *vel cruribus* explicatio sit frigidissima, deinde nihil est, quod funambuli

Mobile ponderibus descendat pegma reductis, 325

mentionem nobis faciat. Burmannus proponit et *vinclis plantae vel cruribus haerens* eodem sensu, quem Gesnerus constituit. Intelligit nempe funambulū non per funem extantum ambulātem, sed in fune ex vtraque parte suspenso et laxiore varios motus et saltus dantem, et in hunc funem non per scalas sed per arcem illam corporibus aedificatam enitentem. Totus versus mihi suspectus est, quum, quia, quomodocunque eum interpreteris medicina critica liberius etiam adhibita, sensum languidiorem efficit, tum quia, reiecto illo, non solum nihil ad plenam sententiam desideratur, sed etiam totus locus pulcherri-
mus fit. *Quorum compositam puer amentatus in arcem Pendula librato figat vestigia saltu. Saltu figat vestigia* ornatē pro: iniliat. *pendula*, suspensa, ut sunt eorum, qui in tenui fastigio alterutro pede nitentes per aequilibrium se sustinent. *librato* vel ipsum libramētum seu aequilibrium notat, vel explicat prius *amentatus*, ut *saltu librato* sit: saltu petauro adiuto. Versus hic, qui mihi suspectus videtur, vestigia seruat fontis, vnde fortasse natus est, nempe ex interpreta-

tione τοῦ *amentatus* et τοῦ *saltu figat vestigia*.

v. 325. *Mobile descendat pegma*. Pegmatis propriam vim cognosces ex Gesneri thesauro. Hoc loco ea pegmata intelliguntur, quorum vsus erat in theatris. Atque hae videntur fuisse contignationes seu contabulationes diuersissima ratione sed semper certo consilio compositae, ut similitudinem alicuius rei referrent vel montis, vel aedificii, vel turris cet. machinis quibusdam instructae. quarum ope sponte in sublime crescerent, aut subito desiderent aut in aliam formam ex inopinato mutarentur. Equidem arbitror, illa aut eadem fuisse aut saltem similia nostris machinationibus in canticis theatralibus (vulgo *Opern*). Quamobrem ii egregie falluntur, qui omnia veterum scriptorum loca, in quibus pegmatis mentio fit, ad certam rationem reuocare student cf. Bulenger. de Theatro l. 36. de Venatione 34. Lips. de Amphitheatro c. 22. v. T. IX. Thesaur. antiq. Rom. et praeterea Scallig. ad Manil. V. 439 seqq. Ex illis tamen compilationibus ad rei, de qua agitur, naturam accuratius cognoscendam parum aut nihil disci potest. Locus classicus

Inque chori speciem spargentes ardua flammæ
 Scena rotet. Varios effingat Mulciber orbes
 Per tabulas impune vagus, pictæque citato
 Ludant igne trabes, et non permilla morari

est Senec. epist. 89. vbi de genere vniverso pegmatum sermo est. Relictis virorum doctorum de hac re disputationibus videamus potius, quid ex verbis Claudiani possit elici. *Pegma* vocatur *mobile*, quia machinatione aliqua spectatoribus occulta et moueri et mutari poterat. Vna ratio, qua id fieri potuerit, suppeditatur *reductis ponderibus*, quibus sublati (*reductis*) necesse erat pegma descendere. Pro *descendat* mauult Heinſius *discedat*, probat etiam Lipsii lectionem *desidat* (de Amphith. c. 22. in Thesaur. A. R. T. IX. p. 1316. Lipsius proponit *desedit*) Causam tamen nullam video, cur a recepta lectione recedas.

v. 126. 7. *Scena ardua rotet flammæ spargentes in chori speciem. Scena ardua* ad ipsum pegma pertinere videtur. Pegma h. l. aedificium videtur fuisse turribus ornatum, quod subito, quasi terræ motu, desederit, flammisque ex hiatu erumpentibus innotuit sit. Flammæ autem circulis impositæ ex oleis aut spiritibus accensis erant, qui circuli, quum rapide torquerentur, flamma vbique per tabulata serpere

videbatur, ligna tamen accendere non poterat, quia rotatione ipsa auocabatur, vt eius apices semper extrorsum necessario vergerent, spectatoribus autem ardentis aedificii speciem præberent. Ardentium circulorum mentio fit apud Manil. V. 437. et Petron. 53. Magna cautio adhibenda erat, ne pegma aut tota scena conflagraret Vopisc. in Carino c. 19. *spargentes* sc. se. absolute h. l. vt sæpe transitua apud poetas intransitiue adhibentur. Heinſio illud h. l. non placuit, proponitque *parcentes* monente Gronovio vt notat Burmannus v. Syllog. epist. VV. DD. T. III. epist. 161. Negari nequit, et sic poetam scribere potuisse. Burmannus negat, *ardua* cum *scena* iungendum esse, et quia non habet præterea, quo illud referat, corrigit *arida*, iungitque *parcentes arida*. Quæ mutatio mihi quidem frigida videtur. *in chori speciem* rotationem pingit. *varios orbes*, Fuerunt itaque plures circuli ardentes.

v. 328. *impune* h. l. actiue.

v. 329. *Ludant igne trabes*, dum adpetuntur flammis sed non accenduntur.

E c

Fida per innocuas errent incendia turre. 330
 Lasciuae subito conflagrant aequore lembi,
 Stagnaque remigibus spument immissa canoris.

Consul per populos, idemque grauiissimus auctor
 Eloquii, duplici vita subnixus in aeuum
 Procedat, libris pariter fastisque legendus. 335
 Accipiat patris exemplum, tribuatque nepoti

v. 330. *fida incendia*, quae, quod ab iis exspectauerant pegmatis artifices, tabulatis parcant. *innocuas* h. l. passue.

v. 331. 2. Describitur navale proclium non in lacu manu facto, quem Naumachiam vocabant, sed in amphitheatro aquis subito immixtis. Huiusmodi pugnas navales et Nero et Domitianus edidisse dicuntur Xiphilin. LXVII. pag. 762 D. etiam Titus Xiphilin. LXVI. p. 757 B. cf. Onuphr. Panvin. de ludis Circens. II. 11. T. IX. antiq. Rom. *lambi*, parvi nauigii genus, dicuntur *lasciuae* ob agiles motus, quibus inuicem se adpetebant. Ludebant enim proelia. Ovid. Trist. II. 330. *subito aequore* sequenti versu explicatur per *stagna immixta*. cf. Burmann. ad Valer. Flacc. III. 101. *remigibus canoris*, qui ad cantus rhythmum aquam remis pulsabant. *immixta* contra Barthii lectionem *euerfa* non tam exemplis ab Heinio adlatis defenditur, quam ex ratione Claudiana fere perpetua, qua semel dicta alio

modo enunciata repetere solet, ut posterius explanationi prioris inferuiat. ut infra 335.

v. 333 - 5. Ordo verborum: *Consul idemque grauiissimus auctor eloquii subnixus duplici vita in aeuum procedat*. Duplici ratione praedicat Mallii immortalitatem, primum: fasti consulis nomen posteris tradent, deinde: scripta ob praestantiam numquam interitura nomen eius propagabunt. *grauiissimus auctor eloquii* ad vniuersum eloquentiae genus pertinet, praecipueque eam eloquentiam spectat, quam in scriptis explicauit Mallius. *subnixus duplici vita*. *Subnixus* idem interdum est, quod fretus, saltem hanc mihi vim videtur habere apud Virgil. Aen. III. 401. *Parna Philoctetae subnixa Petelia muro*. Recte Burmannus sub *duplici vita* et priuatam vitam intelligit literis et studiis dicatam et publicam in honoribus actam, vtrique Mallius immortalitate se commendauit. *per populos* idem puto esse, quam id,

Filius, et coeptis ne desit fascibus heres.
 Decurrat trabeata domus, tradatque secures
 Mutua posteritas, seruatoque ordine fati
 Mallia continuo numeretur Consule proles. 340

quo utitur Virgil. Georg. III. 9. *per ora virum volitare*. Indicat gloriam Mallii omnibus populis notam. *Pro procedat*, si libri scripti concederent, mallet *procedit*, de immortalitate Mallii certa sermo esse debet, non de ea, quam poeta et vota publica ei adprecantur. *in aeuum* v. quae collegit Ruperti ad Sil. Italic. II. 511. Prudent. in Symmach. I. 153. et II. 167. *aeuum* saepe aeternitatem significat. Symmach. Epist. IX. 104. *libris pariter fastisque legendus*, cf. not. ad v. 332.

v. 337. *coeptis fascibus* significat consularem dignitatem genti a Mallio Theodoro primo illatam.

v. 338. *Decurrat trabeata domus*. *Decurrere* de tem-

pore et de eius partibus, aetate cet. dicitur. Sil. Italic. XV. 47. Prudent. Cathemer. II. 101, simulque continuitatem motus indicat. H. l. translatum est ad id, quod cum tempore procedit, ad domum Mallii. Sensus: consularis dignitas domo tuae perpetua sit.

v. 339. *mutua pro: mutuo*, per vices. *seruato ordine fati* vt filii succedant patribus, ita patres semper tradant consulatum filiis. v. Heins. et Burmann. ad Ovid. Heroid. I. 101. illud enim indicat *seruato ordine fati*.

v. 340. Explicatio prioris est totū *Decurrat trabeata domus. perpetuo consule* ita vt in serie cognationis descendente neminem consulatus praetereat.

XVIII.

CL. CLAUDIANI
IN EVTROPIVM
LIBER I.

ARGVMENTVM.

Eutropium, incipit poeta, monstrum esse omnibus diris et portentis maius. v. 1—8. Pontifices explorent, quam rerum conuersionem portendat consul eunuchus, quibus piaculis monstrum procuretur? Sanguine ipsius consulis opus esse. v. 9—23. Fortunam accusat, quae tam atrociter rebus humanis illudat. Quod si seruum consulem facere decreuisset, virum saltem dare debuisset, vnius domini seruum. v. 24—31. Eutropii dominos innumerabiles fuisse, quum eos, dum vendi posset, frequenter mutarit, quumque emtores pretii semper poenituerit; aetate confectum atque obsoletum, quum vendi amplius nequiret, dono inuitis esse obtrusum. v. 32—41. Malo reipublicae Eutropius puer paruulus exsectus est, etenim si vir mansisset, adhuc seruiret. v. 42—57. Venditus tunc libidini inseruit Ptolemaei militis, qui fastidium tandem grauiterque de sorte sua querentem Arinthaeo donat. v. 58—77. Flore aetatis amisso leno fit callidissimus atque in corrumpeendis vxoribus exercitissimus. v. 78—89. Nihilominus tamen saepe saeuitiam domini expertus genero eius nutritor puellae datur, cui diu eunuchi officia praestat. v. 90—109. Rugis tandem obsitus, foedus adpectu et ad quaecunque ministeria ineptus, ut canis scabiosus a pastore, domo extrusus libertatem nactus est. v. 110—137. Ab omnibus deinde neglectus variis artibus fortunaque adiuuante perfecit, ut inter famulos Palatii reciperetur. v. 138—150. Cuius primo conseruos produxit, is tandem ad summos honores peruenit Orientis imperii extitio. v. 151—156. Verum enim vero malum consilium auctori semper nocet; hoc Busiris, hoc tauri Siculi tyranni artifex testatur, hoc confirmat Eutropius eos opprimens, a quibus promotus est. v. 157—180. Humili loco natus, quando imperio potitur, saeuire solet; terribilior seruus est, quum imperat; eunuchus quando rerum summae praest, omnes crudelitate longo superat. v. 181—191. Libidine exstincta auaritia vigere coepit, omniaque eunuchis erant venalia v. 192—209. quasi omnes terrae imperio Romano idcirco fuissent subiectae, ut auri cupiditatem eunuchi explerent. v. 210—221. Nullum tamen in usum opes cumulabantur, nemoque fortunae Eutropii inuidebat. v. 222—228. Iudiciis quoque praesuit, res militares tractauit, indeque factum est, ut imperium Orientale barbaris in contemptum veniret. v. 229—251. Quasi victor cum exer-

citu redire voce muliebriter fracta res gestas exponit, fassusque, se non amplius parem esse oneri ferendo, cedereque se velle inuidias, consulatum petit obtinetque, quum ministeriis muliebribus aptior fuisset aut Cybeles sacerdotio. v. 252—286. Nihil fere potest excogitari tam mirabile aut foedum, cuius exempla non existent; numquam autem spado aut dux belli aut consul fuit. v. 287—299. Iam ridet poeta nouum consulem insignia dignitatis suae induentem, solenni pompa prodeuntem, verbaque, ut moris erat, publice facientem. v. 300—316. Sed inuitis diis haec fiunt. Indignum quidem muliobre imperium, tamen quodammodo ferendum, nihil minus autem tolerandum esse, quam eunuchum imperantem. v. 317—345. Nuncio rumori, Eutropium consulem esse factum, fides omnino abrogatur. v. 346—357. Quidam facetiores rem in iocum vertunt. v. 358—370. Quae quum explorata esset et certa, Roma dea ad Stilichonem tendit et Honorium Germanis iura dantes, quorum adspectu, quamquam dolore tristis venerat, exhilarata repente utrumque compellat. v. 371—390. Gratam se agnoscere imperium suum ab illis auctum. Eorum virtute perfectum esse, ut retentis a Gildone nauibus frumentariis Italia fame non laborauerit, damnaque illa transalpinis messibus esse compensata v. 391—411. Sed Eutropium factum esse consulem, eunuchum, gemmarum vestiumque alias custodem, qualis numquam res militares tractauerit, cui nemo nauem regendam traderet. Precatur deinde, ne Italia consulem illum agnoscat. Scilicet id egisse eos, quorum ductu et auspiciis res Romana creuerit, ut Eutropio dignitas consularis pararetur. v. 412—439. Indignatione abrepta omnes fere consules priores ex inferis nominatim excitat, ut illam seeditatem intueantur. v. 450—465. Omnes deinde eunuchos hortatur, ut comitentur Eutropium, et Senatorum munia occupent. Omnibus prioribus consulibus iniuriam fieri, pergit, istum Eutropium fastos consulares esse inquinatum. v. 466—484. Quin ignominiam illam ad Imperatorem quoque pertinere, quia consulatus unicus sit magistratus, quem Principes obire soleant, quare non patiatur Honorius illam dignitatem pollui. v. 485—493. Hoc consule rerum naturam plane inuerti. v. 494—499. Conuertit se tandem Roma ad Stilichonem, eumque ad vindicandum Eutropium adhortatur. v. 500—513.

Semiferos partus, metuendaque pignora matri,

COMMENTARIUS.

v. 1. Quaecunque praeter consuetudinem et ita accidissent, ut ex notis naturae rationibus explicari posse non viderentur, ea rudis vetustas diuinitus esse missa credebatur ad iram deorum seu calamitatem aliquam futuram denunciandam, eaeque res

prodigia, monstra aut portenta dicebantur. Cic. de Nat. Deor. II. 3. Sensus: multa monstra et prodigia semper obseruata sunt, sed portentum maxime dirum est consul spado. Inter portenta ea recenset poeta, quae gravissima habebantur, et quae

Moenibus et mediis auditum nocte luporum
 Murmur, et attonito pecudes pastore locutas,
 Et lapidum diras hiemes, nimboque minacem
 Sanguineo rubuisse Iovem, puteosque cruore 5

maximae calamitates ex pontificum observationibus sententiae fuerant. cf. Ovid. Met. XV. 782 sqq. *Semiferos partus*. Etiam Livius horum monstrorum, quae accurate forsan notata in pontificum annalibus inuenerat, mentionem saepe facit cf. Lucret. II. 699 sqq. Liv. XXVII. 4 et 11. Plin. HN. VII. sect. 3. *metuendaque pignora matri* Lucan. I. 262 sq. Iul. Obseq. c. 38. Hi partus monstri publicis ceremoniis expiabantur, quum semper futuram calamitatem portendere crederentur.

v. 2. Lupos in vrbe visos inter prodigia habitum. Liv. III. 29. XXXIII. 12. XLI. 9. Dempst. laudat Virgil. Georg. I. 486. Lucan. I. 559 sq. Sil. Italic. VIII. 640 sq. XIII. 130. De his atque reliquis prodigiis egregie disputavit Heyne in Opusc. Vol. III. prolus. 11. et 14.

v. 3. *et adtonito pecudes pastore locutas*. Liv. III. 10. Valer. Max. I. 6. c. Saepius id accidisse leges apud Plin. H.N. VIII. cap. 45. cf. Virgil. Georg. I. 478. Tibull. II. 5. 78.

v. 4. 5. *Et lapidum diras hiemes*. Tibull. l. c. 72. Iuvenal. XIII. 67. cf. Liv. I. 31. II. 28. XXV. 7. XXVII. 37.

Plinius (H.N. II. 39.) existimat illos lapides a vento vehementi raptos fuisse in sublime. Quaestio illa de ortu et natura lapidum ex aëre quandoque cadentium et nuper eruditos vehementer exercuit, quorum quidam in aëre illos generatos esse contendunt, quidam eo progressi sunt, ut montium Lunarum eruptionibus magna cum vehementia expulsos in terram nostram delatos esse arbitrentur. *nimboque Sanguineo rubuisse Iovem*. Putant Claudianum ante oculos habuisse Petron. 121. *Sanguineoque repens descendit Iupiter imbre*. Iovem pro aëre saepe poni, observavit iam Barth. ad Stat. Theb. II. 154. *Sanguineo imbre*. Inter prodigia saepe apud Livium nuntiatur: *sanguine pluuisse* e. g. XXIV. 10. Id quod iam apud antiquissimos cladis signum erat Homer. II. λ. 52 sqq. cf. Ovid. Met. XV. 788. Hoc interdum accidere scimus, quando particulae e rubro solo vehementi vento in altum elatae et humore in aëre mistae rursus decidunt v. Koeppen ad Homer. l. c. Heyne in Opusc. l. c. Cic. de Divinat. II. 27. *Sanguinem pluuisse Senatui nunciatum*

Mutatos, visasque polo concurrere lunas,
Et geminos soles mirari desinat orbis.
Omnia cesserunt, eunucho Consule, monstra.

Heu terrae coelique pudor! Trabeata per vrbes
Ostentatur anus, titulumque effeminat anni. 10
Pandite, Pontifices, Cumanae carmina vatis,

est, atratum etiam fluuium fluxisse sanguine; decorum sudasse simulacra; num censes his nunciis Thalen aut Anaxagoram, aut quemquam physicum crediturum fuisse? nec enim sanguis, nec sudor, nisi e corpore est. Sed et decoloratio quaedam ex aliqua contagione terrena maxime potest sanguinis similis esse, et humor allapsus extrinsecus, ut in tectoriis videmus ausiro, sudorem imitari. puteosque cruore cet. Lacus et fluuios sanguine manasse obuium est apud veteres; de puteo v. Virgil. Georg. I. 485.

v. 6. visasque polo concurrere lunas. Liv. XX. 1. Plin. H. N. II. sect. 31. 32. Quid veteres physici hac de re statuerint, leges apud Aristotel. Meteorol. III. 2. et 6. Senec. Quaest. N. I. 11. Nunc scimus, paraselenas probabili ratione inde oriri, quando radii lunae ab humoribus gelatis in aëre volitantibus, ceu speculo, excepti reflectuntur. v. plura in: Vollständiger und faßlicher Unterricht in der Naturlehre von Hube T. III. p. 429 sqq. Leip. 1801.

v. 7. geminos soles. Liv. XXIX. 14. XLI. 21. Plin. l. c.

et quae supra laudata sunt. mirari desinat orbis, non amplius mirentur homines.

v. 8. eunucho consule abl. pro dat. Barthius inter alia laudat Propert. III. 4. 24. Gesnerus Voss. de Anal. II. 10 pr. Possunt esse ablat. absol. per Syllepsin v. Corte ad Sallust. Iugurth. LXIII. 1. Faciliorem explicandi rationem Gesnerus iniit: quum consul esset factus Eutropius spado, reliqua portenta pudore velut cesserunt, quippe quae prae isto nulla essent habenda.

v. 9. Heu terrae coelique pudor. v. supra ad VII. 65. Efficacius hoc pro: deos et homines pudeat tantam rei foeditatem non remouisse, aut curasse, ne existeret. trabeata, consularibus insignibus induta, v. supra ad VIII. 640.

v. 10. anus de vetulo et rugoso spadone, cui nihil inest virilis vigoris. Sic quoque infra v. 240. titulumque effeminat anni. Anni titulus erat nomina consulum, effeminatur itaque Eutropii spadonis nominae.

v. 11 sq. Quasi de illo diro portento sollicitus subito se ad pontifices et haruspices

Fulmineos sollers Etruria consulat ignes,
 Immersumque nefas fibris exploret haruspex.
 Quae noua portendunt Superi! Nilusne meatu
 Deuius, et nostri tentat iam transfuga mundi 15
 Se rubro miscere mari? Ruptone Niphate
 Rursum barbaricis Oriens vastabitur armis?

conuertit, vt explorent, quae calamitas immineat, et qua ratione ira deum auerti queat. *Cumanae vatis* supra VIII. 147. *Pontifices* laxiori sensu intelligendi sunt, pro quindecimuiris sacrorum, v. Guther. de lure pontif. I. 5. Gell. I. 19.

v. 12. *Fulmineos ignes.* Auguria ex fulguribus intelligit. Cic. de Divin. II. 18 sqq. Senec. Nat. Q. II. 39 seq. Quae interpretes, imprimis Dempsterus de fulguritis aut de fulminibus condendis habent, huc non pertinere videntur. Ceterum *sollers Etruria* vocatur, quia haec ars ab Etruscis ad Romanos venerat. Cic. de Divin. I. 42.

v. 13. *Immersumque nefas fibris.* Ex victimarum extis futura praeuidebant Haruspices signis certis. cf. Tibull. II. 5. 13 sq. Ovid. Met. XV. 136 sq. Senec. Thyest. 157. *Nefas* rem diram saepe significat et abominandam, quae praeter naturam accidit. Virgil. Aen. VII. 73. h. l. est infortunium seu calamitas, quam exta futuram indicant. Sic somnium mali ominis *nefas* vocatur Stat. Theb. IX. 602. cf. Barth. ad eundem X. 542.

Miror sane, Barthium *nefas* ad eunuchum trahere. Vocatur autem *immersum*, quia latent signa illius futurae calamitatis in extorum *fibris* i. e. in partibus iecoris et pulmonum. Comparandus est Lucan. I. 616 sqq. praecipue v. 627 sq.

v. 14. 5. 7. *meatu Deuius* simpliciter pro: cursu mutato. *nostri mundi.* Eas orbis terrarum partes intelligit, quae imperio Romano erant subiectae, quas iis opponit, quae trans aequatorem versus austrum sitae sunt. *rubro mari.* cf. XV. 454. Loquitur de immutatione totius fluminis, vt Nilus non amplius in mare internum seu mediterraneum decurrat, sed retro actus in orientalem oceanum deferatur. *tentat.* Iniuria quaedam in hac voce latet, vt Barthius recte existimat, et melius itaque *transfuga* conuenit, quam *tendat*, cuius elegantiam multis exemplis illustrat Heinss. *rupto* pro: perrupto. v. V. 389. *Niphates* mons ad Armeniam et terminos Persici imperii designandos a poetis adhiberi solet. Sinum Persidis, vt tunc erat, descri-

An morbi ventura lues? an nulla colono
 Responsura seges? Quae tantas expiet iras
 Victima? quo diras iugulo placabimus aras? 20
 Consule lustrandi fasces, ipsoque litandum
 Prodigio; quodcunque parant hoc omine fata,

bit accurate Ammian. Marcellin. XXII. 6. *Oriens*, provinciae Romanae ad orientem solem. Partes autem Orientalis imperii posuit, quia in hoc Eutropius esset consul factus, portentumque ad Occidentale imperium nihil pertineret.

v. 18. *morbi lues*, morbus exitiosus. *Lues* enim, ut *pestis*, saepe pro exitio, calamitate, infortunio quocunque ponitur.

v. 19. *Responsura*. Agri *respondere* dicuntur, qui parent, aut ad vota agriculturalium se accommodant. Virgil. Georg. I. 47. et sic saepius praesertim apud Columellam. *iras* sc. deorum, qui illo portento nullo numina sua gravissime offensa esse ostenderant.

v. 20. *quo iugulo*, quo sanguine, qua victima. Iugulum enim locus erat, qui cultro petebatur, quando mactabatur victima, inde iugulari saepe de victimis adhibetur. Virgil. Aen. XI. 199. XII. 214. *aras placabimus*, deos placabimus, Burmann. ad Ovid. Met. XV. 574. *diras* Burmannus: quia sanguine debebant placari humano. Audirem, si

iam constaret, illud portentum sacrificio humano esse procurandum, aut omnino humana sacrificia in usu fuisse apud Romanos. Rectius igitur *dirae arae* sunt deorum, portentis dira minitantium. Hanc quoque credo fuisse Barthii mentem. Codex Delrii vetus habuit *divum* pro: *diras*, quae lectio utique gratiorem auribus versum reddit.

v. 21. *Consule lustrandi fasces*. In epistola Arcadii ad Praefectum Praetorio, quae exstat in Cod. Theodos. lib. IX. tit. 40. l. 17. haec verba leguntur: *quod diuinum praemium consulatus lutulentum prodigium* (Eutropius) *contagione foedavit*. Fasces polluti erant a consule spadone, eius sanguine erant lustrandi. *litandum*, ita sacrificandum, ut diis acceptum sit sacrificium, aut iis omnino satisfiat.

v. 22. *quodcunque parant hoc omine fata*. *Fata* dicuntur *parare* aliquid, quum triste aliquid minitantur, ut apud Lucan. VI. 783. Sic bene Burmannus. Sed *parare* plus est quam *minari*. *Fata* iam cogitantur occupata esse in malis illis, quae

Eutropius ceruice luat. Sic omnia volvis?
 Hoc regni, Fortuna, tenes? Quaenam ista iocandi
 Saeuitia? Humanis quantum bacchabere rebus? 25
 Si tibi seruili placuit foedare curules
 Crimine: procedat laxata compede Consul;
 Rupta Quirinales fumant ergastula cinctus.

missura sint. Horat. od. III. 5. 49 sq. Plura v. apud Burmann. ad Petron. 20. et Phaedr. II. 4. Apud Virgil. Aen. II. 121. *fata* forsitan haud absurde accipias pro casu quarto, vt nominatiuus intelligendus sit ex v. 115. *tristitia dicta*, hoc sensu: *cui (tristitia dicta seu oracula) fata* (mortem) *parent*. *Fata* pro morte vsus est Virgil. Aen. XII. 507.

v. 23. *sic omnia voluis?* *Volvere* et *versare* saepe pro agitare, vexare, ludibrio habere, poni, indicant loca ab Heinso et Burmanno laudata. Lucan. II. 567 seq. Virgil. Eclog. IX. 5. Nost. XXXVI. 410.

v. 24. *Hoc regni*. Virgil. Aen. I. 78. vt *hoc iuris* Lucan. VIII. 95. Ovid. Amor. II. 1. 5. Plura huiusmodi dedit Heinso ad Ovid. Heroid. VIII. 104. *tenere* proprie de regibus dici, qui possident, ditione tenent, regunt, ostendunt Heinso ad Ovid. Met. XI. 270. et Burmann. ad Valer. Flacc. III. 658. *Hoc regni* quoque inuidiose dictum. Sensus: tanta superbia et ludibrio in nos vti tibi concessum est?

iocandi cf. Iuvenal. III. 38. VI. 605 sqq. Horat. Od. III. 29. 49.

v. 25. *bacchabere* non solum ebrium furorem notat, sed et τὸ ὑβρίσκειν. Maiorem vim habet, quam illudere, pro quo positum esse videtur. cf. Horat. sat. II. 8. 61 sq. *rebus humanis*, hominibus. Quae Burmannus ad Petronium 53. de rebus humanis commentatus est, quamquam lectores eo anocat, huc non pertinere videntur.

v. 26. 7. *seruili Crimine*. Ignominia, qua consulatus afficitur, quod seruus sit consul. Gesnerus. *procedat* respicit processum aut pompam consularem. Spanhem. Dissert. d. V. et P. N. XII. p. 457. cf. ad VII. 8. *laxata compede* pro: manumissus. *compes* pro: seruitium, vsus est Horat. Od. I. 33. 14.

v. 28. *Rupta ergastula* pro: serui ex ergastulo, loco, quo deterrima mancipia ad opus faciendum vineta erant. Iuvenal. VI. 191. XIV. 24. cf. Schol. ad eundem XI. 80. Erant plerumque illa ergastula in agris v. Lips. Elect. II. 15. Senec. de Ira III. 29. Flor. III. 19. 3. Iuvenal. VIII.

Da saltem quemcunque virum. Discrimina quaedam
 Sunt famulis splendorque suus, maculamque minorem
 Conditionis habet, domino qui vixerit vno. (30
 Si pelagi fluctus, Libyae si discis arenas:
 Eutropii numerabis heros. Quot iura, quot ille
 Mutavit tabulas, vel quanta vocabula vertit!
 Nudatus quoties, medicum dum consulit emtor, 35
 Ne qua per occultum lateat iactura dolorem!
 Omnes poenituit pretii, venumque redibat,

179sq. *Quirinales cinctus*
 v. n. ad VII. 3.

v. 29. 31. *quemcunque*,
 etiam vilissimum. interpp.
 ad Valer. Flacc. III. 64.
discrimina quaedam. Alii
 aliis servis honestiores sunt.
domino qui vixerit vno. Sic
 Barthius, eumque secutus est
 Gesnerus. Heinsius et Bur-
 mannus praetulerunt *uni*.
 Illud tamen videtur doctius
 esse. v. not. ad Pers. II. 7.
 Sensus: qui ita se gesserint,
 ut apud vnum dominum
 semper manserint. Potestas
 nempe dominorum in ser-
 vos ab Imperatoribus, prae-
 cipue a Constantino M. erat
 circumscripta, ita ut domini,
 qui servum nequam habe-
 rent, eum vendere tantum
 possent, quum gravius in
 eum aliquid statuere iis non
 liceret.

v. 32. *Si pelagi fluctus c.*
 numerum infinitum indi-
 cant cf. Homer. II. β. 459 sqq.
 Ovid. Trist. V. 6. 37 sqq.

v. 33. *quot iura — muta-
 vit*. Mutato domino servus
 alterius fit iuris, itaque *mu-
 tat ius*.

v. 34. *Mutavit tabulas*,
 catalogos intelligo servorum,
 qui necessarii erant in magnis
 familiis. v. interpp. ad Pe-
 tron. 53. Magnam interdum
 servorum multitudinem sin-
 guli alebant, qui vincti vasta
 terrarum spatia colerent Se-
 nec. de Benef. VII. 10. in fin.
quanta vocabula vertit.
quanta h. l. quot. infra 60,
 l. 53. XXXV. 308. *vertit*,
 mutavit. Burmann. ad Va-
 ler. Flacc. II. 572. *vocabula*
 quum domini alii aliter eum
 appellarent. Burmannus ar-
 gutari videtur, quum exi-
 stimat, poetam in ponendo
vertit ad Eutropii nomen
 adlusisse, quod veniat ab
ἐντροπία.

v. 35. *Nudatus quoties cet.*
 Servos venales nudos vendi-
 toribus expositos esse, ut
 melius inspicere possent, no-
 tum est. Senec. Controv. I.
 2. Epist. 80. not. ad Pers.
 VI. 77. Brillon. de Form. VI.
 5 et 6.

v. 36. *Ne qua lateat
 iactura* sc. emtorem, i. e.
 ne imprudens iacturam fa-
 ciat servum male sanum

Dum vendi potuit. Postquam deforme cadauer
Manlit, et in rugas totus defluxit aniles:

Iam specie doni certatim limine pellunt, 40
Et foedum ignaris properant obtrudere munus.

Tot translata iugis summisit colla vetultum
Seruitium, semperque nouum, nec destitit vnquam,
Saepe tamen coepit. Cunabula prima cruentis
Debita suppliciis. Rapitur castrandus ab ipso, 45
Vbere; suscipiunt, matris post viscera, poenae.

emendo. per occultum do-
lorem, per morbum occultum. Inde plaudere solebant seruos emtores et venditores, hi ad illos commendandos, illi ad explorandos.

v. 38. *Dum vendi potuit* per aetatem et corporis speciem. *deforme cadauer* species corporis tam foeda, vt nauseam moueret videntibus. Talem Veturstinam aliquam describit Martial. III. 93. conf. Barth. Aduers. XXXIII. 15.

v. 39. *et in rugas totus defluxit aniles.* Defluere id dicitur, quod paullatim minuitur et perit. v. Corte ad Sallust. Iugurth. I. 4. Senlus: et totus in rugas abiit.

v. 41. *ignaris.* Nam seruus dono datus non accurate inspicitur solet.

v. 41. *translata colla*, seruitium ab vno domino alteri obtrusum. *tot iugis submisit c.* toties in seruitutem venit.

v. 43. *semper nouum* sc. seruitium respectu dominorum, quibus erat obtrusus.

destitit numquam sc. seruus esse.

v. 44. *coepit*, quum nouo domino traderetur, eius seruus *coepit* esse. Acute hoc quidem sed frigide. Ad foeditatem Eutropii magis declarandam per partes nunc exponere incipit poeta, quae vnuerse iam supra dixit, eum eunuchum seruumque inutilem semper fuisse. Orditur igitur a prima eius pueritia, totamque vitam omni dedecore inquinatam persequitur, vt turpitudinem spadonis insigniorem reddat, probetque, nihil quidquam vnquam tam mali ominis fuisse, quam consulum huic homini abiectissimo et spurcissimo delatum. *cunabula prima*, infantia prima.

v. 45. 6. *Debita suppliciis.* Scripti meliores Heinssii *debita*, quod ipse amplectitur et exemplis allatis confirmare studet. Gesnerus eum secutus est. Burmannus *debita* iure defendit. Est enim doctior loquendi ratio pro:

Aduolat Armenius certo mucrone recisos
 Edoctus mollire mares, damnoque nefandum
 Aucturus pretium, fecundum corporis ignem

fato destinata erat infantia eius suppliciiis v. Rurm. ad Valer. Flacc. V. 21. *suppliciiis*, mutilationi, executioni; poenae vim h. l. non inuoluit, vt Barthius existimasse videtur, qui subiicit: iam tum scelerato hominis ingenio supplicia promerito. *ab ipso vberē*, adultiores enim maiore cum periculo casuantur. Martial. IX. 9. 3. *suscipiunt* cet. Idem aliter enunciatum repetitur. *poenae* i. q. supra *supplicia*. *poena* de omni cura, molestia, dolore dici potest, quae supplicii instar sunt. Plura de hoc verbo disputat Burmann. ad Ovid. Trist. II. 507. adde Martial. IX. 9. 5.

v. 47. *Aduolat Armenius* cet. Ad diuitum familiam spadonum etiam multitudo pertinebat. Alebantur enim in ministeria feminarum et ad eas custodiendas. Ovid. Amor. II. 3. Quae insania adeo increbuit, vt Imperatores, hominum propagationi prospicientes, vetarent pueros excrucari. Sueton. in Domit. c. 7. Martial. VI. 2. Stat. Silv. III. 4. 73 seqq. Huius infandae rei inuentio Semiramidi, Babylonis conditrici, assignatur. Ammian. Marcellin. XIV. 6. et infra v. 339 sq. Id saltem certum

est, maximum eunuchorum usum apud Allyrios, Medos et Persas fuisse. Cyrus eunuchos corporis custodes elegisse dicitur Xenoph. Cyropaed. VII. 5. 58 sqq. cf. Herodot. VI. 32. VIII. 105 sq. Dio Chrysost. orat. XXI. p. 105. ed. Reisk. Ex illis regionibus etiam postea Romanis eunuchi suppeditabantur. *Armenium*, seu Persam seu Parthum, nomina enim illa hoc tempore saepe confundebantur, poeta posuit, quoniam exercitatum aliquem in hoc negotio vellet inducere. Petron. 119. seu Poet. lat. min. T. III. p. 28. v. 20 seqq. *recisos mollire* pro: excrucare, castrare, quia inde omnis vis virilis auferatur, corpusque ipsum effeminatur. *certo mucrone* dexteritatem inuit, qua sectio illa periciebatur. *damno* sc. virilitatis. Dinersa ratione executionem descripsit Stat. Silv. IV. 7. 14 sqq.

v. 49. *Aucturus pretium*. Pretiosiores enim erant eunuchi reliquis mancipiis. Hinc Vlpianus l. 27. §. 28. D. ad legem Aquil. *Si puerum quis castrauerit et pretiosorem fecerit*, Vivianus scribit, *cessare Aquiliam*. li. quibus testiculi tantum excruti erant, feminis libidinoso-

Sedibus exhaurit geminis, vnoque sub ictu 50
Eripit officium patris, nomenque mariti.

Ambiguus vitae iacuit, penitusque supremum
In cerebrum secti traxerunt frigora nervi.

Laudemusne manum, quae vires abstulit hosti?

An potius fato causam tribuisse queramur? 55

Profuerat mansisse virum: Felicior exstat
Opprobrio. Seruiret adhuc, si fortior esset.

Inde per Assyriae trahitur commercia ripae.
Hinc fora venalis Galata ductore frequentat,

ribus interdum magis place-
bant, quam viri. Iuvenal. I.
22. et VI. 365 sqq. *ignem*,
semen, quod in Venerem
accendit.

v. 50. *sub h. l. παρῆλκειν*
notavit Barthius. v. Bur-
mann. ad Ovid. Met. V. 62.
ex Ponto III. 6. 31.

v. 51. *officium patris*,
quod consistit in procreanda
sobole, ut pater possit iure
dici. Burmannus putat, legi
posse: *officiumque maris no-*
menque mariti.

v. 52. *Ambiguus vitae.* In
vitae discrimen semper fere
veniunt exsecti.

v. 53. *traxerunt frigora.*
Partium, quae homini ad
propagandum genus datae
sunt, certus consensus est
cum cerebro et medulla spi-
nali. Hoc iam Platonis tem-
pore innotuit v. eum in Ti-
maeo p. 434. T. IX. ed. Bi-
pont. Hoc vult Noster, ex-
sectionem Eutropium non so-
lum frigidum in Venerem
(Virgil. Georg. III. 97.) red-
didisse, sed etiam omnem
animi vigorem illi abstulisse.

v. 54. *quae vires abstulit*
hosti. Cum virilitate enim
ingenii viribus amissis etiam
ad mala consilia et ineunda
et exsequenda, ea quidem,
quae requirunt animi quen-
dam ardorem et impetum,
hebetior est redditus.

v. 55. *fato causam tri-*
buisse. occasionem quasi fato
prae buisse. Non enim inter
aulae ministros admissus es-
set, si spado non fuisset,
neque umquam nisi in aulam
receptus esset, consulatum
cominaculare potuisset.

v. 56. 7. *Profuerat* sc. rei
publicae. *felicior exstat op-*
probrio. Nam iniuriae de-
buit consulatum. *Seruiret*
adhuc si cet. Seruit expli-
cationi praecedentium.

v. 58. *per Assyriae com-*
mercia. Emporia intelligit
ad Euphratem sita.

v. 59. *Galata ductore.*
Galatae maxime insignes
erant mancipiorum merca-
turis. Ammian. Marcellin.
XXII. 7. in fine, de Iulia-
no: *Suadentibus proximis,*
ut adgrederetur propinquos

Pernutatque domos varias. Quis nomina possit 60
 Tanta sequi? Miles stabulis Ptolemaeus in illis
 Notior. Hic longo lassatus pellicis usu
 Donat Arinthaëo. Neque enim iam dignus haberi,
 Nec maturus emi. Quum fastiditus abiret,
 Quam gemit! quanto planxit diuortia luctu! 65
 Haec erat haec, Ptolemaee, fides? Hoc profuit aetas
 In gremio consumpta tuo, lectusque iugalis,
 Et ducti toties inter praesepia somni?

Gothos saepe fallaces et perfidos, hostes quaerere se meliores aiebat: illis enim sufficere mercatores Galatas, per quos ubique sine conditionis discrimine venundantur. Hunc locum Barthius iam laudauit.

v. 61. 2. *nomina sequi pro: persequi, enumerare.* Virgil. Aen. I. 342. *miles Ptolemaeus stabulis in illis Notior.* *Stabula* h. l. sunt cauponae, in quibus deuersabantur mangones. v. interpp. et praecipue Burmannum ad Petron. 6. In his stabulis miles ille Ptolemaeus notior erat, quam reliqui, qui Eutropium iam ante emerant rursusque vendiderant. *pellicis* Eutropii.

v. 62. *Arinthaëo.* Vtrum is Arinthaëus sit, qui apud Ammianum Marcellinum aliquoties occurrit, an alius quidam, nemo ad liquidum perducet. *haberi* retineri, ali.

v. 64. *Nec maturus emi.* Nec aetas eius amplius nec forma talis erat, ut emtorem facile inueniret.

v. 65. *Quam pro: quan-*

topere. v. Burmann. ad Ovid. Met. VIII. 64. cf. infra 481.

v. 66. *Haec erat haec.* alii *haec erat heu.* Ad priorem lectionem confirmandam laudat Heinss. Stat. Theb. X. 807. Ovid. Met. XI. 694. cf. supra X. 319.

v. 67. *In gremio consumpta tuo.* Loquentem inducit Nocturnus spadonem ut uxorem diuortio pulsam.

v. 68. *inter praesepia.* Hoc nemo interpretum, quod sciam, explicauit. Gesnerus v. 61. iunxit *miles stabuli* (et quidem in notis, in textu, vitio fortasse operarum, legitur *tabuli*, ut erat in Claveriana editione) atque intelligit militem stationis alicuius, cursui publico destinatae, praefectum. Cui interpretationi fauere existimat *inter praesepia*. Verum difficultas et sic manet. Praefectus enim stationis lectum non habuisset inter praesepia structum. Aliter res potest expediri. Miles ille habebat uxorem, hoc indicasse videtur poeta, quum diceret

Libertas promissa perit? viduumne relinquis
 Eutropium? tantasque premunt obliuia noctes, 70
 Crudelis? Generis proh fors durissima nostri!
 Femina quum senuit, retinet connubia partu,
 Vxorisque decus matris reuerentia pensat.
 Nos Lucina fugit, nec pignore nitimur villo.
 Cum forma dilapsus amor. Desloruit oris 75
 Gratia. Qua miseri scapulas tutabimur arte?
 Qua placeam ratione senex? — Sic fatus acutum
 Aggreditur lenonis opus. Nec segnis ad artem
 Mens erat, officiique capax, omnesque pudoris
 Hauferat insidias. Custodia nulla tuendo 80
 Fida toro; nulli poterant excludere vectes.

Eutropium *pellicem* v. 62. Ne igitur turpis consuetudo uxori innotesceret, rem cum Eutropio habuit inter praeleptia, quum fortasse equorum curatio illi demandata esset aut agasonis munus. *ducti somni* forsan pro: adducti re Venerea, cf. quae laudat Heyne ad Tibull. I. 2. 79.

v. 69. *viduum* v. supra ad v. 67.

v. 71. *retinet connubia partu*, liberi, quos genuit, impediunt, quominus repndietur a marito. Iuvenal. II. 137 sq.

v. 73. *decus*, pulchritudo et venustas. *pensat*, compensat.

v. 76. *scapulas*. timet sibi a loro et scutica. Terent. Phorm. I. 11. 26. cf. infra v. 100 sq.

v. 77. *acutum*. Heinsius post Rubenium cum *fatus* iungit, vt vox acuta spadonum respiciatur. Barthius

post *fatus* distinguit, trahitque *acutum* ad *opus*. Virumque Burmanno displicet, qui praefert *auitum*, vt legitur in margine Iüngr. Parentes enim et maiores Eutropii lenones fuisse existimat, quia ipse ab vbere statim exsectus et venditus deinde sub florem aetatis in turpes amores venditus sit. Quamquam de vi huius argumentationis dubites, tamen lectio illa non omnino reiicienda videtur. Equidem Barthio potius quam Heinio accedam, qui Graecas loquendi rationes vbique sectatur.

v. 79. *officii*que *capax*. Omnes officii artes et scientia complecti et ad effectum perducere potuit.

v. 80. *Hauferat* sc. animo. Haec, et quae sequuntur, explicant prius.

v. 81. *vectes*, fores serie et vectibus munitas. Burmannus laudat Ovid. Amor.

Ille vel aerata Danaen in turre latentem
 Eliceret. Fletus domini fugebat amantis;
 Indomitasque mora, pretio lenibat auaritas,
 Lasciuasque iocis. Non blandior vllus euntis 85
 Ancillae tetigisse latus, leuiterque reductis
 Vestibus occulto crimen mandasse susurro;
 Nec furtis quaesisse locum, nec fraude reperta
 Cautior elui fremitus vitare mariti.
 Haud aliter iuuenum flammis Ephyreia Laïs 90
 Et gemino dotata mari, quum ferta refundit

ll. 11. 3 sq. et Torrent. ad Horat. Od. III. 26. 7.

v. 81. *Danaen*. v. Iani ad Horat. Od. III. 16. 1 sqq.

v. 83. *fletus domini*. fugebat dominum ob amorem dolore et fletu perire, vt misericordiam moueret. cf. Horat. Od. III. 7. 9 sqq.

v. 84. *Indomitasque*, quae amanti adhuc repugnabant. *ἀπαύστρος*. v. Iani ad Horat. Od. II. 5. 1 sq. *mora*, perseveratione et constantia. Hoc quoque praecepit magister amoris Ovid. A. A. I. 471 sqq.

v. 86. *Ancillae tetigisse latus*. Quae comparant, Ovid. A. A. I. 605 sq. Sida. Apollin. Carm. XI. 38 sq. huc non pertinere videntur. Sed cf. Tibull. I. 2. 93 sq. Spado ancillam humanitatis officio studet corrumpere, vt ipsa dominam propensorem reddat amanti. *reductis*, a tergo prebensis vestibus. vt subsistat auresque praebet.

v. 87. *crimen mandasse susurro*, clam mandata adulteri

dedisse ad dominam. Burmannus, vt adparere videtur ex locis, quae laudat, *occulto susurro* pro casu tertio accipit. Flor. III. 1. . . *primum scelus mandat insidiis* i. e. per insidias exsequi statuit. et Lucan. X. 44.

v. 88. *furtis*. v. ad X. 81. *fraude reperta*, i. e. deprehenso adulterio. Heinss. ad Ovid. Fast. III. 846.

v. 89. *fremitus*, indignationem, iram.

v. 90. 1. Verba sic ordines: *Haud aliter Laïs Ephyreia dotata flammis iuuenum gemino mari. Ephyreia*, Corinthia. cf. VIII. 471. *Laïs*, Nicias Atheniensium imperator, postquam Catinenses se sponte dediderant, Laidem tunc parvulam cum aliis captivis in Peloponnesum deduxit. Plutarch. in Nicias cap. 15. T. III. ed. Hutt. *flammis*, amore. *ditata*, quod recte Burmannus contra Heinssium, *dotata* praesertim, defendit quia *dotata* rectius virgini pudicae con-

**Canities, iam turba procax, noctisque recedit:
Ambitus, et raro pulsatur ianua tactu,
Seque reformidat speculo damnare senectus:**

veniat. v. supra VIII. 647. Ovid. A. A. II. 261. vbi illum vide. *e gemino mari*. Ditata erat Laïs iuuenum spoliis, qui ex utroque mari ad eam confluebant. Pulchrum epigramma in Laïdem exstat in Anthol. Graec. ed. Jacobs T. II. pag. 9. ep. LXXXIII. Huc faciunt v. 5 sqq. ἐφ' ἣ μνηστῆρες ἄγχι τοὶ πλείονες. ἢ νύμφης εἶνεκεν Ἰυνδαρίδος. δρεπτόμενοι χρίτας τὰ καὶ ὠνητὴν ἀφροδίτην cf. Propert. II. 5. 1. Nota est quum pulchritudo et venustas tum et auaritia mulieris. cf. Athenaeum XII. 3. et passim. Menagium ad Diog. Laert. II. 75. Gell. I. 8. Dicitur mortua esse, dum subigeretur. cf. fragmentum ex Philetaeri Venatrice apud Athenaeum p. 587. ed. Casaub. *quum fersa refundit Canities. refundit* h. l. recusat. Haec potestas huius verbi ex aliis locis vix potest probari. *Canities* autem potest dici *refundere fersa* quum, quando rara est, faciat, vt fersa, quae capillis acubus adligi solent. capiti male haereant et subinde desinant. Duo scripti habent *refutat*, quod pro: recusare, saepe adhibetur. v. Burmann. ad Valer. Flacc. VI. 123. Prudent. Hamart. 695 sq. in Diptycho II. Lindenbrock.

ad Ammian. Marcell. XVII. 5. quae loca Burmann. laudat. Vix autem videas, quomodo librarii a *refutat* ad *refundit* aberrarint. Gesnerus addit: rosae et lilia lividum pallorem vetularum magis horribilem reddunt. Etiam huic docto viro placet *refutat*.

v. 92. *iam turba procax*. Intelligit amatores iam insolentes et insultantes.

v. 93. *Ambitus* sc. iuuenum, vt admittantur. *et raro pulsatur ianua tactu*. Solebant nempe amantes exclusi interdum vim adhibere, nec solum fenestras pulsare et ianuam, verum etiam efringere vectibus aliisque instrumentis. Propert. II. 15. 5 sq. III. 23. 29 sq. Horat. Od. I. 25. 1 sqq. Ovid. A. A. III. 71 sq. Theocrit. II. 124 sq.

v. 94. *Seque reformidat speculo damnare senectus*. Simpliciter pro: senectus timet inspicere speculum. Quia enim speculum veram faciem repraesentat, animum cogit fateri, se esse deformem, cogit itaque animum semet ipsam reprobare et damnare. Sed et *damnante* bonum sensum fundit. Senectus suam formam, quam speculum veram reddit et turpem repraesentat, ipsa reformidat.

Stat tamen, atque alias succingit lena ministras, 95
 Dilectumque diu, quamuis longaeua, lupanar
 Circuit, et retinent mores, quod perdidit aetas.
 Hinc honor Eutropio; quumque omnibus vnica virtus
 Eset in eunuchis, thalamos seruare pudicos,
 Solus adulteriis creuit. Nec verbera tergo 100
 Cessauere tamen, quoties decepta libido
 Irati caluisset heri. Frustraque rogantem,
 Iactantemque suos tot iam per lustra labores,
 Dotalem genero nutritoremque puellae
 Tradidit. Eous rector Consulque futurus 105

Horat. od. IV. 10. 6. Ovid. Trist. III. 7. 37 sq. Propert. III. 23. 33 sq. Imprimis cf. elegans epigramma Ausonii 55. in Laïdem Veneri speculum dicantem, et Antholog. Graec. T. I. pag. 103. epigr. VII. T. III. p. 194 sq. epigr. III. IV. ed. Jacobs.

v. 95. *Stat tamen.* Stare proprie meretrices dicuntur Horat. Sat. I. 2. 30. Iuvenal. XI. 170 seqq. pro: prostare, vt est apud Iuvenal. VI. 122 sq. quando amatorem in fornice expectant. *succingit*, instruit, format in artes meretricias. Sic Burmann.

v. 97. *Circuit* sc. vt amatorem inueniat. *et retinent mores, quod perdidit aetas.* *Mores* est consuetudo. Sensus: vita turpis adeo in consuetudinem abierat, vt illam ne tunc quidem posset relinquere, quum vetula voluptatis sensu iam esset destituta.

v. 98. *Hinc, ex illis lenonis*

artibus, quas exercebat.

v. 99. *thalamos seruare pudicos.* Adludi ad nomen eunuchi interpretes putant ἀπὸ τοῦ εὐνήν ἔχειν καὶ ἐπιμαλεῖσθαι. Argutius fortasse quam verius.

v. 101. *decepta libido.* Quoties Eutropio lenoni negotium haud prospere cesserat, ipseque amoris desiderium, quod dominum ceperat, explere nequibat.

v. 104. *Dotalem.* cf. Taubmann. ad Plant. Asinar. I. 1. 72. *nutritoremque.* In Burmanniana ed. est: *nutritori-que.* vnde hoc sit, nescio, nam in VV. LL. apud Heinsum et in notis nihil, quod ad illam lectionem pertineret, inueni. Ceterum ex h. l. patet, puellis pro nutricibus, *μαλαίς*, etiam eunuchos datos esse, qui illarum curam agerent, easque tuerentur.

v. 105. *eous rector.* Inuidiae causa Eutropium ita vocat. Huic enim ab Arcadio summa rerum in imperio

Ff 2

Pectebat dominae crines, et saepe lauanti
 Nudus in argento lympham gestabat alumnae,
 Et quum se rapido fessam proiecerat aestu,
 Patricius roseis pauonum ventilat alis.

Orientis erat commissa, aut
 ita se gesserat, quasi ipse
 Imperator Orientis fuisset.

v. 106. *Pectebat dominae
 crines.* cf. n. ad X. 99 sqq.

v. 107. *Nudus in argento
 lympham gestabat alumnae.*
 Eunuchos in balneis feminis
 ministrasse, iam notum est
 ex Terent. Eunuch. III. 5.
 29 sqq. atque hoc faciebant
 nudi, ut officii ratio postu-
 labat. *in argento.* Intelligit
 illud vasculum, quod *la-*
vationem argenteam vocat
 Pbaedr. IV. 4. 22, ad mun-
 dum muliebre pertinen-
 tem, sub qua voce tamen
 Schaefferus omnem balnea-
 rum supellectilem intelligi
 mavult. Quo ex loco etiam
 discimus, non solum ennu-
 chos, verum etiam pueru-
 los molles dominae lauanti
 adfuisse. Haec vasa etiam
conchae, ex forma puto, vo-
 cabantur cf. Nost. LV. Juve-
 nal. VI. 417 sqq. ubi mulier
 lauans ab alipte, eunucho
 fortasse, fricatur, digito-
 rumque impressione flatibus
 liberatur. v. 411. Dempste-
 rus has conchas cum illis
 confundere videtur, quae
 puellis in deliciis fuisse con-
 stat Ovid. Met. X. 260. et
 Amor. II. 11. 13. Verum ne-
 scio, cur Claverius eam la-

vationem intelligat, qua
 quum vterentur mulieres,
sumere aquam dicebantur.
 De qua re v. Heins. ad Ovid.
 A. A. III. 94. Burmann. ad Pe-
 tron. 94.

v. 109. *Patricius.* Erat
 dignitas a Constantino M.
 instituta. Zosim. II. 40. et di-
 cebantur Principis patres.
 Nost. XIX. 50. et XX. 68.
 Haec dignitas erat consulari
 proxima, mediumque locum
 obtinebat Patricius inter con-
 sulem et Praefectum Praetor-
 rio. Plura v. apud Gothof-
 fred. ad Cod. Theodos. lib.
 VI. tit. 6. et in paratitl.
 Gesnerus excitat Philostr. H.
 E. XI. 4. καὶ ἢν λοιπὸν πατήρ
 ὁ εὐνοῦχος βασιλέως, ὁ μὴδὲ
 τὸν τυχόντα παῖδα φῶσαι
 δυνάμειος. Inde acerrime ei
 cum acrimonia iocatur No-
 ster infra XIX. 49. *Direptas
 quid plangis opes, qutas
 natus* (Arcadius Augustus)
habebit? Contumeliose au-
 tem hanc dignitatem, quam
 Eutropius postea obtinuit,
 nunc iam cum ministerio
 servili coniungit. *roseis pa-*
vonum alis, flabello ex pen-
 nis pavonum facto. Brook-
 hus. ad Propert. II. 18. 59 sq.
 Ventum autem facere do-
 minae dormienti aut cu-
 banti eunuchorum fuit. Te-

Iamque aëuo laxata cutis, sulcisque genarum 110
Corruerat passa facies rugosior uva.

Flaua minus presso finduntur vomere rura,
Nec vento sic vela tremunt. Miserabile turpes
Exedere caput tineae. Deserta patebant
Interualla comae, qualis sitientibus aruis 115
Arida ieiunae seges interlucet aristae,
Vel qualis gelidis pluma labente pruinis
Arboris immoritur trunco brumalis hirundo.

rent. Eunuch. III. 5. 47 sq.
50 et 53. Heinſius mauult
pauonum ventilat alas, lau-
datque Ouid. Amor. II. 1. 8.
et Iuvenal. I. 28.

v. 110. *aëuo laxata cutis*.
Iuvenal. VI. 144. Ouid. A. A.
III. 73. infra 258. Alii scripti
loſſata, quod defendit fru-
ſtra Claverius.

v. 111. *Corruerat facies*
pro: contracta erat facies.
Vix dubitandum eſſe, ait
Heinſius, poetam ſcripſiſſe
*Marcuerat poſſa facies ru-
goſior uva*. laudans Martial.
V. 110 (80. 12.). Recte du-
bitauit Burmannus, ipſeque
propoſuit *Horruerat*, quod,
ni fallor, receptam lectio-
nem numquam expunget.
ſulcis, cf. Virgil. Aen. VII. 417.

v. 112. *presso* pro: de-
presso. Virgil. Georg. I. 45.
II. 203. *flaua rura* Barthius
poeticum hoc putat, quia
non flaua ſunt, quum fin-
duntur. Mirum ſane hoc vi-
detur. *Flauam* terram ſul-
catam poſuit Noſter, vt com-
paratio eius cum rugoſa
eunuchi faciē aptior eſſet.

v. 113. *Nec vento cet.*
cf. Iuvenal. X. 193 ſqq.

v. 114. *tineae*, pediculos
intelligo. cf. infra 136 et 160.

v. 116. *Arida ieiunae ſe-
ges* — *aristae* eſt procul du-
bio ſeges arida, quae aristas
ieiunas habet, et *interlu-
cere* eſt interualla habere.
Frontin. Stratag. II. 3. 14.
*ea ipſa interualla expeditis
velitibus impleuit, ne inter-
lucet acies*. Fortaſſe huc
quoque trahi poteſt Virgil.
Aen. IX. 508 ſq. Burmanno
seges et *arista* idem notare
videtur, et abſurdum eſſe
ait, aristas interlucere ari-
stae. Itaque proponit *Arida
ieiunae gleba interlucet ari-
stae*. Ex iis, quae ſupra dicta
ſunt, coniectura hac fortaſſe
poſſumus ſuperſedere.

v. 117. 8. *pluma labonte*.
Confirmat lectionem Bur-
mannus laudatis Sil. Italic.
IV. 117. XIV. 598 ſq. Plin.
H. N. X. ſect. 34. *Hirundi-
nes in vicina abeunt, apri-
cos ſecutae montium reſeſ-
ſus; inuentaſque iam ſunt
ibi nude atque deplumes*.

Scilicet vt trabeis iniuria cresceret olim,
 Has in fronte notas, hoc dedecus addidit oris 120
 Luxuriae Fortuna suae, quum pallida nudis
 Ossibus horrorem dominis praeberet imago,
 Decolor et macies occurso laederet omnes,
 Aut pueris latura metus, aut taedia mensis,
 Aut crimen famulis, aut procedentibus omen, 125
 Et nihil exhausto caperent in stipite lucri.
 Sternere quippe toros, vel caedere ligna culinae,
 Membra negant. Aurum, vestes, arcana tueri
 Mens infida vetat. Quis enim committere vellet

brumalis hirundo nihil amplius, quam: hirundo tempore hiemis.

v. 119. *cresceret* augetetur etiam ipsa deformitate et turpitudine eunuchi.

v. 120. *Has in fronte notas.* Frontem intelligo scabie et tineis exesam. Stigmata occulte innui non videntur, huic enim videtur repugnare *has*.

v. 121. *Luxuriae suae.* dativ. Sensus: Fortuna addidit *luxuriae suae*, i. e. ludibrio, quo eunuchum consulem fecit, etiam *hoc dedecus oris*, vt non solum eunuchus, sed etiam turpissimus, consul fieret.

v. 124. 5. *taedia mensis*, turpitudine et foeditas fastidium epulantibus aut coenantibus mouens. *crimen famulis*, opprobrium famulis, quod inter ipsos tam dirum et foedum portentum versaretur, tamquam foeditas illa ad omnes pertineret. Prope eodem sensu *crimen* leges

apud Propert. IV. 4. 41. Burmannus fatetur, se non satis intelligere locum, et turpe aliquid subesse suspicatur. *aut procedentibus omen.* Gesnerus laudat Lucian. Eunuch. c. 6. T. II. p. 355. ed. Reiz. vbi dicitur, inauspicatum spectaculum esse, si quis mane domo egressus eunuchum videat. cf. eundem Pseudol. cap. 17. T. III. pag. 175.

v. 126. *in stipite* pro: e stipite. v. Burmann. ad Ovid. A. A. I. 736. exhausto sc. viribus.

v. 127. *Sternere quippe toros* ad officia eunuchorum praecipue pertinebat. Coripp. III. 211 sqq. Apulei X. *Quatuor eunuchi confestim puluillis compluribus ventoso tumentibus pluma delicata terrestre nobis cubitum prosternunt.* — *caedere ligna culinae* abiectissimorum servorum opus.

v. 128. *membra* sc. viribus destituta. *aurum, vestes*,

Lenoni thalamum? Tandem ceu funus acerbum, 130
 Infaustamque suis trusere penatibus umbram.
 Contemptu iam liber erat. Sic pastor obesum
 Lacte canem ferroque ligat, pascitque reuinctum,
 Dum validus seruare gregem, vigilique rapaces
 Latratu terrere lupos; quum tardior idem 135
 Iam scabie laceras deiecit sordidus aures,
 Solvit, et exuto lucratur vincula collo.
 Est, vbi despectus nimius iuuat. Vndique pulso

arcana haec omnia eunuchorum custodiae commissa erant. Coripp. l. c. Burmannus mauult *arcam*. infra 194 et 421.

v. 130. *funus acerbum*, vt cadaner, quod totam domum polluerat. *Funus* enim saepe pro cadanere ponitur. Ruperti ad Sil. Italic. ll. 647.

v. 131. *Infaustam umbram*. Umbram intelligo hominis mortui, quae domum infestat, vbi remansit corpore elato, aut sedem fixit, quale fuit idolum, de quo narrat Plin. epist. VII. 27. Opinione hanc de umbris ex priscis Romanorum temporibus repetendam esse, monstrant Lemuralia, de quibus v. Ovid. Fast. V. 419 sqq. ibique interpp.

v. 132. 3. *Contemptu iam liber erat*. Manumissus est, quia eum retinere volebant domini, nec vendere poterant, et donum obtrusum vnusquisque recusabat. *obesum* bene nutritum. *lacte catuli* praecipue alebantur Virgil. Georg. III. 405. Ne-

mesian. Cyneg. 109 sqq. Gratian. Cyneg. 307 sq. Respexit Noster fortasse formam eunuchi, cuius corpus, dum inuenis est, obesum esse solet.

v. 136. *scabie sordidus*. Scabies vulgaris morbus canum vetulorum. *laceras aures*, tincis exesas, quae candenti cultro pelleri docet Nemesianus Cyneg. 209. *deiecit aures*, de bestiis morbo aegrotantibus. Ex nube exemplorum, quae Heinsius collegit, apponere libet Virgil. Georg. III. 499. Stat. Thebaid. XI. 745, vbi quidam legitur *demittere aures*.

v. 137. *lucratur vincula*, quandoquidem iis nunc vti potest ad canem alium et sibi vtiliorem vincendum.

v. 138. *Est, vbi*. Burmannus laudat Stat. Theb. X. 493. vid. eundem ad Petron. 126. *despectus nimius iuuat*. Despectus et contemptus negligitur. Qui negligitur, dum alii eum non observant, multa potest moliri, quibus non solum res possit

Per cunctas licuit fraudes impune vagari;
 Et fatis aperire viam. Proh quisquis Olympi 140
 Summa tenes, tantone libet mortalia risu
 Vertere? Qui serui non est admissus in usum,
 Suscipitur regnis; et, quem priuata ministrum
 Dedit nata domus, moderantem sustinet aula.

Vt primum v. tulam traxere Palatia vulpem, 145

separare suas, verum etiam illos opprimere, qui se tu-
 tos ab eo putarint. *undique*
pulso. Hoc summum con-
 tentum exprimit.

v. 139. *per cunctas frau-*
des vagari, omnes fraudes
 adhibere. *impune*, libere,
 quandoquidem nemo eum
 obseruat.

v. 140. *Et fatis aperire*
viam, fortunae ausam prae-
 bere, occasionem dare. Ea-
 dem ratione dixit *fatis cur-*
sum dare Lucan. VII. 544.

Fata enim ea sunt, quae
 alicui olim sunt destinata,
 uti h. l. Eutropio, ut ad
 summos honores olim per-
 veniret.

v. 141. 1. *tantone risu ver-*
tere. Heinsius corrigere vo-
 luit *tantone nisu*, quod ta-
 men h. l. minime conuenire
 videtur, et plane alienus est
 Lucan. V. 654, quem laudat.
tantone risu dictum pro:
tantone ludibrio, tam su-
 perbe irridere. et *vertere*
 est: mutare. Burmann. lau-
 dat Horat. od. I. 35. 4. Nihil
 amplius fortasse est, quam
 illud vulgare: in risum ver-
 tere, i. e. irridere, ludibrio
 habere. Apposite laudat Ges-

nerus, Plaut. Rud. III. 1. 1.
 Merc. II. 1. 1. et Capt. in
 prolog. 22. *serui in usum.*
 quem nemo seruum habere
 voluit. alii habent *ad usum*
 v. Heinl. ad Ovid. Met. V.
 111. qui *in usum* praefert.

v. 143. 4. *Suscipitur ab*
aula imperii Orientis regnis.
 summis magistratibus, op-
 ponitur enim *ut serui usum.*
 et quem cet. eiusdem sen-
 tentiae repetitio. *moderan-*
tem, rectorem. *sustinet aula*,
 se illi subiicit.

v. 145. Pergit poeta in fa-
 tis Eutropii narrandis, quem-
 admodum in aulae ministe-
 ria receptus paullatim ad
 summos honores peruenerit.
 Theodosium autem eunuchorum
 multitudinem aluisse,
 eosque multum apud illum
 valuisse, narrat Zosim. IV.
 28. 3. *traxere*, alii *texere*.
 Prius Heinsius defendit, ve-
 rum alienis ab h. l. exem-
 plis. Sumtum puto a vitio
 aut contagio, quod trahitur.
 Aula Eutropium quasi pestem
 traxit. Ovid. Trist. V. 13. 3.
 Alia ratione vix defendi et
 explicari potest. Gesnerus
 quidem ait: *traxere* cum
 effectum, ut haberent; sic

Quis non ingemuit? Quis non irrepere sacris
 Obsequiis doluit toties venale cadauer?
 Ipsi quin etiam tali consorte fremebant
 Regales famuli, quibus est illustrior ordo
 Seruitii, sociumque sibi spreuere superbi. 150
 Cernite, quem Latius poscant annectere fastis;
 Cuius et eunuchos puduit! Sed vilior ante
 Obscurae latuit pars ignotissima turbae,
 Donec Abundanti furiis, qui rebus Eois
 Exitium, primoque sibi produxit, ab imis 155
 Euectus thalamis summos inuasit honores.

Quam bene dispositum terris, ut dignus iniqui

traxit nidor canem in culi-
 nam. Verum, num cupide
 arripuit aula illum foedum
 hominem? Minime. Etiam
 hoc non continet sequenti
irrepere.

v. 146. 7. *sacris Obsequiis.*
 Coripp. III. 214 sq.

v. 150. *sociumque sibi.*
 Vsum datui defendit Bur-
 mannus pluribus exemplis.
 Ovid. Met. XIV. 678. Virgil.
 Aen. XII. 881. v. eundem ad
 Ovid. Met. X. 347. et Virgil.
 Aen. V. 717.

v. 151. *poscant.* Gesnerus
 ambigit, virum imperiona-
 liter, ut grammatici dicunt,
 poeta locutus sit, an dii aut
 fata intelligendi sint. Neu-
 trum, si quid video, sed ipse
 Arcadius et auctores intelli-
 gendi sunt, quos ille Augu-
 stulus sequi soleret, nam sui
 iudicii numquam fuit. Illi
 enim postulauerant, ut Eu-
 tropius consul etiam ab im-
 perio Occidentali agnosce-
 tur.

v. 152. *eunuchos* cf. 149 sq.
 v. 154. *Abundanti.* Zosi-
 mus V. 10. 6. narrat, Abun-
 dantium sub Theodosio prae-
 torem (στρατηγόν) atque con-
 sulem (Δ. C. 393.) fuisse.
 Plura de illo v. in Proso-
 pogr. Cod. Theodosi h. v.
 Ille imprudentia promotor
 Eutropii fuit. *furiis*, faci-
 nore, quod furiosi tantum
 esse potest. Virgil. Aen. I. 41.

v. 155. *primoque sibi.* In
 exilium enim actus est.

v. 156. *Euectus thalamis.*
 Veram lectionem puto. Alii
stabulis, quod Gesnero arri-
 det. Burmannus coni. *sic-
 ctus tabulis*, ut tabulae ser-
 viles fastis opponantur. Sed
 addit, nihil temere mutan-
 dum esse.

v. 157. *Quam bene dispo-
 situm terris.* *terris*, homi-
 nibus, rebus humanis. v.
 Drakenbr. ad Sil. Italic. III.
 75. Sententia haec est: bene
 comparatum est a diis, ut
 malum consilium auctori sit

Fructus consilii primis auctoribus instet!
Sic multos fluuio vates arente per annos,
Hospite qui caelo monuit placare Tonantem, 160
Inuentas primus Bufiridis imbuunt aras,
Et cecidit saeui, quod dixerat, hostia sacri;
Sic opifex tauri, tormentorumque repertor,
Qui funesta nouo fabricauerat aera dolori,
Primus inexpertum, Siculo cogente tyranno, 165
Sensit opus, docuitque suum mugire iuuenicum.
Nullius Eutropius, quam qui se protulit, ante
Dereptas possedit opes, nullumque priorem
Perculit exilio, solumque hoc rite peregit,

pessimum. Οἱ αὐτῷ κακὰ
 τεύχει ἀνὴρ ἄλλῳ κακὰ τεύ-
 χων. Ἡ δὲ κακὴ βουλὴ τῷ
 βουλευσάντι κακίστη. Hesiod.
 Op. et D. 265 sq.

v. 158. *instet*, imminet.

v. 159. 61. Fabula de Bu-
 siride nota est ex Apollod.
 II. 4. 11. et Ovid. A. A. I.
 647 sqq. *fluuio*, Nilo. *quod*
 (sacrum) *dixerat*, pro: cuius
 auctor fuerat Bufiridi. Bur-
 mannus dubitat, eodem sensu
dicere sacrum inueniri (equi-
 dem illud non puto ab inge-
 nio linguae alienum) propo-
 nit itaque *quod struxerat*,
 de quo verbo egit ad Valer.
 Flacc. III. 586, docetque *di-*
cere et *struere* saepe confu-
 disse librarios ad Ovid. Met.
 III. 160. et ad Valer. Flacc.
 I. 479.

v. 161. 6. Non minus no-
 tus est taurus Phalaridis,
 tyranni Agrigentini, cuius
 artifex Perillus dicitur fuisse.
 Ovid. A. A. I. 653 sq. Trist.

III. 11. 41 sq. Cic. in Ver-
 rem IV. 31. Sil. Italic. XIV.
 211 sqq. *docuitque suum mu-*
gire iuuenicum. Sil. Italic.
 l. c. *moriens immugit flebile*
tauro. Ceterum cf. Lucian.
 Phalar. pr. 11. T. II. p. 197
 seqq. ed. Reiz.

v. 167. *qui se protulit*,
 Abundantius. v. supra 154.

v. 168. *Dereptas* vulg. *di-*
reptas, quod Burmannus
 recte improbat, quandoqui-
 dem opes Abundantii non
 distractae nec multis praedae
 cesserunt. Ipse probat *ere-*
ptas laudans Ovid. ex Ponto
 IV. 7. 26. notatque, posse et
dereptas legi, quod rece-
 pimus.

v. 169. *Perculit*. *Perce-*
lore proprium in hac re ver-
 bum esse docuit Burmann.
 ad Sueton. Tiber. c. 55. In
 Cicerone saepius hoc ver-
 bum eodem sensu occurrit.
rite, ita ut debuit.

Auctorem damnare suum. Postquam obsitus aeuo 170
 Semiuir excelsam rerum sublatus in arcem,
 Quod nec vota pati, nec fingere somnia possent,
 Vidit sub pedibus leges, subiectaque colla
 Nobilium, tantumque sibi permittere fata:
 Qui nihil optasset plus libertate mereri, 175
 Iam iam dissimulat dominos, alteque tumescunt
 Seruiles animi. Procerum squalore repletus
 Carcer, et exsulibus Meroe campique gemiscunt
 Aethiopum; poenis hominum plaga personat ardens;

v. 170. *Auctorem* v. supra n. ad VIII. 579. *obsitus aeuo*. cf. Burmann. ad Virgil. Aen. VIII. 307.

v. 171. *Semiuir*, eunuchus Iuvenal. IV. 511 sq. Valer. Flacc. VI. 695. *arcem rerum*, summam dignitatem denotat.

v. 172. *Quod nec vota pati possent*, quod vota audacissima superat. Nam, quod quisque sibi vouet, id credat necesse est sibi quodammodo posse contingere. Eunuchus autem vili et abiecto, quem nemo vellet accipere, ne dono quidem, non poterat in mentem venire, fieri posse, ut ad summos honores perueniret consulatumque obtineret. Natura igitur votorum hoc votum non patiebatur. Gesnerus minus recte: res nimis magna est, quam adeo non petat aliquis voto, ut ne pati se quidem posse arbitretur, depreceturque adeo. Dempsterus et Burmannus similibus locorum sarraginem conghesserunt. *nec sin-*

gere somnia eadem fere ratione potest explicari.

v. 173. *leges*. Quum Arcadio ius dicenti adesset quasi interpret legum. v. infra 230. Heinsius olim contiecerat *reges* cf. XXXV. 300.

v. 175. *mereri*, consequi.

v. 176. *dissimulat dominos* sc. priores nosse.

v. 177. *Seruiles animi*. cf. infra 181 seqq. *procerum squalore* pro: proceribus reis. Reorum proprie est squalor, ut sexcenties in Ciceronis orationibus occurrit.

v. 178. 9. *Meroe, campique Aethiopum*. Relegabantur et deportabantur nobilissimi quique in vastas Africae solitudines ultra Aegyptum. cf. Heyne in opusc. Academ. Vol. IV. p. 280 sq. In his est etiam Oasus, quam describit Zosim. V. 9. non procul ab Ammonis oraculo v. Michaelis ad Abulfedae descript. Aegypti p. 21 sqq. ubi loca collecta sunt, in quibus de Oasi sermo est. His addi potest Olympiodori

Marmariens claris violatur caedibus **Ammon.** 180

Asperius nihil est humili, quum surgit in altum,
Cuncta ferit, dum cuncta timet; defaenit in omnes,
Vt se posse putent. Nec bellua tetrior vlla
Quam ferui rabies in libera terga furentis.

Agnoscit gemitus, et poenae parcere nescit, 185

Quam subiit, dominique memor, quem verberat, odit.

Adde, quod eunuchus nulla pietate mouetur,

Nec generi natisue cauet. Clementia cunctis

In humiles, animosque ligant consortia damni.

locus apud Phot. cod. 80. et in Labii Scr. Byzant. T. I. p. 150. Sed Photius ipse Olympiodori fidem eleuare videtur.

v. 180. *Marmaricus Ammon.* Herodot. IV. 174. et 183.

v. 181. Locus communis est de superbia eorum, qui ex humili conditione ad ampliorem dignitatem euecti sunt, praecipue de vulgari eunuchorum indole, qui acerbiores esse solent, quum nullo pietatis vinculo contineantur, sed se tantum suasque fortunas spectent.

v. 182. *ferit* a milite seu a gladiatore sumtum. Omnes adgreditur, quia omnes timet et pro hostibus seu aduersariis habet.

v. 183. *posse* sc. defaenire, potestatem faeniendi habere.

v. 184. *in libera terga furentis*, liberos homines serui poena adficientis.

v. 186. *Quam subiit*, quam poenam ipse seruus sustinuit. *dominique memor*, a quo ipse saepe plagis adfectus est.

quem verberat, odit. Index, qui fontes punit, a studio et ira debet remotus esse. Ille eunuchus poenas sumebat non tam ad leges vindicandas, quam vt odio suo satisfaceret, quod in omnes liberos homines conceperat, quandoquidem vnumquodque supplicium conditionem ipsi pristinam in memoriam reuocabat.

v. 187. 8. *nulla pietate.* Nullo enim caritatis vinculo tenetur. Explicatur hoc per: *nec generi natisue cauet.* Non est quod timeat, ne quando ex se geniti crudelitatis paternae poenas sustineant. Liberi enim tamquam obsides sunt reipublicae earum rerum, quae a parentibus geruntur. Sic Cicero in Catil. IV. 2. 3. filium suum obsidem vocat consulatus sui.

v. 189. *In similes* (est) in eiusdem fortunae homines. *consortia damni* communi malorum. *animos ligant.* Quum, quia homines de malis alienis recte iudicant,

Iste nec eunuchis placidus, sed peius in aurum, 190

quando ipsi iisdem affecti sunt, tum, quia quasi communibus rationibus in societatem compelluntur, ut coniunctis viribus se vel aduersus aliorum iniuriam muniant, vel ut mutuo solatio fruantur, quod iis a felicioribus adhiberi non potest.

v. 190. 1. *Iste* contemptum indicat, ut ex Cicerone notum. *eunuchis* sui similibus. *sed peius in aurum*. Haec semper in explicando hoc loco. Sententiarum, quae praecedunt, ordo hic est. Humilis, potentiam adeptus, in omnes solet crudelis esse. Seruus, imperio potitus, saevior etiam est in omnes liberos. Eunuchus omni plane humanitatis sensu caret, quum illis adfectibus sit destitutus, qui principia et semina humanitatis esse solent. Ut autem omnium pessimum Eutropium describeret, addidisse videtur, eum ne in illos quidem homines *placidum* fuisse, qui idem damnum passi essent, quum tamen cuncti clementes solerent esse in sui similes. v. infra XIX. 45. *Eunuchi ingulum primus secuisse fateris*. Ponamus, postremam sententiam bene se habere, etiamsi penitus excussa aliquid frigoris habere videatur, qua tandem ratione *sed peius in aurum* cet. cum prioribus coniuncta esse dicamus?

Etiam in his ipsis verbis interpretandis difficultas sentitur. *Sed in aurum aestuat peius*; quoniam? num reliquis eunuchis? Verum hoc non contrarium est priori *nec eunuchis placidus*. Deinde, quisnam aestuat? procul dubio Eutropius, nam de hoc sermo erat. At quae sequuntur *hoc uno fruitur succisa libido non ad vnum* Eutropium, verum ad omnes eunuchos pertinere videntur. Miror interpretes haec omnia sicco pede praeterisse. Negari non potest, omnes difficultates omittis *clementia cunctis* — *placidus*, quae omnino frigida totus sententiarum nexus reddit, evanescere. Eunuchus omnibus humanitatis affectibus caret, sed avaritia et diuitiarum cupidine tenetur magis quam reliqui homines, quia vnice illa in istiusmodi homine dominatur. Equidem non dixerim, reiicienda illa verba esse, quia nihil esse videtur in libris scriptis, quod cum cultro grassantem criticum excuset, sed hoc tantum profiteri candide volui, me locum sanum non existimare, nec mitiorem medicinam ad manum esse. Heinsius etiam corruptum locum putavit, pro *peius* coni. *pronus* laudato Lucan. VI. 147. quo verborum quidem structura vulgarior sit, verum sententia-

Aestuatur. Hoc vno fruitur succisa libido.

Quid nervos secuisse iuvat? Vis nulla cruentam
 Castrat auaritiam. Paruis exercita furtis
 Quae vastare penum, neglectaque sueuerat arcae
 Clausura remoliri, nunc vberiore rapina 195
 Peccat in orbe manus. Quidquid se Tigris ab Haemo
 Diuidit, hoc certa proponit merce locandum
 Institor imperii, caupo famosus honorum.
 Hic Asiam villa pactus regit; ille redemit

rum nexui nihil consulitur.
In aurum aestuat eadem ratione dictum est, qua *putret in Venerem* Pers. V. 88. vbi v. n. pro: magna auri cupiditate tenetur. *peius* pro: vehementius posuit, quum respiceret illos, qui eunuchi auaritia miseros reddiderat.

v. 191. *libido*, quaecunque cupiditas vehemens; illa vocatur *succisa*, quoniam illae eius species, quae ad consuetudinem cum seminis spectant, exsectione amissae erant. *fruitur*, voluptatem capit ex cet.

v. 192. *nervos* Ovid. Amor. III. 7. 35. Petron. 131. *cruentam*, crudelem.

v. 193. 4. *paruis exercita* (manus) *furtis*, dum seruus Entropius esset. *arcae*. In arcis ferratis et claustris munitis etiam veteres pecuniam et opes custodire solebant. Iuvenal. IX. 26 sq.

v. 196. *Peccat in orbe manus*, illud furtis domesticis oppositum est. Nunc autem vniuersum Orientis imperium praedae sibi datum pu-

tat Entropius. Zosim. V. 10. 5. μεθύων δὲ ἤδη τῷ πλούτῳ καὶ ὑπὲρ τὰ νέφη τῇ φαντασίᾳ φέρεσθαι δοκῶν ὁ Εὐτρόπιος, ἐν ᾗ πᾶσι σχεδὸν τοῖς ἔθνεσιν εἶχε τοὺς τὰ πραττόμενα πολυπραγμονοῦντας, καὶ ὅπως ἕκαστος ἔχοι τύχης· καὶ οὐδὲ ἦν κατὰ πᾶξ ὁ μὴ χρημάτων αὐτῷ κέρδος ἐπήγεον. *quidquid se Tigris* cet. v. XVII. 56 sq. Lucan. III. 261 sqq. pro: quantocunque spatio. *Tigris ab Haemo* Orientalis imperii terminos designat. *Hermo* pro *Haemo* non ineptum putat Burmannus, vt duo fluvii iungantur v. infra 214. sed h. l. propemodum ineptum videtur.

v. 197. 8. *Institor* Schol. ad Iuvenal. VII. 221. Broukh. ad Propert. IV. 2. 38. qui laudat Ovid. A. A. I. 421 sqq. *certa proponit merce locandum* v. infra 220 sq. *caupo honorum*. Honores, magistratus provinciales plus licitantibus addixit, et hi rursus in provinciis loculos suos replere studebant. *Caupo* est quoque mercator sordidus, qui vi-

Coniugis ornatu Syriam; dolet ille paterna 200
 Bithynos mutasse domo. Suffixa patenti
 Vestibulo pretiis distinguit regula gentes.
 Tot Galatae, tot Pontus eat, tot Lydia nummis.
 Si Lyciam tenuisse velis: tot millia ponas;

lissimas res distrahit lucro-
 que inhiat. Plaut. Aulular.
 III. c. 35.

v. 200. dolet ille cet. Num
 poenituit illum redemisse Bi-
 thyniam? aut coactus fuit
 hoc facere? Minime, sed tan-
 tum dolebat, paternam do-
 mum pretium fuisse, quam
 retinuisse honestius fuisset.

v. 201. 2. *subfixa patenti*
 + *regula*. Gesnerus explicat
regulam per tabellam oblon-
 gam, quales sint fabrorum
 regulae. Verum non a forma
 regulae fabrorum translatio
 petita est. Regula etiam est
 praescriptum, ad quod rem
 aliquam exigas. H. l. *regula*
 est recensio seu catalogus pro-
 vinciarum et magistratuum,
 adscripto singulis pretio, ut
 cupientibus aliquam provin-
 ciam aut munus obtinere,
 statim tabella visa innotesce-
 ret, quanta pecunia soluenda
 esset Eutropio. *patenti vesti-*
bulo subfixa. Non solum in-
 dicat, nundinationem illam
palam esse factam, sed Eu-
 tropium quoque consuluisse
 commoditati et suae et em-
 torum, ne ipse ambientium
 precibus toties vexaretur,
 nene cupientes aliquod mu-
 nus ambigerent, quanti illud
 constaret. Apposite laudat

Barthius Vlpianum cap. XI.
 de Instit. Act. *Proscribere*
palam, sic accipimus, claris
literis, unde de plano legi
possit, ante tabernam scili-
cet, vel ante eum (forlan-
 locum) *in quo negotiatio*
exercetur, non in loco re-
moto sed in euidenti. pretiis
distinguit gentes i. e. aesti-
 mat gentes pretio singulis ad-
 dito. Bene igitur haec pro-
 scriptio regula vocatur, quia
 Eutropius in animum addu-
 xerat, ad eam proseriptionem
 provincias addicere.

v. 203. *eat*. Heins. *coni-*
eant. *Eat* h. l. *veneat*. *Ga-*
latae, nam numeri non sem-
 per conveniunt. infra 22c. et
 XX. 246. Lucan. III. 77 sq.
 quae Burmannus laudavit.

v. 204. *ponas* pro: *solvas*.
 Burmannus ad Petron. 101.
 desumptum hoc esse a calculis
 putat, qui ponantur et fin-
 gantur valere, quod rationa-
 tor velit. Idem ad eundem
 115. Paulo alius petiisse
 Burmannus videtur, quod
 propius deprehendi potest.
ponere est coram sistere, ex-
 hibere, et translatum ad pe-
 cuniam, numerare, solvere
 pecunia praesenti, notat. Hoc
 sensu occurrit apud Terent.
 Phorm. IV. 3. 62.

Si Phrygas; adde parum. Propriae solatia forti 205
Communes vult esse notas, et venditus ipse
Vendere cuncta cupit. Certantum saepe duorum
Diuersum suspendit onus; cum pondere iudex
Vergit, et in geminas nutat prouincia lances.

Non pudet heu, Superi, populos venire sub hasta?
Vendentis certe pudeat. Quid iure sepulchrum (210
Mancipium tot regna tenet, tot distrahit vrbes?

v. 205. *adde parum* sc. ei pretio, quo Lyciam posside-
re. Heinsius sic distin-
ctum vult: *Si Phrygas; adde
parum.* Hoc Burmanno quo-
que probatur, qui addit, pne-
tam habuisse ante oculos Ho-
rat. Sat. II. 3. 69 sq. H. l. quo-
vis pignore certem, Horatii
locum Nostro non obuersa-
tum fuisse. Dicendi color,
qui in Vernisina satira egres-
sus est, hic, prope dicam,
ieiunus et putidus esset. Pre-
tia in illa proscriptiois ta-
bula fixa erant, et quae di-
cit, quasi ex illa tabula pro-
fert. Illa autem interpun-
ctione Eutropius poscens
emtorque licitans inducitur,
id quod hic locum non habet.
Illa ratione paullo infra No-
ster vititur v. 207 sq.

v. 206. *notas* h. l. macu-
lam. Ita enim ipse poeta *no-
tas* per sequentia interpreta-
tus est. Ipse seruus fuit, at-
que in solamen seruilis con-
ditionis omnia vendidit, sicut
ipse toties venditus est.
Omnia voluit esse venalia,
quia ipse olim venalis fuit.
Maculam igitur, quam ipse
sustinuit, omnibus rebus vo-

luit inurere. Negari interim
nequit, sententiam hanc esse
speciosiores quam veriores.

v. 207. *certantum*, contra
se inuicem licitantium.

v. 208. 9. *Diuersum onus*,
pretia intelligenda, quae
vterque obulerat. *cum pon-
dere iudex Vergit. vergit*,
καραβήτραν proprie dicitur
de altera lance; quae pon-
dere imposito deprimitur.
Virgil. Aen. XII. 715 sqq. *τὸ
vergere* saepe veteres con-
iunxisse cum *pondere*, notat
Heins. ad Valer. Flacc. l. 2. 96
vbi tamen *urgenti* cum Bur-
manno retinendum puto. Re-
mota imagine sensus est: ad-
dicit plus licitanti. *et in ge-
minas nutat prouincia lan-
ces.* Dum lances in motu
erant, ita, vt modo haec
modo illa vergeret aut de-
primeretur, incertum erat,
vtri prouincia cessura esset.
Inter duas igitur lances in-
terea nutabat.

v. 210. *venire sub hasta*
v. interpp. ad Iuvenal. III.
33. H. l. est in praedam co-
dere plus licitanti.

v. 211. *Vendentis certe pue-
deat.* Res enim per se atroc-

Pollentem folio Croesum victoria Cyri
Fregit, vt eunuchus fluere Pactolus et Hermus
Attalus heredem voluit te, Roma, relinqui, 215

et intolerabilis auctore fiebat atrocior. Eunuchus, abiectus olim et perditus, gentes vniuersas habebat pro ludibrio. *iure sepultum mancipium*, intelligo, quod quoad ius sepultum est, nulla iura habet, civiliter mortuus est, vt Claverius et Helmsius loquuntur. Burmannus, cui dura haec expositio videtur, proponit *iure repulsum*, vt pertineat ad illud, quod Eutropius crebro dominos mutat, aut *iure sepulto*. Verum hac ratione durities quidem remouetur, sed languor locum eius occupat, qui poetis magis etiam vitandus est. Mancipium, quod non est persona sed res, omnique iure destitutum est, *tenet* tamen *tot regna*. *Tenere* est in potestate habere et in ditione. cf. XVII. 261. Amat Noster dissimilium et inter se quasi pugnantium comparationes. Gesnerus *iure sepultum mancipium* explicat: quod non magis numerari in homines debebat, quam cadauer, vt vocatur v. 28. et v. 147. Forsan legendum: *iure* i. e. si ius spectas, *sepulcrum mancipium*, siliernium mancipium. Sic Graeci solent loqui. Euripid. Med. 1109. γέροντα τύμβον, quod scholiast. explicat πλῆσιον τοῦ

ἑνὸς καὶ τοῦ τάφου. cf. eundem in Heraclid. 107. et Aristoph. Lysistr. 372. Etiam Lucianus (Dialog. Mort. VI. 2. T. I. pag. 347. ed. Reiz.) siliernium vocat ἑμψυχόν τινα τάφον.

v. 213. *Pollentem folio*, regni opibus pollentem. *victoria Cyri*. Rem narrat Herodot. I. 71 sqq.

v. 214. *eunuchus fluere* cet. vt diuitiis illorum eunuchus potiretur. cf. Horat. Epod. XV. 20. De Pactolo et Hermo v. n. ad III. 104. Bene Gesnerus animaduertit, non satis commode h. l. Cyri et Croesi mentionem fieri, quum potius ii nominandi fuissent, cuius victoria in Romanorum ditionem Lydia venerit. Existimat Nostri nomen splendorem secutum esse. Possis tamen dicere, illum posuisse Cyrum, vt regem fortem atque strenuum, qui Croesum opibus pollentem regno expulerat, opponeret seruo spadoni ignanissimo eandem regionem nunc obtinenti, ac quod praetium olim fuerat virtutis, nunc praedam ignaviae esse declararet, eoque ipso inuidia in eunuchum augeretur.

v. 215. *Attalum*. v. Flor. II. 20. 2. Valer. Max. V. 2. 3. Iustin. XXXVI. 4. 5. Vellei. II.

Restitit Antiochus praescripto margine Tauri,
 Indomitos curru Servilius egit Ifauros,
 Et Pharos Augusto iacuit, vel Creta Metello,
 Ne non Eutropio quaestus numerosior esset?
 In mercem veniunt Cilices, Iudaea, Sophene, 220
 Romanusque labor, Pompeianique triumphus.
 Quo struis hos auri cumulos? Quae pignora tantis
 Succedent opibus? Nubas ducasue licebit:
 Nunquam mater eris, nunquam pater. Hoc tibi ferrum,
 Hoc natura negat. Te grandibus India gemmis, 225
 Te foliis Arabes ditent, te vellere Seres:
 Nullus inops adeo, nullum sic vrget egestas,

4. Plin. H. N. XXXIII. 11. Ap-
 pian. in Mithridat. 62.

v. 216. *Restitit Antiochus
 praescripto* cet. Lucius Sci-
 pio Antiochi regnum Tauro
 monte terminavit. Huius rei
 meminit Cicero pro P. Sextio
 27. et pro Deiotaro 13. Con-
 ditiones pacis memoriae pro-
 didit Liv. XXXVIII. 38. Bel-
 lum breuiter narrant Iustin.
 XXXI. 7 sq. Eutrop. IV. 1.

v. 217. *Servilius*. Flor. III.
 6. 1 sq. Valer. Max. VIII. 5. 6.
Ifauros. Ifauria regio inter
 Pamphyliam et Ciliciam, in
 qua vrbs Ifaurus, diu domi-
 cilium erat et receptaculum
 praedonum.

v. 218. *Pharos*. Aegyptus.
iacuit, post pugnam Actiacam.
Creta Flor. III. 7. 4 sq.

v. 220. *In mercem veniunt*
 cet. Ad Cn. Pompeii gesta
 venit. Dempst. laudat Lucan.
 II. 593 sqq. *In mercem ve-
 niunt*, venduntur. Notae sunt
 similes locutiones in *fami-
 liaritatem*, in *spem*, in *ser-*

monem venire. Notanda sane
 est cod. Oxon. lectio in *lapi-
 dem veniunt*, quae saltem
 librarii cuiusdam ingenio de-
 beri non videtur. Nescio ta-
 men, an aliae quoque res
 venales praeter seruos a prae-
 cone in lapide stante vendi-
 tae sint, Plautus quidem
 (Bacch. IV. 7. 17 sq.) Colu-
 mella (III. 3.) et Cicero (in
 Pison. 15.) seruorum tantum
 mentionem faciunt. cf. Bro-
 daei Misc. VI. 5. Turneb. Ad-
 vers. X. 3. *Sophene* Armeniae
 pars inter Taurum et Anti-
 taurum ad Euphratem. v.
 Oudendorp. ad Lucan. II. 593.

v. 222. *Quo*, quem in finem.

v. 223. *nubas ducasue*, il-
 lud de femina hoc de viro
 adhibetur, vt notum est. Sed
nubas eodem sensu dixit, quo
 Iuvenal. II. 134, et huc re-
 spicit sequens: *numquam ma-
 ter eris*.

v. 226. *foliis*. Adponam
 Gesneri verba: Folia Mala-
 bathri (cf. Iani ad Horat. od.

Vt velit Eutropii fortunam et membra pacisci. 1

Iamque oblito sui, nec sobria diuitiis mens,
In miseras leges, hominumque negotia ludit. 230
Iudicat eunuchus. Quid iam de Consule miror?

Il. 7. 8.) hodie, vt videtur quibusdam, incognita, in pretio antiquis fuere propter *foliatum* vnguentum (vid. Iuvenal. VI. 464. ibi schol.) quod inde parabatur. Illud folium per excellentiam ita dictum non nardum aut spicam nardi esse, vt ipse putarit Plinius, sed Malabathrum, pugnat Salmas. ad Solin. pag. 749. Copiose idem de illo et hodierna eius apud Arabes appellatione disputat Homon. hylesiatr. c. 87. Hactenus Gesnerus. cf. Arriani Peripl. mar. Erythraei pag. 178 sq. ed. Blancardi. Barth. h. l. et Aduers. II. 6. In margine Isingr. erat *spoliis*. Haec lectio defendi possit ex Petron. 119. *illinc noua vellera Seres Atque Arabum populus sua despoliauerat arua. — te vellere Seres* v. n. ad l. 179.

v. 128. *Vt velit Eutropii* cet. Bene Gesnerus: vt velit simul cum fortuna et diuitiis Eutropii suscipere etiam membra i. e. conditionem mutilati corporis.

v. 129. *nec sobria, ebria, superbiens*. cf. locum Zosimi ad v. 196 laudatum. *μεθύων τῷ πλούτῳ*.

v. 130. *In miseras leges — ludit*. Tmesius putat Ges-

nerus pro: *inludit legibus*. Verum quidni dixerit poeta *ludere in leges*, quamquam exempla huius structurae desint. Heinio quoque id displicuisse videtur, quare coniecit *saenit* ex vestigiis duorum Mss.

v. 231. *Iudicat eunuchus*. Infra XX. 68. vocatur Eutropius *praesidium legum* et v. 72. *statuae dicuntur ei posita* esse iudicis speciem referentes. Eutropium Praefectum Praetorio fuisse nusquam legitur, fuerat summus cubiculorum Praefectus, Arcadioque ius dicenti adesse solebat. Sententiasque eius temperare. Zosim. V. 9. 4. καὶ ὁ μὲν βασιλεὺς προὐκάθητο δικαστῆρι· Εὐτρόπιος δὲ παριστῶς, ἐπειδὴ καὶ τὴν ἡγεμονίαν πάντων τῶν βασιλικῶν εἶχε κοινῶν, τῆς πάσης ψήφου κύριος ἦν. et V. 12. 1. dicitur Eutropius κυριεύων Ἀρχαίου ὡσπερ βοσκῆματος. Gothofred. hoc loco et aliis e. g. v. 105. inductus est, quae de Eutropio sub Theodosio M. in Cod. Theod. dicuntur, ad nostrum eunuchum retulit in Prosopographia, vt animadvertit Ritters. *de consule*, quod adinet ad consulem. Sensus: quum iudicauerit eunuchus, quid iam miror?

Prodigium, quodcunque gerit. Quae pagina lites
 Femineas meminit? Quibus vnquam secula terris
 Eunuchi videre forum? Sed ne qua vacaret
 Pars ignominia, neu quid restaret inausum: 235
 Arma etiam violare parat, portentaque monstis
 Aggerat, et secum petulans amentia certat.
 Erubuit Maiores, auersaque risit Enyo,

eum consulem quoque factum esse.

v. 232. 3. *lites femineas*. Gesnerus et Burmannus insolens et duriusculum dicunt, quod *lites femineas* pro litibus a femina decisis, pro iudiciis munere a femina gesto, Noster posuit. Quaeritur autem, an huiusmodi aliquid factum sit, cuius illi viri poetam insimulant. Accedit, quod, etiamsi non insolens esset, *femineas lites* pro litibus a femina diiudicatis ponere, nihilominus tamen locum nullum haberet, quandoquidem eunuchus non magis femina est, quam vir. *Lites femineae* sunt lites inter feminas. Quis vnquam legit, feminas in foro coram praetore aut iudicibus litigasse aut suam ipsas causam egisse? cf. Iuvenal. II. 51 sq. ibi v. interpp. Noster dicere vult, si feminas causas agerent, eunuchus posset in earum causis iudex sedere. Hoc per interrogationem expressit: *quae pagina* (non honorum, ut vult Gesnerus ex Iuvenal. X. 58, sed annalium) *lites femineas meminit?* sc. in qui-

bus eunuchus iudicem quodammodo agere potuisset.

v. 234. 5. *ne qua vocaret Pars ignominia*. Ut omnes imperii partes, etiam res militaris, eunuchi tractatione contaminarentur. Barthius laudat Ovid. Trist. V. 13. 4. Ceterum describit poeta insequentibus vastationem Asiae minoris a barbaris factam, contra quos Eutropius dux cum exercitu profectus insignia quidem victoriae, sed victoriam ipsam non retulit. Quae expeditio, quamquam eius mentio ab aliis scriptoribus, quod sciam, facta non est, nihilominus tamen ficta non esse videtur.

v. 236. *portentaque monstis*. Quid intersit inter utrumque, nescio. Variandi causa, ut existimo, posuit pro: portenta portentis, aut metri causa. Cf. tamen Cic. de Divinat. I. 42. et Eschenb. ad Orph. Argon. 37.

v. 237. *et secum petulans amentia certat*. ut quasi se ipsam superet in omnibus rebus ludibrio habendis.

v. 238. *Enyo*. Graecum nomen Bellonae, *Ἐνυώ*. Minerva consilio bellum gerit,

Dedecus Eoum, quoties intenta sagittis
 Et pharetra fulgens anus exercetur Amazon; 240
 Arbiter aut quoties belli pacisque recurrit,
 Alloquiturque Getas. Gaudet, quum viderit, hostis,
 Et sentit iam deesse viros. Incendia fumant;
 Muris nulla fides; squalent populatibus agri,
 Et medio spes sola mari. Trans Phasin aguntur 246
 Cappadocum matres, stabulisque abducta paternis
 Caucasias captiua bibunt armenta pruinas,
 Et Scythicis mutant Argei pabula siluis.
 Extra Cimmerias, Taurorum claustra, paludes

Mars fortitudine, Bellona furore. Plura de hac dea congeffit Ruperti ad Sil. Italic. IV. 439. vocatur apud Petron. 120. *feralis. auersa risit*. Non erubuit, ut Mars, qui militiam ab euncho temeratam cogitat, sed ririt, quia animo iam praeuidebat, clades euncho duce futuras cf. infra 243 sqq. idque fecit *auersa*, in sinu nempe gaudebat, vultumque auertit, ne risum proderet.

v. 239. *eoum*, quod ad imperium Orientale spectabat. *intenta sagittis* i. e. collineans sagittas.

v. 240. *Amazon*. Fortasse in nomine h. l. lulit poeta.

v. 243. *deesse viros*, huiusmodi nempe duce constituto.

v. 244. *Muris nulla fides*. Nullam fiduciam ponunt homines in muris, illosque putant ab hoste cito iri superatum. *squalent* exprimit faciem camporum vastatorum.

v. 245. *Et medio spes sola mari* i. e. sola spes euadendi

hostes in nauibus aut in mari posita est. Heins. coni. *In medio spes una mari*. Et sic saepe poetae. Sil. Ital. VII. 1. Virgil. Aen. XII. 57. Ovid. Heroid. III. 142. Trist. III. 6. 49. *aguntur* sc. captivae.

v. 247. *Caucasias*. cf. VIII. 108. *bibunt pruinas* cf. I. 155.

v. 248. *Argei* antiquae pro: Argivi; incolae Asiae minoris graece loquentes intelliguntur. Verum *Argei* non conuenire videtur *τῶν παβυλῶν*. Itaque Heinsius coni. *Argeia*, laudatque Nostr. XXIX. 190 sqq. Mihi quidem videtur legendum esse *Argaei* sc. montis, quandoquidem de Cappadecibus eorumque armentis a barbaro hoste abductis sermo est. cf. infra XX. 114 sq.

v. 249. *Cimmerias paludes*, Maeotidis propagines, quae Chersonesum Tauricam ambiunt. *Taurorum*, incolarum Chersonesi Tauricae, quos innuit quoque Lucan.

Flos Syriae seruit: spoliis nec sufficit atrox 250
Barbarus; in caedem vertunt fastidia praedae.

Ille tamen (quid enim seruum, mollemque pudebit?
Aut quid in hoc poterit vultu flagrare ruboris?)
Pro victore redit. Peditum vexilla sequuntur,
Et turmae similes, eunuchorumque manipuli, 255
Hellepontiacis legio dignissima signis.

II. 594, vbi male Schol. Taurum montem intelligit. Versus hic Barthio suspectus est. Rationem non addidit aliam, quam quod putat, eam commodo sententiae posse abesse. Forſan *Taurorum clauſura* displicuerunt, quum Taurum montem intellexiſſet. Verſus autem, ſi quid ſentio, non eſt reiiciendus, quia locum indicat, vbi Syriae iuventus ſeruitutem ſeruiat.

v. 250. *Flos*, ἄνθος. Pauſan. IV. 27. 2. καὶ νότος δὴ Σπάρτης μὲν ἀπ' ἀγλαῶν ἄνθος ὀλεῖται. Iuuenal. V. 56.

v. 251. *in caedem vertunt fastidia praedae* ſc. barbaros. Senſus: tantam captivorum multitudinem hoſtes nanciſcuntur, vt, quum plures abducere nolint, captos trucidant.

v. 252. *seruum*, quandoquidem pudor eſt proprium ingenuorum. *mollem* priſtinam vitae infamiam iunxit, quam qui ſubiit, omnem pudorem amiſerit necelle eſt.

v. 253. *in hoc vultu*, tam rugoſo et exſanguis. *flagrare* de rubore omnino dicitur, ſive illum ira ſive pudor excitauerit. Burmann. ad Va-

ler. Flacc. III. 216, et ad VII. 410. cf. Virgil. Aen. XII. 65. Legimus apud Sil. Italic. I. 126. *locus flagrantis sanguine*.

v. 254. *Pro victore redit* i. e. tamquam vicisset. *peditum*. Num *tumidum*? Saltem legi ſic poſſe videtur ex veſtigiis quorundam MSSpt. Heinf. con. *truncum*, vt addatur ad membra truncata. *vexilla* cf. not. ad XV. 410. Ceterum cf. XIX. 5 ſq. vbi quoque Eutropii victoriam illudit.

v. 255. *Et turmae similes*. Hic verſus alterutram coniecturam probare videtur. Si enim pro *peditum* legas vel *tumidum* vel *truncum*, vexilla vniuerſum exercitum denotare poſſunt, et hoc verſu partes eius, equites et pedites, nominantur, molles et effeminati. Sin autem *peditum* retines, *eunuchorum manipuli* proprie ſumendi ſunt, quorum magnus numerus in comitatu eunuchi ducis verſaretur. *similes* ſc. eunuchis et quidem mollitie.

v. 256. *Hellepontiacis signis*. Signum Hellepontia-

Obuius ire cliens, defensoremque reuersum
 Complecti. Placet ipse sibi, laxasque laborat
 Distendisse genas, fictumque inflatus anhelat,
 Puluere respersus tineas, et Solibus ora 160
 Pallidior, verbisque sonat plorabile quiddam
 Ultra nequitiam fractis, et proelia narrat,
 Perque suam tremula testatur voce sororem:

eum est Priapus, quem Lam-
 placii ad Hellepontum po-
 tissimum cultum esse constat.
 Inde vocatur *deus Helle-
 spontiacus*. Ovid. Fast. I. 440.
 v. Heyne ad Virgil. Georg.
 IV. 111. Equidem existimo,
 milites imperii Orientalia
 inter alia etiam Priapi signum
 in vexillis suis gessisse, Clau-
 dianumque, qui in gratiam
 Honorii vnquamque oc-
 casionem cupide arripit res
 Orientales irridendi, hoc ri-
 disse, alioquin falsum illud
 dictum paullo longius peti-
 tum dixeris. Quod si autem
 id, quod coniectura sola
 nititur, probabile videtur,
 non illepide Noster dicere
 potuit, *legionem* i. e. exerci-
 tum omnem, mollem et effe-
 minatum, signis suis dignum
 fuisse.

v. 257. *defensoremque*.
 Velut seruata republica.

v. 259. *Distendisse genas*
 cf. XX. 449. v. Burmann. ad
 Lucan. IX. 792. et ad Petron.
 96. *fictumque anhelat*. A
 gravissimo labore se fingit
 redeuntem. cf. I. 117.

v. 260. *tineas*, supra v. 114.

v. 261. *solibus Pallidior*.
 Quam sani solis ardoribus ru-

bicundiores fiant. Indicat
 igitur imbecillitatem corpo-
 ris. *plorabile quiddam*. Pers.
 I. 33.

v. 262. *Ultra nequitiam
 fractis*. Frangi dicitur res
 quaecunque, quae suum ri-
 gorem et vim amittit, siue
 effeminatur et mollietur. De
 voce molli saepe adhibetur.
 Iuvenal. II. 111. VI. 195. Plura
 notant Heinſius ad Nostrum
 et Burmannus ad Petron. 128.
 cf. Horat. Sat. II. 3. 274. *Ne-
 quitia* est amatoria leuitas et
 mollities Horat. od. III. 4. 78.
 et 15. 2. Martial. IV. 42. 4. et
 IX. 69. 1 sq. *ultra nequitiam*
 ergo est, ultra leuitatem aut
 mollitiem amatoriam, quia
 imbecillitas et senectus illam
 per se iam tremulam reddi-
 derat eunucho, qui omnino
 voce virili destitutus est.
proelia narrat. Nempe, quae
 non commissa erant.

v. 263. *Perque suam soro-
 rem*. Soror pro amica saepe
 ponitur v. Heyne in Obsl. ad
 Tibull. III. 1. 26. Broukh. ad
 eundem I. 5. 49. Martial. II. 4.
 Quae fuerit illa mulier, igno-
 ramus, liquet hoc tantum,
 illam ab eunucho sororis no-
 mine fuisse circumductam.

Defecisse vagas ad publica commoda vires;
 Cedere liuori, nec sustentare procellas
 Inuidiae, mergique fretis spumantibus orat.
 Exoretque vtinam! Dum talia fatur, ineptas

265

cf. infra XIX. 41 sq. et XX. 88 sqq. Quod autem per amicam suam dux ille egregius testatur, vires suas defecisse, ridiculum habet ex ambiguitate, et exprimit summam mollitiem moresque ita esse minatos, vt illos ne dissimulare quidem possit, quum maxime debeat. Huic sermone egregie conuenit adiectum *tremula voce*.

v. 264. *vagas vires*. *Vagas* videntur esse vires, quarum vsus fuit in diuersis locis rebusue diuersis. Saltem *vagas puellae* apud Propert. l. 4. 7. ita sunt explicandae. Cane autem iungas *vagas* cum *ad publica commoda*, sed ordo est: *vagas vires defecisse ad publica commoda* sc. promovenda seu curanda, hoc sensu: vires defecisse, vt non amplius publica commoda i. e. bellum administrare possit. cf. Ovid. Met. VIII. 492. Haec fuit altera ratio Gesneri, qui tamen nequidquam laboravit in definienda potestate *roû vagas*, in qua deligenda Noster ambiguitatem forsan de industria secutus est, respexitque vagam Eutropii vitam, dum adhuc esset in aetatis flore.

v. 265. *Cedere liuori*. Ad ostentationem pertinet. pro-

cellas inuidiae ob res scilicet egregie gestas.

v. 266. *mergique fretis spumantibus orat*. Obscure dictum. Barthius: deuouet caput suum ad dictis fidem faciendam. Melius Gesnerus: in metu nanfragii solus vult mergi, si seruari navis reipublicae possit. Fortasse etiam hoc non ineptum est. Poeta eunuchum tumidum etiam Asiatico tumore loquentem inducit. Ait, *se non sustentare procellas inuidiae*, cupit imperium deponere, atque, vt hoc sibi liceat, orat. Manet autem in allegoria, orat igitur, vt *fretis spumantibus obruatur* i. e. inuidiae tempestate, quam rebus gestis excitavit, vt id eveniat, quod inuidia optat i. e. vt sibi liceat imperium deponere. Ceterum Heinsius ex vno Ms. mauult *spirantibus*, quae lectio sane doctior est. cf. Virgil. Aen. X. 291.

v. 267. *Exoretque vtinam*. Non temere illa loquendi figura vtentem Claudianus Eutropium induxit, vt recte iam Barthius monuit, sed vt proprie illa, quae dicta erant, accipere, et hanc adprecandi formulam adicere posset. Sed, num illum ritum respexit, vt idem vir doctissi-

Detergit lacrimas, atque inter singula dicta
 Flebile suspirat. Qualis venit arida socrus
 Longinquam visura nurum; vix lassa reledit, 270
 Et iam vina petit. Quid te, turpissima, bellis
 Inferis, aut saevi pertentas Pallada campi?
 Tu potes alterius studiis haerere Minervae;
 Tu telas, non tela, pati; tu stamina nosse;
 Tu segnes operum sollers vrgere puellas, 275

mus putat, quo prodigia mari
 solebant mergi, quamquam
 cum aliqua veri specie dici
 possit, pro certo tamen non
 adfirmaverim. Neque ille
 mos ad omnia prodigia, sed
 ad androgynos tantum spe-
 ctasse videtur, cf. Liv. XXVII.
 37. XXXI. 12. Gell. IX. 4. Iul.
 Obseq. c. 92. et 94. Id fiebat
 etiam in flumine. Iul. Ob-
 seq. 39.

v. 267. *ineptas*, quae nec
 tempori nec loco nec duci
 conveniebant, quamquam
 eunuchi effeminati mores
 bene exprimunt.

v. 269. *Flebile suspirat*.
 Omnia haec ad mollitiem
 spectant. *arida*, siticulosa. cf.
 Ovid. Fast. III. 265 sq.

v. 271. *Et iam vina petit*.
 Comparatur eunuchus cum
 muliere vetula, quae vinum
 non admodum auersatur et
 itinere longo exhausta est.
 Qualis illa garrere solet voce
 fracta et suspiriis orationem
 mollem interrumpentibus in-
 superque faucibus siti aridis,
 talem eunuchum induxit.
turpissima. Pathici aut eunu-
 chi feminino nomine igno-
 miniose saepe appellantur.

v. Heins. ad Ovid. Heroid.
 IV. 48. et infra 339.

v. 272. *Inferis*, vt Ovid.
 Met. III. 117. *saevi Pallada
 campi*. *Pallās* h. l. posita
 est pro: studia Palladis, et
saevus campus proelium seu
 bellum est. Dixit itaque
saevi Pallada campi pro
 vulgari: studia belli seu
 bellum.

v. 273. *alterius Minervae*,
 lanificae, quasi illa diversa sit
 a Pallade. *haerere*, inhae-
 rere. Ovid. Trist. III. 7. 11.

v. 274. *Tu telas, non tela*,
pati. Verborum lusus. h. l.
 saltem minime frigidus vi-
 detur, sed, vt Gesnerus bene
 animadvertit, auget contem-
 tum ex illusione. *nosse*. Vel
 sine libris legendum putat
 Heinsius *nosse* laudans Ovid.
 Fast. II. 771. Virgil. Cir. 177.
 Recte tamen Burmannus
nosse praefert, quod procul
 dubio exquisitius est. v. cum
 ad Ovid. Heroid. VI. 83.

v. 275. *sollers operum*, pe-
 ritus operum femineorum.
vrgere puellas, diligentiam
 earum assidue excitare. Alio
 sensu dixit Ovid. Met. IV. 35.
famulas laboribus vrgere,

Et niueam dominae pensis inuoluere lanam.
 Vel, si sacra placent, hab eas pro Marte Cybeben;
 Rauca Celaenaeos ad tympana disce furores.
 Cymbala ferre licet, pectusque illidere pinu,
 Inguinis et reliquum Phrygiis abscindere cultris. 280

v. Heinsf. et Burmann. ad Valer. Flacc. II, 138. Eunuchorum enim erat in gynaeceis pensa exigere a famulabus, dominaeque semper ad manum esse.

v. 276. *niueam lanam*. Tibull. I. 6, 80. Ovid. Heroid. VII. 100. Heinsius coniecit olim *vinctam*, deinde *tinctam*, in locis autem, quae laudauit, semper color additus est. Vulgata coniecturis praestat. *pensis inuoluere* i. e. lanam in pensa inuolueri, eaque nentibus ancillis distribuere, Ovid. Met. VI. 19. *dominae casus tert. für die Gebieterin*.

v. 277. *Vel si sacra placent*. Si animum induxisti, deae alicuius sacra celebrare, non Palladis sacra cole, sed cole Cybeben. Deriuant hoc nomen a *κυβηβαιν*, in caput deiici, ut solent furiosi et furore perciti. v. Marquardi Gudii not. ad Phaedr. III. 20. Heinsf. ad Virgil. Aen. III. 111. et Heyne in VV. LL. et ad eundem X. 220.

v. 278. *Celaenaeos furores*. Celaenae, *Κελαιναι*, caput quondam Phrygiae fuit, migratum inde haud procul veteribus Celaenis, nouaeque urbi *Apaene* nomen

inditum Liv. XXXVIII. 13. cf. Schol. ad Lucan. III. 206. Fuit etiam mons eiusdem nominis, in quo sita erat urbs Ovid. Fast. IV. 361. *Celaenaei furores* sunt Phrygii furores, aut eorum, qui sacra Cybeles cum entusiasmo solito celebrabant. Hunc furorem solebant excitare instrumentis mulicis, quae praecipue aures vehementer feriebant, tympanis et cymbalis. Propert. III. 15. 35 sqq. cf. Doering. ad Catull. LXIII. 9. Perizon. ad Aelian. V. H. IX. 8. 6.

v. 279. *pectusque illidere pinu*. Gestabant in suis ceremoniis truncos pineos, quibus se tundeant. In illam arborem Atys sine Attin mutatus esse dicitur. Ovid. Met. X. 104. cf. Stat. Theb. X. 170 sqq. Hinc dicti sunt *dendrophori*, de quibus v. Reinnesf. ad Inscript. I. 40. p. 75.

v. 280. *Inguinis et reliquum*. *Inguen* saepe pro parte ponitur, qua mares sumus. *reliquum*, testibus iam olim exsectis aut elisis. Galli autem, aut sacerdotes Cybeles, totum virile membrum abscindere solebant. Iuvenal. II. 115. *Phrygiis cultris*. *Samia* forsitan testis

Arma relinque viris. Geminam quid diuidis aulam,
 Conarisque pios odiis committere fratres?
 Te magis, ah demens, veterem si respicis artem,
 Conciliare decet. Gellis pro talibus annum
 Flagitet Eutropius, ne quid non polluat vnus, 285
 Dux acies, iudex praetoria, tempora Consul.

Nil adeo foedum, quod non exacta vetustas
 Ediderit, longique labor commiserit aevi.
 Oedipodes matrem, natam duxisse Thyestes
 Cantantur. Peperit fratres Iocasta marito, 290

Juvenal. VI. 513. Martial. III. 81. 3. Fiebat hoc etiam *silice acuta* Catull. LXIII. 5. *saxo acuto* vltus est ipse At-
 tin. Ovid. Fast. IV. 237.

v. 281. *Arma relinque vi-
 ris.* Burmannus putat, co-
 lorem ductum esse ex Ovid.
 Heroid. XVII. 254. *geminam
 aulam.* Constantinopolita-
 nam et Romanam. Hoc au-
 tem fecerat Eutropius per-
 suadendo Gildoni, vt ab Ho-
 norio deliceret. De hoc
 supra. Verum huius rei men-
 tio h. l. saltem videtur pa-
 rum opportuna esse.

v. 282. *committere.* *Com-
 mitti* proprie dicuntur gla-
 diatores. Sueton. in Claud.
 34. *odiis*, quibus incitasse
 dicitur Arcadium in Hono-
 rium.

v. 284. *Conciliare.* Hoc
 enim lenonum est et lenarum.
 cf supra 78 sqq. et interpp.
 ad Petron. 117. *concilio tibi
 sororem. annum, consulatum.*

v. 286. cf. 105 sq. 230 sq.
 et 297 sq.

v. 288. *longique labor
 aevi.* pro: longum aeuum.

Virgil. Aen. XI. 425 sq. Bar-
 thius ad h. l. et ad Stat.
 Theb. II. 196. ad labores et
 aerumnas hominum, quas in
 aeuo sustinerent, respici exi-
 stimat. Hunc secutus est Bur-
 mannus ad Valer. Flacc. II.
 619. dicitque, *laborem aevi*
 eodem fere sensu dictum
 esse, quo *laboratum aeuum*
 Valer. Flacc. V. 226. et *labo-
 rata vita* Stat. Theb. I. 141.
 Rectius, vt equidem opinor,
 ita res expedienda est.
 Omnia, quae in aeuo seu
 tempore sunt, eidem tem-
 pori adtribuuntur, atque vt
 ab aeuo seu a tempore ef-
 fecta a poetis cogitantur. In
 iis igitur producendis et per-
 ficiendis *aevi labor* contine-
 tur. Valer. Flacc. II. 617 sqq.
*Has etiam terras, conserta-
 que gentibus arua Sic, pe-
 lago pulsante, reor Neptu-
 nia quondam Cuspis, et
 aduersi longus labor ab-
 scidit aevi.*

v. 289. *Oedipodes.* v. ad
 III. 84.

v. 290. *Iocasta*, Menoecei
 filia, vxor Laii, quo a filio

Et Pelopea sibi. Thebas ac funera Troiae
 Tristis Erechthei deplorat scena theatri.
 In volucrem Tereus, Cadmus se vertit in anguem;
 Scylla novos mirata canes. Hunc arbore figit,
 Eleuat hunc pluma, squamis hunc fabula vestit, 295
 Hunc solvit fluuio. Nusquam spado Consul in orbe,
 Nec iudex ductorue fuit. Quodcunque virorum
 Est decus, eunuchi scelus est. Exempla creantur,
 Quae socci superent risus, luctusque cothurni.
 Quam pulchre conspectus erat, quum tenderet artus
 Exsanguis, onerare toga, cinctuque grauius, (300

Oedipode interfecto, ipsi interfectori nuplit, eique peperit Polynicem et Eteoclem. Fabula per Aeschylum et Sophoclem notissima.

v. 291. *Pelopea*, vxor et filia Thyestis. *Thebas*. Excidium eius urbis intelligitur in bello τῶν ἐπὶ γόνων. *funera Troiae*, excidium Troiae, aut labores et miseriae Troianorum.

v. 292. *Erechthei*, Athenienses ab rege antiquo sic dicti. *tristis scena*, tragoediae enim intelliguntur.

v. 293. *volucrem*, vpapam. Ovid. Met. VI. 512 sqq. *Cadmus* l. c. IV. 562 sqq.

v. 294. *Scylla* l. c. XIII. 730 sqq. *mirata*. De exquisito huius verbi vsu exempla congeffit Burmann. ad Ovid. Amor. II. 11. 1. et ad Valer. Flacc. L. 382. *Hunc arbore figit*, vt Attin, Phaethontis sorores, Philemona et Baucidem, cet. Heinsius coniungit Ovid. Met. I. 549.

v. 295. *Eleuat hunc plu-*

ma, in anem mutat. Burmannus laudat Ovid. Met. IV. 410. et VIII. 543. Exemplo est Perdix. *squamis vestit*, in pisces mutat, vt nautas, qui Bacchum abductum vendere volebant, in delphinos.

v. 296. *Hunc solvit fluuio*. Sic Acis in fluuium mutatus est.

v. 298. *scelus* h. l. nefas, monstrum. Barth. ad Stat. Theb. X. 542. Sensus: quodcunque viros decet, id in eunucho nefas sit et monstrum.

v. 300. 1. *pulchre conspectus*, περιβλεπτος (Perizon. ad Aelian. V. H. II. 12.) cf. Burmann. ad Ovid. ad Liv. August. 122. Alii *pulcher conspectus*. *quum tenderet onerare* eleganter et accommodate ad eunuchum vetulum et omni vigore destitutum pro: quum oneraret. cf. XXVIII. 465. XXVI. 166. Ovid. Met. XI. 532. Valer. Flacc. III. 469. quae loca, et plura praeterea, laudauit Heinsius ad v. 15. *artus exsanguis*, maci-

Indutoque senex obscenior iret in auro!
 Humani qualis simulator limius oris,
 Quem puer arridens pretioso flamine Serum
 Velavit, nudasque nates ac terga reliquit, 305
 Ludibrium mensis, erecto pectore diues
 Ambulat, et claro sese deformat amictu.
 Candida pollutos comitatur Curia fasces;
 Forsitan et dominus. Praebet miracula lictor

lentos tennes et infirmos, quibus bene convenit onerare. cinctuque grauatus. cinctumque grauatos ex coniectura legendum censet Heinſius multis locis citatis. Idem adprobat Drakenbr. ad Sil. Italic. II. 598. *Grauari* etiam cum casu quarto iungi in vulgus notum est (Oudendorp. ad Lucan. V. 258.) sed, ni fallor, alio sensu, quam qui hic requiritur. Ex Heinſii coniectura Claudianus priori loco posuit, quod posteriori ponendum fuisset, nisi quis statuatur, super illum cinctum, quisquis tandem ille fuerit, togam esse indutam, atque hoc sequentia vix permittunt. v. ad VII. 3.

v. 302. *Indutoque iret in auro*. Sic Ovid. Fast. VI. 688. *in longis vestibis ire*. Plura et e Graecis laudant Heinſ. et Burmann. ad Valer. Flacc. v. 349. *auro*, consularem vestitum indicat. Sidon. Apollin. carm. II. 1. *molem trabalis metalli* vocat. *obscenior*. Ad malum omen et auspiciū triste pertinet. Sic Gesnerus. Nostrum existimo

dicere voluisse, ornatu illo splendido foeditatem hominis magis etiam conspicuam esse factam. Hoc adparere videtur ex comparatione sequenti. Ceterum pluribus exemplis Burmannus probavit, non differre, utrum legas *induto* an *inducto*, quod utrumque Mss. suppeditant.

v. 303. *simulator* Burmannus laudat Ovid. Amor. II. 6. 23.

v. 304. *adridens* idem explicat: maligne ridens.

v. 306. *erecto pectore*, pedibus posterioribus insistens, *diues* ad ornatum diuitem spectat.

v. 308. *Candida curia*, senatores vestitu puro et splendido.

v. 309. *dominus*. Heinſius dominum priorem Eutropii intelligit. Dominos autem multos habuit, et causam videre nequeo, cur vnum tantum nominasset Claudianus eundemque nomine non definitum. Rectius Burmannus et Gesnerus Arcadium intelligunt, quandoquidem, ut supra vidimus, vel Impe-

Consule nobilior, libertatemque daturus, 310
 Quam nondum meruit, scandit sublime tribunal;
 Atque inter proprias laudes Aegyptia iactat
 Somnia, prostratosque canit se vate tyrannos.
 Scilicet in dubio vindex Bellona pependit,

ratores solebant consulum processiones comitari. cf. Pannegyr. Vet. XI. 2. 4. Ammian. Marcell. XXII. 7. Spartian. in Hadriano 9. *forſitan*. Ex coniectura nempe Noster hoc poſuit, quod exploratum non habebat. *praebet miracula lictor*. Quandoquidem inauditum hactenus fuerat, lictorem consule nobiliorem eſſe. Lictor enim ſaltem ingenuus, conſul libertus et ſpado.

v. 310. *libertatemque daturus* ſc. conſul. Primus enim actus conſularis erat manumillio. v. not. ad VIII. 611.

v. 311. *inter proprias laudes*. Bene Geſnerus ait, Eutropium veterum magiſtratum morem eſſe ſecutum, ut in prima oratione vel gratiarum actione de ſuis etiam rebus geſtis commemoraret (XXVIII. 387 ſqq.), et inter illas *Aegyptia ſomnia*. Opportune laudat idem Sozomenum H. E. VII. 2. narran- tem, initio belli contra Eugenium Theodoſium M. de euentu anxium, conſiliis et oraculis Ioannis, monachi Aegyptienſis, uti voluiſſe. Miſiſſe itaque Eutropium, eunuchorum fidiffimum, in Aegyptum. Hunc reſponſum

retuliſſe, Theodoſium victurum eſſe. De Ioanne idem narrat Auguſtinus de Ciuit. D. V. 26. et Theodoret. H. E. V. 24. ſine Eutropii mentione. Reſtat tamen ſcrupulus, quem Sozomeni locus laudatus non exemit. Qui poterat Eutropius dicere: *ſe vate*? Certe is, qui oracula conſultum miſſus reſponſum reportat, nullo modo poteſt *vates* dici. Res quidem, quam memoriae prodidit Sozomenus, in dubium vocari nequit, Eutropium eunuchum in Aegyptum miſſum eſſe, quandoquidem et Noster huius itineris meminit. Forſan Eutropius, laude illi monacho praerepta, renunciavit, ſe in Aegypto per quietem viſiſſe Theodoſium victorem, aut victoriam illius diuinitus ſibi eſſe per quietem praenunciata. cf. XIX. 39 ſqq. *Miror, cur, aliis qui pandero fata ſolebas, Ad propriam cladem, coeca Sibylla, taces. Iam tibi nulla videt fallax inſomnia Nilus. Peruigilant vates nec, miſerande, tu, tyrannos*, Eugenium et Arbogaſtem.

v. 314. *pependit* v. ad I. 11. et VII. 172. Senſus eſt: ſcilicet expeditio contra ty-

Dum spado Tiresias, enervatusque Melampus 315
Reptat ab extremo referens oracula Nilo.

Obstrepuere auium voces. Exhorruit annus
Nomen, et insanum gemino proclamat ab ore,
Eunuchumque vetat fastis accedere Ianus.
Sumeret illicitos etenim si femina fasces, 320
Esset turpe minus. Medis leuibusque Sabaeis

rannos tamdiu dilata est. Parum h. l. conuenienter Gesnerus Homeri ἐνερχλῆσα *ἐνερχλῆσα* memorat.

v. 315. *spado Tiresias*. Praeter id, quod Tiresias, qui inter celeberrimos vates censetur, aetate fuerat decrepita, etiam hanc narrationem spectasse Claudianus videri potest, quum tam celebre nomen Eutropio imponeret, qua Tiresias femina factus e viro dicitur et vir rursus e femina. Ovid. Met. III. 323. *Venus huic erat utraque nota* cf. supra 223 sq. Ceterum de Tiresia v. Burmann. ad Ovid. l. c. Spanhem. ad Callim. H. in Pallad. 82. Broukh. ad Propert. IV. 9. 57. et Barth. ad Stat. Theb. IV. 443. et 542. *enervatus*, qui nervos amisit. cf. supra 192. qui spado factus est. *Melampus*. Verum, cur hunc ex antiquis vatibus nominat? Num quia sacra Aegyptiaca in Graeciam intulit, vt tradidit Herodot. II. 49. Plutarch. de malignitate Herodoti c. 13. T. XII. ed. Hutt. ? Non temere Claudianum id fecisse existimo, sed ratio obscura est. cf. infra 369 sq.

et Barth. ad Stat. Theb. III. 573.

v. 316. *Reptat*. Indicativum defendit Burmannus. Virgil. Aen. IV. 52. Ceterum tarditatem senilem exprimit.

v. 317. *Obstrepuere auium voces*, quali obnuncianere. Contrarium vide supra VIII. 170 sqq.

v. 318. *Nomen* supra ad 284. *insanum*, horrendum. *Insana* dicuntur saepe ea, quae modum excedunt. Cuius rei exempla collegit Ruperti ad Sil. Italic. I. 251. Indignitate rei grauitur commotus est Ianus.

v. 319. *fastis accedere*. Eo respicitur, quod nomen Eutropii, in ipso consulatu deiecti, in fastos referri prohibitum, ita vt ille annus vno nomine Theodori Mallii signatus sit. Contrarias partes Iano tribuuntur a Statio in Silv. IV. 1. 11 sqq.

v. 321. *Sabaeis*. VIII. 306. intelligit autem omnino populos barbaros Asiae. Arrian. Alex. I. 24. νεομισμένον ἐν τῇ Ἀσίᾳ ἐπὶ ἀπὸ Σευραμέως καὶ γυναῖκας ἀρχαῖν ἀνδρῶν, quod recte interpretatur Gesnerus: vt viris qui in regno sunt

Imperat hic sexus, reginarumque sub armis
 Barbariae pars magna iacet. Gens nulla probatur,
 Eunuchi quae sceptrum ferat. Tritonia, Phoebe,
 Vesta, Ceres, Cybele, Iuno, Latona coluntur; 325
 Eunuchi quae templa Dei, quas vidimus aras?
 Inde sacerdotes; haec intrat pectora Phoebus;
 Inde canunt Delphi. Troianam sola Mineruam
 Virginitas Vestalis adit, flammisque tuetur.
 Hi nullas meriti vittas, semperque profani. 330
 Nascitur ad fructum mulier, prolemque futuram;
 Hoc genus inuentum est, ut seruiat. Herculis arcu
 Concidit Hippolyte; Danaï fugere bipennem
 Penthesilea, tuam; claras Carthaginis arces

imperant feminae. cf. Curt.
 X. 1. 37. Parthi feminae, cui
 nomen erat Erato, imperium
 tentauerunt, sed breui pulsa
 est. Annal. Tacit. II. 4.

v. 322. *reginarumque sub
 armis.* Scytharum reginam
 Tamyrin et Amazonarum
 forsitan intelligit, aliasque,
 quae memoriae non prodita
 sunt.

v. 323. 4. *iacet* sc. denicta.
*gens nulla probatur Eunuchi
 quae sceptrum ferat.* Lege
 tamen Plin. H. N. XIII. cap.
 4. et Tacit. Annal. VI. 11.
probatur, traditur a certis
 auctoribus. Lucian. in Eu-
 nuch. c. 9. T. II. pag. 357. ed.
 Reiz. narrat, Hermiam eu-
 nuchum, Atarnensem tyran-
 num, adeo cultum esse, ut
 illi eodem modo, quo diis,
 sacra fecerint. cf. Diogen.
 Laert. V. 3. et ibi Menag.
 Vtrum vera res sit nec ne,
 hic non adinet quaerere,

constat tamen, Hermiam eu-
 nuchum tyrannum fuisse.

v. 327. *Inde* sc. e feminis.
haec pectora, Sibyllas intel-
 ligit et Pythiam.

v. 328. *canunt*, vaticinan-
 tur, et quidem per Pythiam.
Troianam Mineruam. Ex
 Lucano (l. 547.) mutuatum
 hoc esse Claudianum Hein-
 sius existimat. De Minerva
Troiana v. Heyne in ex-
 cursu IX. ad Virgil. Aen. II.

v. 330. *Hi*, eunuchi. *me-
 riti*, acceperunt. *vittas*, dia-
 demata sacra, a quibus in-
 sulae dependent.

v. 331. *fructum*, utilitatem.

v. 332. *Hippolyte*. XI. 35.

v. 333. *Penthesilea*. Quia
 Amazones crebras incurtio-
 nes fecerant in Asiam mino-
 rem, in Phrygiam potissi-
 mum in Lydiam, quarum
 una inciderat in Priami tem-
 pora (ll. γ. 180.), poetae,
 qui post Homerum scripsere,

Creditur, et centum portis Babylona superbam 335
 Feminus struxisse labor. Quid nobile gessit
 Eunuchus? quae bella tulit? quas condidit vrbes?
 Illas praeterea rerum natura creauit:
 Hos fecere manus. Seu prima Semiramis astu
 Assyriis mentita virum, ne vocis acutae 340
 Mollities, laeuesque genae se prodere possent,
 Hos sibi coniunxit similes; seu Parthica ferro
 Luxuries vetuit nasci lanuginis vmbram,
 Seruatoque diu puerili flore coegit

praecipue Arctinus in Aethiopide, eas in belli Troiani historiam induxerunt. De Penthesilea plura inuenies apud Quint. Calabr. cf. Heyne ad Virgil. Aen. I. 490 sqq.

v. 335. *centum portis* cf. Herodot. I. 179 sq.

v. 339. *Seu prima Semiramis*. Praeter Ammianum Marcellinum supra ad v. 47. laudatum nemo veterum scriptorum haec tradidit. For- san fata et res gestae huius reginae quaerenti alicui scriptorum de eunuchorum origine illam coniecturam sup- peditauerunt, quam deinde alii pro explorata re arri- puerunt. Gesnerus notat, Pe- riandrum Cypseli filium, Co- rinthium tyrannum, trecen- torum principum Corcyraeo- rum filios Sardes ad Alyatten ἐπὶ τῇ ἐκτομῇ misisse Hero- dot. III. 48. Et rursus Panio- nium Chium pueros specio- sos emisse et exsectos Sar- des aut Ephesum deductos magno pretio vendidisse. Herodot. VIII. 105.

v. 340. *vocis acutae*, quam

angustam vocat et lepide de- scribit Iuvenal. III. 90 sq.

v. 341. *laeuesque genae*. Barbam eunuchis non cre- scere notum est Iuvenal. VI. 370 seqq.

v. 342. *Parthica*. Msspt. *Parthia*, dictioni poeticae aptius. Retinent tamen prius Heinsius et Burmannus. Iam supra monitum est, Persas et Parthos pro iisdem saepe poni. VIII. 213. Aliam narra- tionem de spadonum origine profert, quae consentit cum iis, quae alii scriptores de Persarum moribus retule- runt, cf. Brissou. de Regno Pers. II. 163 sqq. et infra 415. Delrius Stephanum de Urb. laudat Σπαδά. οὐδατέρως κώμη περσικῇ, ἐν ᾗ πρώτης εὐνου- χισμὸς γέγονεν.

v. 343. *lanuginis vmbram*. Stat. Theb. IV. 336. Nost. in- fra XXXI. 42. e Graecis peti- tum Pind. Olymp. I. 109. πρὸς εὐχύνθεμον δ' ὅτε Φυάν λαχναί νιν μέλαν γένειον ἔρσφον.

v. 344. *puerili flore* vt Graeci ἄνθος κούριον. Hanc

Arte retardatam Veneri seruire iuventam. 345

Fama prius falso similis, vanoque videri
Ficta ioco. Leuior volitare per oppida rumor,
Riderique nefas, veluti nigrantibus alis
Audiretur olor, coruo certante ligustris.
Atque aliquis grauior morum: Si talibus, inquit, 350
Creditur, et nimis turgent mendacia monstiris:
Iam testudo volat, profert iam cornua vultur;
Prona petunt retro fluuii iuga; Gadibus ortum
Carmani texere diem; iam frugibus aptum

aetatem describit Homer. Odyss. λ. 318. Petron. 119. *Persarum ritu male pubescentibus annis Surripuere viros, exsectaque viscera ferro In Venerem fregere, atque vt fuga mobilis acui, Circumscripta mora, prope- rantes differat annos.*

v. 246. *falso.* Heinsl. coni. *falsae*, quod Burmannus repudiauit, quum *falsum* saepius ponatur pro rumore falso.

v. 347. *leuior*, quia falso similis erat, neque ei fides habebatur.

v. 348. *nefas*, eunuchum consulem esse factum.

v. 349. *audiretur olor* i. e. audiretur sermo de olore. *coruo* subintelligo: de. *certante ligustris* Virgil. Eclog. II. 18. pro: albo.

v. 350. *Atque aliquis cet.* Burmannus comparat Ovid. Met. IV. 187. et Fast. IV. 929. *grauior morum*, qui risu et ioco illum rumorem non exciperet, sed aliorum lenitatem et credulitatem accusaret.

v. 351. *turgent*, quasi vento inflata. vt *turgida vela* Horat. Od. II. 10. 24. *monstiris*, incredibilibus, fidem omnem superantibus.

v. 352. cf. n. ad I. 169 sq.

v. 353. 4. *Prona petunt retro fluuii iuga*, recurrunt sursum. Prouerb. Graec. ἄνα ποταμῶν ἰσπῶν. Euripid. Med. 410. Cic. epist. ad Att. XV. 4. Ovid. Heroid. V. 29 sq. Horat. Od. I. 29. 10 sq. *Gadibus ortum Carmani texere diem* i. e. mutato cursu in occidente sol oriens, in oriente occidit. *Gadibus*, pro: Hispania seu occidente. Dionys. Perieg. 65. ἐσχατόωντα Γάδες. Sil. Italic. XVII. 637. *terrarum finis Gades. Carmani.* Dionys. Perieg. 1082 sq. ἦτοι μὲν παρὰ χεῦμα τὸ περσικὸν ὠκεανοῖο Καρμανοὶ ναλοῦσιν, ὑπ' ἡελίῳ ἀνιόντι. cf. Wernsdorf. ad Prisciani Perieg. 604. et 991 sq. Poet. lat. min. T. V. P. I. Avieni Descript. orb. terr. v. 1281. l. c. T. V. P. II. Eandem sententiam expressit Noster infra XLI. 13 sq.

Aequor, et assuetum siluis delphina videbo; 355
 Iam cochleis homines iunctos, et quidquid inane
 Nutrit, Iudaicis quae pingitur India velis.

v. 355. *adsuetum* et magis respondet τῷ *aptum*, iudice Burmanno, et magis exprimit id, quod omnino fieri nequit, quam vulgata lectio *aduectum*.

v. 356. *Iam cochleis homines iunctos* sc. videbo. Barthio suspecta est scriptura, quam tamen Mss. constanter seruant. *Cochleae* h. l. sunt testae cochlearum. Sensus, quem verba exhibent, hic est: iam videbo homines testis iunctos, quas pro domo circumducunt, vt cochleae. *quidquid inane nutrit* sc. *India* quaecunque monstra ficta India nutrit, quae nusquam sunt, sed quae ingenia ludibunda excogitarunt et expresserunt.

v. 357. *Iudaicis quae pingitur India velis*. Haec cum prioribus ita cohaerent: iam videbo quidquid inane nutrit India quae pingitur Iudaicis velis. *Quidquid inane* iam supra explicatum est. Nunc quaeritur, quidnam sit *India*? Si monstra Indiae Noster sub *India* intellexit, hic sensus oritur: quidquid inane illa monstra nutriunt, quae pinguntur velis cet. Hoc autem absurdum esse, vnusquisque fatebitur. Ponamus autem, *Indiam* h. l. imaginem esse huius terrae, humana figura

expressam, qualis Roma fingitur et Africa, qualesque Italiam, Galliam, Britanniam poeta finxit XXII. et ita Indiam Claverius accepit. Illius Indiae habitus fictus potuit esse ex moribus gentium Indicarum, ex coeli regionisque natura, ipsaque circumdata monstis illis, quaecunque a Graeculorum ingeniis vmquam fuerant excogitata. Sensus, qui nunc oritur, non tam absurdus est ille quidem, verum, quam vim tum habeat *quae pingitur velis Iudaicis*, nemo facile expediet. Fateamur, necesse est, temere illa esse adiecta, quandoquidem de India, forma humana expressa aut picta, non dici potest, *nutrit*. Potest autem *India* esse pictura, regionem Indiae referens variis monstis, quae ibi esse perhibebantur, repletam. Velorum aut aulaeorum frequentem vsum tunc temporis fuisse constat variis picturis exornatorum. Ars enim in linteo pingendi inuenta iam erat sub Nerone. Plin. H. N. XXXV. sect. 33. Videamus de reliquis. *Iudaicis velis*. Barthius existimat, Claudianum *Iudaicis* posuisse pro *Babylonicis*, quia inter Iudaeos ars textoria olim floruit, quod Pauli Apostoli

Subiicit et mixtis salibus lascivior alter:

exemplo probat, ut Iuvenal. VI. 546. *Iudaeos* pro Chaldaeis posuerit. Babylonia autem tapetia saepe occurrunt. Laudantur Lucret. IV. 1023. et Petron. 55. *Plumatus amictus aureo Babylonico*. Verum magis huc pertinent Martial. VIII. 28. 17 sq. et XIV. 150. Barthio accedit Gesnerus, sed *Iudaicis* proprie sumit pro: a Iudaeis acu pictis seu textis. Iudaeos enim hac arte insignes fuisse, tabernaculi Mosaici constructionem satis docere, illisque placuisse figuras monstruosas. Hugo Grotius, Heinio teste, locum corruptum putavit, et pro *Iudaicis* legit *Lydiacis*. Ipsi Heinio olim placuit *Niliacis* laudatis Plaut. Pseud. I. 2. 14. Martial. l. c. Ennod. epigr. LI. *Omnia Memphitis retinentur secula textis*. Postea autem coniecit *quidquid inane Nutrit in Attalicis quae pingitur India velis*. laud. Cic. in Verrem IV. 12. *Attalica periplasmata*, de iis quoque sermo est apud Propert. II. 23. 46, III. 16. 19. Sil. Italic. XIV. 659 sq. Verum hae vestes ab auro intexto Attalicae vocantur, quia eius rei inuentor Attalus rex fuisse dicitur. Plin. H. N. VIII. sect. 74. ex quo loco quoque adparet, non coloribus diuersas fuisse, quia statim additur: *colores di-*

versos picturae intexere Babylon maxime celebrauit et nomen imposuit. cf. eundem XXXIII. sect. 29. Babylonios autem et Persas nihil pingere aut fingere praeter bestias, venationes et caedes auctor est Ammian. Marcellin. XIV. 6. eiusmodi picturam describit Sidon. Apollin. IX. 13. Difficultates huius loci tollere annisi sunt Cu-perus de elephant. ex. II. cap. 11. p. 240. et Voss. ad Catull. p. 197. Superest, ut meum quaecumque iudicium super hunc locum proferam. Hi versus mihi videntur Claudiano indigni esse, immo ne genuini quidem. Quicumque aliquam consuetudinem cum illo poeta contraxit, fateatur necesse est, cum v. 355. hexametrorum continuationem, per quam illa sententia devolvitur, finitam esse. Accedit, quod in illis de iis rebus loquitur, quae omnino fieri non possunt, aut legibus naturae plane repugnant, in hoc autem panno adsuto de monstris tantum sermo est, quae tamen alicubi inveniri a nonnullis credebantur. Postremo Claudiani in versibus fundendis diligentia et in rebus designandis elegantia in his duobus versibus ita desideratur, ut, etiamsi statuas, hoc vel illud verbum a librariis corruptum

Miraris? Nihil est, quod non in pectore magnum
 Concipit Eutropius. Semper noua, grandia semper 360
 Diligit, et celeri degustat singula sensu.
 Nil timet a tergo; vigilantibus vndique curis
 Nocte dieque patet; lenis facilisque moueri

esse, coniecturis, vt par est,
 adhibitis vix ita illi versus
 restitui posse videantur, vt
 non melius sit, iis omnino
 carere.

v. 358. *mixtis salibus.*
 Omnia enim fere, quae ab
 hoc dicuntur, ita enunciata
 sunt, vt sub specie honesta
 sensus lasciuus lateat, et
 Eutropius laudari videatur,
 quum tamen, re penitus in-
 specta, omnium bipedum
 turpissimus describatur. *la-*
sciuior alter, qui opponitur
 illi *morum grauiori* v. 350.

v. 359. *Miraris? nihil est,*
quod cet. Heins. coni. *Mi-*
rari nihil est. Vulgatam
 Burmannus defendit laudans
 nott. ad Phaedr. II. 7. Vnde
 putat posse legi: *Miraris?*
nihil est. *Quid non cet.*
 quod mihi quidem non vi-
 detur esse e Claudiani inge-
 nio. *in pectore magnum*
 male Barthius in sensum ob-
 scoenum detorquet, locis-
 que, quae laudauit, inter-
 pretatio eius nihil adiuuatur.
 Ambiguitas latet tantum in
magnum, quidnam illud tan-
 dem sit, quum etiam scelus
 possis intelligere.

v. 360. *semper noua* ad in-
 genii sollertiam potest trahi,

sed innuitur occulte fasti-
 dium varietatem in volupta-
 tibus percipiendis sectans et
 vulgaria contemnens. Sue-
 ton. in Tib. 43. *grandia eo-*
dem sensu, quo adhibetur
 apud Plaut. Caïn. V. 2. 35.

v. 361. *et celeri degustat*
singula sensu. Et hoc Bar-
 thius de obscœno libi-
 dinis genere intelligit Mar-
 tial. I. 9. 1, II. 50. 1. Quia
 nouitatem et varietatem sem-
 per cupit, et quantum eius
 fieri potest, omnem satieta-
 tem euitare studet, *celeri*
sensu omnia debet et *sin-*
gula degustare.

v. 362. *Nil timet.* Recte
 Barthius: quia cupit. *a*
tergo. Eo sensu, quo acce-
 pit Diogenes Cynicus ver-
 sum Homer. II. x. 283, quum
 moneret puerum formosum,
 in quem dormientem inci-
 derat, ne temere id in poste-
 rum faceret. v. Diog. Laert.
 VI. 53. *curis*, desideriis
 amantium. Broukh. ad Pro-
 pert. I. 10. 1.

v. 363. *patet facilis est*
aditu. Sed sensu obscœno
 Ovid. A. A. I. 64. vbi v.
 Heins. et eundem ad Ovid.
 Amor. II. 19. 25. *moueri*, lu-
 venal. II. 21.

Supplicibus, mediaque tamen mollissimus ira.
 Nil negat, et sese vel non poscentibus offert. 365
 Quidlibet ingenio subigit, traditque fruendum.
 Quidquid amas, dabit illa manus. Communiter omni
 Fungitur officio, gaudetque potentia flecti.
 Hoc quoque conciliis peperit meritoque laborum,
 Accipit et trabeas argutae praemia dextrae. 370

v. 364. *media ira*. *Ira et rabies* saepe libidinem notat, ubi vehementissima est. Horat. epod. XII. 9. Hinc explicatio est facilis, quum alioquin verba proprie sumta aperte repugnantiam inuoluant.

v. 365. Facilitas eius, qua omnium libidini inservit, describitur.

v. 366. *Quidlibet ingenio subigit*. Lectio sana est, et interpretatio ex sequentibus est petenda. Lenonis dexteritas occulte describitur. cf. supra 78 sqq. *Subigere* h. l. videtur esse, lenonis artibus commouere feminam, ut amatori se praebeat, hoc postulat: *traditque fruendum* (cf. Lucret. IV. 1099 sq.) ei nempe, cuius libidini leno ipse consulit. Alio sensu eadem vox occurrit apud Sueton. in Caes. 49.

v. 367. *Quidquid amas, dabit illa manus*, eadem sententia est, sed aliter enunciata. Etiam h. l. nescio quid monstri Barthius subodoratur. Sed cf. Ovid. A. A. III. 657 sq. *communiter*, vna, tecum.

v. 368. *officio* forsan eo-

dem sensu positum, quo occurrit Ovid. Amor. III. 7. 23 sq. *potentia*, casus quartus plur. positus pro: potentem, nempe Arcadium, ut sensus esset ambiguus. Gaudet Arcadium posse flecti a se huiusmodi officiis deuinctum, quocunque velit. Barthius singula verba suo more illustrat parum sollicitus de sententia totius.

v. 369. *Hoc quoque*, consulatum intelligit, ut sequentia docent. *conciliis*. Sic Heinsius ex emendatione Alberti Rubenii pro *consiliis*. cf. not. ad 284 sq. *conciliis* autem h. l. est: lenonis artibus. Idem laudat Ovid. Amor I. 13. 42. Remed. Am. 524. Met. I. 710. Coniicit etiam *meritumque laborum* pro: *meritoque laborum*. Mutandae lectionis causam adeo non video, ut eam coniectura meliorem putem. *meritoque laborum*, merito ex laboribus, quos suscepit et sustinuit. Hoc ambigue dictum esse, per se patet.

v. 370. *argutae praemia dextrae*. Recte Gesnerus ad eunuchi officia haec traxit, quae describit Martial. III. 82.

Postquam vera fides facinus vulgavit Eorum
 Gentibus, et Romae iam certius impulit aures:
 Eutropiumne etiam nostra dignabimur ira?
 Hic quoque Romani meruit pars esse laboris?
 Sic effata rapit coeli per inania cursum 375
 Diua potens, vnoque Padum translapsa volatu
 Castra sui rectoris adit. Tum forte decorus
 Cum Stilichone gener pacem implorantibus vltro

15 seq. obscuritatem tamen loci non omnem sustulit. Solebant domini digitorum crepitu matellas petere ab eunuchis Martial. VI. 81. 1 sq. *Quum peteret seram media iam nocte matellam Arguto madidus pollice Panaretus.* cf. eundem XIV. 119. Plura dabunt interpp. ad Petron. 27. Inde explicatu facile est, quidnam sit *argutae praemia dextrae*. Sunt nempe praemia, quae emeruit, quum semper ad argutam dextram, ad digitorum crepitum, cum matula praesto fuerit, dominoque micturo officium eunuchi praestiterit.

v. 371. *vera fides* v. n. ad X. 240.

v. 372. *impulit aures*. n. ad Pers. II. 21. *certius*, Hein- sius coni. *nuncius*.

v. 374. *laboris* vt quatuor Mss. apud Heinsum. vulg. *doloris*. Recepi prius, quia antecedentis versus sententia iteratur, quod quum sit, semper fere Noster solet verba eligere, quibus maior vis inest, quam in iis, quibus eadem iam expressit.

Doloris post *ira* languidius mihi visum. Armis enim facinus vindicare Roma in animum induxit. v. supra 221. Lucan. VIII. 622, quem locum Burmann. iam citauit.

v. 375. *rapit cursum*. Drakenbr. ad Sil. Italic. I. 570. *coeli per inania*. Rectius putat Heinsius *celerem per inania* laudato Ovid. Met. II. 506. Addi potest Sil. Italic. I. 97. X. 151. XIV. 210 et 244. Valer. Flacc. I. 569. Virgil. Aen. XII. 906. vbi *coeli* non additum. Verum apud Lucan. IX. 473. legimus *magni per inania coeli*.

v. 376. *translapsa* recte Burmannus defendit contra Heinsum, qui mauult *transgressa*, quem sane non fugit, *translabi*, vt *labi*, de volatu apium saepissime adhiberi, sed mouit hunc virum elegantissimum, quod additum est *volatu*, et verum vtique est, *transgredi volatu* poni posse pro *translabi*. Sed cf. XXXVI. 3.

v. 377. *rectoris* Arcadii. Barthius Stilichonem putat intelligi.

Germanis responsa dabat, legesque Caucis
 Arduus, et flauis signabat iura Suëvis. 380
 His tribuit Reges, his obside foedera sancit
 Indicto, bellorum alios transcribit in usus,
 Militet vt nostris detonsa Sicambria signis.
 Laeta subit Romam pietas, et gaudia paene
 Mouerunt lacrimas, tantoque exultat alumno. 385
 Sic armenta suo iam defensante iuuenco
 Celsius assurgunt erectae cornua matri;

v. 379. *Caucis*. καὺχοι, καὺχοι, χαὺχοι apud Graecos. Oceani litora adcolebant, et quidem minores inter Amisum et Visurgim, maiores inter Visurgim et Albim. *Chauci* vocantur apud Tacit. Germ. 35, vbi situs populi et mores describuntur.

v. 380. *Arduus*, superbus, victorem innuit. Virgil. Aen. IX. 53. Sil. Italic. XVI. 442. *signabat iura* non est h. l. foedus inibat, vt Oudendorp. videtur accipere ad Lucan. III. 302. Sed idem, quod statuere, dictare iura. Sil. Italic. I. 650. i. e. leges dare. De foedere sermo est versu sequenti. *Sueuis*. cf. VIII. 655. *flauis*, VIII. 54.

v. 381. *his foedera sancit*, cum his foedera init.

v. 382. *Indicto*, imperato. *transcribit* doctius pro: transfert, assumit. De hoc verbo v. Heyne ad Virgil. Aen. V. 750. *bellorum in usus*, in milites.

v. 383. *Sicambria* cf. supra VIII. 446. *detonsa* in signum victoriae de iis reportatae, pro: victa, subi-

gata. Sidon. Apollin. Epist. VIII. 9. *Sic tonso occipiti senex Sicamber Postquam victus es elicis retrorsum Cervicem ad veterem novos capillos*. v. Savaronium ad eundem Epist. II. 1. Heins. et Burmann. ad Ovid. Fast. I. 645. Ceterum, vtrum poeta haec finxerit, an Honorius, quo tempore Eutropius consul in imperio Orientali declaratus est, inter Germanos victorem se gesserit, iisque leges dederit vt victis, vix potest ad liquidum perducī. Probabile tamen videtur, Honorium tum de pace egisse cum populis Germanis et de belli societate, poetamque his rebus ita usum esse, vt Horatium subita Parthorum liberalitate in signis Augusto remittendis, quae Crasso eripuerant.

v. 384. *Laeta pietas*. Caritatis adfectus subiit seu occupauit mentem Romae deae, quum videret Stilichonem et Honorium.

v. 387. *Celsius assurgunt erectae cornua matri*. Quum rebus inanimis vitam et sen-

Sic iam terribilem stabulis dominumque ferarum
 Crescere miratur genitrix Massyla leonem.
 Dimouit nebulam, iuuenique apparuit ingens. 390
 Tum sic orsa loqui: Quantum te principe possim,
 Non longinqua docent, domito quod Saxone Tethys
 Mitior, aut fracto secura Britannia Picto.
 Ante pedes humili Franco tristisque Suëvo
 Perfruor, et nostrum video, Germanice, Rhenum. 395
 Sed quid agam? Discors Oriens felicibus actis

sus tribuant poetae, nescio cur iis non liceat brutis animalibus adfectus humanos tribuere. Non enim quaeritur, an huiusmodi aliquid, quod fingant, in rerum natura oculis usurpatum sit, sed num ea, quae dicant, aperte inter se repugnent. Atque, de quibus nihil liquido constat, de iis semper ius habent non circumscribendum statuendi, quidquid velint. H. l. Noster nihil aliud dicere voluit, quam: mater, seu vacca altius adtollit caput laetitia, quum videat iuencum suum armentum iam defendentem.

v. 389. *Massyla* v. supra VIII. 25.

v. 390. *Dimouit nebulam*. Nube enim inuoluta venerat, ad aduentum suum occultandum, nunc adparet nube dimota. Eodem modo Iuno apud Sil. Italic. XII. 704 sq. cf. Heyne in excursu XIII. ad Virgil. Aen. I. et Aen. II. 589 sqq. *ingens* ad deorum formam pertinet, quae humana semper est au-

gustior et procerior. Alienus h. l. videtur Horat. Od. I. 2. 31, quem Barthius et Gesnerus in partes vocant. v. ibi Iani.

v. 391. *Non longinqua* ad tempus spectat, pro: ea, quae nuper gessisti. *Saxone*. cf. n. ad VIII. 31.

v. 393. *fracto Picto*. VIII. 32.

v. 394. *Franco*, VIII. 447. *Suevo*. VII. 653.

v. 395. *nostrum Rhenum*, populos ad Rhenum adcolentes subactos. *Germanice*. Titulus ille semper fuit honorificentissimus. v. Lips. et Ernest. ad Tacit. Annal. I. 31. Hunc poeta suo iure Honorio tribuit, vtrum ille Augustulus hoc dignus fuerit nec ne, non quaeramus.

v. 396. *discors Oriens* sc. nobiscum seu cum imperio occidentali. *felicibus actis*. Dissidii causam et originem, quod inter illos fratres intercesserat, ab invidia repetit rerum splendide gestarum, vt Stilichonis auribus velificetur.

Inuidet, atque alio Phoebi de cardine surgunt
 Crimina, ne toto conspiret corpore regnum.
 Gildonis taceo magna cum laude repertam
 Perfidiam, et fretos Eoo robore Mauros. 400
 Quam suspecta fames, quantum discriminis vrbi!
 Ni tua vel soceri nunquam non prouida virtus
 Australem Arctois pensasset frugibus annum.
 Inuectae Rhodano Tiberina per ostia classes,
 Cinyphiisque ferax Araris successit ariltis. 405
 Teutonicus vomer, Pyrenaeique iuueni
 Sudauere mihi. Segetes mirantur Iberas
 Horrea, nec Libyae senserunt damna rebellis
 Iam Transalpina contenti messe Quirites.
 Ille quidem solvit meritas, scit Tabraca, poenas, 410

v. 397. *alio de cardine*,
 ab alia plaga, ab Oriente.

v. 398. *surgunt Crimina*.
Crimen h. l. est, quod alteri
 obiicitur iurgii praesertim
 excitandi causa. Claudianus
 obscure loquitur et sine du-
 bio de industria. Nam si an-
 nualium scriptoribus fides ha-
 benda est, et nescio sane,
 cur Gibbon Anglus celebra-
 rimus Zosimo tantum dero-
 get, neque Stilicho solebat
 opportunitati deesse ad tur-
 bandas res Orientis. Remoto
 Rufino Eutropius solus resi-
 stere poterat Stilichonis con-
 siliis; alter alteri solebat ne-
 gotia facessere, suspiciones
 ferere, suumque Augustum
 contra alterius exacerbare,
 odiisque mutuis excitandis
 suam potentiam augere et
 confirmare. *toto corpore* V.
 288. Sensus: ne totum im-
 perium velut vnum corpus
 etiam vno consilio regatur.

Saepius dicit Claudianus,
 hoc Theodosium voluisse.

v. 399. *repertam* v. supra
 88. Heins. coni. *repressam*.

v. 400. *eo robore*. Zosim.
 V. 11. aperte accusat Eutro-
 pium, instigasse Gildonem,
 vt auerteret Africam ab Ho-
 norio, memoratque, Gildo-
 nem prae se tulisse, facere
 se id Arcadii nomine eius-
 que fiducia.

v. 401. *Quam suspecta fa-
 mes*, nauibus nempe fru-
 mentariis a Gildone retentis.
 v. ad XV. 27.

v. 403. *annum* v. ad XV.
 57. *Arctois frugibus* expli-
 catur sequentibus.

v. 405. *Cinyphiis* v. ad
 XV. 9. et Ovid. ex Ponto II.
 7. 25.

v. 406. *Pyrenaeique*, Hispa-
 nici. De monte *Pyrene* v.
 Sil. Italic. III. 415 sqq.

v. 410. *Tabraca* vrbs Nu-
 midiae maritima. Ptolem.

Vt pereat, quicumque tuis conflixerit armis.
 Ecce repens isdem clades a partibus exit,
 Terrorisque minus, sed plus habitura pudoris,
 Eutropius Consul. Pridem tolerare fatemur
 Hoc genus, Arsacio postquam se regia fastu 415
 Sustulit, et nostros corruptit Parthia mores.
 Praefecti sed adhuc gemmis, vestique dabantur
 Custodes, sacroque adhibere silentia somno.
 Militia eunuchi nunquam transgressa cubile,
 Non vita spondente fidem; sed inertia tutum 420

IV. 3. Θάβρανα, Plin. H. N. V. cap. 3. vocatur *Tabracha*. Ad eam urbem periisse Gildonem Noster commemorat infra XIX. 71. et XXI. 358.

v. 411. *Vt pereat* non videtur h. l. optantis esse, sed comparandi vim habere. Burmannus posuit (.) post *poenas*, et post *armis* exclaimandi signum.

v. 412. *isdem a partibus*, ab Oriente. *isdem* spectat ad id, quod Roma dixit v. 399 sq. *clades*. Quid sub hac voce intelligatur, versus sequens ostendit. Vnus Ms. apud Heins. *clades ab eisdem partibus*.

v. 415. *Arsacio* VIII. 216. *regia*, Constantinopolim intelligit. Sed longe ante imperii Orientis initium eunuchi ab Imperatoribus suscepti sunt, Parthicoque luxu aula corrupta fuit. Claudius, ut hoc utar, Posiden spadonem praecipue dilexit, quem etiam Britannico triumpho inter militares viros hasta pura donauit. Sueton. in Claud. 28. Iuvenal. XIV. 91.

v. 418. *sacroque adhibere silentia somno*. Delrius ait: eunuchos fuisse in aula Constantinopolitana *Silentiarios*, qui ceterorum seruorum murmur cohiberent, de quibus v. Iacob. Guther. de Officiis domus Aug. III. 29. et Cod. Theodos. l. 4 et 5. C. de Silentariis et Decurionibus eorum. *sacro*. Omnia enim, quae ad Imperatores pertinebant, *sacra* vocabantur.

v. 419. *Militia* officiorum laborumque omne genus tunc complectebatur v. Iacob. Gothofred. ad l. 63. Cod. Theod. t. 4. p. 437. de Decurionibus. Sensus: eunuchi officia omnia in cubiculo Imperatoris peraguntur.

v. 420. *Non vita. Vita*, quum opponatur *inertiae*, esse debet: res ante gestae. Sensus est: eunuchis fides habebatur, non ob res ante gestas, quibus quasi spondebant, se semper fore strenuos et in fide mansuros, sed ut quisque inertissimus erat et ignavissimus, ita ei

Mentis pignus erat. Secreta monilia seruent,
 Ornatus curent Tyrios; a fronte recedant
 Imperii. Tenero tractari pectore nescit
 Publica maiestas. Nunquam vel in aequore puppim
 Vidimus eunuchi clauo parere magistri. 425
 Nos adeo sperni faciles? orbisque carina
 Vilior? Auroram sane, quae talia ferre
 Gaudet, et assuetas sceptris muliebribus vrbes
 Possideant. Quid belliferam communibus vrunt
 Italiam maculis, nocituraque proba seueris 430

maxime fides habebatur, hoc enim erat quasi pignus mentis nihil noui moliturae.

v. 422. *fronte*. Omnis pars anterior alicuius rei *frons* eius dicitur. *a fronte imperii recedant* est itaque: ab eiusmodi muneribus recedant, quibus res publica administratur, quaeque omnium oculi in se convertunt. *Nostrates: sie mögen weichen von der Spitze der Geschäfte*.

v. 423. *tenero pectore pro*: a mollibus et effeminatis, quales eunuchi sunt, qui cum virilitate omnem mentis ardorem vimque masculam amiserunt.

v. 424. *Publica maiestas* est imperii maiestas, imperium.

v. 426. *orbisque*, imperii Orientis XX. 585. *carina*. Gesnerus h. l. et in multis aliis ad viuum omnia nimium resecat. Quaerit enim, quodnam mare sit, in quo illa *orbis carina* fluctuet? Rempublicam cum nauigio comparari res vulgaris est

apud poetas; imperium autem Romanum cum orbe terrarum libenter confuderunt adulescentes imperatorum. Facile igitur poterat Claudianus, cui omnia vulgaris et trita sordere videntur, ad illam hyperbolen deferri, praesertim quum expectare posset, fore, ut lectores non ad propriam vim huius vocis, sed potius ad eam rem, ad quam illa translata est, adtenderent.

v. 427. *Auroram*, Orientis regiones. *talia*, eunuchorum imperia. *ferre gaudet*, libenter fert. *sceptris muliebribus* v. supra ad v. 321 sq.

v. 429. *vrunt*, velut stigmatibus. *communibus vrunt maculis* i. e. turpitudinem illam cum Italia seu imperio Occidentali communicant.

v. 430. *nocitura*. Eunuchum consulem esse factum portentum maxime dirum dixit, quo futura aliqua clades nunciatur. Quae ne cum imperio occidentis communicaretur, ipsum portentum auertendum erat. cf. supra

Admiscent populis? Peregrina piacula forti
 Pellantur longe Latio, nec transeat Alpes
 Dedecus. In solis, quibus exstitit, haereat aruis.
 Scribat Halys, famae scribat contemtor Orontes.
 Per te, perque tuos obtestor, Roma, triumphos, 435
 Nesciat hoc Tibris, nunquam poscentibus olim
 Qui dare Dentatis annos Fabiisque solebat.
 Martius eunuchi repetet suffragia campus?
 Aemilios inter, seruatoresque Camillos
 Eutropius? Iam Chrysogonis tua, Brute, potestas, 440

v. 11 seq. *Nocitura* igitur *probra* vocantur, quia calamitatem, quam portendunt, communicatura sunt. *scueris* opponitur mollibus et adfuetis sceptris muliebribus.

v. 433. *quibus exstitit*, ortum est dedecus. Heinl. frustra conj. *exiit*.

v. 434. *Halys* v. ad V. 32. *scribat* sc. nomen Eutropii consulis in fastis. *Orontes* v. n. ad V. 35. cf. Invenal. III. 67. Fluvii positi sunt pro regionibus suis. Phrygia et Syria, quae potissimum per hominum mollitiem moresque corruptissimos insignes erant. Inde quoque *Orontes* h. l. *famae contemtor* vocatur. De Antiochiae luxu v. Hierodian. II. 7. 15.

v. 435. *Roma*. Nominat se ipsa, ut, quae loquatur, ipso nomine maiorem auctoritatem habeant.

v. 436. *Tibris*. Populum Romanum in campo Martio collectum intelligit, ubi olim

comitia centuriata consuli-
 bus creandis habebantur.

v. 437. *Dentatis*. Caio Curio Dentato ter, Fabio Cunctatori quinquies consulatus non petentibus datus est.

v. 438. Sententia: Imperium Occidentale agnoscat illum consulem? ex antiquo more expressa est, quo adhuc consules per populi suffragia in campo Martio creabantur. Quum autem alter consul Romae, alter Constantinopoli crearetur, necesse erat, ut qui Romae creatus esset, ab imperio Orientali, qui Constantinopoli, ab Occidentali agnosceretur. Illud autem agnoscere antiquae expressum est per: *repetere suffragia*.

v. 439. *Aemilios*. Paullum Aemilium intelligit, qui ad Cannas caesus est. *inter* sc. numerabitur, censetur.

v. 440. *Chrysogonis*, Sulla liberti, de cuius potentia multa conqueritur Cicero in oratione pro Roscio Amerino.

Narcissisque datur? Natos hoc dedere poenae
 Profuit, et misero ciuem praeponere patri?
 Hoc mihi Ianiculo positis Etruria castris
 Quaesit, et tantum fluuio Porfenna remotus?
 Hoc meruit vel ponte Cocles, vel Mucius igne? 445
 Visceribus frustra castum Lucretia ferrum
 Merfit, et attonitum tranauit Cloelia Tibrim?
 Eutropio fasces adseruabantur adempti
 Tarquiniis? Quemcunque meae vexere curules,
 Laxato veniat socii spectator Averno. 450
 Impensi sacris, Decii, prorumpite bustis,

v. 441. 1. *Narcissusque*.
Narcissus Claudii Imperato-
 ris erat libertus, eique erat
 ab epistolis. Sueton. in Claud.
 28. Opulentissimum tradunt
 fuisse et apud Principem gra-
 tiosissimum. Iuvenal. XIV.
 328 sqq. Dio Cass. LX. pag.
 688. C. Νάρκισσος μέγιστον
 τῶν τότε ἀνδρῶπων δυνηθέω-
 μυριάδας τε γὰρ πλείους μυ-
 ρίων εἶχε, καὶ προσεῖχον
 αὐτῷ πόλεις καὶ βασιλεῖς.
 Ceterum Iunium Brutum ad-
 pellat, Tarquiniorum ex-
 pulsores primumque consu-
 lem. *hoc dedere profuit*
 i. e. haec est utilitas, quam
 capimus ex eo, quod dedi-
 disti cet. Res ipsa satis nota
 est ex Liv. II. 4 sq. *misero*,
 qui filios illo supplicio ami-
 serit. Sensus: et quod ciuis
 officium, ex quo reipublicae
 consulendum est priuatis uti-
 litatibus neglectis, praepo-
 neres caritati patris, qui
 liberos suos saluos vult.

v. 444. *Porfenna* v. n. ad
 XV. 123.

v. 445. 6. *Cocles* v. n. ad

VIII. 406. *Mucius* v. ibidem.
Lucretia cf. Liv. I. 58 sq.

v. 447. *Cloelia*, vna ex
 obsidibus Porfennae datis
 frustrata custodes in equum
 insiliit, Tiberimque transna-
 vit. Liv. II. 13. Sil. Italic. X.
 492 sq. Heinsius ita legi vult:
Merferit? adtonitum trana-
vit Cloelia Tibrim?

v. 449. 450. *quemcunque*.
 Omnes inuitat, qui consu-
 latum gessere, ut relictis in-
 feris videant, quem socium
 honoris acceperint. *vexere*
 inde fortasse natum, ut existi-
 mat Gesnerus, quod sella cu-
 rulis proprie erat ἀρμάτιος,
 in qua, in currum imposita,
 sedentes veherentur. Mihi
 quidem Noster recentiores
 ritus respexisse videtur cf.
 n. ad VIII. 465 sqq. *socii*
spectator. Heinsius probauit
socium auersatus, quod Bur-
 mannus recepit. Sic autem
 ratio non indicatur, cur
 veniant.

v. 451. *Impensi sacris De-*
cii prorumpite bustis. *Bu-*
stum h. l. est sepulcrum, id

Torquatique truces, animosaque pauperis vmbra
 Fabricii, tuque o si, forte inferna piorum
 Iugera et Elyfias scindis, Serrane, nouales.
 Poeno Scipiade, Poeno praeclare Lutati, 455
 Sicania, Marcelle, ferox, gens Claudia surgat,

sacrum adpellatur, quod corpus *sacrum* seu deuotum continebat. v. quae laudat Broukh. ad Propert. III. 9. 64. Burmannus ad *impensi* quærit: cui rei? an *sacris*? sed hoc cum *bustis* nili iungatur, ambiguum facit sententiam. Nec quibus *sacris* se impenderint, scio. Deuonerunt se non propter *sacra* polluta, aut simile quid; sed vt morte sua seruarent patriam. Hactenus ille. Gesnerus ad *sacris* subintelligit: sacrificiis, Deciosque ait se tamquam hostias pro publica salute *sacris* deuotionis impendisse. Equidem iungo *impensi* cum *sacris bustis*, quod explico: *impensi* morti deuotæ. Burmannus coni. *Impensi patriæ Decii prorumpite bustis*. Hoc autem non indicat, Decios se deuouisse pro patria, *impensi* enim *patriæ* omnes ii dici possunt, qui pro patria mortem occubuerunt, quod præter Decios a multis factum est. Ed. Vinctin. habet *infensi*, quæ lectio mihi non spernenda videtur. Ceterum de voce *impendere* v. Burm. ad Valer. Flacc. IV. 581, idem laudat Lucan. II. 382. Nostr. XVII. 66.

v. 452. 3. *Torquati* v. n.

ad VIII. 403. *Fabricii* ad III. 201. VIII. 412.

v. 454. *Serrano*. III. 203. VIII. 415. *Elyfias scindis* cet. Eadem studia, quæ viuis fuissent, etiam in mortuis manere credebant veteres. Virgil. Aen. VI. 653. omnia ad studia antiquæ vitæ traxit secutus Pindarum, cuius fragmentum v. in Threnis p. 31. T. III. ed. Heyne. Occupationem vmbra- rum ad sui temporis negotia reuocat Ovid. Met. IV. 443 seqq.

v. 455. *Scipiades* pro: Scipio. Incertum, vtrum Scipionem Africanum maiorem an minorem intellexerit. *Lutati*. Fuit C. Lutatius Catulus, qui A. V. 512. splendidam victoriam reportauit de classe Carthaginienfium ad insulas Aegatas inter Siciliam et Africam sitas. Polyb. I. 60 sq. Flor. II. 2. Sil. Italic. VI. 684 sq.

v. 456. *Marcelle*. Marcus Claudius Marcellus Syracusarum victor. Liv. XXV. 24. *gens Claudia* et antiquissima et nobilissima erat, acerrimæque, vt ex Livio satis notum est, patrum propugnatrix.

Et Curii series; et qui sub iure negasti
 Viuere Caesareo, paruo procede sepulcro,
 Eutropium passure, Cato. Remeate tenebris
 Agmina Brutorum, Coruinorumque cateruae. 460
 Eunuchi vestros habitus, insignia sumunt
 Ambigui Romana mares. Rapuere tremendas
 Hannibali Pyrrhoque togas. Flabella perosi
 Adspirant trabeis. Iam non vmbracula tollunt

v. 457. *Et Curii series.* Heins. laudat Nostr. VIII. 20 sq. et XXIX. 56. Lucan. IV. 823. Sub *Curio*, qui hic nominatur, auctor gentis intelligendus est, vt *Curii series* pro gente *Curia* dictum sit. *Veteres*, quod plerique Mss. apud Heins. habent, procul dubio glossa est, qua indicare voluit eius adscriptor, sub *Curii series*, veteres *Curios* esse intelligendos. Difficultatem facit, quod praeter illum *Dentatum* vix alios *Curios* rerum gestarum annales suppeditant, quos commemorare Noster h. l. potuisset. *iure*, ditione, regno.

v. 458. *paruo sepulcro.* Exstat Varronis epigramma apud Scholiaft. ad Pers. II. 36. *Marmoreo Licinus tumulo iacet, at Cato paruo, Pompeius nullo. Quis putet esse Deos.* Aliud epigr. apud Pythoeum III. 87. laudauit Burmann. *Ne mirere sacri deformia busta Catonis: Visuntur magni parua sepulcra Iouis.* At Plutarchus in Cat. min. c. 71. T. V. ed. Hutt. κοσμήσαντες δὲ τὸ σῶμα

(Κάτωνος) λαμπρῶς, καὶ πομπὴν ἐπιφανῆ παρασχόντες, καὶ θάψαντας παρὰ τὴν θάλασσαν, οὗ νῦν ἀνδρὶς ἐφέστηκεν αὐτοῦ ἐπιθήρης cel.

v. 459. *Eutropium passure, Cato.* Acerba est comparatio eunuchi mollissimi cum duce fortissimo cf. Lucan. IX. 1075 sq.

v. 460. *Brutorum*, qui semper fuerant libertatis vindices. *Coruinorumque.* Posterius M. Valerii M. F. Corvini seu Corvi, qui ex pugna cum Gallo cognomen consecutus est. Liv. VII. 26. Valer. Max. VIII. 15. Gell. IX. 11.

v. 462. *Ambigui mares, eunuchi.*

v. 463. *togas.* Togarum mentionem intempestiuam esse dicit Burmannus, quum paludati essent Imperatores. Verum *toga* insigne erat populi Romani. Forsan dicere Noster vult, eunuchos iam in eam ciuitatem recipi, quae tremenda fuit Hannibali et Pyrrho. cf. infra 491.

v. 463. *flabella* v. ad v. 109 supra.

v. 464. *vmbracula* v. ad VIII. 341. *tollunt omnes*

Virginibus, Latias ausi vibrare secures. 465
 Linquite femineas, infelix turba, latebras,
 Alter quos pepulit sexus, nec suscipit alter;
 Exsecti Veneris stimulos, et vulnere calli;
 Mixta duplex aetas; inter puerumque senemque
 Nil medium. Falsi complete sedilia patres. 470
 Ite, noui procures, infecundoque senatu
 Eutropium stipate ducem. Celebrate tribunal
 Pro thalamis. Verso iam discite more curules,

fere MSS. cuius *gestant* interpretamentum esse videtur.

v. 465. *vibrare secures.* *Vibrare* rem is dici potest, qui rem aliquam fert splendorem emittentem motu ipso tremulum. Consul autem h. l. dicitur *vibrare*, quum ipse non sine lictoribus, fasces cum securibus praeferentibus, cogitetur.

v. 466. *Linquite.* Gesnerus existimat, Nostrum ideo plurimum numero adloqui eunuchos, quia videatur illos Eutropii exemplum erexisse, ut similia et ipsi sperarent, eos praesertim, qui ob id ipsum se exsecari curassent, ut sic felicius in aula Theodosii procederetur. *femineas latebras* Gynaecaea.

v. 467. *Alter quos* cet. Prudent. περὶ σταφύλ. X. 1073. *Mas esse cessat ille, nec fit femina.*

v. 468. *Exsecti Veneris stimulos.* supra 49 sqq. *vulnere*, ergo non sponte.

v. 469. *Mixta duplex aetas.* Id est, aetas senilis subsequitur statim aetatem

puerilem, ut in sequentibus illa verba explicantur. Virilis nempe aetas idonea est ad libros procreandos, quae facultas quum nulla sit in eunucho, etiam aetate virili caret, atque ex aetate puerili statim ad senectutem transit. *Postrema multitudo spadonum a senibus in pueros desinens, obluridi, distortaque lineamentorum compage deformes* cet. Ammian. Marcell. XIV. 6.

v. 470. *falsi patres* pro: patres falso ita dicti. Sensus: fite senatores. Eunuchi patres familiae numquam fieri possunt, quum autem, ut senatores, vocentur patres, nomen iis imponitur, quod naturae illorum repugnat.

v. 471. *celebrate tribunal.* i. e. frequentate cum iurisdicendi causa, tum concionis adloquendae. Sic Gesnerus. Sed h. l. est: frequentate tribunal, in quo consul eunuchus sedet.

v. 473. *verso iam discite more curules* — *sequi.* Et hoc Gesnerus ita explicat:

Non matrum pilenta sequi. Neu prisca reuoluam,
 Neu numerem; quantis iniuria mille per annos 475
 Fit retro ducibus! quanti foedabitur aevi
 Canities! vnam subeunt quot secula culpam!
 Inter Arinthaei fastus et nomen herile

Praefertur curuli magistratui
 curulis sella, et vbi is impe-
 rat, ponitur; sequitur is ergo
 curules suas, vt sua impera-
 tor signa. Sed mihi videtur
 de pompa seu processione
 consulari sermo esse. Poeta
 eunuchos exhortatur, vt con-
 sulem in sella curuli porta-
 tum prosequantur. Hoc ex
 sequenti adparet.

v. 474. *matrum pilenta*.
 Pilentis, genere quodam ve-
 hiculorum, vtebantur matro-
 nae in pompa ad ludos vel
 sacra iam antiquo tempore.
 v. Liv. V. 25. Virgil. Aen.
 VIII. 665 sq.

v. 475. 6. *numerem* scil.
 prisca i. e. singulos prisca
 aevi viros recenseam, qui-
 bus iniuria fiat huiusmodi
 consulis electione. Nihilo-
 minus tamen hoc iam satis
 superque factum est in supe-
 rioribus, ita vt h. l. non bre-
 vitati studuisse, sed nomi-
 num nonorum defectu ad
 hanc orationis figuram com-
 pulsus esse poeta videatur.
 Locus fortasse corruptus est.
 Equidem Heinsium secutus
 sum, qui pro *Sit coni. Fit.*
iniuria. Dignitas enim con-
 sularis quali infamia adpersa
 est, quum eunuchus eam ob-
 tineat, illaque infamia ad

omnes consules pertinet,
 quotcunque fuerint, iniuria
 igitur omnes adficiuntur. cf.
 infra 484. *quanti aevi* pro:
 quam longi aevi. *canities*
 non solum antiquitatem, sed
 etiam venerationem inuoluit.
Quanti aevi canities posi-
 tum est pro: quam multi
 consules antiqui et vene-
 randi.

v. 477. *saecula* idem no-
 tat. *culpam vnam* pro: cul-
 pam seu turpitudinem vnus.
 Ceterum Gesnerus ita locum
 accepit, quasi Roma de se
 loquatur, quae supra mille
 annos vixerit. Quo factum
 est, vt *canitiem* quoque ad
 illam traheret. Verum Roma
 non anus fingitur, sed, vt
 dea, est ἀθάνατος καὶ ἀγήραος.
subeunt. alii *subcant*.

v. 478. *Arinthaeus* consul
 fuit cum Modesto A. C. 172.
 ex Relandi rationibus. Eu-
 tropius igitur XXV annis post
 consul fuit. cf. supra 63. *fa-*
stus i. q. fastos sc. consula-
 res. *Inter fastus Arinthaei*,
 inter fastos consulares, in
 quibus Arinthaei consulis
 nomen legitur. *et nomen*
herile, in quibus fastis no-
 men eius legitur, cuius ser-
 vus olim Eutropius fuit.

Seruus erit, dominoque suos aequalis honores
 Inferet. Heu, semper Ptolemaei noxia mundo 480
 Mancipia! En alio laedor grauiore Pothino,
 Et patior maius Phario scelus. Ille cruorem
 Consulis vnus Pellaeis ensibus hausit.
 Inquinat hic omnes. Si nil priuata mouebunt,
 At tu principibus, vestrae tu prospice causae, 485
 Regalesque auerte notas. Hunc aspicit vnum
 Aula magistratum. Vobis patribusque recurrit
 Hic alternus honos. In crimen euntibus annis
 Parce, quater Consul. Contagia fascibus, oro,

v. 479. 80. *inferet* sc. *fastis*.
honores aequales domino
 i. e. domini honoribus. *Pto-*
lemaei. supra v. 61. inter do-
 minos Eutropii is vocatur.
 Intelligit autem Noster no-
 men *Ptolemaei* in vniuer-
 sum, non quatenus certam
 personam designat. Seruos
 Ptolemaei semper noxios
 fuisse, exemplo illustrat a Pto-
 lemaeo Aegypti rege sumto,
 cuius pueri nutricius fuit
 eunuchus Pothinus, qui
 Achillae manu Pompeium in-
 terfecerat. Caes. de B. G. III.
 108. Lucan. X. 103 sq.

v. 482. *Phario* sc. *scelere*.
 Pompeii caedem intelligit.

v. 483. *Pellaeis ensibus*.
 VIII. 375. Reges Aegypti
 erant nempe successores Ale-
 xandri M. regis Macedoniae.

v. 484. *hic*, Eutropius. *pri-*
vata, priuatae causae con-
 sulum antiquorum. *Priuati*
 enim omnes sunt in libera
 republica praeter magistra-
 tus, et in regno omnes prae-
 ter Principem.

v. 485. *vestrae*. Sic infra
 v. 487. dicit *vobis patribus-*
que. vestrae causae expli-
 candi gratia *principibus* ad-
 ditum. vulg. *nostrae*, quo
 declarat Roma, causam prin-
 cipum cum sua arcte con-
 iunctam esse. Ex vestigiis
 vnus Mf. Burmannus coni.
nostrae tu consule cerac, vt
 tabula intelligatur, in quam
 nomina magistratum refe-
 rebant. cf. infra XX. 92.
prospice. Heinsh. mauult *con-*
sule,

v. 486. *Regales notas*,
 ignominiam, qua adficiun-
 tur reges seu principes tur-
 pitudine huiusmodi collegae.
auerte cf. XV. 430. XXVI.
 561 sqq. *adspicit*. *Adspicere*
 interdum idem est, quod re-
 spicere, rationem habere ali-
 cuius, dignari aliquem. Vir-
 gil. Aen. II. 690.

v. 487. 8. 9. *vobis patri-*
bus recurrit Hic alternus
honos. i. e. vos et patres
 hoc honore, consulatu, per
 vices fungimini. *in crimen*

Defendas ignava tuis, neu tradita libris 490
 Nomina, vestitusque meos, quibus omne, quod ambit
 Oceanus, domui, tanta caligine mergi
 Calcarique sinas. Nam quae iam bella geramus
 Mollibus auspiciis? Quae iam connubia prolem,
 Vel frugem latura seges? Quid fertile terris, 495
 Quid plenum sterili possit sub Consule nasci?
 Eunuchi si iura dabunt, legesque tenebunt,
 Ducant pensa viri, mutatoque ordine rerum
 Vivat Amazonio confusa licentia ritu.

euntibus annis Parce. Anni pro consulibus positi sunt, quorum sunt anni, quum nomen eorum gerant. *in crimen ire* pro: subire turpitudinem, probum. Sensus: consule seu vide, ne futuri consules probro adficiantur, quando dici possit, dignitatem eorum ab eunucho esse contaminatam.

v. 490. *ignava*, ignavi hominis, eunuchi.

v. 491. *vestitusque meos*, insignia consularia forsan intelligit.

v. 494. *Mollibus auspiciis* i. e. mollis hominis. cf. n. ad VII. 88. pro iam Heinl. mauult tam. *quae iam connubia prolem*. Ab auspiciis consularibus omnia secunda et aduersa pendere, quaecunque eo anno populo Romano acciderent, credebantur. Quumque in omnibus principiis omen inesse homines putabant, tum quoque in auspiciis consulum, quasi annus ipse, qui consulum nominibus insignieba-

tur, eorum etiam naturam indueret. Quamobrem neque proles numerosa neque agrorum fertilitas sperari poterat eo anno, cui nomen dedisset eunuchus, ex quo nihil nasci possit.

v. 496. *Quid plenum*, maturum, granidum explicat Barthius. Burmannus ad Ovid. Met. II. 804. cui nihil deest. Respicere poetam existimat consulem mancum ac certa corporis parte debilem. Sed *plenum* ex opposito *sterili* explicandum est.

v. 497. *iura dabunt*, vt Virgil. Aen. I. 193. *legesque tenebunt* i. e. tenebunt curam legum, vt obseruentur ab omnibus, neque auctoritatem suam amittant.

v. 498. *Ducant pensa*. *fila ducere* pro: nere Ovid. Met. XIV. 164 sq. *data pensa trahere* apud eundem saepius occurrit, e. g. Heroid. III. 75. cf. Tibull. II. 1. 61 sqq.

v. 499. *Vivat confusa licentia*. *Confusam licentiam* vocat, qua rerum ordo in-

Quid trahor vltius? Stilicho, quid vincere differs,
Dum certare pudet? Nescis, quod turpior hostis (500
Laetitia maiore cadit? Piratica Magnum
Erigit; illustrat seruilis laurea Crassum.

Annuis. Agnosco fremitum, quo palluit Hebrus,
Quo Mauri Gildoque ruit. Quid Martia signa 505
Sollicitas? Non est iaculis hastisque petendus.

vertitur, atque hoc explicatur adiecto *Amazonio ritu*, quo imperium penes mulieres est. Stat. Achill. I. 352 sq. quem locum Heinſ. laudat. Idem notat in duobus Mſſ. legi *sistro*, quam lectionem vehementer probare videtur. Prouocat ad Isidor. II. 21. sine; cui addi possit eiusdem XVIII. 4. vbi memoratur. Amazonas in bello sistris vsas esse. Bene autem Gesnerus animaduertit ex *Petito de Amazon. c. 27. p. 199.* Isidorum forsan haussisse ex Virgiliana Cleopatrae descriptione Virgil. Aen. VIII. 696. Hoc certum est, nusquam ab iis, qui mores et ritus Amazonum accurate descripserunt, huius rei mentionem fieri.

v. 500. *Quid trahor vltius* i. e. quid trahitur mea spes aut exspectatio vltius, quid differs spem meam. Huic interpretationi conuenit illud *Adnuis* v. 504. cf. XXIX. 31.

v. 501. 2. *pudet*, quidam Mſſ. *fugit*, quod Heinſ. probat. Prius h. l. accommodatius puto. Subintellige: virum cum eunucho. *nescis*,

quod turpior hostis Laetitia maiore cedit. De grammatica ratione nimis anxius videtur Gesnerus, qui coniectat? *quod turpior hostis est*, eo *Laetitia maiore cadit.* Ceterum ad sententiam illustrandam adposite laudat Cic. ad Famil. Epist. VII. 2. Omnes enim homines turpi hoste prostrato laetantur, neque quisquam est, qui misericordia dignum eum putet. *piratica* cf. Flor. III. 6. Cic. de leg. Manil. 11. *Magnum*, Pompeium, vt semper fere vocatur a Lucano.

v. 503. *Erigit*, immortalem gloriam conciliauit. *seruilis gloria*, victoria de seruis, quos Crassus armis compescuit. Flor. III. 20.

v. 504. *fremitem* v. n. ad VIII. 24. *Hebrus* vulg. *Eurus*. De populis Orientis sermo esse non potest, sed de Thracibus vicino populo et motibus frequentibus agitato v. Burmann. ad Virgil. Aen. I. 317.

v. 506. *Sollicitas*, moues. Ovid. Met. XI. 169 sq. Poeta ait, Eutropium non pro hoste habendum, contra quem armis pugnandum sit, sed ea.

Conscia succumbent, audito verberare, terga.
 Vt Scythia post multos rediens exercitus annos,
 Quum sibi seruilis pro finibus obuia pubes
 Iret, et arceret dominos tellure reuersos, 510
 Armatam ostensis aciem fudere flagellis.
 Notus ab inceptis ignobile reppulit horror
 Vulgus, et adductus sub verbera torpuit ensis.

dem ratione tractandum, qua Scythae olim seruos suos in suam ditionem redegerint. Rem narrat Herodot. IV. 1 sqq. Narrationem corruptam esse apud Iustin. II. 5. putat Gesnerus.

v. 507. *Conscia* sc. conditionis suae seruilis. *terga* cum delectu pro seruis ipsis. Tergis plagas sustinere solent serui, audito igitur verberare ex longa consuetudine terga praebent. Paneg. Vet. XII. 30. 5. *Nam si olim domini, aduersum rebelles seruos dimicaturi, flagra in aciem detulerunt, tantaque vis conscientiae fuit, ut ab inermibus verterentur arma-*

ti, et qui obtulerant mortibus pectora, darent terga verberibus cet. cf. 512 sq.

v. 508. *Scythia exercitus.* De hac loquendi forma exquisitiore et satis obuia exemplorum copiam congeffit Ruperti in VV. LL. ad Sil. Italic. I. 252.

v. 509. *seruilis pubes,* quam Thracum mulieres absentibus viris, re cum seruis habita, ediderant.

v. 513. *adductus.* Iam ad feriendum sublatus. Gesnerus laudat Ovid. Fast. I. 575 seq. Trist. IV. 2. 5 seq. Burmannus addit l. c. VI. 1. 5. Stat. Theb. VII. 545 sqq.

XIX.

CL. CLAUDIANI

IN LIBRVM II.

IN EVTROPIVM

PROLOGVS.

ARGVMENTVM.

Illudit postea Eutropio de potentiae fastigio, quod malis artibus occupauerat, subito deiecto et in seruitutem rursus redacto, inque ipso suo consulatu in exilium acto. v. 1 — 10. Omne infausto nunc liberatos esse populos, Eutropiique consulis nomen e fastiis erasum; ipsum cum sua factione non bello, ut viros, sed una litera concidisse v. 11 — 22. Eiectum et nequidquam lamentantem seruum a dominis veteribus vindicari non in usum, sed in poenam. v. 23 — 32. Ridet porro solitudinem Eutropii nescientis, quo se vertat; ridet eius somnia, qui aliis, non ipsi, profuerint, eiusque pristinam cum amica quadam consuetudinem. v. 33 — 44. Vitam, pergit, ei saluam fore, ut omnes abiectam conditionem eius videant, quem tam diu timuerint. Miratur, quod amissas Eutropius opes lugeat, quas tamen Arcadius acceperit, exiliumque in Cypro insula, quum nullum sibi locum securum reliquerit. In hoc quieti eius prouisum esse, cuius desiderio senatus Constantinopolitanus teneatur. v. 45 — 58. Adfirmat, Venerem libenter esse excepturam famulum suum, cuius moribus insula haec aptissima sit. v. 59 — 66. A Tritonibus tamen et ventis se illi timere ait, ne cum vel in cursu detineant, vel mari obruant, Cyprusque eunuchi suffragio inclarescat, quem nullus delphinus sit seruaturus v. 67 — 74. Monet tandem eunuchos eius exemplo, ut a simili vecordia abstineant.

Qui modo sublimes rerum flectebat habenas
 Patricius, rursum verbera nota timet,
 Et solitos tardae passurus compedis orbes,

COMMENTARIVS.

v. 1. rerum habenas v. n. ad X. 308.

v. 1. Patricius v. n. ad XVIII. 109. nota, quae saepe feruus erat expertus.

v. 3. tardae, quae tardos facit, quibus iniecta est. orbes. annulos vocat ioco Martial. III. 29. et XI. 38. 2 seqq.

In dominos vanas luget abisse minas.
 Culmine deiectum vitae fortuna priori
 Reddidit, infano iam satiata ioco.
 Scindere nunc alia meditatur ligna securi,
 Fascibus et tandem vapulat ipse suis.

5

v. 4. *In dominos.* Gesnerus intelligit cum Barthio dominos Eutropii priores, quos infinitos habuisse dicitur. cf. supra XVIII. 60 sq. Possis autem Stilichonem et reliquos eiusdem ordinis viros intelligere, quibuscum inimicitias exercuit, quorumque interitum moliri ausus est. *vanas* quae euentum habuere nullum.

v. 5. 6. *vitae priori*, seruituti. *infano ioco* v. n. ad XVIII. 24 sq.

v. 7. *Scindere nunc alia meditatur ligna securi.* Gesnerus exponit: exercet se, tentat scindere ligna, licet infelicitur, ut Claudianus sibi constet. cf. supra XVIII. 127. Verum cauendum est, ne poetas ad historicorum leges reuocemus, nec postulandum, ut singula verba nobis ad dialectices stateram adpendant. Illic descripsit eunuchum vetulum, ad graues labores ferendos ineptum; hic tantum ludit in voce *securi*, ut exprimat, consulum cum seruili conditione eum subito commutasse. In qua sententia elferenda utitur *securi*, quae et consulis insigne est et instrumentum serui, ita tamen, ut, quae

consulis iussu fierent, ei assignet. Ait, illum *nunc meditari scindere securi alia ligna*, *alia*, non ea ligna seu virgas, quas pararent et expedirent lictores, quando in aliquem iussu consulis animaduertendum esset. In ipso *meditari* etiam quum de homine dicatur, qui in summo rerum fastigio magnanimo consilia voverat, nunc autem ad conditionem seruilem et ad seruilia opera detrusus sit, non parua vis latere videtur.

v. 8. *Fascibus suis.* Et in hoc quoque Noster ludit. *Fasces* et consulis sunt et serui; fasciculum lignorum, quod hic culinæ inferendum parat, cuiusque virgis ipse caeditur, quod domino minus placeat. *suis*, quos ipse parauit. Sensus huius et prioris versus hic est: Nunc meditatur scindere alia ligna securi, quam quae tunc, quum consul esset, scindebantur in aliorum supplicium; nunc fasces, quibus alii olim caedebantur, in suam ipsius poenam tandem parat. *tandem*, diu nempe hoc fieri debuit, sero paene factum est. Ceterum hoc simpliciter voluit Noster

Illatas Consul poenas se Consule solvit.

Annus qui trabeas, hic dedit exilium.

10

Infauftum populis in se conuertitur omen.

Saeuit in auctorem prodigiosus honos.

Ablato penitus respirant nomine fasti,

Maturamque luem sanior aula vomit.

Dissimulant focii, coniuratique recedunt;

15

Procumbunt pariter cum duce tota cohors,

dicere, eum nunc poenis
iisdem adfici, quibus alios
adfecerit. Hoc ostendunt se-
quentia.

v. 9. *Inlatas poenas* sc.
aliis. Exilium intelligi se-
quens versus docet. *se con-
sule*. Et hic lusus acrimo-
niae plenus. Eo ipso enim
anno, quo consul erat, digni-
tate abrogata, in exilium
pulsus est. Zosim. V. 18.
De causis ereptae Eutropio
dignitatis auctores parum
inter se constant. cf. Chryso-
stom. homil. in Eutrop.
T. III. pag. 381 sqq. Socrat.
H. E. VI. 5 seq. Sozomen.
H. E. VIII. 7. Philostorg.
VI. 6.

v. 11. *in se conuertitur* v.
Lucan. I. 3. Virgil. Aen. II.
190. vulg. *in se quoque ver-
titur*. Illud quoque mihi
non solum languidum ve-
rum etiam h. l. ineptum vi-
detur. *Infauftum populis*
erat omen, quia calamita-
tem illis minitabatur, ve-
rum idem omen, quod de-
derat eunuchus consul fa-
ctus, non solum infauftum
erat ipsi, i. e. ei, qui dede-
rat, sed etiam perniciosum

fuit, calamitatem intulit.
Hoc expressit poeta per:
omen in se conuertitur i. e.
in eunuchum consulem, qui
erat ominosus.

v. 12. *prodigiosus honos*,
qui honos prodigium erat,
quum eunuchus tributus esset.

v. 13. *penitus iunge cum
ablato*. E fastis consularibus
aliisque publicis monumen-
tis Eutropii nomen era-
sum est.

v. 14. *Maturam* pro: ma-
ture, quum nondum inne-
terata esset. Gesnerus existi-
mat, similitudinem sumtam
esse a morbis purulentis,
quibus et hodie a medicis
maturitas tribuatur. *luem*,
materiem morbi. *sanior*,
nempe vomitu ipso facta.

v. 15. *Dissimulant focii*
sc. expulsum consulem no-
visse.

v. 16. *tota cohors*. Eunu-
chorum manipulos intelligit
Barthius, potest autem esse
tota eius factio. *procum-
bunt* pertinet ad nomen col-
lectivum *cohors*. Burman-
nus notat ad Ovid. Met. I.
320, saepe pluralem adhi-
beri, ubi de duobus per

Non acie victi, non obsidione subacti,
 Ne pereant ritu, quo periere viri.
 Concidit exiguae dementia vulnere chartae;
 Confecit saeuum litera Martis opus. 20
 Mollis feminea detruditur arce tyrannus,
 Et thalamo pulsus perdidit imperium.
 Sic iuuenis, nutante fide, veterique reducta
 Pellice, defletam linquit amica domum.

praepositionem cum coniunctis agatur, ab Ovidio fere semper, v. ibi locc. citt.

v. 17. Heins. laudat Lucan. IX. 272 sq.

v. 19. *exiguae vulnere chartae* Explicant: per epistolam Imperatoris ad Praefectum Praetorio Aureliannum, quae exstat in Cod. Theod. Lib. IX. tit. 40. l. 17. de poenis. *Omnes res Eutropii, qui quondam Praepositus sacri cubiculi, aeriarii nostri calculis adiunximus, erepto splendore eius, et consulatu a tetra illuue, et a commemoratione nominis eius et coenosis sordibus vindicato, ut eiusdem vniuersis actibus antiquatis, omnia mutescant tempora, nec eius enumeratione saeculi nostri labes adparent; nec ingemiscant, aut qui sua virtute et vulneribus Romanos fines propagant, vel qui eosdem seruanda iuris aequitate custodiunt, quod diuinum praemium consulatus lutulentum prodigium contagione foedauit. Patriciatus etiam dignitate atque omnibus inferioribus*

spoliatum se esse cognoscat, quos morum polluit scauitate. Statuae quoque eius aboleri iussae. infra XX. 7. ipse in Cyprum relegatur infra 60 sq. Per verbosam epistolam a Tiberio e Capreis missam Seianus prostratus est. Iuvenal. X. 71 sqq. Melius intelligas epistolam a Stilichone missam, qua Arcadio bellum indicebatur, ni consulatum Eutropio abrogaret eumque in exilium mitteret. Bellum enim iam parasse Stilichonem contra Eutropium eiusque patronum innuere videtur Claudianus XVIII. 500 seqq. Et *non acie victi cet. et Martis opus* frigidissima sunt, si literas Arcadii ad Praefectum Praetorio datas indicari existimes. cf. etiam XXI. 8.

v. 21. *feminea arce*, e cubiculo, cui praefectus fuerat Eutropius, quod versu sequenti *thalamum* vocat.

v. 23. 4. *iuuenis casum* secundum esse adparet, qui vel a *fide* vel a *domum* pendet. Burmannus quidem putat, iungi quoque posse

Canitiem largo raram de puluere turpat, 25

Et lacrimis rugas implet anile gemens,
Suppliciterque pias humilis prostratus ad aras
Mitigat iratas voce tremente nurus.

Innumeri glomerantur heri, sibi quisque petentes

iuuenis amica, vt *iuuenis* sit nominatiuus, quod per grammatices regulas fieri potest. v. eundem ad Phaedrum II. 2. c; vbi laudatur Munker. ad Hygin. fab. 182. *nutante*, altera lectio est *fluitante* aequae bona XV. 247. *deflectam* sumtum a mortuis, qui deflentur. *deflectam domum* est *domum*, cui discedens multis lacrimis valedixerat. *amica* i. q. pellex. Comparatur eunuchus e regia discedens cum amica cuiusdam iuuenis, quae, vetere aliqua amica reducta, multis cum lacrimis domum amantis expulsa relinquit. Burmannus coni. *veterique reducta coniuge*, quod sane recipiendum esset, si per codices liceret, aptiorem enim similitudinem reddit.

v. 25. *Canitiem largo raram de puluere turpat*. cf. Virgil. Aen. X. 844. XII. 611. Hoc signum luctus fuisse notum iam est ex Homer. II. σ. 23. ἀμφοτέρησι δὲ χερσὶν ἑλὼν κόνιν αἰθαλόεσσαν Χεύατο καὶ κεφαλῆς, χαριέν δ' ἤσχυνε πρόσωπον cf. Odyss. ω. 314 sq. Ovid. Met. VIII. 528 seq. Nostr. infra XXXVI. 177 sq. *raram* cf. XVIII. 113 sq. τὸ *de* saepe eleganter παρέλκειν multis

exemplis docuit Barthius, vt apud Stat. Theb. IV. 72.

v. 26. *rugas*. v. ad XVIII. 111.

v. 27. *Suppliciterque pias*. Eutropius, omni dignitate ab Imperatore ei abrogata, in ecclesiam Christianam, quae tunc iam asyli instar erat, confugit. Chrysostomus T. III. p. 667 sqq. T. IV. p. 481 sqq. gloriatur, Eutropium in asylo a se seruatum et asyli ius a se contra violatores eius vindicatum esse, quamdiu ille ipse id non reliquerit. Verum inde abstractus et in insulam Cyprum fida custodia missus est. Zosim. V. 18.

v. 28. *voce tremente*, quum aetate senili tum timore et criminum conscientia. Verum, quatenus sunt *iratae nurus*? Interpretes, quos equidem inspicere potui, silent. Num feminae aulicae Eudoxia imprimis? Philostorgus H. E. XI. 6. refert, ipsam Eudoxiam ab Eutropio iniuria adfectam, duas filias suas puellas Pulcheriam et Arcadium vlnis marito suo adferentem incitasse ignauum alias Arcadium in Eutropii perniciem.

v. 29. *glomerantur*, συστρίβονται, pro colliguntur, in

Mancipium solis vtile suppliciis. 30
 Quamuis foedus enim, mentemque obscoenior ore,
 Ira dabit pretium; poena meretur emi.
 Quas, spado, nunc terras, aut quem transibis in axem?
 Cingeris hinc odiis, inde recessit amor.
 Vtraque te gemino sub sidere regia damnat; 35
 Hesperius nunquam, iam nec Eous eris.
 Miror cur, aliis qui pandere fata solebas,
 Ad propriam cladem, caeca Sibylla, taces?
 Iam tibi nulla videt fallax insomnia Nilus;
 Peruigilant vates nec, miserande, tui. 40

vnum conueniunt. Multis
 exemplis illustrant vim verbi
 Barth. ad Stat. Theb. I. 350.

v. 30. *solis vtile suppli-*
cii cf. XVIII. 127 sqq.

v. 31. 2. Duo versus, qui
 praecedunt, his duobus ex-
 plicantur. *Quamuis foedus*
enim cet. ita vt propter
 foeditatem corporis et animi
 eum nemo ne dono quidem
 accipere vellet, nedum pre-
 tio numerato. *mentemque*
obscoenior ore i. e. mensque
 eius obscoenior etiam sit quam
 os. *ira dabit pretium* i. e.
 ira aut vlciscendi cupido ta-
 men veteres dominos, quos
 in secundis suis rebus acerbè
 tractauerat, ad emendum
 eum compellet.

v. 33. *axem*, regionem.
 v. supra ad XV. 458.

v. 34. *Cingeris hinc odiis*
 V. 13. Imperium occiden-
 tale seu aula eius imperii
 odio te prosequitur. *Inde*,
 ab Arcadio illisque, qui te
 in imperio orientali antea
 fouebant. Ipse poeta hunc

versum in duobus sequenti-
 bus ita illustrat.

v. 35. *gemino sub sidere*.
 Solem orientem et occiden-
 tem intelligit, et per illum
 imperium orientale et occi-
 dentale; vtrumque vocat
geminum axem supra V. 152.

v. 36. *numquam* sc. fuisti.

v. 37. *pandere fata*, v. n.
 ad XVIII. 312 sqq. cf. Stat.
 Theb. X. 161 sq.

v. 39. *nulla fallax in-*
somnia Nilus, v. supra l. c.
 Vaticinia ex somniis in Ili-
 dis templo capiebantur. v.
 interpp. ad Iuvenal. VI. 529.
 cf. not. ad Persii prolog.
insomnia, somnia. Bronkh.
 ad Tibull. III. 4. 1. Virgil.
 Aen. VI. 879. Sil. Italic.
 XI. 102.

v. 40. *Peruigilant vates*
 cet. Delrius ex Msc. legit
vates iam, additque, vates,
 quum nequeant dormire,
 nulla tibi insomnia renun-
 ciant. Est autem de perui-
 giliis eorum sermo, qui se
 ad vaticinandum parant. v.

Quid soror? Audebit tecum conscendere puppem,
 Et veniet longum per mare fida comes?
 An fortasse toros eunuchi pauperis odit,
 Et te nunc inopem diues amare negat?
 Eunuchi iugulum primus secuisse fateris; 45
 Sed tamen exemplo non feriere tuo.
 Viue pudor fatis. En quem tremuere tot vrbes!
 Et cuius populi sustinuere iugum!
 Direptas quid plangis opes, quas natus habebit?

Gesner. ad Lucian. T. III. p. 615. not. 4. ed. Reiz. cf. Propert. II. 21. 60.

v. 41. *Quid soror.* Gothofredus ad Cod. Theodos. lib. XVIII. de poenis, de sorore proprie dicta accipit. cf. supra XVIII. 263.

v. 43. *toros.* cf. infra XX. 88 seqq.

v. 44. *diues.* Quae, dum esset apud Eutropium, diuitiis colligendis sibi prospexerat.

v. 45. *Eunuchi iugulum.* De hac re nihil memoriae proditum est. Multis in locis Claudianus significatione tantum quaedam innuit, quae nunc quidem nobis mera aenigmata videntur. Cogitandum autem est, ad plurima carmina scribenda illum non impetu aliquo interno, sed occasione data accessisse, eumque semper fere in argumentis esse versatum, quorum vel minimae res lippis et tonsoribus tunc nota essent, ita, vt per capita tantum ire omissis leuioribus, pleraque adtingere

tantum ei liceret. Recte obseruat Gesnerus, scriptum esse hunc prologum tempore, quum mors Eutropii nondum decreta esset.

v. 46. *exemplo tuo,* vt tu iugulum secuisti eunucho.

v. 47. *pudor fatis* v. n. ad XVIII. 210. *en quem pro:* *en* abiectum illud et detestabile seruitium, turpem eunuchum, *quem* modo cet. Explicatur enim per *viue pudor fatis.* Illis exclamationibus vulgo fata accusabant, quod homuncionem tetrum in hominum vexationem in altum sustulissent.

v. 49. *Direptas quid plangis opes.* Rectius fortasse *Dereptas.* v. ad XVIII. 168. Eutropius erat *patricius*, is autem vocabatur *pater principis.* locatur igitur acerbè poeta, quum dicit, opes Eutropii *natum* esse habiturum, non esse igitur, quod de amissis rebus queratur. Notum autem est, bona Eutropii publicata et in fiscum relata esse.

Non aliter poteras principis esse pater. 50
 Improbe, quid pulsas muliebribus astra querelis,
 Quod tibi sub Cypri litore parta quies?
 Omnia barbarico per te concussa tumultu.
 Crede mihi, terris tutius aequor erat.
 Iam non Armenios iaculis terrebis et arcu; 55
 Per campos volucrem non agitabis equum.
 Dilecto caruit Byzantius ore senatus;
 Curia consiliis aestuat orba tuis.
 Emeritam suspende togam, suspende pharetram;
 Ad Veneris partes ingeniumque redi. 60
 Non bene Gradivo lenonia dextera servit;
 Suscipiet famulum te Cytherea libens.
 Insula laeta choris, blandorum mater Amorum;

v. 50. *Non aliter poteras*
 cet. Pergit Eutropium irri-
 dere. Hac vna tantum ra-
 tione, ait, Eutropium *pa-*
trēm principis (patricium)
 esse potuisse, quod bona
 eius ad principem peruene-
 rint, quandoquidem filii so-
 leant bona patris accipere.

v. 51. *quid pulsas astra.*
 Pulsari, feriri, lacessi cet.
 clamore, saepius apud poetas
 astra dicuntur. Drakenbr. ad
 Sil. Italic. IV. 7. Burmann.
 ad Valer. Flacc. I. 740. II. 91.
 V. 273. et ad Ovid. Fast.
 III. 741.

v. 52. *sub pro: in.* v. ad
 I. 81. *parta quies* velut
 emerito.

v. 54. *terris.* Burmann.
terra, vitio credo operarum,
 nam aliter citat locum ad
 Ovid. Fast. II. 98. Parum
 autem interest, vtrum *terris*
 an *terra* legas.

v. 55. *Iam non Armenios.*

cf. XVIII. 235 seq. Irridet
 Eutropium, quod bella ten-
 tasset, victorque redire si-
 mulasset, atque vt mulieri
 Amazonum arma ei tribuit.

v. 57. *dilecto ore*, per iro-
 niam. cf. XVIII. 121 sqq.

v. 58. *aestuat, ἀπορεῖ.* Ex-
 primit animum fluctuantem
 et anxium, qui nescit, quid
 faciendum sit.

v. 59. *togam*, quam con-
 sul in senatu gessit.

v. 63. *Insula laeta choris*
 cet. v. ad X. 49 sqq. Venus
 enim erat dea tutelarī Cy-
 pri, habebatque in illa in-
 sula templum pulcherrimum,
 praecipuoque ibi honore co-
 lebatur. Vocatur Venus
potens Cypri Horat. Od. I.
 3. 1. et 30. 2. Plin. H. N. II.
 cap. 96. Sacra, quae ibi ce-
 lebrabantur, mollia erant et
 ad Veneris et ad Amoris na-
 turam accommodata, et haec
 rursus multum valuisse ne-

Nulla pudicitiae cura placere potest.

Prospectant Paphiae celsa de rupe puellae, 65

Sollicitae, saluam dum ferat vnda ratem.

Sed vereor, ne te teneant Tritones in alto

Lasciuas doctum fallere Nereidas;

Aut idem cupiant pelago te mergere venti,

Gildonis nuper qui tenuere fugam. 70

Inclita captiuo memoratur Tabraca Mauro;

Naufragio Cyprus sit memoranda tuo.

Vecturum moriens frustra delphina vocabis;

Ad terram solos deuehit ille viros.

Quisquis adhuc similes eunuchus tendit in actus, 75

Respiciens Cyprum desinat esse ferox.

cesse est ad incolarum mores effeminandos. Quam ob rem nullus locus euncho aptior esse potuit. *laeta*, cuius aspectus laetos facit. Recte reiecit Burmannus *foeta*, quod Heins. olim malebat. Ovid. Fast. V. 667.

v. 64. *Nulla pudicitiae cura* cet. Impudicus igitur ibi in pretio erit.

v. 65. *Prospectant* cet. quasi ad aduentum formosissimi iuuenis, quem omnibus votis expetunt.

v. 66. *Sollicitae*, ne naufragium facias. *saluam*, vnus Msc. *celsam*. forsan *lassam*.

v. 67. Tritones Nereidesque in famulatio sunt Veneri e mari ortae, vt vidimus supra X. 127. Adludit autem Noster ad artes lenonias Eutropii, quas insignes adeo esse ait, vt vereatur, ne Tritones cum in alto re-

tineant, vt eo conciliatore apud Nereidas vtantur. *doctum fallere*. cf. Horat. od. VI. 13. 7. *fallere*, circumvenire lenonis artibus, vt concilies eas Tritonibus.

v. 69. *cupiant* pendet a *vereor ne*. Sensus: Vereor, ne venti te fluctibus mergant, vt Cyprus naufragio tuo gloriam immortalem nanciscatur.

v. 71. *Tabraca*, ad quam periit Gildo. cf. XVIII. 410.

v. 73. Adludit ad fabulam Arionis notissimam cf. Herodot. I. 23. et Gell. XVI. 19.

v. 75. *tendere in actus similes* pro: accedere ad similes actus, huiusmodi aliquid, moliri.

v. 76. Gesnerus laudat Euripid. Bacch. 1324. *αἱ δ' ἑστίν, ὅστις δαίμωνων ὑπερφρονεῖ, Εἰς τοῦδ' ἀπρήταξ δάνατον, ἢ γὰρ ἰσθὶ Διὸς.*

XX.

CL. CLAUDIANI
IN EVTROPIVM

LIBER II.

ARGVMENTVM.

Tandem aliquando, poeta incipit Constantinopolitanos compellens, didicistis, omnia euentum habuisse, sed sero, quum non amplius ea auertere possetis. v. 1—11. Grauioribus malis remedia etiam grauiora quaerenda sunt. v. 12—19. Minimo sufficit, Eutropium in Cyprum esse relegatum. v. 20—23. Simulac iste cunuchus consulatum adiit, omnia homines terruerunt, Constantinopolis ipsa aqua et igni paene vastata est. Monstris et portentis illa mala nunciata et a vatibus praedicta sunt; quorum si nihil fuisset, tamen consulis castrati annum insaufissimum fore nemo poterat ignorare. v. 24—49. Verum prae fructu praesenti omne, quod futurum est, damnum negligitur. Contra tot signa ne Camillus quidem consul constituendus fuisset, nedom spado Tiberium et Neronem turpitudine longe superans v. 50—62. Nihilominus tamen iste summo honore adfectus est; omnes cum coluerunt; statuae ei posita sunt (quae in sempiternam urbis ignominiam maneat) cum titulis et inscriptionibus, dum iste, imperii administratione amicas relicta, laudissime viueret, et in theatris tempus consumeret v. 63—94. Vere nouo, Eutropio auctore, aula iter secerat Ancyram, atque dum inde quasi magna re gestia superba reuertitur, mollem illam cateruam Mars conspicit et Bellonam compellat in hanc fere sententiam v. 95—111. Nondum desistere potest imperium Orientis mollietati se dare, quae tantopere ei nocuit, sed oblitum in pace malorum eunacho tradidit fasces v. 112—122. Iam solus Stilicho consulis dignitatem tuetur, quod ni faceret, de ea actum esset v. 123—132. Ipse ciues turpem istum consulem probant, senatus et proceres ei plaudunt, sed iam faciam, ut eos gaudii poeniteat. v. 133—144. Bellum moue Bellona, sed mitte in praesentia Thraciae populos, Ostrogothos et Gruthungos ad defectionem sollicita, hi barbari mollietatem illam vindicent. v. 145—159. Quibus dictis clipeo insonuit hastamque torsit. v. 160—169. Bellona Targibilum, ab Eutropio indonatum redeuntem, forma coniugis illius induta adit, quaeritque ex illo, quae dona a Principe acceperit. v. 170—190. Qui quum nihil se accepisse et cum contemptu dimissum esse quereretur, mulier virum, ignauiam ei exprobrando, excitat. Probos et iustos ait contemni, audaces et rebelles praemiis ornari. Ne moretur igitur, et quamquam parus

manu adiutus arma capiat redeatque ad pristinam feritatem. Quibus dictis Bellona in auem mutata sepulcro veteri omnis causa infedit. v. 191 — 232. Targibilus, ubi se collegit, sociis rem exponit, eosque ad defectionem incitat. v. 233 — 237. Iam poeta Phrygiae partem, quae Galatia dicitur, describit, Phrygosque antiquissimum populum esse Psammetichi experimento probat, inter quos Apollo versatus sit et Minerva. Flumina regionis describuntur et diuitiae. Hanc barbari nunc invadunt ac populantur. v. 238 — 278. Interea Cybele, quum ipsi sacris suis intentae diadema turritum de capite esset delapsum, stupentibus omen Corybantibus exponit, fatum inevitabile, quod Phrygiae impendisset, nunc aduenisse, omniaque ferro et flammis esse peritura. Inuita inde terras illas reliquit. v. 279 — 303. Eutropius cladem illam dissimulans, supplicis tantum, non militibus, opus esse dictitans cum struthiocamelo comparatur v. 304 — 316. Vbi autem videt, donis furtim missis aliisque praemiis nihil profici, consilium bellicum conuocat ex hominibus mollissimis ac perditis. Qui quum conuenissent, causae, cur conuocati essent, immemores, de rebus ludicris fabulari incipiunt. v. 317 — 364. Eutropius eos increpat, monetque, ut de bello cogitent. Se satisfacisse reipublicae in bello contra Armenios, nunc senem esse et fessum aetate, iuvenes interim bellum capeffant. v. 365 — 375. Tunc Leo quidam, Thraso ridiculus, surgit, ceteros adhortatur, polliceturque, se bellum hoc breui esse ad finem perducturum v. 376 — 405. Ipse statim cum exercitu effeminato proficiscitur nullo ordine obseruato summaque negligentia v. 406 — 422. Targibilus fugam simulans agmine repente conuerso vino et somno sepultos inuadit, ingentemque stragem edit; ipse Leo fuga in paludem delatus misere perit. v. 423 — 461. Iam de hac clade et de hostium aduentu nuncius Constantinopolim perfertur, omnia in maius augentur, insuperque nunciatur, Saporum regem a Persis esse interfectum. Quibus auditis omnes sero agnoscunt, in Eutropio consule constituendo grauiter esse peccatum v. 462 — 489. Haec hominum stultitia, qua euentu tantum docentur, antiqua de Prometheo et Epimetho fabula explicatur v. 490 — 501. Nunc omnes a Stilichone salutem sperant, ut pueri a vicinis vexati absentis patris reditum exoptant. v. 502 — 515. Agnoscunt insaniam, qua eunucho imperium tradiderunt, ipsaque Aurora vestitu squalido supplex ad Stilichonem tendit v. 516 — 533. Queritur, se ab illo plane negligi, quo rectore olim felix fuerit. Rufinum fuisse dissidii causam, sed illum poenas dedisse, quo tyranno vix liberatam in alterum se incidisse et peiorem et turpiorem v. 534 — 562. Iam se non solum a barbaris bello peti impuneque vexari, sed etiam inertia ac proditione ducum ab iis, quos ante debellasset, vastari. Quarum rerum omnium aulam nullam rationem habere, sed securam velut in otio voluptatibus indulgere v. 563 — 591. Quare veniat, fessisque opem ferat extremorum maiorum misericordia adductus.

Mygdonii cineres, et si quid restat Eoi,
 Quod pereat, regni, certae non augure falso
 Prodigii patuere minae, frustraue peracto
 Vulnere monstriferi praesagia discitis anni.
 Cautior ante tamen violentum nauita Corum
 Prospicit, et tumidae subducit vela procellae.
 Quid iuuat errorem merula iam puppe fateri?

5

COMMENTARIUS.

v. 1 - 4. Testatur poeta imperii Orientis clades, prodigiorum minas euentu esse comprobatas. Prodigium autem maxime dirum fuit eunuchus consul constitutus. *Mygdonii cineres* v. ad XVII. 300. intelligit Phrygiae cineres, aut Phrygiam ferro et igni a Targibilo vastatam. cf. Virgil. Aen. II. 431. *et si quid restat eoi regni*. Nam praeter Phrygiam magna pars imperii Orientis vastata erat. Subintelligendum autem puto: vos testor, ut apud Virgil. l. c. *certae non augure falso* cet. maiorem adfirmandi vim haec structura habet, quam si posuisset accusativ. c. infinit. *certae minae patuere*, certae cognitae sunt, certae fuerunt. Burmannus laudat Ovid. Met. IX. 594. XV. 647. Barth. Advers. XII. 8. Markland. ad Stat. Silv. V. 1. 267. *serae legit*. Sed nihil opus est coniectura. *non augure falso*, nec augures falsi fuerunt, qui magnas calamitates imperio orientali euenturas esse praedixerant. Non mera explicatio illud est τοῦ *cer-*

tae, nam *minae* prodigii poterant *certae* esse, i. e. euentum habere vel sine augure, sed augure opus erat, qui illas minas ante earum euentum interpretaretur. *peracto vulnere* pro vulgari: damno accepto. *praesagia discitis*, intelligitis vera fuisse. *monstriferi anni*, quo anno eunuchus consul fuit, simulque varia prodigia et monstra existerunt, quae infra recensentur. Potest quoque esse: horrendi anni. v. Oudendorp. et Burmann. ad Lucan. V. 620. et ad Valer. Flacc. II. 498.

v. 5. *corum* v. XII. 41.

v. 6. *Prospicit*. MII. *consultit*. Heinhus laudat Valer. Flacc. III. 37 sq. Lucan. V. 571 sq. Priorem lectionem recte Burmannus praefert. *Consultuntur* signa futurae tempestatis, sed ipsa tempestas futura *prospicitur* ex signis. Idem putat, *consultit* ex glossa natum esse. Quod si ita est, eius auctor *prospicit* absolute positum et *ante* pro praepositione habuerit necesse est, nam *con-*

Quid lacrimae delicta leuant? Stant omina vestri
 Consulis. Immotis haesere piacula fatis.

Tunc decuit sentire nefas, tunc ire recentes 10
 Detersum maculas. Veteri post obruta morbo
 Corpora, Paenias nequidquam admoueris herbas.

fulere aliquid, et prospicere aliquid confundi vix possunt, *consulere* autem *alicui* et *prospicere alicui* et possunt confundi et saepe confunduntur. Similem locum Lucan. VI. 285 sqq. Burmannus iam notauit; adde Sil. Italic. I. 687 sqq. *subducit vela*, vt Sil. Italic. VI. 325. pro: contrahit vela. Horat. Od. II. 10. 23. *tumidae* h. l. vehementi, qua fluctus intumescunt Ovid. Amor. I. 9. 13. aliter Virgil. Aen. III. 357, vbi *auster* vocatur *tumidus*, qui vela implet.

v. 8. *Quid lacrimae delicta leuant?* Msc. *Quum lacrimae delicta luant.* Possis legere: *Num lacrimae delicta leuant* seu *luant?* aut *Quid? lacrimae delicta leuant?* *stant*, non mouentur, fixa, immota sunt, ita in sequentibus explicatur per *immotis fatis* et *haerent*. *Stant omina* et Gesnerus quoque insit typis describi, sed operae non parentes etiam Bipontinum editorem in errorem duxisse videntur.

v. 9. *immotis haesere piacula fatis.* *Piacula* h. l. sunt calamitates, quibus scelus seu portenta expianda sunt. Ea *haerent* i. e. inhaerent fatis, iis constituta sunt,

manent, donec ipsa fata immota sunt. cf. Lucan. VII. 35.

v. 10. *nefas* v. n. ad XVIII. 348. *Tunc*, statim Calendis Ianuariis, vel statim postquam designatus est consul flagitiosus. Sic Gesnerus. Subintelligendum: quum res esset adhuc integra, aut omen liceret auertere. Ellipsis paullo durior. Mollius fortasse, si legas: *Quum decuit sentire nefas, tunc* cet. hoc sensu: quum monstra et prodigia ostendissent, nefas esse, eunuchum consulem fieri, tunc statim ei abrogandus fuisset magistratus. iplique lustrandi fuissetis a piaculo recens contracto.

v. 11. 12. *post obruta morbo Corpora*, vbi morbus totum corpus occupauit. *Paenias*, a cognomine Apollinis, qui *παίων* Oropi colebatur. Pausan. Attic. 34. Illum enim inuentorem medicinae haberi notum est. Ovid. Met. I. 521. Spanhem. ad Callimach. H. in Apoll. 46 sq. *admoueris herbas*, alii *artes*, quod rectius putat Heinſius. Burmann. laudat Ovid. ex Ponto I. 3. 5. Heroid. XI. 43. Sed cf. eundem Met. XV. 534. Comparari potest Pers. III. 63 sqq.

Vlcera possessis alte suffusa medullis,
 Non leuiore manu, ferro sanantur, et igni,
 Ne noceat frustra mox eruptura cicatrix. 15
 Ad vinum penetrant flammæ, quo funditus humor
 Defluat, et vacuis corrupto sanguine venis

v. 13. *medullis*, partibus interioribus. *vlcera alte suffusa* sunt vlcera alte latentia, quorum sanies et pus interiores partes adiacentes corrumpit. Heinsius malebat *suffixa*, ipseque Burmanno *suffusa* suspecta est vox, quia non meminerit legere *vlcera suffusa*. Latere aliquid de *pure* suspicatur, proponit itaque *alto sub pure*, vel *alte diffusa*.

v. 14. *Non leuiore manu*. v. Burmann. ad Quintil. Instit. II. 4. h. l. autem positum videtur pro: non fomentis aliisque rebus, quæ granioribus remediis, igni et ferro, opponuntur. *ferro sanantur et igni* cf. Ovid. Rem. Am. 229. Met. I. 190 sq.

v. 15. *Ne noceat frustra mox eruptura cicatrix*. Heinsius cum Barthio censet, vel sine libris *coeat* legendum. Burmannus corrigendi contra omnes Mss. licentiam parum tutam indicat, quamquam sæpe apud Ovidium *coire vulnera* legitur. Trist. IV. 4. 41. V. 2. 10. ex Ponto I. 3. 87. Certum esse ait, nocere maxime vulneribus, si nimis cito cicatricem ducant, et ita tabem et pus festinans clausurit me-

dicus. Difficultatem, quæ Barthium fortasse ad emendandum hunc locum compulit, illa explicatione remotam non puto. Quaeritur enim, quo *frustra* referas? ad *noceat* pertinere. non potest, neque ad *eruptura*, et *frustra cicatrix* pro vulnere, quod frustra cicatricem duxit, forsan paullo durius ducetur. Non defenderim tamen *coeat*, quum nesciam, an usquam *cicatrix coit* dicatur. *coit vulnus* vulgare est. Mendum mihi videtur in *frustra* latere. Quid si legas *Ne noceat ducta et mox eruptura cicatrix*? Pro *mox eruptura* mauult Burmannus *mox se ruptura*. Ceterum laudat Ovid. Rem. 623. et ex Ponto I. 3. 15 sq.

v. 16. *Ad vinum penetrant flammæ*. Exsequentibus apparet, sensum esse huius loci: vlcus graue et alte latens aperitur ita, vt funditus purgari ac sanari possit. Cels. de Medic. V. 32. Quid h. l. *flammæ* sibi velint, nescio; Geenerus cauteria intelligit, quæ vlcus aperiunt. *ad vinum* interpretor: ad fundum usque vulneris.

v. 17. *Defluat* rationem aperturæ seu incisionis de-

Arescat fons ille mali. Truncantur et artus,
 Vt liceat reliquis securum degere membris.
 At vos egregie purgatam creditis aulam, 20
 Eutropium si Cypros habet, vindictaque mundi

clarat, quam ita semper faciunt artis periti, ut pus et sanies *defluere* cogatur. et *venis vacuis corrupto sanguine*, qui sanguis simul defluxit, quia apertura illa ad viuum usque penetrauerat, ita ut hac ratione ulceris alimenta desint.

v. 18. *Arescat fons ille mali*. Hoc enim necesse est fieri fontibus, quibus vlcus alebatur, exhaustis aut obturatis. Ex lectione plurimum Mss. *exundet* coniicit Hein- sius *exsudet*, citatque Virgil. Georg. I. 88. Grat. Cy- neg. 427. Sed *arescat* ante- cedentibus melius conuenit. v. 13-18. Forsan de ulcere alto sermo est, quod oritur ex ossium partibus vitiatas atque corruptis, quibus vl- cera graua aut fistulae su- pernasce solent. Hoc colligi posse videtur ex *medullis* v. 13. et *uiuum* v. 16. In il- lis ulceribus curandis carne subsecta os nudandum est, eiusque pars, quae pinguis facta est, admoto ferramento adurenda. v. Celsum de Me- dic. VIII. 2. qui addit, *nam necesse est aridum sit id, quod vitiatum est*. Paullo inferius pergit: *Igitur si ca- ries alte descendit, per te- rebram urgenda crebris fo- raminiibus est, quae altitu-*

dine vitium aequent; tum in ea foramina demittenda candentia ferramenta sunt, donec inde siccum os ex toto fiat. Ex hac ratione *ulcera suffusa possessis medullis* sunt ulcera ossi carioso seu vitiatato subnata, quorum par- tes superiores, neglectis in- ferioribus, sanari quidem possunt et cicatricem du- cere, quae tamen rursus sponte rumpuntur, nisi fons mali obturetur, id quod fit, si nudatis ossibus *ad uiuum penetrant flammæ* i. e. fer- ramenta candentia ad partes carie nondum adfectas. Et *venae* h. l. videntur fistulae esse seu canales, quos sibi humor corruptus seu pus muniuerat, quo purgatae non amplius implentur, os- sium partibus, quae fontes mali erant, ad sanitatem perductis.

v. 19. *securum*. Heinsius manu *seculo*, quia in Mssc. exstat *seculo*. v. eum ad Ovid. Heroid. XIV. 64. Tunc *membris* est casus sextus.

v. 21. *vindictaque mundi* est ea, quam subire seu pati debeat mundus, i. e. impe- rium Orientis, quod, omni- bus et portentis neglectis, eunuchum consulem vel constituerit vel constitutum probauerit.

Semiuir exsul erit. Quis vos lustrare valebit Oceanus? tantum facinus quae diluet aetas?

Induerat necdum trabeas: mugitus ab alto
Redditur; infernas rabies arcana cauernas

25

v. 22. *Semiuir exsul erit* i. e. illa vindicta seu poena luetur eunuchi exilio. Posuit autem *vindicta mundi* idque opposuit τῷ *semiuir exsul*, vt poenae debitae magnitudo a lenitate solutae poenae eo vehementius discreparet. Ingeniosa est Burmanni coniectura: *Eutropium si Cypros habet, si victima mundi Semiuir exul erit.* laudat ille Nost. VIII. 94. XV. 414. XVIII. 19 sqq.

v. 23. *Oceanus.* Aqua marina potissimum ad expiationes vfos esse veteres iam notum est ex Cic. pro Rosc. Amer. 26. *quo (mari) cetera, quae violata sunt, expiari putantur* v. ibi interpp. in ed. Graev. cf. Euripid. Iphig. in Taur. 1193. Catull. LXXXVIII. 5 sq. vbi Doering adscripsit epigr. ex Brunck. Analect. Vet. Poet. T. III. p. 199. ἀγῶς ἐς τέλευος καθαρῶ, ξένε, δαίμονος ἔρχου ψυχὴν νυμφαίου νάματος ἀψάμενος. Ὡς ἀγαθοῖς κεῖται βαιὴ λιβάς· ἄνδρα δὲ φαῦλον οὐδ' ἂν ὁ πᾶς νίψῃ νάμασιν ὠκέανος. Adde Sophoclem, Oedip. Tyrann. 1227 seq. οἶμαι γὰρ οὐτ' ἂν Ἴστρον οὔτε Φάσιν ἂν νίψῃ καθαρμῶ τήνδε τὴν στέγην ὅσῃ κεύθει. Senec. Hippolyt. 715 sqq. Herc. Fur. 1326 sqq.

v. 24 sqq. Recenset poeta portenta et omina grauissima, quae oblata sunt Eutropio consule designato, imprimis autem memorat naturam rerum ipsam indignatam esse direque imperio Orientali esse minitatum. Cum toto hoc loco comparandus est Sil. Italic. VIII. 622 sq. vbi Drakenbr. praeterea laudat Virgil. Georg. I. 466 sqq. Lucan. I. 524 sqq. VII. 151 sqq. Petron. cap. 121. Stat. Theb. VII. 401 sqq. quibus adde Tibull. II. 5. 71 sqq. *induerat nec dum trabeas*, antequam Eutropius consulatum adiisset. *ab alto* h. l. esse ex profundo, sequentia docent. Intelligit autem mugitum, qui terrae motum praecedere solet.

v. 25. *Redditur*, vulgo *Redditus*. Sed prius quoque Heinio placuit. *rabies arcana.* Causam latentem sic vocat, qua terrae motus excitetur. cf. Senec. Quaest. N. VI. 4 seqq. Sil. Italic. I. c. *Nutantque ruens prostravit vertice silvas Garganus, fundoque imo mugiuit anhelans Aufidus, et magno late distantia ponto Terruerunt pauidos adcensa Ceraunia nautas.*

Vibrat, et alterno conflagunt culmina lapsu.
 Bacchatus per operta tremor Chalcedona mouit,
 Pronus et in geminas nutauit Bosporus vrbes.
 Concurrere freti fauces. Radice reuulsa
 Vitant instabilem rursus Symplegada nautae. 30
 Scilicet haec Stygiae praemittunt signa sorores,
 Et sibi iam tradi populos hoc Consule gaudent.
 Mox oritur diuersa lues. Hinc Mulciber ignes
 Sparserat, hinc victa proruperat obiice Nereus.
 Haec flagrant, haec tecta natant. Quam, Numina, poenam
 Seruatis sceleri, cuius tot cladibus omen (35

v. 26. *Vibrat*, efficacius, quam concutit. *culmina* recte Burmannus de turribus accipit cf. infra XXXV. 152 sq. possunt etiam esse aedificia alta. *alterno lapsu conflagunt*, irruunt in se inuicem et mutuo se pulsan. cf. Valer. Flacc. II. 519 sq.

v. 27. *per operta*, per terrae cauernas. *Chalcedona* VIII. 177.

v. 28. *Pronus et in geminas* cet. Vt solet in terrae motu mare repente recedere et maiore cum impetu recurrere, ita vt litora late obruantur. *Geminae vrbes* sunt Constantinopolis et Chalcedon.

v. 29, 30. *Concurrere freti fauces*, visa sunt Asiae et Europae litora sibi inuicem adpropinquare fretumque coarctare. *Symplegades*, *κνί-
ναι πέτραι*, *Συμπλέγες* par-
 uae insulae erant in ponto
 ad fauces Bospori sitae.

Fato erat constitutum, im-
 motas eas fore, si nauis
 salua per eas transisset, quum
 antea alterno motu et rece-
 derent a se inuicem et col-
 liderentur. Notae sunt satis
 ex Argonauticis Valer. Flacc.
 IV. 641 sqq. Apollon. Rhod.
 II. 549 seqq. Orph. Argon.
 678 seqq.

v. 31. *Stygiae sorores*,
 Parcae. Lucan. IX. 838. a
 quarum filo vitae hominum
 pendent.

v. 33. *diuersa lues*, incen-
 dia intelligit.

v. 34. *Sparserat*. Sil. Ita-
 lic. VII. 369 sq. XVII. 91.

v. 35. 6. *quam, numina*,
poenam Seruatis cet. i. e.
 quam poenam, dii reserua-
 tis sceleri, cuius poenae ipsa
 denunciatio iam tot stragi-
 bus constitit. Incendia illa
 et diluuia non iam erant
 poenae, sed eas tantum fu-
 turas denunciabant. *cuius*
 sc. poenae.

Constitit? Incumbas vtinam, Neptune, tridenti,
Pollutumque solum toto cum crimine mergas!
Vnam pro mundo Furiis concedimus urbem.

Vtque semel patuit monstris iter, omnia tempus 40
Nacta suum properant. Nasci tum decolor imber
Infantumque noui vultus, et dissona partu
Semina. Tum lapidum fletus, armentaque vulgo
Ausa loqui, mediisque ferae se credere muris.
Tum vates sine more rapi, lymphataque passim 45

v. 37. 8. *incumbas vtinam* Neptune cet. *incumbas* nimum exprimit. Ceterum cf. Virgil. Aen. II. 61 sqq. *pollutumque solum*, Constantino-polim, eam offert pro toto mundo h. e. imperio, cui minantur fata. Quod votum Nostrium non sane ab humanitate commendat. Sed adulatione et simulato partium studio non semel cum abreptum videmus.

v. 40 sqq. Sequuntur iam ea omina, quorum XVIII. princ. mentio facta est. *Vtque semel patuit monstris iter*. Nihil amplius Noster dicere vult, quam monstra alia super alia nunciata esse, vt semper solitum sit fieri, quando magna aliqua clades imperio Romano immineret. Accommodate haec moribus vulgi, nam quum semel hominum animi religione tacti sunt, narrantur prodigia subinde plura, vt Gesnerus bene obseruat. *omnia* sc. monstra *tempus suum nacta*. Suum cuique, quod in rerum natura potest euenire, tempus, quo euenire de-

beat, fato constitutum est. Cuiuscunque igitur tempus venerit, id potest dici *tempus suum nactum* esse. *decolor*, h. l. sanguinens. v. Heins. et Burmann. ad Ovid. Heroid. IX. 4.

v. 42. 44. cf. quae dicta sunt supra ad XVIII. v. 1-4. *lapidum fletus*, statuarum lacrimae. Gesnerus laudat Liv. XL. 19. *Lanuvii simulacrum Iunonis Sospitae lacrimasse. ausa*. Burmannus quaerit: annon potius *visa*? non enim armentorum haec erat audacia, sed immissae a diis voces auditae sunt. Ipse tamen vidit, nihil temere mutandum esse. Videndum enim semper est ex verbis, quibus usus est poeta, quemadmodum res sibi animo finxerit, non exigenda sunt a nobis verba ad eam rationem, qua nos res animo concipimus.

v. 45. *sine more* i. e. praeter morem, οὐ κατὰ νόμον. Illustrauerunt hoc Heins. et Drakenbr. ad Sil. Italic. XII. 449. cf. Heyne ad Virgil. Aen. V. 694. VII. 377. *rapi*,

Pectora terrifici stimulis ignescere Phoebi.

Fac nullos cecinisse Deos; adeone retusi

Quisquam cordis erit, dubitet qui partibus illis
Affore fatalem castrati Consulis annum? (50

Sed quam caecus inest vitiis amor! Omne futurum
Despicitur, suadentque breuem praesentia fructum,
Et ruit in vetitum damni secura libido,
Dum mora supplicii lucro, serumque, quod in fiat,
Creditur. Haud equidem contra tot signa Camillo
Detulerim fasces; nedum, proh sexus! inertis 55

furore corripit. cf. Virgil. Aen. VI. 45 sq. 77 sqq. 100 sqq. *lymphataque pectora*, furore percita. Bacchantibus ea tribuit Ovid. Met. XI. 3 sq.

v. 46. *stimulis*, Virgil. l. 6. a stimulo, κέντρον, σαρπηρῆσι petiit, quo equi et boues puniri solebant. Ruperti ad Sil. Italic. l. 113. *terrifici* qui ad tristia canenda vates incitant. Heinl. laudat Stat. Theb. III. 667. Virgil. Aen. V. 524. Etiam haec ficta sunt naturae accommodata. Plin. Epist. VI. 12. 19.

v. 47 sqq. Etiam si, pergit Noster, omnia nulla fuissent, tamen expectandum fuisset annum fore infaustissimum, cuius consul eunuchus esset. Sed homines a rebus praesentibus duci, et futura incommoda negligere. Contra tot omnia ne sanctissimus quidem et fortissimus civis consul constituendus fuisset, nedum eunuchus, quem tamen omni honorum genere afficere non erubuerint. *ceciniisse* h. l. omnia misisse, aut per vates futura decla-

rasse. *retusi* i. q. obtusi Virgil. Aen. l. 567.

v. 48. *partibus illis*, imperio orientali. infra 123 sq.

v. 50. *Sed quam coecus inest* cet. i. e. quam inconsiderate vitia se ipsa amant, quam coeci sunt homines, qui in faciendis iis, quae turpia sunt et inhonesta, non perspiciant, quantae calamitates insecuturæ sint.

v. 51. *Suadentque breuem praesentia fructum* i. e. praesentia inuitant homines, ut fructum ex se capiant, quamvis brevis ille sit.

v. 52. *Et ruit in vetitum*. Horat. Od. l. 3. 25 sq. Ovid. Amor. III. 4. 17. *damni* sc. futuri. cf. XXVIII. 217.

v. 53. *Dum mora supplicii lucro* sc. esse, κέρδος νομιζέσθαι, ἐν κέρδει ποιεῖσθαι. Iani ad Horat. Od. l. 9. 14 sq. cf. Ovid. Trist. l. 3. 67 sq.

v. 54. *signa*, omnia, portenta.

v. 55. *pro sexus!* Gesnerus: quali dicat: pudeat nos, qui viri sumus.

Mancipio, cui, cuncta licet responsa iuberent,
 Hortantesque licet sponderent prospera Diui,
 Turpe fuit cessisse viros. Exquirite retro
 Crimina, continui lectis annalibus aevi;
 Prisca recensitis euoluite secula fastis. 60
 Quid senis infandi Capreae, quid scena Neronis
 Tale ferunt? Spado Romuleo succinctus amictu
 Sedit in Augustis laribus. Vulgata patebat
 Aula salutantum studiis. Huc plebe senatus
 Permixta, trepidique duces, omnisque potestas 65
 Confluit. Aduolvi genibus, contingere dextram

v. 57. *Hortantesque licet* cet. Barthius hunc versum delendum censet, vt glossa praecedentis, cui contradicit Heinsius. Equidem nescio sane, vnde intrusi versus suspicio Barthio nata sit, nisi quod *licet* repetitur, quod Heinsius mutatum vult in *simul*. Aliud enim est, quando dii per oracula interrogati aliquid iubent, aliud, quando non interrogati, sed sponte, ad aliquid faciendum hortantur. Ipsum *simul* languidius mihi videtur, quam illa repetitio *roū licet*.

v. 58. *cui — Turpe fuit cessisse viros*, tamquam potiori.

v. 59. *retro Crimina*, quae a maioribus commissa sunt, aut crimina superiorum temporum. *annales continui aevi*, rerum memoria per omnia tempora continuata.

v. 60. *Prisca recensitis* cet. pro: euoluite fastos et recensete, legite, secula prisca,

res priorum temporum memoriae traditas.

v. 61. *senis infandi*, Tiberii. cf. Sueton. in Tiber. 40 et 43. Tacit. Ann. IV. 67. et VI. 1. *scena Neronis* Sueton. in Nerone 21.

v. 62. *Romuleo amictu*, consulari trabea.

v. 63. *in Augustis laribus*, erat nempe Praepositus sacri cubiculi. *vulgata* eo ipso, quod omnibus patebat.

v. 65. *trepidique duces*. Geenerus ita: qui nihil metuere, ne mortem quidem praesentem horrere debebant, *trepidant*, dum salutant eunuchum. Sed *trepidi* h. l. videtur potius indicare festinantium studium, vt priores saluent. cf. Iuvenal. III. 127 sq.

v. 66. *aduolvi genibus*. Ammian. Marcell. XXVIII. 4. de proceribus sui aeni: *Ex his quidam cum salutari pectoribus oppositis coeperunt, osculanda capita in modum taurorum minacium*

**Ambitus, et votum deformibus oscula rugis
Figere. Praesidium legum, genitorque vocatur
Principis, et famulum dignatur regia patrem.**

Posteritas, admitte fidem. Monumenta petuntur 70
Dedecoris, multisque gemunt incudibus aera
Formatura nefas. Haec iudicis, illa togati,
Haec nitet armati species; numerosus vbique
Fulget eques; praefert eunuchi Curia vultus.
Ac veluti caueant, ne quo consistere virtus 75

obliquantes, adulatoribus offerunt genua suauanda, vel manus, id iis sufficere ad beate viuendum existimantes.

v. 67. *Ambitus* pro: ambiunt, cupide expetunt. Sic *et votum* dictum pro: et summum, quod vix optare audeant.

v. 68. 9. *Genitor Principis* v. n. ad XVIII. 100.

v. 70. *Posteritas, admitte fidem.* Horat. od. II. 19. 2. *credite posteris. monumenta petuntur.* Burmannus mavult parantur, quum illae voces saepius confundantur, laudat Nost. XXVIII. 372. et Ovid. A. A. III. 371. Verum quum in *petuntur* studium lateat, quo parabantur monumenta, significantius illud videtur, quam *parantur*. *Monumenta* autem recte explicat per statuas et imagines Eutropio positas.

v. 71. *Dedecoris* monumenta vocantur, quia dedecoris admissi in eunucho consule faciendo et omni honore adficiendo memoriam custodiebant.

v. 72. *Formatura* pro: speciem relatura. *nefas* supra v. 10. *haec* sc. species statuae. Multas autem statuas Eutropio positas fuisse patet ex Cod. Theod. loco ad XIX. 19. laudato. *Omnes statuas, omnia simulacra, tam ex aere quam ex marmore, seu ex fucis (pigmentis, coloribus) quam ex quacunque materia, quae apta est effingendis, ab omnibus ciuitatibus, oppidis, locisque priuatis ac publicis, praecipimus aboleri, ne tamquam nota nostri seculi obtutus polluat intuentem.* Habuit igitur Eutropius in hoc fortunam Seiani, de quo Inuenal. X. 58 sqq. *togati.* Gesnerus exposuit: Praepositi cubiculo. Equidem puto, Nost. statuas intelligere insignibus consularibus.

v. 73. *numerosus.* cf. IX. 3.

v. 74. *curia vultus*, imagines clipeatas curia ostendit, in curia fixae sunt.

v. 75. *virtus*, homines intelligit a vitiorum labe non contaminatos.

Possit pura loco, cunctas hoc ore laborant
 Incestare vias. Maneant immota, precamur,
 Certaue perpetui sint argumenta pudoris!
 Subter adulantes tituli, nimiaeque leguntur
 Vel maribus laudes: claro quod nobilis ortu; 80
 Quum viuant domini? quod maxima proelia solus
 Impleat; et patitur miles? quod tertius vrbis

v. 76. *pura*, ita vt ad-
 spectu imaginum illius et
 statuarum non polluitur.
hoc ore, ennuchi statuis.

v. 78. *pudoris*. Pudor h. l.
 res est, cuius aliquem pu-
 deat, facinus turpe, electio
 consulis eunuchi. *argumenta*
 sunt monumenta, quibus il-
 lud turpe facinus potest ar-
 gui, quod alioquin posterit-
 as non fuisset creditura cf.
 supra v. 70. *Argumenta pu-*
doris statuæ quoque dici
 possunt, quatenus turpe fa-
 cinus, cuius pudeat, in me-
 moriam vel iunctis reuocant,
 pudorisque occasionem prae-
 bent. Prior autem ratio ma-
 gis placet ob epith. *certa*.

v. 79. *adulantes tituli*.
Tituli vocabantur inscriptio-
 nes sub statuis et imagini-
 bus, in quibus honores de-
 lati et res gestae recense-
 bantur v. interpp. ad Inve-
 nal. VIII. 69. *longa atque*
insignis honorum pagina.
 idem X. 57 sqq. *adulantes*,
 falsi, ab adulatoribus scripti.

v. 80. *vel maribus*, ne-
 dum eunucho. *claro quod*
nobilis ortu. Hoc nempe in
 titulis scripserant adultores.
 Singulis autem, quae adfert

Noster ex illis titulis, refu-
 tationem statim subiungit.

v. 81. *Quum viuant do-*
mini, sc. quorum mancipium
 fuit Eutropius. Argumento
 non satis idoneo refellit ea,
 quae de illustri genere Eutro-
 pii adultores eius memora-
 bant. Poterat enim fieri, vt
 aliquis nobili genere ortus
 vel puer in seruitutem ve-
 nisset. Forasan autem adula-
 tores eo impudentiae pro-
 cesserant, vt illum ex nobili
 aliqua familia imperii Orien-
 tis ortum esse, neque vm-
 quam seruum fuisse perhibe-
 rent. Huiusmodi adulandi
 audaciam ab illis temporibus
 alienam fuisse nemo sal-
 tem contendet.

v. 82. *Impleat* h. l. susti-
 neat. Ductum a nota di-
 cendi forma *implere munus*
aliquod pro: idoneum esse
 muneri, omnes muneris nu-
 meros perficere. *maxima*
proelia implere est itaque:
 idoneum esse maximis proe-
 liis conficiendis. *Solus* potest
 significare vel: praeter eum
 neminem esse, qui id faciat,
 vel: ipsum solum, sua rei
 militaris prudentia, sua vir-
 tute et strenuitate in pu-

Conditor; hoc Byzas, Constantinusque videbunt?
 Inter quae tumidus leno producere coenas
 In lucem, foetere mero, dispergere plausum 85
 Emturas in vulgus opes, totosque theatri
 Indulgere dies, alieni prodigus auri.

At soror, et, si quid portentis creditur, vxor
 Mulcebat matres epulis, et more pudicae
 Coniugis eunuchi celebrabat vota mariti. 90
 Hanc amat, hanc summa de re, vel pace vel armis,
 Consultit, huic curas et clausa palatia mandat,

quando maxima proelia confici, ita ut victoriarum de hostibus reportatarum laudem cum militibus non communicet. *et patitur miles?* sc. huiusmodi aliquid de eunucho ignauissimo praedicari, quo meritis suis tantopere derogetur.

v. 83. *Conditor*. Summus hic titulus, qui non nisi iis dabatur, qui urbem aut rempublicam e maximis periculis eripuerant, aut ab interitu vindicauerant. Ita Camillus, quum fuis Gallis triumphans urbem ingrederetur, a militibus *alter conditor urbis*, sed inter militares tantum iocos, adpelatus est. Liv. V. 49. *Byzas*, Neptuni filius et Byzantii conditor fuisse dicitur. v. not. VV. DD. ad Steph. Byzant. voce *Βυζάντιον*. Diodor. Sic. IV. 50. *Constantinus* M. qui sedem imperii Roma Byzantium contulit, quae urbs deinde ab eius nomine dicta est. Zosim. II. 30. Sensus: Hoc illi conditores urbis videbunt, eunu-

chum sibi honoribus aequari! Heinsius coni. *Hoc, Byzas, hoc, Constantine, videbis?* v. 84. *tumidus*, inflatus honoribus.

v. 85. *foetere mero*. Martial. l. 29. 1. *dispergere* de missilibus dictum videtur, quae in theatris spargi solebant. cf. XXIV. 226 sqq. v. not. ad Pers. V. 177. Prohibuit Iustinianus aurum spargi Novell. 105. c. 2. v. Gothofred. ad Cod. Theodos. lib. VII. de falsa moneta. Leo Novell. 94. totam rem abrogauit.

v. 88. *At soror* v. ad XVIII. 263.

v. 89. *Mulcebat*, benevolentiam earum captabat.

v. 90. *vota mariti*. Celebrat epulis honores Eutropio, quasi marito suo, delatos.

v. 91. *clausa palatia mandat* i. e. quando res postulant, ut ipse absit, ne quis alius, quem minime vult, ingrediatur, potentiamque suam quomodocunque labefactet.

Ceu stabulum vacuumque domum. Sic magna tueri
Regna nihil? patiensque iugi deluditur orbis?

Mitior alternum Zephyri iam brumia teporem 95
Senferat, et primi laxabant germina flores.
Iamque iter in gremio pacis solenne parabant
Ad muros, Ancyra, tuos, auctore repertum

v. 93. *stabulum*. Gesnerus existimat respici h. l. ad ea, quae de Eutropio supra dicta sunt XVIII. 61. ut sit sensus: Eutropius mandat sorori curam palatii, ut ipsi quondam stabuli curam iniunxerat Ptolemaeus. Verum, si hoc ita se haberet, non adiecisset Noster *vacuumque domum*; ne dicam, nimis longe hoc petatum esse. Heinſius mauult *viduamque* Ovid. Heroid. IX. 35 ſq. Stat. Achill. II. 310. Sed *vacua*, ut ipſe vidit, eſt quoque apud Virgil. Aen. IV. 82.

v. 94. *nihil?* ut vel eunu-
chus diſſolutiſſimus et vilis muliercula ea tueri poſſint. *deluditur*, quum exiſtimet, magna cum difficultate eam rem eſſe coniunctam.

v. 95 ſq. Hactenus meris declamationibus rem per-
egit Noster, nunc tandem narrare incipit, quibus re-
bus factum ſit, ut Arcadius cogeretur eunuchum illum tam gratioſum, honoribus abrogatis omnibus, in exi-
lium agere. Deorum inter-
ventu et hic vtitur. Mars Imperatorem cum turba au-
licorum Ancyra, quo iter ſolemne fecerat, redeuntem

conſpicit; mollitiem horum virorum grauiter indignatus barbaros per Bellonam con-
citatur, ut videant, quantum praefidii in eunucho ſit. *al-
ternus* vocatur *tepor*, quia ver, ut vnumquodque anni tempus ſuas vices habet, aliudque ab alio in orbem excipitur.

v. 96. *laxabant* pro: emit-
tebant. Virgil. Aen. II. 258 ſq. cf. Georg. II. 330 ſq.

v. 97. *in gremio pacis*. Hoc Burmanno non probatur, quia huic loco non tam conueniat, quam XV. 49. Coniicit itaque *Iamque iter, ut Genio pacis ſolemne, parabant*, non bellicam expeditionem, ſed iter ad delectationem, quaſi pacis Genio dicatum. Quum in vno Mſc. legatur *in genio*, facilitate ſaltem coniectura ſe commendat. Fortaſſe et hoc non plane abſurdum erit *Iamque iter, egregium pacis ſolemne, parabant*, quum vnus Mſc. *e gremio* habeat. *egregium* per ironiam. infra v. 100. vocat Noster illa itinera *laſciuioſo diſcurſu*.

v. 98. *Ancyra* metropolis Galatiac. Ceterum Conſtan-
tinopolitanos Imperatores et

Eutropio, pelagi ne taedia longa subirent,
Sed vaga lasciuus flueret discursibus aetas; 100
Vnde tamen tanta sublimes mole redibant,

praesertim Arcadium solitos esse Ancyrae commorari, ostendere vult Gothofr. ad Lib. III. Cod. Theodos. ad legem Corneliam de sicariis, quae Ancyrae data est ab Arcadio A. C. 497. Adicit autem Claudianus, illud iter *auctore repertum esse Eutropio*.

v. 99. *pelagi taedia longa* i. e. taedium ex pelago diu viso; sic *taedia longa laborum* Ovid. Met. XIV. 158. Sensus: ne ipsa maris species, quae quotidie Constantinopoli ante oculos versabatur, taedium crearet.

v. 100. *vaga aestas*. Ita legunt meliores Mss. teste Heinio. *Aestas* autem est *vaga*, quae variis discursibus consumitur. Martial. VII. 38. 1. *Discursus varios vagumque mare* et IV. 14. 7. *Dum blanda vagus alea December. flueret* v. n. ad XV. 45. pro: praeteriret, consumeretur. *lasciuus discursibus* sic vocat itinera, quae animi et delectationis causa suscipiebantur. Altera lectio est *aetas*, cui Burmannus putat *vaga* melius conuenire; laudat Martial. II. 90. 1. Ovid. Amor. II. 9. 53. Propert. I. 5. 7. Intelligit autem iuuentutem Arcadii, quem adduxerit in hoc iter Eutropius, ut lasciuus discursibus,

nihil agendo dignum Imperatore, periret ipsi aetas iuuenilis. Verum quum in versu praecedenti de taedio fugiendo sermo sit, h. l. tempus, quo illud fugerent, melius, quam aetas iuuenilis Arcadii quadrare videtur. Accedit, quod vulgarius *aetas vaga* librario facilius in mentem venire poterat, quam exquisitius *aestas vaga*.

v. 101. *Vnde*, ab Ancyra. *tanta sublimes mole*. Sic iam iussit legi Gronov. in Observ. I. 21. qui laudat Virgil. Aen. XII. 161. *ingenti mole Latinus Quadriiugo vehitur curru*, ubi Servius *to mole per pompam, ambitum* explicat. La Cerda *comitatum* intelligit, Heyne *magna molitione, adparatu*, idem interpretatur. Gesnerus h. l. *mole* per *ὄγκον* exposuit, tumorem, inflationem. Loca, quae ab Heinio laudantur, vix huc pertinent. Equidem explicauerim *sublimes tanta mole* per: sublimes itinere, quod, si diis placet, tantae molis erat. Virgil. Aen. I. 34. Ammianus Marcellinus XXVIII. 4. p. 432. ed. Ernest. de proceribus sui temporis: *Pars eorum, si agros visuri processerunt longius, aut aliis laboribus venaturi, Ale-*

Ceu vinctos traherent Medos, Indumque bibissent.

Ecce autem flauis Gradivus ab vsque Gelonis
Arua cruentato repetebat Thracia curru.

Subsidunt Pangaea rotis, altaeque sonoro 105

Stridunt axe niues. Vt vertice constitit Haemi,

Femineasque togas pressis conspexit habenis:

Subrisit crudele pater, cristisque micantem

Quassabat galeam; tunc implacabile numen

*xandri magni itinera se putant aequiparasse aut Caesaris, aut si a lacu Avernii lembis inuerti sunt pictis Puteolos vel Caietam, maxime quum id vaporato audeant tempore. Huic rationi fauere etiam videtur tamen, quod explico: quamquam iter illud animi causa susceptum esset, tamen cet. Altera lectio est laude, quam Burmannus defendit, quia de reditu agatur et v. 416. de Ancyrano triumpho; illam enim proprie esse bellicam ob res bene gestas, laudat Ovid. Met. XIII. 248. et not. ad Phaedr. IV. 2. Verum ex interpretatione *roū mole* facilius laude nasci potuit, quam ratione inuenta.*

v. 102. *Ceu vinctos traherent Medos* tam sublimes itinere peracto, ac si maximam de grauissimis et maxime longinquis hostibus victoriam reportassent.

v. 103. *Gelonis* cf. III. 113.

v. 104. *arua Thracia* I. 104. *cruentato* Sil. Italic. III. 704. Stat. Theb. VII. 69 seqq.

v. 105. *Pangaea* supra III. 336. cf. Spanh. ad Callim. H. in Del. 134. *Subsidunt rotis* deprimuntur gravitate et pondere currus. Homer. Il. 6. 838. μέγα δ' ἐβραχε Φήγινος ἄξων βριθούνη· δεινὸν γὰρ ἔγαν θεόν. cf. Virgil. Aen. XII. 334 sq. Sil. Italic. XVII. 487 sqq.

v. 106. *Haemi* supra III. 334.

v. 107. *Femineasque togas*, fluentes, mollem omnino vestitum, totumque ornatum feminis digniorem quam viris. *pressis*. Virgil. Aen. I. 63.

v. 108. *Subrisit crudele*. Hoc explicat versus Virgil. Aen. X. 742. *Ad quem subridens mixta Mezentius ira.*

v. 109. *Quassabat galeam*, quum caput indignatione quateret cf. Homer. Odyss. 2. 285. Virgil. Aen. VII. 292. Valer. Flacc. VII. 577. *Diversos postquam ire videt: galeamque micantem Quassat et errantem dextra ciet obuius ignem.* eundem I. 528 sqq. Sil. Italic. VI. 600. Iuvenal. II. 130. Ovid. Met. II. 50.

Bellonam alloquitur, quae sanguine sordida vestem
Illyricis pingues pectebat stragibus hydros: (110

Nec dum mollitiae, nec dum, germana, mederi
Possumus Eoae? Nunquam corrupta rigescunt
Secula? Cappadocum tepidis Argaeus acervis
Aeluat; infelix etiamnum pallet Orontes. 115

Dum pereunt, meminere mali. Si corda parumper
Respirare sinas: nullo tot funera sensu

Praetereunt, tantique levis iactura cruoris.

Adspicis obscoenum facinus? Quid crinibus ora

Protegis? En quales sese diffundit in actus 120

v. 110. *Bellonam*. Locus classicus de Bellona est Sil. Italic. V. 220 sqq. *sanguine sordida* Quint. Calab. VIII. 287. ἀλγινόντι λυθρῶ πεπταλαγμένη ὥμους. v. la Cerda ad Virgil. Aen. VIII. 703.

v. 111. *pectebat hydros*. Nemo fortasse, praeter Claudianum, habitum furialem tribuit Bellonae, hydros nempe. Poterat tamen ille ad hoc facile deduci, quum alii iam ei flagellum et facem tribuissent. *Illyricis stragibus*. Turbatum erat Illyrium bellis Geticis Alarici. cf. XV. 453. et Zosim. V. 26.

v. 113. *rigescunt*, vigorem virilem induent, a luxu et mollitie abstinebunt.

v. 114. *Argaeus* supra V. 31. *tepidis*, adhuc recentibus. Indicat Cappadociam et Syriam nuper bellicis calamitatibus vexatam esse, eiusque rei causam mollitiem fuisse, quam tamen, etiamsi

multis cladibus edocti, deponere nescirent.

v. 115. *Aeluat*, spumat aut calet. *Orontes*, supra VII. 70. *pallet* vt XXIX. 78. Heinsius mauult *squallet*, I. 112. et infra 166.

v. 117. 8. *nullo sensu praetereunt funera* pro: sine sensu, non mouentur funeribus vel praetercuntes.

v. 119. 20. *obscoenum facinus*, male ominosum cf. Virgil. Georg. I. 470. Aen. III. 241. XII. 876. Eunuchum consulem factum intelligit, qui nunc cum Arcadio agmen effeminatorum hominum ducebat. infra 122.

quid crinibus ora Protegis. Gesnerus cum Barthio id fecisse Bellonam putat, quod illam hominum effeminatorum puderet, et sibi placere negat Bellonam pudore coactam, vt tegeret faciem. Potest autem faciem tegere, vt risum malignum celet cf. XVIII. 238. *quales se diffundit in actus*. Virum: se

Parua quies! Quantum nocuerunt otia ferri!
 Qui caruit bellis, eunucho traditur annus.
 Actum de trabeis esset, si partibus vna
 Mens foret Helperiis; rueret derisa vetustas,
 Nullaque calcati starent vestigia iuris, 125
 Ni memor imperii Stilicho, morumue priorum,
 Turpe relegasset defenso Tibride nomen,
 Intactamque nouo seruasset crimine Romam.
 Ille dedit portum, quo se pulsata referret
 Maiestas Latii, deformataeque secures; 130
 Ille dedit fastos, ad quos, Oriente relicto,
 Confugeret sparsum maculis seruilibus aeuum.

emollit in actus Stat. Achill. l. 634, an simpliciter: quales actus proficiscuntur a cet.? Potest etiam sic capi: quemadmodum quies vim suam diffundit, hominesque ad huiusmodi facinora deducit.

v. 121. *otia ferri*, pax.

v. 123. *de trabeis*, de dignitate consulari. *partibus* supra 58.

v. 124. *rueret derisa vetustas*. XVIII. 475 sqq. Sub *vetustate* intelligit consules antiquos, ut infra 132. *aeuum* idem notat. Illi *ruerent* de fastigio dignitatis suae, deciderent, dignitatem amitterent, quam consulatu acceperant. *derisa* eo, quod consulatus etiam eunucho esset delatus.

v. 125. *calcanti iuris*, consularis dignitatis ludibrio habitae. Sensus: ne umbra quidem illius dignitatis superesset, si ab eunucho esset temerata. Quum enim ab

Honorio Eutropius consul non esset agnitus, in Occidente saltem consularis dignitas non erat temerata sed salua. *starent*, manerent.

v. 126. *memor imperii*, dignitatis imperii memor.

v. 127. *turpe relegasset* cet. XVIII. 435 sq. et not. ad 438. Stilicho enim non passus est nomen Eutropii Romae in fastis scribi.

v. 129. *pulsata*, ignominia adfecta, vexata.

v. 131. 2. *Ille dedit fastos*, sc. huiusmodi. Sensus: ille seruauit fastos nulla macula pollutos, qui fasti dignitatem nominum vel eorum defendere possint, quae in fastis Constantinopolitani, adiecto eunuchi nomine (*maculis seruilibus*) quasi polluta videantur. *Oriente relicto*, ut delenda curent sua nomina ex fastis illis contaminatis, solumque in fastis Romanis ea relinquunt.

Quam similes haec aula viros! Ad moenia visus
 Dirige. Num saltem tacita formidine mussant?
 Num damnant animo? Plaudentem cerne Senatum,
 Et Byzantinos proceres Graiosque Quirites. (135
 O patribus plebes, o digni Consule patres!
 Quid, quod et armati cessant, et nulla virilem
 Inter tot gladios sexum reminiscitur ita?
 Huccine nostrorum cinctus abihere nepotum? 140
 Sic Bruti despectus honos? Ignosce parenti,
 Romule, quod serus temeratis fascibus ultor
 Aduenio. Iam iam largis haec gaudia faxo
 Compensent lacrimis. Quid dudum inflare moraris
 Tartaream, Bellona, tubam? quid stringere falcem,
 Qua populos a stirpe metas? Molire tumultus; (145
 Excute delicias. Thracum Macetumque ruinae

v. 133. *viros* sc. habet similes iis, quos Occidens habet. Heins. laudat Lucan. VIII. 444 sq.

v. 134. *mussant*, murmure oppresso indignationem ostendunt.

v. 136. *Graiosque Quirites* contumeliose dictum in Constantinopolitanos, praesertim quum Marti, tutelari Quiritium deo, tributum sit. Graecorum lenitas et vanitas iuxta Romanam gravitatem et constantiam posita magis in oculos incurrit.

v. 138. *armati*, milites. *cessant*, non opponunt se istiusmodi indignitati, sed imperium penes eunuchum esse patiuntur.

v. 139. *Inter tot gladios* i. e. inter tot milites, nulla ira reminiscitur virilem sexum i. e. nemo irascitur,

neque se virum esse meminit.

v. 140. *Huccine abihere cinctus*, in eum despectum venire, ut eunucho tradantur. Sub *cinctu* autem intelligit vestem consularem. v. XVIII. 27.

v. 145. *Tartaream tubam*. *Tuba* seu *buccina* tribuitur Bellonae a recentioribus poetis. v. Burmann. ad Petron. 125. interpp. ad Valer. Flacc. III. 61. Sil. Italic. V. 223 sq. Illa vocatur *tartarea*, quia ipsa dea *tartarea* est. Sil. Ital. l. c. Apud Petron. l. c. ex Erebo venit ad superiores. cf. Senec. Herc. Oet. 1311 sq. et Petron. 100 vocatur *feralis Eryx*. *falcem* ἄρπην, ensen falcatum.

v. 147. *Excute*, sc. illis. *Macetum*. v. V. 279.

Taedet, et in gentes iterum saeuire sepultas.
 Damna minus consueta mouent. Trans aequora saeuas
 Verte faces; aliis exordia sume rapinis. 150
 Non tibi Rhipaeis hostis quaerendus ab oris;
 Non per Caucasias accito turbine valles
 Est opus. Ostrogothis colitur mixtisque Gruthungis
 Phryx ager. Hos paruae poterunt impellere causae
 In scelus. Ad mores facilis natura reuerti. 155
 Sic eat; in nostro quando iam milite robur
 Torpuit, et molli didicit parere magistro:

v. 148. *gentes sepultas* h. l. vocat eas, quae continuis prope bellis tantum non deletae sunt. Antiquitatis persuationi accommodate fingit Martem inter Thraciae gentes continuo bella gerentem.

v. 149. *mouent* sc. me.

v. 151. *Rhipaeis* v. III. 242.

v. 152. *accito turbine*, belli tempestate accita. Sensus: non est opus hostes seu barbaros per Caucasum adducere.

v. 153. *Ostrogothis. Gruthungis*. Quae sint et vnde venerint gentes, frustra quaeras. Infra ex v. 190. Secundum Gesneri opinionem videntur coloni fuisse, quibus agri assignati erant. Ex historicis liquet, ea tempestate multas hominum colluies ex variis gentibus saepe collectas vnius ducis, virtute inter ceteros conspicui, auctoritate, incursiones fecisse in Romani imperii provincias, atque ab illis saepe

agrorum assignatione pacem esse emtam, quum a militibus vel effeminatis vel seditiosis ab agrorum vastatione urbiumque direptione arceri non potuissent. Pari ratione neminem fugit, illis barbarorum gregibus varia saepe nomina fuisse imposita, eaque illos frequenter mutasse, si novos barbaros in societatem acceperant, aut ipsi aliis superuenientibus se adiunxissent. Barthius *Cothunnos* pro *Gruthungis* legi vult, ut mixtum genus indicetur ex Gothis et Hunnis.

v. 155. *In scelus*, ut rebelles fiant. *ad mores*, ad ingenium. Feritatem enim non omnino deposuerant.

v. 156. *Sic eat*. Hanc lectionem defendit Heinsius citt. Lucan. II. 304. V. 217. Nostr. XXVI. 550. Burmann. addit XXXV. 137. *quando*, quandoquidem, ut saepe.

v. 157. *molli magistro*, eunucho.

Vindicet Arctous violatas aduena leges;
Barbara Romano succurrant arma pudori.

Sic fatus, clipeo, quantum vix ipse Deorum 160
Arbiter, infesto quum percutit aethera nimbo,
Intonuit. Responstat Athos, Haemusque remugit;

v. 158. *Arctous aduena*, Ostrogothi et Gruthungi. *violatas leges*, mores maiorum intelligit, cosque explicat versu sequenti per: *Romano pudori*. Illi mores violati erant mollitie omnis generis, imprimis autem eo, quod Eunuchus consul erat constitutus.

v. 161. 2. *infesto quum percutit aethera nimbo*. Heinsius delet *aethera* ex quibusdam Mss. *aegida* rescriptit, eumque omnes fere deinceps editores secuti sunt. Sed Burmannus ipse nescire se fatetur, quid sit, *aegida nimbo percutere*, nisi *nimbo casu* absoluto positum pro: quum est tempestas, accipias. Et sola haec ratio quodammodo est tolerabilis, cui tamen *percutit* minime est aptum. Iupiter enim *aegida* solet non *percutere* sed *concutere*. Homer. II. d. 167 sqq. p. 593 sqq. Virgil. Aen. VIII. 352 sqq. Mars contra militum more clipeum interdum hasta ferit seu percutit. Sil. Italic. XII. 684 seqq. Stat. Theb. IV. 665 sqq. Noli autem tibi cum Burmanno persuadere, poetam illas voces permutasse. Nullo modo ferenda est Gesneri ratio,

qui existimat, Claudianum sinxisse fragorem tumultuosumque tonitru inde esse, quod *aegida*, scutum suum, *nimbo*, vehementi grandine, pecuiat Iupiter. Quod si ita esset, merito diceres, Salmonea illum tonitru felicius esse imitatum, quam illud a poeta verbis sit descriptum. Quum, quocunque te vertas, nihil expediat, *aethera* sane reponendum est, a qua voce aberratio librariorum in *aegida* et *aëra* facile potest explicari; ex scripturae enim compendio illud Iovis tonantis mentio docto suggessit describenti, hoc ex interpretamento natum est. Num coniectura Heinſii ad Valer. Flacc. I. 82, quam Burmannus tantopere commendat, felicior sit, videant eruditi. Vellem sane, ut pauca exempla e multis, quibus illa coniectura confirmari posse ibi dicitur, fuissent prolata. Cur autem *aethera percutit nimbo* sibi displiceat, nec Burmannus ipse dicit, nec ego diuinare possum. *Nimbi* sunt nubes, e quibus oriuntur tonitrua et fulmina, indeque interdum pro tonitru ipso et fulminibus ponuntur

Ingeminat raucum Rhodope concussa fragorem;
 Cornua cana gelu mirantibus extulit vndis
 Hebrus, et exsanguem glacie timor alligat Istrum. 165
 Tunc adamante grauem nodisque rigentibus hastam,
 Telum ingens nullique Deo iaculabile, torfit.
 Fit late ruptis via nubibus. Illa per auras
 Tot freta, tot montes, vno contenta volatu

Virgil. Aen. II. 113. VIII. 353 sqq. et *vibrari* dicuntur. v. supra I. 208. *Prospera vibrati tonuerunt omina nimbi*. Quod si igitur poeta fragorem, quem tonitru vocamus, ex fulminis impetu, quo nubes et aëra rumpit, existere sibi persuasit (cf. Senec. Q. N. II. 17 sqq.) rationi suae accommodare rem expressisse putandus est, et, *quum Iupiter percutit aethera nimbo*, poetice dictum pro: quum tonat. *clipeo* — *Intonuit*. Eadem ratione habet Virgil. Aen. XII. 332. *clipeo increpat*, vbi v. Heyne. Sil. Italic. IX. 421 sq. de Hannibale: *tum feruidus acrem Ingentis clipei tonitru praenunciat iram*. Ceterum haec et sequentia compares cum Callimach. H. in Del. 136 sqq. et ibi v. Spanhem. *Athos*. cf. III. 136.

v. 161. *Rhodope* cf. III. 335. *concussa*. XIX. 51.

v. 164. *cornua* v. n. ad I. 220 sq. VIII. 651. XXIX. 176. *mirantibus*, fragorem seu tonitru.

v. 165. *Hebrus*. I. 123. et *exsanguem*. Accommodate hoc ad Istri naturam, de

cuius glacie poetae frequenter loquuntur. VIII. 150. *adligat*, in l. c. est *stantem Istrum*. Sed nimiam vim illi tonitru tribuit.

v. 166. *adamante*. I. 99. *nodisque rigentibus*. Huiusmodi hastae descriptio est apud Virgil. Aen. XI. 552 sq. eumque secutus est Sil. Italic. IV. 282. Respicit Noster ad illum ritum Romanorum, quo bella indici solebant a Fetialibus hasta iacienda Ovid. Fast. VI. 207 sq. *Prospect a tergo summum brevis area circum, Est ubi non paruae parua columna notae. Hinc solet hasta manu belli praenuncia mitti, In regem aut gentes quum placet arma capi*. Festus Pomp. *Bellona dicebatur dea bellorum, ante eius templum erat columella, quae bellica vocabatur; supra quam hastam iaciebant, quum bellum indicebatur*. Hastam mittit Bellona ipsa apud Stat. Theb. IV. 5 sqq. cf. eundem XII. 649.

v. 160. *contenta*, virium contentione acta. *contendere hastam* pro: emittere occurrit apud Virgil. Aen. X. 521.

Transilit, et Phrygiae mediis affigitur aruis. 170
 Sensit humus. Genuit Nyfaeo palmite felix
 Hermus, et aurata Pactolus inhorruit vrna,
 Totaque submissis fleuerunt Dindyma siluis.
 Nec Dea praemissae stridorem segnius hastae
 Consequitur, centumque vias meditata nocendi, 175
 Tandem Targibilum (Geticae dux improbus alae
 Hic erat) aggreditur. Viso tum forte redibat
 Eutropio vacuus donis, feritasque dolore
 Creuerat, et, teneris etiam quae crimina suadet
 Ingeniis, Scythicum pectus flammabat egestas. 180
 Huic sese vultu simulatae coniugis offert,
 Mentitoque ferox incedens barbara motu,

v. 171. *Nyfaeo*. VIII. 605.
 cf. Stat. Silv. III. 3. 61 sq.

v. 172. *Pactolus* v. ad I.
 54. et 213.

v. 173. *Dindyma*, τὰ Διν-
 δυμα sc. ὄρη. Phrygiae mons
 Magnae Matri deum sacer,
 quae inde Dindymene vo-
 catur, cuius sacra ibi cele-
 brabantur. Virgil. Aen. IX.
 617 sq. Sil. Italic. XVII. 20 sq.
summissis siluis, fortasse i. q.
 demissis frondibus in signum
 luctus. *fleuerunt* cf. Sil. Ita-
 lic. XIV. 513 sqq.

v. 174. *dea*, Bellona. *prae-*
missae hastae stridorem i. e.
 hastam cum stridore vo-
 lantem.

v. 175. *vias nocendi* Ta-
 cit. Ann. II. 5. *tractare*
proeliorum vias. *Via* est
 modus rei gerendae. v. ibi
 Ernesti, qui Graecum laudat
 λύπη, μύθων ὁλμους. cf. Calli-
 mach. H. in Iov. 78. vbi idem
 citat Pindar. Olymp. IX.
 72 sqq. Theocrit. XIV. 69.

adde Burmann. ad Valer.
 Flacc. I. 32. et 502.

v. 176. *Targibilum* Mff.
 variant in hoc nomine.
 Apud Zosimum vocatur Tri-
 gibildus. *Geticae alae dux*.
 Heinsl. existimat, Nostrum
 ante oculos habuisse Stat.
 Theb. X. 461.

v. 178. *vacuus donis*. Do-
 nis enim barbarorum ducto-
 res tunc erant conciliandi.

v. 179. 80. *teneris inge-*
niis, mansuetis; ea oppo-
 nuntur feris et barbaris.
flammabat, inflammabat.

v. 181. *vultu simulatae*
coniugis. Exempla, quibus
 dii vel deae certi cuiusdam
 hominis vultum induunt, ut
 hac dissimulati forma consi-
 lium aliquod exsequantur,
 obuia sunt apud omnes fere
 poetas.

v. 182. *motu*, quae lectio,
 iudice Burmanno, praeferenda est alteri *gressu* a
 glossatore profectae. Laudat

Carbaseos induta sinus. Post terga reductas
 Vberibus propior mordebat fibula vestes,
 Inque orbem tereti mitra redeunte capillum 185
 Strinxerat, et virides flauescere iusserat angues.

Horat. Od. IV. 13. 17 seq.
 Ovid. A. A. III. 305. Amor.
 II. 4. 23.

v. 183. *carbaseos*. Gesnero mirum videtur, quod Noster huic mulieri linteam vestem dat, non pelliceam. Existimat, mitiorem plagam illis barbarorum mulieribus delicatiores vestes suasisse. Hoc quidem omnino fieri potuit, quum e vastis et horridis solitudinibus in terras, mitiori coelo gaudentes, irrupissent, ut omnes vitae commoditates, quas ante ignorauerant, cupide arriperent, vestitumque incultum cum molliori permutarent. v. infra 249 sq. Sed Tacitus de mor. G. c. 17, ubi de cultu virorum, quem pellibus plerumque constitisse memorat, dixit, de feminis adiungit: *Nec aliis feminis quam viris habitus, nisi quod feminae saepius lineis amictibus velantur, eosque purpura variant, partemque vestitus superioris in manicas non extendunt, nuda brachia et lacertos. Sed et proxima pars pectoris patet.* Plin. H. N. XIX. sect. 2. *Iam quidem et Transrhenani hostes vela e lino texunt, nec pulchriorem aliam vestem eorum se-*

minae nouere. — post terga reductas vestes. Haec incidentem mulierem pingere videntur, quae a tergo vestes laxas fibula in pectore iunctas trahat. Prudent. Psychom. 186 sqq. *Carbasea ex humeris summo collecta coibat Palla sinu, teretem nectens a pectore nodum. A ceruice fluens tenui velamine limbus, Concipit ingestas textis turgentibus auras.* cf. Iuvenal. I. 27. cf. XXXV. 16 seq.

v. 184. *mordebat vestes*, simpliciter pro: retinebat.

v. 185. 6. *strinxerat* recte. *μίτρα μὲν ἀναδεσμένοϛ τὴν κόμην* Lucian. Deor. dial. XVIII. p. 247. T. I. ed. Reiz. et *τῇ μίτρᾳ τοῦτοϛ (βοστρυχοϛ) ἀνειλημμένοϛ* l. c. T. II. p. 206. Prudent. Psychom. v. 358. *Vt mitra caesariem cohibens aurata virilem.* Ovid. Fast. IV. 517. Heinio placere videtur altera lectio *struxerat*, ut de suggestu comae sermo sit. laudat Prudent. l. c. 183 sqq. cf. Iuvenal. VI. 500 sqq. *virides angues* v. supra ad v. 111. *flauescere*, ut capillorum rutilorum, quibus gentes septentrionales insignitae erant, speciem referrent.

Aduolat, ac niueis reducem complectitur vlnis,
 Infunditque animo furiale per oscula virus:
 Principe quam largo veniat, quas inde reportet
 Diuitias, astu rabiem motura requirit. 190
 Ille iter ingratum, vanos deslere labores,
 Quos super eunuchi fastus, quae probra tulisset.
 Continuo secat vngue genas, et tempore pandit

v. 187. *niueis*, vt mulieris Arctoe.

v. 188. *Infundit cet.* Comparari potest cum hoc versu Virgil. Aen. I. 687 sqq.

v. 189. *principe*, omissa praepositione a. v. infra XXIII. 11.

v. 190. *astu*. Simulabat enim, quum hoc ex viro sciscitaretur, se nullo modo dubitare, quin donis a Principe adfectus sit, et hoc tantum se interrogare, quam multa et praeclara acceperit? Non poterat enim fieri, quin illis interrogationibus cupiditas eius delusa ira accenderetur grauissima, quum non sine ignominiae acceptae dolore fateri posset, se nihil accepisse.

v. 191. *iter ingratum*, inutile. *deslere*. Pulchre Gesnerus vidit, h. l. de lacrimis profusis cogitandum non esse, id quod barbaro duci vix conueniret, sed *deslere* esse: dolorem suum profiteri. Laudat Gesnerus Sueton. in Calig. 38. *Iulii et Augusti diplomata vt vetera et obsoleta deslebat.* et 30. *Hanc vt crudelissimam caedem desleuit edicto.*

Addi his potest Tacit. Annal. III. 49. *Fine anni, C. Lutorium Priscum, equitem Romanum, post celebre carmen, quo Germanici suprema desleuerat cet. labores, iter susceptum.*

v. 192. *fastus tulisset* sc. commemorat. *super* insuper, Virgil. Aen. II. 71.

v. 194. *Continuo secat vngue cet.* Genarum laceratio grauissimi doloris expressio erat apud Graecorum et Romanorum mulieres. Sic quoque Cicero Tusc. Q. III. 26, notante Gesnero, inter varia lugeudi genera etiam *muliebres lacerationes genarum* refert. Nostri mores talia respuunt, infimaeque fortis mulierculis relinquunt, quum decoris sensus etiam mulieribus iniungat nimiam adfectuum vehementiam cohibere. Hanc autem morum partem magis excultam nos quidem debemus et coelo frigidiori et aliis causis, a quibus diuersa iudiciorum de iis, quae deceant et quae turpia videantur, ratio pendere soleat. H. l. autem mulier barbara cogitanda est, immo Bellona ipsa in illius

Arrepto gemitus: I nunc, deuotus aratri
 Scinde solum, positoque tuos mucrone sodales 195
 Ad rastroso sudare doce. Bene rura Gruthungus

formam mutata, quae id agat, ut maritum ira et dolore ex cupiditate decepta inflammet. *tempore adrepto* i. e. tempore statim occupato, seu occasione celeriter adrepta, quae data ei erat ad consilium suum exsequendum, maritumque exprobrationibus exacerbandum. De hac et similibus loquendi formulis multi egerunt. cf. Heins. et Burmann. ad Valer. Flacc. II. 252. ad Ovid. Heroid. XIX. 74, A. A. I. 400, Drakenbr. ad Sil. Italic. I. 569. *pandit*, alia lectio est *prodit*, quam nihilo deteriore Heinsius censet; verum prior melius conuenit mulieri furorem simulanti, simulque exquisitior est, ita ut posterior glossa prioris videatur. Proprie dicendum fuisset: *pandit oris rictum et gemit*.

v. 194. *I nunc*. Formula cum contemptu aliquem dimittendi frequentissima. v. n. ad Pers. IV. 19. *deuotus aratri*. Hoc declarari videtur Gesnero, barbaros illos fuisse colonos in Phrygia et Lydia. Zosim. V. 13. rem ita narrat: Gainam non conuenienti sibi, ut putasset, honore adfectum, nec satis muneribus oneratum, socium sibi consilii Tribigildum adiunxisse. Hunc fuisse

virum animo praesenti et ad quodcunque facinus promissimum, alisque barbarorum, in Phrygia collocatorum, praefuisse. Probato Gainae consilio illum Constantinopoli digressum abiisse, simulantem, se velle barbaros sub se militantes inspicere, ὅπως αὐτὸν ἐπισκέψαιτο τοὺς ὑπ' αὐτῷ τεταγμένους βαρβάρους. cf. Sozom. VIII. 4. Socrat. VI. 6. Philostorg. VI. 6. Etiam ex Nostro adparere videtur, non colonos, sed milites fuisse mercenarios. Indignationem enim Targibilis ex eo maxime accendit Bellona, quod iubet eum, arma iam deponere, suosque socios non armorum tractandorum, sed agrorum colendorum artem docere, ut inde vitam sustentent, quam armis alias honestius tueri soliti fuissent. cf. infra 205 sq. et 399. *desertores* vocantur. Vide tamen v. 153. et 576 sqq.

v. 195. *mucrone*, armis.

v. 196. *Ad rastroso sudare doce*. Nondum igitur erant agris colendis adfueti. *sudare* laboris difficultatem exprimit et adfuitatem, quam barbari, rapto viuere soliti, maxime auersantur. *bene* ironiae et irrisioni aptum, pro: bene decebit Gruthungum rura excolere.

Excolet, et certo disponet fidere vites.
 Felices aliae, quas debellata maritis
 Oppida, quas magnis quaelitae viribus ornant
 Exuviae, quibus Argivae pulchraeue ministrant 200
 Thessalides, famulas et quae meruere Lacaenas!
 Me nimium timido, nimium iunxere remisso
 Fata viro, totum qui degener exuit Istrum,
 Qui refugit patriae ritus, quem detinet aequi
 Gloria, concessoque cupit vixisse colonus, 205

v. 197. *certo fidere*. Omnia quae sunt in agricultura, certis temporibus sunt; tempora autem, vt notum est, definiri solebant sideribus aut orientibus aut occidentibus. Virgil. Georg. I. 1. *disponet* i. q. *vites ordine ponet*, Virgil. Eclog. I. 74.

v. 198. *Felices aliae*. Invidiae stimulos iam admovent, ignaviaeque exprobrationem, quam omnes viri, barbari imprimis, aegre ferunt. *debellata oppida*. Urbium a barbaris expugnatarum atque expilatarum exempla ea tempestate erant frequentissima.

v. 199. *magnis viribus*. Et hoc acriter pungere barbarum debuit.

v. 201. *meruere*, accepere, consecutae sunt.

v. 202. *remisso*, languido, qui honoris sensu non movetur.

v. 203. *totum Istrum*, mores paternos, ingenium viri trans Istrum nati. Paulo durior figura. Eodem modo Senec. Med. 43. *Et inhospiti-*

talem Caucasum mente indue. Mollius Sil. Italic. VII. 495. *exuere monita et Fabium*. Eadem figura dixit supra VII. 157. *inducere mente patrem*.

v. 204. 5. *detinet aequi Gloria*. *Aequi gloria* h. l. est gloria ex fide servata, et ex eo, quod a rapinis abstinuerit. *detinet* Gesnerus ita explicat: in humili loco tenet, nec emicare finit vel emergere. Sed supplendum est: in officio. Sic et *armis detinere* apud Virgil. eclog. X. 44 sq. *cupit* sc. magis. Gesnerus opportune laudat Homer. Il. α. 117. Valer. Flacc. VII. 427. vbi similis ellipsis occurrit. *concesso* sc. in agro. Non dicit autem Noster, illis barbaris concessos fuisse agros, ex quibus colendis vitam sustinerent, sed hoc tantum vult, qui aequitati indulgeat, eum cupere magis servili operi et rustico intentum esse, quam liberum esse et ex rapto vivere.

Quam dominus rapto. Quid pulchra vocabula pigris
 Praetentas vitiis? Probitatis inertia nomen,
 Iustitiae formido subit. Tolerabis iniquam
 Pauperiem, quum tela geras? et flebis inultus,
 Quum pateant tantae nullis custodibus vrbes? 210
 Quippe metus poenae. Pridem mos ille vige-
 bat, Vt meritos colerent, impacatisque rebelles
 Urgerent odiis. At nunc, qui foedera rumpit,
 Ditatur: qui servat, eget. Vastator Achivae
 Gentis, et Epirum nuper populatus inultam 215
 Praesidet Illyrico. Iam, quos obsedit, amicus

v. 206. *pulchra vocabula* sunt vocabula virtutum; *pigra* autem *vitia* sunt, quae ex pigritia seu ignorantia nascuntur.

v. 207. *Praetentas*. XV. 438. *praetentare* quid occurrat pro: tendere aliquid prae se, ad corpus tuendum. Inde vis, quam h. l. habet deriuanda est. Est enim idem, quod: praetendis, ut etiam in tribus Mss. legitur, quae lectio glossam superioris aperte sapit. *Praetendere* habet Ovid. Rem. A. 240. Sensus: splendida nomina vitiis imponis. *probitatis inertia nomen* — *subit* i. e. quam tu probitatem vocas, inertia aut ignavia est.

v. 208. *iniquam* non videtur esse duram, aut importunam, sed quam non mereris pati, quum arma geras.

v. 209. *flebis* v. supra ad v. 191.

v. 210. *Quum pateant*. Burmannus existimat, latere forte nomen gentis; propo-

nit *Quum pateant Phrygiae nullis custodibus vrbes*. hoc sensu: ante adfixus aruis Phrygiae fueras v. 169. (sed v. ad v. 194.) quum maiorem praedam ex urbibus direptis possis exspectare. Colorem putat ductum esse ex Lucan. V. 411. Verum nescio, unde suspicio latentis nominis gentis possit oriri siue *tantae* vulgari sensu siue pro *tot* positum accipias.

v. 211. *Quippe metus poenae* sc. in officio detinet te. *Quippe* acerbissimae ironiae summa cum indignatione coniunctae inseruit, ut apud Virgil. Aen. I. 39. *vigebat* sc. apud Imperatores.

v. 215. *inultam*. Heinsius mauult *opimam* ex vno Ms. quia *inultus* praecessit v. 209. laudat Virgil. Aen. I. 621. Horat. Od. I. 7. 11. quod esset ἐρίβωλος, ἐρίβωλαξ Homer. Il. β. 841. quod epith. saepius apud illum occurrit. Quum in quatuor Mss. sit *adultam*, existimat forte le-

Ingreditur muros, illis responsa daturus,
 Quorum coniugibus potitur, natosque peremit.
 Sic hostes punire solent; haec praemia loluunt
 Excidiiis. Cunctaris adhuc? numerumque tuorum 220
 Respicis, exiguanque manum? Tu rumpe quietem:
 Bella dabunt socios. Nec te tam prona monerem,
 Si contra paterere viros. Nunc alter in armis
 Sexus, et eunuchis se defensoribus orbis (225
 Credidit. Hos Aquilae Romanaque signa sequuntur.

gendum esse *adulter* (cf. infra 218.). Videant, ait, acutiores, an non et hoc castae uxori conveniat conuicium? Forſan non omnino absurde conici possit *indulto*, ita ut ad *Illyrico* spectet. XXXVI. 302. Sozomen. H. E. VIII. 25. narrat, Alaricum, hic enim h. l. intelligitur, a Stilichone ad suas partes tractum magistrum militum in Illyrico esse constitutum. cf. *Buat Histoire ancienne des peuples de l'Europe* T. VII. p. 69 sqq. Hoc autem Claudianus vix respicere potest, quia ea, quae dicit, exprobrationis speciem prae se ferunt; certe cautius hac de re aut omnino non locutus esset. Fortasse id, quod Sozomenus a Stilichone narrat factum, Arcadio et Eutropio a Nostro tribuitur v. infra XXVI. 535 sqq. Occupavit certe Illyricum, quasi inter utrumque imperium situm ac litigiosum primo Honorii deinde Arcadii nomine accepta utrimque pecunia. Ceterum monet Hein-

sius, *Illyricum* absolute dici. XXI. 171. Altera lectio *Illyricis*. Sed tum idem censet Illyriis legendum. Propert. II. 13. 10. v. Gronov. ad Liv. XXVI. 25. Burmann. ad Ovid. Trist. V. 13. 1.

v. 217. *responsa daturus*. cf. XXIV. 104.

v. 222. *Bella dabunt socios*. Quum primum bellum moueris, vndique ad te conuolabunt barbari, qui aequae ac tu nouarum rerum cupidi sunt, et ducem modo expectant. *tam prona* Gesnerus: *pronus monet*, qui vehementer hoc agit, ut auriga, qui pronus imminet et velut incumbit equis. Vir doctissimus procul dubio ante oculos habuit Virgil, Aen. V. 147. X. 586.

v. 223. *contra*, ex aduerso. *paterere*, si res tibi foret cum viris. Gesnerus laudat Lucan. X. 438. Adde Sil. Italic. XV. 751. Valer. Flacc. III. 17. *alter sexus*, proprie feminae, h. l. eunuchi.

Incipe barbaricae tandem te reddere vitae.
 Te quoque iam timeant, admirenturque nocentem,
 Quem spreuere pium. Spoliis praedaeque repletus,
 Quum libeat, Romanus eris. — Sic fata, repente
 In diram se vertit auem, rostroque recuruo 230
 Turpis, et infernis tenebris obscurior alas
 Auspicium veteri sedit ferale sepulcro.

Ille, pauor postquam resoluta corde quieuit,
 Et rigidae sedere comae, non distulit atrox
 Iussa Deae; sociis, quae viderit, ordine pandit, 235
 Inuitatque sequi. Coniurat barbara pubes
 Nacta ducem, Latiisque palam desciuit ab armis.

v. 226. *barbaricae vitae*
 l. e. rapinis et populationibus.

v. 227. 8. *nocentem*. supra
 v. 213. *qui foedera rumpit*.
 et sic ex opposito *pium*, qui
 foedera seruat.

v. 229. *Quum libeat*, hoc
 positum Gesnerus existimat
 pro: quum libuerit. Ex in-
 genio linguae latinae et si
 accurate loqui velis debet
 esse vel *quum libeat* vel
quum libebit. Sic recte apud
 Comicos, imprimis Teren-
 tium: *quum voles*, quod
 male interpretes quidam di-
 ctum putant pro *quum volue-
 ris*. *Romanus eris*, ciuis
 Romanus fieri poteris.

v. 230. *diram auem*, bu-
 bonem intelligo.

v. 231. *obscurior* contra
obscoenior, quae altera le-
 ctio est, defendit Burmann.
 ad Ovid. Amor. III. 9. 20.

v. 232. *Auspicium*. Cla-
 verius comparat Virgil. Aen.
 XII. 862 sqq.

v. 233. *resoluta corde*.
 Terrore cor constringitur,
 quum sanguis a partibus ex-
 terioribus ad interiora com-
 pellitur, ipsaque sanguinis
 congestio, quae proprie cor
 extendere nititur, sensum
 efficit cordis constricti aut
 angustati. Contrarium fit,
 quando sanguis ad meatum
 primum redit, tunc cor illo
 non amplius pressum reso-
 luti cordis sensum praebet.

v. 234. *rigidae comae*, ὀφ-
 θαλ τριχες Homer. II. ω.
 358 sq. *arrectae comae* Vir-
 gil. Aen. IV. 280.

v. 235. *ordine pandit* vt
 Virgil. Aen. III. 179. *sociis*
 non iis solum, quibus prae-
 erat, sed etiam aliis barba-
 ris, quos in societatem belli
 adsumere cupiebat. Hoc vi-
 detur elici posse ex sequenti:
nacta ducem.

v. 237. *Latiisque ab ar-
 mis*. Vix puto haec sana
 esse. Illo enim epith. omnia
 designare solet, quae ad im-

Pars Phrygiae, Scythicis quaecunque Trionibus alget
 Proxima, Bithynos; Solem quae condit, Ionas;
 Quae leuat, attingit Galatas; vtrinque propinqui 240
 Finibus obliquis Lydi, Pisidaeque feroces
 Continuant australe latus. Gens vna fuere
 Tot quondam populi, priscum cognomen et vnum,
 Appellata Phryges; sed quid non longa valebit

perium occidentale perti-
 nent, aut quae a priscorum
 Romanorum institutis repeti
 solent. Forte scripsit *coisque*
 cf. V. 105. 161. XVIII. 400.

v. 238. Inferitur descriptio
 Phrygiae, cuius fines et ha-
 bitatores antiquos accurate
 describit poeta, populosque
 recenset, qui seriori tempore
 eo habitatum concesserant.
 Gloriam illius regionis et ex
 gentis antiquitate et ex fa-
 bulis deorum repetit; deinde
 fluminum maxime insignium
 mentionem facit, vberta-
 temque et diuitias laudat.
Trionibus. VII. 205. *alget*.
 Hoc non proprie sumendum
 esse per se patet, sed partem
 designat, quae ad Septem-
 triones spectat.

v. 239. *Bithynos* sc. ad-
 tingit. *solem quae condit*
 eadem ratione: quae spectat
 occidentem; quum *solem*
condere vel *leuare* proprie
 extremae orientales et occi-
 dentales terrae dicantur. cf.
 XXIX. 51. *Ionas*, qui in
 oris occidentalibus Asiae mi-
 noris habitabant.

v. 240. *Galatas* v. Flor.
 II. 11. 3 sq. Liv. XXXVIII. 16.

v. 241. *Pisidaeque feroces*.
Pisidia inter Lydiam, Phry-
 giam, Pamphyliam Cariam
 posita in ipsis Tauri montis
 extremitatibus. Inde epithet.
 solemne montium habitato-
 ribus Liv. l. c. 13. *In fini-*
bus Pisidarum est vrbs (Ta-
 bae) *in ea parte, quae ver-*
git ad Pamphylium mare.
Integris viribus regionis
eius, feroces ad bellandum
habebat viros. et c. 15. *Co-*
lunt Pisidae, longe optimè
bello regionis eius, quum
ea res animos facit, tum
agri foecunditas, et multi-
tudo hominum et situs inter
paucas munitae urbis.

v. 243. *Tot quondam po-*
puli. *tò quondam* pertinet
 ad *fuere*. Plures populos
 fuisse eiusdem gentis et com-
 muni nomine Phryges ad-
 pellatos antiqui scriptores
 commemorant.

v. 244. *Adpellata* (gens)
Phryges. Strabo X. p. 324.
 XII. p. 388. et 394. quae loca
 Gesnerus iam laudauit. E
 Thracia colonos omnes eas
 gentes facit, vbi etiam do-
 cet, difficile esse, populorum
 illorum fines distinguere.

Permutare dies? dicti post Maeona regem 245
 Maeones; Aegaeos infedit Graecia portus;
 Thyni Thraces arant, quae nunc Bithynia fertur.
 Nuper ab Oceano Gallorum exercitus ingens

v. 245. *Maeona*. De Maeone rege nihil, quod equidem sciam, aliunde notum est.

v. 246. *Aegaeos infedit Graecia portus*. Intelligit oram maritimam occidentalem Asiae minoris ad mare Aegaeum, cui αἴγες h. e. τὰ κύματα, fluctus et procellae nomen dederunt, ut monet Heinsius ad Sil. Italic. I. 468; quam oram Iones, Achaei, Dores coloniis suis occupauerunt. cf. Cicer. pro Flacco 17.

v. 247. *Thyni Thraces arant, quae nunc Bithynia fertur*. *Thyni* Thraciae populus, qui olim eam regionem pulsus Bebrycibus (Valer. Flacc. IV. 99 sqq.) veteribus incolis, occupauerunt. *arant* Heinsius defendit citt. Virgil. Aen. III. 13. Lucan. IV. 334. Sil. Italic. IV. 546. Stat. Theb. V. 53. Contra disputat Reines. in epist. XXXIII. ad Daumium, notante Burmanno, quia conferat poeta Bithyniam, quae nunc fertur, cum veteribus Bithyniae incolis, Thynis Thracibus, aptiorem esse alteram lectionem *erant*. Addit Burmannus, si legi posset *arabant*, se aliquo modo Heinso adcessurum. Putat librarios, qui *arant* supposuerint, offendisse insolentiorum locutionem *Thyni quae*

nunc cet. Sed gentium nomina, ait, pro regione et contra poni. v. eum ad Ovid. Amor. III. 4. 20. Met. IV. 668. Vellei. Paterc. II. 40. et supra XVIII. 203. Reinesii rationem puto nullum locum habere. Equidem Nostrum sic intelligo: *quae nunc Bithynia fertur*, eam *Thyni Thraces arant*, a quibus hoc nomen accepit; olim et haec regio a Phrygibus colebatur, et ad Phrygiam pertinebat. Proprie autem regio nomen accepit a Bithynis, qui cum Thynis eam communiter occupauerunt. Herod. I. 28. cf. Plin. H. N. V. sect. 43. *Tenant oram omnem Thyni, interiora Bithyni*.

v. 248. *Nuper*. Opponitur illis temporibus, quibus Thraces et Graeci in Asiam minorem venerunt. Erat autem illud *nuper* DC annis amplius ante Claudiani aetatem. Regio ipsa, qua Celtae seu vulgatori nomine Galli sedes suas fixerant, a Romanis *Gallograecia*, a Graecis *Galatia* appellata est. De illa insigni migratione multa disputata sunt; certissima ex ipsis fontibus breuiter simpliciterque hausta et digesta leges in Io. Dan. Schoepflii Vindiciis Celticis Argentor. 1754.

Illis, ante vagus, tandem regionibus haesit,
 Gaesaque deposuit Graio iam mitis amictu, 250
 Pro Rheno poturus Halyn. Dat cuncta vetustas
 Principium Phrygibus; nec rex Aegyptius ultra
 Resistit, humani postquam puer vberis expers
 In Phrygiam primum laxauit murmura vocem.
 Hic cecidit Libycis iactata paludibus olim 255
 Tibia, foedatam quum reddidit umbra Minervam;

v. 249. *haesit*, sedem fixit.

v. 250. *Gaesaque*, iacula Gallica. Cael. de Bell. G. III. 4. la Cerda ad Virgil. Aen. VIII. 663. Cluver. Germ. antiq. I. 44. pro armis patriis omnino. *mitis*, ante enim erat ferus, barbarus.

v. 251. *Halyn*. Supra V. 32.

v. 252. 3. *Principium*, Phrygum vetustissimam fuisse gentem. *nec rex Aegyptius*. Respicit Claudianus fabulam, quam de Psammeticho Aegyptorum rege narrat Herodot. II. 2. Ille enim ut diindicaret, utrum Aegyptii an Phryges vetustiores essent, pueros captarum vberibus in solitudine, *ἐν στέγῃ ἐρήμῃ*. iussit nutrirī, ubi vocem humanam audirent nullam, ut exploraret, quam vocem primam emitterent, ex ea iudicium de antiquitate gentium laturus. Quum primam vocem emisissent *βᾶκος*, quae panem notaret Phrygibus, pronunciauit, Phryges reliquis populis esse antiquiores. Verum haec fabula absurda vix conueniens esse dici potest alicui ex regibus Aegyptiorum, nedum

Psammeticho. cf. Schol. Apollon. Rhod. IV. 272. *nec ultra Resistit* i. e. nec ultra dubitauit profiteri, nec ultra negauit, Phryges origine vetustissimos esse.

v. 254. *In Phrygiam primum laxauit murmura vocem*. *Θέλων ἀκῶσαι τῶν παιδῶν, ἀπαλαχθέντων τῶν ἀσημάτων κινζυμάτων, ἥντινα Φωνὴν ῥήξουσι πρῶτην* Herod. I. c. Inde adparet, quae *murmura* Noster intelligat. cf. Stat. Silv. II. 1. 104. *laxauit* v. supra ad 96. *laxare murmura* in P. v. i. e. laxare os, quo ante murmur inarticulatum pueri edebant, voci Phrygiae.

v. 255. 6. *Hic cecidit Libycis iactata paludibus olim Tibia*. Hic, procul dubio in Phrygia. *tibia iactata olim Libycis paludibus*, haec spectant ad fabulam notam, qua Minerva tibiae inuentrix fuisse traditur, eam autem abiēcisse, quum vidisset, illo instrumento vultus suos deformes reddi. v. Broukh. ad Propert. II. 21. 85. Ovid. Fast. VI. 697 sqq. A. A. III. 505 sq. *iactata* Gesnerus sumit pro:

Hic et Apollinea victus testudine pastor
 Suspenſa memores illustrat pelle Celaenas.
 Quatuor hinc magnis procedunt fontibus amnes
 Auriferi; nec miror aquas radiare metallo, 260
 Quae toties lauere Midan. Diuerſus ad Austrum

abiecta, et ita ſuſerunt ii, qui pro *Libycis* ſubſtituere voluerunt *Lyciis*, quam Cuiacii coniecturam eſſe Heinſius exiſtimat. *Iactatam* autem h. l. celebratam ſermonibus eſſe, iam vidit Claverius. cf. Noſtr. XVIII. 103. XXII. 157. Niſi malis dicere, tibiam a Minerva abiectam eſſe ad Libycas paludes, quod feciſſe eam ad Maeandrum fabulae narrant. Propert. l. c. 85. dicit, tibiam nataſſe in Maeandri vadis. Minerva autem nata traditur ex Palude Tritonia Libyae Sil. Italic. III. 322 ſqq. Lucan. IX. 350 ſqq. cf. Heyne ad Virgil. Aen. II. 171. et ad Apollod. p. 40. et 747. Ibique ab ea tibiam eſſe inuentam dicit Pindar. Pyth. XII. 15 ſq. v. ibi Schol. Inde vocatur *Tritoniaca arundo* ab Ovid. Met. VI. 384. *cecidit*, abiecta eſt. *umbra* imago eſt, quam Minerva in aqua vidit v. n. ad X. 109. alteram lectionem *vnda* ſine dubio veram vocat Burmannus poſt Markland. ad Stat. Silv. V. 3. 88. Pro *cecidit* alii habent *cecinit*, quo recepto *iactata* pro: abiecta, quodammodo poteſt ſumi, quamquam *iactare* pro: abiicere,

raro occurrat. *foedatam* pro: vultu diſtorto.

v. 257. 8. *pastor victus*, Marſyas. Fabulam leuiter tangit Ovid. Met. VI. 386 ſqq. in excarnificatione Marſyae ad noſtrum ſenſum nimis luxurians. cf. not. ad Hygin. fab. 165. Herodoti tempore vterem, qui conſectus dicebatur e Marſyae cute, Celaenis oſtendebant. v. enim VII. 26. in fin. Barthius exiſtimat, Noſtrum ante oculos habuiſſe Stat. Theb. IV. 186. Ceterum Celenae Phrygiae oppidum ad fontes Maeandri.

v. 259. *Hinc. e Phrygia. magnis fontibus*. Burmannus exponit: copioſa aquarum multitudine. Sed, vt ipſe animaduertit, poetae ſolent in his luxuriari, nec ſemper accurate in eorum deſcriptionibus verſari. Fortaſſe et h. l. epith. temere adiectum eſt, quum Strabo XII. p. 543, ab eodem laudatus, narret, Sangarium longe ſnere, antequam Gallo accedente auctus et nauigabilis fiat. Liv. XXXVIII. 18. *non tam magnitudine memorabilem, quam quod vim piſcium ingentem praebet* ait.

v. 261. *Midan*. Bacchus hoc dederat Midae regi, vt

Cursus et Arctoum fluminis mare. Dindyma fundunt
 Sangarium, vitrei qui puro gurgite Galli
 Auctus Amazonii deferitur ad ostia Ponti.
 Icarium pelagus Mycalaeaque litora iuncti 265
 Marſya Maeanderque petunt; sed Marſya velox
 Dum suus est, flexuque carens iam flumine mixtus
 Mollitur, Maeandre, tuo, contraria passus,
 Quam Rhodano simulatus Arar, quos inter aprica
 Planities Cererique fauet, densisque ligatur 270
 Vitibus, et glaucae fructus attollit oliuae,

omnia, quae contigisset, in
 aurum mutarentur. Fabu-
 lam lepide narrat Ovid. Met.
 XI. 100 sqq.

v. 262. *Arctoum mare* h. l.
 Pontus Euxinus, quem sta-
 tim Amazonium vocat. *Din-*
dyma v. supra v. 171.

v. 263. *vitrei*, pellucidi.
Galli, a quo fluuio Gallos,
 Phrygiae deae sacerdotes,
 dictos volunt. v. interpp. ad
 Ovid. Fast. VI. 361 sq.

v. 265. *Mycalaeaque*. *My-*
cale, promontorium in li-
 tore occidentali Asiae mino-
 ris illa pugna celeberrimum,
 qua Persae ab Atheniensibus
 denicti sunt. E regione sita
 est insula Samos.

v. 266. *Marſya velox*. v.
 Oudendorp. et Burmann. ad
 Lucan. III. 206 sqq.

v. 267. *Dum suus est*, nec-
 dum mistus Maeandri aquis.

v. 268. *Mollitur*, rapidi-
 tatem amittit, leniter fluere
 incipit.

v. 269. *Rhodano — Arar*
 v. not. ad XVII. 53.

v. 270. *ligatur*. Ad iuga et

pergulas respici putat Ges-
 nerus, quae adligatis ad per-
 ticas vitibus constituntur.

v. 271. *et glaucos fructus*,
attollit oliuae. Heinſius pu-
 tat, *attollit fructus* non
 proprie dici, probatque ve-
 hementer alteram lectionem
fluctus, quam tamen vereor,
 vt ex locis laudatis confir-
 mauerit. Laudat autem Ru-
 sum Fest. Avienum (Descript.
 orb. terrae v. 1203. vbi v.
 interpp. in Poet. lat. min.
 T. V. P. II. ed. Wernsd.
 p. 866 et 1134.) *Ipsa dehinc*
tellus, qua circumplectitur
orbem, et procerarum flu-
ctu vernat palmarum. Rutil.
 Itin. I. 284. Senec. Herc. Fur.
 669. Virgil. Georg. II. 437.
 Nost. XXIX. 40. XXXV. 110.
 XXXI. 5. Sed in his locis
 omnibus vel de segete, vel
 de arboribus proceris et len-
 tibus, quae densae sunt fa-
 cileque vento mouentur, vel
 de umbris arborum in flucti-
 bus, vel de buxo frequenti
 sermo est, in quibus simili-
 tudo aliqua vndarum aut flu-

Diues equis, felix pecori, pretiosaque picto
Marmore, purpureis cui cedit Synnada venis.

Talem tum Phrygiam Geticis populatibus vri
Permiserere Dei. Securas barbarus vrbes 275
Irrumpit, facilesque capi. Spes nulla salutis,

ctuum deprehenditur. Ipsum
epith. *glaucos* priorem le-
ctionem defendere videtur,
quamquam et folia oleae
glauca vocantur infra XXII.
228. Sed videndus est Heyne
in VV. LL. ad Virgil. Aen. V.
309. Ceterum notum est, ad
vlmos et oliuas vites ligari
solere, ita vt idem solum du-
plicem fructum ferat. Inde
quoque illud *ligatur* expli-
candum est.

v. 272. *felix pecori*. Hein-
sius mauult *Diues equi*, *fe-
lix pecoris* laudat Virgil.
Aen. IX. 26. Verum h. l. plu-
rium Mss. auctoritatem se-
quendam puto. cf. Sil. Ita-
lic. V. 465 sq. Virgil. Georg.
II. 239. *felix pecori*, quae
terra fauet pecori, vt est
apud Virgil. l. c. 228.

v. 273. *picto marmore*.
Gesnerus existimat, arte in-
fectum marmor h. l. de-
signari. laudat Plin. H. N.
XXXV. 1. Mihi videtur ser-
mo esse de marmore maculis
distincto aut coloribus variis.
Notae enim sunt *pictae vo-
lucres* Virgil. Aen. IV. 525.
*purpureis cedit cui Synnada
venis*. cf. Stat. Silv. I. 5.
37 sq. et II. 2. 87 sqq. τὰ
Σύνναδα Phrygiae vrbs Grae-
cis, Latinis *Synnas*. Hein-

sius negat, Claudianum esse
tam barbarum, vt sicut po-
sterioris aevi scriptores, *Syn-
nada* (singular.) pro *Synnas*,
et *Persida* pro *Persis* scri-
pserit, legi itaque iubet:
cui cedant Synnada. Bur-
mannus coni. *caedunt quod
Synnada* sc. Phryges et qui
in lapidinis operas collo-
cant. Equidem vix puto,
Nostrum dicere voluisse,
marmor Phrygium pretiosius
esse marmore Synnadico,
quoniam hoc ipsum, quod *Syn-
nade* caedebatur, Phrygium
esset. cf. Iani ad Horat. od.
III. 1. 41. Mihi itaque valde
adridet coniectura Burman-
ni, quamquam non opus
fuit a lectione ed. Vicent.
tam longe discedere, nam
caedit quod Synnade non
solum bene intelligitur, si
subintelligas: Phrygia, sed
etiam magis poeticum puto,
quam *caedunt quod S*. Ce-
terum cf. Broukh. ad Ti-
bull. III. 3. 15. Burmann. ad
Ovid. Fast. III. 529. De *Syn-
nade* accurate egit Tristram.
T. II. comment. p. 202. Bur-
mannus putat Nostrum ex-
pressisse Stat. Silv. II. 11.
28 seqq.

v. 275. *securus*, nihil ho-
stile metuens.

Nulla fugae. Putribus iam propugnacula saxi
Longo corruerant aeuo, pacisque senecta.

Interea gelidae secretis rupibus Idae
Dum sedet, et thiafos spectat de more, Cybebe, 280
Curetumque alacres ad tympana suscitatur enses:
Aurea sanctarum decus immortale comarum
Defluxit capiti turris, summoque volutus
Vertice crinalis violatur puluere murus.
Obstupuere truces omen Corybantes, et vno 285

v. 277. *putribus*, fragilibus, solutis iam ab aëre Vitruv. II. 7. *propugnacula* sunt pinnae muri. v. Heyne ad Virgil. Aen. IX. 170.

v. 279. *Ida* mons Phrygiae. *gelidae* propter altitudinem, Catull. LXIII. 52 sqq. et 70. et fontium copiam. Notum est epitheton πολυπίδαξ Homer. II. 9. 47. et passim. Sacer erat matri deum.

v. 280. *thiafos* Athenaeus VIII. p. 362. ed. Casaub. κλειῖται δὲ καὶ ὁ τῷ Διονύσῳ παραπόμενος ὄχλος Θιάσος. — Τοὺς μὲν οὖν Θιάσον ἀπὸ τοῦ Θεοῦ προσηγόρευον· καὶ γὰρ αὐτοὺς τοὺς Θεοὺς οἱ Λάκωνες σινοὺς φασί. Videtur thiasus chorus esse quicumque dei alicuius vel deae sacra celebrans. H. l. *thias* sunt Curetes, aut celebrantes sacra Cybeles cf. Catull. LXIII. 28. De sacris Cybeles loca classica sunt Lucret. II. 610 sqq. Strabo X. p. 466. et quae laudat Iani ad Horat. Od. I. 16. 5 sqq.

v. 281. *suscitat enses*, quandoquidem ipsa saltan-

tium animis furorem immittit. *enses*, quibus scuta pulsantur. De saltatione armata ἐνοπλίῳ. πυρρίχῃ, sermo est. v. Spanhem. ad Callim. H. in Iov. 52. Percutiebant autem scuta *ad tympana* i. e. ad numerum tympanorum. Ceterum tympana, cymbala, tibiae Phrygiae in Cereris sacris semper in usu erant. interpp. ad Catull. l. c. 21 sq.

v. 282. 3. *aurea turris*. Fingitur Cybele coronam turritam capite gerens. Lucret. II. 606 sqq. Ovid. Fast. IV. 219 sq. ipsaque dea vocatur *turrita* Propert. IV. 11. 52. *sanctarum*, divinarum. Broukh. ad Tibull. II. 7. 13.

v. 284. *murus* ipsa corona turrita est, vocatur autem *crinalis*, quia crines hoc diademate continebantur, aut quia omnino ad crinium cultum haec corona pertinebat. cf. Virgil. Aen. IX. 576. Ceterum simile ostentum habes apud Senec. Thyest. 701 sqq.

v. 285. *Corybantes* v. ad VIII. 150.

Fixa metu tacitas prefferunt Orgia buxos.

Indoluit genitrix. Tunc sic commota profatur:

Hoc mihi iam pridem Lachesis grandaeva canebat
 Augurium; Phrygiae casus venisse supremos,
 Delapsus testatur apex. Heu, sanguine qualis 290
 Ibit Sangarius, quantasque cadauera lenti
 Maeandri passura moras! Immobilis haeret
 Terminus. Haec dudum nato placuere Tonanti.
 Par et finitimis luctus, frustraue Lyaei
 Non defensores implorat Lydia thyrsos. 295
 Iamque vale, Phrygiae tellus, perituraque flammis,
 Moenia, conspicuas quae nunc attollitis arces,
 Mox campi nudumque solum. Dilecta valete

v. 286. *uno metu* i. e. metu, qui simul omnes oppresserat. Heinſius laudat Stat. Theb. I. 109. VI. 411. VIII. 267. X. 560. XII. 168. v. Burmann. ad Valer. Flacc. VII. 230. cf. supra V. 208. *orgia* h. l. orgia seu sacra enthusiastica Cereris celebrantes. *fixa*. Saltatio subito cessabat omnibus miraculum seu omen stupentibus. *prefferunt*, ab habenis sumunt, quae premuntur, quando equi retinentur. Inde ponitur pro: retinere, coercere, vt *premere vocem*. Sil. Italic. II. 280. *tacitas buxos*, tibiae Phrygiae obmutefcentes, quarum forma exhibita est ad Ovid. Fast. IV. 182. ed. Burmann.

v. 287. *Indoluit*, omine illo.

v. 288. *Lachesis*, XV. 203.

v. 289. *casus supremos*, excidium, summam calamitatem.

v. 290. 1. *qualis sanguine ibit*, quam decoloratus sanguine. *Ire* saepius de fluminibus dicitur. Heinſ. mauult *sanguine quali. quantasque moras* cet. quum Maeander leni fluat alueo et tot flexus habeat, insuperque cadaueribus oppletus sit. Heinſ. coni. *quantasque cadauere lentus Maeander passure moras*.

v. 293. *nato*. Mater enim deum loquitur.

v. 294. *Par et finitimis luctus*. Burmann. coni. *Par it finitimis luctus* v. eum ad Valer. Flacc. VIII. 12.

v. 295. *thyrsos*, arma Bacchi et Bacchantum, quibus India subacta est. Facit Noster Bacchum tutelarem Lydiae deum, vt Cybelen Phrygiae.

v. 296. *Iamque vale*. Saepius occurrit apud Virgilium. Georg. IV. 497. Aen. II. 789 cet. Respexit Noster veterem superstitionem satis

Flumina; non vestris vltra bacchabor in antris,
Nec iuga sulcabit noster Berecynthia currus. 300

Dixit, et ad tristes conuertit tympana planctus.
Labentem patriam sacris vlulatibus Attis
Personat, et lacrimis torui maduere leones.
Eutropius, quamuis nequeat metuenda taceri

notam, qua credebantur dii, imprimis tutelares, urbem aliquam aut regionem, quae in eo esset, vt ab hostibus vastaretur, deferere. Plura dabunt la Cerda et Vrsinus ad Virgil. Aen. II. 351 sq. quem locum Gesnerus opportunè laudat. cf. Euripid. Troad. 23 sqq. Tryphiodor. v. 496 seqq. Inde euocatio deorum nata est, de qua Servius agit ad Virgil. l. c. cuius exemplum existat apud Liv. V. 21. cf. Macrobi. Sat. III. 9.

v. 299. *bacchabor* pro: sacra mea non amplius celebrabuntur, aut simpliciter pro: non amplius versabor. *vestris in antris*. Si *vestris* refertur ad flumina, illa antra intelligenda sunt, vnde flumina solent prorumpere, quaeque eorum domicilia habentur. Quod autem in antris Cybeles sacra quoque celebrata sunt, hoc potest explicari ex antiquissima Curetum et Corybantum fabula, de qua v. ad VIII. 150. cf. Sil. Italic. XVII. 20 sq.

v. 300. *Berecynthia*. *Berecynthus* mons Phrygiae, vnde Cybele *Berecynthia* dicitur.

v. 301. *tympana*, tympanorum sonitum.

v. 302. *Attis*. Phrygius ille pastor a Cybele amatus. De hoc Attide narrationes sunt adeo diuersae et passim obscurae, vt nihil certi de eo constitui possit. v. Doering ad Catull. LXIII. et Vossium, qui putat, illum Atyn apud Catullum non esse Phrygium pastorem, de quo h. l. fermo est. In quo mihi quidem videtur verum vidisse, quamquam multis sententiam suam probare non potuerit.

v. 303. *et lacrimis torui* cet. Exemplo Homeri (II. p. 426 seq.) et Virgilii (Aen. XI. 90.) qui equos flentes dominorum interitu induxerunt. Apud Virgilium l. c. la Cerda recensum agit animalium brutorum, quae ab antiquis poetis flentia inducta sunt.

v. 304 sq. Eutropius metum dissimulantis periculumque contemnentis faciem induit, clam tamen studet barbaros donis missis mitigare, quam rem nequidquam tentat.

Clades, et trepidus vulgauerit omnia rumor, 305
 Ignorare tamen fingit, regnique ruinas
 Dissimulat: Paruam latronum errare cateruam;
 Ad fontes tormenta magis, quam tela, parari,
 Nec duce frangendas iactat, sed iudice, vires.
 Vasta velut Libyae venantum vocibus ales 310
 Quum premitur, calidas cursu transmittit arenas,
 Inque modum veli sinuatis flamine pennis
 Puluerulenta volat; si iam vestigia retro
 Clara sonent: oblita fugae fiat lumine clauso
 Ridendum reuoluta caput, creditque latere, 315

v. 305. *omnia* v. supra 235 seq.

v. 308. *In fontes tormenta magis* cet. Sensus: magis cogitandum esse, ait, de suppliciis barbarorum, qui defecillent. regionemque vastarent (*fontes*) quam de bello cum illis gerendo, quum tam exiguus eorum numerus sit, ut tantum capiendi sint suppliciisque adficiendi, non bello persequendi.

v. 309. *frangendas*. De modorum variatione, quum infinitum *parari* sequatur *frangendas vires*, egit Burmannus ad Quintil. Instit. I. 1. et supra V. 311. Ceterum compara cum hoc versu VIII. 88 sq.

v. 310. 311. *Libyae ales*, Struthiocamelus, de quo Plin. H. N. X. 1. *Altitudinem equitis insidentis equo excedunt, celeritatem vincunt, ad hoc demum datis pennis, ut currentem adiuvant: cetero non sunt volucres, nec a terra tollun-*

tur. Ungulae illis ceruinis similes, quibus dimicant, bisulcae, comprehendendis lapidibus utiles, quos in fuga contra sequentes ingerunt pedibus. cf. Xenoph. Anab. I. 4. 3 sq. Aristot. de partib. anim. IV. 14. Diodor. Sic. III. 28. Aelian. H. A. II. 27. IV. 37. XIV. 7. *venantum vocibus Quum premitur, cum venatores eum persequuntur clamore.*

v. 312. *Inque modum veli.* Xenoph. I. c. τοῖς μὲν πρὸς δρόμῳ, ταῖς δὲ πρὸς ἐν ἄρσιν ὡς περ ἰστῆρ χρωμένῃ.

v. 313. *Puluerulenta*, pulverem et lapides insequentibus ingerens. *vestigia* sc. insequentium.

v. 314. *lumine clauso*, oculis clausis. *Stoliditatem miram* Struthiocamelorum Plinius praedicat, in tanta reliqui corporis altitudine, quum colla frutice occulaverint, latere se existimantium.

v. 315. *Ridendum* ipsam stoliditatem indicat.

Quem non ipsa videt. Furtim tamen ardua mittit
 Cum donis promissa nouis, si forte rogatus
 Desinat. Ille semel notae dulcedine praedae
 Se famulo seruire negat; nec grata timentum
 Munera. Militiam nullam, nec prima superbus 320
 Cingula dignari; nam quis non Consule tali
 Vilis honos? Postquam precibus mitescere nullis,
 Non auro celsisse, videt, creberque recurrit
 Nuntius incassum, nec spes iam foederis exstat:
 Tandem consilium belli confessus agendi, 325
 Ad sua tecta vocat. Iuuenes venere proterui,

v. 316. *Quem non ipsa videt.* Oppian. Halieut. IV. 621 sqq. ubi Sciaena cum Struthione comparatur, κάρη δ' ἔρα δίζεται ὅσον φρέξασθαι, κεφαλὴν δὲ κατακρύψασα καὶ ὄσσε, ἔλπεται οὐχ ὁρώσας λαθεῖν ὁρώωντος ἐφορευῆν. *ardua*, alta, magnifica, sed eadem ob id ipsum difficilia, δυσέφικτα. Sic Gesnerus, Burmannus existimat, Nostrum scripsisse *aurea*, laudat Terent. Phorm. I. 2. 18. Equidem *ardua* coniicerem, si *aurea* scripsisset.

v. 317. *rogatus*, precibus adductus.

v. 318. *Desinat* sc. agros populari vrbesque incultodinas diripere. *semel nota dulcedine praedae*, quum semel praedae dulcedinem sentisset iterum, nam iam antea rapto viuerat.

v. 319. *famulo*, Eutropio, *nec grata timentum Munera*, nec munera eorum, qui timeant, eiusmodi esse, ut iis se aliquis obligatum existi-

mare possit, quum non ex animi beneuolentia profecta, sed metu extorta sint. cf. XXII. 149 sqq.

v. 320. 1. *prima Cingula*. *Cingulum* de omni honore militari poni luculenter docuit Gothofred. in Glossario nomico. *Prima cingula* sunt igitur summi militares honores. Cur autem Targibilus ea dispiciat, ex sequentibus satis luculenter adparet. Per se autem intelligitur, rationem despecti cinguli Claudiani ingenio debere, qui hoc ipso usus est, ad Eutropii consulatum eo magis deprimendum.

v. 324. *Nuntius*, qui donis promissisque ageret cum Targibilo.

v. 325. *consilium* Burmannus recepit, et quidem recte, quoniam intelliguntur duces, qui in consilium militare vocantur. Heinlius *concilium* defendit citatis Valer. Flacc. I. 212 sq. Iuvenal. IV. 73. De *concilio* vide Bur-

Lasciuique senes, quibus est insignis edendi
 Gloria, corruptasque dapes variasse decorum;
 Qui ventrem inuitant pretio, traduntque palato
 Sidereas Iunonis aues, et, si qua loquendi 330
 Gnara coloratis viridis defertur ab Indis,

mann. ad Nemesian. Eclog. I. 51. *belli confessus agendi* Gracco more. v. Burmann. ad Ovid. Met. XIII. 106. Dubito tamen, an confessus cum Gracco ὁπλος comparari possit. Interim minus placet, *consilium belli gerendi* iungere, ut *confessus* absolute positum sumatur. Opponitur autem *confessus* priori v. 306. *ignorare surgit et dissimulat*, idemque notat, quod, manifeste prae se ferens, ut Burmannus animaduertit. Ceterum de locutione eleganti *belli agendi* v. eundem ad Ovid. Trist. II. 230. Quintil. Instit. X. 1.

v. 327. 8. *insignis edendi gloria*, quos constabat non rerum bellicarum scientia sed gulae gloria reliquos antecellere. *corruptasque dapes*, mistura ipsa et condimentis a naturali simplicitate longe dissidentes. v. ad Pers. II. 64. *conlectas dapes*, quod Burmannus proposuit, quodque explicat: vndique congestas, minus placet. v. interpp. ad Aelii Lamprid. Heliogab. c. 19 sqq.

v. 329. *Qui ventrem inuitant pretio*, i. e. edendi cupidinem excitant rebus pretiosissimis Petron. 119. ut re-

nouent per damna famem. Gesner. laudat Horat. sat. II. 1. 21. Iuvenal. XI. 120 sqq. Petron. 55. et ibi interpp.

v. 330. *Sidereas, Iunonis aues*. Pavo est, qui *sidereus* vocatur ob oculos illos Argi in cauda a Iunone collocatos. Sic ipse Argus vocatur *stellatus* Ovid. Met. I. 664. sic corpus lacertae maculis conspersum *stellatum* vocatur Ovid. I. e. V. 461. Apud Nostros est *sidereum*, quod siderum, stellarum instar fulget. Ael. Lamprid. in Heliogab. c. 20. *Comedit saepius ad imitationem Apicii calcanea camelorum et cristas viniis gallinaceis demtas, linguas pavonum et luscinearum: quod qui ederet, ab epilepsia tutus diceretur. Exhibuit et palatinis ingentes dapes extis mullorum refertas, et cerebellis phoenicopterus et perdicum ovis, et cerebellis turdorum et capitibus psittacorum et phaseanorum et pavonum. cet.* si qua loquendi gnara (avis). Psittacum intelligit.

v. 331. *coloratis Indis*, nigris vid. I. 170. XXI. 158. LII. 17.

Quaesitos trans regna cibos; quorumque profundam
 Ingluuiem non Aegaeus, non alta Propontis,
 Non freta longinquis Maeotia piscibus explent.
 Vestis odoratae studium, laus maxima risum 335
 Per vanos mouisse sales, minimeque viriles
 Munditiae, comiti vultus, onerique vel ipsa
 Serica. Si Chunus feriat, si Sarmata portas,
 Solliciti scenae, Romam contemnere lueti,

v. 332. *Quaesitos trans regna cibos*, cf. Lucan. IV. 373 sqq. I. 160 sqq. X. 155 sqq. Senec. epist. 89. *trans regna*, trans imperium Romanum.

v. 333. *Aegaeus* v. Burmann. ad Valer. Flacc. V. 715. *alta*, profunda.

v. 334. *longinquis*, e longinquo petitis. Videtur Claudianus non meminisse, se loqui de gula Constantino-
 politanorum, quibus *freta Maeotia* (sic recte, v. VIII. 180.) non admodum erant longinqua.

v. 335. *Vestis odoratae studium*. Bene observat Gesnerus, odoratarum vestium usum iam apud Homerum occurrere, ubi εἴματα θυώδεις saepius legitur. Odyss. ε. 264. φ. 52. quem odorem θυώ, h. e. citro interposito conciliatum vestibus esse docet Oppius apud Macrobi. sat. II. 15. Easdem vestes a Romanorum delicatulis adhibitas esse, nusquam me legere memini. Ad luxum fortasse aulae orientalis eas pertinuisse probabile est, et indicari tantum vestes aquis

aut vnguentis exquisitissimis et bene olentibus conspersas.

v. 336. 7. *Per vanos mouisse sales* cf. XVIII. 346. Male Barthius putat, histionum gregem h. l. describi. Pergit Noster in describendis viris, qui in consilium belli erant convocati; inter quos et eos inducit, qui scurras agere scirent, atque hac arte sola vehementer eunuchis et Arcadio essent commendati, quandoquidem ad tempus fallendum idonei essent homunciones. *minimeque viriles Munditiae*, homines bellos et elegantes intelligit, *comiti vultus*, ad capillorum cultum spectat, qui arte, calamistro, crispatis et odoribus delibuti erant.

v. 338. *Serica*. Sericarum vestium usus tunc temporis etiam apud viros inualuit. Notae sunt *vestes coae* v. Broukh. ad Propert. I. 2. 7. cf. Senec. Epist. 9. et 90. Iuvenal. VI. 259 sq. Lucan. I. 164 sq. *Chunus* Ptolemaeus: μεταξὺ δὲ Βαστάρνων καὶ Ῥοξολάνων Χοῦνοι. Sic infra XXI. 110. Saepius occurrunt

Mirarique suas, quas Bosporus alluit, aedes; 340
Saltandi dociles, aurigarumque periti.
Pars humili de plebe duces, pars compede furas,
Cruraque signati nigro liuentia ferro,

apud Ausonium et Sidonium Apollinarem. An vero idem sint, qui Hunni, ne geographis quidem exploratum esse videtur. Ceterum sensus est: si hostis barbarus ad portas est, pro theatris tantum solliciti sunt Constantinopolitani. Summa igitur mollities et leuitas eorum carpitur.

v. 340. *suas, quas Bosporus adluit, aedes*, periphrasis est Constantinopolis, praequa Romam contemnere dicuntur.

v. 341. *Saltandi dociles*. Gesnerus saltandi magistros intelligit, *διδασκαλολ*, saltem principes huius artis. Quamquam multa nomina verbalia in *is* producta significationem quoque actiuam habeant, tamen de *docilis* mihi quidem nullum exemplum innotuit, ipsumque locum ex Cicer. Acad. II. 1. *indocilem usus disciplinam*, quo nititur vir doctissimus, id non probare existimo. Noster vult dicere, illos nihil facilius discere, quam artem saltandi. *Aurigarumque periti* sic omnes Mss. apud Heins. praeter unum, qui *aurigandi* habet, quam lectionem etiam in margine vet. Mss. Claverius inuenit.

Idem existimat, *aurigarumque periti* positum esse pro: *aurigandi periti*. Nititur Horat. Epist. l. 1. 94sq. *Si curtatus inaequali tonsore capillos Occurri* et Virgil. Aen. IV. 65sq. *Heu vatum ignarae mentes*, quibus addi possit Virgil. Aen. VIII. 617. Si formam solum verborum spectes, aliquid probare loca videntur, verum si vim eorum respicias, frustra in partes vocata sunt. Barthius ita explicat: gnari et intelligentes, quis auriga, cuius factionis, quo alterius sit praestantior. Burmannus comparat *intelligere virum, artificem* Vellei. Patere. II. 114. c. et 116. 4. Petron. 129. Heinsius mauult *aurigandique*, putatque, posse etiam legi *atque aurigare periti*, vel *aurigarique*. Si quid contra Mss. audendum esset, legerem *aurigare usque periti*. Ceterum de aurigandi arte vide Scheffer. de re vehicul. I. 17.

v. 342. *Pars humili de plebe duces* sc. constituti, ex humili plebe ad summos honores militares enecti sunt. *compede*. XVIII. 28. *liuentia* in quibus adhuc compedum vestigia cerni possunt, qui igitur modo ex ergastulis

Iura regunt, facies quamuis inscripta repugnet,
Seque suo prodat titulo. Sed prima potestas 345
Eutropium praefert, Hosio subnixa secundo.
Dulcior hic sane cunctis, prudensque mouendi

protracti in Eutropii amicitiam se insinuauerunt, et ab eodem promoti sunt. cf. Ovid. Amor. II. 2. 47sq.

v. 344. *Iura regunt*, iudiciis praesunt. V. 82, ex quo loco patet, iura regere de summis magistratibus dici. *facies inscripta*. Claudianus in re augenda videtur modum excedere. Non satis habet, seruos infimae classis nominasse, sed sceleratos et fugitiuos addit, qui stigmate notati erant, vt turpitudine illius consilii bellici eo magis illucescat. *repugnet* pro: quamuis stigmata illos homines ab omni publicae rei administratione remoueant. *inscripta*. Vocabantur *inscripti* notati stigmate. Sic Iuvenal. XIV. 24. *inscripta ergastula*.

v. 345. 6. *Seque suo prodat titulo*, ipso stigmate se indicet. scelerati et nebulonis faciem esse. Hoc putat Gesnerus tanto minus probabile esse, quod illo tempore iam din inuenta ars esset stigmata delendi. Laudat notas suas ad Columell. X. 125. et Plin. paneg. XXXV. 3. vbi Schwarz. laudat Martial. VI. 64. 26. X. 56. 6, et qui hanc artem tradidit, Dioscorid. Parabil.

I. 116. et IV. 76. *sed prima potestas Eutropium praefert*. Hoc acerbissime dictum est. *Sed* in tanta hominum perditissimorum et turpissimorum collunie *prima potestas Eutropium praefert*, vtpote nequiores etiam reliquis. Hanc interpretationem et rō *sed* et ipsa ratio singularis, qua sententiam extulit poeta, supeditare videtur. *Hosio*. In cod. 'Theodos.' perhibetur Magister officiorum et Comes sacrarum largitionum. *subnixa*. Hoc neutiquam mutandum est, quamquam Burmannus dicat, nec alteram lectionem *subiectam* sua Venere carere, quasi Eutropius obnoxius esset Hosio, qui secundo ab illo dignitatis gradu esset.

v. 347. *Dulcior hic sane* cet. Quum Hosius coquus fuerit, poeta in describendis huius viri moribus perpetua adulatione ad primam eius conditionem vitur, verbaque, dictiones et imagines e re coquinaria petit. Huc pertinet iam primum epithet. *dulcior*. Pro *sane* habet vetus liber Delrii *facie*, quod mihi arridet, quia *sane* frigidum videtur. *prudensque mouendi iuris*. Am-

Iuris, et admoto qui temperet omnia fumo;
 Feruidus, accensam sed qui bene decoquat iram.
 Confidunt apices gemini ditionis Eoae, 350
 Hic coquus, hic leno, defossi verbere terga,
 Seruitio, non arte, pares. Hic saepius emtus,

biguitatem in voce iuris vnusquisque intelligit, vt apud Cic. in Verrem l. 46. *Hinc illi homines erant, qui etiam ridiculi inueniebantur ex dolore, quorum alii, vt audistis, negabant mirandum esse, ius tam nequam esse Verrinum.* Huic ambiguitati aptum est *mouendi*, quod vel versandi vel turbandi vim habere potest. Altera lectio *nonandi* interpretatio prioris esse videtur.

v. 348. *et admoto qui temperet omnia fumo.* Fumo Heinsius defendit, Burmannus patrocinator alteri lectioni *naso*, quum notet, vt ait, illum ex nidore potuisse de cibi coctione erudite iudicare, et simul odore auri corruptum, vt in Vespasiani historia apud Sueton. 23. Idem sensus eruitur ex *fumo*. Est autem *fumus* h. l. pro nidore positus, et pro: *nasum* ad mouere fumo, ambiguitatis causa posuit *fumum* *admouere* naso. Inde nata est altera lectio ex interpretatione, qua recepta omnis ambiguitas concidat necesse est. Iam vero, *qui temperet omnia* ambigue pro: vel qui coquat et condiat cibos, vel qui administret rempubli-

cam, et quidem *admoto fumo*, ita vt saepe nasi iudicium adhibeat, quandoquidem in *caro nidore*, vt ait Horatius (Sat. ll. 2. 19.) *summa voluptas ponebatur, vel ita vt, quemadmodum aiunt, fumum vendat, omnia omnibus promittat nec fide seruet.*

v. 349. *feruidus*, iracundus, sed etiam hoc a iure feruido sumtum videtur. *decoquat.* H. l. in suam rem Noster vertit formulam Homericam *χόλον καταπέπτειν* (ll. α. 81.) Etymol. in *πέπτει*, ὅθεν τὸ καταπέψη, ἀντὶ τοῦ κατάσχη, καταδαπανήσῃ, ὅ ἐστι καταπραΰνῃ. Est igitur iram continere, domare. v. Koeppen ad Homer. l. c. Iracundus Hosius describitur, sed ita, vt iram facile possit deponere, scilicet quum vidisset, se in virum fortem et strennum incidisse. cf. infra 380sq.

v. 350. *apices* capita, personae primae. Sic Gesnerus.

v. 351. *defossi* *verbere terga* pro: terga defossa verbere, et hoc exprimit, verbera altius descendisse in illorum terga, altaque sui vestigia reliquisse. Gesnerus recepit *defessi*. Ceterum ma-

Alter ad Hispanos nutritus verna penates.

Ergo vbi collecti procures, qui rebus in arctis
Consulerent, tantisque darent solatia morbis: 355

Obliti subito Phrygiae, belloque relicto

Ad solitos coepere iocos, et iurgia Circi

Tendere. Nequidquam magna confligitur ira,

Quis melius vibrata puer vertigine molli (360

Membra rotet? verrat quis marmora crine supino?

Quis magis enodes laterum detorqueat artus?

vult Heinſius *Hinc coquus, hinc leno.*

v. 353. *hic.* Eutropius. cf. XVIII. 32.

v. 354. *rebus in artis* saepe dici, vbi in discrimine res sunt, obseruat Burmann. cf. VIII. 407.

v. 355. *darent solatia*, medicinam adhiberent.

v. 357. *iurgia*, contentiones vehementes de ludicrarum artium artificibus. Bene hoc depingit hominum convocatorum leuitatem, qui, dum de rebus grauissimis agatur, nugas vendant, simulque ostenditur, quam male consultum fuerit rei publicae rerum administratione huiusmodi viris tradita, quorum omnis cogitatio in rebus leuissimis versetur. Ceterum cf. Ammian. Marcellin. l. infra l.

v. 358. *tendere.* Terent. Eunuch. IV. 1. 12. *nequidquam*, quum tota contentione nihil conficiatur. *confligitur*, pugnatur.

v. 359. 60. De saltatoribus sermo est, qui in capita cernuebant, et cybisteres vo-

cabantur. Chrysostomus in orat. de Iudeiis. ὅτον τις νεὸς τοῖς βουλομένοις καταμαλᾷται αὐτόν, καὶ λυγίζειν αὐτοῦ τὰ μέλη παραδούς ἑαυτὸν φιλονεικοῖ πρὸς ἀνρίβειαν τροχοῦ δίκην τὸ σῶμα ἅπαν κάμπτειν, καὶ στρέφασθαι ἐπὶ τοῦ ἰδᾶφους, καὶ τῆς ἄλλης δυνάσεως εἰς τὸ θῆλυ γένος ἐκβῆναι βιάζεται. cf. Homer. Il. σ. 604 sq. *vibrata membra* sunt mota summa celeritate. Huc pertinet etiam *rotet*, quod celerem corporis circumactionem exprimit. Plinius hoc expingitur per: *vertigine molli verrat quis marmora crine supino.* Videtur saltationis genus esse, quo saltatores manibus nitabantur, et ita varios motus flexusque corporis efficiebant, dum crines soluti per pauimentum traherentur idque quasi verrent.

v. 361. *enodes laterum artus.* Artus proprie sunt, quibus membra committuntur; equidem intelligo spinæ dorsī vertebrae, et quidem eas, quae intra costas sunt, quarum ope corporis flexus

Quis voci digitos, oculos quis motibus aptet?

potissimum efficiuntur. Deinde *laterum* saepe mentio fit apud poetas, quando de certo corporis motu, ob sceno imprimis, sermo est. Catull. VI. 13. Ovid. Amor. III. 11. 13. Iuvenal. VI. 36 sq. *enodes* autem artus vocantur propter summam mobilitatem et mollitiem. *detorqueat*, varios flexus efficiat. Gesnerus post Heinsum *arcus* probat, *laterumque arcus* per costas explicat. Verum quis non intelligit, in illis corporis partibus motus molles locum habere non posse. Nititur ille quidem Lucret. IV. 1266. *exoffatum pectus*, verum adiente legenti hunc locum adparebit, ibi de inferiore corporis parte et de laterum motu maximo agi. Ceterum saltandi studio Romae etiam omnes adeo tenebantur, ut, quum in alimentorum inopia et famis timore omnes liberalium artium magistri vrbe pellerentur, *tria millia saltatricum*, ne interpellata quidem, cum choris totidemque remanerent magistris. Ammian. Marcell. XIV. 6.

v. 361. *Quis voci digitos, oculos quis motibus aptet.* Mihi quidem videtur h. l. de pantomimis agi, quorum ratio adhuc a viris doctis non satis explicata est. De eorum saltatione praeter

Lucianum Apuleius egit lib. X. Metam. ubi inter alia Venus in scenam prodit, *Iam tibiae multiforabiles cantus Lydias dulciter consonant.* Quibus spectatorum pectora suaue mulcentibus, longe suavior Venus placide commoueri contantique lente vestigio, et leniter fluctuante spinula, et sensim adnutante capite coepit incedere, mollique tibiarum sono delicatis respondere gestibus, et nunc mita conuidentibus, nunc acro comminantibus gestire pupillis, et nonnumquam saltare solis oculis. Digitorum autem et oculorum motus et significationes ad illud saltandi genus pertinuisse, liquet ex epigr. Graeco. Antholog. Brunk. T. III. p. 104. epigr. V. ed. Jacobs. Μουσῶν δεκάτη, χαρίτων κατὰ μαλλὰ τετάρτη, Τερπώλῃ μερόπων, ἄστρος ἀγλαΐη. Ὁματα σοὶ καὶ τερσὲ πόθηνα καὶ σοφὰ χειρῶν Δάκτυλα καὶ Μουσῶν κρείσσονα καὶ χαρίτων. Saltatores autem carmina saepe saltasse, i. e. carmina, quae canerentur, vario corporis et membrorum motu expressisse, docet eisdem Leontii epigr. in Heliadum saltatricem. Anthol. Brunk. T. III. p. 104. epigr. VIII. ed. Jacobs. Ἐκτορα μὲν τις ἄεισε, νέον μέλος Ἑλλάδι δὲ Ἑσσαμένη χλαῖναν,

Hi tragicos meminere modos; his fabula Tereus,
His nec dum commissa choro cantatur Agave.

Increpat Eutropius: Non haec spectacula tempus
Poscere; nunc alias amorum incumbere curas. (365
Se satis Armenio fessum pro limite cingi,

πρὸς μέλος ἤντλασεν. Ἦν δὲ
πόθος καὶ δεῖμα παρ' ὀρχηθῶσι-
σιν Εὐτροῦς. Ἀρσενί γὰρ ῥώμῃ
Θῆλυν εὖειξε χάριν. Sua car-
mina saepe in theatris sal-
tata esse, dicit quoque Ovid.
Trist. V. 7. 25 et II. 519.
voci digitos aptet i. e. ad
vocem aut ad carmen, quod
caneretur, digitorum motus
adcommodaret. Quae se-
quuntur eadem ratione ex-
plicanda sunt.

v. 363. *Hi*. sc. illorum in bel-
li consilium convocatorum.
tragicos modos, rhythmos,
numeros tragicos. Gesnerus
apte laudat Virgil. Eclog. IX.
45. *numeros memini, si ver-
ba tenerem*. his pro: ab his.
Tereus. XVIII. 293.

v. 364. *Agave* Cadmi et
Harmoniae filia, quae Bac-
chi sacra celebrans et in furo-
rem acta Penthea filium la-
ceravit. Fabulam narrat
Ovid. Met. III. 501 sqq. Ex-
stat incerti auctoris epigr. in
pantomimum, qui Agavem
saltauerat Anthol. Brunk.
T. III. p. 225. ep. CCCLIII.
ed. Jacobs. *necdum commissa
choro*, nondum in scenam
producta, recens adhuc et in
prinato auditorio recitata seu
cantata. Gesnerus subaudit:
histrionum. Etiam in panto-

mimiciis saltationibus aderat
chorus, qui carmen saltan-
dum canebat, quod in scena
pantomimi, qui saepe, etiam
apud veteres, histriones vo-
cantur, membrorum motu
exprimebant. *Choro com-
mittere* idem est, quod in
scenam producere. Antequam
hoc fieret, recitare solebant
scriptores fabulae, amicis et
mularum fautoribus. Iuve-
nal. VII. 87.

v. 365 sq. Eutropius non
ipse quidem ab his rebus
ludicris auersus sed rerum
necessitate urgente et peri-
culo, quod ipsi imminebat,
sobrius factus, incusat vi-
rorum levitatem atque id
agere eos iubet, quod sit
propositurus. *Non haec spe-
tacula cet.* Virgilium a
Nostro expressum esse, ob-
servat Burmann. Aen. VI. 37.
H. l. autem sunt spectacula
omnia ea, quae in circo et
theatro spectabantur, et de
quibus hi viri gravissimi, si
diis placet, inter se sermo-
cinabantur.

v. 366. *armorum*. per hoc
alias explicatur.

v. 367. *fessum* sc. aetate.
Hoc liquet ex v. 369. *igno-
scant senio*. Verba sic or-
dino: *satis* sc. esse, *se fef-*

Nec tantis vnum subsistere posse periclis.
 Ignoscant senio: iuuenes ad proelia mittant. —
 Qualis pauperibus nutrix inuisa puellis 370
 Assidet, et tela communem quaerere victum
 Rauca monet. Festis illae lulisse diebus
 Orant, et positis aequaeuas visere penlis,
 Irataeque operi iam lasso pollice fila
 Turbant, et teneros detergunt stamine fletus. 375
 Emicat extemplo, cunctis trepidantibus, audax
 Crassa mole Leo, quem vix Cyclopia solum

sum aetate cingi pro limite Armenio. Cingi, in armis esse. Gesnerus explicat: excubare pro finibus imperii ad Orientem, vbi Armenii male parentes. Tunc autem Eutropio vltius cum exercitu proficiscendum fuisset, quam quo vellet iuniores duces (*iuuenes*) mittere. Adparet autem, eunuchum aetatis excusatione se belli periculis subtrahere velle. For-
san cingi positum est pro: cinctum fuisse, vt sensus sit: satis esse, se senem in armis fuisse contra Armenios cf. supra XVIII. 254 sqq. Aut, si hoc admitti non potest, locus ita intelligatur: satis esse, si senex ipse cinctus i. e. paratus sit ad proficiscendum, si quid ab Armeniis moueatur.

v. 368. *subsistere* venatus verbum esse, Gesnerus docet, quum stans venator inruentem in se feram excipit.

v. 370 sqq. Eunuchus senex comparatur cum vetula, quae, vt ille duces iuniores

ad bella adhortatur, qui ludicris rebus operam dare malint, puellas labore inuiso semper detinet. *nutrix*, quae curam agit puellarum, iisque pensa distribuit, vt isto labore vitae necessitates sibi parent. *inuisa*, morosa enim est et difficilis semperque opus vrget.

v. 371. 5. *tela*, texendo. *rauca*, et aetate et adludis clamoribus. *positis*, depositis. *stamine*, tela ipsa.

v. 376. *Emicat*. Nec moribus Leonis, qui in sequentibus describuntur, nec corpori eius obeso (infra v. 388.) accommodate. *trepidantibus*, dubitantibus, bellum timentibus.

v. 377. *Crassa mole Leo*. Suidas in voce Λέων. Λέων στρατηγὸς ἐπέμψθη παρὰ Εὐτροπίου τοῦ εὐνούχου κατὰ τῶν βαρβάρων. εὐκόλος ὢν καὶ διὰ μελέτην μέθης εὐπαραγωγός· ἦν γὰρ αὐτῷ τὸ ἀνδρεῖον ἐπὶ τοῦτο συνηναγκαμένον, πλείους ἔχσιν παλλακίδας τῶν στρατιωτῶν, καὶ

Aequatura fames, quem non ieiuna Celaeno
 Vinceret. Hinc nomen fertur meruisse Leonis.
 Acer in absentes, linguae iactator, abundans 380
 Corporis, exiguusque animi, doctissimus artis
 Quondam lanificae, moderator pectinis vnci.
 Non alius lanam purgatis sordibus aequae
 Praebuerit calathis; similis nec pinguia quisquam
 Vellera per tenues ferri producere rimas. 385
 Tunc Ajax erat Eutropii, lateque fremebat,

πλεσιονα πινειν, ἢ ὅσα πάντας
 οἱ ἄνθρωποι πίνουσιν. Bar-
 thius putat, ex Eunapio haec
 descripta esse. cf. Zolm. V.
 14 seqq. *Cyclopea fames.*
 Cyclops Polyphemus ex Ho-
 mero et Virgilio satis notus.

v. 378. *ieiuna Celaeno.*
 Harpyiarum vna, quam de-
 scripuit Virgil. Aen. III. 210
 seqq. vbi v. Heyne.

v. 379. *meruisse*, accepisse.

v. 380. *Acer in absentes.*
 Burmannus ait, haec expli-
 cari posse ex illis, quae dixe-
 rit ad Valer. Flacc. III. 589.
 Verum caue explicationem
 huius loci illis adcommo-
 des. Noster Leo in absentes
 tantum est acer; illae ferae
 bestiae iam spe deuorant
 praedam. *linguaeque iacta-
 tor.* Burmannus recte: op-
 ponitur hastae vel iaculo,
 quae iactare non tam perite
 poterat ac linguam.

v. 382. *moderator pectinis
 vnci.* Carminis forte descri-
 ptio, quo tracta lana expli-
 catur et a sordibus purgatur,
 vt apud Iuvenal. VII. 224.

v. 384. *calathis*, quasillis,
 corbibus, in quibus pensa
 sua reponunt inter opus lani-
 ficae. *pinguia*, quia pingui
 vel animali vel oliuo lanae
 molliuntur.

v. 385. *per tenues ferri
 rimas.* Gesnerus: descriptio
 pectinis compositi ex bacil-
 lis ferri acutis et politis,
 quorum ope lanae vel lina
 discriminantur et diriguntur
 ad lineas, quantum potest,
 rectas et parallelas, quo fa-
 cilis deinde in fila torqueri
 possint.

v. 386. *Ajax.* Quum Tro-
 iani Graecorum castra op-
 pugnarent, Teucer sagittan-
 di arte peritissimus, sagittis
 missis multos Troianos in-
 terfecit Aiace clipeo tectus
 Homer. II. 9. 266 sqq. Eunu-
 cho autem arcum et phare-
 tram tribuit Noster XVIII.
 239 sqq. bene igitur illum
 cum Teucro, Leonem cum
 Aiace comparat, quum hoc
 saltem cum Aiace commune
 haberet, vt magnifice sem-
 per loqueretur.

Non septem vasto quatiens vmbone iuuenços;
 Sed, quam perpetuis dapibus pigroque sedili
 Inter anus interque colos onerauerat, aluum.
 Adfurgit tandem, vocemque expromit anhelam: 390
 Quis nouus hic torpor, socii? Quonam vsque sedemus
 Femineis clausi thalamis, patimurque periculum
 Gliscere desidia? Grauiorum turba malorum
 Texitur, ignauis trahimus dum tempora votis.
 Me petit hic sudor. Nunquam mea dextera segnis 395
 Ad ferrum. Faueat tantum Tritonia coeptis,

v. 387. *Non septem cet.* Homer. Il. η. 219 sqq. *Αἶας δ' ἐγγύθεν ἦλθε Φέρων σάκος ἡὔτε πύργον, χάλκεον, ἐπταβόειον, ὃ οἱ Τυχλος κάμε τεύχων, Σκυτοτόμων ὃχ' ἄριστος, Ἰλῆ ἐνὶ οἰκίᾳ ναίων· Ὅς οἱ ἐποίησεν σάκος αἰέλον, ἐπταβόειον, Ταύρων ζατρεφάων, ἐπὶ δ' ὄγδοον ἤλασε χαλκόν.*

v. 388. 9. Leoni pro scuto erat pinguis aqualiculus. pigroque sedili pro: pigre sedendo, vt lanificii ratio postulabat. onerauerat cum delectu, pro: sibi pinguem fecerat.

v. 390. *Adfurgit tandem.* Illud *tandem* ad obesum spectat, cui labor est adfurgere, et qui incassum diu id conatus est. *anhelam*, vt solet vox esse corporis obesi.

v. 391. Animaduertendum est, poetam istum Leonem ita loquentem inducere, vt verbis, formulis et tropis, ex arte ipsius petitis, vtatur. *nouus torpor.* respicit prius v. 376. *cunctis trepidantibus.*

v. 392. *Femineis clausi thalamis* pro: domi. Sed

femineos thalamos dixit, quia diu in illis versatus est.

v. 393. *Gliscere.* Ex opere hoc esse, Barthius docere vult. Dicit, lanam gliscere, augeri, produci, quum carminetur.

v. 394. *Texitur.* Gesnerus laudat Cic. de Orat. III. 6c. *Ea tela texitur, et ea incitatur in ciuitate viuendi ratio. trahimus.* hoc quoque ex arte textoria. *trahere pensa* saepe occurrit apud Ovid. Heroid. III. 75. X. 90 cet. h. l. prolatamus, differimus. Sallust. Iugurth. 27. ibi v. Corte. *ignauis votis*, vota tantum pro reipublicae salute facientes vt ignaui, non bellum strenue capessentes.

v. 395. *sudor* pro labore saepius occurrit. Drakenbr. ad Sil. Italic. IV. 435. h. l. tropus obeso aptissimus. Heinsius mauult *petat*, vulgatum tamen praefero.

v. 396. *Ad ferrum* sc. capiendum. *Tritonia* non bellica tantum dea, sed etiam lanificii inuentrix.

Inceptum peragetur opus. Iam cuncta furore
 Qui grauat, efficiam leuiorem pondere lanae
 Targibilum tumidum, desertoresque Gruthungos
 Vt miseras populabor oues, et pace relata 400
 Pristina restituum Phrygias ad stamina matres.

His dictis iterum sedit. Fit plausus, et ingens
 Consilii clamor. Qualis resonantibus olim
 Exoritur caueis, quoties crinitus ephebus
 Aut rigidam Nioben, aut flentem Troada, fingit. 405

v. 397. *Inceptum opus* ad
 textrinam quoque transferri
 potest. *incepta fila* Ovid.
 Met. VI. 34.

v. 398. *cuncta* Qui grauat,
 i. e. omnibus negotia facel-
 sit, omnes vexat. *efficiam*
leuiorem. Respexit enim
 Noster prius *grauat. pon-*
dere lanae rursus compara-
 tio ex arte lanifica. For-
 san et *grauare* peculiarem vim
 in illa arte habuit, quae
 nunc omnes, me quidem,
 fugit.

v. 400. *populabor oues.*
 Burmannus existimat, No-
 strum hic ad Aiace[m] furio-
 sum adludere, qui in oues
 saeuiebat. Immo adludit ad
 tondentem oues, aut ad la-
 nam coëmentem, qui oues
 tondendas curat.

v. 401. *ad stamina* i. e. la-
 ribus suis restituum, domos
 suas deducam. Sed etiam in
 hoc pristinae artis memor est.

v. 402. *iterum sedit*, et
 hoc suam vim habet. Lassus
 enim erat stando.

v. 403. *olim*, de aliquo
 tempore omnino.

v. 404. *caueis*, sedibus

spectatorum in theatro. *cri-*
nitus ephebus. Criniti voca-
 bantur, qui comam alebant,
 id quod puerorum erat Mar-
 tial. XII. 49. v. ad Pers. I. 29.
 et citharoedorum Virgil. Aen.
 I. 740. et mollium iuuenum
 et histrionum, qui femina-
 rum partes agebant.

v. 405. *Nioben*, quae fi-
 liis et filiabus ab Apolline
 et Diana occisis in rupem
 mutata est. Fabulam narrat
 Ovid. Met. VI. 165 sqq. cf.
 Quint. Calab. I. 292 sq. et
 Callimach. H. in Apollin.
 22 sqq. Inde *rigidam* potest
 explicari. *Troada*, Hecu-
 bam fortasse, quam etiam
Troada vocat Ovid. Met.
 XIII. 566. Burmanno in-
 mentem venit, posse Nostrom
 respicere et Virgil. Aen. V.
 613. Elegans exstat epigr.
 Graec. in ineptum pantomi-
 mum, qui Daphnen et Nio-
 ben saltauerat. Anthol. Gr.
 Brunk. T. II. p. 419. ep. LVII.
 ed. Iacobs. Δάφνην καὶ Νιό-
 βην ὠρχήσατο Μένειος ὁ σι-
 μός, Ὡς ἑύλινος Δάφνην, ὡς
 Αἰθίνος Νιόβην. Ceterum He-
 cubam etiam statuarii sem-

Protinus excitis iter irremeabile signis
 Arripit, infausloque iubet bubone moueri
 Agmina, Mygdonias mox impletura volucres.
 Pulcher et urbanae cupiens exercitus umbrae,
 Assiduus ludis, auidus splendere lauacris, 410
 Nec soles imbresue pati, multumque priori
 Dispar, sub clipeo Thracum qui ferre pruinas,
 Dum Stilicho regeret, nudoque hiemare sub axe
 Sueuerat, et duris haurire bipennibus Hebrum.

per suas vices flentem fingebant v. in Expositione signorum in publico Zenxippi gymnasio Anthol. Brunk. T. III. p. 462, ubi a v. 175. statua eius pulcherrime describitur. *fingit*, agit. De pantomimo optime accipitur.

v. 406. *signis*, militibus, exercitu; nam milites proprie *excitantur*. sc. contra hostes siue in pugnam. *irremeabile*, vnde non erant redituri. Sic apte *irremobilis error* Labyrinthus vocatur Virgil. Aen. V. 591.

v. 407. *Arripit iter*. De hac similibusque dictionibus aliis vide, quos laudat Rupertus ad Sil. Italic. I. 470. *infauslo bubone* pro vulgari: malo omine. conf. supra v. 229 sq.

v. 408. *Mygdonias*. XVII. 300. *volucres*, vultures.

v. 409. *Pulcher*, comtus, nitidus. *umbrae urbanae*, porticus et basilicae intelliguntur. v. Burmann. ad Ovid. A. A. I. 67. Potest autem omnino vitae urbanae molities intelligi, quae h. l.

opponitur pulueri, soli, aciei. Hoc saltem aptius videtur sequentibus. cf. Sil. Italic. XIV. 136 sqq.

v. 410. *splendere*. Lauacra enim spectant ad cutis curationem, erantque cum unctione coniuncta. *assiduus*. Burmann. ad Ovid. Fast. I. 442.

v. 412. *sub clipeo*, tecti clipeo. Homer. Odyss. ξ. 478 seq. "Εὐθ' ἄλλοι πάντες χλαίνας ἔχον ἡδὲ χιτῶνας, Εὐδὸν δ' εὐκῆλοι, σάκεσιν δαλυμένοι ὤμους.

v. 413. *Dum Stilicho regeret*. Respicit tempora ante obitum Theodosii M., quo Stilicho utrique exercitui et Occidentis et Orientis praefectus erat. *axe*, coelo. Virgil. Aen. II. 512.

v. 414. *haurire bipennibus Hebrum*. Vt dicitur *haurire latus ense* pro: haurire sanguinem latere ense aperto, sic hoc positum est pro: haurire aquam ex Hebro glacie bipennibus rupta. Potest autem et sic exponi: frustra glaciei ex Hebro congelato petebant, quae deinde in

Cum duce mutatae vires. Byzantia robur 415
 Fregit luxuries, Ancyranique triumphi.
 Non peditem praecedit eques, non commoda castris
 Eligitur regio. Vicibus custodia nullis
 Aduigilat vallo. Non explorantur eundae
 Vitandaeque viae. Nullo se cornua flectunt 420
 Ordine. Confusi passim per opaca vagantur
 Lustra, per ignotas angusto tramite valles.
 Sic vacui rectoris equi, sic orba magistro
 Fertur in abruptum casu, non fidere, puppis.
 Sic ruit in rupes amisso pisce sodali 425

aquam soluta bibebant. Ovid. Trist. III. 10. 23 sqq. v. supra III. 312.

v. 415. *Ancyranique triumphi* v. supra ad v. 97 sq.

v. 418. *vicibus custodia nullis* i. e. nulli custodes per vices. cf. Sil. Italic. VII. 154 sqq. v. ibi Ruperti.

v. 420. *nullo se cornua flectunt Ordine* v. ad VIII. 326. De acie intelligendum, quae profectura in agmen se explicat.

v. 421. 2. *opaca lustra*, per siluas. Burmann. laudat Stat. Theb. IV. 423. *per ignotas valles*. Intelliguntur *Hohlwege, Bergschluchten*.

v. 423. *equi, currus*. Barthius vocem proprie sumsisse videtur. *magistro*. duo Mss. *magistri*, quod Heinf. et Burmann. probant laudant. Ovid. Met. XIV. 189. Stat. Theb. IX. 673. Manil. IV. 840.

v. 424. *Fertur in abruptum casu*. cet. *Ferri in abruptum* dici potest currus, qui praiceps datur per ab-

ruptum, et nauis, quae submergitur. *casu non fidere*. Duplicem rerum ordinem poeta videtur constituisse, alterum earum, quae humano quidem consilio regerentur, quibus tamen occulta quaedam vis se interponeret, vt alia acciderent, quam quae exspectari potuissent; alterum earum, quae nullo consilio gubernarentur, et in quas coecus aliquis casus vim suam exfere-ret. Illa fato tribuit, necessitati nulla ratione evitandae, haec casui, qui in eas res imperium exercet, quae eius arbitrio relinquuntur. *non fidere* interpretor itaque: non fato, quia fata rerum sideribus indicari putabantur.

v. 425. Comparatur exercitus cum balaena, quae ducem suum, masculum, amisit, atque propterea in brevia et cautes aberrat. Rem narrat Plutarch. de solert. animal. cap. 31. T. XIII.

Bellua, sulcandas qui praeuius edocet vndas,
 Immensumque pecus paruae moderamine caudae
 Temperat, et tanto coniungit foedera monstro.
 Illa natat rationis inops, et caeca profundi
 Iam breuibus deprensa vadis, ignara reuerti 430
 Palpitat, et vanos scopulis illidit hiatus.

Targibilus simulare fugam, flatusque Leonis
 Spe nutrire leues, improuisusque repente,
 Dum grauibz marcent epulis, hostique catenas
 Inter vina crepant, largo sopita Lyaeo 435
 Castra subit. Pereunt alii, dum membra cubili

p. 193. ed. Hutt. Oppian. Halieut. V. 71 sqq. Aelian. H. A. II. 13. Plin. H. N. IX. sect. 88. *pisce sodali* masculino, qui Graecis ἡγεμῶν dicitur.

v. 426. *bellua*, balaena. *sulcandas vndas* sc. a bellua, ne in cautes et breuia impingat.

v. 427. *Immensumque pecus paruae moderamine c.* ἐπεταὶ γὰρ αὐτῷ (ἡγεμόνι) τὸ κῆτος, ὥςπερ οἶασι ναῦς, παραγόμενον εὐπειθῶς. Plutarch. l. c.

v. 429. *rationis inops* i. e. moderatore amisso, quo se vertat nesciens. Idem fere indicat *coeca profundi*, quae ipsa videre nescit, vbi mare profundum sit, et vbi tuta possit nare.

v. 430. *Deprensa*. *Deprehendi* verbum est proprium in re nautica. v. Bentley. ad Horat. Od. I. 14. 10. Catull. XXVI. 13. Item *prehendi* Horat. Od. II. 16. 2. Verum

per se *deprensa* non notat: subito aquis destituta, vt Burmannus existimat, sed coniunctim cum *breuibus vadis*.

v. 431. *vanos*, recte, non *vacuos*, pro quo Heins. et Burmann. laudant Ovid. Met. VII. 786. Valer. Flacc. III. 591. Stat. Theb. II. 680. In vadis deprehensam se sentiens bellua nequidquam in cautes et scopulos saeuit.

v. 432. 3. *flatus leues* sunt flatus seu tumor inanis, iactationes hominis leuis v. Drakenbr. ad Sil. Italic. XVII. 119 sq. Heins. ad Ovid. A. A. I. 715. Burmann. ad Valer. Flacc. III. 631.

v. 434. 5. *marcent*, languent. *grauibus*, quae gravant homines, ad motum ineptos reddunt. *crepant*, cum strepitu et clamore denunciant. Semper fere *crepare* de stolidi loquacitate adhibetur. Horat. Sat. II. 3. 33.

Tarda leuant; alii leto iunxere soporem;
 Alt alios vicina palus sine more ruentes
 Excipit, et cumulis immanibus aggerat vndas.
 Ipse Leo dama ceruoque fugacior ibat 440
 Sudanti tremebundus equo; qui pondere postquam
 Decidit implicitus limo, cunctantia pronus
 Per vada reptabat coeno subnixa tenaci.
 Mergitur, et pingui suspirat corpore moles,
 More suis, dapibus quae iam deuota futuris 445
 Turpe gemit, quoties Hostius mucrone corusco
 Armatur, cingitque sinus, secumque volutat,
 Quas figat verubus partes, quae frustra calenti
 Mandet aquae, quantoque cutem distendat echino.

v. 437. 9. *alii leto iunxere soporem.* v. Burmann. ad Petron. 89. *sine more*, sine modo ac lege, ἀνόμως, ἀπρὸς πῶς, fuga effusa. Burmann. ad Ovid. A. A. I. 119. Drakenbr. ad Sil. Italic. XII. 449. *cumulis*, corporum aliorum super alia ruentium. *aggerat vndas*, dum vnda, corporibus plena, in altum crescit.

v. 441. *pondere*, fessoris sui obeli.

v. 442. *implicitus limo.* Hoc quoque ad equum traho, qui fessus onere et cursu, quum pedes tenaci limo impedirentur, caderet. *pronus* traho ad Leonem equo excussum. *cunctantia* vel pro: stagnantia, vel pro: remorantia. Stat. Theb. VII. 1. XI. 268.

v. 443. 4. *subnixa* pertinet ad vada. *Vada subnixa* coeno est aqua, quae coeno subnititur, fundum habet

coenosum. Burmannus cum Scaligero post *reptabat* ponit (.), *subnixa* quo cum moles iungens, aliter sensum se videre posse negat. *Mergitur*, manus pedesque (reptabat enim) altius in coenum penetrabant. *moles pingui corpore*, moles obesa, Leo.

v. 446. *turpe*, ad sonum suis ingratum pertinet. Hostius v. 345 sqq.

v. 447. *sinus*, vestem. pro: accingit se operi.

v. 449. *quantoque cutem distendat echino.* Barthius echino pro quocumque farciminum genere sumit, auctoritate Onomastici veteris, ubi omasum ἐχίνος. Delrius onis echinorum cutem seu suam fartam intelligit. Gesnerus interpretatur: quam partem et quantam porci iamiam mactandi traiecta surculis herbarum (salviae, maioranae, aut spicis allii,

Flagrat opus, crebro pulsatus perstrepat ictu. 450
Contextit varius penetrans Chalcedona nidor.

alpiciue) et distenta cuti
formet in echinum. Videtur
itaque *quantoque echino* pro
datinis accepisse. Burman-
nus fluctuat, lectoresque ad
notas suas in Petron. 49. re-
mittit, unde tamen nihil,
quod quidem cum aliqua pro-
babilitatis specie dici queat,
peti potest. Ex ipsis verbis
hic sensus eruitur: *quanto
echino* (quid hoc sit, non li-
quet, nisi cum Barthio far-
cimentum cogites) *cutem*
sui detractam distendat, ut
rursum speciem suis referat
hoc farcimen. Hac autem
comparatione usus esse vide-
tur poeta, non solum ad
Leonem et Hosium deriden-
dos, verum etiam ad gulam
aulae Orientalis quasi in
transitu carpendam. Huius
autem rei studio eo usque
progressus est, ut quivis
lector, qui pulchri et deco-
ris sensu omnino destitutus
non est, exclamaturus sit:
ohe iam satis! Verum enim
vero pergit, eaque addit,
quae, ut ad luxuriam aulae
Constantinopolitanae perti-
neant, tamen non solum
comparationem onerant, ve-
rum etiam omnino aliena
videntur esse. Equidem sic
Statius, quamquam Claudia-
nus luxuriantis ingenii spe-
cimina quantis pagina edat,
tamen iniuriam iudicio eius
fieri, quo in quantalibet sen-

tentiarum et variationum
copia, nauseam enitare fere
semper solet, si contendas,
vers. 450. i. non tantum a
Claudio esse profectos, sed
etiam h. l. collocatos. Ex
Claudiani carminibus tem-
pus edax rerum multis non
pepercit. In his loca pot-
erant occurrere, in quibus
epularum adliduarum, qui-
bus Arcadius cum suis indul-
geret, mentio fieret. Quum-
que h. l. Noster luxuriam il-
lorum oblique tangeret, hos
duo versus comparandi gra-
tia nescio quis margini co-
dicis forsan adleuit ex car-
mine aliquo nunc deperdito,
aliusque in textum eos in-
trusit. Acutiores autem, ubi
viderunt, male illos cum an-
tecedentibus cohaerere, tan-
tum absuit, ut illos extru-
sos margini, unde venis-
sent, restituerent, ut omni
ratione tentarent addendis
demendisue, tolerabilius sal-
tem cum prioribus coniu-
gere. Inde quoque nata mihi
videtur lectionis varietas,
quam nunc in Mss. depre-
hendimus.

v. 450. i. Rationes inter-
pretum, quae quidem mihi
potiores videntur, proferam.
Heinsius *pulsatus* pro pulsu
atque substantivum positum pu-
tat. Gesnerus recte opponit,
sic *pulsus* ab *ictu* non posse
distingui, neque posse *ictus*

Ecce levis frondes a tergo concutit aura.
 Credit tela Leo. Valuit pro vulnere terror,
 Impleuitque vicem iaculi, vitamque nocentem
 Integer, et sola formidine saucius, efflat. 455

Quis tibi tractandos pro pectine, degener, enses,
 Quis folio campum praeponere suasit auito?
 Quam bene texentum laudabas carmina tutus,
 Et matutinis pellebas frigora mensis!

pulsu neque pulsus ictu per-
strepere. Barth. coni. *crebro*
pulsu cor perstrepat ictu.
 Gronov. Observ. III. 21. le-
 git *crebro pulsotum perstre-*
pat ictu *Conuexum varius*
penetrat Chalcedona nitor.
 Burmannus satius putat, a
 loco desperato abstinere.
 Vitium, credit, haerere in
pulsatus, vocemque deside-
 rari, quae coquos aut mini-
 stros notet, quorum ictu
 perstrepat Constantinopolis.
 Coniicit nihilominus tamen
crebro iugulatum perstrepat
ictu Bosphorus et validus
penetrat Chalcedona nitor.
 Sed quaeso vos, viri doctis-
 simi! quando Hosius suem
 mactat Constantinopoli, tan-
 tusne fit ibi strepitus, ut
 conuexum aut Bosphorus ictu
 perstrepat, utque nitor e
 caminis in eadem vrbe sur-
 gens Chalcedonem penetret?

v. 452. *levis aura*, ut Lu-
 can. VIII. 789. Nostrates ein
leichtes Lüftgen.

v. 454. s. Leo solo terrore
 exanimatur.

v. 456. *degener* sc. a mo-
 ribus auitis. Maiores enim

eius lanificium tractasse in-
 dicat versu sequenti *folio*
auito, quo maiores sederant
 telis texendis operam dan-
 tes. *Pecten* opponitur armis
 in carmine Verba Achill. in
 Parthenop. inscripto v. 27.
 Poet. lat. min. T. IV. P. II.
campum castra. Barth. Ad-
 vers. X. 16.

v. 458. *carmina*, possunt
 esse cantus, quibus uti so-
 lebant texentes. Ovid. Trist.
 IV. 1. 13 sq. Hoc autem non
 satis convenire videtur. *Car-*
mina etiam pro carminatio-
 nibus sumi posse, ait Bur-
 mannus, verum hoc multo
 minus placet, nec sensum
 praebet commodum. Idem
 coniicit *laudabat stamina.*
 v. eum ad Ovid. Met. XI.
 169. Trist. V. 3. 26.

v. 459. *mensis*, non ien-
 tando sed coenae instar men-
 sae adcumbendo, largo cibo
 et potu matutinum frigus
 pellebas. Hoc crassae moli
 Leonis accommodatius esse,
 quam ex Rubenii coniectura
 cum Heinio *pensis* legere,
 ait Burmannus. hoc autem
 esset: texendo, motu.

Hic miserande iaces; hic, dum tua vellera vitas, 460
Tandem fila tibi neuerunt vltima Parcae.

Iam vaga pallentem densis terroribus aulam
Fama quatit: stratas acies, deleta canebat
Agmina, Mygdonios foedari caedibus agros,
Pamphylos Pisidasque rapi. Metuendus ab omni 465
Targibilus regione tonat. Modo tendere cursum
In Galatas, modo Bithynis incumbere fertur.
Sunt qui per Cilicas rupto descendere Tauro,
Sunt qui, correptis ratibus, terraque marique
Aduentare ferant. Geminantur vera pauoris 470
Ingenio. Longe spectari e puppibus vrbes

v. 460. *Hic miserande iaces.* Ex Virgilio hoc esse putat Gesner. Aen. X. 325. cf. Ruperti ad Sil. Ital. II. 574. *dum tua vellera vitas,* dum discedis a lanificio, artem tuam pristinam relinquis.

v. 462 sq. Nuncio de clade illa Constantinopolim perlato, simulque Saporem Persarum regem a suis esse interfectum, tum vero omnes intelligunt, magnum facinus admissum esse in euncho consule constituendo. *densis terroribus,* nunciis alio alium proxime sequentibus diraque et terrorem incutientia nunciantibus. *quatit.* Sil. Italic. IV. 7. cf. Valer. Flacc. I. 743. II. 122. V. 273. *canebat.* Sil. Ital. IV. 5. Lucan. II. 672. num propter tubam, quacum pingitur, ut Gesnerus putat, dubito.

v. 464. *Mygdonios,* quod probatum ab Heinsio et Burmanno recepti pro *Maeonios*

v. princip. h. carm. et v. 408. Illud etiam praestare videtur, quia Pamphylicae et Pisidiae mentio fit.

v. 465. 7. *rapi.* VII. 201. infra 567 sq. *tonat* VIII. 312. Ruperti ad Sil. Italic. I. 436. et XI. 233. *incumbere* proprie de tempestate et ventis dicitur. Virgil. Georg. II. 311. III. 197. Aen. I. 84. XII. 367. cf. Valer. Flacc. I. 682 sqq. h. l. ad hostem translatum, qui omnia igni ferroque vastat.

v. 468. *per Cilicas,* per Ciliciam. *rupto Tauro.* VIII. 637. *per pylas* notissimas Curt. III. 4. 2.

v. 470. *geminantur,* augentur. cf. Drakenbr. ad Sil. Italic. VI. 557. Burmann. ad Valer. Flacc. II. 166.

v. 471. *Ingenio,* natura solerti in rebus augendis. cf. Stat. Theb. VII. 108 seqq. *e puppibus.* Heins. coni. *e rupibus* laudans Stat. Theb. IV. 29 sqq. Silv. V. 2. 6. et

Accensas, lucere fretum, ventoque citatas
Omnibus in pelago velis haerere fauillas.

Hos inter strepitus funestior aduolat alter
Nuntius: armatam rursus Babylona minari 475
Rege nouo; resides Parthos, ignaua perosos
Otia, Romanae iam finem quaerere paci.
Rarus apud Medos regum cruor, vnaque cuncto
Poena manet generi, quamuis crudelibus aequae
Paretur dominis. Sed quid non audeat annus 480
Eutropii? Socium nobis fidumque Saporem

Nostr. XIX. 6; sq. Vulgatum
tuentur sequentia. Burmann.
laudat Ovid. Heroid. X. 133.

v. 475. *Babylona*. Imperium Persicum intelligit ab Artaxerxe saeculo tertio Parthis ereptum. Quae autem hic Claudianus de interfecto Sapore, rege Persarum, memorat, iis fides utique habenda esse videtur, quamquam eius caedis apud reliquos scriptores nulla fiat mentio. Heinsius obseruat, Saporis nomen pluribus Persarum regibus commune fuisse, ut Caesaris Imperatoribus Romanis. Gesnerus laudat Orosium VII. 34. *Ictumque tum* (cum Theodosio M.) *foedus est, quo vniversus Oriens usque ad nunc tranquillissime fruitur*. Eaque narratio perducta est ad Stilichonis imperium. Sed Orosius non agit de intestina Persarum quiete, hoc solum dicit, Persas Orientem bello non perturbasse. Et de minis, non de bello indicto vel illato loquitur Claudianus.

v. 476. *rege nouo*. Saporem, vetere rege, occiso. *resides*, explicatur per sequentia.

v. 478. 9. *Rarus apud Medos* cet. Parricidium regium apud Persas raro committitur. Persas reges suos ut deos coluisse auctor est Curtius VIII. 5. 11. v. ibi Freinsheim. *vnaque cuncto Poena manet generi*. Gesnerus hoc ita explicat: propter poenam non parricidae modo sed toti generi eius imminentem. Laudat Ammian. Marcellin. XXIII. 6. p. 301. ed. Ernest *cuncto generi* defendit Heins. Virgil Aen. XI. 871. Nostr. XXVI. 499. et aliis locis. Equidem existimo, *vnaque cuncto* adiecta esse, non ut causa, cur rarum regis parricidium sit apud Persas, verum ad indicandum, quanta sit regum cura apud illum populum, qui tam atroci poena regum saluti cauerit.

v. 480. *Sed quid non audeat* cet. Annus, qui consulem eunuchum habebat,

Perculit, et Persas in regia vulnera mouit;
 Rupturasque fidem, leto pars ne qua vacaret,
 Eumenidum taedas trans flumina Tigridis egit.
 Tum vero cecidere animi, tantisque procellis 485
 Deficiunt, septi latrantibus vndique bellis.
 Infensos tandem Superos, et Consulis omen
 Agnouere sui. Nec iam reuocabile damnum
 Euentu rerum stolidi didicere magistro.

Namque ferunt geminos vno de semine fratres 490

infaustissimus debebat esse. Quaecunque aduersa in eo acciderant, eidem adsignantur, ut solent poetae omnia, quae fiant, temporibus, quibus fiant, tribuere.

v. 482. *Percutit*. Illustrat hoc verbum Corte ad Sallust. lug. 42. deiecit, adflixit. *in regia vulnera*, ad regem occidendum.

v. 483. 4. *Rupturasque fidem taedas* i. e. taedas accensuras Persarum animos, ut acti in fraudem foedus cum Romanis ictum rumpant. *Trans flumina Tigridis*. Forfan Susa tunc sedes imperii.

v. 485. *tantisque procellis*, casus tertius. *et deficere* oppositum mihi esse videtur illud *respondere* apud Horat. Sat. II. 7. 85.

v. 486. *septi latrantibus vndique bellis*. Imaginem petitam esse putat Barthius a Scylla Virgil. Aen. III. 431 sqq. Verum quidni a fera vndique latrantibus canibus cincta?

v. 489. *stolido magistro* defendi quodammodo potest. Stolidus enim magister is est, qui non tum monet, quando res adhuc est integra, sed semper seram poenitentiam excitat. cf. Burmann. ad Ovid. Heroid. II. 86.

v. 490 seqq. Fabulam de Prometheo atque Epimetheo ita variauit Noster, ut prudentes ab illo, stolidos ab hoc fictos esse diceret. cf. Hesiod. Theog. 510 seqq. Ovid. Met. I. 82 sqq. Meo quidem sensu nihil importunius frigidiusque potest excogitari, quam hi versus a 490 - 500, quamquam per se satis boni sint, huc inserti; ita ut non possim mihi temperare quin putem, illos ex alio forsan carmine petitos, et explicandi causa adscriptos et deinde intrusos esse. Quis quaeso, deesse aliquid, sentiet, qui, omisis illis versibus legerit: *Euentu rerum stolido didicere Magistro, Et feri transacta gemunt?*

Iapetionidas generis primordia nostri
 Dissimili finxisse manu. Quoscunque Prometheus
 Excoluit, multumque innexuit aethera limo,
 Hi longe ventura notant, dubiisque parati
 Casibus occurrunt fabro meliore politi. 495
 Deteriore luto paruos quos condidit auctor,
 Quem merito Graii perhibent Epimethea vates,
 Et nihil aetherii sparsit per membra vigoris,
 Hi pecudum ritu non impendentia vitant,
 Nec res ante vident; accepta clade queruntur, 500
 Et seri transacta gemunt. Iam sola renidet
 In Stilichone salus, et cuius semper acerbum,
 Ingratumque sibi factorum conscius horror
 Credidit aduentum; quem si procedere tantum
 Alpibus audissent, mortem poenasque tremebant; 505
 Iam cuncti venisse volunt, scelerumque priorum
 Poenitet; hunc tantis bellorum sidus in vndis
 Sperant, hunc pariter iusti fontesque precantur.
 Ceu pueri, quibus alta pater trans aequora merces

v. 491. *primordia*, primos homines, vnde reliqui omnes orti sunt.

v. 493. *multumque* Gesnerus defendit, et sic quoque est in plurimis Mss. Heinsius et Burmannus receperunt *multoque*, quod h. l. non tam bene conuenire videtur, quam prius. Opponitur enim Epimethci operi, cui nihil aetheris admistum erat.

v. 494. *notant*, cum delectu, pro: vident. Virgil. Aen. III. 518.

v. 496. *condidit*, vt VIII. 229. *deteriore luto*. Iuvenal. XIV. 34.

v. 499. *non iunge cum vitant*.

v. 501. *renidet*. a fulgore auri ad omnes res transferitur, quae laetam speciem praebent. Horat. od. II. 18. 2. H. l. eleganter pro: est.

v. 503. *factorum conscius horror*, homines facinorum suorum conscientia horrentes.

v. 505. *Alpibus* sc. de. cf. V. 124 sqq. 130 sqq.

v. 507. *bellorum* pendet ab *vndis*. Bene sic vocatur dux, a quo salus speratur belli tempore.

v. 509. *quibus*, quorum.

Deuehit, intenti ludo, studiisque soluti, 510
 Laetius amoto passim custode vagantur.
 Si grauis auxilio vacuas inuaserit aedes
 Vicinus, laribusque suis proturbet inultos:
 Tum demum patrem implorant, et nomen inani
 Voce cient, frustraue oculos ad litora tendunt. 515
 Omnes supplicio dignos letoque fatentur,
 Qui se tradiderint famulis, Stilichone relicto.
 Mutati stupuere diu, sensuque reducto
 Paulatim proprii mirantur monstra furoris,
 Auertuntque oculos. Proiectis faucibus horret 520
 Lictor, et infames labuntur sponte secures.
 Quales Aonio Thebas de monte reuersae
 Maenades, infectis Pentheo sanguine thyrsis,
 Quum patuit venatus atrox, matricue rotatum.
 Conspexere caput, gressus caligine figunt, 525
 Et rabiem desisse dolent. Quin protinus ipsa
 Tendit ad Italiam supplex Aurora potentem,

v. 510. *studiis soluti*, quibus pater eos continebat.

v. 511. *vacuas*, patre absente.

v. 513. *inultos*, qui se ipsi ulcisci nequeunt seu defendere. Burmann. laudat Horat. epod. VI. 16.

v. 515. *frustraue oculos* cet. Gesnerus comparat Horat. Od. IV. 3. 14.

v. 517. *famulis*, infra 535.

v. 518. 9. *sensuque reducto*. *Sensus* h. l. *Bewusstseyn*. *monstra proprii furoris* i. e. facinus furore commissum, eunuchum constitutum.

v. 521. *infames* h. l. pollutae, contaminatae eunucho.

v. 522. *Aonio*. V. 418.

v. 523. *Maenades*. Tra

gice exsequitur fabulam Euripid. in Bacch. 1023 sqq.

v. 524. *matricue rotatum* Euripid. l. c. 1137 sq.

v. 525. *gressus caligine figunt* i. e. quum atrocitas facinoris caliginem oculis eorum obfudisset, adtonitae subsistunt. Valer. Flacc. VII. 559.

v. 526. *et rabiem desisse dolent*. Quamdiu enim furor iis aderat, bestiam se laceralle credebant, atque gaudebant factum; nunc, quum relipuerint, rei que adrocitatem agnouerint, conscientiae stimulis exagitantur. *desisse* firmat Heintius contra *desisse* citt. Lucan. VII. 780. (vbi v. Burmann.) Ovid. ex Ponto II. 5. 47. Martial. VIII.

Non radiis redimita comam, nec flammea vultum,
 Nec croceum vestita diem. Stat liuida luctu, (530
 Qualis erat, Phrygio tegeret quum Memnona busto.
 Quam simul agnouit Stilicho, nec causa latebat,
 Relittit. Illa manum victricem amplexa moratur,
 Altaque vix lacrimans inter suspiria fatur:

Tantane te nostri ceperunt taedia mundi?
 Sic me ludibrium famulis risumque relinquis, 535
 Dux quondam rectorque meus, solamque tueris
 Hesperiam? domiti nec te post bella tyranni
 Cernere iam licuit? Sic te victoria nobis
 Fripuit, Gallisque dedit? Rufinus origo
 Prima mali. Geminas inter discordia partes 540
 Hoc auctore fuit. Sed iam maiora mouenti
 Occurrit iusta rediens exercitus ira,
 Fortis adhuc ferrique memor. Breuis inde reluxit,
 Falsaque libertas. Rursum Stilichonis habenis
 Sperabam me posse regi Proh caeca futuri 545
 Gaudia! Fraterno coniungi coeperat orbis

5. 2. Idem comparat Valer. Flacc. III. 264. Stat. Theb. III. 188 sq. IV. 565 sqq.

v. 528. *Non radiis.* cf. XV. 19 sqq. et 134 sqq. Pulchritudinem Aurorae describit Quint. Calab. I. 47 sqq. *flammea vultum*, vultu fulgenti.

v. 529. *Nec croceum vestita diem.* Proprie Aurora vestit diem seu omnia lumine croceo. Ovid. Amor. II. 5. 43 *croceos capillos* Aurorae tribuit.

v. 530. *Qualis erat* cet. luctum Aurorae circa Memnona descripsit Quint. Calab. II. 592 seqq. Memnon autem Aurorae ex Tithono filius Aethiops manu Achil-

lis ad Troiam cecidit v. Heyne in excursu XIX. ad Virgil. Aen. I.

v. 531. *nec causa latebat* sc. cur aduenisset.

v. 533. *vix* pertinet ad *fatur*.

v. 537. *tyranni*, Eugenii.

v. 539. *Gallisque.* Gallos potissimum nominat, quia sedes imperii Occidentalis tum Mediolani erat.

v. 541. 3. *sed iam maiora mouenti* cet. Hoc argumentum constituit carm. V.

v. 544. *Falsaque libertas.* *Falsa*, quia spem Aurorae frustrata est. *habenis.* XVII. 198.

v. 546. *fraterno coniungi* cet. Coeperant fratres Hono-

Imperio, (quis enim tanto terrore recentis
 Exempli paribus sese committeret ausis?)
 Quum subito monstrosa lues, turpisque relatu
 Fabula, Rufini castratus profilit heres, 550
 Et similes iterum luctus Fortuna reduxit,
 Vt solum domini sexum mutasse viderer.
 Hic primum thalami claustris delicta tegebat,
 Clam timideque iubens. Erat inuidiosa potestas,
 Sed tamen eunuchi. Necdum sibi publica iura 555
 Sumere, nec totas audebat vertere leges.
 At postquam pullisque bonis et faece retenta
 Peiores legit socios, dignusque satelles
 Hinc Hosius stetit, inde Leo: fiducia creuit,
 Regnandique palam flagrauit aperta libido, 560
 Patricius Consul maculat, quos vendit, honores;
 Plus maculat, quos ipse gerit. Iam signa tubaeque
 Mollescunt; ipsos ignauia fluxit in enses.
 Insultant merito gentes, facilisque volenti

rius et Arcadius vno mode-
 ratore, Stilichone, vti, qua
 re igitur orbis quasi vnus
 imperio regebatur.

v. 547. 8. *recentis Exem-
 pli*, quod poena Rufini de-
 derat.

v. 553. 4. *Hic primum tha-
 lami claustris* cet. Erat Eu-
 tropius Praefectus sacri cu-
 biculi, thalami, multumque
 valuerat apud Arcadium con-
 siliis suis ac precibus; qui-
 bus quum Arcadius in ob-
 temperando nimis facilis
 esset, ad multa eum perdu-
 cere poterat, quae vel re-
 bus Orientis obsessent, vel
 voluntati et rationibus Sti-
 lichonis contraria essent.
delicta vocat Noster, quae

tegebat thalami claustris,
 quia ipse auctor in cubiculo
 versabatur, ibique, quasi in
 occulto, Arcadium in frau-
 dem agebat. *inuidiosa*, ni-
 mis magna.

v. 555. *Sed tamen eunuchi*,
 tamen eiusmodi erat poten-
 tia, quae caderet quodam-
 modo in eunuchum, quae-
 que saltem non inaudita erat,
 et noua. *publica iura*, ad-
 ministrationem reipublicae.

v. 556. *nec totas* cet. cf.
 XVIII. 173 sq.

v. 560. *palam* ad regnandi
 pertinet. *flagrauit aperta
 libido* i. e. se exseruit.

v. 563. *ipsos ignauia flu-
 xit in enses*, ipsi milites
 ignaui facti sunt.

Praeda sumus. Iam Bistoniiis Haemoque niuali 565
 Valtior expulsi oriens squalescit aratris
 Hec mihi, quas vrbes, et quanto tempore Martis
 Ignaras, vno rapuerunt proelia cursu!
 Nuper ab extremo veniens equitatus Araxe
 Terruit Antiochi muros, ipsumque decorae 570
 Paene caput Syriae flammis hostilibus arsit.
 Utque grauis spoliis, nulloque obstante profunda
 Lactus caede redit: sequitur mucrone secundo
 Continuum vulnus. Nec iam mihi Caucasus hostes,
 Nec mittit gelidus Phasis; nascuntur in ipso 575
 Bella sinu. Legio pridem Romana Gruthungi,

v. 565. *Bistoniiis*, VII. 111.

v. 566. *squalescit* rectius cum Heinio puto, quam *squalebit*. *aratris*, colonis.

v. 567. *quas vrbes* v. supra 275 sqq.

v. 568. *vno rapuerunt proelia cursu*. breuiter dictum, pro: hostes, vbi feliciter pugnaissent, vno impetu ceperunt. *Proelia* enim positum est pro: hostiles exercitus, omnes, qui resistere auli essent, proeliis vincentes et fugantes. Celeritatem, qua hostis procederet, exprimit *cursu*, et *rapuerunt* est celeriter ceperunt. cf Sil. Italic. XV. 400 sq.

v. 569. *Araxe*. l. 160. Ceterum Scythicos vel Bactrianos equites intelligit Gesnerus. Hoc certum est, Nostrum flumen pro regione posuisse, eiusque populos intellexisse.

v. 570. *Antiochi muros*. *Antiochia ad Daphnen* in-

telligit, quae vrbs erat caput Syriae.

v. 472. 3. *profunda caede*. *Profundum* interdum pro: magnum atque immensum poni, notum est ex Horat. Od. IV. 2. 7. vbi v. *lani. lactus*, vt victor. *redit* sc. eo, vnde venerat. *mucrone secundo* Gesnerus explicat: iterum, repetita inuasionem. Verum huius rei notio iam in *sequitur* latet, et plus etiam in *continuum*. *Secundo mucrone* idem est, quod *secundo Marte* Virgil. Aen. X. 21 sq. iterum hostis victor vulnus mihi infligit, continuam cladem intulit.

v. 575. *Phasis*. III. 576. *Phasis* et *Caucasus* designant eandem cladem, quam supra *Araxes*. Sensus: neque haec altera clades illata mihi est ab incursionibus barbarorum septentrionalium.

v. 576. *in ipso sinu*, in ipso imperio nostro. *legio* h. l. omnino manum mili-

Iura quibus victis dedimus, quibus arua domosque
 Praebuimus, Lydos Asiaeque vberima vastant.
 Ignibus, et si quid tempestas prima reliquit,
 Nec duce, nec numero, freti; sed inertia nutrit, 580
 Proditioque ducum, quorum per crimina miles
 Captiuus dat terga suis, quos teste subegit
 Danubio, partemque timet, qui reppulit omnes.
 Aula choris epulisque vacat, nec perdita curant,
 Dum superest aliquid. Ne quid tamen orbe reciso 585
 Venditor amittat, prouincia quaeque superstes
 Diuiditur, geminumque duplex passura tribunal
 Cogitur alterius pretium sarcire peremptae.
 Sic mihi restituant populos. Hac arte reperta
 Rectorum numerum terris pereuntibus augment. 590

tum designat, et a Nostro etiam pro vniuerso exercitu non semel ponitur. cf. V. 257. VIII. 7.

v. 577. *Iura quibus victis dedimus* cf. XXI. 191. Victi enim leges a victoribus accipiunt, iique dicuntur *iura poti* Sil. Italic. I. 2. cf. Horat. od. III. 3. 43 sq.

v. 579. *tempestas prima* spectat ad v. 569 sq.

v. 580. *nutrit* sc. hostes, i. e. auget vires eorum, quum successus ipsi, quos habuerunt, socios iis vndique adiungant.

v. 581. *per crimina*, per inscitiam, ignauiam et proditionem.

v. 583. *partemque timet*, qui cet. Is exercitus nunc partem tantum, paruum numerum, eorum hostium timet, quos olim omnes fudit.

v. 585. *orbe reciso*, impe-

rio Orientis deminuto, dum aliam post aliam prouinciam hostes auellant.

v. 586. *Venditor* Eutropius. cf. XVIII. 196 sqq. et supra 561.

v. 587. *duplex*. Prouincia quaeque in duas partes diuisa, quarum vtraque habitura est suum rectorem, patietur *geminum tribunal*.

v. 588. *peremptae*, peremptae. Sic Burmannus recte, laudans Nost. supra V. 426. *pretium sarcire*. Amissa enim prouincia vendi non poterat ab Eutropio; ut itaque pretium non amitteret, reliquas prouincias singulas in binas partes partiebatur, easque partes vendebat eodem pretio, quo ante totas.

v. 589. *restituunt populos*, dum prouinciarum numerum diuisione earum augment, inde quoque ipsa prouin-

In te iam spes vna mihi. Pro fronde Minervae
 Has tibi protendo lacrimas. Succurre ruenti.
 Eripe me tandem seruilibus, eripe, regnis.
 Neve adeo cunctos paucorum crimine damnes;
 Nec noua tot meritis offensa prioribus obstat. 595
 Iam iam flecte animum. Suprema pericula semper
 Dant veniam culpae. Quamuis iratus et exsul
 Pro patriae flammis non distulit arma Camillus.
 Non te subtrahimus Latio; defensor vtrique
 Sufficis. Armorum liceat splendore tuorum 600
 In commune frui; clipeus nos protegat idem,
 Vnaque pro gemino desudet cardine virtus.

ciarum amissione, quae causa
 fuit diuidendi eas, recto-
 rum numerus augebatur.

v. 591. *fronde Minervae*,
 oleae ramo, quem supplices
 praetendere solebant vittis
 ornatum. Res nota vel ex
 Sophocl. Oedip. Tyr. princ.

v. 595. *meritis prioribus*.
 Tempora intelligit sub Theo-
 dosio M. quibus Stilicho
 orientis exercitus opera ho-

stes profligauit, victoriam-
 que saepe reportauit.

v. 596. *flecte animum*,
 γνάμπτειν τὸν θυμὸν no-
 tum est.

v. 598. *Camillus*, quum
 Galli Romam incendissent
 Capitoliumque obsiderent.

v. 599. *subtrahimus Latio*.
 Non postulamus, vt imperio
 Occidentis relicto nobis so-
 lis prospicias.

XXI.

CL. CLAUDIANI
DE
LAUDIBVS STILICHONIS
LIBER I.

ARGVMENTVM.

Poeta testatur gaudium suum, quod rebus imperii occidentalis fortuna fauorem continuet, quodque nuptias Honorii, Gildonis, Eutropiique deiectionem consulatus Stilichonis secutus sit; in cuius virtutibus celebrandis rerum mole se fatetur obrui, dubitareque, quid petissimum in tanto et virtutum et rerum gestarum numero carmine prosequatur. v. 1—24. Solere quidem mala admixta bonis esse, virtutesque saepe vitiis obscurari, sed in Stilichone omnia summa esse, neque quidquam in illo praeter vitia desiderari v. 25—39. Iam puerilis aetas futuras magnitudinis signa dedit; animo generefo, dicendi facultate, forma corporis imperatoria omnes in admirationem eius rapiabantur, vulgique suffragia in deferendis honoribus aula secuta est v. 40—50. Iuuenis adhuc ab Imperatore pacis firmandae causa ad Persas missus omnium barbarorum oculos pulchritudine sua in se conuertit, foedusque solemniter ictum est; in venatu Parthos et Medos superauit. v. 51—68. Interim quaerebatur Serenas maritus; Stilicho prae omnibus electus est; Princeps et Regina aderant officio nuptiali, totaque natura hilarem vultum induit v. 69—88. Quem enim omnes optassent, optimum Princeps elegerat, qui honestatem et gloriam omnibus rebus, vel vitae, anteponeret, qui rebus fortiter gestis et Aeneam et Achillem superauerit, non diuinis armis adiutus, ut illi dicantur fuisse. v. 89—106. Omnes barbaros septentrionales valle angusta inclusos deleisset, nisi Rufinus eos prodicione sua liberasset v. 107—115. Semper fere in castris versatus est, omnia regionum incommoda constanter pertulit, totamque Thraciam victoriis peragravit v. 116—137. Theodosio M. viuis erepto rector utriusque imperii constitutus molem mundi, ut Hercules quondam stupente Atlante, humeris suis subiit. Neque tanti Imperatoris morte quies turbata est, sed exercitum ex tot tamque diuersis populis compositum tanta Stilicho disciplina continuit, ut a furtis omnino et rapinis abstineret, exemplumque ducis sequeretur. v. 138—169. Quocumque duceret illo, sequebatur ingens exercitus omnibus periculis neglectis difficultatibusque superatis, Gracciaque adhuc victori gratias agit. v. 170—187. Verum, quid mirum est, bello eum

hostes superasse, quum solo terrore Germaniae populos subegerit, atque in hoc Druso Traianoque maior fuerit. v. 188—209. Qui pacem alias vendere solebant, nunc supplices eam rogant. Vno cursu populi Septentrionales victi sunt armaque deposuerunt, omniaque late loca nunc pacata. Quin iidem populi sub eius signis militare cupiunt. Nunc Francis Reges dantur, ipsique Reges causam dicere in carcere discunt. v. 210—245. Secutum est bellum Gildonicum, omnibus Africae populis excitatis, eiusque belli particeps erat Oriens. Illam tempestatem Stilicho, ut bonus gubernator, dextre euitavit v. 246—290. Semper suae dignitatis memor privata commoda publicis posthabuit v. 291—299. Tot tantaque negotia solus sustinuit, classes aedificauit, exercitus comparauit, et tamquam e terra milites nati sunt v. 300—324. Non nisi senatus consulto bellum suscepit v. 325—332. Sapienti consilio non traiecit in Africam, ne Gildo, de sua salute desperans, aut in solitudines se reciperet, aut vrbes in mortis solatium incenderet, sed ut missos milites superaturum se esse speraret v. 333—350. Verum Afri militum virtute superati sunt ipseque Gildo in Tabracaee portu periit v. 351—362. Qui milites, si etiam victi fuissent, iam alius dux aliusque exercitus paratus erat, ita ut summa rerum non uni certamini commissa fuerit v. 363—368. Bellum hoc omnibus reliquis erat clarius, etenim non de propagandis finibus sed de imperio pugnabatur, illiusque victoria Stilicho omnes triumphos Africanos restituit.

Continuant Superi pleno Romana fauore
Gaudia, successusque nouis successibus vrgent.
Connubii necdum festiuos regia cantus
Sopierat, cecinit fuso Gildone triumphos,
Et calidis thalami successit laurea fertis,

5

COMMENTARIUS.

v. 1. 2. *Continuant gaudia*, ita ut aliud super aliud sine vlla intercapedine nascatur. *pleno fauore* i. e. summo fauore, cui nihil addi possit. *vrgent* hoc reuocatur illud *continuant* quasi sub sensus; ita se subsequuntur res laetae ex proximo, ut videantur premi priores ab his, quae sequuntur. Heins. laudat VIII. 489 sq. et infra 69. Burmannus existimat metaphoram sumtam de vndis, ut Ovid. Met. XV.

182. et simili modo infra 138, aut potius de vento fluctus alios super alios volvente.

v. 3. *festiuos* naturam spectat cantuum nuptialium. Ceterum nuptiae Honorii cum Maria inciderunt in A. C. 398; eodem anno Gildo in Africa debellatus est; proximo Eutropius deiectus, et annus 400 Stilichonem consulem vidit.

v. 4. 5. *Sopierat cantus*, finiuerat cantus. *calidis fer-*

Sumeret vt pariter princeps nomenque mariti,
 Victorisque decus. Libyae post proelia crimen
 Concidit Eoum, rursusque, Oriente subacto,
 Consule defensae surgunt Stilichone secures.
 Ordine vota meant. Equidem si carmen in vnum 10
 Tantarum sperem cumulos aduolvere rerum,
 Promptius imponam glaciali Pelion Ossae.
 Si partem tacuisse velim, quodcunque relinquam,
 Maius erit. Veteres actus, primamque iuventam
 Prosequar? Ad sese mentem praesentia ducunt. 15

tis, vix depositis, calorem frontis adhuc servantibus, si *thalami* positum putas pro: nuptiarum, vt saepius occurrit. Possunt quoque festa intelligi, quibus nuptiarum die thalami solebant ornari. Hoc placuit Wernsdorf. ad epith. Aulsp. et A. Poet. lat. m. T. IV. P. II. p. 487. cf. Paschal. de Coron. II. 16. fin.

v. 7. 8. *crimen eoum*, Eutropium consulem factum. *Oriente subacto*, quem concitauerat Entropius. cf. XIX. 19. Turbas intelligit in oriente ortas Eutropii exilio et morte compositas.

v. 9. *defensae*. Amiserant pristinam dignitatem ab eunucho contaminatae, quam receptae a Stilichone recuperant. Accommodate huic rei posuit *surgunt*, eriguntur enim, quae ante profligatae erant.

v. 10. *Ordine vota meant*. Recte Gesnerus: procedunt vno tenore et consequuntur se inuicem res secundae. cf. XVII. 338.

v. 11. *cumulos aduolvere rerum* pro vulgari: cumulare res, in vnum conferre. Ipsa rerum magnitudo et moles per *aduolvere* bene exprimitur. Ceterum a magnis fluctibus, vt Gesnerus existimat, sumtum hoc non videtur. Haec et quae sequuntur, si sententias respicias, rhetoris, si ornatum, poetae sunt. cf. Panegy. Vet. I. 2. 2 sq.

v. 12. *Promptius imponam* cet. Gigantum ille conatus omnino pro quocunque rerum molimine ingenti positus est. cf. Virgil. Georg. I. 281.

v. 13. 14. *quodcunque relinquam Maius erit*. Sensus: in tanta copia et magnitudine rerum gestarum quaecunque omittantur, maiora videntur, quam ea, quae carmine celebrata sint, quandoquidem omnia pari dignitate sunt, vt animus in eorum delectu semper fluctuet.

Narrem iustitiam? Resplendet gloria Martis.
 Armati referam vires? Plus egit inermis:
 Quod floret Latium, Latio quod reddita seruit
 Africa, vicinum quod nescit Iberia Maurum,
 Tuta quod imbellem miratur Gallia Rhenum. 20
 An gelidam Thracen decertatosque labores,
 Hebro teste, canam? Magnum mihi panditur aequor,
 Ipsaque Pierios lassant proclivia currus
 Laudibus innumeris. Etenim mortalibus ex quo

v. 16. *resplendet*, tantum splendorem emittit, ut iustitiae laudes minores videantur.

v. 19. *quod nescit Iberia Maurum*. Gildo, si vicisset, Manros suos in Hispaniam traiecturus erat.

v. 20. *imbellem*, quictum. Bene posuit Noster *miratur*, quia Gallia perpetuis Germanorum irruptionibus paene adsueverat.

v. 21. *An gelidam Thracen decertatosque* cet. Res gestae Stilichonis indicantur sub Theodosio M. quem semper in bellis comes secutus est. Gruter. Inscript. 412. 3. *Comiti diui Augusti in omnibus bellis atque victoriis*. Reperta est haec inscriptio Romae sub templo Concordiae. *decertatos* i. e. certando perfectos, consumptos aut superatos. Alio forsan sensu eadem vox occurrit apud Stat. Theb. I. 2. vbi v. Barth.

v. 22. *aequor planities*, h. l. campus Sil. Italic. XVI. 389. Barthius mare intellexit, sed perperam, ut ex se-

quentibus adparet. cf. Stat. Silv. IV. 7. 1 sq. Nost. V. 172.

v. 23. *Pierios currus*. Cogitatur poeta Musarum curru vectus. Fictio haec est lyrica, saepiusque occurrit apud Pindar. Olymp. IX. 119 seqq. Nem. IX. 17 seq. Isthm. II. 2 sq. VIII. 133 sq. Hoc vñ sunt recentiores, atque coninxerunt illud cum curriculo seu stadio, ut studium suum seu carmen, certo aliquo argumento circumscriptum, declararent. Ovid. A. A. I. 39 sq. Met. XV. 453 sqq. Remed. Am. 397 sq. Propert. III. 2. 18. IV. 1. 70. Erotici curru vehuntur a cyncis tracto Ovid. A. A. III. 809 sqq. Propert. III. 2. 39. Curiosius illa ornauit Nemesian. Cyneg. 8 sqq. vbi v. Burmann. A nane petiit imaginem Sidon. Apollin. carm. II. 536 sqq. *proclivia* non via valde declinis et praecipua, quam Gesnerus ait curribus non minus periculosa esse quam arduam, sed est via, in qua currus ipse nullam difficultatem offendit sed suo ipsius prope

Tellus coepta coli, nunquam sincera bonorum 25
 Sors vlli concessa viro. Quem vultus honestat,
 Dedecorant mores; animus quem pulchrior ornat,
 Corpus destituit; bellis insignior ille,
 Sed pacem foedat vitiis; hic publica felix,
 Sed priuata minus. Partitum singula quemque 30
 Nobilitant. Hunc forma decens, hunc robur in armis,
 Hunc rigor, hunc pietas, illum solertia iuris,
 Hunc soboles castique tori. Sparguntur in omnes,
 In te mixta fluunt, et, quae diuisa beatos
 Efficiunt, collecta tenes. Quid facta reuoluam 35
 Militiamque patris? cuius producere famam,
 Si nihil egisset clarum, nec fida Valenti
 Dextera duxisset rutilantes crinibus alas,

ntu defertur, nihilominus tamen ea via lassat currum non quidem per se, sed *laudibus innumeris*, propter quas via ista infinita est, et in qua currus sisti propter procliuitatem nequit.

v. 25. 6. *numquam sincera bonorum Sors vlli* cet. *Sincera* est libera a malis. Sententiam expressit iam Homer. Odyss. 9. 167 sqq. Il. v. 729. cf. Plin. Panegy. 4. 5. *quem vultus honestat*, qui pulcher est. cf. Virgil. Georg. II. 392. Aen. X. 133 sq.

v. 27. *Dedecorant mores*. Nam, vt est apud Petron. 94. *Raram facit misturam cum sapientia forma*.

v. 29. *publica Graeciam*. subintellige: quoad.

v. 30. *partitum singula quemque* pro: quemque ex parte tantum. Barthius *partitum* defendit.

v. 32. *rigor*. VIII. 513. *sol-*

ertia, cognitio. Exprimat dexteritatem in iure dicundo, vt quamcumque rem ad leges reuocatam possit diiudicare.

v. 33. 4. *sparguntur in omnes*, *In te mixta fluunt*. cf. Pacat. in Paneg. Vet. XII. 5. 3.

v. 35. *reuoluam* cum delectu pro: commemorem. Indicat enim magnitudinem rerum gestarum, quae narratione iterum quasi sub oculos reuocantur. Sic quoque Virgil. Aen. II. 101.

v. 36. *patris*. De Stilichonis patre vix aliquid praeterea proditum est, quam quod h. l. memoratur, eum barbaris praefuisse, qui sub Valenti stipendia facerent. *producere*, extendere. Virgil. Aen. X. 468.

v. 38. *rutilantes crinibus alas*, barbarorum septentrionalium turmas.

Sufficeret natus Stilicho. Mens ardua semper
 A puero, tenerisque et iam fulgebat in annis 40
 Fortunae maioris honos. Erectus et acer,
 Nil breue moliri, nullis haerere potentum
 Liminibus, fatisque loqui iam digna futuris.
 Iam tum conspicuus, iam tum venerabilis, ibas,
 Spondebatque ducem celsi nitor igneus oris, 45
 Membrorumque modus, qualem nec carmina fingunt
 Semideis. Quacunque alte gradereris in vrbe,
 Cedentes spatiis assurgentesque videbas,
 Quamuis miles adhuc. Taciti suffragia vulgi

v. 39. *mens ardua*. XI. 4.

v. 41. *Fortunae maioris honos*. *Honos* est dignitas, seu omnia praeclara, quae propria esse solent fortunae maioris, quae in hominibus tantum, altiori loco natis, inveniri solent. *erectus et acer*. Tacit. in vita Agric. 4. *scilicet sublime et erectum ingenium pulchritudinem ac speciem excelsae magnaeque gloriae vehementius quam caute adpetebat. acer* ardorem exprimit, qua omnia magna et praeclara amplectebatur.

v. 42. *Nil breue moliri*. *Brevis* pro paruo occurrit VIII. 510. et passim. Animus Stilichonis non adplicabat se ad res minutas. Burmannus *breue* interpretatur: quod breui perituum est, quod non immortalem gloriam relinquit. Sed prior ratio, quae Barthii est, praefenda videtur. Illud *breue moliri* exprimit nimiam curam et operam in parua re colloca-

tam. *haerere potentum liminibus*, ad fauorem illorum his salutandi officiis sibi conciliandum. cf. Lucian. Nigrin. 22. T. I. p. 60. ed. Reiz.

v. 43. *fatis*. VIII. 221 sq. XXVIII. 68. R. I. pro: fortuna, fastigio.

v. 44. *conspiciuus*. περί-βλεπτος. conf. Perizon. ad Aelian. V. H. II. 12. 4.

v. 45. *nitor igneus oris*, ardor vultus, ignea imprimis oculorum acies ad formam imperatoriam refertur. *celsi* proceram staturam innuit, vt sequens *membrorumque modus*. cf. Pacat. Panegy. Vet. XII. 6. 3. Plin. Paneg. IV. 7.

v. 47. *gradereris* cf. X. 318 sqq. *alte*, cum maiestate et decore.

v. 48. *cedere spatiis* pro: cedere via, quod fiebat honoris et venerationis causa, ita vt sequens *adsurgere*. Iuvenal. XIII. 55.

Iam tibi detulerant quidquid mox debuit aula. 50

Vix primaevus eras, paci quum mitteris auctor
Assyriae. Tanta foedus cum gente ferire
Commisum iuueni. Tigrin transgressus et altum
Euphraten, Babylona petis. Stupuere seueri
Parthorum proceres, et plebs pharetrata videndi 55

v. 50. *debuit*, ex debito contulit. Sic Heinfl.

v. 51 seqq. Cum hoc loco comparandus est Sidon. Apollin. carm. II. 65 seqq. qui, quae Noster in Stilichonem dixit, ad Anthemium suum transtulit. *primaevus*, ex ephebis egressus Valer. Flacc. VII. 341. Sil. Italic. X. 493. Virgil. Aen. X. 345. infra v. 53. explicatur per: *iuuenis*. *pacis auctor*, legatus cum auctoritate publica missus ad pacem firmandam. Sidon. Apoll. l. c. *Huic quondam iuueni reparatio credita pacis Assyriae*.

v. 51. *tanta cum gente*, cum Persis, quorum opes imperio Romano semper timendae erant.

v. 53. *Tigrin transgressus*. Si Constantinopoli profectus est Stilicho, qui poterat, Babylona quum peteret, Euphratem et Tigrin transgredi? Situm Babylonis Claudiano incognitum fuisse, probabile non est, neque poetam diligentissimum negligentem fuisse. Splendidis illis fluuiorum nominibus vltus est ad regionem indicandam, quae peragrandam

erat Babylonem proficiscenti. Sic supra XX. 484. Accedit, quod tunc ruinae tantum illius urbis supererant. Pausan. VIII. 23. 1. Βαβυλῶνος δὲ τοῦ μὲν Βήλου τὸ ἱερόν λελ- πεται. Βαβυλῶνος δὲ ταύτης, ἥντινα εἶδε πόλεων τῶν τότε μεγίστην ἦλιος, οὐδὲν ἔτι ἦν εἰ μὴ τειχος.

v. 54. *seueri*. a seneca disciplina, qua populum continebant.

v. 55. *plebs pharetrata*. Herodian. VI. 5. 9. τόξοις δὲ καὶ ἵπποις οὐκ εἰς τὸ πολε- μεῖν μόνον χρῶνται, ὥσπερ Ῥωμαῖοι. ἀλλ' ἐκ παιδῶν σὺν αὐτοῖς ἀνυτρέφονται, καὶ θη- ρῶντες διαιτῶνται, οὔτε τὰς Φαρέτρας ποτὲ ἀποτιθέμενοι, οὔτε τῶν ἵππων ἀποβαίνοντες, αἰεὶ δὲ αὐτοῖς χρῶμενοι ἢ κατὰ πολέμων ἢ κατὰ θηρίων. Ammian. Marcell. XXV. 1. p. 332. ed. Ernest. *iuxtaque sagittarii (cuius artis fidu- cia ab incunabulis ipsis gens praeualuit maxima) tende- bant diuaticatis brachiis flexiles arcus, ut nervi mammas perstringerent dex- tras, spicula sinistris mani- bus cohaerent; summaque peritia digitorum pulsibus argutum sonantes arundines*

Flagrauit studio, defixaeque hospite pulchro
 Perfides arcanum suspirauere calorem.
 Thuris odoratae cumulis et melle Sabaea
 Pacem conciliant arae. Penetralibus ignem
 Sacratum rapuere adytis, ritumque iuuenkos 60
 Chaldaeo strauere Magi. Rex ipse micantem
 Inclinat dextra pateram, secretaque Beli,

euolabant, vulnera pernicioſa portantes.

v. 56. 7. *defixaeque hospite pulchro* i. e. defixis in hospitem oculis ſimiles adtonitis. Valer. Flacc. V. 376 ſq. *arcanum ſuspirauere calorem* Tibull. I. 6. 35. et IV. 5. 11. habet *ſuſpirare amorem* ibi v. Heyne. Subintelligenda eſt praepoſitio: propter. *arcanus calor* amor eſt occultus. Debebant amorem, quem ſentiebant, celare.

v. 58. *meſſe Sabaea* v. X. 210.

v. 59. *Pacem conciliant arae.* *Arae*, ſacrificia libationes, *conciliant pacem*, confirmant pacem. In foederibus enim faciendis ſacrificia facta, deosque vindices in ruptores pacis aduocatos eſſe ſatis conſtat. Virgil. Aen. XII. 496.

v. 60. *penetralibus adytis*, vt Virgil. Aen. II. 297, quum proprie ἀδύτων apud Graecos id ſit, quod *penetrabile* apud Romanos. *sacratum ignem*. De cultu huius ignis aeterni apud Perſas egit Brifſon. de Reg. Perſarum II. princ. Adparere videtur ex h. l. Perſas igne tantum ex illo

aeterno igne, qui in templis ſeruabatur, accenſo ad ſacrificia uſos eſſe. Hoc Geſnero viſum eſt; ex Sidonio Apollinari autem patet, ignem ſacrum adlatum eſſe, vt apud illum foedus iurent. cf. Curt. IV. 13. 11.

v. 61. *ritumque iuuenkos Chaldaeo ſtrauere Magi* i. e. Magi mactabant iuuenkos adhibitis Chaldaeorum ceremoniis. Sic Barthius. Chaldaeis rerum coeleſtium cura, Magis ſacrificiorum adſcribebatur. Magi etiam vates erant. VIII. 150. Ex Sidonii Apollinaris loco, quem infra deſcribemus, adparere videtur, *chaldaeo more* poſſimum ad extiſpicia pertinere. Ceterum ritus ſacrificandi apud Perſas, quales quidem olim erant, exponit Herodot. I. 132.

v. 62. *Inclinat dextra pateram.* Hoc libandi actum pingit. *micantem*, ſc. anro gemmiſque. Sidon. Apollin. l. c. 83 ſqq. *Procopio dictante Magis, iuratur ab illis Ignis et vnda deus: nec non rata pacta futura, Hic diuos teſtatur auos. Chaldaeus in extis Pontifi-*

Et vaga testatur voluentem sidera Mithram.
 Si quando lociis tecum venatibus ibant,
 Quis Stilichone prior ferro penetrare leones 65
 Cominus, aut longe virgatas figere tigres?
 Flectenti faciles Medus tibi cessit habenas.
 Torquebas refugum, Parthis mirantibus, arcum.

Nubilis interea maturae virginis aetas
 Urgebat patrias, suspensio principe, curas; 70
 Quem simul imperioque ducem, nataeque maritum

*cum de more senex arcana
 peregit Murmura: gemman-
 tem pateram rex ipse reten-
 tans Fundit turicremis car-
 chesia cernuus aris. — se-
 cretaque Beli, templum Beli,
 quod Babylone summa reli-
 gione colebatur Herod. I. 181.
 ἐν δὲ τῷ ἑτέρῳ (sc. Φάρσει)
 Διὸς Βηλοῦ ἱερὸν χαλκόπυλον,
 καὶ ἐς ἐμὲ τοῦτο ἔτι ἔδον· δύο
 σταδίων πάντη, ἔδον τετράγω-
 νον. ἐν μέσῳ δὲ τοῦ ἱεροῦ πύρ-
 γος στερεὸς οἰκοδόμηται, στα-
 δίου καὶ τὸ μῆκος καὶ τὸ
 εὖρος cet. Plin. H. N. IV.
 sect. 30. narrat, sua adhuc
 aetate templum hoc existi-
 tisse. Vix autem credo, tem-
 plum ipsum intelligendum
 esse, sed forsan statuam Beli,
 quae Palladii instar colere-
 tur, et quam adspicere fas
 esset nemini praeter Magos
 seu sacerdotes. Eadem for-
 san ratione dixit Sil. Italic.
 III. 566. *Vestiae secreta*, quod
 interpretes passim sacrum
 ignem interpretantur. Mihi
 quidem Palladium intelli-
 gendum videtur, quod ita
 describit Lucan. IX. 993 sqq.
*nullique adspecta virorum**

*Pallas in abstruso pignus
 memorabile templo.*

v. 63. *vaga* perpetuum si-
 derum epith. Mithram so-
 lem esse apud Persas, prae-
 ter Herodotum, qui Vene-
 rem fuisse dicit, omnes fere
 Graeci tradidere, Romani-
 que eos secuti sunt v. Barth.
 ad Stat. Theb. I. 710. Etiam
 Nostrium idem indicare, Ges-
 nerus existimat, unde tamen
 hoc colligat, me quidem fu-
 git. Innuere Noster videtur,
 Mithram fuisse *δημιουργόν*
τῶν πάντων et conservatorem
 et gubernatorem totius uni-
 versitatis. cf. Brucker. Hist.
 Philos. T. I. p. 184.

v. 64. 6. *sociis venatibus*,
 socii, una venatum. interpp.
 ad Phaedr. I. 5. 4. *virgatas*,
 longis maculis, virgarum in-
 star, insignitas. Heinsf. laudat
 Sil. Italic. V. 148. Senec.
 Hercnl. Oct. 144 sq. Hippol.
 344. *longe*, e longinquo, op-
 ponitur *τῷ cominus*.

v. 67. 8. *refugum arcum*.
 VIII. 530. cf. Ruperti ad Sil.
 Italic. VII. 646 sq.

v. 69. 70. Venit nunc poeta
 ad nuptias Stilichonis et Se-

Prospiceret, dubius toto quaerebat ab axe
 Dignum coniugio generum, thalamisque Serenae.
 Iudicium virtutis erat. Per castra, per vrbes,
 Per populos animi cunctantis libra cucurrit. 75
 Tu legeris, tantosque viros, quos obtulit orbis,
 Intra consilium vincis sensumque legentis,
 Et gener Augustis, olim socer ipse futurus,
 Accedis. Radiis auri Tyriaque superbit
 Maiestate torus. Comitata parentibus exit 80
 Purpureis virgo. Stabat pater inde tropaeis
 Inclitus, inde pium matris Regina regebat
 Obsequium, grauibus subnectens flammea gemmis.
 Tunc et Solis equos, tunc exsultasse choreis
 Astra ferunt, mellisque lacus, et flumina lactis 85

renae. patrias curas. Theodolius enim, vt iam supra monuimus, Serenam, Honorii fratris filiam, adoptauerat. *Suspensio Principe*, quum ipse Princeps, seu Theodosius, dubitaret, quem cet.

v. 72. *tota ab axe*, ex toto terrarum orbe.

v. 74. *Iudicium virtutis erat.* Non generis aut opum ratio habebatur in eligendo Serenae marito sed solius virtutis.

v. 75. *animi cunctantis libra.* *Libra* iudicium exactum notat, additumque *cunctantis animi*, iudicium non praecipitantis, sed omnia momenta adcuratissime perpendentis, vt dignissimus eligeretur. cf. Pers. I. 5 sq.

v. 77. *Intra consilium vincis sensumque legentis* i. e. tu vincis eos, aut praepone- ris iis, qui in deliberatio-

nem et iudicium venerant eligentis.

v. 78. *Augustis*, Theodosio et uxori. v. ad 70. Infra etiam v. 82. *reginae* fit mentio. *socer*, nempe Honorii.

v. 81. *purpureis*, Augustis. v. 82. 3. *regebat Obsequium*,ungebatur obsequio, aderat in officio nuptiali, quod h. l. *pium obsequium* vocatur, aut curam agebat, vt omnia rite fierent. *flammea*. X. 285. *subnectens*, capiti Serenae accommodans gemmis cf. XXXV. 322 sqq.

v. 84. *choreis* v. ad IX. 16. Hoc dicere Noster vult, a natura rerum vniuersa illas nuptias esse concelebratas et manifesta laetitiae signa esse edita cf. Virgil. Eclog. IV. 50 seqq.

v. 85. *mellis lacus et flumina lactis*. Haec ex aureo saeculo petita sunt Ovid.

Erupisse solo, quum floribus aequora vernis
Bosporus indueret, roseisque euincta coronis
Certantes Asiae tedas Europa leuaret.

Felix arbitrii princeps, qui congrua mundo
Iudicat, et primus censet, quod cernimus omnes. 90
Talem quippe virum natisque adiunxit et aulae,
Cui neque luxuries bello, nec blanda periclis
Otia, nec lucis fructus pretiosior vnquam
Laude fuit. Quis enim Visos in plaustra feroces

Met. I. 111 sq. cf. Nostr. I. 250 sqq.

v. 86. 8. *quum floribus aequora vernis Bosporus indueret*, quum Bosporus aequora floribus aut florum corollis spargeret. cf. Nostr. X. 141 seq. *ferta per omnem Neptuni dispersa domum. euincta*. Solenne verbum in hac re. Virgil. Aen. V. 494. et 774. *Europa leuaret taedas*, gelaret taedas, matris officium praestaret in taeda leuanda v. n. ad VII. 155. *certantes Asiae* pro: cum Asia. Graecism. notiss. et hoc pro: cum taedis, quas Asia leuabat. Sensus: Europa et Asia in praestando Stilichoni et Serenae nuptiali officio certant. Hoc facile in mentem poetae poterat venire, quum nuptiae Constantino-poli celebratae sint in litore Bospori atque ideo in Europae et Asiae confiniis.

v. 89. *Felix arbitrii* pro: felix in iudicio et electione. *congrua mundo* pro: idem, quod omnes.

v. 90. *cernimus*, decernimus, arbitramur, iudica-

mus. v. Heins. ad Virgil. Aen. XII. 709.

v. 91. *virum*. *Vir* h. l. non est maritus, sed vir fortissimus, heros; *natis adiunxit*. ita oranes fere libri scripp. vnus tamen et alter *natae*, quod, quamquam interpretamentum sapiat, Heinsius recepit. Burmannus, qui prius tueretur, illud explicat: quasi tertium filium adiunxit Arcadio et Honorio sibi Stilichonem. Verum illo tempore Honorius nondum erat natus. Equidem puto, *natis* per enallag. positum esse pro: *natae*, duriuscule quidem, sed forsitan non sine exemplo. In sequentibus exponitur, quam egregie Stilicho Theodosii iudicio responderit.

v. 92. *luxuries*, vita mollis et delicata, qualis solet esse in aula Principis.

v. 94. *Visos*. Ita legitur in pluribus Mss. apud Heins. in aliis *Myfos*, quos ait Claverius semper Orientis imperio subiectos eoque nomine a Getis male vexatos huc vix conuenire. Burmannus post Heinsium suspen-

Reppulit; aut saeua Promoti caede tumentes 95

Bastarnas vna potuit delere ruina?

Pallantis iugulum Turno moriente piauit

Aeneas, tractusque rotis vltricibus Hector

Irato vindicta fuit vel quaestus Achilli.

Tu neque vesano raptas venalia curru 100

Funera, nec vanam corpus meditatus in vnum

Saeuitiam, turmas equitum peditumque cateruas,

tur, *Visos* posse locum habere, quum *Vesi* inter gentes septentrionales referantur a Sidon. Apollin. carm. V. 474 sqq. et populus sit, qui Visigothis nomen dederit. Gesnerus *Myfos* (Moelos Danubio vicinos) recepit, quum de Visigothis alii aliter disputarint, Moesorumque nomen late patuerit. laudat Dion. Cass. Ll. extr. et Tzet. Chil. XI. 893. hist. 396. Potest sane in nomine populi mendum latere, id quod Burmanno probabile videtur. *in plaustra*, vt in fugam acti se reciperent post plaustra seu carraginem, v. n. ad V. 129. et VIII. 466. Fateor sane, magis mihi adridere *in claustra*; non enim de gente vno proelio victa, sed in suos fines repressa et reiecta, sermo esse videtur.

v. 95. *Promoti* v. not. ad III. 316 sq.

v. 96. *Bastarnas*. VIII. 450. *ruina*, clade.

v. 97. *Pallantis iugulum*. *Pallas* missus a patre Evandro Troianis in subsidium cum equitibus a Turno oc-

ciditur Virgil. Aen. VIII. 585 sqq. et X. 459 sqq. *ingulum*, caedem. Aeneas rursus Pallantis manibus Turni cruore parentauit. Virgil. Aen. XII. 887 sqq. 940 sqq.

v. 98. *tractus rotis vltricibus Hector*. Achillem quotidie Hectoris interfecti corpus, bigis adligatum, circa Patrocli tumulum raptasse ad manes amici vlciscendos, notum est ex Homer. Il. ω. 14 sqq. v. Heyne in excurs. XVIII. ad Virgil. Aen. I.

v. 99. *vindicta fuit* i. e. praebuit vindictam seu vltionem. *vel quaestus*, auro enim vendidit corpus Hectoris Priamo supplici, vt ex vltimo Iliadis libro notum est. *irato*, ob caedem Patrocli. Ceterum in iram pronus Achilles ab omnibus constanter fingitur. Horat. in Art. 120 sqq.

v. 100. *Vesano* ab actore currus ad ipsum currum translatum.

v. 101. 2. *Funera*, cadauera. Barth. ad Stat. Theb. I. 36. Propert. I. 17. 9. Burmann. ad Valer. Flacc. VII. 643.

Hostilesque globos tumulo prosterneis amici.
 Inferiis gens tota datur. Nec Mulciber auctor
 Mendacis clipei, fabricataque vatibus arma 105
 Conatus iuuere tuos. Tot barbara solus
 Millia iam pridem miseram vastantia Thracen
 Finibus exiguae vallis conclusa tenebas.
 Non te terrisonus stridor venientis Alani,
 Nec vaga Chunorum feritas, non falce Gelonus, 110
 Non arcu pepulere Getae, non Sarmata conto.
 Exstinctique forent penitus, ni more maligno
 Falleret Augustas occultus proditor aures,
 Oblstrueretque moras, strictumque reconderet ensem,
 Solueret obsessos, praeberet foedera captis. 115
 Assiduus castris aderat, rarissimus vrbi.
 Si quando trepida princeps pietate vocaret:
 Vixque salutatis Laribus, vix coniuge visa,

vanam saeuitiam, quum ea in cadauer vteretur omni sensu destitutum.

v. 103. *tumulo amici*, in tumulum amici, vt sit sensus: ex hostium cadaueribus tumulum quasi construxisti. Seu, ad tumulum, quod melius est. cf. Homer. Il. ψ. 175 sq. et 242 sq.

v. 104. *Inferiis gens tota datur.* *Inferiis* alicuius ii dari dicuntur, qui in ultionem illius interficiuntur. Sil. Italic. IV. 231 sqq. ibi v. Ruperti. *Nec Mulciber* cet. Notum est Thetin pro filio suo Achille arma a Vulcano impetrasse, vt Venerem pro Aenea. Homer. Il. σ. 368 sqq. Virgil. Aen. VIII. 370 sqq.

v. 105. *mendacis* explica-

tur per sequens: *fabricata vatibus arma.*

v. 106. 8. cf. n. ad III. 319 sqq.

v. 109. *terrisonus.* Hein- sius ex conject. mauult *fer- risonus. venientis, irruentis. Alani* v. III. 312.

v. 110. *vaga*, quae modo huc modo illuc incursiones faceret. *falce*, ense curuato. Barth. ad Stat. Achill. II. 419.

v. 111. *conto* v. VII. 137.

v. 113. *proditor.* V. 130 sqq.

v. 117. *trepida pietate.* Gesnerus exposuit: quum metueret Theodosius libris suis, in urbem vocauit Stilichonem, vt Arcadium et Honorium tueretur. Haec ratio vix potest placere. *Trepida pietate* est desiderio Stilichonis motus, quem amplecti cupit, cuiusque ab-

Deterſo nec dum repetebat ſanguine campum.
 Nec ſtetit, Eucherii dum carperet oscula ſaltem 120
 Per galeam. Patris ſtimulos ignesque mariti
 Vincit cura ducis. Quoties ſub pellibus egit
 Edonas hiemes, et tardi ſlabra Bootae
 Sub dio Rhipaea tulit! quumque igne propinquo
 Frigora vix ferrent alii, tunc triſte rigentem 125
 Danubium calcabat eques, niuibusque profundum

ſentiam aegre tulit. Tenendum enim Stilichonem eſſe maritum Srenae et generum Theodoſii, quum illa huius eſſet filia adoptiua.

v. 119. *ſanguine* ſc. hoſtium, quo erat reſperſus. VII. 36 ſqq.

v. 120. *Nec ſtetit, nec moratus eſt.*

v. 121. *Per galeam.* Feſtinationem exprimit, qua in caſtra rediret, vt non modo non deſoluta galea Eucherium filium oscularetur, verum etiam hoc pietatis ſignum et paterni adſectus omnino omitteret. *ſtimulos*, adſectum. *ignes*, amorem.

v. 122. *Vincit cura ducis.* Ducis officia officiis mariti et patris antepoſuit. *ſub pellibus*, in caſtris v. Lipſ. de Mil. Rom. V. dial. I. 5 et 16. Schel. ad Hygin. p. 1111. Pellibus enim tentoria intgebantur.

v. 123. 4. *Edonas hiemes* ita apud Stat. Theb. V. 78. vbi v. Barth. pro: Thracias, ab *Edone* ſeu *Edono* Thraciae monte. Verum alii ali-

ter. cf. VV. DD. ad diuerſos veterum auctores, quos laudauit Ruperti ad Sil. Ital. IV. 776. in VV. LL. *ſlabra Rhipaea*. *Rhipaei* proprie Scythiae montes. Verum poetae quosuis montes Septentrionales Rhipaeos adpellare ſolent. Ruperti ad Sil. Italic. XI. 459. *tardi Bootae*, qui polum tardius ambit quam reliqua ſigna a polo remotiora, quae eodem tempore maiores circulos deſcribunt, cuius motus itaque tardior videtur. H. l. pro *plaga*, vnde ſlabra veniunt. Intelligenda autem ſunt Aquilonis ſlabra vel in montibus Rhipaeis vel ab iisdem venientia. cf. Sil. Ital. XII. 7. et XIV. 121 ſqq.

v. 125. *triſte*. Perpetuum fere epith. hiemis, quo omnis natura quaſi mortua videtur. Stat. ſilv. V. 1. 65. et Noſt. VIII. 402, quae Heinſ. laudat, vix huc pertinere videntur.

v. 126. *niuibus profundum*, niue profunda coopertum.

Scandebat cristatus Athon, lateque corusco
 Curuatas glacie siluas vmbone ruebat.
 Nunc prope Cimmerii tendebat litora Ponti;
 Nunc dabat hibernum Rhodope nimbosa cubile. 130
 Vos, Haemi gelidae valles, quas saepe cruentis
 Stragibus aequauit Stilicho, vos, Thracia, testor,
 Flumina, quae largo mutastis sanguine fluctus.
 Dicite Bisaltae, vel qui Pangaea iuuentis
 Scinditis, offenso quantae sub vomere putres 135
 Dissiliant glebis galeae, vel qualia rastris
 Ossa peremtorum resonent immania Regum.

v. 127. *cristatus*, galeatus, armatus.

v. 128. *Curuatas glacie siluas* i. e. siluas niuis gelatae pondere curuatas. Horat. od. l. 9. 2 sq. *vmbone ruebat* pro: viam sibi per eas vmbone patefecit. cf. Weitz. ad Valer. Flacc. III. 102. Hoc paullo audacius.

v. 129. *tendebat*, castra habebat. Virgil. Aen. II. 29. *Cimmerii*. XVIII. 249.

v. 131. *Haemi*. III. 340.

v. 132. *Stragibus aequavit* cf. l. 110 sqq. Lucan. VI. 180 sq.

v. 134 sq. Expressit Noster Virgilium Georg. I. 493 sqq. *Bisaltae* Thraciae gens cis Strymonem in Macedoniae oris habitans Virgil. Georg. III. 461. ibi Heyne. *Pangaea*. III. 334. *quantae*. Heinsius maluit *quantis*, quod Burmannus recte reiecit, quum *quantae* h. l. sit positum pro: quot.

v. 136. *glebis* pro: in terra, quae aratro proscinditur. Barthius in suo codice legit: *offenso quantae sub vomere ruptis Dissiliant glebis galeae*. Putres tamen abesse nequit, *ruptis* autem e margine in textum venisse videtur.

v. 137. *Ossa*. Gesnerus obseruat, aes et ferrum a falsis praesertim humoribus in terra citius erodi, quam ossa robustorum imprimis hominum. *inimania regum*. Idem quaerit: vnde dignoscuntur? De ossibus immanibus loquitur; quae quum reliqua ossa magnitudine superarent, eorum fuisse credibile erat, qui proceritate corporis ceteros antecellerent. Apud barbaros autem reges procera plerumque erant statura. Prudent. contr. Symmach. II. 716 sqq. cf. Ovid. Heroid. l. 55. Sil. Italic. V. 112 sq. Lucan. VII. 859.

Singula complecti cuperem, sed densior instat
 Gestorum series, laudumque sequentibus vndis
 Obruimur. Genitor caesi post bella tyranni 140
 Iam tibi commissis conscenderat aethera terris.
 Ancipites rerum ruituro culmine lapsus
 Aequali ceruice subis. Sic, Hercule quondam

v. 139. *laudumque sequen-*
tibus vndis, rerum praeclare
 gestarum serie, quae aliae
 alias, vndarum ritu, secutae
 sunt.

v. 140. *tyranni*, Eugenii.

v. 141. *Iam tibi commis-*
sis cet. VII. 142 sqq.

v. 142. 3. *Ancipites rerum*
 cet. Ipsi Theodosii M. vm-
 bram Noster inducit loquen-
 tem XV. 292 sqq. *quum di-*
uus abirem, *Res incompo-*
sitas, fateor, *tumidasque*
reliquas vbi v. not. Hunc
 versum difficilem Gesnerus
 ita interpretatur: *Culmen*
rerum est ipsum summum
 imperium (ita certe occurrit
 XXVI. 392.); hoc ruiturum
 erat per incertos ac dubios
 euentus: sed subiit exceptit-
 que Stilicho illos lapsus ac
 motus *aequali ceruice* h. e.
 viribus tantae moli paribus.
 Hactenus ille. Sed nondum
 omnia sunt expedita. Quaeri
 enim potest, quid sibi ve-
 liat *ancipites lapsus*? Quum
 imago ducta sit ab aedificio
 corruente, possunt esse *an-*
cipites lapsus, quibus pa-
 rietes in se inuicem conci-
 dunt cf. XX. 26. alium sen-
 sum equidem video nullum.
 Iam olim Heinsius coniece-

rat: *praecipites*, quod et
 aptius et explicatu facilius
 puto, sed retinuit vulgatam,
 qua idem significari arbitra-
 batur v. n. ad VIII. 239. lau-
 dat quoque v. 282. infra. vbi
 tamen v. n. *culmine ruituro*
 explico: quum iam culmen
 ruinam minitaretur. Impe-
 rium itaque cum aedificio
 poeta comparauit, summam-
 que potestatem, qua omnia
 continentur, cum culmine,
 quo tamquam compagine
 omnes aedificii partes sunt
 colligatae. Remota igitur
 imagine sensus est: Tu Sti-
 licho res imperii nondum
 confirmatas, quas tamen au-
 ctoritas Theodosii continue-
 rat, post eius mortem ea-
 dem auctoritate continuisti,
 summamque potestatem il-
 lius filiis seruasti, qua sub-
 lata summa rerum confusio
 secuta fuisset, bellaque ci-
 uilia fuissent orta, in quae
 milites orientales et occiden-
 tales, odio inter se exacer-
 bati, vehementer inclina-
 bant. *Aequali ceruice* i. e.
 eadem vi et auctoritate, qua
 Theodosius. Barthius: nus-
 quam inclinante. minus re-
 cte. Ceterum cf. supra III.
 273 sqq. et infra XV. 292 sqq.

Sustentante polum, melius librata pependit
 Machina, nec dubiis titubavit signifer astris, 145
 Perpetuaque senex subductus mole parumper
 Oblupuit proprii spectator ponderis Atlas.

Nulli barbariae motus, nil turbida rupto
 Ordine tentavit novitas, tantoque remoto
 Principe mutatas orbis non sensit habenas. 150
 Nil inter geminas acies, ceu libera frenis,

*sic Hercule quondam v. Apol-
 lod. II. 5. 11. Senec. Hercul.
 Fur. 7 sqq. Interpretatio-
 nem fabulae habes apud Dio-
 dor. Sic. IV. 27.*

v. 144. *melius librata* pro-
 prie de mole dicitur, quae
 ita aliquo nititur, ut ab
 omni parte ponderibus suis
 deorsum aequaliter urgeatur,
 quae igitur non nutet, sed
 immota rei sustentanti in-
 haereat. *melius librata* igitur
 est idem, quod: magis
 immota. cf. III. 11.

v. 145. *nec dubiis tituba-
 vit Signifer astris.* Gesne-
 rus ait: Signiferi seu Zo-
 diaci mentio eo aptior huic
 loco est, quod primus ad
 astrologiam gradus fuit in-
 venta obliquitas et inclina-
 tio illius ad aequatorem.
 Mihi quidem nihil aliud
 poeta dicere videtur, quam
 coelum humeris Herculis in-
 nixum adeo fuisse, ut nihil
 in stellarum cursibus turba-
 tum sit. Pro coelo autem
 uniuerso posuit *Signiferum*
 ut partem eius potiore.
dubiis astris, quorum motus
Signifero titubante incertus
 fuisset. Ceterum cf. cum

toto hoc loco Calpurn. Eclog.
 I. 84 sqq. et Wernsdorf. in
 excursu III. ad h. l. Poet.
 lat. m. T. II.

v. 146. *senex*, Atlas. *sub-
 ductus.* Burmann. ad Ovid.
 Heroid. IX. 18. probare vi-
 detur *subducta*. Mihi prius
 magis placet.

v. 147. *spectator proprii
 ponderis* i. e. molis. Quum
 enim ipse Olympum ferret,
 pondus quidem eius poterat
 sentire, verum molem non
 adspicere.

v. 148. *barbariae*, barba-
 rorum.

v. 149. *novitas*, studia re-
 rum nouandarum, quae in
novitate imperii, quum alius
 ad rerum gubernacula acce-
 dit, oriri solent. Burmann.
 ad Valer. Flacc. II. 83 sq.

v. 151. *inter geminas acies.*
 utrumque exercitum intelli-
 git et Orientis et Occidentis,
 cui tum Stilicho praeerat,
 antequam Rufini instinctu
 Arcadius milites in Oriente
 conscriptos reuocasset. cf. V.
 161 sqq. et not. ad XV.
 294 sqq. *libera frenis.* Hein-
 sius maunlt *frani*, v. eum ad
 Virgil. Aen. X. 154. Bur-

Ausa manus certe. Nec tantis dissona linguis
 Turba, nec armorum cultu diuersior vnquam
 Confluxit populus. Totam pater vndique secum
 Mouerat Auroram. Mixtis hic Colchus Iberis, 155
 Hic mitra velatus Arabs, hic crine decoro
 Armenius, hic picta Saces, fucataque Medus,
 Hic gemmata niger tentoria fixerat Indus.
 Hic Rhodani procera cohors, hic miles alumnus

mann. ad Ovid. Heroid. I. 80.
 Ruperti ad Sil. Italic. II. 441.
 in LL. VV. Burmannus ob-
 seruat, Nostrum interdum
 solere casum sextum huic
 verbo inungere VIII. 176. et
 XX. 190sq. nusquam autem
 casu secundo uti.

v. 152. *tantis*, tot. *linguis*
 cf. infra v. 162.

v. 154. *totam pater* cet.
 cf. VII. 68 seqq. *confluxit*.
 Burmanno verius videtur
influxit. laudat Flor. I. 1. 9.
 Quintil. Declam. III. 13.
confluxit, congregatus est.
 Homer. II. 2. 723. τὰ δ' ἑπεί-
 ρεον ἔθνεα καὶ ἄνθρωποι. Hoc loco
 et Schol. ad Aristoph. Acharn.
 26. utitur Burmannus ad *in-*
fluxit confirmandum.

v. 155. *Iberis*, incolis Ibe-
 riae regionis inter Colchi-
 dem Pontum Caucasum et
 Armeniam. Eam regionem
 describit Strabo XI. p. 344.
 Dionys. Perieget. 697 seqq.
 scribit, illos ab Iberis Hispa-
 niae originem ducere. Pri-
 scian. Perieg. 679sq. Avien.
 Descript. O. T. 882sq. Man-
 nert. Geograph. d. Griech. u.
 Roem. T. IV. p. 413sq.

v. 156. *mitra velatus*. Non

mollities Arabum designatur,
 sed peculiaris huius populi
 vestitus. *crine decoro* V. 108.

v. 157. *Saces*, *Sacae*, Σά-
 καί, ad Septentrionales Asiae
 populos referuntur. Scythas
 a Persis omnes *Sacas* adpel-
 latos esse narrat Herodot. VII.
 64. Perizon. ad Aelian. V. H.
 XII. 38 existimat, inde for-
 san formatum nomen esse
 Scytharum. Ceterum *Sacas*
 sagittandi arte insignes fuisse
 docet Dionys. Perieg. 749sq.
picta sc. tentoria, coloribus
 illita. *fucata* coloribus in-
 coctis cf. XXXV. 96sq.

v. 158. *gemmata*, nam gem-
 marum patria India est. *ni-*
ger. I. 170.

v. 159. *Rhodani procera*
cohors. Galli, qui corporum
 proceritate Italicos supera-
 bant vt Germani. Tacit.
 Germ. 4. Ab omnibus fere
 scriptoribus tribuuntur Ger-
 manis et Gallis corpora *in-*
gentia, *immania*, *altissima*.
 cf. Disputationem Conringii
 de habitus corporum Germa-
 nicorum antiqui et noui cau-
 sis; vbi loca ex antiquis
 scriptoribus, proceram illo-
 rum staturam spectantia, col-

Oceani. Ductor Stilicho tot gentibus vnus, 160
Quot vel progrediens vel conspicit occiduus Sol.

In quo tam vario vocum generumque tumultu
Tanta quies, iurisque metus seruator honesti,
Te moderante, fuit, nullis vt vinea furtis,
Vel seges exsecta fraudarit messe colonum; 165
Vt nihil aut saeuum rabies, aut turpe libido
Suaderent; placidi seruirent legibus enses.

Scilicet in vulgus manant exempla regentum,
Vtque ducum lituos, sic mores, castra sequuntur.

Denique victrices aquilas quocunque moueres, 170
Arebant tantis epoti millibus amnes.

lecta deprehendes. *Alumnus*.
Heins. probauit *Alanus*, quod
in quatuor et viginti Mss.
inuenit. Idem ad Valer.
Flacc. VIII. 219. *alumnus*
praefert. Est sane sermo h. l.
de populis versus occiden-
tem litis, neque video,
quid *Alano* cum oceano
commercii sit. Sub *alumnus*
oceani milites Galli et Hispa-
nienfes, qui mare Atlanti-
cum adcolunt, intelliguntur,
non Britanni, vt Gesnerus
existimat. Pari ratione Ca-
stor et Pollux *alumni Eu-*
rotae dicuntur VIII. 211.
Omnino quo quis natus et
educatus est, eius loci *alu-*
mnus vocatur. Stat. Theb.
VI. 15. et regio ipsa *altrix*.
Horat. od. III. 4. 10. ibi v.
Iani. cf. supra VIII. 128 sq.
et infra XXVIII. 81.

v. 161. 2. *progrediens* h. l.
oriens. *vario tumultu* varie-
tate incondita, Barth. et con-
fusa multitudine, Gesnerus
explicat.

v. 163. 7. *honesti*, h. l.
modestiae militum. v. 165.
seges exsecta. Heinsius lau-
dat Nostr. XXII. 198. *resecta*
vulgarius est Ovid. Amor. I.
15. 12. Gesnerus *erepta* ma-
gis probat. *fraudare* proprie
est damno aliquem adficere,
h. l. a militibus, qui rese-
cuerunt messem, ad ipsam
messem exsectam translatum
est. Sic, quod militum pro-
prie esset, tribuitur *ensibus*,
quibus ad omne nefas mili-
tes dissoluti solent abuti.

v. 168. 9. *in vulgus ma-*
nant h. l. vim habent in
vulgo, vulgus se accommo-
dare solet regentum exem-
plis cf. VIII. 299 sq. *lituos*.
III. 347 sqq. XVII. 181. h. l.
imperia, quae lituis, tubis
eduntur.

v. 171. *Arebant*. Ingentem
militum numerum designat.
Graecorum vanitatem imita-
tus esse videtur, qui talia
de Xerxis exercitu praedica-
bant. v. Herodot. VII. 42.

Illyricum peteres: campi montesque latebant;
 Vexillum nauale dares: sub puppibus ibat
 Ionium. Nullis succincta Ceraunia nimbis,
 Nec iuga Leucatae feriens spumantia fluctu 175
 Deterrebat hiems. Tu si glaciale iuberes

196. Diodor. XI. 2 sqq. cf. supra V. 120 sqq.

v. 172 *latebant*, tegebantur hominum multitudine.

v. 173. *Vexillum nauale dares* pro: expeditionem navalem ediceres. De vexillo, quod vel pugnae vel itineris signum ab imperatoribus proponi solebat, egit Lips. ad Tacit. Ann. I. 39. vbi neque de veteranorum neque de vexillariorum vexillo sermo esse videtur. Eripuisse autem milites vexillum e Germanici domo eo consilio videntur, ne idem faceret, quod Mennius, castrorum praefectus, qui, vt Tacitus capite praecedente memorat, *raptō vexillo et ad ripam verso reduxit in hiberna turbidos et nihil ausos.* cf. Serv. ad Virgil. Aen. VIII. 1. *sub puppibus ibat* i. e. puppibus seu nauibus tegebatur. cf. Virgil. Aen. IV. 582.

v. 174. *Ceraunia*. V. 221. *succincta* Gesnerus proprie accipit, altitudinemque promontorii expressam putat, cuius media tantum pars cincta sit nubibus, dum vertex semper sereno gaudeat coelo. Videtur tamen *succincta* simpliciter positum

esse pro: *cincta*. Valer. Flacc. III. 465 sqq. *Iuppiter vrgentem ceu summa Ceraunia nubem Quum pepulit, movitque iugis; fulsere repente Et nemora et scopuli, nitidusque reducitur aër.* Ceterum negatio non pertinet ad *succincta*, sed ad sequens *deterrebant*, et nullis positum est pro: non, hoc sensu: quancūque nimbi sint, qui Ceraunia cingunt, iis non deterretur classis Stilichonis. Quatuor Mss. habent *nullum* cum adscripta in vno glossa: i. e. sociorum tuorum. Burmanno hoc placet, sed auribus ingratum est, *Ionium, nullum*. Accedit, quod librarius facile *nullis* in *nullum* poterat mutare, vt accusativum huic loco intruderet, cuius omissionem concoquere non potuit. Sed saepius Noster accusativum omittit.

v. 175. *Leucatae*. Promontorium quod Leucadiam finit (nunc *Cabo Ducato*.) olim peninsula et Acarnaniae cohaerens. Insula facta est isthmo perfosso v. Harduin. ad Plin. H. N. IV. 1. Liv. XXXIII. 17. Virgil. Aen. III. 274. ibi v. Heyne.

Vestigare fretum: securo milite ducti
 Stagna reluctantes quaterent Saturnia remi;
 Si deserta Noti, fontem si quaerere Nili:
 Aethiopum medios penetraissent vela vapores. 180
 Te memor Eurotas, te rustica Musa Lycae,
 Te pastorali modulantur Maenala cantu,
 Partheniumque nemus, quo te pugnante resurgens
 Aegra caput mediis erexit Graecia flammis.

v. 177. 8. *ducti remi*. Ovid. ex Ponto I. 5. 40. *ducit remos* pro: nauigat, de nauta dicitur. *reluctantes* sc. aquis et ventis. Remis enim praecipue utebantur veteres, quando ventus esset nauigationi contrarius. *quaterent*, pulsarent. *Stagna Saturnia*. Dionys. Perieg. 30 sqq. αὐτὰρ ὑπερθεὺς πρὸς βορέην, ἴνα παῖδες ἀρσιμυνέων Ἀριμασπῶν, πόντον μιν καλέουσι πεπηγότε τε Κρόνιον τε. Ad quae notat Eustathius, Saturnium illud mare glaciale vocari, quia in illis locis stella Saturni regnet, κρόνιος καλεῖται, διὰ τὸ λέγεσθαι τῶν ἐκεί τόπων ἄρχειν τὸν ἀστέρα κρόνου. ὃς ψύζειν τίθεται, ψυχρὸς ἀπὸ τῶν ἀποτελεσματικῶν ἐκλαμβανομένους. cf. Priscian. Perieg. v. 41. et 58. et Avieni Descript. orb. terr. v. 56 sqq. Poet. lat. m. T. V. P. I. et II.

v. 179. *deserta Noti*, quae sub zona torrida iacent. *fontem Nili* cf. I. 38. V. 244. VII. 207. Catarractorum forsan poeta immemor haec posuit. Herodot. II. 29. Lucan. X. 317 sqq. Forfan *Nili fontem quaerere* posuit omni-

no pro: aduerso Nili flumine altius in Aegyptum penetrare et in deserta sole torrida.

v. 181. *Eurotas* VIII. 211. *Lycae*. *Lycaenum* nemus Arcadiae, quod Pan potissimum colere dicebatur et pastorum cantu semper resonabat. cf. Theocrit. I. 123 sq.

v. 182. *Maenala*. I. 187. VIII. 470. Virgil. Eclog. VIII. 22 sq. *Maenalius argutumque nemus pinosque loquentes Semper habet; semper pastorum ille audit amores*.

v. 183. *Partheniumque nemus*. *Parthenius* Arcadiae mons arboribus confusus. *quo*. Miror Gesnerum retinuisse *quod*, quum sequentia prius postulare videantur. *quo*, sc. ad montem Parthenium, seu omnino in Arcadia. Graeciam ab Alarico praesertim Peloponnesum vastatam esse, quem Rufinus immiserit, memorat Zosim. V. 6. et 7. eandem etiam a Stilichone vexatam esse addit. Ex Claudiano videtur Stilicho in Arcadia cum hostibus conflixisse eosque in fugam vertisse.

Plurima Parrhasius tunc inter corpora Ladon 185
 Haesit, et Alpheus Geticis angustus accruis
 Tardior ad Siculos etiam nuni pergit amores.
 Miramur rabidis hostem succumbere bellis,
 Quum solo terrore ruant? Num classica Francis
 Intulimus? Iacuere tamen. Num Marte Suëvos 190
 Contudimus, queis iura damus? Quis credere possit?
 Ante tubam nobis audax Germania seruit.
 Cedant, Druse, tui, cedant, Traiane, labores.

v. 185. *Ladon* Arcadiae fluminis. *Parrhasius*, Arcadicus, nam a monte Parrhasio Arcadica interdum Parrhasia vocantur.

v. 186. *Alpheus angustus* pro: angustatus, oppletus cadaverum accruis, ut aqua fluminis haerere cogeretur. cf. IV. 9sq. ibi v. not. de fabula Arethusae Siciliae fonte eiusque intercurfu cum Alpheo Elidis flumine. Quibus adde Cluver. Sicl. antiq. V. D'Orville Sicula I. p. 193. et quae praeterea laudat Heyne ad Virgil. Eclog. X. 4. Aen. III. 694sq. Gesnerus argutari videtur in *angustus* et in *tardior pergit*, quandoquidem, ut ait, arctato alveo, celerius eant fluminis.

v. 187. *ad Siculos amores*, ad Arethusam. *Amores* saepe dicitur de amante et amata. Tibull. II. 7. 47.

v. 188. *rabidis bellis*, cum furore quasi gestis aut summa virium contentione.

v. 189. *ruant* i. e. cadant, submittant se. cf. VIII. 457. Heinsius mavult *ruat*, ut

ad hostem referatur. *Francis* VIII. 447. *classica* bellum.

v. 191. *iura damus* XX. 577. *contudimus*, fregimus. Horat. od. III. 6. 10. et IV. 3. 8. Virgil. Aen. I. 263sq.

v. 192. *Ante tubam*, priusquam classica canerentur et in eos impetus fieret. Omnino igitur pro: ante bellum illis illatum. Ex Virgil. Aen. XI. 424. cf. Sil. Italic. IX. 52. Iuvenal. I. 169. *audax*, bellicosa.

v. 193. *Cedant, Druse, tui* cet. cf. VIII. 455 seqq. Negat Gesnerus, poetam hic modum ingenii tenere, quanto enim pertinacius resistent hostes, tanto luculentiorum esse victoriam. Hoc quidem recte dici potest; verum, quocum hostis confligit, eum sperat saltem a se vinci posse; cui se autem, alias animosus et fortis, ante bellum submittit, eum procul dubio desperat vinci posse, huius igitur gloria longe maior debet esse; necesse etiam est talia suae virtutis documenta iam ante ediderit, ut spem

Vestra manus dubio quidquid discrimine gessit,
 Transcurrens egit Stilicho, totidemque diebus 195
 Edomuit Rhenum, quot vos potuistis in annis.
 Quem ferro, alloquiis, quem vos cum milite, solus.
 Impiger a primo descendens fluminis ortu
 Ad bifidos tractus, et iuncta paludibus ora, (200
 Fulmineum praestrinxit iter. Ducis impetus vndas

victoriae hostes capere nequeant. *Traiane*. De rebus gestis eius v. Sext. Aurel. Victor. de Caes. XIII. et epit. XIII. ibi not. VV. DD. et Plin. Paneg.

v. 194. *dubio discrimine* i. e. proeliis, quorum euentus diu dubius fuit, ergo gravissimis.

v. 195. *Transcurrens egit Stilicho* cf. VIII. 458 sqq. Senec. Troad. 233 sq.

v. 197. *Quem ferro* sc. Druse et Traiane, domuistis. *alloquiis* sc. Stilicho domuit, et sic reliqua. Transpositis versibus rotundiores exire sententiam existimat Burmannus — *totidemque diebus, Quem ferro, alloquiis, quem vos cum milite, solus, Edomuit Rhenum, quot vos potuistis in annis.*

v. 198. *primo ortu*, a fontibus.

v. 199. *Ad bifidos tractus et iuncta paludibus ora*. Commentarii loco potest esse Tacit. Annal. II. 6. *Nam Rhenus uno aluo continuus aut modicas insulas circumveniens, apud principium agri Batavi velut in duos amnes diuiditur; servatque*

nomen et violentiam cursus, qua Germaniam praecurritur, donec Oceano misceatur; ad Gallicam ripam latior et placidior adfluens, verso cognomento, Vahalem accolae dicunt; mox id quoque vocabulum mutat Mosam flumine, eiusque immenso ore eundem in oceanum effunditur. cf. infra XXVI. 335 sqq. Zosim. III. 6. Inde vocatur bicornis Virgil. Aen. VIII. 727. *iuncta paludibus ora*. Tacitus dicit *immenso ore*. Pompon. Mel. III. 2. similiter de dextra parte Rheni: *ripis longe et late recedentibus, iam non est amnis, sed ingens lacus.*

v. 200. *Fulmineum*, rapidissimum. Heinsius laudat Sil. Italic. XII. 461. cf. Rupertii ad eundem I. 421. et Nostr. infra XXVIII. 469. *praestrinxit iter* sic legendum etiamsi *flumineum*, quae est altera lectio, reliquias. Gesnerus quidem aliter statuere videtur. *Praestrinxit* poeta posuit cum respectu ad Rheni cursum, secundum quem Stilicho iter suum per egit. Expressit Noster sententiam vulgarem: ripas flu-

Vincebat celeres, et pax a fonte profecta
 Cum Rheni crescebat aquis. Ingentia quondam
 Nomina, crinigero flauentes vertice Reges,
 Qui nec principibus, donis precibusue vocati,
 Paruerant, iussi properant, segnique verentur 205
 Offendisse mora. Transuecti lintribus annem
 Occursant vbicunque velis. Nec fama fefellit
 Iustitiae; videre pium, videre fidelem;
 Quem veniens timuit, rediens Germanus amauit.
 Illi terribiles, quibus otia vendere semper 210
 Mos erat, et foeda requiem mercede pacisci,
 Natis obsidibus pacem tam supplice vultu
 Captiuoque rogant, quam si post terga reuincti

minis celerrimo itinere prae-
 strinxit. cf. LXXIII. 6.

v. 201. *et pax a fonte*
 (Rheni) *profecta*. A Stili-
 chone, Rheni fontes acce-
 dente, gentes pacem pete-
 bant, omnesque, quascun-
 que ad Rheni cursum iter
 dirigens accederet, illarum
 exemplum secutae sunt, ita
 vt, quo magis vltius pro-
 grederetur, eo maior fiebat
 gentium numerus, quae se
 submiserant imperio Ro-
 mano. *Pax* itaque *crenit*,
 i. e. numerus gentium paca-
 tarum ea ratione augebatur,
 qua flumen Rheni aliorum
 fluuiorum accessu aquarum
 copia augetur.

v. 202. 3. *ingentia quon-
 dam nomina* i. e. duces bar-
 barorum bellica gloria quon-
 dam maxime insignes. *cri-
 nigero vertice* cf. XXVI. 481.
 v. Lips. ad Tacit. Germ. 38.
 Crines alebant Germani, eos-

que in vertice nodo stringe-
 bant. De rutilis seu flauis
 crinibus res est notissima.

v. 204. *Principibus*, Im-
 peratoribus ipsis.

v. 205. *iussi* opponitur *et
 donis precibusque vocati*.

v. 206. *lintribus*, quia na-
 vibus non utebantur Ger-
 mani, aut quia naues ad
 manum non erant, lintribus
 confectis, ne tempus terere
 viderentur naues expectan-
 do, fluuium transibant.

v. 207. *fefellit* sc. barbaros.

v. 208. *fidelem*, seruantem
 promissa.

v. 210. *Illi terribiles* sc.
 populi barbari. cf. Plin.
 paneg. XII. 2.

v. 213. *Captiuoque*, qua-
 lis esse solet captiuorum.
reuincti pro: manibus re-
 vinctis, quemadmodum ca-
 ptiui in triumphum duce-
 bantur.

Tarpeias pressis subeant ceruicibus arces.
 Omne, quod Oceanum fontesque interiacet Istris, 215
 Vnius incurfu tremuit. Sine caede subactus
 Seruitio Boreas, exarmatique Triones.
 Tempore tam paruo tot proelia sanguine nullo
 Perficis, et Luna nuper nascente profectus,
 Ante rediis, quam plena fuit, Rhenumque minacem
 Cornibus infractis adeo mitescere cogis, (220

v. 214. *pressis* pro: depres-
 sis, inflexis. Exprimit tri-
 stium et lugentium habitum.
Tarpeias arces XV. 30.

v. 215. *oceanum* Germani-
 cum intelligit.

v. 217. *Seruitio*. Heinſius
 recepit *Seruitio*, quod ele-
 gans quidem, tamen a Clau-
 dianum consuetudine abhor-
 rens videtur et si verum fa-
 tendum est, h. l. ineptum.
Triones. Saepius Noster pla-
 gam coeli ponit pro populis,
 qui sub ea habitant. VII. 205.

v. 218. *Proelia* h. l. signi-
 ficat id, quod proeliis per-
 fici solet, vt hostes se sub-
 mittant, atque imperata fa-
 ciant. Sensus itaque est:
 Congressus tui cum barbaris,
 in quibus verbis tantum dis-
 ceptabatur, felicissimorum
 procliorum euentum habue-
 runt, vt iura darentur bar-
 baris tamquam deuictis.
 Gesnero nimium audax hoc
 et repugnans adeo visum est.

v. 219. 20. *et luna nuper
 nascente* cet. Tempore igitur
 XIV aut XV dierum iter,
 quod CXV Germanica mil-
 liaria aestimatione mediocri
 habet, percurrit, ita vt sin-

gulis diebus dena milliaria
 cedant. Quod rem magis
 etiam incredibilem reddere
 videtur, sunt morae, quae
 ad congressiones cum bar-
 baris necessariae erant, qui-
 bus bona temporis pars con-
 sumenda erat. Probabile est
 Claudianum ad augendam
 rem et temporis spatium
 minuisse et itineris longitu-
 dinem paullulum produxisse,
 in iis autem, quae de dedi-
 tione barbarorum dicat, in-
 genio magis et adulationi,
 quam rei veritati indulgisse.
 cf. VIII. 440 sqq. Hoc iter
 videtur suscepisse ad inspi-
 ciendos imperii fines, quae
 Rheno constituebantur, et
 ad remouendas, quae essent
 cum nonnullis barbaris, con-
 trouersias.

v. 221. *Cornibus infractis*.
 Fluminibus cornua tribui,
 iam supra vidimus l. 220.
 Saepius autem flumina pro
 gentibus ponuntur, iisque
 tribuuntur, quae ad gentes
 pertineant. Flumen victum
 dicitur, quando accolae gen-
 tes superatae sunt. Hoc loco
 illud expressum est cum re-
 spectu ad Rheni, qua finge-

Vt Salius iam rura colat, flexosque Sicambrus
 In falcem curuet gladios, geminasque viator
 Quum videat ripas, quae sit Romana requirat;
 Vt iam trans fluuium, non indignante Caüco, 225
 Pascat Belga pecus, mediumque ingressa per Albin
 Gallica Francorum montes armenta pererrent;

batur, figuram, et vis eius debellata per *cornua infracta* egregie ad sensum reuocatur. cf. XXIV. 24. XXVI. 603. Ovid. Trist. IV. 2. 41 sq. Forsan ex Acheloi pugna cum Hercule hanc imaginem poetae sumserunt Ovid. Met. IX. 85 sq. *mitescere*, ferociam suam deponere.

v. 222. *Salius*. *Salii* ad Francorum nationem pertinebant Ammian. Marcell. XVII. 8. *Francos eos, quos consuetudo Salios appellat, ausos olim Romano solo apud Toxiandriam locum habitacula sibi figere* cet. Zosim. III. 6. memorat, *Salios* a Saxonibus pullos, in Bataviam, quae prius tota Romanorum erat, concessisse, ipsosque vocat *Φράγξαν ἀπόμοισρον*. *Sicambrus*. VIII. 446.

v. 224. *quae sit Romana*, quum vtramque ripam aequè cultam incolisque habitatam aequè humanis videat.

v. 225. *Caüco* XVIII. 379. *fluuium*, Rhenum.

v. 226. 7. Ex h. l. quidam collegerunt, tunc tempestatis Albin medium fuisse inter Gallos et Francos, Gallosque armenta sua trans

Rhenum, Visurgim et Albin egisse. Verum in hoc Nostro fides haberi nequit, etiamsi iuratus id dixisset. Hadrian. Vales. Rer. Franc. II. p. 94. Notitia Galliar. p. 200 legit *mediumque per alueum*, Rhenumque intellexit. Verum, quum Rheni mentio iam facta sit, coniectura nihili esse videtur. Geanerns laudat Martini Bouquet Script. Franc. T. I. p. 771. qui legendum censet *Albam*, qui est fluuius *Albe* seu *Alve* nuncupatus Arduennensibus, in *Vrtam* influens. Et Francos, quorum montes armenta Gallica pererrarent, Catos esse, a Romanis olim in Tungrense territorium deductos, censet Abbas Dubos in hist. Critic. Monarch. Franc. I. 17. Monendum sane est h. l. vehementer esse lubricum, ex poetis, iis praesertim, qui id agant, vt miris rerum narrationibus lectores teneant et delectent, admirationemque iis iniiciant, ea petere, quae ad locorum situm pertinent, indeque regionis alicuius, vt tunc fuerit, descriptionem conficere, nisi in animum induxe-

Vt procul Hercyniae per vasta silentia silvae
 Venari tuto liceat, lucosque vetusta
 Religione truces, et robora Numinis instar 230
 Barbarici nostrae feriant impune bipennes.

Vltro quin etiam deuota mente tuentur,
 Victorique fauent. Quoties sociare catervas

ris, somnia vel plane ficta, vel ex aliorum narratiunculis manicis et fabulosis poetae subnata, pro totius aetatis, qua ille vixerit, persuasione venditare. Haec res vix in omnibus historicis feliciter procedet, nisi in iis, qui, quae ipsi viderint, memoriae tradiderunt. Albis, Vurgis, Amisii ceterorumque fluminum et locorum nomina notissima adhuc erant a Germanici inde temporibus, vivebantque in scriptis eorum, qui illam celeberrimi et fortissimi ducis expeditionem memoriae prodiderant, verum situs locorum eorumque vera distantia, quae oculis tantum pictura et delineatione tradi, non oratione commode describi potest, videtur periisse, veterumque poetis id accidisse interdum non miremur, quod saepius nostris hominibus accidere solet, quando fabularum suarum, ad delectandum inuentarum, sedes in Africae aut Arabiae aut Persiae regionibus collocent, ut nota et splendida nomina retinerent, omnia autem reliqua pro ingenii modulo ad suum consilium accommodare fingerent.

v. 228. *Hercyniae* VIII. 491.

v. 230. *truces*, horrendos, metuendos. Tacit. de Mor. Germ. 9. *Ceterum nec cohibere parietibus deos, neque in ullam humani oris speciem assimulare ex magnitudine coelestium arbitrantur. Lucos ac nemora consecrant, deorumque nominibus appellant secretum illud, quod sola reuerentia vident.* Huius rei causam locus continet Senec. epist. XLI. *Si tibi occurrit vetustis arboribus et solitam altitudinem egressis frequens locus, illa proceritas silvae, et secretum loci, et admiratio umbrae, fidem numinis facit.* cf. Lucan. III. 399 lqq. Tacit. Annal. XIV. 29. quos locos Burmannus iam laudauit et Schedius de diis German. c. 23. *robora numinis instar* i. e. robora, quae pro numine erant v. Iacob. Gothofr. ad Cod. Theodos. de pagan. sacrif. T. VI. p. 312. b.

v. 232. *deuota mente tuentur*, adeo dediti victoribus, ut aequo animo religiones suas violatas adspiciant.

v. 233. *fauent*, voluntate inclinata sint in cet.

Orauit, iungique tuis Alamania signis!
 Nec doluit contempta tamen, spretoque recessit 235
 Auxilio laudata fides. Prouincia missos
 Expellet citius, fallax quam Francia Reges,
 Quos dederis. Acie nec iam pulsare rebelles,
 Sed vinclis punire licet. Sub iudice nostro
 Regia Romanus disquirit crimina carcer. 240
 Marcomeres Sonnoque docent, quorum alter Etruscum
 Pertulit exsilium; quum se promitteret alter
 Exfulis ultorem, iacuit mucrone suorum;

v. 234. *Alamanca VIII.*
 449.

v. 235. *contempta tamen.*
Contemnere saepius est nostrum *nicht achten*, quod minime confundendum est cum *verachten*. *Contemnimus* aliquem, quando non curamus, vtrum albus an ater sit, vtrum amicus an inimicus. *Contempta* h. l. est non accepta, quia non necessaria existimabatur. Eodem modo *spernere* contumeliam nullam inuoluit, vt iam a Gesnero obseruatum est.

v. 236. *Auxilio*, quod offerebat *fides* Germanorum. *missos*. *Missi* tunc dicebantur rectores cum amplissima potestate ab Imperatore in prouinciam aliquam legati. Sic Burmann. qui laudat Cangii Gloss. in h. v.

v. 237. *Expellet citius.*
 Sensus: veteres prouinciae expellent citius rectores, quos Imperator misit, quam fallaces Franci reges, quos tu illis dederis: pro *fallax* in quibusdam Mss. legitur

fascēs, quod cum *missos* coniungendum. Non male. Ceterum animaduertit Hein- sius v. 238. vltimam syllabam in *dederis* saepe produci. v. eum ad Ovid. Heroid. VII. 53. A. A. I. 447.

v. 238. *acie nec iam pulsare rebelles* cf. VIII. 89 sq. XX. 308 sqq.

v. 240. *Regia Romanus disquirit crimina carcer.* i. e. reges, criminum rei, iam e carcere causam dicere coguntur.

v. 241. 3. *Marcomeres Sonnoque docent.* Quae narrat de his regulis vera putanda sunt, talia enim comminiscendi audaciam abiectissima adulatio respueret. Occurrunt etiam illa nomina in antiquis chronicis, quae Barthius ad h. l. laudat. *Marcomeres* seu *Marcomirus* pater habetur Pharamundi, quod quale sit, disquirant historici iique, quibus in antiquorum annalium barbarie versari volupe est. *Etruscum pertulit exsilium* i. e. qui relegatus est in

Res auidi concire nouas, odioque furentes
Pacis, et ingenio scelerumque cupidine fratres. 245

Post domitas Arctos alio prorumpit ab axe
Tempestas, et ne qua tuis intacta tropaeis
Pars foret, Australis sonuit tuba. Mouerat amens
Maurorum Gildo populos, quibus imminet Atlas,
Et quos interior nimio plaga sole relegat; 250
Quos vagus humectat Cinyps, et proximus hortis
Hesperidum Triton, et Gir notissimus amnis
Aethiopum, simili mentitus gurgite Nilum.

Etruriam. Is autem erat
Marcomeres a suis viuis Ho-
norio traditus. *promitteret*
ultorem, Virgil. Aen. II. 94.

v. 245. *fratres*, simillimi.

v. 246. *alio ab axe*, ab
australi plaga, Africa, in qua
Gildo turbas excitauerat.

v. 248. *australis tuba* cf.
XV. 380.

v. 250. *interior plaga*, zona
torrida. *relegat*, disclusos ab
aliis populis tenet. *nimio*
sole, nimio solis ardore, qui
alios a commercio illorum
populorum arcet.

v. 251. *Cinyps*, Κινυψος,
et Κινυψ in maiorem Syrtim
influit. Memoires de l'Aca-
demie des Inscript. T. XXVI.
p. 78. Herodot. IV. 175. et
198. hodie *Wadi Quaham*.
vagus propter crebros flexus.
quos, Macas intelligit, qui
semper Cinyphii dicuntur a
Sil. Italic. III. 274 sqq. vbi
quoque gens illa describitur.
Humectat proprie ad regio-
nem pertinet, quae rigatur,
nisi velis *quos humectat* ac-
cipere pro vulgari: qui bi-
bunt. Pindar. Olymp. V. 27 sq.

Ἰππάρης οἷσιν ἄρδαι στρατὸν.
vbi secundum Heyne popu-
lus pro vrbe positus est.

v. 252. *Triton*. VIII. 36.
proximus hortis Hesperidi-
dum. Iuncta haec quoque
sunt apud Lucan. IX. 344 sqq.
Antiquiores poetae de situ
hortorum Hesperidum di-
versa tradiderunt. In Manri-
tania ad radices Atlantis
montis eos collocat Virgil.
Aen. IV. 480 sq. v. ibi Heyne.
eundemque ad Apollodor.
p. 141. Spanh. ad Callim. H.
in Cer. 11. Ceterum de situ
Tritonis docte disputat Hee-
ren in libro *Ideen über*
d. Politik, d. Verkehr u. d.
Handel der vornehmsten Völk.
d. a. IV. inscripto T. II.
p. 41. ed. 1804. *Gir* Aga-
them. II. 10. τῶν διαβρέοντων
τὴν ἐντὸς Αἰθιοπίας, καὶ τὰς
δὲ ἀρχαῖς καὶ τὰ τέλη ἐν
ἡπείρῳ ἔχοντων, μέγιστος
ἔστιν ὁ τε Γίρ καὶ Νίγρις.
Ptolemaeo est Γείρ et Γείρα
ciuitas ad hunc fluuium sita.

v. 253. *simili mentitus*
gurgite Nilum. Hoc memo-
rat Plin. H. N. V. 8. de Nigri.

Venerat et paruis redimitus Nuba sagittis,
 Et velox Garamas; nec quamuis trilibus Ammon 255
 Responlis alacrem potuit Nasamona morari.
 Stipantur Numidae campi; stant puluere Syrtes
 Gaetulae; Poenus iaculis obtexitur aer.
 Hi virga moderantur equos; his fulua leones
 Velamenta dabant, ignotarumque ferarum 260
 Exuviae, vastis Meroe quas nutrit arenis.

Nigri fluuiio eadem natura, quae Nilo; calammum et papyrus et easdem gignit animantes. Animaduertit Salmas. ad Solin. p. 299 *Gir, Nigir, Siris* varie confundi.

v. 254. *paruis redimitus Nuba sagittis* v. ad VII. 21. Populum describit Sil. Italic. III. 268 sqq. *Nubae* apud Plin. H. N. VI. 30. et Ptolemaeum IV. 8. non longe absunt ab Arabiae latere Nili ripa oriente et mari rubro. Forsan incolae Meroës sunt intelligendi. v. not. ad l. 135.

v. 255. *Garamas.* *Garamantes* vel intra Aethiopiam et Gaetuliam vel in extrema Africae parte ultra Gaetuliam habitabant Herod. IV. 174. et 183. Cultum huius populi describit Sil. Italic. I. 414 sq.

v. 256. *Nasamona* XV. 192. cf. Sil. Italic. I. 408 sq. III. 320 sq. Lucan. IX. 439 sq.

v. 257. *Numidae campi* eadem ratione dici Heinlinus docet, qua *Numidae leones* Ovid. A. A. II. 183; *Poenavis* Sil. Italic. VI. 338. et *Poenus aer* versu sequenti. *Stant puluere Syrtes* i. e. syrtis obductae sunt perpe-

tua nube puluerulenta. Lucan. IX. 456 sq. *pars plurima terrae Tollitur et nunquam resoluta vertice pendet.* vbi v. Schol. Stat. Theb. VII. 123. *Sed vnde Puluere* stant *asira globo.* cf. Enn. fragment. ed. Hessel. p. 145 *stant puluere campe.* Virgil. Aen. XII. 407. vbi Heyne comparat Homer. Il. ψ. 365 sq. cui loco addas β. 150 sq. alia exempla congestit la Cerda. Idem dicendi color occurrit infra XXVI. 326 sq.

v. 259. 60. *Hi virga moderantur equos.* v. not. ad XV. 439 sq. *his fulua leones Velamenta dabant.* In vno Ms. legitur *scuta leonum*, in alio v. 260 deest. Sensusque integer exit, si legas: *his scuta leonum Exuviae, vastis Meroë quos nutrit arenis.* Eum, qui addiderit versum, Burmannus existimat in animo habuisse Virgil. Aen. VIII. 552 sq. Mihi quidem versus intrusus non videtur, neque, quod in vno Msc. deest, hoc satis causae existimo, vt eiiciatur. Ex toto loco adparet, Africanos

Serpentum patulos gestant pro casside rictus;
 Splendent viperae squamosa pelle pharetrae.
 Non sic intremuit Simois, quum montibus Idae
 Nigra coloratus produceret agmina Memnon; 265
 Non Ganges, quum, tela procul vibrantibus Indis,
 Immanis medium vectaret bellua Porum.
 Porus Alexandro, Memnon prostratus Achilli;

non ex rei veritate describi, sed poetam in cultu eorum fingendo luxuriari. *Scutorum* autem mentio vix locum habere potest cf. XV. 435. *Exuviae*, repetendum est: velamenta dabant. Ceterum *Meroë* pro Africa interiore posita. VII. 21.

v. 262. 3. Etiam hoc loco Nostri ingenium luxuriatur, Afrosque ex Gothorum aliorumque populorum septentrionalium moribus et cultu exornat, ita tamen, ut exuvias a bestiis eiusdem regionis petat.

v. 264. *intremuit Simois*. Gesnerus quaerit: an satis commode *intremuisse* dicatur Simois ad Memnonis agmina, quum auxilio Troianis venerint? Sed quidni commode dixerit, quum et cultus armorum eius, quem amicum scimus esse, terrorem incutere nobis adspectu solo possit. De Memnone v. not. ad XX. 530. *montibus Idae*. Super eum montem, ad cuius radices Ilium situm erat, Troianis et auxilia et commeatus veniebant, quoniam ea pars a Graeco-

rum praesidiis non erat occupata. *coloratus*, niger.

v. 267. *Immanis bellua*, elephas. *medium*, suorum seu Indorum. Sic regius interpret, qui, quamquam cruda plerumque propinare solet, h. l. immerito absurditatis a Burmanno accusatur, qui ex Curtii testimonio (VIII. 13 sqq.) ait, regem animum duxisse suos, et in prima acie magnum regem magno elephanto conspicuum fuisse. Nescio sane, quid Burmannus sibi velit. Qui in media acie ante prima signa versatur, nonne is *medius* vocari potest? Sed Curtii auctoritas h. l. nulla est; Nostrum vel alias de hoc proelio narrationes secutum esse, vel suo ingenio indulgisse etiam ex hoc patere videtur, quod *Gangis* mentio fit, quum illa pugna ad Hydaspis ulteriorem ripam commissa sit. cf. Arrian. de Expedit. Alexandri V. p. 330 sq. ed. Blancard. Plutarch. Alexand. M. cap. 60. T. IV. ed. Hutt.

v. 268. *prostratus Achilli*. Quint. Calab. II. 541 seqq. Ceterum *prostratus* ad Po-

Gildo nempe tibi. Nec solum feruidus Austrum,
 Sed partes etiam Mavors agitabat Eoas, 270
 Quamuis obstreperet pietas. His ille regendae
 Transtulerat nomen Libyae, scelerique profano
 Fallax legitimam regni praetenderat umbram.
 Surgebat varia geminum formidine bellum.
 Hoc armis, hoc triste dolis; hoc Africa saevis 275
 Cinxerat auxiliis, hoc coniuratus alebat
 Infidiis Oriens. Illinc edicta meabant
 Corruptura duces: hinc frugibus atra negatis
 Urgebat, trepidamque fames obsederat urbem.
 Exitiale palam Libycum: ciuile pudoris 280
 Obtentu tacitum. Tales vtrinque procellae

rum ductum nihil aliud potest significare, quam: victus. Ille enim non solum seruatus ab Alexandro, sed etiam ampliore regno, quam tenuit, donatus est. Curt. VIII. 14. Arrian. de Exped. A. V. p. 349. Plutarch. l. c. cf. infra XXXIX. 19.

v. 269. *feruidus*. Heinsius coni. *perfidus*. Prius tamen non est mutandum.

v. 270. *partes eoas*, imperium orientale sic dictum est cum respectu ad occidentale. *agitabat*, sollicitabat ad bellum suscipiendum.

v. 271. *Quamuis obstreperet pietas*, quamuis intercederet pietas, ne fratres bello committerentur. *his*, partibus eoas.

v. 272. *nomen regendae Libyae*. i. e. transferebat in speciem tantum Africae imperium Arcadio, re autem vera illud retinebat.

v. 273. *umbram legitimam*

regni pro: umbram seu speciem legitimi regni, quasi illud Arcadii nomine retineret Honorio ereptum, ad quem non pertineret.

v. 274. *varia formidine*. Nam a Gildone arma, ab orientalibus doli erant timendi, qui ex parte explicantur per *edicta corruptura duces*.

v. 275. 8. *saevis Auxiliis* supra 248 sqq. *cinxerat*, tutata erat. *coniuratus*, conspirauerat enim cum Gildone. cf. XV. 277 sq. *illinc* respicit propius, Orientem, aulam Constantinopolitanam. *corruptura duces*, quae fidem ducum ab Honorio abalienarent. *atra*, vt XXVIII. 245. αἰθροῦς λιμὸν Hesiod. Op. ed. D. 363.

v. 279. *trepidamque fames* cet. XV. 62 sqq.

v. 280. 1. *Exitiale* sc. bellum. Fame enim oppugnabatur Italia. *ciuile Libyco*

Quum fremerent, lacerumque alternis ictibus anceps
 Imperium pulsaret hiems, nil fessa remisit
 Officii virtus, contraque minantia fata
 Peruigil, euentusque sibi latura secundos, 285
 Maior in aduersis micuit. Velut arbiter alni,
 Nubilus Aegaeo quam turbine vexat Orion,
 Exiguo clauī flexu declinat aquarum

opponitur. *pudoris obtentu* h. l. pro: pudore intercedente. Impediebat nempe pudor Arcadium cum Eutropio instigatore, ne palam arma caperet contra Honorium fratrem. Indeque *tacitum* erat bellum *ciuile*, inter fratres, et per edicta clam ad duces missa agebatur, ut Gildoni fauerent, opibusque sustentarent. *utrimque*, ab Oriente et ab Austro.

v. 282. *fremere*, vt XXIX. 208 sq. *lacerumque*. Hanc lectionem Heinlinus optimam iudicat v. infra XXII. 201 sq. Quidam *laterumque*, quod haud scio an non deterius sit, quam *Latiumque* a Barthio defensum. *anceps* pertinet ad *hiems*. Color orationis ductus est a nauigio, quod a ventis agitur inter se contrariis cf. III. 275 sqq.

v. 283. *anceps hiems* i. q. supra *utrimque procellae*, tempestas ab vtraque parte irruens in imperium. *nil remisit officii* i. e. non fatigatus est Stilicho, nec remisit quidquam earum rerum, quae ad regentis officia pertinerent. *virtus* h. l. forti-

tudo est, quae nullis periculis terretur, nec de salute desperat in summo rerum discrimine, memor Virgilii (Aen. VI. 95.) *Tunc cede malis sed contra ardentior ito*. Eundem describit Stilichonem infra XXVI. 267 sqq.

v. 285. *euentusque sibi latura secundos*, quum satis virtute et constantia superatis ingentem sibi gloriam esset paraturus.

v. 286. *micuit*, ornate profuit. *arbiter alni*, gubernator. V. 503. VIII. 625.

v. 287. *Nubilus Orion* pro tempestatibus ponitur, quae ortu et occasu eius oriri solent, hinc *nimbosus* vocatur Virgil. Aen. I. 535. *aquosus* ab eodem IV. 35, et *saenus* VII. 719. cf. Horat. epod. XV. 7. turbine *Aegaeo*, tempestate in mari Aegaeo, quod periculosissimum erat, concitata. Horat. od. II. 16. 2. *vexat* Heinl. laudat Prudent. Cathem. IX. 38. Addi potest Lucan. V. 575.

v. 288. *clauī*, gubernaculi. cf. Apollon. Rhod. II. 584 seq.

Verbera, nunc recta, nunc obliquante carina
 Callidus, et pelagi coelique obnititur irae. 290
 Quid primum mirer, Stilicho? Quod cautus ad omnes
 Restiteris fraudes, vt te nec noxia furto
 Litera, nec pretio manus inflammata laterent?
 Quod nihil in tanto rerum terrore locutus
 Indignum Latio? Responſa quod ardua ſemper 295
 Eois dederis, quae mox effecta probaſti?
 Securus, quamuis et opes, et rura tenerent,
 Inſignesque domos. Leuis haec iactura, nec vnquam
 Publica priuatae ceſſerunt commoda cauſae.
 Diuidis ingentes curas, teque omnibus vnum 300
 Obiicis, inueniens animo, quae mente gerenda,
 Efficiens patranda manu. Dictare paratus,

v. 290. *pelagi coelique irae* i. e. fluctibus et vento.

v. 292. 3. *noxia furto Litera*, quae in occulto nocebāt, inſidioſe et clam ad duces miſſa v. ſupra 277 ſq. cf. Burmann. ad Ovid. Heroid VI. 43. *manus inflammata pretio* i. e. accenſa pretio, donis et muneribus corrupta. Sil. Italic. XVI. 302.

v. 295. *Indignum Latio*, quod imperii Occidentis dignitati obſuiſſet. *reſponſa ardua*. Bene Geſnerus: quae altum animum et nihil a metu depreſſum vel ab auaritia ob damna rei familiaris humilem indicarent. cf. XXIV. 104.

v. 296. *effecta probaſti* pro: in effectum adduxiſti.

v. 297. 8. *quamuis et opes et rura tenerent*. Ex his non ſequitur, aulam Conſtantinopolitanam in fortunas et praedia, quae ibi habebat

Stilicho, graſſatam eſſe, ſed *ſecurus* indicat, hoc non curaſſe illum, quamquam timendum ei erat, ne facerent. Atque *tenerere* non tam poſſeſſionem indicare videtur, quam occupandi facultatem. Erant illae Stilichonis fortunae in manu Arcadii, vt, quodocunque vellet, illas poſſet in fiſcum redigere. *leuis haec iactura* ſc. Stilichoni videbatur, ſi id accideret.

v. 300. *Diuidis ingentes curas*. Commentarii loco poſſunt eſſe verſus Virgil. Aen. IV. 285 ſq. ibi quidem, vt videtur, male-intruſi, cf. eundem V. 701 ſq. et 720. Burmannus ſuſpicatur legendum eſſe *in gentes*; quod h. l. alienum videtur.

v. 301. 2. *inueniens animo, quae mente gerenda*. Burmannus exiſtimat, illud *animo* hic *menti* haud eleganter

Quae scriptis peragenda forent. Quae brachia centum,
 Quis Briareus aliis numero crescente lacertis
 Tot simul obiectis possent configere rebus? 305
 Euitare dolos, veteres firmare cohortes,

iungi, proponit itaque: *inueniens, animi quae mente gerenda*, quod centies apud Lucretium occurrere dicit, sed, ni fallor, quater tantum occurrit, III. 616. IV. 759. V. 150. et VI. 1181. et ter seu quater *animi ratio*, dubitoque, an satis poeticum sit, quod Lucretii et Plauti (Cistell. II. 1. 5 sq. Epid. IV. 1. 1. Trin. II. 4. 53.) exemplo probari forsan non potest. Sed legitur etiam apud Catull. LXV. 4. Omisissis subtilitatibus, quas Barthius profert, quum discrimen inter *animum et mentem* ne a Cicerone quidem, quando philosophi partes agit, et accurate loqui debeat, observetur, quid h. l. statuendum sit, cuique facile potest occurrere. *Inueniens animo* i. e. excogitans, *quae mente, consilio, gerenda*. Opponitur enim *mente gerenda* τῷ *patranda manu*, et *inueniens animo* τῷ *efficiens*. Miror sane, Burmannum proposuisse: *quae Marte gerenda*, quum hoc iam, nihilque aliud, exprimatur per *patranda manu*, pro quo tamen legi vult *peraranda*. Verum haec coniectura a priori vel inuito videtur esse extorta. *dictare paratus, amanuensi-*

bus. paratus, promptus, expeditus.

v. 303. *scriptis, per literas.*

v. 304. 5. *quae brachia centum* Quis Briareus cet. pro: quae brachia centum Briarei, vnius e Centimanis v. Heyne ad Apollod. p. 7. *numero crescente*, simpliciter pro: pluribus; quod non sollicitandum est, quum necessarium sit ad determinandum *aliis lacertis*, ne id intelligas: aliis, non prioribus, quos habuit Briareus. Heinsius mauult tamen *humero crescente*, laudans Ovid. Amor. I. 7. 23. qui locus tamen coniecturae parum patrocinatur. Burmannus malle videtur *Quis Briareus alius*. XXII. 390. Virgil. Eclog. II. v. ult. Verum et *aliis* non videtur mutandum, *aliis numero crescente* est: aliis totidem prioribus additis, vt pulchre vidit Gesnerus. *configere* cum delectu est positum pro: satisfacere, quum negotiorum molem et difficultatem simul inuoluat.

v. 306. *firmare cohortes*, quarum fidem forsan Eutropius sudebat sollicitare, aut est: confirmare animum.

Explorare nouas, duplices disponere classes,
 Quae fruges vel bella ferant, aulaeque tumultum,
 Et Romae lenire famem? Quot nube soporis
 Immunes oculi per tot discurrere partes, 310
 Tot loca, sufficerent, et tam longinqua tueri?
 Argum fama canit centeno lumine, centum
 Corporis excubiis, vnam seruasse iuuentam.

Vnde tot allatae segetes? Quae silua carinas
 Texuit? Vnde rudis tanto tirone iuuentus 315
 Emicuit, senioque iterum vernante resumit
 Gallia bis fractas Alpino vulnere vires?
 Non ego delectu, Tyrii sed vomere Cadmi
 Tam subitas acies, concepto dente draconis,

v. 308. *bella ferant*. Notum *Φέρειν πόλεμον, Φόνον*. v. Drakenbr. ad Sil. Italic. III. 365. et Ruperti in VV. LL. *aulae tumultum*, dissidium inter Arcadium et Honorium intelligit et partes inde inter aulicos natas.

v. 309. *nube soporis*, somno. v. Burmann. ad Valer. Flacc. VIII. 81. qui laudat Stat. Theb. X. 285 sq. Achill. I. 250 sq. *immunis* saepe cum sexto casu construui docet idem ad Lucan. VIII. 704. cf. XXII. 201.

v. 312. *Argum*. Ovid. Met. I. 624 sq. *centeno* v. n. ad Pers. V. 6. *excubiis* pro: custodibus; omnes enim oculi in Ino erant intenti.

v. 315. *Texuit* v. Burmann. ad Ovid. Met. XIV. 531. et Trist. I. 5. 9.

v. 316. *Emicuit*, de celeritate sumendum est, qua exercitus comparati sunt. Bene Gesnerus laudat Virgil.

Aen. VI. 5 sq. *tanto tirone rudis exercitus* i. e. exercitus rudis ex tot tironibus conscriptus. *senio vernante* i. e. senibus iuuenili aetate rursus indutis, senectute quasi absterfa.

v. 317. *bis fractas Alpino vulnere vires*. Primum bello contra Maximum, deinde contra Eugenium.

v. 318. *delectu*, conscriptione. Burmann. ad Ovid. Met. X. 314. docet idem esse, siue *delectus* siue *legas dilectus*. *Tyrii seu vomere Cadmi*. Fabulam narrat Ovid. Met. III. 101 sqq. cf. Euripid. Phoeniss. 661 seqq. ibi v. Schol. Apollon. Rhod. III. 1176 sqq. Heyne ad Apollod. p. 554. *vomere*, e sulcis vomere ductis.

v. 319. *concepto dente*. Dentes quali semen erant, quod proprie dicitur concipi. Burmannus praetulit *conceptas*, quod saltem

Exsiluisse reor. Dircaeis qualis in aruis 320
 Messis, cum proprio mox bellatura colono,
 Cognatos strinxit gladios, quum semine iacto
 Terrigenae galea matrem nascente ferirent,
 Armiger et viridi floreret milite sulcus.

Hoc quoque non parua fas est cum laude relinqui,
 Quod non ante fretis exercitus adstitit ultor, (325

XXXVI. 59. confirmari nequit.

v. 320. *Dircaeis*, Thebanis, a fonte *Dirce*. Hoc per proleptin dictum esse, quia Dirce post Cadmum diu vixerit, Burmannus observat. De illa poetarum licentia vide eundem ad Ovid. Met. III. 169. et XI. 124. et ad Lucan. IV. 322.

v. 321-4. *colono*. Nemo potest esse alius, quam Cadmus. Verum in hoc Noster vel mutavit fabulam, vel aliam, quam vulgarem, narrationem secutus est, quod dicit illos, e dentibus sparsis ortos, gladios strinxisse cum Cadmo bellaturos. *cognatos* vocat, quia cum gladiis, armati, e terra prodibant. Iuvenal. XIV. 241 sqq. *Terrigenae galea* cet. Ovid. Met. III. 107. *Primaque de sulcis acies adparuit hastiae, Tegmina mox capitum picto nutantia cono. matrem, terram. galea nascente ferirent* quum nascens i. e. prorumpens galea terram removeret, aut penetraret. v. 324. *Armiger*, quia milites armatos produceret. *viridi milite floreret*. Dictio sumpta a se-

gete efflorescente. *viridis miles* est miles recens natus e terra segetis instar. Ceterum locus mihi interpolatus videtur. Profecto omissis vers. 321. et 322. omnia saniores speciem induunt. *Non ego delectu, Tyrii sed vomere Cadmi, Tam subitas acies, concepto dente draconis, Exsiluisse reor, quondam quum semine iacto Terrigenae galea matrem nascente ferirent, Armiger et viridi floreret milite sulcus.* Itaque sic statuo, rem, quam Noster paucis tantum verbis et obscurius significavit, aliis versibus, nescio, unde, sumtis et fortasse ad fabulam Iasonis (Apollon. Rhod. III. 1340 seqq. Ovid. Met. VII. 121 sqq. Valer. Flacc. VII. 610 sqq.) pertinentibus, a docto quodam codicis possessore esse illustratam, quos deinde minus doctus descriptor, comparisonis forma illis induta, in textum recepit.

v. 325. *non iunge cum fas est.*

v. 326. *fretis exercitus adstitit*, sc. in naues imponendus. *ultor*, ad poenas a Gildone sumendas.

Ordine quam prisco censeret bella Senatus.
 Neglectum Stilicho per tot iam secula morem
 Rettulit, vt ducibus mandarent proelia Patres,
 Decretoque togae felix legionibus iret 330
 Tessera. Romuleas leges rediisse fatemur,
 Quum procerum iussis famulantia cernimus arma.
 Tyrrhenum poteras iunctis transcurrere signis,

v. 327. *Ordine*, more, rite. *censeret*, decreuisset.

v. 329. *Rettulit*. Gesnerus laudat Virgil. Aen. V. 596 sq. vt ducibus mandarent cet. Ius belli et pacis reipublicae temporibus penes senatum fuisse constat, ducesque semper ex senatus decreto bella gerebant. Sub Imperatoribus senatui decernendum erat, non quod sibi, sed quod illis placeret, et mox omnino omissum est referri ad senatum de bello et pace.

v. 330. *Decretoque togae* i. e. senatus decreto. *felix legionibus iret Tessera*. Drakenbr. ad Sil. Italic. VII. 347. monet, tesseras, συνθήματα duplicis generis fuisse, vnum, quo milites se internoscerent, ne hostis vigiles et stationes circumueniret, hoc genus paucis verbis, saepe vno, constabat; alterum τὰ παραγγέλματα καὶ διατάγματα, quibus dux militibus seu ordinum ductoribus significaret, quid faciendum esset. cf. Lips. de Milit. Rom. V. dial. 9. et quae Ruperti laudat ad Sil. Ital. l. c. Huius generis *tesserae*

mandata erant, quae ad milites eorumque duces etiam longinquos perferebantur, apud Nostrates *Orders*. cf. Virgil. Aen. VII. 637. Sil. Italic. XV. 475. Stat. Theb. X. 17 sq. Sidon. Apoll. carm. II. 449 sq. Locum ita interpretor: vt senatus decreto quali omine sancto legiones arma capere iuberentur, aut omnino bellum susciperetur. Burmannus mauult *velox tessera*, vt apud Stat. Theb. VII. 236. ibi tamen aliter se res habet. *felix* causam continet, cur Stilicho morem antiquum retulerit, si *velox* legas, totus versus mera est et frigida repetitio prioris.

v. 331. *rediisse*. Heinsius *remeasse* recepit. Sed quum et *rediisse* rectum sit, vt probat Burmann. laud. Horat. Od. I. 2. 5. et IV. 2. 39. plurimorum Mss. consensum secutus sum. *Romuleas*, antiquas.

v. 332. *procerum*, senatorum. *famulantia*, obtemperantia cf. VIII. 504 sqq.

v. 333. *iunctis signis*. Gesnerus explicat: collectis omnibus manipulis, quae pro-

Et ratibus Syrtes, Libyam complere manipulis.
 Consilio stetit ira minor, ne territus ille 335
 Te duce, suspecto Martis grauiore paratu,
 Aut in arenolos aestus zonamque rubentem
 Tenderet, aut Solis fugiens transiret in ortus,
 Missurusue sibi certae solatia mortis,
 Oppida dirueret flammis. Res mira relatu: 340
 Ne timeare, times; et, quem vindicta manebat,
 Desperare vetas. Quantum fiducia nobis
 Profuit hostilis! Saluae Carthaginis arces,
 Illaesis Tyrii gaudent cultoribus agri,
 Quos potuit vallare fuga; spe captus inani 345
 Nec se surripuit poenae, nostrisque pepercit
 Demens; qui numero tantum, non robore, mensus
 Romanos, rapidis ibat ceu protinus omnes
 Calcaturus equis; et, quod iactare solebat,
 Solibus effetos mersurus puluere Gallos. 350

prie signa sunt, et legionibus adeo. Equidem interpretor: vna cum signis, ut sit sensus, tu poteras ipse cum exercitu transmittere, transcurrere, quod defendit Burmann. Lucan. III. 537 sq. et Horat. epod. XI. 1. recepi pro vulgariori *transmittere*, quamquam vnius Msc. auctoritate nitatur. Vtitur tamen *transmittere* supra XV. 370.

v. 335. *Consilio stetit ira minor.* Stetit, fuit. Sil. Italic. IX. 263. et Heyne ad Virgil. Aen. I. 646. VII. 535. Sensus: ira victa est consilio. Burmann. laudat Horat. Od. III. 6. 5. Lucan. VII. 686. et 718.

v. 336. *Te duce, suspecto* cet. si grauius aut acrius bellum sibi instare aut pa-

rari suspicaretur ex eo, quod tu exercitum duceres.

v. 337. *zonamque rubentem*, zonae rubentis seu ardentis.

v. 339. *Missurusue sibi certae solatia mortis*, tamquam inferias suis manibus, quum se iam in media morte versari cogitaret.

v. 341. *times*, curas, caves. Eadem figura vtitur Pacat. Paneg. Vet. XII. 34. 1. Quo quidem maxime tuus gaudebat exercitus, quum se ultro videret laceSSI, qui nihil magis timuerat, quam timeri.

v. 343. *Profuit.* Parum abfuit, quin reciperem contulit.

v. 350. *Solibus effoetos Gallos.* Heinlius mauult ef-

Sed didicit non Aethiopum geminata venenis
 Vulnera, non fusum crebris hastilibus imbrem,
 Non equitum Latiis nimbos obsistere pilis.
 Sternitur ignauus Nasamon, nec spicula supplex
 Iam torquet Garamas; repetunt deserta fugaces 355
 Autololes; pauidus proiectat missile Mazax;

feto, probatque multis exemplis, terram arenosam et sterilem *effetam* vocari. Gesnerus coniecturam recepit. Burmannus recte vulgatam defendit, explicatque: languidos calore, sic vinitorem viribus exhaustum *effetum* vocat Virgil. Georg. II. 417.

v. 351. 2. *geminata venenis vulne a.* Barbaros solitos esse tela et gladios veneno inficere, notum est. cf. Heyne ad Virgil. Aen. IX. 737. et X. 140. Lucan. VIII. 303 sqq. Sil. Italic. I. 312 sqq. XV. 681 sqq. Ovid. ex Ponto I. 2. 17. *fusum imbrem*. Ennii fragm. ed. Hessel. p. 81. *Hastiati spargunt hastias, fit ferreus imber*, quo crebri ingruentium telorum ictus bene describuntur. Inde forsitan pendet Virgil. Aen. XII. 284. Multa alia exempla v. ad Enn. l. c. Pindar. Isth. V. 60 sqq. καὶ νῦν ἐν ἄρσι Μαρτυρήσαι κεν πόλις Αἰάντος, ὀρθωθεῖσα νύτῃς Ἐν πολυφθόρῳ, Σαλαμῖς, Διὸς ὄμβρῳ, Αναρτήμων ἀνδρῶν χαλαζᾶσιντι φόνῳ.

v. 353. *equitum nimbos*. Ab auium multitudine petitam metaphoram putant,

quae, dum volant, tenebris quasi diem inuoluunt. Transferitur ad quamcunque multitudinem, vt νεφεος πρῶτον Hom. II. δ. 274. Τρωῶν. τ. 66. *nubes Laconum* Sil. Italic. VI. 336. *Latiis pilis*, Romanorum telis. *Pila* quidem propria erant olim legionariorum, verum non militum huius temporis. Sed sequitur in hoc, vt in multis aliis, Noster antiquitatem.

v. 354. *Nasamon*. XV. 192.

v. 355. *Garamas*. v. supra 255.

v. 356. *Autololes*, populus Mauritaniae Tingitanae et Gaetuliae ad montem Atlantem oramque maris Atlantici. Sil. Italic. III. 306 sqq. *Nec non Autololes, leuibus gens ignea plantis, Cui sonipes cursu, cui cesserit incitus amnis; Tanta fuga est: certant pennae, campumque volatu Quum rapuere, pedum frustra vestigia quaeras*. cf. interpp. ad Lucan. IV. 677. ed. Oudendorp. *Mazax*. Magna huius nominis est varietas in scriptis editisque. Occurrit quoque apud Lucan. l. c. 681. Nemes. Cyneg. 261.

Cornipedem Maurus nequidquam hortatur anhelum.
 Praedonem lembo profugum, ventisque repulsum,
 Suscepit merito fatalis Tabraca portu,
 Expertum, quod nulla tuis elementa paterent 360
 Hostibus, et laetae passurum iurgia plebis,
 Fracturumque reos humili sub iudice vultus.

Nil tribuat fortuna tibi, sic prospera semper
 Illa quidem. Sed non vni certamina pugnae

v. 357. *Maurus* v. Ruperti ad Sil. Italic. I. 215.

v. 358. *Praedonem*, Gildonem. *lembo*, paruo navigio.

v. 359. *fatalis Tabraca*, Gildoni ad interitum cf. XVIII. 410. et XIX. 71. *merito portu*, illic enim poenas dedit. Oros. VII. 36. *Gildo et ipse fugam molitus, arrepta naui, ut in altum prouectus, ac deinde reuocatus in Africam, post aliquot dies strangulatus interiit.* Zosim. V. 11. 7. memoriae prodidit, cum laqueo vitam finiisse, ne in hostium manus incideret. Symmachus (epist. IV. 4.) Stilichonem certiolem facit, Gildonem omnibus sententiis in senatu Romae damnatum esse. Gesnerus existimat, Nostrum indicare, quid futurum fuisset, nisi morte Gildo damnationem occupasset. Forlan supplicium tantum, non damnationem, morte occupauit.

v. 361. *iurgia*, ludibria.

v. 362. *Fracturumque reos humili sub iudice vultus*, i. e. et reum subiturum esse

sententiam humilis iudicis i. e. plebis, ut Gesnerus putat, quod tamen vix potest placere, quandoquidem iudicio populi nullus potest locus esse. Forlan iudex intelligitur Gildonis dignitate longe inferior. Nihilominus tamen de populi iudicio sermo est infra XXIV. 99 sqq. Sed in re tam incerta quis pro certo aliquid adfirmauerit! cf. Gothofred. ad Cod. Theodos. VII. de Metatis. Ceterum sententia expressa est ex reorum habitu, qui deiecto prae pudore vultu (*fracto*) in iudicio stant, aut iudicum sententiam convicti expectant.

v. 363. 4. *sibi*. In Burmanniana ed. *tibi* vitio operarum forlan. *sic prospera semper Illa quidem*. Vel subintelligendum: tibi semper sit, ut adhuc fuit, vel sensus ita constituendus: fortuna quidem sic prospera tibi semper fuit, ut videatur omnia tibi tribuere posse. Pertinet hoc ad bellum contra Gildonem, cuius euentum felicem totum consilio Stilichonis poeta tribuit. Di-

Credidimus, totis nec constitit alea castris 365
 Nutatura semel. Si quid licuisset iniquis
 Casibus: instabant aliae post terga biremes;
 Venturus dux maior erat. Victoria nulla
 Clarior, aut hominum votis optatior vnquam
 Contigit. An quisquam Tigranen, armaque Ponti, 370
 Vel Pyrrhum Antiochique fugam, vel vincla lugurthae
 Conferat, aut Persen debellatumque Philippum?
 Hi propagandi ruerant pro limite regni:
 Hic stabat Romana salus; ibi tempora tutas
 Traxerunt dilata moras: hic vincere tarde 375

cit enim, etiamsi, fortuna non adiuvante, primus impetus parum prospere cessisset, omnia iam parata fuisse, ad aduersa reparanda. non vni certamina pugnae Credidimus i. e. non in euentu vnus pugnae totam belli spem posuimus, aut omnes vires vni pugnae commisimus.

v. 365. 6. *alea* — *Nutatura semel*. h. e. discrimen, quod semel tantum aditur, quo in perpetuum de re aliqua decernitur. Non omnem exercitum fortunae vnus proelii commisimus. Lucan. VI. 6 sqq. *iniquis casibus*, fortunae aduersae.

v. 367. *post terga*, velut in subsidiis.

v. 368. *dux maior*, Stilicho ipse, aut alius priori clarior.

v. 370. *Trigranen*, regem Armeniae, debellatum a Pompeio. Appian. de bello Mithrid. c. 104 sqq. Flor. III. 5. 27. Vellei. II. 37. *arma-*

que Ponti, bellum contra Mithridatem, de quo v. auctores a Freinsh. ad Flor. III. 5. laudatos.

v. 371. *Pyrrhum*, Epiri regem. Flor. I. 18. *Antiochique fugam* Flor. II. 8. et in utroque loco Freinsh.

v. 372. *Persen*, Macedoniae regem. Flor. II. 12. *debellatumque* pertinet quoque ad Persen. v. Bentley. ad Horat. od. II. 19. 24. Broukh. ad Tibull. III. 6. 48. infra Nost. XXII. 435. *Philippum*. Bellum innuitur Macedonicum primum, vt sub *Persen*, bellum secundum.

v. 373. *ruerant*, ceciderant, superati erant. *pro limite*, vt fines imperii Romani propagarentur.

v. 374. 5. *Hic stabat*. Gesnerus: vt navis in malacia deprehensa, vel haerens in syrtibus, vel in incili haerens currus. Minus bene. *Stabat* h. l. est: in acie versabatur, pugnabat. Sensus: hic agebatur salus Romana.

Vinci paene fuit. Discrimine Roma supremo
 Inter supplicium populi deforme pependit;
 Et tanto Libyam fructu maiore recepit,
 Quam peperit, quanto grauiorem amissa dolorem,
 Quam necdum quaelita, mouent. Quis Punica gesta, 380
 Quis vos, Scipiadae, quis te iam, Regule, nosset;
 Quis lentum caneret Fabium, si iure peremto
 Insultaret atrox famula Carthagine Maurus?

tempora tutas Traxerunt dilata moras. Sensus: ibi bellum tuto trahi poterat, quum tempore dilato et vires Romanae augerentur et hostium minuerentur. Virgil. Aen. X. 888. Ovid. Met. IX. 763 sqq.

v. 376. 7. *vincere tarde Vinci paene fuit.* Pendente enim bello Italia fame vexabatur. *discrimine Roma supremo Inter supplicium populi deforme pependit.* Gesnerus existimat, desiderari alterum extremum, inter quod pependisse et fluctuasse Roma dicatur, verbo, victoria. Equidem verba ita ordino: *Roma pependit discrimine supremo, inter supplicium deforme populi.* *Pendere summo discrimine* efficacius est vulgariori: versari in discrimine summo, quandoquidem *τὸ pendere* dubium statum eius exprimit, qui vtrum salutem recuperaturus an periturus sit adhuc incertus est. *Supplicium deforme* autem fames est, cuius epitheton ex de-

scriptione, quam exhibuit Sil. Italic. II. 461 sqq. facile potest explicari. *Inter supplicium deforme populi* i. e. dum populus fame crucietur. Sensus itaque est: Respublica Romanorum in summo discrimine versabatur, dum populus fame cruciabatur. Tibull. II. 6. 26. *Sed canit inter opus*, quod quasi explicatur ab Ovid. Trist. IV. 1. 5 sq.

v. 378. *fructu* h. l. dulcedine fruendi. cf. Burmann. ad Ovid. Met. VIII. 750.

v. 382. *lentum*, cunctatorem. Sil. Italic. VIII. 11 sqq. *Lentando seruida bella Dictator* — bello vicerat hostem. *iure peremto* i. e. imperio Romano sublato, ut Roma non amplius caput rerum esset. cf. XX. 588.

v. 383. *famula Carthagine.* Quum ipsa Carthago, olim Romae aemula, debellata et in seruitutem redacta sit. Erat enim probrosum, Maurum Romanis imperare, qui Carthaginem deuicerant.

Haec omnes veterum renocauit adorea laurus.
 Restituit Stilicho cunctos tibi, Roma, triumphos. 385

v. 384. *adorea*. *Ador* proprie far; hinc *adoreum far*, et substantiv. *adorea*, proventus, farris copia. Hoc ponitur pro victoria, quia olim strenuis militibus post pugnam certus farris numerus solebat distribui. cf. Iani ad Horat. od. IV. 4. 41. *laurus*, triumphos.

XXII.

CL. CLAUDIANI
DE
LAUDIBVS STILICHONIS
LIBER II.

ARGVMENTVM.

Poeta hoc carmine de moribus Stilichonis se acturum esse proficitur, et cuius ille auctoritate adductus consulatum acceperit. v. 1 — 5. Clementia, deorum natu maxima, in Stilichonis pectore sedem suam fixit, quo factum est, ut ille omnibus virtutibus exornatus sit, quae a Clementia proficiſceantur. v. 6 — 29. In eodem pectore habitat Fides, quae eundem reddidit veracem, simplicem, constantem in amicitia, beneficiorum memorem v. 30 — 49. Vel amicorum natos eadem beneuolentia amplectitur v. 50 — 55. Maximum fidelis animi specimen exhibuit in regno fratribus reddendo, quod depositum quasi a Theodosio acceperat; eodem animo Honorio consulit, patrisque vices sustinet. v. 56 — 65. Quo in instituendo iusto temperamento vsus est, atque obsequio ducem, pietate patrem egit v. 66 — 73. Inde illius mores pudici, ut ante nuptias cum nulla femina commercium habuerit. Arcadium etiam tuetur, neque illi adſcribit, quod inimici hominesque turbulenti illius nomine contra ipsum ausi sint v. 74 — 87. Diuitias a Theodosio relictas filiis ex aequo diuisit, quin etiam exercitum diffidio inter utramque aulam iam gliscente v. 88 — 99. Omnes praeterea virtutes pectore recepit Stilicho, Iustitiam, Patientiam, Temperantiam, Prudentiam, Constantiam, remotissimae ab eo sunt Auaritia et Ambitio. v. 100 — 118. Inde fit, ut, illo rempublicam administrante, omnes fortunas suas conseruent, hominesque pro meritis suis aestimentur v. 126 — 131. A Luxuriae illecebris numquam captus nullis deliciis indulget, sed rebus grauioribus semper intentus est v. 132 — 145. Aerarii opes non profundit, nec in milites, quos honestis artibus sibi deuincit, largitionibus vititur v. 146 — 160. Remotus est ab omni superbia, aditu facilis, non acerbus verborum liberiorum vindex, comis, suauis sermone salibus facetiisque omnes detinens v. 161 — 172. Hinc ortus est amor, quo omnes eum prosequuntur, studiaque in statuis illi ubique ponendis, quae diuino honore colerentur, nisi ipse id respueret. v. 173 — 183. Hinc undique a populis legati mittuntur ad Stilichonem laudandum gratesque ei pro beneficiis acceptis dicendas, quod otio reddito agriculturas operam dare possint v. 184 — 201. Vulnera imperio Romano sub

prioribus Imperatoribus inflicta sub Stilichone sanantur v. 202 — 207. Etiam dii curam eius agunt, et auguriis somniisque futura illi aperiunt v. 208 — 217. Pro tot tantisque meritis ab omnibus Terris consulatus renuenti petitur, omnes conueniunt ad templum Romae v. 218 — 230. Prima Hispania queritur, quod Stilicho consulatum repudiat v. 231 — 240. Idem facit Gallia v. 241 — 246. Idem Britannia, exponens, quanta ei debeat v. 247 — 255. Idem Africa v. 256 — 262, et Oenotria v. 262 — 268. Quarum precibus indulgens Roma ad Stilichonem tendit v. 269 — 277. Quaerit, cur honorem toties delatum recuset? num illo consule indigna sit? num, quod illa dignitas ab Eutropio maculata sit? Verum hoc crimen ad se minime pertinere. Vel si contaminatus fuerit ille honos, solo Stilichone splendorem pristinum posse recuperari. Brutus repertor, Stilicho restitutor consulatus vocetur. Quae quum dixisset, trabeam a se textam ei dono dat, multis picturis exornatam v. 278 — 361. Quo facto, ritibus observatis, ipsa Stilichonem insignibus induit, quem eum Marte, peractis bellis Romam ingrediente, poeta comparat v. 362 — 376. Roma cupidinem profitetur nunciandi inferis, splendorem consulatus esse restitutum. Rogat deinde Stilichonem, ut saepius, quam adhuc fecerit, praesentia sua urbem exhilaret, quae toties frustra eum expectarit, ingentique gratulatione exceptura sit. v. 377 — 407. Fama de consule Stilichone peruulgata omnes consulares conuolant ut aquilae reliquaeque volucres ad aduentum Phoenicis v. 408 — 423. Sol pergit ad antrum Temporis, eique Natura portas aperit. Ibi ex annis aureis praecipuum Titan eligit, qui nomen Stilichonis gerat; reliquos pone sequi iubet v. 424 — 453. Adhortatur illos, ut optati mortalibus exeant, quandoquidem nunc aurea saecula reducta sint. v. 454 — 466. Ipse hortos suos ingreditur, fertis se comit, equosque suos exornat. Iuxta eum annus fiat, consulis nomen praeficiens, sideraque futuros Stilichonis consulatus aetheriis fastis inscribunt.

Hactenus armatae laudes. Nunc qualibus orbem Moribus, et quanto frenet metuendus amore,

COMMENTARIUS.

v. 1. 2. Argumentum totius carminis poeta paucis proponit v. 1 — 5. *armatae laudes* sc. celebratae sunt, intelligit autem res bello praeclare gestas. *qualibus moribus* sc. ipse indutus, et *quanto amore metuendus* i. e. quantopere ob illos mores ab omnibus ametur ita, ut metuentes, ne eum offendant, beneuolentiamque

eius a se alienent, dicto obediunt. cf. X. 330 sqq. Gesnerus aliter haec exponenda putat: metuendus hostibus propter amorem suorum; eo enim terribiliorem esse aliquem aduersariis, ait, quo magis a suis ciuibus et militibus ametur. Haec quidem per se vera sunt, tamen h. l. mihi non probantur. *frenet*, coerceat, moderetur.

Quo tandem flexus trabeas auctore rogantes
 Induerit, fastisque suum concesserit annum,
 Mitior incipiat fidibus iam Musa remissis.
 Principio magni custos Clementia mundi,

5

Virgil. Aen. I. 523. Valer. Flacc. I. 22. Sil. Italic. XIV. 489 sq. *orbem*, non solum pro vniuerso imperio Romano, sed et pro Occidentali et Orientali Noster posuit.

v. 3. *Quo tandem flexus auctore.* Poeta Stilichonem nolentem recusantemque consulatum inducit. cf. infra 218 sq. *flexus* Valer. Flacc. III. 515. Sensus: quis tandem eum adduxerit, vt sententiam mutaret, et indueret *trabeas rogantes*, consulatum vltro se ipsi obtrudentem. Eadem figura vtitur, qua vsus est supra VIII. 47 seqq. Burmann. laudat Ovid. ex Ponto IV. 13. 27 sqq. *trabeas* cf. III. 251.

v. 4. *suum*, suo nomine insignitum. *fastis* i. e. vt in fastis legeretur, occurreret.

v. 5. *Mitior Musa* opponitur ei, quae bella cecinit. *fidibus remissis*, leniori cantus genere, non illo intentione, quod conuenit rebus bellicis.

v. 6 sqq. Iam incipit Noster de virtutibus loqui, quibus Stilichonem ornatum inducit. Inter eas potissimum recenset *Clementiam* et *Fidem*. *Clementia* ea erat virtus, quam tunc potissi-

imum de Imperatoribus praedicabant, quaeque crudelitati, saeuitiae, seueritati opponitur Plin. Paneg. III. 4. XXXV. 1, LXXX. 1. cf. Senec. de Clement. II. 3. et 4. Latiori sensu h. l. sumi videtur pro moderatione et temperantia, quae potissimum cernitur in coercendis affectibus, quae ex iracundia vlciscendique cupidine proficisci solent. Eam *Clementiam* splendide describit, facitque non solum gubernatricem omnium rerum, verum etiam dicit, eam fuisse illam vim, quae pugnam olim elementorum composuerit, aut quae fecerit, vt ex virium inter se discordantium et inuicem se destruentium contentione, sapienti temperamento adhibito, pulcherrimus ille rerum ordo, qui mundus vocatur, exiret. Quantum nos quidem scimus, soli Iul. Caesaris Clementiae templum Romani dedicauerunt. Plutarch. in Caes. c. 57. T. IV. ed. Hutt. Dio Cass. XL. 6. ibi v. Fabric. Nul- lum Clementiae simulacrum exstitisse notum est ex Stat. Theb. XII. 494 sq. Numum veterem cum fronte templi et Caesaris Clementiae in-

Quae Iovis incoluit zonam, quae temperat aethram
 Frigoris et flammae mediam, quae maxima natu
 Caelicolum; nam prima Chaos Clementia soluit
 Congeriem miserata rudem, vultuque sereno 10

Scriptum exhibet Torrentius ad Sueton. in Caes. c. 75. alium Rubenius in Regum et Imperator. Rom. Numism. tab. 4. fig. 11. et 12. ibi imago visitur Clementiae cum ramo oleae et in templo simulacrum dextra ramum oleae tenens, sinistra videtur hasta inniti. Plura ibidem de huiusmodi numis et in Lexic. vniuersae rei numariae vet. ed. Io. Christ. Rasche in voce *Clementia*. *Principio* i. e. a rerum omnium principio. *magnificus mundi*, conservatrix totius vniuersitatis, quum naturae rerum inter se oppositas moderetur, nimiamque earum vim iusto temperamento coerceat.

v. 7. 8. *Quae Iovis incoluit zonam. incoluit* per enallag. temp. pro: incolit. Gronov. ad Senec. Hippol. 510. *Iovis zonam* Lucan. X. 205 sqq. *Frigida Saturno glacies et zona niualis Cessit; habet ventos incertaque fulmina Mavors. Sub Iove temperies et numquam turbidus aër.* cf. supra VII. 166 sqq. Sub zona totam illam sphaeram Gesnerus intelligit, quae cum Iove circumagitur, interclusam inter sphaeram Saturni et Martis. *quae temperat non ad zonam sed ad*

Clementiam referas. aethram Frigoris et flammae mediam, zonam temperatam.

v. 9. *nam prima Chaos Clementia soluit.* Haec cum duobus versibus sequentibus rationem continent, cur *maxima natu Coelicolum* dicta sit. Mire Nostrum *τῷ solui* vti putat Burmannus, quum proprie digesta et disposita moles *solvatur*, i. e. in chaos antiquum redigatur, vt pluribus locis ostendit ad Valer. Flacc. I. 829. Chaos autem continet *Non bene iunctarum discordia semina rerum* (Ovid. Met. I. 9.). Sub chaos igitur Noster elementorum pugnam intellexit, quam Clementia soluit i. e. dirimit. Sic *solvere proelia* XV. 276, *lites* V. 494. Potest quoque ita explicari: rerum perturbationem et confusionem sustulit, omniaque explicavit, disposuit et in certum ordinem redegit.

v. 10. *Congeriem rudem.* Ovid. l. c. *rudem indigestamque molem* vocat. *vultuque sereno, serenifico.* Vultum serenificum pluribus diis poetae tribuunt, imprimis Iovi. cf. Heyne ad Virgil. Aen. I. 255. Bene hoc Noster ad Clementiam transtulit, cuius non solum maiestatem sed naturam quoque

Discussis tenebris in lucem secula fudit.

Haec Dea pro templis et thure calentibus aris

Te fruitur, posuitque suas hoc pectore sedes.

Haec docet, ut poenis hominum vel sanguine pasci

Turpe ferunq̃ putes, ut ferrum Marte cruentum, 15

Siccum pace, premas, ut non infensus alendis

Materiem praestes odiis, ut fontibus vltro

Ignouisse velis, deponas ocius iram,

Quam moueas, precibus nunquam implacabilis obstes,

Obuia prosterne, prostrataque more leonum 20

Despicias, alacres ardent qui frangere tauros,

amabilem omniaque vel tristissima exhilarantem voluit exprimere.

v. 11. *Discussis tenebris.* Barthius laudat Nonni Dionys. XLI. Πρώτη κυανέης ἀπεσείσατο κῶνον ὁμίχλης, καὶ χάρος ζοφώεσσαν ἀπαστυφέλιζε κελύπτρην. *in lucem fudit saecula.* Chaos enim soluto et tenebris dispulsis rerum ordo explicatus est.

Saecula h. l. tempora, in quibus omnia sunt, fiunt, geruntur, quae fluminis instar feruntur. Huic accommodatum est *fudit*.

v. 12. *pro templis* v. n. ad 5. *ture calentibus.* Virgil. Aen. I. 417.

v. 13. *Te fruitur* sc. pro templo. *posuitque suas hoc pectore sedes.* Ovid. ex Ponto III. 6. 25 sq. Stat. Theb. XII. 494 sq. infra 31.

v. 14. *pasci*, delectari. III. 165.

v. 16. *Siccum pace premas.* *Siccum* opponitur *cruento*. Heinsius laudat Stat. Theb.

VIII. 384. Sil. Italic. VII. 213. VIII. 18 sqq. Iuvenal. X. 112 sq. Nost. XXIV. 269. cf. supra V. 234. Cui etiam altera lectio *feras* arridet, quam improbat Burmannus, quum saepe duabus diuersis rebus vnum modo verbum subiungatur (vide eum ad Vellei. Paterc. II. 128.) quumque *premere* semper ambigue dicatur, ut sit et retinere ferrum et vulnus inferre. H. l. *premere* est manu tenere.

v. 17. *alendis materiem praestes odiis.* Hoc faciunt, qui ab aliquo offensi dicta eius omnia et facta maligne interpretantur, indeque odium suum augment semper vindictae occasionem auide expectantes.

v. 19. *Quam moueas* pro: quam tibi moueatur, aut, quam suscipias iram. Stat. Theb. VIII. 125. *tunc iras tunc arma citat.*

v. 20. 1. *prostrataque more leonum Despicias*, cf. Stat. Theb. VII. 529 seqq. VIII.

Transiliunt praedas humiles. Hac ipse magistra
 Das veniam victis; hac exorante calores
 Horrificos, et quae nunquam nocitura timentur
 Iurgia, contentus solo terrore, coerces 25
 Aetherii patris exemplo, qui, cuncta sonoro
 Concutiens tonitru, Cyclopum spicula differt

124 sqq. XI. 27 sqq. *ardent* cupiditatis vehementiam exprimit. *frangere tauros*. cf. Homer. Il. 8. 161, λ. 175, ρ. 63. Praeterea laudat Heinf. Stat. Theb. V. 332. XI. 28. Valer. Flacc. II. 459 seqq. Drakenbr. speciem huius rei ex gemma et numo oculis proponit ad Sil. Italic. XI. 245 sq. adde Gorlaei Dactyl. T. I. n. 528. vbi duo leones vnum taurum frangunt.

v. 22. *praedas humiles*. Stat. silv. II. 5. 7. vocatur leo *altarum vastator ferarum*. *hac*, Clementia. *ipse*. Longe plures Mss. *iste*, inde coni. Heinf. *sponte*, quod, vt Burmannus iam notauit, aduersari videtur τῷ *magistra*. Ipse coni. *vse*, sed hoc languet, non quidem apud Ovid. Amor. III. 1. 38, quem laudat. *Ipse* rectum puto. Leones prostratum animal et praedas humiles negligunt, quia contemnunt; *ipse* idem facis Clementia adductus.

v. 23. 4. *hac exorante calores Horrificos* — *coerces*. Heinf. laudat Sil. Italic. XI. 547 sqq. *numquam nocitura* non ita explices: quae timentur ab omnibus, etiamsi

omnes sciant, ea sibi numquam esse nocitura; sed sic: quae timentur, et idcirco, quod timentur, non nocitura. Hoc apparet ex versu sequenti: *contentus solo terrore*. cf. Stat. Silv. III. 3. 156 sqq.

v. 25. *iurgia* h. l. exprobrationes, minae.

v. 26. *sonoro*. Tempestates *sonorae* vocantur a Virgil. Aen. I. 53. *Sonores* pro: tonitrua, posuit Valer. Flacc. V. 306. vbi v. Burmann. Ceterum compara Virgil. Georg. I. 328 sqq. et splendidissimum locum Horat. od. I. 34. 5 sqq.

v. 27. *Concutiens tonitru*. Ovid. Met. II. 848 sq. *cui dextra trifulcis Ignibus armata est, qui nutu concutit orbem. cyclopum spicula fulmina*. Virgil. Georg. IV. 170 sqq. *differt*, alii *defer*, quod Burmannus mauult, et idem dicit esse, quod: torquet. Laudat Ovid. Met. V. 90. Lucan. VII. 157. Sed haud facile quisquam locum proferet ex antiquorum libris, vbi *deferre fulmen, hastam* cet. is dicatur, qui fulmen seu hastam torqueat. Alia ratio est τῷ *deferre*,

In scopulos et monstra maris, nostrique cruoris
Parcus in Oetaeis exercet fulmina siluis.

Huic Divae germana Fides, eademque sorori, 50
Corde tuo delubra tenens, sese omnibus actis
Inferit. Haec nullo docuit liuescere fuco,
Nunquam falsa loqui, nunquam promissa morari,
Inuisos odisse palam, non virus in alto
Condere, non laetam speciem praemittere fraudi: 35

quod non solum idem est cum diffundere, spargere, ut passim occurrit, sed etiam, ut h. l., remotionem alicuius rei indicat in alium locum, quemadmodum vulgo remotionem in aliud tempus. Iupiter dicitur *differre fulmina* ab hominibus iisque rebus, quibus, quae est eius clementia, parcat, in eas res, quarum interitus vel prodest vel nihil nocet.

v. 28. 9. cf. not. ad Pers. II. 24. et Lucret. VI. 386 sqq. *Oetaeis*. V. 181. *exercet*. v. Burmann. ad Valer. Flacc. III. 162.

v. 30 seqq. Progreditur poeta ad alteram virtutem, *Fidem*, quam sororem germanam Clementiae dicit esse, cuiusque naturam in sequentibus accurate describit. Praeclare adumbrata *Fides* est a Sil. Italic. II. 484 sqq. qui eam facit *Iustitiae* consortem, beneque appellat *tacitum in pectore numen*. cf. quoque Horat. od. I. 24. 6 sq.

v. 31. *omnibus actis*, omnibus, quaecunque facis.

v. 32. *Inferit*, vim suam exserit in cet. *nullo liuescere fuco*. *Liuescere* posuit Noster pro: inuidere XXIV. 40, XXXVI. 27. Potest igitur explicari per: nulli inuidere adsumpta benevolentiae specie, ita ut *fucus* h. l. dissimulationem invidiae denotet. Gesnerus dicit, *fucum* sua natura lividum esse seu pallidum, *ωχροὺν* Aristot. H. A. VI. 13 extremo. Lanas fucolimbutas videre liuescere (v. eum ad Quintil. XII. 10. 75.). Indicare igitur poetam, homines, qui mendaciorum fucum adhibeant, ab illo tantum liuescere, non nitescere.

v. 34. *virus*, animi aestum, iracundiam. Ruperti ad Sil. Italic. II. 288. et LX. 476. *in alto condere*, quasi alta mente reponere ad opportunam enomendi occasionem. XVII. 92.

v. 35. *praemittere* i. q. praetendere, ut etiam in quibusdam Mss. legitur. *laetam speciem*, hilaritatem, humanitatem. Sensus: non tutos reddere homines hu-

Sed certum mentique parem componere vultum.
 Occulto saenire vetat, prodesse remittit.
 Haec et amicitias longo plus tempore firmat,
 Mansuroque adamante ligat, nec mobile mutat
 Ingenium, paruae strepitu nec vincula noxae 40
 Dissolui patitur, nec fastidire priorem
 Allicitur veniente nouo: benefacta tenere,
 Respuere offensas facilis, pariterque minoris
 Officii magnique memor, superare laborat,

maniter eos amplectendo, ut postmodum incautis noceatur aut fraus inferatur.

v. 36. *certum*. Quo viso de mente possis esse securus. Sic Barthius.

v. 37. *prodesse remittit*. *Prodesse* subintellige: occulto, *remittit*, permittit, non impedit. Hoc sensu illam vocem quandoque adhiberi, docent Lips. ad Tacit. Ann. I. 8, III. 54. Gronov. observ. IV. 2.

v. 38. *longo plus tempore firmat* h. e. quo diutius durant amicitiae, tanto eas Fides facit firmiores. Sic Gesnerus. Temporibus enim, quibus mutantur omnia, nihil licet in amicitias, quas Fides copulauit, sed potius temporis progressu stabiliuntur, reddunturque immutabiles.

v. 39. *Mansuroque adamante ligat* i. e. vinculis sempiternis. De *adamante* v. III. 119. *nec mobile mutat ingenium* h. e. nec mutat ingenium, quod si mutaretur, mobile esset.

v. 40. *paruae noxae stre-*

pitu i. e. strepitu adductus, quem parua noxa mouere solet, seu potius quem mouent calumniatores, ut ei, qui in parua re deliquerit, noceant. cf. VIII. 279. et XXXIX. 5.

v. 41. *Allicitur*. Magna MII. in hac voce est varietas. Heinsius locum corruptum indicat, olimque coniecit *neglectum*, vel *eiectum*, vel *abiectum*; paullo frigidius, ut existimo. Gesnerus *Allicitur* recte explicat per: induci se patitur; verum num commodè poeta ita dixerit, dubitat. Cur tamen dubitarit, equidem nescio. *tenere* sc. memori mente. Burmann. laudat Stat. Theb. VIII. 509 seqq. Graevium ad Cic. pro Sylla c. 18.

v. 43. *Respuere* opponitur priori *tenere*, positum itaque h. l. pro obliuisci.

v. 44. *superare* sc. officia sibi tributa. Burmannus coni. *superare labore*, *Vtque hostes armis, meritis sic vincere amicos*. An haec meliora sint, iudicent lectores.

Vtque hostes armis, meritis sic vincit amicos. 45
 Haec fouet absentes; haec longe sola remotis
 Consulit; haec nullis auidam rumoribus aurem
 Pandit, vt ignarum nunquam laesura clientem
 Insidiosa tuos alienent murmura sensus.
 Nec viuis annexus amor meminisse sepultos 50
 Definit: in prolem transcurrit gratia patrum.

Hac tu Theodosium, tenuit dum sceptrā, colebas;
 Hac etiam post fata colis, nec pignora curas
 Plus tua, quam natos, dederat quos ille monendos
 Tutandosque tibi. Iustos nimiumque fideles 55
 Fama putat, qui, quum possint commissa negare,
 Maluerint nullo violati reddere quaestu.
 At Stilicho non diuitias, aurique relictum
 Pondus, sed geminos axes, tantumque reseruat
 Depositem teneris, quantum Sol igneus ambit. 60

v. 47. *haec nullis auidam*
 cet. cf. VIII. 278 sqq.

v. 48. 9. Ordo verborum:
vt murmura insidiosa, lae-
sura clientem ignarum, nun-
quam alienent sensus tuos
 i. e. beneuolentiam a cliente.
 cf. Iuvenal. III. 122 sqq. et
 IV. 110.

v. 50. *Nec viuis annexus*
amor. Ex alia lectione *am-*
plexus coniecit Heinsius
Nec viuos amplexus amor.
 Sed *amplexus* glossa videtur
 esse, intelligi certe nequit,
 quemadmodum inde ad *an-*
nexus, annixus, obnixus cet.
 librarii aberrare potuerint.
 Ex *annexus* possis suspicari,
 poetam scripsisse *adiectus*,
 ita vt sit *amorem adicere*
alicui eadem ratione dictum,
 qua *adiicere animum alicui*.
 Sed sine codicum auctori-

tate omnis fere coniectatio
 lubrica est.

v. 51. *gratia patrum* i. e.
 amicitia seu beneuolentia
 in patres.

v. 52. *Hac, Fide. sceptrā,*
 regnum Virgil. Aen. I. 253.
 et saepius.

v. 54. *natos* Arcadium et
 Honorium. Memoriae tamen
 quidam tradidere, Stilicho-
 nem voluisse Eucherium,
 filium suum, Imperatorem
 facere. v. Gothofred. ad
 L. XXII. Cod. Theodos. de
 bonis proscript. T. III. p. 378.

v. 56. *Fama putat,* vulgo
 putant.

v. 57. *violati,* contaminati,
 quandoquidem turpis est
 huiusmodi quaestus.

v. 59. *geminos axes.* VIII.
 395.

Quid non intrepidus credas, cui regia tuto
Creditur? Hoc clipeo munitus Honorius altum
Non genuit patrem, vitaeque et lucis in ipso
Limine contemptus nunquam dat iura subactis
Gentibus, et secum sentit creuisse triumphos. 65

Quem tu sic placida formas, sic mente seuera,
Vt neque desidia tradas, dum pronus ad omne,
Quod libet, obsequeris; nec contra nixus ouantem
Confringas animum; secretus consona regno

v. 61. *intrepidus*, tuto.

v. 62. *clipeo* cf. VIII. 433.
altum, magnum, Virgil. Aen.
X. 875. XI. 726. Ovid. Met.
XV. 65.

v. 63. *Non genuit patrem*,
quia adhuc superstes erat in
Stilichone, *vitaëque et lu-
cis in ipso Limine*. Burman-
nus tautologiam putat *vitaë
et lucis*, quae vnum idem-
que notent, coniicit itaque
*vitaëque et laudis in ipso
lumine*. Citat Stat. Theb.
IX. 21. Sane *lumine* et *li-
mine*, *laus* et *lux* saepius
confunduntur. v. eundem
ad Valer. Flacc. I. 822. Ovid.
ex Ponto IV. 6. 9. Possis
etiam coniicere: *vitaëque
elucet* (Honorius) *in ipso
Limine* i. e. vixdum iuue-
nis seu puer adhuc gloriam
nanciscitur tuis rebus gestis.
Saltem sequentia coniectu-
ram hanc non improbant.

v. 64. *contemptus numquam*
sc. a barbaris gentibus pro-
pter aetatem.

v. 65. *et secum sentit* cet.
Simili fere ratione XXI.
201 sq.

v. 66. *Quem tu sic pla-
cida* cet. Sensus: quem tu
instituis iusto temperamento
inter nimiam indulgentiam
et seueritatem adhibito.

v. 67. *desidiaë* h. e. *vitaë*
molli, quae omnia seria re-
spuit voluptatibusque tan-
tum indulget. *tradas*, vt
apud Graecos *δοῦναι*, *παρά-
δοῦναι*. Homer. Il. 6. 397.
Odyss. 7. 167. et 6. 356.

v. 68. *dum obsequeris*, ob-
sequendo, vt Gesnerus recte
monet. *ouantem animum* iu-
venili alacritate elatum ni-
mioque ardore vehementius
aliquid molientem seu cu-
pientem, aut omnino luxu-
riantem. *contra nixus* i. e.
obuiam eundo iuuenili eius
ardori et licentiae.

v. 69. *Confringas animum*.
Burmannus fatetur, se ne-
scire, an illud deterius sit,
quam *constringas*, quod
etiam praepone videtur
priori, nam, ait, nimis re-
missos et laetitia solutos
constringi aptius dici quam
confringi. *Constricta frons*
aut *adstricta* de seueris qui-

Ceu iuuenem doceas, moles quid publica poscat, 70
 Ceu sanctum venerere senem; patriisque gubernes
 Imperium monitis, dominum submissus adores;

dem dicitur, vt docuit ad Petron. 132. et Quintil. Instit. XII. 3. in fine, et *constringere* poni posse pro *contristare* ex Nostro XXXI. 264, vbi pro *contristat* olim legebatur *constringit*, aliquo modo probari potest, quia frigus proprie constringit omnia, eo ipso autem tristem rebus faciem induit. Sed v. ibi n. H. l. autem *constringere* leuius est, quia nihil potest notare aliud, quam: coercere, impedire, quo minus animus nimis luxuriatur. Hoc enim institutionem Principis et disciplinam vitiosam minime redderet, nihilominus tamen de vitio sermo est. *Constringere animum* autem est, omnes eius impetus retundere, quo etiam omnis generosa indoles, omnesque motus liberales pereunt, totusque homo in seruitutem quasi redigitur. *secretus consona regno*. *Secretus* institutionem respicit priuatam, qua Stilicho remotis arbitris Honorium docebat *consona regno* i. e. quae imperanti scitu sint necessaria, quaeque ad rerum publicarum administrationem pertineant. Barthius amplexus est *secernis*, olim erat *ceu cernas*. Vtrumque vix commodum sensum praebet. Si per Mll. liceret, equi-

dem legerem *secernens*, totumque ad superiora traherem: *quem tu sic placida formas, sic mente seuera, vt, secernens consona regno, neque desidia* cet. hoc sensu: illud institutionis genus eligens, quod *regno* i. e. regnanti, accommodatum est. Illud *secretus*, si verum dicendum est, semper mihi displicuit.

v. 70. *Ceu iuuenem doceas*. Repetendum est ex superioribus vt. Pergit Noster describere, quemadmodum Stilicho Honorium tractet. Sensus: vt eum instituas tamquam iuuenem, ignarum earum rerum, quae ad rempublicam pertineant. *moles publica* est imperii magnitudo eiusque regendi officium, aut onerosa eius administratio.

v. 71. 2. *sanctum senem* opposuit *tau iuuenem*, et *venerere tau doceas*. Occupati imperii suspicionem a Stilichone remouet, quamquam eius nutu atque arbitrio omnia gubernarentur, et Honorius nomen tantum inane Imperatoris retineret. Dicere Claudianus vult, Honorium a Stilichone eruditum esse ceu iuuenem adhuc imperitum, simulque autem ab eodem magistro reuerenter esse habitum ceu san-

Obsequiis moderere ducem, pietate parentem.

Hinc fuit, vt primos in coniuge disceret ignes;
 Ordirique virum, non luxuriante iuuenta, 75
 Sed cum lege tori, casto cum foedere, vellet.

ctum senem, ideoque auctoritatem praeceptoris cum reuerentia erga Imperatorem et dominum ab illo esse coniunctam. *patriisque gubernes Imperium monitis*. Totus locus male distinctus est in ed. Burm. et in reliquis. Coniunctius iterum pendet a praecedente *vt. patriis monitis* ex auctoritate igitur Theodosii patris et ex eius consilio. Etiam hoc pertinet ad eleuandam arrogati imperii suspensionem. Potest quoque sensus esse: vt gubernes imperium, dum Honorium paterno affectu moneas, quid faciendum sit. Prius tamen praestat. His iterum opponitur *dominus submissus adores*. *Domini*, Honorium, Imperatorem legitimum. *submissus adores* respicit obseruantiam Imperatori legitimo debitam, qualis tunc erat vsu recepta. Qui accedebant ad Imperatorem, aut genua flectere aut se prosternere debebant pro suo quisque ordine ac dignitate, purpuramque osculari. H. l. igitur tutoris potestatem cum subiecti obedientia Noster coniunxit.

v. 73. *Obsequiis moderere ducem. Moderari ducem* cum delectu posuit pro: agere

ducem. *obsequiis* pro: obsequendo, obediendo. Duces enim Imperatoris imperia exsequuntur, aut ex arbitrio Principis rempublicam administrant. *pietate parentem* sc. moderere. Caritate et amore in Honorium parentem agas. Hoc loco igitur partes ducis obsequentis nihilque contra summi imperantis mentem facientis, cum patris sapienter monentis partibus coniunctae sunt.

v. 74. *Hinc fuit* cet. Inter ea, quae Institutioni Stilichonis tribuenda sunt, potissimum Noster censet pudicitiam Honorii, quod ante nuptias cum nulla femina rem habuerit. An hoc non potius aetati Principis tribuendum sit, historici videant. *primos ignes*. cf. X. i seqq.

v. 75. *Ordirique virum*. Sic Senec. Hippol. 924 sq. i. e. primam Venerem ordiri, vt exposuit quoque Barthius. *luxuriante iuuenta*, quae Venerem vulginagam sequitur.

v. 76. *cum lege tori casto cum foedere*. i. e. nuptiis legitimis. *Casto cum foedere* exprimit illam conditionem legitimam, quae lege tori non continetur.

Principe tu felix genero: felicior ille
 Te socero. Fratrem leuior nec cura tuetur
 Arcadium, nec, si quid iners atque impia turba,
 Praetendens proprio nomen regale furori, 80
 Audeat, adscribis iuueni. Discordia quippe
 Quum fremeret, nunquam Stilicho sic canduit ira,
 Saepe laceffit probris, gladiisque petitus,
 Vt bello furias vltum, quas pertulit, iret
 Illicito, causamque daret ciuilibus armis. 85
 Huius fulta fide mediis dissensibus aulae
 Intemeratorum stabat reuerentia fratrum.

Quin et Sidonias chlamydes, et cingula baccis

v. 79. *nec si quid iners atque impia turba*, spadonum et aulicorum cohors deliciis dedita, perpetuaque dissidia inter Arcadium et Honorium moliens, Rufinus praesertim et Eutropius, quorum ausis Arcadius nomen solebat commodare a rerum publicarum cura ipse remotissimus.

v. 80. *furori*, actionibus suis sceleratis. *nomen regale*, Arcadii nomen seu auctoritatem.

v. 81. *Audeat*, ἀοπιστῶς.

v. 82. *fremeret*, discordiae accommodatum. Lucan. IX. 217. *canduit*, exarsit. cf. XVII. 226.

v. 83. *Saepe laceffit probris*. Hoc expeditum esset, si constaret, de quo tamen vix dubitari potest, poetas Rufini et Eutropii et eiusdem farinae hominum laudes pari ratione celebrasse, qua Claudianus Stilichonis gloriam prosecutus est, cum

grauissima aduersariorum inlectatione. Potest quoque id respici, quod Stilicho Constantinopoli hostis publicus est declaratus A. C. 396. *gladiisque* spectare potest licarios immisos, aut barbaros contra illum excitatos.

v. 84. *furias*, homines illos improbos et quasi furiis agitados, eorumque in ipsum impetus.

v. 85. *Illicito*, civili, contra Arcadium, fratrem Honorii.

v. 86. 7. *mediis dissensibus aulae*, aulicorum, et qui Stilichonis partes sequerentur et qui Rufinum fouerent. *Intemeratorum* vulgari ratione ad reuerentiam pertineret.

v. 88. Ad Fidem quoque pertinet, quod Stilicho pretiosissima quaeque a Theodosio relictis fratribus ex aequo diuisit, quin partem quoque exercitus tradidit ei, quem hostem sibi esse scie-

Aspera, gemmatasque togas, viridesque smaragdo
 Loricas, galeasque renidentes hyacinthis, 90
 Gestatosque patri capulis radiantibus enses,
 Et vario lapidum distinctas igne coronas,
 Diuidis ex aequo, ne non Augusta supellex,
 Ornatusque pares geminis heredibus essent.
 Mittitur et miles, quauis certamine partes 95
 Iam tumeant. Holtem muniri robore mauis,
 Quam peccare fidem. Permittis iusta petenti,

bat. *Sidoneas* V. 450, X. 212. Omnia haec ad cultum Imperatoris pertinebant, qui qualis tunc temporis fuerit, optime disci potest ex Corippo in laud. Iust. II. 114 sq. *Nobilibus gemmis et cocto lucidus auro Balteus effulgens lumbos praecinxit heriles, Substrictusque sinu vestis diuina pependit Poplite fusa tenus pretioso candida limbo. Caesareos humeros ardenti murice textit Circumfusa chlamys, rutilo quae ornata metallo Principis exserta vincebat lumina dextra; Aurea iuncturas morsu praeslrinxit adunco Fibula, et a summis gemmae nituere catenis.*

v. 89. *baccis Aspera* i. e. margaritis distincta. Genus quaerit: cur *aspera baccis* dicantur cingula, quum margaritis nihil sit leuius? Margaritae non sunt *asperae* illae quidem, sed cingulum fit *asperum* margaritis. *Aspera* quaecunque res potest dici, cuius superficies inaequalis est. v. Heins. ad

Ovid. Met. XII. 235. et XIII. 700. Heyne ad Virgil. V. 266. *baccae* quoque possunt esse gemmae. Apud Coripp. l. c. 88. *pretiosa cingula gemmis.* v. 90. 4. *renidentes*, ad splendorem et ad spectum iucundum pertinet. LXXX. 3. *capulis radiantibus* sc. gemmis. *lapidum igne*, fulgore. v. ad VIII. 588.

v. 95. *Mittitur et miles.* cf. V. 257 sqq. Sed adde Zosim. V. 4. 4. qui inutiles tantum a Stilichone remissos memorat. *partes.* Iam enim dissidium ortum erat inter duos fratres Rufini scelere, si fides habenda est Claudiano.

v. 96. *tumeant*, ira accensae erant. v. Burm. ad Ovid. Heroid. VII. 131. Bentley. ad Horat. art. 197. et supra p. ad XV. 330. *robore*, militibus remissis.

v. 97. *Quam peccare fidem* i. e. quam ut fides peccet, aut quam ut tu contra fidem pecces. Apud Petron. 12. est *fidos male ambulans*, ubi v. interpp.

Idque negas solum, cuius mox ipse repulsa
Gaudeat, et quidquid fuerat deforme mereri.

Omnes praeterea, puro quae crimina pellunt 100
Ore deae, iunxere choros, vnoque receptae
Pectore diuersos tecum cinguntur in vsus.
Iustitia vtilibus rectum praeponere suadet,
Communesque sequi leges, iniustaue nunquam
Largiri sociis; durum Patientia corpus 105

v. 98. *Idque negas solum.* Quidnam illud fuerit, nec poeta significat, nec aliunde sciri potest. Forſan id, quod non e re imperii occidentis eſſet, nec Stilichonis conſilio accommodatum.

v. 99. *quidquid fuerat.* Heinſius *quidquid fuerit* vel contra libros legendum cenſet. Burmannus, cui religio eſt contra Mſſ. fidem in textum aliquid recipere, vulgata retinuit. Geſnerus adeo feſtinawe Heinſium putat, obſeruatque indicandi modum in talibus maiorem vim habere. Si ſermonis latini ingenium ſpectes, quatenus nobis quidem innotefcere potuerit, Heinſio accedendum eſſe videtur, quandoquidem de re turpi in vniuerſum ſermo eſt. Sed multa ſunt, quae a comuni loquendi more recedant, quae tamen reiicienda non ſunt, quia grammaticae leges ex naufragiis tantum latini ſermonis collectas habemus, ad quas omnia, quaecunque occurrunt, reuocare velle nimiae eſſet audaciae. *mereri* conſequi. v. tamen

Cafaub. et Cortium ad Plin. Epist. I. 8. 14.

v. 100. 1. *puro ore.* Ex lectione *orbe*, quam Heinſius non improbat, Burmannus coniecit *corde*, quia *purum os* magis de pudico, contra *impurum* de eo dicitur, qui turpia patitur. Quod quamquam negari non poſſit, coniectura tamen vix cuiquam probabitur. Geſnerus interpretatur *os purum* de vultu ſereno tenebras criminum fugiente vt ſolis radii umbras. Ex locis quae laudat, huc facit Salomon Prouerb. XX. 8. *iunxere choros*, ſimpliciter pro vulgari: iunctae, ſeu omnes, vno pectore receptae ſunt.

v. 101. *tecum cinguntur in vsus.* i. e. parant ſe ad vim ſuam exſerendam in omnia, quaecunque facturus es, aut ad tecum obeunda omnia. *diuerſos*, quia virtutum ſua cuique vitae pars eſt, in qua potiffimum ſe oſtendat. Hoc ex ſequentibus clariuſ adparebit.

v. 104. 5. *iniuſtaue nunquam Largiri ſociis.* Contrarium videtur eſſe eius,

Infruit, vt nulli cupiat cessisse labori;
 Temperies, vt casta petas; Prudentia, ne quid
 Inconsultus agas; Constantia, futile ne quid
 Infirmitate geras. Procul importuna fugantur
 Numina, monstriferis quae Tartarus edidit antris. 110
 Ac primam scelerum matrem, quae, semper habendo
 Plus sitiens, patulis rimatur faucibus aurum,
 Trudis Auaritiam, cuius fidissima nutrix
 Ambitio, quae vestibulis foribusque potentum
 Excubat, et pretiis commercia pascit honorum, 115

quod praecesserat, indicare. que. Stilichonem numquam socios, clientes suos, amicos, legibus exemisse, aut per gratiam et fauorem ea illis tribuisse, quae contra leges essent communes. cf. V. 76. Heinſius *sociis* improbat, conicitque *facilis*.

v. 106-10. *Infruit*, reddit. *Temperies*, temperantia, quae cernitur, in coercendis libidinibus. *constantia*, leuitati opponitur. *importuna numina*, *monstriferis* cet. vitiorum est periphrasis.

v. 111. *Ac primam scelerum matrem*, vnde potissimum omnis generis scelera proficiscuntur. cf. Virgil. Aen. III. 56 seqq. Iuuenal. XIV. 173 sqq.

v. 112. *Plus sitiens* Iuuenal. l. c. 139 sqq. Horat. Od. II. 2. 13 sqq. III. 16. 17 sq. Prudent. in Psychom. 454 sqq. *patulis faucibus* efficacius hoc est, quam inhians, summamque cupiditatem exprimit. Imago sumpta videtur a

bestiis famelicis aut sitiensibus.

v. 113. *fidissima nutrix*, sic Heinſius, quod conueniens est nutrici epithet. Alii *foedissima*, quod Burmannus notat codici suo postea adscripsisse Heinſium, ideoque illud recepit. Prius tamen praestare vix aliquis negabit, quum *foedissima* neque nutrici neque ambitioni satis conuenire videatur. Ambitio autem *nutrix* est *fidissima* auaritiae, quum eam accurate foueat, quandoquidem magna pecunia opus est ad corrumpeſcendos homines et ad honores emendos, ea praesertim tempeſtate, vbi omnia erant venalia.

v. 114. *quae vestibulis foribusque potentum* cet. vt benenolentiam et gratiam eorum sibi concilient et ad honores ab iis promoueantur.

v. 115. *pascit*, nutrit. Heinſ. laudat Sil. Italic. XIII. 359 sqq. Adde Horat. Epist. I. 18. 35. Nost. XXXIX. 22. *commercium honorum*. Si enim

Pulsa simul. Nec te gurgēs corruptior aevi
 Traxit ad exemplum, quod iam firmauerat annis
 Crimen, et in legem rapiendi verterat vsus.

Denique non diues sub te pro rure paterno,
 Vel laribus, pallet; non insidiator oberrat 120
 Facturus quemcunque reum; non obruta virtus
 Paupertate latet. Lectos ex omnibus oris
 Euehis, et meritum, non quae cunabula, quaeris;

deessent, qui emerent honores, commercia honorum tollerentur. Venalitas crescit licitantium numero.

v. 116. 7. *gurgēs corruptior aevi*. Mala illa consuetudo vendendi emendique honores adeo vsu erat recepta et firmata, vt turpitudinem iam amisisse videretur. Comparatur illa cum fluminis gurgite, quae omnia deorsum trahit, cui tum restitit Stilicho. *Traxit ad exemplum*, permouit eum, vt aliorum exempla sequeretur.

v. 117. *firmauerat annis*, longinquitate corroborauerat. Tempore enim vitiiis vel foedissimis adfuesci adeo solet, vt foeditas illorum non animaduertatur.

v. 118. *in legem verterat*, quasi legitimam reddiderat. *rapiendi vsus*, consuetudo rapiendi per honorum commercia. Pulsa enim dicitur ambitio a Stilichone, non, quia ipse non ambiret honores, sed quia ambitionem aliorum non aleret honoribus vendendis.

v. 119. 20. *sub te — pallet*. Tredecim Mss. *pendet*, quod Heinſius positum putat pro: *pendit*, hoc sensu: damno vel poena adſcitur. Burmannus idem eodem sensu sumit, quo occurrit apud Sueton. in Claud. 19. extr. (vbi eum vide) pro: ipse aut bona eius in tabula proſcripta pendent. Hoc vix locum habere potest, nisi pro *rure paterno vel laribus* ita intelligas: vt Stilicho, seu iudex, rus paternum vel lares, i. e. domum, in suam rem vertat. Mihi *pallet* magis arridet v. n. ad Pers. V. 80. infra XXIV. 100. In ius vocatus diues non timet pro rure suo paterno aut pro suis aedibus sub te iudice. *insidiator*, delator.

v. 121. 2. *Facturus*. Edit. primae *fracturus*, quod Heinſio probatur, et sane fortius est; laudat XXI. 361. *non obruta virtus Paupertate* cf. VIII. 222 sqq.

v. 123. *quae cunabula*, quo genere ortus. Horat. sat. I. 6. 7 sqq.

Et qualis, non vnde satus. Sub teste benigno
Viuitur; egregios inuitant praemia mores. 125

Hinc priscae redeunt artes; felicibus inde
Ingeniis aperitur iter, despectaque Musae
Colla leuant; opibusque fluens et pauper eodem
Nititur ad fructum studio, quum cernat vterque,
Quod nec inops iaceat probitas, nec inertia surgat 130
Diuitiis. Nec te iucunda fronte fefellit
Luxuries, praedulce malum, quae dedita semper
Corporis arbitriis hebetat caligine sensus,
Membraque Circaeis effeminat acrius herbis,

v. 124. *Et qualis, non cet.* explicatio est prioris. *benigno*, qui merita libenter agnoscit, benigneque praemiis ornat.

v. 126. *priscae artes, bonae*, quae olim florebant.

v. 127. *iter*, ad honores et praemia.

v. 129. *Nititur ad fructum studio*. Nihil mutatum quidem vult Burmannus, sed *studio* melius conuenire putat *τῷ niti*. Sic enim Cic. de Offic. III. 10. *qui stadium currit, eniti et contendere debet, quam maxime possit, ut vincat*. cf. Broukh. ad Propert. III. 20. 25. Verum haud scio an melius sit h. l. *studio* propter sequentia. *ad fructum*, ad praemia meritis proposita. Burmann. laudat Ovid. ex Ponto II. 3. 15. Heroid. XX. 67.

v. 130. *Quod*. Gesnerus suspicatur, Nostrum scripsisse *Quam*. Quae suspicio a grammatices ratione videtur excitata. *iaceat*, contemna-

tur, despiciatur. Opponitur *τῷ surgat*. cf. Saleii Bassi c. ad Pison. v. 109. Poet. lat. min. T. IV. P. I.

v. 131. 2. *iucunda fronte fefellit Luxuries*. Luxuriem non male depinxit Prudent. in Psychom. 310 sqq. *fronte*, specie exteriore.

v. 133. *Corporis arbitriis* i. e. cupiditatum imperiis, quae e corpore nascuntur. *hebetat caligine*, obscurat, obtundit. Licent. carm. ad August. v. 9 sq. Poet. lat. m. T. IV. P. II *Implicitit varia nostrum caligine pectus. Induxitque animo rerum violentia nubem*. *Sensus* h. l. rationem, ut non possit veram speciem a fucata discernere, nec bona et honesta a malis et turpibus secernere.

v. 134. *Circaeis herbis*. Circe nobilis venefica ex Aea Colchorum vrbe in Aeaeam insulam, siue Circeios, Latii promontor. translata a poetis. Satis nota est ex Odyss. x. 135 sqq. cf. Heyne in ex-

Blanda quidem vultus, sed qua non tetrius vlla 135
 Vltrices fucata genas, et, amicta dolosis
 Illecebris, toruos auro circumlinit hydros.
 Illa voluptatum multos innexuit hamis:
 Te nunquam conata capit. Non prava libido
 Stupris aduigilat; non tempora somnus agendi 140

curf. I. ad Virgil. Aen. VII.
herbis, quae in veneficiis
 cum incantationibus adhibe-
 bantur. Ovid. Met. XIV.
 33 sqq. Propert. II. 1. 55.
 ibi v. Broukh. *effeminat*,
 frangit, mollit. Horat. Epist.
 I. 2. 23 sqq.

v. 135. *Blanda quidem
 vultus*, quod pro: *vultu*,
 firmat Heinſius cit. Sil. Ita-
 lic. XII. 227. ſupra Noſt.
 XX. 328. Gronov. Diatr. ad
 Stat. c. 38. *ſed quo ſc. vultu*,
non tetrius vlla ſc. vltri-
cum ſeu Furiarum. Nam, vt
 ex ſequentibus patet, et Lu-
 xuriam inter Furias cenſet
 Claudianus, quae tamen fu-
 riales corporis habitum ſpe-
 cioso cultu diſſimulat. *tae-*
trius fucata pro: turpius,
 craſſiore fūco ad rugas ex-
 plendas Petron. 23. ibique
 in tpp. Geſnerus interpreta-
 tur: maiori cum periculo et
 noxa fucata; qui male in
 partes vocat Iuvenal. VI.
 461 ſqq. quum hic locus ad
 medicamina faciei ſpectet,
 quae, antequam prodirent
 feminae, abluebantur. Idem
 con. *ſed qua non tetrior*
vlla Vltricum.

v. 136. *Vltrices*, furiales.

v. 137. *toruos hydros*, quos
 vt Furia pro crine alit. *auro*
circumlinit. Heinſ. ad Ovid.
 A. A. III. 232. hanc lectio-
 nem defendit. Geſnerus pro-
 ponit *circumligat*. Virtutis in-
 telligendae ſunt auro inter-
 textae aut infulae de bracteis
 auri, quibus hydri, crines,
 relegati ſunt et tecti, ne
 primo adſpectu adpareant
 terreantque accedentes. *tor-*
vos. Adſcripſerat olim Hein-
 ſius codici ſuo *tortos*, quod
 melius etiam conuenit.

v. 138. *multos innexuit
 hamis*, fecit, vt multi ad-
 haereſcerent hamis. A piſca-
 tore hoc ſumtum eſſe, nemo
 non ſtatim videt. Senſus:
 Multos voluptatum illecebris
 deceptos cepit.

v. 139. *Te nunquam co-
 nata capit*. Equidem ſic in-
 telligo: luxuries, conata te
 capere, nunquam cepit. In
 tanta rerum adfluentia in tot
 occaſionibus et facultatibus,
 quas corruptiſſimi aulae mo-
 res praebent, incorruptum
 Stilicho ſeruauit animum.
 Burmanno *conata* diſplicet,
 vellem cauſam adiecisset.

v. 140. *Stupris aduigilat*
 pro: vigilat ad ſupra perpe-

Frustratur; nullo citharae conuiuia cantu,
 Non pueris lasciuia sonant. Quis cernere curis
 Te vacuum potuit? quis tota mente remissum,
 Aut indulgentem dapibus, ni causa iuberet
 Laetitiae? Non indecores aeraria lassant 145
 Expensae; paruo non improba litera libro
 Absentum condonat opes. A milite parcus
 Diligeris, neque enim neglectas pace cohortes
 Tunc ditas, quum bella fremunt. Scis nulla placere

tranda et quidem dormiendi tempore, vt liquet ex opposito: *tempora agendi*.

v. 141. 2. *nullo citharae conuiuia cantu* cet. Adludi putat Barthius ad edictum Theodosii M. quo e comestationibus ministeria lasciuia et psaltrias remouerit. v. Sext. Anrel. Vict. epit. XLVIII. 10. Citharistrias procul dubio intelligit, quae saepe conuiujs introducebantur, lascinisque cantiunculis et impudico corporis motu libidines excitabant. cf. Iuuenal. XI. 162 sqq. ibi v. Ruperti. et interpp. ad Petron. 23. *Non pueris lasciuia* (conuiuia) *sonant*. Symphonicos intelligit manibus simul et voce loquaces, Alexandrinos praefertim, quorum lasciuia satis nota est. v. Barth. ad Stat. silv. V. 5. 68.

v. 144. 5. *causa Laetitiae*, quando conuiujs laetitiaeque publicae honeste se subtrahere non posset, vt in natalibus Imperatoris celebrandis et huiusmodi diebus festis. *lassant*, exhauriunt. Ductum hoc ab animanti-

bus, qui viribus exhaustis lassantur. Gesnerus praefert *laxant*, quod explicat: ampliora faciunt egerendis, quae ibi seruantur. Prius tamen Claudiani ingenio aptius videtur esse. Simili ratione *humus lassa* vocatur, cuius vires exhaustae sunt assidujs fructibus Ouid. ex Ponto I. 4. 14. *indecores*, quae luxui fiunt.

v. 146. 7. *paruo non improba litera libro Absentum condonat opes*. *Improba*, quae modum excedit, repugnantiae speciem praebet cum *paruo libro* iunctum. *Litera improba* est improba sententia, quae continetur *paruo libro* i. e. epistola seu libello, per quem *absentum* fortunae alijs condonantur. Hac largiendi ratione Principes, quandoquidem ipsis minime molesta, forsan saepius utebantur. *parcus* vel: sine largitionibus, vel: minimis.

v. 148. 9. *neglectas pace cohortes*, milites pacis tempore neglectas, quando eorum vsus nullus est. *ditas*

Munera, quae metuens illis, quos spreuerit, offert 160
 Serus, et incassum seruati prodigus auri.
 Anteuenis tempus, non exspectantibus vltro
 Munificus, mensaeque adhibes, et nomine quemque
 Compellas clari, sub te quod gesserit olim,
 Admonitos facti; figendaque sensibus addis 155
 Verba, quibus magni geminatur gratia doni.

muneribus adficias, *quum bella fremunt*, vt alacres eos reddas et promptos ad pugnandum. *fremunt*, apud Sil. Italic. XII. 300. *bellum tonat*.

v. 150. *quos spreuerit* v. n. ad XXI. 235.

v. 151. *Serus*, sero, belli tandem tempore, quum munera metu extorta a militibus spernuntur. *seruati auri*, vnde iusta stipendia militibus data non sunt in tempore.

v. 152. *tempus* sc. vrgens, necessitatem, quae munerum distributionem extorquet.

v. 153. 4. *nomine quemque Compellas*. Hoc familiaritatem cum militibus contractam indicat, maximique momenti est ad animos eorum duci conciliandos, praecipueque inde ad praeclara facinora edenda compelluntur, quum neque ignauia neque fortitudo singulorum ducem latere possit, cui omnes cogniti sunt. Plin. Panegy. XV. 5. ibi v. Schwarz, qui inter alia loca Nostrum quoque laudat. Illis addi pos-

sunt, quae collegit Ruperti ad Sil. Italic. I. 454.

v. 155. *clari Admonitos facti*. v. Heins. ad Ovid. Met. V. 212, et 402. Hoc fiebat plerumque ante pugnam ad milites accendendos, cuius rei exempla apud historicos obuia sunt. *figendaque sensibus verba*. verba sunt honoris, quibus gloriantur milites, quorumque memoriam semper cultodiunt. *sensibus*, animo.

v. 156. *magni geminatur gratia doni*. Heinsio arridet *nodi*, quod in quibusdam est Mss. laudat XLVIII. 36. supra 38 sqq. et VIII. 45. vbi v. n. Ex notis Gesneri adparere videtur, eum recipere voluisse *nodi*, sed operas eo inuito seruasse *doni*, quod Burmanno placet, qui laudat Frontin. III. 16. 1. Ovid. ex Ponto II. 2. 19 sq. Liv. XXX. 15. In *magni doni* esse aliquid potest, quod iis repugnet, quae dicta sunt v. 147 sqq. nisi hoc vniuerso dictum statuas.

Nec, si quid tribuas, iactatum saepius idem
 Exprobrare soles; nec, quos promoueris, alto
 Turgidus alloqueris fastu; nec prospera flatus
 Attollunt nimios. Quin ipsa superbia longe 160
 Discessit, vitium rebus solemne secundis,
 Virtutumque ingrata comes. Contingere passim,
 Affarique licet. Non inter pocula sermo
 Captatur, pura sed libertate loquendi
 Seria quisque iocis nulla formidine miscet. 165
 Quem videt Augusti socerum regnique parentem,
 Miratur conuiua parem, quum tanta potestas
 Ciuem lenis agat. Te doctus prisca loquentem,
 Te matura senex audit, te fortia miles,

v. 157. 8. *iactatum exprobrare soles.* Terent. Andr. I. 1. 14 seq. *alto*, qui caput adtollit.

v. 159. 60. *Turgidus adloqueris*, vt eos, qui a te promoti tibi omnia debent. *flatus*, *Φυσήματα*, attollunt nimios sc. Stat. Theb. I. 320 sq. pro: nimiam arrogantiam et spiritus nimium elatos ostendunt. Euripid. Phoeniss. 457. cf. Burmann. ad Valer. Flacc. III. 631. Virgil. Aen. XI. 346.

v. 162. *ingrata comes*, quae facit, vt virtutes ipsae aliis gratae esse definant. cf. XVII. 243 seq. Heinf. olim coni. *ignaua*. *contingere passim*, cuique licet te conuenire, vbicunque sis.

v. 163. *inter pocula*, vbi sermo liberior solet esse vino animi recessus recludente.

v. 164. *Captatur*, vt in crimen detorqueatur. *Captare* eodem fere sensu po-

situm puto, quo apud Terent. Phorm. V. 6. 19. *pura libertate*, cui nihil metus admistum sit, nihil adulationis.

v. 166. *regnique parentem*, patricium. v. n. ad XVIII. 109.

v. 168. *Ciuem agat*, gerat se ciuem seu priuatum, aequalem reliquis. *prisca*, petitas res ex antiquitate, quas memoriter exponens doctos in sui admirationem raperet. *Multa tenens antiqua sepulta*, et saepe *vetustas* Quae facit, et mores veteresque novosque tenentem Multorum veterum leges, diuum hominumque Prudentem cet. Ennii frag. ed. Hessel. pag. 76.

v. 169. *matura* sunt, quae ab ingenio maturo multoque rerum vsu subacto proferri possunt. *fortia*, res fortiter gestas.

Adspersis salibus, quibus haud Amphiona quisquam
Praeferat Aonios meditantem carmine muros, (170
Nec velit Orpheo migrantes pectine siluas.

Hinc amor, hinc veris, et non fallacibus, omnes
Pro te solliciti votis; hinc nomen vbique
Plausibus, auratis celebrant hinc ora figuris. 175
Quae non incudes streperent? quae flamina vacaret
Fabrilis? quantis fluere fornacibus aera
Effigies ductura tuas? quis deuius esset
Angulus, aut regio, quae non pro numine vultus
Dilectos colerent, talem ni semper honorem 180
Respueres? Decus hoc rapiat, quem falsa timentum

v. 170. 1. *Amphiona*. Fabula de Amphione, qui lyrae cantu Thebarum muros extruxisse dicitur, notissima est. *canoro saxa modulatu trahens* Senec. Herc. Fur. 263. *Aonios meditantem carmina muros*. Proprie dicimus: *meditari Musam seu carmen* Virgil. eclog. l. 2. VI. 8. Quandoquidem autem ipso carmine seu lyrae cantu muri exstruebantur, h. l. *meditantem* doctius poeta posuit pro: *extruentem*. Alii MSS. habent *Aonias Musas*, quod recte reiecit Hein- sius, laudans Stat. Theb. l. 9sq. II. 454sq. X. 874sq. Sil. Italic. XI. 440sq. quibus Burmannus addidit Stat. Silv. III. l. 16sq. Theb. VIII. 232seq. *Aonios* cf. IV. 3. H. l. *meditantem carmine muros* positum est pro: omnem artem in canendo adhibentem, aut optime canentem.

v. 172. *Orpheo migrantes pectine siluas*. *Orpheo* VII. 114. cf. Sil. Ital. XI. 459sq. Apollon. Rhod. I. 23sq. Si- don. Apollin. carm. II. 71sq. *velit* pro: *malit*. v. Barth. ad Stat. Theb. III. 287.

v. 175. *Plausibus*, laudi- bus. *auratis figuris*, statuis, imaginibus aureis.

v. 176. *streperent* sc. mal- leorum ictibus. cf. XX. 71sq. *vacaret*, quae massam non coqueret ad statuas et ima- gines tuas.

v. 177. *quantis*, quot.

v. 179. *vultus*, statuas.

v. 181. *Respueres*. Exem- pla eorum, qui statuarum honorem spreuerunt, proferat Lambinus ad Horat. epist. II. 1. 248. *decus hoc rapiat*, statuarum honorem cupide arripiat. *falsa*, quibus amo- rem simulant, quem non sentiunt.

Munera decipiunt, qui se diffidit amari.
Hoc solus spreuisse potest, qui iure meretur.

Vndique legati properant, generique sub ore
In tua centenas aptant praeconia voces. 185
Grates Gallus agit, quod limite tutus inermi,
Et metuens hostile nihil, noua culmina totis
Aedificet ripis, et saeuum gentibus annem,
Tibridis in morem, domibus praenelet amoenis.
Hinc Poeni cumulant laudes, quod rura tyranno 190
Libera possideant; hinc obsidione solutus
Pannonius, potorque Savi, quod clausa tot annis
Oppida laxatis ausus iam pandere portis
Rursum cote nouat nigras rubigine falces,
Exesosque situ cogit splendere ligones, 195

v. 182. *diffidit*, eamque ob rem publica amoris documenta desiderat.

v. 184. *generique sub ore*, cuius inuidiam locus non est quod timeat.

v. 185. *aptant centenas voces* pro: multique laudes tuas oratione prosequuntur. *centenas* v. n. ad Pers. V. 5. Multi Mss. apud Heinsium habent *optant*, quod poetis quidem aliquem landaturis, verum legatis et oratoribus minus conuenit. Receptum tamen est a Gesnero.

v. 186. *limite inermi*, qui ab armatis militibus non custoditur.

v. 187. *totis ripis*. Heins. coni. *tutis*. Prius retinendum censet Burmannus, explicatque: quantum decurrit, extenditur Rhenus. laudat Flor. II. 16. 4. et III. 4. 5. Virgil. Aen. IX. 245. Stat. Theb. VII. 420 sq.

v. 188. *gentibus*, cas. sextus. propter gentes barbaras.

v. 189. *praeuelet*. Burmann. laudat Ovid. A. A. I. 255.

v. 190. *tyranno*, Gildone.

v. 191. *obsidione* h. l. pro: hostibus in propinquo castra habentibus, indeque crebras eruptiones facientibus agrosque populantibus. v. Schwarz. ad Plin. Panegy. LXXXI. 2.

v. 192. *potorque Savi*, gentes ad Savum.

v. 194. *cote nouat* cf. Sil. Italic. IV. 121 sqq. *nigras*. Lucan. I. 243 *scabros nigrae morsu rubiginis enses*. Heins. coni. *scabras*, laudatque Ovid. ex Ponto I. 1. 71. Met. VIII. 802. Virgil. Georg. I. 495. et alia (adde Broukh. ad Propert. II. 19. 55, qui censet, *robigine* scribendum esse). Haec coniectura eo verisimilior esse videtur, quod

Agnoscitque casas, et collibus oscula notis
 Figit, et impresso glebis non credit aratro.
 Exsectis, inculta dabant quas secula, siluis
 Restituit terras, et opacum vitibus Istrum
 Conserit, et patrium vectigal soluere gaudet, 200
 Immunis qui clade fuit. Te sospite fas est
 Vexatum laceri corpus iuuenescere regni.
 Sub tot principibus quaecunque amissimus olim,
 Tu reddis. Solo poterit Stilichone medente
 Crescere Romanum vulnus tectura cicatrix, 205
 Inque suos tandem fines redeunte colono,
 Illyricis iterum ditabitur aula tributis.

versu sequenti *scabras cum
 situ exesos*, vt *nouat cum
 cogit splendere* permutantur.

v. 196. *Agnoscitque casas*,
 agricola nempe hostium re-
 pentina incursione in urbem
 compulsus, indeque, pace re-
 stituta, agros suos et casas re-
 visens. *et collibus oscula no-
 tis figit*. *Oscula figere ter-
 rae* religionem esse antiquis-
 simae vetustatis, iam nota-
 vit Gesnerus, qui laudat
 Homer. Odyss. d. 522. v. 354.
 Ovid. Met. III. 24. Solebant
 autem reduces terram oscu-
 lari, vt iam obseruauit D'Or-
 vil. ad Charit. pag. 465. ed.
 Lips. Eadem ratione disce-
 dentes domumque suam de-
 serturi osculari portas vel
 postes vel adeo ripas sole-
 bant. v. Wernsdorf. ad Ru-
 til. Itin. I. 43. Poet. lat. m.
 T. V. P. I. p. 85.

v. 197. *impresso glebis non
 credit aratro*. Credit somnio

se deludi, non re vera ara-
 tro restitutum esse. Felicem
 exprimit hoc conditionem
 vota paene superantem, aut
 quam vix sperasset.

v. 198. *saecula* pro longo
 tempore. *dabant*, reddide-
 rant.

v. 199. 200. *opacum viti-
 bus Istrum Conserit*. Hoc
 Probum iam secisse notat
 Gesner. ex Aurel. Victor. de
 Caes. 37. *Galliam Panno-
 niasque et Moesorum colles
 vinetis repleuit. patrium ve-
 ctigal*. Gesnerus existimat,
 h. l. innui, reliquis, quorum
 agri vastati fuissent, ad cer-
 tos annos immunitatem esse
 datam. cf. infra 206 sq. *pa-
 trium*, quod patres iam pe-
 penderant, et quod iis non
 auctum erat.

v. 207. *Illyricis*. Ibi enim
 praecipue barbarum sedes
 fuit illo tempore. V. 201.

Nec tamen humano cedit coeleste fauori
Iudicium. Cingunt Superi concordibus vnum
Praesidiis, hostesque tuos aut litore produnt, 210
Aut totum oppositi claudunt fugientibus aequor,
Aut in se vertunt furiis, aut militis ense
Bacchati laniant Pentheo corpora ritu;
Insidias retegunt, et in ipsa cubilia fraudum
Ducunt, ceu tenera venantem nare Molossi. 215
Ominibus ventura notant, aut alite monstrant,
Aut monitos certa dignantur imagine somnos.

v. 209. *Iudicium* i. q. fa-
 vor, qui pendet a iudicio,
 quo quis eo dignus existi-
 matur.

v. 210. *litore produnt.* vt
 Andragathium Zosim. IV.
 46 sq. et Gildonem Oros.
 VII. 36. ad quem tamen ver-
 sus sequens pertinere vi-
 detur.

v. 211. *claudunt* cf. Heyne
 ad Tibull. I. 3. 36.

v. 212. *Aut in se vertunt*
furiis i. e. furiis agitant, vt
 se ipsi interficiant, vt Arbo-
 gastes Oros. VII. 35. supra
 VII. 102 sqq.

v. 214. *in ipsa cubilia*
fraudum, vbi fraudes exco-
 gitantur, et vnde exeunt,
 in ipsa illa loca recondita et
 abstrusa. Sumtum hoc a fe-
 rarum cubilibus.

v. 215. *Molossi* V. 420. *te-*
nera nare, sagaces. In mul-
 tis MSS. est *Molossium*, quod
 probauit quidem Gesnerus
 sed non recepit. Quo re-
 cepto sensus est: *dii in ipsa*
cubilia fraudum ducunt sc.
 vindicem, ceu *Molossium*, et

sic dii non comparantur cum
 molossis, sed Principes, aut
 ii, quibus Principes vtun-
 tur ad inuestigandos insidia-
 tores. Burmannus *Molossi*
 praefert, quem, etiamsi in-
 digna diis comparatio videat-
 ur, ego quoque sequor. At
Molossi inter canes quidem
 venaticos, verum non inter
 sagaces referuntur. Senec.
 Hippol. 30 sqq. *Molossi* acres
 opponuntur *canibus tacitis*
 h. l. sagacibus, qui descri-
 buntur 39 sqq. Quid? si le-
 gatur: *ceu tenera venantes*
nare Molossium, ita, vt *ve-*
nautes tenera nare canes sa-
 gaces sint, qui Molossium ad
 cubilia ferarum ducunt.

v. 216. *alite,* praepete et
 oscine, pro auguriis.

v. 217. *Aut monitos certa*
dignantur imagine somnos.
 Sub *monitos somnos* Gesne-
 rus intelligit somnos eorum,
 quos monere aut monitos
 esse dii voluerunt. Certe,
 vt mihi quidem videtur,
somnos monere exquisitius
 ideoque magis poeticum est,

Pro quibus innumerae trabearum insignia terrae
 Certatim petiere tibi. Poscentibus ipse
 Restiteras, et mens aliorum prona fauori, 220
 Iudex dura sui, facibus succensa pudoris,
 Tarda verecundis excusat praemia caulis.
 Ergo auidae, tantosque noui spe Consulis annos
 Elusae, dominae pergunt ad limina Romae,
 Si minus annueres precibus, vel cogere certae 225

quam: dormientes monere, aut: per somnos monere. *Monitos ergo somnos* eos esse puto, per quos dii monere aliquid voluerunt. Iam vero illi monitus, per quietem dati, poterant esse vel obscuri, ut interpretatione indigerent, vel liquidi, ut ea nihil opus esset. Liquidos autem monitus fuisse, indicat *certa imagine*. Burmannus coni. *somni*, laudatque Ovid. Heroid. XV. 45 seq. Met. VII. 824. et XIII. 216. ubi videas Heinsum. Verum praeterquam quod non necessaria esse videtur coniectura, hoc etiam ei potest obici, quod non plures, sed Stilichonem solum ex Claudiani mente illo somniorum genere monitum dii voluerunt, illudque *monitos* autem ad plures pertineret, qui eodem honore dignati essent.

v. 218. *quibus* sc. meritis omnibus, quae poeta supra recensuit. *trabearum insignia*, consulatum.

v. 219 - 22. *poscentibus* sc. consulatum pro te. *aliorum prona fauori*, quae aliis

tam libenter honores indulgere solet. 221. *facibus succensa pudoris* simpliciter pro: pudore accensus. Barth. laudat Stat. Achill. I. 304 sq. *Nec latet haustus amor, sed fax vibrata medullis In vultus atque ora redit, lucemque genarum Tingit et impulsus tenui sudore pererrat.* 222. *Tarda praemia excusat* i. e. excusat se, quod praemia tamdiu merita sibi-que toties delata hucusque differat, quod dubitet praemia, consulatum, accipere. *verecundis caulis*, iis, quas modestia seu verecundia illi suggessisset.

v. 223. *Ergo auidae* cet. Accedit poeta ad alteram carminis partem, qua demonstraturus est, unde factum sit, ut Stilicho consulatum, toties oblatum totiesque declinatum, tandem aliquando acceperit. *tantosque annos*, per tot annos. *noui consulis* pro: fore, ut Stilicho consulatum sibi delatum acciperet.

v. 224. *ad limina*, ad templum, quod Hadrianus Romae ac Veneri exstruxit.

Cunctantem, votoque moras auferre paratae
 Conueniunt ad tecta Deae, quae candida lucent
 Monte Palatino. Glaucis tum prima Minervae
 Nexa comam foliis, fuluaque intexta micantem
 Veste Tagum, tales profert Hispania voces: 230

Cuncta mihi semper Stilicho, quaecunque poposci,
 Concessit, tantumque suos inuidit honores.

Augusti potuit soceri contemnere fasces:

Iam negat et genero. Si non ut ductor ab orbe,

Prudent. contra Symmach. I. 218 sqq. ante Delubrum Romae (colitur nam sanguis et ipsa More deae, nomenque loci ceu numen habetur; Atque urbis Venerisque pari se culmine tollunt Tempia: simul geminis adolentur tura duabus).

v. 226. votoque, rei tantopere desideratae.

v. 227. candida, e marmore candido.

v. 228. prima. Hispaniam primam inducit loquentem, quia patria erat Theodosii M. eique dat loco diadematis folia Minervae, oleae ramum, cuius arboris feracem Hispaniam esse constat. Hinc etiam, ut Gesnerus observat, ramum olivae tenet in nummis Hadriani. glaucis foliis v. supra XX. 271.

v. 229. 30. fuluaque intexta micantem Veste Tagum. Epitheta exquisita permutata sunt pro: micans veste intexta fuluo Tago i. e. auro ex Tago quaesito. Quod autem intexta a veste

ad Hispaniam translatum est, paullo durius videri possit.

v. 232. inuidit, ἐφθόνησ, cf. Horat. Sat. II. 6. 83 sq. pro: non tribuit. Affectus positus est pro eo, quod laepe inde proficisci solet. Gesnerus in notis personas commutat, Romaeque assignat, quae Hispania loquitur. Inuidit autem cum delectu posuit poeta, innuitur enim hoc, Hispaniam in petendo pro Stilichone consulatu, quasi suam rem agere, quum splendor honoris, illi viro, qui cum Theodosii domo adfinitate coniunctus sit, delati, etiam ad se pertineat. cf. quoque infra 236 seq.

v. 233. potuit h. l. prope pro: ausus est. soceri fasces i. e. consulatum a Theodosio oblatum. contemnere v. supra XXI. 235.

v. 234. si non (Burm. sic non vitio operarum) ductor, rector, accipiat consulatum ab orbe sibi oblatum aut sibi impetratum.

Quem regit: accipiat saltem cognatus ab aula. 235
 Exiguumque putat, quod sic amplexus Iberam
 Progeniem nostros immoto iure nepotes
 Sustinet, vt patrium commendet purpura Baetin?
 Quod pulchro Mariae fecundat germine regnum?
 Quod dominis speratur auus? — Tum flaua repexo 240
 Gallia crine ferox, euinctaque torque decoro,
 Binaque gesa tenens, animoso pectore fatur:
 Qui mihi Germanos solus Francosque subegit,
 Cur nondum legitur fastis? Cur pagina tantum

v. 235. *accipiat saltem cet.*
 Sensus: si merita, quibus orbem, imperium occidentale, amplexus est, tanti non putat, vt eorum praemium consulatus sit, accipiat tamen illam dignitatem adfinitati, qua attingit Theodosii domum, debitam. *cognatus*, adfinis.

v. 236 - 8. *Iberam Progeniem* (v. n. ad VII. 189.) Theodosii filios, *nepotes*, posterios. Arcadium et Honorium Hispania non ideo *nepotes* vocat, quia Theodosius sit Hispaniae filius, vt Gesnerus existimat. cf. supra VIII. 18 sqq. 237. *immoto iure* pro: imperio non imminuto, adeo, vt ipse sibi adroget aut in suam rem vertat, vel vt non passus sit imperium imminui a gentibus barbaris, quod posterius magis placet propter *sustinet* et ea, quae sequuntur. 238. *purpura* est dignitas imperatoria, *commendet*, illustret, *patrium Baetin*, Hispaniam Theodosii patriam. Sensus: vt adhuc

Theodosii domus regnum obtineat, Hispaniamque patriam illo honore decoret. *Baetin* v. XII. 31.

v. 239. *fecundat regnum.* *Regnum* h. l. abstractum est. Illud dici potest *fecundari*, quando Imperator filios in spem regni suscipit.

v. 240. 1. *dominis*, Imperatoribus futuris ex Maria natis, seu Augustis. Verum hoc omen vanum fuit, vt ex annalibus notum est. Maria enim sine prole obiit. *flaua repexo Gallia crine* i. e. repexa et comta Gallia crine flauo. Gallia enim in personam mutata more gentis exornata est. Solebant autem Galli crinem alere. Sil. Italic. XV. 671. vnde *Gallia comata* Plin. H. N. XI. sect. 47. cf. Sil. Italic. III. 200 sq. *torque decoro.* vt ille Gallus erat ornatus, cuius caede Manlius cognomen Torquati sibi peperit. Gell. IX. 13.

v. 242. *gaesa* XX. 249. *animoso* VIII. 392.

v. 244. *pagina.* Paginam honorum intelligit Gesne-

Nescit adhuc nomen, quod iam numerare decebat? 245
Vsque adeone levis pacati gloria Rheni?

Inde Caledonio velata Britannia monstro,

rus, de qua v. Iuvenal. X. 47. et ibi schol. sed fasti intelligendi sunt. Poeta variavit eandem sententiam. Hoc liquet ex *tantum nomen*, quod non est consulis nomen, sed Stilichonis, quod in fastis legi non poterat, quum consul nondum ille fuisset.

v. 245. *quod iam numerare decebat*, quod saepius in iis occurrere debebat. Hoc fieri poterat, si saepius consul fuisset. Quoties autem aliquis consul fuisset, semper adiectis aduerbiis numeralibus *iterum, tertium, quartum* cet. notabatur. Fasti igitur dici possunt *numerare nomen* eius, qui saepius consul fuit.

v. 246. *pacati Rheni* cf. XXI. 189sqq.

v. 247. *Caledonio velata Britannia monstro*. Post Agricolae victorias Britannia Romanis satis nota erat, cuius partes septentrionales incolebant Caledonii. Quidnam intelligendum sit per *Caledonium monstrum*, non satis constat. Barthius ignotam feram fuisse putat. Et poterat sane monstri aliqua species fingi, Caledonique maris proprium haberi, quum tota septentrionalis plaga miraculorum plena ab Romanis existimaretur. Tacit. Annal. II. 24. *Vt quis ex lon-*

gino reuenerat, miracula narrabant, vim turbinum et inauditas volucres, monstra maris, ambiguas hominum et belluarum formas; visa, siue ex metu credita. Potest omnino genus balaenae intelligi, quam Iuvenalis (X. 14.) Britannicam vocat, et ita accepisse veteres interpretes videntur ex glossa, quae, ut notat Burmannus, Leideni erat adscripta: *monstro id est cete*. Sed *velata* non est: pelle Balaenae amicta, quum vestis caerulea, ut Nymphis, fluuiis, diis marinis solet, a poeta ei assignetur, neque illam pellem huic vesti superinductam fuisse dixerim. Totum hoc ad ornatum capitis pertinere puto. Ut enim supra (XV. 137sqq. et infra 256.) Africa inducitur dentibus elephantinis exornata; sic poterat Britannia induci balaenae capite seu rictu pro capitis tegumento vtens. Ceterum Heinsius coniecit *vallata Britannia ponto*, idque firmare studet multis locis citatis. Vix autem h. l. conuenire potest illa coniectura, quum non de terra, sed de figura Britanniae sermo sit. Idem coniecerat *vectata Britannia monstro*. Gesnerus et Burmannus de vrsi exuviis locum interpre-

Ferro picta genas, cuius vestigia verrit
 Caerulus, Oceanique aestum mentitur amictus:
 Me quoque vicinis pereuntem gentibus, inquit, 250
 Munivit Stilicho, totam quum Scotus Iernen
 Mouit, et infesto spumauit remige Tethys.
 Illius effectum curis, ne tela timerem
 Scotica, ne Pictum tremere, ne litore toto
 Prospicerem dubiis venturum Saxona ventis. — 255

tantur, quum *Caledonii* *vrso* mentio fiat apud Martial. Spect. ep. 7. *Nuda Caledonio sic pectora prae-buit vrso*, quumque pelles *vrfinas* et hodie gentes septentrionales arcendo frigori adhibere soleant. Accedit, quod monstra etiam ferae terrestres Noster dixit infra XXIV. 274. Vix autem puto, *vrso*s a poetis inter monstra relatos esse, nisi aliquem indicare voluerint inusitata corporis magnitudine et specie. cf. XVII. 297 seq.

v. 248. *Ferro picta genas* v. supra ad VII. 54. Heinlius coni. *secta* laudans III. 327, aut *puncta*. Barthius notat, quosdam legere *vitro picta* vel *nitro*. *vestigia verrit* de peplo longo intelligo, cuius infima pars pone per terram trahatur.

v. 249. *Oceanique aestum mentitur*. Gesnerus *Oceani aestum* simpliciter accipit pro mari, vehementiam enim fluxus et refluxus circa Britanniam fecisse, ut *aestum* dicere quam *undas* poeta maluerit. Burmannus *vestem undulatam* intelligit,

de qua egit ad Ovid. A. A. III. 177. Equidem hoc ad imam vestis partem traho, quae, quum incederet Britannia, terram a tergo verberabat, et, quum caerulea esset, maris undantis aut aestus speciem referebat.

v. 251. *Munivit*. Sic omnes Mss. praeter vnum, in quo legitur *Me iunxit*, quod efficacius Heinso videtur. *Munivit* intelligit ille de muro inter Scotiam et Angliam ducto. Potest etiam de praesidiis intelligi, quibus Angliam tutam praestitit contra Scottorum irruptiones Saxonumque appulsus. cf. infra 254 sq. *Iernen*. v. n. ad VIII. 33.

v. 252. *Mouit*, excitauit in stragem Britanniae. *infesto remige*, qui litus Britanniae petebat eam igne et ferro populaturus.

v. 253. *tela*. Heinl. coni. *vela*, quod Burmannus recte improbat, quum Scotus terrestria bella gereret cum Britannis.

v. 255. *Prospicerem*. Heinlus laudat Lucan. VIII. 46 sqq. Ovid. Heroid. X. 49. XIX. 21. v. eundem ad Heroid. V. 63.

Tum spicis et dente comas illustris eburno,
 Et calido rubicunda die, sic Africa fatur:
 Sperabam nullas trabeis, Gildone peremto,
 Nasci posse moras. Etiam nunc ille repugnat,
 Et tanto dubitat fasces praebere triumpho? 260
 Qui mihi Maurorum penitus lacrimabile nomen
 Ignorare dedit. — Post has Oenotria lentis
 Vitibus intorquens ederas, et palmite largo
 Vina fluens: Si vos adeo Stilichone curules
 Augeri flagratis, ait, quas sola iuuare 265
 Fama potest: quanto me dignius incitat ardor,

Burm. ad Phaedr. I. 17. *dubiis ventis*, incertis, quum non constet, quo vento venturi sint. Sidon. Apollin. carm. VII. 369 sqq. *Quin et Aremoricus piratam Saxona tractus Sperabat*, cui pelle salum sulcare Britannum Ludus, et assuto glaucum mare findere lembo.

v. 256. *Tum spicis et dente comas* cet. Africa frequens occurrit in numis capite dentibus elephantinis ornato et proboscide cf. supra XV. 136 sq. *spicis* i. e. spiceis fertis.

v. 257. *calido die*, solis aestu.

v. 260. *Et tanto dubitat fasces praebere* cet. *Fasces praebere triumpho* Stilicho dici potest, quando consulari accepto triumphat, ita ut lictores cum fascibus consulis triumphantis currum praecedant.

v. 261. *penitus iungendum cum ignorare dedit*. Gesnerus: ita funditus deleta illa

rebellio, ut ne nomen quidem auctoris vel partium illius audiatur.

v. 262. *Oenotria*. De hoc antiquo Italiae nomine ab Oenotris Pelasgia v. Heyne in excursu XXI. ad Virgil. Aen. I. *lentis*. Heinsius rectius putat *lentas*. Burmannus observat, epithet. *lentus* et viti et hederæ convenire Virgil. Eclog. III. 38 sq. quod etiam Heinsum nequaquam fugit, videtur autem existimasse, illud epith. melius convenire hederis, quae intorquentur, quam vitibus, circa quas intorquentur hederæ.

v. 264. *Vina fluens*. *Fluens* h. l. transitive positum. v. ad I. 52.

v. 265. *Augeri* h. l. honorari. *quas* pertinet ad *vos*. *sola iuuare fama potest*, quum ipsum consulem apud vos non videatis, itaque non ex adspectu, sed ex fama, illius consulatus voluptatem capere possitis.

Vt praesente fruar, conscendentemque tribunal
Prosequar, atque anni pandentem claustra salutem?

Talibus alternant studiis, Romamque precantes
Pro cunctis hortantur eat. Nec segnus illa 270
Paruit officio, sed raptis protinus armis
Ocior excusso per nubila sidere tendit.
Transuehitur Tuscos, Apenninusque volatu
Stringitur, Eridanus clipei iam fulgurat umbra.
Constitit ante ducem, tetrica nec Pallade vultum 275
Deterior, nec Marte minor. Tremit orbe corusco

v. 267. 8. *conscendentem-que tribunal Prosequar.* Pertinet hoc ad solemnem consulis deductionem e domo sua ad tribunal prosequentibus amicis necessariis et clientibus. Boeth. de consol. II. 3. *Poteritne illius memoria lucis quantalibet ingruentium malorum morte deleri, quum duos pariter consules, liberos tuos, domo praeuehi sub frequentia patrum, sub plebis alacritate vidisti.* quem locum Barthius iam laudauit. cf. I. 231 sqq. *anni pandentem claustra* Stat. Silv. IV. 1. 2. de Domitiano consule: *insignemque aperit Germanicus annum.* Consulatus enim inibatur noui anni princ pio. cf. I. 6 sq. XXVIII. 640 seqq.

v. 269. *studiis*, sermonibus studium suum in Stilichonem declarantibus. *Romamque* cf. supra 224.

v. 271. *Paruit officio*, obtemperauit illarum precibus. *Officium* enim putabat id perficere, quod illae rogaue-

rant. *raptis armis* cf. I. 75 seq.

v. 272. *Ocior excusso per nubila* cet. Barthius interpretatur de stella cadente, eumque Gesnerus sequitur. cf. XVII. 111. Burmannus notat, frequentiore esse formulam: *ocior excusso — fulmine*, quod etiam h. l. aptius esset, quum addatur *per nubila*.

v. 273. 4. *Apenninusque volatu Stringitur* i. e. iuxta Apennini, qui mons a septentrione versus meridiem totam Italiam diuidit, latera volatum dirigens, tantumque non ea adtingens. *Eridanus*, Padus hodie. *fulgurat umbra*, clipei imaginem ostendit, fulgoremque eius reddit.

v. 275. *tetrica nec Pallade* cet. cf. I. 84. *tetrica* vocatur Minerva quoque a Martial. X. 19. 14. i. e. seuera, opponiturque lasciuienti et petulanti.

v. 276. *orbe corusco* ad clipeum referendum, supra

Iam domus, et summae tergunt laquearia cristae.
Tum prior attonitum gratis affata querelis:

Seruatas, Stilicho, per te, venerande, curules,
Ornatas nec dum, fateor. Quid profuit anni 280
Seruilem pepulisse notam? Defendis honorem,
Quem fugis, et spernis, tanta quem mole tueris;
Respuis oblatum, pro quo labente resistis?
Quaenam causa morae? Quo me cunctabere rursus
Ingenio? Nullus Boreae metus, omnis et Austri 285
Ora silet, cecidit Maurus, Germania cessit,

274. *tremat h. l. pro: tremulo fulgore illustratur.* Ovid. Fast. I. 77 sqq. *Flamma nitore suo templorum verberat aurum et tremulum summa spargit in aede iubar.*

v. 277. *et summae tergunt* cet. Dii omnes, ut notum est, maiore statura, quam humana, adparent, quorum in proceritate fingenda poetis libera potestas datur. Caue autem cum Barthio altitudinem palatiorum, quae procerum essent, hoc modulo metiaris. *laquearia* v. Iani ad Horat. od. II. 16. 11 sq. et 18. 2. h. l. simpliciter tectum cubiculi.

v. 278. *gratis*, quae gratiae debebant esse Stilichoni, utpote ex amore in eum profectae. *attonitum*, repentino deae aduentu.

v. 279. *Seruatas*, deiecto Eutropio, quo omnem dignitatem curules amiserant.

v. 280. *Ornatas nec dum.* Ornari tantum poterant, si Stilicho eas suscepisset. *anni Seruilem pepu-*

lisse notam, euertendo illo Eutropio, qui notam illis seruilem, quum ipse seruus fuisset, inuollerat.

v. 282. *tanta mole*, tanto adparatu tanta opera. Non plane eodem sensu occurrit supra XX. 101.

v. 283. *resistis* sc. ne labatur. cf. XX. 123 sqq.

v. 284. *quo me cunctabere.* *Cunctari aliquem* pro: morari aliquem saepius occurrit. Heins. laudat X. 20 sq. XXXVI. 321 sq. Stat. Theb. III. 719. IV. 625. VII. 1 sq. XI. 268. Valer. Flacc. II. 92 sq. Virgil. Aen. IV. 390. *quo ingenio* h. l. qua causa ingeniose excogitata, ut Barthius iam explicauit.

v. 285. *Boreas et Auster* pro barbaris gentibus illarum plagarum positi sunt. Fingere Noster videtur, Stilichonem saepe bellorum exultationem usurpasse, ut liceret sibi consulatum oblatum non accipere.

Et Ianum pax alta ligat. Te Consule nec dum
 Digna feror? Titulumne leuem, paruique nitoris
 Credimus, Augusti quo se decorare fatentur?
 Sub iuga quo gentes captiuis Regibus egi? 290
 Num, si prodigiis casus natura futuros
 Signat, polluimur macula? Quod rēris, Eois

v. 287. *Et Ianum pax alta ligat.* Pax alta ligat non Ianum deum, sed dei templum. Infra XXVIII. 638 sqq. cf. Lucan. I. 61 sq. Ianus inducitur perpetuis claustris bella premens. Et Ianus ipse in limine templi custos positus est, in quo bellum catenis vinctum custodiebatur Virgil. Aen. VII. 607 sqq. cf. eundem l. c. I. 293 sqq. ibique Heyne in excursu IX. Gesnerus ita locum accipit, quasi Ianus deus a Pace templo suo fuisset inclusus, nitique potest Horat. epist. II. 1. 255. *Claustraque custodem pacis cohibentia Ianum.* cf. Stat. Silv. IV. 1. 13 sqq. *nec dum* i. e. ne nunc quidem, quum totus orbis terrarum pacatus est, quum tua opera nomen inēum apud exteras gentes tantopere celebratur, quum omnia mihi seruiunt, ne nunc quidem tuo consulatu me dignaberis.

v. 289. *quo se decorare.* Heins. coni. *quem se decorare*, quod recepit Burmannus. Gesnerus ambiguitatem ex Heiniana emendatione nasci existimat, retinetque prius atque alterum

se subintelligit. Forſan poſſit legi *quo se se ornare.* cf. Sidon. Apollin. carm. V. 5 sqq. *decora omnia regni Accumulant fasces et Princeps Consule crescit.* ſupra Noſt. XVIII. 486 ſq.

v. 290. *quo.* Gesnerus ſubintelligit: ſine, conſilio. Et ſic verſus quidem per ſe intelligi poteſt, ſed ſenſus eius a toto ſententiarum nexu alienus eſſe videtur. Subintelligendum autem eſt: titulo, conſulatu ſeu conſule. Sub conſulibus enim in republica adhuc libera eorumque ductu et auſpiciis gentes deuictae regesque earum capti ſunt. Voluit Roma hac commemoratione dignitatem conſularis nominis augere.

v. 291. 2. In conſulatu neglecto a Stilichone ſeu ſpreto Roma ſe putat contemni; ideoque quaerit ex eo, num exiſtimet ſe pollutam eſſe illo miraculo, eunucho conſule, pro: num putet conſulatum pollutum eſſe? Subiicit autem Roma ſtatim haec duo, primum, illud omen, quod vix fama audiuerit, non ad Occidentem, ſed ad Orientem pertinere, deinde,

Omen erat. Quanquam nullis mihi cognita rebus
Fabula; vix tanto risit de crimine rumor.

Opprobriis fiat nulla fides, nec litera venit 295
Vulgatura nefas. In quo vel maxima virtus
Est tua, quod, nostros qui consulis omnia Patres,
De monstiris taceas. Pellendi denique nulla
Dedecoris sanctum violant oracula coetum,

etiāsi consulatus Roma-
nus maculam inde contraxif-
set, Stilichonem, ait, solum
esse, qui illam eluere possit,
eius itaque esse, pristinam
dignitatem consulatui resti-
tuere. *quod reris* sc. omen
fuisse.

v. 293. *quamquam nullis
mihi* cet. Simulat se totius
rei ignaram. *nullis rebus*,
non edictis, non fastis, Ro-
mae oculis consulatus Eutro-
pii ingestus erat, nihil igitur
de hac re in publicis
monumentis exstabat, quam
rumor solus Romam per-
tulerat.

v. 294. *vix tanto risit de
crimine rumor*, pro: vulga-
vit crimen. Rationem re-
spexit poeta, qua rumor
rem aliquam per se ridicu-
lam solet diuulgare.

v. 295. *Opprobriis fiat
nulla fides. fiat* pro: est.
Burmānn. ad Valer. Flacc.
VIII. 249. Barth. ad Stat.
Theb. V. 474. et Achill. I.
506. Sensus: *opprobrii*, de-
decoris illius, fides incerta
est. *nec litera venit* sc. pu-
blice missa a Constantino-
politānis.

v. 296. *Vulgatura nefas*,

nunciatura, eunuchum esse
consulem factum. *in quo vel
maxima virtus* cet. *in quo
vel maximam prudentiam*
ostendisti.

v. 297. *nostros qui consu-
lis omnia patres*. De con-
structione verbi *consulere*
cum duplici accusatio egit
Burmānn. ad Lucan. VI. 775.
cf. Serv. ad Virgil. Aen.
XI. 343.

v. 298. 9. *De monstiris ta-
ces*. Laudatur nempe Stili-
cho, quod nihil de Eutropii
consulatu ad senatum retu-
lerit, eoque cauerit, ne in
actis publicis de illa re ali-
quid exstaret. cf. XX. 126 sqq.
pellendi denique cet. Ordo
verborum: *nulla denique
oracula pellendi dedecoris
violant sanctum coetum*.
Quaeritur iam, quāenam sint
oracula pellendi dedecoris?
Gesnerus rescripta Arcadii
intelligit de pellendo Eutro-
pio ad senatum Romam
missa. Edicta enim, episto-
lae, rescripta Imperatorum
oracula vocata esse, constat.
Burmānnus interpretatur:
Senatus Romanus nihil ab
hoc dedecore (Eutropio) ge-
stum aut decretum accepit

Nec mea funestum versauit Curia nomen. 300
 Pars sceleris dubitasse fuit. Quaecunque profana

aut probauit. *Oracula* igitur *pellendi dedecoris* sumsit pro oraculis, decretis, a pellendo dedecore datis. Vtraque ratio mihi non probatur. Nam literis, quibus Arcadius poenas Eutropii Romanam nunciasset, senatus Romanus violari non potuit, neque decreta reliquaue Eutropii acta quidquam ad senatum Romanum pertinebant. Praecessit autem, Stilichonem nihil de Eutropio consule ad senatum retulisse. Verum hoc in vniuersum expressum est, dixerat enim: *de monstribus taceas*. Iam, ut solet fere semper, explicationem subiungit. *Nulla oracula* omnino (*denique*) *pellendi dedecoris*, nulla rescripta Honorii nomine a te, Stilicho, ad senatum missa, et ad *pellendum* illud *dedecus*, ad Eutropium, pertinentia, violant *sanctum coetum*, senatum. In illis rescriptis aut epistolis si Stilicho etiam de Eutropio ad senatum retulisset, patribus nunciandum fuisset, Eutropium eunuchum consulem a Constantinopolitanis esse constitutum, deinde quaerendum, quid patres hac de re censerent. Ipsi autem libelli, quum continerent eunuchum esse consulem factum, vel hoc ipso violassent senatum, ipsa enim

istius rei in publico aliquo monumento commemoratio mali ominis esse, totumque ordinem summo pudore afficere debebat.

v. 300. *Nec mea funestum versauit* cet. i. e. nec senatores deliberauerunt de Eutropio eunucho, vtrum consul in fastis scribendus an omnino reiiciendus esset. Quae deliberatio in senatu locum habere non potuit, quum de Eutropio ad eum nihil esset relatum. Vsum vocis *versare* pro considerare, deliberare, aliunde iam notum, etiam h. l. multis exemplis confirmauit Burmannus.

v. 301. *Pars sceleris dubitasse fuit*. Burmannus olim coniecerat *par sceleri*, vidit autem postea, vulgatae lectionem posse defendi ex Virgil. Aen. VII. 266. *Pars mihi pacis erit dextram tetigisse tyranni*. *dubitasse* sc. an forte in honorem Arcadii etiam per Occidentem consul esset agnoscendus Eutropius? Hac de re dubitasse tantum aut animi pependisse, iam *partem sceleris* fuisse ostendit. Quae ad senatum pertinerent, ad omnes homines retulit, hoc sensu: quicumque tantum dubitaerit, de reiiciendo et non agnoscendo Eutropio consule, in societatem sceleris

Pagina de primo venisset limite Phoebi,
 Ante fretum deleta mihi, ne turpia castis
 Auribus Italiae factorum exempla nocerent.
 Publicus ille furor (quantum tua cura peregit!) 305
 Secretum meruit. Laetetur, quisquis Eoos

aliqua ex parte venit. Illa autem deliberatio instituenda erat ab senatu, quum semel de Eutropio relatum esset; prudenter itaque fecit Stilicho, qui nihil omnino ad senatum de hoc dedecore retulerit, ita ut non necesse fuerit, de aliqua re deliberare, quae in deliberationem senatus venire omnino non poterat sine quadam huius ordinis ignominia. *quaecunque profana* cet. Pergit poeta in laudanda Stilichonis prudentia. Non solum ipse nihil retulit ad senatum Romanum, verum etiam prouidit, ne nuncius huius rei a Constantinopolitanis ad eum perferretur.

v. 302. *profana Pagina*. Sic vocatur epistola a Constantinopolitanis missa Eutropii electionem nuncians. *profana*, propter rei profanae, turpis, commemorationem. *venisset*. Subiunctivus indicat, illam epistolam non esse missam, sed poni tantum, si missa esset. *de primo limite Phoebi* i. e. ab Oriente. Malim tamen *limine*, quod Heinsius inuenit in schedis Gudianis, et quod Burmannus quoque praefere videtur. cf. Nost. VII. 164. VIII. 129. XXIV. 287.

v. 303. 4. *deleta* sc. esset tuo studio. *ante fretum*, antequam naui esset condita, quae illam per mare Adriaticum traiceret. *mihi*, in meum commodum. *ne turpia factorum exempla*. Nonnulli Mss. *factorum*. *Factorum* posse sumi, ut in Naeuiano *Fato Metelli sunt consules*, Burmannus notat, qui etiam coni. *fatuum*. *castis auribus Italiae*, quas illud nefas nondum polluerat.

v. 305. *Publicus ille furor*. *Furor* est illa constitutio eunuchi consulis. *publicus*, non, ut Gesnerus explicat, qui toti Orienti innotuit, sed furor in re aliqua publica, in consulis electione, declaratus. *quantum tua cura peregit*. Markland. ad Stat. silv. I. 4. 84. parenthesis sublatam vult, hoc sensu: meruit tantum secretum, quantum tua cura peregit. *Meruit* igitur videtur accepisse sensu vulgari, non eo, quo apud Nostrum saepe occurrit, pro: consecutus est. *Secretum meruit*, non publice innotuit Italiae.

v. 306. *eoos* sc. fastos, qui opponuntur *fastis Gabinis* i. e. Romanis. Sententia verborum paullo est obscurior.

Scribere desierit: fastos portenta Gabinos
 Ista latent. Propriam labem tersisse laborent.
 Cur ego, quem nunquam didici sensive creatum,
 Gratuler exemptum? Delicti poenitet illos: 310
 Nos nec credidimus. Fuerit tamen omnibus vnum
 Crimen, et ad nostras manauerit vsque secures:
 Plus ideo sumenda tibi fastigia iuris,
 Ne pereat tam priscus honos, qui portus honorum

Eos fastos puto positos esse pro: eos consules, hoc sensu: laetetur, quicumque desierit numerare consules Byzantinos, qui, quum in eorum numerum eunuchus receptus sit, omnes quasi contaminati sunt, dignitatemque suam amiserunt.

v. 307. *Gabinos pro: Romanos. XXIV. 83. portenta, consul eunuchus.*

v. 308. *propriam labem tersisse laborent.* Illa labes ad nos nostrosque fastos nihil pertinet, neque est, ut illam maculam eluendam curemus; illi laborent, qui ea se commacularunt.

v. 309. *quem nunquam didici sensive* sc. ex publico aliquo monumento.

v. 310. *exemptum* sc. e fastis, pro: deletum. *delicti poenitet illos.* Illi istum e fastis eraserunt.

v. 311. *Nos nec credidimus.* Nos ne credidimus quidem, eum consulem esse factum, tantum abest, ut eunucho consule macula sumus adpersi. *fuerit tamen*

cet. Sententia eorum, quae sequuntur, haec est: ponamus autem, consulis dignitati isto consule esse derogatum; vel ob id ipsum consulatum debes accipere, ut tuo splendore pristinam dignitatem recuperet. omnibus et Byzantinis et Romanis.

v. 312. *et ad nostras manauerit vsque secures,* et ad consules Romanos illa contumelia (*crimen*) pertineat.

v. 313. *Plus ideo pro: tanto magis. Plus pro: magis, durius et sumere fastigia* parum eleganter dictum putat Burmannus. Barthius verum adulterinum esse affirmat, eumque Lovaniensi in margine adscriptum fuisse Burmannus notat. Potest quidem sine incommodo abesse, sed supra X. 31 seq. dixit Noster aequae ineleganter *deponere fastigia.*

v. 314. *qui portus honorum.* Consulatus erat summus magistratus, ideoque finis ambitionis et quasi portus, in quo finito honorum decursu ambitio acquiesceret.

Semper erat. Nullo sarciri Consule damnum, 315
 Excepto Stilichone, potest. Bene praescia tempus
 Mens tua distulerat. Titulo tunc crescere posses:
 Nunc per te titulus. Consul succurre grauatis
 Consulibus, quicumque fuit, quicumque futurus.
 Annum redde tuum, quem mox secura sequatur 320
 Posteritas, nec iam doleat defensa vetustas.
 Sit trabeis vltor Stilicho, Brutusque repertor.
 Libertas populi primo tunc Consule Bruto
 Reddita per fasces: hic fascibus expulit ipsis
 Seruitium; instituit sublimem Brutus honorem: 325
 Adseruit Stilicho. Plus est seruasse repertum,
 Quam quaesisse nouum. Quid tardius ore rubenti
 Annuis, et solitus frontem circumfluit ignis?

v. 315. *sarciri damnum*, dignitas consulatus recuperari.

v. 316. *tempus* sc. quo consulatum acciperes.

v. 318. *grauatis*, contumelia illa offensis.

v. 320. *Annum redde tuum*. Interpunctionem Gesneri secutus sum, qua, vt equidem puto, omnis difficultas sublata est. Barthius, Heinsius et Burmannus post *futurus* posuerunt (,) coniunxeruntque *annum redde tuum* cum superioribus. *Annum redde tuum* sc. nomine tuo praescribendo. Heins. coni. *suum*. Burmann. coni. *crede tuum* hoc sensu: quicumque annus fuerit, etiam quo alii consules fuerunt, crede tamen esse tuum, i. e. te consulem fuisse, et omnia pro consule egisse, tamquam consul reuera esses. Sed coniectura nihil est opus. *An-*

num redde tuum explicat prius: Consul succurre grauatis consulibus. *secura sequatur* i. e. ita, vt contumelia illa, qua affectum consulatum hactenus opinabantur, nullam dubitationem iis iniiciat.

v. 321. *nec iam doleat* cet. i. e. nec iam amplius doleat, quum tuo consulatu defensa sit.

v. 324. *fascibus expulit* cet. liberauit fasces ipsos a consule, qui seruus fuit.

v. 326. *Adseruit* sc. in libertatem, simpliciter pro: seruauit, vt in sequentibus explicatur.

v. 327. *ore rubenti*, prae pudore, aut verecundia.

v. 328. *et solitus frontem circumfluit ignis*. Circumfluit nititur vno codice Barthii, qui illud recepit, eumque secuti sunt Heinsius et Gesnerus. In aliis est *cir-*

Tandem vince tuum, vincis qui cuncta, pudorem.
 Hos etiam, quamuis corrumpi munere nullo 330
 Te certum est, mirare libens ac suscipe cinctus,
 Quos tibi diuino mecum Tritonia duxit
 Pectine. Tincta simul repetito murice fila
 Contulimus pensis, et eodem neuimus auro,
 Aurea quo Lachesis sub te mihi secula texit. 335

cumlinuit, cuius glossam Burmannus priorem lectionem putat, laudatque Ovid. Met. XI. 136. cui addi potest supra 137. Obuium sane est, *circumlinere rem auro*, verum exempla desidero, in quibus est: *aurum circumlinuit rem*. Forlan genuina lectio fuit *circumluit*, quod de igne aequè potest dici ac *circumfluere*; saltem ex illa voce librarii et ad *circumfluit* et ad *circumlinuit* aberrare potuerunt.

v. 329. *vincis qui cuncta*. Quinque Mss. apud Heinsum *vincis quo cuncta*, quod argute putat Heinsius dictum. Sed pudore aliquis *omnes non omnia* vincere potest. Idem opportune laudat Ovid. epist. III. 85.

v. 331. *mirare libens*. Donum erat Tritoniae, ideoque praestantissimum. *libens*, animo beneuolo, libenter. Propert. II. 19. 11. *cinctus*. v. n. ad VII. 3. h. l. trabeas, cf. infra 340.

v. 332. 3. *diuino pectine*, diuina arte. *duxit*. cf. XXXV. 43. et Burmann. ad Valer. Flacc. I. 419. *simul* pertinet ad *contulimus*. *repetito mu-*

rice, bis tincta. Burmann. laudat Stat. Theb. IV. 540. Senec. Oct. 663 sq.

v. 334. *Contulimus pensis*. *Pensis*, operi, seu ad opus. Dicere vult, se et Minervam fila purpurea neuisse ad illam texturam. *auro*, filo aureo.

v. 335. Ordo verborum: *quo Lachesis mihi texit aurea saecula sub te* sc. reditura. Omnia, quaecunque acciderent hominibus in vita, a fato praestituta fuisse, veteres, vt notum est, credebant. Quod fatum per Parcas filum nentes, vnicum temporis continui symbolum, ad sensus quali reuocarunt, et, vt omnia, quaecunque acciderent, tempore continentur, finxerunt, earum filo totam hominum vitam cum tota rerum varietate esse quasi significatam. Illud filum, ad summam felicitatem significandam, aureum fingunt poetae. Sidon. Apollin. carm. V. 312 seq. *Iam tunc imperium praesentis principis aurea Voluebant bona fata colu.* et l. c. 368 sq. VII. 600 sqq. XV. 200 sq. Barthius laudat Se-

Hic ego promissam sobolem, sperataque mundo
 Pignora praelusi. Veram mox ipse probabis
 Me vatem, nostraeque fidem venientia telae
 Fata dabunt. — Dixit, gremioque rigentia profert
 Dona, graues auro trabeas. Insigne Minervam 340
 Spirat opus. Rutilus hic pingitur aula columnis,
 Et sacri Mariae partus. Lucina labores
 Solatur; residet fulgente puerpera lecto;

nec. Apocolocynt. *At Lachesis redimita comas, ornata papillas, Pieria crinem lauru frontemque coronans, Candida de niveo subtemine vellera sumit Felici moderanda manu, quae ducta colorem assumfere novum; mirantur pensa sorores, Mutatur vilis pretioso lana metallo, Aurea formoso descendunt secula filo.* Ceterum sensus videtur mihi hic esse: eodem aureo filo vtae sumus ad vestem conficiendam, quod Lachesis nevit, quoque illa saecula aurea sub te reditura implicavit. Rationem, qua id fieri potuerit, nemo tibi facile animo informabit, licet acerrima imaginandi vi gaudeat.

v. 336. *Hic.* his trabeis. In sequentibus forsan Noster secutus est Virgilium (Aen. VIII. 626 sqq.) apud quem Vulcanus futura Romanorum fata clipeo Aeneae insculpens inducitur. *Sobolem*, filios, quos procreaturus est Honorius ex Maria. *promissam*, velut deorum oraculis.

v. 337. *praelusi.* Gesnerus: divinatione vta intexui.

Mihi videtur similitudo ducta a pugna, quae verae dimicationi in ludis gladiatoriiis praecedere solebat. Intexuit imaginem pueri, quem olim partura sit Maria. infra 345 sqq.

v. 338. 9. *venientia fata,* res futurae, euentus.

v. 340. 1. *insigne Minervam Spirat opus*, indicat Minervam fuisse artificem. cf. VIII. 592. Elegans etiam est altera lectio: *insigne Minervae spirat opus*, i. e. ad vivum omnia in Minervae opere expressa sunt. Sed prior lectio tantum locum habere potest, quia non Minervae solum sed etiam Romae solertia illud opus perfectum Noster dixit. supra v. 332. cf. Sidon. Apollin. carm. XV. 158 sqq. Virgil. Aen. V. 250 sqq. Ovid. Met. VI. 53 sqq. Valer. Flacc. II. 410 seqq. Stat. Theb. VI. 540 sqq. *rutilus*, Gesnerus: ex marmore porphyretico. *aula*, palatium seu cubiculum in palatio.

v. 342. 3. *Lucina labores Solatur*, quum adiuuet parturientem, solvatque onus

Sollicitae iuxta pallescunt gaudia matris.

Susceptum puerum redimitae tempora Nymphae 345

Auri fonte lauant. Teneros in flamine risus,

Vagitusque audire putes. Iam creuerat infans

Ore ferens patrem; sed auus maturior aevi

Martia recturo tradit praecepta nepoti.

Parte alia spumis fucantem Serica frena

350

matris. cf. I. 145. *fulgente lecto*, purpura et auro. cf. VIII. 139 sqq.

v. 344. *matris*. Heins. coni. *matri*. Burmannus autem: *matres*, quae adsident puerperae, nunc labores videntes metnunt et pallescunt, nunc felicem partum sperantes gaudent. Sed *iuxta gaudia* seu *matres* quae *iuxta* sunt, *pallescunt*, quoad, *gaudia*, durius videtur. Equidem Serenam matrem intelligo gaudentem propinquo filiae partu sed periculi metu interdum pallescentem.

v. 345. *redimitae tempora Nymphae*, quae deorum puerperiis adesse solent. Callimach. H. in Iov. 45 sqq. in Del. 255 sq.

v. 346. *Auri fonte*. Gesnerus ad haec: si voluit poeta significare materiem filorum, quae fontem, i. e. aquam repraesentant, malim argentum adhibuisset. For- san autem aquam auri particulis splendens cogitavit cf. XVII. 286. vt pretiosissimam. *teneros*, teneri infantis. *de flamine*. Hein- sius notat, potiores MSS. habere *in flamine*, sed illud prae-

ferendum videtur. Imago ridentis infantis adeo ad naturam accommodata erat expressa, vt sonum, quem risu edere solemus, de flamine (texturae imagine) exeuntem audire putares.

v. 347. *vagitus* cf. VIII. 153.

v. 348. *ferens* pro vulgari- ori: referens. *auus*, Stilicho. *maturior aevi* exquili- te pro: aetate maturiori. Hein- sius laudat Virgil. Aen. V. 73. et Stat. Theb. V. 90. v. eum ad Ovid. Met. VIII. 617.

v. 349. *Martia praecepta*, instituit illum iis rebus, quae ad vsum militarem per- tinent. *recturo*. Imperatori futuro.

v. 350. *fucantem* h. l. tin- gentem. Heins. laudat Vir- gil. Georg. III. 203. Lucan. IV. 778. Sil. Italic. XVI. 357 sqq. XII. 254. Stat. Theb. VI. 396 sqq. Oppian. Halieut. V. 183 sqq. *ὡς δὲ τις ἵππος Ἰδρωτ' ἐξανύσας καματῶσα τέρματος ἄκρου, Ἀφρῶ ὑφ' αἵματόεντι γένυν σκολιοῖσι χα- λινοῖς Ἐμπρίαι, θερμὸν δὲ διὰ στόμα κίδναται ἄσθμα*. Nost. VIII. 549. XXXV. 202.

Sanguineis, primae signatus flore iuuentae
 Eucherius flectebat equum, iaculisque vel arcu
 Aurea purpureos tollentes cornua ceruos
 Aureus ipse ferit. Venus hic inuecta columbis
 Tertia regali iungit connubia nexu, 355
 Pennatique nurum circumstipantur Amores
 Progenitam Augustis, Augustorumque sororem.
 Eucherius trepido iam flammea subleuat ore

v. 351. *primae signatus flore iuuentae.* v. not. ad I. 69.

v. 352. *Eucherius, Stilichonis filius.*

v. 353. *aurea cornua et purpureos ceruos* ad colorem florum vestis simpliciter respicere existimat Gesnerus, corruptumque illius saeculi de artibus iudicium indicare, quo non opus ipsum ad naturam expressum, sed splendidi tantum colores probarentur naturae quamvis repugnantes. Sed *purpureos ceruos* eodem sensu Noster potuit vocare, quo Horatius (od. IV. 1. 10.) *purpureos olores*, quo auctor Elegiae in obitum Maecenatis (II. 62. Poet. lat. min. T. III.) *Brachia purpurea candidiora niue*. Sane *purpureos* praestat coniecturae Heinii: *purpureis* et Burmanni: *puluereos*. Quod adtinet ad *aurea cornua*, cogitandum est, opus fuisse acupictum non coloribus, eaque fila elegisse artificem, quae propius saltem accederent ad colorem naturalem. Sed infra XXIV. 289 seqq.

ceruis iugalibus, qui Dianam vehunt, aurea quoque cornua tribuit. *Par nitor intactis niuib.* *Frons discolor auro Germinat, et spatio summas aequantia fagos Cornua ramoso surgunt procera metallo.* cf. Ovid. Met. X. 112. Valer. Flacc. VI. 71 sq. Callimach. H. in Dian. 102.

v. 354. *Aureus*, vel veste aurea indutus, vel tota eius figura aureis filis expressa erat. Burmann. laudat Ovid. Amor. I. 2. 42. A. A. I. 214. *Venus hic inuecta columbis* v. n. ad X. 151 sqq.

v. 355. *Tertia connubia.* Eucherii Stilichonis filii cum Galla Placidia Honorii sorore. Omen hoc vanum fuisse, illamque nupsisse Ataulpho Visigothorum regi et post Fl. Constantio notat Gesnerus.

v. 358. *flammea*. X. 285. *trepido ore*. Gesnerus: vel timidum pudorem virginis notat. vel cupidum sponsi. Prius h. l. intelligo. *tumido* Heinii defendit citt. XXIX. 121. XXXI. 125. Stat. Theb. II. 204. Achill. I. 292. Ve-

Virginis; arridet laeto Thermantia fratri.

Nam domus haec utroque petit diademata sexu, 360
Reginasque parit, Reginarumque maritos.

Talibus inuitat donis, dextraeque gerendum
Diua simul porrexit ebur. Sollennibus urnam
Commouet auspiciis, auiusque incepta secundat.
Tunc habiles armis humeros Dea vestibus ambit 365
Romuleis. Latii sederunt pectore cultus,

rum hoc a papillarum tumore ductum puto, qui maturae virginitatis signum esse solet, nec ad os transferri posse. *flammea subleuat.* Hoc forsan primus actus erat, quo iura mariti maritus nouus auspicaretur.

v. 359. *Thermantia*, Stilichonis filia natu minor, quae Maria, sorore maiori, defuncta, Honorio nupsit.

v. 360. *Domus haec*, Stilichonis. *utroque sexu p. d.* explicatur versu sequenti.

v. 361. *maritos*, ut Eucherium. Ceterum filios regis *reges* et filias *reginas* saepe vocari, docuit Burmann. ad Valer. Flacc. I. 174. et VI. 657.

v. 363. 4. *ebur*. Iuvenal. X. 43. *Da nunc et volucrum scepro quae surgit eburno.* Insigne erat consularis imperii scipio eburneus, in cuius capitulo insculpta erat aquila. v. locc. laudd. a Ruperti ad Iuvenal. l. c. quibus addas Dionys. Halicarn. III. 61. *solemnibus urnam Commouet auspiciis.* De auspiciis consularibus sermonem esse, nemo

non videt; sed siue vetera illa, quae ante comitia consularia capi solebant, siue recentiores ritus sub Imperatoribus poeta respexerit, nihil certi saltem de fortibus, quae h. l. procul dubio indicantur, dici potest. Miror sane Barthium, qui interdum res, quae nunc ne tirones quidem fugiunt, tam curiose prosequitur, h. l. plane filere, quia, ut ait ille quidem, *notae res* sint. Roma autem, quamquam certus consul iam destinatus sit, quasi ipsis auspiciis non portendantur futura, sed in auspiciis aut signis ipsis ea vis sit, quae futura prospera reddat, *urnam commouet*, *πάλλει*, Virgil. Aen. VI. 432. *auibusque incepta secundat.* Hoc quoque ita intelligo: facit, ut aues inceptis addicant.

v. 365. *habiles armis humeros*, pari modo dixit infra XXVI. 338. *habiles remis flumios*, pro: idoneos.

v. 366. *sederunt*, de vestibus quoque dici, notum est. Quintil. Instit. II. cap. vlt.

Loricaeque locum decuit toga. Talis ab Istro,
 Vel Scythico victor rediens Gradivus ab axe,
 Deposito mitis clipeo, candentibus urbem
 Ingreditur trabeatus equis; spatiosa Quirinus 370
 Frena regit; currumque patris Bellona, cruentam
 Ditibus exuviis tendens ad sidera quercum,
 Praecedit; lictorque Metus cum fratre Pavore
 Barbara ferratis innectunt colla catenis,

v. 367. *toga* idem fortasse h. l. est quod *trabea*, hanc enim cum cinctu Stilichoni Roma adportauerat supra 331 sqq. et forsan *cinctus* nihil aliud est, quam *trabea*. *talis ab Istro* cet. Mars Romae, ut pater Romuli, potissimum colebatur. Bene igitur comparat Noster Stilichonem cum Marte peractis in Thracia bellis Romam habitu triumphali redeunte, totaque imago, quam adumbravit, ad veterem triumphi morem expressa est.

v. 369. *clipeo*, armis. *mitis*, habitu pacato, quia arma deposuerat. *candentibus*, albis, pro: curru equis candentibus tracto. cf. infra XXVI. 127. et XXVIII. 369, ubi de duobus tantum albis equis sermo est.

v. 370. *spatiosa*. Burmannus coni. *speciosa*, quod cum Homericis *σιγαλόεντα* convenit. *Quirinus*. Filios in curru triumphantis saepe fuisse, ut Gesnerus notat, neminem quidem fugit, qui autem regebant equos, non in ipso curru erant, sed pedites eos ducebant. Ne-

que in equo eum confedissee, ut triumphantium filii praetextati solebant, cogitandus est. Casaub. ad Sueton. Tiber. 6. Quirinus seu Romulus nunc in curru Martis Bellonae locum occupat, quae alias, ut *ἡνίοχος* ex antiquissimo more, patris *ἐπιβάτου* currum regere solet, hoc loco autem currum praecedit tropaeum gerens. Hoc quoque ex vetere triumphi more, ubi spolia resque ab hostibus captae ante triumphantem praeferrī solebant.

v. 373. *lictorque Metus cum fratre Pavore*. Hesiod. Scut. Herc. 195, *δείμος τε Φοβός τε θεράποντες Ἀρῆος*. Poetae in Martis satellitio describendo semper fere luxuriantur. Homerus alique iisdem nominibus Martis equos adpellant. v. locc. laudd. a Burmann. ad Valer. Flacc. II. 204. H. l. lictorum vicibus funguntur.

v. 374. *barbara colla*, captivi vincti ante triumphatoris currum ducebantur. cf. XXVI. 293.

Velati galeas lauro, propiusque iugales 375
Formido ingentem vibrat succincta securim.

Vidit vt optato se Consule Roma potitam,
Nunc, ait, Elysi lucos irrumpere campi,
Nunc libet, vt tanti Curiis miracula voti
Fabriciisque feram, famae qui vulnere nuper 380
Calcatam fleuere togam. Iam prata choreis
Pulsent, nec rigidos pudeat luisse Catones.
Audiat hoc senior Brutus, Poenisque tremendi
Scipiadae, geminis tandem quod libera damnis
Vnius auxilio fasces Libyamque recepi. 385
Quod superest, vnum precibus, fortissime Consul,

v. 375. *Velati galeas lauro.* Lictores armatos in praeliis fuisse, probabile est, v. ad VII. 5. Sed in triumpho galeas gessisse lauro velatas nusquam inuenire me memini. Forſan hoc nouavit poeta, vt ſimul exercitus vicem h. l. obirent, niſi eius partes *Formidini* traditae ſint.

v. 376. *vibrat securim*, vt feminae Amazonum telum ei tradidit.

v. 377 ſqq. Roma quum Stilichonem vidiffet noui muneris inſignibus indutum, conſulibus apud inferos narrare geſtit, dignitatem conſularem priſtino ſplendori eſſe reſtitutam.

v. 379. *Curiis.* XVIII. 458. *miracula tanti voti*, rem tam expectatam et paene inſperatam.

v. 380. *Fabriciis.* III. 201. *Famae vulnere* i. e. infamia, mala hominum exiſtimatione, atque hanc in ani-

mo habuiſſe videtur poeta, quum ſcriberet *calcatam togam*, quod minus concinne *Famae vulnere* tribuitur. Propterea quoque coniecit Heinſius *vulnera*, cui per adpoſitionem, apud Noſtrum haud infrequentem, additum ſit, *calcatam togam*. Burmannus: *Romae qui vulnera*, quod non diſplicet. Sed v. eum ad Lucan. IV. 231. Geſnerus ſubaudit: *icti*, hoc ſenſu: triſti nuncio de tanta turpitudine eunuchi conſulis accepto *fleuere togam calcatam*.

v. 382. *rigidos Catones.* Catonem Cenſorium videtur intelligere. *rigidos* ad morum grauitatem pertinet.

v. 383. *ſenior Brutus*, Iunius, Tarquiniorum expulſor.

v. 384. *Geminis damnis* explicatur verſu ſequenti. *libera.* faſcium dignitatem et Africam Gildone ad mortem compulſo recuperauerat.

Adde meis, Vrbique tuum largire parumper,
 Quem rogat, aduentum, quam tu belloque fameque
 Depulsa terris iterum regnare dedisti.
 Splendida suscipiant alium te Rostra Camillum. 390
 Ultorem videant seruatoremq; Quirites,
 Et populus, quem ductor ames, quibus Africa per te,
 Nec prius auditas Rhodanus iam donat aristas,
 Vt mihi vel Massyla Ceres, vel Gallica profit
 Fertilitas, mellitesque vehant nunc humidus Auster, 395

v. 387. *Adde*, concede, seu, da etiam hoc precibus meis.

v. 388. 9. *quam tu belloque fameque Depulsa*. Gesnerus, secutus Barthium, recepit *repulsam*, quod genuinum esse ei probabile videtur, ponique vt *defensam*, quod plane synonymum putat. Hoc hactenus verum esse videtur, vt possis vbiq; fere *defendere* ponere pro *depellere*, ideoque *defendere hostem ab vrbe* pro *depellere hostem ab vrbe*, verum non ratione inuersa vbiq; *depellere* pro *defendere*, saltem non occurrit locus, vbi pro *defendere urbem* (tutari urbem) positum sit *depellere urbem*. Heinsius quoque *depulsam* improbavit, quod explicauit Barthius: regimine antiquo paene deiectam atque excusam. Sed v. not. ad XXIV. 171. *bello fameque*. Bellum Gildonicum respicitur. *dedisti*, fecisti. Graecism. apud Nostrium frequentissimus.

v. 390. *Splendida rostra*.

De Camillo res notissima est ex Liv. V. 49. qui vt urbem fugatis Gallis seruauit, sic Stilicho domito Gildone eandem ab interitu vindicauit. Ceterum innuitur illa oratio, quam in ineundo magistratu Consules pro rostris habere solebant. cf. XVIII. 312 sq. et XXVIII. 587 sqq.

v. 391. *ames* h. e. beneficiis adficias. *quibus*, ad collectiuum *populus* pertinet.

v. 393. *Nec prius auditas* cet. cf. XVIII. 401 sqq. XXIV. 91 seqq. Burmannus dicit, audiuisse certe Romanos per tot saecula Galliam frumenti esse feracem; sed inde Romanam non adduxisse, satis enim annonae suppeditasse classes Alexandrinam et Africanam. Quare mauult: *nec prius adductas vel advectas*. Idem autem exprimit h. l. *nec prius auditas*.

v. 394. *Massyla*. XV. 284.

v. 395. *vehant*. A classe Austro. acta ad ipsum Austrum translatus est. *humidus*. XXIV. 103. Iuvenal. V. 100 seq.

Nunc Aquilo, cunctis ditescant horrea ventis.
 Quae tunc Flaminiam stipabunt millia vulgi!
 Fallax o quoties pulvis deludet amorem
 Suspensum, veniens omni dum crederis hora!
 Spectabunt cupidae matres, spargentur et omnes 400
 Flore viae, superes quum Pincia culmina Consul

v. 396. *Aquilo*. Hunc ventum posuisse videtur, quia messes a regione septentrionali, e Gallia, intelligit, ut, quemadmodum terras nominavit inter se situ oppositas, ita quoque ventis vteretur contrariis, quamquam naues e Gallia ad Italiam Aquilone deferri nequeant. *horrea*. XV. 55.

v. 397. *Flaminiam*. Hanc antiquissimam et celeberrimam viam Cai. Flaminius Censor A. V. DXXXIII. Roma per Etruriam Arimino tenus perduxit, Augustusque eam munivit. Sueton. in Aug. 30. in quam incidunt, quaque pergunt, qui Mediolano Romam proficiscuntur.

v. 398. *Fallax o quoties pulvis* cet. cf. XXIV. 3 sqq. XXVI. 455 sq. Martial. X. 6. *amorem suspensum*, turbam, non inter spem et metum fluctuantem, sed auide expectantem ducis studio et caritate.

v. 401. *Flore viae*. Vias floribus spargere solemne fuit ad studium et amorem significandum in eum, cuius aduentus expectabatur. Quin in ipsum, qui virtute sua civium studia in se prouoca-

verat, quum aduenisset, flores spargebantur. Ovid. Trist. IV. 2. 50. Herodian. I. 7. 11. cf. Freinshem. et Duck. ad Florum II. 7. 14. Lips. ad Tacit. Annal. XIV. 61. *superes quum Pincia culmina Consul*. Barth. Heins. Burm. Gesner. *superes quum Pythia limina Consul*. Burmannus sub *Pythia limina* putat intelligi Apollinis templum, ubi Augustus separatim habere solebat. *Superes quum limina P.* secundum illum virum doctum est: quum templum Apollinis ingrediaris. Hoc autem cum antecedentibus coniungi vix potest. Quid? tum demum spectabunt matres, tum demum spargentur flores, quando limen templi Apollinis superet is, de cuius ingressu in urbem ne verbum quidem dixerit poeta? Hoc mihi persuadere non possum. Gesnerus, qui *Pythia culmina* legit, intelligit simpliciter triumphum, honorem laureae, statuitque, indicare velle poetam, Stilichoni urbem ingredienti habitum iri omnes honores triumphales, quum hic illius ingressus triumpho quo-

**Arduus, antiqui species Romana Senatus.
Pompeiana dabunt quantos proscenia plausus!**

vis sit potior. Sed vix fide-
culis adhibitis huiusmodi
sententiam ex illis verbis ex-
torquebis. Genuinam puto
lectionem, quam primus Va-
ticannus suppeditat *Pincia
culmina*. Mons Pincius, seu
collis hortulorum, ab hortis
Sallustianis sic dictus, in
sexta vrbis regione erat situs,
iuxta eum, aut supra, via
Flaminia tendebat ad por-
tam triumphalem. Stilichoni
igitur via Flaminia urbem
ingredienti *Pincia culmina*
erant superanda, matres vr-
bem ingressum spectabant,
viaeque ante eum floribus
spargebantur. Sic, vt opi-
nor, omnia bene cohaerent.
A *Pincia* facilis erat aberratio
ad *Phicia*, inde ad *Phi-
tia*, et inde a correctoris
cuiusdam manu videtur esse
Pythia ortum, quae omnes
aberrationes in Mss. Heinii
inueniuntur.

v. 401. *Arduus* interpre-
tor: altus, conspicuus, dum
collem illum superes. Ovid.
Met. II. 306. Aliter Gesnerus
illud explicat, et quidem
rationi, quam inuit, accom-
modate. *antiqui species Ro-
mana senatus*. Vix puto
haec sana esse. Poeta vide-
tur epitheta permutasse, vul-
garior enim ratio foret: *spe-
cies antiqua Romani sena-
tus*. *Romana* Barthius ex-
ponit: Roma digna. Forſan

scripsit: *species germana*.
Sensus videtur esse: Stili-
chonem urbem ingredien-
tem imaginem retulisse anti-
qui senatoris aut antiqui
consulis. De antiqua senatus
dignitate notum est illud
dictum Cineae, ὡς ἡ σύγκλη-
τος αὐτῷ βασιλέων πολλῶν
συνέδριον φανείη. Plutarch.
in Pyrrho c. 19. T. III. ed.
Hutt.

v. 403. *Pompeiana proscenia*.
Theatrum ex lapide
quadrato Pompeius a bello
Mithridatico reuerſus Ro-
mae exſtruxit. Plutarch. in
Pompei. c. 40. T. IV. ed.
Hutt. Lips. ad Tacit. Annal.
XIV. 20. Hoc incendio hau-
ſtum ſub Tiberio ab eodem
Imperatore refici coeptum,
a Caligula abſolutum eſt.
Tacit. Ann. III. 72. Sueton.
Calig. 21. Iterum conflagra-
tum Claudius reſtituit. Sue-
ton. Claud. 21. Tanta erat
magnitudine, vt quadrin-
genta ſpectatorum millia ca-
peret. Antiquarii quidam
octingenta millia memorant.
Forſan oculis nimis feſti-
nantibus Scauri theatrum
cum Pompeiano confuderunt
apud Plin. H. N. XXXVI.
ſect. 24. 7. *proscenia*, lo-
cus proprie in theatro eſt,
vbi actores fabulas agebant.
Equidem puto, *Pompeiana
proscenia* omnino poſita eſſe
pro theatro Pompeiano. Geſ-

Ad coelum quoties vallis tibi Murcia ducet
 Nomen, Aventino Pallanteoque recessu! 405
 Nunc te conspiciam castris, permitte, relictis,
 Mox et cum genero trabeis visura secundis.

Haec dum Roma refert, iam Fama loquacibus alis
 Peruolat Oceanum, linguis et mille citatos

nerus forum Pompeianum et
 porticus circumpositas intel-
 ligit, de quibus Propert. II.
 23. 46 sq. *Scilicet umbrosis
 sordet Pompeia columnis
 Porticus aulaeis nobilis At-
 talicis.*

v. 404. *vallis Murtia*, a
 Veneris Murtiae, quod ibi
 erat, templo sic dicta et
 inter Aventinum et Palati-
 num montes in XI. urbis re-
 gione sita. Intelligitur autem
 Circus maximus, qui in hac
 valle erat. cf. Varron. de
 L. L. IV. p. 42 sq. ed. Bip.
 ibi interpp. Bulenger. de Cir-
 cens. c. 2. Compares XXIV.
 195 sqq. *ad coelum ducet*
 elegantius Burmanno vide-
 tur, quam ut a librario pro-
 ficisci potuerit. Alii Mss. *tol-
 let*. Iuvenal. I. 38. *in coelum
 euehit*.

v. 405. *recessu*. Hoc situs
 illius vallis seu Circi maximi
 designatur, pro: in recessu
 Aventini et Palatini montis.
 Sed elegantius mihi videtur
recussum, quod inuenit Hein-
 sius in primo Vatic. a manu
 secunda. Ceterum sensus est:
 quantis plaussibus excipieris
 in theatro et circo. Compa-
 rant Horat. od. I. 20. 3 sqq.
 Rutil. Itiner. I. 201 sqq.

v. 407. *genero*, Honorio.
trabeis secundis. pro: ite-
 rum consulem.

v. 408 sqq. Fama de Stili-
 chonis consulatu perunlgata
 omnes procere vndique fe-
 stinant, ut pompam consu-
 larem frequentia sua conce-
 lebrent. In omnibus Mss. le-
 gitur *loquacibus alis*. Re-
 spexisse dici potest Noster
 Stat. Theb. III. 428 sq. ubi
 de Fama: *trepidas denso
 cum murmure plumas Excu-
 tit*. cf. Virgil. Aen. IV. 181 sqq.
 qui tot linguas ora et aures
 Famae tribuit, quot plumas
 habet. Heinsius, cui displi-
 cet *loquacibus alis*, coniicit:
loquacibus ales, iungitque
loquacibus cum linguis, in
 quo tamen nihil elegantiae
 se videre Burmannus fate-
 tur, quum contra, *alas lo-
 quaces* dici, ut aliae res in-
 animatae, vere poeticum sit.
 Laudat interpp. ad Petron.
 120. et Virgil. Eclog. VIII. 22.
 Retinui *alis*, quum quia
 Mss. in eo consentiunt, tum
 quia audacia haec ab inge-
 nio Claudiani non abhorret.
 Videtur explicandi causa ad-
 iecisse *linguis mille*. Hein-
 sii coniecturam secutus est Ges-
 nerus.

Festinare iubet procures, nullique senectus, 410
 Non iter, hibernis obstant nec flatibus Alpes.
 Vincit amor meriti pridem, clarique vetustis
 Fascibus ad socii properant et vindicis annum.
 Sic vbi fecunda reparauit morte iuuentam,
 Et patrios idem cineres, collectaque portat 415
 Vnguibus ossa piis, Nilique ad litora tendens
 Vnicus extremo Phoenix procedit ab Euro,
 Conueniunt aquilae, cunctaeque ex orbe volucres,
 Vt Solis mirentur auem. Procul ignea lucet
 Ales, odorati redolent cui cinnama busti. 420
 Nec minor in coelo chorus est, exsultat vterque
 Theudosius, Divique tui. Sol ipse quadrigis
 Vere coronatis dignum tibi praeparat annum.

v. 410. *procures* v. n. ad XVI. 1.

v. 412. *meriti pridem*. Heinl. conl. *Vincit amor pridem emeriti clarique vetustis Fascibus ad socii properant et consulis annum*. Et haec coniectura mihi vehementer placet, sed *et vindicis* retinendum puto. Si vulgatam retines, *meriti pridem* ad Stilichonem spectat, hoc sensu: vincit anior eius, qui iam pridem consulatum meruit.

v. 414 sqq. Nostrum imitatus est Coripp. in laud. Iust. I. 348 sqq. De Phoenice aue locus classicus est Herodot. II. 73. Plura dabimus infra ad XLIV. *fecunda morte*. Ex cinere enim concrematae veteris auis prodit noua, quae eadem est sed viribus tantum renouatis. Inde explicari potest *reparauit iuuentam*.

v. 416. *tendens*, sc. iter. Recte recepit Heinsius pro *tandem*. cf. XXIV. 138. X. 179. XLIV. 74. Valer. Flacc. I. 717.

v. 417. *unicus*, nullos habet similes.

v. 419. *Solis auem*. v. n. ad XLIV. 18. *ignea*. Herodot. I. c. τὰ μὲν αὐτοῦ χρυσόνομα τῶν πατρῶν, τὰ δὲ ἐρυθρὰ.

v. 420. *odorati redolent cui cinnama busti*. Iuuenis Phoenix adhuc redolet ro- gum ex cinnamo patris, e cuius cineribus ipse prodit. De Cinnamo v. n. ad Pers. VI. 36.

v. 421. *chorus*, laetitia, gratulatio.

v. 422. *tui*, qui tibi fa- vent. *Sol ipse*. cf. Tibull. IV. 1. 121 sqq.

v. 423. *Vere*, floribus. Martial. IX. 14. 2.

Est ignota procul, nostraeque imperuia menti,
 Vix adeunda Deis, annorum squalida mater, 425
 Immensi spelunca aeui, quae tempora vasto
 Suppeditat reuocatque sinu. Complectitur antrum,
 Omnia qui placido consumit numine, serpens,
 Perpetuumque viret squamis, caudamque reducto
 Ore vorat, tacito relegens exordia lapsu. 430

v. 424 sqq. Sol pergit ad antrum temporis, quod omnia saecula futura complectitur, vt inde annum eligat, qui Stilichonis nomine dignissimus sit. Tota imago huius antri, quam Noster adumbravit, ex Graecis et Aegyptiacis phantasmatibus conflata esse videtur, ita tamen, vt statim sentias, artificem pertinere ad ea tempora, quibus antiqua simplicitas in rebus huiusmodi inueniendis et ad rationem allegoricam reuocandis iam diu cesserat nimio in captandis similibus studio et picturarum amori splendidis potius quam naturalibus coloribus descriptarum. *imperuia* cf. n. ad VII. 53. *nostrae menti*. Quid? tam procul, vt spatium interiectum ne mente quidem percurrere possimus? An forsitan *genti* legendum, vt *nostrae genti* i. e. hominibus, opponatur *diis*. Sic *impia gens* pro hominum genere impio occurrit apud Virgil. Georg. II. 537.

v. 425. *mater* ipsa spelunca est, in cuius sinu anni nascuntur. *squalida* de tenebris accipio, quae in spe-

lunca regnant. Sil. Italic. I. 83. *squalentes umbrae taxi et piceae*.

v. 426. *Immensi*, quandoquidem principio caret et fine.

v. 427. *Suppeditat reuocatque*. Exeunt nempe ex illo sinu tempora et redeunt.

v. 428. *serpens*. Notissimum *αἰώνος* symbolum et Aegyptiacae originis. cf. Serv. ad Virgil. Aen. V. 85. Phoenicum esse inuentum, ait Macrobius. Saturn. I. 9. *placido numine consumit*. De tempore quidem hoc bene dici potest, quod paulatim sentimque, sine vi adhibita, minuuntur, quae senectute intereunt, verum ad serpentem vix commode Noster id transtulit, quum caudam suam mordicus semper teneat, eumque corporis habitum numquam mutet.

v. 430. *tacito relegens exordia lapsu*. Serpens ille, caudam suam in ore tenens, circumfert se ita, vt habitum illum corporis non mutet, et quidem *tacito lapsu* seu motu, sine strepitu vlllo. Hac quidem imagine ad sensus reuocari solet tempus

Vestibuli custos vultu longaeua decoro
 Ante fores Natura sedet, cunctisque volantes
 Dependent membris animae. Mansura verendus
 Scribit iura senex, numeros qui diuidit astris,

sen praecipue partes eius
 continuae et in orbem sine
 sine redeuntes pingi solent.
 Sed hoc loco illa imago par-
 tem constituit allegoricae
 imaginis per se quidem per-
 spicnam, sed ita cum toto
 copulatam, vt si plane ab-
 esset, nihil magnopere desi-
 derares. Induxit autem No-
 ster serpentem antrum illud
 spiris complectentem, vt
 proprietatem temporis aut
 annorum, quae antro conti-
 nentur, indicaret, perpe-
 tuitatem et continuitatem.

v. 431. 2. *vestibuli custos*
 — *Natura*. Naturam eam,
 quam scholastici *naturantem*
 vocabant, h. l. intelligi, pa-
 tet ex v. 442, vbi *potens*,
 aut, vt alii legunt, *parens*
 vocatur. Illam facit antri
 custodem, quae tempora
 emittat et recipiat, sub ea-
 que forsan intellexit vim
 omnia producentem, ea prae-
 sertim, quorum ope tempo-
 rum partes designantur et
 describuntur. Illa autem vis
 non pro arbitrio agit, sed
 ad leges, quas praescripsit
senex, cuius personam fatum
 induisse videtur. *longaeua*
vultu decoro. Ex Naturae
 ratione, quae, quamquam
 longaeua sit, iuuenilem ta-

men vigorem et pulchritu-
 dinem retinet.

v. 432. 3. *cunctisque vo-
 lantes Dependent membris*
animae. Natura illa anima-
 rum est procreatrix, quae si-
 mul cum temporibus ex an-
 tro emissis auolant. *depen-*
dent. Quemadmodum apum
 examina, vt Gesnerus non
 male explicat, quae uvae in-
 star ex arboris ramo depen-
 dent. Laudat Virgil. Georg.
 IV. 558 sq. Designatur itaque
 animarum multitudo.

v. 434. *senex verendus* fa-
 tum est in personam muta-
 tum. *iura mansura* leges
 sunt stabiles et aeternae.
numeros. Burmannus laudat
 Virgil. Georg. I. 137. *Naui-
 tum stellis numeros et no-
 mina fecit*; vbi *numeros*
stellis fecit est: plures stel-
 las sub vno sidere seu signo
 coelesti complexus est, cui
 nomen imposuit. For-
 san idem intellexit Heyne, qui
 versum ita in notis explicat:
 sidera locis suis et nomini-
 bus notari coepere. Verum
 h. l. *numeros* dictum est
 pro: cursus certa temporis
 dimensione peragendos, et
 eadem ratione, qua stellis
 assignatur chorus. v. ad IX.
 16. XVII. 102.

Et cursus stabilesque moras, quibus omnia viuunt 435
 Ac pereunt fixis cum legibus. Ille recenset
 Incertum quid Martis iter, certumque Tonantis
 Proficiat mundo; quid velox semita Lunae,
 Pigraque Saturni; quantum Cytherea sereno
 Curriculo, Phoebique comes Cyllenius, erret. 440

Illius vt magno Sol limine constitit antri,
 Accurrit Natura potens, seniorque superbis

v. 435. 6. *Et cursus stabilesque moras.* His explicatur *τὸ numeros.* *Stabiles morae* pertinent ad planetas, qui nobis eos intuentibus interdum consistere et morari videntur. *Stabiles* ad certum quoque motum et cursum referri Gesnerus notat. v. n. ad XXI. 372. *quibus omnia viuunt Ac pereunt fixis cum legibus.* Planetarum interuallis comparationibus et cursibus omnium rerum, quae apud nos sunt, conseruationem ex astrologorum disciplina adtribuit. cf. Manil. III. 58 sqq. IV. 29 sqq. *fixis cum legibus,* secundum certas leges. *ille, senex.* recenset, obseruat singulas stellas, vt officium suum praestent secundum leges ipsis datas.

v. 437. *Incertum quid Martis iter.* Plin. H. N. II. sect. 15. *in Martis sidere, cuius est maxime inobseruabilis cursus* ex disciplina nempe Ptolemaica (cf. Ricciolum T. I. lib. VII. c. 6. p. 497.) quae epicyclorum ope planetarum cursus studebat explicare, cuius rei difficultas

in Marte maxima deprehendebatur. Barthius ad incertam Martis temperiem haec spectare existimauit. Lucan. I. 658 sqq. X. 206 sqq. Vtrumque sane h. l. coniungendum esse videtur.

v. 439. *sereno,* a luce Veneris serena ductum.

v. 440. *Phoebique comes Cyllenius.* Mercurium (Cyllenium. Virgil. Aen. VIII. 138.) omnium planetarum minimum a sole discedere, nunc quidem pueris notum est.

v. 441. *Illius vt magno cet.* Sol ad antrum accedit, vt inter tempora et annos, quae illo continentur, optimos eligat, reliquosque aureos se sequi ordine iubeat. Non male hoc finxit Noster. Initio enim anni, vt notum est, tunc Romae consulatus inibatur. Sol nouum iter ingressurus in Stilichonis honorem aurea nunc se sequi iubet saecula, quae in eius consulatum distulerat.

v. 442. *Accurrit meliores scriptos legere* Heinsius notauit, quem vide quoque ad Ovid. Fast. II. 372. Burman-

Canitiem inclinat radiis. Tunc sponte reclusos
 Laxavit postes adamas. Penetrabile profundum
 Panditur, et sedes aeuque arcana patefcunt. 445
 Hic habitant vario faciem diftincta metallo
 Secula certa locis: illic glomerantur aena;
 Hic ferrata rigent: illic argentea candent.
 Eximia regione domus, contingere terris
 Difficiles, ftabant rutili, grex aureus, anni; 450
 Quorum praecipuum pretiofo corpore Titan
 Signandum Stilichone legit. Tunc imperat omnes
 Pone fequi; dictisque fimul compellat euntes:
 En, cui diftulimus melioris fecla metalli,
 Conful adefl. Ite optati mortalibus anni. 455
 Ducite virtutes, hominum florefcite rurfus
 Ingeniis, hilares Baccho frugumque feraces.

nus illud recepit. Auctoritas tantorum virorum me impedivit, quominus *occurrit* reftituerem, quod τῷ *natura potens* melius conuenire videtur, pro quo etiam *natura parens* nonnulli habent folemni permutatione. v. Burmann. ad Ovid. Met. X. 352. Lucan. X. 238. *ſeniorque* Gesnerus ad Naturam trahit, ego ad Senem. v. 433 ſeq.

v. 443. *ſuperbis radiis*, Solis.

v. 444. *adamas*. Repagulum ex adamante, ferro, ſponte cedit.

v. 445. *ſedes aeuque arcana*. *aeui* et ad *ſedes* et ad *arcana* pertinet. v. n. ad XXI. 372. i. e. interiores et arcani reſeſſus aeu.

v. 446. *Hic*. Heinf. coni. *his*, vt ad *locis* referatur. *faciem* recte dici, etiamſi de

pluribus agatur, docuit Burmannus ad Sueton. Claud. 34. Lucan. VII. 100.

v. 447. *glomerantur* de multitudine in vnum locum coacta et omnino de turba Valer. Flacc. VI. 187.

v. 449. *Eximia regione domus*. *Regionem domus* pro parte eius poſitum inter rariores locutiones Burmannus refert.

v. 451. *pretiofo corpore* ad aurum pertinet, ex quo erat eius corpus.

v. 452. *Signandum Stilichone*, cui Stilicho conſul nomen imponat. *omnes*, reliquos annos aureos. *imperat ſequi*. Burmannus, qui rariorem conſtructionem putat eſſe, comparat Virgil. Aen. VII. 35 ſq.

v. 456. 7. Burmann. coni. *Ducite virtutes: hominum floreſcite rurfus Ingeniis hi-*

Non inter geminos anguis glaciale Triones
 Sibilet, immodico nec frigore saeuat Vrsa.
 Non toruo fremat igne **Leo**, nec brachia **Cancr**i 460
 Vrat atrox aestas, madidae nec prodigus urnae

lares, Bacchi frugumque feraces, quoniam duo, vinum et fruges, ex solemniquasi formula iungi debeant. Laudat Senec. Hercul. Fur. 697. Flor. I. 16. Ovid. Amor. II. 16. 7. vbi v. Heins. Sed quis vulgatam distinctionem non praeferat? *Ducite virtutes* hoc videtur positum esse pro: producite virtutes, vel vobiscum ducite. *hilar*es Baccho iungenda sunt.

v. 458. 9. *anguis*. De hoc asterismo v. Arat. Phaen. 45 seqq. cf. Ovid. Met. II. 173 seqq. *glaciale sibilet*. A vento septentrionali ductum videtur, quo sibilante seu vehementius flante hiemis tempore aqua congelatur, aut a strepitu glaciis fluuios tegentis septentrionali vento vehementer spirante. *immodico nec frigore saeuat vrsa*. Simili ratione *Triones* vocantur *gelidi* VIII. 429. et *pigri* VII. 205. Voluit nempe hoc poeta, sub Stilichonis consulatu saecula aurea redditura esse, coelique temperiem ab illo inde tempore iustum temperamentum esse habituram, vt neque frigore nimio neque aestu grauiori vratur terra. Causam autem aestus et frigoris a sideribus repetit, vt poetae solent. *Gemini triones* sunt Vrsa maior et minor.

v. 460. 1. *Leo*. v. n. ad I. 25. III. 365. *toruo igne fremat*. Fremere leoni adcommodatum, vt supra *sibilare* angui et *vrse saeuire*. *toruo igne*. Varie tentauit Heinsius haec, modo *tosto ore*, modo *toto igne* vel *torto* coniiciens. Burmannus, cui *toruo igni* durius dictum videtur, mauult *toruo ore*, quum *igne* et *ore* passim confundantur, nisi *leo toruo fremat igne* positum sit pro: *leo toruus fremat igne*. Verum incertum reliquit, vtrum *igne* cum *fremat*, quod saltem non mollius esset, an cum *toruus* sit iungendum. Pedestri sermone dicendum fuisset: ne nimius igne leo sit. Haec ignis abundantia ab ira leonis repetita est. Posuit igitur Noster *fremat* pro: nimius sit, et *toruus* perpetuum fere vultus et oculorum minacium epitheton ad ignem ipsum transtulit. Calpur. Eclog. IV. 168. *iam premit aestas* pro: iam ardentior est. Wernsdorf. ad h. l. putat illud sumtum esse a feris, quae ira et rabie excanduerunt. Heinsius ibi legendum censet: *iam premit aestas*. *nec brachia cancri Vrat atrox aetas*. In cancri signo, vt notum est, sol aestate moratur. Manil. IV.

Semina praerupto dissoluat Aquarius imbre.

Phrixus roseo producat fertile cornu

Ver Aries; pingues nec grandine tundat oliuas

Scorpios; autumnus maturet germina Virgo; 465

Lenior et grauidis allatret Sirius uvis.

Sic fatus, croceis rorantes ignibus hortos

Ingreditur, vallemque suam, quam flammeus ambit

758 seq. *Colit India cancrum: Ardent Aethiopes cancro, cui plurimus ignis. Hoc color ipse docet. aestas pro sole videtur positum in cancri signo versante. madidae nec prodigum urnae.* Aquarium pingunt urnam manu tenentem, liquoremque effundentem.

v. 462. *dissoluat semina* i. e. corrumpat nimio humore, pro hoc posuit *praerupto imbre*, quod Heinshius mutatum vult in *prorupto imbre*, multa exempla, quae usum *pro* prorumpere ostendunt, asserens. v. praeterea Burmann. ad Valer. Flacc. IV. 507. Equidem, si vel Mss. addicerent, *praeruptum* h. l. non mutarem. *Proruptum* notat simpliciter exortum, sed *praeruptum* vehementiam et copiam indicare videtur, quum Aquarius urnam nimis inuertat.

v. 463. *Phrixus aries.* Quod alii de Acheloi taurino cornu, alii de Amaltheae capra narrant (Munk. ad Lactant. Plac. fab. 9. 1. Hygin. fab. 31. Ovid. Met. IX. 2 sqq. Lutat. ad Stat. Theb. IV. 106. interpp. ad Valer. Flacc. I. 41 sqq.) ad cornua

arietis transtulit Noster, roseo cornu fertile ver. Epitheta permutata sunt, ut saepe fit a Nostro. Ovid. Fast. V. 115 sqq. et 127. cornu illud fertile vocatur, et Virgil. Eclog. IX. 40. ver vocat purpureum.

v. 465. *Scorpios.* v. Heinsh. et Burmann. ad Ovid. Met. II. 196. *Virgo.* Arat. Phaenomen. 96 sqq.

v. 466. *Lenior adlatret* pro: parcat. Manil. V. 206 sqq. *Quum vero in vastos surgit Nemeeus hiatus, Exoriturque canis, latratque canicula flammans Et rabit igne suo, geminatque incendia solis.* cet. cf. Stat. Silv. I. 3. 5.

v. 467. *croceis rorantes ignibus hortos.* Mss. alii floribus, alii finibus. Heinshius coni. *croceis halantes floribus hortos* v. eum ad Ovid. Met. VIII. 675; aemulationemque putat esse Virgilianam. Georg. IV. 109. Burmannus ignibus non tentandum censet, v. eum ad Ovid. Fast. V. 363. sed pro *rorantes* mavult *rutilantes*, ut l. c. III. 403. Verum et *rorantes* bene se habet, est enim *rorantes hortos* posi-

Riuus, et irriguis largum iubar ingerit herbis,
 Quas Solis pascuntur equi. Fragrantibus inde 470
 Caesariem fertis, et lutea lora iubasque
 Subligat alipedum. Gelidas hinc Lucifer ornat,
 Hinc Aurora comas, iuxtaque arridet habenis!
 Aureus, et nomen praetendit Consulis, Annus;
 Inque novos iterum reuoluto cardine cursus 475
 Scribunt aethereis Stilichonem sidera fastis.

tum pro: hortos rore conspersos Virgil. Aen. VIII. 645. *croceis ignibus*, rore, seu guttulis, roseum ignem repercutientibus, ut primo mane esse solet. A primo mane autem haec ad hortos solis translata sunt, ubi equi eius pascuntur, et ubi ipse iter diurnum parat. Gesnerus *rorantes* explicat: modicum, subfrigidum et bene olentem humorem spirant *ignibus croceis* i.e. floribus. *Ignes* enim saepe vocari *sidera*, et *terrestria sidera* pro floribus posuisse Columell. X. 96.

v. 469. *iubar*, radios. *ingerit*. *Ingeri* de hastis saepe dicitur Virgil. Aen. IX. 763. XII, 330. quod bene transfertur h. l. ad radios. Sensus: larga luce collustrant.

v. 471. *lutea*. Bene observat Burmannus, hic omnia igneo colore debere adparere. *caesariem*, comas.

v. 472. 3. *gelidas comas*. Burmannus ait: non a rore, sed quia mari emergere fingitur sol. Sed quidni *gelidas* de frigore matutino in-

telligas, quod sole oriente semper fere sentimus? Barthius dicit, Nostrum h. l. Luciferum et Auroram commentes solis caesariem induxisse. Equidem puto, illum nihil aliud voluisse, quam Luciferum et Auroram se comisse ad iter iamiam ingrediendum, non Solem ab illis esse comtum. Quum autem initio anni consules munus suum adirent, atque h. l. sermo sit de primo noui anni die: bene finxit poeta nouum annum currui Solis adstantem, studiisque Solis et Luciferi et Aurorae, a quibus mox producendus esset, adridentem.

v. 474. *nomen praetendit*. Inscriptus erat consulis nomine.

v. 475. 6. Sententia haec est: *siderum constellationes* futuros consulatus Stilichoni portendunt. *in novos cursus* i. e. in novos annos. *reuoluto cardine*, hoc anno elapso. Male Gesnerus: Hoc nomen velut formatis in literarum figuram sideribus coelo atque aeternitati inscribitur.

